


Kitabu ka Kanu



Portions of the Holy Bible in the Baga Sitemu language of
Guinea

Kitabu ka Kanu
Portions of the Holy Bible in the Baga Sitemu language of
Guinea
Des portions de la Sainte Bible dans la langue Baga Sitemu de
Guinée

copyright © 2015 Pioneer Bible Translators

Language: Baga Sitemu

Translation by: Traducteurs Pionniers de la Bible

Contributor: Pioneer Bible Translators

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-29

PDF generated using Haiola and XeLaTeX on 29 Apr 2025 from source files dated 29 Apr 2025
e5320012-5c6f-534d-9205-97d787f9a95c

Contents

Dəkəcop 1
Kəwur 72
ALewy 135
Kələm 181
Sariye 241
Yosuwe 295
Rut 328
Matiye 334
Kəbaru Kətət ka Mark 389
Luk 421
Yəbəc ya Asom a Yesu 478
Areka nηε Sak ενacicəs mο 528
1Isaη 534
2 Isaη 540
3 Isaη 542

Tawureta Musa, Buk 1: Dækacop da Doru

Moloku ma kəsəkəs buk ba Musa bəcəkə-cəkə: Dækacop

Buk bəcəkə-cəkə ba Musa mbə aŋwe «Dækacop» mə buk ba kədəm kəkur ka Kitabu ka Kanu bə. CəHebərə yati c'ancicəs bi «Dækacop». Buk mbə bementər nde mes fəp meyefe mə, nte Kanu kə afum ŋanacop kəsumpər mes mə. Acicəs ŋayə məkə moloku melarəm ma afum aŋe ŋanacicəs buk ba Dækacop mə, kə tēm nte anacicəs buk babəkə mə. Aloma ŋancəm-cəmne a tələma yecicəs yokur yolonka nde Babilon yə, kəyefe ka meren masar camət-tin (600) haŋ kəbəp masar kəcamət (500) ta antakom Yesu-ε. Aloma sə ŋawosə kəlan kəkur, a Musa ecicəs səbuk sarjse kəcamət: Dækacop da Doru, Kəwur Dacar, ALewy Aloŋne, Kələm ka aYisrayel kə Sariye Səgbəkəre kəyefe meren wul win masar maŋkələ (1.400) kəbəp ka meren wul win masar maas (1.300) ta antakom Yesu-ε.

Buk ba Dækacop bəntəmpər moloku metəkse mme məyə dəkəcəme dərən mə, mme meŋmar kəlonkanə kə alaŋ a Yesu Krist kəcərə kə melpəs ma Kitabu ka Kanu: Kədəm kəkur kə Kəfu mə. Buk bambə bəmentər nte kəciya kəmbərə doru mə, kə kəfaŋ ka afum kəsətə ka wəyac. Tatəkə tementər sə dərə da Kanu kəyac ka afum. Antam kənəŋk tatəkə kədəŋk kəkəkə-cəkə teta Yesu (Dækacop 3.15) kə Kanu kənderəm kəsəŋ Abraham kəpoce ka afum a doru fəp pətət (Dækacop 12.3).

Teyer ta Moloku ma Buk Bambə

1-2, Alokū təkə Kanu kənalompəs doru, Adama kə Awa mə.

3-5, Alokū teta Adama kə Awa, kəciya kəŋan kə yuruya yaŋan.

6-9, Alokū teta Nuha kə kutup kəpəŋ.

10-11, Asəkəs təkə tənacepər tēm ta Nuha kə Abraham dacə mə, kələkenə teta kələ kəŋeci ka Babel.

12-50, Alokū teta Abraham, kələ kən disre, kə tocop ta afum aka Yisrayel:

12-25, Alokū teyi ta Abraham kə wəran kən Sara.

21-28, Alokū teta Siyaka kə wəran kən Rebeka,

35, Alokū teta defi da Siyaka.

25-50, Alokū teta Yakuba, awut ən kə kəcepe kəŋan Kanaŋ nde Misira.

37-50, Alokū teta Isifu wan nwe Yakuba enanankanə kəbətər mə, kə təkə Isifu enader pəyənə wəbe Misira mə.

Dækacop da Doru

Dækacop da Doru

1-11

Kə Kanu kəlompəs doru kə afum

¹ Dækacop, kə Kanu kəwure kəm k'antəf.

² Tēm tatəkə antəf ŋenayə fe teyi, kubump kənayi kəba kəron. Mba Amera ŋa Kanu ŋenayi sə domun kəron ŋocbum ŋi.

³ Kə Kanu kələku: «Pəwanəkəra peyi!» Kə pəwanəkəra peyi.

⁴ Kə Kanu kənəŋk a pəwanəkəra pentese. Kə Kanu kəŋgbey pəwanəkəra kə kubump.

⁵ Kə Kanu kəwe pəwanəkəra «dəsək», kə kəwe kubump «pibi.» Kə dəfəy deyi, kə bətbət beyi, kə təyənə dəsək dəcəkə-cəkə.

6 Kɔ Kanu kəloku sɔ: «Pəkuyme peyi, nte tɔɲsɔɲe domun deyersene mə!»

7 Kɔ Kanu kəyɔ kɔ pəkuyme peyi kɔ pɛɲgbey domun d'antɔf kɔ dakəron, kɔ teyi tatəko.

8 Kɔ Kanu kəwe pəkuyme mpe «kəm.» Kɔ dɔfɔy deyi kɔ bətbət beyi, kɔ tɔyɔne dəsək da mɛrɛɲ.

9 Kɔ Kanu kəloku: «Domun ndɛ deyi kəm tantɔf mə, dolonkanɛ tofo tin, pəwosu peyi, powur, peyi takəron!» Kɔ teyi tatəko.

10 Kɔ Kanu kəwe tofo towosu «antɔf,» kɔ kəwe mofɔ mme mɛla domun mə «caba.» Kɔ Kanu kənəɲk a tentese tatəko.

11 Kɔ Kanu kəloku sɔ: «Antɔf ɲɔpɔɲ pubuk, yika ɲa defet, kɔ tək yokom nye yende yokom antɔf kəron taciɲa mə! Yɔyɔ sɔ defet da yi!» Kɔ teyi tatəko.

12 K'antɔf ɲɔmpɔɲ pəbuk, kɔ yika yɔyɔ defet, kɔ tək yokom yɔyɔ defet da yi. Kɔ Kanu kənəɲk sɔ a tentese.

13 Kɔ dɔfɔy deyi kɔ bətbət beyi, kɔ tɔyɔne dəsək da maas.

14 Kɔ Kanu kəloku sɔ: «Yomotər-motər peyi dəpəkuyeme, nte tɔɲsɔɲe dəsək deɲgbeyene kɔ pibi mə! Kɔ tɔyɔne meɲbekəre ma tem*, dəsək kɔ meren.

15 Yɔyɔne yomotər-motər ya pəkuyme nye yende yɔcsɔɲ antɔf pəwanɲkəra mə!» Kɔ teyi tatəko.

16 Kɔ Kanu kəwure yomotər-motər mɛrɛɲ kɔ kəndet yi. Pomot pɔpɔɲ petasərne dəsək, kɔ pomot pɛfɛt petasərne pibi. Kɔ Kanu kəwure cəs kɔ kəndet.

17 Kɔ Kanu kəndet yomotər-motər nye dəkɔm yɔcsɔɲ antɔf pəwanɲkəra.

18 Pomot pɔpɔɲ petasərne dəsək, pomot pɛfɛt kɔ cəs yetasərne pibi, tɔsɔɲe pəwanɲkəra pɛgbeyene kɔ kubump. Kɔ Kanu kənəɲk a tentese.

19 Kɔ dɔfɔy deyi, kɔ bətbət beyi, kɔ tɔyɔne dəsək da maɲkələ.

20 Kɔ Kanu kəloku sɔ: «Yeɲesəm ya dəkəba yeɲsep dəromun. Bɛmp yeɲfelər-felər kəm tantɔf!»

21 Kɔ Kanu kəwure sɛm yɔpɔɲ ya dəromun dokom dokom, kɔ yeɲɛrɛɲ-ɲɛrɛɲ ya dəromun, kɔ domun doncop kəsɛp. Kɔ Kanu kəwure sɔ bɛmp dokom dokom. Kɔ Kanu kənəɲk a tentese.

22 Kɔ Kanu kəmpocɛ yi pətɔ†, kɔ kəloku: «Nəyɔne akombəra, nəla, nəlas domun da dəkəba, kɔ bɛmp, yɛla antɔf kəron!»

23 Kɔ dɔfɔy deyi kɔ bətbət beyi, kɔ tɔyɔne dəsək da kəcəmət.

24 Kɔ Kanu kəloku sɔ: «Antɔf ɲɔyɔ yeɲesəm dokom dokom, sɛm yɔcɔl, yeliɲɛ-liɲɛ, kɔ sɛm ya dəkulum, fəp fa yi kɔ dokom da yi!» Kɔ teyi tatəko.

25 Kɔ Kanu kəwure sɛm ya dəkulum dokom dokom, yɔcɔl dokom dokom kɔ yeliɲɛ-liɲɛ fəp dokom dokom. Kɔ Kanu kənəɲk a tentese.

26 Kɔ Kanu kəloku: «Awa, palompəs fum teyi tosu, wəwurene kosu, nwe endetasərne lop ya dəkəba, bɛmp ya darenc, yɔcɔl kɔ yeliɲɛ-liɲɛ ya dəntɔf fəp mə!»

27 Kɔ Kanu kəsɛl afum

nte tɔɲsɔɲe ɲawurene kɔ nkən mə,
kɔ kəsɛl ɲa ɲawurene kɔ nkən Kanu yati.
Kɔ kəsɛl ɲa wərkun kɔ wəran.

28 Kɔ Kanu kəmpocɛ ɲa pətɔ, kɔ kəloku: «Nəyɔne akombəra, nəla, nəlas antɔf, nəboc antɔf tɛfɔɲ tonu! Nətasərne lop ya dəkəba, bɛmp nye yeɲfelər darenc mə, sɛm kɔ yeliɲɛ-liɲɛ ya dəntɔf fəp.»

29 Kɔ Kanu kəloku: «Isɔɲ nu yika nye yɔyɔ defet dakayi mə, kɔ yokom ya tək. Yɔyɔne nu yeri.

* 1:14 Tem (ta teren): mɔlofe, derɛɲ, lɛɲk, katɛla, kətən. † 1:22 Kəpocɛ pətɔt = «kəsɔɲ yi baraka».

30 Sem ya dantof, bemp ya darenc, yefelər-felər ya darenc, kə yeliŋe-liŋe ya dantof, ca fəp nyε yenēsəm mə, isəŋ yi dəmne yika yobuk yoyōne yi yeri.» Kə teyi sə tatəko.

31 Kə Kanu kənəŋk a mes məko enayə mə fəp, mətət dəm mənayi. Kə dəfəy deyī kə bətbət beyi, kə tōyōne dəsək da camət-tin.

2

1 Dəsək da camət-tin dadəko, di d'anələpəs kəm kə antof, kə ca yəko yeyi yi disre mə.

2 Tataka ta camət-mērəŋ, kə yolompəs ya Kanu fəp yelip, k'esak, k'enēsəm tataka ta camət-mērəŋ ta yebəc yən.

3 Kə Kanu kəsəŋ tataka ta camət-mērəŋ pələli. K'eleləs pi, bawo dəsək dadəko də Kanu kəsək yebəc ya kələmpəs yəko enayi mə.

4 Dəkəyefe da kəm k'antof də dadəko, nte awure yi mə.

Dale da Eden

Nte MARIKI Kanu * owure antof kə kəm mə,

5 ali tətək pa dale pin pənayi fe antof kəroŋ, ali ayika ŋa dale ŋin ŋenapən fe tēm tatəko. Bawo MARIKI Kanu enatorε fe wəcafən dantof, fum enayi fe sə, nwe embəc antof mə.

6 Mba kifir kəncpε dantof, nke kəncdəməs antof fəp mə.

7 Kə MARIKI Kanu esele fum kəbof ka dantof. Kə Kanu kəfurup kə dololəm kifir ka kəyine doru, kə fum oyōne paka penēsəm.

8 Kə MARIKI Kanu əmbəf tək yokom nde dale da Eden, kəca nke dec dəmpε mə, k'emberse di fum nwe enasel mə.

9 Kə MARIKI Kanu əsəŋε kə tək yokom yəbət kədi yomponəs-pənəs fəp, kələkene kətək ka kəyine wəyən katina nke kənacəme nde dale daco mə, kə kətək ka kəcərəne pətət kə pələc.

10 Kə kəŋgbəko kəwur Eden, nke kəncdəməs dale mə. Kə kəŋgbəko kəŋkə kəŋkə kəyerəne dale disre waca maŋkəle.

11 Kəca kəcəkə-cəkə k'ancwe «Pisəŋ», ki kənəŋkər atəf ŋa Hawila fəp, nde kema kəyi mə.

12 Nde ambəp kema kəsoku pes mə, tək yobotu ambənc,† kə masar mətət meyim seŋ‡.

13 Kəca ka mērəŋ k'anŋwe «Kihəŋ», ki kənəŋkər atəf ŋa Kus,§

14 K'anŋwe kəŋgbəko ka maas «Tikər»*, ki kəcəpər kəca nke dec dəmpε dare da Asur mə. Kəŋgbəko ka maŋkəle kəyōne «Efərat.»

15 Kə MARIKI Kanu elek fum, k'emberse kə dale da Eden disre, a pəcbəfət ca, pəcbumene sə di.

16 Kə MARIKI Kanu entij-tij fum: «Məntam kədi yeri ya dale dandε fəp.

17 Mba ta mədi pokom pa kətək ka kəcərəne pətət kə pələc de! Bawo dəsək nde mändedi pokom pa ki mə, məŋfi!»

18 Kə MARIKI Kanu oloku: «Pəmar fe wərkun pəyi sona! Indelompəs wəmarəs kən, nte təŋsəŋε ŋayi mērəŋ mə.»

19 Kə MARIKI Kanu eŋkerε sem ya dale kə bemp ya darenc nyε enawure dantof mə, pədəməmən nte fum ende pəcwe yi mə. Nte təŋsəŋε yowure yən fəp yoyə mewe mme fum ende pəcwe yi mə.

* 2:4 MARIKI = Tewe ta Kanu caHəbərə «YHWH» təyōne «lyōne» kə pəyōne fe ti-e, «Indeyōne.» † 2:12 Labunde docuca kənəŋk, di d'anŋwe «bədeliyəm.» ‡ 2:12 Masar mətət mme anŋwe «onəkəs» mə.

§ 2:13 Dif'anŋwe məko «Ecopi» kə «Sudanŋ.» * 2:14 Tikər = Kəŋgbəko kəpəŋ ka təf ya Asi: LaTurky, Siri, kə Irak.

²⁰ Kò fum ɔsɔŋ sɛm yɔcɔl fəp mewe, kò bɛmp ya darenc kò fum ɔsɔŋ sɔ sɛm ya dækulum fəp mewe. Mba ntɛ tɔyɔnɛ ta fum mɔ, ɔsɔtɔ fɛ nwe endetam kæcmar kò mɔ.

²¹ Kò MARIKI Kanu ɔsɔŋ wərkun mere mɔpɔŋ, k'endire. Kò Kanu kəwure wərkun kəbɛnt kəkəsək ka dɛbəkɛc. Kò kəluksərne sɔ, kò kəntaməs dənda.

²² Kò MARIKI Kanu olompse wəran kəbɛnt kəkəsək nkɛ ɛnawure wərkun mɔ, k'ɛŋkɛnɛ wərkun wəran nwe.

²³ Kò wərkun ɔŋkule: «Apyo!»

«Wəkawɛ,
kəbɛnt ka bɛnt yem,
tɛsɛm ta sɛm yem.»

Wəkawɛ andewe «wəran» wənɛncɛnɛ ka wərkun,
bawo nnɔ dis dem d'awure kò.

²⁴ Ti tɔsɔŋɛ ntɛ wərkun ɛɲsake kas kò kɛrɛ pəsɛktərne kò wəran kɔn mɔ. Nəkafələ ɲayɔnɛ tɛsɛm tin.

²⁵ Wərkun kò wəran mɛrɔŋ maŋan fəp kəsəkər kò ɲanayi, ta ɲaŋlapərənɛ-ɛ.

*Kiciya kəkəkɔ-cəkɔ: Wərkun kò wəran kəbɛləs kəŋan ndɛ dale da Eden
3.1-24*

3

Wərkun kò wəran: Kəbɛləs kəŋan ndɛ dale da Eden

¹ Abok ɲɛnacərəɛ mes ɲɛtas sɛm ya dale fəp nyɛ MARIKI Kanu ɛnawure mɔ. K'abok ɲeyif wəran: «Kanu kəlɔku nu ti yati a ta nɛdi yokom ya tək ya dale dandɛ ba?»

² Kò wəran oloku abok: «Səndi yokom ya tək ya dale dandɛ yati.

³ Mba kətək nkɛ kəyi dale daco mɔ, Kanu kəlɔku: «Ta nɛdi yokom ya ki, ta nəŋbuɲɛnɛ ɲaŋ ki! Kò nəyɔ ti-ɛ, nəŋfi.»

⁴ K'abok ɲoloku wəran: «Nəfɔfi!

⁵ Bawo Kanu kəncərəɛ, a dəsək ndɛ nəndi yi mɔ, fər yonu yɛŋmɛpɛ, nəyi pəmɔ Kanu nkɛ kəncərəɛ pətət kò pələc mɔ.»

⁶ Kò wəran ɛnəŋk a pokom pa kətək pəmbɔt kədi, pəmbɔt kəməmən, pɛntam kəsəŋ kəcərə pətət kò pələc. Kò wəran ɔŋgbotu pokom k'endi. K'ɔsɔŋ wos wəkɔ ɲanasol mɔ, kò wəkako sɔ endi.

⁷ Kò ɲamɛpɛ fər, kò ɲancərənɛ a kəsəkər kò ɲawur. Kò ɲaŋgbotu bɔpər, kò ɲasət maŋkara kò ɲambɛrɛ mi.

⁸ Dec dərɔfɔy, ntɛ tɛfɛf towur mɔ, wərkun kò wəran ɲanɛ dim da MARIKI Kanu, nwe ɔncəkɔtəs mɔ. Wərkun kò wəran kò ɲaŋkɔ ɲagbɔpɛnɛ ɲabələ MARIKI Kanu fər kirin, tək ya dale dadəkɔ daco.

⁹ Kò MARIKI Kanu ɛwɛ wərkun ɛyif kò: «Deke məyi-ɛ?»

¹⁰ Kò wərkun oloku Kanu: «Dim d'in'am dale disrɛ, k'inesɛ, bawo iwur kəsəkər, ti t'ɲgbɔpɛnɛ.»

¹¹ Kò MARIKI ɛyif kò sɔ: «Anɔ'mɛntər əm a kəsəkər kò məwur-ɛ? Cɛpɔ məndi pokom pa kətək kəŋkɔ inamən'am mɔ ba?»

¹² Kò wərkun oloku: «Wəran nwe məsɔŋ im mɔ, nkɔn ɔsɔŋ im pi k'ina sɔ indi.»

¹³ Kò MARIKI Kanu ɛyif wəran: «Ta ake tɔ məyɔnɛ tantɛ-ɛ?»

Kò wəran oloku Kanu: «Abok ɲɛtɲkər im, k'indi pokom pampɛ.»

¹⁴ Kò MARIKI Kanu oloku abok:

«Bawo məsɔŋɛ wəran kəciya,
kəsəŋ əm kəndɛr pələc sɛm yɔcɔl,

kɔ sɛm ya dop fəp dacɔ.
 Kor kɔ mənɔde məclɪnɛnɛ,
 məcdi kəbof mataka ma kiyi kam doru fəp.
 15 Kəbɛrəs əm k'inder dacɔ kɔ wəran,
 kəyɛfɛ nəna haŋ awut a wəran
 kəbəp awut a mənə, abok!
 Wəran ende pəcpətək əm domp,
 mənə abok, məcɪŋaj kɔ dəmne atek.»

16 Kɔ Kanu kəloku wəran:

«Indeyɔ kəbəkəs kam kəccu'm.
 Pəcuca pɔ mənɔde məckom.
 Mɛfaŋ mam mənɔdekɔ nda wos əm.
 Mba endetasərn'am.»

17 Kɔ Kanu kəloku wərkun:

«Bawo mənɔcəŋkəl dim da wəran kam,
 kɔ mənɔdi pɔkom pa kətək nkɛ inamən'am kədi mə,
 indesəŋ antɔf pələc tetam:
 Pəcuca pɔ mənɔde məcsətər ŋi yeri yam
 dəsək o dəsək kiyi kam doru fəp.

18 Yika ya dəkulum yɔ mənɔde məcdi.
 Mba antɔf ŋende ŋockom am
 bɛŋk kɔ ŋgbəŋkələ.

19 Kawonɛ ka tobu tam
 kəndesəŋ'am kəcsəm kəcom
 haŋ tɛm ntɛ mənɔdelukus dəntɔf
 ndɛ məyɛfɛ mə.
 Bawo kəbof kɔ məyɔnɛ,
 dəkəbof mənɔdesəlukus.»

20 Kɔ wərkun əsəŋ wəran kən tewe ta «Hawa»*, bawo nkən Hawa əyɔnɛ iya
 wəka afum a doru fəp.

21 Kɔ MARIKI Kanu olompɛ Adama kɔ wəran kən, Hawa, yamos ya akata,
 k'ɛmbɛr ŋa yi.

22 Kɔ MARIKI Kanu oloku: «Ah! Ntɛ fum ende pəyi ŋə pəmɔ sənə mə, pəcərə
 pələc kɔ pətət, səkəmbərne ta pətənc kəca pələk sɔ pɔkom pa kətək kəyine
 wəyɛŋ, pədəyi ŋə doru katina.»

23 Kɔ MARIKI Kanu owurɛnɛ Adama dalɛ da Edeŋ disrɛ, pəkəbəc antɔf nyɛ
 ɛnasɛlɛ kɔ mə.

24 Ntɛ MARIKI Kanu owurɛnɛ fum dalɛ da Edeŋ mə, k'ɛncəmbər mələkɛ
 kerub † ntɛndɛ dec dɛmpɛ dalɛ da Edeŋ, kɔ dakma ndɛ dɛncfɪkələ dɛccɛsəŋɛ
 nɛnc, ntɛ tənɔŋɛ ta alətərne kətək ka kəyine wəyɛŋ mə.

4

Kayin kɔ Abel 4.1-26

* 3:20 Hawa = «Iya», nwe əsəŋ kiyi wəyɛŋ † 3:24 Mələkɛ kerub = mɛnɛ mombum dɛbɛ da Kanu mə.
 Kerub kəyɔ doɔbomp da fum, dis da kusunŋku, kɔ səyɔ sɔ banca yɛfɛlərə.

1 K'Adama ηambæpene kə wəran kən Hawa, kə Hawa embekəs, k'ojkom Kayin. Kə Hawa oloku: «Isəto wan wərkun kəmar ka MARIKI disre.» *

2 Kə Hawa ojkom sə wəfet ka Kayin nwe anawe Abel mə.

K'Abel ende pəyone wəkək ka cir kə ηkesiya. Kə Kayin əyone wəbifti.

3 Kə təm təloma tende tēbəp, kə Kayin elek yokom ya dantof, k'enhkere yi MARIKI kədeloηne.

4 K'Abel nkən sə, eηkere MARIKI yokom yəcəkə-cəkə ya yəcəl yən kə moro ma yi. Kə MARIKI əməməne Abel kə kəloηne kən fər yətət.

5 Mba MARIKI enaməmənə fə Kayin kə kəloηne kən fər yətət. Kə pəntele Kayin, k'ēy kəro.

6 Kə MARIKI eyif Kayin: «Ta ake tə pəntelen'am-ε, ta ake tə məηeyε kəro-ε?»

7 Kə məηkət belbel-ε, məndesel. Kə məηkət pələc-ε, kiciya kəy'am dəkusunjka kə məfanj ma ki mey'am. Mba məsep mətasərne ki.»

8 Kə Kayin əncəpər wənc Abel. Mba nte ηanayi dale mə, kə Kayin eyefər wənc Abel kəsutene, k'endif kə.

9 Kə MARIKI eyif Kayin: «Deke wənc əm Abel eyi-ε?» Kə Kayin oloku: «Incəre fə. Cəpə wəkəkəs kən iyone ba?»

10 Kə Kanu kəyif Kayin: «Cəke cə məyə wənc əm-ε? Dim da mecir ma wənc əm deyi kəkule-kule kəyefe dantof hanj nno iyi mə.

11 Ndəkəl oη, kətolan'am k'antof ηender pələc, nηe ηewani kusu kə məsəηe ηi kəmerəs mecir ma wənc əm mə.

12 Kə mənde məcbəc antof-ε, ηəfəde ηəcsəη əm pəbotu pa ηi. Ti tə pənde pəntelen'am məcəpe-cəpe dəkəbəc.»

13 Kə Kayin oloku MARIKI: «Pələl pa kiciya kem pəmbek kəsare.

14 Məmbeləs im məkə nno antof ηam ηebi ηeyi mə. Pənamar im kəgbəpən'am, kə kəcəpe-cəpe dantof, kə fum embəp im dənda-ε, pədif im.»

15 Mba, kə MARIKI oloku kə: «Kə fum endif Kayin-ε, anljukε ayek ηən camət-məηəj.» Kə MARIKI eηgbesi Kayin nte tənsəηe anjə ηambəp kə mə, ta ηasut kə ηadif.

16 Kə Kayin owur fər ya MARIKI kirinj dale da Edenj, k'əηkə pəyi atof ηa Nodu nde dec dəmpε dale da Edenj mə.

Yuruya ya Kayin

17 Kə Kayin ηambəpene kə wəran kən. Kə wəkəkə embekəs k'ojkom Henok. Kə Kayin owurε dare k'əsəη di tewe ta wan kən Henok.

18 Kə Henok ojkom Iradu, k'Iradu ojkom Mehuyayel, kə Mehuyayel ojkom Metusayel, kə Metusayel ojkom Lemək.

19 Kə Lemək elek aran məηəη, pacwe wəkin «Ada,» kə wəka məηəη «Cila.»

20 K'Ada ojkom Yabal, nkən əyone wətem ka akək yəcəl acəpe-cəpe.

21 Tewe ta wənc tənayone Yubal: Nkən əyone wətem k'afer cəηkəlo k'afula luk.

22 Kə Cila nkən sə dəmnε ojkom Tubal Kayin, nwe encgbəc ca fəp ya kəpər kə ya fēc mə. Wəkire kən ancwe Nahama.

23 Kə Lemək oloku aran ən:

«Ada kə Cila nəcəηkəl dim dem!

Aran a Lemək nəsu ləηəs nəcəηkəl moloku mem.

K'asut im-ε, indif fum.

K'ambəpər im-ε, indif wanfet.

24 Kə pəyone padif afum camət-məηəj

* 4:1 Kayin = cəHəbərə «kəmar»

kəluksɛ ayɛk ɲa Kayin-ɛ,
andedif afum 77,
a pacluksɛ ayɛk ɲa Lɛmɛk.»

²⁵ Adama kɔ Hawa ɲasɔtɔ sɔ wan. Kɔ Hawa ewe kɔ «Set», ti tɔ tatɔkɔ «Kanu kəsɔɲ im sɔ wəlbma kədəyɔn'em Abel wəkɔ Kayin endif mɔ.»

²⁶ Kɔ Set ende pəkom wan pacwe kɔ Enɔs. Tem tatɔkɔ t'anacop kəkɔr-koru tewe ta MARIKI.

5

Kəyɛfɛ Adama haɲ Nuha

¹ Buk ba dokombəra da Adama bɔ bambɛ. Dəsək ndɛ Kanu kəsɛl Adama mɔ, k'ɛsɛl kɔ, pəwureɛɛ kɔ nkɔn Kanu.

² Wərkun kɔ wəran k'ɛsɛl ɲa, k'ompocɛ ɲa pətɔt, k'ewe ɲa tewe ta «fum,» dəsək ndɛ encsɛl ɲa mɔ.

³ Adama endesɔtɔ meren 130, k'əsɔtɔ wan wəwureɛɛ kɔ nkɔn, pəmə tɔkɔ eyi mɔ, k'əsɔɲ kɔ tewe ta Set.

⁴ Ntɛ Adama oɲkom Set mɔ, k'eyi sɔ doru meren 800, mɛɛ ɛnasɔtɔ sɔ awut arkun k'awut aran mɔ.

⁵ Kəwon ka Adama doru kənasɔtɔ meren 930, a k'endefi.

⁶ Set ɛnasɔtɔ meren 105, a k'endekom Enɔs.

⁷ Ntɛ Set oɲkom Enɔs mɔ, k'eyi sɔ doru meren 807, mɛɛ ɛnakom sɔ awut arkun k'awut aran alɔma mɔ.

⁸ Kəwon ka Set doru kənasɔtɔ meren 912, k'efi.

⁹ Enɔs ɛnasɔtɔ meren 90 a pədəkom Kenaj.

¹⁰ Ntɛ Enɔs oɲkom Kenaj mɔ, k'eyi sɔ doru meren 815, mɛɛ ɛnakom sɔ awut arkun k'awut aran alɔma mɔ.

¹¹ Kəwon ka Enɔs doru fəp kənasɔtɔ meren 905, k'efi.

¹² Kɔ Kenaj ɔsɔtɔ meren 70 a k'endekom Mahalalɛl.

¹³ Ntɛ oɲkom Mahalalɛl mɔ, kɔ Kenaj eyi sɔ doru meren 840, mɛɛ ɛnakom sɔ awut arkun k'awut aran alɔma mɔ.

¹⁴ Kəwon ka Kenaj doru fəp kənasɔtɔ meren 910, k'efi.

¹⁵ Mahalalɛl ɛnasɔtɔ meren 65 a k'endekom Yɛrɛdu.

¹⁶ Ntɛ Mahalalɛl oɲkom Yɛrɛdu mɔ, k'eyi sɔ doru meren 830, mɛɛ ɛnakom sɔ awut arkun k'awut aran alɔma mɔ.

¹⁷ Kəwon ka Mahalalɛl doru fəp, kənasɔtɔ meren 895, k'efi.

¹⁸ Yɛrɛdu ɛnasɔtɔ meren 162 a k'endekom Henok.

¹⁹ Ntɛ Yɛrɛdu oɲkom Henok mɔ, k'eyi sɔ doru meren 800, mɛɛ ɛnakom sɔ awut arkun k'awut aran alɔma mɔ.

²⁰ Kəwon ka Yɛrɛdu doru fəp kənasɔtɔ meren 962, k'efi.

²¹ Henok ɛnasɔtɔ meren 65 a k'endekom Metusela.

²² Ntɛ Henok oɲkom Metusela mɔ, k'əsɔtɔ sɔ meren 300 ɲasol kɔ Kanu. K'oɲkom sɔ awut arkun k'aran alɔma.

²³ Kəwon ka Henok doru fəp kənasɔtɔ meren 365.

²⁴ Kɔ Henok ɛncəɛɛ dəpɔ da Kanu darəɲ, kɔ tende telip, bawo Kanu kənɛlɛk kɔ pəyi wəyɛɲ.

²⁵ Metusela ɛnasɔtɔ meren 187 a k'endekom Lɛmɛk.

²⁶ Ntɛ Metusela oɲkom Lɛmɛk mɔ, k'əsɔtɔ sɔ meren 782, mɛɛ ɛnakom sɔ awut arkun k'awut aran alɔma mɔ.

²⁷ Kəwon ka Metusela doru kənasɔtɔ meren 969, k'efi.

²⁸ Lɛmɛk ɛnasɔtɔ meren 182 a k'endekom wan wərkun.

²⁹ Kɔ Lɛmɛk ewe wan wəkakɔ «Nuha.» K'oloku: «Wəkawɛ ende pəcyamsɛ-

* 5:29 Nuha = cəHebərə «kəyaməs-yaməs»

yamse su, kacem-cemne ka pucuy mpe yebac yocuca nyε waca womboc antof nyε, MARIKI enasoh palec tetosu mo.»

³⁰ Nte Lemek onkom Nuha mo, k'eyi so doru meren 595. K'onkom so awut arkun k'awut aran aloma.

³¹ Kawon ka Lemek doru fap kanasoto meren 777, k'efi.

³² Nuha enasoto meren 500 a k'endekom Sem, Ham, ko Yafet.

6

Kanu kancem-cemne kon kanim ka afum doru

¹ Nte afum nancop kala antof karon mo, k'anjomas ayecara.

² Ko meleke nananj a ayecara aka afum nantese. Ko nyayek-yek aran anjan ayecara akako daco.

³ Ko MARIKI oloku: «Ifan fe kasak afum nayine kifir kayine doru nke inasoh ja mo, bawo fum sem dam ya. Kayi kon doru kafode kaceper so meren 120.»

⁴ Tem tatoko to corgba canayi doru, nte awut a Kanu* nantefarne ayecara aka afum, ako nasoh ja awut mo. Awut akako nanayone abe akur a tem tatoko.

⁵ Ko MARIKI enanj deyenki bakac da afum dela doru, dosok o dosak mecem-cemne melece gbaceram mo afum nayine.

⁶ Ko MARIKI enajne telar kasel kon fum, k'abakac nenkafale ko.

⁷ Ko MARIKI oloku: «Kanin k'inder afum ane inasel mo, kayefe afum, kabap sem, kako ka yelije-lije han bemp ya darenc, bawo inajne telar kasel kanjan.»

⁸ Mba ko Nuha soto kanjanene ka MARIKI, bawo Kanu kanananj dolompu don.

Kanu kayac Nuha

⁹ Tecerene ta Nuha tente: Nuha, fum watot enayi palomp, pasol ko Kanu.

¹⁰ Nuha, awut maas nenakom: Sem, Ham ko Yafet.

¹¹ Mba no for ya Kanu kirin, afum nantese fe bakac. Mes melece gbaceram menayi doru.

¹² Kanu kanananj a doru desakpe, bawo afum fap nanagbayme-gbayme dopo dotot.

¹³ Ti t'enasohje Kanu kaloku Nuha: «Incem-cemne kamalak yenesam ya doru fap, bawo tes tanjan tosohe ko doru dela kadaketerene, kanin ja k'inder doru.

¹⁴ Macanje abil nopon cabam ca kawe, mawure ni sadukalo selaram, masop ni kortal tedisre ko todoru.

¹⁵ Nte to mandecan ji: Nabol cururu 300 (metar 137), nowokal cururu 50 (metar 23), notukme cururu 30 (metar 14).

¹⁶ Magbap ni tadarenc, masak kururu katin (metar daco) kayefe nde karon han nde dakapom, mawure ni kumba kasak, madenar ni dek maas.

¹⁷ Bawo ina, domun delaram † d'indesak nde dendemalak ca fap mo. Mpe o mpe penesam doru mo, pendefi.

¹⁸ Ko mana, indese ko danapa ko mana, made mabere debil ko weran kam, awut am k'aran anjan!

¹⁹ Made mabersene so ni disre sem ya doru fap meran meran, workun ko weran, nte tosohe nade nayi doru ko yi mo.

²⁰ Sem yenesam ya doru fap, yorkun ko yeran, yefet ko yopon, yede yolborn'am nte tosohe yi so yede yeyi doru mo.

* **6:4** Awut a Kanu it'oyone ceHebre cakur: «Awut a Kanu», «awut a canu», «meleke», ko poyone fe ti-ε «afum apoh». † **6:17** Domun delaram = «Wacafan indetore pokal doru fap.»

²¹ Awa, mæten yeri fəp, məmənəkərne yi nte tənşəne nade nəsətə yedi nəna kə yi mə.»

²² Ti tə Nuha enayo, enayo mes fəp mme Kanu kənaloku kə mə.

7

Nuha kəberε kən debil

¹ Kə MARIKI kəloku Nuha: «Məberε abil disre, mənə k'afum am fəp, bawo inəkəce a mən'olomp fər yem kirin detemp dandε daco.

² Mələkεne sem yətət camət-mērən camət-mērən, yorkun kə yeran, mba sem yelec, mələk yi mērən mērən: Workun kə wəran gbəcərəm.

³ Kə bemp, mələkεne yi fəp daco, yorkun camət-mērən kə yeran camət-mērən. Ti t'endesəne yi sə yeyi doru.

⁴ Pəncəmə mata camət-mērən, itore wəcafən mata 40 kə pibi 40 camcam. Tem tatəkə indefən nnə doru afum anε inasel mə fəp.»

⁵ Nuha enayo məyo fəp, mme MARIKI εnasom kə mə.

Kutup kəpən

⁶ Nuha εnasətə meren 600 a kə domun dendekal antəf.

⁷ K'embere debil kə wəran kən, awut ən k'aran anjan, nte tənşəne ηayacne domun ndε denaban antəf mə.

⁸ Sem yətət kə yelec, bemp kə sem yefet yefet nye yenliε-liε mə fəp,

⁹ kə Kanu kəmbere yi abil disre nde Nuha eyi mə, mērən mērən yorkun kə yeran, pəmə təkə Kanu kənaloku ti mə.

¹⁰ Nte tataka ta camət-mērən tencepər mə, kə domun demban antəf.

¹¹ Kəren nkε Nuha əsətə meren 600, tataka ta wəco kə camət-mērən, ηof ηa mērən disre, kə domun dombunce dəcəngbəkə fəp, kə kəm kəngbite pəpən.

¹² Kə wəcafən oncop kəuf mat 40 kə pibi 40.

¹³ Dəsək dayi də Nuha εnabere debil kə wəran kən k'awut ən, Sem, Ham, kə Yafet, k'aran anjan maas,

¹⁴ kə sem ya dop kə ya dare yin yin kə sem yefet yefet, bemp kə taktaka.

¹⁵ Kə yenəsəm (sem) yorkun kə yeran mērən mērən nye yenayi doru mə, kə yender nde abil ηa Nuha ηeyi mə.

¹⁶ Kə yorkun kə yeran sem dokom fəp, yembere abil disre pəmə təkə Kanu kənaloku ti Nuha mə, kə MARIKI kəngbətər ηa kumba.

¹⁷ Kə domun demban antəf mata 40, nte domun dempe mə, k'abil ηofoy.

¹⁸ Nte domun dencepe mə, ti tə abil ηoncfoy.

¹⁹ Kə domun demberεne kəpe han kə mərə meηeci fəp meηkale.

²⁰ (Telpəs on kə domun dempe han kə dencepər cururu wəco kə kəcamət mərə kəron). Kə domun dempe kə denkal mərə meηeci han cururu wəco kə kəcamət (metər camət-mērən).

²¹ Ca nye yenayi antəf kəron, a yenəsəm mə fəp, kə yefi: Bemp, sem yəcəl, sem ya dop kə yeliε-liε fəp kələkεne afum.

²² Kəyεfε paka mpe pənayi antəf kəron a pecnəsəm mə, kə pefi.

²³ Kə Kanu kafən dantof paka mpe pencnəsəm mə, kəyεfε fum han kəbər sem yəpən, yefet yefet kə bemp, k'enim yi doru fəp. Mene Nuha gbəcərəm, aka kəl kən disre kə sem nye yenayi debil mə, ηanafis.

²⁴ Domun denaban antəf han mataka 150.

8

¹ Kə Kanu kəncəm-cəmnə Nuha, səm ya dop kə yəcəl ya dare, nyə yenayi kə Nuha abil disrə mə. Kə Kanu kəwure afef doru, kə domun doncop kətor.

² Kəba ka dəntəf kə darenc cəməpənə, kə wəcəfən esak kətuf.

³ Kə domun dembele antəf kəronj tepic tepic. Mata 150 disrə, kə domun dəncəsə dəntəf.

⁴ Tataka ta wəco kə camət-mərən (17), ɲof ɲa camət-mərən, k'abil ɲende tərə tin ta Ararat kəronj.

⁵ Kə domun dəncəsə haɲ ɲof ɲa wəco. Tataka təcək-cək ta ɲof ɲaɲək, kə mərə məjəci moncop kəwure səbomp.

⁶ Tataka ta 40, kə Nuha eɲgbiti wundər nwe ɛnaber abil mə.

⁷ K'əsak abemp ɲa ser * ɲin kə ɲəɲkə. Pəwən fə kə ɲoluksərne, pənamar Nuha pəkar domun delip kəwosər dəntəf.

⁸ Kə Nuha esak sə antantoriya kəkəmən kə pəyənə a domun d'ontor-ɛ.

⁹ Mba ɲenasətə fə kəfo nke ɲentam kəndə mə, bawo domun dənasərəbaɲ antəf fəp, kə ɲoluksərne nde debil. Kə Nuha ɛntənc kəca k'osumpər ɲi, k'embərse debil.

¹⁰ K'əɲkar sə mata camət-mərən, k'əsak sə ɲi.

¹¹ K'antantoriya ɲoluksərne dec dərəfəy ɲəgbəm təbərər təcəɲk ta kətək ka olif[†]. Kə Nuha ɛncərə katina a domun dəncəsə.

¹² K'əɲkərəne sə haɲ tataka ta camət-mərən, k'əsak sə antantoriya. Mba nte ɲi ɲəɲkə mə, ɲenalukus fə sə nnə eyi mə.

¹³ Tataka təcək-cək ta ɲof ɲəcək-cək ɲɲe Nuha əsətə meren 601, ti tə domun dənasak antəf. Kə Nuha eɲgbipi abil, k'əmənən doru. K'əɲəɲk a domun fəp dowosər.

¹⁴ Tataka ta wəco mərən kə camət mərən (27), ɲof ɲəcək-cək ɲayi, antəf fəp ɲənaɲos fər.

¹⁵ Kə Kanu kəloku Nuha:

¹⁶ «Məwur abil disrə, məna kə wəran kam, awut am k'aran aɲan.

¹⁷ Məwurene sə səm yələpəs nyə yeyi abil disrə kə məna mə. Kə bemp dokom fəp, səm yefət kə yərən, yəsam doru yokom.»

¹⁸ Kə Nuha owur debil nkən kə wəran kən k'awut ən k'aran aɲan.

¹⁹ Kə səm, bemp kə yeliɲe-liɲe yowur fəp dokom dokom.

²⁰ Kə Nuha olompəs tetek tolonɲə MARIKI, k'ələk səm kə bemp yosoku daco yin yin, k'əncəfə yi MARIKI nde tetek tolonɲə kəronj.

²¹ Kə MARIKI ɛmbaɲ ambənc ɲa kəlɲɲe ɲɲe ɲontorə-torə kə abəkək mə, k'olokunə dəbəkək, «İfəsətəɲ antəf pələc teta fum. Kance kə, bawo afum məcəm-cəmnə mələc meyi ɲa dəbəkək kəyefə dowut danjan, mba ifəsələsər ca nyə yəɲəsəm doru pəmə nte intəp ti kəcyə mə.»

²² «Kəwən ka antəf doru fəp,

kəbəf kə kətəl,

pəwonu kə pəcaɲki,

kətən kə dəfən,

dəsək kə pibi,

yəfədelip.»

9

Kanu kədermə kən Nuha

* **8:7** *Abemp ɲa ser* = «abemp ɲa Mənar,» kə pəyənə fə ti-ɛ «kəwan ka aser.» † **8:11** *Kətək ka olif* = Yokom ya kətək kaɲkə kə nke aɲwure moro mme antam kədi, pamotene ki dəlamp, kə pəyənə fə ti-ɛ pasəm pokom pa ki.

¹ Kə Kanu kəmpocə Nuha pətət k'awut ən, kə kəloku ηa: «Nəyənə akombəra, nəkom pəlarəm, nəlas antəf.

² Kəyefə məko, sem ya doru fəp, kəbəp bəmp, sem yefət kə lop, yende yecnesə nu. Nəndetam kəcsəm yi.

³ Paka o paka mpe peyi wəyeη pəckət mə, pəyənə nu peri pəmō nte inasəη nu yokom ya yika yecanη kə ya tək mə. Isəη nu oη ndekəl yayəkə fəp.

⁴ Mba ta nəde nəcsəm wəsem nwe wəsəryə mecir ma wi mə. *

⁵ Indeyif nu teta mecir monu, mme məyənə kəyi doru konu mə. Indeyif sə ti sem fəp nyə yendedif fum mə. Pəmō nte indeyif ti fum nwe endedif wənc mə.»

⁶ «Nwe endif fum mə, padif sə (məna wəkayi),

bawo Kanu kəlompəs fum pəwurənə kə nkən sərka.

⁷ Kə nana, nəyənə akombəra, nəkom pəlarəm, nəsamsər doru.»

⁸ Kə Kanu kəloku sə Nuha k'awut ən:

⁹ «K'ina, indese kə danapa kə nana, kəbəp ka yuruya yam kə nana nəncəpər-ε,

¹⁰ kə ca fəp nyə yənəηkər nu mə: Bəmp, sem ya dare kə ya dop, nyə yowur debil mə, kə nyə andekom nno doru mə.

¹¹ Isek danapa kə nana, nte t'indeyō: Domun dəfədesədi antəf, wəcafən əfədesəyi nwe endeləsər antəf mə.»

¹² Kə Kanu kəndəηər: «Paka pa danapa dosu pəmpə mpe pendeyi su dacə kə nana doru o doru, kəbəp ka ca yeηesəm.

¹³ Isəkən ambəncəran (asiηki) ηem nde dəkəp. In'ende kəccəm-cəməs im temer nte isəη antəf mə.

¹⁴ Təm o təm nte wəcafən ende pəcbiyə, a asiηki ηowur mə,

¹⁵ incəm-cəmnə temer təkə inasəη nu kə ca nyə yeηesəm doru mə, wəcafən əfədesətuf nwe endesələsər ca ya doru fəp mə.

¹⁶ Dəkəp ambəncəran ηəηkəyi. K'indenəηk ηi-ε, indecəm-cəmnə temer ta danapa dem ta doru o doru nte inalek kə ca fəp nyə yeηesəm doru mə.»

¹⁷ Kə Kanu kəηgbəkərenə sə moloku mame Nuha: «Asiηki ηementər temer nte isəη nu kə ca ya doru nyə yeηesəm mə.»

Nuha k'awut ən maas: Doru dofu, kə kiciya kəfu sə

¹⁸ Awut a Nuha aηe ηanawur debil mə ηanayənə: Sem, Ham, kə Yafət. Ham əyənə papa wəka Kanaη.

¹⁹ Awut a Nuha akanə maas ηəgbəkəre sə kəlas antəf.

²⁰ Kə Nuha əyənə wəbifti antəf k'əmbəf ηəbəηkələ ya wən. †

²¹ Kə Nuha omun member k'encis. K'əηkə pəwur kəsəkər nde abal ηən disre.

²² Nte Ham papa wəka Kanaη enəηk kas Nuha pəyi kəsəkər mə, k'əηkə pəloku ti awənc aηa mēəη, aηe ηanayi nde doru mə.

²³ Sem kə Yafət ηalek kəloto. Mēəη manəη fəp, kə ηaηkumpne kəloto kəηkə dəcəro. Kə ηaηkə cəkəməntəra kə ηaηkə ηabəp papa kəηan pəyi kəsəkər. Kə ηaηkump kə kəsəkər kəηkə enafəntəre mə. Mba nte ηanakafəli cəro cəηan a kə ηaηkə kas kəηan cəkəməntəra mə, ηananəηk fε kas kəηan kəsəkər.

²⁴ Nte pəncēηe Nuha kəcis kəηkə disre mə, k'aloku kə təkə pənayi kə nte enacis mə, kə təkə wan kən wəlpəs enayō kə mə.

²⁵ Kə Nuha oloku:

«Intolane Kanaη pələc!

* **9:4** Wəsem nwe antəfay amera mə. † **9:20** Len yayəkə yə aηe «wən» iy'ambəf Yisrayel nyə yokom yayi yəηsəη member mə.

Kanaŋ pəyənə wəcar ka acar a awenc aŋa!»

²⁶ Kə Nuha oloku sə:

«Intola MARIKI, Kanu ka Sem,

Kanaŋ pəyənə wəcar kəŋan!

²⁷ Kanu kəyac Yafət!

Yafət pəyi abal ŋa Sem disre,

Kanaŋ nkən pəyənə wəcar kəŋan!»

²⁸ Kə Nuha eyi sə doru meren 350, nte domun delarəm dencepər mə.

²⁹ Kəwon ka Nuha doru fəp, kənasətə meren 950, a k'endefi.

Dokombəra da awut a Nuha dende

10

Təla ta afum doru

¹ Dokombəra da awut a Nuha: Semy, Ham, kə Yafət dende. Awut a Nuha ŋanakom awut, nte domun delarəm denacepər mə.

² Awut a Yafət ŋanayənə: Komər, Makək, Maday, Yawaŋ, Tubal, Məsək, kə Tiras.

³ Awut a Komər: Askenas, Rifat, kə Tokarma.

⁴ Awut a Yawaŋ: Elisa, Tarsis, Kitim, kə Dodanim.

⁵ Awut akakə ŋanakom afum aŋe ŋayersənə kənde cəba kəsək mə, kə təf yaŋan, kə cusu cəŋan, kə cusuŋka cəŋan nde təf yaŋan.

⁶ Awut a Ham ŋanayənə: Kus, Misira, Put, kə Kanaŋ.

⁷ Awut a Kus: Seba, Hawila, Sabta, Rama, kə Sabatəka. Awut a Rama: Saba kə Dedan.

⁸ Kus enakom sə Nimrod, nkən onuŋkənə kəyənə korgba doru dandə.

⁹ Nimrod enayənə wəpən korgba nde fər ya MARIKI kirin. Ti tə alokenə: «Pəmə Nimrod, korgba kəpən nde fər ya MARIKI kirin.»

¹⁰ K'ənəkəre dəbe kəresna Babel, Erek, Akad, kə Kalne nde atəf ŋa Siŋhar.

¹¹ Dəndo atəf ŋaŋəkə ŋə Asur enawur, k'encəmbər Niniwe, dare da Rehobot, Kalah,

¹² kə Rəsən, dare dəpəŋ dəkə denayi Niniwe kə Kalah dacə mə.

¹³ Kə Misira enayənə wətem k'afum aŋe: Aka Lud, aHanam, aLehab, aNaftu,

¹⁴ aPəterus, aKasəlu (aŋe aFilisti ŋawur dacə mə) k'aKaftor.

¹⁵ Kə Kanaŋ ŋəkom Cidon, coco cən, kə Het.

¹⁶ Kanaŋ enayənə wətem ka cusuŋka cəlarəm: Aka Yebus, Amər, aKirkas,

¹⁷ aHewy, aHarki, aSini,

¹⁸ aka Arwad, aCemar, aHamat. Ti disre kə cusuŋka ca Kanaŋ cənde cəsamsər.

¹⁹ Cələncər ca aKanaŋ cənəkə kəyefe Cidon, Kerar kəsək, haŋ Kasa, kə kəca ka Sodom, kəca ka Komora, kəca ka Adma kə kəca ka Ceboyim, haŋ Lasah.

²⁰ Awut a Ham ŋə akakə, dəcusuŋka cusuŋka, dəcusu cusu, dətəf təf.

²¹ Kə Sem wəbeki ka Yafət, əsətə sə awut. Sem əyənə wətem ka Heber k'afum on fəp.

²² Awut a Sem ŋanayənə: Helam, Asur, Arpaksad, Lud, k'Aram.

²³ Awut a Aram ŋanayənə: Huc, Hul, Kəter kə Mas.

²⁴ Arpaksad enakom Selah. Kə Selah ŋəkom Heber.

²⁵ Kō Heber oŋkom awut arkun merəŋ. Tewe ta wəkin tenayəne Pelek, * bawo tem tən tō antəf ɲenayerene. Kō tewe ta wenc tenayəne Yoktan.

²⁶ Kō Yoktan oŋkom Almodad, Selef, Hacarmawet, Yerah,

²⁷ Hadoram, Husal, Dikalah,

²⁸ Hobal, Abimayel, Saba,

²⁹ Ofir, Hawila, kō Yobab. Akanje fəp awut a Yoktan ɲanayi.

³⁰ Kō ɲandə kəyefe ka Mesa, Sefar kəsək, haŋ nde mərə ma nde dec dempe mō.

³¹ Awut a Sem ɲō akakō, dəcusunka cusunka, dəcusu cusu, dətəf təf.

³² Cusunka ca awut a Nuha cō cacəkō, kō təkō aŋkom ɲa mō. Afum akanje ɲō afum ɲawur dərīs a kō ɲandeyersene dəntəf, doru fəp nte domun delarəm denacepər mō.

11

Kələ kəŋeci ka Babel

¹ Tem tatəkō doru fəp kusu kin k'ancəp, pacloku, moloku min mayi.

² K'afum ɲandə ɲakō kəca nke dec dempe mō, kō ɲanəŋk mərə atəf ɲa Sinhar, kō ɲandə mi daco.

³ Kō ɲalokene: «Pasut birik, pacəf bi!» Kō birik bəcəf babəkō bəyəne ɲa masar, kō kərtal kəyəne ɲa dos.

⁴ Kō ɲaloku sō: «Paŋkən, pacəmbər dare kō kələ nke domp da ki dendekō haŋ dəsō kom mō. Nte təŋsəŋe pasətō tewe mō, təsəŋe su sō kətəsamsər doru.»

⁵ Kō MARIKI ontor kədəməmən dare kō kələ nke afum ɲanccəmbər mō.

⁶ Kō MARIKI oloku, «Nəməməŋ afum aŋe! Fəp faŋan kusu kin kō ɲancəp. Nəməməŋ sō nte ɲancop kəyō mō. Tələm o tələm teyi fe nte təŋməne ɲa kəyō ka tefar taŋan mō.

⁷ Paŋkən, pator, panəŋkəl-nəŋkəl kusu kəŋan nte təŋsəŋe ta ɲanenene sō mō.»

⁸ Kō MARIKI esamsər ɲa doru, kō ɲasak kəcəmbər dare.

⁹ Ti t'awene di Babel, bawo difō MARIKI enanəŋkəl cusu, k'esaməsər afum doru.

Tecepərəne ta Sem kō awut ən, kəbəp ka Abram

¹⁰ Tecepərəne ta Sem tēte: Sem enasətō meren 100, a pədekom Arpaksad, teren ta merəŋ nte domun dēnasak antəf mō.

¹¹ Kəkom ka Arpaksad, kō Sem eyi sō doru meren 500, mme enakom sō awut arkun k'awut aran alōma mō.

¹² Arpaksad enasətō meren 35, a pədekom Selah.

¹³ Kəkom ka Selah, Arpaksad enasətō sō meren 403, mme enakom sō awut arkun k'awut aran alōma mō.

¹⁴ Selah enasətō meren 30, a pədekom Heber.

¹⁵ Kəkom ka Heber, Selah enasətō sō meren 403, mme enakom sō awut arkun k'awut aran alōma mō.

¹⁶ Kō Heber əsətō meren 34, a pədekom Pelek.

¹⁷ Kəkom ka Pelek, Heber enasətō sō meren 430, mme enakom sō awut arkun k'awut aran alōma mō.

¹⁸ Pelek enasətō meren 30, a pədekom Rehu.

¹⁹ Kəkom ka Rehu, Pelek enasətō sō meren 209, mme enakom sō awut arkun k'awut aran alōma mō.

²⁰ Rehu enasətō meren 32, a pədekom Seruk.

* 10:25 Pelek = cəHebərə «kəyerene»

²¹ Kəkom ka Seruk, Rehu enasətə sə meren 207, mmε enakom sə awut arkun k'awut aran aləma mə.

²² Seruk enasətə meren 30, a pədekom Nahor.

²³ Kəkom ka Nahor, Seruk enasətə sə meren 200, mmε enakom sə awut arkun k'awut aran aləma mə.

²⁴ Nahor enasətə meren 29 a pədekom Terah.

²⁵ Kəkom ka Terah, Nahor enasətə sə meren 119, mmε enakom sə awut arkun k'awut aran aləma mə.

²⁶ Terah enasətə meren 70, a pədekom Abram, Nahor kə Haran.

Tecepərene ta Terah kə Abram

²⁷ Tecepərene ta Terah tēntē: Terah okom Abram, Nahor kə Haran nwe enakom Lət mə.

²⁸ Haran, fər ya kas kirin y'enafi, atəf nje anakom kə mə, nde dare da Ur nde atəf nja Kaldi.

²⁹ Abram kə Nahor njanence. Wəran ka Abram ancwe Saray kə wəran ka Nahor, Milka. Milka, wan ka Haran enayi, njanene kas kin kə Yiska.

³⁰ Saray enakom fe, enasətə fe wan.

³¹ Kə Terah elek wan kən Abram, kə wansə kən Lət, wan ka Haran, k'elekene sə Saray wəran ka Abram, kə njasol fəp fəjan kəwur ka nde dare da Ur nde atəf nja Kaldi kəkə ka atəf nja Kanan. Kə nambəp atəf nja Haran kə nandē di.

³² Terah enawon doru meren 205, a k'endefi dəndo atəf nja Haran.

12

Tecepərene ta Abraham

12.1-25.18

Kanu kəloku ka Abram kəwur ka atəf njan

¹ Kə MARIKI oloku Abram: «Məwur atəf njan, dənkom dam, kələ ka papa kam, məkə atəf nje indementər əm mə.

² Indesən'am kəyənē ka kas k'afum alarəm, indesən əm pətət, indesənē tewe tam tək. Məndetolanē afum aləma pətət.

³ Indesən pətət nje njanetolan'am pətət mə. Indesən pələc nje njanetolan'am pələc mə. Tetam t'indesənēne cusunka ca doru fəp pətət.»

⁴ K'Abraham owur Haran pəmə təkə MARIKI enaloku kə ti mə, kə Lət encəpse kə darən. Tənatənē Abram pəsətə meren 75.

⁵ K'Abraham elek Saray, wəran kən, kə Lət wan ka wəbek'on wərkun kə ca yəkə njanayə di mə, k'afum * akə enasətə Haran mə. Kə nəwur kəkə atəf nja Kanan.

Abram nde atəf nja Kanan, kə kəndē kən Misira

Kə nambere atəf nja Kanan.

⁶ K'Abraham encali atəf njan kəfo nke ancwe Səkem, han nde tofo ntē Ankiri nja More nencəmə mə. Aka Kanan njanayi atəf njanəkə tēm tatəkə.

⁷ Kə MARIKI owurər Abram k'oloku kə: «Indesən atəf njanē yuruya yam.» K'Abraham olompse MARIKI mmε menawurər kə mə, tetek tolonne dəndo.

⁸ K'eyekti sə di sanja, nde encyefe pəkə dəməwə mə, kəca nke dec dəmpē Betel † mə. K'encəmbər abal di, Betel beyi kə nde dec dənkələ mə, dare da Hay deyi kə nde dec dəmpē mə. K'ələ di tetek tolonne MARIKI, k'ontola tewe ta MARIKI. ‡

⁹ K'Abraham eyefe kəcal-cali kəkə ka kəca ka Nəkēf.

* 12:5 Afum = Ti toyəne «yenasəm, ca yeyi wəyən.» † 12:8 Betel = «kələ ka Kanu.» ‡ 12:8 MARIKI = Tewe tətət ta Kanu, ti toyəne «YHWH.»

¹⁰ Dor denayi dɔtɔf, k'Abram ontor Misira kəkɔcɛpɛrɛnɛ tem, bawo dor dɛncɛk kɛbɛk dɛm.

¹¹ Ntɛ ɔlɔtɛrnɛ kɛbɛrɛ Misira mɔ, k'oloku wɛran kɔn Saray: «Mɛcɛŋkɛl im, incɛrɛ a wɛran wɔtɔf teyi mɛyɔnɛ.

¹² K'aka Misira ŋandekɔnɛŋk ɛm-ɛ, ŋandekɔlɔku: «Wɛran kɔn ɔfɔ!» Tem tatako ŋandekɔdif im, ŋasak mɛna.

¹³ Mɛdekɔ mɛlɔku ŋa a wɛkirɛ kem mɛyɔnɛ. Ntɛ tɔŋsɔŋɛ ŋasumpɛr im belbel tetam mɔ, tetam t'endekɔsɔŋɛ, ta ifi-ɛ.»

¹⁴ Ntɛ Abram ɛmbɛrɛ Misira mɔ, k'aka Misira ŋanɛŋk wɛran nwe entese pɛcɛpɛrɛr.

¹⁵ K'akɔsɛk a Firawona ŋanɛŋk kɔ, kɔ ŋayek-yekɔs kɔ nda Firawona. Ntɛ tɔ k'anɛkɛrɛ wɛran nwe nde kɛlɔ ka Firawona.

¹⁶ Kɔ Firawona osumpɛr Abram belbel teta Saray, k'ɔsɔtɔ kɛyɛfɛ sɛm yɛfɛt haŋ yɔpɔŋ, sɔfale, amarɔs arkun k'aran kɔ yɔkɔmɛ.

¹⁷ Mba kɔ MARIKI ɔsɔŋ Firawona k'afum ɔn runc yɔpɔŋ teta Saray, wɛran ka Abram.

¹⁸ Kɔ Firawona ewe Abram, k'eyif kɔ: «Cɛke cɔ mɛyɔ em ntɛ? Ake'sɔŋɛ ntɛ mɛntɔlɔk'im a wɛran kam ɔfɔ mɔ?

¹⁹ T'ake tɔ mɛlɔkɛ a wɛkirɛ kam ɔfɔ-ɛ? Mɛsɔŋ'em kɛlɛk kɔ pɛyɔnɛ wɛran kem. Ndekɛl ɔŋ, wɛran kam ɛwe. Mɛlɛk kɔ! Mɛkɔ!»

²⁰ Kɔ Firawona ɔlɔku afum ɔn, «Nɛsak kɔ pɛkɔ nkɔn, kɔ wɛran kɔn kɔ ca nyɛ yɔyɔnɛ yɔn mɔ fɛp.»

13

¹ K'Abram ɛmpɛrɛnɛ Misira kɛkɔ ka kɛca ka Nɛkɛf, nkɔn, wɛran kɔn kɔ ca yɔko ɛnayɔ mɔ fɛp, pɛsol kɔ wɛrɔk kɔn Lɔt.

Kɛgbɛyɛnɛ ka Abram kɔ Lɔt

² Abram ɛnasɔtɔ daka dɛlarɛm, ɛnala yɔcɔl, pɛsam kɔ kɛma.

³ K'ɛyɛfɛ kɛcal-cali kɛyɛfɛ ka Nɛkɛf haŋ Betel da ɛnadɔf abal tɔcɔkɔ-cɔkɔ mɔ, Betel kɔ Hay daco.

⁴ Kɛca nke ɛnanunɛkɛnɛ kɛlɔmpɛs tetek tolonɛ Kanu dɛnda, k'Abram ɔŋkɔrnɛ tewe ta MARIKI.*

⁵ Lɔt nwe ŋanasol mɔ, nkɔn sɔ ɛnayɔ cir, ŋkɛsiya, cɛna kɛbɛp cɛbal.

⁶ Atɔf ŋɛnafɛtɛr ŋa kɛyi kɛŋan tofo tin, bawo yɔcɔl yaŋan yɛnala.

⁷ Kɔ kɛcɔp kɛnde kɛyi akɛk a yɔcɔl ya Abram k'akɛk a yɔcɔl ya Lɔt daco. Atɔf ŋanɔkɔ sɔ, aKananɛ k'aPɛrisi ŋanandɛ ŋi tem tatako.

⁸ K'Abram ɔlɔku Lɔt: «Pɛmar fɛ akɛk a yɔcɔl yam ŋacɔp k'akɛk a yɔcɔl yem. Sɛna sɔ pɛmar fɛ su ti, bawo aka kɛlɔ kin disrɛ ŋɔ sɛyɔnɛ.

⁹ Antɔf fɛp ŋɔ ŋaŋɛ ŋɛy'ɛm fɔr kirinɛ mɔ. Kɔ mɛŋkɔ kɛca kɛtɔt-ɛ, inɛkɔ kɛmeriya. Kɔ mɛŋkɔ kɛmeriya, inɛkɔ kɛtɔt, mba mɛwɔsɛ sɛgbɛyɛnɛ.»

¹⁰ Kɔ Lɔt ɛyɛkti fɔr k'ɛnɛŋk aranta ŋa Yurɛn tɔkɔ ŋɛndɛm mɔ (tem tatako ta Kanu kɛntalɛsar Sodom kɔ Komora-ɛ), pɛnckɔ haŋ Cohar pɛmɔ aranta (mɛrɛ) ŋa MARIKI, pɛmɔ atɔf ŋa Misira.

¹¹ Kɔ Lɔt ɛlɛk dale da Yurɛn fɛp, k'ɛŋkɔ kɛca nke dec dɛmpɛ mɔ, tatako tɔ ŋanagbɛyɛnɛ kɔ Abram.

¹² K'Abram ɛndɛ atɔf ŋa Kananɛ, kɔ Lɔt ɛndɛ sɔdare sa aranta ŋa Yurɛn k'ɛndɔf cɛbal cɔn kɛca ka Sodom.

¹³ Afum a Sodom ŋanatesɛ fɛ bɛkɛc, ŋancciya MARIKI.

§ 12:15 Firawona = Bafɔ tewe ta fum tɔ, mba tewe ta abɛ a Misira tencyi. sa 12.8.

* 13:4 Mɛmɛmɛn Sora

¹⁴ Kɔ MARIKI oloku Abram, nte ɲasakene on kɔ Lɔt mɔ: «Mɔyeki fɔr kɔyefe dɔnda mɔyi mɔ, mɔmɔmɔn kɔca kɔtɔt, kɔmeriya nde dec dempe kɔ nde denkale mɔ.

¹⁵ Bawo atɔf ɲaje mɔɲɔɲk mɔ fɔp indesɔɲ ɔm ɲi kɔ yuruya yam.

¹⁶ Indesɔɲe yuruya yam yela han ta antam kɔlɔm ɲa-ɛ, pɔmɔ tɔkɔ antɔtam kɔlɔm kɔbof antɔf kɔrɔɲ mɔ.

¹⁷ Mɔyefe mɔkɔt atɔf ɲaje dobolu kɔ dowokulu da ɲi, bawo indesɔɲ ɔm ɲi.»

¹⁸ Kɔ Abram encepe cɔbal cɔn, k'ende pɔdɔf ci nde tofo nte Ankiri ɲa Mamre yencɔme mɔ kɔsɔk, ta ɔmbɔle Hebɔrɔɲ-ɛ, k'olompɔs di tetek tolonɲe MARIKI. †

14

Abram, abe kɔ Melkisedek

¹ Tem tɔtɔkɔ tɔ abe a tɔf maɲkɔle ɲancyefɔrene kɔ abe a sɔdare kɔcamɔt: Amrafel wɔbe wɔka Sinhar,* Aryok wɔbe wɔka Elasar, Kɔdɔr-Lahomer wɔbe wɔka Helam, kɔ Tidɔhal wɔbe wɔka Koyim,

² tenatɔɲne abe akakɔ ɲancyefɔrene kɔ abe a sɔdare kɔcamɔt: Bera † wɔbe wɔka Sodom, Birɔsa ‡ wɔbe wɔka Komora, Sinab wɔbe wɔka Adma, Semeber wɔbe wɔka Ceboyim kɔ wɔbe wɔka Bela mbɛ bɔyɔne Cohar mɔ.

³ Abe akanɲe kɔcamɔt fɔp aranta ɲa Sidim dacɔ ɲanande, nde pɔyɔne mɔkɔ Kɔba Kɔdɔkɔt mɔ.

⁴ Meren wɔcɔ kɔ mɛrɔɲ ɲayi kɔtam ka Kɔdɔr-Lahomer dɔntɔf, mba teren ta wɔcɔ kɔ maas kɔ ɲayɛɲkɔr kɔ sɔbomp.

⁵ Teren ta wɔcɔ kɔ maɲkɔle, Kɔdɔr-Lahomer k'abe akɔ ɲanaberene mɔ, ɲasut aRefay nde dare da Asterot-Karnayim, kɔ ɲasut aSus nde Ham, kɔ ɲasut afum a Em nde Aranta ɲa Kiriyatayim.

⁶ K'abe maɲkɔle ɲasut aHor ndaranɲan, nde mɔrɔ ma Sehir.§ Kɔ ɲambelɔs aHor han nde tofo nte Ankiri ɲa Paran ɲencɔme mɔ, nde tɛgbɔre kɔsɔk.

⁷ K'abe akanɲe maɲkɔle ɲaluksɔrne Eyɔn-Mispe* (ɲɲe ɲɔyɔne Kadɛs mɔ), kɔ ɲasut aka Amalek atɔf ɲanɲan fɔp kɔ Amɔr anɲe ɲanande Hacacɔn-Tamar mɔ.

⁸ Kɔ abe a sɔdare kɔcamɔt (Sodom, Komora, Adma, Ceboyim kɔ Bela, ti tɔ tɔtɔkɔ Cohar) ɲamberene kɔsutene nde aranta ɲa Sidim.

⁹ Akɔ sɔ ɲayi: Kɔdɔr-Lahomer wɔbe wɔka Helam, Tidɔhal wɔbe wɔka Koyim, Amrafel wɔbe wɔka Sinhar, kɔ Aryok wɔbe wɔka Elasar. Abe maɲkɔle ɲayefɔrene kɔ abe kɔcamɔt.

¹⁰ Nte Aranta ɲa Sidim ɲenalɔ cɔlɔmp ca kɔrtal mɔ, k'abe anɲe kɔcamɔt dacɔ, wɔbe wɔka Sodom kɔ wɔka Komora ɲayekse kɔ ɲantɛmpene ci disre. K'alpɔs anɲe maas k'asɔdar anɲan ɲayekse kɔ ɲantɛfɔrne kɔca ka dɔtɔrɔ.

¹¹ K'atam a asɔdar a abe kɔcamɔt ɲawetɔs ca ya aka Sodom kɔ Komora kɔ yeri yanɲan fɔp, kɔ ɲanɲkɔ.

¹² Kɔ ɲasumpɔr sɔ Lɔt kɔ daka dɔn, nkɔn Lɔt wan ka wɔbeki ka Abram ɛɲayi, (kɔyefɔrene kanke kɔnabɔp Lɔt nwɛ pɔyi Sodom).

¹³ Kɔ wɔmulpe dɔkɔwan wɔkin ende pɔlɔku ti Abram wɔHebɔre, nwe ɛnande nde kɔfo nke Ankiri ɲa Mamre wɔAmɔr ɲencɔme mɔ. Mamre nwe pɔyɔne wenc ka Eskɔl kɔ Haner, anɲe ɲanacɔɲɔs kɔtɔɲne kɔ Abram mɔ.

† 13:18 MARIKI = Itɔ tɔtɔkɔ cɔHebɔre «YHWH»: Mɔmɔmɔn Sora sa 4.26 * 14:1 Sinhar = Mesopotami

† 14:2 Bera ti tɔ tɔtɔkɔ «pɔlec» ‡ 14:2 Birɔsa ti tɔ tɔtɔkɔ «abakɔc ɲelec» § 14:6 Sehir ti tɔ tɔtɔkɔ

Edɔm, ndena Esayu kɔ afum ɔn * 14:7 Eyɔn-Mispe ti tɔ tɔtɔkɔ «abat ɲa kiti»

14 Nte Abram ene kəsumpər ka wan ka wəbek'on mɔ, k'olonka asol ɔn afum 318 aɲe ɲanabaɲse, akomeɲe ɔn daco mɔ. K'encepse abe aɲe ɲanasumpər wan ka wəbek'on darəɲ haɲ dare da Dan.

15 K'Abram eyerəs kəɲay (kəgba) kən, kɔ ɲawekərɲe ɲa kəyefərəɲe ka pibi, nkən Abram k'amar ɔn, kɔ ɲasut asumpər a wan ka wəbek'on, kɔ ɲambeləs ɲa haɲ Hoba, ɲɲe ɲeyi Damas kəca kəmeriya mɔ.

16 K'olukse ca fəp, k'olukse sɔ Lɔt wan ka wəbek'on, aran, k'afum alpəs aɲe.

17 Nte Abram ɔsut Kədər-Lahomər k'amarɲe ɔn mɔ, kɔ wəbe wəka Sodom owur kədəfayɲe kɔ nde aranta ɲa Sawe, nde pəyɔɲe «Aranta ɲa Wəbe» mɔ.

18 Melkisedek, wəbe wəka Salem,[†] eɲkɛɛ kəcom kɔ member: Melkisedek, wəlonɲe wəka Kanu nke kəyi canu cəlɔma fəp kəronɲ mɔ, enayi.

19 Kɔ Melkisedek ontolanɛ Abram, k'oloku: «Məna Abram, Kanu nke kəyi canu cəlɔma fəp kəronɲ mɔ, Wəbe wəka dəntɔf kɔ darenc, kəpoc'am pətɔt.

20 Iɲeləs Kanu nke kəyi canu cəlɔma fəp kəronɲ mɔ, nke kələk ayefərəɲe am kɔ kəmbər əm dəwaca mɔ!» Kɔ Abram ɔsɔɲ kɔ farile fa ca yəkɔ ɲanasɔtɔ dəkəwan mɔ fəp.

21 Kɔ wəbe wəka Sodom oloku Abram: «Məsɔɲ im afum, məlek ca yayɛ fəp yam.»

22 Kɔ Abram olukse wəbe wəka Sodom mɔcɔp: «Indot kəca nɲɔ MARIKI nwe eyi canu cəlɔma fəp kəronɲ mɔ, nwe ɔyɔɲe wəbe wəka darenc kɔ dəntɔf mɔ.

23 Ifələk ali paka pin ca yam daco. Ali deɲɛɲa kɔ pəyi fɛ ti-ɛ pɛpətərə pa kəfta kam. Ti tɔ məntɔtam kələku: «In'ɔsɔɲɛ Abram kəyɔ daka.»

24 Ifələk daka o daka, məɲe yeri nyɛ afum em ɲandi mɔ, kɔ kəyer nke atemp em Eskəl, Haner, kɔ Mamre ɲasɔtɔ mɔ, bawo pəmar ɲasɔtɔ kəyer.»

15

MARIKI encarəs kiyi kəɲan tes tin kɔ Abram

1 Nte mes maməkɔ mencepər mɔ, kɔ MARIKI owurər Abram dəmere k'oloku kɔ nte: «Ta məɲese, Abram! Ina yati indeyɔn'am aca. Indeluks'am kəway pəpɔɲ.»

2 Kɔ Abram eyif Kanu: «MARIKI Wəbe kem, ake məndesɔɲ im-ɛ? Intas ta iyɔ wan-ɛ, wədəlek kɛ kem ɔyɔɲe Eliyeser wəka Damas.»

3 Kɔ Abram ɔnɔcər: «Məsɔɲ f'em awut,^{*} nwe aɲkom nde kələ kem disre mɔ, nkən endelek kɛ kem.»

4 Kɔ MARIKI oloku kɔ, «Ala, bafɔ nkən endeyɔɲe wələk ka kɛ kam, mba wan kam wəkom nwe endewur əm dərɪs mɔ yati.»

5 Kɔ MARIKI owurɲe Abram abal ɲɔn disre, k'oloku kɔ: «Məgbətɲe kəm. Mələm cəs cacəkɔ, kɔ məntam-ɛ.» K'ɔnɔcər: «Pəmɔ cəs cacəkɔ, yuruya yam afɔde pactam kələm ɲa fəp.»

6 Abram enagbəkər kələɲ kən MARIKI. Ti tɔ MARIKI ɛnalɔmɛ kɔ fum wəlɔmpu.

7 Kɔ Kanu kələku kɔ: «In'ɔyɔɲe MARIKI nwe enawur'am Ur ɲa aKaldi kədəsɔɲ əm atɔf ɲaɲɛ, məde məlek ɲi kɛ mɔ.»

8 Kɔ Abram eyif: «MARIKI Wəbe kem, cəke c'indetam kəcərə a indesɔtɔ atɔf ɲaɲɛ kɛ-ɛ?»

9 Kɔ Kanu kələku kɔ: «Məkɛr'em wana weyəcərə win, wir wɛran win, kɔ aɲkesiya ɲorkun ɲin fəp fayi ya meren maas maas, tɔpay tin kɔ apokpoka ɲin.»

[†] 14:18 Salem = «Yerusalem», ti tɔ tatəkɔ Darsalam

^{*} 15:3 Yuruya

10 Kɔ Abram eŋkere sem yayɔkɔ k'engber-gberi yi daco daco k'ombocɔs yegber-gberi yayɔkɔ merɛŋ merɛŋ yetefɛrene, kɔ bemp, malmal m'enaboc yi ta aŋgberi yi-e.

11 Kɔ yɔfɛn yontorɛr sem yegber-gberi yayɔkɔ, mba k'Abram embelɛs yi.

12 Dec dendekale, k'Abram endirɛrne, k'ayekyek nɔpɔŋ nɛŋgbɔpɛrne kɔ k'enesɛ damere.

13 Kɔ Kanu kaloku Abram: «Mɛcɛre a yuruya yam yendeyɔne acikɛra atɔf nɔcuru nɛ nɔntɔyɔne nɔŋan mɔ. Nɛndekɔyɔne di acar, andekɔtɔrɛs nɛ di han meren 400.

14 Mba Indetɔrɛs afum aŋe nandecambɛr nɛ dacar mɔ, nandewur atɔf nɔŋɔkɔ kɔ ca yelaram.

15 Kɔ mɛna Abram, mɛndekɔbɔp atem am pɔforu disre, † pawup am detem dobotu disre. ‡

16 Yuruya yam yendeluksɛrne nno mɛne tem ta danapa da maŋkɛle, bawo Amɔr nantacepɛrɛr fe kiciya kɛŋan a idebelɛs nɛ de.»

17 Nte dec denkale mɔ, k'asum nɛmɛt (dimi dontor) kɔ teken pɛncesɔŋe, nɛnc kɔ kinime yencepɛr yoboc ya sem yeyer yayɔkɔ daco.

18 Dɔsɔk dadɔkɔ dɔ MARIKI enacɔŋɛs kɛyi kɛŋan danapa kɔ Abram. Pɛcloku Abram: «Isɔŋ yuruya yam kɔyefe ka kɛŋgbɔkɔ ka Misira han Efɛrat, kɛŋgbɔkɔ kɔpɔŋ:

19 Indesɔŋ yuruya yam atɔf nɛ aKeni, aKenisi, aKadmon,

20 nɛ aHewy, aPerisi, aRefay,

21 nɛ Amɔr, aKanan, aKirkas, kɔ aYebus.»

16

Kɔkom ka Sɛmayila

1 Saray wɛran k'Abram enakome fe kɔ wan. Mba enayɔ wɛcar wɛran wɛMisira, pɛcwe kɔ Hakar.

2 Kɔ Saray oloku Abram: «Mɛnɛŋk, MARIKI eyamsɛr im kɛsɔtɔ ka wan. Mɛfɛntɛre kɔ wɛcar kem, tɔlɔma intam kɛsɔtɛr kɔ wan wɛrkun.» Kɔ Abram enɛŋkɛl dim da Saray.

3 Awa, kɔ Saray wɛran ka Abram elek wɛcar kɔn wɛMisira, Hakar, k'ɔsɔŋ kɔ wos Abram pɛyɔ kɔ wɛran. Tɛnatɔŋne kɛnde ka Abram atɔf nɛ Kanan kɛsɔtɔ meren wɛcɔ.

4 Kɔ Abram nɛfɛntɛre kɔ Hakar, kɔ Hakar embekɛs. Nte encɛre a embekɛs mɔ, Hakar ɔmɔmɔne fe sɔ Saray fɔr yɔtɔt.

5 Kɔ Saray oloku Abram: «Mɛn'endesare pɛcuy pa molɔmɛs mme ɔlɔmɛs im mɔ! Ina yati, in'elek wɛcar kem k'imber am kɔ dɛwaca, mba nte enɛŋkne ɔŋ pɛbekɛs mɔ, k'eyefe kɛfɛr-fɛrɛs im. Mba MARIKI omboc su kiti daco (kɛyi su daco), ina kɔ mɛna!»

6 Kɔ Abram olukse Saray moloku: «Wɛcar kam ey'am dɛwaca. Mɛyɔ kɔ tɔkɔ tentes'am mɔ.» Awa, kɔ Saray ɔntɔrɛs Hakar han kɔ Hakar eyeksɛr kɔ, k'ɔŋkɔ pɛbɔle.

7 Kɔ meleke ma MARIKI mɔŋkɔ mɛbɔp kɔ nde dɛtegbɛre kɛlɛmp kɛlɔma kɛsɛk ta ɔmbɔle kɛŋgbɔkɔ * nkɛ kɛyi dɔpɔ da Sur mɔ.

8 Kɔ meleke mme meyif: «Hakar, wɛcar ka Saray, deke mɔyefe-e? Deke mɛŋkɔ-e?» Kɔ Hakar olukse mi moloku: «Mariki mem Saray, iyeksɛr.»

† 15:15 Ti tɔ tatɔkɔ «Mɛndefi pɔforu disre.» ‡ 15:15 Ti tɔ tatɔkɔ «Pɛbotu pa detem dam.»

* 16:7

Tofo tenayi, nde domun dɔtɔt doncwur dɛntɔf mɔ.

⁹ Kō meleke ma MARIKI moloku, «Məluksərne ndena Mariki mam, məko məfəntərə kō dəntəf.»

¹⁰ Kō meleke ma MARIKI moloku kō: «Indesəne yuruya yam yela hanj ta antam kələm ɲa-ε.»

¹¹ Kō meleke ma MARIKI moloku kō: «Məmbəkəs tantε, wan wərkun məndekom, wan wəkakō məde məsənj kō tewe ta Səmayila†, bawo MARIKI ene kəkule-kule ka pəcuuy pam.

¹² Wan kam endeyi pəmō səfale sa dop. Ende pəccan afum fəp kəyefərəne, fəp fəcyefərəne kō nkən. Sona s'endende pəbəlene afum alpəs anε.»

¹³ Kō Hakar ewe MARIKI mme menalok-lokər kō mō, «Ata-El-Roy,» ti tō tatōkō: «Inənj nno Kanu nke kənəjk im mō.»

¹⁴ Ti t'awene kələmp kanj kō, kələmp ka Lahay-Roy. Kələmp kanj kō kəyi Kadεs kō Beredu daco.

¹⁵ Kō Hakar oɲkome Abram wan wərkun, kō Abram ewe wan wəkakō Hakar enakome kō mō tewe ta Səmayila.

¹⁶ Abram enasətō meren 86 tēm nte Hakar onckome kō Səmayila mō.

17

Kanu kəsəkpər tewe ta Abram kō təyone «Abraham»

¹ Nte Abram əsətō meren 99 mō, kō MARIKI owurər kō, pəcloku kō: «In'əyone Kanu nke kəntam mes ma doru fəp mō, məkət fər yem kirin, məcəme pəlompu darənj.

² Indecənəs danapa dosu, ina kō mənə daco, isənj əm yuruya yelarəm.»

³ Kō Abram encəp tobu dəntəf kō Kanu kəloku kō nte:

⁴ «Ta ina, danapa dem dende kō mənə daco: Məndeyone kas ka afum a təf yelarəm.

⁵ Afəsəw'am tewe ta Abram, mba Abraham,* bawo indesənj'am kəyone ka kas ka afum a təf yelarəm.

⁶ Indesənj əm dokombəra dəpənj, indesənj'am kəkōm ka afum alarəm, abε yati ɲandeyi ɲa daco.

⁷ Indepene danapa, ina kō mənə daco kəbər ka yuruya yam kō mənə məfi-ε, indecəme danapa dadəkō darənj kō yuruya yam doru o doru. Tēm tatōkō Kanu kam k'indeyone kō ka yuruya yam kō mənə məndecəpər-ε.

⁸ Indesənj əm kō yuruya yam atəf ɲa Kanənj ɲanε mənəpər kəbεre mō fəp, ɲendeyone ɲanjan doru o doru, iyone Kanu kəɲan.»

⁹ Kō Kanu kəloku Abraham: «Mənə kō yuruya yam, dεtemp dεtemp nəleləs danapa ndε səncaɲəs mō.

¹⁰ Nte tō nəndetəmpərərne danapa dem ndε incənəs mənə kō yuruya yam kō məndecəpər-ε. Nwε o nwe oɲyone wərkun yuruya yam daco mō, pakənc kō.

¹¹ Kəkənc konu kəndementər kəcəme konu danapa dem darənj.

¹² Kəyεfe dεtemp kō dεtemp awut anu arkun fəp packənc ɲa tataka ta camət-maas, pəyone wəkōm wəka kələ kam, kō pəyone fε ti-ε fum nwε asətone pəsam nno wəcikəra eyi mō, ta əyone wəka yuruya yam mō.

¹³ Pəmar pade packənc nwε andekom nde kələ kam kō nwε andesətone pəsam mō, ti tendeyone kəfat ka danapa dem da doru o doru nde dis donu.

¹⁴ Wərkun nwε o nwε antəkənc mō, aɲwure wəkayı afum ən daco, tēm tatōkō danapa dem delip nno nkən eyi mō.»

† 16:11 Səmayila = cəHebərə «Encənkəl»
ka təf yelarəm.»

* 17:5 Abram = «Papa ka afum alarəm,» Abraham = «papa

¹⁵ Kɔ Kanu kɛlɔku sɔ Abraham: «Nte tɔyɔne ta wɛran kam Saray mɔ, ta mɔwe kɔ sɔ Saray, kɔyɛfɛ mɔkɔ Sara s'ande pacwe kɔ.

¹⁶ Kɛpɔcɛ kɔ k'inder, ipocɛ sɔ mɛna wan nwɛ endekom'am mɔ. Indepocɛ kɔ pɛtɔt, nkɔn endeyɔne kɛrɛ ka tɔf yɛlarɛm. Abɛ a tɔf yɛlarɛm ɲandewur kɔ daris.»

¹⁷ Kɔ Abraham encɛp kɛrɔ dɛntɔf kɛsɛl, k'olokunɛ dɛbɛkɛc: «Wɛrkun wɛka meren 100 ɛntam kɛkɔm ba? Kɔ Sara ɔsɔtɔ meren 90 endekom ba?»

¹⁸ Kɔ Abraham oloku Kanu: «Mɛgbɛtne Sɛmayila doru!»

¹⁹ Kɔ Kanu kɛlɔku: «Ala! Wɛran kam Sara endekom'am wan nwɛ mɛndewe Siyaka † mɔ. Indecɛmɛ danapa dosu darɛɲ kɔ nkɔn, iyɛfɛ sɔ icɛmɛ di darɛɲ kɔ yuruya yɔn kɔ nkɔn encɛpɛr-ɛ danapa da doru o doru dɔ.

²⁰ Nte tendɛɲɛrɛ ti mɔ, ine wɛran kam pɛtolanɛ Sɛmayila: Indepocɛ kɔ pɛtɔt, indesɔɲ kɔ dokombɛra dɔpɔɲ indesɔɲɛ yuruya yɔn yɛla endeyɔne kas ka abɛ wɛcɔ kɔ mɛrɛɲ kɔ wɛtem ka afum alarɛm.

²¹ Mba nte tɔyɔne ta danapa dem mɔ, Sara ɔɲkom'am tɛm tantɛ dok.»

²² Nte Kanu kɛlip kɛlok-lokɛr Abraham mɔ, kɔ Kanu kɛmpɛ darenc.

²³ K'Abraham ɛlɛk wan kɔn Sɛmayila kɔ afum aɲɛ anakom kɛlɔ kɔn disrɛ mɔ fɛp, kɛbɛp ka aɲɛ ɛnawayɛ pɛsam pɔn mɔ, ti tɔ tatɔkɔ arkun a kɛlɔ kɔn disrɛ fɛp. K'ɛɲkɛnc ɲa dɔsɔk dɪn dadɔkɔ, pɛmɔ tɔkɔ Kanu kɛnaloku kɔ ti mɔ.

²⁴ Abraham ɛnasɔtɔ meren 99 a k'andekɛnc kɔ.

²⁵ Wan kɔn Sɛmayila, ɛnasɔtɔ meren wɛcɔ kɔ maas a k'andekɛnc kɔ.

²⁶ Dɔsɔk dadɔkɔ d'ɛɲkɛnc Abraham kɔ wan kɔn, Sɛmayila.

²⁷ K'ɛɲkɛnc arkun aka kɛlɔ kɔn disrɛ fɛp, kɔyɛfɛ acar aɲɛ anakom di mɔ haɲ akɔ ɛnawayɛ pɛsam pɔn nnɔ acikɛra ɲayi mɔ. K'ɛɲkɛnc ɲa fɛp kɔ nkɔn Abraham.

18

Kanu kɛndɛɲk a Sara ɛndesɔtɔ wan wɛrkun

¹ Kɔ MARIKI owurɛr Abraham nde tofo nte ɲkiri ya Mamre yɛnacɛmɛ mɔ, tɛtɛɲɲɛ Abraham pɛndɛ nde kusɲɲka ka abal ɲɔn dan, tɛm nte pɛɲwɔnɛ mɔ.

² Kɔ Abraham ɛyɛkti fɔr, k'ɛnɛɲk arkun maas ɲacɛmɛ ta ɲambɔlɛ kɔ-ɛ. Nte ɛnɛɲk ɲa mɔ, k'ɛwirnɛ kɛkɔbɛpɛnɛ kɔ ɲa, k'ontontnɛnɛ ɲa haɲ dɛntɔf.

³ Kɔ Abraham oloku wɛkin ɲa dacɔ: «Mariki, iletɛn'am intam kɛsɔtɛr ɛm kɛwɔsɛn'em kɛcɛmɛ ka nnɔna wacar kam ba?»

⁴ Pakɛrɛ nu ɔɲ domun depic nɛbikɛnɛ wɛcɛk, nɛɲɛsɛm nnɔ kɛtɔk nke dɛntɔf.

⁵ Indesɔɲ nu sɔ pɛri, nte tɔɲsɔɲɛ nu kɛsɔtɔ sɔ fɛnɔntɛr mɔ, a nɛdekɔ tɛm tatɔkɔ nɛfɔdɛcɛpɛr nnɔ nderem kifɛli, iyi kiyi konu.» K'acikɛra ɲaloku: «Tentesɛ! Mɔyɔ tɔkɔ mɛlɔku mɔ.»

⁶ Kɔ Abraham ɔɲkɔ katɛna katɛna abal ɲɔn disrɛ nde Sara ɛyi mɔ, k'oloku kɔ: «Mɔkufɛ mɛlɛk kɛmbɛfɛ kɛtɔt tafala kɛmaas mɛgbɛntɛ akanɛ cɛcom.»

⁷ K'ɛyɛkɛsɛ sɔ kɛkɔ ka nde yɔcɔl yɛyi mɔ, k'osumpɛr tana pɛtɔt dis nde yɔcɔl yɔn dacɔ, k'ɔsɔɲ pi wɛcar kɔn wɛtɛmp wɛkin kɔ wɛkakɔ olompɛs pi katɛna katɛna.

⁸ Kɔ Abraham ɛlɛk fulaya kɔ mɛsɛ ma wana kɔ sɛm ya tana tatɔkɔ analompɛs mɔ, k'ɔɲkɔ pɛcɛmbɛrɛr yi acikɛra ɔn. Kɔ nkɔn Abraham ɛncɛmɛ ɲa kɛsɔk kɛtɔk dɛntɔf, k'acikɛra ɲacdi yeri.

⁹ Nte ɲalip kɛdi yeri mɔ, kɔ ɲayif Abraham: «Deke wɛran kam Sara ɛyi-ɛ?» Kɔ Abraham oloku ɲa, «Yei nde abal disrɛ.»

† 17:19 Siyaka, itɔ cɔHebɛrɛ = kɛsɛl.

10 Kɔ wəcɪkərə wəkin oloku: «Inder nnɔ ndaram dok tɛm tante wəran kam Sara endekom wan wərkun.» Sara ɛnacəmə dəkusunʒa Abraham tadarəŋ pəccəŋkəl.

11 Abraham kɔ Sara ŋanasɪkər, ŋabək, Sara ɛnawurɛnɛ fɛ sɔ wətam kəsɔtɔ awut.

12 Kɔ Sara eselərɛnɛ pəcloku: «Ndəkəl nte isɪkər oŋ mɔ, pəbotu pendey'im sɔ ba? Mariki wos im sɔ, esɪkər.»

13 Kɔ MARIKI eyif Abraham «Ta ake tɔ Sara eselɛ-ɛ a pəcloku: «Mba kance kɔ, indetam kəsɔtɔ wan nnɔ isɪkər mɔ ba?»

14 Tes teyi nte tentambər MARIKI mɔ ba? Dok tɛm tante imboncər əm mɔ, inder nnɔ ndaram, Sara endesɔtɔ wan wərkun.»

15 Kɔ Sara eyemɛ, k'ombupərə «Isel fɛ,» bawo ɛnanesɛ. Kɔ MARIKI ŋɔgbəkərə: «Ala, məsell!»

16 K'afum aŋɛ ŋayɛfɛ kəkɔ, kɔ ŋaməmən kəca ka Sodom. Kɔ Abraham ɛncəmbər ŋa kəkələmbərɛnɛ ŋa.

17 Kɔ MARIKI eyifnɛ: «Imɛŋkər Abraham nte ifaŋ kəyɔ mɔ ba?»

18 Abraham endeyɔnɛ kas ka afum a atɔf ŋəpəŋ, ŋa fənəntər. Afum a doru fəp tetɔn tɔ ŋandesɔtɔnɛ kəpocɛ pətɔt.

19 Bawo inasom kɔ pəloku awut ən kɔ afum ən, a ŋacəmə dəpɔ da ina MARIKI darəŋ, ŋacəmə pəlompu darəŋ kɔ sariyɛ nte tɔŋsɔŋɛ ina Kanu ilasɛ Abraham dim ndɛ ɛnasəŋ tetɔn mɔ.»

20 Kɔ MARIKI oloku Abraham: «Mes mmɛ amboncɛ Sodom kɔ Komora mɔ, məmbək kɔ kiciya ka mi kəyɔ wɛyɛwɛy.

21 Kətor k'inder dəntɔf ideməmən kɔ pəyɔnɛ a nte aŋloku tanjan mɔ kance kɔ-ɛ, kɔ pəntəyɔnɛ ti-ɛ, ina sɔ icərə ti.»

22 Kɔ acikərə aŋɛ ŋayɛfɛ tofo tatəkɔ kɔ ŋantefərɛnɛ kəca ka Sodom. MARIKI pəsərəyi kɔ Abraham.

23 Kɔ Abraham əlɔtərɛnɛ k'eyif Kanu: «Məndəkətərsɛnɛ sɔ fum wəlompu pəmɔ wələc ba?»

24 Tələma afum atɔt wəco kəcamət (50) ŋayi afum aka dare dadəkɔ daco, məndəkələsər sɔ dare dadəkɔ ba? Məfɔtam kəŋaŋnɛnɛ ŋa teta afum alompu akaŋɛ wəco kəcamət (50) aŋɛ ŋayi ŋa daco mɔ?»

25 «Təbəl'am məna kəyɔ ka tante! Məfədɛdɛfɛnɛ fum wəlompu kɔ wətələmp, tɛm tatəkɔ wətədəkət pəsɔtɔ pəcuy pin payi kɔ wədəkət. Təbəl'am məna nɛwɛ məyɔnɛ wəboc kiti ka doru fəp mɔ, məfədeyi ta mələləs sariyɛ!»

26 Kɔ MARIKI oloku: «K'imbəp nde dare da Sodom disrɛ afum alompu wəco kəcamət-ɛ (50), injaŋnɛnɛ alpəs aka tetanjan.»

27 Kɔ Abraham ŋɔgbəkərə k'oloku: «Nəməmən nte iyenk abəkək kələk-lokər Mariki Kanu mɔ, ina nɛwɛ iyɔnɛ kəbof ka dəntɔf kɔ ka dənɛnc dəm mɔ.

28 Tələma afum alompu akaŋɛ wəco kəcamət (50) ŋandəkəbut afum kəcamət paləsər oŋ dare fəp ba?» Kɔ Kanu kələku: «Ifələsər di k'imbəp di afum alompu wəco məŋkələ kɔ kəcamət-ɛ (45).»

29 Kɔ Abraham ɛncəmə kɔ darəŋ kələku kɔ toloku nte: «Tələma alompu wəco məŋkələ (40) ŋ'andəkəbər di?» Kɔ Kanu kələku: «Ifələsər, k'imbəp di alompu wəco məŋkələ-ɛ (40).»

30 Kɔ Abraham oloku: «Iləktərn'am, Mariki Kanu! Ta pətəl'am k'ilok-loku sɔ-ɛ! Tələma alompu wəco maas (30) ŋ'andəkəbər di?» Kɔ Kanu kələku Abraham: «Ifələsər di k'imbəp dətɔf afum alompu wəco maas-ɛ (30).»

31 Kɔ Abraham oloku: «Mariki Kanu, məŋaŋnɛnɛ məcəp məm. Tələma alompu wəco mərəŋ (20) ŋ'andəkəbər di?» Kɔ Kanu kələku Abraham: «Ifələsər di teta afum akakɔ wəco mərəŋ (20).»

³² Kɔ Abraham oloku: «Iletsɛn'am, Mariki mem! Ta pɛtɛl'am, tɛlpɛs t'indelok-lokɛr ɛm. Tɔlɔma alompu wɛco ɲayi di.» Kɔ Kanu kɛloku sɔ Abraham, «ifɔlɛsɛr di teta afum akakɔ wɛco.»

³³ Nte ɲalip kɛlok-loku mɔ, kɔ MARIKI ɔɲkɔ, kɔ Abraham olukus nde ndɔrɔn.

19

Lɔt kɛyacɛ kɔn kɛlɛsɛr ka Sodom

¹ Dec dɔrɔfɔy kɔ mɛlɛkɛ mɛmɛ mɛrɛɲ mender Sodom. Lɔt pɛndɛ dɛkɛbɛrɛ da dare. Nte ɛnɔɲk mi mɔ, k'ɛyɛfɛ kɛkɔbɛrɛnɛ kɔ mi, k'ontontnɛnɛ mi dɛntɔf.

² Kɔ Lɔt oloku ɲa: «Iletsɛnɛ nu, nɔna mariki mem, nɛdɛr nɔnɔ kɛlɔ ka wɛcar konu. Nɛcɛpɛrɛnɛ dɛ pibi, nɛbikɛnɛ wɛcɛk, nɛdena nɛyɛfɛ bɛtɛtana suy, nɛsumpɛr sɔ dɔpɔ donu, nɛkɔ.» Kɔ mɛlɛkɛ moloku kɔ: «Ala, nɔnɔ tofo tante tɛ sɛndɛcɛpɛrɛnɛ pibi!»

³ Mba kɔ Lɔt ɛncɛmɛnɛ ɲa ti darɛɲ haɲ kɔ ɲade ɲalɛpsɛr kɛkɔ nde ndɔrɔn. K'olompɛ ɲa yeri yɔtɔt, k'ɛmpɛcɛ ɲa cɛcom, kɔ ɲandi yeri.

⁴ Ta ɲantafɛntɛrɛ-ɛ, k'afum a dare da Sodom ɲaɲkɛl kɛlɔ, kɛyɛfɛ awut haɲ abeki fɛp faɲan ɲanayi di, ali fum anasak fɛ.

⁵ Kɔ ɲawe Lɔt kɔ ɲayif kɔ: «Deke afum akɔ ɲayi-ɛ, aɲɛ ɲambɛrɛ nɔnɔ ndaram nɔnɔ pibi pampɛ mɔ? Mɛwɛrɛnɛ ɲa nɔnɔ sɛyi mɔ, nte tɔɲsɔɲɛ sɛfɛntɛrɛr ɲa mɔ.»

⁶ Kɔ Lɔt owur dɛkusunɲa nɔnɔ ɲayi mɔ, k'ɛɲɲɛbɛt kumba tadarɛɲ tɔn.

⁷ K'oloku ɲa: «Ala, Anapa, Iletsɛnɛ nu ta nɛyɔ pɛlɛc pampɛ!»

⁸ Iletsɛnɛ nu! Iyɔ ayɛcɛra mɛrɛɲ atɔcɛrɛ arkun, iletsɛnɛ nu ikɛrɛ nu ɲa nɔnɔ dabanɲa, nɛyɔ ɲa mɛfaɲ monu. Mba ta nɛyɔ acikɛra em nte o nte, bawo kɛyi kem kɔ ɲayinɛ dɛ!»

⁹ K'afum a Sodom ɲaloku kɔ: «Mɛbɔlɛ day! Mɛna wɛcikɛra mɛfaɲ kɛbɔcɛr sɛna dɔpɔ ndɛ sɛndɛkɔt mɔ, kɔ mɛntɔwɛrɛnɛ ɲa-ɛ, tɔkɔ sɛndɛdɛɲɛr mɛna mɔ tendɛcɛpɛr taɲan!» Kɔ ɲawɛn Lɔt pɛpɔɲ kɔ ɲalɔtɛrɛnɛ kumba kɛkɔlɛsɛr ki.

¹⁰ Kɔ mɛlɛkɛ mɛmɛ mɛrɛɲ mosumpɛr Lɔt, kɔ mɛmbɛrɛsɛ kɔ, kɔ mɛɲɲɛbɛt kumba.

¹¹ Afum akɔ ɲanayi dɛkusunɲa mɔ, kɔ mɛlɛkɛ mɔsɔɲ ɲa kɛtɔnɔɲk, kɛyɛfɛ wanfɛt haɲ wɛbeki, kɔ tɛyamɛ ɲa kɛnɔɲk sɔ kumba.

¹² Kɔ mɛlɛkɛ ɲayif Lɔt: «An'ɔ mɛyɔ sɔ nɔnɔ fum-ɛ? Arkun aɲɛ mɛsɔɲ aran mɔ, awut am arkun kɔ aran, kɔ afum am fɛp, akɔ mɛyɔ dare dandɛ mɔ fɛp, mɛwɛrɛnɛ ɲa nɔnɔ dare dandɛ.

¹³ Kɛlɛsɛr kɔ sɛndɛr tofo tante, bawo MARIKI fɔr kirin, nte aɲlɔkɛ afum a dare dandɛ mɔ, tɛmbɛk. MARIKI osom su kɛdɛlɛsɛr dare dandɛ.»

¹⁴ Kɔ Lɔt ɔɲkɔ pɛbɛp arkun aɲɛ ɲananɛncɛ awut ɔn mɔ, k'oloku ɲa: «Nɛkufɛ nɛyɛfɛ dɛ! Bawo MARIKI ɛndɛdɛr kɛlɛsɛr dare dandɛ.» Mba, kɔ arkun akanɛ ɲancɛm-cɛmnɛ a kawolɛs kɔ Lɔt ɛndɛ.

¹⁵ Pɛndɛyi dɔsɔka dɛlɛpɛs kɔ mɛlɛkɛ ɲaloku Lɔt: «Mɛrɔkɛnɛ mɛyɛfɛ dɛ, mɛlɛk wɛran kam, kɔ awut am ayɛcɛra aɲɛ ɲayi nɔnɔ mɔ, ta pɛlɛc pɛdɛsɔtɔ ɲa kɔ dare dandɛ dɛnciya mɔ.»

¹⁶ Mba Lɔt pɛcwɔn, kɔ mɛlɛkɛ ɲasumpɛr ɲa waca, nkan kɔ wɛran kɔn kɔ awut ɔn ayɛcɛra mɛrɛɲ, kɔ mɛlɛkɛ ɲawɛrɛnɛ ɲa dare disrɛ, bawo MARIKI ɛnafan kɛyɛc kɔ.

¹⁷ Nte mɛlɛkɛ ɲawɛrɛnɛ ɲa dare disrɛ mɔ, kɔ mɛlɛkɛ min moloku Lɔt: «Mɛyɛkɛ nte tɔɲsɔɲɛ ta mɛfi mɔ! Ta mɛmɔmɛn tadarɛɲ, ta mɛcɛmbɛrɛs tofo o tofo nɔnɔ aranta ɲaɲɛ! Mɛkɔ mɛndɛ mɛyɛcɛnɛ nde dɛtɔrɔ, ta mɛdɛfi.»

¹⁸ Kɔ Lɔt oloku ɲa: «Ala, mariki mem! Tɔfɔtam kɛyi.

19 Iletsen'am! Wəcar kam əsətər əm kəŋaŋnənə nte məlas layidi dam nno iyi mə, nte məsak im kəyi doru mə, mba ifətam kəyəkse ibəp tərə tatəkə a məctore pələc, kə pəyi fə ti-ε ina sə, iŋfi.

20 Iletsen'am məŋnəŋk dare dəkə, dələtərn'em k'iyeke ibere di kə defete sə. Məc'em ikə inde iyacne di, defete fə ba? Intam di kəberε, təsəŋ'em kəyi doru!»

21 Kə meleke moloku kə: «Awa, kətola kam kəŋke disre, ifələsər dare dadəkə məŋle mə.

22 Awa, mərokne məkə, bawo ifətam kəyə tələm o tələm ta məntabere di-ε.»

Ti t'əsəŋe nte awenε dare dadəkə Cohar * mə.

23 Dec dəncpe, a kə Lət emberε Cohar.

24 Kə MARIKI əntufər aka Sodom kə Komora kəyefe darenc, pərbələ kə nenc, nyε MARIKI encsak mə.

25 Kə Kanu kələsər sədare fəp, kə aranta, kə afum kəbəp ka yopəŋ dəntəf fəp.

26 Kə wəran ka Lət əməmən tadarəŋ, k'əntəŋke k'əyənε tərəŋka ta mεr.

27 Kə Abraham eyefe bətbət suy, k'əŋkə nde tofo təkə ŋanacəme kə MARIKI mə.

28 Kə Abraham əməmən kəca ka Sodom kə Komora, k'əməmən sədare sa aranta fəp, k'ənəŋk kinime kəcpε pəmə nte kinime kəpəŋ kənde kəcpε daranta mə.

29 Nte Kanu kəncəsər sədare sa aranta ŋəŋkə mə, kə Kanu kəncem-cəmnε Abraham, kə kəyəc Lət pələc nte kəncəsər sədare nse Lət ənandε pəyacne mə.

Lət kə awut ən aran

30 Kə Lət eyefe Cohar k'awut ən aran mεrəŋ kəpε kəkəndε dətərə, bawo ənənε kəndε ka Cohar. K'əŋkə pəyi kumbun̄kum † ka tərə tələma disre.

31 Kə wan wəran wəcəkə-cəkə wəka Lət oloku wəlpəs: «Papa kosu əyənε wətem, fum eyi fə dətəf nwe endeder su mə, pəmə nte mes mosu mukur moloku ti mə.

32 Məder səsəŋe kə kəmun member nte təŋsəŋe pəfəntərəŋ su, təŋsəŋe səsətənε kə yuruya mə.»

33 Kə ŋəsəŋe kas kəŋan kəmun member pibi papəkə. Kə wan kən wəran wəcəkə-cəkə ŋkə pəfəntərə kə kas. Mba Lət ənacərənε fə kəberε kə kəwur ka wan kən.

34 Dəckəsək k'oloku wəfətərə kən: «Ifəntərəna nno pibi kə papa. Pasəŋe kə sə kəmun member nno pibi, nte təŋsəŋe mənə sə nəkə nəfəntərə kə nkan mə təsəŋe pasətənε kə yuruya mə.»

35 Pəndesəbiye kə awut ən aran ŋəsəŋ kə sə member. Pibi papəkə kə wan kən wəran wəfət wəkə ŋkə pəberər papa kəŋan Lət, kə ŋafəntərə. Kas kəŋan ənacərənε fə kəberε kə kəwur ka wəkəkə sə.

36 Kə awut aran a Lət aŋε mεrəŋ fəp ŋambəkse Lət kas kəŋan.

37 Kə wan wəran wəka Lət wəcəkə-cəkə ŋkom wan wərkun, k'ewe kə Mohab.‡ Nkən əyənε papa ka aMohab, ŋayi doru haŋ məkə.

38 Kə wan ka Lət wəran wəfət ŋkom wan wərkun, k'ewe kə «Ben Ami.»§ Nkən əyənε papa ka aka Aməŋ ŋayi doru haŋ məkə.

20

Abraham kə Abimelεk

1 Kə Abraham eyefe di kəkə ka atəf ŋa Nεkef. K'endε Kades kə Sur dacə, k'eyefe sə k'encepərənε tēm Kerar.

* 19:22 Cohar = «pafet» † 19:30 Abi nde tərə kəronj nte təŋsəŋe ŋatam kəgəpənε mə. ‡ 19:37

Mohab = «wəka papa» § 19:38 Ben Ami = «wan ka afum em»

² Abraham oncloku afum aka di teta wəran kən Sara: «Wəkirɛ kem ɔfo.» Kɔ Abimɛlɛk, wəbɛ wəka Kerar, ɛmbaŋ Sara.

³ Awa, kɔ Kanu kənder Abimɛlɛk dɛmɛrɛ ma pibi kɔ kəlɔku kɔ: «Kəfi kɔ mənder teta wəran wəkɔ məsumpər mə, bawo wəran wəlɔ ɔfo!»

⁴ Abimɛlɛk nwe ɛnatɔgbuŋɛnɛ wəran nwe mə, k'eyif: «Mariki mem, cəke cɔ pəyi-ɛ, kədif kɔ mənder atɔf ŋin ali ŋayɔnɛ afum alompu?»

⁵ Nkɔn Abraham yati olɔk'im: «Wəkirɛ kem ɔfo,» kɔ wəran yati nkɔn sɔ olɔku: «Wɛnc im wərkun ɔfo?» Abəkək ɲosoku ŋ'inayo, ali pələc iyɔ fɛ.»

⁶ Kɔ Kanu kəlɔku kɔ dɛmɛrɛ: «Incərə belbel ina sɔ, a abəkək ɲosoku ŋɔ mənayo nte məcyɔ tante mə. Ina yati in'eyaməs am kədəktər im, ti t'inatɔwos'am a məgbuŋɛnɛ kɔ.

⁷ Ndekəl, məlukɛ wəran wəkawɛ wos. Bawo sayibɛ sa Kanu s'ɔyɔnɛ, ɛndetolan'am məyi doru. Kɔ mətɔlukɛ kɔ-ɛ, məcərə a kəfi kɔ mənder kɔ ca yəkɔ məyɔ mə fəp.»

⁸ Kɔ Abimɛlɛk ɛyɛfɛ bətbət suy, k'ewe acar ɔn fəp. K'ɔlɔmər ŋa mɛrɛ maməkɔ fəp. Kɔ kənɛsɛ kəpɔŋ kəsumpər afum akakɔ.

⁹ Kɔ Abimɛlɛk ewe Abraham k'eyif kɔ: «Cəke cɔ məyɔ su tante-ɛ? Kɔ kiciya kərə k'inci'y'am-ɛ, nte məsɔŋɛ su, ina k'atɔf ŋem kəciya pəpɔŋ mə? Məy'em məyɔ mɛrɛ pəntɔmar məy'em mə.»

¹⁰ Kɔ Abimɛlɛk eyif Abraham: «Cəke cɔ mənafaŋ nte məyɔ tante mə?»

¹¹ Kɔ Abraham olɔku: «Inacɛm-cɛmnɛ a kənɛsɛ Kanu kəyi fɛ nnɔ, a andedif im teta wəran kem.

¹² Nte tendɛŋərɛnɛ ti mə, kance kɔ, a wəkirɛ kem ɔfo. Kas kin kɔ səmpaŋnɛ, səyerɛnɛ cərə. K'ɛnder sɔ k'ɔyɔnɛ wəran kem.

¹³ Nte Kanu kəsɔŋ'em kəyɛfɛ kəlɔ ka papa wəkem mə, ti t'inalɔku Sara: «Mələk'em layidi kəca nke o nke səŋkɔ mə, mədekɔ məclɔku a wɛnc əm wərkun iyɔnɛ.»»

¹⁴ Kɔ Abimɛlɛk ɛlɛk cir, ŋkesiya, cəna kɔ acar arkun kɔ aran k'ɔsɔŋ Abraham k'olukɛ kɔ wəran kən Sara.

¹⁵ Kɔ Abimɛlɛk olɔku: «Atɔf ŋem ŋɔ ŋaŋɛ nnɔ fər yam kirin, məndɛ nnɔ pəndɛbɔt əm mə.»

¹⁶ K'olɔku Sara: «Isɔŋ wɛnc əm wərkun mɛncəmbəl ma gbɛti wul win, bɔyɔn'am aca nnɔ afum ŋayi mə, kəmentər a mənərə fɛ tɔlɔm o tɔlɔm tes tante disrɛ.»

¹⁷ Kɔ Abraham ontola Kanu, kɔ Kanu kəntaməs Abimɛlɛk, wəran kən kɔ acar ɔn, kɔ ŋantam kəkɔm,

¹⁸ bawo MARIKI ɛnasumpər aka kəlɔ ka Abimɛlɛk fəp dokombərə teta wəran ka Abraham, Sara.

21

Kəkom ka Siyaka

¹ Kɔ MARIKI ɛmbaŋ Sara pəmɔ təkɔ ɛnalɔku ti mə, kɔ MARIKI ɛlasɛ kɔ dim dəkɔ ɛnasɔŋ kɔ mə.

² Kɔ Sara ɛmbəkəs, k'ɔŋkɔmɛ Abraham wan wərkun detem dɔn disrɛ, tɛm tatəkɔ Kanu kənabɔncər kɔ mə.

³ Kɔ Abraham ewɛ wan wərkun nwe Sara ŋkɔmɛ kɔ mə «Siyaka.»

⁴ Kɔ Abraham ɛŋkənc Siyaka wan kən wərkun nwe tataka ta camət-maas tɔn, pəmɔ təkɔ Kanu kənasom kɔ ti mə.

⁵ Abraham ɛnasɔtɔ meren tasar tin (100), nte ankom wan kən Siyaka mə.

6 Kɔ Sara oloku: «Kanu kəsəŋ'em kəsəlsər. Nwε o nwε ene kəkom kem Siyaka mɔ, tɔŋyɔ kɔ mesel.»

7 K'endenjər: «An'ɛnatam kəsəŋε Abraham kəlanj a Sara endeməsər awut-ε? Mba injkome kɔ wan wərkun detem dən disrε.»

Abraham kəbeləs kən Hakar kə Səmayila

8 Kɔ wan embek k'awurε kɔ mεsε. Kɔ Abraham omboc kəsata kəpəŋ dəsək ndε awurε Siyaka mεsε mɔ.

9 Kɔ Sara ɛnəŋk wan wərkun, nwε wəran wəMisira Hakar ɛnakome Abraham mɔ, pətsel.

10 Kɔ Sara oloku Abraham: «Məbeləs wan wəran wəcar nwε kɔ wan kən wərkun. Bawo wan ka wəcar wəkawε ɲafɔdeparŋnε kε kɔ wan kem.»

11 Kɔ toloku tatəkɔ tentε Abraham belbel teta wan kən.

12 Mba kɔ Kanu kəloku Abraham: «Ta tetel'am teta wan kam wərkun kɔ kεrε, wəcar kam. Məwosεnε Sara ntε o ntε ɛŋfanjər əm mɔ. Bawo nnɔ Siyaka eyi mɔ, məndəsətɔ yuruya nyε yendetəmpər tewe tam mɔ.

13 Indeyonε sɔ wan ka wəcar kam atɔf. Bawo nkən sɔ yuruya yam y'ɔyɔnε.»

14 Kɔ Abraham ɛyεfε bətbət suy, k'ɛlek kəcom, k'ɛlas apampε domun k'əsəŋ Hakar, k'endəndəsər kɔ wan, k'embeləs ɲa. Kɔ Hakar ɔŋkɔ pəyi Tεgbərə ta Bersaba.

15 Ntε apampε ɲelip domun mɔ, kɔ Hakar ɛsak wan tətək dəntɔf.

16 K'ɛŋkafələr k'ɔŋkɔ pəndε kəsək pəccəpəsne: «Ifanj fε kəgbətne wan kem pəcfi.» K'ɔŋkɔ pəndε pəbəlεnε kɔ dobolu da kələm ka ambəncəran katin pətəfərne kɔ, pəcbok.

17 Kɔ Kanu kəne wan dim, kɔ mɛlekε ma Kanu mewe Hakar darenc kɔ meyif kɔ: «Ake'ntərs'am-ε Hakar? Ta mənese! Bawo Kanu kəne wan kam dim ndε eyi mɔ.

18 Məyεfε mələk wan, məsumpər kɔ waca mɛrəŋ, bawo afum alarəm ɲ'indəsəŋ kɔ.»

19 Kɔ Kanu kəmepi Hakar fər k'ɛnəŋk kələmp. K'ɔŋkɔ pəlas apampε domun, k'əsəŋ wan k'omun.

20 Kɔ Kanu kəmbum wan nwε ɛncbək, pəyi dətεgbərə mɔ, k'ende pəyɔnε wəpənε mbəncəran.

21 Kɔ Səmayila embek dəndo tεgbərə ta Paran, kɔ kεrε ɛntenε kɔ wəran wəMisira.

Abraham kəsək kən danapa kə Abimɛlek

22 Tεm tatəkɔ, Abimɛlek ɲasol kɔ Pikɔl, wəbε wəka asɔdar ɔn, k'ende pəloku Abraham: «Kanu kəsol am mes mme məŋyɔ mɔ fəp.

23 Mədərəm'em ɔŋ ma nnɔ, məkɔrne Kanu a məfɔdetinjər im, awut em, kɔ awut-sɔ em, mədərəm em sɔ a məndetəmpər em kɔ atɔf ɲjε məyi mɔ abəkək ɲosoku, pəmɔ təkɔ iyən'am mɔ.»

24 Kɔ Abraham oloku: «Indərəm am ti.»

25 Mba kɔ Abraham ɛnal Abimɛlek teta kələmp nke acar a Abimɛlek ɲanabəŋε fənəntər mɔ.

26 Kɔ Abimɛlek oloku: «Incərəfε fε nwε ɛnəyɔ təyɔ tatəkɔ mɔ: Mənasəŋε f'em ti kəcərə, məkɔ məndəsəŋ'em ɔŋ ti kəcərə.»

27 Kɔ Abraham ɛlek ɲkesiya, cir kɔ cəna, k'əsəŋ yi Abimɛlek. Kɔ ɲaluksərne kɔ ɲasek danapa mɛrəŋ maŋan.

28 Kɔ Abraham ɛncəmbər kəsək cir cəyəcərə camət-mɛrəŋ ca yɔcəl yɔn.

29 Kɔ Abimɛlek eyif Abraham: «ɲkesiya yeran camət-mɛrəŋ ya ake yɔ məncəmbər kəsək-ε?»

³⁰ K'Abraham oloku Abiməlek: «Məwose kəbaŋ ŋkesiya yeran camət-məerəŋ yaye tøyəne kətəŋne kosu tes a in'ənakay kələmp kaŋke.»

³¹ Ti tə awene tofo tatəko «Bersaba», bawo dəndo kəfo kaŋke kə ŋanadərmenə.

³² Kə ŋantəŋne kəsək danapa dəndo Bersaba. Kə təyefe dənda, Abiməlek kə Pikəl wəbe ka asədar ən ŋayefe, kə ŋalukus atəf ŋa aFilsti.

³³ Kə Abraham əmbəf abet * Bersaba, k'əŋkorne MARIKI nwe əntəlip doru o doru mə.

³⁴ K'Abraham encepərənə təm tobolu atəf ŋa aFilsti.

22

Abraham owose kəloŋnə Kanu wan kən Siyaka

¹ Nte mes mmə mencepər mə, kə Kanu kəmbocər Abraham dəpə, kə kəwe kə: «Abraham!» K'owosənə ki: «In'əwe!»

² Kə Kanu kəloku: «Məlek əŋ wan kam sona Siyaka, wəkəkə məmbətər mə. Məkə atəf ŋa Moriya dəndo, məkə məloŋnen'em wan kam kəloŋne ka kəcəf nde tərə mpə indekəmentər əm mə.»

³ Kə Abraham eyefe bətbət suy k'əŋgbek səfale sən kəbənda, k'ələkənə acar ən atəmp məerəŋ kə wan kən Siyaka. Kə Abraham əŋgbəs tək nyə enəkəcəfe Kanu poləŋnə mə, k'entas nde kəfo kəŋkə Kanu kənəmentər kə mə.

⁴ Tataka ta maas, kə Abraham eyekti kəro k'ənəŋk kəfo kaŋkə pəbələ.

⁵ K'oloku atəmp ən: «Nəyi nnə kə səfale. Siyaka k'ina, kəpə kə sənder nde kəroŋ kəkəntəntənə Kanu. Kə səlip-ə, səndəbər nu nnə.»

⁶ Kə Abraham əlek tək nyə anakəcəfe Kanu poləŋnə mə, k'əsarsər yi wan kən Siyaka, kə nkən əlek nenc kə faka. Kə ŋasol məerəŋ manjan kəkə.

⁷ Kə Siyaka ewe kas Abraham k'eyif kə: «Papa!» Kə wəkəkə owosə: «In'əwe, wan kem!» Kə Siyaka oloku: «Nenc də dandə kə tək, mba deke tənkesiya təkə aŋkəloŋnə Kanu pəcəf mə peyi-ə?»

⁸ Kə Abraham oloku: «Wan kem, Kanu ki sərka kəŋkəsətə tənkesiya nte aŋkəcəfe kə poləŋnə mə.»

Kə ŋasol məerəŋ manjan sə kəkə.

⁹ Nte ŋambər kəfo nkə Kanu kənəmentər kə mə, kə Abraham əncəmbər tetek toloŋnə Kanu, k'omboc tək. K'əŋkot wan kən Siyaka, k'ədenər kə tək ya kəloŋnə kəroŋ.

¹⁰ Kə Abraham əntənc kəca k'ələk faka kəkəfay wan kən amera.

¹¹ Kə mələkə ma MARIKI mewe kə darenç. Kə moloku: «Abraham! Abraham!» K'owosə: «In'əwe!»

¹² Kə mələkə moloku: «Ta mədenər wan kam kəca, ta məyə kə tes o tes, bawo incərə əŋ ndekəl a məŋnesə Kanu, nte məntəfaten'em wan kam mə, wan kam sona.»

¹³ Kə Abraham eyekti fər k'ənəŋkənə tadarəŋ aŋkesiya ŋorkun lən ya ŋi yepətsərne dərəntəm. Kə Abraham əŋkə pələk aŋkesiya nŋə k'əsəkprəte ŋi wan kən, k'oləŋnə ŋi Kanu k'əncəf, k'əsək wan kən.

¹⁴ Kə Abraham əsəŋ tofo tatəkə tewe ta «MARIKI əŋnəŋk*.» Ti tə aŋloke məkə: «Nde tərə ta MARIKI kəroŋ, andekəŋkə kə.»

¹⁵ Kə mələkə ma MARIKI məŋgbəkərə sə kəwe Abraham darenç,

¹⁶ kə moloku: «Toloku ta MARIKI indərəm'am ti, ina sərka! «Bawo məyə tantə, məfatənə f'em wan kam sona Siyaka,

* **21:33** Kətək nkə kəwurenə «tumbunyi» mə. * **22:14** MARIKI əŋnəŋk = «Wəbe Kanu əsəŋ pəmarsənə.»

17 indelas əm kəpocə pətət, indesəne afum əm nala pəmə cəs ca darenc kə asənc nə kəba kəsək. Yuruya yam † yendetasərne aterene anjan.

18 Afum a doru fəp nandesətə kəpocə pətət teta yuruya yam, bawo mənəcənkəl dim dem.»

19 Kə Abraham oluksərne nde atəmp ən njanckar kə mə, kə nayeƒe kə nəsəl fəp fañan kəkə Berseba, bawo Abraham Berseba enandə.

20 Nte mes maməkə mencepər mə, k'ande paloku Abraham nte: Milka oñkome sə wənc Nahor awut arkun:

21 Huc wan kən wəcəkə-cəkə, Bus wənc wərkun, Kemuyel papa ka Aram,

22 Kesed, Haso, Pildas, Yidlaf kə Betuhəl.

23 Kə Betuhəl oñkom Rebeka. Awut arkun akanə camət-maas nə Milka enakome Nahor, wənc ka Abraham.

24 Kə wələk'ən Rehuma, nkən sə enakome kə awut: Tebah, Kaham, Tahas, kə Mahaka.

23

Abraham kəwaye kən Sara kufu

1 Kəwon ka Sara doru kənasətə meren tasar tin wəco mēəñ kə camət-mēəñ (127), meren maməkə mə Sara enasətə doru.

2 Sara enafi nde dare da Kiriyyat-Arba, ti tətətəkə Heberəñ atəf nə Kanañ. Kə Abraham ender kətəñne kəwup ka Sara, pəbok kə.

3 Kə Abraham eyəƒe pəsək wəran kən wəfi, k'oloku aHewy moloku mme:

4 «Wəcikəra iyone, wəcepərene tem nnə ndoronu, nəpoc em tofo towupene nnə ndoronu, intam kəwup wəran kem, ibələn'em kə.»

5 Kə aHewy nəloku Abraham:

6 «Məcənkəl su, mariki! Fum wəpəñ wəka Kanu məyone su dacə. Məməmən kəfo nke kəmbət əm mə, məwup wəran kam dəkəwupene dosu dacə. Ali fum əfədefatene dəkəwupene dən kəwup ka wəran kam.»

7 Kə Abraham eyəƒe k'ontontnene afum a dətəf, aHewy fər kirin.

8 Kə Abraham oloku nə nte: «Kə nəwose a iwup wəran kem nnə ibələn'em kə-ε, nəcənkəl im, nəlukse tefañ tem Hēfəron, wan ka Cohar.

9 A pəsək em kumbun̄kum * ka Makpela nke kəyone kən mə, nde dale dəkusu. Pəwayər im di gbeti mbə bentam kəsətə di mə, nte tənşəne pəyone di dəkəwupene dem nənə dacə mə.»

10 Hēfəron enandə aHewy dacə. Kə Hēfəron wəHewy oloku Abraham aHewy fər kirin kə anə njanckere dare danjan dəkusuñka mə:

11 «Ala, mariki mem. Məcənkəl im! Isəñ əm dale, k'isəñ əm sə kumbun̄kum kəñkə kəyi di mə. Isəñ əm ki, fər ya awut a atəf nəm kirin. Məwup di wəran kam.»

12 Kə Abraham ontontnene afum aka dətəf.

13 K'oloku nte Hēfəron, fər ya afum a dətəf kirin: «Məna sə məkafələ məcənkəl im! Inşəñ kəway ka dale! Məwosən'em ti, a idewup di wəran kem.»

14 Kə Hēfəron oloku Abraham:

15 «Mariki mem, məcənkəl im! Antəf nə gbeti mēncəmbəl masar mañkələ (400), ake babəkə bəyone ina kə məna dacə-ε? Məwup di wəran kam!»

16 Nte Abraham ene moloku ma Hēfəron mə, k'əsəñ kə gbeti mbə enabonc mə, gbeti mēncəmbəl masar mañkələ (400), fər ya aHewy kirin. Gbeti mēncəmbəl masar mañkələ (400) babəkə, bənəyone hake nə kəway ka antəf nənəkə tem tətəkə nnə acaməs nəyi mə.

† 22:17 Yuruya yam = pəlay pa kəbənda ka dokom dam njanwupene cəkə-cəkə mə.

* 23:9 Bi yəkə yeyi nde mərə dantəf, nde

¹⁷ Kɔ tɔyɔnɛ oŋ dale da Hefəron nde deyi Makpela, pətəfərənɛ di kɔ Mamre mə, kəyɛfɛ dale kəkɔ kumbun̄kum han̄ tɔk nyɛ yɛnacəmə dəkəlɛncər mə fəp,

¹⁸ kɔ yɔyɔnɛ oŋ ya Abraham fɔr ya aHewy kirin̄ kɔ akɔ ŋancɛrɛ dare dadɔkɔ dəkusuŋka mə.

¹⁹ Ntɛ tencepər mə, kɔ Abraham owup wəran kɔn Sara nde kumbun̄kum ka dale da Makpela, nde pətəfərənɛ kɔ Mamre mə, ti tɔ tatɔkɔ Hebəron̄ atɔf ŋa Kan̄.

²⁰ Dale kɔ kumbun̄kum nke kənayi di mə, kɔ pəyɔnɛ di oŋ dəkəwupɛnɛ da Abraham nde ɛnaway fɔr ya aHewy kirin̄ mə.

24

Kənɛncɛnɛ ka Siyaka kɔ Rebeka

¹ Abraham ɛnasikər, meren mən mənabɔlɛ kətɛnc, MARIKI ɛnapocɛ kɔ pətɔt fəp.

² Kɔ Abraham oloku wəcar kɔn nwe ɛnanan̄kanɛ kəwon nno ndɔrɔn mə, nwe onclompɛ kɔ ca yɔn mə: «Mədeŋ kəca kam aləŋk ŋem tantɔf,

³ Indesəŋ'am kədəɛɾəm MARIKI, Kanu nke kəyi darenc kɔ dantɔf mə, ta mələkɛ wan kem wəran wəKan̄, afum akanɛ indɛ daco mə.

⁴ Mba məde məkɔ atɔf ŋem nde dən̄kom dem, mələkɛ di wan kem Siyaka wəran.»

⁵ Kɔ wəcar kɔn oloku kɔ: «Tɔlɔma ta wəran ŋkɔwosɛ kəcəps'em darəŋ kəder ka nno-ɛ, tɛm tatɔkɔ ilukɛ wan kam atɔf ŋɛ məyɛfɛ mə ba?»

⁶ Kɔ Abraham oloku: «Məkɛmbərnɛ a məlukɛ wan kem dəndo de!

⁷ MARIKI, Kanu nke kəyi darenc mə, nke kəsəŋ'em kəsak afum em kɔ dən̄kom dem mə, nke kəlɔk-lokər im a kədərm'em kəsəŋ ka atɔf ŋanɛ yuruya yem mə, nkɔn sərka endesom mələkɛ mɛcəm'am fɔr kirin̄, dəndo məndekələkɛ wan kem wəran mə.

⁸ Kɔ wəran ɔntəkɔwosɛ kəcəm'am darəŋ-ɛ, in̄an̄nɛn'am kədəɛɾəm nke isəŋ'am kədəɛɾəm mə. Mba ta məlukɛ wan kem dəndo de!»

⁹ Kɔ wəcar endɛŋ kəca mariki mən Abraham aləŋk tantɔf, k'ɛndɛɾmɛ kɔ teta moloku maməkɔ.

¹⁰ Kɔ wəcar ɛlɛk yəkɔmɛ wəco yəkɔmɛ ya mariki mən daco, k'ɔŋkɔ. Tɛnatəŋnɛ pətəmpər daka da wəbɛ kɔn dɔtɔt fəp.

¹¹ Ntɛ ɛmbɛɛ Mesopotami nde dare da Nahor mə, k'ɛncəp yəkɔmɛ suwu dare kəsək ta ɔmbɔlɛ kələmp ka domun-ɛ, dec dərəfɔy tɛm tɔkɔ aran ŋan̄wur kəkəkɛt domun mə.

¹² K'ontola: «Məna MARIKI, Kanu ka Abraham mariki mem, məmar im kənəŋk ka paka mpe inten mə, iletɛn'am. Kɔ məyɔ ti-ɛ, məlasɛ mariki mem Abraham layidi dəkɔ mənəsəŋ kɔ mə.

¹³ In'ɛwɛ incəmə nno kələmp kəsək mə, k'ayɛcərə a afum a dare ŋawur kədəkɛt domun-ɛ.

¹⁴ Pəyɔnɛ a wəyɛcərə nwe indeloku: «Iletɛn'am məti tɔbɔl tam imun,» a wəkayi pəlɔk'im: «Məmun, isəŋ sɔ yəkɔmɛ yam yomun,» pəyɔnɛ a wəkakɔ mampocɛ wəcar kam Siyaka! Tɛm tatɔkɔ indecərə a məlasɛ mariki mem Abraham layidi dəkɔ mənəsəŋ kɔ mə.»

¹⁵ ɛnalip fɛ moloku, kɔ Rebeka wan ka Betuhɛl, wan sɔ ka Milka kɔ Nahor wɛnc ka Abraham ŋwur pəgban̄nɛ tɔbɔl tɔn.

¹⁶ Wəyɛcərə wətɔt teyi ɛnayi, ta ɛntacərə wərkun-ɛ, ali wərkun wəkin ɛnacərə fɛ kɔ dɛran. K'ontor dəkələmp k'ɛlas tɔbɔl tɔn k'ɛmpɛ.

¹⁷ Kɔ wəcar ɛyɛkɛ kəkɔfaynɛ kɔ, k'oloku kɔ: «Məpoc em domun depic da tɔbɔl tam, iletɛn'am.»

18 Kɔ Rebeka oloku: «Məmun, mariki mem!» K'embəlkər kətine kɔ təbəl tən, k'əsəŋ kɔ domun, k'omun.

19 Ntɛ elip kəsəŋ wəcar ka Abraham k'omun mə, k'oloku kɔ sɔ: «Indekete yəkəme yam domun yi sɔ yomun haŋ pətəŋne yi.»

20 K'embəlkər kəneŋkəli domun deləpəs dəkəsamp, k'eyekse sɔ kəkəkət domun dələma dəkələmp, k'eŋkete yəkəme fəp domun.

21 Kɔ wəcar ka Abraham eyifne teta wəyecərə nwe dəbəkəs, kɔ pəyɔne a MARIKI eyi kələmpse kɔ pəkət pən-ɛ.

22 Ntɛ yəkəme yelip kəmun mə, kɔ wərkun nwe elək kurundɛ ka kema ka tencəmbəl daco,* kɔ cəsora ca dəkəca mɛrəŋ ca kema ka mɛncəmbəl waco,† kəsora kin o kin k'əsəŋ Rebeka.

23 Kɔ wərkun nwe eyif Rebeka: «An'okom əm-ɛ wəyecərə? Mələk'im ti iletseŋ'am. Səntam kəsətɔ kəfo dəkəcepərəne pibi, nde kələ ka papa kam?»

24 Kɔ Rebeka oloku: «Wan ka Betuhel iyəne, nwe Milka enakome Nahor mə.»

25 K'endenər: «Mempəle kɔ yika yelərəm yeyi nnɔ ndorosu kɔ tofo tecepərəne pibi teyi sɔ di.»

26 Kɔ wərkun nwe ontontnɛne MARIKI,

27 pəcloku: «Inkor-kor'am mənə MARIKI, Kanu ka mariki mem Abraham. Mənə nwe mənəsak kələs layidi nde mənəsəŋ kɔ mə, macyəne mariki mem mɛfan mən fəp mə! MARIKI məsol'em kɔ mənker'em haŋ nnɔ kələ ka awenc a mariki mem Abraham.»

28 Kɔ wəyecərə eyekse k'əŋkɔ pələmər mes maməkɔ fəp kere nde ndəron.

29 Rebeka enayɔ wenc wərkun pəcwe kɔ Labaŋ. Kɔ wəkakɔ eyekse kəkəməmən wərkun nwe, nde dəkələmp.

30 Labaŋ enanəŋke Rebeka kurundɛ kɔ cəsora dəwaca, k'enanene kɔ pəcloku: «Ti tɔ wərkun wəkakɔ olək-ləkər əm.» Kɔ wenc wərkun wəka Rebeka ender nda wərkun nwe, enayi kələmp kəsək kɔ yəkəme yən mə.

31 Kɔ Labaŋ oloku: «Məder mənə nwe MARIKI ompocə mə! Ta ake tɔ məndeyine dabanja-ɛ? Ifeŋ dukulɔ k'ilompse yəkəme yam tofo.»

32 Kɔ wərkun nwe embere dəkələ. Kɔ Labaŋ ontore yesare ya yəkəme, k'əsəŋ yi yika kɔ mempəle. K'əsəŋ wərkun nwe kɔ afum aŋe enasole mə domun debikene wɛcək.

33 Kɔ tɛyɛfɛ dənɔda k'ancəmbərə kɔ yeri. Mba k'oloku: «Ifodi kərəsna paka, mənɛ iloku toloku ntɛ inder kələku mə.» Kɔ Labaŋ oloku kɔ: «Mələku!»

34 K'oloku: «Awa. Wəcar ka Abraham iyəne.

35 Bel-bel bɔ MARIKI ompocə mariki mem pətət nwe əyɔne fum wələl mə. Kanu kəmpocə kɔ cənə ŋkesiya kɔ cir, gbeti kɔ kema, acar arkun kɔ aran, yəkəme kɔ sɔfale.

36 Sara wəran ka mariki mem ende pəkome kɔ wan wərkun detembərə dən disre. Wan wərkun wəkakɔ, nkən mariki mem əsəŋ daka dən fəp.

37 Mariki mem Abraham əsəŋ'em kədəerəm, kəcloku: «Məfədetɛne wan kem wəran ayecərə a Kanaŋ daco atɔf nŋe iyi mə,

38 mba mədə məkɔ nde iyɛfɛ mə, kor kosu disre, mətɛne di wan kem wəran.»

39 K'iloku Mariki mem: «Tələm ta wəran əŋkəwose kəcəps'em darəŋ kədəer nnɔ-ɛ.»

40 K'olok'im: «MARIKI nwe inktɔf fər kirin mə, endesom mələke mən mɛban əm pəkət pam. Mələke wan kem wəran nde kusunja kosu, pəyɔne sɔ wəka kor kosu.»

* 24:22 Delel da kurundɛ ka kema kanjɔ denayəne «grammes» camət-tin. † 24:22 Delel da kəsora kin denayəne «grammes» tasar tin kɔ toloma.

41 Kɔ Abraham olok'im: «Indewur'am kɔdɛrɛm kanke imbers'am a mɛdɛrɛm mɔ, kɔ pɛyɔnɛ a mɛnko nde kor kosu a ta awos'am, kɔsɔŋ ka wan wɛran-ɛ iŋŋanɛn'am kɔdɛrɛm kanke.»

42 Nte imbɔrna mɔkɔ nde dɔkɔlɔmp mɔ, k'iloku: «MARIKI, Kanu ka mariki mem Abraham, kɔ mɛŋwosɛ kɔlompɛs em pɔkɔt-ɛ,

43 in'ɔfo nwe iyi kɔlɔmp ka domun kɔsɔk mɔ.» Wɛyɛcɛra nwe endewur kɔdekɛt domun mɔ, nwe indeloku: «Mɔpoc em domun depic da tɔbɔl tam imun.»

44 a wɛkayi pɔlok'im: «Mɔban mɛmun mɛna sɛrka, indesokete yɔkɔme yam!» Wɛyɛcɛra wɛkakɔ pɛyɔnɛ nwe MARIKI encɔmbɔrɛ wan ka mariki mem Abraham mɔ!

45 Ilipna fɛ ti kɔlokunɛ debɔkɛc, kɔ Rebeka oŋwur pɛgbanɛ tɔbɔl dɔkɔbanca. K'ontor dɔkɔlɔmp k'ɛŋkɛt domun. K'iloku kɔ: «Iletsɛn'am mɔpoc'em imun.»

46 K'ɛmbɛlkɛr kɔtin'em tɔbɔl tɔn tɔkɔ ɛŋgbanɛna mɔ, k'olok'im: «Mɛmun, indepocɛ sɔ yɔkɔme yam yomun.» K'imun, k'ompocɛ sɔ yɔkɔme yem kɔ yomun.

47 K'iyif kɔ: «An'okom ɔm-ɛ wɛyɛcɛra?» K'olok'im: «Wan ka Betuhɛl iyɔnɛ, wansɔ ka Nahor kɔ Milka.» K'imber kɔ kurundɛ dololɔm kɔ cɛsora dɔwaca.

48 K'intontnɛnɛ MARIKI, k'iyek-yekɛs kɔ, Kanu ka mariki mem Abraham, nkɛ kɔsol'em kɔdelek wan ka wɛnc idesɔŋ kɔ Siyaka wan ka nkɔn Abraham mɔ.

49 Ndekɔl oŋ kɔ pɛyɔnɛ a mɛwosɛ kɔlasɛ mariki mem Abraham pɛsoku disɛr, layidi ndɛ mɛnasɔŋ kɔ mɔ, mɛsɔŋ'em ti kɛcɛrɛ, kɔ pɛyɔnɛ fɛ ti-ɛ, ikɔ kɛca kɛmeriya, kɔ pɛyi fɛ ti-ɛ, kɔtɔt.»

50 Laban kɔ Betuhɛl ŋaloku: «Tes tante nda MARIKI tɛyɛfɛ, sɔfɔtam kɔluku ti tɔlɔm o tɔlɔm.

51 Rebeka ɔfo wɛkawɛ fɔr yam kirin, mɛlek kɔ nɛkɔ. Pɔkɔ pɛyɔnɛ wɛran ka wan ka mariki mam pɛmɔ tɔkɔ MARIKI oloku ti mɔ.»

52 Nte wɛcar ka Abraham ene moloku mamɔkɔ mɔ, k'ontontnɛnɛ MARIKI dɔntɔf.

53 Kɔ wɛcar k'Abraham owurɛ yosumpɛr-sumpɛr ya gbeti, ya kɛma, kɔ yamos k'ɔsɔŋ yi Rebeka, k'ompocɛ sɔ Laban wɛnc wɛrkun wɛka Rebeka kɔ kɛrɛ kɛŋan pɔlarɛm.

54 Nte mes mamɔkɔ melip mɔ, wɛrkun nwe k'asol ɔn, kɔ ŋandi yeri kɔ ŋamun, kɔ ŋancepɛrɛnɛ pibi. Dec dendesɔk, nte ŋayɛfɛ mɔ, kɔ wɛcar nwe oloku: «Nɛsak im iluksɛrɛnɛ nda mariki mem.»

55 Kɔ Laban ŋaloku kɔ kɛrɛ: «Wan wɛran pɛyi nno kɛrɛsna mata wɛco kɔ sɛna. Kɔ tencepɛr-ɛ, mɛntam kɔkɔ.»

56 Kɔ wɛrkun nwe oloku ŋa: «Ta nɛsɔŋ'em kɔwon ka nno, bawo MARIKI olompɛs em pɔkɔt. Nɛsak im ilukus ndena mariki mem.»

57 Kɔ Laban ŋaloku kɔ kɛrɛ: «Sɔwe wan wɛran, sɛyif kɔ tɔkɔ ɛfan mɔ.»

58 Kɔ ŋawe Rebeka kɔ ŋayif kɔ: «Mɔfan kɔkɔ kɔ wɛrkun nwe ba?» Kɔ Rebeka owosɛ: «Ey.»

59 Laban kɔ kɛrɛ ŋasak Rebeka kɔ wɛran nwe ɛnaban kɔ mɔ, wɛcar ka Abraham kɔ asol ɔn kɔ ŋanɔkɔ.

60 Kɔ ŋantolanɛ Rebeka kɔ ŋaloku kɔ:

«Mɛna wɛkirɛ kosu, mɛyɔnɛ wɛka afum alarɛm!

Mɛyɔnɛ fum nwe yuruya yɔn yendetam aterɛnɛ ŋan mɔ!»

61 Kɔ Rebeka ɛyɛfɛ kɔ acar ɔn ayɛcɛra k'ɛmpɛsɛ yɔkɔmɛ kɔrɔŋ, k'encɛmɛ wɛrkun nwe darɔŋ. Kɔ wɛcar ka Abraham elɛk Rebeka kɔ ŋanɔkɔ.

62 Tɛtɛŋnɛ Siyaka pɔlukus kɛyɛfɛ ka kɔlɔmp ka Lahay-Roy, pɛndɛ nde atɔf ŋa Nɛkɛf.

63 Dofoy dɔlɔma kɔ Siyaka ɔŋkɔ dɛŋkɔtɔs dɛkulum, endeyekti fɔr k'ɛnɛŋk yɔkɔmɛ yecder.

64 Rebeka endeyekti sɔ fɔr k'ɛnɛŋk Siyaka, k'ontor yɔkɔmɛ kɛronj.

65 K'eyif wɛcar ka Abraham: «Wɛrkun wɛre ɔfɔ wɛkawɛ nnɔ dɛkulum nwe ender kɛfaynɛ su mɔ?» Kɔ wɛcar oloku kɔ: «Mariki mem mɔ.» K'ɛlɛk kɛloto kɔn k'ɛŋgbalɛnɛ.

66 Kɔ wɛcar ka Abraham ɔlɔmɛr Siyaka mes mɔkɔ ɛnacɛpɛrɛnɛ mɔ fɛp.

67 Kɔ Siyaka ɛŋkɛkɛrɛ Rebeka abal ŋa kɛrɛ Sara disrɛ. K'ɛlɛk Rebeka k'ɔyɔnɛ wɛran kɔn, k'ɔmbɔtɛr kɔ. Ti t'ɛnasɔŋɛ Siyaka pɛwak kɛpɛl-pɛlɛs defi da kɛrɛ.

25

Defi da Abraham: Mewe ma yuruya yɔn nyɛ wɛran kɔn Ketura ɛnakomɛ kɔ mɔ

1 Kɔ Abraham ɛlɛk sɔ wɛran wɛlɔma, pacwe kɔ Ketura.

2 Kɔ Ketura ɔŋkɔmɛ kɔ awut arkun: Simranj, Yɔksanj, Medanj, Madiyanj, Yisbak, kɔ Suwah.

3 Kɔ Yɔksanj ɔŋkom Saba kɔ Dedanj. Awut arkun a Dedanj ŋanayɔnɛ afum a tɔf maas: Asuri, aLetusi kɔ aLeyumi.

4 Awut a Madiyanj ŋanayɔnɛ Hefah, Hefɛr, Henok, Abidah, kɔ Eldaha. Akanjɛ ŋanayɔnɛ awut a Ketura.

5 Abraham ɛnasɔŋ daka dɔn fɛp Siyaka.

6 Awut a alak'ɔn, k'ɔmpocɛ ŋa, pɛsɔrɔyi doru, k'ɛŋkɛkɛrɛ ŋa ponj pɛbɔlɛnɛ ŋa wan kɔn Siyaka, atɔf ŋɛ ŋɛyi ntendɛ kɛca nkɛ dec dempɛ mɔ.

7 Kɛwon ka Abraham doru kɛnasɔtɔ meren tasar tin wɛco camɛt mɛrɛŋj kɔ kɛcamɛt (175).

8 Kɔ Abraham ontore kifir, k'ɛfi ntɛ ɛnacɛpɛrɛnɛ detem dobotu mɔ, pɛbɛk, pɛnɛmbɛrɛ mataka ma doru, k'ɔnɔŋkɛl atem ɔn aŋɛ ŋanafi mɔ.

9 Siyaka kɔ Sɛmayila awut a Abraham, ŋawup kɔ ndɛ dɛkɛwupɛnɛ da Makpela, ndɛ dalɛ da Hɛfɛronj wan ka Cohar wɛHewy, pɛtɛfɛrɛnɛ di kɔ Mamre.

10 Dalɛ dɛnayi ndɛ Abraham ɛnaway nnɔ aHewy ŋayi mɔ. Difɔ anawup Abraham kɔ wɛran kɔn Sara.

11 Ntɛ defi da Abraham dɛncɛpɛr mɔ, kɔ Kanu kɛmpocɛ wan kɔn Siyaka nwe ɛnandɛ ndɛ kɛlɛmp ka Lahay-Roy kɛsɛk mɔ.

12 Awut a Sɛmayila ŋɔ akanjɛ, Sɛmayila wan k'Abraham, nwe wan wɛran wɛMisira Hakar wɛcar ka Sara ɛnakomɛ Abraham mɔ.

13 Mewe ma awut a Sɛmayila mɛmɛ, tɔkɔ ŋanabɛkɛnɛ mɔ: Nebayɔt coco ca Sɛmayila, Kedar, Adebɛl, Mibɛsam,

14 Misma, Dumah, Masa,

15 Hadad, Tema, Yetur, Nafis, kɔ Kedema. Awut a Sɛmayila ŋɔ akakɔ.

16 Mewe manjan mɔ mamɔkɔ tɛndɛ tanjan cɛgbo cɛgbo. Abɛ wɛco kɔ mɛrɛŋj ŋanayi ŋa kirinj dɛlay danjan.

17 Kɛyi ka Sɛmayila doru kɛnawon meren tasar tin wɛco maas kɔ camɛt mɛrɛŋj (137). K'ontore kifir, k'ɔnɔŋkɛl atem ɔn akɔ ŋanafi mɔ.

18 Afum a Sɛmayila ŋayi kɛyɛfɛ ka Hawila hanj Sur nɛsɛ sɛntɛfɛrnɛ Misira mɔ, kɛkɔ ka kɛca ka Asiri. Yuruya ya Sɛmayila ŋanandɛ ŋatɛfɛrnɛ awɛncɛ aŋa fɛp.

Tɛcɛpɛrɛnɛ ta Yakuba

25-36

Esayu kɔ Yakuba

19 Afum a Siyaka ŋ'aŋɛ, wan ka Abraham. Abraham okom Siyaka.

20 Siyaka enasətə meren wəco maŋkəle (40) a k'endenence Rebeka, wan wəran wəka Betuhel wəka Aram wəka Padan-Aram, wəkirə ka Laban wəka Aram.

21 Kə Siyaka ontola MARIKI teta wəran kən, bawo enakom fe wan. Kə MARIKI ene kətola kən. Kə wəran kən Rebeka embəkəs.

22 Kə awut ŋayfərene kə kor disre, kə Rebeka eyifne: «Ak'ender im tante-ε?» K'əŋkə pəkorne MARIKI.

23 Kə MARIKI oloku kə: «Afum a təf mərəŋ ŋay'am dəkər, afum mərəŋ akako ŋandegbeyene kəwur əm dəkər. Afum a wəkin nwe ŋandetasərne aka wəka mərəŋ. Wəbeki endeyi wəfet tantəf.»

24 Dəŋkom dən k'anəŋk a cəberi cəyi kə dəkər.

25 Dəŋkom danjan, kə wəcəkə-cəkə ender pəla cəfon cəyim dərīs pəmə wəsəm, k'awe kə Esayu.

26 Kə tencepər, kə wəka mərəŋ ender pəsumpər atek ŋa wəcəkə-cəkə. K'awe wəkəkə Yakuba. Siyaka pəsətə təm tatəkə oŋ meren wəco camət tin (60) a k'andekomə kə awut akanje.

27 Kə awut arkun aŋe ŋambək. Kə Esayu ende pəyone wəpən wətət, wəbətər kəyəkse-yəkse dəkulum kəten ka səm yepən, kə Yakuba nkən əyone wəyi wəka dare, wətəsimse dis pəbətər kənde d'abal.

28 Siyaka enabətər Esayu bawo enabətər səm nyə Esayu encpən mə. Rebeka nkən pəbətər Yakuba.

29 Dəsək dələma kə Yakuba oncoŋər mēnc, kə Esayu ender pəyefe dəkulum dis dələl kə.

30 Kə Esayu oloku Yakuba: «Məpoc'em, iletsen'am idi pəyim pam papəkə bawo dis dələl im.» Ti tə asəŋe Esayu tewe ta «Edəm*».

31 Kə Yakuba oloku Esayu: «Məwayər im məkə dəkəcəmə da debeki dam.»

32 Kə Esayu oloku kə: «In'ewə icfi, ake dəkəcəmə da debeki dadəkə dendeyə em-ε?»

33 Kə Yakuba oloku: «Mədəram'em kərəsna.» Kə Esayu endərme Yakuba k'ewayər kə dəkəcəmə da debeki dən.

34 Kə Yakuba ompoce Esayu kəcom, kə mēnc maməkə. Kə Esayu endi yeri yayəkə, k'omun, k'eyefe k'əŋkə. Tatəkə tə Esayu enəgbal dəkəcəmə da debeki dən.

26

Siyaka kə Abimelek

1 Kə dor dende deyi dətəf, nde denaciyanə kə dor dəcəkə-cəkə dəkə denayi di təm ta Abraham mə. Kə Siyaka ŋkə nda Abimelek, wəbe ka aFilsti nde Kerar.

2 Kə MARIKI owurər Siyaka, k'oloku kə: «Ta mətor Misira, məyi atəf ŋe indeboncər əm mə.

3 Mənde atəf ŋəje. Isol'am, indepoc'am pətət, bawo mənə kə yuruya yam* ŋ'indeseŋ antəf ŋəje fəp. Indelas təm tatəkə kədəram nkə inadərme papa kam Abraham mə.

4 Indeyə yuruya yam yela pəmə cəs ca darenç. Indeseŋ yuruya yam təf yaye fəp. Afum a doru fəp ŋande ŋacten kətola nnə yuruya yam yeyi mə.

5 Abraham enacəŋkəl dim dem, pəcəmə dəpə dem darəŋ, pəsumpər moloku mem, pələləs mēfaŋ mem kə sariye sem.»

6 Kə Siyaka endə Kerar.

* 25:30 Edəm ti tə tatəkə «pəyim» * 26:3 Delay dam

⁷ Nte afum a tofo tatakò ñancyifət teta wəran kən mə, pəcloku ña: «Wəkirɛ kem ɔfɔ.» Pəcnese kəloku a wəran kən ɔfɔ, ta afum a tofo tatakò ñadif kə, bawo Rebeka ɛnatese.

⁸ Nte kəyi kən kəncwon di mə, kə tosurene Abimelek wəbe ka aFilisti pəwure kəro dəwunder pəcməmən, k'ɛnəŋk Siyaka pəccɛcɛne kə wəran kən Rebeka.

⁹ Kə Abimelek ewe Siyaka k'eyif kə: «Wəran kam ɔyɔne wəran nwe ba! Ake'səŋe nte məloku su a wəkirɛ kam ɔfɔ mə?» Kə Siyaka oloku kə: «Iloku ti kənese disre ta idefinɛ tetən.»

¹⁰ Kə Abimelek oloku kə: «Cəke məyɔ su tante? Pəpic pəcəme wələma su daco ñafəntəre kə wəran kam, kə mən'ɔsəŋe su kəsare kiciya.»

¹¹ Kə Abimelek ɔsəŋ dim dadəkə afum ɔn fəp, nte: «Fum nwe o nwe ɔŋgbuŋene wərkun nwe kə wəran kən mə, mɛne padif wəkayi.»

¹² Kə Siyaka ɔmbəf kəren kanəkə dətɔf k'ɛntel tasar tin (100) ta təkə ɛnabəf mə, bawo MARIKI ɛnapocɛ kə pətɔt.

¹³ Kə wərkun nwe ɔsətə daka, k'ɛmbɛrene kəsətə daka haŋ k'ɛnəŋkanɛ kəyɔne wəka daka wəpəŋ.

¹⁴ Siyaka ɛnayɔ yɔcɔl yɛlarəm: Cəna, ciɾ, ŋkesiya, kə acar alarəm, təsəŋe aFilisti ŋayɔne kə kəraca.

Siyaka kəsək kən danapa kə Abimelek

¹⁵ Cələmp nɛɛ acar a kas Abraham ŋanakay kiyi kən doru mə, kə aFilisti ŋaməntən ci, kə ŋalas ci kəbɔf.

¹⁶ Kə Abimelek oloku Siyaka: «Məyɛfɛ ndorosu məkə bawo məmbək su fənɔntɛr.»

¹⁷ Kə Siyaka ɛyɛfɛ di, k'ɛŋkə pəcəmbər saŋka nde dəŋgbəl da Kerar kəsək.

¹⁸ Kə Siyaka ɔŋgbəkəre sɔ kəkay cələmp nɛɛ anakay tɛm ta kas Abraham, a kə aFilisti ŋaməntən ci kəcəpər ka defi da Abraham mə. K'ewe sɔ ci mewe məkə kas ɛnawe ci mə.

¹⁹ Kə acar a Siyaka ŋaŋkay sɔ kələmp kələma, dəndo mərɔ daco, kə ŋambəp ki disre domun dətɔt.

²⁰ Akek a yɔcɔl ya dare da Kerar ŋancaŋ akɛk a yɔcɔl ya Siyaka kəcəp, ŋacsimɛ kələmp, kə ŋaloku: «Kələmp kanke kosu kə.» Kə Siyaka ewe kələmp kanəkə Esek, bawo afum ŋanəgbəkələne ta ki kə nkən.

²¹ Kə acar a Siyaka ŋaluksərne sɔ kəkay kələmp kələma nke anəgbəkələne sɔ taka ki mə, k'ewe ki Sitna.

²² K'ɛliŋ saŋka sən dəndo, k'ɛŋkə pəkay sɔ kələmp kələma nke anətəgbəkələne ta ki mə, k'ewe ki Rehobot, bawo, oncloku: MARIKI pəyac su, pəsikəli su, kədəsətə fənɔntər atɔf ŋaŋɛ.

²³ Kə Siyaka ɛmpɛrne Bersaba.

²⁴ Kə MARIKI ɔwurɛr kə pibi papəkə, k'oloku kə: «In'ɔyɔne Kanu ka papa kam Abraham. Ta mənɛsɛ, bawo isol'am, indepoc'am pətɔt, indeyɔ sɔ yuruya yam ŋala, teta wəcar kem Abraham.»

²⁵ Kə Siyaka ɛncəmbər di tetek toloŋne k'okorne tewe ta MARIKI. K'ɛncəmbər sɔ di abal, kə acar ɔn ŋaŋkay sɔ di kələmp.

²⁶ Kə Abimelek ɛyɛfɛ Kerar kəkənəŋk nkən Siyaka ŋasol kə Ahusat wanapa kən, kə Pikəl wəbe wəka asɔdar ɔn.

²⁷ Kə Siyaka eyif ña: «Ta ake tɔ nənderɛne nnɔ nderem-ɛ, bawo nənter im, kə nambɛlɛs im nde ndoronu?»

²⁸ Kə ŋaloku kə: «Sənəŋk belbel a MARIKI osol'am. Ti tɔ səlɔke: A padɛrmɛne, ti tɔ tatakə mənə kə sənə, patəŋne pasek danapa.

²⁹ Nte tendesɔŋe ta mɔyɔ su ali pɔlec pin, pɔmɔ tɔkɔ sɛnatɔyɔ ɔm pɔlec, kɔ sɔyɔ ɔm pɔtɔt haŋ kɔ sɛsak ɔm kɔ mɔŋkɔ pɔforu disre mɔ. Ndekal ɔŋ MARIKI ɔmpoc'am.»

³⁰ Kɔ Siyaka ombocɛ ŋa kɛsata, kɔ ŋandi yeri kɔ ŋamun.

³¹ Kɔ ŋayefɛ bɔtbɔt suy kɔ ŋandermene. Kɔ Siyaka esak ŋa kɔ ŋalukus kɔ ŋasak Siyaka pɔforu disre.

³² Dɔsɔk din dadɔkɔ dɔ acar a Siyaka ŋander ŋaloku kɔ teta kɔlɔmp kɔŋkɔ ŋanakay mɔ, kɔ ŋaloku kɔ: «Sɛsɔtɔ domun.»

³³ Kɔ Siyaka ewe kɔlɔmp kɔŋkɔ Sibeya. Ti tɔsɔŋe nte aŋwene dare dadɔkɔ Bersaba haŋ mɔkɔ mɔ.

Esayu kɔnence kɔn

³⁴ Esayu kɛsɔtɔ kɔn meren wɔcɔ mɔŋkɔle (40), k'elek aran aHewy, pacwe ŋa Sudit wan ka Beri kɔ Basmat wan ka Elɔn.

³⁵ K'aran aHitara akanɛ merɔŋ ŋawonɔs Siyaka kɔ Rebeka dis.

27

Yakuba kɛsɔtɔ kɔn kɔpocɛ nke pɔnamar Esayu kɛsɔtɔ mɔ

¹ Siyaka ɔncyɔne wɔtem, fɔr yɔclɔl kɔ haŋ kɔ telɔpsɛr kɔ kɔtonɔŋk. K'ewe wan kɔn wɔcɔkɔ-cɔkɔ Esayu, k'oloku kɔ: «Wan kem!» Kɔ Esayu owose: «In'ewɛ!»

² Kɔ Siyaka ɔŋgbɔkɛre: «Iyɔne wɔtem, incɛre fɛ dɔsɔk dem defi.

³ Mɔlek ɔŋ yeɛne yam, cɔbɔlma cam kɔ ambɛncɛm, mɔkɔ dɔkulum mɔkɔ mɔpɛn'em wɛsɛm.

⁴ Mɔlompɛs'em peri pɔmɔ tɔkɔ imbɔtɛr ti mɔ. Mɔker'em pi, idi, nte tɔŋsɔŋe ina yati itolan'am pɔtɔt a icfi mɔ.»

⁵ Rebeka pɔccɛŋkɔl tɔkɔ Siyaka ɔncloku wan kɔn Esayu mɔ. Kɔ Esayu ɔŋkɔ dɔkulum kɔkɔpɛn wɛsɛm, pɔkɛre.

⁶ Kɔ Rebeka oloku wan kɔn Yakuba: «Nte t'ine. Papa kam pɔcloku wɛnc ɔm Esayu:

⁷ «Mɔker'em wɛsɛm. Mɔlompɛs'em peri mɛ indedi, itolan'am pɔtɔt nde MARIKI eyi mɔ, a icfi.»

⁸ Ndekal ɔŋ wan kem mɔcɛŋkɔl dim dem, mɔyɔ tɔkɔ indelok'am mɔ.

⁹ Mɔkɔ mɔlek'em nde yɔcɔl dacɔ, mbiyofɔ yɔtɔt merɔŋ. Ilompɛ papa kam peri pɔtɔt pɔmɔ tɔkɔ ɔmbɔtɛr pi mɔ.

¹⁰ Mɔndekene papa kam peri papɔkɔ, nte tɔŋsɔŋe pɔtolan'am pɔtɔt a pɔcfi mɔ.»

¹¹ Kɔ Yakuba oloku kɛre Rebeka: «Ey, mba wɛnc im Esayu ela cɔfon dɛris, k'ina iyɔ fɛ ci.

¹² Tɔlɔma papa wɔkem pɔkɔwakɔs im dis, endecɛr'em kɔtolomp tɔsɔŋ'em kɛsɔtɔ pɔlec ta isɔtɔ pɔtɔt-ɛ.»

¹³ Kɔ kɛre oloku kɔ: «Tɔyɔne a pɔlec papɔkɔ peder im! Mɔcɛŋkɔl gbɛcɛrɛm dim dem. Mɔkɔ mɔker'em mir.»

¹⁴ Kɔ Yakuba ɔŋkɔ pɔlek mir, k'ɛŋkɛre iya kɔn. Kɔ iya kɔn olompɛs peri, pɔmɔ tɔkɔ papa kɔn ɛnabɔtɛr pi mɔ.

¹⁵ Kɔ Rebeka ɛlek yamɔs ya Esayu wan kɔn wɔcɔkɔ-cɔkɔ, yamɔs yɔtɔt yɔkɔ ɛnatam kɛsɔtɔ dɛker mɔ, k'ɔsɔŋ yi wan kɔn wɔlpɛs Yakuba k'ɛmbɛrne.

¹⁶ K'ɔŋkump Yakuba akata ŋa mbiyofɔ yɔkɔ ŋanadif mɔ dɔwaca kɔ dɔkilim, kɔbɔp ka mofɔ mɔkɔ mɛnatɔyɔ cɔfon mɔ.

¹⁷ Kɔ Rebeka ɔsɔŋ wan kɔn Yakuba peri pɔkɔ ɛnalompɛs mɔ, kɔ kɛcom.

¹⁸ Kɔ Yakuba ɔŋkɔ nde papa kɔn eyi mɔ, k'oloku: «Papa wɔkem!» Kɔ Siyaka owose: «In'ewɛ. Mɔn'an'ɔfɔ-ɛ, Wan kem?»

19 Kɔ Yakuba oloku kas: «In'ɔfo Esayu wan kam wɔcɔkɔ-cɔkɔ. Iyɔ tɔkɔ mɔlokun'em mɔ. Mɔyɛfɛ ilɛtsɛn'am, mɔndɛ mɔsɔm wɛsɛm wɛm, nte tɔɲsɔɲɛ mɔna yati mɔtolan'em pɛtɔt mɔ.»

20 Kɔ Siyaka oloku wan kɔn: «Mba mɔyɛɲk kɔsɔtɔ wɛsɛm wan kem!» Kɔ Yakuba oloku: «MARIKI Kanu kam kɔkɛr'em wi fɔr yem kirinj.»

21 Kɔ Siyaka oloku Yakuba: «Mɔcɔɲɲɛ ɔɲ wan kem, iwakɔs ɔm, icɔrɛ kɔ pɔyɔnɛ a wan kem Esayu ɔfo-ɛ.»

22 Kɔ Yakuba ɔɔtɔrɲɛ kas Siyaka, k'ɛwakɔs kɔ k'oloku: «Dim dandɛ da Yakuba dɔ, mba waca wawɛ wa Esayu wɔ.»

23 Siyaka ɛnanɛpɔl fɛ kɔ. Bawo waca wɔn wɛnalɛ cɛfon pɔmɔ waca wa wɛnc Esayu, k'ontolanɛ kɔ pɛtɔt.

24 K'ɛyif: «Mɔn'ɔfo mɔna wan kem Esayu?» Kɔ Yakuba owosɛnɛ kɔ: «ɛy.»

25 Kɔ Siyaka oloku: «Mɔbɛr'em isɔm wɛsɛm wa wan kem, nte tɔɲsɔɲɛ, ina yati itolan'am pɛtɔt mɔ.» Kɔ Yakuba ɛmbɛrɛ Siyaka yeri k'endi, k'ɛɲkɛrɛ kɔ sɔ member k'omun.

26 Kɔ kas Siyaka oloku sɔ: «Mɔcɔɲɲɛ mɔcup im wan kem.»

27 Kɔ Yakuba ɔncɔɲɲɛ, k'oncup kɔ. Kɔ Siyaka ɛnɛ ambɔnc ɲa yamos ya Esayu. K'ontolanɛ kɔ nte: «ɛy, ambɔnc ɲa wan kem ɲeyi pɔmɔ ambɔnc ɲa dale ndɛ MARIKI ompocɛ pɛtɔt mɔ.»

28 Kanu kɔsɔɲ ɔm pɔcɔɲki pa darenc kɔ daka da dɔntɔf:
Malɔ kɔ member pɔlarɛm!

29 MARIKI pɔsɔɲɛ, afum ɲay'ɔm dɔntɔf,
Kanu kɔsɔɲɛ afum ɲatontnɛn'am!

Kanu kɔsɔɲɛ mɔyi awɛnc ɔm ɔɲa kɔrɔɲ,
Kanu kɔsɔɲɛ awut a iya kam ɲatontnɛn'am dɔntɔf!
Kanu kɔsɔɲ pɔlɛc, wɔkɔ ɛɲfan'am pɔlɛc mɔ,
Kanu kɔsɔɲ pɛtɔt wɔkɔ ɛɲfan'am pɛtɔt mɔ.»

30 Siyaka ɛnadelip kɔtolanɛ Yakuba, Yakuba ɛndeyɛfɛ kas dɔntɔf, kɔ wɛnc Esayu ɛmbɛrɛ pɔyɛfɛ dɔkɔrɛn.

31 Kɔ Esayu olompɔs sɔ peri k'ɛɲkɛnɛ kas Siyaka. K'oloku kas: «Papa mɔyɛfɛ mɔsɔm wɛsɛm wa wan kam, nte tɔɲsɔɲɛ mɔtolan'em pɛtɔt mɔna yati mɔ.»

32 Kɔ kas Siyaka eyif kɔ: «Mɔn'an'ɔfo-ɛ?» Kɔ Esayu oloku kɔ: «In'ɔfo wan kam wɔcɔkɔ-cɔkɔ Esayu.»

33 Kɔ pɔyi Siyaka yamayama, yamayama pɔpɔɲ k'oloku: «An'ɔkɔ pɔrɛn wɛsɛm k'ɛɲkɛr'em-ɛ? Isɔm yi a kɔ mɔndɛdɛr, intolanɛ kɔ pɛtɔt. Kɔtola pɛtɔt kɔlip kɔsumpɔr kɔ.»

34 Nte Esayu ɛnɛ moloku ma kas mɔ, k'ɛmbɛr kɔbɛbɛ, k'ɔɲkule-kule pɔpɔɲ, k'oloku kas: «Ina sɔ mɔtolan'em pɛtɔt Papa.»

35 Kɔ Siyaka oloku kɔ: «Wɛnc ɔm ɛndɛrɛnɛ cɔmpɔnɔn k'ɛlɛk kɔtolanɛ pɛtɔt kam.»

36 Kɔ Esayu oloku: «Cɛpɔ nte ɔsɔɲ kɔ tewɛ ta Yakuba mɔ, ti t'ɛɲɲɛmɲɛm ɲɔɲ kɔmɛrɔɲ? ɛnabanɔr im tɔkɔ dɔcɔmɛ da debeki dem. Kɔ pɔndɛsɔyi tante k'ɛɲlɛkɔr im sɔ kɔtolanɛ pɛtɔt kem.» Kɔ Esayu ɛndɛɲɔr: «Papa, mɔmɛɲkɔrɲɛ fɛ sɔ kɔtolanɛ pɛtɔt kɔlɔma, mɔsɔɲ im ki?»

37 Kɔ Siyaka oloku Esayu: «Isɔɲ kɔ kɔyi kam kɔrɔɲ, k'isɔɲ kɔ awɛnc ɔɲa fɔp kɔyi kɔ dɔntɔf, k'isɔɲ kɔ bɔlɛ* kɔ wɛn. Cɔkɛ c'indɛyɔnɛ mɔna-ɛ, wan kem?»

38 Kɔ Esayu eyif kas: «Kɔtola pɛtɔt kin kanɲɔ gɔɲɔ kɔ mɔyɔ ba, Papa? Ina sɔ mɔtolan'em pɛtɔt, Papa!» Kɔ Esayu ɛyɛfɛ kɔbok.

* 27:37 CɔTabo «blɛ»

³⁹ Kɔ kas Siyaka oloku kɔ: «Mənəŋk!
Dəkəndɛ dam dɔfɔdeyɔ daka da dəntɔf
Kɔ pəcəŋki mpɛ pɛŋyɛfɛ dɛrenc mə.

⁴⁰ Dakma dam dendedəs əm doru,
Məndeyi wɛnc əm dəntɔf.
Məndeyi tam taciŋa
Fənəntər fam fəndesəŋɛ, məccer kɔ mɛfan mən.»

Kəkə ka Yakuba nda ncək'ən Laban

⁴¹ Kɔ Esayu emɛŋkɛ Yakuba mɛtɛlɛ, teta kətolanɛ pətɔt nkɛ kas ɛnatolanɛ
Yakuba mə. Esayu pəcəpəsne debəkɛc, «Mataka ma defɪ da papa wəkem
məmbələ fɛ sɔ. Indedif wɛnc im Yakuba.»

⁴² K'əŋkɔ paloku Rebeka mɛcɛmɛmnɛ mɛlɛc ma Esayu nnɔ Yakuba eyi mə.
Kɔ Rebeka ewe wan kən Yakuba, k'oloku kɔ: «Məne nte wɛnc əm Esayu ɛfan
kəluku'sam ayɛk mə, a pədif əm.

⁴³ Awa wan kem, məcəŋkəl im! Məyɛfɛ, məkɔ məgbɔpne ndena wɛnc im
wərkun Laban nde Haran.

⁴⁴ Məkɔ məyi di mataka, han mɛtɛlɛ ma wɛnc əm melip.

⁴⁵ Kɔ mɛtɛlɛ ma wɛnc əm mendelip-ɛ, pəpələrne pəcuy pəkɔ məyɔ kɔ mə,
indew'am məder. Ta ake t'indebutɛ nu mɛrəŋ monu dəsək dɪn-ɛ?»

Kəyɛksɛ ka Yakuba Pəkɔ Mesopotami

⁴⁶ Kɔ Rebeka oloku Siyaka: «Doru dɛŋgbɔf im teta awut aran aHewy. Kɔ
Yakuba ɛnɛncɛ wəHewy, wan wəran wəka dətɔf pəmɔ akanɛ, ake indesəyɔ oŋ
doru-ɛ?»

28

¹ Kɔ Siyaka ewe Yakuba, k'ontolanɛ kɔ pətɔt, k'osom kɔ nte: «Ta mənɛncɛ
wəran wəka Kananj.

² Məyɛfɛ. Məkɔ Padan-Aram, ndena papa ka iya kam. Mələk di wəran awut
aran a ncək'am Laban dacɔ.

³ Kanu kɛ kəntam mes fəp doru mə kəpoc'am pətɔt, kəsəŋ əm dokombəra,
kəsəŋ'am mələ nte tɔŋsəŋɛ məyɔnɛ afum alarəm mə!

⁴ MARIKI pəsəŋ əm pətɔt pa Abraham kɔ yuruya yam nte tɔŋsəŋɛ atɔf ŋanɛ
məyi decikərə mə, ŋey'am dəwaca pəmɔ təkɔ Kanu kənasəŋ ŋi Abraham mə.»

⁵ Kɔ Siyaka ɛsak Yakuba k'əŋkɔ Padan-Aram, ndena Laban wan ka Betuhɛl,
wəAram, wɛnc wərkun wəka Rebeka, iya wəka Yakuba kɔ Esayu.

⁶ Kɔ Esayu ɛnəŋk a Siyaka ontolanɛ Yakuba pətɔt, k'oloku kɔ kəkɔ sɔ Padan-
Aram pəkɔtɛn wəran, mba nte Siyaka onctolanɛ kɔ mə, ɛnasom kɔ nte: «Ta
mənɛncɛ wəran wəka Kananj de.»

⁷ Yakuba ɛnane moloku ma kas kɔ kɛrɛ, k'əŋkɔ Padan-Aram.

⁸ Kɔ Esayu ɛnəŋk a mes ma awut aran aka Kananj mənabɔt fɛ papa kən
Siyaka.

⁹ Kɔ Esayu əŋkɔ ndena Səmayila, k'ɛlɛk di wəran pacwe kɔ Mahalat, wan
wəran wəka Səmayila wan k'Abraham, wəkɪrɛ ka Nebayɔt, kəbɛrɛnɛ ka aran
aHewy akɔ ɛnayɔ mə.

Kəwɛrəp ka Yakuba

¹⁰ Kɔ Yakuba ɛyɛfɛ Bersaba k'əŋkɔ Haran.

¹¹ K'embəp tofo tɔlma k'endɪrɛ di, bawo dec dɛnaləpɛ kɔ. Kɔ Yakuba ɛlɛk
tasar tin ta kəfo kanjɔk, k'ɛfakɛnɛ pi, k'ɛfəntərə kəfo kanjɔk.

¹² K'ɛwɛrəp, k'ɛnəŋk same səcəmə dəntɔf domp da si docgbuŋɛnɛ kəm mɛlɛkɛ
a Kanu mɛcfəŋk si, mɛcɛpɛ, moctor.

¹³ Kɔ MARIKI encɔme same sasɔkɔ darenɔ. K'oloku: «In'oyɔne MARIKI, Kanu k'Abraham papa kam, kɔ Kanu ka Siyaka. Antɔf njanɔkɔ mafɛntɛre mɔ, indesɔn ɔm nji mɛna kɔ yuruya yam.

¹⁴ Yuruya yam nɛndela pɛmɔ kɛbof ka dɛntɔf. Mɛndewɔkɛlɛs dɛkɛndɛ dam kɛca kɛtɔt kɔ kɛmeriya, nde dec dɛmpɛ mɔ kɔ nde dɛnkɛle mɔ. Afum a doru fɛp nɛnde nɛctɛnɛr ɔm kɛtolanɛ pɛtɔt kɔ yuruya yam.

¹⁵ Ina yati in'osol'am, inde icbum ɔm kɛca nkɛ o nkɛ mɛnjɔkɔ mɔ, indekɛr'am atɔf njanɛ, bawo ifɔsak ɔm ta intalas tante injlok'ɔm mɔ.»

¹⁶ Kɔ Yakuba entime dɛmɛre, k'oloku: «Tɔlɔma MARIKI eyi nno tofo tante, k'intɔnacɛre ti!»

¹⁷ K'enesɛ k'oloku: «Mba tofo tɔyɔ weywey! Pɛnciyane fɛ dɛ kɔ kɛlɔ ka Kanu, kusunɔka ka darenɔ kɔ!»

¹⁸ Kɔ Yakuba eyefɛ bɛtbɛt suy, k'ɛlek tasar tɔkɔ ɛnafakɛne domp mɔ, k'encɛmbɛr pi, k'olonɔr pi kɛronɔ moro mɔbɔy teta kɛpusɛ ka pi Kanu.

¹⁹ Kɔ Yakuba ewe tofo tatɔkɔ Betel, mba dare dadɔkɔ dɛnanunɔkɛne dɔyɔ tewe ta Lus.

²⁰ Kɔ Yakuba ontola pɛclocu: «Kɔ pɛyɔne a Kanu kɛsol'em kɛcbum im dɔpɔ nde injkɔt mɔ, kɔ pɛyɔne a kɛnɔnɔn im kɛcom kem kɛsɔm, kɛsɔn im sɔ yamɔs ibɛrne,

²¹ k'ilukus pɛforu disɛ nde kɛlɔ ka papa wɛkem-ɛ, awa MARIKI endeyɔne Kanu kem.

²² Tasar tante incɛmbɛr teta kɛpusɛ ka pi Kanu mɔ, pɛndeyɔne kɛlɔ ka Kanu. Indesɔn ɔm farile fa mpɛ o mpɛ mɛndekɔsɔn im mɔ.»

29

Yakuba kɛbɛpɛne kɔ Rasel

¹ Kɔ Yakuba eyefɛ kɛkɔt kɛkɔ ka atɔf nja awut a nde dec dɛmpɛ mɔ.

² Kɔ Yakuba ɛnɔnk kɛlɛmp dɛndo dɛkulum, kɔ yɔcɔl yefɛt yefɛt yolɔnkane mofɔ maas yɛcɛme kɛlɛmp kanɔkɔ kɛsɛk, bawo kɛlɛmp kanɔkɔ kɔ yɔcɔl yonɔmɔn. Tasar mpɛ pɛnaye kɛlɛmp dɛkusu mɔ pɛnabek.

³ Difɔ yɔcɔl fɛp yɛncbɛpɛne. Pabinɔkɛli tasar papɔkɔ anaboc kɛlɛmp dɛkusu mɔ, cir kɔ nɔkesiya yomun. Kɔ yelip-ɛ palukɛ tasar papɔkɔ sɔ kɛlɛmp dɛkusu.

⁴ Kɔ Yakuba eyif akɛk yɔcɔl: «Awɛnc im njan, aka deke nɔ nɔyɔne-ɛ?» Kɔ akakɔ njaloku kɔ: «Aka Haran nɔ sɔyɔne.»

⁵ Kɔ Yakuba eyif nja: «Nɛncɛre Laban, wan ka Nahor?» Kɔ njawose: «Ey, sɛncɛre kɔ.»

⁶ K'eyif nja: «Cɛke cɔ pɛyi kɔ-ɛ?» Kɔ akakɔ njaloku kɔ: «Daka o daka! Wan kɔn wɛran Rasel ender wɛkɔ kɔ yɔcɔl yefɛt yefɛt.»

⁷ Kɔ Yakuba oloku nja: «Dec dɔsɔrɔbɛk kɛresna. Tɛm tolonɔka yɔcɔl tentabɛp fɛ. Nɛsɔn yɔcɔl domun, kɔ nalip-ɛ nɛkɛkɛre yi kɛresna yɔkɔsɔmɛt.»

⁸ Kɔ njaloku kɔ: «Sɛfɔtam ti kɔ yɔcɔl fɛp yɔntɔlonɔkanɛ-ɛ, bawo ti tɔ sɛmbinɔkɛli tasar nte ansunce kɛlɛmp mɔ, a yɔcɔl yefɛt yefɛt yomun.»

⁹ Yakuba eyi kɛlok-lokɛr akɛk kɔ Rasel embɛre kɔ yɔcɔl yefɛt yefɛt ya kas, bawo Rasel wɛkɛk ɛnaye.

¹⁰ Nte Yakuba ɛnɔnk Rasel wan wɛran wɛka Laban kɔ yɔcɔl yefɛt yefɛt ya Laban mɔ, k'ɛncɛnɛ k'ɛmbinɔkɛli tasar tatɔkɔ ansunce kɛlɛmp mɔ. Kɔ yɔcɔl yefɛt yefɛt ya Laban yomun.

¹¹ Kɔ Yakuba oncup Rasel, k'eyefɛ kɛfɛk, pɛcbok.

¹² Kɔ Yakuba oloku Rasel: «Fum ka papa kam iyɔne, wan ka Rebeka iyɔne.» Kɔ Rasel eyɛkɛ kɛkɔloku ti kas Laban.

¹³ Nte Laban ene kader ka Yakuba wan ka wakire kon mo, k'eyekse k'ende pasapne Yakuba, k'emakarene ko. Ko Laban enkekare ko nde kalo kon, ko Yakuba olomar ko mes mako menasoto ko mo fap.

¹⁴ Ko Laban oloku ko: «Kance kasoku pes ko: Mecir min mo sampanne!» Ko Yakuba eyi ndena Laban ofonjin.

Kenence ka Yakuba kamera

¹⁵ Ko Laban ende peloku Yakuba: «Bawo fum kem mayone, mafodeboc'em kifeli? Maboncari im daka nde mafan da keway kam mo.»

¹⁶ Laban enayo ayecara meron: Tewe ta Bomba bon tenayone Leya, ko Cayi con Rasel.

¹⁷ Leya enatese for dakero, mba Rasel enanan Kane katese.

¹⁸ Rasel enabot Yakuba mes. Ko Yakuba oloku Laban: «Indeboc'am meren camet-meron, teta wan kam waran Cayi: Rasel.»

¹⁹ Ko Laban oloku ko: «Kason am ko koncepar im toko injason ko warkun wacuru mo. Mayi nno nderem!»

²⁰ Ko Yakuba embace Laban meren camet-meron teta Rasel. Ko meren camet-meron mamako meyi, Yakuba dafar pamo mataka, bawo Rasel enabot ko mes.

²¹ Ko Yakuba ende peloku Laban: «Mason im waran wakem bawo tem tem ta yebac telip, ifan kenence ko.»

²² Ko Laban ewe aka tofo tatoko fap, ko jambapene k'omboc kasata.

²³ Pandeyi dafay, k'elek wan kon waran Leya k'enkene Yakuba, ko Yakuba enence ko.

²⁴ Ko Laban ason wan kon waran Leya wacar waran nwe ancwe Silpa mo.

²⁵ Dec dendesok, ko Yakuba enonka a bafu Leya ason ko. K'oloku Laban: «Cake co mayo em nte? Bafu teta Rasel t'imbac'am? Ta ake to mantinkar'em-e?»

²⁶ Ko Laban oloku: «Afason sana ndorosu Cayi, ta antason Bomba-e.»

²⁷ Malapas tataka toluksar ko Bomba, a sadeson am so Cayi ko mandewose so kabac'em teton meren camet-meron-e.»

²⁸ Ko Yakuba oyo tatoko, k'elapas tataka toluksar ko Leya, ko Laban ason ko so wan kon waran Rasel.

²⁹ Ko Laban elek wacar kon Bilha k'ason ko Rasel.

³⁰ Ka Yakuba enence so Rasel nwe enabot ko mes, patas Leya mo. K'embace so Laban meren camet-meron.

Awut a Yakuba

³¹ Ko MARIKI enonka a ambotar fe Leya pamo Rasel, k'ason Leya dokombara. K'osumpar Rasel dokombara.

³² Ko Leya embekas. K'onkom wan warkun, k'ewe wan wakako Ruben. Ti to tatoko nno eyi mo, «MARIKI enonka kalapas kem. Ndekalo on, wos im endebotar im.»

³³ K'ongabokare so kabekas, k'onkom so wan warkun. Ko Leya oloku a: «MARIKI ene a ambotar f'em, k'ason im so wakawe.» Ko Leya ason wakako tewe ta Simeyon.

³⁴ Ko Leya oluksarne k'embekas, k'onkom wan warkun so. K'oloku: «Tante tan, wos im endegbekar'em, bawo injome ko awut arkun maas. It'anasone wan wakako tewe ta Lewy.»

³⁵ K'embekas so k'onkom wan warkun so. K'oloku: «Tante tan indekor-koru MARIKI.» Ti tenawene wan wakako tewe ta Yuda. Ko Leya esak on, kakom.

30

¹ Nte Rasel enəjk a eyi fe kəkomə Yakuba mə, k'əyənə wənc wəran Leya kəraca. Kə Rasel oloku Yakuba: «Məsəj im awut kə pəyi fe ti-ε, injil!»

² Kə pəntələ Yakuba nnə Rasel eyi mə, k'oloku: «Incəmə dəkəcəmə da Kanu, nke kəntəsəj əm dokombəra mə?»

³ Kə Rasel oloku: «Wəcar kem wəran Bilha εwε, məfəntərə kə nkən nte təjəjə pəsətə wan mə. Nnə suwu sem s'endekom wan wəkəkə, pəsəj'em kəyə wan.»

⁴ Kə Rasel əsəj Yakuba wəcar kən wəran Bilha. Kə Yakuba əjkə kə,

⁵ Kə Bilha embəkəs, k'əjkəmə Yakuba wan wərkun.

⁶ Kə Rasel oloku: «Kanu kəmboc'em kiti, kə kəne sə dim dem, kəmpoc'em wan wərkun.» Ti tənəsəjə wan wəkəkə tewe ta Dan.

⁷ Kə Bilha wəcar ka Rasel, əjgbəkərə sə kəbekəs, k'əjkəmə Yakuba wan wərkun tamerəj.

⁸ Kə Rasel oloku: «Kanu kəmar im kəsīməs kə wənc im wəran Leya, k'intam kə.» Kə Rasel əsəj wan wəkəkə tewe ta Naftali.

⁹ Nte Leya enəjk a esak kəkom mə, k'elek wəcar kən Silpa k'əsəj kə Yakuba pənence.

¹⁰ Kə Silpa wəcar ka Leya əjkəmə Yakuba wan wərkun.

¹¹ Kə Leya oloku a: «Pəbotu pender!» Kə Leya əsəj wan wəkəkə tewe ta Kadu.

¹² Silpa wəcar ka Leya əjgbəkərə sə kəkomə Yakuba wan wərkun tamerəj.

¹³ Kə Leya oloku: «Mba pəmbət im! Ey, aran ηənde ηackul'em əj a pəmbət əm.» K'əsəj wan kəkə tewe ta Asər.

¹⁴ Dəsək dələma katela kənayi, kə Ruben əjkə dale. K'əjkə pəsətə di yeri yokom yələma*, k'əjkərə yi iya kən Leya. Kə Rasel oloku Leya: «İletsən'am, məpoc'em yokom yələma nyε wan kam əjkər'am mə.»

¹⁵ Kə Leya oloku Rasel: «Pəntəjəne f'am nte məmbəjər im wos im mə, mənε məsətə sə yeri ya wan kem?» Kə Rasel oloku Leya: «Awa! Ndaram ende məkə fəntərə, kəway ka yeri ya wan kam.»

¹⁶ Dəfəy dendebəp, nte Yakuba eyefe dale mə, kə Leya əjkə pəfayne kə, k'oloku Yakuba: «Nnə nderem mənə məkə fəntərə, bawo kəsətə kam pibi pəməkə, mənε nte isəkpərə pi yeri yələma ya dale nyε wan kem əjkərəna mə.» Kə Yakuba ηəfəntərə pibi pəpəkə kə Leya.

¹⁷ Kə Kanu kəmbəj Leya, k'embəkəs. K'əjkəmə Yakuba wan wərkun wəka kəcəmət.

¹⁸ Kə Leya oloku: «Kanu kəsəj im kəway kem. Ina nwe ilek wəcar kem wəran k'isəj kə wos im mə.» Kə Leya ewe wan wəkəkə Isakar.

¹⁹ Kə Leya endesə pəbekəs, k'əjkəmə Yakuba sə wan wərkun wəka camət-tin.

²⁰ Kə Leya oloku: «Kanu ompoc'em! Tante tən, wos im endeyi tofo tin k'ina, bawo injəmə kə awut arkun camət-tin.» Kə Leya ewe wan wəkəkə Sabulon.

²¹ Kə Leya embəkəs, k'əjkəmə wan wəran nwe enəsəj tewe ta Dina mə.

²² Kə Kanu kəndə kəcəm-cəmne Rasel, kə kəne kətola kən, kə kəsəj kə dokombəra.

²³ Kə Rasel ende pəbekəs, k'əjkəmə wan wərkun. K'oloku: «Kanu kəlinj im malap.»

²⁴ Kə Rasel ewe wan kən wəkəkə Isifu, k'oloku: «MARIKI pəbərən'em sə wan wərkun wələma!»

* 30:14 Yokom nyε yəyənə acəl ηə dokombəra mə

Yakuba kəsətə kən daka

²⁵ Nte Rasel oŋkom Isifu mə, kə Yakuba oloku Labaŋ: «Məsak im ilukus nno nderem, ikə nde atəf ŋem.

²⁶ Məsəŋ im aran em k'awut em aŋe imbəc'am tetəŋan mə, ŋa ŋə səndekə, bawo mənə yati mənçəre yeḅəc nye imbəc'am mə.»

²⁷ Kə Labaŋ oloku Yakuba: «Ifaŋ a məbəncəŋ im kəway nke indesəŋ əm mə. Canu cem cəsəŋ'em kəcəre a MARIKI ompoc'em pətət tetam.

²⁸ Məbəncəŋ im kəway kam inşəŋ əm ki.»

²⁹ Kə Yakuba oloku Labaŋ: «Mənə yati, mənçəre kə təkə imbəc'am mə, kə təkə isəŋe kə yəcəl yam yeyi mə.

³⁰ Bawo yəcəl yepic yəkə inabəp'am mə, yela oŋ ndekəl. Kə MARIKI ompoc'am kələk dəsək nde imberə kələ kam mə, haŋ məkə. Ndekəl oŋ ake təm tə indebəcə afum em-ε?»

³¹ Kə Labaŋ eyif kə: «Ak'indesəŋ əm-ε?» Kə Yakuba oloku: «Məfədesəŋ im daka o daka. Kə məwose kəyə təkə indelok'am mə, indesəkəkəs yəcəl yam yefet yefet, ibum'am sə yi.

³² Məkə indecəpər yəcəl yam yefet yefet fəp daco, mədekəcəmbər ŋkesiya yetəmsər kə yeçəncəməŋ fəp kəsək yəyənə yəpəŋ, yəyənə yefet, ŋkesiya nye yəyə lom yeçapsər mə, kə cir nçə çəncəncəməŋ, nçə çəntəmsər mə. Yəyəkə yendeyənə kəway kem.

³³ Dolompu dem dementər əm ti alna, kə məndekəməmən kəway kem-ε. Mpe o mpe pə mənəŋk di alna cir daco ta pəntəmsər, ta pəncəncəməŋ kə ŋkesiya daco ta pəncapsər alom mə, məçərə a inkiyəŋ əm pi.»

³⁴ Kə Labaŋ oloku Yakuba: «Awa! Iwose toloku tam.»

³⁵ Awa, dəsək dadəkə də, Labaŋ əncəmbər mbiyofə ya çəgber, yeçəncəməŋ, cir çəntəmsər kə çəncəncəməŋ cir nçə çənayə pəfer mə fəp, ŋkesiya yəkə yenayə alom ŋeçapsər mə. Kə Labaŋ elek yi fəp, k'ember awut ən dəwaca.

³⁶ K'awut ən ŋəmbələne yəcəl yəyəkə, kəkət ka mata maas kə Yakuba daco nwe ençekəkəs sə yəcəl ya Labaŋ mə.

³⁷ Kə Yakuba elek wara wəçəŋk wa tək maas yeciyanə, k'ənaci wi pol nte tənşəŋe pəfer pa kətək powur mə.

³⁸ Kə Yakuba əndəfət wara wawəkə ənənaci mə nde yəcəl yoncmun mə, nte tənşəŋe yeçnəŋk wara wawəkə mə, təsəŋe yorkun yeççəç yeran kə yender dəkəmun-ε.

³⁹ Kə yəcəl yeççəçəne wara wawəkə kəsək, ti tenəsəŋe yəcəl yockoməs mowut ma çəgber, mətəmsər kə məçəncəməŋ.

⁴⁰ Nte Yakuba əŋgəy məŋkesiya mə, k'əncəmbər yi fəŋ ya yəcəl ya Labaŋ kirin nye yenayə çəgber kə alom ŋeçapsər mə, k'əsətə yəcəl nye ənəcəmbər taciŋa ta owose yənəŋkələne kə ya Labaŋ mə.

⁴¹ Kəçəç nke o nke yəcəl yetifi yorkun yeçfəŋ kəçəç yeran mə, Yakuba ençek wara wən wənaci pəçəmbər wi yəcəl fəŋ kirin dəndo yoncmun mə, nte tənşəŋe yetam kəççəçəne, yeçnəŋk wara wawəkə mə.

⁴² Kə Yakuba ənəŋk a, pəcəl pələŋki pəfaŋ kəçəç-ε, ədəf fə pi kəra kən kənaci. Kə tende tələpsər oŋ Yakuba kəyə yəcəl yetifi kə Labaŋ əyə yələŋki.

Yakuba kəyəkse pəkə ndena Labaŋ

⁴³ Kə Yakuba ende pəyənə wəka daka wəpəŋ. K'əyə yəcəl yefet yefet yeləram, acar arkun, acar aran, yəkəme kə səfale.

31

¹ Kɔ Yakuba ene mæcem-cemne ma awut a Laban, ηacloku: «Yakuba elek daka da papa kosu fəp, di dɔsɔne kɔ kəyɔne ka wəka daka dande fəp.»

² Kɔ Yakuba ηngbekəre a kəro ka Laban kəyi fe sɔ nnɔ eyi mɔ, pəmə təkɔ pənayi cəkɔ-cəkɔ mɔ.

³ Kɔ MARIKI oloku Yakuba: «Məlukus atɔf ηa awisi anja, dəηkom dam. Isol'am.»

⁴ Kɔ Yakuba ewe Rasel kɔ Leya anje ηanayi dale ηackek yɔcɔl yɔn cir kɔ ηkesiya mɔ.

⁵ K'oloku ηa: «Ingbekəre a, kəro ka papa konu kəyi fe sɔ nnɔ iyi mɔ, pəmə təkɔ pənayi cəkɔ-cəkɔ mɔ. Mba Kanu ka papa kem kəsɔl'em.

⁶ Nəncəre nana yati a imbəce papa konu kɔ fənɔntər fem fəp.

⁷ Mba papa konu ηηkafəli-kafəli, k'encepe-cepe kəway kem han wəco. Mba Kanu kəwose fe kɔ kəy'em pələc.

⁸ Pənaloku a yetemsər yɔyɔne kəway kam-ε, kɔ yɔcɔl fəp yənader yockoməs awut atemsər. Pənaloku sɔ a ya cəgber yɔyɔne kəway kam-ε, yɔcɔl fəp kɔ awut a cəgber yɔ yənader yockoməs.

⁹ Kanu kəmban yɔcɔl yɔn nnɔ papa konu eyi mɔ, kɔ kəsɔη im.

¹⁰ Təm nte yɔcɔl yencfan kəcεcεne mɔ, k'iyekti fər darenc, k'iwerəp a yɔcɔl yorkun nye yenccec yeran mɔ, yənayɔ cəgber, yetemsər, yecemcemər.

¹¹ Kɔ mələke ma Kanu molok'im dəmere: «Yakuba!» K'iwose: «In'ewε!»

¹² Kɔ mələke molok'im: «Məyekti fər məmɔmən. Yɔcɔl yorkun fəp nye yeyi kəcεc yeran mɔ, yɔyɔ cəgber kɔ yentemsər kɔ yecemcemər. Bawo inəηk məyɔ məkɔ Laban əy'am mɔ fəp.

¹³ In'yɔne Kanu ka Betel, nde mənacəmbər tasar, kɔ məbɔy pi moro teta kəpus mɔ, nde mənaderm'im mɔ. Ndekəl oη, məyefe atɔf ηanje, məlukus dəηkom dam.»

¹⁴ Rasel kɔ Leya ηaloku kɔ: «Mba səyɔ sɔ ke nnɔ kələ ka papa kosu?»

¹⁵ Mba əlɔm fe su oη pəmə acikəra ba, bawo encaməs su, k'endi pəsam posu.

¹⁶ Daka nde Kanu kəmbanər papa kosu mɔ fəp, dendeyɔne oη dosu k'awut asu. Məyɔ təkɔ Kanu kələk əm mɔ fəp.»

¹⁷ Kɔ Yakuba eyefe, k'endəs awut ən yəkəmε kəroη kɔ aran ən.

¹⁸ Kɔ Yakuba osole yɔcɔl yɔn kəkək, kɔ daka dən fəp nde enasɔtɔ mɔ, yɔcɔl nye enasɔtɔ Padan-Aram mɔ, k'əηkɔ ndena papa kən Siyaka, atɔf ηa Kanaj.

¹⁹ Kɔ Laban ende pəkɔ kəgber-gber ηkesiya yɔn. Kɔ Rasel enkiye mērəηka ma papa kən Laban.

²⁰ Kɔ Yakuba nkən entinəkər Laban wəAram nte əncəkɔ ndəroη, ta elembərne kɔ mɔ.

²¹ Kɔ Yakuba eyekse kɔ daka dəkɔ enayɔ mɔ fəp, k'eyefe k'empimne kəngbəkɔ, k'entefərne mərə ma Kaladu.

²² Tataka ta maas, k'aloku Laban a Yakuba eyekse.

²³ Kɔ Laban elek awenc anja kɔ ηancəmε Yakuba darəη kəkət ka mata camət-mērəη, kɔ ηambər kɔ nde mərə ma Kaladu.

²⁴ Kɔ Kanu kənder Laban wəAram dəmere ma pibi, kɔ Kanu kələku kɔ: «Məkembərne kələk-lokər Yakuba.»

²⁵ Kɔ Laban embər Yakuba pəcəmbər abal ηən tərɔ kəroη. Kɔ nkən sɔ dəmne encəmbər abal ηən kɔ awenc anja tərɔ ta Kaladu kəroη.

²⁶ Kɔ Laban eyif Yakuba: «Cəke cɔ məyɔ tante-ε? Ta ake tɔ məntinəkər'em, məckəkəre awut em aran pəmə afum anje asumpər dəkəwan mɔ-ε?»

27 Ta ake tō məŋgbəpnənə kō məyəksə-ε? Məntiŋkər f'em ba, məyəksər f'em ba? K'inasak əm məkō pəbotu disrə, paclənəs, pacfula pacfer.

28 Məwosə f'em kəcup awut-sə em arkun kō awut em aran! Tante tan məmbut amera.

29 Intam kəyō əm pələc, mba Kanu ka papa kam kəlokus'em nendisna: «Məkəmbərnə kəloku ka Yakuba pələc!»

30 Bawo pəŋwon əm kəkō ndena papa kam, ta ake tō məŋkijənə canu cem-ε?»

31 Kō Yakuba oloku Labaŋ: «İndenanesər-nesər ti kəcəm-cəmne a, mənəbanər im awut am aran.

32 Mba məməmən nwe o nwe məŋnəŋkə canu cam afum em dacō mə, wəkako eŋfi! Awənc asu aŋa fər kirin məməmən mələk mpe o mpe pəyənə pam mə məkəkə.» Mba Yakuba ənacərə fə a Rasel eŋkiyər Labaŋ canu ca kusuŋka kəŋan.

33 Kō Labaŋ əmbərə abal ŋa Yakuba, k'owur k'əmbərə ŋa Leya, k'owur k'əmbərə abal ŋa acar aran aŋe mərəŋ, eŋəŋk fə daka o daka. Kō Labaŋ əmbərə abal ŋa Rasel disrə.

34 Rasel pələk mərəŋka pəboc mi dəntəf, k'ələk dəcəm ndə aŋnənə yəkəmə kəron mə k'endenər, k'eyəfə k'əndə di kəron. Kō Labaŋ efen-feni abal disrə fəp eŋəŋk fə mərəŋka mme.

35 Kō Rasel oloku papa kən: «Mariki mem, ta pətəl'am, nte intəyefən'am mə, tənənə iyō təkō tenyi aran tēm o tēm mə.» Kō Labaŋ entən mərəŋka mme haŋ, eŋəŋk fə.

36 Kō abəkəc ŋempə Yakuba, k'encəŋ Labaŋ kəcəp. Kō Yakuba ələk moloku, k'oloku: «Deke iləsər-ε, deke inciya-ε tante mənəcəm'em darəŋ mə?»

37 Nte məfen-feni ca yem fəp mə, ake mənəŋk-ε ca yam ya dukulə-ε? Məmentər im yi fər ya awənc im aŋa kō awənc əm aŋa ŋəbərə su dacō ina kō məna.

38 Meren wəco mərəŋ mə iyi nno ndaram. Mba aŋkesiya ŋam ŋin, wir wan win wələcə fə kor, isəmə f'am aŋkesiya yəcəl yam dacō.

39 İŋkərə f'am pəcəl pefi, in'enasarə teta yi. Məncwer im kəsəŋ ka kəway kō nyə ankiyər im pəwanəkəra kō pibi mə.

40 İnayi nno nne yəcəf im pəwanəkəra, kəfə kəcət im pibi, mere məbələn'em.

41 Təsətə meren wəco mərəŋ nte iyi nno ndaram mə. İcbəc'am teta awut am aran meren wəco kō məŋkələ, kō meren mme camət-tin, ta yəcəl yam yefət yefət. Mba mənacərə-cərə kəway kem haŋ wəco.

42 Pəyənə fə Kanu ka papa kem Abraham, Kanu Kəwey-wəy ka Siyaka kəsəl'em-ε, kō tante tō məsak im ilukus waca wəsəkər. Kanu kənəŋk malap mem, kō kələləs nke inələləs waca mə, ti tō kəmbocəsa su nendisna kiti.»

43 Kō Labaŋ oloku Yakuba: «Awut arkun akanə, awut aran akanə kəbəp yəcəl yaye fəp yemi yō. Cəke c'intam məkō kəyənə awut em aran kō awut aŋe ŋaŋkom mə-ε?»

44 Ndəkəl məder səsek danapa fər ya fum wələma kirin ina kō məna.»

45 Kō Yakuba ələk tasar tin, k'encəmbər pi cos teta kəpus ka pi.

46 Kō Yakuba oloku awənc aŋa: «Nəwetəs masar!» K'awənc aŋa ŋawetəs masar kō ŋamboc təpəsa. Kō ŋandə təpəsa papəkō kəron kō ŋandi yerī.

47 Kō Labaŋ ewe təpəsa papəkō «Yekar Sahaduta,» * kō Yakuba nkən ewe pi «Kaled.» †

* 31:47 İtō tatəkō cəAram cō «Təpəsa pa sedə» † 31:47 Kaled = CəHəbərə «Təpəsa pa sedə»

⁴⁸ Kɔ Laban oloku: «Tɛpɛsa pampɛ peyi su mɔkɔ dacɔ.» Ti tɔ asɔnɛ pi tewe ta Kaled.

⁴⁹ Tɛpɛsa papɔkɔ p'anwe sɔ Mispɛ, bawo Laban ɛnaloku: «MARIKI kɛgbɛkɛrɛ su ina kɔ mɔna kɔ sɛndɛsɔlɛrɛnɛ.

⁵⁰ Kɔ mɛntɔrɔs awut em aran-ɛ, kɔ mɛlɛk sɔ aran alɔma-ɛ, mɛcɛrɛ a bafɔ fum eyi su dacɔ, mba Kanu yati.»

⁵¹ Kɔ Laban oloku: «Tɛpɛsa pɛmpɛ, kɔ tasar tɔkɔ incɛmbɛr ina kɔ mɔna dacɔ mɔ.

⁵² Tɛpɛsa pa masar pampɛ kɔ tasar pɛcɛmbɛr cos pampɛ peyi su dacɔ kɛtɛnɛ tes, a ifɔsɔcɛpɛr tɛpɛsa pampɛ kɛkɔcɔnɔrɔn'am kɛyɔ ka pɛlɛc, mɔna sɔ ta mɛcɛpɛr tɛpɛsa pampɛ kɔ tasar pampɛ kɛkɔcɔnɔrɔn'em kɛkɔyɔ pɛlɛc.»

⁵³ Kɔ Laban oloku: «Kanu ka Abraham kɔ Nahor, kɔ Kanu ka kas kɛnɔn kɛyi su dacɔ.» Kɔ Yakuba ɛndermɛ Kanu Kɛwɛy-wɛy ka papa kɔn Siyaka.

⁵⁴ Kɔ Yakuba olɔnɛ tɔrɔ tatɔkɔ kɛrɔn, k'ewɛ awɛnc aɲa kɛdedi yeri yayɔkɔ. Kɔ nɔandi yeri yayɔkɔ kɔ nɔandirɛ tɔrɔ papɔkɔ kɛrɔn.

32

¹ Kɔ Laban ɛyɛfɛ bɛtbɛt suy, k'oncup awut-sɔ ɔn arkun k'aran, k'ontolanɛ nɔa, k'osumpɛr dɔpɔ kɛlukus ka nde ndɔrɔn.

Yakuba kɛlɔmpɛsɛnɛ kɔn kɛbɛpɛnɛ kɔ Esayu

² Kɔ Yakuba sɔ ɛncɛmɛ dɔpɔ dɔn darɔn, kɔ mɛlɛkɛ a Kanu nɔncɛpɛ kɔ darɔn.

³ Yakuba ɛndenɔk mi, k'oloku: «Afan nɔa Kanu nɔ!» K'ɔsɔnɔ tofo tatɔkɔ tewe ta Mahanayim*.

⁴ Yakuba pɛyi tadarɔn k'osom nda wɛnc Esayu nwe ɛnayi kulum ka Edom mɔ, atɔf nɔa Sehir.

⁵ Kɔ Yakuba osom nɔa nte: «Nte tɔ nɔnɔkɔlɔku mariki wɛnc im Esayu: «A wɛcar kam Yakuba-ɛ, a iɲkɔ iwɔn nda Laban han.»

⁶ Iyɔ cɛna, sɔfale, nɔkesiya, cir, acar arkun kɔ aran. Ti t'isom'am nɔnɔ mariki wɛnc im eyi mɔ, pɛctam kɛwɔsɛ ibɛrɛ.»

⁷ K'asom nɔalukɛrɛnɛ nɔnɔ Yakuba eyi mɔ, kɔ nɔaloku kɔ: «Sɔnɔkɔ nda wɛnc ɛm Esayu, nɔkɔn sɔ kɛlɔmpɛsɛnɛ k'ɛndɛ kɛdɛbɛp ɛm, kɔ afum 400.»

⁸ K'abɛkɛc nɔntɔfɔntɔrɛ Yakuba, kɔ kɛnɛsɛ kɛsumpɛr kɔ. K'eyer afum akɔ nɔanasɔl mɔ cɛgba mɛrɔn, kɛbɛp nɔkesiya, cir, cɛna han yɔkɔmɛ.

⁹ Kɔ Yakuba oloku: «Kɔ Esayu ɛntam afum a kɛgba kin-ɛ, a kɔ nɔnɔyɛkɛsɛ.»

¹⁰ Kɔ Yakuba oloku: «Kanu ka papa kem Abraham, Kanu ka papa kem Siyaka, MARIKI nwe olɔk'im: «Mɛlukus atɔf nɔam nde anɲkɔm ɛm mɔ, indeyɔn'am pɛtɔt!»

¹¹ Ifɛtɛr layidi kɔ pɛtɔt mɛpɛ mɔnɲkɛr'em mɔ, ina wɛcar kam. Bawo nte incɛpɛr Yurden yayɛ mɔ, togbo tem gbɛcɛrɛm t'inatɔmpɛr, ndɛkɛl ɔn iyer afum em cɛgba mɛrɔn.

¹² Iɛtsɛn'am mɛbanɲ im, wɛnc im Esayu dɛwaca! Bawo iɲnɛsɛ ta pɛdesut im, kɔ iya ka awut em.

¹³ Kɔ mɔna Kanu mɛnalok'im: «Indeyɔn'am pɛtɔt, indeyɔ yuruya yam nɔalɔ pɛmɔ asɛnc nɔa dɛkɛba, nɲɛ antɔtam kɛlɔm mɔ.»

¹⁴ Dɛfɔ Yakuba ɛnacɛpɛrɛnɛ pibi. K'ɛyɛk-yɛk daka dɔn dɔkɔ ɛnakɛrɛ mɔ dacɔ kɛkɔpɔcɛ wɛnc Esayu:

¹⁵ Cir masar mɛrɔn (200), mbiyɔfo wɛcɔ mɛrɔn (20), nɔkesiya yɛran masar mɛrɔn (200) kɔ yɔrkun wɛcɔ mɛrɔn (20),

* 32:3 Mahanayim = CɔHebɛrɛ «fan mɛrɔn»

16 Kɔ yɔkɔmɛ yɛran wɛco maas (30) kɔ awut ayi akɔ yɛncmɛsɛr mɔ, cɛna cɛran wɛco mɔnjɔkɛ (40), mura wɛco (10), sɔfale sɛran wɛco mɛrɛŋ (20) kɔ sɛrkun wɛco (10).

17 Kɔ Yakuba ɔsɔŋ yɔcɔl yɔyɔkɔ fɛp fa yi kɔ dokom da yi acar ɔn, k'oloku ŋa: «Nɔy'im kirin, nɛsolɛ yɔcɔl yɔyɛ dokom dokom, nɔbɔlɛnɛ yi kɔ yɔkɔ.»

18 K'osom wɛcɔkɔ-cɔkɔ: «Kɔ nɛŋkɔbɛrɛnɛ kɔ wɛnc im Esayu a pɔyif ɔm: «An'ɔ mayɔnɛ? Deke mɔnjɔkɔ-ɛ? An'ɔyɔ yɔcɔl yɔyɛ mɛsolɛ mɔ-ɛ?»

19 Mɔloku kɔ: «Ya wɛcar kam Yakuba yɔ, kɔpɔcɛ kɔ nkɛ ɔsɔŋ im a ikɛnɛ mariki mem Esayu mɔ. Mba nkɔn ɔfɔ wɔkɔ ender im tadarɛŋ mɔ.»

20 K'osom sɔ kɛsom kin kanjɔ, asolɛ yɔcɔl ya mɛrɛŋ, ya maas kɔbɛp ka alpɛs akɔ ŋanayi tadarɛŋ ŋasolɛ yɔcɔl mɔ: «Tɔtɔkɔ tɔ nɛŋkɔloku Esayu kɔ nɛŋkɔbɛrɛnɛ-ɛ.

21 Nɔloku kɔ: «Wɛcar kam Yakuba ender su wɔkɔ tadarɛŋ.» Bawo Yakuba ɛnaloku: «Kɔpɔcɛ kanjɛ kɔy'im kirin mɔ, ik'ɛŋkɔtor-tɔrɛnɛ kɔ abɛkɔc, a sɛdenɛŋkɛnɛ fɛr disrɛ. Tɔlɔma endekɔsɛlɛn'em belbel.»

22 Kɔ yopocɛ yɔyɔkɔ yeyi kɔ kirin, k'encepɛrɛnɛ pibi papɔkɔ dɛndo dɔkulum.

Yakuba kɔsimɔs kɔn kɔ Kanu

23 Kɔ Yakuba ɛyɛfɛ pibi papɔkɔ, k'ɛlɛk aran ɔn mɛrɛŋ, amarɛs aran ɔn mɛrɛŋ k'awut ɔn wɛco kɔ pin, k'ɛncalɛnɛ ŋa dɛŋgbɔl da Yabɔk.

24 Ntɛ Yakuba ɛlɛk aran ɔn, k'ɛncalɛnɛ ŋa dɛŋgbɔl kɔ daka dɔkɔ ɛnayo mɔ fɛp.

25 Kɔ Yakuba eyi di sona. Pɛndɛbiyɛ, kɔ fum wɔlɔma ɛyɛfɛ kɔsimɔs kɔ Yakuba haŋ dɔsɔka.

26 Ntɛ wɛsimɛnɛ kɔn ɛnɛŋk, eyi fɛ kɔtam kɔ mɔ, k'osut kɔ nnɔ dɔtɔkɔc. Kɔ tɔkɔc ta Yakuba towur pɛsimɔs kɔ fum wɔkɔkɔ.

27 Kɔ fum wɔkɔkɔ oloku: «Mɔsak im ikɔ, bawo pɔyi kɔyɔ panpan.» Kɔ Yakuba oloku kɔ: «Ifɔsak ɔm mɔkɔ ta mɔntolan'em-ɛ.»

28 Kɔ fum wɔkɔkɔ eyif Yakuba: «Cɔkɛ c'ɛŋw'am-ɛ?» Kɔ Yakuba oloku: «Yakuba y'ɛŋw'em.»

29 Kɔ fum wɔkɔkɔ oloku kɔ sɔ: «Yakuba yɔfɔsɔyɔnɛ tɛwɛ tam, Yisrayel† ŋ'andɛ pacw'am, bawo mɛsimɔs kɔ Kanu kɔ afum, kɔ mɔntam ŋa.»

30 Kɔ Yakuba eyif fum wɔkɔkɔ: «lɛtsɛn'am mɔbɔncɛr im tɛwɛ tam.» Kɔ fum nwɛ eyif kɔ: «Ta ake tɔ mɔfanjɛ kɛcɛrɛnɛ tɛwɛ tem-ɛ?» Kɔ fum nwɛ ontolanɛ Yakuba dɛndo.

31 Kɔ Yakuba ɔsɔŋ tofo tɔtɔkɔ tɛwɛ ta Peniyel‡, bawo nkɔn olokunɛ: «Inɛŋk Kanu sɛgbɔtnɛnɛ, k'intɔfi.»

32 Dec dɛncpɛ a pɛccɛpɛr Peniyel. Yakuba pɛctorɛr tɔkɔc tɔn.

33 Ti tɔsɔŋɛ ntɛ awut a Yisrayel ŋantɔsɔm abɛnta ŋa dɔtɔkɔc mɔ, bawo abɛnta ŋa dɔtɔkɔc ŋɔ Kanu kanasut Yakuba, ndɛ kɔbɛnt ka dɔkɔcɛk kɔ kɔbɛnt ka dɔkumunt yɛmbɛrɛnɛ mɔ.

33

Yakuba kɔbɛrɛnɛ kɔŋan kɔ Esayu

1 Kɔ Yakuba ɛyɛkti kɛro k'ɛnɛŋk Esayu pɛcdɛr pɛsolɛ afum tasar tin (100). Kɔ Yakuba ɛyɛr awut Leya, Rasɛl, kɔ acar aŋɛ mɛrɛŋ daco.

2 Kɔ Yakuba ɛncɛmbɛr ɛnɛn ɔn acar kirin, k'awut aŋan ŋancɔnc ŋa, kɔ Leya ɛncɛk k'awut ɔn ŋayi kɔ darɛŋ, kɔ Rasɛl ɛncɛmɛ kɔ wan kɔn Isifu eyi kɔ darɛŋ.

3 Kɔ nkɔn yati ɛncɛpɛr ŋa fɛr kirin, k'ontontnɛnɛ Esayu dɛntɔf camɔt-mɛrɛŋ, haŋ k'ɔlɔtɛrɛnɛ kɔ.

† 32:29 Yisrayel = CɔHebɛrɛ «kɔsimɔs kɔ Kanu»

‡ 32:31 Peniyel = CɔHebɛrɛ «kɔro ka Kanu»

⁴ Kɔ Esayu eyekse kəkɔbərəne kɔ Yakuba wɛnc, k'ɛsapne kɔ, k'ɛnɛpsərne kɔ dəkilim, k'oncup kɔ, kɔ ɲayɛfɛ fəp faɲan kəbok.

⁵ Kɔ Esayu eyekti kəro, k'ɛnəɲk aran kɔ awut, k'eyif: «Are ɲɔ akanɛ?» Kɔ Yakuba oloku kɔ: «Awut akanɛ ɲɔ Kanu kənamar im kəsɔtɔ nɔnɔfɔr dɔn disre, ina wɛcar kam.»

⁶ Kɔ aran ɔn acar ɲalɔtərne Esayu, kɔ awut aɲan, kɔ ɲantontnɛne kɔ.

⁷ Kɔ Leya ɔlɔtərne kɔ sɔ kɔ awut ɔn, kɔ ɲa sɔ ɲantontnɛne kɔ, kɔ Isifu kɔ Rasel ɲalɔtərne kɔ, kɔ ɲantontnɛne kɔ.

⁸ Kɔ Esayu eyif kɔ: «Ake mɔndeyɔne yɔcɔl yayɛ sɛncɛpər-cɛpər mɔ?» Kɔ Yakuba oloku kɔ: «Kətəɲne ka mɔna mariki mem k'inafan. Ti t'inacɛm-cɛmnɛ kəsɔɲ əm yi.»

⁹ Kɔ Esayu oloku Yakuba: «Yɛlar im ina wɛnc im, məmɛɲkərne yayɛ yɔyɔne yam.»

¹⁰ Kɔ Yakuba oloku Esayu: «Ala. ɪɛtsɛn'am, kɔ pəyɔne a isɔtər əm kətəɲne, məwɔsɛ məban kəpocɛ kem. Ti t'imɔmɔne kəro kam pəmɔ təkɔ aɲmɔmɔn kəro ka Kanu mɔ, kɔ məsɛlɛn'em belbel.

¹¹ Məban kəpocɛ kem nke isɔɲ əm mɔ, bawo Kanu kəmar im k'isɔtɔ daka dəkɔ ifan mɔ fəp.» Kɔ Yakuba ɛncɛmɛne ti Esayu darəɲ han kɔ wəkakɔ owosɛ kəban kə kəpocɛ kan kɔ.

¹² Kɔ Esayu oloku: «Paɲkɔn, pasolne dɔpɔ, in'endey'am kirin.»

¹³ Kɔ Yakuba oloku: «Mariki mem, mɔncərə a awut ɲancuca kəkɔtɛne, k'isolɛ sɔ mir mowut kɔ mana mɛmɛsɛ. K'ayɔ yi yəkɔt pəpəɲ dəsək din-ɛ yɔcɔl yowut fəp yɛɲfi.

¹⁴ Mariki mem məy'im kirin, indey'am tadarəɲ, pəpic-pəpic isurene yɔcɔl k'awut pəkɔt, han ibɛrɛ ndena wɛnc im nde atɔf ɲa Sehir.»

¹⁵ Kɔ Esayu oloku: «Isakər'am afum ɛm alɔma akɔ isolɛ mɔ.» Kɔ Yakuba eyif Esayu: «Ak'indeyɔne ɲa-ɛ? Tɛfan ta ina, isɔtɔ kəɲɲne nno mɔna mariki mem meyi mɔ.»

¹⁶ Dəsək dadəkɔ dɔ Esayu ɛlek dɔpɔ kəluluk ka Sehir.

Yakuba kənde kən Səkem kəsək

¹⁷ Kɔ Yakuba ɔɲkɔ dare da Sukɔt. K'ɔlɔ kəlɔ kən k'ɔlɔne yɔcɔl yɔn ɲgbancan. Ti t'asɔɲɛ tofo tatəkɔ tewe ta «Sukɔt*».

¹⁸ Kɔ Yakuba ɛmbɛrɛ kətammɛ disre dare da Səkem, atɔf ɲa Kanan. K'ɔɲkɔ pəcəmbərəs dare kəsək kəbɛrɛ kən kəyɛfɛ ka Padaɲ-Aram.

¹⁹ K'ɛway awut a Hamər arku dəwaca, papa ka Səkem, tofokəl ta antɔf nde ɛnacəmbər abal mɔ. ɛnaway di mɛncəmbəl† tasar tin (100).

²⁰ Kɔ Yakuba ɛncəmbər di tetek toloɲne Kanu, k'ɛwe tofo tatəkɔ «El-Elohe-Yisrayel‡».

34

Simeyɔɲ kɔ Lewy kəlukse ayɛk ɲa wəkire kəɲan Dina nwe analapəs mɔ

¹ Dina, wan wəran nwe Leya ɛnakomɛ Yakuba mɔ, ɛyɛfɛ kəkɔnəɲk awut aran a dɔtɔf.

² Səkem, wan ka Hamər wəHewy wəbɛ wəka dɔtɔf, ɛnəɲk kɔ, k'ɛmban kɔ, k'ɔmbocərne kɔ, k'ɛlapəs kɔ.

³ Kɔ Səkem esektərne teta Dina wan wəran ka Yakuba, han dəmoloku mən k'ɛsɛp kəsɔtɔ ka kəbɔtər ka Dina.

* **33:17** Sukɔt = CəHebərə «ɲgbancan» † **33:19** CəHebərə «kesita» = kəway ka tɛɲkesiya kanayi tɛm tatəkɔ ‡ **33:20** El-Elohe-Yisrayel = CəHebərə «El, Kanu ka Yisrayel»

⁴ Kə Səkem oloku papa kən Hamər: «Məsəñ im wəyəcərə wəkawə pəyənə wəran kem wənence.»

⁵ Kə Yakuba ende pəcərə a Səkem encərə wan kən Dina dərən. Mba nte awut a Yakuba arkun nəyayi dalə kə yəcəl yən mə, kə Yakuba encənke ti hanj kə nənder kəyefe dalə.

⁶ Kə Hamər papa ka Səkem əñkə pələk-lokər Yakuba.

⁷ Kə awut a Yakuba nənder kəyefe dalə. Nte nəne moloku maməkə mə, kə mosumpər nə. Kə pəntələ nə, bawo Səkem ənayo təyo nte pənətəmar pənənənə kə Yisrayel mə: Kəkiyə kəcərə Dina wan ka Yakuba dərən, ta nəyənə akin ayi-ə.

⁸ Kə Hamər oloku nə nte: «Wan kem Səkem əfan kəfan dəm wəkirə konu Dina kənence, nəsəñ kə kə pənence, iletənə nu.

⁹ Antam kəkotərəne pacnencənənə. Nədə nəcsəñ su awut anu aran, nəclək awut asu aran.

¹⁰ Nəndendə kə səna, atəf nəndeyi nu dəwaca pəmə səna, nəyi də, nəccaməs, nətən sə də ntəf.»

¹¹ Kə Səkem oloku papa kə awənc a Dina: «K'isətər nu kəwosə-ə, inşəñ nu mpe o mpe nəñwer im mə.

¹² Nəwer im kəfac kəpəñ kə yopocə yələram. Inşəñ nu yi. Mba nəsəñ wəyəcərə wəkawə Səkem pənence.»

¹³ Kə awut a Yakuba arkun nəntinşəkər Səkem kə kas bawo Səkem ənakiyə kəcərə ka wəkirə kəñan dərən.

¹⁴ Kə awut a Yakuba nəloku Səkem kə kas: «Pəncuca su kəsəñ wəkirə kosu, fum nwe antəkənc mə, bawo tendeyənə kələpəs kosu.

¹⁵ Kə səndewosə tefan tonu-ə, mənə nəna sə nəwosə kəyi pəmə səna, ti tə tatəkə arkun anşə nəyi nu dəcə mə fəp pakənc nə.

¹⁶ Təm tatəkə səñwəşə kəclək awut anu aran sənence, nəna sə dəmnə nəclək akosu nəcnence. Səndə nnə kə nəna pəyənə sə afum akin ayi.

¹⁷ Mba kə nəntətam kəne təkə səloku a pakənc nu mə, səñlek wan kosu Dina, səkə.»

¹⁸ Hamər kə wan kən Səkem nəwosə moloku maməkə, kəwosə a pakənc nə.

¹⁹ Kə wan wərkun nwe oncop təyo tatəkə, bawo ənabətər Dina hanj pəcəpərər. Nkən Səkem sə, ənabətər kə nde ndaranjan patas aka di fəp.

²⁰ Hamər kə Səkem nəñkə nde dəkəbərə da dare danjan, kə nəloku afum a dare:

²¹ «Afum akanşə nəşəkə su bəkəc. Nəwosə kəndə atəf nəñşə nəccaməs, atəf nəñşə nəwəkəl nə. Andə paclekərəne aran kə nə.

²² Mba afum akanşə kəwosə kəñan kəndə kə səna, pəyənə akin ayi, mənə pawosə arkun anşə nəyi su dəcə mə fəp, pakənc nə pəmə nə.

²³ Yəcəl yanjan kə ca yanjan fəp yəfədeyənə yosu ba? Pawosə tefan tanjan gbəcərəm, nəyi su də.»

²⁴ Akə nənakə dəkəbərə da dare danjan mə fəp, kə nəncənşəkəl Hamər kə wan kən Səkem. Arkun akə nənader dəkəbərə da dare danjan dəkəcənşəkəl mə fəp, k'ənşəkənc nə.

²⁵ Tataka ta maas ta kəkənc kəñan, akənc nəyi kəcunənə, kə awut a Yakuba mərəñ, Simeyən kə Lewy awənc arkun a Dina, nələkəs sakma səñan kə nənder nəcop dəkəbərə da dare danjan, nde afum a di nənacəm-cəmnə kəyi pəforu disre mə. Simeyən kə Lewy nəwəkərne arkun a dətəf kədifət hanj kə nəliş nə fəp.

²⁶ Kə nəndifənə sə Hamər kə Səkem sakma səñan, kə nələk wəkirə kəñan Dina ndena Səkem kə nəñkə.

²⁷ K'awut a Yakuba nəwəkərne sə afi, kə nəñkiyəər aka dare bawo mətələ mənəyi nə kələpəs ka wəkirə kəñan Dina.

²⁸ Kɔ ɲalek ɲkesiya, cir, cəna, sɔfale, yɔcɔl yɔkɔ yɛnayi dare disre kɔ dɔkulum mɔ fəp.

²⁹ Kɔ awut a Yakuba ɲawetəs ca ya afi, awut aɲan, aran aɲan, kɔ ca yɔkɔ ɲanabɔp nda Səkem kɔ Hamar mɔ fəp kɔ ɲaɲkekəre.

³⁰ Kɔ Yakuba oloku Simeyɔɲ kɔ Lewy: «Nəyɔ em pələc tetonu tendesɔɲe aka Kanaɲ kɔ aka Perisi ɲadeter im! Nəncərə a səmpice, kəberene kɔ ɲander kədəsutene kɔ ina, tɛm tatɔk ɲandesut im ɲaləsər afum em.»

³¹ Kɔ awut a Yakuba ɲaloku kas kəɲan: «Səndewosə Səkem pəyɔ wəkirɛ kosu pəmɔ wəran wəyi yamayama ba?»

35

Yakuba kəyefe Səkem pəkɔ Betel

¹ Kɔ Kanu kəlɔku Yakuba: «Məyefe məpe məkɔ mənde Betel, mələmpəs di tetek toloɲne Kanu nke kənawurər əm, nte mənayeksər wenc əm Esayu mɔ.»

² Kɔ Yakuba oloku afum ɔn, kɔ akɔ ɲanayi kɔ nkɔn mɔ: «Nəwure nu dacɔ canu cəcikərə. Nəsəkəsnɛ, nəsəkpər yɛberne.

³ Kəyefe k'ander, papərne Betel. Dəndo ɲkɔcəmbər tetek toloɲne Kanu nke kənalok-lokər im dɔsɔk nde inayi pəcuca disre, a kɔ kəsɔl'em tɛm nte inayi dɔpɔ ickɔ decikərə mɔ.»

⁴ Kɔ ɲasɔɲ Yakuba canu cəcikərə nce cənayi ɲa dəwaca mɔ fəp, kəbər ya dələɲəs yaɲan. Kɔ Yakuba emət yi nde kətɔk kəpɔɲ kəɲkɔ kəyi Səkem kəsək mɔ.

⁵ Kɔ ɲaɲkɔ. Kɔ ayek-yek ɲa Kanu ɲeɲgbəpərne aka sədare səkəsək fəp, kɔ ɲantɔtam kəcəme awut a Yakuba darəɲ.

⁶ Kɔ Yakuba ɲambere kɔ akɔ ɲanacəme kɔ darəɲ mɔ fəp, kəkɔ ka Lus, ti tɔ tatɔkɔ dare da Betel, atɔf ɲa Kanaɲ.

⁷ K'encəmbər di tetek toloɲne Kanu, k'ewe tofo tatɔkɔ «El-Betel», bawo difo Kanu kənawurər kɔ tɛm nte enayeksər wenc mɔ.

⁸ Kɔ Debora, wəran nwe enadusum Rebeka mɔ, efi. K'awup kɔ Betel tantɔf, nde aɲkiri dantɔf nɲe awe tewe ta «Kətɔk ka Məncər» mɔ.

⁹ Kɔ Kanu kəwurər sɔ Yakuba, nte embere Padaɲ-Aram mɔ, kɔ kəmpocɛ kɔ pətɔt.

¹⁰ Kɔ Kanu kəlɔku kɔ: «Mən'aɲwe Yakuba, mba afɔsɔw'am tewe ta Yakuba tatɔkɔ. «Yisrayel» ɲ'ande pacw'am ɔɲ.» Kɔ Kanu kəsɔɲ kɔ ɔɲ tewe ta Yisrayel.

¹¹ Kɔ Kanu kəlɔku kɔ: «In'ɔyɔne Kanu nke kəntam mes fəp mɔ. Məyɔne wəkombara, mɔla. Afum a tof yɛlarəm ɲɔ mändekom, abɛ ɲandewur əm dərɪs.

¹² Atɔf nɲe isɔɲ Abraham kɔ Siyaka mɔ, indesɔɲ əm ɲi kɔ yuruya yam kɔ mändecəpər-ɛ. Indesɔɲ ɲa atɔf ɲaɲɛ.»

¹³ Kɔ Kanu kəmbɔle kɔ day, nde kənalok-lokər kɔ mɔ.

¹⁴ Kɔ Yakuba encəmbər tasar da kəfo kəɲkɔ Kanu kənalok-lokər kɔ mɔ. K'olɔɲər pi member kɔ moro məbɔy teta kəpusɛ ka pi Kanu.

¹⁵ Kɔ Yakuba ɔsɔɲ tofo tatɔkɔ tewe ta Betel*, nde Kanu kənalok-lokər kɔ mɔ.

Kəkom ka Bəɲyamin, defi da Rasel

¹⁶ Yakuba eyefe Betel kɔ afum ɔn. ɲanawak kəbɔle sɔ kəberɛ ka Efrata, kɔ Rasel ɔɲkom, kəkom kəcuy.

¹⁷ Eyi pəcuy pa kəkom kəɲkɔ, kɔ wəbaɲ kɔn wan oloku: «Ta mənese, bawo məsɔtɔ sɔ wan wərkun!»

* 35:15 Betel = CəHebərə «Kəbɔ ka Kanu»

18 Nte Rasel encfi mɔ, k'ewe wan wəkakɔ Ben-Oni†. Mba kɔ kas ewe kɔ Benjamin‡.

19 Kɔ Rasel efi. K'awup kɔ nde dɔpɔ da Efrata, nde Betlehɛm.

20 Kɔ Yakuba encɛmbɛr tasar nde kufu ka Rasel, tasar popus papɔkɔ encɛmbɛr kufu ka Rasel mɔ, pɔsɔrɔyi di haŋ mɔkɔ.

21 Kɔ Yakuba ɔŋkɔ, pɛɛmbɛr abal nde Mikadal-Eder takɔrɔŋ.

22 Nte Yakuba eyi atɔf ŋaŋɔkɔ mɔ, kɔ Ruben ɔŋkɔ pɛfɛntɛrɛr Bilha wɛlakɔ ka papa kɔn, kɔ Yakuba encɛrɛ ti.

Yakuba ɛnasɔtɔ awut arkun wɛɔɔ kɔ mɛrɔŋ;

23 Awut a Leya: Ruben coco ca Yakuba, Simeyɔŋ, Lewy, Yuda, Isakar, kɔ Sabulon.

24 Awut a Rasel: Isifu kɔ Benjamin.

25 Awut a Bilha, wɛmarɛs ka Rasel: Dan kɔ Naftali.

26 Awut a Silpa, wɛmarɛs ka Leya: Kadu kɔ Aser. Awut a Yakuba ŋanayi akakɔ, aŋɛ ɛnakom Padarj-Aram mɔ.

27 Kɔ Yakuba ender kas Siyaka kɛsɛk, nde Mamre, nde Kiriyaŋ Arba, nde pɛyɔnɛ Hebɛrɔŋ mɔ, a kɔ Abraham kɔ Siyaka ŋanayi decikɛra mɔ.

28 Kɛwon ka Siyaka doru kɛnasɔtɔ meren tasar tin kɔ wɛɔɔ camɛt maas (180).

29 K'ɛŋgbjɛn kifir. K'efi, k'ɔnɔŋkɛl atem ɔn akɔ ŋanafi mɔ, Siyaka ɛnasikɛr, doru dɛtɛŋɛ kɔ. K'awut ɔn Esayu kɔ Yakuba ŋawup kɔ.

36

Esayu kɛndɛ kɔn nde atɔf ŋa Edɔm

1 Dokombɛra da Esayu dɔ dandɛ, nwe aŋwe sɔ Edɔm mɔ.

2 Kɔ Esayu ɛlɛk aran ɔn, aran a Kanaŋ daco: Ada, wan wɛran ka Elon wɛHewy, Oholibama wan wɛran ka Ana, wan wɛran ka Cibehɔŋ wɛHewy,

3 Basmat wan wɛran ka Sɛmayila, wɛkirɛ ka Nebayɔt.

4 Kɔ Ada ɔŋkɔmɛ Esayu Elifas, kɔ Basmat ɔŋkom Rehuwɛl.

5 Kɔ Oholibama ɔŋkom Yehus, Yahelam, kɔ Korah. Awut a Esayu ŋɔ akakɔ aŋɛ anakomɛ kɔ Kanaŋ mɔ.

6 Kɔ Esayu ɛlɛk aran ɔn, awut ɔn arkun kɔ aran, afum ɔn aka kɛlɔ kɔn, yɔcɔl yɔn kɔ ca yɔkɔ ɛnasɔtɔ atɔf ŋa Kanaŋ mɔ fɔp, k'ɔŋkɔ atɔf ŋɔlɔma. K'ɔmbɔlɛ wɛnc Yakuba,

7 bawo yɔcɔl yɛnalar ŋa, ta ŋantam kɛyi tofo tin-ɛ. Atɔf ŋɛ ŋanayi mɔ ŋɛnafɛtɛr ŋa teta yɔcɔl yanjan yɛlarɛm.

8 Kɔ Esayu ɛndɛ nde mɔrɔ ma Sehir. Esayu, nkɔn ancwe sɔ Edɔm.

Yuruya ya Esayu

9 Dokombɛra da Esayu, dɔ dandɛ wɛtem ka yuruya nyɛ aŋwe Edɔm mɔ, nde mɔrɔ ma Sehir kɔrɔŋ.

10 Mewe ma awut a Esayu mɔ mame: Elifas wan ka Ada wɛran ka Esayu, Rehuwɛl wan ka Basmat wɛran ka Esayu.

11 Awut a Elifas ŋanayɔnɛ: Teman, Omar, Sefo, Kahetam, kɔ Kenas.

12 Timna wɛlakɔ ka Elifas ɛnayi wan ka Esayu. K'ɔŋkɔmɛ Elifas Amalɛk. Awut a Ada ŋɔ akakɔ wɛran ka Esayu.

13 Mewe ma awut a Rehuwɛl mɔ mame: Nahat, Serah, Sama, kɔ Misa. Awut a Basmat ŋɔ akakɔ wɛran ka Esayu.

† 35:18 Ben-Oni = CɛHebɛre «wan wɛka pucuy»

‡ 35:18 Benjamin = CɛHebɛre «Wan wɛka kɛca kɛtɔt»

14 Mewe ma awut a Oholibama wan wəran ka Ana, wansə ka Cibehəŋ, wəran ka Esayu: K'ŋkome Esayu Yehus, Yahelam, kə Korah.

15 Mewe ma abe a yuruya ya Esayu mame: Awut abe a Elifas, coco ca Esayu: Wəbe Teman, wəbe Omar, wəbe Sefo, wəbe Kenas,

16 wəbe Korah, wəbe Kahetam, kə wəbe Amalek. Abe a Elifas ŋə akakə, atof ŋa Edom. Awut a Ada ŋə akakə.

17 Awut a Rehuwel, wan ka Esayu ŋə akanje: Wəbe Nahat, wəbe Serah, wəbe Sama, kə wəbe Misa. Abe a Rehuwel ŋə akakə atof ŋa Edom. Awut a Basmat ŋə akakə, wəran ka Esayu.

18 Awut a Oholibama ŋə akanje, wəran ka Esayu: Wəbe Yehus, wəbe Yahelam, kə wəbe Korah. Abe a Oholibama ŋə akanje wan wəran ka Ana, wəran ka Esayu.

19 Awut a Esayu ŋə akakə, kə abe aŋan. Esayu nwe ancwe sə «Edom» mə.

20 Awut a Sehir wəHori ŋə akanje: Lotan, Sobal, Cibehəŋ, Ana,

21 Disəŋ, Eser, kə Disan. Abe aHori ŋə akakə, awut a Sehir nde atof ŋa Edom.

22 Awut a Lotan ŋanayone Hori kə Hemam. Wəkiŋe ka Lotan enayone Timna.

23 Awut a Sobal ŋanayone Alwan, Manahat, Ebal, Sefo, kə Onam.

24 Awut a Cibehəŋ ŋanayone Aya kə Ana. Ana wəkakə enafir kələmp nde dategbæŋe, pəkə dəŋkek səfale sa papa kən Cibehəŋ.

25 Awut a Ana ŋanayone Disəŋ kə Oholibama, wan ka Ana wəran.

26 Awut a Disan ŋanayone: Hemdan, Esban, Yitəran, kə Keran.

27 Awut a Eser ŋanayone: Bilan, Sawan, kə Akan.

28 Awut a Disan ŋanayone Huc kə Aran.

29 Abe a Hori ŋə akanje: Wəbe Lotan, wəbe Sobal, wəbe Cibehəŋ, wəbe Ana,

30 wəbe Disəŋ, wəbe Eser, wəbe Disan. Abe a Hori ŋa akakə, abe aŋan atof ŋa Sehir.

31 Tem tatəkə abe ŋanatəmpər fe kəresna dəbe nde atof ŋa Yisrayel. Mewe ma abe aŋe ŋanacəpər atof ŋa Edom mə, mə mame:

32 Bela, wan ka Behor, enayone wəbe Edom, tewe ta dare dən tenayone Dinaba.

33 Kə Bela efi. Kə Yobab wan ka Serah wəka Bəcəra elək dəbe dən.

34 Kə Yobab efi. Kə Hucam wəka atof ŋa Temani elək dəbe dən.

35 Kə Hucam efi. Kə Hadad wan ka Bedadu elək dəbe dən. Nkən enacəmbər Madiyan nde kulum ka Mohab. Tewe ta dare dən tenayone Awit.

36 Kə Hadad efi. Kə Samla wəka Masreka elək dəbe dən.

37 Kə Samla efi. Kə Sawul wəka dare da Rehobot Dəkəŋgbəkə elək dəbe dən.

38 Kə Sawul efi. Kə Bal Hanan, wan ka Akbər, elək dəbe dən.

39 Kə Bal Hanan wan ka Akbər efi. Kə Hadar elək dəbe dən. Tewe ta dare dən tenayone Pawu, kə tewe ta wəran kən tenayone Mehetabel, wan ka Materodu wəran, wan ka Mesahabu wəran.

40 Mewe ma abe a Esayu mə maməkə, dəcor dəcor, dətof tof. Pəmə tatəkə mewe manan moloku ti mə: Wəbe Timna, wəbe Alwa, wəbe Yetet,

41 wəbe Oholibama, wəbe Ela, wəbe Pinəŋ,

42 wəbe Kenas, wəbe Teman, wəbe Mibacar,

43 wəbe Makdiyel, wəbe Iram. Akanje ŋanayone abe a Edom, kə dəkənde danan atof ŋəkə ŋanayone abe mə. Esayu enayone wətem ka aka Edom.

37

Tecəpəreŋe ta Isifu

*Taruku ta Yakuba k'afum ən**Mewerəp ma Isifu*

¹ Kə Yakuba ende atəf ɲa Kanəɲ nde kas enande mə.

² Dokombəra da Yakuba dende: Kəsətə ka Isifu meren wəco kə camət-merəɲ, kə Isifu eyefe pəccəpse awenc aɲa darəɲ ɲackək ɲkesiya kə cir. Pəyənə wan wəfet, pəccəmə awut arkun a Bilha kə Silpa darəɲ, aran a kas. Mba Isifu encder pəcsəɲe papa kəɲan kəcəre məcəmcəmne mələc məkə mencepər di mə fəp.

³ Yakuba* enabətər Isifu pətas awut ən alpəs aɲe fəp, bawo detem disre d'enasətə kə. Kə Yakuba sət burumus bənəɲkəsəl lom k'əsəɲ bi Isifu.

⁴ Kə awenc a Isifu ɲande ɲanəɲk, a kas kəɲan əmbətər Isifu pətas ɲa fəp. Kə ɲaməɲkə Isifu metələ maməkə. Kə ɲayi ta ɲaɲlok-lokər Isifu belbel-ɛ.

⁵ Kə Isifu ewerəp, k'əɲkə pəloku mere maməkə awenc aɲa, kə akakə ɲanəɲkanə sə kəter kə.

⁶ Kə Isifu oloku ɲa: «Awenc im aɲa, nəcəɲkəl mere mme iwerəpna mə!

⁷ Dəkulum ayina pacsek mēmpələ. Pəwon fe kə kilim kem ka mēmpələ kəyefe kə kəncəmə sot! Kə cilim ca mēmpələ ma nəna cənder cənəɲkər kem, kə cəntontnəne ki.»

⁸ Kə awenc aɲa ɲaloku kə: «Mba mənə məncəm-cəmne kəyənə ka wəbe ka səna ba? Məyi su kəɲəɲ?» Kə ɲamberənə sə kəter kə teta moloku mən maməkə.

⁹ Kə Isifu endəsə pəwerəp, k'oloku sə ti awenc aɲa. K'oloku: «Iwerəpna sə: Dec, ɲof kə cas wəco kə pin yontontnən'em.»

¹⁰ Kə Isifu oloku mere maməkə papa kən kə awenc aɲa. Kə papa kən oɲkul-kulər kə, k'eyif kə: «Cəke cə mere mame məwerəp mə moloku-ɛ? Məncəm-cəmne a səndeder, iya kam, awenc əm aɲa, kə ina sədetontnən'am dəntəf?»

¹¹ Kə awenc a Isifu ɲayənə kə kəraca. Mba kə kas kəɲan eməɲkərne kəwerəp kaɲkə.

Awenc a Isifu ɲancaməs kə

¹² Kə awenc a Isifu ɲande ɲawur, kəkəkək ɲkesiya kə cir ya kas kəɲan nde Səkem.

¹³ Kə Yakuba oloku Isifu: «Awenc əm aɲa ɲayi Səkem ɲawurənə yəcəl kəkəsəmət. Məder, ifaɲ kəsom əm nde ɲayi mə.» Kə Isifu owosə: «In'ewə!»

¹⁴ Kə Yakuba oloku kə: «Məkə məməmən em kə pəyənə a daka o daka dəyə fe awenc əm aɲa kə yəcəl yefet yefet-ɛ. Məder mələk'im ti.» K'osom kə kəyefe ka aranta ɲa Hebərəɲ, kə Isifu oɲkə Səkem.

¹⁵ Kə wərkun wələma oɲkə pəbəp kə pəckafələ-kafələ dəkulum. Kə wərkun nwe eyif kə: «Ake məntən-ɛ?»

¹⁶ Kə Isifu oloku kə: «Awenc im aɲa ɲ'intən, iletən'am məmentər im nde ɲayi kəkək yəcəl mə.»

¹⁷ Kə wərkun nwe oloku kə: «ɲayefe də, inənəna ɲa ɲaloku: «Pəɲkən kəca ka Dotəɲ.» Kə Isifu encəmə ni yaɲan darəɲ kə yəcəl haɲ k'əɲkə pəbəp ɲa Dotəɲ.

¹⁸ K'awenc aɲa ɲanəɲk kə pəbələ, ta entabəp ɲa-ɛ, kə ɲaseke kə kədif.

¹⁹ Kə ɲalokənə: «Wəbe ka kəwerəp ender wəkə.

²⁰ Nəder oɲ padif kə, pagbal kə nde dəkələmp. Pəkə paloku a wəsəm wəsəm kə. Pəməmən oɲ daka nde kəwerəp kən kəndeyənə mə.»

²¹ Kə Ruben ene ti, k'embarəɲ kə akakə dəwaca. K'oloku: «Ta pasəɲe kə kəfi.»

* 37:3 CəHebərə «Yisrayəl» = tewe tante tə Kanu ki sərka kənasəɲ Yakuba. Məməmən

²² Kɔ Ruben oloku sɔ: «Ta nɔwure mecir! Nɛgbal kɔ kɔlɔmp kanjɛ kɔyi nno dɛtegbɔrɛ mɔ. Ta nɛdɛnɔr kɔ kɔca!» Enaloku ŋa moloku mamɛ, nte tɔnsɔŋɛ pɛtam kɔyac Isifu defi, pɛkene kɔ kas mɔ.

²³ Nte Isifu embɔp awɛnc aŋa mɔ, kɔ akakɔ ŋawure kɔ burumus bɔnɔŋkɔsɔl lom bɔkɔ ɛnabɛrɛ mɔ.

²⁴ Kɔ ŋasumpɔr kɔ, kɔ ŋantɔrɛ kɔ dɔkɔlɔmp. Kɔlɔmp kanjɛ kɔnawosɔr, ali domun kɔnayo fɛ.

²⁵ Kɔ ŋandɛ ŋacdi yeri, ŋandeyekti fɔr, kɔ ŋanɔŋk afum a Sɔmayila ŋayɛfɛ atɔf ŋa Kaladu. Yɔkɔmɛ yanjan yesare suray, cɔl kɔ labunde nyɛ ŋanckekɔrɛ Misira mɔ.

²⁶ Kɔ Yuda eyif awɛnc aŋa: «Ta ake tɔ andedife wɛnc kosu pamɛŋk mecir mɔn-ɛ?»

²⁷ Nɛdɛr pacamsɔr kɔ afum a Sɔmayila. Ta padɛnɔr kɔ kɔca. Bawo wɛnc kosu ɔfɔ, mecir min mayi mɔ ampɔŋɛ.» K'awɛnc aŋa ŋanɛnɛ kɔ moloku mamɔkɔ.

²⁸ Kɔ acamɔs aMadiyan aŋɛ ŋancɛpɔr mɔ, ŋampɛnɛ Isifu dɔkɔlɔmp. Kɔ awɛnc a Isifu ŋancamsɔr kɔ aMadiyan gbɛti ncɔmbɔl wɔcɔ mɛrɔŋ, k'aMadiyan ŋanjkɔrɛ Isifu Misira.

²⁹ Nte Ruben oluksɔrɛnɛ kɔdemɔmɔn kɔlɔmp disrɛ mɔ, embɔp fɛ sɔ Isifu kɔlɔmp disrɛ. K'ɛwal-wali yɛbɛrɛ yɔn.

³⁰ K'ɛŋkafɔlɛ nno awɛnc aŋa ŋayi mɔ, k'oloku: «Wan nwe eyi fɛ sɔ nno dɔkɔlɔmp! Cɛke indeyo ɔŋ-ɛ?»

³¹ Kɔ ŋalɛk burumus ba Isifu, kɔ ŋafay ambiyɔfo amera, kɔ ŋasɔpɔt burumus babɔkɔ mecir.

³² Kɔ ŋanjkɛnɛ kas kɔŋan burumus bɔnɔŋkɔsɔl lom ba Isifu babɔkɔ, kɔ ŋanjkɔ ŋaoloku kas kɔŋan: «Yamos yayɛ yɔ sɔŋkɔ sɔnɔŋk. Mɔna sɔ mɔmɔmɔn ma kɔ pɔyɔnɛ a burumus ba wan kam bɔ-ɛ.»

³³ Kɔ Yakuba ɛnɛpɔl bi, k'oloku: «Burusum ba wan kem bɔ! Wɛsɛm wɛlɛc wɔlɔma wɔsɔm kɔ! Wɛsɛm wɛwatɔri-watɔri kɔ!»

³⁴ Kɔ Yakuba ɛwal-wali yamos yɔn, k'ɛsɛkɔnɛ kɔloto k'abɛk defi. K'ombok wan kɔn Isifu mataka mɛlarɔm.

³⁵ Kɔ awut ɔn arkun kɔ aran fɔp ŋayɛfɛ kɔtɔrɛ-tɔrɛ kɔ abɛkɛc. Mba k'ombupɔrɛ kɔlɛtsɛnɛ fɔp. K'oloku: «Indɛbok wan kem haŋ dɔsɔk ndɛ indekɔbɔp kɔ dabiya mɔ!» K'ɛncɔmɛ kɔbok ka wan kɔn darɔŋ.

³⁶ Kɔ aMadiyan ŋancamɔs Isifu Misira. Kɔ Potifar wɔtupe ka Firawona yeri nwe ɛnayɔnɛ wɔbɛ ka abum a dɔsanjka sa Firawona mɔ, ɛway kɔ.

38

Yuda kɔ Tamar

¹ Tɛm tatɔkɔ, Yuda pɔbɔlɛnɛ awɛnc aŋa, k'ɔŋkɔ pɔyi kɔ wɔrkun wɔlɔma nwe ancwɛ Hira mɔ, wɔka Adulam ɛnayi.

² Dɔndɔ, kɔ Yuda ɛnɔŋk wɔyɛcɔra wɔKananj wɔlɔma pacwɛ kɔ Suwa. K'ɛlɛk kɔ k'ɛnɛncɛ k'ombɔcɔrɛnɛ kɔ.

³ Kɔ Suwa embɛkɔs, k'ɔŋkɔmɛ Yuda wan wɔrkun k'ɛwɛ kɔ Er.

⁴ K'ɛmbɛkɔs sɔ k'ɔŋkom wan wɔrkun k'ɔsɔŋ kɔ tewɛ ta Onaŋ.

⁵ K'ɔŋgbɔkɔrɛ sɔ kɔkom wan wɔrkun nwe ɛnawɛ Selah mɔ. Dare da Kisibu Yuda ɛnayi tɛm nte Suwa onckom Selah mɔ.

⁶ Kɔ Yuda ɛface coco cɔn wɔyɛcɔra nwe ancwɛ Tamar mɔ.

⁷ Mba Er, nwe ɛnayɔnɛ coco ca Yuda mɔ, ɛnatɛsɛ fɛ fɔr ya MARIKI kirin. Kɔ MARIKI ɔsɔŋɛ kɔ kɔfi.

8 Kɔ Yuda oloku tɔŋɔ tɔn Onaŋ: «Məbocərne wəran ka wəbek'am. Məsɔŋe wəran kɔn pəsətɔne kɔ yuruya.»

9 Nte Onaŋ enacəre a awut aŋe endesəŋ wəran ka wəbek'on, ŋafɔdeyɔne akɔn mɔ, kɔ Onaŋ ŋanckɔnafəntərə kɔ wəran ka wenc-ε, pəclɔŋ domun dɔn d'arkun dantɔf, nte tɔŋsɔŋe ta ɔsɔŋe wenc kəsɔtɔ yuruya mɔ.

10 Məyɔ mɔn maməkɔ mɔncbɔt fε MARIKI, k'ɔsɔŋe sɔ nkɔn Onaŋ kəfi.

11 Kɔ Yuda oloku Tamar wəran ka wan kɔn: «Mənde kəbal ka wos əm ndena papa kam haŋ wan kem wərkun Selah pəcbek.» Bawo Yuda onclɔkune: «Wəkawe sɔ kəfi k'ender pəmɔ abek'on.» Kɔ Tamar ɔŋkɔ pəyi nde kəlɔ ka papa kɔn.

12 Kɔ mataka mɛlarəm mencepər, kɔ wan wəran ka Suwa, wəran ka Yuda, efi. Nte abəkəc ŋenator Yuda mɔ, k'empərne kəca ka Timna kɔ wanapa kɔn Hira wəka Adulam, nde akɔ ŋanckon ŋkesiya yɔn ŋanayi mɔ.

13 K'əŋkɔ paloku Tamar: Konci kam entas Timna kəkəfon ŋkesiya yɔn yefεt.

14 Kɔ Tamar owure yamos yɔn ya cəbokəra, k'ɛŋgbalərne kəloto, k'ɛnepsərne ki, k'əŋkɔ pənde dəkəberε da Enayim nde dɔpɔ da Timna. Bawo enanəŋk a Selah embek, k'antɔlək kɔ pasəŋ Selah pəyɔne wəran kɔn.

15 Kɔ Yuda enəŋk Tamar, kɔ pəyi kɔ pəmɔ wəran wəyamayama, bawo enakumpəne kəro.

16 Kɔ Yuda encaŋ Tamar moloku dɔpɔ: «Tanjkɔn, səkɔ səfəntərə.» Bawo Yuda enacəre fε a wəran ka wan kɔn wərkun əfɔ. Kɔ Tamar eyif kɔ: «Ake məndekəsəŋ im, kɔ məmbocərn'em-ε?»

17 K'oloku: «Inkəker'am wir wowut yɔcɔl yem dacɔ.» Kɔ Tamar oloku: «Mene məsəŋ im paka pəlm itəmpər haŋ məkere wir wowut wawəkɔ.»

18 Kɔ Yuda eyif kɔ: «Ake indesəŋ əm haŋ ickere wir wowut nwe-ε?» Kɔ Tamar oloku kɔ: «Məsəŋ im tamp tam, kəbənda kɔ kəgbo kanjkɔ məntəmpər mɔ.» Kɔ Yuda ɔsəŋ kɔ yi. Kɔ Yuda efəntərə kɔ Tamar, kɔ Tamar embekse Yuda.

19 Kɔ Tamar eyefe k'əŋkɔ, k'owure kəloto kanjkɔ enagbalərne mɔ, k'emberne sɔ yamos yɔn ya kəbal.

20 Kɔ Yuda osom wanapa kɔn wəAdulam, a pəkene Tamar wir wowut, pəkere ne ca yəkɔ enacəmbər di sεke mɔ. Mba enanəŋk fε kɔ.

21 Kɔ wəkakɔ ɔŋkɔ pəcyifət afum akɔ enabəp di mɔ: «Deke wəran wəten arkun, nwe encəmena nnɔ dɔpɔ da Enayim mɔ, eyi-ε?» Kɔ akakɔ ŋaloku kɔ: «Wəran wəten arkun əfɔcəme nnɔ.»

22 Kɔ wərkun nwe olukus k'əŋkɔ pəcloku Yuda: «Inəŋk fε kɔ. Ali afum a tofo tatəkɔ ŋaloku: «A wəran wəten arkun eyi fε nnɔ.»»

23 Kɔ Yuda oloku: «Pəmənjkərne ca yem yəkɔ ɔntəmpər mɔ! Ta patenərne malap. Bawo isom pakene kɔ wir wowut kɔ məntənəŋk kɔ.»

24 Nte yof maas yencepər mɔ, k'ande paloku Yuda: «Wəran ka wan kam ɔŋkɔt yamayama, kɔ tɔsɔŋe kɔ kəbekəs.» Kɔ Yuda oloku: «Nəwurene kɔ. Pacɔf kɔ!»

25 Nte asole kɔ kəwurene doru mɔ, k'osom nda konci kɔn: «Wəbekəsəs kem ɔyɔ ca nyε. Məsεp məcəre nwe ɔyɔ tamp pampε, kəbənda kanjkε, kɔ kəgbo kanjkε mɔ.»

26 Kɔ Yuda enepəl yi. K'oloku: «Tamar olomp pətas im, bawo iwose fε kəsəŋ kɔ wan kem Selah.» Difɔ tɛnalip encərə fε kɔ sɔ dɛran.

27 Nte Tamar eyefe kəkɔm mɔ, k'anəŋk a cəberi cəyi kɔ dəkɔr.

28 Tamar eyi kəkɔm. Kɔ wan wəcəkɔ-cəkɔ owure kəca. Kɔ wəran wəbaŋ wan osumpər kənaka nke kəca k'ɔŋkɔt kɔ deberja deyim dəkəca, pəcloku: «Wəkawe andenujkene kəkɔm.»

²⁹ Mba kɔ kənaka nkɛ kəlinj kəca, kɔ wɛnc onurkɛnɛ kəwur. Kɔ wəbanj wan eyifnɛ: «Kəpəc kərə kɔ məwurɛ kanjke-ɛ?» Kɔ Tamar ewe wan wəkakɔ Pɛrɛc. *

³⁰ Kɔ wan wəka mɛrəŋ owur, nwɛ anakot debɛŋa dəkaca mɔ, kɔ Tamar ewe wəkakɔ tewe ta Serah. †

39

Isifu kiyi kən Misira ndena Potifar

¹ K'anjekərə Isifu Misira. Kɔ Potifar wəMisira, wəbɛ wəpəŋ wəka firawona, nwɛ ɛnəyɔnɛ wəkirinj ka abum ɔn mɔ, ɛway kɔ afum a Səmayila dəwaca akɔ ŋanakərə kɔ Misira mɔ.

² MARIKI ɛnasolɛ Isifu, pəcuca fəp pɔ MARIKI ɛnchanj kɔ. Kəlɔ ka Mariki mɔn wəMisira k'ɛnayı.

³ Kɔ Mariki mɔn ɛnəŋk a MARIKI osolɛ Isifu. Mosumpər mɔn fəp, MARIKI ɛncmar kɔ mectesɛ kɔ dəwaca.

⁴ Kɔ Isifu ɛndɛ pəsɔtɔ kəlanj ka wəbɛ kɔn nwɛ ɛncbəcɛ mɔ. Kɔ wəkakɔ ɛlɛk kɔ, k'ɔsəŋ kɔ dɛbɛ da kəcəmbər-cəmbər mes ma kəlɔ kɔn disrɛ. K'ɛlɛk daka dɔn fəp, k'ɛmbɛr di Isifu dəwaca pəcłompse-lompse kɔ di kəcəmbər-cəmbər.

⁵ Ntɛ Potifar ɛlanj Isifu, a k'ɔsəŋ kɔ kəcəmbər-cəmbər ka mes ma kəlɔ kɔn disrɛ fəp mɔ, kɔ MARIKI omɔpɔcɛ kəlɔ ka wəMisira nwɛ, teta Isifu. Kɔ kəpɔcɛ ka MARIKI kəsumpər daka da Potifar fəp, kəyɛfɛ dɛkɛr hanj ndɛ dalɛ.

⁶ K'ɛsakərə teta daka dɔn fəp Isifu, nkɔn ɛnasumpər fɛ sɔ ntɛ o ntɛ mɛnɛ yeri nyɛ ɛncdi mɔ.

Isifu kɔ wəran ka Potifar

Mba Isifu fum wətɔt teyi ɛnayı.

⁷ Ntɛ mes maməkɔ mɛncɛpər mɔ, kɔ wəran ka mariki mɔn ɛndɛ pəcɛncər Isifu fəp, k'oloku kɔ: «Məfəntərə kɔ ina!»

⁸ Kɔ Isifu ɛfati. K'oloku wəran ka mariki mɔn: «Mənəŋk ntɛ mariki mɛm ɛlɛk mes mɔn fəp k'ɛmbɛr im dəwaca mɔ, tɔsəŋɛ ɔfɔsəyɔ ntɛ o ntɛ dɛkɛr k'ɛlɛk sɔ daka dɔn fəp k'ɔsəŋ im kəcəmbər-cəmbər.

⁹ Fum nwɛ o nwɛ eyi fɛ nnɔ kəlɔ kanjke nwɛ ɛlɛlɛ pəcɛpər im mɔ. Ɔmɔnɛnɛ f'em ntɛ o ntɛ ta kəlɔ kanjke mɛnɛ mənə, bawo wəran kɔn məyɔnɛ. Ak'ɛndɛsəŋ'em ɔŋ kəyɔ pələc pəpəŋ, iciyanɛ sɔ Kanu-ɛ?»

¹⁰ Kɔ wəran nwɛ ɛncəmɛnɛ Isifu moloku maməkɔ darəŋ hanj mataka mɛlarəm. Mba Isifu ɛnawosɛ fɛ mɛcɛm-cɛmnɛ mɔn, kəcərə a ŋafəntərə kɔ nkɔn.

¹¹ Dəsək dəlɔma, kɔ Isifu ɛmbɛrɛ dukulɔ dəkəlompəs yɛbəc yɔn. Mba dəsək dadəkɔ afum a kəlɔ kanjke im wəkin ɛnayı fɛ dɛkɛr.

¹² Kɔ wəran nwɛ osumpər pɛbɛrnɛ pa Isifu k'oloku kɔ: «Məfəntərə kɔ ina!» Kɔ Isifu ɛsakərə kɔ pɛbɛrnɛ pɔn, k'ɛyɛksɛ k'owur doru.

¹³ Ntɛ wəran nwɛ ɛnəŋk a Isifu ɛsakərə kɔ pɛbɛrnɛ pɔn dəwaca, k'ɛyɛksɛ k'owur doru mɔ.

¹⁴ K'ɛwɛ afum a kəlɔ kəŋan k'oloku ŋa ntɛ: «Nənəŋk, wəHɛbərə nwɛ wos im* ɛŋkɛrɛ pədəfani su mɔ. Isifu ɛndɛr im a pədəfəntərə kɔ ina. Ti tɔ inkul-kulɛnɛ pəpəŋ.

¹⁵ Ntɛ ɛndɛcərə a kəpɛnɛ k'indɛ dim mɔ, k'ɛyɛksɛ. K'ɛsakər'em pɛbɛrnɛ pɔn kɔ nkɔn owur ndɛ doru.»

¹⁶ Kɔ wəran nwɛ ombocərnɛ pɛbɛrnɛ pa Isifu kəsək, hanj mariki ma Isifu pəcɛrɛ dɛkɛr.

* 38:29 Pɛrɛc = «kəpəc»

† 38:30 Serah = «Kəpɛ ka dec»

* 39:14 Potifar

17 Kò wəran nwe oloku wos tin tayi, k'oloku kò: «Wəcar wəHebərə nwe mənkerε su mō, ender im a pədefan'im.

18 Mba nte in̄kule-kule pəpəŋ mō, k'esak pəberne pən nnō iyi mō. Kò nkən eyekse k'owur nde doru.»

19 Nte mariki ma Isifu ene moloku ma wəran kən, nwe oncloku kò: «Nte tō wəcar kam əy'em!»

20 Kò mētele məpəŋ mosumpər mariki ma Isifu. Kò wəkakō embər Isifu dəbili kəca nke wəbe encber afum dəbili mō. Kò Isifu eyi dəndo dəbili.

Kəyi ka Isifu dəbili

21 Kò MARIKI osolε Isifu, k'elas layidi da amera ŋəbotu ŋəko enasəŋ kò mō. K'əsəŋε wəbe wəka dəbili kəmar kə.

22 Kò wəbe wəka dəbili εlek aka dəbili fəp k'embər ŋa Isifu dəwaca, nte o nte tencpər ŋ di mō, Isifu tencpər dəwaca kərəsna.

23 Wəbe wəka dəbili əncməmən fε sō nte o nte Isifu enatəmpər dəwaca, bawo MARIKI enasolε kò, pəclompse kò mosumpər mən fəp.

40

1 Nte mes maməkō mencepər mō, kò amarəs mērəŋ a Firawona, wəbe ka Misira, wətupe kò wəcofe kən cəcom, ŋande ŋacyane mariki marjan.

2 Kò pəntelε Firawona nnō amarəs ən mērəŋ ŋayi mō.

3 Kò Firawona osom k'asumpər ŋa, k'əŋkə pacəŋər ŋa nde bili bəkō anacəŋər Isifu mō.

4 Kò wəbe ka aka dəbili oloku Isifu kəgbekərə ŋa pəmō nte enayi ŋa kəsək mō. Kò ŋayi dəbili tēm telarəm.

Isifu kəloku tedisrε ta mere ma amarəs a Firawona, aŋε enacəŋəs dəbili mō

5 Pibi pin disrε, kò amarəs a Firawona aŋε mērəŋ ŋawerəp. Nwe o nwe, tawerəp tən taciŋa teciyane kò ta wəkō.

6 Dec dendesək, kò Isifu enəŋk ŋa ŋaməncnε.

7 Kò Isifu eyif amarəs a Firawona aŋε mērəŋ aŋε ŋanayi dəbili kò nkən mō, k'eyif ŋa: «Ta ake tō nəŋeye cəro məkō-ε?»

8 Kò ŋaloku Isifu: «Səwerəpna nnō pibi, mba fum eyi fε nnō nwe endetam kəloku su tedisrε ta mere maməkō mō.» Kò Isifu eyif ŋa: «Bafō Kanu kətəmpər kəcərə ka tedisrε ta mes ba? Nəlok'im ma mere monu.»

9 Kò wətupe ka Firawona yomunəs əlmər Isifu mere maməkō enawerəp mō. K'oloku: «Mere mme iwērəpna mō: An̄gəŋkəlō ŋa wən ŋeyin'em fər kirin̄.

10 N̄yō wara maas. Nte an̄gəŋkəlō n̄ε ŋəŋgbuc mō kò cek ya yokom yembək, kò yokom yayəkō yəlō.

11 Tətəŋne itəmpər apət n̄ε inctupe wəbe kem Firawona mō. K'ilək yokom yəlōma k'ifəcəs yi nnō apət n̄ε inctupe Firawona mō disrε, k'isəŋ Firawona mənəncə ma pokom papəkō inafəcse kò dəpət mō.»

12 Kò Isifu oloku kò: «Tedisrε tayi tēntε: Wara wawəkō maas, mata maas mō.

13 Kò mata maas mencepər-ε, Firawona endesəlukus kəyekt'am domp, pəluks'am yebəc yam. Məndesə mactupe kò yomunəs pəmō təkō mənčbəc ti mō, məcber kò yeri yəkō mənde kəctupe kò mō dəkəca.

14 K'andesak əm-ε, ta mədekəpələn'em, iltsen'am məlek'em layidi a məndekəmar im nnō wəbe eyi mō. Nte tən̄səŋε pəwuren'em nnō kəlō kəŋkε disrε mō.

15 Bawo atəf ŋa Hebərə ŋalək im k'əŋkerε Misira. Kò nnō, ali tes iyō fε nte andeber'em dəbili mō.»

¹⁶ Nte wəcəfɛ ka Firawona cəcom ɛnəŋk a moloku mme Isifu oloku ma mere mɔ, mɔmbət kəne, k'oloku Isifu: «Ina mere mem, mafala maas ma kəcom kəgbent m'isarena.

¹⁷ Kəfala kəŋkə kəŋɛcna ci dacə mɔ fəp, yeri yəkə wəcəf cəcom ontup a pəcsəŋ yi Firawona mɔ fəp yeyina dənda. Bemp yocsəm yeri yayəkə isarena kəfala disrɛ mɔ.»

¹⁸ Kə Isifu oloku kə: «Tedisrɛ tayi tɛntɛ: Cəfala cacəkə maas, mata maas mɔ.

¹⁹ Kə mata maas mencepər-ɛ, Firawona endepən'am darenc, pəber əm kəbənda dəkilim pəgbek əm, bemp yocsəm əm.»

²⁰ Tataka ta maas, dəsək doluksər da kəkom ka Firawona. K'ombocɛ amarəs ən kasata kəpəŋ. K'əsəŋ wəcəfɛ kən cəcom dəbe dəpəŋ, amarəs ən fəp fər kirin.

²¹ K'olukse sɔ wəka mɛrəŋ wəkə yəbəc yəkə ɛnayı cəkə-cəkə mɔ: Kə wəkakə oncop sɔ kəctup pəber Firawona apət dəkəca.

²² Kə Firawona osumpər wəcəf cəcom wəpəŋ pəmɔ təkə Isifu ɛnaloku ti mɔ.

²³ Wətupe ka Firawona yomunəs ɛncem-cəmne fɛ sɔ Isifu, k'empələrne kə.

41

Kəwɛrəp ka Firawona

¹ Kə teren tin tencepər, teren ta mɛrəŋ, kə Firawona ɛwɛrəp: Pəcəme kəŋgbəkə nkɛ aŋwe Nil mɔ kəsək.

² Kə cəna cəran cətifi camət-mɛrəŋ cəncəfɛ dəkəŋgbəkə. Kə cəyɛfɛ kəsəmət dale.

³ Kə cəna cəran camət-mɛrəŋ cəlɔma cəlɛŋki cəncəfɛ sɔ cəkə tadarəŋ dəkəŋgbəkə. Kə ci cəŋkə sɔ cəcəme cəcəkə-cəkə kəsək dəkəŋgbəkə.

⁴ Kə cəna cəlɛŋki ncɛ cəyɛfɛ kəsəm cəna cətifi cəkə. Kə Firawona ɛntəme.

⁵ Kə Firawona ɔŋgbəkəre sɔ kədire, k'ɛwɛrəp sɔ tamɛrəŋ.

⁶ Səbomp sa malɔ camət-mɛrəŋ səpəŋ səwurəs atoka ŋin ŋətət. Kə səbomp sa malɔ səfet səwurəs səcəkə-cəkə tantɔf.

⁷ Kə səbomp sa malɔ səfet nɛɛ səndi səbomp sa malɔ səpəŋ səlare səkə. Kə Firawona ɛntəme sɔ. Mere mayi mɔ maməkə.

⁸ Dec dendesək, kə amera ŋɛlɛcɛ-lɛcɛ Firawona. K'ewe acərə mes k'abeki a Misira fəp. Kə Firawona ɔləmər ŋa mere mən. Mba ali fum ɛnayı fɛ nwe ɛntam kəloku kə tedisrɛ ta mere mən mɔ.

⁹ Kə wətupe kən yomunəs ɛlek moloku, k'oloku Firawona: «Incem-cəmne məkə tɛpələrne tem.

¹⁰ Pənatɛlɛ Firawona nno amarəs ən ŋayı mɔ, k'osom k'asumpər im kə wəcəfɛ kən cəcom, k'ɛmbɛr su dəbili nde kəlɔ ka wəbe ka abum ən.

¹¹ Kə səwɛrəp ina kə wəka mɛrəŋ kem pibi pin. Nwe o nwe mere mən tacinɔ mme antam kəloku tedisrɛ ta mi mɔ.

¹² Tɛtəŋne səyi bili bin kə wətemp wəcar wəHebərə wəka wəbe ka abum a Firawona wəlɔma. Kə səloku kə nwe o nwe mere mən k'oloku su tedisrɛ ta mi.

¹³ Kə tosurɛnɛ kə teyi pəmɔ təkə ɛnaloku nwe o nwe mɔ. Kə Firawona oluks'em yəbəc yem yocəkə-cəkə. K'ɛŋgbek wəka mɛrəŋ kem.»

Isifu oloku tedisrɛ ta mere ma Firawona

¹⁴ Kə Firawona osom a pawɛnɛ kə Isifu. K'awurɛnɛ kə katəna katəna dəbili. K'ofonne, k'ɛsəkpər yamos, k'əŋkə nde Firawona ɛnawe kə mɔ.

¹⁵ Kə Firawona oloku Isifu: «Iwɛrəp, mba ali fum isətɔ fɛ nwe ɔŋlok'im tedisrɛ ta mere mem mɔ. Mba alok'im a məntam kəloku tedisrɛ ta mere mme aŋlok'am mɔ.»

16 Kə Isifu oloku Firawona: «Bafə in'əfə! Kanu kəndeloku Firawona tedisre ta mere mən.»

17 Kə Firawona oloku Isifu: «Mere mem-ε, kəŋgbəkə kəsək incəmənə.

18 Kə cəna camət-mərəŋ cətət cətifi cəncafe dəkəŋgbəkə, kə cəyεfe kəsəmət dalε.

19 Kə cəna camət-mərəŋ cəlma cələnki cələc, ci cəncafe sə cəkə tadarəŋ dəkəŋgbəkə. Mba intanəŋk fe Misira cəna cələce pəmə cacəkə.

20 Kə cəna cələc cələnki nce cəyεfe kəsəm cəkəkə-cəkə camət-mərəŋ cətifi cətət cəkə.

21 Cəna cətifi nce cəcbere cələnki dəputuk, ta ancəre kə pəyənε yati cəmbere ci dəputuk-ε. Kə cəna cələc nce cənəŋkanε sə kələce, pətəs təkə cənələce mə. K'intəmε.

22 K'iwərəp sə nte: Səbomp camət-mərəŋ sa malə sətət səlarε səwurəs atoka ŋin ŋayi.

23 Kə səbomp camət-mərəŋ sa malə sələma səfet səwurəs səcəkəkə-cəkə səko tantəf.

24 Kə səbomp sa malə səfet nse səndi səbomp sa malə səpəŋ səkə. Iloku mere mame acəre mes. Mba ali fum isətə fe nwε oŋlok'im tedisre ta mi mə.»

25 Kə Isifu oloku Firawona: «Mere ma Firawona fəp, toloku tin tə moloku. Kanu kəyi kəmentər Firawona nte kəndeyə mə.

26 Cəna cətət nce camət-mərəŋ, meren camət-mərəŋ mə. Kə səbomp sa malə sətət nse camət-mərəŋ, meren camət-mərəŋ mə, mere min mə.

27 Cəna cələc cələnki nce cəmpənə cəkə tadarəŋ mə, meren camət-mərəŋ mə, kə səbomp sa malə səfet nse, dor da meren camət-mərəŋ də.

28 Pəmə təkə intep ti kəcloku Firawona mə, Kanu kəmentər Firawona təkə kəndeyə mə.

29 Meren camət-mərəŋ ma kənembəre mender mame atəf ŋa Misira fəp.

30 Kə meren camət-mərəŋ ma kənembəre mencepər-ε meren camət-mərəŋ ma dor mendecəmə mi darəŋ: Dor dadəkə dendeluxe Misira darəŋ.

31 Kə dor dadəkə dencepər-ε, afədetam kəcəre yati kə pəyənε a kənembəre kənayi de tələma-ε. Debeki da dor dadəkə dendesəŋε ti.

32 Kə mənəŋk Firawona pəgbəkəre kəwərəp mere min maməkə kəməreŋ-ε, Kanu kəyi kəsəŋε kə kəcəre: A mes melip nnə kəyi mə, kəbəlkar kə kənder oŋ kəbəc yəbəc ya ki.

33 Nte Firawona encəre oŋ a Isifu əyə amera, k'encəre sə mes mə, kə Firawona əsəŋ kə dəbe atəf ŋa Misira disre.

34 Firawona pəyεfe oŋ, pəboncəs akə ŋandeyənε abe aŋε ŋandekətənε atəf ŋa Misira mə, nte tənşəŋε ŋabanəs katin ka kəcəmət ka kəsətə yetel yanjan, atəf ŋa Misira meren camət-mərəŋ ma kənembəre mme disre mə.

35 ŋaləŋka yeri ya meren mobotu mme mender mə, ŋayə ti dim da Firawona dəntəf. Firawona pəsom pəmənki yeri sədare fəp.

36 Yeri yayəkə yə andemənki atəf, kədəm ka meren camət-mərəŋ ma dor mme Isifu oloku kədəyi mə, nte tənşəŋε ta dor dadəkə dedetam atəf ŋa Misira mə.»

Isifu əyənε wəmarəs wəcəkəkə-cəkə wəka Firawona

37 Kə moloku maməkə məmbət Firawona kə amarəs əŋ.

38 Kə Firawona eyif ŋa: «Andetam kəsətə fum pəmə Isifu ba, pəyə amera ŋa Kanu?»

39 Kə Firawona oloku Isifu: «Nte Kanu kəsəŋ əm kəcəre ka mes mame fəp mə, fum o fum eyi fe nwε əsək domp, pəcəre mes pəmə mənə mə.

⁴⁰ Məna Isifu, mən'endeyəne wəkiriŋ ka kələ kem, afum a atəf ɲem fəp. Mən'ə ɲandeyi darəŋ, dəbe da ina Firawona gbəcərəm dendecepər dam.»

⁴¹ Kə Firawona oloku Isifu: «Misira mə mamε isəŋ əm dəbe da atəf ɲaŋfə fəp.»

⁴² Kə Firawona owurε kurundε kən dəkəca, k'embər ki Isifu dəkəca. K'embər Isifu yamos yətət ya kaloto ka səbeŋa sa kentələ. K'engbək kə kəma dəkilim.

⁴³ Kə Firawona embək Isifu abil ɲa dəkəwan ɲəkə ɲənacənc ɲən mə, kə ɲancek kəkə. Kə afum ɲayefε kəkul-kulεne ɲa: «Abərek!» * Tatəkə tə Firawona enasəŋ Isifu dəbe, atəf ɲa Misira.

⁴⁴ Kə Firawona oloku sə Isifu: «In'əyənε Firawona! Kə məntəwosε-ε atəf ɲa Misira, ali fum əfəyektı de kəca, k'əŋkəyektı kəcək kən atəf ɲa Misira.»

⁴⁵ Kə Firawona ewe Isifu tewe ta Misira «Cafənət Paheneyah.» K'əsəŋ kə wəran pacwe kə Asnat, wan wəran ka Potifera, wələnne ka dare da Hon. Kə Isifu owur kəkəcərə Misira mme enasətə kəkətene dəbe ta encərə mi mə.

⁴⁶ Isifu enasətə meren wəco maas (30) a Firawona pədecərə kə. Nte ancəmbər kə dəbe mə, fər ya Firawona kiriŋ yə Isifu enawur kəkəcərə atəf ɲa Misira fəp.

⁴⁷ Meren camət-mərəŋ ma kənembərə maməkə disrε, kə afum a Misira ɲambərəne kəbəc.

⁴⁸ Kə Isifu olonka yeri yayəkə fəp Misira meren mme camət-mərəŋ. K'olonka yeri ya sədare səfət səkə sənəŋkər sədare səpəŋ mə.

⁴⁹ Isifu enalonka kur ka yeri pəmə kəsənc ka dəkəba, kur kənabək haŋ pəcəm-cəmne a dor dəfəsətəm kəsumpər aka Misira.

⁵⁰ Teren təcəkə-cəkə ta dor, kə Isifu oŋkom awut arkun mərəŋ aŋε Asnat wan wəran ka Potifera wələnne ka dare da Hon enakome kə mə.

⁵¹ Kə Isifu ewe coco cən Manase, ti tatəkə Kanu kəsəŋε kə kəpələr ka pəcuy fəp kə kəsakene kə aka kələ ka kas.

⁵² K'ewe wan kən təŋə Efrayim, ti tə tatəkə Kanu kəsəŋ kə dokombərə atəf ɲŋε analapəs kə mə.

⁵³ Kə meren camət-mərəŋ ma kənembərə melip.

⁵⁴ Kə meren camət-mərəŋ ma dor moncop pəmə təkə Isifu enaloku ti mə. Dor dənayı təf ya Misira fəp. Mba yeri yeməŋkərne yenayı sə atəf ɲa Misira fəp.

⁵⁵ Nte dor dosumpər aka Misira mə, kə ɲambəkər Firawona kəsətə ka cəcom. Kə Firawona oloku aka Misira: «Nəkə nənəŋk Isifu, nte oŋloku nu mə, nəyə tatəkə!»

⁵⁶ Nte dor dəmbək Misira mə, kə Isifu oncop kəcəmsər aka Misira malə. Mba dor dəncbək kəbək dəm atəf ɲa Misira.

⁵⁷ Afum ɲacyefε mofo fəp ma Misira kədəway malə nnə Isifu eyi mə, bawo dor dənanəŋkanε kəbək Misira.

42

Yakuba kəsom kən awut ən Misira

¹ Kə Yakuba ene a mənğben * meyi Misira. Kə Yakuba oloku awut ən: «Ta ake tə nəndeyine nnə nəcməmənene fər disrε-ε?»

² Kə Yakuba oloku: «Ine a malə meyi Misira. Nətor nəkə nəwayε su dəndo malə, ta pədefine dor.»

³ Kə awenc a Isifu wəco ɲantor kəkəway malə Misira.

* 41:43 Abərek = «Nətonne!» * 42:1 Mənğben mme ancə pasətə farin mə

4 Mba Yakuba enasak fe Benjyamin wako enapanne kere ko Isifu mo pæcæpse awenc anja darəŋ, bawo Yakuba enaloku: «Benjyamin ofoko ta tes telec tolma tokosoto ko.»

5 Ko awut a Yakuba ŋaŋko Misira kəkəway malə pəmo təkə afum alarəm ŋanckə Misira dəkəway malə mo, bawo dor denayi atof ŋa Kanaŋ fəp.

Isifu eyenkas abakoc ŋon nno awenc ŋayi mo

6 Tem tatako Isifu pəyone wəbe wəka sədare sa Misira. Nkən encwayər afum a Misira fəp malə. Ko awenc a Isifu ŋander ŋatontnene Isifu fər yon kirin, ŋacəp moɸu dantof.

7 Ko Isifu enəŋk awenc anja. K'enepəl ŋa. Mba owurər fe ŋa kəcərene. K'oloklokəre ŋa dim deyeŋki, k'eyif ŋa: «Deke nəyefe-ε?» Ko awenc anja ŋaloku ko: «Atof ŋa Kanaŋ ŋə səyefe, ko sander kəway nno yeri.»

8 Ko Isifu enepəl awenc anja. Mba awenc anja ŋananepəl fe ko.

9 Ko Isifu encem-cemne mere məkə enawerəp tetanjan mo. K'oloku ŋa: «Aten mes ŋə nəyone! Mes ma atof ŋaŋe mo nander kəten, nəko nəloku mi aka atof ŋonu.»

10 Ko ŋaloku Isifu: «Ala, mariki mem, dəkəway yeri gbəcərəm sander.

11 Dewenca do səyo fəp fosu, wərkun wəkin okom su. Səsəkene bəkac! Səclok'am a dəkəten yeri gbəcərəm sander.»

12 Ko Isifu oloku ŋa: «Kəbupəre ti ko nənde, metambər ma atof ŋaŋe mo nander kəten nəkoloku mi ndoronu.»

13 Ko awenc anja ŋaloku Isifu: «Wəco ko merəŋ wo sənayi kas kosu kəkom nde Kanaŋ. Mba wəkə efete su daco mo eyi məkə deker ko papa kosu, ko wəkin enafi.»

14 Ko Isifu oloku ŋa: «Təkə iloku nu mo, ti təyone kance: Aten mes ŋə nəyone!

15 Awa, yebəc nyə y'indecəmbər nu: Inderme nu tewe ta Firawona, nəfəwur nno ta wəfet konu wəlpəs wəkəkə nəsak deker mo ender-ε.

16 Nəsom wenc konu wəkin pəkəkere wenc konu wəkəkə nəsak deker mo. Ko nənə aŋe endesak nno mo, dəbili andeber nu. Andeməmən moloku monu, pacəre ko pəyone kance ko nəloku-ε. Ko pəyone fe ti-ε, inderme nu tewe ta Firawona aten mes ŋə nəyone!»

17 Ko Isifu ember ŋa dəbili mata maas.

18 Tataka ta maas, ko Isifu oloku ŋa: «Nəyo nte, təsəŋe nu kəyi doru. Injese Kanu!

19 Ko pəyone a nəsəkene bəkac-ε, nəsak wenc konu wəkin dəbili. Nənə alpəs aŋe nəkene afum anu yeri kəres bawo dor deyi.

20 Nəkereŋ'em wəfet konu wəkə nəsak dəndo mo nte təŋəŋe paməmən moloku monu ko pəyone a kance kə-ε, ta nədefi.»

21 Ti to ŋanayo, ŋaclokene: «Ey. Sən'enayo ti wenc kosu. Bawo anəŋk ayek ŋon, tem nte oncloku su a panjanne ko mo, ta ancəŋkəle kə-ε. Ti to ayek ŋon ŋeyi kəsute su tante.»

22 Ko Ruben elek moloku, k'oloku ŋa: «Inaloku fe nu ti ba, ta nəyo wan nwe pəlec? Mba nənacəŋkəl f'em. Ndekəl oŋ awer su mecir mən.»

23 Awenc a Isifu ŋanacəre fe a Isifu eŋne kusu kəŋan bawo wəcəpərene moloku enayi ko daco ko awenc anja.

24 Ko Isifu ombəle awenc anja, k'əŋko pəbok.

Awut a Yakuba kəlukus kəŋan Kanaŋ

Nte elip mo, k'oluksərne kədelok-lokər ŋa. K'elek Simeyōŋ awenc anja daco, k'ember ko dəbili fər ya awenc anja kirin.

²⁵ Kɔ Isifu osom a palase ɲa yeri dɔlɔba, palukse nwe o nwe pɔsam pɔn nde alɔba ɲɔn, pasarsar ɲa yeri yayɔkɔ. Ti tɔ anayɔne ɲa.

²⁶ Kɔ awɛnc ɔn ɲasarsar sɔfale sɛɲan yeri. Kɔ ɲasumpɛr dɔpɔ kɔ ɲanɲkɔ.

²⁷ Kɔ wɛnc ka Isifu wɛkin ende pɛsikɛli alɔba ɲɔn nde dɛkarwanɲe pɛfan kɛwure sɔfale sɔn yika yɔsɔm, kɔ wɛkakɔ ɛnɲk pɔsam pɔn alɔba ɲɔn disrɛ.

²⁸ K'oloku awɛnc ɲa: «Aluks'em pɔsam pem. Iɛmpɛ nnɔ alɔba ɲem.» Kɔ mera yeyi ɲa yamayama kɛcɛrɛ a ɲanɲkɔ dɛkɔway palukse ɲa sɔ pɔsam paɲan. Kɔ ɲayifɛ: «Cɛke cɔ Kanu kɔyɔ su tante-ɛ?»

²⁹ Kɔ ɲambɛrɛ ndena papa kɛɲan Yakuba nde atɔf ɲa Kananɲ. Kɔ ɲalɔmɛr kas kɛɲan mes mɔkɔ mɛnasɔtɔ ɲa mɔ fɛp.

³⁰ Kɔ ɲaloku kas kɛɲan: «Fum wɛkɔ ɔyɔne mariki ma atɔf ɲa Misira mɔ, olɔk-lɔkɛrɛ su dim deyenki, k'endenɛ su kɔyɔne atɛn mes ma Misira mmɛ sɛndelɔku aka nnɔ mɔ.

³¹ Kɔ sɛlɔku kɔ a sɛsɔkɛnɛ bɛkɛc, bafɔ atɛn mes ɲɔ sɔyɔne.

³² Kɔ Sɛlɔku kɔ sɔ a wɛcɔ kɔ mɛrɛɲ wɔ sɛnɔyi kas kosu kɛkom, mba wɛfɛt kosu eyi dɛkɛr nde Kananɲ, kɔ wɛkin ɛnafi su dacɔ.

³³ Kɔ mariki ma Misira moloku su: «Ntɛ tɔ nɛndeyɔ a itam kɛcɛrɛ a nɛsɔkɛnɛ bɛkɛc. Nɛsak wɛnc konu wɛkin nnɔ, nɛkenɛ afum anu yeri kɛrɛsna bawo dor deyi.

³⁴ Nɛkɔ, nɛkɛr'em wɛfɛt konu. Tɛm tatɔkɔ, indecɛrɛ a bafɔ atɛn mes ɲɔ nɔyɔnɛ, kɔ nɛsɔkɛnɛ bɛkɛc. Indelukse nu wɛnc konu, tɛm tatɔkɔ nɛcɛmɛ sɔ kɛcamɔs konu darɛɲ dɔtɔf.»

³⁵ Ntɛ ɲambɛrɛ ndaranɲan akɔ ɲayuk malɔ mɔkɔ ɲanakɛrɛ mɔ, kɔ fɛp fanɲan ɲanɲkɔs-nɲɲkɔs pɔsam paɲan nde lɔba yanɲan disrɛ. ɲa kɔ kas kɛɲan ntɛ ɲanɲkɔs pɔsam nde lɔba yanɲan disrɛ mɔ, kɔ kɛnesɛ kɛnder ɲa.

³⁶ Kɔ kas kɛɲan Yakuba olɔku ɲa: «Awut em ɲɔ nɔfan kɛbanɲsar im! Isifu eyi fɛ sɔ doru, Simeyɔɲ eyi fɛ sɔ doru, kɔ nɔfan sɔ kɛlɛkɛr im Benyamɛn-ɛ! In'ɔ mamɔkɔ fɛp mɛndɛtɔrɔs.»

³⁷ Kɔ Ruben olɔku papa kɔn: «Mɛdɛ mɔyɔ padif awut em mɛrɛɲ k'intɔkɛr'am Benyamɛn. Mɛbɛr im kɔ dɛwaca, indekɛr'am kɔ.»

³⁸ Kɔ Yakuba olɔku: «Wan kem ɔfɔtor kɔ nɛna, bawo wɛbɛk'ɔn Isifu efi. Sona s'eyi ɔɲ. Kɔ tɛlɛc tɔsɔtɔ kɔ dɔpɔ-ɛ, cɛke cɔ nɛndeyɔ-ɛ, tɛm tatɔkɔ nɛɲsɔɲ'em kɛtorɛ cɛfon cem cɛfer dabiya kɔ abɛkɛc ɲocuy nde afi ɲayi mɔ.»

43

Yakuba kɛwɔsɛ kɔn Benyamɛn kɔkɔ kɔ awɛnc ɲaɲ

¹ Dor dɛncbɛk kɛbɛk dɛm dɔtɔf.

² Ntɛ ɲalip kɛdi malɔ mɔkɔ ɲanakɛrɛ kɔyɛfɛ Misira mɔ, kɔ Yakuba olɔku awut ɔn: «Nɛlɔksɛrɛnɛ, nɛkɔ nɔwayɛ su yeri yɛpic.»

³ Kɔ Yuda olɔku kɔ: «Wɛbɛ ka Misira ɛnabɛɲnɛ su: «Ta inɲk nu sɔ cɛrɔ, kɔ nɛntɔkɛr'em wɛnc konu wɛlpɔs-ɛ.»

⁴ Kɔ mɛɲwɔsɛ kɛsak wɛfɛt kosu sɛkɔ-ɛ, sɛntɔr Misira kɛkɔway'am yeri.

⁵ Kɔ mɛntɔwɔsɛ kɛsak kɔ sɛkɔ-ɛ, sɛfɔtam kɛtor Misira kɛkɔway'am yeri, bawo wɛrkun wɛkakɔ ɛnalɔku: «Ta inɲk nu sɔ cɛrɔ kɔ nɛntɔkɛr'em wɛfɛt konu-ɛ.»

⁶ Kɔ Yakuba olɔku: «Ta ake tɔ nɛnɔyɔn'em pɛlɛc tante, kɛclɔku wɛrkun wɛkakɔ a nɔyɔ wɛfɛt-ɛ?»

⁷ Kɔ awut ɔn ɲaloku: «Wɛrkun wɛkakɔ ɛnɔyifɛt su pɛlarɛm tetosu kɔ tokomɛnɛ tosu, pɛcyif su: «Papa konu ɔsɔrɔyi doru? Nɔyɔ wɛnc wɛlɔma sɔ?» Kɔ

səlukse kə moloku maməkə. Sənatam kəcəre, a endeloku su: «Nəkə nəker'em wəfet konul?»

⁸ Kə Yuda oloku papa kəñan Yakuba: «Məsak wəfet səko kə ina. Səndeyefe səko, təsəñe su kədəyi doru ta səfi-ε, mənə papa, awut asu kə sənə.

⁹ In'əsəñ əm temer teta wəfet: In'ə məndewer kə, kə intəker'am kə-ε, ta ilukse kə ider ibər əm kə dəwaca-ε, in'endesarə tēm tatəkə kiciya doru o doru nno məyi mə.

¹⁰ Patəbəlsənə moloku-ε, kə səntam ntə kəkə kəmerəñ səlucus.»

¹¹ Kə papa kəñan Yakuba oloku ηa: «Bawo teyi tantε, nəko nəyɔ ntε: Nələk yopocε, ca ya atəf ηañe yələma nətəmpərəne wərkun wəkako: Dəni, məse ma cəme mepic, cigbili, yamaku, meñgben ma yalake kə cəla.*

¹² Nələk pəsam pəkə nənakekəre təcəkə-cəkə mə kəmerəñ. Nəlukse pəsam pəkə anabere nu dələba mə, tələma ηanaciya kəciya dəm.

¹³ Nələk wəfet konu nəko ndena wərkun wəkawε.

¹⁴ Intola MARIKI nwe entam mes ma doru fəp mə, pəsəñe wərkun wəkako pəkə pəyənə nu nənəfər pəsak wənc konu wəkə osumpər mə nəder, nəkerene sə Benyamin! Kə ina kə pəyənə a awut em ηandewur im dəwaca-ε, awa ηawur im dəwaca!»

Isifu ηandi yeri kə awənc aña

¹⁵ Kə awut a Yakuba ηələk yopocε yayəkə kə pəsam pəkə ηanakekəre təcəkə-cəkə mə kəmerəñ, kə Benyamin. Kə ηayefe, kə ηantor Misira. Kə ηaηkə ηamentərne Isifu.

¹⁶ Ntε Isifu ənəηk Benyamin kə awənc aña mə, k'oloku wəcəmse kən: «Məberse afum akanə deker, mədif pəcəl, məcəñ, bawo afum akanə ηə səndenadi məkə yeri tofo tin danjana.»

¹⁷ Kə fum wəkako əyɔ təkə Isifu ənəloku kə mə, k'emberse afum aña deker ndena Isifu.

¹⁸ Kə awənc a Isifu ηanesε ntε anabere ηa ndena Isifu mə, kə ηaloku: «Teta pəsam pəkə anasak ləba yosu disre mə tı t'əñkere su nno. Añkere su nno, ηadewəkərne su ηacəmbər su dacar kə səfale sosu.»

¹⁹ Kə ηalətərne wəcəmse ka Isifu, kə ηaloku kə moloku mmε dəkusunja:

²⁰ «Nəñanənε su, mariki mem! Sənader təcəkə-cəkə kədəway yeri.

²¹ Ntε sənclukus mə, kə səñkəsikəli ləba yosu karwanse, kə sənəñk nwe o nwe pəsam pən nde aləba ηən. Mba səñkerene sə pi.

²² Səñkerene sə pəsam pələma kədəway yeri. Səncərə fe nwe ənabər pəsam papəkə nde ləba yosu disre mə.»

²³ Kə wərkun nwe oloku ηa: «Ta nənesε bəkəc yəfər nu! Kanu konu kə, Kanu ka papa konu kənasəñ nu pəsam nde ləba yonu. Pəsam ponu pənader im.»

Kə wəcəmse ka Isifu owurəne Simeyəñ nno awənc aña ηayi mə.

²⁴ Kə fum wəkawε emberse ηa nde kələ ka Isifu disre. K'əsəñ ηa domun, kə ηambikene wəcək. K'əsəñ sə səfale səñan yika.

²⁵ Kə ηalompəs kəpocε kəñan, ηackar kəder ka Isifu dan, bawo ηananene Isifu pəcloku: «Sən'endedi yeri dan dəməkə kə ηa.»

²⁶ Ntε Isifu ender deker dan mə, kə ηasəñ Isifu yopocε yanən nye ηanatəmpərəne kə mə, kə ηantontnεne kə dəntəf.

²⁷ Kə Isifu eyifət ηa teta dis danjan, k'eyif ηa: «Papa konu wətem wəkə nəñle mə, entamne? Ƴsarəyi doru?»

* 43:11 Ti tə tatəkə meñgben meyerəkə way.

²⁸ Kɔ awɛnc aɲa ŋaloku: «Wɛcar kam, papa kosu entamne, ɔsɔɔyi doru.» Kɔ ŋantontnɛne Isifu.

²⁹ Kɔ Isifu eyekti fɔr. Nte ɛnɛɲk Benyamin wɛpaɲne kɔn kɛɛɛ mɔ, k'eyif ŋa: «Wakawe ɔyɔne wɛfɛt konu walpɛs, wɛkɔ nɛnalok'im tetɔn mɔ?» K'ɔnɔcɔr: «Kanu kɛmar ɔm wan kem!»

³⁰ Kɔ Isifu oncopɛr moloku, bawo ɛntɛyɛ-ɛyɛ pɛbotu pa kɛnɛɲk ka wɛnc, ɛnafɛɲ kɛbok. Kɔ Isifu embɛɛ dukulɔ dɔn, k'ombok di haɲ.

³¹ Kɔ Isifu ɛsak kɛbok, k'ombufɛrne kɛro, k'owur. K'ɛɛɛp kɛtɔbok sɔ fɔr ya awɛnc aɲa kirɪɲ. K'oloku: «Nɛwurene su yeri.»

³² K'ambɛɛ Isifu yeri taciɲa, awɛnc aɲa taciɲa, kɔ aMisira ŋa ŋayi sɔ taciɲa. Bawo aMisira ŋancwose fɛ kɛpaɲne dap da yeri kɔ aHebɛɛ.

³³ Kɔ awɛnc a Isifu ŋandɛ fɔr yɔn kirɪɲ. Kɛyɛfɛ ka coco ca papa kɛɲan haɲ wɛfɛt kɛɲan nwe o nwe kɔ dɛkɛnde dɔn. Kɔ ŋayɛfɛ kɛlokɛne kɛciyanɛ nke kɛyi ŋa nte Isifu osumpɛr ŋa mɔ.

³⁴ Kɔ Isifu embɛɛne ŋa yeri yɔn nyɛ nkɔn ɛncdi mɔ. Mba pɛbɛɛne mpɛ ɛnasɔɲ Benyamin mɔ pɛnala kɛcamɛt, pɛtas pa akɔ. Kɔ ŋamun haɲ kɔ pɛntɛɲne ŋa kɔ nkɔn Isifu.

44

Isifu ɔntɔɔs awɛnc ɔn nte tɔɲsɔɲɛ pɛtam kɛcɛɛ bɛkɛc yaɲan mɔ

¹ Kɔ Isifu oloku wɛcamɛɛ kɔn: «Mɛlasɛ afum akanɛ malɔ dɛlɔba pɛmɔ tɔkɔ lɔba yaɲan yɛntam kɛlɛk malɔ mɔ. Mɛbɛr pɛsam paɲan ndɛ lɔba yaɲan disɛɛ.

² Mɛbɛr sɔ apɔt ŋɛm ŋomunɛ ŋa gbɛti ŋɔkɔ, ndɛ alɔba ŋa wɛfɛt wɛkɔ kɔ pɛsam pɔkɔ ɛɲkɛɛ kɛdɛwayɛ malɔ mɔ.» Kɔ wɛcamɛɛ ka Isifu ɔyɔ tɔkɔ Isifu ɛnaloku kɔ mɔ.

³ Dec dɛndɛsɔk, k'asak afum aɲɛ kɛlukus ndɛ ndaraɲan kɔ sɔfale sɔɲan.

⁴ Ŋawur dare disɛɛ ta ŋantɔbɔlɛ-ɛ, kɔ Isifu oloku wɛcamɛɛ kɔn: «Mɛyɛfɛ mɛcɛmɛ afum aɲɛ darɔɲ haɲ mɛbɛp ŋa. Mɛyif ŋa: «Ta ake tɔ nɛsɔɲɛ pɛtɔt kɛway pɛlɛɛ-ɛ?»

⁵ Bafɔ apɔt ŋaɲɛ ŋɔ mariki mem ɔɲmune, ŋɔsɔɲɛ kɔ kɛcɛɛ tɔkɔ tender mɔ ba? Nɛnciya kɛyɔ tantɛ nɛyɔ mɔ.»

⁶ Kɔ wɛcamɛɛ ka Isifu embɛlɛr ŋa k'embɛp ŋa. K'ɔɲgbɔkɛɛne ŋa moloku mɔkɔ Isifu ɛnasom kɔ mɔ.

⁷ Kɔ ŋaloku wɛcamɛɛ ka Isifu: «Ta ake tɔ mariki ɔɲlok-lokɛɛ su tantɛ-ɛ? Sɛna amarɛs am sɛfɔtam kɛyɔ tatɔkɔ.

⁸ Sɛnɔɲkɛne kɛɛsna kɔ sɛɲkɛɛ nu pɛsam pɔkɔ sɛnanɛɲk ndɛ lɔba yosu mɔ, kɛyɛfɛ Kanaɲ. Ta ake tɔ sɛndekiyɛne pɛsam kɔ pɛyi fɛ ti kɛma ndɛ kɛlɔ ka mariki mam-ɛ?»

⁹ Nwe o nwe aɲnɛɲkɛ ca yayɔkɔ mɔ, padif kɔ, kɔ sɛna fɛp sɛyɔne acar a mariki mem!»

¹⁰ Kɔ wɛcamɛɛ ka Isifu oloku ŋa: «Awa. Inɛ nu sim! Nwe o nwe aɲnɛɲkɛ paka mɔ, ɔɲyɔne wɛcar kem. Nɛna alpɛs aɲɛ nɛɲkɔ.»

¹¹ Kɔ ŋambɛlkɛr-bɛlkɛr kɛtɔɛ-tɔɛ lɔba yaɲan dɛntɔf kɔ ŋasikɛli-sikɛli yi.

¹² Kɔ wɛcamɛɛ ka Isifu oncop kɛfen-feni kɛyɛfɛ alɔba ŋa wɛbɛki, k'ɛlɛpsɛr alɔba ŋa wɛfɛt. Kɔ wɛcamɛɛ ka Isifu ɔɲkɔ pɛnɛɲk apɔt nɲɛ ndɛ alɔba ŋa Benyamin.

¹³ Kɔ awɛnc a Isifu ŋawal-wali yamos yaɲan, kɔ ŋandɛndɛsɛr sɔ sɔfale sɔɲan lɔba yaɲan. Kɔ ŋaluksɛrne sɔ dare disɛɛ.

¹⁴ Yuda kɔ awɛnc aŋa ŋander sɔ nda Isifu wɛkɔ enasɔɔyi kɛfo kanjɔ ŋanasak kɔ mɔ. Kɔ ŋantɛmpɛnɛ dɛntɔf Isifu fɔr kirinj.

¹⁵ Kɔ Isifu eyif ŋa: «Cɛke cɔ nɔyɔ tantɛ-ɛ? Nɛncɛrɛ fɛ a intam kɛcɛrɛ tɔkɔ tɔŋbɔɔpɛnɛ mɔ, tɔkɔ tender mɔ?»

¹⁶ Kɔ Yuda oloku: «Cɛke c'indeloku mariki mem-ɛ? Cɛke c'indeloku mɛtam kɛlanj su-ɛ? Kanu kɛmbɔp amarɛs am ŋaciya. Sɔyɔnɛ oŋ acar a mariki mosu, kɛyɛfɛ sɛna hanj wɛkɔ anɛŋk apɔt alɔba ŋɔn disrɛ mɔ.»

¹⁷ Kɔ Isifu oloku: «Ifɔdebɔc ti tatɔkɔ! Fum nwe anɛŋkɛ apɔt mɔ, endeyɔnɛ wɛcar kem. Kɔ nana, nɛpɛrɛnɛ nɛkɔ ndena papa konu bɛkɛc yoforu disrɛ.»

¹⁸ Kɔ Yuda ɔlɔtɛrnɛ Isifu k'oloku kɔ: «Ilɔktɛrn'am mariki, mɛwosɛ wɛmarɛs kam pɛlok-lokɛr ɛm ta abɛkɛc ŋɛp'am nnɔ eyi mɔ! Bawo mɛyi pɛmɔ Firawona.

¹⁹ Tɔcɔkɔ-cɔkɔ Mariki enayifɛt amarɛs ɔn pɛcloku: «Nɔyɔ kas kɔ pɛyɔnɛ fɛ ti-ɛ wɛfɛt ba?»

²⁰ Kɔ sɛwosɛnɛ kɔ: «Sɔyɔ kas kɛtem, kɔ wɛfɛt wan nwe oŋkom detem dɔn disrɛ mɔ. Wɛpɔŋnɛ kɔn kɛrɛ enafi. Kɛrɛ kɔn kɛkom, sona s'eyi oŋ, kɔ kas ɔmbɔtɛr kɔ.»

²¹ Kɔ mɛloku amarɛs am: «Nɛkɔ nɛkɛrɛ wɛfɛt konu inɛŋk kɔ fɔr yem.»

²² Kɔ sɛloku mariki mem: «Wɛfɛt kosu ɔfɔtam kɛyɛfɛ papa kosu kɛsɛk. K'yɛfɛ kɔ kɛsɛk-ɛ, papa kosu ɛŋfi.»

²³ Kɔ mɛloku amarɛs am: «Kɔ nɛntɔkɛrɛ wɛfɛt konu-ɛ, ta inɛŋk nu sɔ dɛ.»

²⁴ Ntɛ sɛluksɛrɛnɛ ndena papa kosu wɛmarɛs kam mɔ, kɔ sɛluksɛ kɔ moloku ma mɛna mariki mem.

²⁵ Kɔ papa kosu oloku: «Nɛkɔ sɔ nɛwayɛ su yeri yepic.»

²⁶ Kɔ sɛloku kɔ: «Sɛfɔtam kɛkɔ. Mba kɔ sɛŋsole wɛfɛt kosu-ɛ, sɛŋkɔ, bawo wɛrkun wɛkakɔ ɔfɔwosɛ kɛnɛŋk su cɛrɔ ta sɛŋkɛnɛ kɔ wɛfɛt kosu pɛnɛŋk-ɛ.»

²⁷ Kɔ papa kosu wɛmarɛs kam oloku su: «Nɛncɛrɛ a wɛran kem awut mɛrɛŋ ŋ'ɛnakɔm ɛm.

²⁸ Kɔ wɛkin ende pɛsak im. Ilɔŋ ti a wɛkakɔ, anawatɛri-watɛri kɔ, bawo intanɛŋk fɛ kɔ hanj mɛkɔ.

²⁹ Kɔ nɛmbɔŋɛr im sɔ ndɛkɛl wɛkawɛ-ɛ, tes tedekɔsɔtɔ kɔ-ɛ, pɛcuy disrɛ pɔ nɛndɛsɔŋ'ɛm kɛtɔrɛ cɛfon cem cɛfer dabiya nde afi ŋayi mɔ.»

³⁰ Ndɛkɛl oŋ k'ilukus nde wɛmarɛs kam, papa kem eyi mɔ, ta injkenɛ kɔ wɛfɛt kosu nwe abɛkɛc ŋɔn ŋosumpɛr mɔ,

³¹ ɛŋfi katina kɔ ɔntɔnɛŋkɛ su wɛfɛt kosu-ɛ. Tɛm tatɔkɔ amarɛs am ŋandesɔŋɛ wɛmarɛs kam papa kosu kɛtɔrɛnɛ cɛfon cɔn cɛfer dabiya pɛcuy disrɛ.

³² Bawo ina wɛmarɛs kam isɔŋ kɔ temer kɛluksɛ kɔ sɔ wan kɔn, icloku papa kosu: «K'intɔluks'am wɛfɛt kosu-ɛ, in'ɛndɛsarɛ kiciya doru o doru nnɔ papa kem eyi mɔ!»

³³ Ndɛkɛl ilɛtsɛn'am: Ina wɛmarɛs kam iyi nnɔ. Iyɔnɛ wɛcar ka mɛna mariki mem. Wɛfɛt kosu pɛlukus kɔ awɛnc im aŋa nde papa kosu eyi mɔ.

³⁴ Cɛke c'intam kɛlukus, ta iluksɛ wɛfɛt kosu nnɔ papa kosu eyi mɔ-ɛ? Ha! Intola fɛ kɛnɛŋk pɛlɛc pɔkɔ pɛndekɔsɔtɔ papa kosu mɔ, k'intɔlukɛ kɔ wɛfɛt kosu-ɛ!»

45

Isifu ɔsɔŋɛ awɛnc aŋa kɛnɛpɔl kɔ

¹ Isifu ɛnatam fɛ sɔ kɛmɛŋk mɛncɛr nnɔ afum akɔ ŋanayi kɔ kɛsɛk mɔ daco, k'ɔŋkule: «Nɛwɛrɛnɛ afum fɛp!» Ali wɛkin ɛnayi fɛ sɔ Isifu kɛsɛk nte ɛncmentɛrnɛ awɛnc aŋa mɔ.

² K'yɛfɛ kɛbok, aMisira kɔ aka kɛlɔ ka Firawona ŋane kɔ dim kɛbok.

³ Kɔ Isifu oloku awenc aɲa: «In'ɔfo Isifu! papa kem ɔsɔɔyi doru ba?» Mba awenc aɲa ɲanatum fe kɛlukɛ kɔ moloku nte pɛnciyane ɲa kɛnɛɲk kɔ sɔ mɔ.

⁴ Kɔ Isifu oloku awenc aɲa: «lletsene nu, nɛlɔtɛrn'em.» Kɔ ɲalɔtɛrne kɔ. K'oloku ɲa sɔ: «In'ɔfo Isifu wenc konu nwe nɛnacamɛs a kɔ aɲkerɛ kɔ Misira mɔ.

⁵ Nɛkɛl ɔɲ, ta nɛwakɛsɛ. Ta pɛtɛle nu kɛcamɛs kem pakɛr'em nɔɔ, bawo kɛbum konu, nɛyi doru kɔ Kanu kɛnɛbɛlkɛr'em kɛkerɛ nɔɔ, iyi nu kirin.

⁶ Teren ta mɛrɛɲ ta dor tɔ tantɛ dɔtɔf. Pɛncɛmɛ meren kɛcamɛt afɔde pɛcbifti, afɔde pactɛl.

⁷ Kanu kɛker'em iyi nu kirin, nte tɔɲsɔɲɛ nu kɛsɔtɔ ka nɔɔ atɔf ɲaɲɛ yuruya mɔ, imar nu ta nɛfi, icbum nu pɛyɛɲki pampɛ ayi kɛcɛpɛrɛnɛ mɔ.

⁸ Nɛkɛl ɔɲ, bafɔ nɛn'ɛker'em nɔɔ, mba Kanu kɔ. Kanu kɛncɛmbɛr im iyɔnɛ papa ka Firawona, mariki ma kɛlɔ kɔn disrɛ, wɛkirin ka sɛdare sa Misira fɛp.

⁹ Nɛrokɛ nɛpɛ nde papa kem eyi mɔ. Nɛkɔ nɛlɔku kɔ: «Nte tɔ wan kam Isifu ɛnaloku su: Kanu kɛncɛmbɛr im mariki ma atɔf ɲa Misira fɛp. Ta mɛwon kɛder nɔɔ iyi mɔ!

¹⁰ Nde atɔf ɲa Kosɛɲ ɲɔ mɛɲkɔyi, mɛfɔdebɔl'em, kɛyɛfɛ mɛna papa kɛbɛp awut am, awut-sɔ am, yɔcɔl yam yɔpɔɲ kɔ yɛfet hanɲ ka nyɛ mɛyɔ mɔ fɛp.

¹¹ Nɔɔ tanɲ indetam kɛsɔɲ ɛm ca fɛp bawo pɛsɔrɔcɛmɛ meren kɛcamɛt a dor declip. Ti disrɛ dor dɔfɔdesumpɛr yɔkɔ mɛyɔ mɔ.»

¹² «Fɔtɔ nɛɲgbɛtɛnɛ ti fɔr yonu, kɔ wɛfet kem Benjamine ɛɲgbɛtɛn'em fɔr yɔn yati a in'ɔɲlɔk-ɔkɛr nu.

¹³ Nɛkɔ nɛlɔku papa kem kɔ pɛlɛl mɛpɛ isɔtɔ Misira mɔ fɛp. Nɛlɔmɛr kɔ nte nɛnɛɲk de mɔ fɛp. Nɛrokɛ nɛtɔrɛnɛ papa kem nɔɔ iyi mɔ.»

¹⁴ Kɔ Isifu ɛnɛpɛrɛnɛ sɔ wɛfet kɔn Benjamine dɛkɛlɛm, kɔ ɲayɛfɛ kɛbɔk.

¹⁵ Kɔ Isifu oncupɛs awenc aɲa fɛp. Kɔ ɲandelɛpsɛr kɛndɛ tofo tin kɔ ɲalɔk-ɔku.

Firawona kɛwe ka Yakuba Misira

¹⁶ Kɔ moloku mamɔkɔ mɛsam kɛlɔ ka Firawona fɛp disrɛ, a awenc a Isifu ɲanderna mɔkɔ. Kɔ tolɔku tatɔkɔ tɔmbɔt Firawona kɔ amaras ɛn.

¹⁷ Kɔ Firawona oloku Isifu: «Mɔlɔku awenc ɛm aɲa: «Nɛyɔ nte: Nɛlɛk yɔcɔl yonu, nɛkɔ atɔf ɲa Kananɲ.

¹⁸ Nɛlɛk papa konu kɔ afum ɔɲ, nɛder nɔɔ iyi mɔ. Indɛyɔnɛ nu nte o nte tentɛsɛ atɔf ɲa Misira mɔ. Nɛnde nɛcdi yeri yobɔɲu ya Misira.»

¹⁹ Iwos'am kɛlɔku awenc ɛm aɲa: «Nɛyɔ nte: Nɛlɛk cibɛl atɔf ɲa Misira, nɛkɔ nɛlɛk awut kɔ aran anu kɔ papa konu nɛder.»

²⁰ Ta nɛɲaɲnɛ mɛlɛr tɛta ca yonu yɔkɔ nɛndɛkɔsak di mɔ, bawo mɛpɛ o mɛpɛ peyi atɔf ɲa Misira pɔyɔnɛ pɔtɔt mɔ, pɛndɛyɔnɛ ponu.»

²¹ Kɔ awut a Yakuba ɲayɔ tatɔkɔ. Kɔ Isifu ɔsɔɲ awenc aɲa cibɛl pɛmɔ tɔkɔ Firawona ɛnasom kɔ ti mɔ. K'ɔsɔɲ ɲa sɔ yeri yɔkɔ ɲanakɔ kɛcdi dɔpɔ mɔ.

²² Kɔ Isifu ompocɛ awenc aɲa fɛp yamos yɛsɛkɛrɛ k'ɔsɔɲ Benjamine gbɛti mɛncɛmbɛl masar maas (300) kɔ yamos kɛcamɛt yɛsɛkɛrɛ.

²³ Ca nyɛ yɔ Isifu ɛnasɔɲ pakɛnɛ kas kɛɲan: Sɔfale surkun wɛcɔ sɛsarɛ ca yɔtɔt ya Misira, kɔ sɔfale sɛran wɛcɔ sɛsarɛ malɔ, cɛcom kɔ yeri ta nte ɔɲkɔsumpɛr dɔpɔ kɛder Misira mɔ.

²⁴ Kɔ Isifu ɛsak awenc aɲa kɔ ɲalukus. K'oloku ɲa: «Ta nɛkɔcɔp dɔpɔ de!»

²⁵ Kɔ awenc a Isifu ɲayɛfɛ Misira kɔ ɲampɛ Kananɲ ndena papa kɛɲan Yakuba.

²⁶ Kɔ awɛnc a Isifu ŋaloku kas kɛŋan teta Isifu kiyi kɔn doru sɔ. Kɔ ŋaloku kas kɛŋan a Isifu ɔyɔnɛ wɛbɛ wɛka atɔf ŋa Misira fɛp. Mba abɛkɛc ŋɛnapɛ fɛ Yakuba bawo ɛnalɔŋ fɛ ŋa.

²⁷ Kɔ ŋalɔmɛr kɔ moloku mɔkɔ Isifu ɛnasom ŋa mɔ fɛp. Ntɛ Yakuba ɛnanɔŋk cibil cɛkɔ Isifu ɛnasak kɛdelek kɔ mɔ, ti tɛnasɔŋɛ kɔ ŋɛ abɛkɛc kɛpɛ.

²⁸ Kɔ Yakuba oloku: «Ilaŋ ti ŋɛ! Wan kem Isifu ɔsɔɔyi doru! Indekɔnɔŋk kɔ a icfi.»

46

Yakuba kɛkɔ kɔn Misira

¹ Kɔ Yakuba ɔŋkɔ kɔ ca yɔkɔ ɛnayɔ mɔ. Ntɛ embɛrɛ Bersaba mɔ, k'olonɛ di Kanu ka papa kɔn Siyaka.

² Kɔ Kanu kɛlok-lokɛr Yakuba kɛnɔŋk ka pibi disrɛ. Kɔ Kanu kɛwɛ kɔ: «Yakuba! Yakuba!» K'owosɛ: «In'ɛwɛ!»

³ Kɔ Kanu kɛloku kɔ: «In'ɔfɔ ina Kanu, Kanu ka papa kam. Ta mɛnɛsɛ kɛtor ka Misira. Bawo difɔ ŋkɔsɔŋ'am kɛyɔnɛ ka kas ka afum alarɛm.

⁴ Sɛn'ɛndesol kɛtor ka Misira. In'ɛndesɔŋ'am sɔ kɛpɛ. Isifu yati endemɛp'am fɔr waca wɔn.»

⁵ Kɔ Yakuba ɛyɛfɛ Bersaba. Kɔ awut a Yakuba ŋɛŋkɛkɛrɛ kas kɛŋan, aran aŋan, kɔ awut aŋan cibil ca dɛntɔf disrɛ nɛɛ Firawona ɛnasɔŋ pakɔ kɛrɛ ŋa mɔ.

⁶ Kɔ ŋɛlek sɔ yɔcɔl yaŋan kɔ ca yɔkɔ ŋanasɔtɔ atɔf ŋa Kanaŋ mɔ. Kɔ Yakuba ɔŋkɔ Misira kɔ afum ɔn fɛp.

⁷ K'ɛŋkɛnɛnɛ atɔf ŋa Misira yuruya yɔn fɛp, awut ɔn arkun kɔ awut-sɔ ɔn arkun, awut ɔn aran kɔ awut-sɔ ɔn aran.

Delay da afum a Yakuba

⁸ Mewɛ ma awut a Yakuba mɔ mmɛ, aŋɛ ŋanakɔ Misira mɔ. Yakuba kɔ awut ɔn:

Coco ca Yakuba, Ruben.

⁹ Awut a Ruben: Henok, Palu, Hecɛrɔŋ, kɔ Karmi.

¹⁰ Awut a Simeyɔŋ: Yemuyɛl, Yamin, Ohad, Yakin, kɔ Cohar, kɔ Sawul wan wɛrkun wɛka wɛKanaŋara.

¹¹ Awut a Lewy: Kerson, Kehat, kɔ Merari.

¹² Awut a Yuda: Her, Onan, Selah, Perɛc, kɔ Serah, mba Her kɔ Onan ŋanafi ndɛ atɔf ŋa Kanaŋ. Awut a Perɛc ŋanayɔnɛ Hecɛrɔŋ kɔ Hamul.

¹³ Awut a Isakar: Tola, Puwa, Yɔb, kɔ Simrɔŋ.

¹⁴ Awut a Sebulɔŋ: Sered, Elɔŋ, kɔ Yahalɛl.

¹⁵ Awut akanɛ ŋɔ Leya ɛnakomɛ Yakuba ndɛ Padaŋ-Aram, mba wan kɔn wɛran Dina eyi fɛ ti. Kɛlek awut ɔn aran haŋ arkun, ŋanakɔ afum wɛcɔ maas (33).

¹⁶ Awut a Kadu: Cifyɔn, Haki, Suni, Ecɛbɔŋ, Eri, Arodi, kɔ Areli.

¹⁷ Awut a Asɛr: Yima, Yisuwa, Yisuwi, kɔ Beriya, kɔ Sera wɛkiriɛ kɛŋan. Wan ka Beriya: Heber kɔ Malkiyɛl.

¹⁸ Awut a Silpa wɛmarɛs nwɛ Labaŋ ɛnasɔŋ wan kɔn wɛran Leya mɔ, ŋɔ akakɔ aŋɛ ɛnakomɛ Yakuba mɔ. ŋanayi afum wɛcɔ kɔ camɛt-tin (16).

¹⁹ Awut a Rasɛl, wɛran ka Yakuba: Isifu kɔ Benjyamin.

²⁰ Kɔ Isifu nkɔn ŋŋkom Misira awut mɛrɔŋ: Manasɛ kɔ ɛfrayim, aŋɛ Asnat wan wɛran ka Potifera wɛlonɛnɛ ka dare da Hon, ɛnakomɛ Isifu mɔ.

²¹ Awut a Benjyamin: Bela, Bekɛr, Asubɛl, Kera, Naman, Ehi, Rɔs, Mupim, Hupim, kɔ Ardu.

²² Yuruya yayε yɔ Rasel enasɔtɔne nkɔn Yakuba, ŋanayi afum wɔcɔ kɔ manɔkɔle (14).

²³ Wan ka Dan: Husim.

²⁴ Mewe ma awut a Naftali mɛmɛ: Yacel, Kumi, Yecer, kɔ Silem.

²⁵ Awut a Bilha ŋɔ akakɔ, Bilha nwe Laban enasɔŋ wan kɔn wɛran Rasel mɔ pɔyɔ kɔ wɛcar, k'ɔŋkɔmɛ ŋa Yakuba. Ŋanayi afum camɔt-mɛrɛŋ.

²⁶ Afum aŋε ŋanacɛpse Yakuba kɔkɔ ka Misira mɔ, ŋanayi afum wɔcɔ camɔt tin kɔ camɔt tin (66) aŋε ŋanayɔne akom ɔn mɔ, alɔm fε aran a awut ɔn arkun de.

²⁷ Awut a Isifu aŋε enakom Misira mɔ: Ŋanayi awut mɛrɛŋ. Afum a Yakuba aŋε ŋanacɛpse kɔ darɛŋ kɔkɔ ka Misira mɔ, ŋanayi fɔp faŋan afum wɔcɔ camɔt mɛrɛŋ (70).

Yakuba kɔndε kɔn nde Misira

²⁸ Kɔ Yakuba osom Yuda pɔyi kɔ kirinɔ kɔkɔ ka Koseŋ ndena Isifu. Kɔ Yuda embɛrɛ atɔf ŋa Koseŋ.

²⁹ Kɔ Isifu εlek abil ŋɔn k'ɛmpɛ Koseŋ kɔkɔbɛpɛnɛ kɔ papa kɔn Yakuba. Isifu ŋaŋkɔwɛrɛnɛ kɔ papa kɔn, k'ɛnapsɛrnɛ kɔ dɔkilim k'ɛyɛfɛ kɔbɔk. K'ɔmbɔk haŋ.

³⁰ Kɔ Yakuba oloku Isifu: «Intam ɔŋ kɔfi bawo inɔŋk ɔm kɛro, k'incɛrɛ ɔŋ a mɔyi doru!»

³¹ Kɔ Isifu oloku awenc aŋa kɔ afum a papa kɔn: «Ilukus ikɔ ilukse Firawona kɔbɛrɛ konu. Ikɔ iloku kɔ a: «Awenc im aŋa kɔ afum a papa kem aŋε ŋanayi atɔf ŋa Kananɔ mɔ, ŋander nno iyi mɔ.

³² Afum akek a ŋkesiya, cir, kɔ cɛna ŋɔ ŋayɔne, bawo akek a acɔl ŋɔ. Ŋaŋkɛrɛ yɔcɔl yaŋan fɔp kɔ ca yaŋan.»

³³ Kɔ tɛm tendebɛp nte Firawona endewe nu pɔcyif nu: «Ake'yɔne yɛbɔc yonu-ε?»

³⁴ Nɔcɔloku kɔ: «Sɛn'acar am, akek ŋɔ sɔyɔne, kɔyɛfɛ dɛtɛmp dosu haŋ mɔkɔ, yɛbɔc yayɔkɔ yɔ sɛmbɔpɛ akombɛra asu.» Ti disrɛ, nɔyi Koseŋ, bawo pɔcyik-yik aMisira kɔndε kɔ akek a ŋkesiya kɔ cir.»

47

¹ Kɔ Isifu ŋkɔ pɔlukse ti Firawona. K'oloku kɔ: «Awenc im aŋa kɔ papa kem ŋander kɔyɛfɛ ka atɔf ŋa Kananɔ kɔ yɔcɔl yaŋan ŋkesiya, cir kɔ cɛna kɔbɔp ka ca yaŋan fɔp. Ŋayi tantɛ atɔf ŋa Koseŋ.»

² Kɔ Isifu εlek awenc aŋa kɔcamɔt k'ementɛr ŋa Firawona.

³ Kɔ Firawona eyif awenc a Isifu: «Ake'yɔne yɛbɔc yonu-ε?» Kɔ awenc a Isifu ŋaloku Firawona: «Sɛn'acar am, akek a ŋkesiya, cir kɔ cɛna ŋɔ sɔyɔne pɔmɔ papa kosu aŋa.»

⁴ Kɔ ŋaloku sɔ Firawona: «Sɛnder kɔdɛndɛ atɔf ŋaŋε, bawo dɔkɔcɔl deyɛ fε sɔ nde acar am ŋayɛfɛ mɔ, kɔ dor dɛmbɛk kɔbɛk dɛm atɔf ŋa Kananɔ. Mɛwɔsɛ ɔŋ acar am kɔndε atɔf ŋa Koseŋ.»

⁵ Kɔ Firawona oloku Isifu: «Papa kam kɔ awenc ɔm aŋa ŋander nno mɔyi mɔ.

⁶ Atɔf ŋa Misira ŋey'ɔm dɛwaca, mɔdɔs papa kam kɔ awenc ɔm aŋa nno pɔntɛsɛ ŋa Koseŋ mɔ, kɔ mɔncɛrɛ sɔ awenc ɔm aŋa dacɔ afum alompu-ε, mɔcɔmbɛr ŋa ŋackɛks'em yɔcɔl.»

⁷ Kɔ Isifu ɛŋkɛrɛ papa kɔn Yakuba kɔdɛmentɛr kɔ Firawona. Kɔ Yakuba ontolanɛ Firawona.

⁸ Kɔ Firawona eyif Yakuba: «Mɛren cɔke mɔ mɔyi doru-ε?»

⁹ Kɔ Yakuba oloku kɔ: «Meren mmɛ isɔtɔ kɛcepɛ-cepɛ disrɛ mɔ, membɔp meren tasar tin kɔ wɔcɔ maas (130), kiyi kem doru kɛncɛpɔr katana katana. Incepɔrɛnɛ meren meyenki kiyi kem doru. Intasɔtɔ fɛ meren mmɛ akombɔra em njanasɔtɔ mɔ, mba tecepɔrɛnɛ doru tin tayi tɔ sɛncɛpɔrɛnɛ doru.»

¹⁰ Kɔ Yakuba ontolanɛ sɔ Firawona. K'eyɛfɛ, k'esak kɔ.

¹¹ Kɔ Isifu endɔs papa kɔn kɔ awɛnc aɲa atɔf nja Misira. K'ɔsɔɲ nja antɔf Misira, nde atɔf nja Ramsɛs, pɛmɔ tɔkɔ Firawona ɛnaloku kɔ ti mɔ.

¹² Kɔ Isifu ɛntam oɲ kɔgbɛkɛrɛ papa kɔn, awɛnc aɲa, kɔ aka kɛlɔ ka papa kɔn fɔp pɛmɔ tɔkɔ njanalanɛnɛ mɔ.

Isifu kɔkɔtɛnɛ mes ma Misira

¹³ Yeri yɛnayi fɛ sɔ atɔf nja Misira fɔp, bawo dor dɛnasɔtɔ fɛnɔntɔr. Atɔf nja Misira kɔ atɔf nja Kanaɲ dor dɛncɛɲkɛs oɲ kɛɛɲkɛs dam afum a tɔf yayɔkɔ.

¹⁴ Kɔ Isifu ɛwɛtɔs gbɛti fɔp mbɛ bɛnayi atɔf nja Misira kɔ atɔf nja Kanaɲ mɔ. Pɛcsɛkpɔrɛ gbɛti babɔkɔ malɔ, kɔ Isifu ɛmbɛrsɛ gbɛti babɔkɔ nde kɛlɔ ka Firawona.

¹⁵ Ntɛ gbɛti ba Misira kɔ Kanaɲ belip mɔ, kɔ aMisira fɔp nɔnder nnɔ Isifu eyi mɔ. Kɔ njaloku: «Mɔsɔɲ su yeri! Cɛpɔ sɛndɛfi fɔr yam kirɲ bawo gbɛti beyi fɛ sɔ?»

¹⁶ Kɔ Isifu oloku: «Nɔsɔɲ yɔcɔl yonu. Inɲsɔɲ nu kɛcom kɛsɛkpɛ ka yɔcɔl yonu, bawo gbɛti beyi fɛ sɔ.»

¹⁷ Kɔ nɲɲkɛrɛ Isifu yɔcɔl yaɲan. Kɔ Isifu ɔɲsɔɲ nja yeri kɛsɛkpɛ ka yɔcɔl yaɲan: Fɛlɛs, yɔcɔl yɛfɛt kɔ yɔpɔɲ, sɔfale. Kɔ Isifu ɔsɔɲ nja yeri ya teren tatɔkɔ kɛsɛkpɛ ka yɔcɔl yaɲan fɔp.

¹⁸ Ntɛ teren tatɔkɔ tɛncɛpɔr mɔ, kɔ aka Misira nɔnder sɔ nnɔ Isifu eyi mɔ teren tɔckɔsɔk. Kɔ njaloku kɔ: «Sɛfɔtam kɛmɛɲkɔr mariki mem a gbɛti bosu belip, kɔ yɔcɔl yosu yelip. Daka o daka dɛncɛmɛ fɛ su sɔ, mɛnɛ dis dosu kɔ ntɔf yosu.»

¹⁹ Sɛndɛfi oɲ fɔr yam kirɲ ba, kɔ ntɔf yosu? Mɔway su kɔ ntɔf yosu kɛsɛkpɛ ka yeri. Tɛm tatɔkɔ sɔyɔnɛ acar a Firawona, sɛna kɔ ntɔf yosu. Mɔsɔɲ su defɛt sɔbɔc ta sɛdɛfi, ntɔf yosu yɛdɛfɛntɔrɛ gbɛlmɛs.»

²⁰ Kɔ Isifu ɛwayɛ Firawona ntɔf ya Misira fɔp, aka Misira fɔp njanacamɛs ntɔf yaɲan, bawo dor dɛnabɛkɔr nja. Kɔ atɔf nɔyɔnɛ oɲ nja Firawona.

²¹ Kɔ Firawona ɛlɛk afum aɲɛ njanayi dɛcɛlɛncɔr ca Misira mɔ, k'ɛɲkɛrɛ nja sɛdare sɔpɔɲ.

²² Mba Isifu ɛnaway fɛ ntɔf ya aloɲnɛ, bawo Firawona ɛnamɔnɛ kɔway ka ntɔf yaɲan. Aloɲnɛ nɲayi kɛkɛkɛs ka Firawona disrɛ, ti tɔ aloɲnɛ njanatɔcamɛs ntɔf yaɲan.

²³ Kɔ Isifu oloku afum a Misira: «Iway nu mɔkɔ kɔ ntɔf yonu, nɔyɔnɛ mɔkɔ aka Firawona. Defɛt dɛndɛ: Nɛntam kɛbɔf dɛntɔf.»

²⁴ Kɔ nɛndɛ nɛctɛl-ɛ, nɛdɛ nɛcsɔɲ farilɛ poboc pin pa yɛtɛl yonu Firawona. Nɛna nɛlɛk yoboc maɲkɛlɛ nyɛ, yɛndɛyɔnɛ nu yeri ya dɛkɛr kɔ awut, yɔyɔnɛ nu sɔ defɛt da teren tɔcɔnc mɔ.»

²⁵ Kɔ njaloku Firawona: «Mɔlukɛ su kɔyi doru! Sɛsɔtɔ kɔnɲɲnɛnɛ ka mariki mosu, sɛndɛyɔnɛ acar a Firawona.»

²⁶ Kɔ Isifu ɛncɛmbɔr ti kɔ tɔyɔnɛ mɔkɔ tɔyɔ ta Misira: Poboc pa kɛcamɛt fɔp pa Firawona pɔ. Mɛnɛ ntɔf ya aloɲnɛ gbɛcɛrɛm yɔtɔyɔnɛ ya Firawona.

Mɛfɔɲ ma Yakuba mɛlpɔs

²⁷ Kɔ Yakuba ɛndɛ atɔf nja Misira, atɔf nja Kosɛɲ. Kɔ pɔyɔnɛ di ndaranɲan k'ɔyɔnɛ kas ka afum alarɛm.

28 Kɔ Yakuba eyi doru meren wɔco kɔ camət-merəŋ (17) atɔf ɲa Misira. Kəwon ka Yakuba doru fəp kənasɔtɔ meren tasar tin wɔco maŋkələ kɔ camət merəŋ (147).

29 Mataka ma Yakuba kəlɔtəs kəlɪp, k'ewe wan kɔn Isifu k'oloku kɔ: «Kɔ mɔfaŋ kəmar im-ε, mɔboc kəca kam aləŋk ɲem tantɔf, mələk'em layidi pəsoku disrε ndε mɔndetɔmpər'em mɔ: lletsen'am ta məwup im Misira!

30 K'indefəntərə kɔ papa kem aŋa-ε, məwuren'em Misira. Məkɔ məwup im nde kufu kəŋan kəyi mɔ.» Kɔ Isifu oloku kɔ: «Indeyɔ təkɔ mələk'im mɔ.»

31 Kɔ Yakuba oloku: «Mədərəm'em ti.» Kɔ Isifu endermε kɔ ti. Kɔ Yakuba ontontnε nde kəfənc kɔn dərɔmp.

48

Yakuba kətolanε kɔn awut arkun a Isifu

1 Ntε mes maməkɔ mencepər mɔ, k'əŋkɔ paloku Isifu a Papa kɔn entamne fε. Kɔ Isifu ɛlɛkεnε awut ɔn merəŋ Manase kɔ Efrayim.

2 K'asɔŋε ti Yakuba kəcərəε, k'aloku kɔ: «Wan kam Isifu eyi kəder nnɔ məyi mɔ.» Kɔ Yakuba olɔŋka fənɔntər fən k'eyfε, k'endε kəfənc kɔn kəron.

3 Kɔ Yakuba oloku Isifu: «MARIKI nwe entam mes fəp ma doru mɔ ɛnawurər im dare da Lus nde atɔf ɲa Kanar k'asɔŋ im temer kədəpoc'em pətət.

4 K'olok'im: «Indesɔŋ əm dokombərə, indesɔŋ'am kəla, indesɔŋ'am kəyɔnε wətem ka afum alarəm. Indesɔŋ atɔf ɲaŋε yuruya yam kɔ mancepər-ε, atɔf ɲaŋε ɲendeyɔnε ɲaŋan doru o doru.»

5 «Ndekəl ɔŋ, awut merəŋ aŋε məŋkom atɔf ɲa Misira a k'indeder nnɔ məyi mɔ, ɲandeyɔnε akemi. Efrayim kɔ Manase ɲayɔnε akemi, pəmɔ təkɔ iyɔ Ruben kɔ Simeyɔŋ mɔ.

6 Mba awut aŋε məndekom ɔŋ aŋε merəŋ tadarəŋ mɔ, akam ɲandeyi akakɔ, awənc aŋa ɲɔ ɲandesɔtər kε.

7 Kəder kem Padaŋ, kɔ Rasel efir im dɔpɔ da Kanar, ta pəmbələ su kəberε Efrata-ε. Difɔ inawup kɔ katina dəndo dɔpɔ da Efrata, nde pəyɔnε Betlɛhem mɔ.»

8 Kɔ Yakuba ɔmɔmən awut a Isifu k'eyif: «Are ɲɔ akanε-ε?»

9 Kɔ Isifu oloku papa kɔn: «Awut em ɲɔ, aŋε Kanu kəsɔŋ im nnɔ mɔ.» Kɔ Yakuba oloku: «lletsen'am məyɔ ɲa ɲacɔŋnε nnɔ itolanε ɲa.»

10 Detem dənəlɔləs Yakuba fər: «Nctam fε sɔ kənəŋk. Kɔ Isifu ɔncɔŋ awut ɔn nde Yakuba eyi mɔ, kɔ Yakuba oncup ɲa, k'emakərε ɲa.

11 Kɔ Yakuba oloku Isifu: «Inacem-cəmənε fε sɔ kədenəŋk əm. Mba Kanu kəsɔŋ'em k'inəŋk əm haŋ awut am!»

12 Kɔ Isifu elɪŋ awut kas dələŋk, k'encəp kəro dəntɔf.

13 Kɔ Isifu osumpər merəŋ maŋan fəp waca, pəsumpərə Efrayim kəca kətɔt mba pəyi kəca kəmeriya ka Yakuba, k'osumpərə Manase kəca kəmeriya mba pəyi Yakuba kəca kətɔt, k'ɔncɔŋnε ɲa sɔ nde wətem kəŋan eyi mɔ.

14 Kɔ Yakuba ɛntənc kəca kɔn kətɔt, k'endenɔ ki Efrayim dərɔmp nwe ɛnafetε mɔ, k'endenər Manase kəca kɔn kəmeriya dərɔmp. ɛnacərə belbel təkɔ ɔncyɔ waca wɔn mɔ, ali ntε Manase ɛnayɔnε wan wəcɔkɔ-cəkɔ mɔ.

15 Motolanε mme mɔ Yakuba ɛnatolanε Isifu:

«Kanu nkε kənəŋk papa kem aŋa Abraham kɔ Siyaka tecepərənε tanjan mɔ, Kanu nkε kəŋkεks'im kəyεfε ntε iyi doru haŋ məkɔ mɔ,

16 Mələkε mme mencyac im pələc mɔ, məsɔŋε awut aŋε!

Pawe ɲa tewe tem

kɔ mewe ma papa kem aɲa, Abraham kɔ Siyaka.
Kanu kəsəŋɛ ɲa kəkɔm pələrəm nde atɔf ɲaɲɔkɔ dacɔ.»

¹⁷ Nte Isifu enəɲk kas pəcdeɲar Efrayim kəca kɔn kətɔt mɔ, kɔ tɔntɔbɔt kɔ. Kɔ Isifu osumpər kəca ka kas, k'əncəɲ ntende domp da Manase ta pədeɲar ki Efrayim.

¹⁸ Kɔ Isifu oloku papa kɔn: «Ta məyɔ tantɛ, fɔtɔ Manase ɛbɛk. Nkɔn pəmar mədeɲar kəca kam kətɔt.»

¹⁹ Kɔ papa kɔn ɛfati, k'oloku: «Incərə ti, wan kem. Incərə ti! Nkɔn sɔ endeyəne wətem ka afum alarəm, endebɛk. Mba wənc Tɔɲɔ endebɛk kɔ, yuruya yɔn yendelas tɔf fəp.»

²⁰ Kɔ Yakuba ontolanɛ ɲa dəsək dadəkɔ, k'oloku: «Mən'endesəɲɛ Yakuba pəctolanɛ a pəckulɛ a: «Kanu kəsəɲ'am kəyi pəmɔ Efrayim, pəmɔ Manase!»» Tatɔkɔ tɔ Yakuba ɛnacəmbər Efrayim Manase kirinɲ.

²¹ Kɔ Yakuba oloku Isifu: «Kəfi k'inder! Mba Kanu kəndesolɛ nu. Kəndelukɛ nu atɔf ɲa atem anu.

²² Imberɛn'am pəkɔ awənc əm aɲa ɲantɔdesɔtɔ mɔ*, ip'əyɔne mpɛ inabanjərə aka Amər dakma dem kɔ ambəncəran ɲem mɔ.»

49

Kətolanɛ ka Yakuba awut ən wəco kɔ mɛrəɲ

¹ Kɔ Yakuba ewe awut ən, k'oloku:
«Nəlɔɲkanɛ iloku nu tɔkɔ tendeder nu kirinɲ mɔ.

² Nəlɔɲkanɛ, nəcəɲkəl im awut a Yakuba!

Nəcəɲkəl Yisrayel* papa kɔnu!

³ Ruben, mənə coco cem,
mənə nwe inakom
təm nte inayɔ fənəntər mɔ:
Məncəpər awənc əm aɲa
tokom, kɔ fənəntər.

⁴ Məyənɲ pəmɔ domun ndɛ deɲyɛkɛ dəkəɲgbɔkɔ mɔ,
mba məfɔdesəyɔne wəkirinɲ,
Bawo mənəpɛsɛ dəkəfəntərə da papa kam,
Mənyik-yikəs kəfənc kem kəpɛsɛ ka ki, kɔ wəran kem wəkin.

⁵ Simeyɔɲ kɔ Lewy dəwɛncɔ dɔ ɲayɔ:

ɲa ɲantəɲne, ɲasek kəkɔyɔ pələc.

⁶ Ala, ifaɲ fɛ kənəɲkəl tɛɲkəndəm taɲan!

Ta məcɛm-cəmnɛ mem mətəɲne ndɛ ɲantəɲne kəbərəne mɔ!

Bawo mətɛlɛ maɲan disrɛ, ɲandif fum.
Kəwosɛ kəɲan disrɛ, kɔ ɲancopu-copu mura bənta.

⁷ Intolanɛ mətɛlɛ maɲan pələc, bawo məmbɛk pələsər.
Intolanɛ pələc deyəɲki bəkəc daɲan, bawo dɔfəyɔne nənɔfər.
Indeyərəs ɲa atɔf ɲa Yakuba,
Indesamsər ɲa atɔf ɲa Yisrayel.

⁸ Yuda, mənə, awənc əm aɲa ɲandeyek-yekəs əm.

Məndesumpər atɛrɛnɛ am cərəbɔ.

Kɔ awənc əm aɲa ɲandecəp am səbomp fər yam kirinɲ.

* 48:22 Paka papəkɔ poyəne dare da Səkem.

* 49:2 Məməmən 32.29, 35.10

49:4 35.22

49:6

9 Yuda, kusununḡku kəwut kə məyənə.
 Dəkəwatəri-watəri wəsem wam məyefə, wan kem!
 Nkən oḡnut wəcək, pəfəntərə pəmo kusununḡku.
 Pəmo kusununḡku kəran: An'entam ki kəyektī ta kəfan-ε?

10 Kəgbo ka dəbe kəfəde kəcbəle Yuda,
 kəgbo ka dəbe kəndeyi yuruya yən dəwaca,
 haḡ tēm nte wəka kəgbo kaḡkə yati endeder mə,
 wəkə afum fəp ḡandeyi dəntəf mə.

11 Nkən (Yuda) ende pəkot səfale sən dəḡbəḡkələ ya wən,
 pəkot wan ka si nde kətək ka wən,
 Ende pəcyak yamos yən dəwən,
 kə burumus bən, dəmənçəncə ma yokom ya wən.

12 Member mendesəḡe kə fər kəyimbərə,
 Məsə ma wana mendefertər əm sek.

13 Kə mənə Sabulon, kəba kəsək məndendə,
 nde cibil cəndeyə kətənta mə.
 Cələncər ca atəf ḡaḡkə cəndewəkəl haḡ Sidonḡ.

14 Isakar, mənə səfale səpəḡ sə məyənə,
 nse səḡfəntərə gbərə mērəḡ dacə mə.

15 Pənəḡk a kəfo kaḡkə eyi kəḡesəm mə kəntesə,
 k'atəf ḡəmbət.
 Pətirmi kumunt padəndəsər kə pəsərə,
 Yəbəc ya dacar y'endeyi.

16 Dan, endeyənə afum ən wəbe.
 Pəmo kusunḡka kələma cusunḡka cəlpəs ca Yisrayel cəkə.

17 Dan, endeyi pəmo abok ḡḡe ḡeyi dəpə mə,
 aḡkisin ḡḡe ḡeyi dəpə kəsək mə.
 Abok ḡḡe ḡeḡaḡ bənta ya afələs,
 a təsəḡe wəyəkseḡe ka ḡi kətəmpəḡe mə.

18 ḡḡbəkər əm amera MARIKI, a məndeyac im!

19 Kadu, kənay† kəndepaḡḡe kə
 pəyefə pəcəme ḡa darəḡ kəbələs.

20 Ndena Aser, yeri yobəḡu yendela di.
 Antəf ḡam ḡende ḡəcsəḡ yeri ḡyē pəmar yəyənə yeri y'abə mə.

21 Naftali, were w'əyənə nwe weyi kiyi ka wi, ta tes o tes tənḡotərne wi mə.
 Ende pəkəməs awut atət‡.

22 Isifu, popəḡ pa kətək kəkəkom pəyənə,
 Popəḡ pa kətək kəkəkom nke kəcəme kəḡgbəkə kəsək mə,
 wara wa ki wetilsərne damba.

23 ḡandəktər kə, kə ḡampən.
 Aḡḡḡe mbəncəran ḡanayənə ayefəḡḡe am.

24 Mba ambəncəran ḡən ḡende ḡetəḡḡḡe kə nkən sərka.
 Anacəḡəs waca wən
 kətam ka Kanu kə fənəntər fa Yakuba dəntəf.

† 49:19 Kənare ‡ 49:21 Pəcloku moloku mətət

Ɔyɔnɛ wəkəkəs kɔ togbu pa aka Yisrayelŋ.

²⁵ Tewe ta Kanu ka papa kam, nke kəyɔnɛ wəmar kam mɔ,
tewe ta Kanu nke kəntam mes fəp ma doru mɔ, nke kəndepoc'am mɔ:

Kəpocɛ pətət nke kəndeyefɛ darenc mɔ,
kəpocɛ pətət nke kənyefɛ dəntɔf mɔ,
kəpocɛ pətət ka awut alarəm kɔ yɔcɔl yɛlarəm.

²⁶ Kətolanɛ nke papa kam ontolan'am mɔ,
kəncɛpər kətolanɛ pətət ka aɲɛ ɲaɲkom im mɔ,
haɲ dəkələpsər da mərəɔ ma doru o doru.

Kətolanɛ pətət kaɲkɔ kəyi Isifu dərɔmp,
dəndo domp dacɔ da Isifu
nwe ɔyɔnɛ wəbɛ ka awɛnc aɲa mɔ!

²⁷ Bɛɲyamin, kalma k'ɔyɔnɛ nke kəɲwatəri-watəri mɔ.

Bətbət kəwatəri-watəri wɛsəm wa ki,
dɔfɔy, pəyerəs yɔsɔtɔ ya ki.»

²⁸ Awut akaɲɛ ɲayɔnɛ cusuɲka wəcɔ kɔ mɛrəɲ ca Yisrayel. Moloku mamɛ mɔ
kas kəɲaɲ ɛnaloku ɲa, nte onctolanɛ ɲa mɔ. Yakuba ɛnatolanɛ ɲa nwe o nwe kɔ
kətolanɛ kɔn tacɲa.

Defi da Yakuba

²⁹ Nte Yakuba elip kətolanɛ awut ɔn mɔ, k'osom ɲa: «Intas kəbəp atem em aɲɛ
ɲafi mɔ. Nəwup im kɔ papa kem aɲa, nde kufu kəɲkɔ kəyi nde dale da Hɛfəron
wəHewy mɔ,

³⁰ nde kufu nke kəyi dale da Makpela, Mamre kəsək, nde atɔf ɲa Kanaɲ. Dale
dadəkɔ dɔ Abraham ɛnaway nno Hɛfəron eyi mɔ, pəyɔnɛ di dəkəwupɛnɛ da
afum ɔn.

³¹ Difo anawup Abraham kɔ wəran kɔn Sara, difo anawup Siyaka kɔ wəran
kɔn Rebeka, difo inawup sɔ Leya wəran kem.

³² Dale kɔ kufu nke kəyi di mɔ, Abraham ɛnaway di aHewy dəwaca.»

³³ Nte Yakuba elip kəsom awut ɔn mɔ, k'ɛfəntərə dəkəfənc. K'ɛɲgbɲɲ kifir
k'ɔnɔɲkələnɛ atem ɔn aɲɛ ɲanafi mɔ.

50

Kəbal ka Yakuba

¹ Kɔ Isifu ɛntɛmpɛnɛ papa kɔn kəron, k'ombok kɔ kəron, k'oncup kɔ.

² Kɔ Isifu osom acar ɔn aka ɲanayɔnɛ atɛn cɔl mɔ, a ɲasop kas acɔl nɲɛ ɲɔsɔɲɛ
ta wəfi ente katəna mɔ. Kɔ atɛn cɔl ɲasop Yakuba acɔl ɲaɲɔkɔ.

³ Kɔ tɔɲkɔ mata wəcɔ maɲkələ (40). Tɛm tatəkɔ mataka maməkɔ m'ancsop
afi acɔl ɲa kətɔtɛ ɲaɲɔkɔ, kɔ aMisira ɲambok kɔ mata wəcɔ camət mɛrəɲ (70).

⁴ Nte mataka ma kəbal kɔn mɛncɛpər mɔ, kɔ Isifu oloku afum akɔ ɲanayi
nde saɲka sa Firawona mɔ, k'oloku ɲa: «K'intam kəsətər nu layidi-ɛ, nəloku nte
Firawona iletɛnɛ nu:

⁵ Papa kem ɛnasɔɲ'em kədərəm, pəcloku: «Kəfi k'inder! Məkɔ məwup im
nde kufu kəɲkɔ ɲkay nde atɔf ɲa Kanaɲ mɔ.» Difo ifaɲ kəpɛ ikəwup papa kem.
K'ilip-ɛ, ɲinder.»

⁶ Kɔ Firawona oloku kɔ: «Məpɛ məkɔ məwup papa kam pəmɔ təkɔ ɔsɔɲ'am
kədərəm mɔ.»

⁷ Kɔ Isifu ɛmpɛ kəkɔwup papa kɔn. Kɔ nɔampɛ kɔ abeki aka sanjka sa Firawona fɔp kɔbɔp abeki a atɔf nɔ Misira.

⁸ Kɔ afum a Isifu fɔp, kɔlɛk awɛnc anɔ kɔbɔp ka afum a papa kɔn, mɛnɛ awut afɛt, yɔcɔl yanɔn yɔpɔn kɔ yɛfɛt n'anasak atɔf nɔ Kosɛn.

⁹ Isifu kɔ cibil ca dɛntɔf k'ayɛksɛnɛ fɔlɛs nɔampɛ kɔ nkɔn, kɔ tɔsɔnɛ akɔ a Kanan kɔla.

¹⁰ Nɔandɛbɔp pɔferere pa Atad, nɔnɛ nɔyi Yurɔn takɔron mɔ, kɔ nɔawup Yakuba dɛndo kɔyɛk-yɛkɔs disrɛ. Kɔ Isifu ombok kas mata camɛt-mɛrɛn.

¹¹ Kɔ andɛ a atɔf nɔnɔkɔ, aka Kanan, nɔyi kɔbal ka Yakuba dɛndo pɔferere pa Atad. Kɔ nɔlɔku: «Defi dɔpɔn dɔ dandɛ aMisira dacɔ!» Ti t'asɔnɛ tofo tatɔkɔ tewɛ ta «Abɛl Misira» ndɛ Yurɔn takɔron.

¹² Kɔ awut a Yakuba nɔyɔ tɔkɔ papa kɔnɔn ɛnalɔku nɔ mɔ.

¹³ Kɔ awut ɔn nɔnɔkɔrɛ kɔ atɔf nɔ Kanan. Kɔ nɔawup kɔ ndɛ kufu ka dɛlɛ da Makpɛla, dɛlɛ ndɛ Abraham ɛnaway Hɛfɔron wɔHiti dɔwaca mɔ, pɔyɔ di dɔkɔwupɛnɛ da afum ɔn, ndɛ Mamrɛ kɔsɔk.

¹⁴ Ntɛ Isifu elip kɔwup papa kɔn mɔ, k'oluksɛrnɛ Misira kɔ awɛnc anɔ kɔ akɔ nɔnacɛmbɛr kɔ, kɔkɔwup papa kɔn mɔ.

Mes mamɔkɔ mɛnacɛpɛr ntɛ defi da Yakuba delip mɔ

¹⁵ Ntɛ awɛnc a Isifu nɔnɔnɔkɔ a papa kɔnɔn ɛfi mɔ, kɔ nɔlɔku: «Kɔ Isifu ɛnɔkɔfɛlɛ pɔyɔnɛ wɛtɛrɛnɛ kosu, kɔlukɛ ka ayɛk nɔ pɔlɛc mɛpɛ sɔnɔyɔ kɔ mɔ!»

¹⁶ Kɔ nɔasom a palɔku Isifu: «Papa kam ɛnasom ntɛ a pɔcɔfi:

¹⁷ Ntɛ tɔ nɔnɔkɔlɔku Isifu: O! Iɛtsɛn'am mɔnɔnɔnɛnɛ awɛnc ɛm anɔ pɔlɛc kɔ kiciya kɔnɔn, bawo nɔnɔyɔ ɛm pɔlɛc! Iɛtsɛn'am mɔnɔnɔnɛnɛ ɔn kiciya ka acar a Kanu ka papa kam!» Kɔ Isifu ombok ntɛ analɔku kɔ molɔku mamɔkɔ mɔ.

¹⁸ Kɔ awɛnc anɔ nɔander nɔ sɛrka nɔtɛmpɛnɛ Isifu dɛntɔf kɔ nɔlɔku: «Sɔn'ɔfɔ akanɛ acar am.»

¹⁹ Kɔ Isifu olɔku nɔ: «Ta nɔnɛsɛ. Cɛpɔ Kanu k'iyɔnɛ?

²⁰ Nɔnɔsɛk'em kɔyɔ ka pɔlɛc. Mba Kanu kɔnakɔfɛli ti pɔtɔt, kɔlɔmpɛsɛ ka ntɛ teyi mɔkɔ mɔ, kɔ kɔyɔc ka defi da afum alarɛm.

²¹ Nɔɛkɔl ɔn, ta nɔnɛsɛ! Indɛtamɛ nu mɛfanɔ monu fɔp kɔ ma awut anu.» Kɔ Isifu ɔntɔrɛ-tɔrɛ nɔ bɔkɔc, k'olok-ɔlɔkɔrɛ nɔ dim d'antɔf.

²² Kɔ Isifu ɛndɛ Misira nkɔn kɔ afum ɔn. K'ɛyi doru mɛren tasar tin kɔ wɔcɔ (110).

²³ Kɔ Isifu ɛnɔnɔkɔ awut a ɛfrayim hanɔ dɛtemp maas. Kɔ Makir, wan ka Manasɛ, ɔnɔkom awut ɔn lɔnɔkɔ ya Isifu kɔron.

²⁴ Kɔ Isifu olɔku awɛnc anɔ: «Kɔfi k'inder. Mba Kanu kɔndɛmar nu ilanɔ ti. Kanu kɔndɛpɛnɛ nu ndɛ atɔf nɔkɔ kɔnalɛkɛ Abraham, Siyaka kɔ Yakuba layidi kɔsɔn nɔ mɔ.»

²⁵ Kɔ Isifu ɔsɔnɛ awut a Yakuba kɔɛrɛm, pɔlɔku: «Kanu kɔndɛmar nu ilanɔ ti. Nɔɛdɛ nɔpɛnɛ bɛnt yɛm, nɔbɔlɛnɛ yi nɔnɔ.»

²⁶ Kɔ Isifu ɛfi pɔsɔtɔ mɛren tasar tin kɔ wɔcɔ (110). K'asɔp kɔ acɔl nɔnɛ nɔnɔsɔnɛ wɔfi kɔtɔtɛ katɔna mɔ. Kɔ nɔambɛr kɔ kanɔkɔra ka tasar pɛpat dɛndo atɔf nɔ Misira.

Tawureta Musa, Buk 2: Kawur ka aka Yisrayel Misira Nayi Yenjan Moloku ma kasokas buk ba Musa ba meraj: Kawur

Dabuk bacoko-coko ba tawureta Musa bo taruku ta aka Yisrayel poncop, mbe ajwe: «Dakacop da Doru.» Sora salpas sako samentar toko aka Yisrayel nanayi atof na Misira tem ta Anjabin Isifu ma.

Nte Isifu ko awenc ana nafi ma, ko kabot kancop kapi ce aka Yisrayel ko aka Misira daco. Dakalapsar da ti, ko aka Yisrayel najone acar a aka Misira. Ko abe a Misira nancambär aka Yisrayel yebac yocuca, ti disre ko aka Yisrayel njalone aka Misira sadare sanjan.

Mba MARIKI nwe ontöpalörne afum on ma, osom Anjabin Musa nde atof na Misira nte tönsoje aka Yisrayel nasoto kai yenjan ma. Ko Kanu kamentäre mes mewey-wey waco dawaca wa Musa han ko firawona embelas aka Yisrayel. Nte aka Yisrayel nancop kakot ma, ko nanjo nabap kaba ka Cankolma nke kayone kalancar ka Misira nke kanafan kayamsar na kacepar ma. Firawona ko asodar on nasep kadifat na dando, mba ko Kanu kamentar so dando tes tewey-wey, k'engbiti döpo kaba daco nde aka Yisrayel nanacali. Arkun, aran, awut ko yocol yanjan fap nanacali dakaba döpo dowosu karonj. Nte aka Misira nanacame na daraj ma, ko Kanu kengbepar na domun da dakaba.

Kaba mokuru, ko aka Yisrayel nancop kakot dategbare kaka ka atof na Kanan nje Kanu kanasoj temer kasoj na ma. Nasaraji döpo, ko Kanu kasoj Anjabin Musa mosom mon waco nde toro ta Sinayi karonj far ya afum kirinj. Mba tenawon fe, ko afum nangbekal sariye sa Kanu, ko nasalene terajka. Ti to Kanu kanasojene aka Yisrayel kakot dategbare meren waco mankale disre, nte tönsoje anje nanagbekal Kanu ma fap nalip kafis-fis a nacbere atof na Kanan.

Kakot kanjo disre, ko Kanu kai na kirinj kasole na. Noro da debeki don denayi na kirinj pibi ko danj. Nte nanayefe kaka ma, ko njantore angbanan. Noro da debeki da Kanu denayi aka Yisrayel kirinj han ko nambere nde nanacambärs ma. Towurene ta tatoko tenayi meren waco mankale disre fap.

Teta defi da Anjabin Musa to buk bambe boloku telpas. Ta pambale ko so kafi-e, k'elek aka Yisrayel k'osoj Anjabin Yosuwe nwe enabersene na atof na Kanan ma.

Kayi ka Kanu afum on daco, patakse na dolompu, pabume na sokot, tatoko fap towurene to toyone afum a Kanu tem tosu tante ayi ma. Kanu kafan kacambär su döpo datot kaka ka ariyana nde njokbersene su ma. Kanu kamar su marant mamoko disre. AMINA!

Teyer ta buk bambe

1, Asokas toko anacambär aka Yisrayel dacar atof na Misira ma.

2-4, Asokas teceparene ta Musa han nte enade paban aYisrayel aka Misira dawaca ma.

5-15.21, Alokutoko Kanu kanayo mes mewey-wey ko arom nje kanasoj aMisira nte tönsoje kabanar asodar a firawona afum on ma.

15.22-19, Alokutoko nanayefe Misira ko nanjo nande toro ta Sinayi ma.

20-31, Alokutoko Kanu kanasoj Anjabin Musa Sariye nse sanasokas mosom nte pamar aka Yisrayel nade naji ko toko pamar nade njaclelas nkön Kanu ma.

32, Aloku təkə aka Yisrayel njanayenker Kanu səbomp nte njanacəhəs Aruna kəsələ kema tərənka pa tura mə.

33-40, Aləm təkə Musa enanənk nərə da debeki da Kanu mə. Kə tēyefē day, Kə Musa entəkse aka Yisrayel Sariye sa Kanu kə təkə pəmar palompəs dəkiyi da Kanu, kanərə ka Sede, kə yogbuşərəne yələma teta kəbəcə Kanu dəndo aŋbancan yosoku, kə yamos taciŋa ya aloŋne.

Kəwur ka aka Yisrayel Misira

Kanu kəwurənə aka Yisrayel Misira

1-15

Aka Yisrayel kəyi kəhan dacar Misira

¹ Mewe ma awut a Yakuba* mə mme, aŋe njanader Misira kə nkən Yakuba mə. Fəp faŋan njanakerənə aka wələ waŋan disre fəp:

² Ruben, Simeyən, Lewy, kə Yuda,

³ Isakar, Sabulon, kə Benyamin,

⁴ Dan, Naftali, Kadu kə Aser.

⁵ Yuruya ya Yakuba fəp njanayi afum wəco camət-mərəŋ (70). Tənətəŋne Isifu nkən pəyi təm tətəkə Misira.

⁶ Kə Isifu ende pəfi kə awənc aŋa, kə danapa dadəkə fəp.

⁷ Kə aka Yisrayel njanə nəsətə dokombəra, kə nala, kə kənay kəhan kəsətə səkət kəcəpərət. K'atəf nja Misira njarə nja.

⁸ Nte təm tələma tencepər mə, kə fum wələma nwe enatəcərə Isifu mə, ende pəyənə wəbe Misira.

⁹ Kə wəbe nwe ende pəloku afum ən: «Nənənk, afum aka Yisrayel nala, kə njaɣə səkət njasas su.

¹⁰ Mənə paten kəcərə kəkət, nte andeyamsər nja dokombəra danan mə. Kə pəyənə fə ti-ε, kə kəwan kəyefε-ε, njanam kəmar aterənə asu kəsutənə, kə telip-ε, njanulpər su njawur atəf njaŋε.»

¹¹ Awa, kə aka Misira njanəmbər akirin nja njanakəsəhəs aka Yisrayel yəbəc ya dacar mə. Ti disre, kə aka Yisrayel njanəmbər sədare sa Pitom kə Ramsəs, pəyənə di dəkəmenjk da firawona†.

¹² Mba pəkət pa firawona pənəkət fə few, bawo tətəkə anctərəs aka Yisrayel mə, ti tə njancom, njacla, njaçwəkələs dəkəndə danan, kə təsəŋe pater aka Yisrayel pəpən.

¹³ Kə aka Misira njanəmbər aka Yisrayel yəbəc ya dacar yeyenki.

¹⁴ K'aka Misira njanəktəsə aka Yisrayel doru yəbəc yeyenki: Yəbəc ya dos, ya birik, ya dalə fəp. Yəbəc ya dacar yaɣəkə yə njanəmbər aka Yisrayel.

Firawona əntərəs aka Yisrayel

¹⁵ Kə wəbe wəka Misira ende pəloku aran aban awut aHəbərə, pacwe wəkin «Sifra,» kə wəka mərəŋ «Puwa.»

¹⁶ Kə wəbe wəka Misira oloku nja: «Kə nəndə kəcban aran aHəbərə awut-ε, nəcməman nja kirin. Nwe əŋyənə wərkun mə, nədif kə, nwe əŋyənə wəran mə, nəsak wəkəkə pəyi doru.»

¹⁷ Mba kə aran aban awut nja njanəsə Kanu, njaɣə fə nte wəbe ka Misira enaloku nja mə, kə njanə awut arkun kə njaɣə doru.

* ¹ CəHəbərə = «Awut a Yisrayel,» Kanu kənasəŋ Yakuba tewe ta «Yisrayel.» Məməman Dəkəcop 32.29.

† ^{1:11} Firawona = Bafə tewe ta fum tə, mba tewe ta nwe o nwe əntəmpər dəbe da Misira mə.

18 Kò wàbè wàka Misira ewe aran aban awut anje, k'eyif ña: «Ta ake tò nàyoné tanté-é? Ta ake tò nàncené awut anjan arkun ñacyiné doru-é?»

19 Kò aban awut anje ñaloku firawona: «Nte tósòñe ti mò, aran aHebàre ñayi fè pàmò aran aka Misira. Aran aHebàre ñayenjk mēnc dāñkom, ñanjlip kèkom a sèna aban awut sècbəp di.»

20 Kò Kanu kəyoné aban awut anje pətət, k'aka Yisrayel ñala, kò ñasətò sò səkət kò ñancepərər.

21 Aban awut anje ñananese Kanu, itò Kanu kənasòñe ña dokombəra.

22 Kò firawona ende pəsom afum ɔn fəp: «Nəsumpər awut arkun aHebàre fəp, anje ande packom mò, nəcgbal ña nde kəñgbəkò ka Nil, mba nəcsak gbəcərəm awut aran ñayi doru.»

2

Kəkom ka Musa kò dowut dən

1 Kò wərkun wəloma wəka kusunja ka Lewy enenē wəran wəloma nwe ñanapañne kusunja kin kò nkən mò.

2 Kò wəran nwe embekəs, k'òñkom wan wərkun. Kò wəran nwe enəñk dətət da wan, k'əñgbəpnene wan kən yof maas.

3 Nte enəñk a ɔfəsətam kəgbəpnene wan mò, kò wəran nwe elek kəfala nke andune cəñkəlma mò, k'osop ki paka mpe powurēne kərtal kò bən ya cəme mò, nte təñsəñe ki kəfəy mò. K'ember wan kəfala nke disre, k'òñkò pəcəmbər ki dəcəñkəlma nde aparpara ña kəñgbəkò ka Nil.

4 Kò wəkire ka wan nwe anjbal mò, encəme pəwak kəbəlēne kəñkərə nke, nte təñsəñe pəctam kəcəre təkò tendeder wan mò.

5 Kò wan wəran wəka firawona ende pətor nde kəñgbəkò kəkəbikē-bikē, amarəs ɔn aran ñayi kəkətəs agbər ña kəñgbəkò ka Nil. Kò wan ka firawona wəran nwe enəñk kəfala cəñkəlma daco, k'osom wəmarəs kən wəran kəkəkək ki.

6 Wan ka firawona wəran endegbipi kəfala nke, k'enəñk wan: Wan wərkun enayi, pəcbok. Kò təyoné kò nənəfər, k'oloku: «Wan wəHebàre wəloma ɔfə wəkawē!»

7 Kò wəkire ka wan nwe oloku wan ka firawona wəran: «Məfan a iko iwen'am wəkombəra wəHebàre wəloma, pədemsər'am wan wəkawē?»

8 Kò wan ka firawona wəran oluksə wəyəcərə nte: «Məkò!» Kò wəyəcərə nwe ɔñkò pəwe iya wəka wan wəkəkò anafir mò.

9 Kò wan ka firawona wəran oloku wəran nwe: «Məkenenē wan wəkawē məkò məcməsər'em kò belbel. Indesəñ əm kəway.» Kò wəran nwe elek wan, k'eməsər kò.

10 Nte awurē wan mēsē mò, kò wəran nwe elek kò, k'erjkenē wan ka firawona wəran, pəyoné kò wan. K'òsəñ kò tewe ta Musa bawo ti tò tatəkò «dəromun incafì kò.»

Pəmar Musa pəyəkse pəkò Madiyan

11 Nte Musa embek k'əyoné wətəmp mò, dəsək dəloma k'ende pəkò kəkəməmən awenc anja, k'òñkò pənəñk yəbəc yanjan yeyenki nyē anacəmbər ña mò. Nte ɔncəñne kirin mò, k'òñkò pənəñk wəka Misira pəcsut wənc wəHebàre wəkin.

12 Kò Musa ɔməməñ-məməñ, nte ɔntənəñk fum mò, k'osut wəka Misira nwe k'endif, k'elek kò k'emət dəsənc.

13 Dəckəsək kò Musa owur sò, k'òñkò pənəñk aHebàre mērəñ ñacsutēne. K'eyif wəkò enadəkət mò: «Ta ake tò mənjsutē wəkòs əm-é?»

14 Kə fum nwe oloku kə: «An'ecəmbər əm dəbe kə wəboc kiti su kəron-ε? Kədif im kə mənder pəmə təkə məndifsa wəka Misira mə ba?» Kə Musa enese, k'olokune dəbəkəc: «Tələma ancəre tes tantə iyasa mə.»

15 Kə firawona ene təkə tenacepər mə, k'entən oη kədif Musa. Mba kə Musa eyəkse k'əmbəle firawona, k'əηkə atəf ηa Madiyan. Nte emberə Madiyan mə k'əηkə pənde kələmp kəsək.

16 Awa, wəlonηene ka aka Madiyan enayə awut aran camət-merəη. Kə awut aran aηe ηander kədəket domun, kə ηalasəs dəkəmun da yəcəl ya kas kəηan.

17 Kə akək aləma ηander ηabeləs ηa. Kə Musa eyefe k'əηkə pəban ηa, k'əsəη yəcəl yaηan domun kə yomun.

18 Nte ηalukus nda kas kəηan Rehuwel mə, kə kas kəηan eyif ηa: «Ta ake tə nənυkənene məkə kəberε-ε?»

19 K'ayecəra aηe ηaloku kas kəηan: «Wəka Misira wələma eyac su nno akək ηayi mə. Eηketena su domun yati, k'əsəη yəcəl yosu.»

20 Kə Rehuwel eyif ayecəra: «Deke eyi-ε? Ta ake tə nəsakε fum wəkakə-ε? Nəwe kə pəder pədi yeri.»

21 Kə Musa ende pəwose kəyi ka ndena Rehuwel, nwe enasəη wan kən wəran Sefora kənεcε mə.

22 Kə wəran kakə ende pəkom wan, k'awe kə Kersəm, «Wəcikəra,» bawo k'oloku ti tə tatəkə: «Wəcikəra iyəne kəresna atəf ηocuru.»

Kanu kəyək-yək Musa kəwure ka aka Yisrayel dacar

23 Nte pəwon mə, kə wəbe wəka Misira ende pəfi, aka Yisrayel ηacgbis, ηackule-kulene teta dacar deyenki dəkə ηanayi mə. Kə kəmar nke ηancbok mə, kəmpε haη nde nkən Kanu eyi mə.

24 Kə Kanu kəne kigbis kəηan. Kə Kanu kəncəm-cəmne danapa nde ηanacəηəs kə Abraham, Siyaka kə Yakuba mə.

25 Kə Kanu kəməmən aka Yisrayel, kə kələk te taηan waca disre.

3

1 Kə Musa ende pəyiəne wəkək yəcəl ya Yetero, papa ka wəran kən, nwe enayəne wəlonηe wəka Madiyan mə. Dəsək dələma, k'ende pəkəkəre yəcəl k'encepər dətegbəre, k'əmbəp Horeb tərə ta Kanu.

2 Kə mələkε mə MARIKI mowurər kə dənεnc dəmar disre, nde dərəntəm. Kə Musa əməmə, k'ənəηk arəntəm fəp ηecmar, mba ηencteyε fe.

3 Kə Musa εncəm-cəmne: «Iluksərne ma, iməmən tes nte intatəηək mə, ta ake tə arəntəm ηəntəyεne-ε?»

4 Kə MARIKI enəηk a kəluksərne kə Musa ende kəkəgbəkəre tes nte. Kə Kanu kəwe kə dəndo dərəntəm, k'oloku kə: «Musa! Musa!» K'owosene kə: «In'ewε!»

5 Kə Kanu kələku kə: «Ta məcəηne nno, məwure cəfta dəwecək, bawo kəfo kanə məncəme mə, antəf ηosoku ηə.»

6 Kə kəndəηər: «In'əyənε Kanu ka papa kam, Kanu ka Abraham, Kanu ka Siyaka, Kanu ka Yakuba.»

Kə Musa oηkumpne kəro, bawo enanese kəməmən Kanu.

7 Kə MARIKI oloku: «Inəηk bellbel nte antərəs afum em aηe ηayi Misira mə. Inε nte ηayi kəbokər kətərəs ka abe aηe ηancəmbər ηa dacar fər kirin mə, incərə pəuy paηan.

8 It'ıntorεne kədəbanər ηa aka Misira, ipene ηa sə atəf ηaηe, ikekəre ηa atəf ηəbotu, atəf ηəwokəlu disre, nde atəf ηəboηu dalε k'awop, atəf nηe aka Kanaη, aHit, aka Amər, aPerisi, aHiwy kə aYebus ηande mə.

⁹ Kəbok ka aka Yisrayel kənder oŋ haŋ nno iyi mə, k'inəŋk kətərəs kəlarəm nke aka Misira ŋayi kətərəs afum em mə.

¹⁰ Ndekəl oŋ məkə, isom əm ndena firawona. Məwurene afum em aka Yisrayel Misira.»

Kanu kəmboncər tewe tən Musa

¹¹ Kə Musa eyif Kanu: «An'iyəne-ε, nte indekə nda firawona, ikəwurene aka Yisrayel Misira mə?»

¹² Kə Kanu kəloku kə: «In'osol'am! Tegbəkəre nte tendesəŋ'am kəcəre a in'osom əm: Nte məndewurene aka Yisrayel Misira mə, fəp fonu nəde nəcsalen'em nno tərə nte.»

¹³ Kə Musa oloku kə: «K'inəkə nno aka Yisrayel ŋayi mə, ikə icloku ŋa: Kanu ka atem anu kəsom im nno nəyi mə. Mba kə ŋəŋkəyif im nte aŋwe ki mə, cəke c'inəkəloku ŋa-ε?»

¹⁴ Kə Kanu kəloku Musa: «Nwe iyəne mə, iyəne!» Kə kəndəŋər: «Nte tə məŋkəloku aka Yisrayel: Nwe aŋwe 'iyəne' osom im nno nəyi mə.»

¹⁵ Kə Kanu kəloku sə Musa: «Nte tə məŋkəloku aka Yisrayel: «MARIKI, Kanu ka atem anu, Kanu ka Abraham, ka Siyaka, ka Yakuba kəsom im nno nəyi mə.» Tewe tem tə tatəkə ta tem o tem, kə təcəmcəmnə tem tantə tə dətəmp kə dətəmp.

¹⁶ Məkə məloŋka abeki aka Yisrayel, məloku ŋa: «MARIKI, Kanu ka atem anu Abraham, Siyaka, kə Yakuba owurər im.» Kə kəloku: «Incəmcəmnə kəwure nu pəcua pəkə ancəmbər nu Misira mə.

¹⁷ K'iloku a kəwurene nu k'inder kətərəs disre nke nəyi Misira mə, ikekəre nu atəf ŋa aKanaŋ, aHit, aka Amər, aPerisi, aHiwy kə aYebus, atəf ŋŋe ŋəboŋ dalə k'awop mə.»

¹⁸ «Aka Yisrayel ŋəŋkəcəŋkəl dim dam, nəsol oŋ nəkə, məna kə abeki aka Yisrayel, ndena wəbe wəka Misira, nəloku kə: «MARIKI, Kanu ka aHəbərə kəmbəp su. Ndekəl məwose su kəkət mərənt ma mata maas nde dətəgbərə, nte təŋsəŋe səkə səloŋne MARIKI Kanu kosu mə.»

¹⁹ Ina incəre a wəbe ka Misira əfədekəwose nu kəkə, ta pəyənə fənəntər fəsəŋe kə ti-ε.

²⁰ Kətenci k'inder kəca isut Misira, mes məwey-wey məpəŋ fəp m'indesute Misira. Kə mes məməkə məcəpər-ε, ŋadesak nu nəkə.

²¹ Indesəŋe aka Yisrayel ŋəsətə kəmar ka kəbətər ka aka Misira. Kə nənde nəckə-ε, nəfədekə waca wəsəkər.

²² Aran aka Yisrayel fəp ŋade ŋawer aran a Misira aŋe ŋayi ndaranjan, kə pəyənə fə ti-ε, aran akə ŋande mə, ca ca gbeti, ya kəma kə yamos, nye nəndəsərər awut anu arkun kə aran mə. Nte tə nəbaŋər aka Misira ca cəŋan.»

4

Kanu kəmentər fənəntər fən Musa

¹ Mba kə Musa olukse MARIKI moloku: «ŋafədekəloŋ im, ŋafədekəcəŋkəl dim dem. Nte ŋandekəloku mə: «MARIKI owurər f'am.»»

² Kə MARIKI eyif kə: «Ake məntəmpər-ε?» Kə Musa oloku: «Kəgbo.»

³ Kə MARIKI oloku: «Mələm ki ma dəntəf.» Kə Musa eləm kəgbo kən dəntəf, kə kəgbo kəntəŋkələ abok. Kə Musa eyeksər ŋi.

⁴ Kə MARIKI oloku Musa: «Mətənc kəca məsumpər ŋi nde dəkələŋa.» Kə Musa entənc kəca k'osumpər ŋi, kə ŋentəŋkələ sə kəgbo kəca kən disre.

⁵ Kə MARIKI oloku Musa: «Tantə t'əndəkəsəŋe aka Yisrayel kəloŋ oŋ a MARIKI Kanu ka atem aŋan, Kanu ka Abraham, Siyaka, kə Yakuba kəwurər əm.»

6 Kò MARIKI oloku sò Musa: «Màber kàca duma tantòf debàkàc,» kò Musa ember kàca kòn duma tantòf k'endenjne debàkàc. Nte elinjne ki mò, «Eh!», kò sen səsumpər kò kàca kò kàferè, pəmò nte kibi kəntufər paka mò.

7 Kò Kanu kəlòku kò sò: «Məgbəkəre sò kədenjne kàca debàkàc.» Kò Musa endenjne sò kàca kòn duma tantòf debàkàc, «Eh!», kò akata ŋa kàca kòn ŋòlùksərne sò kəyi pəmò ŋòcòkò-còkò.

8 Kò MARIKI oloku Musa: «Kò pəyòne a ŋalanj f'am, ŋancəŋkəl fə dim da tēgbəkəre tēwey-wey təcòkò-còkò-ε, ŋandeləŋ əm teta tēgbəkəre tēwey-wey təcənc tante.

9 Kò pəyòne a ŋasumpər fə sò molòku mam ta məgbəkəre məwey-wey mame mēəŋ-ε, ta ŋancəŋkəl dim dam-ε, məket domun da Nil, məlòŋ di antòf ŋowosu kəronj, domun da kəŋgbəkò ka Nil dadəkò məŋlòŋ mò, dəŋyòne mecir antòf ŋowosu kəronj.»

Kanu kəyək-yək Aruna pəyòne wədəŋk ka Musa

10 Kò Musa oloku MARIKI: «Məŋəŋne Mariki, mba fum nwe əntəfəfərene temer mò iyòne. Bafò nendisna, bafò nendecna, bafò kəyefè nte mənəlek kəlòk-lòkər ina, wəcar kam, a k'ilelè kusu kò temer mò. Təsəkpər fə. Bawo ilelè kusu kò temer.»

11 Kò MARIKI oloku Musa: «An'òsəŋ fum kusu nte tənjsəŋe pətəm kəlòk-lòku mò-ε? An'òsəŋe fum kəyòne bobo, kò pəyòne fə ti wətəne-ε? An'òsəŋe fum kəŋəŋk, kò pəyòne fə ti wətəŋəŋk-ε? Bafò in'òfò, ina MARIKI ba?

12 Ndekəl on, məkò! Ina yati indekəyi kò kusu kam, indekò ictəks'am təkò məndekò məcłòku mò.»

13 Mba kò Musa oloku sò: «Məŋəŋne Mariki mba ilətəŋ'am, məsom wələma wəkò məfəŋ mò.»

14 Kò pəntələ MARIKI nno Musa eyi mò, k'olòku Musa: «Bafò məyò wənc Aruna, wəLewy? Incəre a onjòk-lòku belbel. Gbəs, nkòn ender wəkò kədəfayn'am. Kəŋəŋk kam kəndəbət kò debàkàc.

15 Məde məlòk-lòkər kò, məde məlòku kò nte endekəlòku mò. In'endekətəmpər kusu kam kò kòn, injəkətəks'on təkò nəndekò nəcyò mò.

16 Aruna endekəlòk-lòkər'am afum aka Yisrayel, endekò kəcyon'am kusu, mənə məyi pəmò kanu nke kəsom kò mò.

17 Mətəmpər kəgbò kəŋkə dəkəca, ki kò məŋkò məcmentərə məgbəkəre məwey-wey.»

Musa olukus nde afum ən ŋayi mò

18 Kò Musa əŋkò, k'olùksərne ndena Yetero papa ka wəran kòn. Kò Musa oloku kò: «ilətəŋ'am kəwos'em kəlùksərne Misira nde afum em ŋayi mò kəkəŋəŋk kò ŋəsərəyi doru-ε.» Kò Yetero oloku Musa: «Awa məkəne abəkək ŋoforu.»

19 Kò MARIKI oloku Musa, dəndo atəf ŋa Madiyan: «Məkò, məlùkus Misira, bawo afum aŋe ŋanafəŋ kədif əm mò, ŋafi.»

20 Kò Musa elek wəran kòn kò awut ən, k'endəs ŋa səfale kəronj, k'olukus atəf ŋa Misira pətəmpər kəgbò nke Kanu kənalòku kò kələk mò.

21 Kò MARIKI oloku Musa: «Nte məyi kəlùkus Misira mò, məkòkce məgbəkəre məwey-wey məkò isəŋ'am kətam kəyò mò fəp, məkò məyò mi firawona fər kirinj. Mba ina Kanu, injə icyenkəs kò domp nte tənjsəŋe ta esak aka Yisrayel ŋəkò mò.

22 Məkò məlòku firawona: «Nte tò MARIKI oloku: Yisrayel coco cem cò.

23 Ilok'am a məsak wan kem pəkò, nte tənjsəŋe pəkosalen'em mò. Mba nte məfati kəsak kò pəkò mò, kədif k'inder wan kam wəcòkò-còkò.»

Kəkənc ka wan ka Musa

²⁴ Kəlukus kəjan disre, kə Musa ɔŋkə pəcepərəne pibi kəfo kələma, kə MARIKI ender pəbəp kə, pəcfan kədif kə.

²⁵ Kə Sefora wəran kən elek tasar towonju, k'engbinte kərot ka wan kən, k'ongbuɛneɛne ki wɛcək wa Musa, k'oloku: «Wos im wəka dəmecir məyɔn'em!»

²⁶ MARIKI encem-cemne fe sɔ kədif ka Musa teta kəkənc ka wan kən. Itə Sefora enalokene sɔ Musa: «Wos im wəka dəmecir!» Toloku tantɛ t'anjoku teta kəkənc.

Kəbərəne ka Musa kə Aruna

²⁷ Kə MARIKI oloku Aruna: «Məkə məbərəne kə Musa nde dətəgbərə.» Kə Aruna ɔŋkə pəbəp wenc Musa nde tɔɔ ta Kanu, k'ɛsəpne kə.

²⁸ Kə Musa oloku wenc Aruna moloku kə megbəkəre mɛwɛy-wɛy fəp mme MARIKI ɛnasom kə kəloku kə kəyɔ mɔ.

²⁹ Musa kə Aruna ɲasol, kə ɲaŋkə ɲalɔŋka abeki aka Yisrayel fəp.

³⁰ Kə Aruna olukse abeki a Yisrayel moloku mme MARIKI ɛnasom Musa kədeloku mɔ fəp, k'ementər megbəkəre mɛwɛy-wɛy fɔr ya afum kirin.

³¹ Kə afum a Yisrayel ɲalan. Kə ɲancərə a MARIKI enderene te tanjan k'encərə pəcuca pəkə ɲayi disre mɔ, kə ɲantontne kəkɔr-kɔru belbel MARIKI.

5

Musa kə Aruna ɲaŋkə nda firawona

¹ Nte tencepər mɔ, Musa kə Aruna ɲaŋkə ɲabəp firawona kə ɲaloku kə: «Nte tɔ MARIKI oloku, Kanu ka aka Yisrayel: Məsak afum em ɲakɔ ɲaboc'em kəsata ka sali nde dətəgbərə.»

² Kə firawona eyif ɲa: «An'ɔyɔne MARIKI, nte indecəŋkəl dim dɔn, isak aka Yisrayel ɲakɔ mɔ? Incərə fe MARIKI, tamɛrəŋ ta ti sɔ, ifəsak aka Yisrayel ɲakɔ nnɔ o nnɔ.»

³ Kə Musa ɲaloku kə Aruna: «Kanu ka aHəbərə kənabəp su. Məsak su, ilɛtsen'am, səkɔt mata maas dətəgbərə səkəlɔŋne MARIKI Kanu kosu, nte tɔŋsɔŋɛ ta osute su arom kə dakma mɔ.»

⁴ Kə wəbɛ ka Misira eyif ɲa: «Məna Musa kə Aruna, ta ake tɔ nəfan kəyamse afum yɛbɛc ɲanjan-ɛ? A cəkɛ? Nəkɔ nəsumpər yɛbɛc yonu ya dacar.

⁵ Kə firawona oloku: «Nənəŋk, aka Yisrayel ɲala ɔŋ dɔtɔf! Kə nəsɔŋɛ ɲa kəsak yɛbɛc ɲanjan yeyenki.»

Firawona kənɔcərə ka aka Yisrayel yɛbɛc

⁶ Dɔsək din dadəkɔ dɔ firawona osom abɛ a dacar aMisira kə abum aYisrayel, pəcloku:

⁷ «Ta nəgbəkəre sɔ kəcsɔŋ aka Yisrayel mɛmpələ mosute birik pəmɔ təkɔ nəsɔŋsa ɲa nendisna kə nendecna mɔ. Mɛne ɲasərka ɲakɔ ɔŋ ɲactɛn mi!

⁸ Kələm ka birik nke ɲasutsa nendisna kə nendecna mɔ, nəgbɛc ɲa ɲasut ki! Ta nəbele ɲa kələm kanjək de! Bawo acembər ɲɔ ɲayɔne! Ti tɔ ɲambokɛneɛne, ɲacloku: «Paŋkɔn lɔŋne Kanu kosu.»

⁹ Nəberene yɛbɛc ya afum akanjɛ, pəmar ɲabɛc yi nte tɔŋsɔŋɛ ta ɲancəŋkəl sɔ moloku ma yem maməkɔ mɔ!»

¹⁰ Kə abɛ a dacar kə abum aYisrayel ɲaloku afum: «Nte tɔ firawona oloku: «Ifəsɔsɔŋ nu mɛmpələ!»

¹¹ Nəkɔ, nənasərka nəten mɛmpələ nnɔ o nnɔ nəntam kəsɔtɔ mi mɔ, mba ali pəpic afɔdebeli yɛbɛc yonu yeyenki nyɛ pəmar nu kəbɛc mɔ.»

¹² Kò aka Yisrayel ñasamsər atof ña Misira fəp, kəten toka ya mēmpələ mosute birik.

¹³ Abē a dacar aMisira ñacgbəñ-gbəñər ña, ñaloku: «Nəkufē nəlīp yēbəc yonu ya dəsək o dəsək, pəmō cəkō-cəkō nte mēmpələ mencyi mō.»

¹⁴ Ñanakō han ñacsut abum aYisrayel aņe abe a Misira aka firawona ñanacəmbərə aka Yisrayel mō, ñacyif ña: «Ta ake tō nəntəbərə məkō kəlōm ka birik bəkō nəsutsa nendisna kō nendecna mō-ε?»

¹⁵ Kō abum aYisrayel ñaņkō ñabokēne nno firawona eyi mō, kō ñaloku kō: «Ta ake tō məntərse tantē acar am-ε?»

¹⁶ Ayi fē sō kəsəñ acar am mēmpələ, k'anjloku su sō: «Nəsut birik!» Məñəņk nte aņsut acar am mō, mba afum am yati, ñasare kiciya.»

¹⁷ Mba kō firawona olukse ña: «Nəna nəncəmbər, nəfane! Ti tō nəñlokene: «Paņkən loņne MARIKI!»

¹⁸ Ndekəl oņ, nəkō nəsumpər yēbəc yonu. Afəsəsəñ nu mēmpələ, mba kəlōm ka birik bəkō amboncər nu kəsut mō, kō nandesut.»

¹⁹ Kō abum aYisrayel ña sō ñanəņk pəcuca pəkō ñayi mō nte aloku ña: «Afəbeli kəlōm ka birik bəkō amboncər nu kəsut dəsək o dəsək mō!»

²⁰ Nte abe aņe ñancsəñəs aka Yisrayel yēbəc yeyenki ñawur nda firawona mō, kō ñambəp Musa kō Aruna aņe ñackar ña mō.

²¹ Kō abum aYisrayel ñaloku Musa kō Aruna: «MARIKI pəmōmən nu, pəsəñ nu kəway! Nəsəñe firawona kō amarəs ən kəter su. Nələk sakma kō nəmbər ña dəwaca ñadif su!»

²² Kō Musa oluksərne nno MARIKI eyi mō, k'oloku: «Mariki ta ake tō məyōne afum akanje pələc-ε? Itō mənəsom em ba?»

²³ Kəyefē nte iņkō ndena firawona k'ilok-lokər kō tewe tam mō, pələc dəm peyi kəyō afum akanje, məyi fē kəyō təlōm o təlōm məban afum am.»

6

¹ MARIKI oloku Musa: «Kəñəņk kō mənder oņ, nte indeyō firawona mō: Kəca ka fənəntər k'indəsəñene kō kəsak aka Yisrayel ñakō. Təyō ta kəca ka fənəntər fem tendəsəñe kō yati kəbələs aka Yisrayel atof ñon disre.»

Kanu kəsəñ Musa temer kədewurε aka Yisrayel dacar

² Kō Kanu kəlōk-lokər sō Musa, kəcloku kō: «In'oyōne MARIKI.

³ Inawurər Abraham, k'iwurər Siyaka, k'iwurər Yakuba, ina, Kanu nke kəntam mes ma doru fəp mō, mba təkō-cəkō inasəñe fē ña kəcərə tewe tem ta «MARIKI».

⁴ Inasek sō danapa kō ña, k'isəñ ña Kanaņ atof nņe ñanccepe-cepe kənde mō.

⁵ K'ine sō kigbis ka aka Yisrayel aņe aka Misira ñayi kətərse dacar mō, k'incēm-cēmne danapa nde inasek kō ña mō.

⁶ Ti tō məñkolokene aka Yisrayel a in'oyōne MARIKI, indewurε nu yēbəc yeyenki nyε aka Misira ñancəmbər nu mō, indewurε nu yēbəc nyε aka Misira ñayi kətərse nu mō. Fənəntər fem f'indewurε nu ña dəwaca a idebocər ña kiti kələl.

⁷ Indebəñ nu nte təñsəñe nəyōne afum em, iyōne Kanu konu mō. Tem tatəkō nandecərə sō a in'oyōne MARIKI Kanu konu, nke kəwurε nu yēbəc yeyenki nyε aka Misira ñancəmbər nu mō.

⁸ Iņkəbersε nu atof nņe inadot kəca idərme Abraham, Siyaka, kō Yakuba kəsəñ nu mō. Ina MARIKI iņkəsəñ nu ñi ñoyōne ñonu.»

⁹ Ti tō Musa ənaloku aka Yisrayel, mba ñancne fē təkō Musa oncloku ña mō. Bəkəc yənafəberne ña teta yēbəc yeyenki yəkō ñanayi disre mō.

10 Kɔ MARIKI oloku sɔ Musa:

11 «Məkɔ məloku firawona wəbe ka Misira a pəsak aka Yisrayel ɲakɔ, ɲawur atɔf ɲɔn.»

12 Kɔ Musa oloku fɔr ya MARIKI kirinj: «Kɔ aka Yisrayel ɲantɔcɔɲkəl im, cəke cɔ firawona ɔɲkɔcɔɲkəl im-ε, ina nwe ilele temer mɔ?»

13 Kɔ MARIKI oloku Musa kɔ Aruna, k'osom ɲa teta aka Yisrayel kɔ firawona wəbe ka Misira, ɲawurɛɛ aka Yisrayel atɔf ɲa Misira.

Mewe ma atem a Musa kɔ Aruna

14 Mewe ma akirinj anjan dəwɔlɔ mɔ mme:

Awut a Ruben Coco ca Yisrayel (Yakuba): Henok, Palu, Hecərəɲ kɔ Karmi. Cor ca Ruben cənayi cacɔkɔ.

15 Awut a Simeyɔɲ: Yemuyel, Yamin, Ohad, Yakin kɔ Cohar, Sawul wəkɔ wəKanaɲara enakomε kɔ mɔ. Cor ca Simeyɔɲ cənayi cacɔkɔ.

16 Mewe ma awut a Lewy mɔ mme təkɔ ɲanjkomeɛ mɔ: Kerson, Kehat kɔ Merari. Kəwon ka Lewy doru kənaɔɔp meren tasar tin wəcɔ maas kɔ camət-mεɔɲ (137).

17 Awut a Kerson: Libni kɔ Simeyi, kɔ cor cəɲan.

18 Awut a Kehat: Amram, Yicahar, Hebərəɲ kɔ Usiyel. Kəwon ka Kehat doru kənasɔtɔ meren tasar tin wəcɔ maas kɔ maas (133).

19 Awut a Merari: Mali kɔ Musi.

Cor ca Lewy cənayi cacɔkɔ kɔ təkɔ anacicəs taruku ta dokombəra da Lewy disrε mɔ.

20 Kɔ Amram enence wəran nwe ancwe Yokεbed wəkire ka kas mɔ, kɔ wəkakɔ ɔɲkomε kɔ Aruna kɔ Musa. Kəwon ka Amram doru kənasɔtɔ meren tasar tin wəcɔ maas kɔ camət-mεɔɲ (137).

21 Awut a Yicahar: Kore, Nefek kɔ Sikiri.

22 Awut a Usiyel: Misayel, Elcafaj kɔ Sitiri.

23 Kɔ Aruna enence wəran nwe ancwe Eliseba mɔ, wan ka Aminadab wəran, wəkire ka Nasɔɲ. Kɔ wəkakɔ ɔɲkomε kɔ Nadab, Abihu, Elasar kɔ Itamar.

24 Awut a Kore: Asir, Elkana kɔ Abiyasaf. Cor ca Kore cənayi cacɔkɔ.

25 Kɔ Elasar, wan ka Aruna, enence wəran awut aran a Putiyel dacɔ, kɔ wəkakɔ ɔɲkomε kɔ wan wərkun nwe anawe Finehas mɔ. Akirinj a cor ca Lewy ɲ'akakɔ.

26 Afum akanjε mεɔɲ Musa kɔ Aruna ɲɔ MARIKI enaloku: «Nəwureɛɛ aka Yisrayel atɔf ɲa Misira dəcɔr dəcɔr.»

27 Aruna kɔ Musa yati ɲanalok-lokər firawona wəbe wəka Misira teta kəwureɛɛ ka aka Yisrayel atɔf ɲa Misira.

Kanu kəɲgbəkəre sɔ kəsɔɲ ka Musa temer

28 Dəsək ndε MARIKI enalok-lokər Musa nde atɔf ɲa Misira mɔ,

29 kɔ MARIKI oloku Musa: «In'ɔyɔɛ MARIKI. Məkɔ məgbəkəre məloku firawona wəbe ka Misira məloku fəp mme ilok'am mɔ.»

30 Kɔ Musa oloku fɔr ya MARIKI kirinj: «Ina nwe ilele temer mɔ: Cəke cɔ firawona ɔɲkɔcɔɲkəl im-ε?»

7

1 Kɔ MARIKI oloku Musa: «Məcɔɲkəl im, indesɔɲ'am kəyɔɛ kanu nno firawona eyi mɔ. Wεnc əm Aruna nkɔn endedəɲk mi, nkɔn pəyɔɛ sayibε sam.

2 Mən'endekɔ məcɔloku təkɔ indekɔ icsom əm fəp, wεnc əm pəcgbəkəreɛɛ mi firawona, nte təsɔɲε pəsak aka Yisrayel ɲawur atɔf ɲɔn mɔ.

³ Kə ina, in'əŋkə icyenjkəs firawona domp, icyə Misira megbəkəre mēwey-wey kə məyo məpəŋ melarəm.

⁴ Firawona əfəcəŋkəl nu. Təm tatəkə t'inqəsute Misira kəca kem, iwurene aka Yisrayel afum em dəcor dəcor, citi cəpəŋ c'indewurene ŋa atəf ŋa Misira.

⁵ Aka Misira ŋandecəre a in'əyone MARIKI nte indesute ŋa kəca kem, iwurene aka Yisrayel di mə.»

⁶ Musa kə Aruna ŋayo belbel təkə MARIKI enasom ŋa mə.

⁷ Tənatəŋne Musa pəsətə meren wəco camət-maas (80), kə wenc Aruna meren wəco camət-maas kə maas (83), təm nte ŋanclok-lokər firawona mə.

Firawona efati kəcəŋkəl Musa kə Aruna

⁸ Kə MARIKI oloku Musa kə Aruna:

⁹ «Təm nte firawona endeloku: «Nəyo tegbəkəre tēwey-wey mə,» mənə məloku Aruna: «Mələk kəgbo kam mələm ki firawona dəntəf.» Kəgbo kəŋkə kəndətəŋkələ kəyone abok.»

¹⁰ Kə Musa ŋəŋkə kə Aruna nde firawona eyi mə, kə ŋayo pəmō təkə MARIKI enasom ŋa mə. Kə Aruna eləm kəgbo kən dəntəf fər ya firawona kə amarəs ən kirin, kə kəgbo kəŋkə kəntəŋkələ abok.

¹¹ Mba kə firawona ewe asər kə acərə mes a Misira. Dure fəp faŋan kə ŋa sə ŋayo tin tayi.

¹² Akakə fəp, kə ŋələməs cəgbo cəŋan dəntəf, kə cəntəŋkələ bok. Mba kə kəgbo ka Aruna kəmerəs cəgbo cəŋan.

¹³ Kə firawona eyenjk sə domp, k'efati kəcəŋkəl Musa kə Aruna pəmō təkə MARIKI enaloku ti mə.

Pələc pəcəkə-cəkə: Domun da Nil dentəŋkələ mecir

¹⁴ Kə MARIKI oloku Musa: «Firawona entəŋ aləŋəs, efati kəsak aka Yisrayel ŋakə.

¹⁵ Bətbətana, mədena məkə məbəp firawona təm nte endena pəcder nde dəkəŋgbəkə mə. Mədəna məcəmə məkar kə nde agbəp ŋa kəŋgbəkə ka Nil, mətəmpər kəgbo kəŋkə kənatəŋkələ abok mə.

¹⁶ Mədəna sə məloku firawona: «MARIKI Kanu k'aHebərə kəsom im nno məyi mə, idelok'am: Məsak afum em ŋakə, nte təŋsəŋe ŋakə ŋasalen'em nde dətegbərə mə.» Mba mənə, haŋ ndekəl məyi fə kəcəŋkəl ti.

¹⁷ Nte tə MARIKI oloku: «Tante tendesəŋ'am kəcərə a in'əyone MARIKI: Kəsute k'inder domun da kəŋgbəkə ka Nil kəgbo kəŋkə, detəŋkələ dəyone mecir.

¹⁸ Lop nyə yeyi dəkəŋgbəkə mə, yendefi. Domun da dəkəŋgbəkə dendesen pələc, aka Misira ŋafədewosə sə kəmun ka domun da kəŋgbəkə kəŋkə.»

¹⁹ Kə MARIKI oloku Musa: «Mələk kəgbo kam məcenc kəca kam domun da Misira kəron kəyefe ka domun da də səbo kəbəp ka da də səŋgbəl, haŋ da dəcumbul kəkə ka da yeməŋkə domun yaŋan fəp.» Domun dendətəŋkələ mecir, mecir mendeyi Misira fəp, haŋ dəyeməŋkə domun ya masar kə ya tək.

²⁰ Musa kə Aruna ŋanayo pəmō təkə MARIKI enasom ŋa mə. Kə Musa eyekti kəgbo kəsute ki domun da Nil fər ya firawona kə amarəs ən kirin, kə domun da dəkəŋgbəkə fəp dentəŋkələ mecir.

²¹ Kə lop nyə yenayi kəŋgbəkə ka Nil mə fəp yefi, kə domun da Nil de sen pələc, aka Misira ŋancətam fə sə kəmun domun da Nil, kə mecir meyi Misira fəp.

²² Kə dure aka Misira ŋayo deser daŋan fəp. Kə firawona eyenjk sə domp, encəŋkəl fə Musa kə Aruna, pəmō təkə MARIKI enaloku ti mə.

²³ Kə firawona olukus nde ndəron, enaber fə məyo maməkə dəbəkəc.

²⁴ Kò aka Misira fəp ɲaŋkayəs cələmp nde kəŋgbəkò ka Nil kəsək nte tɔŋsɔŋe ɲasətò domun domun mò, bawo ɲanctam fə sò kəmun domun da Nil.

²⁵ Kò mata camət-merəŋ mencepər kəyefɛ nte MARIKI osut domun da Nil mò.

Pucuy pa merəŋ: Fəntəl

²⁶ Kò MARIKI oloku Musa: «Məde məkò nde firawona eyi mò, məloku kò: «Nte tò MARIKI oloku: Məsak afum em ɲakò nte tɔŋsɔŋe ɲakò ɲasalən'em mò.

²⁷ Kò məfati kəsak ɲa ɲakò-ɛ, ina MARIKI, inɲute atɔf ɲam fəntəl.

²⁸ Kəŋgbəkò ka Nil kəndesɛp fəntəl, nyɛ yendepɛ yebɛrɛ kələ kam disrɛ, yebɛrɛ nde dəkəfəntərə dam, yɛpɛsɛ nde kəfənc kam, yebɛrɛ sò nde wələ wa amarəs am kò afum am fəp, yendebɛrɛ sò nde ancɔf'am cəcom, haŋ ampɔcək'am cəcom mò.

²⁹ Fəntəl yendefərəŋk əm, yɛfərəŋk afum am kò amarəs am fəp.»

8

¹ Nte tò kò MARIKI oloku Musa: «Məloku Aruna: «Məcenc kəca kam kò kəgbo kam kəŋgbəkò kəron, nde dəsəŋgbəl sa Nil fəp, haŋ nde dəcumbul, məpɛnɛ fəntəl atɔf ɲa Misira.»

² Kò Aruna encenc kəca kən domun da Misira kəron, kò fəntəl yempɛ kò yonkump antɔf ɲa Misira.

³ Kò dure kò deser danjan ɲa sò ɲayɔ pəmò tatəkò, kò ɲampɛnɛ fəntəl antɔf ɲa Misira.

⁴ Kò firawona ewe Musa kò Aruna k'oloku ɲa: «Nətolanɛ su MARIKI pəbələn'em fəntəl yayɛ kò afum em. Tɛm tatəkò inɲsak afum aka Yisrayel, nte tɔŋsɔŋe ɲakò ɲalɔŋɲɛ MARIKI mò.»

⁵ Kò Musa oloku firawona: «Pələl pam, ake tɛm t'indetolan'on, kò amarəs am, kò afum aka atɔf ɲam, nte tɔŋsɔŋe pəsələnɛ fəntəl ya nde ndaram kò ya nde wələ wam, pəcəmə ya nde dəkəŋgbəkò gbəcərəm nyɛ ɔntədɛlin mɔ-ɛ?»

⁶ Kò firawona oloku kò: «Məyɔ ti alna.» Kò Musa oloku kò: «Tendeyi pəmò təkò məloku ti mò, təsɔŋ'am kəcərə a ali fum eyi fɛ pəmò MARIKI Kanu kosu!

⁷ Fəntəl yendebəl'am kò wələ wam, k'amarəs am, k'afum am, mɛnɛ nde dəkəŋgbəkò ka Nil gbəcərəm yendeyi.»

⁸ Musa kò Aruna ɲawur ndena firawona, kò Musa ɛlətsɛnɛ MARIKI teta fəntəl nyɛ ɛnakɛrɛ firawona kətərəs kən mò.

⁹ Kò MARIKI ɔyɔ təkò Musa ɛnaloku kò mò. Kò fəntəl yefis-fis kəyefɛ nde dəwələ, dəcəbanjka haŋ nde dale.

¹⁰ K'alonjka-lonjka yi mɛpɛsa mɛpɛsa, kò ambənc ɲa pətɛ pa yi ɲosumpər atɔf ɲa Misira fəp.

¹¹ Mba nte firawona ɛnəŋk a kəŋesəm kənder mò, k'eyɛŋk sò domp, ɛncəŋkəl fɛ sò Musa kò Aruna pəmò təkò MARIKI ɛnaloku ti mò.

Pəcuy pa maas: Mes-yɛŋaŋ

¹² Kò MARIKI oloku Musa: «Məloku Aruna: «Məcenc kəgbo kam, məsutɛ ki kəbof ka dəntɔf.» Kəbof kanjko kəndetəŋkələ mes-yɛŋaŋ Misira fəp.»

¹³ Itò ɲanayɔ. Kò Aruna encenc kəgbo kən k'osutɛ ki kəbof ka dəntɔf. Kò kəbof kanjko kəntəŋkələ mes nyɛ yɛncɲaŋ afum kò yɔcəl mò, kò kəbof ka atɔf ɲa Misira fəp kəyɔnɛ mes.

¹⁴ Kò dure ɲa sò ɲawakəs deser danjan fəp nte tɔŋsɔŋe ɲa sò ɲawurɛ mes-yɛŋaŋ mò, mba ɲanatom fɛ. Kò mes yɛlar-lar afum kò yɔcəl.

15 Kò dure ñaloku firawona: «Kæca ka Kanu kò!» Mba firawona encyenyk kàyenyk dàm domp, owose fê kəcəñkəl Musa kò Aruna, pəmò təkò MARIKI enaloku ti mò.

Pəcuɣ pa maŋkəle: Waŋkəp

16 Kò MARIKI oloku Musa: «Məde məyefê bətbət suy, məkò məcəmə dəpə dəkò firawona encəpər mò. K'ende kəcwur kəkò ka nde dəkəŋgbəkò-ε, məde məloku kò: «Ntɛ tò MARIKI oloku: Məsak afum em ntɛ tɔŋsəŋɛ ñakò ñasalɛn'em mò!»

17 Kò məntəsak afum em ñakò-ε, iŋwənər'on kənay ka waŋkəp yelərəm, kəyefê mənə, kəkò amarəs am, kəbəp afum am haŋ wələ wam. Wələ wa aka Misira wendelarɛ waŋkəp haŋ yokump antof nŋɛ ñayi mò.

18 Mba dəsək dadəkò indəgbey atof ña Kosɛŋ nde afum em ñayi mò, dəndo taŋ waŋkəp yelərəm yofəkəyi di, isəŋ'am oŋ kəcərə a ina, MARIKI, iyi atof ñaŋɛ daco.

19 Indəboc tɛgbəkərə afum em kò afum am daco, ntɛ tendeyənɛ tɛyacɛ ta afum em mò. Alna tɛgbəkərə tɛwɛy-wɛy tatəkò tenyi.»

20 Kò MARIKI ɔyɔ tatəkò. Kò waŋkəp yelərəm yender nde kələ ka firawona kò nde kələ ka amarəs ɔn, kò nde atof ña Misira fəp kò waŋkəp yelərəm yayəkò yeləsər atof.

21 Kò firawona ewe Musa kò Aruna, k'oloku ña: «Nəkò nəloŋɛ Kanu konu nno atof ñaŋɛ disrɛ.»

22 Kò Musa olukɛ firawona: «Pəntesɛ fê kəyɔ tatəkò, bawo kəloŋɛ nke səŋkəloŋɛ MARIKI Kanu kosu mò, kəloŋɛ kò nke kəyik-yik aka Misira mò teta dinɛ danan, kò səloŋɛ ki fər yaŋan kirin-ε, bafɔ ñandeca-cas su ba?»

23 Mata maas mò səndəkət nde dətɛgbərə a səkəloŋɛ MARIKI Kanu kosu, pəmò təkò ɔŋkəloku su ti mò.»

24 Kò firawona oloku: «Ina kəsak nu k'inder nəkəloŋɛ MARIKI Kanu konu nde dətɛgbərə. Mba ta nəbələ de, nətolanɛn'em!»

25 Kò Musa oloku firawona: «Inkəwur nno ndaram intola MARIKI, alna tuŋ waŋkəp yelərəm yayɛ yəmbələ firawona, amarəs ɔn kò afum ɔn. Mba ta firawona pəgbəkərə sɔ kəyembər su, ta pəfati kəsak aka Yisrayel ñakəloŋɛ MARIKI.»

26 Ntɛ Musa ɔwur ndena firawona mò, k'ontola MARIKI.

27 Kò MARIKI ɔyɔ təkò Musa enaloku kò mò, kò waŋkəp yelərəm yəmbələ firawona, kò afum ɔn, kò amarəs ɔn. Ali awaŋkəp ñin ñenayi fê sɔ Misira.

28 Mba kò firawona ɛntaŋ aləŋəs, owose fê kəsak aka Yisrayel ñakò.

9

Pəcuɣ pa kəcəmət: Docu da yɔcɔl

1 Kò MARIKI oloku Musa: «Məkò məbəp firawona, məkò məloku kò: «Ntɛ tò MARIKI, Kanu ka aHəbərə kəloku: Məsak afum em ñakò ntɛ tɔŋsəŋɛ ñakò ñasalɛn'em mò.»

2 Kò məfati kəsak ña ñakò, məwon sɔ kəsumpər ña sɔ-ε,

3 MARIKI oŋsute yɔcɔl yam kəca nyɛ yeyi dəkulum mò, kəyefê ka fələs kəbəp ka sɔfale, yəkəmɛ kəkò ka nde cəna kò ñkesiya yeyi mò, yendesətɔ arom ñɛɛc.

4 Mba MARIKI endəgbey yɔcɔl ya aka Yisrayel nno yɔcɔl ya aka Misira yeyi mò, ali pɔcɔl pin pɔfɔdefi yɔcɔl ya aka Yisrayel daco.

5 MARIKI ombonc dəsək ndɛ toncop mò, oloku a alna ɔŋyɔ ti atof ña Misira disrɛ.»

⁶ Kɔ MARIKI ɔyɔ ti dɔckɔsɔk. Kɔ yɔcɔl ya aka Misira yefi, ali pɔcɔl pa aka Yisrayel pin penafi fɛ.

⁷ Kɔ firawona osom pakɔ patɛn mes mamɔkɔ. K'anɔkɔ pabɔp ali pɔcɔl pa aka Yisrayel pin penafi fɛ. Mba han tɛm tantɛ firawona ɛntan alɔnas, ɛsak fɛ aka Yisrayel nɔakɔ.

Pɔcuy pa camɔt-tin: Bɛcɛ

⁸ Kɔ MARIKI oloku Musa kɔ Aruna: «Nɔwɛt asum nɔ karɔɔ kɛca pet, Musa pɛlɛm nɔ darenc fɔr ya firawona kirinj.

⁹ Asum nɔnɔkɔ nɛndetɛnɔkɛle kɛfɛl atɔf nɔ Misira fɔp kɛronj. Kɛfɛl kanɔkɔ kɛndesɔnj atɔf nɔ Misira fɔp kɔyɛfɛ afum kɛbɔp ka yɔcɔl pɔkɛfɛr-kɛfɛr mɔpɛ pɛndeyɔnɛ nɔ bɛcɛ mɔ.»

¹⁰ Musa kɔ Aruna nɔwɛt asum nɔ karɔɔ kɔ nɔnɔkɔ nɔbɔp firawona, kɔ Musa ɛlɛm asum nɔnɔkɔ darenc, kɔ nɔsɔnj afum kɔ yɔcɔl bɛcɛ ya arom.

¹¹ Dure aMisira nɔantam fɛ kɛcɛmɛ Musa fɔr kirinj, teta bɛcɛ nyɛ yɛnawur nɔ pɛmɔ tɔkɔ yɛnawur aka Misira fɔp mɔ.

¹² Kɔ MARIKI ɔncɔnjɛs sɔ firawona kɔyɛnjɔk domp, ɛncɔnjɔk fɛ nɔ sɔ pɛmɔ tɔkɔ MARIKI ɛnaloku ti Musa mɔ.

Pɔcuy pa camɔt-mɛrɔnj: Letɔr

¹³ Kɔ MARIKI oloku Musa: «Mɔdɛ mɔyɛfɛ bɔtɔbɔt suy, mɔkɔ mɔmɛntɛrnɛ firawona kirinj. Mɔloku kɔ: «Ntɛ tɔ MARIKI, Kanu ka aHɛbɛrɛ kɛloku: Mɛsak afum ɛm nɔakɔ, nɔsɛlɛn'em.

¹⁴ Bawo tantɛ tanj mɛn'indɛsɔnj pucuy pɛm fɔp, kɔyɛfɛ ka amarɛs am kɛbɔp ka afum am fɔp, ntɛ tɔnjɔnjɛ mɛcɛrɛ a paka mɔpɛ o mɔpɛ powurɛnɛ fɛ kɔ ina doru dandɛ.

¹⁵ Inacɛnc kɛca isut am arom, mɔna kɔ afum am-ɛ, kɔ mɔmɛlkɛ ntɛ doru dandɛ.

¹⁶ Mba isak ɛm kɔ mɔyɛ doru ntɛ tɔsɔnjɛ imɛntɔr ɛm fɛnɔntɔr fem, tɔsɔnjɛ sɔ tɛwɛ tɛm tɛsamsɔr doru fɔp mɔ.

¹⁷ Kɔ mɔmpɛtɛs sɔ afum ɛm, mɛsak fɛ nɔ nɔakɔ-ɛ,

¹⁸ intufɔr aka Misira alna dec dandɛ letɔr dɛlarɛm ndɛ dɛntatɔtuf Misira kɔyɛfɛ dɔsɔk ndɛ moncop mɔ han ndɛkɛl.

¹⁹ Ndɛkɛl ɔnj, mɛsom ndɛ dɛlɛ pakɛrɛ pɔcɔl mɔpɛ o mɔpɛ kɔ daka ndɛ o ndɛ dɔyɔnɛ dam mɔ, letɔr dɛndɛtɔrɔr afum kɔ yɔcɔl fɔp kɛronj nyɛ yɛyɛ dɛlɛ ta alɔnɔka yi dɛkɛl mɔ, yɛndɛfi.»

²⁰ Amarɛs a firawona anjɛ nɔanɛsɛ toloku ta MARIKI mɔ, nɔambɛrɛ acar anjan kɔ yɔcɔl yanjan dɛcɛkɛr katɛna.

²¹ Mba anjɛ nɔanatɔbɛr moloku ma MARIKI dɛbɛkɛc mɔ, nɔsak acar anjan kɔ yɔcɔl yanjan dɛlɛ disrɛ.

²² Kɔ MARIKI oloku Musa: «Mɔpɛnɛ kɛca kam darenc, letɔr dɔtɔr atɔf nɔ Misira disrɛ fɔp, afum kɛronj, yɔcɔl kɛronj kɔ yɛka ya dɛlɛ da Misira kɛronj.»

²³ Kɔ Musa ɛmpɛnɛ kɔgbo kɔn darenc, kɔ MARIKI owurɛ dim da pukulɛ-kulɛ, kɔ letɔr dɔntɔr, kɔ dɛwɛ dɔsɔt antɔf. Kɔ MARIKI ontɔrɛ letɔr dɛntɔf pɔpɔnj.

²⁴ Kɔ letɔr dɔntɔr, nɛnc dɛccɛsɔnjɛ letɔr dɛcɔ. Kɔyɛfɛ ntɛ doru dɛnacɔp mɔ han mɔkɔ, letɔr, afɛkɔ dɛwɛ yɛntatɔr fɛ Misira pɛmɔ dɔsɔk dadɔkɔ.

²⁵ Kɔ letɔr dɔntɔrɔr ca yɔkɔ yɛnɔyɛ dɛlɛ mɔ fɔp, antɔf nɔ Misira fɔp kɔyɛfɛ ka afum kɛbɔp ka yɔcɔl. Kɔ letɔr dɔsɔt sɔ yɛka ya dɛlɛ fɔp, kɔ dɛntɛp-tɛpi sɔ tɔk ya dɛlɛ fɔp.

²⁶ Atɔf nɔ Kosɛnj gbɛcɛrɛm ndɛ aka Yisrayel nɔanɔyɛ mɔ, nɔ letɔr dɛnatɔtɔr.

²⁷ Kó firawona osom pawenε kó Musa kó Aruna k'oloku ña: «Tante tanj, inciya. MARIKI olomp, ina kó afum em sən'eciya.

²⁸ Nətola MARIKI. Pukule-kule kó letər yecəme! Inşak nu nəko, afəsəcəmbərəs nu kəkə.»

²⁹ Kó Musa oloku firawona: «Kó indenawur dare-ε, indepenε waca wem nde MARIKI eyi mə. Pukule-kule pendenasake, letər dəfədenayi, tendesəñ'am kəcəre a doru dandε da MARIKI də.

³⁰ Mba incəre a mənə kó amarəs am, nəfədesənεse MARIKI Kanu.»

³¹ Akotan ηənalenj, pundu pokom letər dənəsəñε yi kələce.

³² Mba mənğben mələma mənələce fε, bawo mi moncwon kəkom, ti tō letər dənətələsəre mi.

³³ Kó Musa owur ndena firawona kó dare disre, kó Musa encencər MARIKI waca. Pukule-kule pa darenc kó letər yəsake, kó wəcafən esak kətuf.

³⁴ Nte firawona ənəjk wəcafən, kó letər yəsak kətuf kó pukule-kule pa darenc pəsake mə, k'əñgbəkəre sə kəciya k'entanj aləñəs, nkən kó amarəs on.

³⁵ Kó firawona eyenjk domp, esak fε aka Yisrayel ηakə, pəmə təkə MARIKI enəsəñε ti Musa kəloku mə.

10

Pəciy pa camət-maas: Cəlanjəma

¹ Kó MARIKI oloku Musa: «Məkə məbəp firawona, bawo in'endesəñε kó kətanj aləñəs, nkən kó amarəs on, nte təsəñε imentər meğbekəre məwey-wey mem fər yanjan kirin mə.

² Nte tendesəñ'am kəsətə təkə mənəde məclokə awut am kó awut-sə am mə, mes mme iyə aMisira, kó meğbekəre məwey-wey mme iwure ndaranjan mə. Tendesəñ'on kəcəre a in'əyənε MARIKI.»

³ Musa kó Aruna ηənkə nde firawona eyi mə, kó ηaloku kó: «Nte tō MARIKI Kanu ka aHebərə kəloku: Ake tēm tō məndesak kəfati kətontnən'em-ε? Məsak afum em ηakəsalen'em.

⁴ Kó məfati kəsak afum em ηakə-ε,alna injkerε cəlanjəma atəf ηam.

⁵ Cəndekump atəf ηam ali antəf ta aηnəjk-ε. Ci cəndesəm yəbəf yelpəs nyε letər desak mə, cəndesəm tək yonə yəkə yeyi kəpəñ nde dəkulum mə fəp.

⁶ Cəndelas wələ wam, wələ wa amarəs am, kó wələ wa aka Misira fəp. Kəyefε awisi aηə kəbəp ka atem am, ali wəkin ənəjk fε towurεnε ta ti hanj məkə.» Kó Musa ember firawona kumunt, k'owur ndəwən.

⁷ Kó amarəs a firawona ηayif kó: «Ake tēm tō fum wəkawε endesak kəyənε su towul-ε? Məsak afum aηε ηakəsalenε MARIKI, Kanu kəñan. Məntacəre fε a Misira meyi kələce ba?»

⁸ K'əñkə sə pawe Musa kó Aruna, kó ηander nno firawona eyi mə. Kó firawona oloku ña: «Nəntam kəkəsalenε MARIKI, Kanu konu. Mba are ηəñkə-ε?»

⁹ Kó Musa oloku kó: «Səñkə kó atəmp asu, atem asu, səñkə kó awut asu arkun kó ayecərə, səñkə kó yəcol yosu yəpəñ kó yefεt, bawo kəsata ka MARIKI kó nno sənə səyi mə.»

¹⁰ Mba kó firawona oloku ña: «MARIKI pəmar nu kó pəyənε icsak nu nəko nəna kó aran anu kó awut anu-ε! Təsək pəs a nəyə məcəm-cəmne mələc!

¹¹ Təfanj tonu təfətam kəkət! Nəna arkun nəko nəsalənε MARIKI, tatəkə tə nəfanj!» K'ambələs ηa firawona fər kirin.

12 Kə MARIKI oloku Musa: «Məcenc kəca atəf ɲa Misira, nte tənɲəɲe cəlanɲəma kəder mə, cəpɛ, cəsəm yika ya dətəf fəp kə yobuk yelpəs nyɛ letər dɛnasak atəf ɲa Misira mə.»

13 Kə Musa encenc kəgbo kən atəf ɲa Misira, kə MARIKI owurɛ afɛf kəyɛfɛ ka ntende dec dɛmpɛ mə, kə afɛf ɲowur Misira dəsək dadəkə fəp pibi kə pəwanɲərə. Dec dendesək, afɛf ɲa ntende dec dɛmpɛ mə ɲɛɲkɛɛ cəlanɲəma.

14 Kə cəlanɲəma cəmpɛ atəf ɲa Misira fəp, kə cəndɛs-dɛs mofo fəp Misira disrɛ. Nte tə doru doncop cəlanɲəma cəntayɛ fɛ pəmə tatəkə, cəfəsəyɛ pəmə ti.

15 Kə cəlanɲəma cəɲkump antəf ɲa Misira fəp, kə cəmbiyəsər antəf. Kə cəsəm yika ya dətəf fəp, kə yokom ya tək fəp, kə ca nɛɛ letər dɛnasak mə fəp. Misira disrɛ fəp anasak fɛ ali pubuk pin pa kətək kə pəyənɛ fɛ ti-ɛ pa ayika ɲa dale.

16 Kə firawona embɛlkər kəwe ka Musa kə Aruna. K'oloku ɲa: «Inciyanɛ MARIKI Kanu konu, k'inciyanɛ sɔ nənə.

17 Ndekəl ɔɲ iletɛn'am mənɲənɛn'em kiciya kem telpəs tante. Nətolan'em nnə MARIKI Kanu konu eyi mə, nte tənɲəɲɛ pəluks'em darəɲ defɛ dandɛ mə.»

18 Kə Musa owur ndena firawona, k'ontola MARIKI.

19 Kə MARIKI ɛɲkafɛli afɛf ɲəpəɲ ɲɲɛ ɲɛnəyɛfɛ kəca nkɛ dec dɛɲkale mə, afɛf ɲaɲəkə ɲɛnafɛlɛrɛnɛ cəlanɲəma cacəkə, kə ɲɛɲkɛkərə ndɛ kəba ka Cəɲkəlma. Ali kəlanɲəma kin afɛf ɲaɲəkə ɲɛnasak fɛ atəf ɲa Misira fəp.

20 Mba kə MARIKI eyɛɲkəs sɔ firawona domp, kə firawona ɛfati kəsak ka aka Yisrayel ɲakə.

Pəcuy pa camət-maɲkəɛ: Kubump

21 Kə MARIKI oloku Musa: «Məcenc kəca kam darenc, kubump kətor atəf ɲa Misira, kubump ka kəwakəs.»

22 Kə Musa encenc kəca kən darenc, kə kubump ka kəwakəs kəntor atəf ɲa Misira fəp haɲ mata maas.

23 Nwɛ o nwe ɛncnəɲk fɛ wəkə, ali fum ɛnctam fɛ kəyɛfɛ dəkɛyɛ dən haɲ mata maas. Mba aka Yisrayel fəp ɲanayə pəwanɲərə ndɛ ɲanayɛ mə.

24 Kə firawona ewe Musa k'oloku kə: «Nəkə nəsalɛnɛ MARIKI! Mba yəcəl yonu yɛfɛt kə yəpəɲ taɲ nəndesak yi nnə, awut anu afɛt afɛt kə aran anu, nəntam kəkəkərə ɲa.»

25 Mba kə Musa oluksɛ kə: «Məna yati, mɛnɛ mədəsəɲ su yəcəl yələma nyɛ səndəkəlɔɲnɛnɛ kə yəkə səndəkəcəfɛ MARIKI Kanu kosu mə.

26 Nte tendɛɲərnɛ ti mə, səndɛkɛnɛnɛ yəcəl yosu ali kəgboro kin səfədesak, bawo yi yə səndəkəwurɛ dacə nyɛ səndəkəlɔɲnɛnɛ MARIKI Kanu kosu. Səntacərə fɛ kərəsna mpe səɲkəlɔɲnɛnɛ MARIKI mə, mɛnɛ səcbɛrɛ dəndo.»

27 Kə MARIKI eyɛɲkəs sɔ firawona domp, firawona ɛnafaj fɛ sɔ kəsak aka Yisrayel ɲakə.

28 Kə firawona oloku Musa: «Məwur nnə nderem! Məkembərnɛ ta inəɲk əm sɔ fər yem kirɲ, dəsək ndɛ o ndɛ mənder sɔ nnə mə, mənfi dəsək dadəkə.»

29 Kə Musa oloku firawona: «Nte məloku ti tatəkə mə, awa! Ifəsəgbəkərə kəder nnə fər yam kirɲ.»

11

Kədəɲk ka pucuy pelpəs

1 Kə MARIKI oloku Musa: «Pəcuy pin gbəɲ p'indəsəɲɛɲər firawona, kə Misira. Kə tencepər-ɛ, endesak nu nəwur dɛ. K'endɛlip kəsak nu a nəkə-ɛ, endəkə haɲ pəcbɛləs nu dɛ few.

² Məmənjəkəs afum am, iletsen'am, a wərkun nwe o nwe kə wəran nwe o nwe njawer ande anjan ca ca gbeti kə kema.»

³ Kə MARIKI dənən aka Yisrayel kəmar ka kəbətər nde fər ya aka Misira kirin. Musa sə yati fum enayi nwe amarəs a firawona kə afum njanaleləs atəf nja Misira mə.

⁴ Kə Musa oloku: Nte tə MARIKI oloku: «Cəkcekana, indenacepər Misira daco.

⁵ Awut acəkək-cəkək fəp nandenafi atəf nja Misira, kəyefe coco ca firawona wəkəkə ende dəcəm dən dabe kəronj mə, hanj kəkəbər coco ca wəmarəs kən wəran wəkə enjbente kə kəcəm mə, kəkə hanj awut acəkək-cəkək fəp a yəcəl.

⁶ Kəbok kəronj kəndeyi Misira, kəbok nke kəntatəyi Misira, a kə kəntəsəyi de mə.

⁷ Mba ndena aka Yisrayel, ali acen nəcədəkul-kulər di kəyefe fum, hanj pəcəl, nte tənşənje nəcərə təkə MARIKI enjbey kəyəcə aka Misira nno aka Yisrayel njayi mə.

⁸ Amarəs am fəp nandeder nətontnen'em nəcloku: «Məna kə afum anje njancəm'am darən mə fəp, nəkə!» Kə tencepər-ε, indewur atəf njanje.» Kə Musa owur nda firawona, pətəle kə pəronj.

⁹ Awa kə MARIKI oloku Musa: «Firawona dəcəkəcənkal nu, nte tənşənje megbəkəre məwey-wey mem mela atəf nja Misira mə.»

¹⁰ Musa kə Aruna njayə megbəkəre məwey-wey mme fəp fər ya firawona kirin. Kə MARIKI eyenjkəs domp da firawona tunj, esak fe aka Yisrayel njawur atəf njon.

12

Kəsata ka Kəcəpər

¹ Kə MARIKI oloku Musa kə Aruna nde atəf nja Misira:

² «Nof njanje njendeyəne nu onj nəcəkək-cəkək nja yof. Nj njendeyəne nu nəcəkək-cəkək nja teren.

³ Nəcloku ti kəlonjkane ka aka Yisrayel fəp, nəcloku nja: Tataka ta wəcə ta nof njanje, wəkombəra o wəkombəra, kə pəyənje fe ti-ε, kələ o kələ njalek anjkesiya njorkun nja teren tin, kə pəyənje fe ti-ε, ambiyofə.

⁴ Kə afum a kələ ka wəkayi disre njampicər pəcəl papəkək-ε, wəkayi pələkene ande ən aka njəltərəne wələ mə, wəkayi pəməmən delay da afum a kələ kən. Nəyerəs pəcəl papəkək, nte nwe o nwe entam kəsəm mə.

⁵ Pəyənje pəcəl porkun pa teren tin mpe pəntəyəcə dolokəp mə. Nəntam kələk anjkesiya njorkun nja teren tin, kə pəyənje fe ti-ε, ambiyofə.

⁶ Nəmənjək pi hanj tataka ta wəcə kə manjkəle ta nof njanje. Fitiri fa dəcək dadəkək, kəlonjkane ka aka Yisrayel fəp njasurene kəfayəs nwe o nwe pəcəl pəkə emenjkərne kədif mə.

⁷ Palək mecir maməkək pasop mi cəsək kə takəronj ta fərəm fa kusunja ka kələ kənkək andesəm sem yayəkək mə.

⁸ Pakakəl sem yayəkək pibi payi, pasəme sem yayəkək cəcəm cətəyəcə lebin kə bəpər yodokət.

⁹ Afəsəm sem yayəkək yogbulpun, kə pəyənje fe ti-ε, papəce yi domun de! Anjakəl yi kəkakəl dəm, kəyefe domp kəbər ka cəgboro cayi, kəkə yedisre ya pəcəl papəkək.

¹⁰ Ali təcəm tin ta nəsak pa dəcəkəsək. Mba kə nəsak təcəm tələmə-ε, dəcəkəsək nəcəf pi.

11 Nte to pamar nalompəsne kəsəm sem yayəko: Nəkotne mabamaba dəfi, nəberne cōfta, nətəmpər mogbo dəwaca. Nəsəm yi katəna katəna. Ti tendeyəne kəsata ka Kəcəpər ka melekə medif teta kələləs ka MARIKI.

12 Pibi pampɛ pender mə, indecepər atəf ɲa Misira disre fəp, idifət awut acəkə-cəkə a atəf ɲa Misira, kəyefe ka nnə afum ɲayi mə haɲ nnə yəcəl yeyi mə, kəbocər k'inder canu ca Misira kiti kələl. In'ofə MARIKI.

13 Mecir maməkə mendekəyone nu tɛgbəkəre ta dəwələ nwe nandekəyi mə: K'indekə icnəɲk mecir-ε, indekə iccepər nu ta intorər nu pələc mpe o mpe pɛɲmələk mə-ε, mpe indekə icsute atəf ɲa Misira mə.

14 Dəsək dadəkə dendeyone nu dəsək dɛcɛm-cɛmne, nədekə nəbocɛ kəsata kaɲkə MARIKI. Nəde nəboc kəsata kaɲkə nətəmpərne sariye sasək dɛtemp donu tɛm o tɛm.»

Kəsata ka kəcom cətəyo lebin

15 «Mata camət-mɛrəɲ disre, nənde nəcsəm cəcom cətəyo lebin. Tataka təcəkə-cəkə, nəwurene lebin nde wələ wonu, bawo nwe o nwe ɲəsəm kəcom kəyo lebin mə, kəyefe tataka təcəkə-cəkə haɲ tataka ta camət-mɛrəɲ ta kəsata kaɲkə, aɲwure wəkayi afum aka Yisrayel daco.

16 Tataka təcəkə-cəkə kə tataka ta camət-mɛrəɲ nəde nəwe kəlɔɲkanɛ kəsoku teta kələləs ina MARIKI. Ali yebəc ta fum pəsumpər dəsək dadəkə mɛrəɲ, mɛne yeri yonu yedi gbəcərəm yə nəɲlompəs dəsək dadəkə nyɛ nwe o nwe entam kədi mə.»

17 «Nəbocɛ kəsata ka Cəcom cətəyo lebin, bawo dəsək dadəkə yati d'inawurene afum anu atəf ɲa Misira dəcɔr dəcɔr. Nəde nəboc kəsata kaɲkə tɛm o tɛm dɛtemp kə dɛtemp.

18 ɲof ɲəcəkə-cəkə tataka ta wəco kə maɲkələ (14) tayi dec dərɔfɔy, nəsəm cəcom cətəɲkəl lebin haɲ tataka ta wəco mɛrəɲ kə tin (21) dec dərɔfɔy.

19 Mata camət-mɛrəɲ mɛne disre, pamar fɛ pabəp lebin nde wələ wonu disre. Nwe o nwe ɲəsəm kəcom kənəɲkəl lebin mə, aɲwure wəkayi kəlɔɲkanɛ ka aka Yisrayel daco, pəyone wəka Yisrayel, pəmə wəcikəra.

20 Ta nəsəm mpe o mpe pəyo lebin mə. Cəcom cətəɲkəl lebin gbəcərəm cə nantam kəsəm, nnə o nnə nənde mə.»

Kəsata ka Kəcəpər kəcəkə-cəkə

21 Kə Musa ewe abeki a Yisrayel fəp, k'oloku ɲa: «Nəkə nələk ɲkesiya, kə pəyone fɛ ti-ε cir kələ o kələ pəcəl pin teta kəcəpər ka melekə medif, nəfayəs yi. Nəsə mələl mecir maməkə mɛberɛ mi.

22 Nələk sɔ lɛ ya hisəp nəcgbət yi dəmecir ma polɔɲne məkə meyi dətəbəl mə, nəcsopət mi dəfərəm fa cumba ca cusuɲka cəsək kə takəroɲ ta wələ wonu. Kə nənə daco ali fum ta pəwur nde kələ kən haɲ dec dəsək.

23 Nte MARIKI endenanəɲkər Misira kəsute ɲa pələc mə, k'ɛnəɲk mecir maməkə nde fərəm fa cusuɲka ca wələ wonu-ε, MARIKI encepər kəcəpər dəm wələ wonu kəroɲ, ofəsək wəmələk kə pələc pən kəberɛ wələ wonu.

24 Nəde nəmɛɲkərne ti, təyone oɲ sariye sa mənə kə yuruya yam doru o doru.

25 Kə nandekə nde atəf ɲɲɛ MARIKI endekəsəɲ nu mə, pəmə təkə oloku ti mə-ε, nədekə nəmɛɲkərne tokor-koru tante.

26 Kə awut anu ɲandekəyif nu: «Cəke cə təyo tokur tante toloku-ε?»

27 Nəloku ɲa: «Kəlɔɲne ka kəcɛm-cɛməs nte MARIKI ɛnəcepər wələ wa aka Yisrayel dəndo Misira nte oncsute Misira pələc, pəcyay wələ wosu mə.» K'aka Yisrayel ɲantontnɛne MARIKI, kə ɲancəpɛ kə suwu.

28 Nte tatəkə tencepər mə, k'aka Yisrayel ɲasumpər dəpə, kə ɲaɲkə. Kə ɲayo tatəkə MARIKI ɛnasom Musa kə Aruna mə.

Pacyu pelpas: Defi da awut acoko-coko a Misira

²⁹ Cekcek cãdebãp, kã MARIKI endifãt awut acoko-coko fãp nde atãf ña Misira, kãyefẽ ka wan ka firawona wãcoko-coko nwe enandẽ dacãm dãn dabẽ mã, han wan wãcoko-coko wãka fum nwe osumpãr k'ember dãbili mã, kãbãp ka awut acoko-coko a yãcãl fãp.

³⁰ Kã firawona eyefẽ pibi, nkãn kã amarãs ɔn, kãbãp ka aka Misira fãp, bawo kãlã kanayi fẽ nkẽ kanatãyo wãfi mã.

³¹ Pibi disrẽ kã firawona ewe Musa kã Aruna, k'oloku ña: «Nãyefẽ nãwur afum em dacã, nãna k'aka Yisrayel fãp! Nãkã nãsalenẽ MARIKI pãmã tãkã nãluku ti mã.

³² Nãkenenẽ yãcãl yonu pãmã tãkã nãluku ti mã. Nãkã! Nãtolan'em sã!»

³³ Aka Misira ñancbelkãr aka Yisrayel kãwur ka dãtãf bawo ñanclokũ: «Kãfi kã sãnder fãp!»

³⁴ K'aka Yisrayel ñalẽkenẽ cãcom cãñan ta lebin dentakãfãs ci-ẽ. Kã ñangbanãsnẽ yãnkãtẽ yanjan cãcom pãfãktãr yi dãyamos yanjan.

³⁵ K'aka Yisrayel ñayã tãkã Musa enaloku ña mã: Kã ñantola aka Misira ca ca gbeti, ya kãma, kã yamos.

³⁶ Kã MARIKI ɔsãñ aka Yisrayel kãmar ka kãbãtãr nde fãr ya aka Misira, kã akakã ñasãñ aka Yisrayel ca cãkã ñanãfanãr ña mã. Ti disrẽ kã ñãfãñãt aka Misira.

³⁷ K'aka Yisrayel ñayefẽ Ramses kãkã ka Sukot, kãnay k'asãdar kãnatãm kãyi arkun wul masar camãt-tin (600.000) ta alãm awut k'aran anjan-ẽ.

³⁸ Acikãra alõma ñananõñkãlenẽ aka Yisrayel kãkã. Ñãsolenẽ yãcãl yefẽt kã yãpõñ yanjan yelãrãm.

³⁹ Kã ñãlompse biskit bõtãnõñkãl lebin ambefẽ ñãkã ñãnanãyefenẽ Misira mã. Kãmbefẽ kanãkã kãnãpẽ fẽ bawo anãnanõñkãl fẽ ki lebin. Ntẽ anabelãs ña Misira mã, ñãnatãm fẽ kãkar kãlompãsnẽ ñãdãmnẽ yeri ya dãpã.

⁴⁰ Kãndẽ ka aka Yisrayel Misira kãnawon meren masar mãñkãlẽ kã wãco maas (430).

⁴¹ Dãsãk nde meren mme masar mãñkãlẽ kã wãco maas (430) melip mã, dãsãk dadãkã yati dã afum a MARIKI fãp ñãwur Misira dãcor dãcor.

⁴² Pibi papãkã camcam MARIKI enãcepãrenẽ pi kãwurenẽ aka Yisrayel atãf ña Misira, pãmar pibi papãkã pãyõnẽ aka Yisrayel pãmerãkãrnẽ dẽtemp kã dẽtemp kãtãdirẽnẽ feta MARIKI, tendeyõnẽ ña ɔñ tãyo tanjan tokur ta doru o doru.

Sariye sãbocẽ kãsata ka Pak

⁴³ Kã MARIKI oloku Musa kã Aruna: «Ntẽ tã sariyẽ sa kãsata ka kãcẽm-cẽmãs ka Kãcepãr ka mẽlẽkẽ medif sãlõku: Ali wãcikãra ta pãdẽ pãcãdi yeri yayãkã.

⁴⁴ Wãcar nwe awayẽ pãsam mã, entãm kãdi yeri yonu, kã pãyõnẽ a anãkãnc kã-ẽ.

⁴⁵ Amõnẽ wãcikãra wãcepãr kã wãbãc nwe anãñãñ kãway mã kãdi yi.

⁴⁶ Sãm yayãkã dẽkẽr anãñãm yi, afãkẽkãrẽ yi kãfo kãcũru, ali kãbẽnt kin ta papõr-põru.

⁴⁷ Kãlõñkanẽ ka aka Yisrayel fãp ñãmboc kãsata kanãkã.

⁴⁸ Mãnã wãcikãra nwe mãfan kãbocẽ MARIKI kãsata kanãkã mã, mẽnẽ arkun a kãlã kãn disrẽ fãp, pakãnc ña. Wãkãyi entãm kãlõtãrnẽ kãsata, pãyi kã pãmã wãka Yisrayel. Mba wãtãkãnc nwe o nwe ɔfãñãm sãm yayãkã.

⁴⁹ Tẽtãkẽ tin tatãkã t'ambõncãr wãYisrayel yati kã wãcikãra nwe eyi nu dacã mã.»

⁵⁰ K'aka Yisrayel ñãsurenẽ kãyo tãkã MARIKI enãsom Musa kã Aruna mã.

51 Dɔsɔk dadɔkɔ dɔ MARIKI ɛnawurɛnɛ aka Yisrayel atɔf ɲa Misira, pɛcɛk ɲa cɛgba cɛɲan dɛcor dɛcor.

13

Metakas mɔlɔma ma Pak

1 Kɔ MARIKI oloku Musa:

2 «Nɛpus'em awut acɔkɔ-cɔkɔ fɔp, pɛyɔnɛ aka afum, pɛyɔnɛ aka yɔcɔl, nwe o nwe ɔyɔnɛ wan ka kɛrɛ wɔcɔkɔ-cɔkɔ aka Yisrayel daco, wɔkɛmi ɔfɔ.»

3 Kɔ Musa oloku afum: «Nɛde nɛccɛm-cɛmnɛ dɔsɔk ndɛ nɛwur atɔf ɲa Misira, ndɛ nɛnayɔnɛ acar mɔ, bawo sɔkɛt sa kɛca ka nkɔn MARIKI sɛnawurɛnɛ nu di. Ti disrɛ ta pasɔm paka o paka pɔnɔɲkɛl lebin.

4 Nɛɲwur mɔkɔ ɲof ɲa Abib*.

5 Tɛm ntɛ MARIKI endekɔbɛrs'am atɔf ɲa Kanan, nda aHit, nda Amɔr, nda aHiwy, nda aYebus, atɔf ɲɛ ɲombɔɲ dɛlɛ k'awop mɔ, ɲɛ MARIKI ɛnadɛrme atem anu kɛsɔɲ ɛm mɔ, mɛdekɔ mɛcbocɛ MARIKI kɛsata kanɲɛ ɲof ɲaɲɛ.

6 Mata camɛt-mɛrɛɲ mɛcsɔm kɛcom cɛtɔnɔɲkɛl lebin. Tataka ta camɛt-mɛrɛɲ mɛcbocɛ MARIKI kɛsata.

7 Cɛcom cɛtɔnɔɲkɛl lebin c'andekɔ pacɔm mata mamɔkɔ camɛt-mɛrɛɲ. Pɛmar fɛ padɛkɔ pacnɔɲk nda nwe o nwe daka o daka dɔnɔɲkɛl lebin, pɛmar fɛ yati padɛkɔ sɔ pacnɔɲk ndaram lebin, atɔf ɲam disrɛ fɔp.»

8 «Dɔsɔk dadɔkɔ mɛdɛ mɔloku wan kam ntɛ: «Tɛta tɔkɔ MARIKI ɛnayɔn'em ntɛ incwur Misira mɔ.»

9 Tendeyɔnɛ nu tɛgbɛkɛrɛ kɛca kam kɛrɔɲ kɔ tɛcɛmɛmɛs ta fɔr yam, tɔsɔɲɛ mɛtakɛ ma MARIKI mey'am dɛkusu, bawo kɛca ka sɔkɛt kɔ MARIKI ɛnawurɛn'am Misira.

10 Tataka tantɛ ombɔnc mɔ tɔ mɛndɛ mɛcboc ɔɲ kɛsata kɔn, kɛrɛn o kɛrɛn.»

11 «Kɔ MARIKI endekɔbɛrs'am Kanan, pɛsɔɲ ɛm di, pɛmɔ tɔkɔ ɛndɛrm'am ti kɔ atem am mɔ,

12 mɛdɛ mɛcsɔɲ nwe o nwe ɔyɔnɛ wan wɛrkun wɔcɔkɔ-cɔkɔ wɛka wɛran, kɔ awut acɔkɔ-cɔkɔ a yɔcɔl yam. Arkun akɔ, MARIKI ɔyɔ ɲa.

13 Kɔ pɛyɔnɛ a wan wɔcɔkɔ-cɔkɔ wɛka sɔfale ɔfɔ-ɛ, mɛwurusɛ si anɲɛsiya, kɔ pɛyɔnɛ fɛ ti-ɛ, ambiyɔfo. Kɔ mɛntɔwurus si-ɛ, mɛtɛpi sɔfale sasɔkɔ kilim. Mɛwurus sɔ awut arkun acɔkɔ-cɔkɔ a afum.

14 Alna kɔ wan kam endeyif ɛm: «Cɛkɛ cɔ tantɛ tolɔku-ɛ?», mɔloku kɔ: «Sɔkɛt sa kɛca sɔ MARIKI ɛnawurɛnɛ su Misira, ndɛ atɔf ɲɛ sɛnayɔnɛ acar mɔ.

15 Ntɛ firawɔna ɛncfati kɛsak su sɛkɔ mɔ, kɔ MARIKI endifɛt awut acɔkɔ-cɔkɔ fɔp atɔf ɲa Misira, kɛyɛfɛ ka awut acɔkɔ-cɔkɔ a afum han awut acɔkɔ-cɔkɔ a yɔcɔl. Ti tɔsɔɲɛ ntɛ inɲɔɲnɛ MARIKI pɔcɔl pɔrkun mɛpɛ o mɛpɛ pɛyɔnɛ pɔcɔkɔ-cɔkɔ pa kɛrɛ ka pi mɔ, icwurur awut ɛm arkun acɔkɔ-cɔkɔ.»

16 Tendeyɔn'am tɛgbɛkɛrɛ kɛca kam kɛrɔɲ kɔ tafɛc mɛpɛ anɲɔt ɛm dɛtɔbu fɔr yam daco mɔ, bawo sɔkɛt sa kɛca sɔ MARIKI ɛnawurɛnɛ su Misira.»

Kanu kɛsolɛ afum ɔn kɔkɔ

17 Ntɛ firawɔna ɛsak aka Yisrayel ɲakɔ mɔ, Kanu kɛsolnɛnɛ fɛ ɲa dɔpɔ da atɔf ɲa aFilisti, ali ntɛ pɛnayɔnɛ a dɔpɔ dadɔkɔ dɔlɔtɛrɛnɛ mɔ. Bawo Kanu kɛnalokunɛ: «K'aka Yisrayel ɲanɔɲk kɛwan-ɛ, ɲaɲaɲnɛ telɔr kɛwur kɛɲan Misira, tɔsɔɲɛ ɲa sɔ kɛluksɛrɛnɛ di.»

18 Kɔ Kanu kɛnɔɲkɛrɛnɛ aka Yisrayel kɛca ka dɔpɔ da dɛtɛgbɛrɛ, ntɛndɛ kɛba ka Cɛɲkɔlma. Aka Yisrayel ɲanawur atɔf ɲa Misira ɲalompɛsnɛ cɛkɛwan.

* 13:4 Nɔf ɲa Abib = «Tɛm ta Lɛɲkɔ»

19 Kɔ Musa eɛkɛnɛ bent ya Isifu, bawo Isifu enasɔŋɛ awut a Yisrayel kɛɛram, pɛɓloku: «Kɔ Kanu kɛndemar nu-ɛ, nɛnde nɛmitɛnɛ bent yem, nɛkɛkɛɛ.»

20 K'aka Yisrayel ŋayɛfɛ Sukot, kɔ ŋaŋkɔ ŋacɛmbɔr saŋka sɔŋan Etam, ntende teɓbɛɛ dɛkusu.

21 MARIKI ɔnckɔt kɔ ŋa, dan pɛkɔtɛnɛ ŋa kɔ acul ŋa kɛp nte tɔŋsɔŋɛ ŋa kɛsolnɛ dɔpɔ mɔ, kɔ pibi pɛmot pa acul ŋa nɛnc pɔsɔŋ ŋa pɔwanjɛra, tɔŋsɔŋɛ ŋa kɛtam kɛkɔt dan kɔ pibi.

22 Acul ŋa kɛp ŋenclɛŋɛ fɛ aka Yisrayel fɔr kirin dan, acul ŋa pɛmot pa nɛnc ŋenclɛŋɛ fɛ ŋa sɔ fɔr kirin pibi.

14

Firawona ɛyɛfɛ kɛbɛlɛs aka Yisrayel

1 Kɔ MARIKI oloku Musa:

2 «Mɛloku aka Yisrayel a ŋaluksɛrnɛ nader ŋacɛmbɔr saŋka sɔŋan nde Pi Hirɔt tekirin, Mikɛdɔl kɔ kɛba dɛɓɔ, ŋatɛfɛrnɛ Bal Cefɔŋ. Kɛfo kanjɔ tekirin kɔ nɛŋkɔcɛmbɔr saŋka kɛba kɛsɛk.

3 Firawona ɔŋkɔ pɛɓloke aYisrayel: «Kɛyara-yara kɔ ŋande dɔtɔf, pɛnciyɛnɛ ŋa, teɓbɛɛ tendi ŋa!»

4 Indeyɛŋkɛs firawona domp, endecɛmɛ ŋa darɔŋ kɛbɛlɛs. Ti disrɛ, indesɔtɔ kɛyɛk-yekɛs dɛmɔyɔ mmɛ indeyɔ firawona kɔ asɔdar ɔn fɛp mɔ, aka Misira ŋandecɛrɛ a in'ɔyɔnɛ MARIKI.» K'aka Yisrayel ŋayɔ ti.

5 K'anjɔ paloku wɛbɛ wɛMisira a aka Yisrayel ŋayɛksɛ. K'abɛkɛc ŋa firawona kɔ amaras ɔn yɛŋkafɛlɛ sɔ teta aka Yisrayel. ŋayifɛnɛ: «Cɛkɛ cɔ sɔnɔyɔ tantɛ kɛsak aka Yisrayel ŋakɔ-ɛ? Sɔŋɓal abɛcɛ asu!»

6 Kɔ firawona osom a pasektɔr abil ŋɔn ŋa dɛkɛwan, k'osole asɔdar ɔn kɔ ŋaŋkɔ.

7 Kɔ firawona eɛkɛ cibil ca dɛkɛwan cɛtɔt masar camɔt-tin (600), kɔ cibil ca dɛkɛwan ca Misira cɛlpɛs, abɛ asɔdar ŋanayi ci kɛrɔŋ.

8 Kɔ MARIKI eyɛŋkɛs domp da firawona wɛbɛ ka Misira: k'ɛncɛmɛ aka Yisrayel darɔŋ kɛbɛlɛs, mba aka Yisrayel ŋananɛc sɛbomp kɛwur atɔf ŋa Misira.

9 K'aka Misira ŋancɛmɛ aka Yisrayel darɔŋ kɛbɛlɛs: Fɛlɛs ya firawona fɛp kɔ cibil cɔn ca dɛkɛwan, kɛbɔp ka ayɛksɛnɛ ɔn fɛlɛs, kɛkɔ ka asɔdar ɔn, kɔ ŋaŋkɔ ŋabɔp aka Yisrayel nde Pi Hirɔt ntende kɛba kɛsɛk nde ŋanacɛmbɔr saŋka ŋatɛfɛrɛnɛ Bal Cefɔŋ mɔ.

10 Nte firawona ɔnclɔtɛrnɛ mɔ, aka Yisrayel ŋandeyɛkti fɔr, apayɔ! kɔ ŋanɛŋkɛ aka Misira ŋancɛmɛ ŋa darɔŋ kɛbɛlɛs. K'aka Yisrayel ŋanesɛ pɛpɔŋ, kɔ ŋaŋkule-kule MARIKI.

11 K'aka Yisrayel ŋaloku Musa: «Cufu cɛla fɛ Misira nte mɛŋkɛrɛ su kɛdedif nnɔ dɛteɓbɛɛ mɔ ba? Cɛkɛ cɔ mɛŋyɔ su tantɛ-ɛ, mɛwurene su Misira mɔ?»

12 Bafɔ sɛnalok'am Misira: «Mɛcɛ su sɛbɛcɛ aka Misira, bawo kɛbɛcɛ ka aMisira kɛncɛpɛr su kɛfi nnɔ dɛteɓbɛɛ!»

13 Kɔ Musa oloku aka Yisrayel: «Ta nɛnesɛ, nɛcɛmɛ gbiŋ, nɛgbɔtɛnɛ nte MARIKI endeyɛc nu mɔkɔ mɔ, bawo aka Misira akanɛ nɛŋgbɔtɛnɛ mɔkɔ mɔ, nɛfɔsɔnɛŋkɛ ŋa few.

14 MARIKI endesutɛnɛ nu, kɔ nɔna, nɛnde nɛcanjɔ.»

Kanu kɛwurene kɔn dɔpɔ kɛba disrɛ

15 Kɔ MARIKI oloku Musa: «Ta ake tɔ mɛŋkul-kulɛn'em-ɛ? Mɛloku aka Yisrayel ŋasolnɛ dɔpɔ danjan darɔŋ tunj kɛkɔ.

16 Kə mənə Musa məyektı kəgbo kam, məcenc ki dəkəba, məgberi ki. Aka Yisrayel ɲəkət kəba disre antəf ɲowosu kəronj.

17 Kə ina MARIKI, kəyənəkəs k'inder səbomp s'aka Misira, nte tənşəne ɲacəme nu darəŋ kəbeləs mə. Difo indeyek-yekəsne ne kələsər firawona, asədar ɲn fəp, cibil cən ca dəkəwan, k'ayeksene a ci.

18 Tem tatəkə, aka Misira ɲandecəre a in'əyənə MARIKI, k'indeyek-yekəsne ne firawona, kə cibil cən ca dəkəwan k'ayeksene ɲn fələs.»

19 Mələke ma Kanu mme mencyi asədar aka Yisrayel tekirinj mə, məŋkə məcəme asədar aka Yisrayel tadarəŋ, acul ɲa kəp ɲɲe ɲencyi ɲa tekirinj mə, ɲi sə kə ɲəŋkə ɲa tadarəŋ.

20 K'acul ɲa kəp ɲəŋkə ɲeyi asədar aka Yisrayel k'asədar aka Misira dacə. Acul ɲa kəp ɲɲe ɲəncsəŋ pibi kəsək k'aka Misira, kəsək ka məraŋ ɲəcsəŋ aka Yisrayel pəwanəkəra pibi disre. Pibi papəkə disre fəp, aka Yisrayel kə aka Misira ɲanalətərene fe.

21 Kə Musa entenci kəca kən dəkəba, kə MARIKI owure afef ɲəpəŋ ɲɲe ɲencyefe kəca nke dec dəmpre mə. Kə ɲewen pibi papəkə fəp domun da dəkəba kə ɲowosəs kəba, kə domun degbeyene.

22 K'aka Yisrayel ɲantor dəkəba antəf ɲowosu, kə domun deyi kəca kətət kə kəmeriya pəmə biŋkəli.

23 K'aka Misira ɲancəme aka Yisrayel darəŋ kəbeləs kəyefe fələs ya firawona kəbər cibil cən ca dəkəwan, kəkə ka ayeksene ɲn fələs, fəp faŋan kə ɲantor dəkəba.

24 Dəsəkə deləpəs kə MARIKI ontore fər, k'əməmən asədar aka Misira pəyi acul ɲa nenc kə ɲa kəp disre, k'osute asədar aka Misira pəyamayama.

25 Kə MARIKI eyamsər səntef sa cibil ca dəkəwan ca aka Misira kəkafələ belbel, kə təsəŋe ci kəyelne kəkət. K'aka Misira ɲaloku: «Payekse pamulpər aka Yisrayel, bawo MARIKI eyi kəsutne ne ɲa nənə aka Misira ɲayi mə!»

26 Kə MARIKI oloku Musa: «Məcenc kəca kam dəkəba, domun degbəpərne aka Misira, kəyefe ka cibil cəŋan ca dəkəwan kəbər ka ayeksene fələs ɲan.»

27 Kə Musa encenc kəca kən dəkəba, dəsəkə deləpəs kə kəba kəlüksərne təkə kənayi mə. Aka Misira ɲanayi kəyeksər kəba, mba kə MARIKI eŋgbəpər ɲa domun.

28 Kə domun dender kə deŋgbəpərne cibil cəŋan ca dəkəwan, kə ayeksene fələs kə asədar a firawona fəp, aŋe ɲanator dəkəba kəcəpse ka aka Yisrayel mə. Ali wəkin enamulpe fe.

29 Mba aka Yisrayel ɲa ɲəkət kəba disre antəf ɲowos fər. Domun deyi ɲa kəca kətət kə kəmeriya pəmə biŋkəli.

30 Dəsək dadəkə də MARIKI enabaŋ aka Yisrayel aMisira dəwaca. K'aka Yisrayel ɲanəŋkə aka Misira ɲafis-fis daparpara.

31 K'aka Yisrayel ɲanəŋkə fənəntər nfe MARIKI enasute aka Misira mə. K'aka Yisrayel ɲanese MARIKI, kə ɲalaŋ MARIKI kə Musa wəmarəs kən.

15

Telen ta Musa kə aka Yisrayel

1 Nte tencepər mə, Musa k'aka Yisrayel ɲalenşə MARIKI telenj nte:
«Indelenşə MARIKI

bawo enamentər debeki da kətam kən:
Eŋgbal afələs kə wəyeksene ka ɲi dəkəba.

2 MARIKI əyənə səkət sem kə telenj tem,
Nkən əyənə wəyac kem.

Kanu kem kə, indeyek-yekəs kə.

Kanu ka papa kem kə,
indekor-koru debeki dən.

³ MARIKI korgba kə! Tewe tən təyənə MARIKI.

⁴ Eləm dəkəba cibil ca dəkəwan ca firawona kə kənay kən k'asədar.
Asədar abanşə aMisira,
anakal ɲa nde kəba ka Cəŋkəlma.

⁵ Kə putukum pa kəba pəŋgbəpərne ɲa, kə ɲantor kəba dəntəf pəmə masar.

⁶ Kəca kam kətət, MARIKI, kəyə fənəntər fəwey-wey! Kəca kam kətət, MARIKI,
kəmputuk wəterene kam.

⁷ Debeki da dəbe dam dəsənə kəyət aɲe ɲancəm'am dəbəkəc mə.

Kə məwure mətələ mam-ε:

Mendi ɲa pəmə nte nenc dendi tuktukur ya məmpələ mə.

⁸ Kifir k'aloləm ɲam gbəcərəm kəsənə domun da dəkəba kəgbeyene,
kə yam yencəmə pəmə biŋkəli,
kə domun da kəba dəntəf dəncəp.

⁹ Wəterene kosu oncloku: «Kəbələs ɲa k'inder, isumpər ɲa!

Ibanər ɲa ca cəɲan pəmə təkə pəncəpərər kəbət im mə.

Kəwure k'inder dakma, iməlke ɲa kəca kem!»

¹⁰ Kə məfurup,

kə kəba kəŋkal ɲa,

kə ɲaŋkalə pəmə nte tomunt pəgbələŋ pontor domun da dəkəba dəwey-wey
disre mə.

¹¹ Canu cəyi fe nce cəntəɲnəne kə mənə MARIKI mə!

An'eyi pəmə mənə, dosoku dam dəmbək, dəyə weywey,

nwe pəmar a pakor-koru mə,

mənə nwe məɲyə mes mme moɲwosəs kusu mə?

¹² Məntenci kəca kam kətət gbəcərəm,

kə antəf ɲendi ɲa.

¹³ Kəsəktərne kam danapa kə məŋkətene afum am akanə mənawurus mə,

fənəntər fam fə mändesole ɲa,

məliɲərne ɲa nde dəkiyi dam dosoku.

¹⁴ Nte ande asu ɲane ti mə, kə ɲayikce.

Kə kənese kəpən kəsumpər afum aka Filisti.

¹⁵ Ayekyek ɲosumpər abe a atəf ɲa Edəm,

kə kəyikce kəsumpər afum akirin ɲa Mohab,

kə bəkəc yelce-lece aka Kanan ɲəp.

¹⁶ Kənese kə ayekyek ɲontorər ɲa.

Debeki da kəca kam, dənasənə ɲa kəcaŋk pəmə tasar

haɲ afum am ɲaclip kəcepər, MARIKI, haɲ afum aɲe mənaway mə ɲaclip
kəcepər.

¹⁷ Mədə məkekəre ɲa məkə mədəs

nde tərə kəron ɲəp məsən ɲa ke mə,

kəfo kaŋkə mənalompəs dəkiyi dam mə, MARIKI,

dəndo kəfo kəsoku kaŋkə mənacəmbərə, Mariki, waca wam mə.

¹⁸ MARIKI əntəmpər dəbe doru o doru.

¹⁹ Bawo fələs ya firawona kə cibil cən ca dəkəwan kə ayeksene fələs ən
ɲantəmpəne dəkəba.

Kə MARIKI eɲgbəpər ɲa domun da dəkəba,

mba aYisrayel ɲaŋkət antəf ɲowosu kəba daco, wəcək waɲan wowos fər.»

²⁰ Kɔ sayibɛ Miriyam, wɛkirɛ ka Aruna elek tamba, kɔ aran aYisrayel fɛp ɲancɛmɛ kɔ darɛɲ, ɲacpise ɲacfer mamba.

²¹ Kɔ Miriyam olukse ɲa:
«Nɛlɛɲsɛ MARIKI, bawo ɛnamentɔr debeki da kɛtam kɔn.
Elɛm dɛkɛba afɛles kɔ wɛyɛksɛnɛ ka ɲi.»

Aka Yisrayel kɛkɔt kɛɲan dɛtegbɛrɛ

15-18

Domun da Mara

²² Kɔ Musa ɔsɔɲɛ aka Yisrayel kɛyɛfɛ kɛba ka Cɛɲkɔlma, k'osolnɛnɛ ɲa dɔpɔ da teɲbɛrɛ ta Sur. Kɔ ɲaɲkɔt mata maas dɛtegbɛrɛ, ɲasɔtɔ fɛ domun.

²³ Kɔ ɲambɛrɛ Mara, mba ɲanatam fɛ kɛmun domun da Mara, bawo dɛnadoktɛ. Ti tɔ awɛnɛ di tɛwɛ ta Mara «pɛdɔkɔt».

²⁴ K'aka Yisrayel ɲancɔp kɛcɔpɛnɛ-cɔpɛnɛ nnɔ Musa eyi mɔ, ɲaclɔku: «Ake andemun-ɛ?»

²⁵ Kɔ Musa ɔɲkɔrnɛ MARIKI, kɔ MARIKI ɛmentɔr kɔ kɛtɔk nɛɛ ɛnalɛm dɛromun mɔ, kɔ domun dadɔkɔ dɔyɔnɛ dobotu. Difɔ MARIKI ɛnasɔɲ aka Yisrayel sariyɛ kɔ tɔyɔ tokur tɔkɔ ɲande ɲacyɔ doru o doru mɔ. Dɛndɔ MARIKI ɛnawakɛs kɛlanɲ kɛɲan.

²⁶ Kɔ Musa oluku: «Kɔ mɛncɛɲkɛl belbel dim da MARIKI Kanu kam, kɔ mɛyɔ nte tentɛsɛ MARIKI fɔr kirinɲ mɔ, mɛsu lɛɲɔs mɛcɛɲkɛl mosom mɔn kɔ mɛmɛɲkɛrnɛ sariyɛ sɔn fɛp-ɛ, ali docu din ifɔsɔɲ ɛm ndɛ isɔɲ aka Misira mɔ. In'ɔfɔ MARIKI, nwe ɛntamɛs ɛm mɔ.»

²⁷ K'aka Yisrayel ɲaɲkɔ ɲabɛrɛ Elim ndɛ cɛlɛmp wɛcɔ kɔ mɛrɛɲ (12) cɛnayi kɔ komp wɛcɔ camɛt-mɛrɛɲ (70) mɔ. Kɔ ɲacɛmbɛr sɛɲka sɛɲan dɛndɔ domun kɛsɛk.

16

Yeri ya man kɔ bakɔrnɛ

¹ Kɔ kɛlɔɲkanɛ ka aka Yisrayel fɛp kɛyɛfɛ Elim kɔ ɲaɲkɔ ɲabɛrɛ teɲbɛrɛ ta Sin, mɛpɛ pɛyi Elim kɔ Sinayi dacɔ mɔ, tataka ta wɛcɔ kɔ kɛcamɛt ta ɲɔf ɲa mɛrɛɲ ɲɲɛ ɲayɛfɛ Misira mɔ.

² Awa kɔ kɛlɔɲkanɛ ka aka Yisrayel fɛp ɲancɔp kɛcɔpɛnɛ-cɔpɛnɛ dɛndɔ dɛtegbɛrɛ nnɔ Musa kɔ Aruna ɲayi mɔ.

³ Kɔ aka Yisrayel ɲalɔku ɲa: «Ah! Ali MARIKI ɛnadifte su kɛca kɔn Misira, nte sɛnande carɔrɔ ca sɛm kɛsɛk mɔ, nte sɛncɛsɔm cɛcom haɲ sɛnɛmbɛrɛ mɔ! Kɛdifte ka kɛlɔɲkanɛ kanɲɛ fɛp dor kɔ nɛwureɛnɛ su kɛdesak teɲbɛrɛ tantɛ!»

⁴ Kɔ MARIKI oluku Musa: «Kɛtufɛr nu k'inder cɛcom kɛyɛfɛ ka darenɛ. Afum ɲande ɲacwur ɲacwɛtɛs dɔsɔk o dɔsɔk nɛɛ ɲantam kɛsɔm dɔsɔk mɔ, tɛm tatɔkɔ indɛwakɛs ɲa ɛcɛrɛ kɔ pɛyɔnɛ ɲancɛmɛ mɛtɔkɛ mem darɛɲ-ɛ.

⁵ Tataka ta camɛt-tin, kɔ ɲandelompɛs yɔkɔ ɲawɛtɛs mɔ, nɛndɛsɔtɔ kɛmɛrɛɲ ka yeri ya dɔsɔk o dɔsɔk.»

⁶ Musa kɔ Aruna ɲalɔku aka Yisrayel fɛp: «Dɔfɔyana, nɛndenacɛrɛ a MARIKI ɛnawureɛnɛ nu atɔf ɲa Misira.

⁷ Bɛtɛbatana, nɛndenanaɲk nɔrɔ da debeki da MARIKI, bawo ɛnɛ kɛcɔpɛnɛ konu nnɔ nkɔn MARIKI eyi mɔ. Kɔ sɛna, ake sɛyɔnɛ nte nɛndɛcɔpɛnɛ nnɔ sɛyi mɔ-ɛ?»

⁸ Kɔ Musa oluku: «MARIKI ɛndenasɔɲ nu mɔkɔ dɔfɔy sɛm yɔsɔm, bɛtɛbatana cɛcom nɛɛ nɛndɛsɔm haɲ nɛnɛmbɛrɛ mɔ. Kɔ MARIKI ɛnɛ kɛcɔpɛnɛ nɛɛ nɛncɔpɛnɛ nnɔ eyi mɔ. Kɔ sɛna ake sɛyɔnɛ-ɛ? Bafɔ nnɔ sɛyi mɔ nɛncɔpɛnɛ, mba nnɔ MARIKI eyi mɔ.»

⁹ Kò Musa oloku Aruna: «Màloku kàlonkane ka aka Yisrayel: Nàder nàlòtərne MARIKI fər kirin, bawo ene kəcəpene konu.»

¹⁰ Aruna eyi kàlok-lokar kàlonkane ka aka Yisrayel fəp, nandekafəli fər kəca ka ntende dətəgbəre, kò njanənk nərò da debeki da MARIKI dowur kəp disre.

¹¹ Kò MARIKI oloku Musa:

¹² «Ine kəcəpene ka aka Yisrayel. Məloku nja nte: Dəfəyana sem yò nəndenasəm, bətbətana cəcom cò nəndenanembəre. Ti disre nəndecəre a in'əyənə MARIKI, Kanu konu.»

¹³ Pəndeyi dəfəy, kò bəmp yender yefəntərə yokump saŋka. Dec dendesək kò kibi kəfəntərə antəf mofo fəp mme meŋkel saŋka mə.

¹⁴ Nte kibi kəndelinne dəntəf mə, kò pəyi antəf nja tēgbəre kəron pəmə ca nce yowure mənġben mə, ca cacəkə yefere pəmə nte ance malə məsəkər antəf kəron mə.

¹⁵ K'aka Yisrayel njaməmən kò njaifene: «Ake də dandε-ε?» bawo njanacəre fe daka nde denayi mə. Kò Musa oloku nja: «Yeri yò nyε MARIKI əsəŋ nu mə.

¹⁶ Nte tò MARIKI osom: Nəwetəs nwe o nwe, yeri nyε yentam kətəŋne kò mə. Nwε o nwε pəwet liter mēreŋ da fum wəkin, kəlm ka təkə nəyi dəcəbal mə.»

¹⁷ K'aka Yisrayel nja yò tatəkə Musa enaloku nja mə, k'aləma njanəcəpərər kəlm, k'aləma njanəbəp kəlm.

¹⁸ Mba nte anatubuc mə, nwε enawet pəcəpərər kəlm mə, ombut təkə enəcəpərər mə. Kò wəkə enawet pəpic mə, əŋsətə kəlm kəŋkə pənamar mə. Kò nwε o nwε ewetəs yeri nyε njanatam kətəŋne nja mə.

Sariye sələma nse saŋkotərne teta man mə

¹⁹ Kò Musa oloku nja: «Ali fum ta pəfənarne yeri ya dəcəkəkə.»

²⁰ Mba njanacəŋkə fe Musa, k'afum ələma njanənarne yeri ya dəcəkəkə. Pəndeyi bətbət kò yeri yayəkə yembere yet, kò yesen. Kò pəntele Musa nnə afum akəkə nja yi mə.

²¹ Bətbət o bətbət, nwε o nwe encwet yeri yəkə yenctəŋne kò kədi ka dəsək dadəkə mə, kò nne yəncəkənwəne-ε, yesəŋgbər.

²² Tataka ta camət-tin, kò nwε o nwe ewet potubuc pa mata mēreŋ, liter maŋkəle da fum wəkin. K'akirin a kəlonkane ka aka Yisrayel njanəkə njalukse ti Musa.

²³ Kò Musa oloku nja: «Ti tò MARIKI oloku. Alna dəsək da kəŋesəm də, nde ampuse MARIKI mə. Nəpəc yəkə pəmar nu kəpəc təkə nəfan mə, yecerne yəkə fəp, nəmənəkərne yi haŋ bətbətana.»

²⁴ Kò njanəŋk yeri yayəkə haŋ bətbət pəmə təkə Musa enasəm nja ti mə. Yeri yayəkə njanaməŋk mə, yet yenabere fe yi, yenasen fe sə.

²⁵ Kò Musa oloku nja: «Nədi yeri yayε məkə, bawo dəsək da kəŋesəm nde ampuse MARIKI mə deyι məkə, nəfəsətə məkə yeri yewetəs dale.

²⁶ Mata camət-tin disre nantam kəwetəs yeri, mba simiti tataka ta camət-mēreŋ yeri yewetəs yəfəyi.»

²⁷ Tataka ta camət-mēreŋ, kò afum ələma njawur kəkəwetəs yeri, mba njanəsətə fe.

²⁸ Kò MARIKI eyif Musa: «Haŋ tēm tere tò nəndesək kəfati kəmənəkərne mosom kò mətəkse mem-ε?

²⁹ Nəməməŋ! Kò MARIKI əsəŋ nu simiti dəsək da kəŋesəm-ε, pəsəŋ nu sə tataka ta camət-tin yeri yəkə pəmar nu kədi mata mēreŋ mə. Nwε o nwε pəmar pənde kəfo nke eyi mə, ta nwε o nwe pəwur ndərən tataka ta camət-mēreŋ dəsək nde ampuse MARIKI mə.»

³⁰ Nte tə, k'aka Yisrayel njanəsəm simiti tataka ta camət-mēreŋ.

31 K'aka Yisrayel ηawe yeri yayɔkɔ «man*». Yeri yayɔkɔ yenawurɛnɛ mɛngbɛn ma yika yɔlɔma, meferɛ, meyi dɔkusu pɛmɔ nte kɛcom kɛɲɔ mɛsɛ ma cɛmɛ mɔ.

32 Kɔ Musa oloku: «Nte tɔ MARIKI osom: Nɛlas kɛfala ka liter mɛrɛɲ katin yeri ya man, nɛmɛɲkɛ yi awut-sɔ anu, nte tɔɲsɔɲɛ ηade ηanɛɲk cɛcom nɛɛ ɲsɔɲ nu nɛɛdi nnɔ dɛtegbɛrɛ nte iwurɛn'on atɔf ηa Misira mɔ.»

33 Kɔ Musa oloku Aruna: «Mɔlɛk tɔndɛ mɔbɛr pi yeri ya man liter mɛrɛɲ. Mɔkɔ mɛcɛmbɛr pi nde MARIKI fɔr kirin, nte tɔɲsɔɲɛ pɛmɛɲkɛ yi oɲ dɛtɛmp da awut-sɔ anu mɔ.»

34 Pɛmɔ tatɔkɔ MARIKI ɛnasom ti Musa mɔ, kɔ Aruna ɛlas tɔndɛ k'ɔɲkɔ pɛcɛmbɛr pi kirin nde walakɛ nwe wementɛr danapa dɔn, nte tɔɲsɔɲɛ pɛmɛɲk yi mɔ.

35 K'aka Yisrayel ηandi man meren wɛco mɔɲkɛlɛ (40) haɲ tɛm nte ηanader atɔf ηɛ afum ηanandɛ mɔ. ηanadi man haɲ kɛrɛn nkɛ ηanader nde kɛlɛncɛr ka atɔf ηa Kanaj mɔ.

36 Wɛco wa potubuce pa omɛr† pɔncyɔ potubuce pa efah katin.

17

Domun da Masa kɔ Meriba

1 Kɔ kɛlɔɲkanɛ ka aka Yisrayel fɔp kɛyɛfɛ tɛgbɛrɛ ta Sin kɔ kɛcɛpɛ-cɛpɛ pɛmɔ tɔkɔ MARIKI oncsom ηa ti mɔ. Kɔ ηancɛmbɛr saɲka nde Refidim, mba domun domun dɛnaya fɛ ndɛ afum ηancɛtam kɛmun mɔ.

2 Awa, k'afum ηayɛfɛ kɛtɛnsɛr Musa kɛcɔp. Kɔ ηaloku: «Mɛsɔɲ su domun sɛmun!» Kɔ Musa olukɛ ηa moloku: «Ta ake tɔ nɛntɛns'em kɛcɔp-ɛ? Ta ake tɔ nɛɲwakɛ MARIKI-ɛ?»

3 Mera yenawos aka Yisrayel, afum ηaccɔpɛnɛ nnɔ Musa eyi mɔ. ηacloku: «Ta ake tɔ mɛnasɔɲɛ su kɛpɛ Misira, mɛdɛsɔɲɛ su kɛfinɛ mera yowosu, sɛna, awut asu kɔ yɔcɔl yosu-ɛ?»

4 Kɔ Musa oɲkule-kule pɛckɔrnɛ MARIKI, pɛcloku: «Cɔkɛ c'indɛyɔnɛ afum akanɛ-ɛ? Kɔ pɛncɛpɛr ndɛkɛl nnɔ-ɛ, ηandeca-cas ɲm.»

5 Kɔ MARIKI oloku Musa: «Mɛcɛpɛr aka Yisrayel tekirin, mɔlɛkɛnɛ abeki aka Yisrayel. Mɔlɛkɛnɛ sɔ kɛgbɔ kam nkɛ mɛnasute kɛɲgbɔkɔ ka Nil mɔ, mɛcɔɲɛ kirin.

6 K'ina, incɛmɛ nnɔ tekirin tam, tasar ta tɔrɔ ta Horɛb kɛrɔɲ. Mɛsute tasar kɛgbɔ kam, pɔɲwur domun ndɛ aka Yisrayel ηantam kɛmun mɔ.» Kɔ Musa ɔyɔ ti, fɔr ya abeki aka Yisrayel kirin.

7 Kɔ ηawe kɛfɔ kanɲkɔ Masa «kɛdɛktɛr», kɔ Meriba «kɛcɔp», bawo aka Yisrayel ηanatɛnsɛr di Musa kɛcɔp, kɔ ηawakɛs di MARIKI, kɛcyifnɛ: «MARIKI eyi su dacɔ ba, ka eyi fɛ su dacɔ?»

Aka Amalek ηawɛkɛrnɛ aYisrayel kɛsutɛnɛ

8 Dɛndo kɛfɔ kanɲkɔ ancwɛ Refidim mɔ, difɔ aka Amalek ηander ηayektɛr aka Yisrayel kɛwan.

9 Awa, kɔ Musa oloku Yosuwe: «Mɔyɛk-yɛkɛ su dacɔ arkun, mɔwur mɛsutɛnɛ k'aka Amalek. Alna incɛmɛ nde tɔrɔ dɛtɛlempan itɔmpɛr kɛgbɔ ka Kanu.»

10 Kɔ Yosuwe ɔyɔ tɔkɔ Musa ɛnaloku kɔ mɔ, kɛkɛsutɛnɛ k'aka Amalek. Musa, Aruna kɔ Hur ηampe nde tɔrɔ dɛtɛlempan.

* 16:31 Kɔ aka Yisrayel ηawe yeri yayɔkɔ «man,» ti tatɔkɔ kusu kanɲan «Ake yeri yɔ yayɛ-ɛ?» † 16:36 Potubuce pa man ancwosɛ fum kɛlɛk dɔsɔk din mɔ pɔyɔnɛ liter mɛrɛɲ, pi pɔ aka Yisrayel ηancwɛ «omɛr». Potubuce pampɛ wɛco pɔncyɔ «efah» katin.

11 Kə Musa empene kəca darenc-ε, aka Yisrayel ηatasərne aka Amalek. Mba k'əncənatore waca-ε, aka Amalek ηatasərne aka Yisrayel.

12 Nte waca wendelal Musa mə, Aruna kə Hur ηalek tasar kə ηaηkə ηaboc pi Musa dəntof kə wəkakə endε pi kəroη. Aruna kə Hur ηasoc Musa waca darenc, Aruna kəca kin Hur kəca ka mērəη haη kə dec dəηkə dəkale.

13 Kə Yosuwe entam Amalek k'afum ən, k'endifte ηa dakma.

14 Kə MARIKI oloku Musa: «Məcicəs ti nde dəbuk, tede təyone təcəmcəmnε, məloku Yosuwe belbel, a indenim Amalek nte təηsoηε ali fum ta endecəmcəmnε ηa doru dandε mə.»

15 Kə Musa encəmbər tetek toloηne k'ewe di: «MARIKI əyone tεgbəkəre ta katam kem.»

16 Kə Musa oloku: «Bawo ayektər dəbe da MARIKI kəca kələma, MARIKI endesutene kəsutene dəm kə detemp o detemp da aka Amalek.»

18

Kəbərne ka Yetero kə Musa

1 Yetero, wəloηne ka Madiyan papa ka wəran ka Musa, ene mes məkə Kanu kənayone Musa k'aka Yisrayel afum ən mə, k'encəre təkə MARIKI owurene aka Yisrayel Misira mə.

2 Kə Yetero papa ka wəran ka Musa, elek Sefora, wəran ka Musa nwe enalukus ndəron k'awut ən mērəη mə,

3 Musa enasəη tewe ta Kərsəm coco cən, bawo enaloku: «Wəcikəra iyone nno atəf ηocuru ηaηε.»

4 Kə wan wəka mērəη, nkən enawe Eliyeser, bawo Musa enaloku: «Kanu ka papa wəkem kənder kədemar im, kə kəyac im dakma da firawona.»

5 Wəran ka Musa k'awut ən kə kas Yetero ηander ηabəp Musa dətεgbəre, nde enacəmbər saηka tərə ta Kanu kəsək mə.

6 Kə Yetero oloku Musa: «Ina papa wəka wəran kam, Yetero, inder nno məyi mə kə wəran kam kə awut ən mērəη.»

7 Kə Musa eηgbintərne papa ka wəran kən, k'encəpe kə suwu, k'emakərne kə. Kə ηayifene nwe o nwe nte pəyi kə mə, kə ηambere dabal.

8 Kə Musa ələməp papa ka wəran kən mes məkə MARIKI enayə firawona k'aka Misira mə fəp teta aka Yisrayel, k'ələməp kə sə pəcuca pəkə ηanasətə dəpə, kə təkə MARIKI enayac ηa pi mə.

9 K'amera ηəmbət Yetero teta pətət pəkə MARIKI enayone aka Yisrayel mə fəp, kə təkə MARIKI enabaη aka Yisrayel aka Misira dəwaca mə.

10 Kə Yetero oloku: «Inkor-koru Kanu nke kəbaη nu aka Misira kə firawona dəwaca mə, MARIKI nwe owure nu dacar da aka Misira mə!»

11 Incəre oη a MARIKI embek pətəs canu fəp, enamentər ti nte aka Misira ηancərəs aka Yisrayel mə.»

12 Kə Yetero papa ka wəran ka Musa elek pəcəl mpε enadekəcəfε Kanu mə, k'oloηne sə yoloηne yələma. Aruna kə abeki aka Yisrayel fəp ηander ηadi yeri yayəkə kə papa ka wəran ka Musa Kanu fər kirin.

Musa kədas kən abε aboc kiti

13 Dəckəsək, kə Musa endε kəboc kiti ka aka Yisrayel, k'aka Yisrayel ηacəme Musa fər kirin kəyεfε bətbət haη dəfəy nte təηsoηε Musa pəcəηkəl moloku maηaη mə.

14 Kə papa ka wəran ka Musa enəηk təkə Musa əncyone aka Yisrayel mə fəp, k'oloku: «Cəke cə məηyone aka Yisrayel tantε fəp-ε? Ta ake tə mənəne nno sona-ε, ta ake tə afum ηacəmə'n'am fər kirin kəyεfε tēbətət haη dəfəy-ε?»

¹⁵ Kɔ Musa oloku papa ka wəran kɔn: «Dɔpɔ da Kanu d'afum ɲander katen nno iyi mɔ.

¹⁶ Afum aɲe kəgbəkələne kəmbere daco mɔ, ɲader ɲanəɲk im. Iboc kiti afum akakɔ merəɲ daco, icsɔɲe ɲa kəcəre sariye sa Kanu kɔ metəkse mɔn.»

¹⁷ Kɔ papa ka wəran ka Musa oloku kɔ: «Tante mənɲɔ mɔ, tentese fe.

¹⁸ Məɲlələsne dis, mələləs sɔ afum aka Yisrayel aɲe nəyi mɔ dis. Tɔyɔ tante tenaɲkanɛ kələle, məfɔtam kəyɔ ti sona.

¹⁹ Ndekəl oɲ məcəɲkəl dim dem məwose iməɲkəs əm nte tɔɲsɔɲe nəsol kɔ Kanu mɔ! Nte pəmar mɔ, mənə məyɔne afum aka Yisrayel nno Kanu kəyi mɔ, mən'ɔ pəmar məckene Kanu moloku ma kəgbəkələne ma aka Yisrayel.

²⁰ Mələmər ɲa sariye sa Kanu, kɔ metəkse mɔn. Məmentər ɲa sɔ dɔpɔ dəkɔ pəmar ɲacəme darəɲ mɔ, kɔ tɔyɔ nte pəmar ɲa kəyɔ mɔ.

²¹ Məyək-yək afum alompu aka Yisrayel fəp daco, aɲe ɲaɲnese Kanu mɔ, afum akɔ ɲayəɲke kance, aɲe ɲantɔfan daka nde dɔntɔsək mɔ. Məcəmbər afum wul o wul (1.000), afum am akakɔ məyək-yək mɔ, wəkin pəyɔne ɲa wəbe, wələma wəbe wəka afum tassar tin (100), wələma wəbe wəka afum wəco kəcəmət (50), wələma wəbe wəka afum wəco.

²² Afum ayək-yək akakɔ ɲacboce aka Yisrayel kiti tɛm fəp. ɲackene mənə Musa mes mɔpɔɲ, ɲa ɲackiti mes məfet məkɔ. Məbeline pəsare, ɲa sɔ ɲamar əm kəsare pi.

²³ Kɔ məyɔ tatəkɔ, Kanu kəcsuməs əm ti-ε, məfɔtərəsne. Taməɲəɲ ta ti, afum akanɲe ɲaɲkɔ ndaranɲan pəforu disre.»

²⁴ Kɔ Musa encəɲkəl dim da papa ka wəran kɔn, k'yɔyɔ tatəkɔ wəkakɔ enaloku kɔ mɔ fəp.

²⁵ Kɔ Musa eyək-yək afum alompu Yisrayel fəp disre, k'encəmbər ɲa dəbe: Wəbe wəka afum wul win (1.000), wəbe wəka afum tassar tin (100), wəbe wəka afum wəco kəcəmət (50), wəbe wəka afum wəco.

²⁶ K'akakɔ ɲambocce oɲ aka Yisrayel kiti tɛm fəp. ɲackene Musa mes mocuca kəboc kiti, ɲa ɲacboce kiti ka mes məfet məkɔ.

²⁷ Kɔ Musa elembərne papa ka wəran kɔn, kɔ wəkakɔ olukus nde atɔf ɲɔn.

19

Kanu kəsek danapa kɔ Yisrayel

19-24

Kanu kəwene aka Yisrayel kəsek danapa

¹ ɲof ɲa maas kəyefe nte ɲawur Misira mɔ, k'aka Yisrayel ɲambere dəsək dadəkɔ nde tɛgbəre ta Sinayi.

² K'aka Yisrayel ɲayefe Refidim mɔ, kɔ ɲaɲkɔ tɛgbəre ta Sinayi. Dəndo kɔ ɲancəmbər sanja ɲatəfərne tɔrɔ ta di.

³ Kɔ MARIKI ewe Musa tɔrɔ kəroɲ, kɔ Musa empe di. Kɔ MARIKI oloku kɔ: «Nte tɔ mənəkɔloku afum a Yakuba akanɲe, moloku mame mɔ mənəkɔdɔɲkər aka Yisrayel:

⁴ Nənanəɲk nənasərka təkɔ inayɔ aka Misira mɔ: Pəyi pəmɔ banca ya asiksik y'ifələrene nu, kəkere nu nno iyi mɔ.

⁵ Ndekəl oɲ, kɔ nəsu ləɲəs nəncəɲkəl dim dem belbel, nəmənəkərne sɔ danapa dem nde sənasek mɔ-ε, nəna aka Yisrayel nəɲyɔne akemi aka dətɛm afum fəp daco. In'yɔyɔ doru fəp,

⁶ mba kɔ nəna aka Yisrayel, nəndeyɔn'em afum alonɲe, nəyɔn'em sɔ afum asoku. Moloku mame mɔ mənəkɔloku ɲa.»

⁷ Kɔ Musa ɔŋkɔ pəwe abeki aka Yisrayel, k'ementər ɲa moloku mmɛ MARIKI enasom kɔ mɔ.

⁸ K'aka Yisrayel fəp ɲasurenɛ kəloku Musa: «Səndeyɔ tɔkɔ MARIKI oloku mɔ fəp.» Kɔ Musa olukɛ MARIKI moloku mamɔkɔ aka Yisrayel.

⁹ Kɔ MARIKI oloku Musa: «Indeder nnɔ məyi mɔ, igbɔpɲɛ dəkəp kəpɔŋ, nte tɔŋsɔŋɛ aka Yisrayel ɲacɲ'em dim nte inde iclok-lokər əm mɔ, tɔsɔŋɛ ɲa sɔ kəcgbəkər əm kələn tɛm fəp.» Kɔ Musa kəlukɛ MARIKI moloku ma aka Yisrayel.

Kəbɔpɲɛ ka Kanu kɔ Musa nde tɔrɔ ta Sinayi

¹⁰ Kɔ MARIKI oloku Musa: «Məkɔ nde aka Yisrayel ɲayi mɔ, məpus'em ɲa mɔkɔ kɔ alna teta kəbɔpɲɛ kəŋan kɔ ina, ɲayak sɔ yamos yaŋan.

¹¹ ɲalip kəlompəsɲɛ ɲackar dəsɔkɔ, bawo tataka tatɔkɔ, MARIKI endetor fər ya aka Yisrayel fəp kirinj nde tɔrɔ ta Sinayi kəronj.

¹² Məkɔ məcəmbər ɲa agbɛp ɲa tɔrɔ haŋ mənɔŋkər, məclokɔ ɲa: «Nəkɛmbərɲɛ ta nɔpɛ dətɔrɔ, ta nəgbuɲɛnɛ sɔ agbɛp ɲa pi. Nwɛ o nwɛ ogbuɲɛnɛ pi, mɛnɛ padif kɔ.

¹³ Wəkayi, kəca kəfɔgbuɲɛnɛ kɔ, mba anca-cas kɔ kəca-cas dəm, kɔ pəyɔnɛ fɛ ti-ɛ, pasɔ-sɔsɛ kɔ cəbəlma. Pəyɔnɛ wɛsɛm, pəyɔnɛ fum, nwɛ o nwɛ ɔŋgbuɲɛnɛ pi mɔ, wəkayi ɔfɔyi sɔ doru.» Tɛm nte afula kəlɛn ka aŋkesiya dim dɔpɔŋ mɔ, afum ayek-yek ɲandenatam kəpɛsɛ tɔrɔ kəronj.»

¹⁴ Kɔ Musa ontor dətɔrɔ kəder nnɔ aka Yisrayel ɲayi mɔ, k'ompus ɲa, kɔ ɲayak sɔ yamos yaŋan.

¹⁵ Kɔ Musa oloku aka Yisrayel: «Nəlompəsɲɛ haŋ dəsɔkɔ, ta nəlotərɲɛ aran.»

¹⁶ Tataka ta maas bətbət kɔ pəŋkule-kulɛ darenc, kɔ pəmɔtər-mɔtər, kɔ kəp kəpɔŋ kəyi tɔrɔ kəronj. K'aluk ɲowurɛ dim pəpɔŋ, aka Yisrayel akɔ ɲanayi dəsənka mɔ fəp, ɲayɛfɛ kəyikɛ.

¹⁷ Kɔ Musa owurɛnɛ aka Yisrayel dəsənka kəkəbɔpɲɛnɛ kɔ Kanu, kɔ ɲaŋkɔ ɲacəmɛ tɔrɔ dəntɔf.

¹⁸ Tɔrɔ ta Sinayi fəp pɛncpɛ kinimɛ, bawo MARIKI ɛnator di nɛnc disrɛ. Kinimɛ ka pi kəcpɛ pəmɔ kinimɛ ka doco, kɔ tɔrɔ fəp pɛyɛfɛ kəyikɛ pəpɔŋ.

¹⁹ Nte dim da aluk dɛncnaŋkanɛ kəkulɛ pəpɔŋ mɔ, Musa pəclok-loku, Kanu kəclukɛ kɔ moloku dəpukulɛ-kulɛ.

²⁰ Kɔ MARIKI ontor nde tɔrɔ ta Sinayi kəronj, dəndo dətɛlempən, kɔ MARIKI ewe Musa, kɔ Musa ɛmpɛ.

²¹ Kɔ MARIKI oloku Musa: «Mətor məkɔ məmɔnɛ aka Yisrayel ta ɲabelkər kədəmɔmən MARIKI de, ta tedəsɔŋɛ alarəm kəfi.

²² Ali alonɲɛnɛ aŋɛ ɲantam kəlɔtərɲ'em mɔ yati, ɲa sɔ ɲapusɲɛ teta kəbɔpɲɛnɛ kəŋan kɔ ina, ta ɲasɔŋɛ MARIKI kədədifət alonɲɛnɛ aloma kəgba kəŋan.»

²³ Kɔ Musa oloku MARIKI: «Aka Yisrayel ɲafɔdetam kəpɛ tɔrɔ ta Sinayi, bawo mənasom im belbel, məclokɔ: «Məmentər ɲa kələncər, məpus tɔrɔ teta kəbɔpɲɛnɛ kəŋan kɔ ina, məbəlɛnɛ pi afum.»»

²⁴ Kɔ MARIKI oloku kɔ: «Məkɔ, mətor, nɔpɛ kɔ Aruna. Mba ta alonɲɛnɛ kɔ aka Yisrayel ɲabelkər kəpɛ nnɔ MARIKI eyi mɔ de, ta ɲadesɔŋ'em kədədifət afum kəgba kəŋan daco.»

²⁵ Kɔ Musa ontor nnɔ afum ɲayi mɔ, k'olok-lokər ɲa.

20

Mosom wəco ma sariyɛ sa MARIKI mmɛ enasɔŋ Musa mɔ

¹ Kɔ Kanu kəloku moloku mame fəp:

² «In'oyone MARIKI Kanu kam, in'owuren'am atof ɲa Misira nde kəɔ ka dacar.»

³ «Məfədeyɔ canu cəloma fɔr ya ina kirinj.»

⁴ «Ta məpat sɔ tɛɲka, ta məlompəs paka o paka mpe powurene kɔ pəkɔ peyi dəkəm, dantɔf, kɔ dəkəba mɔ.»

⁵ Ta məde məctontne ca yayəkɔ fɔr kirinj, ta məde məcsalene yi sɔ, bawo ina MARIKI, Kanu kam, Kanu k'iyone nke kəyɔ kəraca mɔ, nke kəɲlukse kəway ka kiciya ka papa nnɔ awut ɔn ɲayi mɔ, haɲ dɛtemp maas haɲ dɛtemp maɲkələ da akɔ ɲanter im mɔ.

⁶ Mba intompər kəsektərne danapa haɲ dɛtemp wul win (1.000) da afum aɲɛ ɲambɔtər im, ɲameɲkərne mosom mem mɔ.»

⁷ «Ta mədekɔ məcbonc tewe ta MARIKI Kanu kam kifəli. MARIKI ɔfɔɲaɲnɛne nwɛ omboncəs tewe tɔn kifəli mɔ.»

⁸ «Məccem-cɛmnɛ dɔsək da kəɲesəm nde ampuse MARIKI mɔ, məpus'em di.

⁹ Mata camət-tin tataka tolukšər disre mədekɔ məcbəc, məclompəs yeɓəc yam fəp mataka maməkɔ disre.

¹⁰ Mba tataka ta camət-mɛɲɔɲ, dɔsək da kəɲesəm nde ampuse MARIKI Kanu kam mɔ dɔ. Ali yeɓəc ta məbəc dɔsək dadəkɔ, kəyefe mənə, wan kam wərkun kɔ wəran, kəkɔ ka wəcar kam wərkun kɔ wəran, kəbəp ka yɔcɔl yam kɔ acikərə aɲɛ ɲayi sədare sam mɔ.

¹¹ Bawo mata camət-tin mɔ MARIKI ɛnalompəs antɔf, kəm, kəba kɔ ca cəkɔ yeɲi doru mɔ fəp, k'ɛɲesəm tataka ta camət-mɛɲɔɲ. It'ɔsɔɲɛ nte MARIKI ompocɛ dɔsək da kəɲesəm pətɔt, k'ampuse kɔ di mɔ.»

¹² «Mələlas wisi kɔ wiri, nte tɔɲsɔɲɛ mataka mam meyi doru məbəl nde antɔf ɲəkɔ MARIKI Kanu kam ɔsɔɲ əm mɔ.»

¹³ «Ta mədif fum.»

¹⁴ «Ta məsumpər dalakɔ.»

¹⁵ «Ta məkiye.»

¹⁶ «Ta məbaɲɛ wɛnc əm sede sa yem.»

¹⁷ «Ta məyɔ fɔr gban-gban nnɔ kəɔ ka wɛnc əm kəyi mɔ. Ta məyɔ fɔr gban-gban nnɔ wəran ka wɛnc əm eyi mɔ, kəyefe wəcar kɔn wərkun kɔ wəran, wana wɔn, kəbəp ka sɔfale sɔn, ta məfaɲɛ daka o daka da wɛnc əm abəkəc ɲɛlɛc.»

¹⁸ K'afum fəp, ɲane pukule-kule pa darenc kɔ dim da aluk kɔ ɲanəɲk pəmotər-motər kɔ kinime kəcpɛ tɔrɔ kəroɲ. Nte aka Yisrayel ɲanəɲk mes maməkɔ mɔ, kɔ ɲayikce, kɔ ɲancəme ɲabələne tɔrɔ.

¹⁹ K'aka Yisrayel ɲaloku Musa: «Məlok-lokər su, səndecəɲkəl əm, mba ta Kanu kəlok-lokər su, ta tɔsɔɲɛ sədəfl.»

²⁰ Kɔ Musa oloku aka Yisrayel: «Ta nənese, bawo kəwakəs konu kɔ Kanu kənderɛne. Nte efaj mɔ a nənese kɔ, nte tɔɲsɔɲɛ ta nənciya mɔ.»

²¹ Aka Yisrayel ɲacəme pəbələ, mba Musa nkɔn pəclɔtərne kubump nke MARIKI ɛɲayi disre mɔ.

Sariye nse sənkotərne tetek toloɲne Kanu mɔ

²² Kɔ MARIKI oloku Musa: «Nte tɔ maɲkɔloku aka Yisrayel: «Nənəɲk a dəkəm iyi kəlok-lokər nu.

²³ Ta nəde nəclompəs ina fɔr kirinj canu ca gbɛti, kɔ pəyɔne fe ti-ɛ, canu ca kɛma.

²⁴ Məde məlompəs'em tetek toloɲne pa dɔs, mpe nənde kəcloɲnɛn'em kəroɲ yoloɲne yɔcɔf kɔ yoloɲne yam ya kəpaɲne pəforu, ɲkesiya kɔ cir kɔ pəyɔne fe ti-ɛ, cəna. Ina sɔ indeder əm icpoc'am pətɔt kəfɔ nke o nke inde icsɔɲɛ kəcɛm-cɛmnɛ tewe tem mɔ.

²⁵ Kə pəyənə a tetek tolonne pa masar pə mənlompəs-ε, ta məlompse pi masar mepat. Bawo kə məmpat mi-ε, mənsənə mi kətəsək teta tetek tolonne pem.

²⁶ Ta nəlomp's'em tetek tolonne mpə ande pacfərənjk a pako palon'n'em mə, nte tənənə ta panənjk wəkə ənkpəse kəkəlon'n'em mə kəsəkər.»

21

Sariyə nnə acar aHebərə ηayi mə

¹ «Məyo mokur fər ya Kanu kirinj mme mə mənkəloku ηa:

² Kə məway wəcar wəHebərə-ε, pəyənə wəcar meren camət-tin. Teren ta camət-mərən, pəwur yeηən dacar ali kəway əfəsən.

³ Kə təyənə sona s'enayi tem nte εcbərə dacar mə, sona sən s'ənyur sə. K'enənence-ε, wəran kən ηənyur dacar.

⁴ Kə pəyənə a mariki mən əsən kə wəran, wəran wəkəkə pəkome kə awut arkun kə awut aran-ε, awut kə wəran, aka mariki mən ηə ηənyənə, nkən pəwur dacar sona sən.

⁵ Kə wəcar nwe oloku: «İmbətər mariki mem, awut em kə wəran kem, ifan fe kəwur dacar-ε,»

⁶ awa, mariki mən pəltərnənə kə Kanu, pəbakcər kə dəkumba kə pəyi fe ti-ε, pəlek kə pəbakcər dəfərəm fa kumba kən. Mariki mən pəpife kə abak alənəs, tem tatəkə wəcar wəkəkə endeyənə oη wəbəcə kən doru o doru.»

⁷ «Kə fum encaməs wan kən wəran pəkəyənə wəcar-ε, wəkəkə əfəwur dacar pəmə awut arkun acar.

⁸ Kə pəyənə a mariki mən enaway kə pənence-ε, telpəs ta əmbət kə sə mes-ε, pəmar pəcə fum wələma pəwurur kə, mba sariyə səfəwose mariki maməkə kəcamsər kə acikərə atəyənə aHebərə, bawo elip kəyembər kə.

⁹ Kə pəyənə a mariki maməkə wan kən wərkun əwaye kə kənence-ε, pəmar pəyo kə təyo tin tayi kə awut ən aran akom kə ηandekə dəkəlo-ε pəmə təkə təyo tokur fər ya Kanu kirinj toloku ti mə.

¹⁰ Kə mariki mən enence sə wəran wələma, pəmar fe pəbeli nte o nte əncyə wəran wəkəkə mə, kəyefe yeri kəbər ka yamos, han kəfantərə.

¹¹ Kə mariki mme əntəyənə wəran nwe mes mame maas-ε, wəran wəkəwe entam kəwur dacar ali daka əfəsən, ali pəsam əfəsən.»

Meciya mme pəmar padife fum mə

¹² «Fum nwe o nwe oηsut wələma han pədif kə mə, mənə padif wəkayi.

¹³ Kə pəyənə a mənyefənə fe kədif kən-ε, Kanu kəsənə k'efir əm dəwaca, indementər əm kəfo nkə məntam kəyəkse məkə məyacnə mə.

¹⁴ Nwe endife wənc cəmpənən pəyefənə ti mə, ali pəyacnə tetek tolonne pem kəron, məkə məlek kə nte tənənə padif kə mə.»

¹⁵ «Nwe o nwe oηsut kas, kə pəyənə fe ti, kərə mə, mənə padif wəkayi.»

¹⁶ «Nwe o nwe enkiye fum pəcəməs, kə pəyənə fe ti, panənjkə kə fum wəkəkə dəwaca mə, mənə padif wəkayi.»

¹⁷ «Nwe o nwe ontolanə kas, kə pəyənə fe ti, kərə pələc mə, mənə padif wəkayi.»

Kəsut kə kəbopər

¹⁸ «Kə afum ηənbəkələne, wəkin pətemp wəka mərən kən tassar, kə pəyənə fe ti ənkulma, kə wəkəkə əntəfi mba pəwon kəfantərə ti-ε,

¹⁹ kə təyənə a wəkəkə entam kəyefe pətəmpər kəgbo pəkətəs doru-ε, pəmar pace wəkəkə enasut kə mə. Mba wəkəkə enasut kə pəsənə kə kəcu mə, emar kəsən kə kəway ka nte eyamse kə yəbəc mə, pətənə kə sə acəl han pətamnə.»

20 «Kɔ fum entemp wəcar kɔn kətək, tɔyɔnɛ wəcar wərkun, wəran, kɔ wəcar wəkakɔ efinɛ ti-ɛ, anɔlksɛ wəkayi ayɛk.

21 Mba kɔ wəcar wəkakɔ efi fɛ haɲ tataka tin, mata merəɲ mecepər-ɛ, afɔyɔ fum wəkakɔ ntɛ o ntɛ bawo daka da mariki mɔn d'ɔyɔnɛ.»

22 «Kɔ afum ɲasutɛnɛ ɲakɔ ɲasutɛrɛnɛ wəran wəbɛkəs, tɔsɔɲɛ wəkakɔ kəkom mba ta daka o daka dɔsɔtɔ kɔ sɔ-ɛ, pəmar wos ka wəran wəkakɔ ɲatəɲnɛ kɔ aboc kiti ɲaboncər asutɛnɛ kəway nɛ ɲaɲsɔɲ fəp mɔ.

23 Mba kɔ pəyɔnɛ a tɔsɔɲ wəran wəbɛkəs kakɔ dolokəp-ɛ, kəway ka defi kəyɔnɛ defi,

24 dɔfɔr kɔ dɔfɔr, desek kɔ desek, kəca kɔ kəca, kəkək kɔ kəkək,

25 kəcɔf k'ɲsɔɲɛ kəcɔf kəway, kəbɔpər k'ɲsɔɲɛ kəbɔpər kəway, kəfat k'ɲsɔɲɛ kəfat kəway.»

26 «Kɔ fum oɲsut wəcar kɔn wərkun, kɔ pəyɔnɛ fɛ ti wəran haɲ pəpici kɔ dɔfɔr-ɛ, pəmar pəsak wəcar wəkakɔ pəkɔ yeɲɔn, tɔyɔnɛ kəway ka dɔfɔr dɔn.

27 Kɔ fum osut wəcar kɔn haɲ pəyɔtu kɔ desek-ɛ, pəmar pəsak wəcar wəkakɔ pəkɔ yeɲɔn, tɔyɔnɛ kəway ka desek dɔn.»

28 «Kɔ wana wɛncəɲ wərkun, kɔ pəyɔnɛ fɛ ti wəran lɛn, fum wəkakɔ pəfinɛ ti-ɛ, wana wawəkɔ wɛmar kəca-cas haɲ wɛfi, sɛm ya wana wawəkɔ yeɲmar fɛ kəsɔm, ti disrɛ kiti nɛ o nɛ afɔsɔbocər wəka wana wawəkɔ.

29 Mba kɔ pəyɔnɛ a wana wɔ, tokur aɲa wɛncəɲ afum lɛn, pacsɔɲɛ ti wəsərka kəcərə ta wəkakɔ ɛɲkɛmbərɛ wi haɲ wana wawəkɔ wɛdif fum-ɛ, pəmar paca-cas wana wawəkɔ haɲ wɛfi, wəka wana sɔ mɛnɛ padif kɔ.

30 Mba kɔ pəyɔnɛ a kəway k'awer wəka wana wawəkɔ ntɛ tɔɲsɔɲɛ ta andif kɔ mɔ, pəmar pəsɔɲ kəway kaɲkɔ awer kɔ mɔ fəp.

31 Kɔ pəyɔnɛ a wana, wan wərkun kɔ pəyɔnɛ wan wəran wɛndif-ɛ, tɔyɔ tokur fɔr ya Kanu kirinɲ tin tatəkɔ tɔ pəmar pakɔtɛnɛ.

32 Kɔ pəyɔnɛ a wana nwɛ wəcar wərkun kɔ pəyɔnɛ fɛ ti, wəcar wəran wɛndif-ɛ, pəmar pasɔɲ sikəl wəcɔ maas (30) mariki ma wəcar wəkakɔ, ntɛ tɔyɔnɛ ta wana mɔ, paca-cas wi haɲ wɛfi.»

33 «Kɔ fum ɛɲkay abi, pəsak ɲi fos ta ɛɲgbəpər ɲi, a wana wəder kɔ pəyɔnɛ fɛ ti, sɔfale sader sətɔr abi ɲaɲkɔ disrɛ-ɛ,

34 wəkay ka abi ɛɲlek pɔcəl papəkɔ pɛfi mɔ, pəsɔɲ wəka pɔcəl pəsam pəyɔnɛ kəway ka pɔcəl pɔn.»

35 «Kɔ wana wa fum wɛndif wana wa wəkɔ-ɛ, ɲacaməs wana wəkɔ wəntɔfi mɔ, ɲayerɛnɛ pəsam, ɲayerɛnɛ sɔ sɛm ya wana wəkɔ wɛfi mɔ.

36 Mba kɔ pəyɔnɛ tokur aɲa wana wɔ wɛncəɲ lɛn, paloku ti wəsərka ta owosɛ kəkɛmbərɛ wi-ɛ, tɛm tatəkɔ wəka wana nwɛ wɛncəɲ wəkɔ lɛn a kɔ wɛfi mɔ, ɛɲlek wana wɛfi, pəsɔɲ wəkɔ wana wɛyi wəyɛɲ.»

Kəkiyɛ ka pɔcəl

37 «Kɔ fum ɛɲkiyɛ wana kɔ pəyɔnɛ fɛ ti aɲkesiya, kɔ pəyɔnɛ fɛ ti wir-ɛ, tɔyɔnɛ a ɛfay pɔcəl papəkɔ amera kɔ pəyɔnɛ fɛ ti pəcaməs pi-ɛ, pəmar pəlukɛ cəna kəcamət kəway ka wana win wəkɔ ɛɲkiyɛ mɔ, ɲkesiya mankələ kəway ka ɲin ɲəkɔ ɛɲkiyɛ mɔ.»

22

1 Kɔ pəyɔnɛ pabəpɛnɛ wəkɛ pəcbɛrɛ kəkəkiyɛ, pasut kɔ haɲ pəfi-ɛ, ancərə fɛ teta mecir ma wəkakɔ, afɔlukɛ ayɛk ɲaɲkɔ.

2 Mba kɔ pəyɔnɛ a pəwanjərə pɔ ambəpɛnɛ wəkayi dec dəsɔrɔyi dɛ-ɛ, fum nwɛ oɲsut wəkɛ haɲ pədif kɔ mɔ, tɛyɛfɛnɛ tɔ. Wədif kɔn ɛsarɛ teta mecir ma

wəke wəkakə. Mba wəke nwe aṅsumpər mə oṅluxe kəway ka paka pəkə eṅkiye mə, k'əntətam kəsəṅ kəway ka pi-ε, pəmar pacaməs wəke wəkakə pasəṅ kəway ka pi.

³ K'ambəpə kə paka papəkə eṅkiye mə pəsəryi wəyeṅ-ε, təyənə wana, səfale, aṅkesiya, wir, wəkayi pəmar pəluxe pəcəl papəkə pədeṅər pi pəcəl pin.

Kəlasəre ka fum daka dən

⁴ Kə fum əsak yəcəl yən, yəkə yəsəmə wənc yəbəf yən ya dale, kə pəyənə fə ti ṅgbəṅkələ yən ya wən-ε, pəmar pəməmən abəf ṅən nṅe ṅəṅkom belbel mə, pasəṅ wəkə yəcəl yən yəsəmə yəbəf mə, yokom yən yəkə yentesə mə.

⁵ Kə fum əmber yika nənc, nənc dadəkə dəkə dəcəf kur ka yetel dəbəf, təyənə a yəbəf yayəkə yəlol, kə pəyənə fə ti yəsərbuke-ε, pəmar wəber ka nənc dadəkə pəsəṅ kəway yi.

⁶ Kə fum əsəṅ wəndə kən kəməṅk ka pəsam, kə pəyənə fə ti daka dələm, a pəkə pakiyər wəkakə anasəṅ kəməṅk mə nde kələ kən disre k'anəṅk wəke wəkakə-ε, pəmar pəsəṅ kəməṅṅ ka daka dəkə enakiyər mə.

⁷ Kə təyənə anəṅk fə wəke ka ca yayəkə-ε, pəmar wəkə anasəṅ daka kəməṅk pəkə pəmentərne Kanu pəderəm a əncərə fə təsələ nte o nte ta daka dadəkə.

⁸ Tes o tes t'əṅbekələne, təyənə ta wana, səfale, aṅkesiya, wir kə pəyənə fə ti, yamos, paka mpe o mpe pəsələ, əfum mərəṅ ṅəgbekələne kəyənə ka wəkə pəcəl kə pəyənə fə ti paka pələm-ε, əgbekələne akakə mərəṅ ṅəkə ṅəmentərne nda akiti fər ya Kanu kirin. Nwe kiti kəṅkələce mə, fum wəkakə pəsəṅ wəkə ṅanayi kəgbekələne mə mərəṅ ma paka pəkə ṅanayi kəgbekələne ta pi mə.

⁹ Kə fum əsəṅ wənc kəcəl təyənə wana, səfale, aṅkesiya, wir təyənə pəcəl mpe o mpe, a pəcəl papəkə pəfi, kə pəyənə fə ti, pətəpə kəcək, kə pəyənə fə ti pakiyər pi, ta fum o fum əntəṅne ti-ε,

¹⁰ pəmar fum wəkə anasəṅ kəcəl mə, pəkə pədermə wənc wəkə ənasəṅ kə kəcəl mə a eṅkiyər fə pəcəl pəkə wənc ənasəṅ kə kəcəl mə. Təm tatəkə pəmar wəkə pəcəl pəwosə kəderəm kəṅkə, pəmar fə sə wənc pəluxe kəway ka pi.

¹¹ Mba kə pəyənə a aṅkiyər pəcəl mpe nde kələ kən-ε, pəmar pəluxe kəway ka pi wənc wəkə ənasəṅ kə kəcəl mə.

¹² Kə pəyənə a wəsem wa dop wəwatəri-watəri pəcəl papəkə-ε, fum wəkə anasəṅ kəcəl mə, əmar kəkene səm yelpəs yayəkə wəkə ənasəṅ kə kəcəl mə, wəkakə pəyənə sə wənəṅk ka ti. Təm tatəkə pəmar fə kə sə kəluxe kəway ka pi nwe ənasəṅ kə kəcəl mə.

¹³ Kə fum əṅkə pəyefu pəcəl nnə wənc eyi mə, a pəcəl papəkə pəde pətəpə kəcək, kə pəyənə fə ti pəfi kumunt ka wəkə pəcəl papəkə darəṅ-ε, pəmar wəkə ənakə pəyefu wənc pəcəl mə, pəluxe pi kəway.

¹⁴ Kə pəcəl papəkə pəfi fər ya wəkə pi kirin-ε, kəluxe kəway ka pəcəl papəkə kəyi fə sə. Kə pəyənə anasəṅ kə daka a pəcyefu kə pəcəl papəkə-ε, pəntəṅne tatəkə.

Sariyē sa amera kə dinē sələma

¹⁵ Kə wərkun eṅkeltər wəyəcərə wətəcərə wərkun, nwe wərkun əntatəfac mə, ṅəṅ ṅəfəntərə-ε, pəmar pəsəṅ kəfac ka wəyəcərə wəkakə, pələk kə sə pənəncə.

¹⁶ Kə pəyənə a papa ka wəyəcərə nwe owosə fə kəsəṅ ka wərkun nwe wəyəcərə kən-ε, təfoyamse wərkun wəkakə kəsəṅ ka kəfac ka wəyəcərə wəkakə ṅəfəntərə kə nkən mə.

¹⁷ Ta nəsak wəran dure pəyi doru.

¹⁸ Nwe o nwe eṅfəntərə wəsem mə, mənə pədif wəkakə.

¹⁹ Nwε o nwε oηlɔŋne canu cəcuru ta pəyɔne MARIKI-ε, mεne pasut kɔ haŋ pəmalkε.

²⁰ Ta mədɪr wəcɪkərə, ta məmentər kɔ sɔ fənɔntər, bawo nana sɔ nənayi decikərə atɔf ŋa Misira.

²¹ Ta nətərəs wəcəbokərə nwε o nwε, ta nətərəs sɔ wan nwε o nwε akombərə ɔn ŋafi mɔ.

²² Kɔ mətərəs fum wəkakɔ haŋ kəbok kən kəder im-ε, iŋne kəbok kən,

²³ pəntel'em pəpɔŋ, dəkəwan indif'am dakma. Tem tatəkɔ mənə sɔ wəran kam endeyɔne wəcəbokərə, awut am ŋayɔne atəyɔ kas.

²⁴ Kɔ məmbər wətəyɔ daka pəsam afum em dacɔ-ε, ta məyɔ pəmɔ təkɔ wəbəs-bəsər wələma oŋyɔ mɔ, ta məlɔku a mənε pədenər'am gbεs dəkəlukse da debe dam.

²⁵ Kɔ fum ɛncəmbər'am sεkε duma dɔn da kəfe-ε, məlukse kɔ di a dec dεckalε,

²⁶ bawo duma dadəkɔ gbəcərəm dəyɔ dokumpε da dis dɔn. Dere d'oŋkɔkumpenε a pəfəntərə-ε? Kɔ wəkayɪ oŋkorn'em-ε, iŋne kɔ dim bawo Kanu nkε iyɔne mɔ, iŋyɔne nənɔfər.

²⁷ Ta məfər-fərəs Kanu, ta mətolanε wəkiriŋ wəka afum am pələc.

²⁸ Ta nəcwon kəkər'em yolonne ya yətɛl yonu. Nəcsəŋ im awut anu arkun acəkɔ-cəkɔ.

²⁹ Ti tɔ pəmar sɔ məcyɔ nnɔ wana wam, aŋkesiya ŋam kɔ wir wam pəmar wan wəcəkɔ-cəkɔ wəka pɔcɔl pam ŋayi kɔ kεrε mata camət-mərəŋ. Tataka ta camət-maas, məsəŋ im pi.

³⁰ Afum apus ŋɔ nəndeyɔn'em, pəmar fε nəde nəcsəm sɛm nyε wεsɛm wεwatəri-watəri dəkulum mɔ, nəde nəcgbalε yi cen.

23

Kələləs ka atəyɔ fənɔntər

¹ «Ta məkɔtεne yem. Ta məbanje fum wələc kəbanje ka yem.

² Ta məcəmε kanay darəŋ kəkəyɔ pələc. K'andebocε afum kiti-ε, ta məlasnε kəca k'afum alarəm yem disrε nəsoŋje aboc kiti kafər kiti.

³ Ta məbanje wətəyɔ daka dəŋkiti k'ontəyɔ kance-ε.

⁴ Kɔ məŋkɔ məpətərne wana wa wəterεne kam kɔ pəyɔne fε ti sɔfale sən səsələ-ε, məsumpər si məkεrε kɔ dare.

⁵ Kɔ mənəŋk sɔfale sa wəterεne kam sətεmpεne pəsare pa si dəntɔf-ε, ta məcepər, məmar kɔ kəden-ɔŋji si pəsare.

⁶ Ta nəyay sariye sa wεnc əm wətəyɔ daka dəŋkiti.

⁷ Məbəlεne toloku ta yem, ta məsoŋje wətələsar tes kɔ pəyɔne ti-ε wəlompu kəfi, bawo ifəsak fum wələc pəkɔ yɛŋən.

⁸ Ta məban kəpocε ka dəŋkiti, bawo kəpocε kanjɔ kəŋsoŋje anəŋk kətəsənəŋk kance, kəsəŋje sɔ kənəŋk kance ka alompu.

⁹ Ta mətərəs wəcikərə nwε endε ndaram mɔ. Nəncərə belbel təkɔ pəŋyi kɔ mɔ, bawo acikərə ŋɔ nənayɔne atɔf ŋa Misira.»

Teren ta kəŋesəm kɔ dəsək da kəŋesəm

¹⁰ «Meren camət-tin məcbɔf antɔf ŋam, məcpim yokom ŋa ŋi.

¹¹ Mba teren ta camət-mərəŋ məsoŋje ŋi kəŋesəm məsak ŋi. Itɔ afum am atəyɔ daka ŋandine sɔ ŋi kɔ sɛm ya dop sɔ yəsəm yelpəs yəkɔ. Məyɔ sɔ tin tayɪ ta ŋgbəŋkələ yam ya wɛn kɔ tək yam ya olif.

12 Məbəc yəbəc yam mata camət-tin. Mba tataka ta camət-mərən, mələləs dəsək da kəjəsəm, nte tənşənə wana kə səfale sam yənəsəm dəsək dadəkə mə, nte tənşənə sə wan ka wəcar kam wəran kə wacikəra nətəm sə kəjəsəm mə.

13 Nəcəmə məmə iloku nu mə fəp darən. Nəkembərne belbel ta nəde nəckornə canu cəcuru. Ta nəcem-cəməs mewe ma canu cəcuru, ta panenə nu mi dəkusu yatı!»

Cəsata ca sali nce pəmar pəbcoc Yisrayel mə

14 «Kərən o kərən mədekə məbcoc'em cəsata ca sali maas.

15 Mədə məbcoc'em kəsata ka cəcom cətonəjkəl lebin. Mata camət-mərən ma kəsata kəjkə disrə, ɲof ɲa Abib*, məde məcsəm cəcom cətonəjkəl lebin, pəmə təkə isom əm ti Misira mə, bawo ɲof ɲəjkə disrə ɲə mənawur di. Pəmar fə pade pamentərne fər yem kirin waca wəsəkər.»

16 «Mədə məbcoc'em sə kəsata ka Kətəl, yokom yəcəkə-cəkə ya yəbəc yam ya dälə.»

«Kə mände məbcoc'em kəsata ka Kərim ka yəbəc yam ya teren dəkələpsər, kə məlip kəlonka ka yokom ya tək yam-ε.

17 Kəmaas teren disrə pəmar arkun fəp afum anu daco ɲamentərne fər ya Wəbε MARIKI kirin.»

18 «Ta məlon mecir ma yoləne nyə məjker'em mə paka pətonəjkəl lebin mpe o mpe. Ta nəmənəkərne moro ma poləne pem han dəkəsək bətbət.

19 Mədə məckere nde kələ ka MARIKI Kanu kam yokom yəcəkə-cəkə ya yəbəc ya atəf ɲam. Ta məpəce wir məse ma kere ka wi de.»

Kəsən temer kə kətəkəs təkət a ɲaclek dəpə kəkə

20 «K'ina, indesom mələkə mme mendey'am kirin, mme mendəkə močbum əm dəpə mə, mosol'am han məbərə kəfo nke inalomps'am mə.

21 Mədəkə məkembərne fər ya mi kirin, mədekə məcəmə dim da mi darən. Ta məyəkər mi domp, bawo məfdekəɲənə dətanj ləɲəs dam, bawo tewə tem teyi mi disrə.

22 Kə məncəjkəl dim dən belbel, məyə təkə ilok'am mə fəp-ε, indeyənə wəter ka atərənə əm, wəyefərəne ka anje ɲambəp əm kəyefərəne mə.

23 Mələkə mem mendəkət fər yam kirin mekekərə nda Amər, aHit, aPerisi, aKanaɲ, aHiwy kə aYebus, indekəmələk ɲa.

24 Ta mətontnenə canu cəɲan, ta məsalənə ci. Ta məcyə təkə ɲəɲyə mə, mba məcləsər mərənka maɲan few, məcwəkəc masar motontnə məkə ɲaccəmbər mə.

25 Kə nəndəkə nəcsaline MARIKI Kanu konu-ε, endəkə pəcsən pətət kəcom kam kə domun dam pəbələn'am docu.

26 Wəran wəcən əfəkəyoi atəf ɲam, wəran wətəkom əfəkəyoi di. Indesən əm kəwon doru.

27 Ayek-yek ɲ'indenukənə kəsək ɲey'am kirin, indewənər afum akə nəndəkə ndaranən mə fəp ancyan, indekəsənə atərənə anu fəp ɲayeksər nu.

28 Deme d'indenukənə isak dey'am kirin, ndə dendəkəbeləs aHiwy, aKanaɲ kə aHit mə.

29 Ifəkəkəbeləs ɲa fər yam kirin kərən kin, ta tedəsənə atəf kəyə yer-yer, səm yeləc ya dop yela nyə yendetərəs əm mə.

30 Pəpic pəpic p'indekə icbeləs ɲa fər yam kirin məcla məctəm kəban atəf fəp.

* 23:15 ɲof ɲa Abib = CəHəbərə «ɲof ɲa Ləɲk»

31 Indekaboc'am kələncər kəyefe ka kəba ka Cəhkolma haŋ nde kəba k'aFilisti, kəyefe ka nde dətegbərə haŋ nde kəŋgbəkə ka Əfərat. Bawo indekələk afum aka atəf ŋaŋəkə iber əm ŋa dəwaca, ibeləs ŋa fər yam kirin.

32 Ta mədekəcaŋəs danapa kə ŋa, ta məcaŋəs sə danapa kə canu cəŋan.

33 Nəfədəkə nde atəf ŋam, nte təŋsəŋe ta ŋadesəŋ'am kəciya nno iyi mə. Kə məsak afum akakə kənde ndaram-ε, təŋsəŋ'am kəsali canu cəŋan, təyən'am towul.»

24

Kanu kəsek danapa k'aka Yisrayel

1 Kə Kanu kələku Musa: Məpe nno MARIKI iyi mə, məna, Aruna, Nadab kə Abihu, kə abeki wəco camət-mərəŋ (70) aka Yisrayel, nədekə nətontn'em pəbələ.

2 Musa sona endelətərne MARIKI, akə ŋafədələtərne de, afum sə ŋafədepe kə nkən.

3 Kə Musa ender k'oloku moloku ma MARIKI maməkə fəp aka Yisrayel, kə mosom mən fəp. K'aka Yisrayel ŋawose dim din: «Moloku mme MARIKI oloku mə fəp, səndeyə mi».

4 Kə Musa encicəs moloku ma MARIKI fəp. Dec dendesək k'eyefe bətbət suy, k'encəmbər tetek toloŋne nde tərə dəntəf k'encəmbər sə masar wəco kə mərəŋ teta təcemcəməs ta cusuŋka nce wəco kə mərəŋ ca Yisrayel.

5 K'osom atəmp aka Yisrayel ŋakene MARIKI yoloŋne yəcəf, ŋakene sə MARIKI mura ma kəloŋne ka kəpaŋne pəforu.

6 Kə Musa ələk daco da mecir maməkə k'ember mi dətəbəl, k'ewesəsər daco da mecir tetek toloŋne kəroŋ.

7 K'ələk buk ba Danapa nde ŋanacaŋəs kə MARIKI mə, k'əŋkaraŋene bi aka Yisrayel. K'aka Yisrayel ŋaloku: Səndecəme təkə MARIKI oloku mə darəŋ fəp, səndesəcəŋkəl kə.

8 Kə Musa ələk mecir k'ewesəsər mi aka Yisrayel, k'oloku: Nənəŋk mecir ma danapa nde MARIKI esek kə nəna aka Yisrayel mə mame, kə mosom mən mme nəntəŋne mə fəp.

9 Kə Musa ŋampe k'Aruna, Nadab, Abihu kə abeki aŋe wəco camət-mərəŋ (70) aka Yisrayel.

10 Kə ŋanəŋk Kanu ka Yisrayel pəcəmbərəŋ wəcək wa Ki tantəf, pənayi pəmə nte aŋlompəs paka pəyə alom ŋa bulu mə, pəmə təkə kəm kəŋsək mə.

11 Mba ənətenci fə kəca kən afum apəŋ aka Yisrayel akakə kəroŋ. Kə ŋaŋgbətne Kanu, kə ŋandi yeri kə ŋamun.

Kəbərəne ka Musa nde dətərə kə Kanu

12 Kə MARIKI oloku Musa: Məpe nno iyi mə, nno tərə kəroŋ məde məcəme nno kərəsna: Walake wa masar w'indəsəŋ əm, sariye kə tosom tem t'incicəs wi kəroŋ nte məŋkətəkse aka Yisrayel mə.

13 Musa eyefe kə Yosuwe wəmarəs kən, kə Musa empe tərə ta Kanu kəroŋ.

14 K'oloku abeki aka Yisrayel: «Nəkar su nno haŋ səder sə səbəp nu. Nəməmən Aruna kə Hur ŋayi nu de kəsək. Nwe o nwe tes təmbəp mə, wəkayi pələtərne ŋa.»

15 Kə Musa empe sə dətərə, kə kəp kəŋgbəpər tərə.

16 Kə nərə da debeki da MARIKI deyī tərə ta Sinayi kəroŋ oŋ, kə kəp kəŋgbəpər tərə haŋ mata camət-tin. Tataka ta camət-mərəŋ, MARIKI pəyi dəkəp k'ewe Musa.

¹⁷ Nəɾə da debeki da MARIKI dənawurene nenc aka Yisrayel dəfər pəmə nte nenc dərən dende kəcmar tərə kəronj mə.

¹⁸ Kə Musa embere kap kanjə disre, k'empə nde tərə kəronj. Kə Musa ənjə pəwon nde tərə kəronj mata wəco manjəle (40) danj kə pibi.

25

Tecəmbər ta anjbančan ɲosoku

25-31

Kəfek ka aka Yisrayel

¹ Kə MARIKI oloku Musa:

² «Məloku aka Yisrayel a ɲabanəs kəfek kem. Nəbanj kəpocə ka nwe o nwe ənjək abəkəc pəs kəsən ki mə.

³ Kəfek nke kə nəndebanşər ɲa: Kema, gbeti, kəpər,

⁴ cəloto cəgbət karə alom ɲa məntambenc, alom ɲeyim ɲeyimbərər, cəloto nce andune səbenja sa kentələr kə nce andune cəfon ca wir mə,

⁵ kata ya ɲkesiya nye anjgət karə alom ɲeyim mə, kata ya ntempeli, tək ya kasiya,

⁶ moro momotene, labunde dobotu ambənc nde ande pacnənjəl moro məbəy məsəkəsne, kə suray səbotu ambənc,

⁷ kə masar mətət mme anjwe onikəs mə kə mətət mələma mme andeber duma da efəd kə yuba yejbəkne dəbəkac mə.

⁸ Kəfo kəsoku kə aka Yisrayel ɲandecəmbər'em, nte tənşənje idetam kənde ɲa daco mə.

⁹ Pəmə yayəkə indementər əm mə, məlompəs ca ya dəkiyi dosoku kə yosumpər-sumpər ya di pəmə tatəkə.»

Kanjərə ka sede

¹⁰ «Kanjərə ka kətək ka kasiya kə ɲandelompəs. ɲatubuc ki dobolu cururu merən kə daco, kə dowokulu da ki kururu katin kə daco kə dotukum da ki kururu katin kə daco.

¹¹ Məsop kanjərə kanjə kema kəsoku pəs, tedisre kə todoru, payə ki kəbər ka kema hanj panənjəkər.

¹² Palompəs cəsora mənjəle ca kema nce andekəber kanjərə kanjə dəmənjəkubut mə cəsora merən kəsək kin, kə cəkə merən kəsək ka merən kanjə.

¹³ Məpat cəgbə merən ca tək ya kasiya məsop ci kema.

¹⁴ Pasor cəgbə cacəkə dəcəsora ca kema cacəkə, nte tənşənje pade pactam kəsələj kanjərə kanjə pacgbanje mə.

¹⁵ K'alip kəsor cəgbə cacəkə dəcəsora ca kanjərə-e, pəmar fe sə pasulu ci.

¹⁶ Kanjərə kanjə disre kə mənjəkəber walake nwe wementər danapa dem k'aka Yisrayel nwe indəsən əm mə.

¹⁷ Afənj ɲəsəkse kiciya ɲanjəkə, kema kəsoku pəs kə nəndekəlompse ɲi. Dobolu da ɲi dendeyə cururu merən kə daco, kə dowokulu da ɲi kururu katin kə daco. Afənj ɲanjəkə ɲendeyənə ɲəgbəpərə kanjərə.

¹⁸ Məlompse məleke kerub* merən kema kətemp, məsələrene mi dəkəcop kə dəkələpsər da afənj ɲəsəkse kiciya kəronj.

¹⁹ Məsələrene məleke kerub min dəkəcop da afənj ɲəsəkse kiciya kəronj, məleke kerub məkə dəkələpsər da ɲi kəronj. Məlompəs məleke kerub merən kə afənj ɲanjəkə yoyənə paka pin nde dəkəcop kə dəkələpsər da ɲi kəronj.

* 25:18 *Meleke kerub* = Meleke mə mme menayə yebeç ya kəbum mofə mosoku ma Kanu mə.

20 Meleke mamako merəŋ mendekəperi banca takəron, yi yokump afenjk ɲəsəksə kiciya, metefərene meti cəro nde afenjk ɲəsəksə kiciya kəron.

21 K'alip kəber ki disre walake nwe wementər danapa dem kə aka Yisrayel nwe indesəŋ əm mə, məgbəpəre kanjəra afenjk ɲəsəksə kiciya ɲaŋəko.

22 Dənda afenjk ɲaŋəko kəron sənde səcbəpəne, meleke kerub mamako merəŋ daco mme meyi afenjk ɲəsəksə kiciya ɲaŋəko aŋgbəpər kanjəra kanjə kəron mə. Difo indekə icsom əm məfaŋ mem fəp məko mənde məcloku aka Yisrayel mə.»

Amesa ɲa cəcom nce aŋsəŋ Kanu mə

23 «Məlompse amesa kətək ka kasiya. Dəbolu da ɲi dəyo cururu merəŋ, dowokulu da ɲi dəyo kururu katin, kə denjəci da ɲi kururu katin kə daco.

24 Məsop amesa ɲaŋəko kema kəsoku pəs, məlompəs ɲi cəsək kəbər ka kema haŋ mənəŋkər.

25 Məboc cəbam cəloma cəsək cacəko manjəle tantəf, dowokulu da ci dəyo kəca disre, mənəpsər ci kema haŋ mənəŋkər.

26 Məlompəs cəsora manjəle ca kema, məboc ci dəmonjkubut kəsurenə ka yecəmenə manjəle ya amesa ɲaŋəko.

27 Cəsora cacəko manjəle cələtərne fərem. Cəsora cacəko c'andekəsor cəgbo nce ande paclekənə amesa ɲaŋəko mə.

28 Məpat cəgbo ca kətək ka kasiya, məsop ci kema, cəgbo cacəko c'andekə pactam kəgbajənənə amesa ɲaŋəko.

29 Məlompse ɲi ca nce pəmar mə: Pəlet, məbəl, səpət kə mapan nyə andekə pacbəc yolonjə ya moro kə wen mə, kema kəsoku pəs kə məndelompse yi.

30 Pəmar məde məccəmbər'em kəcom nkə ande pacloŋn'em mə nno amesa ɲaŋə kəronj tēm o tēm.»

Pedete səlamp pa wara camət-merəŋ

31 «Məde məlompse pedete səlamp kema kətəmp kəsoku pəs. Pəsələnə pi kəyefə ka pəcəmenə kəko təmbonjk pa pi, yonəne ya səlamp, yogbuc ya pi, kə yowurenə ya yeləŋk ya tək.

32 Tatəko tə pəŋkəyi wara camət-tin wəŋkəyefə dətəmbonjk paraco mə, kəca o kəca wara maas.

33 Kəra o kəra ka pedete səlamp kəyo yogbuc maas kə yeləŋk ya yi. Itə pəŋkəyi wara camət-tin nwe wəŋkəyefə dətəmbonjk pa pedete səlamp mə mə.

34 Təmbonjk pa pedete səlamp pəyo yonəne ya səlamp manjəle nyə yonkəwurenə yeləŋk ya tək yokom mə, yogbuc, kə yeləŋk ya yi.

35 Wara wawəko merəŋ merəŋ kəmaas nwe wəŋyefə dətəmbonjk paraco mə, dəkəyefə da wara merəŋ o merəŋ mənə pogbuc pin peyi wi tantəf.

36 Pəsələnə yogbuc kə wara, patəmpə fəp fa yi ancəmbəl ɲin ɲa kema kəsoku pəs.

37 Məlompəs səlamp camət-merəŋ səko pəmar pacəmbər yonəne səlamp kəron mə, nte təŋsəŋe səcwenjki tekiriŋ mə.

38 Macəŋk kə map mekayə meken sə fəp fa mi pəmar məyənə kema kəsoku pəs.

39 Pedete səlamp, pəcəmbərə pa pi kə yosumpər-sumpər yayəko, kema kəsoku pəs kilo wəco maas (30) kə pəmar palompse yi.

40 Məna Musa məgbətne belbel, məsurenə yəbəc nyə məməməŋ nno tərə kəronj mə.»

¹ «Musa mälompse dakiyi dosoku cəpol wəco ca kəloto ka səbeña sa kentələr, ka alom ɲa məntambənc, alom ɲa bulu k'alom ɲeyim. Səbeña sasəkə sə məɲkədunə ci kəroɲ lulu ya mələkə kerub. Yəbac ya wacəraɲ yendeyi yayəkə.

² Dobilu da cəpol cacəkə fəp dəkə dəyɔ nke o nke cururu wəco mərəɲ kə camət-maas (28), kə dowokulu da kəpol nke o nke dəkə dəyɔ cururu maɲkələ, cəpol fəp cədə cətəɲnənə potubuc.

³ Mədəkə məgbətlenə-gbətlenə cəpol kəcamət dəwənca, məyɔ sə tin tayi cəkə kəcamət.

⁴ Məwes-wese dobol da kəloto kəcəkə-cəkə kəkəsək səbeña s'alom ɲa məntambənc, məde mənūt yi, məyɔ sə tin tayi kəpol ka kəloto ka mərəɲ.

⁵ Dobol da cəloto cacəkə mərəɲ məwes-wese di səbeña wəco kəcamət (50), mənūt yi, məsəɲe yewes-wesi ya cəloto cacəkə mərəɲ fəp yosurənə dəwənca.

⁶ Mədə mälompəs ɲkora wəco kəcamət (50) ya kəma ɲyε mändəkəcəpərənə cəloto cacəkə mərəɲ mə, nte tendəsəɲe cəloto ca dakiyi dosoku kədəyənə kin mə.

⁷ Mədunə cəpol ca kəloto ka mərəɲ kətələr nke wəco kə pin cəfon ca wir, nce andəkəperi dakiyi dosoku kəroɲ mə.

⁸ Dobilu da kəpol nke o nke dede dəyɔ cururu wəco maas (30), kə dowokulu dede dəyɔ cururu maɲkələ. Cəpol nce wəco kə pin (11) fəp cədə cəyɔ potubuc pin payi.

⁹ Məgbətlenə taciɲa cəpol kəcamət, kə cəpol cəkə camət-tin sə taciɲa. Kəpol ka camət-tin, pəmar ki kəyεlə tekiriɲ ta aɲgbancan.

¹⁰ Mədə mälompəs yewes-wesi wəco kəcamət (50) kəpol kəkəsək ka yəgbətlenə yəcəkə-cəkə, mənūt yi. Kəpol kəkəsək ka yəgbətlenə ya mərəɲ sə, mälompəs kəsək kayi yewes-wesi wəco kəcamət (50), mənūt sə yayəkə.

¹¹ Mälompəs ɲkora wəco kəcamət (50) ya kəpər ɲyε mändegbəkər deyewes-wesi mə, nte təɲsəɲe aɲgbancan ɲyɔyənə ɲin mə.

¹² Daco da cəpol ca cəloto dendecernə, pəɲɛr di dakiyi dosoku tadarəɲ.

¹³ Dobilu da cəpol ca cəloto decernə, pəmar payər di daco kəsək o kəsək nte təɲsəɲe pəɲɛr dakiyi dosoku belbel mə.

¹⁴ Mälompse pokumpə pa aɲgbancan kata ya ɲkesiya yəkə aɲgbət karə kəyim mə, məgbəkəre sə kälompse kata ya ntempeli pokumpə pa mərəɲ.

¹⁵ Mälompse fərəm fa dakiyi dosoku tək ya kasiya, nfe andəkəcəmbər mə.

¹⁶ Pəmar fərəm o fərəm fəbəl cururu wəco kə dowokulu da fi dəyɔ kururu katin kə daco.

¹⁷ Fərəm o fərəm pəmar fəyɔ sek mərəɲ ɲyε yosol dəwənca mə, tatəkə tə pəmar payɔ fərəm fa dakiyi dosoku fəp.

¹⁸ Mälompse ntende kəca kətət ka di nde dec dəmpə mə fərəm wəco mərəɲ (20).

¹⁹ Mälompse yəcəmənə wəco maɲkələ (40) ya gbeti ɲyε mändəkəcəmbər tantaf ta fərəm wəco mərəɲ (20) mə. Nfe o nfe fəyɔ yəcəmənə mərəɲ, kəsurenə ka bi yəkə pəmar pasət sek mərəɲ yəkə fərəm fəyɔ mə.

²⁰ Kəca kəmeriya ka dakiyi dosoku nde dec dəmpə mə, mälompse sə dādo fərəm wəco mərəɲ (20).

²¹ Yəcəmənə wəco maɲkələ (40) ya gbeti, ti tə tatəkə yəcəmənə mərəɲ yede yeyi fərəm fin tantaf.

²² Mədə mälompəs fərəm camət-tin fa təgbəkənə ta dakiyi dosoku kəca ka ntende dec dəɲkələ mə.

²³ Mälompəs fərəm mərəɲ taciɲa nfe fəɲkəyi dəmonkubut nde təgbəkənə pa dakiyi dosoku mə.

²⁴ Mæde mæyo færem fafəko merəŋ fəghəpəne kəyefe tantəf, məkotərəne fi takəroŋ kəsora kin. Tin tayi t'andeyə færem, merəŋ fəko feyi moŋkubut maməko merəŋ mə.

²⁵ Itə tatəko færem camət-maas kə yecəməne wəco kə camət-tin (16) ya gbeti, færem o færem fəyo yecəməne merəŋ tantəf.

²⁶ Məpat cəgbo ca kətək ka kasiya kəcamət nce andesumpəre færem fəp fa kəsək kin ka dəkiyi dosoku mə.

²⁷ Cəgbo kəcamət sə ca færem fa kəsək ka merəŋ ka dəkiyi dosoku, kə cəgbo kəcamət sə ca færem fa təgbəkəne ta dəkiyi dosoku ntende dec deŋkəle mə.

²⁸ Kəgbo kərəco kəmar kəcəpər færem fa kəsək kin fəp daco kəyefe færem fəcəko-cəko haŋ kəbəp fəlpəs.

²⁹ Mæde məsop færem fəp kema, məlompse cəsora kema nce andecəpərəne cəgbo cacəko mə, məsop sə ci kema.

³⁰ Kə maməko melip-ε, māna Musa mæyekti dəkiyi dosoku, məcəmbər di dowurəne kə dandε imentər əm nnə tərə kəroŋ mə.

³¹ Məlompse kəloto kəkəŋke ka səbeŋa sa kentələr, sa alom ŋa məntambənc, sa alom ŋa bulu, kə sa alom ŋeyim. Pawurə kəloto kəŋkə kəroŋ lulu ya melekε kerub merəŋ. Ye bəc ya wəcəreŋ kədu yendeyi yayəko.

³² Mæde mədət ki dəmogbu maŋkəle ma kətək ka kasiya mme asop kema kə mæyo ŋkora ya kema mə, məcəmbər mi dəyecəməne maŋkəle kəroŋ ya gbeti.

³³ Nədətər kəloto kəkəŋke ŋkora tantəf. Kəloto kəkəŋke kəŋkə tadarəŋ k'əŋkəcəmbər kəŋkərə nke kəyo walakε nwe wementər danapa dem kə aka Yisrayel mə. Nədət kəloto kəkəŋke kəŋkə nte təŋsəŋe kəyer aŋgbip ŋosoku kə təkso tosooku mə.

³⁴ Kə məlip-ε, məgbəpər oŋ afəŋk ŋəsəksε kiciya kəŋkərə nke kəmentər danapa dem k'aka Yisrayel nde dətəksə tosooku.

³⁵ Məcəmbər amesa kəloto kəkəŋke todoru, aŋgbip disre ntende kəca kətət ka nde dec dəmpε mə, kə pədəte səlamp pi pətəfərəne kə amesa ntende kəca kəmeriya ka nde dec dəmpε mə.

³⁶ Mæde mədunε kusəŋka k'əŋgbancan cəloto cəŋere ca səbeŋa sa kentələr, panəŋkəsəl səbeŋa sa alom ŋa məntambənc, sa alom ŋa bulu kə sa alom ŋeyim.

³⁷ Mæde məpatε kəloto kəŋere mogbu kəcamət ma kətək ka kasiya, məsop mi kema, məgbəkər ŋkora ya kema mogbu maməko. Məsεle yecəməne ya mogbu kəcamət yayəko kəpər.»

27

Tetek toloŋne

¹ «Məlompse tetek toloŋne Kanu kətək ka kasiya, dobolu da pi dəyo cururu kəcamət, kə dowokulu da pi sə cururu kəcamət. Tetek pətəŋne cəsək fəp, mba deŋeci da pi dəyo cururu maas.

² Məlompəs len ya tetek nde moŋkubut maməko makəroŋ maŋkəle. Mæde məsələne len yayəko kə tetek toloŋne nte təŋsəŋe yəyənε paka pin mə, məsop pi kəpər.

³ Məlompse tetek toloŋne dap dəbεre kəbof, pel, mapan, bak yosortε sem kə map məkəyε meken. Məlompse yosumpər-sumpər yayε fəp kəpər.

⁴ Məlompse tetek toloŋne manta ma kəpər, məbər mi cəsora maŋkəle ca kəpər dəmoŋkubut. Məcəmbər mi kəbər ka tetek toloŋne tantəf, deŋeci da manta maməko məcbəp daco da tetek.

⁵ Pəcəmbər manta maməko kəbər ka tetek toloŋne tantəf, deŋeci da manta maməko məcbəp deŋeci daco da tetek.

⁶ Məpatə tetek toloŋne cəgbo kətək ka kasiya, məsop ci kəpər.

⁷ Pasor cəgbo cacəkə dəcəsora cacəkə cəyi cəsək ca tetek papəkə mə, nte tənşəŋe pactam kəkekərē tetek toloŋne papəkə mə.

⁸ Tetek toloŋne papəkə məŋkolompse cəbam mə, pede pəyɔ fos disrē. Njəyɔ pi pəmɔ təkə anamentər əm nnə tərə kəroŋ mə.»

Kəlompəs k'abanja

⁹ «Məlompəs abanja ŋa dəkiyi dosoku. Ntende kəca kətət ka nde dec dempe mə, pəmar dobolu da saŋka dəyɔ cururu tasar tin (100), mədət di cəloto ca səbeŋa sa kentələr.

¹⁰ Mogbu wəco mērəŋ ma kəpər (20) kə yecəmēne ya mi ya kəpər wəco mērəŋ (20), ŋkora ya mogbu kə gbat-gbata ya mi pəmar yəyɔne ya gbeti.

¹¹ Kəca kəmeriya ka ntende dec dempe mə, pəmar ki kəyɔ sɔ cəloto pəmɔ kəcəkə-cəkə dobolu da ki dəyɔ cururu tasar tin (100), kəca kaŋkə kəyɔ mogbu wəco mērəŋ (20) kə yecəmēne ya mi wəco mērəŋ (20) ya kəpər. Nkora ya mogbu kə gbat-gbata ya mi fəp, pəmar palompse yi gbeti.

¹² Dowokulu d'abanja kəca nkē dec deŋkale mə, cəloto ca saŋka sa ŋi cəbəl cururu wəco kəcamət (50), mogbu ma ci wəco kə yecəmēne ya mi wəco.

¹³ Dowokulu d'abanja kəca nkē dec dempe mə, pəmar dəbəl cururu wəco kəcamət (50).

¹⁴ Pəmar cəloto ca kəsək kin cəde cəyɔ dobolu da cururu wəco kə kəcamət (15), mogbu maas kə yecəmēne ya mi maas.

¹⁵ Padət sɔ cəloto cururu wəco kə kəcamət (15) cəloma kəca ka mērəŋ, mogbu maas kə yecəmēne ya mi maas.

¹⁶ Pəmar paŋere kusunja ka saŋka cəloto ca səbeŋa sa kentələr ca cururu wəco mērəŋ (20), yebəc yəyɔkə yede yəyɔne ya wəcərə kədu pəlompse ci səbeŋa sa alom ŋa məntambenc, sa alom ŋa bulu, sa alom ŋeyim, pəcəmbərə cəloto cəŋere caŋkə mogbu maŋkəle kə yecəmēne ya mi maŋkəle.

¹⁷ Mogbu mme andecəmbərə saŋka mə fəp gbat-gbata ya mi yəyɔne gbeti. Nkora sɔ yəyɔne ya gbeti, kə yecəmēne ya mi yəyɔne ya kəpər.

¹⁸ Saŋka sasəkə səbəl cururu tasar tin (100), kə dowokulu da si cururu wəco kəcamət (50), kə deŋeci da si cururu kəcamət. Pəmar cəloto cacəkə fəp cəyɔne ca səbeŋa sa kentələr, kə yecəmēne ya kəpər.

¹⁹ Kəyefe ka yosumpər-sumpər ya yebəc ya dəndo dəkiyi dosoku kəbər ka cəgbo cədf ca saŋka fəp, pəmar palompse yi fəp kəpər.»

Moro ma səlamp

²⁰ «Kə mənə Musa, məsom aka Yisrayel ŋaker'am moro mətət ma olif məfɔc, nte tənşəŋe səlamp səctam kəmar dəfɔy o dəfɔy mə.

²¹ Aruna kə awut ən arkun ŋandekəmbər pədetē səlamp nde aŋgbancan ŋebəpene kə Kanu nde todoru ta kəloto kəŋkə kəkəŋk kaŋkara nkē kəmentər danapa dem k'aka Yisrayel mə. Pəmar səlamp sədekə səcmar MARIKI fər kirin kəyefe dəfɔy haŋ bətbət. Sariye sa tēm o tēm sɔ, pəmar aka Yisrayel ŋade ŋacələs si dētēmp kə dētēmp.»

28

Yamos ya wəloŋne

¹ Kə MARIKI oloku Musa: «Mələtərnene aYisrayel daco nnə məyi mə wenc əm Aruna, k'awut ən arkun Nadab, Abihu, Elasar kə Itamar. Məgbey ŋa kə aka Yisrayel alpəs aŋe, nte tənşəŋe ŋayəŋ'em aloŋne mə.

² Məlompse wenc əm Aruna yamos ya dəKanu, nte tənşəŋe yede yecmentər dəkəcəme kə delel dən mə.

³ Məlok-lokər acərəj fəp, akə ilas kifir ka decərəj mə: Nə ηandelompse Aruna yamos, nyε endebərne k'ande pacsəkəs kə-ε, a padeyəne oη wəloηne kem.

⁴ Yamos nyε yə pəmar ηalompəs: Yuba yεgbekne debəkac, дума da efəd, burumos, дума dedisre, kəfakəl, kə tabataba. Nəlompse wenc əm Aruna kə awut ən yamos ya dəKanu nte tənsəηe ηade ηacbəc em yebəc ya kəloηne mə.

⁵ Acərə kədu ηələk kema, kəloto ka səberja sa kentələr alom ηa məntambənc, ηa bulu, kə ηeyim.»

Efəd ηa wəloηne wəpəη

⁶ «Acərəj ηadune дума da efəd kəloto ka səberja sa kentələr, sa alom ηa məntambənc, alom ηa bulu kə ηeyim kə səberja sa kema.

⁷ Palompəs yeyese banca mərəj, pasətərəne yi cəsək ca banca ya дума da efəd.

⁸ Pasətərəne sə tabataba yəyəne paka pin kə дума da efəd. Tolompəs ta yi towurəne: Kəloto ka səberja sa kentələr, səberja sa alom ηa məntambənc, sa alom ηa bulu, kə alom ηeyim kə səberja sa kema.

⁹ Mələk sə walakε wa masar mətət ma onikəs mərəj nwe məndecic mewe ma awut a Yakuba mə.

¹⁰ Pacic mewe camət-tin tasar təkək-cəkək kəroη, kə mewe melpəs məkə camət-tin sə tasar ta mərəj təkək kəroη, təkək ηambekene mə.

¹¹ Masar mepat maməkə mərəj məyəne yebəc yətət, wəcərə kəpat pəpatəs tamp ta masar pəcəs mi kəroη mewe ma awut a Yisrayel, pəber mi fərəm fa kema.

¹² Mədə məsətərəne masar maməkə mərəj yeyese banca ya дума da efəd kəroη, təyəne təcəmcəs ta awut a Yisrayel (Yakuba). Ti disre Aruna ende pəcdətərne mewe maməkə dəbanca fər ya ina MARIKI kirin nte tənsəηe iccəmcəmnε nu tēm fəp mə.

¹³ Məlompse fərəm fəfəkε kema,

¹⁴ mədu megbekce mərəj pəmə kəbənda yayəkə sə kema kəsoku pəs, nyε andəkədetər fərəm fəfəkε mə.»

Yuba ya kiti nyε wəloηne wəpəη ηygbekne mə

¹⁵ «Məlompəs yuba ya kiti yεgbekne debəkac, pasətε yi kəloto ka səberja sa kentələr, səberja sa kema, səberja sa alom ηa məntambənc, alom ηa bulu, alom ηeyim pəmə təkə alompəs дума da efəd mə. Yebəc ya wəcərəj yendeyi yayəkə.

¹⁶ Panut ki kəmerəj, kəsək o kəsək kəyə dobolu da kəca disre katin.

¹⁷ Pəmar məcək kəloto kəηkə kəroη masar momotər-motər cəgba məηkələ: Kəgba kəkək-cəkək kəyə tasar teyim, tasar p'alom ηa cəbe, kə tasar pa alom ηa bulu ηənoηksəl pəbuk.

¹⁸ Kəgba ka mərəj kəyə masar momotər-motər mme: Tasar teyim cəη, tasar t'alom ηa bulu kə diyamanj.

¹⁹ Kəgba ka maas kəyə masar mme: Tasar pa alom ηa alembəra, tasar pa lom yela cəgber kə tasar ta alom ηa məntambənc.

²⁰ Kəgba ka məηkələ kəyə masar mme: Tasar ta alom ηəbuk mēl, tasar ta lom yəcəmcəmər kə tasar ta alom ηəbuk. Tasar o tasar məde məsetər pi dəfərəm fa kema.

²¹ Pacic mewe ma awut a Yisrayel (Yakuba) masar maməkə wəco kə mərəj (12) kəroη pəmə təkək ancic tamp mə. Tasar o tasar tēnd kəcmentər tewe ta kusunja kin nce wəco kə mərəj (12) dəcə ca Yisrayel.»

²² «Mədə məlompse yuba yεgbekne debəkac megbekce ma kema kəsoku pəs.

²³ Məlompəs curundε mərəj nce məηkəber məηkubut mərəj məkəroη ma yuba yεgbekne debəkac mə.

24 Məgbəkər megbekce maməkə mərəj ma kema curundε cəkə çəyi dəmonjukubut ma yuba yegbekne dəbəkəc yayəkə mə.

25 Mədə megbəkər sə cəsək cəlpəs ca megbekce maməkə mərəj dəfərəm mərəj nfe fəyi yeyese banca ya дума da efəd mə tekirinj.

26 Mələmpəs sə curundε mərəj ca kema nce andekəber monjukubut mantəf ma yuba yegbekne dəbəkəc, kəsək kanjə kəndekə kəcgbunεne дума da efəd mə.

27 Mələmpəs sə curundε mərəj cələma ca kema nce andekəber yeyese banca ya дума da efəd tantəf mə tekirinj, dəkəsətərəne da yi pəsurenε kə takəronj ta tabataba ta дума da efəd.

28 Kəbənda ka alom ηa məntambənc kə mənjəkotərəne curundε ca yuba yegbekne dəbəkəc kə ca дума da efəd, nte tənşənε yuba yedenşε takəronj ta tabataba pa дума da efəd, tənşənε sə yuba kətətam kəsakənε kə дума da efəd mə.

29 Ti tendəsənε Aruna kəberε nde anğbip ηosoku pəgbekne yuba ya kiti dəbəkəc, nyε yəyə mewe ma cusunja ca Yisrayel fəp mə. Ti tənşənε ina MARIKI kəcəm-cəmnε nu tēm fəp.»

30 «Məna Musa, mədekə məber nde yuba ya kiti disrε masar ma kiti mərəj <Yurim> kə <Tumim,> nte tənşənε meyi Aruna dəbəkəc k'endebərə nde MARIKI fər kirinj-ε. Ti disrε Aruna ende kəcgbekne yi tēm o tēm k'endebərə nde MARIKI fər kirinj nte tənşənε aka Yisrayel ηacərə kiti kem mə.»

Yamos ya alonje yələma

31 «Mədə mələmpəs burumus ba efəd səbenja sa alom ηa məntambənc fəp.

32 Dede dəyəkə dəkəməl domp nde daco da burumus babəkə, pəmar pagbent bi hanj panənəkər, pəmə nte andu yamos ya akata, nte tənşənε ta bəwalε mə. Yəbəc ya wəcərəj kədu yendeyi.

33 Mədu burumus babəkə tantəf cəpare ca alom ηa məntambənc, alom ηa bulu k'alom ηeyim. Məbersər-bərsər hanj mənənəkər menğbenjəle ma kema lulu ya cəpare daco.

34 Tenğbenjəle pa kema pin kəpare kin, tenğbenjəle pa kema pin kəpare kin y'anjəkəbersərəne burumus tantəf hanj panənəkər.

35 Duma dadəkə də Aruna ende kəcberne k'endekəbəc'em yəbəc ya wəlonne-ε. Dim da ηğbenjəle dadəkə d'ande kəcne k'endebərə nde anğbip ηosoku fər ya MARIKI kirinj kə k'ende kəcwur di-ε, ti tənşənε kə kətəfi.»

36 «Mələmpəs abəpər ηa kema kəsoku pəs nηε andecic <Dosoku da MARIKI> pəmə təkə ancic təmp mə.

37 Məkotərəne abəpər ηənəkə kəfakəl tekirinj kəbənda ka alom ηa məntambənc.

38 Abəpər ηənəkə anjətər Aruna dətəbu mə ηendesəkəs yolonne ya aka Yisrayel fəp, nte tənşənε ina MARIKI ide icbanj kəpocε kəjan, ali ηacciya-ciya kəkər'em yopocε yayəkə.

39 Duma dedisrε kə kəfakəl yə məndələmpse kəloto ka səbenja sa kentələr. Mələmpse kə sə tabataba, yəbəc ya wəcərəj kədu yendeyi.»

Yamos ya alonje ələma

40 «Nte təyənε ta awut arkun a Aruna mə, suma sədisrε s'andesətε ηa, məbamaba kə cəfakəl nyε ηande ηacmentərə dəkəcəmə kə delel danjan mə.»

41 «Kə məna Musa, mən'endebər wənc əm Aruna kə awut ən yamos yayəkə, məbəy ηa moro də səbomp mədenjər ηa pəsərə panjan. Tatəkə tə məndekə cəmbər ηa dekirinj, ηayənε afum asoku, ηacbəc em oη yəbəc ya alonne.

⁴² Məlompse ɲa cəɟba ca kəloto ka səberɲa sa kentələr nte tɔɲsɔɲe ta ɲawur kəsəkər mə, cəɟba cacəkɔ cəcyefe ɲa dəfi haɲ nde dələɲk.

⁴³ Cəɟba cacəkɔ cə Aruna kɔ awut ɔn arkun ɲande ɲacberne kɔ ɲande kəcbere nde aɲɟbancan ɲebəpene kɔ Kanu, kɔ pəyɔne fe ti, kɔ ɲade kəclətərne nde tetek toloɲne-ε. Ti disre ɲafədəsare kiciya nke kəndedif ɲa mə. Sariye sa tɛm o tɛm sɔ nɲɔ Aruna kɔ yuruya yɔn ɲayi mə.»

29

Kədəs ka aloɲne

¹ Kɔ MARIKI oloku: «Nte tɔ pəmar mənə Musa məkɔ mədəs Aruna kɔ awut ɔn kəyɔne afum asoku, ɲacbəc'em ɲayɔn'em aloɲne: Mələk tura kɔ ɲkesiya yorkun nyε merəɲ yɔtɔyɔ dolokəp,

² cəcom cətəɲɲəkəl lebin, cəcom cəlok-lok cətɔyɔ lebin papəkce ci moro, kɔ biskit bətɔyɔ lebin pasop bi moro, məlompse cəcom cacəkɔ fəp kəmbefe kətət ka bəle.

³ Məber ci dəkəfala məkekəre kəfala kaɲkɔ, tura kɔ ɲkesiya yorkun merəɲ.

⁴ Mələtərneɲe Aruna kɔ awut ɔn arkun nde kusɲka ka aɲɟbancan ɲebəpene kɔ Kanu tekiriɲ, məbikneɲe ɲa domun.

⁵ Mədə mələk yamos, məber Aruna yamos: Duma dedisre, burumus ba duma da efəd, duma da efəd, kɔ yuba yeɟbekne nyε mənəkəkotərne debəkək kɔ tabataba pa duma da efəd mə.

⁶ Məcəp kɔ kəfakəl, mədetər ki tekiriɲ təbəpər teɟbekəre ta dəKanu.

⁷ Mələk moro məbɔy mopuse, məloɲar kɔ mi dəromp, tɔyɔne kədəs kɔ dekiriɲ da yebəc yem ya kəloɲne.

⁸ Kɔ telip-ε, məwe sɔ awut arkun a Aruna ɲacəɲne, ɲa sɔ məber ɲa suma sədisre saɲan.

⁹ Kɔ məlip-ε, məɟbəncəs Aruna kɔ awut ɔn arkun məbamaba maɲan, məcəpəs ɲa cəfakəl. Ti disre mədəs ɲa yebəc yem ya dəKanu tɔyɔne oɲ sariye sa kor kaɲan doru o doru.

¹⁰ Mələtərneɲe tura papəkɔ nde daɲɟbancan ɲebəpene kɔ Kanu. Aruna kɔ awut ɔn arkun ɲadenər pi waca dəromp.

¹¹ Məsɔ təbəl məfay wana wawəkɔ MARIKI fər kiriɲ ntende kusɲka ka aɲɟbancan ɲebəpene kɔ Kanu. Mecir ma wi məberε dətəbəl.

¹² Məɟbət telər dəmecir ma tura papəkɔ məsopət mi lɛn maɲkəle ya moɲkubut ma tetek toloɲne, məloɲ mecir məlpəs nde pəcəmene pa tetek tatəkɔ.

¹³ Mələk moro məkɔ moɲkump yedisre ya pəcəl papəkɔ mə fəp, pəwotwotər pa mim, fi nyε merəɲ kɔ moro ma yi, məkɔ məcəf'em yi fəp nde tetek toloɲne kəroɲ.

¹⁴ Məcəf sɛm, yedisre ya aputuk kɔ akata ɲa tura yayəkɔ dənenc saɲka todoru. Kəloɲne kɔ nke kəɲsɔɲe paɲaɲneɲe aloɲne kiciya kəɲan mə.

¹⁵ Kɔ telip-ε, nəkere aɲkesiya ɲorkun ɲəcəkɔ-cəkɔ, Aruna kɔ awut ɔn arkun ɲadenər ɲi waca dəromp.

¹⁶ Məsɔ təbəl məfay aɲkesiya ɲaɲəkɔ, mələk mecir məməkɔ məwəsəsər cəsək ca tetek toloɲne fəp haɲ məɲɲəkər.

¹⁷ Məcənas aɲkesiya ɲorkun ɲaɲəkɔ fəkəl fəkəl, məyak yedisre ya ɲi kɔ wəcək, məkɔ məboc yi fəkəl ya sɛm yayəkɔ kɔ domp kəroɲ.

¹⁸ Məcəfe MARIKI aɲkesiya ɲorkun fəp tetek toloɲne kəroɲ. Pəcəl pəcəf pə, mpe ancəfe MARIKI mə, ambənc ɲa pi ɲontore-tore MARIKI abəkək.

19 K'alip-ε, mækεε sɔ ankesiya ɲa merəŋ ɲəkɔ. Aruna kɔ awut ɔn arkun ɲadenɲar sɔ ɲaɲɔkɔ waca dərɔmp.

20 Məsɔ tɔbɔl məfay ankesiya ɲaɲɔkɔ. Mələk mecir ma ɲi məsɔp mi Aruna kɔ awut ɔn ləɲəs ya waca wɔtɔt, kɔ telər tɔpəŋ mpe o mpe pa waca waɲan wɔtɔt, kɔ telər tɔpəŋ mpe o mpe pa wεcək waɲan wɔtɔt. Mələk mecir mɛlpəs, məwəsəsər mi cəsək ca tetek tolonɲε fəp haɲ mənɔɲkər.

21 Mələk sɔ mecir məkɔ meyi tetek tolonɲε kəronɲ mɔ kɔ moro məbɔy məwəsəsər mi Aruna kɔ yamos yɔn, məyɔ sɔ tin tayi awut ɔn kɔ yamos yaɲan. Kələk dəsək dadəkɔ, Aruna kɔ awut ɔn ɲayɔnε ɔɲ alonɲε apus em.

22 Mələk moro ma ankesiya ɲorkun, kələɲa, moro mme monkump yedisε ya ankesiya mɔ, pəwɔtwɔtər pa mim, kɔ fi merəŋ kɔ moro mme monkump yi mɔ kɔ aləŋk ɲa kəkək kətɔt. Ankesiya ɲorkun ɲedəsε ɲa dekirinɲ da kəlɔɲnε ɲɔ.

23 Məwure cacom cətɔyɔ lebin cəlma dəkəfala nke ancəmbər MARIKI fər kirinɲ mɔ: Kəcom kəlɔk-lɔk kin, kəcom nke anəktərənε moro ma olif mɔ, kɔ biskit.

24 Məber yi fəp Aruna dəwaca kɔ awut ɔn, mətubucnε kəsɔɲ yi ina MARIKI fər kirinɲ.

25 Kɔ telip-ε, məbanɲar ɲa yi dəwaca, məkɔ məcəfε yi MARIKI nde dətetek polonɲε kəronɲ. Ambənc ɲa yi ɲontore-tore MARIKI abəkək. Kəlɔɲnε kɔ, nke ancəfε MARIKI mɔ.

26 Mələk kəmpəpəc ka ankesiya ɲorkun ɲa merəŋ ɲedəsε ɲa Aruna dekirinɲ da kəlɔɲnε, mətubucnε kəsɔɲ ki MARIKI kəca kam pəmɔ təkɔ aɲsɔɲ fum paka mɔ, sɛm ya mənə ya yayəkɔ.

27 Məsəkəs kəmpəpəc nke mändesɔɲ MARIKI pəmɔ təkɔ aɲsɔɲ fum daka mɔ. Məsɔɲ sɔ aləŋk ɲa ankesiya ɲorkun nɲε anafek teta kədəsε Aruna k'awut ɔn dekirinɲ da kəlɔɲnε mɔ.

28 Yopoc merəŋ yayəkɔ ya Aruna kɔ awut ɔn yɔ, tendeyɔnε sariye sa tem o tem aka Yisrayel daco. Bawo yopocε ya kəfek yayəkɔ, yolonɲε ya kəpaɲnε pəforɲ yɔ, nye yɔyɔnε ya MARIKI mɔ. Mba Aruna k'awut ɔn ɲande ɲacsɔtər yi aka Yisrayel dəyolonɲε yaɲan.

29 Kɔ Aruna efi-ε, yamos yɔn ya dəKanu yayəkɔ wələma aɲsɔɲ yi awut ɔn daco, wəkəkɔ sɔ pəberne yi dəsək nde ambɔy moro kədəs kɔ dekirinɲ da yebək ya dəKanu mɔ.

30 Wəlɔɲnε wəkin awut ɔn daco nwe andedəs dəkəcəme da Aruna mɔ, emberne yamos yayəkɔ mata camət-merəŋ, k'endebere aɲgbancan ɲebəpənε kɔ Kanu disre kəkəbəc'em nde aɲgbip ɲosoku-ε.

31 Mələk ankesiya ɲorkun nɲε ɲoyɔnε ɲedəsε dekirinɲ da kəlɔɲnε mɔ, məpəc sɛm yayəkɔ kəfo kəsoku kələma saɲka disre.

32 Aruna kɔ awut ɔn arkun ɲasəm sɛm yayəkɔ, kɔ cəcom cəkɔ cəyi dəkəfala mɔ, nde kusɲka ka aɲgbancan ɲebəpənε kɔ Kanu.

33 ɲa gbəcərəm ɲɔ pəmar kəsəm ka sɛm ya kəsəkəs ka kiciya yayəkɔ kɔ kəlɔɲnε ka kədəs dekirinɲ da kəlɔɲnε kem kɔ kəsəkəs ka yi. Pəmar fε fum wəcuru pəsəm sɛm yayəkɔ, bawo yeri yosoku yɔ.

34 Kɔ pəyɔnε a sɛm ya yolonɲε yayəkɔ, kɔ pəyɔnε fε ti, cəcom cələma cəncəme haɲ bətbət-ε, məgbal yelpəs yəkɔ dənenc. Pəmar fε pasəm yi, bawo yeri yopus yɔ.

35 Məyɔ Aruna kɔ awut ɔn arkun pəmɔ təkɔ isom əm ti mɔ fəp. Mata camət-merəŋ mɔ mändedəs ɲa dekirinɲ da kəlɔɲnε.

36 Dəsək o dəsək mata camət-merəŋ maməkɔ disre pəmar məlonɲε tura pin teta kətubucnε ka kəsəkəs ka kiciya. Ti təɲsɔɲε məsəkəs tetek tolonɲε kətəsək

ka pi. Kə tencepər-ε, məlonər moro tetek tolonne kəron nte tənşəne məpusə pi MARIKI mə.

³⁷ Mata camət-mərən mə mände məctubucne kəsəkəs tetek tolonne teta kəpusə ka pi MARIKI. Itə tetek tolonne pənyəne on posoku pəs mpe ampuse MARIKI mə, təcsəne paka o paka pogbuənə pi, ampuse pi MARIKI. Kə təyənə fum pəgbuənə pi-ε, ənyənə on fum nwe ampuse MARIKI mə.»

Kəlonne fəp ka dəsək o dəsək

³⁸ «Dəsək o dəsək pəmar məde məclonne on tetek tolonne kəron nkesiya yorun mərən ya teren tin tin.

³⁹ Añkesiya njin bətbət bə mənlonne ni, añkesiya nja mərən dəfəy də mənlonne ni.

⁴⁰ Añkesiya nəcəkə-cəkə pəcəfe ni MARIKI kə kəmbefe kətət kilo kəmaas nke ampəcke moro mətət mə olif liter din kə dəcə mə, məlonər ki wən liter din kə dəcə teta kəlonne.

⁴¹ Kə dəfəy dəmbəp-ε, məker'em sə añkesiya nja mərən mədenər ni kəlonne ka məngben kə ka wən pəmə təkə məker'em bətbət mə. Yolonne yə, nye ancəfe MARIKI mə, ambənc nja yi nontore-tore kə abəkək.

⁴² Tekirin on, detemp o detemp dende kəclon'em kəlonne ka kəcəf pəcəl nde kusunja ka aŋbancan njebəpene kə Kanu, fər ya MARIKI kirin. Difə indekə icbəpene kə nəna a iclok-lokər əm di.

⁴³ Difə indekə icbəpene k'aka Yisrayel, nəcə da debeki dem dende docpus di.

⁴⁴ Ina MARIKI in'endesəpus aŋbancan njebəpene kə tetek tolonne, ipus sə Aruna kə yuruya yən nte tənşəne njade njaənə alonne em.

⁴⁵ Indende aka Yisrayel dəcə, iyənə Kanu kəjan.

⁴⁶ Aka Yisrayel nandəcəre a in'əyənə MARIKI Kanu kəjan, ina nwe inawurəne nja atəf nja Misira, idende nja dəcə mə. In'əyənə MARIKI, Kanu kəjan.»

30

Tetek pəcəfe MARIKI suray

¹ Məde məlompəs tetek pəcəfe MARIKI suray. Kətək ka kasiya kə məndelompse pi.

² Dəbolu da tetek pəcəkə dəyə kururu katin, kə dowokulu da pi kururu katin, pəndətəjnəne cəsək fəp. Deñeci da pi dəyə cururu mərən, tetek pəcəkə kə lən ya pi yetəpərəne yəyənə paka pin.

³ Məsop pi kema kəsoku pəs, kələk amesa nja pi kəron kəbər ka cəsək ca pi kəkə hañ lən ya pi. Məlompəs pi kəbər ka kema cəsək hañ mənəjkər.

⁴ Məlompəs cəsora mərən ca kema, məber ci kəbər tantəf ka cəsək mərən ca tetek pəcəkə. Cəsora cəcəkə cə andekə pəcəp cəgbo, nte tənşəne pactam kəsələn pi mə.

⁵ Məde məpat cəgbo ca kətək ka kasiya, məsop ci kema.

⁶ Məkə məcəmbər tetek pəcəkə tekirin ta kaloto kəkəjkə kəjkərə nke kəyo walakə nwe wementər danapa dem kə aka Yisrayel mə. Afəjk nəcəksə kiciya nne aŋbəpər kəjkərə kəron mə, difə səndekə səcbəpene.

⁷ Bətbət o bətbət Aruna pədəkə pəcəf'em di suray k'ende kəclompəs səlamp-ε.

⁸ Aruna pədəkə pəcəf suray səbotu ambənc sasəkə k'ende kə pəcmot səlamp dec dərfəy-ε. Pəmar pade pəcəf suray sasəkə detemp kə detemp donu.

⁹ Tetek tō nte pəntōmar nāde nāccōfe di MARIKI suray səcuru mō, pəmar fe nəlōŋne di yōcəl yōcəl, ta nəlōŋne di sō kəlōŋne ka mēŋgben, afōde paclōŋər di wēn wa kəlōŋne.

¹⁰ Katin gbōŋ teren disre tō Aruna ende pəctubucne kəsəkəs kiciya lēn ya tetek toloŋne kəron. DeTemp kō deTemp ende pəctubucne kəsəkse tetek mecir ma pōcəl pa kəlōŋne ka kiciya katin teren o teren. Tetek tosoku pēs pō pōyōne oŋ, mpe ampuse MARIKI mō.

Dut da anġbancan ɲosoku

¹¹ Kō MARIKI oloku Musa:

¹² Kō māndekəlīp kəlōm aka Yisrayel fəp-ε, nwe o nwe pəfēke MARIKI gbeti kəway ka kəyi kōn doru, nte tōŋsōŋe ta docu nde o nde dosumpər ɲa tem ta kəlōm mō.

¹³ Afum aŋe andekəlōm mō fəp, nte tō ɲandekōfēk: Gbeti gbələŋ kəram kəcamət pəmə potubuc pa nde aŋgbip ɲosoku mpe pōyōne kəram wəco mērəŋ (20) mō. Ina MARIKI andefēke gbeti babōko.

¹⁴ Nwe o nwe andekəlōm nwe əsōto meren wəco mērəŋ (20) mō, haŋ kəpe takəron fəp faŋan ɲafēke MARIKI.

¹⁵ Wəka daka əfōla wətōyo daka kəfēk kaŋkō, fəp faŋan ɲandetəŋne kəfēk nwe o nwe endefēke MARIKI gbeti gbələŋ kəcamət, nte tōŋsōŋe ɲawurusne kəyi kəŋan doru mō.

¹⁶ Kō məlīp kəbanəs kəfēk kaŋkō-ε, mōde məclompse gbeti babōko mes ma aŋgbancan ɲebəpene kō Kanu. Ti tende kəcsōŋe MARIKI kəcem-cemne aka Yisrayel pəcyac ɲa teta kəwurus kəyi kəŋan doru.

Kəsamp kəsəkəsne

¹⁷ Kō MARIKI oloku Musa:

¹⁸ Məsel kəsamp ka kəpər, kō pəcamene pa ki sō pōyōne kəpər, məber kəsamp kaŋkō domun nde alōŋne ɲande ɲəsəkəsne mō, məkō məcəmbər kəsamp kaŋkō tetek toloŋne kō aŋgbancan ɲebəpene daco.

¹⁹ Kəsamp kaŋkō kō Aruna kō awut ən arkun ɲande ɲacket domun nde ɲande ɲacbikne waca kō wēcək mō.

²⁰ Kō ɲambere aŋgbancan ɲebəpene kō Kanu disre-ε, domun dadōkō dō ɲande kəcbikene, ti tōŋsōŋe ta ɲafi-ε. Tin tayi tō kō ɲande kəckō kəlōtərne tetek toloŋne kəkōbəc kō kəcōfe MARIKI yoloŋne-ε.

²¹ Wēcək kō waca wō pəmar ɲacbikene, nte tōŋsōŋe ta ɲafi mō. Sariye sa tem o tem sō, nnō Aruna kō yuruya yōn ɲayi mō deTemp kō deTemp.

Moro məbōy ma kədəs ka alōŋne

²² Kō MARIKI oloku Musa:

²³ Məna məlek suray səbotu ambōnc: Kəlōl ka kətək nke aŋwe mir mō kilo kəcamət, pōl ya kətək kəbifəli nke aŋwe sinamōn mō kilo mērəŋ kō daco, kō kilo mērəŋ kō daco ka awo ɲəlōma ɲŋe ɲōmbət ambōnc mō,

²⁴ kō kətək ka kasiya kəbifəli kilo kəcamət pəmə potubuc pa nde aŋgbip ɲosoku, kō moro ma olif liter camət-tin.

²⁵ Məlompse yi moro məbōy mopus ma dəKanu: Pagbuluŋ mi labunde, tōyōne yeβac ya wəcəre kəlompəs labunde. Moro mopus mō mme ande pachōy nde dəKanu mō.

²⁶ Moro maməkō mō mānde məcbōy aŋgbancan ɲebəpene kō Kanu kō kaŋkəra nke kəyo walake nwe wementər danapa da MARIKI kō aka Yisrayel mō,

²⁷ kəbəp ka amesa kō yosumpər-sumpər ya ɲi fəp, pədetē səlamp kō yosumpər-sumpər ya pi, tetek pōcōfe MARIKI suray,

²⁸ tetek toloŋne yōcəl kō yosumpər-sumpər ya pi, kəsamp kō pəcamene pa ki.

²⁹ Məpusə MARIKI ca cacəkə, yendeyəne ca cəpus yosoku pəs, təsəne paka mpe o mpe kə pəyəne fe ti fum nwe o nwe oŋgbuŋene ca cacəkə mə, əŋyəne oŋ fum nwe ampuse MARIKI mə.

³⁰ Məbəy sə Aruna moro maməkə kə awut ən kədəs ŋa dekirin da kəlonne, məpus ŋa nte təŋsəne ŋacəb'əm oŋ mə.

³¹ Məloku aka Yisrayel: Moro məbəy mopus ma ina MARIKI mə, dətemp kə dətemp donu.

³² Ali fum əfəsopə mi dəris tatəkə kifəli, ali fum pəmar fe sə pəlompəs moro mowurəne ma mame. Moro mə mme ambəy kəpus ka alonne aŋe andəs dekirin da yəbəc ya dəKanu mə. Moro mopus mə mme pəmar aka Yisrayel ŋələs MARIKI fər kirin mə.

³³ Nwe o nwe olompəs moro mowurəne ma mi, pəsop mi wətəyəne wəlonne mə, aŋwure wəkayi aka Yisrayel daco.

Kəlompəs ka suray

³⁴ Kə MARIKI oloku Musa: Mələk ca cəbotu ambənc: Stakte, onikəs kə kalbanəŋ, mənəŋkəl yi kə suray sətət sa kələl ka kətək, yetəŋne deley.

³⁵ Wəcərə kəlompəs labunde pənəŋkəl suray sasəkə mer, nte təŋsəne pəsətə suray sətət kə səsoku nse ampuse yəbəc ya dəKanu mə.

³⁶ Pabifəli suray sələma, nse andekəboc nde kaŋkəra nke kəyə walake nwe wementər danapa da MARIKI kə aka Yisrayel mə tekirin ta nde aŋgbancan disre kəfo nke səndekə səcbəpene mə. Suray sosoku sə nse ampuse MARIKI mə.

³⁷ Pəmar fe nəde nəclompəs suray səwurene sa saŋse nse afum ŋaŋsopə kifəli mə, pəmar səyəne nu səpusə fum nwe andəs dekirin da yəbəc ya MARIKI mə.

³⁸ Nwe o nwe olompəs suray pəmə saŋse, teta kəne ka si ambənc ŋəbotu mə, aŋwure wəkayi aka Yisrayel daco.

31

Alompəs a aŋgbancan ŋəbəpene kə Kanu

¹ Kə MARIKI oloku Musa:

² «Mənəŋk iwe Betsalel tewe tən, wan ka Uri, wansə ka Hur, wəka kusunka ka Yuda.

³ İlas kə amera ŋa Kanu nte təŋsəne pəcəŋe, pəsək domp, pəcərə yəbəc fəp mə,

⁴ encərə kəpər yəbəc ya kema, ya gbeti kə ya kəpər,

⁵ kəpat ka masar momotər-motər kə kəset mi dəfərəm, kəpat ka tək, kə dəcərəŋ da yəbəc fəp.

⁶ İsoŋ kə wəmar nwe əyəne Oholiyab wan ka Ahisamak wəka kusunka ka Dan, k'isəŋ sə afum aləma dəcərəŋ. Ŋa ŋ'andekəbərəne kəbəc ka təkə isom əm mə fəp:

⁷ Kəyefe ka aŋgbancan ŋəbəpene kə Kanu kəbəp ka kaŋkəra nke kəyə walake nwe wementər danapa da MARIKI k'aka Yisrayel mə, kəkə afəŋk ŋəsəkse kiciya, kə yosumpər-sumpər ya aŋgbancan,

⁸ kələk amesa kə yosumpər-sumpər ya ŋi, pədəte səlamp pa kema kəsoku pəs, kəbəp ka yosumpər-sumpər ya pi, tetek pəcəfe MARIKI suray,

⁹ tetek tolonne pa pəcəl pəcəf kə yosumpər-sumpər ya pi, kəsamp kə pəcəməne pa ki,

¹⁰ yamos ya dəKanu ya Aruna wəlonne kə yuruya yən nye ŋande kəcbərne kə ŋandəbəc'əm-ε.

11 Moro məbəy kə labunde dobotu ambənc da aŋgbip ŋosoku, acərəŋ ŋalompəs yi pəmə təkə isom əm ti mə.»

Simiti dəsək da kəŋesəm

12 Kə MARIKI oloku Musa:

13 «Mələku aka Yisrayel: Nəde nəcleləs dəsək da kəŋesəm dem, tendeyəne ina kə nana aka Yisrayel daco tēgbəkərə hanj detemp kə detemp da yuruya yonu, ti tendesəŋe ŋacərə a in'oyəne MARIKI mme məŋsəkəs nu, nəyənə afum aŋe ampus'em mə.»

14 Nəde nəcleləs dəsək da kəŋesəm nde ampuse MARIKI mə, bawo dəsək dopus də nnə nəyi mə. Nwe o nwe əntələləs di mə, andif kə. Fum nwe o nwe embəc tebəc dəsək dadəkə mə, aŋwure kə aka Yisrayel daco.

15 Nəde nəcbəc mata camət-tin, mba simiti tataka ta camət-mərəŋ təyənə dəsək da kəŋesəm nde ampuse MARIKI mə. Fum nwe o nwe embəc dəsək da kəŋesəm dadəkə mə, andif kə.

16 Pəmar aka Yisrayel ŋələləs dəsək da kəŋesəm. Nəcəme sariye sa di darəŋ detemp kə detemp, təyənə təcəŋse ta danapa da tēm o tēm.

17 Tēgbəkərə tantə tendeyi oŋ ina k'aka Yisrayel daco tēm o tēm. Bawo mata camət-tin mə MARIKI enabəc antəf kə kəm, tataka ta camət-mərəŋ k'esak yəbəc, k'eŋesəm.»

18 Nte MARIKI elip kələk-lokər Musa nde tərə ta Sinayi mə, k'əsəŋ Musa walakə wa masar mərəŋ nwe wementər danapa dən kə aka Yisrayel mə, nwe MARIKI enacice melər məŋ yati mə.

32

Aka Yisrayel kələsər kəŋan danapa kə Kanu

32-34

Tura ta kema

1 Kə aka Yisrayel ŋanəŋk nte Musa oncwon kətor kəyefe ka nde tərə kəroŋ mə. Awa, k'afum ŋəŋkə ŋaləŋkane nnə Aruna eyi mə, kə ŋaloku: «Mələmpse su canu cəkət su fər kirin, bawo Musa fum wəkawe empeŋe su Misira mə, səncərə fe nte təsətə kə mə.»

2 Kə Aruna oloku ŋa: «Nəwure yadələŋəs ya kema nye aran anu, awut anu arkun kə aran, ŋamberəsne mə, nəker'em yi.»

3 K'afum aka Yisrayel fəp ŋawure-wure yadələŋəs ya kema nye ŋanaberəsne dələŋəs mə, kə ŋasəŋ yi Aruna.

4 Kə Aruna embəŋsər ŋa yi dəwaca, k'eŋgece tərəŋka ta tura towut anata. K'aka Yisrayel ŋaloku: «Kanu kam kə kəŋke, Yisrayel, nke kəmpən'am atəf ŋa Misira mə.»

5 Nte Aruna ənəŋk ti mə, k'olompəs tetek toloŋne tura tatəkə tekirin. K'əŋkule: «Alna ambocə MARIKI kəsata!»

6 Dəkəsək k'aka Yisrayel ŋayefe bətbət suy kə ŋəŋkere yoloŋne yocəf kə yoloŋne ya kəpaŋne pəforu. Kə ŋandə, ŋandi yeri, ŋamun, kə ŋayefe kəwoləs-woləs.

7 Kə MARIKI oloku Musa: «Mətor katəna katəna, bawo afum am aŋe məsole kəwurene atəf ŋa Misira mə, ŋanciya pəpəŋ.

8 Nəmbelkər kəgbayme dəpə dəkə imentər ŋa mə. Tərəŋka ta tura ta afec tə ŋalompəs, kə ŋantontnəne pi, kə ŋaləŋnəne pi, hanj kə ŋaloku: «Canu conu cə cəncə Yisrayel nce cəwurene nu atəf ŋa Misira mə!»

9 Kə MARIKI oloku Musa: «Awa, inəŋk nte afum akanə ŋayi mə, atanji ləŋəs ŋə ŋayənə fəp faŋan.

10 Ndəkəl oŋ məc'em, kətəl'em kə pənder nno ŋayi mə, kəmələk ŋa k'inder fəp faŋan, mba mənə indəsəŋ'am kəyo yuruya yelərəm məyoŋe wəka atəf ŋəpəŋ.»

11 Kə Musa elətsene MARIKI Kanu kən kəŋaŋne, k'oloku kə: «MARIKI, ta ake tə pəntelən'am nda afum am-ε, aŋe məwurene Misira fənəntər fam fəpəŋ kə səkət sa kəca kam mə-ε?»

12 Tendesəŋe aka Misira ŋandeloku: «Kəyo kəŋan pələc kə MARIKI owurene aka Yisrayel atəf ŋa Misira, kəkədif kəŋan nde dəməro, pəmələk ŋa, pənim ŋa antəf kəroŋ!» Mətorə abəkəc tə məyo ti, məbupərə kəyo ka afum am pələc!

13 Məcəm-cəmne Abraham, Siyaka kə Yakuba, acar am aŋe mənaloku, məcderəm mənasərka: «Indəsəŋe afum am kəla pəmə cəs ca darenε. Indəsəŋ yuruya yam atəf ŋaŋe fəp ŋe iloku ta ŋi mə, ŋəyoŋe oŋ ke kəŋan doru o doru.»

14 Kə MARIKI ombupərə sə pələc pəkə enacəm-cəmne kəyo afum ən mə.

15 Kə Musa ontor kəyefe ka tərə kəroŋ, pətəmpər walakε nwe mərəŋ, pacicəs wi bəkəc yayi mərəŋ fəp.

16 Walakε wawəkə mərəŋ, yebəc ya Kanu yenayi, nkən Kanu enacicəs wi kəroŋ kəca kən.

17 Nte Yosuwe ene aka Yisrayel kəkule-kule mə, k'oloku Musa: «Sim sa kəwan s'ŋne saŋse nde saŋka disre.»

18 Kə Musa oloku kə: «Ala bafə sim sa kəsətə kətam ka kəyefərəne sə, bafə sim sa kəpariya kəyefərəne sə ina iyi kəne. Sim sa kəsata sə ina iyi kəne.»

19 Nte ələtərne saŋka mə, k'ənəŋk tərəŋka ta tura towut, k'ənəŋk sə afum ŋacpise. Awa, kə pəntele Musa, k'əŋgbal walakε wa masar wawəkə enatəmpər mə, kə wəŋkə wewesle-wesle nde tərə dəntəf.

20 Kə Musa elək tərəŋka tatəkə ŋanalompəs mə, k'əŋkə pəber pi dənənc. Kə Musa embifəli yelpəs yakə yenacəme mə, k'elək yi k'əŋgbal dəromun nde enasəŋ aka Yisrayel kəmun mə.

21 Kə Musa eŋkafəle nno Aruna eyi mə, k'eyif kə: «Cəke cə aka Yisrayel ŋayo əm nte məsəŋe ŋa kiciya kəpəŋ kaŋke mə?»

22 Kə Aruna oloku: «Ta pətəl'am, mariki mem! Mənə yati məncərə aka Yisrayel: ŋambətər mes mələc.

23 ŋa ŋalok'im: «Məlompe su canu nce cəndəkət su kirin mə, bawo səncərə fe nte təsətə Musa nwe enawurene su atəf ŋa Misira mə.»

24 K'iloku ŋa a nwe o nwe əŋyo peyesnəne pa kəma mə pəwure pi! Kə ŋasəŋ im yi, k'imber yi dənənc, kə tura towut tantε towur di disre.»

Kətərəs

25 Kə Musa enəŋk nte antəsətəm kədusum afum mə, bawo Aruna enasak ŋa ŋacyə təkə ŋafan mə, kə təsəŋe ŋa kəyo təkə tənlapəs ŋa nno atərəne ŋan ŋayi mə.

26 Kə Musa əŋkə pəcəme dəkusəŋka da saŋka, k'oloku: «Nənə aŋe nəyine MARIKI mə, nəder nno iyi mə!» K'aka kusəŋka ka Lewy fəp ŋaŋkə ŋamepne Musa dəntəf.

27 Kə Musa oloku ŋa: «Nte tə MARIKI, Kanu ka Yisrayel kəloku: «Nwe o nwe pələk dakma dən, pəcop nno dəkusəŋka da saŋka haŋ dəkaləpsər da si, kədifət awənc anu, anapa anu k'akoməne anu.»»

28 Dəsək dadəkə k'aLewy ŋələləs dim da Musa, kə təsəŋe aka Yisrayel afum wul maas (3.000) kəfi.

29 Kə Musa oloku aLewy: «Kəyefe məkə andəs nu nəyoŋe oŋ afum aŋe ŋandeyi yebəc ya MARIKI mə, bawo nənesərne fe kədif ka awut anu kə awənc anu aŋa. MARIKI pəpocε nu məkə pətət!»

Musa elətsene Kanu kəŋaŋne ka aka Yisrayel

³⁰ Dɔckɔsɔk, kɔ Musa oloku aka Yisrayel: «Nənciya pəpəŋ! Ndekəl oŋ kəpɛ k'inder nde MARIKI eyi mə. Tələma ikətam kəsətər kɔ kəsəkəs ka kiciya konu.»

³¹ Kɔ Musa oluksərne nde MARIKI eyi mə, k'oloku: «Məŋaŋne MARIKI! Afum akanɛ ŋanciya pəpəŋ, ŋalompəs canu ca kema.

³² Məŋaŋnene ŋa kiciya kəŋan, ilɛtsen'am! Kɔ məyɔ fɛ ti-ɛ, mənim ina tewe nde buk bəkɔ mənacic mə.»

³³ Kɔ MARIKI oloku Musa: «Fum nwe enciy'em mə, inliŋ tewe tən buk bem disre.

³⁴ Ndekəl oŋ, məkɔ, məsole afum am məkekəre ŋa kəfo nke imentər əm mə. Mɛlɛkɛ mem mendekɔ yi nu kirin, mba dəsək nde inder kəboce nu kiti nde nəyi mə, indesəŋ ŋa ayɛk ŋa kiciya kəŋan.»

³⁵ Kɔ MARIKI osut aka Yisrayel, bawo ŋanacəme Aruna darəŋ, a wəkakɔ pəlompse ŋa tɛrəŋka ta tura towut.

33

Kanu kəloku Musa kələk dəpɔ ŋakɔ

¹ Kɔ MARIKI oloku Musa: «Nəyɛfɛ kəfo kanke, məna k'aka Yisrayel aŋɛ məmpɛne atɔf ŋa Misira mə. Nəkɔ nde atɔf ŋəkɔ inadɛrme Abraham, Siyaka, kɔ Yakuba mə, icloku: «Indesəŋ ŋi yuruya yam.»

² Indesak mɛlɛkɛ meyi nu kirin, indekəbɛləs aKanan, aMər, aHit, aPerisi, aHiwy, kɔ aYebus,

³ atɔf ŋaŋəkɔ ŋombɔŋ dale k'awop mə. Mba ifɔdesole nu inasərka, inese ta idəkəlip nu kədifət, bawo afum atəŋi ləŋəs ŋɔ nəyɔne.»

⁴ Nte aka Yisrayel ŋane moloku mebeŋəsne məməkɔ mə, kɔ ŋanone mi kəbal, nwe o nwe ɛnəyəsne fɛ sɔ.

⁵ Kɔ MARIKI oloku Musa: «Məloku aka Yisrayel: Afum atəŋi ləŋəs ŋɔ nəyɔne. K'isole nu kəkɔ tɛm tepic gbəcərəm-ɛ, inmələk nu dəpɔ. Nəwure yeyəsne yonu indeməmən nte indeyɔ nu mə.»

⁶ Ti disre, k'aka Yisrayel ŋaŋgbek-gbeki yeyəsne yəŋan fəp kəyɛfɛ ka tərɔ ta Horəb.

Aŋbancan ŋebəpsene kɔ Kanu

⁷ Kɔ Musa ɛlək aŋbancan k'encəmbər ŋi nkənsərka saŋka todoru pəwak kəbɔlene ŋi. K'ewe di «Aŋbancan ŋebəpene kɔ Kanu.» Nwe o nwe ɛncfəŋ tes nnɔ MARIKI eyi mə, mɛne wəkayɛ pəwur saŋka disre pəder nde aŋbancan ŋaŋəkɔ.

⁸ Kɔ Musa ende kəcwur kəkɔ daŋbancan-ɛ, aka Yisrayel fəp ŋaŋyɛfɛ. Ŋacəme-cəme cusuŋka ca cəbal cəŋan ŋagbətne kɔ haŋ pəbere aŋbancan ŋaŋəkɔ disre.

⁹ Kɔ Musa elip kəbere aŋbancan ŋaŋəkɔ disre-ɛ, acul ŋa kəp ŋotor ŋecəme dəkusuŋka da aŋbancan ŋaŋəkɔ, MARIKI pəlɔk-loku kɔ Musa.

¹⁰ K'aka Yisrayel fəp ŋanəŋk təkɔ kəp kəncəme kəsəŋka ka aŋbancan mə, ŋayɛfɛ fəp faŋan ŋatontəsne nwe o nwe nde kusəŋka ka abal ŋon.

¹¹ MARIKI pəlɔk-lokər Musa ŋatɛfərəne, pəmɔ nte fum endelok-lokər wanapa kon mə. Kɔ telip-ɛ, Musa pəlulus nde dəsəŋka. Mba wəmarsene kən wətemp Yosuwe wan ka Nun ɛncyɛfɛ fɛ aŋbancan ŋaŋəkɔ disre.

MARIKI kəlɔk-loku kən kɔ Musa

¹² Kɔ Musa oloku MARIKI: «Məməmən, mələk'im: «Məsɔle aka Yisrayel,» mba məmentər f'em fum nwe məyi kəsom kədəmar im mə. Ti disre mələku: «Incəre tewe tam, k'iyek-yek əm, kɔ kəmar ka kəbətər kem kəmbəp əm.»

¹³ Ndəkəl oŋ iletseŋ'am, kə pəyɔne a məmar im teta kəbətər kam-ε, məsəŋ'em kəcəre səpə sam. Təŋsəŋ'em kəcər'am, təsəŋ'em sə kəmar ka kəbətər kam kəsəl'em. Məməmən afum a atəf ŋəŋε, akam ŋə!»

¹⁴ Kə MARIKI oloku Musa: «Inasərka, in'endekə kə mənə! Isəŋ əm sə pəforu.»

¹⁵ Kə Musa oloku: «Kə pəyɔne a məfəkə-ε, ta məsəŋε su kəpe nno de.

¹⁶ Cəke c'andetaŋ kəcəre a məyek-yek su ina kə afum am-ε? Kəyi kam su daco gbəcərəm kəntam kəmentər kəgbey kosu kə afum alpəs aka doru.»

¹⁷ Kə MARIKI oloku Musa: «Indeyə təkə məloku mə. Incəre tewe tam, k'iyek-yek əm, kə kəmar ka kəbətər kem kəmbəp əm.»

¹⁸ Kə Musa oloku MARIKI: «Məmentər im nərə da debeki dam, iletseŋ'am.»

¹⁹ Kə MARIKI oloku Musa: «Indecəpərəŋ'am fər kirin dōbotu dem amera, icbōnc sə tewe ta MARIKI fər yam kirin. Inəŋnəne nwe infaŋ kəŋəŋnəne mə, indeyɔne fum nənəfər nwe indefaŋ kəyɔne nənəfər mə.»

²⁰ Kə MARIKI endəŋər: «Məfədetam kəŋəŋk im kəro mənə Musa, bawo fum əfətam kəŋəŋk im kəro wəkayɔ pəyi sə doru.»

²¹ Kə MARIKI oloku: «Kəfo kə kəŋkε ina kəsək, məcəmə tasar tantε kəroŋ.

²² Kə nərə da debeki dem dendenəcəpər-ε, indebər əm abi ŋa tasar disre, ikump əm kəca kem haŋ iclip kəcəpər.

²³ K'ilip kəcəpər-ε, a idelin kəca kem, tēm tatəkə məntam kəŋəŋk im kumunt, mba əfətam kəŋəŋk im kəro.»

34

Walakε wofu wa sariye

¹ Kə MARIKI oloku Musa: Məpat walakε mərəŋ wa masar pəmə wəcəkə-cəkə, indicəs məloku məkə məŋayɔ walakε wəcəkə-cəkə wawəkə mənapor-poru mə kəroŋ.

² Mələmpəsne bətbətana. Mədəna mənuŋkənε kəpe nno tərɔ ta Sinayɔ kəroŋ, məkə məcəmə fər yem kirin dəndo tərɔ dətelempən.

³ Ali fum ta pəpe kə mənə, ta panəŋk sə fum tərɔ kəroŋ. Kəyεfe ka ŋkesiya, cir, cəna ta yələtərne di kəsəmət!

⁴ Kə Musa empat walakε wa masar mərəŋ pəmə wəcəkə-cəkə. Kə Musa eyεfe bətbət suy k'empε nde tərɔ ta Sinayɔ kəroŋ pətəmpər walakε wa masar wawəkə mərəŋ pəmə təkə MARIKI enasom kə ti mə.

⁵ Kə MARIKI ontor dəkəp, k'əŋkə pəyi Musa kəsək, k'ombōncne tewe tən: «MARIKI.»

⁶ Kə MARIKI encəpər Musa fər kirin pəcloku: «MARIKI, MARIKI, Kanu k'iyəne nke kəŋyəne nənəfər, kəcŋəŋnəne mə, Kanu nke pəntəbelkər kətele mə, Kanu nke kəŋsektərne danapa da ki mə.

⁷ Kanu k'iyəne nke kəntəmpər kəsəktərne danapa da fum haŋ dətəmp wul win mə, Kanu nke kəŋəŋnəne afum kiciya kəŋən, kətəcəŋkəl kəŋən kə pələc pəŋəŋ mə. Mba kəfəŋəŋne kiti ka fum nwe endəkət mə, fum nwe enciya mə inəŋ kəway kələc kən yuruya yən dətəmp maas, haŋ dətəmp məŋkələ.»

⁸ Kə Musa embelkər kəcəp tobu dəntəf k'ontontne.

⁹ Kə Musa oloku: «Mariki, iletseŋ'am kə pəyɔne a isətə kəmar ka kəbətər fər yam kirin-ε, məder Mariki məsolε su. Afum atəŋi ləŋəs ŋə səyɔne yati, mba məŋəŋnəne kiciya kosu kə pələc posu, məlek su səyɔne afum am.»

Kəgbəkəre sə kəsək danapa

¹⁰ Kə MARIKI oloku Musa: «Danapa də səndesək, fər ya afum am fəp kirin, indeyə mes məpəŋ mme məntatəyi doru dandε fəp mə, kə nda afum a təf yelpəs

nyε mɔ. Aka Yisrayel aɲε ɲandekel ɔm mɔ, ɲandenɔɲk yεbɔc ya MARIKI, tɔyɔ tɔpɔɲ nte indeyɔ kɔ mɔna mɔ.»

11 «Mɔde macyɔ nte o nte inƙɔsom ɔm mɔkɔ kɔdeyɔ mɔ. Indekɔbelɔs fɔr yam kirinɲ Amɔr, aKananɲ, aHit, aPerisi, aHiwy, kɔ aYebus.

12 Mɔkembɔrne ta nɔdekɔsek danapa kɔ afum aka tɔf nyε nɔndekɔberε mɔ, ta ɲayɔne mowul aka Yisrayel daco.

13 Nɔdekɔ nɔcwɔkɔc tetek toloɲne taɲan, nɔgbal masar motontne maɲan mɛcɔmbɔr, nɔccɛpɔs mogbu maɲan motontne ma dɔcanu.

14 Ta mɔdekɔ mɔctontnεne canu cɔcuru, bawo tewe tɔn tɔyɔne «MARIKI ma kɔraca,» Kanu nke kɔyɔ kɔraca mɔ.

15 Ta mɔdekɔsek danapa kɔ afum aka atɔf ɲaɲɔkɔ. Bawo kɔ teyi-ε, kɔ ɲandekɔsali ɲaclɔɲne canu cɔɲan-ε, ɲaɲw'am kɔkɔtɔɲne ti, kɔ maɲkɔ oɲ-ε, mɔfɔtam kɔyi ta mɔndi yeri yayɔkɔ ɲaɲkɔloɲne canu cɔɲan mɔ-ε.

16 Kɔ nɔface awut anu arkun awut aɲan aran-ε, awut aran akakɔ ɲandebɛrεε ɲa kɔsali kɔ kɔloɲne kɔɲan ka canu cɔcuru.

17 Ta mɔdekɔlompɔs canu ca fɛc de.»

18 «Mɔdekɔ mɔcbɔc kɔsata ka cɔcom cɔtɔyɔ lebin: Mata camɔt-mɛrɔɲ ma ɲof ɲa Abib, mɔdekɔ mɔcsɔm cɔcom nɛe cɔntɔyɔ lebin mɔ, pɔmɔ nte isom ɔm ti mɔ, bawo ɲof ɲa Abib, ɲaɲɔkɔ disrε ɲɔ mɔnayεfε atɔf ɲa Misira.»

19 «Pɔkom pɔcɔkɔ-cɔkɔ pɔrkun pa yɔcɔl fɔp pemi pɔ, kɔlɛkεne pɔkom pɔrkun mpε yɔcɔl yonu yende yockom mɔ, kɔlɛk wana, wir har ɲɲkesiya.

20 Mɔndekɔ mɔcwurus sɔfale sɔwut nse andekɔkom sɔcɔkɔ-cɔkɔ mɔ, ɲɲkesiya ɲɔrkun ɲa teren tin kɔ pɔyɔne fε ti ambiyofɔ, kɔ mɔntɔwurus si-ε, mɔtepi si kilim. Mɔdekɔ mɔcwurus awut am arkun acɔkɔ-cɔkɔ aɲε andekɔ packom'am mɔ.»

«Afɔde packɔ nde kɔfo kem kɔsoku waca wɔsɔkɔr.»

21 «Mɔndekɔ mɔcbɔc mata camɔt-tin, mɔlelɔs tataka ta camɔt-mɛrɔɲ nte tɔyɔne dɔsɔk da kɔɲesɔm mɔ. Ali pɔyɔne a tɛm tebifti kɔ tetel tɔ mɔlelɔs pi.»

22 «Mɔdekɔ mɔcbɔc kɔsata ka Mataka Moluksɔr, tɛm nte mɔndekɔcop kɔtel mɔ, kɔ kɔsata ka Yɛtel tɛm nte mɔndetel dɔcɔbɔf teren dɔkɔlɔpsɔr mɔ.

23 Kɔren o kɔren, kɔmaas kɔ aka Yisrayel arkun pɔmar ɲader ɲamentɔrne fɔr ya Wɔbε MARIKI Kanu ka aka Yisrayel kirinɲ.

24 Bawo indekɔbanɔr afum aloma tɔf yaɲan ibεrεne yonu nte tɔɲsɔɲε yonu yεbek mɔ, ali fum ɔfɔdekɔtubucne kɔbanɔr nɔna tɔf yonu tɛm tante maas ta teren disrε, nte mɔnde kɔckɔ dɔkɔmentɔrne MARIKI Kanu konu fɔr kirinɲ mɔ.»

25 «Mɔfɔde mɔckεr'em pɔcɔl poloɲne kɔ paka pɔnɔɲkɔl lebin, pɔmar fε mɔmɛɲk sɛm ya kɔloɲne ka kɔcɛm-cɛmɔs ka Kɔcɛpɔr ka mɛlɛkε medif kɔyεfε dɔfɔy har dɔckɔsɔk bɔtbɔt.»

26 «Mɔdekɔ mɔckεrε nde kɔlɔ ka MARIKI Kanu kam yokom yɔcɔkɔ-cɔkɔ ya antɔf ɲam. Ta mɔdekɔ mɔcɛpɛε ambiyofɔ mɛsε ma kεrε ka ɲi.»

27 Kɔ MARIKI oloku Musa: «Mɔcic moloku mame, bawo moloku mame m'indeseke danapa kɔ mɔna k'aka Yisrayel.»

28 Kɔ Musa ɲayi kɔ MARIKI mata wɔco maɲkɔlε pibi kɔ danɲ. Endi fε peri, omun fε domun. K'encicɔs walakε nwε kɔronɲ moloku ma sariyε sa danapa, mɛtɔkɔs wɔco.

Kɔlukus ka Musa nde dɔsanɲka

29 Kɔ Musa ontɔr kɔyεfε ka tɔrɔ ta Sinayi kɔronɲ pɔtɔmpɔr walakε mɛrɔɲ nwε wementɔr danapa dɔn kɔ aka Yisrayel mɔ. Musa εnacɔrε fε a kɔlok-loku kɔn kɔ Kanu kɔnasɔɲε kɔ kɔro kɔmot.

³⁰ Aruna kɔ aka Yisrayel fəp njanɓətne Musa, nte kəro kɔn kəncmot mə. Kɔ njanese kəlotərne kɔ.

³¹ Kɔ Musa ewe ŋa. Kɔ Aruna k'akirin a kəlonkane ka aka Yisrayel fəp njaner nnɔ nkɔn Musa eyi mə, k'olok-lokər ŋa.

³² Nte elip mə, kɔ aka Yisrayel alpəs ane njalətərne kɔ oŋ, k'oloku ŋa moloku makɔ MARIKI enasom kɔ nde tərɔ ta Sinayi kədeloku aka Yisrayel mə.

³³ Nte Musa elip kəlok-loku ŋa mə, k'elək kafakəl k'oŋkumpne kəro.

³⁴ Nte Musa endebere nde kəfo kəsoku kəkəlok-loku kɔ MARIKI mə, k'elinne kafakəl dəkəro. K'owur kəyefe ka dādo kəfo kəsoku disre-ε, pəloku aka Yisrayel təkɔ MARIKI osom kɔ kədeloku ŋa mə.

³⁵ Aka Yisrayel njancmən kəro ka Musa nte kəcmot mə. K'elip kəlok-lokər ŋa, pəkumpne sɔ kəro mēne dəsək nde ŋkɔ sɔ nde kəfo kəsoku disre kəkəlok-loku kɔ MARIKI mə.

35

Kəcəmbər ka anɓbancan ŋosoku

35-40

Simiti dəsək da kəjesəm

¹ Kɔ Musa olonka aka Yisrayel fəp, k'oloku ŋa: «Nte tɔ MARIKI osom a pacyɔ:
² Mata camət-tin pabəc, mba tataka ta camət-merəŋ, simiti, dəsək da kəjesəm dɔ nde ampuse MARIKI mə. Fum nwe o nwe embəc dəsək dadəkɔ mə, andif kɔ.

³ Pəmar fe nəmot nenc dəsək da kəjesəm simiti nde wəlɔ wonu.»

AYisrayel njanke kəfek kəŋan

⁴ Kɔ Musa oloku kəlonkane ka aka Yisrayel fəp: «Nte tɔ MARIKI osom:

⁵ «Nələk dəyəsɔtɔ yonu nəfəke MARIKI. Wərkun nwe o nwe əsək abəkəc nɔtɔt, pəkere MARIKI kəfek: Kəyefe kema, gbeti, kəpər,

⁶ cəloto cəɓbət karɛ alom ŋa məntambənc, alom ŋeyim, ŋeyimbərər sɔ, cəloto nce andune səbeŋa sa kentələr kɔ cəfon ca wir mə,

⁷ kata ya ŋkesiya yorkun nye anɓbət karɛ alom ŋeyim mə, kata ya ntempeli, tək ya kasiya,

⁸ kɔ moro momotene, labunde dobotu ambənc nde ande pacɓbuluŋ moro mabəy, kɔ suray səbotu ambənc,

⁹ kɔ masar mətɔt mme anwe onikəs mə, kɔ mətɔt mələma mme andeber duma da efɔd kɔ yuba yəgbekne debəkəc mə.

¹⁰ Acərəŋ ane ŋayi nu dacɔ mə fəp, nader njalompəs ca cəkɔ MARIKI osom nu kələmpəs mə fəp:

¹¹ Dəkiyi dosoku, anɓbancan fəp kɔ pəkumpɛ pa ŋi, ŋkora ya ŋi, fərəm fa ŋi, mogbu ma ŋi, gbat-ɓbata ya ŋi kɔ yecəməne ya ŋi,

¹² kanjəra ka dəKanu kɔ cəɓbo ca ki kɔ afenjk nəsəkse kiciya, kɔ kəloto kəŋere,

¹³ amɛsa kɔ cəɓbo ca ŋi, yosumpər-sumpər ya ŋi fəp kɔ cəcom nce alonɓene Kanu mə,

¹⁴ pɛdɛte səlamp kɔ yosumpər-sumpər ya pi, səlamp kɔ moro momotene,

¹⁵ tetek mpe ancəfe MARIKI suray mə, kɔ cəɓbo ca pi, moro mabəy, suray səbotu ambənc, kəloto kəŋere kəŋkɔ andet anɓbancan ŋosoku dəkusunja mə,

¹⁶ tetek tolonne yacɔf yacəl kɔ manta ma kəpər ya pi, cəɓbo ca pi kɔ yosumpər-sumpər ya pi fəp, kəsamp kəbere domun dəsəkəsne, kɔ pecəməne pa ki,

¹⁷ cəloto ca sanjka, mogbu ma ci kò yecəməne ya mi, kò kəloto kəjere ka nde kusunja ka sanjka,

¹⁸ cəgbo cəɗɗ ca dəkiyi dosoku, ca sanjka, kò bənda yəko pəmar mə,

¹⁹ yamos yodu yəko pəmar paberne a pabəc yebəc nde anjgip ɲosoku mə, kò yamos ya dəKanu nyɛ Aruna kò awut ɔn ɲandekò ɲacberne a ɲacbəce Kanu mə.»»

²⁰ Kò kəlɔŋkanɛ k'aka Yisrayel fəp ɲayefe fəp ya Musa kirin.

²¹ Afum anje ɲanatese bəkəc mə fəp, kò ɲanjkerɛ MARIKI kəfɛk kəŋan teta yebəc ya anjbanan ɲebəpene kò Kanu, kò kəlompəs ka yamos ya dəKanu.

²² K'arkun kò aran ɲander. Afum anje ɲanayo bəkəc yosoku pəs mə ɲanjkerɛ yeyesneɛ ya kema yadəlɔŋəs, kurunde, yegbəkne, cəsora kò yeyesneɛ fəp nyɛ alompse kema mə, kò ɲander ɲasɔŋ yi MARIKI kəlɔŋne.

²³ Anje ɲanayo cəloto ca alom ɲa məntambenc mə, alom ɲeyim, cəloto ca səbeɲa sa kentaler, ca cəfon ca wir, kata ya ɲkesiya yorɔkun nyɛ anjgəbət dəpəyim, kò kata ya ntempeli mə ɲanjkerɛ yi fəp.

²⁴ Anje ɲanameɲkərne kəsək kəfɛk ka gbeti kò kəpər mə, ɲanjkerɛ yi MARIKI. Anje ɲanayo tək ya kasiya mə, ɲanjkerɛ yi teta yebəc yayəkə.

²⁵ K'aran acɛrəŋ ɲandune cəloto ca suwa waca waɲan, kò ɲanjkekəre nce ɲanadu mə, cəloto ca alom ɲa məntambenc, alom ɲeyim, alom ɲa bulu kò cəloto ca səbeɲa sa kentaler.

²⁶ Aran acɛrəŋ aloma anje ɲanatese bəkəc mə, kò ɲandune cəloto cətelər cəfon ca cir.

²⁷ K'akirin aka Yisrayel ɲanjkerɛ masar ma onikəs kò masar mətət məloma mme pəmar paberəs duma da efɗ kò yuba nyɛ wəlɔŋne wəpəŋ ɲjgbəkne dəbəkəc mə,

²⁸ kò suray səbotu ambənc, kò moro momotene dəsəlamp, moro məbɔy kò suray nse ancɗf mə.

²⁹ Arkun kò aran anje o anje ɲanatese bəkəc kəfɛke yebəc nyɛ MARIKI ɛnasom Musa mə, fəp ɲanakere MARIKI kəpocɛ kəŋan bəkəc yosoku pəs.

Betsalel kò Oholiyab ɲasumpər yebəc

³⁰ Kò Musa oloku aka Yisrayel: Nəməmən, MARIKI ewe Betsalel tewe tən, wan ka Uri wansɔ ka Hur wəka kusunja ka Yuda,

³¹ k'elas kò amera ɲa Kanu nte tɔŋsɔŋe pəcɛrɛ, pəsək domp, pəcəre yebəc fəp mə.

³² ɛncəre kəpər yebəc ya kema, ya gbeti, kò ya kəpər,

³³ kəpat ka masar momotər-motər, kò kəsət mi dəfərem, kəpat ka tək, kò decɛrəŋ da yebəc fəp, kò kəpər ka yi.

³⁴ Kò Kanu kəmpocɛ Betsalel pətət nte tɔŋsɔŋe pətam kətəkse afum aloma decɛrəŋ dadəkə fəp mə, kò kəmpocɛ sɔ Oholiyab wan ka Ahisamak wəka kusunja ka Dan pətət papəkə.

³⁵ MARIKI ɛnalas ɲa decɛrəŋ ɲactam kəbəc ka yebəc yayəkə fəp, kəyefe ka kəpat, kənekəs, kəcəm, kədu cəloto ca alom ɲa məntambenc, alom ɲeyim, cəloto cəfəfər kò cəloto cətelər, kò kəpər ka yebəc fəp.

36

¹ Kəyefe ka Betsalel kəkə ka Oholiyab kəbər ka acɛrəŋ alpəs akò MARIKI ɛnasɔŋ decɛrəŋ kò dosoku səbomp nte tɔŋsɔŋe ɲacəre yebəc ya nde anjgip ɲosoku ɲasumpər yebəc ɲasurene yi pəmɔ təkə MARIKI ɛnasom ti mə.

² Kò Musa ewe Betsalel, Oholiyab kò acɛrəŋ akò MARIKI ɛnabər dosoku səbomp mə, anje bəkəc waɲan yenasumpər kəbəc yebəc yayəkə mə.

³ Kò ñasòtér Musa ca cəkò aka Yisrayel ñanafek teta kəlompəs kò yebac ya angbip ñosoku mə. Bətbət o bətbət anckere Musa yefek tun, bəkac yosoku pəs.

⁴ Awa afum acerəñ ane ñanasumpər yebac fəp ya angbip ñosoku mə, ñancəmbərəs nwe o nwe yebac yəkò enayi mə.

⁵ Kò ñander ñaloku Musa: Afum ñayi kəcəpərər kəkere ka yefek teta yebac yəkò MARIKI osom kəlompəs.

⁶ Kò Musa osom padəñk sanja disre fəp: Ali fum, pəyone wərkun pəyone wəran, ta pəten sò pefekə angbip ñosoku! K'ayamsər on afum kənanjkane kəkere ka yefek yecəmbəre ya angbip ñosoku.

⁷ Yefek nye anabanəs mə yenctəñne han yecepərər teta yebac nye pənamar kəbəc mə.

Angbip ñosoku

⁸ Afum acerəñ ane ñancbəc mə fəp, ñalompse dəkiyi dosoku cəpol wəco ca səbeña sa kentəler, alom ña məntambənc, alom ña bulu, k'alom ñeyim, padu ci kəron lulu ya melekə kerub, yebac ya acerəñ yenayi.

⁹ Dobolu da cəpol cacəkò fəp dəyò nke o nke cururu wəco mērəñ kò camat-maas (28) kò dowokulu da kəpol nke o nke dəyò cururu mankəle, cəpol fəp cənatəñne potubuc.

¹⁰ K'əngbetlene-gbetlene cəpol kəcamat kin kin, k'əngbetlene-gbetlene sò cəkò kəcamat.

¹¹ Kò ñawes-wese dobol da kəlotò kəkəkò-cəkò kəkəsək səbeña s'alom ña məntambənc, kò ñanut yi, kò ñayò sò tin tayi kəpol ka kəlotò ka mērəñ.

¹² Dobol da cəlotò cacəkò mērəñ, k'ewes-wese di səbeña wəco kəcamat (50), k'onut yi, k'əsəñe yewes-wesi ya cəlotò cacəkò mērəñ fəp kəsurenə yin yin.

¹³ K'olompəs ñkora wəco kəcamat (50) ya kema nye enacəpərənə cəlotò cacəkò mērəñ mə, kò təsəñe cəlotò ca dəkiyi dosoku kəyone kin.

¹⁴ Nte elip mə, k'olompse cəpol ca kəlotò kətelər wəco kò pin cəfon ca wir, nce enalompse dəkiyi dosoku mə, k'emperi ci dəkiyi dosoku kəron.

¹⁵ Kəpol nke o nke kənayò dobolu da cururu wəco maas (30), kò dowokulu dəyò cururu mankəle. Cəpol nce wəco kò pin (11) cənatəñne potubuc.

¹⁶ K'əngbetlene taciña cəpol nce kəcamat, k'əyò sò tin tayi cəkò camat-tin.

¹⁷ K'olompəs yewes-wesi wəco kəcamat (50) kəpol kəkəsək ka yegbetlene yəkəkò-cəkò, k'onut yi. Kəpol kəkəsək ka yegbetlene ya mērəñ yəkò k'olompəs yewes-wesi wəco kəcamat (50), k'onut sò yayəkò.

¹⁸ K'olompəs ñkora wəco kəcamat (50) ya kəpər, k'əngbəkərenə yi kò təsəñe angbancan kəyone ñin.

¹⁹ K'olompse pokumpə pa angbancan pəkəkò-cəkò kata ya ñkesiya yorokun nye anagbət karə kəyim mə, k'onkumpə tamērəñ kata ya ntempeli.

²⁰ K'olompse dəkiyi dosoku tək ya kasiya fərem k'encəmbər fi.

²¹ Dobolu da fərem o fərem denayò cururu wəco kò dowokulu da fi kururu katin kò daco.

²² Fərem o fərem fənayò sek mērəñ nye yenasol mə, tatəkò t'enayò sò fərem fa dəkiyi dosoku fəp.

²³ K'olompəs fərem wəco mērəñ (20) fa kəca kətət ka nde dec dempe da dəkiyi dosoku mə.

²⁴ K'olompəs yecəmenə wəco mankəle (40) ya gbeti nye enacəmbər tantəf ta fərem wəco mērəñ (20). Fərem o fərem fənayò yecəmenə mērəñ, kəsurenə ka bi nye antam kəsət sek mērəñ yəkò fərem fəyò mə.

²⁵ K'olompəs sò fərem wəco mērəñ (20) fa kəca kəmeriya ka nde dec dempe da dəkiyi dosoku mə,

²⁶ kó yecámene wáco mankále (40) ya gbeti, ti tó tatáko yecámene merəŋ yenayi fərem fin tantof.

²⁷ K'olompəs fərem camət-tin fa tɔgbəkene ta dəkiyi dosoku, kəca ka ntende dec deŋkale mɔ,

²⁸ k'olompəs fərem merəŋ taciŋa fa monkubut ma tɔgbəkene pa dəkiyi dosoku.

²⁹ K'engberene fərem fafəko merəŋ kəyefe tantof k'onkotərne fi takəron kəsora kin. K'oyó tin tayi fərem nfe merəŋ, nfe fənayi monkubut yayəko merəŋ mɔ.

³⁰ Fərem camət-maas fənayi, kó yecámene wáco kó camət-tin (16) ya gbeti, ti tó tatáko fərem o fərem fənayo yecámene merəŋ tantof.

³¹ K'empat cəgbo ca kətək ka kasiya kəcamət nce cənasumpər fərem fəp fa kəsək kin ka dəkiyi dosoku mɔ.

³² Cəgbo kəcamət ca fərem fa kəsək ka merəŋ ka dəkiyi dosoku, kó cəgbo kəcamət sɔ cəsumpəre fərem fa tɔgbəkene ta dəkiyi dosoku, ntende dec deŋkale mɔ.

³³ K'olompəs kəgbo kəraco nke kənacəpər fərem fa kəsək kin fəp daco mɔ, kəyefe fərem fəcəkə-cəkə han kəbəp fəlpəs.

³⁴ K'osop fərem fəp kema, k'olompəs cəsora ca kema nde pənamar cəgbo cəcepər mɔ, k'osop sɔ ci kema.

³⁵ K'olompse kəloto kəkəŋke səbeŋa sa kentəler sa alom ŋa məntambenc, sa alom ŋa bulu kó sa alom ŋeyim. K'ondú kəloto kanjə kəron melekə kerub, yebac ya wəcerəŋ kədu yenayi yayəko.

³⁶ K'empate ki mogbu mankále ma kətək ka kasiya, k'osop mi kema. Mogbu maməkó mɔ anaber ŋkora ya kema. K'olompse mogbu maməkó yecámene mankále ya gbeti.

³⁷ Dəkusurjka d'anġbancan, k'ondune kəloto kəŋere səbeŋa sa kentəler, k'əŋəŋksəl si səbeŋa sa alom ŋa məntambenc, sa alom ŋa bulu kó sa alom ŋeyim.

³⁸ K'olompse kəloto kəŋere mogbu kəcamət kó ŋkora, k'osop yenəkəs ya mogbu takəron kó gbat-ġbata ya mi kema. Yecámene ya mi kəcamət, kəpər kanayi.

37

Kanjəra ka sede sa danapa

¹ Kó Betsalel olompse kanjəra ka sede sa danapa da MARIKI kó aka Yisrayel kətək ka kasiya. Kanjəra kanjə kəŋabəl cururu merəŋ kó daco, kó dowokulu da ki denayo kururu katin kó daco.

² Kó Betsalel osop kanjəra kanjə tedisre kó todoru kema kəsoku pes, k'olompəs kəbər ka kema han k'əŋəŋkər.

³ K'olompəs cəsora mankále ca kema nce enaber monkubut ma kanjəra kanjə mɔ, kəsək kətət cəsora merəŋ kó kəsək kəmeriya cəsora merəŋ.

⁴ K'empat cəgbo merəŋ ca kətək kəca kətət ka kasiya, k'osop ci kema kəsoku pes.

⁵ K'osor cəgbo cacəkó cəsora cəcəsək nte təŋsəŋe pactam ki kəselen mɔ.

⁶ Kó ŋalompse afenjk ŋəsəkse kiciya kema kəsoku pes, dobolu da ŋi denayo cururu merəŋ kó daco kó dowokulu da ŋi dəyo kururu katin kó daco.

⁷ K'olompse melekə kerub merəŋ kema kətemp, k'eselərene mi dəkəcop kó dəkəlpəsər da afenjk ŋəsəkse kiciya kəron.

⁸ Məsələrene melekə kerub min dəkəcop da afenjk kəronj, melekə kerub merənj məkə dəkələpsər da ni kəronj. K'olompəs melekə kerub merənj kə afenjk nəsəksə kiciya, kə yəyənə paka pin nde dəkəcop kə dəkələpsər da ni kəronj.

⁹ Melekə kerub maməkə merənj meperi banca takəronj, yi yokump afenjk nəsəksə kiciya, mənatəfərene meti cəro ni kəronj.

Amesa ɲa cəcom nce aɲsəj Kanu mə

¹⁰ Kə Betsalel olompse amesa kətək ka kasiya. Dobolu da amesa ɲəjəkə dənayə cururu merənj, kə dowokulu da ni dənayə kururu katin, kə deɲeci da ni kururu katin kə daco.

¹¹ K'osop ni kema kəsoku pəs, k'olompəs ni kəbər ka kema hanj k'ənəjkər.

¹² Kə Betsalel olompse cəsək cacəkə manjkələ fərem nfe dowokulu da fi deɲctəɲene kə dowokulu da kəca disre mə, k'ember ki kəbər ka kema hanj k'ənəjkər.

¹³ K'olompəs sə cəsora manjkələ ca kema nce enaber monjkubut m'amesa kəsurenə kə yecəmənə manjkələ ya ni mə.

¹⁴ Cəsora cacəkə cənalətərne fərem, difə ancsor cəgbo nce anctam kələk ni mə.

¹⁵ K'olompəs cəgbo ca kətək ka kasiya k'osop ci kema, cəgbo cacəkə c'ancləkə amesa ɲəjəkə.

¹⁶ K'olompse yosumpər-sumpər ya dəməsa kəyefe pəlet, məbəl, səpət kə mapan nyə ancbəce teta yoləɲnənə ya moro kə ya wən mə, kema kəsoku pəs k'ənalompse yi.

Pədəte səlamp pa wara camət-merənj

¹⁷ Kə Betsalel olompse pədəte səlamp kema kətemp kəsoku pəs, k'esələrene kəyefe pəcəmənə, kəkə təmbonjk pa pi, yənənə ya səlamp, yogbuc ya pi, kə yowurenə ya yeləjk ya tək.

¹⁸ Wara camət-tin wencyefe dətəmbonjk paraco, kəca o kəca wara maas.

¹⁹ Kəra o kəra kənayə yənənə ya səlamp maas nyə yənawurenə yeləjk ya tək yokom mə, kənayə sə pəgbc kə pələjk. Itə pənayi wara camət-tin nwe wənayefe dəpədəte səlamp mə.

²⁰ Təmbonjk pa pədəte səlamp pənayə yənənə ya səlamp manjkələ nyə yənawurenə kə yeləjk ya tək yokom mə, yogbuc kə yeləjk ya yi.

²¹ Wara wawəkə merənj merənj kəmaas nwe wencyefe dətəmbonjk paraco mə, dəkəyefe da wara merənj o merənj, pəgbc pin pin pencyi wi tantəf.

²² Yogbuc kə wara wawəkə fəp anəsələrene yi, fəp fa yi fəyənə anəmbəl ɲin ɲa kema kəsoku pəs kətemp.

²³ K'olompəs səlamp camət-merənj, macanjk kə map mekaye meken. K'olompse fəp fa mi kema kəsoku pəs.

²⁴ Kema kəsoku pəs kilo wəco maas (30) k'ənalompse pədəte səlamp kə yosumpər-sumpər ya pi.

Tetek pəcəfe pa suray

²⁵ Kə Betsalel olompse tetek pəcəfe MARIKI suray kətək ka kasiya. Dobolu da tetek papəkə dənayə kururu katin, kə dowokulu da pi kururu katin, pənətəɲne cəsək fəp, kə deɲeci da pi cururu merənj. Tetek kə lən ya pi yetəpərəne anəsələrene yəyənə paka pin.

²⁶ K'osop pi kema kəsoku pəs kələk amesa ɲa pi kəronj kəbər ka cəsək ca pi kəkə hanj lən ya pi. K'olompəs pi kəbər ka kema cəsək hanj k'ənəjkər.

²⁷ K'olompəs cəsora merənj ca kema nce anaber ci kəbər tantəf ta cəsək merənj ca tetek papəkə. Cəsora cacəkə cə andekə pacsor cəgbo, nte tənəɲne pactam kələk ka pi mə.

²⁸ K'empat cəgbo ca kətək ka kasiya k'osop ci kema.

²⁹ Kɔ Betsalel olompəs moro məbəy mopuse, k'olompəne sɔ suray səsoku pəs nse sambət ambənc mə, yebəc ya wəcəre kəlompəs labundə yənayi.

38

Tetek polonjəne kɔ kəsamp kəsəkəsnene

¹ Kɔ Betsalel olompə tetek tolonjə Kanu pɔcəl pɔcəl kətək ka kasiya, dobolu da pi dənabəp cururu kəcamət, kɔ dowokulu da pi cururu kəcamət. Cəsək ca pi cəntəjnene, mba deŋeci da pi dənayɔ cururu maas.*

² K'olompəs lən ya tetek nde moŋkubut makəroŋ maŋkələ, nye anasələrene kɔ pi mə, kɔ təsoŋe pi kəyɔne paka pin, k'osop pi kɔpər.

³ K'olompə yosumpər-sumpər ya tetek tolonjə fəp, kələk ka dap, pel, mapan, bak yosorte ɛm kɔ map mekaye meken. K'olompə yosumpər-sumpər yaye fəp kɔpər.

⁴ K'olompəs manta ma kɔpər, k'encəmbər mi kəbər ka tetek tolonjə kəyefe tantɔf haŋ daco. K'eseł cəsora maŋkələ ca kɔpər nce enabər dəmoŋkubut ma manta, teta kəsor ka cəgbo mə.

⁵ K'olompəs cəsora maŋkələ nce enabər moŋkubut maŋkələ ma manta ma kɔpər maməkə mə, nte tɔsoŋe pactam kəsor ka cəgbo mə.

⁶ K'empat cəgbo ca kətək ka kasiya, k'osop ci kɔpər.

⁷ K'osor cəgbo cacəkɔ dəcəsora cacəkɔ cənayi cəsək ca tetek tolonjə mə, nte tɔsoŋe pactam kələk tetek papəkɔ mə. Enalompə pi cəbam, kɔ pəyɔ fos disre.

⁸ K'eseł kəsamp ka kɔpər, kɔ pəcəməne pa ki sɔ pənayɔne kɔpər. K'alompə yi mɛm nye aran aŋe ŋanayi yebəc nde kusunja ka aŋgbancan ŋebərene kɔ Kanu mə.

Cəloto ca sanja

⁹ K'olompəs abanja. K'encəmbəre sanja kəca kətək ka ntende dec dəmpə mə cəloto ca səbənja sa kentələr. Dobolu da cəloto cacəkɔ dənabəp cururu tasar tin (100).

¹⁰ Mogbu ma yi wəco mərəŋ (20) kɔ yecəməne wəco mərəŋ (20) kɔpər kənayi. Ŋkora ya mogbu kɔ gbat-gbata ya mi yɔyɔne gbeti.

¹¹ Kəca kəmeriya ka ntende dec dəmpə mə, cəloto cənabəl cururu tasar tin (100), mogbu wəco mərəŋ (20) kɔ yecəməne ya yi wəco mərəŋ (20) ya kɔpər, ŋkora ya mogbu kɔ gbat-gbata ya mi fəp gbeti bənayi.

¹² Kəca nkə dec dəŋkələ mə, cəloto cənabəl cururu wəco kəcamət (50) mogbu ma ci wəco kɔ yecəməne ya mi wəco, ŋkora ya mogbu kɔ gbat-gbata ya mi fəp gbeti bənayi.

¹³ Kəca nkə dec dəmpə mə, dobolu d'abanja dənayɔ cururu wəco kəcamət (50).

¹⁴ Kɔ kəsək kin kəyɔ cəloto nce cənabəl cururu wəco kɔ kəcamət (15) mə, mogbu maas kɔ yecəməne ya mi maas.

¹⁵ Kəca ka mərəŋ, dəkusunja da sanja kəca kətək kɔ kəmeriya, dobolu da cəloto dənayɔ cururu wəco kɔ kəcamət (15), mogbu maas kɔ yecəməne ya mi maas.

¹⁶ Cəloto nce ananəpər sanja mə fəp, cəloto ca səbənja sa kentələr sənayi.

¹⁷ Yecəməne ya mogbu fəp, ya kɔpər yənayi, ŋkora ya mogbu kɔ gbat-gbata fəp ya gbeti yənayi, yənəkse ya mogbu fəp anasop yi gbeti, kɔ mogbu ma sanja fəp anakotərene mi kɔ gbat-gbata ya gbeti.

* 38:1 Kururu kin kəntəjnə kɔ mətər mɪn daco.

¹⁸ K'ondunε cəloto nce ananjerε kusun̄ka ka san̄ka m̄o. K'olompse ci s̄aben̄ja sa alom̄ n̄a m̄antamb̄enc, s̄aben̄ja alom̄ n̄a bulu, sa alom̄ n̄eyim, s̄aben̄ja sa kent̄aler, yeb̄ac ya w̄ac̄ere kadu ȳenayi. Cəloto c̄anjerε c̄anabol cururu w̄aco mer̄eṅ (20) k̄o deṅeci da ci denaȳo cururu k̄acam̄at, p̄am̄o dowokulu da cəloto ca san̄ka.

¹⁹ Anad̄etar yi mogbu man̄k̄ale m̄me menac̄amene yec̄amene man̄k̄ale ya k̄op̄ar m̄o, n̄kora k̄o gbat-gbata ya gbeti ȳenayi, k̄o ȳen̄kse ya mogbu s̄o, anasop̄ yi gbeti.

²⁰ C̄agbo c̄ad̄of ca d̄akiyi dosoku k̄o aban̄ka n̄a san̄ka f̄ap, ca k̄op̄ar c̄anayi.

Delay da k̄ema, gbeti k̄o k̄op̄ar n̄ke anab̄ace m̄o

²¹ Tat̄ok̄o t̄o daka da fec̄ nde anaberse k̄alomp̄as ka d̄akiyi dosoku nde walake n̄we wement̄ar danapa da MARIKI k̄o aka Yisrayel m̄o. P̄am̄o t̄ok̄o Musa enasom̄ n̄a ti m̄o, aLewy n̄analom̄ yi, Itamar p̄ayi ti kirin̄ wan w̄arkun w̄aka w̄aloh̄ne Aruna.

²² K̄o Betsalel wan ka Uri, wans̄o ka Hur, w̄aka kusun̄ka ka Yuda, emb̄ac t̄ok̄o MARIKI enasom̄ Musa m̄o f̄ap.

²³ Oholiyab, wan ka Ahisamak, w̄aka kusun̄ka ka Dan enamar k̄o, w̄akako enc̄pat, w̄acer̄eṅ n̄we on̄cdu cəloto ca alom̄ n̄a m̄antamb̄enc, alom̄ n̄a bulu, k̄o alom̄ n̄eyim, k̄o cəloto ca s̄aben̄ja sa kent̄aler.

²⁴ K̄ema n̄ke k̄anaberε k̄alomp̄as ka an̄gbip̄ n̄osoku m̄o f̄ap k̄anab̄ap̄ kilo masar cam̄at-maas w̄aco cam̄at-mer̄eṅ k̄o cam̄at-mer̄eṅ (877), potubuce pa an̄gbip̄ n̄osoku p'anutubce ki.

²⁵ Gbeti m̄be aka k̄aloh̄kanε ka Yisrayel n̄anafek̄ m̄o f̄ap, benak̄o kilo wul maas w̄aco k̄o cam̄at-maas (3.018), potubuce pa an̄gbip̄ n̄osoku p'anutubce ki.

²⁶ K'ayer k̄afek̄ kan̄k̄o-ε, antam̄ k̄aloku a arkun wul masar cam̄at-tin k̄o maas, masar k̄acam̄at w̄aco k̄acam̄at (603.550) an̄je n̄anas̄ot̄o meren w̄aco mer̄eṅ (20) han̄ k̄ape k̄aron̄ m̄o, n̄we o n̄we enafek̄ p̄asam̄ gbeti k̄acam̄at potubuce pa p̄asam̄ p'an̄gbip̄ n̄osoku.

²⁷ K̄o n̄alompse gbeti wul maas (3.000) yec̄amene tasar tin (100) ya f̄arem̄ ya an̄gbip̄ n̄osoku k̄o ya k̄aloto k̄ak̄an̄ke tedis̄re ti t̄on̄s̄on̄ p̄ec̄amene o p̄ec̄amene analompse pi gbeti kilo w̄aco maas (30).

²⁸ K'alompse gbeti bel̄p̄as m̄be kilo w̄aco k̄o cam̄at-mer̄eṅ (17) k̄o k̄eram̄ masar cam̄at-mer̄eṅ k̄o w̄aco k̄acam̄at (750) n̄kora ya mogbu, k'an̄sop̄ s̄o ncal̄eran̄ k̄o gbat-gbata nyε anakot̄arene k̄o mogbu m̄o.

²⁹ K̄op̄ar n̄ke aka Yisrayel n̄anatubuc̄ne k̄ason̄ MARIKI m̄o k̄anab̄ap̄ kilo wul mer̄eṅ, tasar tin w̄aco mer̄eṅ k̄o man̄k̄ale (2.124).

³⁰ K̄o n̄alomp̄as ki yec̄amene ya d̄akusun̄ka da an̄gbancan̄ n̄eb̄ap̄ene k̄o Kanu, tetek̄ tolon̄ne pa k̄op̄ar k̄o manta ma k̄op̄ar m̄ok̄o anan̄ep̄ pi m̄o, k̄o yosump̄ar-sump̄ar ya tetek̄ f̄ap,

³¹ k̄o yec̄amene ya san̄ka k̄o ya d̄akusun̄ka da san̄ka, k̄o c̄agbo c̄ad̄of ca d̄akiyi dosoku k̄o ca san̄ka f̄ap.

39

Yamos ya w̄aloh̄ne w̄ap̄eṅ

¹ S̄aben̄ja sa alom̄ n̄a m̄antamb̄enc, alom̄ n̄a bulu, k̄o alom̄ n̄eyim s̄o n̄alompse yamos ya d̄aKanu nyε p̄amar pab̄erne a pab̄ac yeb̄ac nde an̄gbip̄ n̄osoku m̄o. K'alompse s̄o Aruna yamos ya d̄aKanu p̄am̄o t̄ok̄o MARIKI enasom̄ ti Musa m̄o.

² K'olompse duma da ef̄od̄ k̄aloto ka s̄aben̄ja sa kent̄aler, sa k̄ema, sa alom̄ n̄a m̄antamb̄enc, alom̄ n̄a bulu, k̄o alom̄ n̄eyim.

³ Kò ñamperi bɔpɔr ya kema nye ñanagbint-ghinti kò ñanekàs yi megbɛr mɛfɛt mɛfɛt mmɛ ñancɛrsɛr cɛloto cɛfɛfɛr ca sɛbɛɗa sa kentɛlɛr, alom ña mɛntambɛnc, alom ña bulu, kò alom ñeyim, kò tɔyɔnɛ yɛbɛc ya acɛrɛɗ ƙɛdu.

⁴ K'ambɛr дума da efɔd yeyese banca mɛrɛɗ nye anasɔtɛrɛnɛ yi cɛsɛk ca banca ya дума da efɔd mɔ.

⁵ Tabataba mɛrɛ pɛnanɔɗkɛr дума da efɔd ñaɗɔkɔ mɔ. Anasɔtɛrɛnɛ pi, kò yɔyɔnɛ paka pin kò дума da efɔd: Tolompɛs ta yi tɛnawurɛnɛ: kɛloto ka sɛbɛɗa sa kentɛlɛr, sa kema, sa alom ña mɛntambɛnc, alom ña bulu, kò alom ñeyim pɛmɔ tɔkɔ MARIKI ɛnasom ti Musa mɔ.

⁶ Kò ñalompɛs walakɛ wa masar mɔtɔt ma onikàs kò ñambɛrsɛr mi fɛrɛm fa kema disrɛ. Kò ñancicàs mewe ma awut a Yisrayel, pɛmɔ nte ancic tamp mɔ.

⁷ K'ɔsɔtɛrɛnɛ masar mamɔkɔ yeyese banca ya дума da efɔd kɛrɔɗ, kɛɛm-cɛmàs ka mewe ma awut a Yisrayel (Yakuba), pɛmɔ nte MARIKI ɛnasom ti Musa mɔ.

Yuba yɛgbɛkɛnɛ dɛbɛkɛc

⁸ K'ondunɛ yuba yɛgbɛkɛnɛ dɛbɛkɛc kɛloto ka sɛbɛɗa sa kentɛlɛr, panɔɗkɛl sɛbɛɗa sa kema, sa alom ña mɛntambɛnc, alom ña bulu kò alom ñeyim, pɛmɔ tɔkɔ analompɛs дума da efɔd mɔ. Yɛbɛc ya wɛɛrɛɗ ƙɛdu yɛnayi.

⁹ Yuba yɛgbɛkɛnɛ dɛbɛkɛc yayɔkɔ ananɔt yi kɛmɛrɛɗ, yɛtɔɗɗɛnɛ cɛsɛk fɛp dobolu da cɛsɛk ca yi dɛnayɔ kɛca disrɛ katin.

¹⁰ Kò ñandɛtɛr ki masar momɔtɛr-mɔtɛr cɛgba mankɛlɛ: Kɛgba kɛcɔkɔ-cɔkɔ kɛnayɔ tasar teyim, tasar t'alom ña cɛbɛ, kò tasar pa alom ñobuk mɛl.

¹¹ Kɛgba ka mɛrɛɗ kɛnayɔ tasar teyim cɛɗ, tasar t'alom ña bulu kò diyaman.

¹² Kɛgba ka maas kɛnayɔ Tasar pa alom ña alembɛra, tasar pa lom yɛla cɛgbɛr kò tasar pa alom ña mɛntambɛnc.

¹³ Kɛgba ka mankɛlɛ kɛnayɔ tasar pa alom ñobuk mɛl, tasar pa lom yɛɛm-cɛmɛr kò tasar pa alom ñobuk. Tasar o tasar anasɛtɛr pi dɛfɛrɛm fa kema.

¹⁴ Tasar o tasar anacic pi tewe ta wan wɛkin wɛka Yisrayel (Yakuba), pɛmɔ tɔkɔ ancic tamp mɔ. Ti tɛncmentɛr mewe ma cusunka nɛɛ wɛcɔ kò mɛrɛɗ (12) ca Yisrayel.

¹⁵ Kò ñalompɛs yuba yɛgbɛkɛnɛ dɛbɛkɛc yayɔkɔ megbɛkɛce ma kema kɛsoku pɛs.

¹⁶ Kò ñalompɛs fɛrɛm mɛrɛɗ fa kema, kò curundɛ mɛrɛɗ ca kema nɛɛ anabɛr monkubut mɛrɛɗ ma yuba yɛgbɛkɛnɛ dɛbɛkɛc makɛrɔɗ mɔ.

¹⁷ K'angbɛkɛr megbɛkɛce mamɔkɔ mɛrɛɗ ma kema curundɛ cɔkɔ cɛyi dɛmonkubut ma yuba yɛgbɛkɛnɛ dɛbɛkɛc yayɔkɔ.

¹⁸ Kò ñaɗkɔ ñaɗgbɛkɛr cɛsɛk cɛlpɛs ca megbɛkɛce mamɔkɔ mɛrɛɗ dɛfɛrɛm mɛrɛɗ nfe fɛnayi yeyese banca ya дума da efɔd mɔ tekirin.

¹⁹ Kò ñalompɛs sɔ curundɛ mɛrɛɗ ca kema kò ñambɛr ci monkubut ma yuba yɛgbɛkɛnɛ yayɔkɔ tantɔf, kɛsɛk nke kɛncgbunɛnɛ дума da efɔd mɔ.

²⁰ Kò ñalompɛs sɔ curundɛ mɛrɛɗ cɛlɔma ca kema nɛɛ ñanabɛr yeyese banca ya дума da efɔd tantɔf mɔ, tekirin, dɛkɛsɔtɛrɛnɛ da yi nde pɛsurɛnɛ kò takɛrɔɗ ta tabataba ta дума da efɔd mɔ.

²¹ Kò ñaɗkotɛrɛnɛ curundɛ ca yuba yɛgbɛkɛnɛ dɛbɛkɛc kò ca дума da efɔd kɛbɛnda ka alom ña mantambɛnc, kò tɔsɔɗɛ yuba yɛgbɛkɛnɛ dɛbɛkɛc kɛdɛɗɛ takɛrɔɗ ta tabataba pa дума da efɔd, tɔsɔɗɛ sɔ yuba kɛtɔtam kɛsakɛnɛ kò дума da efɔd, pɛmɔ tɔkɔ MARIKI ɛnasom ti Musa mɔ.

Yamos yosoku yɔlɔma

22 K'ondunε burumus ba efɔd sɛbɛnɔ sa alom nɔ mɛntambɛnc fɛp, yɛbɛc ya wɛcɛrɛn kɛdu yɛnɔyi.

23 Dɛkɛmɛl domp da duma dadɔkɔ dɛcɔ dɛnɔyi, pɛmɔ nte andunε yamos akata mɔ. Anagbɛnt di kilim hanj panɔnjɛr nte tɔnsɔnɛ ta dɛwalɛ mɔ.

24 Kɔ nɔandu bi tantɔf hanj kɔ nɔanjɛr cɛpare ca alom nɔ mɛntambɛnc, alom nɔ bulu, alom nɛyim kɔ sɛbɛnɔ sa kentɛler.

25 Kɔ nɔalompɛs mɛnjgbɛnkɛle ma kɛma kɛsoku pɛs, kɔ nɔambɛrsɛr-bɛrsɛr yi burumus tantɔf hanj kɔ nɔanjɛr lulu ya cɛpare dɛcɔ.

26 Tɛnjgbɛnkɛle pin kɛpare kin, tɛnjgbɛnkɛle pin kɛpare kin k'ambɛrsɛr yi burumus hanj k'anɔnjɛr, nte tɔnsɔnɛ pɛkɔbɛc'em pɛmɔ tɔkɔ MARIKI ɛnasom ti Musa mɔ.

27 K'acɛrɛn kɛdu nɛsɔtɛ sɔ Aruna kɔ awut ɔn duma dedisrɛ da kɛloto ka sɛbɛnɔ sa kentɛler.

28 Cɛfakɛl, mɛmbo kɔ cɔgba fɛp fa yi fɛnɔyɔnɛ kɛloto ka kentɛler.

29 K'acɛrɛn nɔandunε mabamaba kɛloto ka sɛbɛnɔ sa kentɛler, nɔanjɛkɛsɛl sɛbɛnɔ sa alom nɔ mɛntambɛnc, sa alom nɔ bulu, kɔ sa alom nɛyim, pɛmɔ tɔkɔ MARIKI ɛnasom ti Musa mɔ.

30 Kɔ nɔalompɛs abɔpɛr nɔ dɔKanu kɛma kɛsoku pɛs, k'ancic nɔ kɛrɔn «Dosoku da MARIKI» pɛmɔ nte ancic tamp mɔ.

31 Kɔ nɔanjɛkɛrɛnɛ tɛbɛnda ta alom nɔ mɛntambɛnc kɛfakɛl takɛrɔn, pɛmɔ tɔkɔ MARIKI ɛnasom ti Musa mɔ.

Yɛbɛc yelip, k'anjɛrɛ yi Musa

32 Kɔ yɛbɛc ya dɛkiyi dosoku, y'anjɛbancan nɛbɛpɛnɛ kɔ Kanu yelip ɔn. Aka Yisrayel nɔnasurɛnɛ kɛyɔ tɔkɔ MARIKI ɛnasom Musa mɔ.

33 K'aka Yisrayel nɔanjɛrɛ Musa dɛkɛyi dosoku: Anjɛbancan kɔ ca ya nɔ: njkora ya nɔ, fɛrɛm fa nɔ, gbat-gbata ya nɔ, mogbu ma nɔ kɔ yɛcɛmɛnɛ ya nɔ,

34 kata ya nɛkesiya yɔrkun nyɛ anjɛbɛt alom nɛyim, pokumpɛ pa kata ya ntempɛli, kɔ kɛloto kɛnjɛrɛ,

35 kanjɛra nɛ kɛmɛntɛr danapa da MARIKI, kɔ cɛgbo ca ki kɔ afɛnjɛk nɔsɔksɛ kiciya,

36 amɛsa kɔ yosumpɛr-sumpɛr ya nɔ fɛp, kɔ cɛcom nɛcɛ alɔnjɛnɛ Kanu mɔ,

37 pɛdɛtɛ sɛlamp pa kɛma kɛsoku pɛs kɔ sɛlamp sa pi, yosumpɛr-sumpɛr ya pi fɛp kɔ moro momotɛnɛ ma pi,

38 tɛtɛk tolonjɛ pa kɛma, moro mɔbɔy, suray sɛbotu ambɔnc, kɛloto kɛnjɛrɛ ka dɛkusunjɛka da anjɛbancan,

39 tɛtɛk tolonjɛ pa kɔpɛr kɔ manta ma kɔpɛr, kɔ cɛgbo ca pi kɔ yosumpɛr-sumpɛr ya pi, kɛsɛmp kɛbɛrɛ domun dɔsɔkɛsnɛnɛ kɔ pɛcɛmɛnɛ pa ki,

40 cɛloto ca sanjɛka kɔ mogbu ma ci, kɔ yɛcɛmɛnɛ ya mi, kɛloto kɛnjɛrɛ dɛkusunjɛka da sanjɛka, kɛlɛkɛnɛ bɛnda kɔ cɛgbo cɛdɔf ca yi, yosumpɛr-sumpɛr nyɛ pɛnamar pabɛcɛ dɛkiyi dosoku mɔ fɛp, anjɛbancan nɛbɛpɛnɛ kɔ Kanu mɔ fɛp,

41 yamos yodu yɔkɔ pɛmar pabɛrɛnɛ a pabɛc yɛbɛc ndɛ anjɛbpɛr nɔsoku mɔ, kɔ yamos ya dɔKanu nyɛ Aruna kɔ awut ɔn nɔandɛkɔ nɛcɛbɛrɛnɛ a nɛcɛbɛc Kanu mɔ.

42 Aka Yisrayel nɔanabɛc yɛbɛc yayɔkɔ pɛmɔ tɔkɔ MARIKI ɛnasom ti Musa mɔ.

43 Nte Musa ɛnɛnjɛk a nɛasurenɛ kɛbɛc yɛbɛc fɛp yɔkɔ MARIKI ɛnasom kɛbɛc mɔ, k'ontolanɛ aka Yisrayel pɛtɔt.

40

Kɛsom ka kɛcɛmbɛr k'anjɛbancan nɛbɛpɛnɛ kɔ kɛsɔkɛs ka nɔ tɛta yɛbɛc ya dɔKanu

¹ Kò MARIKI oloku Musa:

² «Tataka tɔcɔkɔ-cɔkɔ ta ɲof ɲɔcɔkɔ-cɔkɔ, mɛcɛmbɛr dɛkiyi dosoku, aɲgbancan ɲɛbɛpɛnɛ kɔ Kanu.

³ Mɛbɛrsɛ di kanjɛra nke kɛyɔ walakɛ nwe wementɛr danapa dem kɔ aka Yisrayel mɔ, mɛkɛɲkɛ kanjɛra kanjɛrɛ kɛloto ta afum ɲacɛɲk ki.

⁴ Mɛkɛrɛ amɛsa mɛcɛmbɛr ɲi kɛrɔɲ yosumpɛr-sumpɛr tɔkɔ pɛmar mɔ. Mɛkɛrɛ pɛdɛtɛ sɛlamp mɛcɛmbɛr, mɛdɛt pi sɛlamp.

⁵ Mɛkɔ mɛcɛmbɛr tetek toloɲnɛ pa kɛma mɛpɛ ande paccɔf suray nɛɛ sɛmbɔt ambɔnc mɔ, tekiriɲ ta kanjɛra nke kɛmentɛr danapa da MARIKI mɔ. Kɔ telip-ɛ, mɛdɛt kɛloto kɛɲɛrɛ nde kusunja ka dɛkiyi dosoku.

⁶ Mɛcɛmbɛr tetek toloɲnɛ yɔcɔl yɔcɔf nde dɛkɛbɛrɛ da dɛkiyi dosoku, nde dɔyɔnɛ aɲgbancan ɲɛbɛpɛnɛ kɔ Kanu.

⁷ Mɛcɛmbɛr kɛsamp aɲgbip kɔ tetek toloɲnɛ dacɔ, palas ki domun.

⁸ Mɛcɛmbɛr saɲka haɲ mɛnɔɲkɛr, mɛdɛt kɛloto kɛɲɛrɛ dɛkusunja da si.»

⁹ «Mɛlɛk moro mɔbɔy mɛsɔp mi dɛkiyi dosoku kɔ yosumpɛr-sumpɛr ya di fɛp. Mɛpus di kɔ yosumpɛr-sumpɛr ya di nte tɔɲsɔɲɛ ca cacɔkɔ fɛp nde dɛkiyi dosoku kɔ disrɛ yɔyɔnɛ yopus fɔr ya MARIKI kirinɲ.

¹⁰ Mɔbɔy tetek toloɲnɛ mɛpɛ ancɔfɛ MARIKI yɔcɔl mɔ, kɔ yosumpɛr-sumpɛr ya pi, mɛpusɛ MARIKI tetek toloɲnɛ, tɔsɔɲɛ pi ɔɲ kɛyɔnɛ posoku pɛs fɔr yem kirinɲ.

¹¹ Mɔbɔy kɛsamp kɔ pɛcɛmɛnɛ pa ki, mɛpusɛ yi sɔ MARIKI.»

¹² «Mɛcɔɲnɛ Aruna kɔ awut ɔn arkun nde kusunja ka aɲgbancan ɲɛbɛpɛnɛ kɔ Kanu, mɛbike ɲa domun.

¹³ Mɛbɛr Aruna yamos yɔn ya dɛKanu, mɔbɔy kɔ moro ma dɛKanu, tɛm tatakɔ mɛsɔkɛs kɔ pɛbɛc'em ɔɲ yɛbɛc ya wɛloɲnɛ.

¹⁴ Mɛcɔɲnɛ sɔ awut ɔn mɛbɛrɛs ɲa duma dedisrɛ danan.

¹⁵ Mɔbɔy ɲa moro ma dɛKanu pɛmɔ tɔkɔ mɛmbɔy mi kas kɛɲan mɔ. ɲa sɔ ɲade ɲabɛc'em pɛmɔ aloɲnɛ. Kɛbɔy ka moro ma dɛKanu kanjɛrɛ kɛndɛsɔɲɛ ɲa kɛtɔmpɛr yɛbɛc ya kɛloɲnɛ kem dɔru o dɔru.»

¹⁶ Kɔ Musa ɔyɔ tɔkɔ MARIKI ɛnasom kɔ mɔ fɛp.

Musa osom kɛcɛmbɛr ka aɲgbancan

¹⁷ Tataka tɔcɔkɔ-cɔkɔ ta ɲof ɲɔcɔkɔ-cɔkɔ ɲa teren ta mɛrɔɲ, k'ancɛmbɛr dɛkiyi dosoku.

¹⁸ Kɔ Musa ɛncɛmbɛr dɛkiyi dosoku kɔ yɛcɛmɛnɛ ya di, k'encɛmbɛr fɛrɛm, k'emperi cɛgbo, k'encɛmbɛr mogbu.

¹⁹ Nte elip mɔ, k'emperi kɛloto kɛkumpɛ dɛkiyi dosoku, k'oluksɛrɛnɛ k'ɛɲgbɛpɛr kɛloto ka mɛrɔɲ takɛrɔɲ, pɛmɔ tɔkɔ MARIKI ɛnasom kɔ ti mɔ.

²⁰ Kɔ Musa ɛlɛk walakɛ nwe wementɛr danapa da MARIKI kɔ aka Yisrayel wɔkɔ anacicɛs mɔ, k'ɛmbɛr kanjɛra disrɛ, k'osor cɛgbo cɛlɛkɛ ca kanjɛra kanjɛrɛ, k'ɛlɛk afɛɲk ɲɔsɔkɛ kiciya k'ɛɲgbɛpɛr ki takɛrɔɲ.

²¹ K'ɛlɛk kanjɛra k'ɛɲkɛkɛrɛ ki nde dɛkiyi dosoku disrɛ. K'ɛndɛt kɛloto kɛkɛɲkɛ nke kɛyi tekiriɲ ta kanjɛra nke kɛmentɛr danapa da MARIKI kɔ aka Yisrayel mɔ, pɛmɔ tɔkɔ MARIKI ɛnasom ti Musa mɔ.

²² Kɔ Musa ɛncɛmbɛr amɛsa aɲgbancan ɲɛbɛpɛnɛ kɔ Kanu disrɛ, ntende kɛca kɛmeriya ka dɛkiyi dosoku.

²³ K'encɛmbɛr-cɛmbɛr cɛcom fɔr ya MARIKI kirinɲ, pɛmɔ tɔkɔ nkɔn MARIKI ɛnasom ti Musa mɔ.

²⁴ K'encɛmbɛr pɛdɛtɛ sɛlamp aɲgbancan ɲɛbɛpɛnɛ kɔ Kanu disrɛ, pɛtɛfɛrɛnɛ kɔ amɛsa, ntende kɛca kɛtɔt ka dɛkiyi dosoku.

²⁵ K'encəmbər səlamp MARIKI fər kirin, pəmō təkō nkən MARIKI enasom ti nkən Musa mō.

²⁶ Kō Musa encəmbər tetek pa kema nde aŋgbancan ɲebəpene disre kəloto kəkəŋke tekirin.

²⁷ K'əncəf suray səbotu ambənc, pəmō təkō MARIKI enasom kō ti mō.

²⁸ K'endət kəloto kəŋere nde kusunja da dəkiyi dosoku.

²⁹ Kō Musa encəmbər tetek toloŋne yəcəl yəcəfe MARIKI nde kusunja ka dəkiyi dosoku, nde dəyəne aŋgbancan ɲebəpene kō Kanu mō, k'oloŋne di pəcəl pəcəf, kō kəloŋne ka məŋgben, pəmō təkō MARIKI enasom ti nkən Musa mō.

³⁰ Kō Musa encəmbər kəsamp aŋgbancan ɲebəpene kō tetek toloŋne dacō, k'ambər ki domun dəsəkəsne.

³¹ Kələk nkən Musa kəbər ka Aruna haŋ awut ən arkun kō ɲambikene waca kō wəcək teta kəsəkəsne.

³² Kō ɲande kəcbere aŋgbancan ɲebəpene kō Kanu disre ɲackō kələtərne tetek toloŋne-ε, mēne ɲambikene teta kəsəkəsne pəmō təkō MARIKI enasom ti Musa mō.

³³ Kō Musa encəmbər saŋka k'əŋəŋkər dəkiyi dosoku kō tetek toloŋne, k'endət kəloto kəŋere nde kusunja ka saŋka. Tatəkō tō Musa enaləpəs yəbəc nyε MARIKI enasom kō mō.

Nərō da debeki da MARIKI de las aŋgbancan

³⁴ Nte yəbəc nyε yelip mō, kō kər kənder kəgbəpərne aŋgbancan ɲebəpene kō Kanu, kō nərō da debeki da MARIKI dender de las dəkiyi dosoku.

³⁵ Tenasəŋe ta Musa entam kəbere daŋgbancan ɲebəpene-ε, bawo kər kənayi ɲi kəroŋ kō nərō da debeki da MARIKI de nals dəkiyi dosoku.

³⁶ Təm nte aka Yisrayel ɲacpəpə-cepə mō, ɲacyefe fe kələk dəpō mēne kər kəŋəŋkəne kəyefe dəkiyi dosoku kəroŋ.

³⁷ Kō kər kəntəyefe-ε, aka Yisrayel ɲafəpəpə haŋ dəsək nde kəŋyefe mō.

³⁸ Dəsək disre, kər ka MARIKI kəncyi dəkiyi dosoku kəroŋ, kō pəmbiyε-ε nenc dencyi sō dəkiyi dosoku kəroŋ, tatəkō tənayi fər ya aka Yisrayel fəp kirin, təm nte ɲanayi kəpəpə-cepə kəŋan disre fəp mō.

Tawureta Musa, Buk 3: Sariye sa ALewy kɔ sa Kəlɔŋne Moloku ma kəsəkəs buk ba Musa ba maas: Sariye sa aLewy kɔ sa kəlɔŋne

Buk bambe bəyɔne buk ba maas ba Aŋnabi Musa, mbe aŋwe «Sariye sa aLewy» mɔ. MARIKI, encemp, ɔyɔ fe wətubcɛne. Mpe o mpe aŋkere kɔ mɔ, pəmar pəyɔne pɔtɔt, pəmar sɔ pacəme sariye sa kəlɔŋne darəŋ tin tin, nte təŋsɔŋe pəbaŋ ki mɔ. Sariye saŋse səlɔku tɔkɔ pəmar packere MARIKI yoloŋne, kɔ sariye sa yebəc ya aloŋne nde aŋgbancan ŋebəpene kɔ Kanu.

MARIKI enayek-yek kusɔŋka k'aLewy aka Yisrayel daco kəyɔne aloŋnene aŋan, k'endəs ŋa kəyɔne asumpər-sumpər a yebəc yɔn ya aŋgbip ŋon ŋosoku. Kəyefe tem tobol-bolu atəkse ŋancem-cemne, a Aŋnabi Musa enacicas buk bambe. ŋancem-cemne sɔ a Musa enacicas səbuk kəcamət səkəkɔ-cəkɔ sa Toloku ta Kanu, nse səyɔne Dəkəcɔp, Kəwur, ALewy, Kəlɔm, kɔ Sariye*. Itɔ aŋnəŋk nde sora səkəkɔ-cəkɔ sa buk bambe: «Kɔ MARIKI ewe Musa ..., k'osom kɔ ...» Atəkse alɔma ŋancem-cemne a kɔ tɔyɔne a analompəs moloku ma buk bambe kəyefe yecicəs yokur nyɛ anabəp nde dare da Babilɔŋ meren masar kəcamət (500) ta antakom Yesu mɔ.

Buk bambe disre alom yoloŋne nyɛ o nyɛ Kanu kənasom aloŋne kəkere mɔ. Yoloŋne yɔlɔma nyɛ aŋkere teta kiciya ka afum mɔ. Yɔkɔ aŋkere MARIKI teta tɛfaŋ ta fum: Wəkayi pəkere yi abəkək ŋosoku pəs bawo əmbɔtər MARIKI. Mba mpe o mpe pəyɔne pɔtɔt, mpe fum aŋkere MARIKI mɔ, pəmar pəyɔne pɔtɔt pɛtas ca yɔn yɔlɔma, ta pəyɔ dolokəp. Ti tementər a Kanu, kəcempɔ kɔ. Tɛlpəs nde buk bambe, Kanu kəlɔm cəke cɔ aka Yisrayel kɔ aloŋne ŋantam kəyɔne afum apus fər ya Kanu kirin, kɔ tɔyɔne ŋayik-yikəsne-ɛ, nte ŋaŋyɔ a ŋasəkəne sɔ nɔn Kanu kəyi mɔ. Buk bambe disre sənəŋk belbel a Kanu kəyɔ fe wətubcɛne. K'andecəme sariye sa buk bambe darəŋ-ɛ, aka Yisrayel ŋandetam kəyi doru kəbum ka Kanu dəntɔf.

Teyer ta buk bambe

1-7, Sariye sa kəlɔŋne.

8-10, Aruna kɔ awut ən kədəs kəŋan yebəc ya kəlɔŋne.

11-16, Sariye sa yeri, kɔ sa docu.

17-27, Sariye sa mes mələma: Dəkədi yeri, cəsata, mɔyɔ mɔtɔt kɔ kələləs ka teren ta kəŋesəm ka antɔf.

Sariye sa ALewy kɔ sa Kəlɔŋne

Sariye sa yoloŋne

1-7

Kəlɔŋne ka yɔcɔl yoloŋne yɔcɔfɛ MARIKI

¹ Kɔ MARIKI ewe Musa kəyefe ka nde aŋgbancan ŋebəpene kɔ Kanu, k'osom kɔ:

² «Məlɔku aka Yisrayel nte: Kɔ fum wəkin nənə daco ɛfaŋ kəpocɛ MARIKI pɔcɔl teta kəlɔŋne-ɛ, ɛntam kələk pi nde cir, ŋkesiya kɔ pəyɔne fe ti-ɛ cənə cən daco.

* : Dəkəcɔp da doru (*Genèse*), Kəwur ka dacar Misira (*Exode*), Kəlɔm ka aka Yisrayel (*Nombres*) kɔ Sariye sagbəkəre (*Deutéronome*)

³ Kò fum endekene MARIKI wana teta polojne pɔcɔf pɔn-ε, pɔyɔne tura pɔtɔyɔ dolokɔp. Wəkayɪ pəkəkəre pi nde dəkəberε da anɔnbancan ηεbɔperεne kɔ Kanu, nte tɔnsɔrε MARIKI pəbanj kəpocε kanjka mɔ.

⁴ Wəkayɪ pədenj kəca kən pɔcɔl polojne pɔcɔf papɔkɔ dərɔmp, MARIKI εmbanj kəpocε kanjka teta kəsɔkas ka kiciya kən.

⁵ Wəkεre ka tura papɔkɔ pəfay pi MARIKI fɔr kirinj. Awut arkun yuruya ya Aruna alojne ηasu tɔbɔl, mecir mamɔkɔ mɛmbere pi disre. Njamentər mi MARIKI, ηawesəsər mi cəsək ca tetek tolojne mpe peyi dəkəberε da anɔnbancan ηεbɔperεne kɔ Kanu mɔ hanj ηanɔnjkɔr.

⁶ Fum wəkayɪ pənat polojne pɔcɔf papɔkɔ, pəcenəs pi fəkəl fəkəl.

⁷ Awut arkun a Aruna wəlojne ηade ηacmot nenc nde tetek tolojne ta Kanu kəronj, ηade ηaccɔl tɔk dənenc.

⁸ Awut arkun a Aruna alojne ηade ηacɔc fəkəl ya sɛm yayɔkɔ, domp kɔ moro ma yi ηade ηacdenj yi dətɔk ya nenc nde tetek tolojne Kanu kəronj.

⁹ Wəkεre tura papɔkɔ pəyake yedisre kɔ wεcək wa pi domun, k'elip-ε, wəlojne wəkin pələk yi pɔcɔfe MARIKI fəp nde tetek tolojne kəronj. Pɔcɔl pɔcɔf pɔ, kəlojne nke ancɔfe MARIKI mɔ, ambɔnc ηa ki ηontore-tore MARIKI abəkɔc.

¹⁰ Kò fum endekene pɔcɔl polojne pɔcɔf mpe εlek dənjesiya kɔ pɔyɔne fe ti dəcir cən mɔ-ε, pɔyɔne porkun mpe pɔntɔyɔ dolokɔp mɔ.

¹¹ Pəfay pi tetek tolojne Kanu kəca kəmeriya nke dec dempe mɔ MARIKI fɔr kirinj, paber mecir mamɔkɔ fəp tɔbɔl disre. Awut arkun a Aruna alojne ηələk mecir mamɔkɔ ηawesəsər mi tetek tolojne Kanu cəsək fəp.

¹² Wəsɔnj pɔcɔl papɔkɔ pəcenəs pi fəkəl fəkəl, domp kɔ moro, wəlojne pədenj fəkəl ya sɛm yayɔkɔ nenc da tetek tolojne Kanu kəronj.

¹³ Pəyake yedisre kɔ wεcək wawɔkɔ domun. Wəlojne pələk pəkene yi fəp MARIKI, pɔcɔfe kɔ yi nde tetek tolojne kəronj. Pɔcɔl pɔcɔf pɔ, kəlojne nke ancɔfe MARIKI mɔ, ambɔnc ηa ki ηontore-tore MARIKI abəkɔc.

¹⁴ Kò fum endekene MARIKI abemp teta polojne pɔcɔf-ε, wəkayɪ pələk mɔpay kɔ pɔyɔne fe ti-ε, ntantoriya.

¹⁵ Wəlojne pəkəkəre abemp nje nde dətetek tolojne ta Kanu kəronj, pəkəncəl ηi kilim, pɔcɔfe ηi MARIKI domp nde tetek tolojne kəronj, pəlojər mecir ma abemp ηanjɔkɔ tetek tolojne Kanu cəsək.

¹⁶ Wəlojne pəwure tɔlɔba pəmɛnjke yeri kɔ rɔt ya abemp ηanjɔkɔ, pəɔbal yi tetek tolojne Kanu kəsək ntende dec dempe mɔ, nde amber kəɔf kəɔɔju mɔ.

¹⁷ Wəlojne pəɔberi abemp ηanjɔkɔ banca daco kɛp mɛrɔnj, mba ta pəɔbey ηi. Pɔcɔfe ηi MARIKI nde tɔk ya tetek tolojne kəronj. Pɔcɔl pɔcɔf pɔ, kəlojne nke ancɔfe MARIKI mɔ, ambɔnc ηa ki ηontore-tore MARIKI abəkɔc.»

2

Kəlojne ka mɛnjɔben

¹ Kò fum endekene MARIKI yolojne ya mɛnjɔben-ε, yɔyɔne kəmbefe kətɔt pəlojər ki moro, pədenjər ki suray sətɔt sa kəlɔl ka kətɔk.

² Pəkεre kəmbefe kanjka awut arkun a Aruna alojne. Wəlojne wəkin pəwet kəmbefe kanjka alonjər moro mɔ anjkulma katin kɔ suray sətɔt sayi fəp, pɔcɔfe yi MARIKI nde dətetek tolojne kəronj, tɛcɛmɛməs tɔ. Kəlojne nke ancɔfe MARIKI mɔ, ambɔnc ηa ki ηontore-tore MARIKI abəkɔc.

³ Kəmbefe kəlpəs ka kəlojne ka mɛnjɔben kanjka, Aruna kɔ yuruya yɔn ηayɔ ki. Kəlojne kəsoku kəpus kɔ, bawo dəyolojne nye ancɔfe MARIKI mɔ, kəyεfe.

⁴ Kə pəyənə məckəkəre polonjəne pa meŋgben mpe ancəf dəpəcəfe kəcom mə, pəyənə kəmbefe kətət, kəcom kəlok-lok kətənəjkəl lebin panəktərəne ki moro, kə pəyənə fe ti biskit bətənəjkəl lebin pasopət bi moro.

⁵ Kə mədə məckəkəre kəcom kənəkət teta kəlonjəne ka meŋgben-ε, kəyənə kəmbefe kətət kənəktərəne kə moro ma olif ta kəyə lebin.

⁶ Patepi kəcom kanjə moroc moroc, palonjər sə ki moro. Kəlonjəne ka meŋgben kə.

⁷ Kə mənədekekəre kəcom nke anekət dətəp teta kəlonjəne ka meŋgben mə-ε, panəktərəne kəmbefe kətət kanjə kə moro ma olif.

⁸ Məkenə MARIKI kəlonjəne ka meŋgben nke alompəs mə, pakere ki wəlonjəne nwe əjkəlbətərnəne ki tetek tolonjəne Kanu mə.

⁹ Kəlonjəne ka meŋgben kə, wəlonjəne pəbeli pəkə anjəkere MARIKI teta kəcem-cəməs mə, pəcəfe ki MARIKI dəndo dətetek tolonjəne kəronj. Kəlonjəne nke ancəfe MARIKI mə kə, nke ambənc ŋa ki ŋontore-tore kə abəkəc mə.

¹⁰ Kəmbefe kəlpəs ka kəlonjəne ka meŋgben kanjə, Aruna kə yuruya yən ŋəyə ki. Kəlonjəne kəsoku kəpus kə, bawo dəyolonjəne nyε ancəfe MARIKI mə, kəyefe.

¹¹ Ali kəlonjəne ka meŋgben kin nke andekene MARIKI mə ta kənəjkəl lebin. Ta pəcəfe MARIKI polonjəne mpe o mpe anəjkəl lebin kə pəyənə fe ti-ε mese ma cəme mə.

¹² Nəkenə MARIKI yetel yəcəkə-cəkə ya yəbəf yonu, mba ta pəcəfe kə yi nde dətetek tolonjəne kəronj, pəmə yolonjəne nyε ancəfe kə teta ambənc ŋəkə ŋontore-tore kə abəkəc mə.

¹³ Polonjəne pa meŋgben mpe o mpe mənəde məckene MARIKI mə, payek-yəkər pi mεr. Ta məsak kəlonjəne ka meŋgben kam ta kəyə mεr-ε, bawo mεr məyənə tεcem-cəməs ta kəsek ka Kanu kam danapa kə aka Yisrayel. Yolonjəne fəp məyek-yəkər yi mεr.

¹⁴ Nənde nəckəkəre kəlonjəne MARIKI meŋgben ma yetel yonu yəcəkə-cəkə, nənekte meŋgben ma asek ŋəcəkə-cəkə nεnc, kə telip-ε, nəcə meŋgben maməkə təmpεra a nəndekere kəlonjəne kanjə.

¹⁵ Nəlonjər ki moro ma olif, nədenjər ki suray sətət sa kəbəl ka kətək. Kəlonjəne ka meŋgben kə.

¹⁶ Wəlonjəne nkən pəbeli təmpεra pələma pəcəf kə moro ma olif kə suray sasəkə fəp teta kəcem-cəməs. Kəlonjəne kə nke ancəfe MARIKI mə.

3

Kəlonjəne ka kəpaŋjəne pəforu

¹ «Kə fum endekene MARIKI kəlonjəne ka kəpaŋjəne pəforu, təyənə pəclək wana wawəkə nde yəcəl yən dacə-ε, pəkenə MARIKI tura kə pəyənə fe ti, wana wεran nwe wəntəyə dolokəp mə.

² Pədenjər kəca kən domp da pəcəl papəkə a pədəfay pi nde dəkəbεre da anjəbancan ŋεbəpεne kə Kanu. Pasu təbəl mecir maməkə mēbεre pi disre. Awut arkun a Aruna alonjəne ŋawəsəser mecir maməkə dətetek tolonjəne Kanu haŋ ŋanəjkər.

³ Yedisre ya polonjəne pa kəpaŋjəne pəforu nyε ande packekəre kəcəfe MARIKI mə: Moro mmε monjkump yedisre mə fəp,

⁴ fi yayəkə mεrəŋ kə moro məkə monjkump yi mə, kə məkə monjkump cəsək kə pəwətəwətər pa mim mə, pawure mi fəp tin kə fi.

⁵ Awut arkun a Aruna ŋacəfe yi fəp MARIKI nde dətetek tolonjəne kəronj kə pəcəl pəcəf mpe pɛyi dənεnc da tək mə. Kəlonjəne kə, nke ancəfe MARIKI mə, ambənc ŋa ki ŋontore-tore MARIKI abəkəc.

⁶ Kò fum endekene MARIKI pòcòl pa kàlonjine ka kàpànjine pàforu mpè elek dənkesiya kò pəyòne fè ti dəcir mò, pàkene MARIKI pòcòl mpè pòntəyò dolokəp mò, pəyòne porkun kò pəyòne fè ti-ε pəran.

⁷ Kò pəyòne a ankesiya ηο-ε, pàkekəre ηi nde MARIKI fòr kirinj.

⁸ Fum wəkəkò pàdenj kəca kòn domp da polonjine pòn, pəfay pi nde tekirinj ta anjbančan ηəbəpəne kò Kanu. Pasu təbəl mecir maməkò meberε pi disre. Awut arkun a Aruna ηawəsəsər mecir ma polonjine papəkò cəsək ca tetek tolonjine Kanu hanj ηanəjkər.

⁹ Dəpolonjine pa kàpànjine pàforu papəkò ankerε MARIKI pəcəfε kò mò, wəlonjine wəkin pəkere: Moro ma pi, kəlenja məlməl pagbinti ki nde dəkətiti kò moro fəp mme monkump yedisre mò,

¹⁰ fi yayəkò merəj kò moro məkò monkump yi mò, kò məkò monkump cəsək kò pəwotwotər pa mim mò, pawure mi fəp tin kò fi.

¹¹ Wəlonjine pəcəf yi fəp nde dətetek tolonjine Kanu kəronj, yeri nye ancəfε MARIKI mò yò.

¹² Kò fum endekene MARIKI wir yòcəl yòn dacə-ε, pàkekəre wi MARIKI fòr kirinj.

¹³ Pàdenjər pòcəl papəkò kəca dəròmp, k'elip-ε, pəfay pi nde tekirinj ta anjbančan ηəbəpəne kò Kanu. Pasu təbəl mecir maməkò meberε pi disre. Awut arkun a Aruna ηawəsəsər mecir maməkò tetek tolonjine Kanu cəsək hanj ηanəjkər.

¹⁴ Wəlonjine wəkin pəlek yedisre ya polonjine mpè ankerε MARIKI mò pəcəfε kò yi: Moro məkò monkump yedisre ya pòcəl papəkò mò fəp,

¹⁵ fi yayəkò merəj kò moro məkò monkump yi mò, kò məkò monkump cəsək kò pəwotwotər pa mim mò, pawure mi fəp tin kò fi.

¹⁶ Wəlonjine pəcəfε yi MARIKI fəp nde dətetek tolonjine kəronj. Yeri nye ancəfε MARIKI mò yò. Ambənc ηa yi ηontore-tore MARIKI abəkək. Moro ma yòcəl yolonjine fəp, ma MARIKI mò.

¹⁷ Sariyε sa doru o doru sò tendeyòne detemp o detemp donu mofò mme nəndendε mò: Nəfəde nəcsəm moro ma wəsəm kò ma pòcəl, nəfəde nəcmun mecir ma yi.»

4

Kəlonjine ka kiciya nke antəyefene mò

¹ Kò MARIKI osom Musa:

² «Məlokə aka Yisrayel:

Kò fum enciya kətəyefene disre pəyò tes nte sariyε sa MARIKI səmòne mò-ε, təkət nte tə nəde nəkət:

Kəlonjine teta kiciya ka wəlonjine wəkirinj

³ Kò təyòne wəlonjine nwe anabəy moro kəyòne ka wəkirinj k'alonjine mò eciya, pəsənjε sò afum kəsare kiciya-ε, pàkene MARIKI teta kiciya kòn tura pətəyò dolokəp.

⁴ Pàkekəre tura tatəkò nde dəkəberε da anjbančan ηəbəpəne kò Kanu, nde tekirinj ta MARIKI. Wəlonjine pàdenj tura tatəkò kəca dəròmp, pəfay pi MARIKI fòr kirinj. Pasu təbəl mecir maməkò meberε pi disre.

⁵ Wəkirinj k'alonjine nwe anabəy moro mò pəlek mecir maməkò pàkekəre nde anjbančan ηəbəpəne kò Kanu,

⁶ pəgbət telər dəmecir maməkò, pəwəsəsər hanj camət-merəj MARIKI fòr kirinj, tekirinj ta kəloto nke kəjkəjk təkə tosoku mò.

⁷ Wəloŋne pəsop mecir maməkə len maŋkələ ya moŋkubut ma tetek mpe ancəfē Kanu suray pəkə peyi nde tekirinj ta MARIKI mə, nde aŋgbancan ɲebəpene kə Kanu. K'elip-ε, pəkə pəloŋər mecir mēlpəs ma tura tatəkə nde pəcəməne pa tetek toloŋne mpe peyi dəkəberε da aŋgbancan ɲebəpene kə Kanu, nde ancəfē MARIKI yəcəl yoloŋne mə.

⁸ Pəwure moro fəp ma tura ta kəloŋne ka kiciya, moro məkə moŋkump yedisre ya pəcəl papəkə mə fəp,

⁹ fi yayəkə mēɾəŋ kə moro məkə məfəktər yi, kə məkə moŋkump yi cəsək kə pəwot-wotər pa mim mə, pəgbinti mi tin kə fi.

¹⁰ Pəmə nte aŋwure yi nde dətura ta kəloŋne ka kəpaŋne pəforu mə, wəloŋne pəcəfē yi MARIKI nde dətetek toloŋne mpe ancəf yəcəl yoloŋne mə.

¹¹ Mba akata ɲa tura, sēm ya pi fəp, domp, wəcək kə yedisre ya pi kələkene yedisre ya aputuk ya pi fəp,

¹² yelpəs ya tura, wəloŋne pəwurene yi dəsəŋka todoru kəfo kəsoku nke aŋgbal kəbof kəboŋu mə, pəkə pəcəfē yi dəndo nenc da tək, nde tēpəsə pa kəbof kəboŋu kəroŋ.

Kəloŋne teta kiciya ka kəloŋkane ka aka Yisrayel fəp

¹³ Kə pəyənε a kəloŋkane ka aka Yisrayel fəp ɲaciya tosom tin ta MARIKI ta ɲayefene ti-ε, kə ɲayo tes nte sariye sa MARIKI səmənε, təsəŋε ɲa kəsare kiciya-ε,

¹⁴ ɲanckənacəre kiciya kəŋan, ɲakere tura teta kəloŋne ka kiciya kəŋkə. ɲakekəre tura tatəkə nde aŋgbancan ɲebəpene kə Kanu tekirinj.

¹⁵ Abeki a kəloŋkane ka aka Yisrayel ɲadenər pi waca dərōmp, ɲawure fum wəkin ɲa dəcə pəfay tura papəkə MARIKI fər kirinj. Pasu təbəl mecir maməkə mēberε pi disre.

¹⁶ Wəkirinj k'aloŋne wəkə anabəy moro mə, pəkəkəre mecir ma pi nde aŋgbancan ɲebəpene kə Kanu disre.

¹⁷ Wəloŋne pəgbət telər dəmecir maməkə, pəwesəsər mi kəloto kəŋkə kəŋkəŋk təkə tosoku mə haŋ camət-mēɾəŋ MARIKI fər kirinj.

¹⁸ Pəsopət sə mecir maməkə len maŋkələ ya moŋkubut ma tetek mpe ancəf suray mpe peyi MARIKI fər kirinj mə nde aŋgbancan ɲebəpene kə Kanu disre. Pəloŋər mecir mēlpəs fəp nde pəcəməne pa tetek toloŋne Kanu pəcəl pəcəf mpe peyi nde dəkəberε d'aŋgbancan ɲebəpene kə Kanu mə.

¹⁹ Pəwure moro ma pəcəl papəkə fəp pəcəfē mi MARIKI nde tetek toloŋne kəroŋ.

²⁰ Pəyə teta tura tatəkə pəmə təkə ɲyə teta tura mpe aŋloŋne teta kiciya mə, wəloŋne pətubucne kəsəkəs aka Yisrayel kiciya kəŋan, MARIKI pəŋaŋne ɲa ki.

²¹ Wəloŋne pələk yelpəs ya tura papəkə pəwurene saŋka todoru, pəkə pəcəf yi pəmə tura pəloŋne pa kiciya ka nkənsərka. Kəloŋne ka kiciya ka kəloŋkane k'aka Yisrayel fəp kə kəŋkə.

Kəloŋne teta kiciya ka wəkirinj wələma

²² Kə pəyənε a wəkirinj wəkin eciya MARIKI ta eyefene ti, pəyə tes nte sariye sa MARIKI Kanu kən səmənε mə, təsəŋε kə kəsare kiciya-ε,

²³ ɲnckənacəre kiciya kəŋkə, pəkere ambiyofō ɲɲε ɲəntəyə dolokəp mə teta kəloŋne.

²⁴ Pədenər ambiyofō ɲaŋəkə kəca dərōmp, pəfay ɲi kəfo nke aŋfay yoloŋne yəcəf mə, nde MARIKI fər kirinj. Pasu təbəl mecir maməkə mēberε pi disre. Kəloŋne ka kiciya kə.

²⁵ Wəlonjəne pəgbət telər tən mecir ma pəcəl pa kəlonjəne ka kiciya, pəsopət mi len maŋkəle ya moŋkubut ma tetek mpe ancəfe MARIKI yolonjəne mə, pəlonjər pəcəməne pa tetek tatəko mecir melpəs maməkə.

²⁶ Pəcəfe MARIKI moro ma pəcəl papəkə fəp nde dətetek tolonjəne kəronj, pəmə moro ma kəlonjəne ka kəpaŋjəne pəforu. Wəlonjəne pətubucne kəsəkəs ka wəkiriŋ kəciya kən, MARIKI eŋŋaŋjəne kə kiciya kən.

Kəlonjəne teta kiciya ka fum wələma

²⁷ Kə pəyənə a fum wələma gbəcərəm wəka dətəf eciya sariye sa MARIKI ta eyefəne ti, pəyə tes nte sariye sa MARIKI səməne mə, təsəne kə kəsare kiciya-ε,

²⁸ əncəkəncərə kiciya kən, pəkere wir wəran nwe wəntəyə dolokəp mə teta kəlonjəne ka kiciya kən.

²⁹ Pədənjər pəcəl pa kəlonjəne papəkə kəca dəromp, pəfay pi nde aŋfay yolonjəne nyə ancəfe MARIKI mə. Pasu təbəl mecir maməkə meberə pi disrə.

³⁰ Wəlonjəne pəgbət telər tən dəmecir ma pəcəl pa kəlonjəne ka kiciya kəŋkə, pəsopət mi len maŋkəle ya moŋkubut ma tetek mpe ancəfe MARIKI yolonjəne yəcəf mə, pəlonjər mecir melpəs məkə pəcəməne pa pi.

³¹ Pəwure moro ma pəcəl papəkə fəp, pəmə təkə aŋwure moro ma polonjəne pa kəpaŋjəne pəforu mə. Wəlonjəne pəcəfe mi MARIKI nde tetek tolonjəne kəronj, ambənc ŋaŋəkə ŋontore-tore MARIKI abəkəc. Wəlonjəne pətubucne kəsəkəs kə kiciya kən, MARIKI eŋŋaŋjəne kə ki.

³² Kə pəyənə a fum wəkayi aŋkesiya ŋ'eŋkerə kədəlonjəne teta kiciya kən-ε, pəkere aŋkesiya ŋeran ŋjə ŋəntəyə dolokəp mə.

³³ Fum wəkəkə pədənj kəca kən pəcəl pa kəlonjəne ka kiciya dəromp, pəfay pi nde kəfo nkə aŋfay yəcəl yolonjəne nyə ancəfe MARIKI mə. Pasu təbəl mecir maməkə meberə pi disrə.

³⁴ Wəlonjəne pəgbət telər tən dəmecir ma pəcəl polonjəne pa kiciya, pəsopət mi len maŋkəle ya moŋkubut ma tetek mpe ancəfe MARIKI yolonjəne mə, pəlonjər mecir melpəs maməkə pəcəməne pa pi.

³⁵ Pəwure moro ma pəcəl papəkə fəp, pəmə təkə aŋwure moro ma aŋkesiya ŋjə aŋlonjəne kəpaŋjəne ka pəforu mə. Wəlonjəne pəcəfe mi MARIKI nde tetek tolonjəne kəronj kə yolonjəne yəkə ancəfe MARIKI mə. Wəlonjəne pətubucne kəsəkəs kə kiciya kən, MARIKI eŋŋaŋjəne kə ki.»

5

Motubcəne megbasŋa mələma

¹ Kə fum entəjəne tes-ε, pawe dəŋkiti fum wəkəkə encərə tes tatəko mə, wəkayi pəciya kətəwosə kəloku təkə ene kə pəyənə fə ti təkə encərə tes tatəko mə, eŋsare kiciya kən.

² Kə fum oŋgbuŋəne paka mpe o mpe pətəsək ta eyefəne ti-ε, təyənə wəsəm wəfi, pəcəl pəfi, pəliŋj-liŋjə pəfi, fum wəkayi aŋjəyənə wətəsək, təm tatəko wəkayi eŋsare kiciya.

³ Kə fum oŋgbuŋəne pəyikyik pa fum ta eyefəne ti təŋsəne nkən sə kətəsək, k'endenacərə ti telpəs-ε, wəkayi eŋsare kiciya.

⁴ Kə fum ontore dim pəloku tes o tes ta encəm-cəmnə teləpsər ta ti, pədərəm kəyə pələc kə pəyənə fə ti pətət, k'endenacərə ti telpəs-ε, wəkayi eŋsare kiciya.

⁵ Kə fum esare kiciya pəmə kəŋkə-ε, pəkə pəcənj teta tes təkə eciya mə,

⁶ kə teyefə dənda-ε, pəkene MARIKI aŋkesiya ŋeran teta kəlonjəne ka kəlompəs ka kiciya kən. Pəkere sə aŋkesiya ŋeran ŋa teren tin, kə pəyənə fə ti wir wəran wa teren tin teta kəlonjəne ka kiciya. Wəlonjəne pətubucne kəsəkəs kə kiciya kən.

Wəlonne nyε atəyo daka ηaηkene MARIKI mo

⁷ Kə fum əntəyo pəsətəne aηkesiya kə pəyənε fε ti wir teta kəlonne ka kəlonpəs ka kiciya kən-ε, wəkayi pəkεε MARIKI məpay mεrəη kə pəyənε fε ti-ε, ntantoriya mεrəη. Abεmp ηin pəlonne ηi MARIKI pəmə təkə aηlonne pəlonne pa kiciya mə, abεmp ηa mεrəη pəmə təkə aηlonne pəcəl pəcəf mə.

⁸ Fum wəkayi pəkεε yi wəlonne, wəlonne pənuηkene pəkεε abεmp nηε MARIKI teta kəlonne ka kiciya mə. Pəkəncəl ηi kilim, mba ta pəcopu ki de.

⁹ Wəlonne pəwεsəsər mecir ma kəlonne ka kiciya cəsək ca tetek tolonne Kanu kəron, pəlonjər mecir melpəs məkə pəcəmənε pa tetek. Kəlonne ka kiciya kə.

¹⁰ Kə tatəkə tencepər-ε, wəlonne pəcəfε MARIKI abεmp ηa mεrəη pəmə təkə sariyε səluku ti mə. Wəlonne pətubucnε kəsəkəs ka fum wəkakə kəciya kən, MARIKI εηηaηnεnε kə ki.

¹¹ Kə fum əntəyo pəsətəne məpay mεrəη kə pəyənε fε ti, ntantoriya mεrəη-ε, wəkayi pəkεε kəmbefe kətət kilo kəmaas padelonne teta kiciya kən. Mba teta kəlonne ka kiciya kaηkə wəkayi əfəber kəmbefe kaηkə moro ma olif, əfədenjər sə ki suray. Kəlonne ka kiciya kə.

¹² Fum wəkayi pəkene wəlonne kəmbefe kaηkə, wəlonne pəwet ki aηkulma katin teta kəcəm-cəmās, pəcəf ki nde dətetek tolonne Kanu kə yolonne yəkə ancəfε MARIKI mə. Kəlonne ka kiciya kə.

¹³ Kə telip-ε, wəlonne pətubucnε kəsəkəs kə kiciya nke enciya mə, MARIKI εηηaηnεnε wəkayi kiciya kən. Kəcəm kəlpəs, ka wəlonne kə, pəmə kəlonne ka mεηgben.

Kəlonne ka kəlonpəs ka kiciya-ciya

¹⁴ Kə MARIKI oloku Musa:

¹⁵ «Kə fum əntəcəmə sariyε sa ca nyε ampuse MARIKI mə darəη ta εyεfεnε ti-ε, enciya kiciya kəpəη. Pəkεε pəlonne teta kəlonne ka kəlonpəs ka kiciya kən: Aηkesiya ηorkun ηətəyo dolokəp. Kəway ka ηi kəmbəp kəway kaηkə amboncər kə nde aηgbip ηosoku mə.

¹⁶ Pədenjər sə alamali nηε wəlonne omboncər kə mə teta təkə enciyənε aηgbip mə. Pəsəη alamali ηaηəkə fəp wəlonne. Wəlonne pətubucnε kəsəkəs kə kiciya kən kə ka aηkesiya ηolonnεnε teta kəlonpəs ka kiciya kən. MARIKI εηηaηnεnε kə ki.

¹⁷ Kə fum enciya pəyo tes tin nte sariyε sa MARIKI səmənε mə, ali təyənε a εyεfεnε fε ti, εηsare kiciya kən.

¹⁸ Fum wəkayi pəkεε wəlonne aηkesiya ηorkun dəyəcəl yən teta kəlonpəs ka kəciya kən, nηε ηəntəyo dolokəp mə. Nεtəηne kəway ka kəlonne ka kəlonpəs ka kiciya. Wəlonne pətubucnε kəsəkəs ka wəkayi kiciya kən nke əntəyεfεnε mə. Aηηaηnεnε kə ki.

¹⁹ Kəlonne ka kəlonpəs ka kiciya kə, bawo wəkayi εsarε kiciya nnə MARIKI eyi mə.»

²⁰ Kə MARIKI oloku Musa:

²¹ «Fum nwe o nwe enciya MARIKI fər kirin, pəyemε teta paka mpe anasəη kə kəmεηk, kə pəyənε fε ti, paka mpe εnakiyε mə, paka mpe εnabə, kə pəyənε fε ti pəbanjər wenc mə,

²² kə təyənε wəkayi efir paka pələma, pəde pəgbekəl ti telpəs, kə pəyənε fε maməkə fəp, pəderəm yem disrε, nte təηsəηe pəmεηk tes telεc pəmə tatəkə mə-ε,

²³ fum wəkayi εηsare kiciya. Pəlukkε paka pəkə εηkiyε, mpe anasəη kə kəmεηk, mpe εnabanjər wenc, kə pəyənε fε ti paka mpe εnafir mə wəsərka.

²⁴ Teta paka mpe pɔŋsɔŋe fum kɛdɛrɛm yem disre mɔ, pɔlukse pi fɛp wɔsɛrka, mba pɛdɛnɛr sɔ alamali nɛ wɛlɔŋne omboncɛr kɔ mɔ. Pɔlɔŋka daka dadɔkɔ pɛsɔŋ wɛkɔ ɛnɔyɔ di mɔ dɔsɔk nde ɛncɛre a ɛsare kiciya mɔ.

²⁵ Kɔ tatɔkɔ telip-ɛ, fum wɛkakɔ pɛkɛne wɛlɔŋne teta kɛlɔŋne ka kɛlompɛs ka kiciya kɔn nɔɔ MARIKI eyi mɔ, aŋkesiya ŋɔrkun nɛ ŋɔntɔyɔ dolokɛp, nɛ ŋɛntɛŋne sɔ kɛway nke amboncɛr kɔ aŋgbip ŋɔsoku teta kɛlɔŋne kanjɔ mɔ.

²⁶ Wɛlɔŋne pɛtubucne kɛsɔkɛs ka fum wɛkakɔ kiciya kɔn MARIKI fɛr kirin, tɔyɔne kiciya nke o nke ɛŋsare mɔ, MARIKI ɛŋŋaŋnɛne kɔ ki.»

6

Sariye sa aloŋne

Kɛlɔŋne ka yɔcɔl nke ancɔfɛ MARIKI mɔ

¹ Kɔ MARIKI oloku Musa:

² «Mɔsom Aruna k'awut ɔn arkun tosom nte:

Sariye sa pɔcɔl mpe ancɔfɛ MARIKI mɔ sɔ sanse: Pɔcɔl pɔcɔf peyi aco ŋa tetek toloŋne Kanu kɛrɔŋ pibi fɛp haŋ dec dɔsɔk, nɛnc da pi demar pibi fɛp.

³ Wɛlɔŋne pɛberne burumus kɔ kɔgba kɔn ka kɛloto ka suwa. Pɛwet kɛbof kɛboŋu nke nɛnc dɔncɔfɛna MARIKI polɔŋne mɔ, pɛboc ki tetek toloŋne Kanu kɛsɔk.

⁴ K'elip-ɛ, pɛwure yamos yayɔkɔ ɛmbɛrnɛna mɔ, pɛlek yocuru pɛwet kɛbof kanjɔ pɛwurene ki dɛsanjka, pɛkɔ pɛboc ki kɛfo kɛsoku.

⁵ Nɛnc dɛcmar tetek toloŋne Kanu kɛrɔŋ, ta denime. Bɛtbɛt o bɛtbɛt wɛlɔŋne pɛcɔlɛr di tɔk, pɛdɛŋ polɔŋne pɔcɔf tetek kɛrɔŋ, pɛcɔfɛ MARIKI moro ma pɔcɔl polɔŋne pa kɛpaŋne pɛforu.

⁶ Nɛnc dɛcmar tɛm fɛp tetek toloŋne Kanu kɛrɔŋ, ta denime few.

Kɛlɔŋne ka mɛŋgbɛn

⁷ Sariye nse sɛcɛme kɛlɔŋne ka mɛŋgbɛn darɔŋ: Awut arkun a Aruna ŋackɛre ki MARIKI fɛr kirin, tekirin ta tetek toloŋne Kanu.

⁸ Wɛlɔŋne pɛwet yoloŋne ya mɛŋgbɛn yayɔkɔ aŋkulma katin ŋa kɛmbefe kɛtɔt, moro ma olif kɔ suray sɛtɔt sa kɛlɔl ka kɛtɔk fɛp nse andɛnɛr yoloŋne ya mɛŋgbɛn mɔ, pɛcɔfɛ yi MARIKI fɛp dɛtetek toloŋne kɛrɔŋ. Tɛcɛmɛmɛs tɔ. Ambɔnc ŋa yi ŋontɔre-tɔre MARIKI abɛkɛc.

⁹ Aruna k'awut ɔn arkun ŋalek yɛlpɛs ya kɛlɔŋne yayɔkɔ, ta ŋanɔŋkɛl yi lebin kɔ ŋandedi yi-ɛ. Kɛfo kɛsoku kɔ ŋadi yeri yayɔkɔ nde abanjka ŋa aŋgbancan ŋɛbɛpɛne kɔ Kanu.

¹⁰ Afɔnɔŋkɛl yi lebin. Yɛlpɛs yayɔkɔ y'impocɛ ŋa yoloŋne yem dacɔ, nye ancɔfɛ ina MARIKI mɔ. Yeri yayɔkɔ yosoku yɔ, nye ampuse MARIKI pɛmɔ tɔkɔ pɛyi kɛlɔŋne ka kiciya kɔ ka kɛlompɛs ka kiciya mɔ.

¹¹ Yuruya ya Aruna arkun gbɛcɛrɛm ŋande ŋacsɔm ki. Tede tɔyɔne ŋa sariye sa doru o doru, dɛtɛmp o dɛtɛmp danjan, nte tɔyɔne ta yoloŋne nye ancɔfɛ MARIKI mɔ, fum o fum ɔntɔyɔne wɛlɔŋne, a pɛgbuŋɛne yoloŋne yayɔkɔ mɔ, ɛŋsare kiciya kɛpɔŋ.»

¹² Kɔ MARIKI oloku Musa:

¹³ «Yoloŋne nye yɔ Aruna k'awut ɔn arkun ŋaŋkɛrɛ MARIKI dɔsɔk nde wɛkin ŋa dacɔ ɔŋsɔtɔ kɛbɔy ka kɛyɔne ka wɛlɔŋne mɔ: Kɛlɔŋne ka mɛŋgbɛn kanjɔ Aruna k'awut ɔn ŋalɔŋne dɔsɔk dadɔkɔ kɛmbefe kɛtɔt kilo kɛmaas, kilo katin kɔ dacɔ bɛtbɛt, kilo katin kɔ dacɔ dɔfɔy.

¹⁴ Panəktərəne kəmbefe kaŋkə moro ma olif, panəkət kəcom kaŋkə dəkarərə kəwon. Mədə məkene MARIKI kəlonne ka meŋgben kaŋkə. Patepi kəcom kafət kafət a padəcəfe ki MARIKI, ambənc ŋəŋəkə ŋontore-tore kə abəkac.

¹⁵ Wan ka Aruna nwe andebəy kədəs dekirinj da kəlonne dadəkə mə, nkən sə pəlonne kəlonne kaŋkə. Sariye sa doru o doru sə nnə MARIKI eyi mə, pəcəfe kəcom kaŋkə fəp MARIKI.

¹⁶ Kəlonne ka meŋgben nke o nke ka wəlonne, pəcəfe ki fəp MARIKI, ali kəpic ta pasəm.»

Kəlonne ka kiciya

¹⁷ Kə MARIKI osom Musa:

¹⁸ «Məloku Aruna k'awut ən:

Sariye nse səcəme kəlonne ka kiciya darəŋ: Kəfo nke aŋfay yəcəl yolonne nye ancəfe MARIKI mə, difə aŋfay sə pəcəl polonne pa kiciya. Paka posoku pə mpe ampuse MARIKI mə.

¹⁹ Wəlonne nwe oŋlonne polonne pa kiciya mə, pəsəm pi kəfo kəsoku nde abanjka ŋa aŋgbancan ŋebəpene kə Kanu.

²⁰ Nwe o nwe oŋgbuŋene sem ya polonne papəkə mə, eŋsare kiciya kəpəŋ! Kə mecir ma pəcəl papəkə afay mə mencesəkər yamos-ε, payak pəcəsəkər papəkə nde kəfo nke ampus mə.

²¹ Dap da dos nde ampəcə sem yayəkə mə, k'alip-ε, pawəkac di. Kə pəyənə a dap da kəpər d'ampəcə sem yayəkə-ε, anckənalip, pasəŋk di, payaksə di domun.

²² It'əyənə arkun a dokom d'alonne gbəcərəm ŋantam kəsəm yi: Yeri yosoku yə nye ampuse MARIKI mə.

²³ Mba afəsəm pəcəl polonne pa kiciya mpe o mpe aŋkekəre mecir ma pi nde aŋgbancan ŋebəpene kə Kanu teta kətubucne kəsəkəs ka aŋgbip ŋosoku kətəsək mə, ta pasəm pi, mba paləm pi fəp dənenc.»

7

Kəlonne ka kəlonpəs ka kəciya

¹ Sariye nse səcəme kəlonne ka kəlonpəs ka kiciya darəŋ. Kəlonne kaŋke kəsoku kə, nke ampuse MARIKI mə.

² Kəfo nke aŋfay yəcəl yolonne yəcəf mə, aŋfay sə pəcəl polonne teta kəlonpəs ka kiciya. Pasu təbəl mecir maməkə məberε pi disre. Pawəsəsər mecir maməkə cəsək ca tetek tolonne Kanu haŋ panəŋkər.

³ Pakerε moro ma pi fəp, kələŋa, kə moro məkə moŋkump yedisre mə,

⁴ fi yayəkə merəŋ kə moro məkə məfəktər yi mə, kə pəwot-wotər pa mim mme aŋgbiti tin kə fi mə.

⁵ Wəlonne pəcəfe yi MARIKI nde tetek tolonne kəron. Kəlonne ka kəlonpəs ka kiciya kə, nke ancəfe MARIKI mə.

⁶ Alonne arkun gbəcərəm ŋantam kəsəm sem yayəkə kəfo kəsoku. Kəlonne kaŋke kəsoku kə, nke ampuse MARIKI mə.

⁷ Kəlonne ka kəlonpəs ka kiciya kə kəlonne ka kiciya, sariye sin sayi sə kəlonne kaŋke merəŋ kəyə: Sem yayəkə, wəlonne nwe ontubucne kəsəkəs kiciya mə, əyə yi.

Mpe wəlonne əŋsətə mə

⁸ Kə wəlonne eŋkene fum pəcəl polonne pəcəf-ε, wəlonne əyə akata ŋa pəcəl pəcəf papəkə.

⁹ Polonjne pa meŋgben mpe o mpe pɔ ancɔf doco, panekɛt dɛkarɔrɔ kɔ pɔyɔne fe ti dɛdap mɔ, wɔlonjne nwe enjekɛre pi pɛɔfe MARIKI mɔ, ɔyɔ pi.

¹⁰ Polonjne pa meŋgben mpe o mpe p'anɔktɛrene kɔ moro, kɔ pɔyɔne fe ti-e powos, yuruya ya Aruna fɛp nɔ anyer pi pɛtɛnjnene ŋa gbɛp.

Kɔlonjne ka kɛpanjne pɛforu

¹¹ Sariye nse sɛcɔme kɔlonjne ka kɛpanjne pɛforu darɛŋ, nke anjkenɛ MARIKI mɔ.

¹² Kɔ fum endekene kɔlonjne ka kɛyif MARIKI barka teta pɛtɔt pɔn-ɛ, wɛkayi pɛdenjɛr polonjne pa cɔcom cɔlok-lok nce anɔktɛrene kɔ moro ma olif mɔ ta kɛyɔ lebin, kɔ biskit bɔtɔnɔkɛl lebin pasopɛt bi moro ma olif, kɔ cɔcom cɔlok-lok nce alompse kɛmbefe kɛtɔt nke anɔktɛrene moro ma olif mɔ.

¹³ Pɛkekɛre sɔ cɔcom cɔlok-lok nce anɔkɛl lebin mɔ, kɛdenjɛr ka kɔlonjne ka kɛyif MARIKI barka kɔ kɔlonjne ka kɛpanjne pɛforu kɔn.

¹⁴ Wɛkayi pɛbeli pɛkene MARIKI pipic dɛyolonjne yɔn fɛp, yelpɛs yayɔkɔ ya wɔlonjne nwe ewesɛsɛr mecir ma pɔcɔl polonjne pa kɛpanjne pɛforu dɛtetek mɔ, nkɔn ɔyɔ yi.

¹⁵ Sem ya pɔcɔl pa kɔlonjne ka kɛyif MARIKI barka kɔ ka kɛpanjne pɛforu, dɔsɔk ndɛ anjlonjne pi mɔ, idɔ anjɔm yi ali pin afosak pedire hanj bɛtɛtɛt.

¹⁶ Kɔ wɛkayi enjekɛre kɔlonjne ka kɛderɛm, kɔ pɔyɔne fe ti, kɔlonjne ka kɛpɔce abɛkɛc ŋosoku pɛs-ɛ, dɔsɔk ndɛ endekekɛre pɔcɔl papɔkɔ mɔ, idɔ anjɔm pi. Kasak pɛlpɛs pedire-ɛ, antam kɛsɔm pi dɔckɔsɔk.

¹⁷ Kɔ pɔyɔne a sem yentambɛr afum pasak yi yedire sɔ-ɛ, dɔckɔsɔk da maas pacɔf yi.

¹⁸ Nwe o nwe ɔsɔm sem ya kɔlonjne kɛpanjne ka pɛforu kanjɔ tataka ta maas, fum nwe enjkenɛ MARIKI polonjne mɔ, MARIKI ɔfɔbanj pi, kɔlonjne kɔn kanjɔ kɛyɔne fe kɔ daka o daka, sem yayɔkɔ yɔyɔne kɔ oŋ yɔtɔsɔk. Nwe o nwe anjɔm yi mɔ, esare kiciya.

¹⁹ Kɔ paka pɔtɔsɔk pɔŋgbuŋene sem yayɔkɔ-ɛ, ta pasɔm yi, pagbal yi dɛnenc. Mene fum pɛsɔk a pɛctam kɛsɔm sem ya kɔlonjne kanjɔ.

²⁰ Mba fum nwe o nwe ɔsɔm sem ya kɔlonjne ka kɛpanjne pɛforu nke kɛyɔne ka MARIKI ta ɔsɔk-ɛ, anjwure wɛkayi aYisrayel dacɔ.

²¹ Fum nwe o nwe ogbuŋene paka pɔtɔsɔk, pɛmɔ fum wɔtɔsɔk, sem yɔtɔsɔk, yelinje-linje yɔtɔsɔk, paka pɔtɔsɔk mpe o mpe, a wɛkayi pasɔm sem ya kɔlonjne ka kɛpanjne pɛforu nke kɛyɔne ka MARIKI mɔ, anjwure wɛkayi aYisrayel dacɔ.

Sariye sɔlɔma nse sɔ aka Yisrayel ŋandɛcɔme darɛŋ

²² Kɔ MARIKI osom Musa:

²³ «Mɔloku aka Yisrayel:

Ta ŋadi moro ma wana, ma anjkesiya kɔ ma wir.

²⁴ Moro ma wɛsem nwe antɔfay kɔ pɔyɔne fe ti wɛsem nwe sem yendif mɔ, nɛntam mi kɛyɔne mes fɛp, mba ta nɛdi mi.

²⁵ Fum nwe o nwe edi moro ma pɔcɔl polonjne mpe anjekɛre pacɔfe MARIKI mɔ, anjwure kɔ aka Yisrayel dacɔ.

²⁶ Ta nɛmun mecir, mɔyɔne ma abɛmp, ma pɔcɔl kɛfo nke o nke nɛŋyi mɔ.

²⁷ Fum nwe o nwe omun mecir mɔyɔne mme o mme mɔ, anjwure wɛkayi aka Yisrayel dacɔ.»

²⁸ Kɔ MARIKI osom sɔ Musa:

²⁹ «Mɔloku aka Yisrayel: Mɛna nwe mɛndekene MARIKI polonjne teta kɛpanjne ka pɛforu mɔ, mɛkene kɔ fɛkɛl yɔn nyɛ wɛkayi embelɛr polonjne pɔn pa kɛpanjne pɛforu dacɔ mɔ.

³⁰ Fum nwe enkene MARIKI polohne mo, pakekare moro ma pocal polohne mre ancote MARIKI mo, pakekare mi ko kampapac nke antubucne kasoh MARIKI for kirinj mo.

³¹ Walongne pocate MARIKI moro mamako nde tetek tolongne karonj, mba kampapac kayone ka Aruna k'awut on arkun.

³² Dayolohne ya kapanne paforu nambela walongne alonj na koca katot.

³³ Awut arkun a Aruna daco, nwe enkekare mecir ko moro ma pocal polohne pa kapanne paforu mo, nkon onso to alonj nahoko.

³⁴ Inlek dayolohne ya kapanne paforu nye aka Yisrayel nahkere ina MARIKI mo: Kampapac nke antubucne kasoh em mo, k'alonj nye ahwure mo, isoh yi Aruna walongne ko yuruya yon. Sem yayoko yende yoyone yanjan, sariye sa doru o doru so tendeyone nno aka Yisrayel nayi mo.

³⁵ Fakal yayoko yo ambele Aruna ko yuruya yon dayolohne nye ancote MARIKI mo, kayefe dosok nde andas na dekirinj kayone alohne a MARIKI mo.

³⁶ Tatoko to MARIKI osom aka Yisrayel kade kacsoh alohne fakal yayoko dosok nde amboy na mo, sariye sa doru o doru so tendeyone na detemp o detemp danjan.

³⁷ Sariye sa yolohne so sanse: Sariye sa yocal yolohne nye ancote MARIKI mo, sa kalohne ka menjben, sa kalohne ka kiciya, sa kalohne ka kalompas ka kiciya, sa kalohne ka kadas ka dekirinj da alohne ko sa kalohne ka kapanne paforu.

³⁸ Tatoko to MARIKI enasom Musa dendo dategbare nde toro ta Sinayi, dosok nde enaloku aka Yisrayel kakeri MARIKI yolohne mo.»

8

Alohne acokoko

8-10

Kapus ko kadas ka alohne dekirinj

¹ Ko MARIKI oloku Musa:

² «Malek Aruna k'awut on arkun, yamos ya alohne, moro maboy mopuse, tura ta kalohne ka kiciya, nkesiya yorkun nye merenj ko kafala ka cacom catonjakal lebin.

³ Malonka aka kalonkane ka Yisrayel fap nde dakabere d'angbancan hebapene ko Kanu.»

⁴ Ko Musa yo toko MARIKI enasom ko mo, ko aka Yisrayel halonkane nde dakabere d'angbancan.

⁵ Ko Musa oloku kalonkane ka aka Yisrayel: «Nte to MARIKI osom aka Yisrayel kayo.»

⁶ Ko Musa oncenh Aruna ko awut on arkun, k'embikenene na domun.

⁷ K'ember Aruna duma dedisre k'engbanc ko tabataba, k'endenjer ko burumus ko duma da efod nde enagbance tabataba pa duma da efod nde enakot ko tadaran mo.

⁸ Ko Musa enjgek ko yuba yegbekne nye enaber masar merenj disre mo: Tasar ta Yurim ko ta Tumim.

⁹ K'encap ko kafakal, k'endetar ki tekirinj abopar na kema, tegbekare ta daKanu, pam toko MARIKI enasom ti Musa mo.

¹⁰ Ko Musa elek moro maboy mopuse, k'amboy dakiyi dosoku ko ca cako yanayi di mo, k'ompus yi fap.

¹¹ K'ewesasar moro tetek tolongne Kanu hanj camet-merenj teta kapus ka pi, k'amboy tetek tolongne Kanu ko yosumpar-sumpar ya di fap, kasamp ko pecamene pa ki nte tonsoje papus yi mo.

12 K'olonjær domp da Aruna moro maməkə, k'ombəy Aruna sə nte tənşəje pəpus kə mə.

13 Kə Musa ɔncəjɛnɛ awut arkun a Aruna, k'ember ɲa suma sədisrɛ. K'ɛngbancəs ɲa mabamaba, k'encəpəs ɲa cəfakəl pəmə təkə MARIKI ɛnasom ti Musa mə.

14 Kə Musa ɔlətərnɛnɛ tura tolojɛnɛ ta kiciya. Aruna kə awut ɔn arkun ɲandɛjær pi waca dəromp.

15 Kə Musa ɛfay pi, k'asu tɔbəl kə mecir maməkə mɛmbɛrɛ pi disrɛ. Kə Musa ɛlɛkɛ mecir tɛlær tən k'osopət mi lɛn maɲkɛlɛ ya moɲkubut ma tetek tolojɛnɛ Kanu teta kəpusɛ ka pi MARIKI. Tatəkə t'ɛnasəkəs tetek tolojɛnɛ Kanu. K'olonjær mecir mɛlpəs məkə pɛcɛmɛnɛ pa tetek tolojɛnɛ, k'ompus pi nte tənşəje pactam kəsəkəs ka pi kətəsək mə.

16 Kə Musa ɛlɛk moro məkə mɛnakump yedisrɛ mə fəp, pəwotwotər pa mim kə fi nyɛ mɛrəj kə moro ma yi, k'ɔncəfɛ yi MARIKI tetek tolojɛnɛ kəronj.

17 Mba kə Musa ɔɲkə pəcəf ndɛ sanjka todoru yelpəs ya tura: Akata, sɛm kə yedisrɛ ya aputuk pəmə təkə MARIKI ɛnasom kə ti mə.

18 Kə Musa ɛɲkɛrɛ aɲkesiya ɲorkun ɲa polojɛnɛ pəcəf. Aruna kə awut ɔn arkun ɲandɛjær ɲi waca dəromp.

19 Kə Musa ɛfay ɲi, k'asu tɔbəl, kə mecir maməkə mɛmbɛrɛ pi disrɛ. Kə Musa ɛwɛsəsər mi tetek tolojɛnɛ Kanu cəsək haɲ k'ɔnɔɲkər.

20 Kə Musa ɛncɛnəs aɲkesiya ɲorkun ɲaɲəkə fəkəl fəkəl. K'ɔncəfɛ yi MARIKI kəyɛfɛ domp, fəkəl, kə moro ma aɲkesiya ɲaɲəkə.

21 K'ɛyake yedisrɛ kə wɛcək domun, a k'ɛndecəf yi fəp ndɛ tetek tolojɛnɛ Kanu kəronj. Aɲkesiya ɲorkun ɲaɲəkə fəp ɲə Musa ɛnacəfɛ MARIKI. Polojɛnɛ papəkə p'ancəfɛ MARIKI, ambənc ɲa pi ɲontorɛ-torɛ MARIKI abəkɛc. Musa ɛnayə pəmə təkə MARIKI ɛnasom kə ti mə.

22 Kə Musa ɛɲkɛrɛ aɲkesiya ɲa mɛrəj ɲjɛ ɲəyɔnɛ ɲa kədəs ka dekirin da kəlojɛnɛ mə. Aruna kə awut ɔn arkun ɲandɛjær aɲkesiya ɲaɲəkə waca dəromp.

23 Kə Musa ɛfay ɲi, k'asu tɔbəl, kə mecir maməkə mɛmbɛrɛ pi disrɛ. Kə Musa ɛlɛk mecir, k'osop mi aləjəs ɲa kəca kətət ka Aruna kə tɛlær tən tɔpəj ta kəca kətət kə tɛlær tən tɔpəj pa kəcək kən kətət.

24 Kə Musa ɔncəjɛnɛ awut arkun a Aruna, k'osop ɲa mecir maməkə ndɛ ləjəs waɲan ya kəca kətət, mɛlær maɲan məpəj ma waca waɲan wətət kə mɛlær maɲan məpəj ma wɛcək waɲan wətət, kə Musa ɛwɛsəsər mecir mɛlpəs məkə tetek tolojɛnɛ Kanu cəsək haɲ k'ɔnɔɲkər.

25 Kə Musa ɛlɛk kələɲa kə moro məkə mɛnakump yedisrɛ ya aɲkesiya nyɛ mə, kə pəwotwotər pa mim kə fi mɛrəj kə moro ma yi kə aləjɲ ɲa kəcək kətət.

26 Kə Musa ɛlɛk kəfala ka cacom cətəɲəjkəl lebin nke anacəmbər MARIKI fər kirin mə, k'ɛlɛk kəcəcom kələk-lok kin, kəcəcom kələk-lok kin nke anəktərənɛ moro ma olif mə, kə biskit, k'ɛndɛjær yi moro ma pəcəl polojɛnɛ kə aləjɲ ɲa kəca kətət kəronj.

27 Kə Musa ɛlɛk yi fəp k'ember Aruna dəwaca kə awut ɔn, k'ontubucnɛ kəsəj yi MARIKI fər kirin.

28 Kə Musa ɛmbəjær ɲa yi dəwaca, k'ɛndɛj yi pəcəl pəcəf kəronj, k'ɔncəfɛ yi fəp MARIKI dətetek tolojɛnɛ kəronj. Kə tɔyɔnɛ kəlojɛnɛ ka kədəs ka alojɛnɛ dekirin da yɛbəc ya dəKanu. Kəlojɛnɛ kə, nke ancəfɛ MARIKI mə, nke ambənc ɲa ki ɲontorɛ-torɛ MARIKI abəkɛc mə.

29 Kə Musa ɛlɛk kəmpəpəc ka aɲkesiya ɲolojɛnɛnɛ ɲa kədəs dekirin da kəlojɛnɛ, k'ontubucnɛ kəsəj ɲi MARIKI fər kirin, ɲaɲəkə ɲɛnayɔnɛ ɲa Musa, pəmə təkə MARIKI ɛnasom kə ti mə.

³⁰ Kɔ Musa ɛlɛk moro mɔbɔy mopuse kɔ mecir mɔkɔ mɛnayi nde dɔtetek tolonɛ Kanu kɛrɔŋ mɔ, k'ewesəsɛr mi Aruna kɔ yamos yɔn, awut ɔn kɔ yamos yaŋaŋ. K'ompus Aruna kɔ yamos yɔn, awut a Aruna arkun kɔ yamos yaŋaŋ.

³¹ Kɔ Musa oloku Aruna kɔ awut ɔn arkun: «Nɔpɛc sɛm nyɛ nde kusunɔka ka aŋgbancan ɛbɛpɛnɛ kɔ Kanu, difo nɛŋkɔsɔm yi kɔ cɛcom nɛɛ cɛyi nno kɛfala ka kɛdɛs ka dekirinɔ mɔ, pɛmɔ tɔkɔ inalukɛ nu kɛsɔm ka Kanu mɔ: Aruna kɔ awut ɔn ɛŋaŋsɔm yi.

³² Kɔ yɔntɔlip-ɛ, nɛcɔf yelpɛs ya sɛm kɔ cɛcom cacɔkɔ.

³³ Mata camɛt-mɛrɛŋ nɛfɔyɛfɛ dɛkɛbɛrɛ da aŋgbancan ɛbɛpɛnɛ kɔ Kanu haŋ mataka ma kɛdɛs konu dekirinɔ mecepɛr, bawo mata camɛt-mɛrɛŋ m'andɛs nu dekirinɔ da kɛlonɛ.

³⁴ Tante teyi mɔkɔ mɔ, tɔ MARIKI nkɔn wɛsɛrka osom a payɔ, nte tɔŋsɔŋɛ kɛsɔkɛs nu kiciya konu mɔ.

³⁵ Mata camɛt-mɛrɛŋ mɔ nɛndeyi dɛkɛbɛrɛ da aŋgbancan ɛbɛpɛnɛ kɔ Kanu, pibi kɔ daŋ kɔ tencepɛr-ɛ nɛmɛŋkɛrɛnɛ sariyɛ sa MARIKI sanɛ nte tɔŋsɔŋɛ ta nɛfi mɔ: Tante t'anasom im.»

³⁶ Aruna kɔ awut ɔn arkun ɛyɔyɔ mɔyɔ fɛp mɛ MARIKI ɛnasom Musa nno ɛyɔyɔ mɔ.

9

Yolonɛ yɔcɔkɔ-cɔkɔ ya Aruna k'awut ɔn nde aŋgbancan ɛbɛpɛnɛ kɔ Kanu

¹ Tataka ta camɛt-maas kɔ Musa ewe Aruna kɔ awut ɔn arkun, kɛlɛkɛnɛ ka abeki aka Yisrayel.

² Kɔ Musa oloku Aruna: «Mɛlɛk tura tɛfɛt ta kɛlonɛ ka kiciya kɔ aŋkɛsiya ɛrɔkun ɛa teren tin teta polonɛ mɛpɛ ancɔfɛ MARIKI mɔ, mɛrɛŋ ma yi fɛp ta tɔyɔ dolokɛp, mɛmɛntɛr yi MARIKI fɛr kirinɔ.

³ Mɛloku aka Yisrayel nte: Nɛlɛk ambiyɔfo teta kɛlonɛ ka kiciya, tura ta teren tin kɔ aŋkɛsiya ɛrɔkun ɛa teren tin ta tɔyɔ dolokɛp, nɛcɔfɛ yi MARIKI,

⁴ tura tin kɔ aŋkɛsiya ɛrɔkun ɛjin ɛa kɛlonɛ ka kɛpɛrɛnɛ pɛforu nte tɔŋsɔŋɛ palonɛ yi MARIKI fɛr kirinɔ mɔ, kɔ kɛlonɛ ka mɛŋgbɛn nke anɔktɛrɛnɛ kɔ moro ma olif mɔ, bawo MARIKI endewurɛr nu mɔkɔ!»

⁵ K'aŋkɛkɛrɛ ca yɔkɔ Musa ɛnasom kɛkɛkɛrɛ nde dɛkɛbɛrɛ da aŋgbancan ɛbɛpɛnɛ kɔ Kanu mɔ. Kɔ kɛlonɛkanɛ ka aka Yisrayel fɛp ɛbɛpɛnɛ kɔ ɛnancɛmɛ MARIKI fɛr kirinɔ.

⁶ Kɔ Musa oloku: «Nte tɔ MARIKI osom, nɔyɔ ti nte tɔŋsɔŋɛ nɔrɔ da delel da MARIKI dowurɛr nu mɔ.»

⁷ Kɔ Musa oloku Aruna: «Mɛlɔtɛrɛnɛ tɛtek tolonɛ Kanu. Mɛlonɛ kɛlonɛ ka kiciya kam kɔ pɔcɔl polonɛ pɔcɔf pam, mɛtubucɛnɛ kɛsɔkɛsɛnɛ kiciya kam kɔ ka afum. Mɛsɔŋ sɔ yolonɛ ya afum, mɛtubucɛnɛ sɔ kɛsɔkɛs ɛa kiciya kɛŋaŋ pɛmɔ tɔkɔ MARIKI osom ti mɔ.»

⁸ Kɔ Aruna ɔlɔtɛrɛnɛ tɛtek tolonɛ Kanu k'ɛfay tura tɛfɛt teta kiciya ka nkɔnsɛrka. K'asu tɔbɔl, kɔ mecir mamɔkɔ mɛmbɛrɛ pi disrɛ.

⁹ Kɔ awut arkun a Aruna ɛŋaŋkɛnɛ kɔ mi. K'Aruna ɛŋgbɛt mi tɛlɛr tɔn k'osɔpɛt lɛn maŋkɛlɛ ya mɔŋkubut ma tɛtek tolonɛ, k'olonɛr mɛlpɛs pɛcɛmɛnɛ pa pi.

¹⁰ K'ancɔfɛ MARIKI dɛtetek tolonɛ kɛrɔŋ moro ma pɔcɔl, fi mɛrɛŋ kɔ pɛwɔt-wɔtɛr pa mim ma kɛlonɛ ka kiciya, pɛmɔ tɔkɔ MARIKI ɛnasom ti Musa mɔ.

¹¹ Mba k'aŋkɔ pɛcɔf sanɔka tadarɛŋ sɛm kɔ akata.

¹² K'Aruna ɛfay pɔcɔl mɛpɛ ancɔfɛ MARIKI mɔ, k'asu tɔbɔl, kɔ mecir mamɔkɔ mɛmbɛrɛ pi disrɛ. Kɔ awut ɔn ɛŋsɔŋ kɔ mecir mamɔkɔ, k'ewesəsɛr mi cɛsɛk ca tɛtek tolonɛ haŋ k'ɔnɔŋkɛr.

¹³ Kō ḡasōḡ kō fākəl kō domp da pōloḡne pōcōf, k'ōncōfē yi MARIKI tetek toloḡne kəroḡ.

¹⁴ K'ēyak yedisrē ya pōcəl papəkō kō wēcək, k'ōncōfē yi MARIKI nde dətetek toloḡne kəroḡ kō pōloḡne pōcōf.

¹⁵ Kō Aruna oloḡne yoloḡne ya aka Yisrayel. K'ēlek ambiyofō nḡe aka Yisrayel ḡanakērē kadeloḡne teta kiciya mō, k'ēfay ḡi, k'oloḡne ḡi teta kiciya pəmō təkō enaloḡne tura mō.

¹⁶ K'ēḡkenē MARIKI yoloḡne yōcōf nḡe mērəḡ pəmō təkō sariyē səlōku ti mō.

¹⁷ K'ēḡkēkārē yoloḡne ya mēḡḡbēn nḡe enalas dākəca mō, k'ōncōfē yi MARIKI nde dətetek toloḡne kəroḡ, kələkēnē ka pōloḡne pōcōf pēbətəbət.

¹⁸ K'ēfay tura kō aḡkesiya ḡorkun teta kəloḡne ka kəpaḡne pəforu ka afum. K'asu tōbəl, kō mecir maməkō mēmberē pi disrē. Kō awut arkun a Aruna ḡasōḡ kō mecir maməkō, k'ēwēsəsər mi cəsək ca tetek toloḡne haḡ k'ōnōḡkər.

¹⁹ Kō ḡasōḡ kō moro ma tura kō aḡkesiya, kələḡa kō moro moḡkump fi kō pəwot-wotər pa mim.

²⁰ K'ēndenḡ moro dākəmpəcpəc, k'ōncōfē MARIKI moro dətetek toloḡne kəroḡ.

²¹ Kō Aruna ontubucnē kəsōḡ kəmpəcpəc kō aləḡk ḡa kəca kətət MARIKI fər kirinḡ, pəmō təkō Musa enasom ti mō.

²² Kō Aruna eyekti waca darenc nno aka Yisrayel ḡayi mō, k'ontolane ḡa pətət. Nte elip kəloḡne ka kiciya, kəloḡne ka pōloḡne pōcōf kō kəloḡne ka kəpaḡne pəforu mō, k'ontor tetek toloḡne Kanu.

²³ Musa kō Aruna ḡamberē aḡḡbancan ḡēbəpənē kō Kanu disrē. Nte ḡandewur mō, kō ḡantolane aka Yisrayel pətət. Kō nərō da debeki da MARIKI dowurər aka Yisrayel fəp.

²⁴ Kō nēnc dowur MARIKI fər kirinḡ kō dāncōf pōcəl pōloḡne pōcōf kō moro ma pi dətetek toloḡne kəroḡ. Kō aka Yisrayel fəp ḡanəḡk ti. Kō ḡaḡkul-kulēnē pəbotu, kō ḡancəp mobu dāntōf.

10

Sariyē sa kəbal

¹ Kō awut arkun mērəḡ a Aruna, Nadab kō Abihu nwe o nwe k'ēlek tap k'ēmber pi nēnc disrē k'ōncōlər suray. Kō ḡaḡkenē MARIKI nēnc nde dənātōtesē nde enātōsom ḡa kəkērē mō.

² Kō nēnc dowur MARIKI tekirinḡ, kō dāncōf ḡa, kō ḡafi mērəḡ maḡan MARIKI fər kirinḡ.

³ Kō Musa oloku Aruna: «Nte tō MARIKI enasom:

ḏfaj aḡe ḡaḡlōtərn'em mō,
ḡacərə a in'əyōnē Kanu ka kance,
ḡade ḡaclelās dosoku dem.
ḡacyek-yekās nərō da debeki dem
aka Yisrayel fəp fər kirinḡ.»
Kō Aruna encaḡk pem.

⁴ Kō Musa ewe Misayel kō Elcafan awut a Usiyel papa ka Aruna wəfət, k'oloku ḡa: «Nəcōḡne nəde nəlek awēnc nu aḡa, nəwūrēnē ḡa dāḡḡbancan ḡosoku, nəbōlēnē ḡa saḡka.»

⁵ K'akakō ḡancōḡne kō ḡalək cəbel cəḡan ḡasərōbernē suma sədīsre səḡan kō ḡawūrēnē ḡa dəsāḡka, pəmō təkō Musa enaloku ti mō.

⁶ Kō Musa oloku Aruna, Elasar kō Itamar, awut a Aruna: «Ta nəsakti cəfon conu. Ta nəwal-wali yamos yonu, təḡsōḡe nu kətōfi, təḡsōḡe kətōkērē kəloḡkane

ka aka Yisrayel metele. Awenc nu anja, aka Yisrayel fap njabok teta afum anje nenc da MARIKI dendif ma.

⁷ Ta nayefe dakabere da anjbanan jebapene ko Kanu, ta tedesoh'on kafi, bawo moro maboy teta kapus ma MARIKI meyi nu daris.» Ko njayo tsko Musa enaloku ja ma.

Sariye sa yomun yecisas

⁸ Ko MARIKI oloku Aruna:

⁹ «Mena ko awut am: Ko nandeko nacbere anjbanan jebapene ko Kanu-e, ta namun wen, ta namun so manjanta mme o mme, tansohje nu katafi. Tende toyone nu sariye sa doru o doru, detemp o detemp donu.

¹⁰ Ti tendesoh'on nactam kagbey paka popus ko potopus, paka posoku ko potosok.

¹¹ Nactam so katakse aka Yisrayel sariye nse MARIKI enasom Musa kadeloku ja ma.»

Posoto pa alohne yohone daco

¹² Ko Musa oloku Aruna, ko awut an anje janacame ko ma, Elasar ko Itamar: «Nalek yohone ya menjben yelpas ya yohone nye ancofe MARIKI ma, nadi yi tetek tohne kasak. Ta nananjkal yi lebin de, yeri yosoku yo nye ampuse MARIKI ma.

¹³ Nadi yi kfo kasoku: Ita sariye saloku nu mana ko awut am arkun teta yohone nye ancofe MARIKI ma, ita anasom im.

¹⁴ Nasom so yi kfo kasoku, mana ko awut am kayefe kampapac nke anatubucne kasoh MARIKI ko alanj joko anabelar ma. Asoh nu yi, ko sariye saloku a man'oyi yi k'awut am, nno yohone ya kaphne poforu ya aka Yisrayel yeyi ma.

¹⁵ Aka Yisrayel jade jackerere moro ma yocol yohone nye ande paccofe MARIKI ma, jabelar alanj ko kampapac jatubucne kasoh yi MARIKI for kirin. K'alip ti-e, alanj ko kampapac yoyone yonu, bawo sariye sa MARIKI so, sem yonu yo yayako doru o doru, pamo tsko MARIKI osom ti ma.»

¹⁶ Ko Musa enten ambiyofu jolohnene kiciya belbel, mba k'onko pabap pacof ni. Ko pantele Musa nno Elasar ko Itamar jayi ma, awut arkun a Aruna anje janacame ko ma, ko Musa eyif ja:

¹⁷ «Ta ake to nantosome ambiyofu jolohnene kiciya nde kfo kasoku-e? Yeri yosoku yo nye ampuse MARIKI ma, asoh nu yi nte tansohje nacsare kiciya ka kalonkane ka aka Yisrayel, nactubucne kasokas ja kiciya kanan ma, ita MARIKI asohje nu ni.

¹⁸ Anakekare fe mecir mamako nde anjbip josoku disre. Panamar nasom ambiyofu janoko nde kfo kapus ma, pamo tsko inasom nu ti ma.»

¹⁹ Ko Aruna oloku Musa: «Dosak dande do awut em janakekare kalohne ka kiciya kanan ko ka polohne pacofe MARIKI for kirin. Mancare belbel tsko tenasot'em ma: K'isom dosak domako polohne pa kiciya-e, tombot MARIKI ba?»

²⁰ Ko Musa ene ti, ko tombot ko.

Ca nye yosok ko nye yantsok ma

11

Sem nye MARIKI owose nu kasom ko nye amone kasom ma

¹ Ko MARIKI osom Musa ko Aruna:

² «Naloku aka Yisrayel:

Sem nye yeyi dantaf ma fap, nye y'awose nu kade kacsom:

3 Nāndetam kácsóm sem fəp nye yeŋgbeyene melər mə, yećnakəmne kə yəntəyi kəsəmət-ε, pəmə wana.

4 Mba ta nəde nəcsóm sem nye yeŋnakəmne gbəcərəm ta yeŋgbeyene melər mə. Ta nəde nəcsóm sə sem nye yeŋgbeyene melər merəŋ gbəcərəm ta yeŋnakəmne mə, pəmə sem nye: Yəkəme yeŋnakəmne, mba yeŋgbeyene fe melər, yəsək fe nno nəyi mə.

5 Dehem da dəmasar sə deŋnakəmne, mba deŋgbeyene fe melər, dəsək fe nno nəyi mə.

6 Tərap teŋnakəmne, mba peŋgbeyene fe melər, pəsək fe nno nəyi mə.

7 Asəp ŋeŋgbeyene melər, mba ŋəfənakəmne yeri pəmə wana, ŋəsək fe nno nəyi mə.

8 Ta nəcsóm sem ya asəp, ta nəgbuŋene ŋefi ŋa yi. Nəsək fe nno nəyi mə.

9 Nte təyone sem nye yeyi dəromun mə, nye yə awose nu kəde kácsóm: Sem nye yəyə yeŋernene kə wokwok mə fəp, kə yeyi dəromun mə, təyone dəcəba təyone dəcəŋgbəkə.

10 Mba sem yefet yefet kə yəpəŋ nye yeyi dəromun mə fəp, təyone dəcəba təyone dəcəŋgbəkə, yeliŋe-liŋe nye yəntəyə wokwok kə yeŋernene mə, nəter yətəsək yayəkə.

11 Nəter sem yayəkə, ta nəcsóm yi. Nəkembərne kəcgbuŋene yi, nələm pefi pa yi pəmə pəyikyik mpe nənter mə.

12 Nəter sem ya dəromun fəp nye yəntəyə yeŋernene kə wokwok mə.

13 Kə bəmp nye yə nəndeter, ta nəde nəcsóm yi, yəsək fe nno nəyi mə: Asiksik, ayəfən, asiksik ŋa dəkəba,

14 aŋkələkəlo, təŋgbe kə dokomene da yi,

15 bəmp yaser kə dokomene da yi fəp,

16 otəris, awump ŋa dare, acəməcəme, abəkar kə dokomene da yi,

17 awump ŋa dop kə dokomene da ŋi, aŋgbəŋbələc,

18 antombon, ayəfən,

19 kətəp kə dokomene da yi, kə tempirfin.

20 Nəter yeyi wəyeŋ yefet yefet nye yəyə banca yećfelər kə yəckət wəcək wa yi maŋkələ kəron mə, yəsək fe nno nəyi mə.

21 Mba yoyokə-yokə yefet yefet daco nye yəyə banca yećfelər mba yəckətene sə wəcək maŋkələ mə, nəntam kəsóm nye yəyə wəcək merəŋ nwe wentam kəsəŋe yi kəyokə dəntəf mə.

22 Yoyokə-yokə nye yeŋfelər mə, nye yə nənde nəctam kəsóm: Dokomene da cəlaŋkəma kə cəcal.

23 Mba yeŋesəm yefet yefet yələma nye yəyə banca yećfelər, yəckət sə wəcək maŋkələ wa yi kəron mə fəp, yəsək fe nno nəyi mə, nəde nəter yi.

Yogbuŋene ya sem nye yəŋsəŋe fum kətəsək mə

24 Sem nye yəŋsəŋe nu kətəsək: Nwe o nwe ogbuŋene wefi wa yi, wəkayi əsək fe haŋ dec dəkələ.

25 Nwe o nwe əntəmpər wəsem wefi wawəkə mə, pəmar pəyak yamos yəŋ, wəkayi əsək fe haŋ dec dəkələ.

26 Wəsem nwe o nwe wəntəgbeyene melər belbel kə pəyone fe ti ta wəŋnakəmne kə wədeŋesəm pəmə wana-ε, wəsək fe nno nəyi mə. Nwe o nwe oŋgbuŋene wi mə, əsək fe.

27 Wəsem nwe o nwe wəyə wəcək maŋkələ nwe wəyə sənə mə, wəsək fe nno nəyi mə. Nwe o nwe oŋgbuŋene wefi wa yi, əsək fe haŋ dec dəkələ.

²⁸ Nwε o nwε otampar wefi wa yi, payak yamos yon, asak fe hanj dec dekalε. Yosak fe nno nayi mo.

²⁹ Sem yelinε-linε nye yensεp dantof ma, nye yontasak nno nayi ma: Agbelkec, wer, asel ko dokomεne da yi,

³⁰ sokedanjke, acakar, kambambarat, tegbacmate, ko akalencen.

³¹ Sem yefet yelinε-linε yesεp daco, nye yotasak nno nayi ma. Nwε o nwε ogbuεne pefi pa yi, asak fe hanj dec dekalε.

³² Paka mpe o mpe po pelinε-linε papoko pin pefi payi pentempene karonj, pasak fe: Toyone apee, yamos, akata, alaba, paka mpe o mpe andegbujsarene ma. Payakse paka papoko domun, mba pasak fe hanj dec dekalε. Ko dofay dencepar-ε, pansak oj.

³³ Pesel mpe o mpe po yelinε-linε yayoko pin pefi payi pentempene disre ca calama karonj, pasak fe so, nawokac pesel papoko.

³⁴ Peri mpe o mpe po alonar domun nde deyefe pesel papoko disre ma, pasak fe so. Ko payone pomun po-ε, pasak fe, peyi oj pebere mpe o mpe disre.

³⁵ Paka mpe o mpe po pefi pa pin pa yelinε-linε yayoko pentempene karonj, pasak fe. Ko toyone pentempene pofe cocom disre-ε, palasar pi, pofe kacom papoko pasak fe oj nno nayi ma.

³⁶ Ko pefi pa yelinε-linε papoko pin pentempene dakalamp ko payone fe ti, dakangboko-ε, domun dadoko dasak, mba fum woko onkowure pi danda daromun ma, asak fe.

³⁷ Ko pefi payi pentempene menjben moko pamar pakobof ma karonj-ε, menjben mamako masak.

³⁸ Mba ko payone a ampuk menjben mamako teta kadi-ε, a pefi pa pelinε-linε papoko pectempene mi karonj-ε, menjben mamako masak fe nno nayi ma.

³⁹ Ko toyone wεsem nwe anwose nu kasom ma, wefi wisarka, nwε o nwε ongbuεne wi ma, asak fe hanj dec dekalε.

⁴⁰ Nwε o nwε asom sem ya pefi papoko, payak yamos yon, asak fe hanj dec dekalε. Nwε o nwε otampar so pefi papoko ma, payak yamos yon, asak fe hanj dec dekalε.

⁴¹ Nater yelinε-linε yefet fap nye yensεp dantof ma, payikyik po, ta nasom yi.

⁴² Nater yelinε-linε dantof, ko nye yenlinε kor ka yi karonj ma, ko nye yonkote wεcak mankale ko payone fe ti wεcak wεcepar mankale ma, payikyik po.

⁴³ Ta nasojne katasak nke anter ma teta yelinε-linε yefet nye yensεp ma. Ta nawose yogbuεne nu, yosojε nu katasak.

⁴⁴ MARIKI iyone, Kanu konu. Nadeyone afum acempi anε ampus'em ma, bawo ina MARIKI, incemp. Ta nasojne katasak teta yelinε-linε yefet nye yensεp dantof ma.

⁴⁵ MARIKI iyone nwε enapene nu atof na Misira, ideyone Kanu konu ma. Nayone afum acempi anε ampus'em ma, bawo ina MARIKI, incemp.

⁴⁶ Sariye sasako sacame sem daraj, bemp, yeneraj ya daromun fap ko yelinε-linε ya dantof fap,

⁴⁷ nte tonsojε pagbey sem yosoku ko yotasak ma, sem nye awose kasom ko nye antowose kasom ma.»

12

Kasokasne ka waran k'elip kakom-ε

¹ Ko MARIKI oloku Musa:

² «Moloku aka Yisrayel:

Ko wəran embəkəs pəkom wan wərkun-ε, əsək fε hanj mata camət-mεrəŋ. Əsək fε pəmə təkə endenəŋk wəka darenc ŋof o ŋof mə.

³ Tataka ta camət-maas pakənc wan.

⁴ Wəran wəkakə pəyi sə mata wəco maas kə maas (33) kəsəkəsne mecir mən. Ta pəgbuŋene pakə mpe o mpe ampuse MARIKI mə, ta wəkayi sə pəkə nde aŋgbip ŋosoku, hanj pəlip kəlas mataka mən ma kəsəkəsne.

⁵ Ko wəran oŋkom wan wəran-ε, əsək fε hanj mataka moluksər mεrəŋ, pəmə təkə endenəŋk wəka darenc ŋof o ŋof mə. Pəsəkəsne mecir mən mata wəco camət-tin kə camət-tin (66).

⁶ Ko wəran elip mataka mən ma kəsəkəsne-ε, təyone dokombəra da wan wərkun kə pəyone fε ti wan wəran, pəkere wəloŋne nde dəkəberε da aŋgbancan ŋεbəpene kə Kanu tekirin, aŋkesiya ŋorkun ŋa teren tin teta poloŋne pəcof, kə antantoriya kə pəyone fε ti-ε, təpay teta kəloŋne ka kiciya.

⁷ Wəloŋne pəkere yi MARIKI fər kirin, pətubucne sə kəsəkəs kə kətəsək kən. Kə telip-ε, wəran wəkakə ŋəsək kəloŋ kən mecir dəŋkom. Sariye sasəkə səcəme wəran darəŋ nwe oŋkom wan wərkun kə pəyone fε ti, pəkom wan wəran mə.

⁸ Ko wəran wəkakə oŋtəyə daka nde oŋkəsətone aŋkesiya ŋa teren tin mə, wəran wəkakə pəlek məpay mεrəŋ kə pəyone fε ti-ε, ntantoriya yowut mεrəŋ, pin pəyone poloŋne pəcof, pə mεrəŋ pəyone poloŋne pə kiciya. Wəloŋne pətubucne kəsəkəs kə kətəsək kən, wəran wəkayi əsək oŋ.»

13

Docu da akata nde dencalərne fum mə

¹ Ko MARIKI oloku Musa kə Aruna:

² «Kə fum əyə pəkəfər-kəfər dakata, aməncə kə pəyone fε ti, pətəmsər petelər mpe pəŋləpsər kəyone kə docu da akata nde dencalərne mə, pəkəkəre wəkayi wəloŋne Aruna kə pəyone fε ti-ε, wan kən wəkin.

³ Wəloŋne pəkəkce arunc nŋe ŋeyi kə dakata mə. Kə pəyone cəfon cən ca dakata cəferε-ε, təyone arunc ŋon ŋontukme ŋetas akata ŋon-ε, arunc ŋa docu d'akata decalərne də. Wəloŋne pəkəkce kə, pələku kə a əsək fε.

⁴ Kə pəyone wəkayi əyə pətəmsər petelər pefər mpe pəntətukme pətas akata ŋon mə, təyone cəfon cən ca dakata cəntafere fε-ε, wəloŋne pəbəlene wəka arunc wəkakə afum mata camət-mεrəŋ.

⁵ Tataka ta camət-mεrəŋ wəloŋne pəgbəkəre sə kəkəkce kə. Kə təyone mata camət-mεrəŋ mame disre, arunc ŋon ŋencepər fε təkə enasak ŋi mə, runc yeəmsər fε kə dakata-ε, wəloŋne pəgbəkəre kəbəlene kə sə afum hanj mata camət-mεrəŋ.

⁶ Kə mata camət-mεrəŋ membəp sə tamerəŋ-ε, wəloŋne pəkəkce kə, k'ənəŋk runc nye yəfəncne, yeəmsər fε kə dakata-ε, wəloŋne entam kələku a fum wəkakə əsək, aməncə ŋə. Wəkayi pəyak yamos yən, əsək.

⁷ Mba kə pəyone aməncə ŋaŋəkə ŋəwəkəl kə dakata-ε, tēm nte wəloŋne enalip kələku kə a fum wəsoku əfə mə, wəkayi pəmar pələksərne kəkəmentərne wəloŋne sə.

⁸ Wəloŋne pəkə pəkəkce, kə pəyone aməncə ŋəwəkəl kə dakata-ε, wəloŋne pələku a wəkayi əsək fε. Arunc ŋa docu da akata decalərne də yati.

⁹ Kə arunc ŋa docu da akata decalərne ŋosumpər fum-ε, pəkəkəre kə nda wəloŋne.

¹⁰ Wəloŋne pəkəkce kə: Kə akata ŋon ŋowur pəkəfər-kəfər pəfer-ε, kə pəkəfər-kəfər pəfer pəpəkə pəsəŋe kə cəfon ca dakata kəferε-ε, hanj magbali mocwur pəkəfər-kəfər pən-ε,

11 arunc ɲa docu da akata deɕalərne ɲeɕəp kɔ dakata. Wəlɔɲne pəlɔku a wəkayi ɔsək fɛ. Wəlɔɲne ɔfɔsɔtɛn kəbəlɛnɛ kɔ afum teta kəkəkɛ kɔ sɔ, bawo ɔsək fɛ.

12 Kɔ tɔyɔne arunc ɲa docu da akata deɕalərne deɕamsər kɔ dakata, do-sumpər akata ɲɔn fəp, kəyɛfɛ dəromp haɲ dəweɕək, nnɔ o nnɔ wəlɔɲne ɔɲmɔmən kɔ dis mɔ-ɛ,

13 wəlɔɲne pəkəkɛ kɔ. Kɔ tɔyɔne runc yosumpər kɔ dis fəp-ɛ, wəlɔɲne pəlɔku a wəkakɔ ɔsək, bawo dis dən fəp defere. Fum wəkakɔ ɔsək.

14 Mba dəsək ndɛ ancɔp kənəɲk kɔ magbali dərɪs mɔ, wəkayi ɔsək fɛ.

15 Kɔ wəlɔɲne ɛnəɲk kɔ magbali-ɛ, pəlɔku wəkayi a ɔsək fɛ: Magbali mɔsək fɛ, arunc ɲa docu da akata deɕalərne dɔ.

16 Kɔ magbali mɛsəkɔpər alom mɛferɛ-ɛ, wəkayi pəkɔ sɔ ndena wəlɔɲne.

17 Wəlɔɲne pəgbəkɛrɛ kəkəkɛ kɔ. Kɔ pəyɔne arunc ɲɔn ɲɛferɛ sɔ-ɛ, wəlɔɲne pəlɔku a wəkayi ɔsək.

18 Kɔ abɛɛ ɲowur fum, ɲede ɲɛtamnɛ,

19 a tɛlpəs ɔɲ, pəkəfər-kəfər pefɛr pedɛ powur da abɛɛ ɲɛnayi mɔ kɔ pəyɔnɛ fɛ ti, pətɛmsər petɛlər pefɛr pɛyimbərɛr pəlɔma pedɛ powur dənda-ɛ, wəkayi pəkɔ pəmentərne wəlɔɲnɛ.

20 Wəlɔɲne pəkəkɛ kɔ: Kɔ pəyɔnɛ arunc ɲaɲkɔ ɲontukmɛ ɲɛtas akata-ɛ, ɕəfon ca dənda ɕəferɛ-ɛ, wəlɔɲnɛ pəlɔku a wəkayi ɔsək fɛ. Arunc ɲa docu da akata deɕalərne dɔ, ndɛ dowur dəbɛɛ mɔ.

21 Kɔ wəlɔɲnɛ ɔɲkəkɛ arunc ɲaɲkɔ ɲɔyɔ fɛ kəfon kəfer-ɛ, arunc ɲaɲkɔ ɲontukmɛ fɛ sɔ ɲɛtas akata ɲɔn, tɔyɔnɛ sɔ arunc ɲaɲkɔ ɲɔfɔncnɛ-ɛ, wəlɔɲnɛ pəbəlɛnɛ wəkayi afum mataka camət-mɛrəɲ.

22 Kɔ pəyɔnɛ docu dɔwəkəl kɔ dakata-ɛ, wəlɔɲnɛ pəlɔku a ɔsək fɛ. Arunc ɲa docu da akata deɕalərne dɔ.

23 Mba kɔ arunc ɲaɲkɔ ɲɛyi tɔcəkɔ-cəkɔ ta ɲi, ta ɲɔwəkəl kɔ dakata-ɛ, kəfat ka abɛɛ kɔ. Wəlɔɲnɛ pəlɔku a wəkayi ɔsək.

24 Kɔ fum ɛntɛyɛ akata, wəkayi pənalɛ akata, pəyɔnɛ pətɛmsər petɛlər pəferɛ dənda kɔ pəyɔnɛ fɛ ti, pəferɛr pɛyimbərɛr-ɛ,

25 wəlɔɲnɛ pəkəkɛ kɔ. Kɔ pəyɔnɛ ɕəfon ca pətɛmsər papəkɔ pəferɛ-ɛ, pətɛmsər papəkɔ pɔntukmɛ pɛtas akata-ɛ, arunc ɲa docu da akata deɕalərne dɔ, ndɛ dosumpər kɔ dənda pəntɛyɛ mɔ. Wəlɔɲnɛ pəlɔku a wəkayi ɔsək fɛ, arunc ɲa docu da akata deɕalərne dɔ.

26 Kɔ wəlɔɲnɛ ɛnəɲk ɕəfon ɕəfer ɕəyi fɛ kɔ pətɛmsər petɛlər, ta pəntukmɛ pɛtas akata, tɔyɔnɛ pəfɔncnɛ-ɛ, wəlɔɲnɛ pəbəlɛnɛ wəkayi afum mata camət-mɛrəɲ.

27 Tataka ta camət-mɛrəɲ, wəlɔɲnɛ pəmɔmən kɔ. Kɔ tɔyɔnɛ arunc ɲɔwəkəl kɔ dakata-ɛ, wəlɔɲnɛ pəlɔku a fum wəkayi ɔsək fɛ. Arunc ɲa docu da akata deɕalərne dɔ.

28 Kɔ pəyɔnɛ pɛtamsər papəkɔ pɛyi tɔcəkɔ-cəkɔ ta pi-ɛ, kɔ pəyɔnɛ pɔwəkəl fɛ kɔ dakata pəfɔncnɛ-ɛ, pəkəfər-kəfər pa kətɛyɛ pɔ. Wəlɔɲnɛ pəlɔku a wəkayi ɔsək, kəfat ka kətɛyɛ kɔ.

29 Kɔ wərkun kɔ pəyɔnɛ fɛ ti wəran pəyɔ arunc dəromp kɔ pəyɔnɛ fɛ ti, dəkek-ɛ,

30 wəlɔɲnɛ pəkəkɛ arunc ɲaɲkɔ, kɔ ɲontukmɛ ɲɛtas akata, ta ɲɔyɔ ɕəfon ɕəyɔfəl ca alom ɲa ɕəbe-ɛ, wəlɔɲnɛ pəlɔku a wəkayi ɔsək fɛ. Tani tɔ, arunc ɲa docu dakata deɕalərne ndɛ doɲsumpər akata ɲa dəromp kɔ pəyɔnɛ fɛ ti-ɛ ɲa dəkek mɔ.

31 Kə wəlonjəne enəjk arunc ɲa tani ɲaɲəkə ɲontukmə fe ɲetas akata ɲən, ta ɲəyɔ sɔ cəfon cəbi-ε, wəlonjəne pəbələnε wəkəkə ɔyɔ arunc ɲa tani ɲaɲəkə mɔ afum mata camət-mērəj.

32 Tataka ta camət-mērəj, wəlonjəne pəkəkce sɔ arunc ɲaɲəkə. Kə pəyɔne arunc ɲa tani ɲaɲəkə ɲəwəkəl fe, ɲəyɔ fe cəfon ca alom ɲa cəbe, ɲontukmə fe ɲetas akata ɲən-ε,

33 fum wəkəkə pəfonne, mba əfəfon kəfo kəjkə arunc ɲa tani ɲeyi mɔ. Wəlonjəne pəbələnε kə afum tamerəj sɔ, mata camət-mērəj.

34 Wəlonjəne pəgbəkəre sɔ kəkəkce kə arunc ɲa tani tataka ta camət-mērəj. Kə pəyɔne arunc ɲa tani ɲaɲəkə ɲəwəkəl fe kə dakata, ɲontukmə fe ɲetas akata ɲən-ε, wəlonjəne pəloku a wəkayi əsək, pəyak yamos yən, əsək.

35 Kə pəyɔne wəkayi nte wəlonjəne oloku a əsək mba arunc ɲən ɲende ɲəwəkəl kə dakata-ε,

36 wəlonjəne pəgbəkəre kə sɔ kəkəkce. Kə pəyɔne a arunc ɲa tani ɲəwəkəl kə dakata-ε, wəlonjəne əfəsəten kəcəre kə pəyɔne wəkayi ɔyɔ cəfon ca alom ɲa cəbe-ε, wəkayi əsək fe.

37 Kə pəyɔne arunc ɲa tani ɲaɲəkə ɲəwəkəl fe kə dakata fəp, təyɔne cəfon cəbi cəmpoɲ kə dənda-ε, arunc ɲa tani ɲaɲəkə ɲentamne, wəkayi əsək. Wəlonjəne pəloku kə a əsək.

38 Təyɔne wərkun kə pəyɔne fe ti wəran, ɔyɔ pətəmsər pefər dakata-ε,

39 wəlonjəne pəkəkce kə. Kə pəyɔne pətəmsər papəkə pefərər kə pəfəncnε-ε, yatəre yowur wəkayi dakata, əsək.

40 Kə wərkun əgbətəle-gbətəle cəfon-ε, kələnde kə, wəkayi əsək.

41 Kə pəyɔne dətobu cəfon cəjgbətəle-gbətəle kə-ε, kələnde ka dətobu kə. Wəkayi əsək.

42 Mba kə təyɔne tekiriɲ kə pəyɔne fe ti tadarəj ta dənda pəjgbətəle-gbətəle mɔ, arunc ɲeyi kəroɲ niferər kə pəyɔne fe ti, ɲeyimbərər-ε, arunc ɲa docu da akata dəcələrne ɲowur wəkayi dənda dəkələnde, təyɔne tekiriɲ, təyɔne tadarəj.

43 Wəlonjəne pəkəkce kə. Kə təyɔne a pəkəfər-kəfər papəkə pefərər, pəyimbərər, təyɔne tekiriɲ təyɔne tadarəj mba powurənε kə arunc ɲa docu da akata dəcələrne-ε,

44 id'osumpər wəkayi, əsək fe. Wəlonjəne pəloku kə a əsək fe, bawo arunc ɲa docu da akata dəcələrne dosumpər kə domp.

45 Fum nwe docu da akata dəcələrne doɲsumpər mɔ, pəmar pəcbərne yamos yəwale-wale, pəwur domp fos. Wəkayi pəkumpne kusu, pəkule-kule: <Wətəsək! Wətəsək!>

46 Kəwon nke o nke kə docu dadəkə dowon kə mɔ, əsək fe. Kətəsək kən disre, pəyi sona. Dəkiyi dən dəbələnε sanjka.»

Yamos yəmɔf

47 Kə pətəmsər pa pəmɔf posumpər yamos, təyɔne kəloto ka səbeɲa sa cəfon ca aɲkesiya kə pəyɔne fe ti kəloto ka suwa-ε,

48 ali pəyɔne kəpol, təyɔne kəloto ka səbeɲa sa cəfon ca aɲkesiya, ka kəloto ka suwa, kə akata ɲje alompəs mɔ,

49 kə pətəmsər papəkə pəyɔ alom ɲobuk, kə pəyɔne fe ti, alom ɲeyimbərər yamos kəroɲ, kə pəyɔne fe ti akata kəroɲ-ε, pakene wəlonjəne pətəmsər papəkə, pəkə pəkəkce.

50 Wəlonjəne pəkəkce pətəmsər papəkə, pəmɛɲk paka papəkə haɲ mata camət-mērəj.

⁵¹ Tataka ta camət-mērəŋ, wəloŋne pəgbəkəre sɔ kəkəkce ka paka papəkɔ: Kɔ pəyɔne a pətəmsər papəkɔ pəwəkəl pi kəron-ε, kəretan kɔ nke antətam kəlin day mɔ. Paka pətəsək pɔ.

⁵² Wəloŋne pəcɔf kəpɔl, kəloto ka səbeŋa sa cəfon ca aŋkesiya, kɔ pəyɔne fe ti kəloto ka suwa, kɔ pəyɔne fe ti-ε, paka papəkɔ alompse akata mɔ. Bawo afətam kəwure pi pətəmsər papəkɔ, pəcɔf pi.

⁵³ Mba kɔ wəloŋne ɔŋkəkce paka papəkɔ, pənəŋk pətəmsər pəwəkəl fe pi kəron-ε,

⁵⁴ wəloŋne pəsom payak pi, pəgbəkəre sɔ pi kəmerŋk haŋ mata camət-mērəŋ.

⁵⁵ Kɔ wəloŋne endenasəgbəkəre pi kəkəkce nte alip pi kəyak mɔ, pənəŋk pətəmsər papəkɔ pəsəkpər fe teyi, ali pəwəkəl fe paka papəkɔ kəron, paka pətəsək pɔ. Pəcɔf pi, tɔyɔne tedisre kɔ pəyɔne fe ti-ε, takəron ta paka papəkɔ tɔ pəntəmsər.

⁵⁶ Mba kɔ wəloŋne enəŋk, nte ayak kəloto kaŋkɔ mɔ, pətəmsər papəkɔ posumpər fe sɔ pəpəŋ-ε, wəloŋne pəwali kəfo kaŋkɔ pənəntəmsər dəyamos, dəkəloto kɔ pəyɔne fe ti, paka pa akata mɔ.

⁵⁷ Kɔ tencepər a pətəmsər pedegbəkəre sɔ kəwur paka papəkɔ kəron-ε, tɔyɔne kəpɔl, kəloto, paka pa akata, kəretan kəyi kəsumpər paka papəkɔ, pəcɔf pi.

⁵⁸ Kɔ paka pəntəmsər tɔyɔne kəpɔl, kəloto, paka pa akata mpe anayak, pətəmsər pa pəmɔf papəkɔ powur mɔ-ε, pagbəkəre pi kəyak, a pedeyɔne paka posoku.

⁵⁹ Sariye sasəkɔ səcəme docu d'akata decalərne darəŋ, kɔ pətəmsər pa pəmɔf pa yamos ya səbeŋa sa cəfon ca aŋkesiya kɔ pəyɔne fe ti kəloto ka suwa, kɔ pəyɔne fe ti, paka mpe alompse akata mɔ. Metəkse mame mɔŋsəŋe kəcere a paka mpe pəsək kɔ pəyɔne fe ti-ε, pəsək fe.

14

Kəsəkəs ka aŋe docu da akata decalərne dosumpər mɔ

¹ Kɔ MARIKI oloku Musa:

² «Sariye nse səcəme kəsəkəs ka aŋe docu da akata decalərne dosumpər mɔ dəsək da kəsəkəs kəŋan. Pakenε kɔ wəloŋne,

³ wəloŋne pəwur dəsaŋka sa aka Yisrayel. Kɔ wəloŋne enəŋk docu da akata decalərne da fum wəkawe dentamne-ε,

⁴ wəloŋne pəsom pasumpəre wəkakɔ eyi kəsəkəsne mɔ, bəmp yosoku mērəŋ yeyi wəyeŋ, padəŋər kətək kəbotu ambənc ka sedər*, tafəc peyim, kɔ ale ŋa hisɔp†.

⁵ Wəloŋne pəsom, pafay abəmp ŋɔcəkɔ-cəkɔ ŋəkɔ dətəbəl mpe pəyɔ domun decempi da dəkəŋbəkɔ mɔ.

⁶ Wəloŋne pələk abəmp ŋa mērəŋ ŋəkɔ ŋeyi wəyeŋ mɔ kɔ kətək kəbotu ambənc ka sedər, tafəc peyim, kɔ ale ŋa hisɔp, pəgbət yi fəp nde dətəbəl mpe pəyɔ mecir ma abəmp ŋəkɔ afay mɔ.

⁷ Wəloŋne pəwesəsər fum wəkakɔ eyi kəsəkəsne docu d'akata decalərne mɔ mecir haŋ camət-mērəŋ. Kɔ tencepər-ε, pəloku fum wəkawe əsək oŋ. Wəloŋne pəsək abəmp ŋeyi wəyeŋ, ŋefelər ŋəkɔ dəkulum.

* **14:4** *Kətək ka sedər* = tək ya atɔf ŋa Palestin yɔ, kətək kɔ nke kəmbət ambənc mɔ. † **14:4** *Hisɔp* = mətək ma atɔf ŋa Palestin mɔ, mme ambətse sapu kɔ moro mosopε ambənc mɔ. Wara wa mi wəyɔ cəfon nce cəwurene ale mɔ. Tətək pɔ mpe aŋsəkse afum dāməyɔ mokur maŋan mɔ.

⁸ Fum nwe asəkəs mə pəyak yamos yən, pəfonne cəfon cən fəp, pəbike dəromun. Kə telip-ε, wəkayi əsək, entam kəberε dəsənka sa aka Yisrayel, mba pəyi mata camət-mērəŋ todoru ta abal nən.

⁹ Tataka ta camət-mērəŋ, pəfonne sə cəfon ca dəris fəp, ca domp dən, ca kek, haŋ ca dəfər pəfonne sə cəfon cən ca dəris cəlpəs cəkə. Pəyak yamos yən, pəbike domun, tēm tatəkə əsək.

¹⁰ Tataka ta camət-maas, wəkayi pələk ηkesiya yorkun mērəŋ ya teren tin tin nye yəntəyə dolokəp, kə aŋkesiya ηeran ηa teren tin ηətəyə dolokəp, kəmbefe kətət ka kələnne ka mənğben kilo camət-maŋkələ panəktərəne ki moro, kə moro liter daco. Pəkere yi wələnne.

¹¹ Wələnne nwe eyi kəsəkəs fum mə, pəcəmbər wəkayi kə yolənne yən MARIKI fər kirin, nde dəkəberε da aŋbancan ηəbərəne kə Kanu.

¹² Wələnne pələk aŋkesiya ηorkun ηəcəkə-cəkə, pəkəkəre ηi MARIKI fər kirin teta kələnne ka kələmpəs ka kiciya, kə moro liter daco. Pətubucne kəsəŋ yi MARIKI fər kirin.

¹³ Wələnne pəfay aŋkesiya ηorkun nde kəfo kəsoku nke aŋfay yəcəl ya kələnne teta kiciya kə yəkə ancəfe MARIKI mə. Pasu təbəl mecir maməkə məberε pi disre. Yolənne ya kələmpəs ka kiciya kə ya kələnne ka kiciya, wələnne əyə yi. Yeri yosoku yə nye ampüse MARIKI mə.

¹⁴ Wələnne pələk mecir ma pəcəl polənne pa kələmpəs ka kiciya, pəsop mi aləŋəs ηa kəca kətət kə telər tərəŋ ta kəca kətət kə telər tərəŋ ta kəcək kətət ka fum wəkəkə ayi kəsəkəs mə.

¹⁵ Wələnne pələk moro ma olif, pəkəlne mi kəca kən kəmeriya disre.

¹⁶ Wələnne pətem telər tən təcəkəre ta kəca kətət dəmoro məkə meyi kə kəca kəmeriya disre mə, pəwəsəsərə mi telər tatəkə entem dəmoro mə camət-mērəŋ MARIKI tekirin.

¹⁷ Wələnne pələk sə moro məkə meyi kə dəkəca mə, pəsop mi fum wəkəkə aləŋəs ηa kəca kətət kə telər tərəŋ ta kəca kətət, kə telər tərəŋ ta kəcək kətət, da anasop mecir ma polənne pa kələmpəs ka kiciya mə.

¹⁸ Wələnne pəsop moro melpəs məkə mənçəme kə dəkəca mə domp da fum wəkə ayi kəsəkəs mə. Wələnne pətubucne kəsəkəs wəkayi kətəsək kən MARIKI fər kirin.

¹⁹ Kə telip-ε, wələnne pəkere polənne pa kiciya, pətubucne kəsəkəs wəkayi kətəsək kən. Wələnne pəfay polənne mpe ancəfe MARIKI mə.

²⁰ Wələnne pəcəfe MARIKI nde tetek tolənne kəron pəcəl polənne kə pa mənğben. Wələnne pətubucne kəsəkəs wəcune docu nde dencalərne dakata mə, wəkəkə ŋəsək ŋ.»

Kəsəkəs ka wətəyə daka nwe docu da akata dəcələrne dənəsumpər mə

²¹ «Kə pəyənne nwe docu da akata dəcələrne dənəsumpər mə wətəyə daka əfə, kəsətə kən kəfətəm kəsəŋ kə daka dadəkə-ε, pələk aŋkesiya ηorkun ηin ηa teren tin teta kələnne ka kələmpəs ka kiciya, pəmentar ηi MARIKI nte tənşəŋe patubucne kəsəkəs kə kətəsək kən mə. Pədenər sə kəmbefe kətət kilo kəmaas nke anəktərəne kə moro ma olif mə teta kələnne ka mənğben, kə moro liter daco.

²² Wəkayi pələk məpay mērəŋ kə pəyənne fe ti-ε, ntantoriya mērəŋ, pəmə təkə kəsətə kən kəmentər mə, ηin ηəyənne polənne pa kiciya, kə pa mērəŋ pəyənne polənne pa pəcəl polənne pəcəf.

²³ Tataka ta camət-maas wəkayi pəkere wələnne yolənne yən fəp nde dəkəberε da aŋbancan ηəbərəne, fər ya MARIKI kirin.

²⁴ Wəloŋne pələk ankesiya ŋorkun teta kəloŋne ka kəlompəs ka kiciya kə moro ma olif liter daco, pətubucne kəsəŋ yi MARIKI fər kirin.

²⁵ Wəloŋne pəfay ankesiya ŋorkun nŋe ankerε teta kəloŋne ka kəlompəs ka kiciya mo. Pasu təbəl mecir maməkə məberε pi disrε. Wəloŋne pələk mecir ma ŋi, pəsop mi aləŋəs ŋa kəca kətət ka fum wəkakə eyi kəsəkəsne mo, telər tən təpəŋ ta kəca kətət, kə telər tən təpəŋ ta kəcək kətət.

²⁶ Wəloŋne pəkəl moro ma olif kəca kən kəmeriya disrε,

²⁷ pətəm telər tən təcəkərε dəmorο maməkə, pəwəsəsər camət-mεrəŋ MARIKI fər kirin.

²⁸ Wəloŋne pəsop moro maməkə meyi kə dəkəca mo aləŋəs ŋa kəca kətət ka fum wəkakə ayi kəsəkəs mo, telər təpəŋ ta kəca kən kətət kə telər təpəŋ ta kəcək kən kətət, kəfo nke anasop kə mecir ma poləŋne pa kəlompəs ka kiciya mo.

²⁹ Wəloŋne pəsop moro melpəs məkə məncəme kə kəca disrε mo fum wəkakə ayi kəsəkəs mo dərəmp, nte təŋsəŋε patubucne kəsəkəs kə kətəsək kən MARIKI fər kirin mo.

³⁰ Kə tencepər-ε, wəloŋne pələk təpay pəcəkə-cəkə kə pəyəne fε ti, antantoriya ŋəcəkə-cəkə, mpe wəkay i entam kəsətə mo.

³¹ Pəloŋne pin kəloŋne ka kiciya, pəloŋne pa mεrəŋ kəloŋne ka poləŋne pəcəf kə kəloŋne ka mēŋgben. Wəloŋne pətubucne kəsəkəs fum nwe ayi kəsəkəs mo MARIKI fər kirin.

³² Sariye sasəkə səcəme wəkə docu d'akata decalərne doŋsumpər mo, fum wəkə kəsətə kən kəmpice teta kəsəkəs kən mo.»

Pətəmsər pa damba da kələ

³³ Kə MARIKI oloku Musa kə Aruna:

³⁴ «Kə nndəkəberε atəf ŋa Kanan ŋŋe isəŋ nu mo-ε, k'isop pətəmsər pa pəkilər kələ kələma ka atəf ŋonu ŋofu-ε,

³⁵ wəka kələ kanjə pəkə pələku ti wəloŋne: «Pətəmsər pələma p'inəŋk nde kələ kem.»

³⁶ Wəloŋne pəsom kərəsna pawurε ca yayəkə yeyi kələ kanjə disrε mo, a nkon wəloŋne pədeberε ki kəkəkce pətəmsər papəkə. Ti disrε, paka mpe o mpe pənayi kələ kanjə disrε mo fəp, pəfəyəne pətəsək. Kə telip-ε, wəloŋne pəberε kələ kanjə disrε kəkəkce.

³⁷ Kə pəyəne a pətəmsər papəkə pəyə alom ŋəbukər kə pəyəne fε ti alom ŋeyimbərər təyənε abi ŋəŋəkə ŋontukme dādamba da kələ-ε,

³⁸ wəloŋne pəwur kələ kanjə disrε. K'eyi dəkəberε da kələ-ε, pəcaŋ ki mata camət-mεrəŋ.

³⁹ Wəloŋne pələksərne di tataka ta camət-mεrəŋ, kə pəyəne a pətəmsər papəkə pəwəkəl samba sa kələ kəroŋ-ε,

⁴⁰ wəloŋne pəsom pawurε masar maməkə məntəmsər mo, pakə pagbaləs mi kəfo kətəsək, pawurεne mi dare disrε.

⁴¹ Pəkəs dos dādəkə anasop damba tedisrε mo fəp, pawurεne di dare disrε nde kəfo kətəsək pagbal.

⁴² Pələk masar mələma, pəcəmbər mi dəkəcəme da məcəkə-cəkə. Pawet sə dos dələma pasop samba sədisrε sasəkə.

⁴³ Kə təyəne pətəmsər papəkə pəŋgbəkərε sə kəsumpər kələ nke anawurε masar a k'anjəs, k'asop sə ki dos mo,

⁴⁴ wəloŋne pagbəkərε sə kəkəkce ki. Kə pəyəne a pətəmsər powur sə-ε, pəkilər pə mpe pəncalərne dəkələ mo: Kələ kanjə kəsək fε.

⁴⁵ Mene pəcəkəli kələ kanjə, pawuŋ ki, pawetəs masar, cəgbo kə kəbof nke analəne kələ kanjə mo fəp, pakə pagbal yi kəfo kətəsək, pawurεne yi dare disrε.

⁴⁶ Fum nwe o nwe eberε kəło kanjko disre mata maməkə ancanj ki mə, əsək fe hanj dec dekalε.

⁴⁷ Fum nwe o nwe endirε kə pəyənε fe ti, pədi peri kəło kanjko disre mə, pəyak yamos yən.

⁴⁸ Kə wəlonjε oluksərne kəkəkce kəło pənənj, nte anjəbəkəre kəsop ka kəło kanjko dos mə, pətemsər powur fe sə, wəlonjε pəloku kəło kanjko kəsək, pələc pelinjε ki.

⁴⁹ Kəlonjε ka kəsəkəs ka kəło, wəlonjε pələk bemp merənj, kə kətək kəbotu ambənc ka sɛdər, tafəc peyim, kə alε nja hisəp.

⁵⁰ Pəfay abemp njəkək-cəkə təbəl disre mpε pəyə domun decempi da dəkənjəbəkə mə.

⁵¹ Wəlonjε pələk kətək kəbotu ambənc ka sɛdər, alε nja hisəp, tafəc peyim kə abemp nja merənj njəkə, pəgbət yi dəromun decempi da dəkənjəbəkə dəkə deyi təbəl təkə pəyə mecir ma abemp njəkə afay mə, pəwəsəsər kəło kanjko hanj camət-merənj.

⁵² Pəlinjε pətəsək pa kəło kanjko mecir ma abemp, domun decempi da dəkənjəbəkə dadəkə, abemp njəkə antəfay mə, kə kətək kəbotu ambənc ka sɛdər, alε nja hisəp kə tafəc peyim.

⁵³ Wəlonjε pəsək abemp njefələr njowur dare disre, njəkə dəkulum. Tatəkə tə wəlonjε ontubucne kəsəkəs ka kəło kətəsək ka ki. Kəło kanjko kənjək onj tɛm tatəkə.

⁵⁴ Sariyε sasəkə səcəme docu d'akata decalərne kə tani ta dəromp fəp darənj,

⁵⁵ kəyεfε pəkilər pa wəło hanj yamos,

⁵⁶ kəyεfε pəkəfər-kəfər, aməncə, hanj pətemsər pomotər-motər fəp.

⁵⁷ Sariyε sənjε sənjənε kəcərə kəyεfε ka fum kəkə ka ca yelpəs nyε, ca nce yəsək kə nyε yəntəsək mə. Sariyε sa docu da akata decalərne, pəmɔf pa yamos, kə pəkilər sə sasəkə.»

15

Mes mme mənşənje wərkun kətəsək mə

¹ Kə MARIKI osom Musa kə Aruna:

² «Nəloku aka Yisrayel:

Wərkun nwe o nwe docu dəsənje domun decgbəlar dəkəsətε dən ta pəyənε məsətε mə-ε, dəsən kə kətəsək.

³ Kə docu dadəkə dəsənje domun docwur dəkəsətε dən ta pəyənε məsətε, kə pəyənε fe ti, ta donjur kə-ε, pəyi onj nte o nte, domun dadəkə dəsənje kə kətəsək.

⁴ Kəfənc nke o nke kə wəkayi efəntərə, kə pəyənε fe ti dəcəm nde o nde də wəkayi ənənε, yəsək fe.

⁵ Fum nwe o nwe onjbuənε kəfənc kanjko, pəyak yamos yən, pəbike dis dən. Wəkayi əsək fe hanj dec dekalε.

⁶ Fum nwe endε dəcəm nde fum wətətamnε wəkayi eyεfε mə, pəyak yamos yən, pəbike. Wəkayi əsək fe hanj dec dekalε.

⁷ Fum nwe onjbuənε wətətamnε wəkayi mə, pəyak yamos yən, pəbike. Wəkayi əsək fe hanj dec dekalε.

⁸ Kə wətətamnε wəkəkə oyukər fum wəsoku lin-ε, wəsoku wəkəkə pəyak yamos yən, pəbike. Əsək fe hanj dec dekalε.

⁹ Dəcəm da pəyεksenε mpε o mpε də fum wətətamnε endε kəronj pəkə delek mə, dəsək fe.

10 Fum nwe o nwe ogbuñene paka mpe wətotamne wəkako enafakene ma, əsək fe hañ dec dekalə. Fum nwe eñlek ca pəmə yayəko ma, pəyak yamos yon, pəbikə. Əsək fe hañ dec dekalə.

11 Fum nwe o nwe wətotamne oñgbuñene ta embikene waca ma, fum wəkako oñgbuñene ma, pəyak yamos yon, pəbikə, əsək fe hañ dec dekalə.

12 Pəsəl mpe o mpe pə wətotamne wəkayi oñgbuñene ma, pawəkac pi. Kə pəyone pəberə paka pa kətok pə-ε, pagbose pi domun.

13 Kə domun dəkə denasəñe fum wəkako kətəsək ma desakə kə kəcgbəlar-ε, fum wəkako pəkar tataka toluksər tin, a pəcsək. Pəyak yamos yon, pəbikə domun decempi da dəkəñgbəko, k'elip-ε, əsək on.

14 Tataka ta camət-maas, wəkayi pələk məpay mərəñ kə pəyone fe ti-ε, ntantoriya mərəñ, pəkə nde MARIKI fər kirin, nde dəkəberə da añgbancan ñəbərəne kə Kanu, pəkə pəsəñ yi wəlonne.

15 Wəlonne pəlonne abemp ñin teta kəlonne ka kiciya kə abemp ña mərəñ teta kəlonne ka polonne pəcəf. Kə telip-ε, MARIKI fər kirin wəlonne pətubucne kəsəkəs wəkayi kətəsək kañkə kənayi kə ma.

16 Fum nwe o nwe domun d'arkun dowur kə ma, wəkayi pəbikə dis dən fəp. Wəkayi əsək fe hañ dec dekalə.

17 Pəyone yamos, pəyone pokumpene pa akata, kə domun d'arkun dadəko dongbuñene pi-ε, payak paka papəkə, mba pəsək fe hañ dec dekalə.

18 Kə wərkun efəntərə wəran-ε, mərəñ mañan fəp ñabikə, ñasək fe hañ dec dekalə.

Tes nte təñsəñe wəran kətəsək ma

19 Kə wəran ənəñk wəka darenc, mecir məcgbəlar kə-ε, əsək fe hañ tataka toluksər tin. Fum nwe oñgbuñene kə ma, wəkayi sə əsək fe hañ dec dekalə.

20 Kə wəran ənəñk wəka darenc-ε, kəfənc nke o nke k'efəntərə, dəcəm nde o nde də wəkayi endə, yəsək fe.

21 Fum nwe o nwe ogbuñene kəfənc kañkə, pəyak yamos yon, pəbikə dis dən. Wəkayi əsək fe hañ dec dekalə.

22 Fum nwe o nwe oñgbuñene dəcəm dadəko ma, wəkayi pəyak yamos yon, pəbikə dis dən, əsək fe hañ dec dekalə.

23 Kə təyone paka pələma pənayi kəfənc kə pəyone fe ti-ε, paka pəkə wəran wəkako enandə kəron ma, nwe o nwe ogbuñene paka papəkə ma, əsək fe hañ dec dekalə.

24 Kə pəyone ñafəntərə kə wərkun kəfənc kin, mecir mən ma wəka darenc mosopte wərkun-ε, wərkun wəkako əsək fe hañ tataka toluksər tin, kəfənc nke o nke k'efəntərə kəron kəsək fe sə.

25 Kə mecir mendegbəlar wəran, ta pəyone wəka darenc ənəñk-ε, kə pəyone fe ti, pənəñk wəka darenc tecepər mataka məkə əmbət nəñk kə, əsək fe hañ dəsək nde tənəake kə, pəmə təkə əntəsək nte endenəñk wəka darenc ma.

26 Kəfənc nke o nke k'efəntərə, paka mpe o mpe p'ende kəron mata maməkə mecir mendegbəlar kə ma, yəsək fe pəmə təkə wəran əntəsək k'endenəñk wəka darenc-ε.

27 Fum nwe o nwe oñgbuñene kəfənc kañkə kə pəyone fe ti dəcəm dadəko ma, pəyak yamos yon, pəbikə, əsək fe hañ dec dekalə.

28 Kə mecir mesakə kə kəgbəlar-ε, wəran wəkako pəkar sə tataka toluksər tin, a pədesək sə.

29 Tataka ta camət-maas, pələk məpay mərəñ kə pəyone fe ti, ntantoriya mərəñ pəkene yi wəlonne nde dəkəberə da añgbancan ñəbərəne kə Kanu.

³⁰ Wəloŋne pəloŋne abemp ŋin ŋəkə teta kəloŋne ka kiciya, kə abemp ŋa meɾəŋ ŋəkə teta kəloŋne ka pəloŋne pəcəf. Kə telip-ε, wəloŋne pətubucne MARIKI fəɾ kirin kəsəkəs kə kətəsək ka kəwur ka mecir kən.»

³¹ Kə MARIKI oloku Musa kə Aruna: «Nəloku aka Yisrayel a ŋəbəlene aŋgbip ŋosoku kə ŋantəsək-ε: Ti tendesəŋe ta ŋafine teta kətəsək kəŋan nke kəntam kəsəŋe dəkiyi dem kətəsək mə.»

³² Sariye sanse səcəme kəyefe afum aŋe docu da kəgbəlar domun dəkəsəte danjan dosumpər ta pəyəne məsəte mə-ε, təsəŋe ŋa kətəsək,

³³ kəbəp wəran nwe eyi kənəŋk wəka darenc mə, kələkene ka wərkun kə pəyəne fe ti wəran nwe docu da kəgbəlar domun dəkəsəte dən doŋsumpər mə, kə wərkun nwe eŋfəntərər wəran nwe əntəsək mə təŋsəŋe fəp fanjan kətəsək.»

Kəsata kəpŋ ka dəsək da Kəsəkəs ka kiciya

16

¹ Kə MARIKI oloku Musa nte awut arkun a Aruna meɾəŋ aŋe ŋanaməntərne nde MARIKI fəɾ kirin kə ŋafine ti mə.

² Kə MARIKI osom Musa: «Məloku wenc əm Aruna, ta pəde pəcbere tem fəp nde dətəksə, ta pəde pəccali tem fəp kəloto nke kəŋkəŋk afəŋk ŋəsəkse kiciya ŋe ŋeyi kəŋkəra ka danapa da MARIKI kəroŋ mə, ta pədefi tem nte indewur dəkəp afəŋk ŋəŋəkə kəroŋ mə.»

³ Təbere nte tə Aruna ende pəcbere nde dətəksə tosoku: Pələk tura teta kəloŋne ka kiciya, kə aŋkesiya ŋorkun teta pəloŋne pəcəf.

⁴ Pəberne duma dedisre, kə kəgba, pəgbəncne tabataba, pəcəpne kəfakəl. Yamos yayəkə fəp yəyəne yopus, ya kəloto ka suwa, iy'ende pəcberne k'elip kəbikε-ε.

⁵ Kəloŋkane ka aka Yisrayel ŋade ŋacsəŋ Aruna mbiyofu meɾəŋ teta kəloŋne ka kiciya kə aŋkesiya ŋorkun ŋin teta pəloŋne mpe ancəfe MARIKI mə.

⁶ Aruna pəlotərne tura tetek toloŋne, pəloŋne pi teta kiciya ka nkənsərka, pətubucne kəsəkəsne kiciya kən kə ka aka kələ kən disre.

⁷ Aruna pələk mbiyofu nyε meɾəŋ, pəkəkəre yi MARIKI fəɾ kirin nde dəkəbere da aŋgbancan ŋəbərpe ne kə Kanu.

⁸ Aruna pəkot yampunpun nte təŋsəŋe pəcəre a mbiyofu yayəkə meɾəŋ, ŋəkə aloŋne MARIKI mə, kə ŋəkə aŋkekəre kəkəsək yeŋən nde dətəgbəre mə.

⁹ Ambiyofu ŋe yampunpun yəsəŋ MARIKI mə, Aruna pələk ŋi, pəloŋne teta kiciya.

¹⁰ Kə ambiyofu ŋe yampunpun yəsəŋ kəkəsək yeŋən nde dətəgbəre mə, Aruna pəkəkəre ŋi ŋeyi wəyən nde danjbancan MARIKI fəɾ kirin, pətubucne kəsəkəs ŋi kiciya a pədekekəre ŋi kəkəsək yeŋən nde dətəgbəre.

¹¹ Aruna nkən pəkəkəre tura pa kəloŋne ka kiciya ka nkənsərka, pətubucne kəsəkəsne kiciya kən, kə ka aka kələ kən disre. Pəfay tura pa kəloŋne ka kiciya ka nkənsərka. Pasu təbəl, mecir maməkə mebere pi disre.

¹² Aruna pələk nde tetek toloŋne pa dətəksə kəroŋ tap telare meken MARIKI fəɾ kirin, kə suray sətət aŋkulma kəmeɾəŋ, pəkəkəre yi kəloto kəkəŋke tadarəŋ, nde dətəksə tosoku,

¹³ pəcəf suray sasəkə MARIKI fəɾ kirin, nte təŋsəŋe kinime ka suray kəŋkə kəgbəpərne afəŋk ŋe ŋeyi kəŋkəra nke kəmentər danapa da MARIKI kə aka Yisrayel mə, nte təŋsəŋe Aruna kətəfi mə.

¹⁴ Aruna pəgbət telər tən dəmecir ma tura pa kəloŋne ka kiciya, pəwəsəsər afəŋk ŋəsəkse kiciya ntende dec dəmpε mə. Pəwəsəsər sə han camət-meɾəŋ afəŋk ŋəsəkse kiciya tekirin.

15 Kò telip-ε, Aruna pəwur sɔ pəfay ambiyoyo fə kəlɔŋne ka kiciya ka aka Yisrayel. Pasu tɔbəl mecir maməkɔ mɛbɛrɛ pi disrɛ. Aruna pəkəkərɛ mecir maməkɔ nde kəloto kəkəŋkɛ tadarəŋ. Aruna pəyɔ sɔ mecir ma ambiyoyo maməkɔ pəmɔ təkɔ ɔyɔ mecir ma tura mɔ, pəwɛsəsər mecir maməkɔ afɛŋk ɲəsəkɛ kiciya kəron ɲ kɛkirɲ.

16 Ti disrɛ Aruna pətubucnɛ kəsəkəs ka təkɔsɔ tosoku, dɛtəŋi ləŋəs da aka Yisrayel kɔ kiciya kəŋan fəp. Kɔ tɛyɛfɛ day-ε, pəyɔ sɔ tin tayi aŋgbancan ɲɛbərənɛ kɔ Kanu ɲɛ ɲɛyi ɲa daco kətəsək kəŋan disrɛ mɔ.

17 Ali fum ɔfɔyi aŋgbancan ɲɛbərənɛ kɔ Kanu disrɛ kɔ Aruna endɛbɛrɛ dətəkɔ kəkətubucnɛ kəsəkəs kiciya-ε, haŋ tɛm nte endewur mɔ. Aruna pətubucnɛ kəsəkəsne kiciya kɔn, ka kəlɔ kɔn disrɛ, kɔ ka kəlɔŋkanɛ ka aka Yisrayel fəp.

18 K'elip-ε, pəwur ntende dətetek tolonɲɛ pəkɔ pɛyi MARIKI fər kirɲ mɔ, pətubucnɛ kəsəkəs pi kətəsək, pələk mecir ma tura kɔ ma ambiyoyo, pəsopət mi lɛn maŋkələ ya moŋkubut ma tetek tolonɲɛ.

19 Aruna pəwɛsəsərɛ tɛlɛr tən mecir haŋ camət-mɛrəŋ tetek tolonɲɛ kəron. Kiciya ka aka Yisrayel kənasəŋɛ pi kətəsək, mba ti disrɛ Aruna pəsəkəs pi, poluksərne sɔ kəyɔnɛ paka popus.

20 Kɔ Aruna elip kətubucnɛ kəsəkəs kətəsək ka təkɔsɔ, ka aŋgbancan ɲɛbərənɛ kɔ Kanu kɔ ka tetek tolonɲɛ-ε, pakɛrɛ kɔ ambiyoyo ɲɛyi wəyɛŋ.

21 Aruna pədəŋar waca wɔn mɛrəŋ ambiyoyo ɲaŋəkɔ ɲɛyi wəyɛŋ mɔ, pələmər ɲi kiciya ka aka Yisrayel, dɛtəŋi dan ɲaŋəs kɔ mes maŋan mɛlɛc fəp, pəsarsər ɲi. Kɔ telip-ε, pawurɛ fum ɲa daco, pəkəkərɛ ambiyoyo ɲaŋəkɔ nde dətɛgbərə.

22 Tɛm tatəkɔ, ambiyoyo ɲɛsarɛ kiciya ka aka Yisrayel fəp, ɲɛkəkərɛ ki kəfo kəyer-yer nke antəbəp mɔ. Wəkayi pəkəkərɛ ambiyoyo pəsək ɲi nde dətɛgbərə.

23 Aruna pəluksərne nde aŋgbancan ɲɛbərənɛ kɔ Kanu, pəwure yamos ya kəloto ka suwa yəkɔ enabərne a k'ɛmbɛrɛ nde dətəkɔsɔ tosoku mɔ, pəboc yi dəndo dɛŋgbip.

24 Pəbikɛ dəndo kəfo kan ɲaŋəkɔ ampuse kɔ kəbikɛ mɔ, pəbərne yamos yɔn. Aruna pəwur, pəlɔŋnɛ pəcəl pəcɔf pɔn kɔ pa aka Yisrayel. Pətubucnɛ kəsəkəsne kiciya kɔn kɔ ka aka Yisrayel.

25 Pəcɔfɛ MARIKI tetek tolonɲɛ kəron moro ma pəcəl polonɲɛ pa kiciya.

26 Fum nwe ɛŋkəkərɛ ambiyoyo ɲaŋəkɔ kəkəsak yɛŋən nde dətɛgbərə mɔ, pəyak yamos yɔn, pəbikɛnɛnɛ domun a pədəbɛrɛ dəsənka.

27 Nte təyɔnɛ tura kɔ ambiyoyo nɲɛ alonɲɛnɛ kiciya, a k'əŋkəkərɛ mecir ma yi dətəkɔsɔ kəkətubucnɛ kəsəkəs ka kətəsək kɔ ka kiciya fəp mɔ, pəkəkərɛ yɔcəl yəyəkɔ mɛrəŋ san ɲa todoru, pacɔf akata, sɛm kɔ yedisrɛ ya aputuk ya yi.

28 Fum nwe ɛŋgbal yi dənɛnc mɔ pəyak yamos yɔn, pəbikɛ a pədəbɛrɛ dəsənka.

29 Sariyɛ sasəkɔ sɔ nədə nəcyɔ doru o doru: Tataka ta wəco ta ɲof ɲa camət-mɛrəŋ, nəsun, ali tɛbəc ta nəsumpər, kəyɛfɛ nənə aka Yisrayel haŋ kəbəp acikərə akɔ ɲancepərənɛ tɛm tɛpic nu daco mɔ,

30 bawo dəsək dadəkɔ d'antubucnɛ kəsəkəs nu kiciya konu. Nəndəsək oŋ MARIKI fər kirɲ teta kiciya konu fəp.

31 Dəsək dadəkɔ camcan dede dəyɔnɛ nu dəsək da kəŋesəm ndɛ ampuse MARIKI mɔ, nədə nəcsun. Nədə nəclɛlɛs sariyɛ sasəkɔ doru o doru.

32 Kɔ Aruna ɛncɛpər-ε, wəlɔŋnɛ nwe endɛ pətubucnɛ kəsəkəs kiciya kɔ kətəsək mɔ endɛyɔnɛ wəlɔŋnɛ nwe anabəy moro teta yɛbəc ya dəKanu, padəs

kə dəkəcəmə da kas kəyənə ka wəlonjə wəpəŋ. Pəde pəcbərnə yamos ya dəKanu ya kəloto ka suwa.

³³ Nkən ende pəctubucnə kəsəkəs ka təkso tosoku, anjbančan ɲebəpənə kə Kanu kə tetek tolonjə, pəctubucnə kəsəkəs alonjə kə kəlonjəkanə ka aka Yisrayel fəp kiciya kəŋan.

³⁴ Sariyē sə, nse nəntədəsak kəyə doru o doru mə, nte tənşəŋe katin kəren o kəren disrē, pactam kəctubucnə kəsəkəs aka Yisrayel fəp kiciya kəŋan.»

K'ayə təkə MARIKI enasom Musa mə.

17

Dosoku da aka Yisrayel

17-27

Sariyē nse səcəmə teta mecir darəŋ

¹ Kə MARIKI osom Musa:

² «Məloku Aruna, awut ən kə aka Yisrayel fəp, a nte tə MARIKI osom:

³ Kə wəka Yisrayel efaŋ kəfay tura, anjkesiya kə pəyənə fə ti wir saŋka disrē kə pəyənə fə ti saŋka tadarəŋ,

⁴ ta enjekərə pəcəl papəkə nde dəkəbərə da anjbančan ɲebəpənə kə Kanu kəkəlonjə pi MARIKI nde dəkiyi dən tekiriŋ-ε, anjəm wəkayi wəsərə kiciya teta mecir maməkə olonj mə. Anjwure wəkayi aka Yisrayel daco.

⁵ Ti disrē sariyē saŋse səndəsəŋe aka Yisrayel kətəfay sə yəcəl yaŋan dəkulum, mba ɲackənə yi MARIKI kəlonjə nde dəkəbərə da anjbančan ɲebəpənə kə Kanu, fəŋ ya wəlonjə kirin. ɲakənə yi MARIKI teta kəlonjə ka kəpaŋnə pəforu.

⁶ Wəlonjə pəwəsəsər mecir ma yolonjə yayəkə tetek tolonjə pa MARIKI mpe pəyi dəkəbərə da anjbančan ɲebəpənə kə Kanu mə. Pəcəfə moro ma yi MARIKI, ambənc ɲaŋəkə ɲontorə-torə kə abəkəc.

⁷ Ti disrē aka Yisrayel kətəsə kəclonjə canu ca yem nce cəwurene mbiyofə, nce ɲayi pəyamayama mə. Aka Yisrayel ɲacəmə sariyē sasəkə darəŋ doru o doru, dətəmp o dətəmp daŋan.

⁸ Awa! Məloku ɲa sə nte: Kə wəka Yisrayel, kə pəyənə fə ti wəcikərə nwe eyi ɲa daco mə, pəkərə polonjə pəcəf, kə pəyənə fə ti, polonjə pələma,

⁹ ta enjekərə pəcəl papəkə nde dəkəbərə da anjbančan ɲebəpənə kə Kanu tekiriŋ kəkəlonjə MARIKI-ε, anjwure fum wəkəkə aka Yisrayel daco.

¹⁰ Fum nwe o nwe, pəyənə wəka Yisrayel, pəyənə wəcikərə nwe eyi aka Yisrayel daco mə, omun mecir pəyənə mme o mme, injakəfəlnə wəkəkə omun mecir mə, iwure kə aka Yisrayel daco.

¹¹ Bawo kiya wəyən ka dis, dəmecir kəyi. Ina MARIKI in'əcəmbərə nu mi dətetek tolonjə, nte tənşəŋe isəkəs nu kiciya konu mə, bawo mecir mənşəŋe kəsəkəs kiciya. Nte təyənə, a mi mətəmpər kəyi wəyən ka dis mə.

¹² It'əsəŋe k'iloku aka Yisrayel: Ta nwe o nwe nu daco pəmun mecir. Ta wəcikərə nwe o nwe ɲyi nu daco mə pəmun mecir.

¹³ Kə wəka Yisrayel wələma kə pəyənə fə ti, wəcikərə nwe eyi nu daco mə, osumpər dəkulum wəsəm kə pəyənə fə ti, abəmp nyə awosə kəsəm mə, pəlonj mecir ma yi dətəf pəkufunə mi kəbof.

¹⁴ Bawo kiya wəyən doru fəp, dəmecir kəyi. It'ilokə aka Yisrayel: Ta nəmun mecir ma paka peyi wəyən mpe o mpe, bawo kiya wəyən doru fəp, dəmecir kəyi. Nwe o nwe omun mecir ma paka peyi wəyən mə, anjwure wəkayi aka Yisrayel daco.

15 Kò fum o fum wàka Yisrayel kò pàyoné fè ti, wàkikàra nwe eyi ña daco mò, wàlòma àsom wésém nwe wefi wisàrka, kò pàyoné fè ti, wésém wàlòma wendif wi-é, pàyak yamos yòn, pàbikèné domun, àsòk fè hanj dec dekalé. Kò tencepàr-é, wàkayi àsòk onj.

16 Kò fum wàkayi àntàyak yamos yòn, k'embikèné fè sò-é, wàkayi èhsare kiciya.»

18

Kàfàntàrà wàran nké amàné mò

1 MARIKI oloku Musa:

2 «Màsom aka Yisrayel, málòku ña: In'òyoné MARIKI, Kanu konu.

3 Ta nàyo mes mòkò ànyò atof ña Misira nde nànyai mò, ta nàyo sò mes mòkò ànyò atof ña Kanañ nde iyi kàkekàre nu mò. Ta nàcàme màyo màñan darəñ!

4 Nàde nàcyò màyo mòkur mem, nàmèñkàrne sariye sem, bawo in'òyoné MARIKI Kanu konu.

5 Nàmèñkàrne sariye sem kò màyo mòkur mem: Màna nwe mànde kàccàme mi darəñ mò, mànyine mi doru. In'òyoné MARIKI.

6 Ta wàYisrayel nwe o nwe ñafàntàré kò wàran nwe ñalòtərəné dokom mò. In'òyoné MARIKI.

7 Ta mäfàntàré kò wàran ka wisi nwe òyoné wiri mò. Iya kam òfò, ta mäfàntàré kò nkòn.

8 Ta mäfàntàré kò kòncàra kam nwe o nwe. Kàlapàs ka wisi kò.

9 Ta mäfàntàré kò wàkire kam, wàpàñne kere kò pàyoné fè ti, nwe nàmpanne kas mò, tàyone pakom kò kàlò konu disre, kò pàyoné fè ti kàfò kàcuru.

10 Ta mäfàntàré kò wansò kam wàran, nwe wan kam wàrkun kò pàyoné fè ti wan kam wàran onjom mò. Kàlapàs kam kò.

11 Ta mäfàntàré kò wan wàran nwe kòncàra kam onjom mò. Wan wàran wàkàkò wisi onjomé kò, wàkire kam òfò.

12 Ta mäfàntàré kò wàkire ka papa kam, bawo wàkomèné ka papa kam òfò.

13 Ta mäfàntàré kò wènc wàran ka iya wàkam, bawo wàkomèné ka iya wàkam òfò.

14 Ta málàpàs wènc ka wisi kàfàntàré kò wàran kòn, bawo kòncàra kam òfò.

15 Ta mäfàntàré kò wàran ka wan kam wàrkun. Wàran ka wan kam òfò. Ta mäfàntàré kò nkòn.

16 Ta mäfàntàré kò wàran ka wènc àm, kàlapàs ka wènc àm kò.

17 Ta mäfàntàrà wàran kò wan kòn wàran. Ta mäfàntàrà sò yuruya yòn yeran nye o nye, tàyone wàrkun kò pàyoné fè ti-é wàran, akomèné on pat ñò. Tes telé ta kàbut amera tò.

18 Ta mənence wènc wàran ka wàran kam kàyi ka wàran kam doru fàp. Tòñsəñe kàraca kàyi ña daco.

19 Ta mäfàntàré kò wàran tèm nte endenəñk wàka darenc bawo wàran wàkàkò àsòk fè tèm tətòkò.

20 Ta mäfàntàré kò wàran ka wènc wàlòma afum am daco, bawo təñsəñ'am kətəsək.

21 Ta məlòñne məcàfè wan kam wàkin kanu ka yem Molek. Kò pàyoné ti-é, ta nàfulul tewe ta Kanu kam. MARIKI iyəné.

22 Ta wàrkun päfàntàré kò wàrkun pəmò təkò èñfàntàré kò wàran mò. Pəyikyik mpè MARIKI enter mò pò.

23 Ta mäfàntàrà ali pòcəl mpè o mpè, bawo təñsəñ'am kətəsək. Ali wàran sò ta ñafàntàré kò pòcəl. Deyamayama döpəñ dò.

²⁴ Ta mpe o mpe yi daco pəsəŋe nu kətəsək bawo mes maməkə fəp menasəŋe afum a tɔf yələma, aŋe iyi kəbələs nu tekiriŋ mə, kətəsək.

²⁵ Atɔf ŋa Kanaŋ yati ŋəsək fə sɔ, ilukse kəway ka kiciya ka ŋi, kɔ atɔf ŋeŋɛnc akɔ ŋanandə ŋi mə.

²⁶ Nəna aka Yisrayel kɔ acikəra aŋe ŋayi nu daco mə, nəmɛŋkərne sariye kɔ məyɔ mɔkur mem, ta nədekɔ nəcyɔ pəyikyik papəkɔ MARIKI enter mə de.

²⁷ Afum akɔ ŋananuŋkɛnɛ kəndɛ atɔf ŋaŋəkɔ mə, ŋanayɔ ŋi pəyikyik fəp mpe MARIKI enter mə, kɔ təsəŋe atɔf kətəsək.

²⁸ Ti disrɛ, ta nəsəŋe antɔf kətəsək, ŋendenɛnc nəna aŋe nəsəŋe ŋi kətəsək mə, pəmɔ təkɔ ŋenanɛnc akɔ ŋananuŋkɛnɛ ŋi kəndɛ mə.

²⁹ Fum o fum əyɔ pəyikyik papəkɔ mpe o mpe MARIKI enter mə, aŋwure kɔ aka Yisrayel daco.

³⁰ Nəmɛŋkərne mosom mem, ta nəndɛ nəcyɔ pəyikyik mpe MARIKI enter mə, ta nədɛ nəcyɔ məyɔ meyikyik mme anuŋkɛnɛ kəndɛ ka atɔf ŋaŋe ŋancyɔ, a nəna nədeder mə. Ta məyɔ maməkə medesəŋe nu kətəsək. MARIKI iyɔnɛ, Kanu konu.»

19

Nte Kanu kəfaŋ a pabəcɛ ki mə

¹ Kɔ MARIKI osom Musa:

² «Mələku kəlɔŋkanɛ ka Yisrayel fəp: Pəmar nəyɔnɛ afum acempi aŋe ampus'em mə, bawo ina MARIKI Kanu konu, incemp!

³ Fum nwe o nwe nəna daco pələləs kɛrɛ kɔ kas, pələləs sɔ dəsək dem da kəŋesəm fəp. MARIKI iyɔnɛ, Kanu konu.

⁴ Ta nəgbaymɛ nəcəmə mɛrəŋka mɛfəli darəŋ, ta nəlompəs sɔ canu ca fɛc. MARIKI iyɔnɛ, Kanu konu.

⁵ Kɔ nəndɛ nəckɛr'em yoloŋnɛ ya kəpaŋnɛ pəforu-ɛ, nəloŋn'em yi pəmɔ təkɔ sariye səloku ti mə, nte təŋsəŋe iban kəlɔŋnɛ konu mə.

⁶ Nəsəm daka dadəkɔ, dəsək ndɛ nəŋloŋn'em mə kɔ dɔckəsək, yəkɔ yɛncəmə haŋ tataka ta maas mə, pacɔf yi.

⁷ Kɔ fum wələma əsəm yeri yayəkɔ tataka ta maas-ɛ, yeri yɔtəsək yɔ, ifəban kəlɔŋnɛ konu kanjɔ.

⁸ Fum nwe o nwe endi sɔ yeri yayəkɔ mə, ɛŋsarɛ kiciya, bawo eyik-yikəs paka mpe ampuse MARIKI mə: Aŋwure fum wəkakɔ aka Yisrayel daco.

⁹ Kɔ nəndɛ nəctɛl ndɛ antɔf ŋonu-ɛ, ta nədekɔ nəctɛl səbomp sa yokom yəkɔ yeyi abɔf ŋonu cəsək mə, ta nədekɔ sɔ nəcluksərɛnɛ kəcgbɛtəs səbomp səkɔ nənatənəŋk dəkɛtɛl mə.

¹⁰ Ta nəluksərɛnɛ sɔ kəpiməs yokom ya ŋgbəŋkələ ya wɛn yəkɔ aŋsakəs-sakəs ŋi darenc mə, ta nəwɛtəs sɔ cəbəkələ ca yi. Nəsakərə yi atəyɔ daka, kɔ acikəra. MARIKI iyɔnɛ, Kanu konu.

¹¹ Ta nəkiyɛ, ta nwe o nwe pəyembər wɛnc, ta məyɔ kɔ cəmpənpən.

¹² Ta nədɛrəm yem disrɛ tewɛ tem, kɔ məyɔ ti-ɛ, məfulus tewɛ ta Kanu kam. MARIKI iyɔnɛ.

¹³ Ta mədir wɛnc əm, ta məkiyɛ! Ta kəway ka fum nwe embəc'am mə kədir'am dəwaca haŋ dɔckəsək.

¹⁴ Ta mətolanɛ wətəne pələc, ta nəbocɛ sɔ wətənəŋk paka dɔpɔ mpe əŋkəpət mə. Məmentər məyɔ mam disrɛ a mələləs im. MARIKI iyɔnɛ, Kanu kam.

¹⁵ Ta nəcboc kiti pətəlomp disrɛ: Ta məcəmənɛ wətəyɔ daka, ta məbanɛ wəka daka, mba məbocɛ wɛnc əm kiti təkɔ sariyɛ səloku ti mə.

16 Ta nəfor afum anu. Ta nəyemsene wenc konu, yem nye yɔŋkɔsɔŋe padif kɔ mɔ. MARIKI iyɔne.

17 Ta mameŋkarnɛ debəkɛc mɛcɛm-cɛmne mɛlɛc ma wenc ɔm, ta mɛnesarne kənal kɔ tɔkɔ teyi mɔ de! Ta mɛdesarsarne kiciya tetɔn.

18 Ta mɛlukse ayek, ta mameŋkarnɛ metele nno awenc ɔm aŋa ŋayi mɔ. Məbatər wenc ɔm pəmə tɔkɔ məmbətərne mɔ, MARIKI iyɔne.

19 Nəde nəcmeŋkarnɛ sariye sem: Ta məsɔŋe yɔcɔl mɛrəŋ yecɛcɛne nye yɔntɔyɔne dokom din dayi mɔ. Ta nəbɔf abɔf ŋonu yɔbɔf nye yɔntɔyɔne yin yayi mɔ. Ta nəberne yamos nye anɔŋkəl kədune səberŋa sa akotan kɔ sa kentələr mɔ.

20 Kɔ wərkun ɛfəntərər wəran wəcar nwe wərkun wələma owurɛne tetɔn kafan kənɛcɛ mɔ, kɔ pəyɔne a antawurus fe wəran wəkakɔ, tamɛrəŋ ta antasak wəran wəkakɔ pəwur dacar pəkɔ yeŋən-ɛ, wərkun wəkakɔ ɛfəntərər wəran wəcar wəkakɔ mɔ pəsɔŋ alamali. Mba afɔdif ŋa, bawo wəran wəkakɔ ɔsɔrɔyɔne wəcar.

21 Wərkun wəkakɔ pəkene MARIKI aŋkesiya ŋorkun nde dəkəberɛ da aŋbancan ŋebəpene kɔ Kanu, ŋyɔne polonŋe pa kələmpəs ka kiciya.

22 Wəlɔŋne pətubucne kəsəkəs wəkayi kiciya MARIKI fər kirin teta kələmpəs ka kiciya kaŋkɔ ɔyɔ mɔ, MARIKI eŋŋaŋne kɔ kiciya kaŋkɔ.

23 Kɔ nədekəberɛ atɔf ŋa Kanan nəlip kəbɔf ka tək yokom yedi fəp-ɛ, nəcləm yokom ya tək yayɔkɔ amɔne kədi haŋ meren maas, ta nədi yi.

24 Yokom ya tək yayɔkɔ yendekɔkom teren ta maŋkələ mɔ fəp, nəde nəcpuse yi ina MARIKI, nəcker'em yi kəkorkoru disre.

25 Teren ta kəcamət, nəntam kədi yokom yayɔkɔ, nədekɔ nəcpim yi, yendela, yɔyɔne yonu. MARIKI iyɔne, Kanu konu.

26 Ta nəde nəcsəm sem nye mecir mayi məsɔrɔyi yi mɔ. Ta nəyɔ mes ma dure, ta nəgbal kəsənc.

27 Ta nəfonne cəfon cəkəsək ca domp donu, ta məfonne kek cəsək.

28 Ta nəpirintne ca cələm dəkata nye kəbikɛ kəntənim mɔ, ta nəgbes-gbesine sɔ dis teta kəbal ka fum wəfi. MARIKI iyɔne.

29 Ta nələsər delel da awut anu aran kəcɔŋəs ŋa kəcfəntərə-fəntərə kɔ arkun aŋe ŋantənɛncɛ ŋa mɔ, ta tedesɔŋe afum a dɔtɔf kəyi ka yamayama, ta tedesɔŋe ŋacyɔ mes mɛlɛc ma kəbut amera maməkɔ.

30 Nədekɔ nəcleləs dəsək da kəŋesəm dem nde o nde, nələləs sɔ kəfo kəsoku kem. MARIKI iyɔne.

31 Ta nəsep kələk-loku kɔ mera ya afi. Ta nəten kəsɔŋne kətəsək tetan. MARIKI iyɔne, Kanu konu.

32 Mədə məcleləs abeki, məde məcsɔŋ wətem pələl. Məmentər dəməyɔ mam a mələləs ina Kanu kam. MARIKI iyɔne.

33 Kɔ wəcikərə ender pəyi nu dacɔ atɔf ŋonu-ɛ, ta nədir kɔ.

34 Nəsumpər wəcikərə kako pəmə wenc konu. Nəbətər kɔ pəmə nənasərka. Nəccɛm-cɛmne a nəna sɔ nənayɔne acikərə atɔf ŋa Misira. MARIKI iyɔne, Kanu konu.

35 Ta nəyɔ kətələmp nke o nke dəyotubuce yonu fəp.

36 Nəyɔ yotubce yeŋəne. MARIKI iyɔne, Kanu konu nke kənawurɛne nu atɔf ŋa Misira mɔ.

37 Nəmeŋkarnɛ sariye sem kɔ məyɔ mokur mem fəp, nəde nəccəme sɔ mi darəŋ. MARIKI iyɔne.»

¹ Kò MARIKI osom Musa:

² «Məloku aka Yisrayel:

Fum nwe o nwe, kəyɛfɛ wəka Yisrayel haŋ acikəra aŋɛ ɲayi nu daco mə, ɔsɔŋ wan kən wəkin nno kanu ka yem nke aŋwe Molek mə, padif wəkayi. Aka Yisrayel ɲaca-cas kə wasar.

³ Ina sɔ inɲafələr wəkayi fər, iwurɛ kɔ aka Yisrayel daco, bawo ɔsɔŋ yuruya yon yin kanu ka yem nke aŋwe Molek mə. Ti disre, ɔsɔŋɛ aŋgbip ɲem ɲosoku kətəsək, k'ofulus dosoku da tewe tem.

⁴ Kɔ aka Yisrayel ɲamɛpɛ mes maməkɔ fər, ta ɲandif fum wəkakɔ ɔsɔŋ wan kən kanu ka yem nke aŋwe Molek mə-ɛ,

⁵ ina MARIKI, inɲafələr fum wəkayi fər kɔ aka kor kən disre, iwurɛ ɲa aka Yisrayel daco, nkən fum wəkakɔ kɔ akɔ ɲampanɲe pəyamayama kəyɛk-yekəs ka kanu ka yem ka Molek kaŋkɔ mə.

⁶ Kɔ fum ɛsɛp kənəŋkɛnɛ kɔ afi kɔ pəyɔnɛ fɛ ti pəgbal kəsənc nke o nke nno afi ɲayi mə, ɲampanɲe pəyamayama kəyɛk-yekəs ka canu ca yem cacəkɔ-ɛ, inɲafələr wəkayi fər, iwurɛ kɔ aka Yisrayel daco.

⁷ Nəpusnɛ fər yem kirin, nəyɔnɛ afum acempi, bawo MARIKI iyɔnɛ, Kanu konu.

Mɛnɛncɛnɛ kɔ mɛfəntərə mme amənɛ mə

⁸ Nəde nəmɛŋkərɛ sariyɛ sem, nəde nəccəmɛ sɔ si darəŋ. In'oyɔnɛ MARIKI, nwe ompus nu mə, nəyɔnɛ afum acempi.

⁹ Nwe o nwe ontolanɛ kas kɔ pəyɔnɛ fɛ ti, kɛrɛ pələc mə, padif kɔ. Nkən ɛsarɛ teta defi dən sona gbɔŋ, bawo otolanɛ akombəra ɔn pələc.

¹⁰ Kɔ fum ɔŋsumpər dalakɔ kɔ wəran wəlo kɔ tɔyɔnɛ wəran ka wɛnc wələma ɲayi dalakɔ-ɛ, padif afum akakɔ mɛrəŋ fəp.

¹¹ Kɔ wərkun ɛfəntərə wəran wələma wəka kas-ɛ, ɛlapəs kas, padif mɛrəŋ maŋan fəp. ɲasare sɔ teta defi daŋan.

¹² Kɔ wərkun ɛfəntərə wəran ka wan kən wərkun-ɛ, padif afum akakɔ mɛrəŋ fəp. Dɛyamayama dəpəŋ dɔ: ɲasare sɔ teta defi daŋan.

¹³ Kɔ wərkun ɲafəntərə wəkəs wərkun pəmɔ təkɔ wərkun ɛŋfəntərə kɔ wəran mə, mɛrəŋ maŋan fəp ɲayɔ pəyikyik mpɛ MARIKI enter mə, padif ɲa mɛrəŋ maŋan fəp. ɲasare sɔ teta defi daŋan.

¹⁴ Kɔ wərkun ɛnɛncɛ wan wəran kɔ kɛrɛ-ɛ, tes tɛlɛc ta kəbut amera tɔ. Pacɔf wərkun wəkakɔ, wan wəran kɔ kɛrɛ, ntɛ tɔŋsɔŋɛ ta tes ta kəbut amera tatəkɔ tɔgbəkərə sɔ kəyi nu daco mə.

¹⁵ Kɔ wərkun ɛfəntərə pɔcɔl-ɛ, padif wərkun wəkakɔ, padif sɔ pɔcɔl papəkɔ.

¹⁶ Kɔ wəran ɛfəntərə kɔ pɔcɔl-ɛ, padif wəran wəkakɔ kɔ pɔcɔl papəkɔ. ɲasare sɔ teta defi daŋan.

¹⁷ Kɔ fum ɛnɛncɛ wəkirɛ kən nwe ɲampanɲe kas kɔ pəyɔnɛ fɛ ti, nwe ɲampanɲe kɛrɛ mə, ɲakɔ haŋ ɲafəntərə-ɛ, tɔyɔ ta malap tɔ ɲayɔ, pawurɛ ɲa fər ya awɛnc aŋa kirin. Fum nwe ɛfəntərə wəkirɛ kən mə, ɛsarɛ kiciya kən.

¹⁸ Kɔ wərkun ɛfəntərə wəran nwe eyi kənəŋk wəka darenc mə, aŋwurɛ mɛrəŋ maŋan fəp aka Yisrayel daco, kəcərə mɛrəŋ maŋan fəp ɲatəŋnɛ kəfəntərə tem ntɛ wəran eyi kənəŋk wəka darenc mə.

¹⁹ Ta mɛfəntərə wɛnc wəran wəka iya kam, kɔ pəyɔnɛ fɛ ti wəkirɛ ka papa kam, bawo kələpəs ka akombəra am kɔ. Aŋɛ ɲaŋyɔ ti mə, ɲaŋsarɛ kiciya kəŋan.

²⁰ Kɔ wərkun ɛfəntərə kəncərə kən-ɛ, ɲalapəs wos ka wəkakɔ. Afum akakɔ mɛrəŋ ɲasare kiciya kəŋan, ɲaŋfi ta ɲayɔ awut-ɛ.

²¹ Kɔ fum ɛnɛncɛ wəran ka wɛnc-ɛ, tɔyɔ tɛyikyik tɔ. Afum akakɔ mɛrəŋ ɲafəsɔtɔ awut, tamɛrəŋ wərkun wəkakɔ ɛlapəs wɛnc.

²² Nəməŋkərne sariye sem kə məyo mokur mem fəp, nəde nəcyə mi, ti tendesəŋe atəf nŋe iŋkekəre nu kənde mə, ta atəf ŋeŋenc nu-ε.

²³ Ta nədekə nəcyə məyo ma afum akə iŋkəbeləs nu fər kirin mə de! Afum akakə kəcyə kəŋan mes məlec maməkə fəp kəsəŋe k'inter ŋa.

²⁴ Mba inaloku nu:

«Nən'endekələk antəf ŋaŋan,
ina yati endekəsəŋ nu ŋi,
antəf ŋobəŋu ŋə dale kə awop.

MARIKI iyəne, Kanu konu, in'egbey nu kə afum alpəs aŋe.»

²⁵ Itə pəmar nəcgbey sem yosoku kə yətəsək, bəmp yosoku kə yətəsək, nte təŋsəŋe ta nəyik-yikəsne teta sem yayəkə yəntəsək mə. Sem, bəmp, kə yefelər-felər nyə yencepə-cepə nu daco mə, iŋgbey yi nte təŋsəŋe nəcərə nyə yəntəsək mə.

²⁶ Nəyənə afum acempi apus nnə iyi mə, bawo ina MARIKI, incemp. Iŋgbey nu kə afum alpəs aŋe nte təŋsəŋe nəyənə akemi mə.

²⁷ Kə wərkun kə pəyənə fe ti, wəran wələma ŋande kəclək-loku kə afi, kə pəyənə fe ti ŋacgbal kəsənc, paca-cas ŋa masar, padif. Nəsare sə teta defi danŋan.»

21

Sariye nse səyənə sa aloŋne mə

Cəke cə pəmar aloŋne ŋayi-ε

¹ Kə MARIKI osom Musa: «Məloku awut arkun a Aruna, aloŋne: Ta wəloŋne pəsəŋne kətəsək kəgbuŋəne kəbel ka fum, a nte wəkakə əyənə wəka kusunŋa ka Lewy mə.

² Mənə təyənə a fum kən pat əfə: Kərə, kas, wan kən wərkun, wan kən wəran, wənc.

³ Kə pəyənə wəkire kən wətələ əfə-ε, aŋwose kə kətəsək tetən. Wəkire, wəka kələ kəŋan disre əfə, bawo wəloŋne entəsəŋ fe kə wərkun kələ kəcuru disre.

⁴ Wəloŋne wəkirin ka afum əyənə, pəmar fe pəsəŋəne kətəsək pəfulusne.

⁵ Ta aloŋne ŋafonne səbomp mofə mələma, ta ŋafonne cek cəsək, ta ŋagbesbesne dis.

⁶ Nəyənə aŋe ampuse Kanu kəŋan mə, ta ŋafulus tewe ta Kanu kəŋan, bawo ŋa ŋaŋker'em yoləŋne nyə ancəfe ina MARIKI mə, yeri ya Kanu kəŋan. Itə pəmar ŋayənə afum acempi aŋe ampus'em mə.

⁷ Ta aloŋne ŋacnəncə aran ayi yamayama, kə pəyənə fe ti, wəran nwe aŋləsər kəfak mə, kə pəyənə fe ti, wəran nwe ŋasakəne kə wos mə, bawo wəloŋne wərkun əfə, nwe ampuse Kanu kən mə.

⁸ Məna wəka Yisrayel nwe o nwe məde məcleləs wəloŋne, bawo nkən eŋkərə yeri nyə nəŋsəŋ ina Kanu konu mə. Aloŋne ŋade ŋayənə afum apus nnə nəyi mə, bawo ina MARIKI incemp, k'iyek-yek aka Yisrayel nte təŋsəŋe ŋayənə afum acempi mə.

⁹ Kə wan wəran ka wəloŋne ofulusne pəyi yamayama-ε, kas wəloŋne ofulus: Pacəf wan wəran wəkakə pəyi wəyən.»

Sariye nse wəloŋne wəpəŋ pəmar pəcəme darəŋ mə

¹⁰ «Wəloŋne wəpəŋ əyənə wəkirin ka wənc aŋa aloŋne: Nkən nwe anabəy moro dərəmp, padəs kə dekirin da kəloŋne, pəber kə yamos ya dəKanu mə, ta pəsaktinə cəfon, ta pəwal-wali yamos yən teta defi.

¹¹ Ta wəloŋne wəpəŋ pəkə defi da nwe o nwe, ta pəsəŋəne kətəsək, ali təyənə a kas, kə pəyənə fe ti kərə efi-ε.

¹² Ta pəyefe nde kəfo kəsoku, ta pədəfulus kəfo kəsoku ka Kanu kən, bawo kəbəy kən moro ma dəKanu kənəpus kə alonje daco. MARIKI iyone.

¹³ Wəlonje wəpəŋ pənence wəran nwe antələsər kəfac mə.

¹⁴ Ta pənasər wəcəbokəra, ta pənence wəran nwe ŋasakene kə wos mə, ta pənence wəran nwe ofulusne pəyi yamayama mə. Pələk wəran akomene ən daco nwe antələsər kəfac mə,

¹⁵ nte tənsonje ŋa kətəgbulur awut nde dokom daŋan, ŋayone afum acempi, asoku pes mə. In'əyone MARIKI mme mompus ŋa yebəc yem mə.»

Dolokəp nde deŋyamse kəyone wəlonje mə

¹⁶ Kə MARIKI osom Musa:

¹⁷ «Məloku Aruna:

Yuruya yam fəp dətəmp kə dətəmp, nwe o nwe əyə dolokəp dəris mə, ta pələtərne tetek tolonje kəsəŋ ina Kanu kən peri.

¹⁸ Fum nwe o nwe əyə dolokəp kəfo kələma dəris, ta pələtərn'em: Kəyefe wətəŋk, fum nwe entəbələr mə, fum nwe əyə dolokəp dəkəro mə, kə pəyone fe ti, dis dən delece kəfo kələma mə,

¹⁹ fum nwe entere kəca kə pəyone fe ti, kəcək mə,

²⁰ fum wəka kəndəŋk, kə pəyone fe ti, fum wəkələc, fum nwe əyə tēsəŋk dərofər mə, wəka yatəre, wəka aməncə, wərkun nwe antemp cəkəl mə.

²¹ Ali wəkin yuruya ya Aruna wəlonje daco nwe əyə dolokəp mə, ta pələtərne tetek tem tolonje kəkər'em yolonje nye ancəfe MARIKI mə. Nwe əyə dolokəp mə, əfələtərne kəsəŋ Kanu kən yeri.

²² Mba wəkayi entam kədi yeri ya Kanu kən, yolonje yosoku kə nye ampūs'em mə.

²³ Mba ta wəlonje wəyə dolokəp pəbəp kələto kəkəŋke, ta wəkayi pələtərne sə tetek tolonje Kanu, bawo əyə dolokəp. Ta pəfulus mofə mem mosoku, ina MARIKI impus mi.»

²⁴ Kə Musa oloku Aruna moloku mme, kə awut ən kə aka Yisrayel fəp.

22

Sariye sa kədi yeri nye alonje Kanu mə

¹ Kə MARIKI osom Musa:

² «Mələmər Aruna kə awut ən mes mme aŋməne ŋa kədi yolonje nye aka Yisrayel ŋande ŋəcpus'em mə, nte tənsonje ta ŋəfulus tewe ta dosoku dem mə. MARIKI iyone.

³ Məloku ŋa: Yuruya ya alonje fəp daco, wərkun nwe o nwe ələtərne yolonje yosoku nye aka Yisrayel ŋəmpuse MARIKI mə, ta wəkayi əsək-ε, aŋwure wərkun wəkəkə yebəc yem. MARIKI iyone.

⁴ Wərkun nwe o nwe yuruya ya Aruna daco docu da akata decalərne dosumpər kə, kə pəyone fe ti, wəkayi domun dečgbələr dəkəsəte dən ta pəyone məsəte-ε, ta pədi yolonje yosoku ya MARIKI, haŋ pəcsək. Tin tayi tə kə nwe əntəsək bawo oŋgbuŋsərene wəfi, kə nwe domun d'arkun dendewur,

⁵ kə nwe oŋgbuŋsərene yelije-lije yətəsək kə pəyone fe ti fum nwe kəgbuŋsərene kən kəŋsonje fum kətəsək mə, təyone kətəsək ka fum wəkəkə nke o nke.

⁶ Nwe o nwe oŋgbuŋsərene paka pətəsək, wəkayi əsək fe haŋ dec dekalə, ta fum wəkəkə pədi yeri ya yolonje yosoku, mənə wəkayi pəbike.

⁷ Dec dənckənakalə wəkayi pəsək oŋ, entam kədi sə yeri yosoku ya kəlonje, yeri yən yə.

⁸ Ta wəlonɲe pəsəm wəsəm nwe antəfay mə, kə pəyɔne fɛ ti, pɔcəl mpe wəsəm wəlɔma wendif mə, tɔɲsɔɲe kə kətəsək. MARIKI iyɔne.

⁹ Alonɲe ɲandemɛɲkarne sariye sa yebac yem, ta ɲasare kiciya ka kəfulus yeri nyɛ ampuse MARIKI mə. Kə ɲantələlas teta yeri yayɔkə tɔɲsɔɲe ɲa kəfi. Ina MARIKI, in'ompus ɲa.

¹⁰ Ta nwe o nwe wətəyɔne dokom da alonɲe pədi yeri yosoku ya kəlonɲe. Kəyɛfɛ wəcikərə wəcepər kəbər ka wəbəcə ka wəlonɲe nwe ɔɲsɔɲ kəway mə, ali wəkin ta pədi yeri yosoku yayɔkə.

¹¹ Mba wəcar nwe wəlonɲe ɛnawaye pəsam pən mə, ɛntam kədi yi, kə fum nwe ɲɲom kəlɔ kən disre mə, ɲantam kədi yeri yopus ya kəlonɲe yayɔkə.

¹² Kə wətəyɔne wəlonɲe ɛnɛncɛ wan wəran wəka wəlonɲe, ta wəran wəkakə pədi sɔ yeri yosoku ya kəlonɲe.

¹³ Wan wəran ka wəlonɲe nwe ɔntəkom a wos pəfi, kə pəyɔne fɛ ti, ɲasakene kə wos, pəlukus pəde pəndɛ kəlɔ ka kas pəmɔ təkɔ ɛnayi di nte ɛnatələ mə, ɛntam kədi sɔ yeri ya kas. Mba ta wətəyɔne yuruya ya alonɲe nwe o nwe pədi yeri yosoku yayɔkə.

¹⁴ Kə fum wəlɔma, kətəyɛfɛne disre endi peri mpe ampuse MARIKI mə-ɛ, wəkayi pəsɔɲ wəlonɲe pətəɲnɛne pa yeri yosoku yəkɔ endi mə, pəkafələ sɔ pədenɲər alamali ɲɲe wəlonɲe omboncər kə mə.

¹⁵ Ta alonɲe ɲafulus yolonɲe ya aka Yisrayel nyɛ ɲande ɲacbelər yolonɲe nyɛ ɲampuse MARIKI mə.

¹⁶ Kə alonɲe ɲandi yeri yayɔkə ta ɲasək-ɛ, ɲaɲsɔɲe aka Yisrayel kəsare kiciya nke pəmar ɲaɲsɔɲe alamali mə. In'ɔyɔne MARIKI nwe ompus yolonɲe mə.»

Sariye sa kəyɛk-yɛk pɔcəl polonɲe

¹⁷ Kə MARIKI osom Musa:

¹⁸ «Məloku Aruna kə awut ɔn kə aka Yisrayel fəp: Fum nwe o nwe wəka kəlɔ ka Yisrayel kə pəyɔne fɛ ti wəcikərə wəcepərəne tɛm aka Yisrayel dacɔ edekene MARIKI kəlonɲe ka polonɲe pɔcəl: Təyɔne teta kədəram nke o nke kə pəyɔne fɛ ti, teta kəlonɲe ka kəpocɛ abəkac ɲosoku pɛs fəp,

¹⁹ kə wəkayi ɛfan a iban kəlonɲe kən-ɛ, pəlɔɲn'em pɔcəl porkun mpe pəntəyɔ dolokəp mə, təyɔne tura, ɲɲkesiya, ambiyofɔ.

²⁰ Ta nəker'em pɔcəl mpe pəyɔ dolokəp mə, ifəban kəlonɲe konu kanɲkə.

²¹ Kə fum endekene MARIKI wana, ɲɲkesiya, kə pəyɔne fɛ ti wir teta kəlonɲe ka kəpaɲne pəforu kə pəyɔne fɛ ti teta kədəram kən kə pəyɔne fɛ ti teta kəpocɛ abəkac ɲosoku pɛs-ɛ, inɲwosə kəban ka kəlonɲe kanɲkə, kə təyɔne pɔcəl papəkɔ pəyɔ fɛ dolokəp-ɛ.

²² Ta nəkene MARIKI pɔcəl pətənəɲk, pɔcəl mpe ambopər kə pəyɔne fɛ ti, pɔcəl mpe ɲɲbinti kəcək mə, mpe pəɲgbətələ-ɲbətələ cəfon mə, pɔcəl mpe pəyɔ yatərə mə, kə pəyɔne fɛ ti amanta kə pəyɔne fɛ ti docu da akata dəlɔma mə. Ta nəkekɛ pi teta kəlonɲe nke ancɔfɛ MARIKI nde dətetek tolonɲe kəronɲ mə.

²³ Məntam kəken'em kəlonɲe ka kəpocɛ abəkac ɲosoku pɛs: Wana, ɲɲkesiya, wir nwe wəyɔ kəcək kə pəyɔne fɛ ti kəca kəbəl kətəs kanɲkə mə, mba ifəban yayɔkə teta kəlas ka kədəram konu.

²⁴ Ta nəkerɛ ina MARIKI pɔcəl mpe antemp, mpe ampuru-puru, mpe awurɛ cəkəl kə pəyɔne fɛ ti, pɔcəl mpe ancɔpu arit mə. Ta nədekɔ nəcyɔ yɔcəl yonu tatəkɔ nde atəf ɲonu.

²⁵ Ta nəway acikərə dəwaca yɔcəl yəkɔ ɲɲbinti dis mofɔ məlɔma mə, kədəlonɲe ina Kanu konu. Kəɲbinti dis da pɔcəl papəkɔ dəsɔɲe pi kəyɔ dolokəp. Ifəban pi kəlonɲe konu.»

²⁶ Kə MARIKI oloku Musa:

²⁷ «Käyefe tura, aḅkesiya ḅorkun, ambiyofu, k'aḅkom yi-ε, wan päyi keε dantaf haḅ mata camät-meḅəḅ. Käyefe oḅ tataka ta camät-maas ta pöcöl papökö, iḅwose pi kəbaḅ teta kəloḅne nke ancöfe MARIKI mō.

²⁸ Ta nəfay pöcöl pəran kō wan ka pi döśök din dayi, təyöne wana, aḅkesiya kō wir.

²⁹ Kō nəndeloḅne MARIKI teta käyif kōn barka-ε, nəcəme sariye sa kəloḅne nte təḅsəḅe pəbaḅ ki mō.

³⁰ Nəsəm sem yayökö döśök da kəloḅne dadökö, ali pin ta nəsak pa döckösök. MARIKI iyöne.

³¹ Nəmeḅkərne mosom mem, nəde nəcyö mi. MARIKI iyöne.

³² Ta nəfulus dosoku dem, nte təḅsəḅe aka Yisrayel ḅaleləs dosoku dem mō. In'öyöne MARIKI nwe ompus nu mō.

³³ Inawurene nu atəf ḅa Misira nte təḅsəḅe ide iyöne Kanu konu mō. MARIKI iyöne.»

23

Mataka ma cəsata ca Yisrayel

Dösök da Käḅesəm nde ampuse MARIKI mō

¹ Kō MARIKI osom Musa:

² «Məloku aka Yisrayel:

Cəsata ca käyek-yekəs MARIKI nce nənde nəcwe kəloḅkanε ka aka Yisrayel fəp mō, kəloḅkanε kəsoku kənde kəcyi.

Mataka ma cəsata cacökö mō mame:

³ Mataka camät-tin ma tataka toluksər disre fəp aḅwose nu kəbəc, mba tataka ta camät-meḅəḅ simiti, döśök da käḅesəm nde ampuse MARIKI mō dö, kəloḅkanε kəsoku kō, tetem. Ali təcəc tin ta nəsumpər döśök da käḅesəm dadökö, döśök deleləs MARIKI dö nnō o nnō nəndeyi mō.

⁴ Cəsata ca käyek-yekəs MARIKI nce cō nənde nəcwenε kəloḅkanε kəsoku ka aka Yisrayel tem nte ambönc mō.»

Kəsata ka Käcepər ka Mələke medifkə ka Cəcom cətonəḅkəl lebin

⁵ Kō MARIKI osom Musa: «Tataka ta wəco kō maḅkəle ta ḅof ḅöcökö-cökö ḅa teren, dec döḅföy, nəböce MARIKI kəsata ka Käcepər*.

⁶ Tataka ta wəco kō kəcəmät (15) ta ḅof ḅaḅökö, nəde nəböce MARIKI kəsata ka Cəcom cətonəḅkəl lebin. Nəde nəcsəm cəcom cətonəḅkəl lebin mata camät-meḅəḅ camcam.

⁷ Tataka təcökö-cökö ta tataka toluksər tayi, nəde nəcwe kəloḅkanε kəsoku teta kəleləs MARIKI. Ta nəbəc döśök dadökö yəbəc nyε o nyε nəmböt bəc mō.

⁸ Nəckεε yoloḅne yökö ancöfe MARIKI mō, döśök o döśök, mata camät-meḅəḅ disre. Tataka ta camät-meḅəḅ, nəde nəcwe kəloḅkanε kəsoku teta kəleləs MARIKI. Ta nəbəc döśök dadökö yəbəc nyε o nyε nəmböt bəc mō.»

Kəsata ka Asek ḅöcökö-cökö

⁹ Kō MARIKI osom Musa:

¹⁰ «Məloku aka Yisrayel:

Kō nəndəkəberε atəf ḅönu ḅḅe isəḅ nu mō, kō nəndəkō nəctel-ε, nədekō nəckene wəloḅne aseḅ ḅöcökö-cökö ḅa yetel yonu yöcökö-cökö.

¹¹ Wəloḅne nkən əḅkəḅubucne kəsəḅ yi MARIKI fər kirin, nte təḅsəḅe pəbaḅ yi mō. Wəloḅne ontubucne ḅi kəsəḅ döckösök da käḅesəm.

* **23:5** *Kəsata ka Käcepər* = it'öyöne kəsata nke melekε mme menadifət awut acökö-cökö a Misira, mesak awut a Yisrayel mō. It'aḅwene kəsata kanḅε «kəsata ka Käcepər.»

¹² Dɔsɔk nde nantubucne kəsɔŋ asek ŋa yetel yayɔkɔ mɔ, idɔ nəkene MARIKI ankesiya ŋorkun ŋa teren tin nŋe ŋontɔyɔ dolokɔp mɔ teta polonŋe pɔcɔf.

¹³ Nadenjɔr kəlɔŋne ka mɛŋgben kilo camət-tin ka kəmbefe kətɔt nke anɔktərəne kɔ moro mɔ. Nadenjɔr sɔ wɛn liter din kɔ daco, nəcəfe yi MARIKI. Kəlɔŋne kɔ, nke ambɔnc ŋa ki ŋontore-tore MARIKI abəkac mɔ.

¹⁴ Nafodi ali pokom pa yetel yayɔkɔ kəyefe kəcom, mɛŋgben mənəkət, mɛŋgben mofu, ali pin ta nadi, ta nantaken Kanu konu sek yɔcɔkɔ-cɔkɔ ya yetel yonu-ε. Tɔyɔne nu sariye sa doru o doru, detemp kɔ detemp donu, nnɔ o nnɔ nandeyi mɔ.»

Kəsata ka Kətɛl

¹⁵ Kɔ MARIKI osom sɔ Musa: «Kəyefe ka dɔsɔk nde nənkerε sek ya yetel yonu nyε antubucne kəsɔŋ mɔ, kəyefe dɔckɔsɔk da kəŋesəm dadɔkɔ, nade nəcłm mataka moluksər camət-mɛrɛŋ.

¹⁶ Nade nəcłm mata wɔcɔ kəcəmət, haŋ dɔckɔsɔk da dɔsɔk da kəŋesəm da camət-mɛrɛŋ, nəkene sɔ MARIKI kəlɔŋne ka mɛŋgben mofu.

¹⁷ Kəyefe nde dakiyi donu, nade nəkere cəcom mɛrɛŋ kədɛtubucne kəsɔŋ ci MARIKI. Kəcom o kəcom pəmar palompse ki kəmbefe kətɔt kilo kəmaas panɔŋkəl ki lebin pakakəl. Cəcom cɔ nce anjlompse MARIKI yetel yɔcɔkɔ-cɔkɔ mɔ.

¹⁸ Nadenjɔr kəlɔŋne ka kəcom kanɔ: Nkesiya yorkun camət-mɛrɛŋ ya teren tin tin nyε yontɔyɔ dolokɔp mɔ, tura tin, ŋkesiya yorkun mɛrɛŋ, nəcəf'em yi nde dətetɛk tolonŋe kəronŋ nadenjɔr sɔ yolonŋe ya mɛŋgben kɔ wɛn wa yi. Yolonŋe yɔ nyε ancɔfe MARIKI mɔ, ambɔnc ŋa yi ŋontore-tore kɔ abəkac.

¹⁹ Kɔ tatɔkɔ tencepər-ε, nəkere MARIKI ambiyoyo ŋin teta kəlɔŋne ka kiciya, kɔ ŋkesiya yorkun mɛrɛŋ ya teren tin teta kəlɔŋne ka kəpaŋne pəforu.

²⁰ Wəlɔŋne pətubucne kəsɔŋ yi fər ya MARIKI kirin, kəkəkene ka cəcom cəcɔkɔ-cɔkɔ nce antubucne kəsɔŋ kɔ ŋkesiya yayɔkɔ mɛrɛŋ: Yeri yopus ya MARIKI yɔ, wəlɔŋne ɔyɔ yi.

²¹ Dɔsɔk dadɔkɔ yati, nade nəcwe kəlɔŋkane kəsoku teta kələləs im, ta nəbəc yebəc nyε o nyε nəmbɔt bəc mɔ. Tɔyɔne nu sariye sa doru o doru, detemp kɔ detemp donu, nnɔ o nnɔ nandeyi mɔ.

²² Kɔ nənde nəcłtɛl nde antɔf ŋonu-ε, ta nade nəcłtɛl cəsək ca cəbɔf conu, ta nəluksərne sɔ kəgbetəs ka səbomp nse nəmpələs tadarəŋ tonu mɔ, nəsakərə sasɔk wətɔyɔ daka kɔ wəcikərə. MARIKI iyɔne, Kanu konu.»

Kəsata ka Kəcem-cɛməs kɔ Kəfula luk

²³ Kɔ MARIKI osom Musa:

²⁴ «Məloku aka Yisrayel:

Dɔsɔk dɔcɔkɔ-cɔkɔ da ŋɔf ŋa camət-mɛrɛŋ dɔyɔne nu dɔsɔk da kəŋesəm nde ampuse MARIKI mɔ, dɔsɔk dəcem-cɛməs kɔ dofula luk. Nade nəcwe kəlɔŋkane kəsoku tewe tem.

²⁵ Ta nəbəc dɔsɔk dadɔkɔ yebəc nyε o nyε nəmbɔt bəc mɔ, mba nəkere MARIKI yolonŋe nyε ancɔfe kɔ mɔ.»

Dɔsɔk dɔpəŋ da Kəsəkəs ka kiciya

²⁶ Kɔ MARIKI oloku Musa:

²⁷ «Tataka ta wɔcɔ ta ŋɔf ŋa camət-mɛrɛŋ, dɔsɔk dɔpəŋ da Kəsəkəs ka kiciya dɔ. Dɔsɔk dadɔkɔ kəlɔŋkane kəsoku kɔ, teta kələləs im. Nəsuy dɔsɔk dadɔkɔ, nəkere MARIKI yolonŋe nyε ancɔfe kɔ mɔ.

²⁸ Ta nəsumpər tɛbəc o tɛbəc dɔsɔk dadɔkɔ, bawo dɔsɔk da Kəsəkəs ka kiciya dɔ, dɔsɔk dotubucne kəsəkəs nu kiciya konu fər ya MARIKI kirin, Kanu konu.

²⁹ Nwε o nwε edencəs kəsuy dɔsɔk dadɔkɔ mɔ, anjwure kɔ aka Yisrayel daco.

³⁰ Nwe o nwe onsumpur yebac dɔsɔk dadɔkɔ mɔ, ina yati injmɔlɛk kɔ afum ɔn daco.

³¹ Ali tɛbɛc ta nɛsumpur dɔsɔk dadɔkɔ. Sariyɛ sa doru o doru sɔ dɛtɛmp o dɛtɛmp, nnɔ o nnɔ nɛndeyi mɔ.

³² Dɔsɔk dadɔkɔ dɔyɔnɛ nu dɔsɔk da kɛɲɛsɛm ndɛ ampuse MARIKI mɔ, nɛsunj tɔtɔkɔ ta camɛt-maɲkɛle ta ɲof, nɛɲɛsɛm kɛyɛfɛ dɔfɔy haɲ dɔckɔsɔk dɔfɔy.»

Kasata ka Cɛlɛɲɔbe

³³ Kɔ MARIKI osom Musa:

³⁴ «Mɛloku aka Yisrayel:

Tataka ta wɛco kɔ kɛcamɛt ta ɲof ɲa camɛt-mɛrɛɲ, pabocɛ MARIKI kasata ka Cɛlɛɲɔbe, haɲ mataka camɛt-mɛrɛɲ.

³⁵ Tataka tɔcɔkɔ-cɔkɔ, kɛlɔɲkanɛ kɛsoku kɔ, teta kɛlelɛs im. Ta nɛbɛc dɔsɔk dadɔkɔ yebɛc nyɛ o nyɛ nɛmbɔt bɛc mɔ.

³⁶ Dɔsɔk o dɔsɔk mata camɛt-mɛrɛɲ mamɔkɔ disrɛ, nɛckɛnɛ MARIKI yolonɲɛ nyɛ andɛcɔfɛ kɔ mɔ. Tataka ta camɛt-maas, kɛlɔɲkanɛ kɛsoku kɔ, teta kɛlelɛs im. Nɛkɛrɛ ina MARIKI yolonɲɛ nyɛ andɛcɔf'em mɔ. Kɛlɔɲkanɛ kɛlpɛs ka kasata kanɲɛ kɔ, ta nɛbɛc dɔsɔk dadɔkɔ yebɛc nyɛ o nyɛ nɛmbɔt bɛc mɔ.

³⁷ Cɛsata cancɛ cɔ nɛbɔc teta kɛlelɛs ka MARIKI, nɛdɛ nɛcwe kɛlɔɲkanɛ kɛsoku nɛ nɛdɛ nɛckɛrɛ MARIKI yolonɲɛ nyɛ andɛ paccɔfɛ kɔ ndɛ dɛtɛtek tolonɲɛ Kanu kɛronɲ mɔ, yolonɲɛ ya mɛɲɔbɛn, yolonɲɛ ya kɛpaɲɲɛ pɛforu kɔ yolonɲɛ ya wɛn wa yi, pɛmɔ tɔkɔ pɛmar palonɲɛ dɔsɔk ndɛ o ndɛ mɔ.

³⁸ Yolonɲɛ yayɔkɔ y'andɛ pacdɛɲɛr yolonɲɛ ya dɔsɔk da kɛɲɛsɛm fɛp ndɛ ampuse MARIKI mɔ, kɛyɛfɛ ka yopocɛ yonu, yolonɲɛ ya kɛdɛrɛm yonu haɲ yolonɲɛ yopocɛ yonu nyɛ nɛɲsɔɲ MARIKI bɛkɛc yosoku pɛs mɔ.

³⁹ Teta kasata ka cɛlɛɲɔbe, tataka ta wɛco kɔ kɛcamɛt yati ta ɲof ɲa camɛt-mɛrɛɲ, kɔ kɛtɛl ka yɔbɔf yonu kɛlip-ɛ, nɛdɛkɔ nɛbɔc kasata ka MARIKI mata camɛt-mɛrɛɲ disrɛ. Tataka tɔcɔkɔ-cɔkɔ kɔ tataka ta camɛt-maas ta kasata kanɲɛ, mataka mɛɲɛsɛm mɛmɛ ampuse MARIKI mɔ.

⁴⁰ Tataka tɔcɔkɔ-cɔkɔ, nɛlɛk yokom yɔtɔt ya tɔk yokom yonu, bat ya komp, wara wa tɔk yɔyɔ bɔpɛr kɔ cɛɲkɔlma ca dɛromun, nɛwolɛs-wolɛs ina MARIKI Kanu konu fɔr kirinɲ mata camɛt-mɛrɛɲ mamɔkɔ fɛp disrɛ.

⁴¹ Kɛrɛn o kɛrɛn nɛdɛ nɛbɔcɛ ina MARIKI kasata mata camɛt-mɛrɛɲ, ɲof ɲa camɛt-mɛrɛɲ ɲa tɛrɛn o tɛrɛn disrɛ. Tɛdɛ tɔyɔnɛ nu sariyɛ sa doru o doru, dɛtɛmp kɔ dɛtɛmp.

⁴² Akom aka Yisrayel fɛp ɲadɛ ɲacyi cɛlɛɲɔbe disrɛ mata camɛt-mɛrɛɲ,

⁴³ nɛ tɔɲsɔɲɛ yuruya yonu yɛdɛcɛrɛ a inayinɛ aka Yisrayel dɛcɛlɛɲɔbe nɛ inawurɛn ɲa atɔf ɲa Misira mɔ. MARIKI iyɔnɛ, Kanu konu.»

⁴⁴ Tɔtɔkɔ tɔ Musa ɛnalɔmɛr aka Yisrayel cɛsata ca kɛlɔɲkanɛ kɛyɛk-yɛkɛs MARIKI.

24

Pɛdɛtɛ sɛlamp sa aɲɔbip ɲosoku

¹ Kɔ MARIKI oloku Musa:

² «Mɛsom aka Yisrayel ɲakɛr'am moro mɔtɔt ma olif mɔfɔc, nɛ tɔɲsɔɲɛ sɛlamp sɛctam kɛmar dɔfɔy o dɔfɔy mɔ.

³ Aruna pɛccɛmbɛr pɛdɛtɛ sɛlamp ndɛ aɲɔbancan ɲɛbɛpɛnɛ kɔ Kanu ndɛ todoru ta kɛloto kɛkɛɲɛ kanɲkɛra nɛ kɛmɛntɛr danapa dem k'aka Yisrayel, nɛ tɔɲsɔɲɛ sɛcmar tɛm fɛp MARIKI fɔr kirinɲ kɛyɛfɛ dɔfɔy haɲ bɛtbɛt mɔ. Tɛdɛ tɔyɔnɛ nu sariyɛ sa doru o doru, dɛtɛmp o dɛtɛmp dɛlelɛs si.

4 Aruna pædekə pæccəmbər səlamp pædɛtɛ pa səlamp pa kɛma kəsoku pɛs, nte tɔŋsɔŋɛ sɛcmər tɛm fəp MARIKI fər kirinj mə.

Cəcom nɛɛ aloŋŋɛ MARIKI mə

5 Mələk kəmbefe kətət, məkakəl cəcom cəlok-lok wəco kə mɛrəŋ, palompse kəcom nɛɛ o nɛɛ kəmbefe kilo camət-tin.

6 Nəboc ci fər ya MARIKI kirinj nde amɛsa ŋa kɛma kəsoku pɛs, cəgba mɛrəŋ. Kəgba o kəgba pəcək ki cəcom camət-tin.

7 Kəgba o kəgba məboc ki suray sətət sa kələl ka kətək, nse andecəfɛ ina MARIKI dəkəcəmə da cəcom teta kəcɛm-cɛməs mə.

8 Dəsək o dəsək deŋesəm nde ampuse MARIKI mə, paboc'em cəcom cacəkə nte tɔŋsɔŋɛ cəde cəcyi MARIKI fər kirinj tɛm fəp mə. Dəcəcom ca aka Yisrayel nandɛ nəcbɛlɛr ci, danapa da doru o doru dɔ.

9 Cəcom cacəkə, ca Aruna kə yuruya yɔn cə, ŋade ŋacsəm ci kəfo kəsoku: Yede yəyɔnɛ ŋa yeri yosoku nyɛ ambɛlɛr yolɔŋnɛ nyɛ ampuse MARIKI kəcəfɛ kə mə daco. Tede tɔyɔnɛ nu sariyɛ sa doru o doru.»

Kətərəs nɛɛ wərok nwe ɔləməs Kanu ŋɛsətə mə

10-11 Dəsək dələma, wərok wəYisrayel wələma kas pəyɔnɛ wəMisira, pacwɛ kɛrɛ Selomit wan wəran wəka Dibri wəka kusuŋka ka Dan. Kə wərok nwe, ŋŋkə aYisrayel daco k'ŋŋkə pəyektər wəka Yisrayel wələma kəyɛfərənɛ dəndo dəsəŋka. Kə wərok nwe ɔləməs MARIKI pəcbonc tewe tɔn, k'ontolanɛ kə pələc. K'asumpər wan wəkako k'əŋkɛnɛ kə Musa.

12 K'əŋkə pacaŋər kə, packar MARIKI kələku təkə andeyɔ kə mə.

13 Kə MARIKI oloku Musa:

14 «Nəwurenɛ wan wəkawɛ ɔləməs im mə sənka disrɛ! Aŋɛ ŋanɛ kə dim mə fəp, ŋadɛŋər kə waca dərɔmp, nte tɔŋsɔŋɛ afum fəp ŋacərə a fum wəkawɛ ɛsarɛ kəciya mə, kə telip-ɛ, kələŋkanɛ ka aka Yisrayel fəp ŋaca-case kə masar.

15 Nte tə məŋkəlɔku aka Yisrayel:

Məna nwe o nwe məntolanɛ Kanu kam pələc mə, məsarɛ kiciya kam.

16 Nwe o nwe ɛŋfər-fərəs tewe ta MARIKI mə, padif kə: Kələŋkanɛ ka Yisrayel fəp ŋanca-case wəkayi masar ŋadif. Wəkayi, pəyɔnɛ wəka Yisrayel, pəyɔnɛ wəcikərə, andif wəkayi teta nte ɔləməs tewe ta Kanu mə.

Pələc mpɛ məŋyɔ wɛnc əm mə, ipə aŋluks'am

17 Nwe o nwe ŋɛsut fum pədif kə mə, mɛnɛ padif wəkayi.

18 Nwe o nwe osut pəcəl pa wɛnc pədif pi mə, pəsəŋ pələma pɛyi wəyɛŋ kəway ka pəkə endif mə.

19 Kə fum ombopər fum wələma-ɛ, pabopər sɔ wəkayi, pəmɔ kəbopər kəŋkə ombopər wɛnc mə:

20 Kəway ka kətɛpi kəyɔnɛ kətɛpi, dɔfɔr dəyɔnɛ kəway ka dɔfɔr, desək dəyɔnɛ kəway ka desək. Dɔləkəp dəkə ŋŋyɔ wɛnc mə, idə aŋluksɛ kə.

21 Nwe ŋɛsut pəcəl pədif mə, pələuksɛ kəway ka pi, pəcəl pɛyi wəyɛŋ, mba k'osut fum pədif-ɛ, mɛnɛ padif kə.

22 Kiti kin kayi kə kəyɛfɛ wəcikərə kəbər wəka Yisrayel: MARIKI iyɔnɛ, Kanu konu.»

Kətərəs ka wərok

23 Kə Musa oloku moloku maməkə aka Yisrayel, k'awurenɛ wəkako ɛnatolanɛ tewe ta Kanu pələc mə, sənka tadarəŋ k'əŋkə paca-cas kə masar. Kə aka Yisrayel ŋayɔ təkə MARIKI ɛnasom Musa mə.

25

Sariye sa kəwurus ka ntəf kə k'afum

Teren teŋesəm ta antəf

¹ Kə MARIKI osom Musa nde tərɔ ta Sinayi:

² «Məloku aka Yisrayel:

Kə nəndekəbərə atəf nŋe iyi kəsəŋ nu mə, nəce antəf ŋonu ŋaŋəkə ŋeŋesəm pipic, teta kələləs ka MARIKI.

³ Meren camət-tin disre, nəntam kəcbəf nde cəbəf conu, nəcepəs wara wa ŋgbəŋkələ ya wən yonu, nəcpim yokom ya yi.

⁴ Mba teren ta camət-mērəŋ, teren camcam ta kəŋesəm ta antəf tə, nte ampuse MARIKI mə. Ta məbəf dale dam, ta məcepəs ŋgbəŋkələ ya wən wam dantəf.

⁵ Ta mətəl pas ya mēŋgben məkə menatempene kə moŋroŋ mə, ta məpim sə yokom ya ŋgbəŋkələ ya wən wam wəkə məntəcepəs dantəf mə. Teren teŋesəm ta antəf tə.

⁶ Ti disre nəntam kəcđi yokom nye antəf ŋendepon teren ta ŋi teŋesəm disre mə, kəyefe mənə, kəkə wəcar kam wərkun kə wəran, wəbəce kam nwe məŋsəŋ kəway mə, kə wəcikərə wəcepər wəkə eyi ndaram mə.

⁷ Yokom yayəkə yendekəyone sə yeri ya yocəl kə sem yonu yəkə yeyi nde atəf ŋam mə teren tatəkə fəp.»

Teren ta Kəkul-kulene pəbotu

⁸ «Nəde nəcləm meren meŋesəm camət-mērəŋ, haŋ camət-mērəŋ, kəwon ka ti kəyone meren wəco maŋkələ kə camət-maŋkələ (49).

⁹ Tataka ta wəco ta ŋof ŋa camət-mērəŋ, dəsək dadəkə məfula aluk cawon cawon: Dəsək da Kəsəkəs ka kiciya də, nəfula luk atəf ŋonu fəp disre.

¹⁰ Nəpuse teren ta wəco kəcamət (50) tatəkə MARIKI, tēm tatəkə nədəŋk kəyi yeŋən dətəf aka sədare sonu fəp. Teren tatəkə təyone nu teren ta Kəkul-kulene Pəbotu. Nwe o nwe pəluksərne kəbaŋ antəf kə paka pən, pəkə sə afum ən kəsək nde kələ kən disre.

¹¹ Teren ta wəco kəcamət (50) tatəkə tendeyone nu teren ta Kəkul-kulene Pəbotu, ta nədebəf, ta nədetəl sə pas yəkə yomroŋ dale mə, ta nəpim sə ŋgbəŋkələ ya wən yonu nye nəntəcepəs dantəf mə.

¹² Bawo teren ta Kəkul-kulene Pəbotu tə, təyone nu teren topus. Nəde nəcđi yokom nye dale donu dəŋsəŋ disərka mə.

¹³ Kəren ka kəsata ka Kəkul-kulene Pəbotu kaŋkə disre, nwe o nwe pəlukus nde antəf ŋən.

¹⁴ Kə məndecamsər wenc əm antəf, kə pəyone fe ti məcwayər kə paka pələm-ε, ta nwe o nwe pədir wenc.

¹⁵ Məwayər wenc əm, mba ta məpələr kələm ka meren məkə mencepər kəyefe ka teren ta Kəkul-kulene Pəbotu telpəs haŋ teren təkə nəyi mə, kə meren mətəl məkə mencemə sə a teren ta Kəkul-kulene Pəbotu kəcbəp sə mə.

¹⁶ Təkə meren mende kəcbələ mə, itə kəway kənde kəcpε. Təkə meren mende kəcbelə mə, itə kəway kənde kəctor, bawo kələm ka kətəl k'ayi kəcamsər əm.

¹⁷ Ta fum o fum pədir wenc, mənese Kanu kam. MARIKI iyone, Kanu konu.

¹⁸ Nəde nəcəmə sariye sem darəŋ, nəmēŋkərne məyɔ mem mokur, nəccəmə mi darəŋ, nənəne bəkəc yoforu dətəf.

¹⁹ Antəf ŋendekə ŋocsəŋ yokom ya ŋi, nye nəndekə nəcđi haŋ nəgbərfene mə, nənəne di bəkəc yoforu.

²⁰ Kò nàndekò nàcyifnɛ: «Kò sàntòbɔf paka, ta sàmpim paka-ɛ, ake sàndedi teren ta camàt-mɛrɛŋ-ɛ?»

²¹ Awa ina MARIKI, indetorɛr nu kàpocɛ pətət kem teren ta camàt-tin disrɛ, indesɔŋɛ antɔf ŋokom yokom ya meren maas.

²² Teren ta camàt-maas, nàgbàkàrɛ sò kàbɔf ka cəbɔf conu, mba kàren kàŋkò sò, yetel youn yokur yò nàndi sò, bawo yokom yàkò nànamɛŋk mò, yendelar nu haŋ ta nàntam yi kàlip kàdi teren ta camàt-maas-ɛ, nàntam kàkar teren ta camàt-maŋkàlɛ a nàccop kàdi ka yokom yofu.»

Sariyɛ sa kəwurus ntɔf

²³ «Afòde paccaməs antɔf telip katina: Antɔf fəp ŋemi ŋò, nde nderem nàyi decikàra, andɛ a ŋi kàrɛsna ŋò nàyɔnɛ.

²⁴ Ti disrɛ atɔf ŋɛ indesɔŋ nu mò, mɛnɛ nàkòcəmbər di sariyɛ səwurusɛ antɔf ŋam ŋɛ mənacamsər fum mò.

²⁵ Kò daka delipər wɛnc əm, pəcamsər əm antɔf ŋən tofokəl-ɛ, wɛnc nwe ŋanaŋkanɛ kəlotərənɛ dokom mò, ɛntam kàder pəwurus antɔf ŋaŋkò wɛnc ɛnacamsər əm mò.

²⁶ Kò fum wəkayi ɔntɔyɔ wɛnc wəlotərənɛ dokom nwe ɛntam kəwurus antɔf ŋən mò, kò nkən ende pəsɔto daka ndɛ nkənsərka ɛntam kəwurusɛ antɔf ŋən ŋkò ɛnacaməs mò,

²⁷ pəlɔm meren mɛmɛ mencepər kəyɛfɛ nte ɛnacaməs tofokəl papəkò haŋ kàren nke ɔsɔto daka ndɛ ŋkəwurusɛ pi mò, pəlɔm sò meren mɛmɛ mɛncəmə a teren ta Kəkul-kulɛnɛ Pəbotu tɛcbəp mò, pədeŋər kəway kàŋkò pəsəŋ wəkò ɛnaway mò, tɛm tatəkò ɛntam kəluksərɛ ndɛ antɔf ŋən.

²⁸ Kò wəkayi ɔsɔto fɛ daka ndɛ ŋkəwurusɛ antɔf ŋən, haŋ teren ta Kəkul-kulɛnɛ Pəbotu tɛcbəp, antɔf ŋɛŋyi wəkò ɛnaway ŋi mò dəwaca. Kò teren tatəkò tɛmbəp-ɛ, wəcaməs ka ŋi pəluksərɛ sò kəbaŋ antɔf ŋən.

²⁹ Kò fum ɛnacaməs kəlò kən nke kəyi dare dəpəŋ ndɛ asò saŋka haŋ k'anəŋkər mò, wəcaməs kəlò ɛntam kəwurus ki haŋ teren tin kəyɛfɛ nte ɛnacaməs kəlò kàŋkò mò. Wəway kəlò ɛntam kəkarɛnɛ kò kəwurus ka kəlò kàŋkò haŋ teren tin.

³⁰ Kò teren tin camcam tencepər wəkà kəlò ender fɛ pəwurus kəlò kən-ɛ, tɛm tatəkò kəlò kəŋyɔnɛ ka wəkò ɛnaway ki mò kò awut ɔn. Wəway ka kəlò kàŋkò ɔfoluksɛ wəcaməs ka ki teren ta Kəkul-kulɛnɛ Pəbotu de.

³¹ Sariyɛ sin sayi sò wəlò wa sədare səfɛt kò ntɔf, antam wi kəwurus pəmə nte ɛŋluskɛ sò wi asərka kò teren ta Kəkul-kulɛnɛ Pəbotu tɛmbəp-ɛ.

³² Sədare sa aLewy, kò wəlò wəkò wəyɔnɛ wəŋan mò, aLewy ŋa ŋande ŋactam kəwurus wi tɛm o tɛm.

³³ Ali təyɔnɛ wəLewy wəlɔma ɛway kəlò kàŋkò, ɔŋluskɛ ki wəLewy wəcəkò-cəkò wəkò ɛnayɔ ki mò teren ta Kəkul-kulɛnɛ Pəbotu, bawo wəlò wa sədare sa aLewy gbəcərɛm wə ŋayɔ aka Yisrayel daco.

³⁴ Dalɛ dəkò deyɛ sədare səŋan casək mò, afəway di, dalɛ daŋan dò doru o doru.»

Sariyɛ nɛ wətəyɔ daka ɛŋləkər'am debe mə

³⁵ «Kò wɛnc əm eyi'm kəsək daka delipər kò-ɛ, məcəmə kò dəntɔf, pəyɔnɛ wəcikàra, kò pəyɔnɛ fɛ ti wəcikàra wəcɛpərənɛ tɛm, nte təŋsəŋɛ nkən sò pətam kəyi ndaram mò.

³⁶ Ta nətənər kò kədɪr nke o nke, mənɛsɛ Kanu kam, wɛnc əm ɛntam kəyi ndaram kò mənə.

³⁷ Məbər kò pəsam, mba ta məwer kò kədeŋər ka təkò mənabər kò mò. Kò məbər kò yeri-ɛ, ta məwer kò kədeŋər am.

38 MARIKI iyöne, Kanu kam nke kənwurəne nu atəf ɲa Misira, kədesəŋ nu atəf ɲa Kanaŋ mə. Iyöne Kanu konu.»

Sariye sa kəwurus nse səyöne sa afum mə

39 «Kə wənc əm əyöne wətəyɔ daka, pəcaməsrn'am-ε, ta məcəmbər kə yəbəc ya dacar.

40 Pəcbəc'am ndaram, məcsəŋ kə kəway, pəmə wəcikərə wəcəpər. Pəbəc'am haŋ teren ta Kəkul-kuləne Pəbotu.

41 Kə teren ta Kəkul-kuləne Pəbotu tɛmbəp-ε, wəkayi pəwur kələ kam yəŋən, nkən kə awut ən ɲalukus nde kor kəŋan, nde antəf ɲa akas aŋa.

42 Bawo amarəs em ɲə aŋe iwurəne atəf ɲa Misira mə. Afəcaməs ɲa pəmə təkə ancaməs acar mə.

43 Ta məcəmbər wənc əm yəbəc ya dacar, məmentər a mələləs ina Kanu kam.

44 Afum a təf nyə yəŋkəl nu mə, nəntam kəcwayər ɲa acar arkun kə aran.

45 Nəndetam sə kəcway acikərə akə ɲandende nu dacə kəcəpərəne tɛm mə, afum aŋan a dəcər akə aŋkom atəf ɲonu mə, akakə nəntam kəcəmbər ɲa dacar.

46 Nənde nəcsakərə ɲa awut anu kə nəna nəfi-ε, ɲayöne akəŋan. Nənde nəcməŋk ɲa, ɲayöne nu acar doru o doru. Mba nəna aka Yisrayel, ta nwe o nwe pəcəmbər wənc yəbəc ya dacar.

47 Kə wənc əm əyöne wətəyɔ daka, pəkə pəcaməsərne wəcikərə wəcəpərəne tɛm, kə pəyöne fɛ ti, wəcikərə nwe endɛ nu dacə mə, kə pəyöne fɛ ti wənc kə wəcikərə wəkə ɲampəŋne kor kin mə,

48 wənc konu entam kəwurusne: Aŋwose wənc wələma kəwurus kə.

49 Kə wənc əntotam kəwurus kə-ε, nəcək'ən, kə pəyöne fɛ ti, wəkija kən, kə pəyöne fɛ ti, wənc nwe ɲələtərəne dokom mə ɲantam kəwurus kə. Kə pəyöne fɛm wəkəkə əsətə daka dowurusəne, entam kəwurusəne nkənsərka.

50 Wəkayi əŋləm kəyefɛ kəren nke encaməsne mə haŋ meren mme mēncəme teren ta Kəkul-kuləne Pəbotu kəbəp mə. Dəkələm da meren maməkə, antam kəcərə kəway nke pəmar pəsəŋ mə. Paləm kəway kəŋkə pəmə təkə aŋsəŋ fɛm kəway kə yəbəc mə.

51 Kə pəyöne teren ta Kəkul-kuləne Pəbotu təsərəbələ-ε, wəkayi pawuruse kə kəway kəŋkə enacamse kə mə.

52 Kə pəyöne a teren ta Kəkul-kuləne Pəbotu tələtərne-ε, paləm meren mme mēncəme teren ta Kəkul-kuləne Pəbotu kəbəp mə, pasəŋ wəkə enaway kə mə kəway kətəŋnəne ka meren mme mēncəme mə.

53 Kəyi ka wəkayi fəp ndena wəkə enaway kə mə, wəbəc əyöne nwe pəmar pasəŋ kəway teren kəlɪp mə, ta wəway kən pəcəmbər kə yəbəc ya dacar fər yonu kirɪŋ.

54 K'awurus fɛ wənc konu towurus nte o nte-ε, nəkar endewur dacar nkən kə awut ən teren ta Kəkul-kuləne Pəbotu.

55 In'ə aka Yisrayel ɲayöne acar. Abəc'em ɲə, in'owurəne ɲa atəf ɲa Misira. MARIKI iyöne, Kanu konu.»

26

1 «Ta nəde nəclompəs mɛrəŋka mɛfəli, ali ta nəde nəcpət tɛrəŋka, ali tasar totontne tin nəde nəccəmbər, ta nədekə nəccəmbər ali tasar pənəkəs pin mpe nəndekə nəctontne fər kirɪŋ mə. MARIKI iyöne, Kanu konu.

2 Nədekə nəclələs dəsək da kəŋesəm nde ampus'em mə fəp, nələləs sə aŋgbip ɲosoku ɲem. MARIKI iyöne.»

Yopocə yətət nyə MARIKI əsəŋ mə

3 «Kə nəncəme sariye sem darəŋ, nəmɛŋkərne mosom mem, nəcyə mi-ε,

⁴ in̄səŋ nu wəcafən tɛm tən, yəbɔf yonu yon̄kom, kə tək ya dəkulum yon̄kom sə yokom ya yi.

⁵ Awa nde ndoronu kəsɛpər ka mɛŋgbɛn kənde kəcwon haŋ tɛm tɔfɔcəs wɛn, kə kəfɔcəs wɛn kəwon haŋ tɛm ta kəbɔf ka dalɛ sɔ. Nəde nəcɔdi yeri yonu nəcgbərfɛnɛ, nənənɛ sɔ bəkəc yoforu nde atɔf ŋonu.

⁶ In̄fɔrəs atɔf ŋonu, nənde nəcfəntərə ali fum ta empempi nu-ɛ. Indɛbɛləs'on atɔf ŋonu sɛm ya dop yɛlɛc yəkɔ, dakma dɔfɔsɔcɛpər atɔf ŋonu.

⁷ Nənde nəcbɛləs atɛrɛnɛ anu aŋɛ nənde kəcɔdɪfɛ sakma sonu mə.

⁸ Afum anu kəcəmət gbɔŋ ŋande ŋacɛbɛləs atɛrɛnɛ anu afum tasar tin, afum anu tasar tin (100) ŋande ŋacɛbɛləs atɛrɛnɛ anu afum wul wəcɔ (10.000), aŋɛ nənde kəcɔdɪfɛ sakma sonu mə.

⁹ Indɛcɛnɛ nu kəro, isəŋ nu dokombərə, isəŋɛ nu kəla, indɛlɛləs sɔ danapa dem kə nəna.

¹⁰ Nəndekə nəcɔdi yɛtɛl yonu yokur haŋ nəwure yelpəs nəbɛr yofu.

¹¹ Indɛkɔcəmbər dəkəyi dem nu daco, ifɔdɛbɛr nu kumunt.

¹² Indɛsolɛ nu, iyɔnɛ nu Kanu, nəna nəyɔnɛ afum em.

¹³ MARIKI iyɔnɛ, Kanu konu, nkɛ kənawurɛnɛ nu atɔf ŋa Misira, ntɛ tɔŋsəŋɛ ta nəyɔnɛ sɔ acar mə. K'intɛpi kətam ka aka Misira, k'isəŋɛ nu kəyɛkti səbomp.»

MARIKI kəpocɛ pələc

¹⁴ «Mba kə nəntɔcəŋkəl moloku mem, ta nəncəmɛ mosom mem fəp darəŋ-ɛ,

¹⁵ kə nəncɛ sariyɛ sɛm, nəfən məyɔ məkur mem, ta nəncəmɛ mosom mem darəŋ, kə nəncɔpu danapa dem-ɛ,

¹⁶ ntɛ t'in̄yɔ nu: Indɛbɛr nu abɔc dəbəkəc, mɛlɛŋki kə fiba, ntɛ tendeyamɛ nu kənəŋk belbel, tɔcsəm mataka monu meyi doru mə. Nənde nəcbɔf kifəli, atɛrɛnɛ anu ŋande nəcɔdi yi.

¹⁷ Indɛbɛr nu kumunt, atɛrɛnɛ anu ŋande kəcɔtam nu. Aŋɛ ŋantɛr nu mə ŋande kəcyi nu kəroŋ, nəcyɛkɛ ta fum o fum ɛncəmɛ nu darəŋ-ɛ.

¹⁸ Kə maməkɔ fəp meyi ta nəcəŋkəl im-ɛ, intɔrəs nu camət-mɛrəŋ tɛta kiciya konu.

¹⁹ Indɛtɛpi kədot banca konu, isəŋɛ wəcafən kətɔdɛr, yəbɔf yɔfɔdɛ yɛctɛsɛ atɔf ŋonu.

²⁰ Səkət sonu səndɛ kəclɛcɛ kifəli, atɔf ŋonu ŋɔfɔsɔkom pəmɔ tək pəmar mə, tək yonu yɔfɔsɔkom.

²¹ Kə nəncəm'em dəbəkəc kəyɛfɛrɛnɛ, ta nəwosɛ kəcəŋkəl im-ɛ, in̄nɔcər sɔ kəsutɛ nu mətɔrəs camət-mɛrəŋ tɛta kiciya konu.

²² In̄kɛrɛ nu sɛm ya dop, nyɛ yɛndɛ kəcɔdɪfər nu awut mə, sɛm nyɛ yɛndɛlɪp kəcɔdɪfət ka yɔcəl yonu, sɛm nyɛ yɛndɛsəŋɛ nu kəpɪcɛ mə. Tɛm tətəkɔ səpɔ sonu səyɔ yeryɛr.

²³ Kə maməkɔ fəp meyi ta nəwosɛ kətɔrəs kem kan̄kɔ, nəcəm'em dəbəkəc-ɛ,

²⁴ ina sɔ incəmɛ nu dəbəkəc, in̄nɔcər kəsut nu camət-mɛrəŋ tɛta kiciya konu.

²⁵ In̄kɛrɛ nu dakma dolukɛ ayɛk, ndɛ dɛndɛlukɛ ayɛk ŋa danapa dem mə. Tɛm ntɛ nəŋlɔŋkanɛ sɔdare sonu mə, nəna daco in̄kɛrɛ nu aroɔm, tɛm tətəkɔ ambɛr nu atɛrɛnɛ anu dəwaca.

²⁶ K'in̄dɛban̄jər nu kəcɔm-ɛ, aran wəcɔ ŋande ŋacɛbɛrɛnɛ kəcɔf cəcom pɔcɔfɛ kəcɔm pin, ŋatubuc kəyɛr nu ci, tɔŋsəŋɛ nəcsəm ci ta cəsəŋɛ nu kənɛmbɛrɛ-ɛ.

²⁷ K'iyɔ sɔ maməkɔ ta nəncəŋkəl im, nəsɔrɔcəm'em dəbəkəc-ɛ,

²⁸ incəmɛ nu dəbəkəc icɛpərəŋ, in̄nɔcər kətɔrəs nu camət-mɛrəŋ tɛta kiciya konu.

²⁹ Nənde kəcɔsəm dis da awut anu arkun kə aran.

30 Injäsär mofó mesali monu nde dämörö, iwurj metek monu nde nancäfe suray canu conu ca yem mä, iläk cäbel ca afum anu afi, idenär ci cäbel ca merähka monu käröj. Abäkac jem njöbäle nu.

31 Indecekäli sädare sonu, iläsär mofó mesali monu, ifösölinjörne ambönc ja yolonje yonu nje njontore-tör'em abäkac mä.

32 Inasarka in'endeworjkar atof. Aterene anu anje njandende ji mä, njandesumpärne cusu.

33 Inkeré nu afum anje njandewekärne nu mä, isamsär nu afum a tof alpäs anje daco. Atof njonu, injäsär ji pämö tegbäre, kö sädare sonu säcekäle.

34 Awa, meren mme nändeyi maränt ndena aterene anu mä fäp, atof njonu nje näsak njeléc mä, njendenjesäm käsäkré ka tökö nänatösak ji njenesäm mä.

35 Tem nte njendeyi njeléc mä fäp, njendesötö känesäm nke njenatorjesäm nte nänandé ji mä.

36 Awenc nu anja alpäs anje njandeyi nda aterene anjan mä, indesöj ja defer för. Käboré-böré ka aböpär gbäcäräm kände käsöjné ja käyekse. Njande käcyekse pämö nte fum endeyeksär dakma mä, njayekse häj njako njatemprene, ta fum o fum encämé ja daräh-é.

37 Njandeko njacfonjäh-fonjäh njaccanöréne käyekse pämö tökö aterene anjan njancämé ja daräh njatömpäre ja sakma mä, töyöne öj ali fum encämé fé ja daräh. Näfödetam kécämé aterene anu för kirinj.

38 Däkäläpsär da ti, maränt mä nändefi, tof njocuru yemer nu.

39 Dätöf ja aterene anu, awenc anu alpäs anje andesak mä, njandete teta kiciya këjan kö ka atem anjan.»

Kanu kancem-cemne danapa dön

40 «Mba anje njantödefi kätöräs kanjö disré mä, njandecöj kiciya këjan kö ka atem anjan, mes mälec mme njacyö ina MARIKI, njacäm'em sö debäkac.

41 Ti tendesöjné ja kécäre a ina sö, icämé ja debäkac, k'isamsär ja nde atöf ja aterene anjan. Tem tatökö, kö bäkac yanjan yötöcäre ina Kanu yendekölapäs ja teta kätösumpär danapa dosu, njawosé kätöräs ka kiciya këjan-é,

42 indecäm-cemne danapa dem ndé inasek kö Yakuba, Siyaka, kö Abraham mä, ti tendesöj'em öj kécäm-cemne atöf njonu.

43 Ti disré kö njandesak atöf-é, atöf njähökö njendetam känesäm. Tem tatökö njandewosé kätöräs bawo njawosé fé sariyé sem kö njafän möyö mem mokur teta nte njantöcäméne möyö mokur mem daräh njacati sö käyö sariyé sem mä.

44 Ali tem tatökö asamsär ja nda aterene anjan mä, iföter ja doru o doru häj imäläk ja de, iföcopu sö danapa dem kö ja. MARIKI iyöne, Kanu këjan.

45 Ey, indecäm-cemne këjanjnéne ja, teta danapa dökö sänacanjäs kö atem anjan mä, anje inawuréné atöf ja Misira mä, för ja afum a tof yelpäs nyé fäp kirinj, ideyöne ja Kanu mä. MARIKI iyöne.»

46 Sariyé sanjse, möyö mokur kö metäksé mamé mä MARIKI enacämbär nkön kö aka Yisrayel daco nde törä ta Sinayi, käsom ka Musa.

27

Afum kö daka nde andermé MARIKI mä

1 Kö MARIKI ösom Musa:

2 «Mälöku aka Yisrayel:

Kö fum enderäm käsöj ka fum wälöma teta yebac ja MARIKI-é, pämar wäkayi päwuruse kö päsam mpé pentähjné këway ka këwuruse fum nke ambönc nde anjgip njosoku mä, nkön pälek fum kön.

³ Kəway kanke kə nəndetam kəcwuruse afum anje anasəŋ MARIKI kədəerəm disre mə:

Kə pəyənə wərkun nwe əsətə kəyefe meren wəco merəŋ (20) haŋ kəbəp ka meren wəco camət-tin mə (60), pawuruse kə pəsam gbəleŋ wəco kəcamət (50) potubuce pa nde angbip ŋosoku.

⁴ Kə pəyənə wəran əfə-ε, pəsam gbəleŋ wəco maas (30) pə.

⁵ Kə pəyənə wan nwe əsətə meren kəyefe kəcamət haŋ wəco merəŋ (20) mə, k'əyənə wan wərkun-ε, pəsam gbəleŋ wəco merəŋ (20),

k'əyənə wəran-ε, pəsam gbəleŋ wəco (10) pə.

⁶ Kə pəyənə wanfet wəka ŋof ŋin haŋ meren kəcamət əfə-ε, anşəŋ teta wan wərkun pəsam gbəleŋ kəcamət (5), teta wan wəran pəsam gbəleŋ maas (3).

⁷ Kə pəyənə wəbeki wəka meren wəco camət-tin (60) haŋ pəcepər əfə-ε, anşəŋ tətən pəsam gbəleŋ wəco kə kəcamət (15) k'əyənə wərkun-ε. K'əyənə wəran-ε, pəsəŋ pəsam gbəleŋ wəco (10).

⁸ Kə pəyənə wəkə enderəm mə əyə fe daka nde ŋəkəsəŋ kəway kətəŋne mə, pəkə pəcəmbər wəkayi wəloŋne fər kirin, wəloŋne pəcəm-cəmne təkə ŋəkəboncər kə mə. Wəloŋne pəməmən kəsətə ka wəkayi daka a pəctam kəwer kə kəway kanke pəmar pəsəŋ mə.

⁹ Kə pəyənə pəcəl pə mpe pentese kəkene MARIKI mə, mpe o mpe andekene MARIKI mə, pəpus pi.

¹⁰ Afəsəkrəre pəcəl pətət, pələc. Afəsəskrəre pələc, pətət. K'asəkrəre pəcəl, pəcəl pələma-ε, ampuse MARIKI yəcəl yayəkə merəŋ fəp.

¹¹ Kə pəyənə pəcəl pətəsək pə-ε, mpe antəwose kəloŋne MARIKI mə, pakene pi wəloŋne pəməmən.

¹² Wəloŋne ŋəkəməmən dətət da pəcəl kə pəyənə fe ti, dəlec da pəcəl pəpəkə, a pəboncər wəkayi təkə pəmar pəsəŋ kəway mə. Kəway kanke kə afum ŋəŋkəcəme darəŋ.

¹³ Kə wəkə pəcəl efəŋ kəwurus pəcəl pən-ε, pəsəŋ kəway ka pi kə alamali ŋŋe wəloŋne omboncər kə mə.

¹⁴ Kə fum ompuse kələ kən MARIKI, wəloŋne pəməmən dətət kə dəlec da kələ kanke, kəway kanke ŋəkəboncə ki mə, k'əŋkəcəme darəŋ.

¹⁵ Kə wəkə kələ kanke efəŋ kəwurus kələ kən-ε, pəsəŋ kəway ka ki məlməl, a pədeŋər sə alamali ŋŋe wəloŋne omboncər kə mə. Kələ kanke kəŋluksərne sə kəyənə kən.

¹⁶ Kə fum elek abəf ŋən pəpuse MARIKI-ε, defet dəkə eŋgbale abəf ŋəŋəkə mə d'ankelek kəway ka di: Pəsam gbəleŋ wəco kəcamət (50) kəway ka defet da meŋgben kilo masar maas (300).

¹⁷ Kə pəyənə a kəcop ka teren ta Kəkul-kulene Pəbotu tə wəkayi ompuse abəf ŋən MARIKI-ε, tatəkə t'amboncə kə kəway.

¹⁸ Kə pəyənə a teren ta Kəkul-kulene Pəbotu tencepər a kə fum endepuse abəf ŋən MARIKI-ε, wəloŋne pələm meren məkə mēncəme a teren ta Kəkul-kulene Pəbotu təcəp mə, pəbeli kəway ka abəf.

¹⁹ Kə wəkə abəf efəŋ kəwurus ka abəf ŋən-ε, pəsəŋ kəway ka abəf ŋən nke wəloŋne omboncər kə mə. A pədeŋər sə alamali ŋŋe wəloŋne omboncər kə mə. Tem tatəkə abəf ŋəluksərne sə ŋəyənə ŋən.

²⁰ Kə wəkə abəf owurus fe abəf ŋən haŋ fum wəcuru pəway ŋi-ε, wəkə abəf ŋəŋəkə əfəsətam kəwurus ŋi.

²¹ Kə teren ta Kəkul-kulene Pəbotu tēmbəp-ε, abəf ŋəŋəkə ŋəŋluksərne MARIKI, aloŋne ŋəyə ŋə ŋi. Pəŋyi tem tatəkə pəmə nte fum ŋəŋəŋ paka MARIKI, ta entam sə pi kəbaŋ mə.

²² Kɔ fum ompuse MARIKI abɔf nɛ ɛnaway mɔ, tɔyɔnɛ bafɔ kɛ ka atem ɔn kəsak kɔ-ɛ,

²³ wəlɔŋnɛ pəlɔm meren mɛnɛ mɛncɔmɛ teren ta Kəkul-kulɛnɛ Pəbotu təkɔ kəbɔp mɔ, wəka abɔf pəsɔŋ dəsək dadəkɔ yati kəway kanjɔ wəlɔŋnɛ omboncɔr kɔ mɔ. Pəpuse pəsam papəkɔ MARIKI.

²⁴ Kɔ teren ta Kəkul-kulɛnɛ Pəbotu tɛmbɔp-ɛ, abɔf ŋɔlɔksɔr wəka ŋi wəcəkɔ-cəkɔ, itɔ tatəkɔ fum nwe ɛnalɛk ŋi kɛ ka atem ɔn mɔ.

²⁵ Kəway nkɛ o nkɛ ambonc mɔ, kəyɔnɛ kəway ka nde anjɔbip ŋɔsoku: Delel da pəsam gbəlɛŋ bin dɛtəŋnɛnɛ kɔ kəram wəco (10).»

Sariye səlɔma nɛ sɛncɔmɛ fum kɔ daka ndɛ ampuse MARIKI mɔ

²⁶ «Ali fum ta pəpuse MARIKI wan wəcəkɔ-cəkɔ wəka pɔcɔl pɔn, pəyɔnɛ wana, anjɛsiya, wir, bawo awut acəkɔ-cəkɔ a yɔcɔl yɔn fəp, MARIKI ɔyɔ yi.

²⁷ Kɔ pəyɔnɛ pɔcɔl pɔtɔsɔk pɔ-ɛ, wəka pi pəwurus pi, pəsɔŋ kəway nkɛ wəlɔŋnɛ omboncɔr kɔ mɔ. A pədenjɔr sɔ alamali nɛ wəlɔŋnɛ omboncɔr kɔ mɔ. K'ɔntəwurus pi-ɛ, wəlɔŋnɛ ɛntam pi kəcamsɔr nwe ɛŋfan pi mɔ, kəway kanjɔ wəlɔŋnɛ omboncɔr kɔ mɔ.

²⁸ Paka mɛpɛ o mɛpɛ pəyɔnɛ pa fum, wəkayɔ pələk pi pəpuse MARIKI doru o doru mɔ, afɔsɔtam kəcamsɔr pi, afɔsɔtam kəwurus pi, pəyɔnɛ fum, pəyɔnɛ pɔcɔl, pəyɔnɛ abɔf nɛ wəka ŋi ɛlɛk kɛ mɔ. Daka ndɛ o ndɛ ampus topus tatəkɔ mɔ, daka dosoku dɔ ndɛ ampuse MARIKI mɔ, afɔsɔtam kəsəkpɔr ti.

²⁹ Kɔ tɔyɔnɛ fum ɔfɔ nwe sariye sa kədif səsumpur mɔ, afɔtam kəwurus kɔ, mɛnɛ padif fum wəkayɔ.

³⁰ Farilɛ fa yɔbɔf fəp, pəyɔnɛ pɔbɔf, pəyɔnɛ yokom ya tək, MARIKI ɔyɔ yi, daka dɔ ndɛ ampuse MARIKI mɔ.

³¹ Kɔ fum ɛfan kəwurus ka farilɛ fən-ɛ, pəsɔŋ kəway ka farilɛ fən, pədenjɔr sɔ alamali nɛ wəlɔŋnɛ omboncɔr kɔ mɔ.

³² Farilɛ fa yɔcɔl, cəna, ŋjɛsiya, kɔ cir fəp, camət-manjɔkɛ ya wəka yɔcɔl yɔ, pa wəco, MARIKI ampuse pi.

³³ Afɔtɛn kəcɔrɛ kɔ pəyɔnɛ pɔcɔl papəkɔ pentesɛ kɔ pəyɔnɛ fɛ ti, pələcɛ-ɛ, afɔsəkpɔr pi. K'asəkpɔrɛ pɔcɔl pɔcɔl-ɛ, yɔcɔl yayəkɔ mɛrɛŋ fəp ampuse yi MARIKI, afɔsɔtam kəwurus yi.»

³⁴ Mosom maməkɔ mɔ MARIKI ɛnasom Musa nnɔ aka Yisrayel ŋayi mɔ nde tɔrɔ ta Sinayi.

Tawureta Musa, Buk 4: Kələm ka aka Yisrayel Moloku ma kəsəkəs buk ba Musa ba maŋkələ: Kələm

Buk ba Kələm boloku marənt ma aka Yisrayel meren wəco maŋkələ (40) nde dətəgbərə ŋacten atəf ŋjə MARIKI enasəŋ temer kəsəŋ ŋa, ŋjə ŋjəyənə atəf ŋa Kanaŋ mə. Buk babəkə b'anjwe «Kələm ka aka Yisrayel» bawo bəyɔ mopoc mərəŋ mme moloku kələm ka arkun aŋjə ŋjanatam kəsutene cusuŋka ca Yisrayel dacə mə (Sora 1 kə sora 26). Kəyefe tokur aŋa acərə mes ŋancem-cemne a Aŋnabi Musa enacicəs buk mbe kə səbuk maŋkələ sələma sa Tawureta Musa: Dəkəcop da Doru, Kəwur ka aka Yisrayel ŋayi Yeyən, Sariye s'aLewy, Kələm ka aka Yisrayel, kə Sariye Səgbəkərə. Yecicəs yisərka yoloku ti, bawo moloku məcəkə-cəkə ma buk bambə moloku cəHebərə: «Kə MARIKI oloku Musa: ...» (Kələm 1.1). Tentam sə kəyi a Musa ecicəs pələrəm pa buk babəkə, k'atəkse sariye s'aSuyif ŋadeberene telpəs moloku mepic mələma teta kəsəkəsər ka mes fəp mme Musa encepərəne doru mə. Totubcəne: Pəncuca kəcem-cemne a Musa enacicəs moloku pəmō Kələm 12.3, nnə aŋkor-koru dofum dən mə.

Marənt maŋan disre nde dətəgbərə, aka Yisrayel ŋambokene kə ŋayenkar Kanu səbomp ŋacgbəkərə ti pələrəm. Kəsəŋ kəŋan kəway, k'antərəs ŋa. Totubcəne ta maməkə təyənə nte aka Yisrayel ŋjananes mə, kə ŋambokene nte afum aka Kanaŋ ŋjananaŋkanə kəyɔ səkət mə (Sora 14.1-4). Teta mes maməkə, kə Kanu kələku a dətəmp din məlməl da afum ŋandefi a aka Yisrayel ŋadeberə atəf ŋjə MARIKI enaderəm kəsəŋ ŋa mə. Musa nkənsərka yati əncəkətene fe metəkse ma MARIKI tem fəp pəmō təkə MARIKI enasom kə ti mə. Ti tenasəŋjə ta MARIKI owosə kəberə ka Musa atəf ŋjə enaloku kəsəŋ afum ən mə. Ali nte afum ŋjanayenkar Kanu səbomp mə, Kanu kənasak fe kəkəkəs ŋa. Nte aterene a aYisrayel ŋalək wəgbal kəsənc wətəlan Kanu nwe ancwe Balam kətolanə aka Yisrayel pələc mə, kətolanə aka Yisrayel pətət gbəcərəm kə Kanu kənawosə kə (Kələm sora 22-24).

Teyer ta buk bambə

1-10.11: Moloku ma kələm ka aka Yisrayel, kə təcəmbər-cəmbər ta saŋka səŋan, yebəc ya aloŋne kə yopocə nyə kusuŋka o kusuŋka kənasəŋ teta kəpus ka tetek toloŋne mə.

10.12-25: Marənt ma aka Yisrayel nde dətəgbərə.

26-36: Kələm ka mərəŋ kə metəkse mələma ma afum aka Yisrayel. Maməkə məberene mewe ma mofə mme aka Yisrayel ŋnacəmbər saŋka mə, nte ŋanckə atəf ŋjə Kanu kənaderəm kəsəŋ ŋa mə, kə nte anayerəs atəf ŋaŋəkə mə.

Kələm ka aka Yisrayel

Yisrayel kəyi kəŋan nde tēgbərə ta Sinayi

1-10

Kələm kəcəkə-cəkə ka afum cusuŋka ca Yisrayel disre

1 Nde tēgbərə ta Sinayi, nde aŋgbancan ŋebəpəne kə Kanu, tataka təcəkə-cəkə ta ŋof ŋa mərəŋ, teren ta mərəŋ ta kəwur ka aka Yisrayel Misira, kə MARIKI oloku Musa:

² «Nələm kələnkanε ka afum a Yisrayel dəcōr kō dəwələ, nələm səbomp tin tin mewe ma arkun fəp.

³ Məna kō Aruna nələm aņε nantam kətōmpər yosutnεne Yisrayel mō, dəcəgba ca asutεne, kəyεfε aņε nayo meren wəco mεrəņ haņ kəcəpər ka ti mō.

⁴ Nəndekəsōtō amar, akirin akin akin a cusuņka conu.

⁵ Mənəņk mewe ma arkun aņε nandemar nu mō.

Kusuņka ka Ruben: Elicur wan ka Sedewur.

⁶ Kusuņka ka Simeyōņ: Selumiyel, wan ka Curisaday.

⁷ Kusuņka ka Yuda: Nasōņ, wan ka Aminadab.

⁸ Kusuņka ka Isakar: Netaneyel, wan ka Cuwar.

⁹ Kusuņka ka Sabulon: Eliyab, wan ka Heloņ.

¹⁰ Kusuņka ka awut a Isifu, kusuņka ka Efrayim: Elisama, wan ka Amihud.
Kusuņka ka Manase: Kamaliyel, wan ka Pedacur.

¹¹ Kusuņka ka Beņyamin: Abidan, wan ka Kideyonī.

¹² Kusuņka ka Dan: Ahiyese, wan ka Amisaday.

¹³ Kusuņka ka Aser: Pakiyel, wan ka Okəraņ.

¹⁴ Kusuņka ka Kad: Eliyasaf, wan ka Dewel.

¹⁵ Kusuņka ka Naftali: Ahira, wan ka Enan.»

¹⁶ Akirin a cusuņka aņε anayek-yek kələnkanε ka Yisrayel dəcō mō, nayanayōne akirin a cəgba ca asutεne a Yisrayel.

¹⁷ Musa kō Aruna nələk afum aņε anamentər mewe maņan mō,

¹⁸ kō nəlōņka aka Yisrayel fəp dəsək dəcəkō-cəkō da nōf nā mεrəņ. Musa kō Aruna nəcicəs mewe maņan dəcōr kō dəwələ, kō nəlōm nā tin tin, arkun aņε njanasōtō meren wəco mεrəņ (20) haņ nəcəpər ti mō.

¹⁹ Pəmō təkō MARIKI εnasom ti Musa a pəlōm nā nde dətεgbərə ta Sinayi mō.

²⁰ Kō kəlōm kəncop nda kusuņka ka awut a Ruben wan wəcōkō-cəkō wəka Yisrayel, kəbənda ka yuruya ya n, dəcōr kō dəwələ, dokom kō dokom, palōm tin tin mewe ma arkun fəp, aņε njanasōtō meren wəco mεrəņ haņ nəcəpər ti, kō aņε nantam kətōmpər yosutnεne mō,

²¹ arkun aņε njanalōm nde kusuņka ka Ruben mō: Wul wəco maņkələ kō camət-tin, masar kəcāmət (46.500).

²² Kəbənda ka yuruya ya Simeyōņ, dəcōr kō dəwələ, aņε analōm tin tin mewe ma arkun fəp kəyεfε aņε njanasōtō meren wəco mεrəņ haņ nəcəpər ti mō, arkun aņε njanctam kətōmpər yosutnεne mō,

²³ arkun aņε analōm nde kusuņka ka Simeyōņ mō, njanayi afum wul wəco kəcāmət kō camət-maņkələ, masar maas (59.300).

²⁴ Kəbənda ka yuruya ya Kad, dəcōr kō dəwələ, k'alōm mewe ma arkun aņε njanasōtō meren wəco mεrəņ haņ nəcəpər ti, arkun aņε njanctam kətōmpər yosutnεne mō,

²⁵ aņε analōm nde kusuņka ka Kad: Afum wul wəco maņkələ kō kəcāmət, masar camət-tin wəco kəcāmət (45.650).

²⁶ Kəbənda ka yuruya ya Yuda, dəcōr kō dəwələ, k'alōm mewe ma arkun aņε njanasōtō meren wəco mεrəņ haņ nəcəpər ti, arkun aņε njanctam kətōmpər yosutnεne mō,

²⁷ arkun aņε analōm nde kusuņka ka Yuda mō, njanayi afum wul wəco camət-mεrəņ kō maņkələ, masar camət-tin (74.600).

²⁸ Kəbənda ka yuruya ya Isakar, dəcōr kō dəwələ k'alōm mewe ma arkun aņε njanasōtō meren wəco mεrəņ haņ nəcəpər ti, arkun aņε njanctam kətōmpər yosutnεne mō,

²⁹ arkun anje analom nde kusunjka ka Isakar, njanayi afum wul wəco kəcamət kə manjkəle, masar manjkəle (54.400).

³⁰ Kəbənda ka yuruya ya Sabulon, dəcor kə dəwəlo k'aləm mewe ma arkun anje njanasəto meren wəco mərənj, hanj njacepər ti, arkun anje njantam kətəmpər yosutnənə mə,

³¹ arkun anje analom nde kusunjka ka Sabulon, njanayi afum wul wəco kəcamət kə camət-mərənj, masar manjkəle (57.400).

³² Kəbənda ka yuruya ya Isifu: Awut aka Efrayim, dəcor kə dəwəlo k'aləm mewe ma arkun anje njanasəto meren wəco mərənj hanj njacepər ti, arkun anje njantam kətəmpər yosutnənə mə,

³³ arkun anje analom nde kusunjka ka Efrayim njanayi afum wul wəco manjkəle, masar kəcamət (40.500).

³⁴ Kəbənda ka yuruya ya Manase, dəcor kə dəwəlo k'aləm mewe ma arkun anje njanasəto meren wəco mərənj hanj njacepər ti, arkun anje njantam kətəmpər yosutnənə mə,

³⁵ arkun anje analom nde kusunjka ka Manase mə, njanayi afum wul wəco maas kə mərənj, masar mərənj (32.200).

³⁶ Kəbənda ka yuruya ya Benjamine, dəcor kə dəwəlo k'aləm mewe ma arkun anje njanasəto meren wəco mərənj, hanj njacepər ti, arkun anje njantam kətəmpər yosutnənə mə,

³⁷ analom nde kusunjka ka Benjamine arkun wul wəco maas kə kəcamət, masar manjkəle (35.400).

³⁸ Kəbənda ka yuruya ya Dan, dəcor kə dəwəlo k'aləm mewe ma arkun anje njanasəto meren wəco mərənj hanj njacepər ti, kə arkun anje njantam kətəmpər yosutnənə mə.

³⁹ Awa, nde kusunjka ka Dan analom di arkun wul wəco camət-tin kə mərənj, masar camət-mərənj (62.700).

⁴⁰ Kəbənda ka yuruya ya Aser, dəcor kə dəwəlo k'aləm mewe ma arkun anje njanasəto meren wəco mərənj hanj njacepər ti, arkun anje njantam kətəmpər yosutnənə mə,

⁴¹ arkun anje analom nde kusunjka ka Aser njanayi afum wul wəco manjkəle kə pin, masar kəcamət (41.500).

⁴² Kəbənda ka yuruya ya Naftali, dəcor kə dəwəlo k'aləm mewe ma arkun anje njanasəto meren wəco mərənj hanj njacepər ti, arkun anje njantam kətəmpər yosutnənə mə,

⁴³ akanje njanalom nde kusunjka ka Naftali njanayi afum wul wəco kəcamət kə maas, masar manjkəle (53.400).

⁴⁴ Arkun akanje njə Musa, Aruna kə arkun anje wəco kə mərənj anje njanayəne akirinj a cusunjka ca Yisrayel mə, njanalom, kəlo o kəlo fum wəkin.

⁴⁵ Arkun akanje nj'analom aka Yisrayel daco, dəwəlo kə dəwəlo kəyefə anje njanasəto meren wəco mərənj hanj njacepər ti, arkun anje njantam kətəmpər yosutnənə Yisrayel mə,

⁴⁶ arkun anje analom mə fəp, njanayi afum wul masar camət-tin kə maas, masar kəcamət wəco kəcamət (603.550).

Yəbəc sona ya aka kusunjka ka Lewy

⁴⁷ aLewy teta kusunjka kənjən ananənkəl fə njə kələm ka aka Yisrayel daco.

⁴⁸ Kə MARIKI oloku Musa:

⁴⁹ «Ta mədenənkəl arkun a kusunjka ka Lewy kələm kə aka Yisrayel.

⁵⁰ Məna, məkekərə aLewy nde dəkiyi da kanjkəra nkə kəmentər danapa da MARIKI kə aka Yisrayel mə, kə yosumpər-sumpər kə ca yəkə yeyi di disrə mə

fəp. Nə nənde nəcgbərnə kanjəra kanjə kə yosumpər-sumpər ya di, nəyənə akirinj a ki, nə nənde nəckəl dəkiyi da kanjəra dadəkə.

⁵¹ K'andəcəpənə dəkiyi dosoku-ε, aLewy nəncəkəli di. K'anjə sə kəcəmbər dəkiyi dosoku-ε, aLewy nənjə sə di. Kə fum wəfulus ələtərnə di-ε, mənə padif kə.

⁵² Aka Yisrayel fəp nwe o nwe pəyi sanjka sən disre, ta pəbələne kələr ka kəgba kən k'asutənə.

⁵³ ALewy nənde nəckəl dəkiyi dosoku ndə donjəmp kanjəra nkə kəmentər danapa da MARIKI kə aka Yisrayel mə, nte tənsənə ta metələ ma MARIKI məbər kəlonkənə ka afum a Yisrayel mə, aLewy nəcbum dəkiyi dosoku da kanjəra kanjə.»

⁵⁴ Kə aka Yisrayel nəyə təkə MARIKI enasom Musa mə.

2

Təcəmbər ta cəbal ca kusunjka sanjka disre

¹ Kə MARIKI oloku Musa kə Aruna:

² «Aka Yisrayel nwe o nwe pəcəmə kələr kən kəsək, tənəpələ ta kələ kən dəntəf. Nəcəmə nətəfərənə, nəcəmbər cəbal cətəfərənə, cəkəl anjəbancan nəbərənə kə Kanu.

³ Anjə nəndəkəcəmə ntende dec dəmpə mə, nəndəkəyi kələr ka sanjka sa Yuda dəntəf, kəgba k'asutənə nkə o nkə, kəyə wəkirinj wəkin wəka kusunjka kən. Wəkirinj ka kusunjka ka Yuda: Nəsən, wan ka Aminadab,

⁴ asutənə ən anjə analəm mə, nənabər wul wəco camət-mərənj kə mənjələ, masar camət-tin (74.600).

⁵ Kusunjka ka Yuda kəsək, ka Isakar kənjəcəmə. Wəkirinj ka kusunjka kəjan: Netaneyel, wan ka Cuwar.

⁶ Asutənə ən anjə analəm mə: Afum wul wəco kəcəmət kə mənjələ, masar mənjələ (54.400).

⁷ Kə təyefə dənda-ε, kusunjka ka Sabulon. Wəkirinj ka kusunjka kəjan: Eliyab, wan ka Helən.

⁸ Asutənə ən anjə analəm mə: Afum wul wəco kəcəmət kə camət-mərənj, masar mənjələ (57.400).

⁹ Afum akanjə nənaləm kəyi sanjka sa Yuda: Asutənə wul tasar tin wəco camət-maas kə camət-tin, masar mənjələ (186.400), asutənə akakə nəndeyi kirinj kəkə.

¹⁰ Ntende kəca kətət ka nde dec dəmpə mə, kələr ka sanjka sa Ruben: Wəkirinj kəjan Elicur, wan ka Sedewur.

¹¹ Asutənə ən anjə analəm mə: Afum wul wəco mənjələ kə camət-tin, masar kəcəmət (46.500).

¹² Nə kəsək, kusunjka ka Simeyən. Wəkirinj kəjan: Selumiyel, wan ka Curisaday.

¹³ Asutənə ən anjə analəm mə: Afum wul wəco kəcəmət kə camət-mənjələ, masar maas (59.300).

¹⁴ Kə təyefə dənda-ε, kusunjka ka Kadu. Wəkirinj kəjan: Eliyasaf, wan ka Rehuwel.

¹⁵ Asutənə ən anjə analəm mə: Afum wul wəco mənjələ kə kəcəmət, masar camət-tin wəco kəcəmət (45.650).

¹⁶ Asutənə anjə analəm ndə sanjka sa Ruben mə: Wul tasar tin wəco kəcəmət kə pin, masar mənjələ wəco kəcəmət (151.450), asutənə akakə nəndəkə tənərənj.

¹⁷ Kə tɛyɛfɛ dənda-ɛ, aŋgbancan ɲɛbəpɛnɛ kə Kanu ɲosolnɛ ɲa darəŋ kə saŋka sa aLewy ɲayi saŋka daco. ɲacɛk kəkə təkə ɲaŋkəlɔŋkanɛ kəndɛ mə, nwe o nwe kə kəgba kən, kələr kən dəntɔf.

¹⁸ Ntende dec dɛŋkale mə, kələr ka saŋka sa Efrayim kənayi di, kəgba ka asutɛnɛ ɔn. Wəkiriŋ ka kusunƙa kəŋan ɛnəyɔnɛ Elisama wan ka Amihud.

¹⁹ Asutɛnɛ ɔn aŋɛ analəm mə: Afum wul wəco maŋkələ, masar kəcamət (40.500).

²⁰ ɲa kəsək kusunƙa ka Manase. Wəkiriŋ kəŋan: Kamaliyel wan ka Pedacur.

²¹ Asutɛnɛ ɔn aŋɛ analəm mə: Afum wul wəco maas kə mɛrəŋ, masar mɛrəŋ (32.200).

²² Kə tɛyɛfɛ dənda-ɛ, kusunƙa ka Benjamine, wəkiriŋ kəŋan: Abidan wan ka Kideyoni.

²³ Asutɛnɛ ɔn aŋɛ analəm mə: Afum wul wəco maas kə kəcamət, masar maŋkələ (35.400).

²⁴ Asutɛnɛ aŋɛ analəm saŋka sa Efrayim mə, ɲanayi afum wul tasar tin kə camət-maas, tasar tin (108.100). Kəgba ka asutɛnɛ kanƙə kəŋkə tamaas, ɲayi aLewy tadarəŋ.

²⁵ Ntende kəca kəmeriya ka nde dec dɛmpɛ mə, kələr ka saŋka sa Dan, kəgba ka asutɛnɛ ɔn. Wəkiriŋ ka kusunƙa kəŋan: Ahieser wan ka Amisaday.

²⁶ Asutɛnɛ ɔn aŋɛ analəm mə: Afum wul wəco camət-tin kə mɛrəŋ, masar camət-mɛrəŋ (62.700).

²⁷ Kusunƙa ka Aser, aŋɛ ɲancəmbər saŋka səŋan kusunƙa ka Dan kəsək mə ɲader. Wəkiriŋ kəŋan: Pakiyel wan ka Okəraŋ.

²⁸ Asutɛnɛ aŋɛ analəm mə: Afum wul wəco maŋkələ kə pin, masar kəcamət (41.500).

²⁹ Kə tɛyɛfɛ dənda-ɛ, kusunƙa ka Naftali. Wəkiriŋ ka kusunƙa kəŋan: Ahira wan ka Enan.

³⁰ Asutɛnɛ aŋɛ analəm mə: Afum wul wəco kəcamət kə maas, masar maŋkələ (53.400).

³¹ Asutɛnɛ aŋɛ analəm saŋka sa Dan mə: Afum wul tasar tin wəco kəcamət kə camət-mɛrəŋ, masar camət-tin (157.600). ɲandəkə tɛlpəs kə kələr kəŋan.»

³² Afum akanɛ ɲanaləm Yisrayel, dəwələ kə dəwələ. Akakə analəm cəgba ca asutɛnɛ dəsəŋka disrɛ mə, ɲanabəp wul masar camət-tin kə maas, masar kəcamət wəco kəcamət (603.550).

³³ Analəm fɛ aLewy aYisrayel daco, pəmə təkə MARIKI ɛnasom ti Musa mə.

³⁴ Kə aYisrayel ɲayə təkə MARIKI ɛnaloku Musa mə. Tatəkə tɔ ɲanalɔŋkanɛ aŋɛ o aŋɛ kə kələr kəŋan. Tatəkə tɔ ɲanckə aŋɛ o aŋɛ kə kor kəŋan kələ kəŋan disrɛ.

3

Yɛbɛc ya kusunƙa k'aLewy

¹ Mewe ma awut a Aruna kə Musa mə mame dɔsək ndɛ MARIKI olok-lokər Musa ndɛ tərɔ ta Sinayi mə.

² Mewe ma awut arƙun a Aruna mə mame: Coco Nadab, tɔŋə Abihu, sama Elasar, baki Itamar.

³ Mewe ma awut arƙun a Aruna mə maməkə, alɔŋnɛ aŋɛ ɲanasɔtɔ kəbɔy, akanɛ ɲanawurɛ kəyɔnɛ ka akiriŋ a yɛbɛc ya Kanu.

⁴ Nadab kə Abihu ɲanasɔtɔ fɛ awut nɛ ɲanafi ndɛ tɛgbərə ta Sinayi MARIKI fər kiriŋ mə, bawo ɲanakɛrɛ kə nɛnc dɔtɔtɛsɛ ndɛ ɛnatɔsom ɲa kəkɛrɛ kə mə. Kəfi kəŋan kənasɔŋɛ Elasar kə Itamar ɲayɔnɛ oŋ akiriŋ a alɔŋnɛ kas kəŋan Aruna kəsək.

⁵ Kə MARIKI oloku Musa:

⁶ «Məkere kusunja k'aLewy, məsəŋ ɲa Aruna wəloŋne, nte təŋsəŋe ɲacmar kə mə.

⁷ ɲacəme yebəc yən kə kəloŋkanə ka Yisrayel fəp nde aŋbancan ɲebərene kə Kanu. ɲa ɲadekə ɲacbəc yebəc ya nde dəkiyi dosoku.

⁸ ɲa ɲandekəyənə abum a yosumpər-sumpər ya nde aŋbancan ɲebərene kə Kanu, ɲacəme sə yebəc ya aka Yisrayel. ɲa ɲandekəcəme yebəc ya nde dəkiyi dosoku.

⁹ Məsəŋ aLewy, nte təŋsəŋe ɲacmar Aruna kə awut ən arkun yebəc, tewe t'aka Yisrayel mə.

¹⁰ Mədəs Aruna kə awut ən arkun kəyənə ka akirin a yebəc ya Kanu. Kə fum wəcuru ələtərne kəyə yebəc ya aloŋne-ε, məne padif kə.»

¹¹ Kə MARIKI oloku Musa:

¹² «İna, ilək aLewy aYisrayel dacə dəkəcəme da awut acəkə-cəkə a aran aYisrayel fəp. ALewy, akemi ɲə.

¹³ Bawo awut acəkə-cəkə fəp, akemi ɲə. Dəsək nde inasut awut acəkə-cəkə Misira mə, k'impusnəne awut acəkə-cəkə a Yisrayel fəp, kələk wəkom wəcəkə-cəkə nwe o nwe wəka fum kəbəp ka wəka pəcəl.»

Kələm kəcəkə-cəkə ka aka kusunja ka aLewy

¹⁴ Nde tēgbərə ta Sinayi, kə MARIKI oloku Musa:

¹⁵ «Mələm awut a Lewy dəwələ kə dəcor, mələm arkun kələk aŋe ɲasətə ɲof ɲin haŋ ɲacəpər ti mə.»

¹⁶ Kə Musa ələm ɲa pəmə təkə MARIKI enasom kə ti mə.

¹⁷ Mewe ma awut a Lewy mə mame: Kerson, Kehat kə Merari.

¹⁸ Mewe ma awut a Kerson mə mame dəcor: Libini kə Simeyi.

¹⁹ Awut a Kehat dəcor: Amram, Yicahar, Hebrəŋ kə Usiyel.

²⁰ Awut a Merari dəcor: Mali kə Musi. Cor ca aLewy cə cacəkə dəwələ.

²¹ Kerson əyənə wətem ka aka kor ka Libini kə kor ka Simeyi. Cor ca Kerson cə.

²² Afum aŋe analəm ɲa dacə mə, arkun aŋe analəm kəyefe aŋe ɲanasətə ɲof ɲin haŋ ɲacəpər ti mə, ɲanabəp afum wul camət-meŋəŋ, masar kəcəmət (7.500).

²³ Cor ca Kerson ɲancndə nde dəkiyi dosoku tadarəŋ ntende dec dəŋkələ mə.

²⁴ Wəkiriŋ ka cor ca Kerson: Eliyasaf, wan ka Layel.

²⁵ Nte təyənə ta aŋbancan ɲebərene kə Kanu mə, awut a Kerson ɲanatəmpər kəcəmbər-cəmbər ka mes ma dəkiyi dosoku fəp: Kəyefe aŋbancan kəkə kələto kəkumpe, kəbəp kələto kəkəŋkə nke kəyi nde dəkəberə da aŋbancan ɲebərene kə Kanu mə,

²⁶ cələto ca saŋka kə kələto kəŋere dəkəberə da saŋka, dəkiyi dosoku fəp kə tetek toloŋne panəŋkərə yi bənda yəkə aŋsekte ca yayəkə mə.

²⁷ Aka Kehat: Kor ka Amram, ka Yicahar, ka Hebrəŋ kə ka Usiyel. Kehat əyənə wəkiriŋ kəŋan.

²⁸ Nte analəm arkun fəp kəyefe ka akə ɲanasətə ɲof ɲin haŋ ɲacəpər ti mə, ɲanabəp wul camət-maas, masar camət-tin (8.600). ɲa ɲanatəmpər teta ca yəkə yənayi aŋgbip ɲosoku disre mə.

²⁹ Kor ka awut a Kehat ɲa ɲancndə nde kəca kətət ka dəkiyi dosoku.

³⁰ Wəkiriŋ ka wələ wa cor ca aka Kehat: Elicafan wan ka Usiyel.

³¹ ɲa ɲanatəmpər teta kəŋkərə ka Danapa da Kanu kə aka Yisrayel, amesa, pədəte səlamp, metek moloŋne, yosumpər-sumpər ya dəŋgbip nyə ambəce di mə fəp, kə kələto kəkəŋkə. ɲa ɲanatəmpər sə yebəc fəp ya ca yayəkə.

³² Wəbɛ ka akirin a cor ca aka Lewy: Elasar wan wərəkun ka wəlonjɛ Aruna. Nkən ɔncməmən aɲɛ ɲanatɔmpər yɛbɛc ya dɛngbip mɔ.

³³ Merari ɔyɔnɛ wətem ka aka kor ka Mali kɔ ka Musi. Cor mɛrɛɲ cɔ ɔyɔ: Kor ka Mali kɔ ka Musi.

³⁴ Ntɛ analɔm arkun dacɔ aɲɛ ɲanasɔtɔ kəyɛfɛ ɲof ɲin han ɲacɛpər ti mɔ, anasɔtɔ wul camət-tin, masar mɛrɛɲ (6.200).

³⁵ Wəkirin ka aka kor ka Merari ɛnayɔnɛ Curiyel wan ka Abihayil. ɲa ɲancndɛ kɛca kəmɛriya ka dəkɪyi dosoku.

³⁶ Awut a Merari ɲanatɔmpər tɛta fərəm fa dəkɪyi dosoku, mogbu kɔ gbatgbata kɔ yɛcəmɛnɛ ya aɲbancan kɔ ca yɔkɔ ancbɛcɛ di mɔ,

³⁷ mogbu ma sanja han panɔɲkər kɔ yɛcəmɛnɛ ya mi, cəgbo ca ɲi kɔ bənda.

³⁸ Musa, Aruna kɔ awut ɔn arkun, ɲa ɲandɛ dəkɪyi dosoku tekirin ntɛndɛ dec dɛmpɛ mɔ, aɲbancan ɲɛbɛpɛnɛ kɔ Kanu tekirin. ɲa ɲatɔmpər tɛta yɛbɛc ya aɲgbip ɲosoku. Fum wacuru nwe o nwe ɔɲlotərɛnɛ ɲi mɔ, mɛnɛ padif kɔ.

³⁹ ALewy aɲɛ Musa kɔ Aruna ɲanalɔm pəmɔ tɔkɔ MARIKI ɛnasom ɲa ti mɔ, arkun fəp dəcɔr aɲɛ ɲanasɔtɔ ɲof ɲin han ɲacɛpər ti mɔ, ɲanabəp wul wəcɔ mɛrɛɲ kɔ mɛrɛɲ (22.000).

Kəwurus ka awut acɔkɔ-cɔkɔ

⁴⁰ Kɔ MARIKI oloku Musa: «Məlɔm arkun acɔkɔ-cɔkɔ fəp aYisrayel dacɔ, kəyɛfɛ aɲɛ ɲasɔtɔ ɲof ɲin han ɲacɛpər ti mɔ, məlɔm ɲa mɛcɪc mɛwɛ manjan.

⁴¹ MARIKI iyɔnɛ. Mələk ɛm aLewy dəkɛcəmɛ da awut acɔkɔ-cɔkɔ aka Yisrayel, yɔcɔl yanjan yi sɔ yɔyɔnɛ yɔcɔl yɔcɔkɔ-cɔkɔ ya aka Yisrayel.»

⁴² Kɔ Musa ɔlɔm awut acɔkɔ-cɔkɔ a Yisrayel fəp pəmɔ tɔkɔ MARIKI ɛnasom kɔ ti mɔ.

⁴³ Arkun acɔkɔ-cɔkɔ aɲɛ analɔm ɲa dacɔ mɔ fəp, mɛwɛ ma aɲɛ ɲanasɔtɔ ɲof ɲin han ɲacɛpər ti mɔ, ɲanabəp wul wəcɔ mɛrɛɲ kɔ mɛrɛɲ, masar mɛrɛɲ wəcɔ camət-mɛrɛɲ kɔ maas (22.273).

⁴⁴ Kɔ MARIKI oloku Musa:

⁴⁵ «Mələk aLewy dəkɛcəmɛ da awut acɔkɔ-cɔkɔ a Yisrayel. Mələk sɔ yɔcɔl ya aLewy dəkɛcəmɛ da yɔcɔl ya Yisrayel. ALewy, akɛmi ɲɔ ɲayɔnɛ. MARIKI iyɔnɛ.

⁴⁶ Afum masar mɛrɛɲ wəcɔ camət-mɛrɛɲ kɔ maas (273) ɲancɛpərɛr kəlɔm ka aLewy. Mɛnɛ pawurus ɲa,

⁴⁷ mawer nwe o nwe pəsam gbɛti kɛcamət, potubucɛ pa ndɛ aɲgbip ɲosoku, mpɛ o mpɛ kəram wəcɔ.

⁴⁸ Məsɔɲ pəsam papɔkɔ Aruna kɔ awut ɔn, tɛta kəway ka kəwurus ka kəlɔm ka aLewy akɔ kəncɛpərɛr mɔ.»

⁴⁹ Kɔ Musa ɛwɛrəs gbɛti babɔkɔ, kəwurus ka afum akɔ ɲanacɛpərɛr delay da aLewy mɔ.

⁵⁰ Kɔ Musa ɛlɛk gbɛti ba awut acɔkɔ-cɔkɔ aYisrayel: Pəsam gbɛlɛɲ wul win, masar maas wəcɔ camət-tin kɔ kɛcamət (1.365), pəmɔ potubuc pa ndɛ aɲgbip ɲosoku.

⁵¹ Kɔ Musa ɔsɔɲ gbɛti babɔkɔ ɛnawɛrəs mɔ Aruna kɔ awut ɔn arkun pəmɔ tɔkɔ MARIKI ɛnasom kɔ ti mɔ.

4

Yɛbɛc ya cor ca kusɔɲka ka aLewy

Yuruya ya Kehat

¹ Kɔ MARIKI oloku Musa kɔ Aruna:

² «Məlɔm aKehat arkun aLewy dacɔ, dəcɔr kɔ dəwɔlɔ,

³ Kəyəfə anje nəsətə meren wəco maas kəbəp ka meren wəco kəcamət mə (30-50), anje o anje nantam kəbəc təcəc tələma nde anğbancan njebərənə kə Kanu mə.

⁴ Awa, yebəc ya yuruya ya Kehat nde d'anğbancan njebərənə kə Kanu yə nyə: Nə nətəmpər teta ca yosoku nyə ampuse MARIKI mə.

⁵ Kə a Yisrayel nandəcəpə-ε, Aruna kə awut ən arkun njanunğkənə nader njalın kəloto kəkənğkə, nğəbərər kanğkərə nkə kəmentər danapa da MARIKI kə aka Yisrayel mə.

⁶ Nadenər ki kəron kəloto ka akata nja antempeli, kə tēyefə dānda-ε naperi ki kəron kəloto ka alom nja məntambənc.

⁷ Naperi kəloto ka alom nja məntambənc amesa nja cəcom cəlönne kəron, nəcəmbər ki kəron pəlet, məmbəl, mapan kə məpət molönne wən. Nəcəmbər di cəcom nce pəmar pacsən im tēm fəp mə.

⁸ Nəkumpe yayəkə fəp kəloto ka alom njeyim nadenər ki kəloto ka akata nja antempeli, kə telip-ε, nəsor ki cəğbo cələkə ca ki.

⁹ Nələk kəloto ka alom nja məntambənc nəkumpe pədətə səlamp kə səlamp sa pi kəyəfə macənğk, map məkayə meken kə yebərε ya moro mme ambəcə dāndo anğbancan mə.

¹⁰ Nəkumpe ca yayəkə kəloto ka akata nja antempeli, nadedər ki cəğbo mērənğ.

¹¹ Naperi kəloto ka alom nja məntambənc tetek tolonne ta kema, nəkumpe ki akata nja antempeli, nadedə yi cəğbo cəkə anğsor cələkə ca kanğkərə mə.

¹² Nələk yosumpər-sumpər yəkə ambəcə dāndo denğbip mə fəp, nənepsərə yi kəloto ka alom nja məntambənc, nəkumpe yi akata nja antempeli, nadedə yi dəcəğbo mērənğ.

¹³ Nəclın kəbof ka dənenc tetek pəcəfə MARIKI suray, kə njalip-ε, naperi kəloto ka alom nja məntambənc tetek tolonne kəronğ.

¹⁴ Naden yosumpər-sumpər yayəkə ambəcə di mə fəp, kələk carərɔ, bak, pel kə səpət səpənğ, yosumpər-sumpər ya tetek tolonne fəp, nəkumpe yi akata nja antempeli. Kə telip-ε, nəsor cəğbo cələkə ca ki.

¹⁵ Kə njeyəfə kəcəpə-ε, Aruna kə awut ən arkun nader kəğbərər anğbip nəsoku kə yosumpər-sumpər ya di fəp, awut a Kehat nader nələk anğbip nəsoku, mba ta nğəbuğnənə nje de, nte tənğnənə ta nafi mə. Yebəc ya awut a Kehat yə yayəkə nde d'anğbancan njebərənə kə Kanu.

¹⁶ Elasar wan wərkwən wəka Aruna wəlönne, nkən ətəmpər kəməmən ka moro ma səlamp, suray səbotu ambənc, mənğben mme anğlönne MARIKI tēm o tēm mə, kə moro məbəy. Nkən ətəmpər kəbum ka dəkiyi dosoku kə daka dəkə dey di disrε mə fəp, kə yosumpər-sumpər ya dāndo anğbip nəsoku.»

¹⁷ Kə MARIKI oloku Musa kə Aruna:

¹⁸ «Ta nəcopər kusunğka ka aLewy cor ca Kehat.

¹⁹ Nəyönne nja tatəkə, tənğnənə nja kətəfi kə nandəkə kəltərne kəğbuğsərənə ca yosoku nyə ampuse MARIKI mə. Aruna kə awut ən arkun nander nəcəmbər nwe o nwe yebəc yən gəcərəm kə ca yəkə pəmar wəkayı pəsarε mə.

²⁰ Ta nğabərε sona denğbip nəsoku ali tēm təcic kəməmən ka ca yopus. Kə nğayo ti-ε, njanfi.»

Yuruya ya Kerson

²¹ Kə MARIKI oloku Musa:

²² «Mələm sə awut arkun a Kerson, dəwələ kə dəcər

²³ kəyəfə anje nəsətə meren wəco maas kəbəp ka meren wəco kəcamət mə (30-50), anje o anje nantam kəbəc yebəc yələma nde anğbancan njebərənə kə Kanu mə.

²⁴ Yebəc ya kor ka Kerson yə yayə:

²⁵ Na nantəmpər cəloto cəhərə ca dəkəyi dosoku kə ca aŋgbancan nəbərəne kə Kanu, kəloto kəkumpə ka nji kə akata nja antempeli nəkə andənər ki kəron, kə kəloto kəkumpə kənkə kəyi dəkəbərə da aŋgbancan nəbərəne kə Kanu mə.

²⁶ Cəloto cəhərə sanjka kə kəloto kənkə kəyi nde dəkəbərə da sanjka mə, dəkiyi dosoku fəp hanj panənkər kə tetek toloŋne, bənda ya sanjka kə yosumpər-sumpər ya di, nja nətəmpər yəbəc yayəkə fəp.

²⁷ Kəsom ka Aruna kə awut ən arkun kə yuruya ya Kerson yə njande nəbəc, nte təyənə yəsərə kə yəbəc mə, yuruya ya Kerson yende yoloku nja təkə pəmar nja kətəmpər, təkə pəmar nəbəc mə.

²⁸ Tətəkə təyənə yəbəc ya kor ka Kerson nde aŋgbancan nəbərəne kə Kanu, Itamar wan wərkun wəka Aruna wələnne pəcməmən yəbəc yanjan.»

Yuruya ya Merari

²⁹ MARIKI pəcloku Musa: «Mələm arkun a yuruya ya Merari dəcor kə dəwələ,

³⁰ kəyərə anje nəsətə meren wəco maas kəbər ka meren wəco kəcamət mə (30-50), anje o anje nantam kəbəc yəbəc ya nde aŋgbancan nəbərəne kə Kanu mə.

³¹ Yəbəc nyə yəyənə yanjan, njande nəcəbanne ca fəp ya aŋgbancan nəbərəne kə Kanu: Fərəm fa dəkiyi dosoku, cəgbo, mogbu kə yecəmənə ya di,

³² mogbu maməkə mənkel sanjka mə kə yecəmənə ya mi, cəgbo kə bənda, yosumpər-sumpər fəp kə ca yəkə yəyənə yəbəcə ya yi mə fəp. Aloŋne nələmər nja tin tin mewe ma ca yəkə pəmar nja kətəmpər mə fəp.

³³ Tətəkə təyənə yəbəc ya kor ka Merari, yəbəc yanjan nde aŋgbancan nəbərəne kə Kanu fəp, Itamar wan wərkun wəka Aruna wələnne pəcməmən yi.»

³⁴ Musa, Aruna kə akirin a kəlonkane ka afum a Yisrayel nələm arkun a kor ka Kehat dəcor kə dəwələ,

³⁵ anje nənasətə meren wəco maas kəbər ka meren wəco kəcamət mə (30-50), anje o anje nantam kəbəc yəbəc yələma nde aŋgbancan nəbərəne kə Kanu mə.

³⁶ Afum anje analəm nja daco dəcor mə, nəyani wul mərəj, masar camət-mərəj wəco kəcamət (2.750).

³⁷ Afum akanje nənaləm kor ka Kehat daco, afum akə nəncbəc nde aŋgbancan nəbərəne kə Kanu mə. Musa kə Aruna nələm nja kəsom ka MARIKI disrə.

³⁸ Arkun anje analəm awut a Kerson daco dəcor kə dəwələ mə,

³⁹ anje nəsətə meren wəco maas kəbər ka meren wəco kəcamət mə, anje o anje nantam kəbəc yəbəc yələma nde aŋgbancan nəbərəne kə Kanu mə,

⁴⁰ arkun anje analəm nja daco dəcor kə dəwələ mə, nəyani wul mərəj, masar camət-tin wəco maas (2.630).

⁴¹ Afum akanje nənaləm kor ka Kerson daco, arkun akə nəncbəc nde aŋgbancan nəbərəne kə Kanu mə. Musa kə Aruna nələm nja kəsom ka MARIKI disrə.

⁴² Arkun anje analəm nde kor ka Merari dəcor kə dəwələ mə,

⁴³ anje nənasətə meren wəco maas hanj meren wəco kəcamət mə, afum anje nəncbəc nde aŋgbancan nəbərəne kə Kanu mə,

⁴⁴ anje analəm nja daco dəcor mə, nənabər wul maas, masar mərəj (3.200).

⁴⁵ Afum akanje nənaləm awut arkun a Merari daco. Musa kə Aruna nələm nja kəsom ka MARIKI disrə.

⁴⁶ ALewy anje Musa, Aruna kə akirin a Yisrayel nənaləm dəcor kə dəwələ mə,

⁴⁷ anje nənasətə meren wəco maas hanj kəbər meren wəco kəcamət mə, afum anje nəncam kəbəc kə kəsərə nde aŋgbancan nəbərəne kə Kanu,

⁴⁸ aηe analəm ηa daco mə fəp, ηanabəp afum wul camət-maas, masar kəcamət kə wəco camət-maas (8.580).

⁴⁹ K'aləm ηa pəmō təkō MARIKI enasom Musa, pəcmentər nwe o nwe yeβəc yon. K'aləm ηa kəsom ka MARIKI disre.

5

Kəwure ka afum atəsək dəsənka

¹ Kō MARIKI oloku Musa:

² «Məsom aka Yisrayel, ηawure afum aηe ηayo docu decałərne da akata mə fəp sənka sənjan disre, ηawure sō nwe o nwe oyo docu dəkəsote don decgbəłər domun, ηawure sō nwe o nwe ətəsək teta defi mə.

³ Pəyone wərkun, pəyone wəran nəwure kō sənka disre nte tənşəηe ta ηayik-yikəs sənka sənjan nde iyi ηa daco mə.»

⁴ Kō aka Yisrayel ηayo tatəkō, ηawure atəsək dəsənka. Kō aYisrayel ηayo təkō MARIKI enaloku Musa mə.

Kəcəη teta mes mələc kə kəłompəs ka mi

⁵ Kō MARIKI osom Musa:

⁶ «Məloku aYisrayel: Kō wərkun kō pəyone fe ti wəran enciya wəkōs fum kiciya nke kəyone kəgbəkəl ka MARIKI mə, fum wəkakō eηsarə kiciya nno MARIKI eyi mə.

⁷ Pəcəη gbasηa kiciya kən, pəsəη kəway ka paka papəkō məlməl, a pədeηər sō alamali nηe wəłoηne omboncər kō mə, pasəη kəway kō alamali wəkō ancिया mə teta kəłompəs ka kiciya.

⁸ Kō təyone fum wəkakō enciya mə efi, mba ta oyo wəkōmenə wəgbəcənə nwe antəm kəsəη daka dolompse da kiciya kən mə-e, wəłoηne pəmar pasəη daka dadəkō pətubucne kəsəη di ina MARIKI, wəciya pəkere aηkesiya ηorkun teta kəłoηne ka kəłompəs ka kiciya. Wəłoηne pətubucne kəsəkəs kō kiciya kən.

⁹ Mpe o mpe ambəłər yoloηne ya aka Yisrayel mə, wəłoηne wəkō aηkere poloηne papəkō mə, oyo pi.

¹⁰ Ca yopus nyə aηkere MARIKI mə, wəłoηne oyo yi.»

Wəran nwe aηkəkce teta dalakō mə

¹¹ Kō MARIKI oloku Musa:

¹² «Məloku aYisrayel, məloku ηa: Kō wərkun oyo wəran nwe oηyo kō cəmpənpən, ta əsəkə kō mə,

¹³ kō wərkun wəłoma efəntərər wəran wəkakō ta wos encərə ti, wəran wəkakō eyik-yikəsne kəgbəpne disre, ta fum o fum oyoηe ti sede, ta fum o fum osumpər kō təyo tatəkō disre,

¹⁴ k'oyone ti kəraca, k'oyone wəran kən kəraca, kō təyone kance kō, kō təyone kəraca nke oyoηe wəran kən mə yem yo-e,

¹⁵ awa wərkun wəkakō pəkəkəre wəran kən ndena wəłoηne kō kəmbefe ka mənğben ma ərs kilo kəmaas, ta pəloηər ki moro, ta pədeηər sō suray, bawo kəłoηne teta kəraca kō, kəłoηne nke kəcem-ceməs kiciya nke kəncepər mə.

¹⁶ Wəłoηne pəcəmbər wəran wəkakō MARIKI fər kirin.

¹⁷ Wəłoηne pələk domun dopus dətəbəl. Wəłoηne pəwet kəbof dəntəf ka dəndo dəkiyi dosoku, pəber ki domun dadəkō disre.

¹⁸ Wəłoηne pəcəmbər wəran wəkakō MARIKI fər kirin, pəperi kō cəfon, pəber kō dəwaca poloηne pa mənğben pa kəraca papəkō pəcem-ceməse, wəłoηne nkən pətəmpər domun dodəkət da kətolane pələc.

19 Wəlonjəne pələku wəran wəkəkə kəderəm: «Kə təyənə nəfəntərə fe kə wərkun nwe o nwe, nte mələ mə, məngbərne fe wos əm məyik-yikəsne-ε, domun dodokət da kətolanə pələc dandə dəfəyə'm tələm o tələm tələc.

20 Mba kə təyənə, nte mələ mə, məngbərne kə nəfəntərə kə wərkun wəcuru, kə təsəη'am kətəsək-ε,»

21 wəlonjəne pələku wəran wəkəkə kəderəm, pələku wəran: «MARIKI pəpoc'am pələc afum am daco, MARIKI pəsumpər əm dokombəra, pəyams'am kəkəom,

22 domun dandə dənsəη pələc mə, dosumpər əm dokombəra dəyams'am kəkəom.» Wəran pələku: «Iwose, teyi tatəkə!»

23 Wəlonjəne pəcic kətolanə pələc kanjə dəwalakə kəronj, k'elip-ε, pənimə yecicəs yəyəkə domun dodokət da kətolanə pələc dadəkə.

24 Pəsəη wəran domun dadəkə pəmun di, dotor kə dəkor dəsəη kə pələc.

25 Wəlonjəne pəbanjər wəran nwe polonjəne pa məngben pa kəraca. Wəlonjəne pətubucnə kəsəη yi MARIKI a pədekekərə nde dətetek polonjəne.

26 Wəlonjəne pəwet anjulma katin ηa polonjəne pa məngben teta kəcem-ceməs, pəcəfe pi MARIKI nde tetek tolonjəne kəronj, kə tencepər-ε, a pədesəη wəran domun dadəkə kəmun.

27 Kə wəran elip kəmun domun dadəkə, təyənə eyik-yikəsne kəgbərne disre, ηafəntərə kə wərkun wəcuru-ε, domun dadəkə dontor kə dəkor dəsəη kə pələc, dosumpər kə dokombəra, dəyamse kə kəkəom. Wəran nwe pəsətə pələc awənc əηa daco.

28 Mba kə təyənə wəran nwe eyik-yikəsne fe-ε, wəran wəsoku əfə, yem y'amboncə kə, endekom pəsətə yuruya.

29 Sariyə sasəkə səyənə sa kəraca, kə wəran ələ, pəkafələ pəgbərne ηafəntərə kə wərkun wəcuru-ε,

30 sariyə sasəkə səηkət sə nno wərkun nwe əyənə wəran kən kəraca yem disre mə. Kə wərkun əηkekərə wəran kən MARIKI fər kirin, wəlonjəne pəyə wəran sariyə saηse fəp.

31 Kiciya nkε o nkε kəyi fe wərkun, mba wəran esare kiciya kən, kə təyənə a kance kə-ε.»

6

Sariyə sa wəderəm kəjərne

1 Kə MARIKI oloku Musa:

2 «Mələku aka Yisrayel, mələku ηa: Kə wərkun kə pəyənə fe ti wəran, enderəm kəpusnə kəsəηne ina MARIKI-ε, kəderəm ka kəjərne kə,

3 ta fum wəkəkə pəmun sə wən kə yəmunəs ya məηkəntə, ta pəmun məncəncə ma yokom ya wən, ta pədi yowosu ya yokom ya wi

4 mata məkə əηyi kəjərne disre mə fəp, ta pədi paka mpe o mpe pəηyefə dəwən mə, kəyefə məngben* ma wi haη abomba ηa wi.

5 Mata məkə enderəm kəyi kəjərne disre teta MARIKI mə fəp, ta pafon kə domp haη tēm ta kəpusnə kən telip. Əyənə fum wəcempi, pəsək cəfon cən cəpəη yəηəη.

6 Mata məməkə enderəm kəjərne teta MARIKI mə disre, ta pələtərne wəfi,

7 təyənə kəbel ka kas, ka kərə, ka wənc wərkun, ka wəkire kən ta təsəηe kə kətəsək, bawo docoku dən domp dementər a wəjərne wəka Kanu əyənə.

8 Mata məkə əηyi kəjərne disre mə fəp, wəpusnə wəka MARIKI əyənə.

* 6:4 Məngben, cusu ca Bəkor cə. Aləma ηələku məntəmbər, ka məntəmbal.

⁹ Kə təyəne fum pəfi kə kəsək gbəncana babəkə, təsəne kə kələsər kədəram kən ka kəjerne-ε pəfonne sə dəsək dən da kəsəkəsne, tataka ta camət-məerə.

¹⁰ Tataka ta camət-maas pəkere məpay məerə kə pəyəne fe ti ntantoriya məerə wəlonne nde dəkəbere da anğbancan nəbərene kə Kanu.

¹¹ Wəlonne pəlonne pin teta kəlonne ka kiciya, pəlonne pəkə teta pəlonne mpe ancəfe MARIKI mə, pətubucne kəsəkəs kə kətəsək kən teta kəğbuylene ka wəfi. Dəsək dadəkə, pəğbəkəre sə kəpusne domp.

¹² Wəkayı pəğbəkəre sə kəpusne MARIKI mata mən ma kəjerne. Fum wəkəkə pəkere anğkesiya norkun nə teren tin teta kəlonne ka kələmpəs ka kiciya. Afələm mata məkə mencepər mə, bawo defi dənələsər kəjerne kən teta MARIKI.

¹³ Sariye nse səyəne sa anğ nəderəm kəjerne teta MARIKI mə. Dəsək nde kədəram kən ka kəjerne kənlip mə, pəkəkəre kə nde dəkəbere da anğbancan nəbərene.

¹⁴ Pəkere MARIKI pəlonne pən: Anğkesiya norkun nə teren tin nətəyo dolokəp teta pəlonne mpe ancəfe MARIKI mə, anğkesiya nəran nə teren tin nətəyo dolokəp teta kəlonne ka kiciya, kə anğkesiya norkun nın nətəyo dolokəp teta kəlonne ka kəranne pəforu.

¹⁵ Pəkere sə kəfala kin ka cəcom cətənənkəl lebin, cəcom cəlok-lok ca kəmbefe kətət papəkke ki moro, kə biskit bətənənkəl lebin pasopət bi moro. Pədenər sə yolonne yanən ya məngben kə ya wən.

¹⁶ Wəlonne pəkere yolonne yayəkə fər ya MARIKI kirin, pəlonne pəlonne pa kiciya kə mpe ancəfe MARIKI mə.

¹⁷ Pəkere MARIKI anğkesiya norkun teta kəlonne ka kəranne pəforu, pədenər kəfala ka cəcom cətənənkəl lebin. Wəlonne pəkere kəlonne kən ka məngben kə ka wən,

¹⁸ wəderəm kəjerne pəfonne cəfon ca kəjerne nde dəkəbere da anğbancan nəbərene kə Kanu, pəkək cəfon cən ca kəjerne cacəkə, pəber ci dəndo dənənc da kəlonne ka kəranne pəforu dəkə deyi kəmar mə.

¹⁹ Wəlonne pəkək kəbanca ka anğkesiya norkun nəkə ampəc mə, kəcom kəlok-lok kin kətənənkəl lebin nde kəfala disre kə biskit bətənənkəl lebin, pəber yi wəderəm kəjerne dəwaca, təyəne wəderəm kəjerne elip kəfonne cəfon cən ca kəjerne.

²⁰ Wəlonne pətubucne kəsən yi MARIKI fər kirin. Ca yopus yo, nye yəyəne ya wəlonne mə, kələkene ka kəmpəpəc kanəkə antubucne kəsən MARIKI, kə alənk nəkə anjwəre mə, kə telip on-ε, sariye səjwəse kə sə kəmun wən.

²¹ Sariye sasəkə səyəne sa wəjerne nwe enderəm kəsənne MARIKI mə. Yolonne yayəkə y'olonne MARIKI teta kəjerne kən, k'entam kəyo tələm pəcepər tətəkə-ε, anjwəse kə ti, mba mənə pənunəkene kələləs kədəram kən, pəmə təkə sariye sa kəjerne səloku ti mə.»

Totolanə pətət

²² Kə MARIKI oloku Musa:

²³ «Mələku Aruna kə awut ən arkun, nte tə pəmar nəde nəctolanə aka Yisrayel pətət, nəloku nə:

²⁴ «MARIKI pəpoc'am, pəbumən'am!

²⁵ MARIKI pəğbətn'am, pəyəne nu nənəfər!

²⁶ MARIKI pəyektər əm kəro kən, pəsən əm pəforu!»

²⁷ Kə alonne nədebonc tewe tem kətolanə aka Yisrayel pəmə nte iləmər nə mə-ε, ina MARIKI impocə nə pətət.»

7

Cibil nce anasəy teta kəcepe-cepene anğbip ɲosoku mə

¹ Dəsək nde Musa enalip kəcəmbər dəkiyi dosoku mə, k'ompus di pəcbəy di moro kə yosumpər-sumpər ya di fəp. K'əyɔ tin tayi tetek toloɲne kə yosumpər-sumpər ya di fəp, k'əmbəy yi k'ompus sə yi.

² Awa kə akirin a Yisrayel, akirin a wələ disre ɲanɲkere yoloɲne yaɲan. Akirin aka dəcusuɲka akakə ɲanaləm aYisrayel mə, ɲanakere yi.

³ Kə ɲanɲkere yoloɲne yaɲan MARIKI for kirin; Cibil camət-tin nce cəna wəco kə mərəy cənclɲəs mə, wəkirin o wəkirin ɛnasəy wana win, akirin mərəy ɲancpaɲne kəsəy abil ɲin. Kə ɲanɲkere ci nde dəkəberə dəkiyi dosoku tekirin.

⁴ Kə MARIKI oloku Musa:

⁵ «Məbanər ɲa yoloɲne yaɲan nte təɲsəy pəcbəce yi nde anğbancan ɲəbərəne kə Kanu. Məber yi aLewy dəwaca, anɛ o anɛ kə yəbəc yaɲan.»

⁶ Kə Musa əlek cibil kə cəna k'əsəy ci aLewy.

⁷ K'əsəy cibil mərəy kə cəna maɲkələ awut arkun a Kerson, kətubcəne ka yəbəc yəkə ɲayə mə.

⁸ K'əsəy cibil maɲkələ kə cəna camət-maas awut arkun a Merari, kətubcəne ka yəbəc yəkə ɲayə mə, kəməmən ka Itamar wan wərkun wəka wəloɲne Aruna disre.

⁹ Mba ɛnasəy fə awut a Kehat, nte yəbəc ya akakə yənayəne ya ca yopus mə, kə nte pəmar ɲagbaɲne yi mə.

Yoloɲne yopusə tetek toloɲne

¹⁰ Kə akirin ɲanɲkere yoloɲne yopusə ya tetek toloɲne dəsək dəbəy da pi. Kə ɲanɲkere yi for ya MARIKI kirin.

¹¹ Kə MARIKI oloku Musa: «Akirin ɲacder akin akin dəsək o dəsək wəkin pəkere yoloɲne yən teta kəpus ka tetek toloɲne tofu.»

¹² Dəsək dəcəkə-cəkə, ta kusuɲka ka Yuda, Nasəy wan ka Aminadab ɛnamentərne.

¹³ Yopusə nte y'ənakerə: Apəlet ɲin ɲɛ analompse gbeti kilo kin kə kəram masar maas (1.300), kə apət ɲɛ analompse gbeti kəram masar camət-mərəy (700) mə. Pəsam gbeti mpe o mpe pəncətəɲnəne kə potubuc pa pəsam gbeti pa nde anğbip ɲosoku. Ca yayəkə mərəy fəp yelare kəmbefe kətət nke ananəktərəne kə moro teta kəloɲne ka mənğben mə.

¹⁴ K'ənɲkere sə apət ɲələma ɲɛ analompse kəma kəram tasar tin (100) palas ɲi suray mə,

¹⁵ tura tin, anɲkesiya ɲorkun, k'anɲkesiya ɲorkun ɲa teren tin teta yoloɲne nte anəcə MARIKI mə,

¹⁶ ambiyofə ɲin teta kəloɲne ka kiciya,

¹⁷ kə teta kəloɲne ka kəpaɲne pəforu: Mura mərəy, ɲkesiya yorkun kəcəmət, mbiyofə kəcəmət, ɲkesiya yorkun kəcəmət ya teren tin tin. Yoloɲne yayəkə yə Nasəy wan ka Aminadab ɛnakere.

¹⁸ Dəsək da mərəy, ta kusuɲka ka Isakar, wəkirin kəɲan Netaneyel wan ka Cuwar ɛnamentərne.

¹⁹ Yoloɲne nte y'ənakerə: Apəlet ɲin ɲɛ analompse gbeti kilo kin kə kəram masar maas (1.300) mə, kə apət ɲɛ analompse gbeti kəram masar camət-mərəy (700) mə. Pəsam gbeti mpe o mpe pəncətəɲnəne kə potubuc pa pəsam gbeti pa nde anğbip ɲosoku. Ca yayəkə mərəy fəp yelare kəmbefe kətət nke ananəktərəne kə moro teta yoloɲne ya mənğben mə.

²⁰ Kə apət ɲələma ɲɛ analompse kəma kəram tasar tin (100) mə, palas ɲi suray,

²¹ tura tin, aŋkesiya ŋorkun, aŋkesiya ŋorkun ŋa teren tin teta yoloŋne nye ancəfə MARIKI mə,

²² ambiyofə ŋin teta kəloŋne ka kiciya,

²³ kə teta kəloŋne ka kəpaŋne pəforu: Mura mərəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Netaneyel wan ka Cuwar enakerə.

²⁴ Dəsək da maas, wəkiriŋ ka aka Sabulon, Eliyab wan ka Heloŋ enamentərne.

²⁵ Yoloŋne nye y'enakerə: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-mərəŋ (700) mə. Pəsam gbeti mpe o mpe pənctəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərne kə moro teta yoloŋne ya mənğben mə.

²⁶ K'əŋkerə sə apət ŋələma nŋe analompse kəma kəram tasar tin (100), palas ŋi suray,

²⁷ tura tin, aŋkesiya ŋorkun ŋin, aŋkesiya ŋorkun ŋa teren tin, teta kəloŋne nke ancəfə MARIKI mə,

²⁸ ambiyofə ŋin teta kəloŋne ka kiciya,

²⁹ kə teta kəloŋne ka kəpaŋne pəforu: Mura mərəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Eliyab wan ka Heloŋ enakerə.

³⁰ Dəsək da maŋkəle, wəkiriŋ ka aka Ruben, Elicur wan ka Sedewur enamentərne.

³¹ Yoloŋne nye y'enakerə: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-mərəŋ (700) mə. Pəsam gbeti mpe o mpe pənctəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərne kə moro teta yoloŋne ya mənğben mə.

³² K'əŋkerə sə apət ŋələma nŋe analompse kəma kəram tasar tin (100) palas ŋi suray,

³³ tura tin, aŋkesiya ŋorkun ŋin, aŋkesiya ŋorkun ŋa teren tin teta kəloŋne nke ancəfə MARIKI mə,

³⁴ ambiyofə ŋin teta kəloŋne ka kiciya,

³⁵ kə teta kəloŋne ka kəpaŋne pəforu: Mura mərəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Elicur wan ka Sedewur enakerə.

³⁶ Dəsək da kəcamət, wəkiriŋ ka aka Simeyəŋ, Selumiyel wan ka Curisaday, enamentərne.

³⁷ Yoloŋne nye y'enakerə: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-mərəŋ (700) mə. Pəsam gbeti mpe o mpe pənctəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərne kə moro teta yoloŋne ya mənğben mə.

³⁸ K'əŋkerə sə apət ŋələma nŋe analompse kəma kəram tasar tin (100) palas ŋi suray,

³⁹ tura tin, aŋkesiya ŋorkun ŋin, aŋkesiya ŋorkun ŋa teren tin, teta kəloŋne nke ancəfə MARIKI mə,

⁴⁰ ambiyofə ŋin teta kəloŋne ka kiciya,

⁴¹ kə teta kəloŋne ka kəpaŋne pəforu: Mura mərəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Selumiyel wan ka Curisaday enakerə.

⁴² Dəsək da camət-tin, wəkiriŋ ka aka Kadu, Eliyasaf wan ka Dewel, enamentərne.

⁴³ Yoloŋne nyε y'εnakere: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-merəŋ (700) mə. Pəsam gbeti mpe o mpe pənctəŋne kə potubuc pa pəsam gbeti pa nde aŋgbip ŋosoku. Ca yayəkə merəŋ fəp yelare kəmbefe kətət nke ananəktərəne kə moro teta yoloŋne ya mēŋben mə.

⁴⁴ K'εŋkere sə apət ŋələma nŋe analompse kəma kəram tassar tin (100) palas ŋi suray mə,

⁴⁵ tura tin, aŋkesiya ŋorkun ŋin, aŋkesiya ŋorkun ŋa teren tin, teta kələŋne nke ancəfε MARIKI mə,

⁴⁶ ambiyofə ŋin teta kələŋne ka kiciya,

⁴⁷ kə teta kələŋne ka kəpaŋne pəforu: Mura merəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Eliyasaf wan ka Dewel εnakere.

⁴⁸ Dəsək da camət-merəŋ, wəkiriŋ ka aka Efrayim, Elisama wan ka Amihud enamentərne.

⁴⁹ Yoloŋne nyε y'εnakere: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-merəŋ (700) mə. Pəsam gbeti mpe o mpe pənctəŋne kə potubuc pa pəsam gbeti pa nde aŋgbip ŋosoku. Ca yayəkə merəŋ fəp yelare kəmbefe kətət nke ananəktərəne kə moro teta yoloŋne ya mēŋben mə.

⁵⁰ K'εŋkere sə apət ŋələma nŋe analompse kəma kəram tassar tin (100) palas ŋi suray mə,

⁵¹ tura tin, aŋkesiya ŋorkun ŋin, aŋkesiya ŋorkun ŋa teren tin teta kələŋne nke ancəfε MARIKI mə,

⁵² ambiyofə ŋin teta kələŋne ka kiciya,

⁵³ kə teta kələŋne ka kəpaŋne pəforu: Mura merəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Elisama wan ka Amihud εnakere.

⁵⁴ Dəsək da camət-maas, wəkiriŋ ka aka Manase, Kamaliyel wan ka Pedacur enamentərne.

⁵⁵ Yoloŋne nyε y'εnakere: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-merəŋ (700) mə. Pəsam gbeti mpe o mpe pənctəŋne kə potubuc pa pəsam gbeti pa nde aŋgbip ŋosoku. Ca yayəkə merəŋ fəp yelare kəmbefe kətət nke ananəktərəne kə moro teta yoloŋne ya mēŋben mə.

⁵⁶ K'εŋkere sə apət ŋələma nŋe analompse kəma kəram tassar tin (100) palas ŋi suray mə,

⁵⁷ tura tin, aŋkesiya ŋorkun ŋin, aŋkesiya ŋorkun ŋa teren tin, teta kələŋne nke ancəfε MARIKI mə,

⁵⁸ ambiyofə ŋin teta kələŋne ka kiciya,

⁵⁹ kə teta kələŋne ka kəpaŋne pəforu: Mura merəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Kamaliyel wan ka Pedacur εnakere.

⁶⁰ Dəsək da camət-manəkəle, wəkiriŋ ka aka Beŋyamin, Abidan wan ka Kideyoni enamentərne.

⁶¹ Yoloŋne nyε y'εnakere: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-merəŋ (700) mə. Pəsam gbeti mpe o mpe pənctəŋne kə potubuc pa pəsam

gbeti pa nde aᅅgbip ᅅosoku. Ca yayəkə merəᅅ fəp yelare kəmbefe kətət nke ananəktərəne kə moro teta yoloᅅne ya meᅅᅅben mə.

⁶² K'ēᅅkerē sə apət ᅅələma ᅅᅅe analompse kema kəram tasar tin (100) palas ᅅi suray mə,

⁶³ tura tin, aᅅkesiya ᅅorkun ᅅin, aᅅkesiya ᅅorkun ᅅa teren tin, teta kəloᅅne nke ancəfe MARIKI mə,

⁶⁴ ambiyofo ᅅin teta kəloᅅne ka kiciya,

⁶⁵ kə teta kəloᅅne ka kəpaᅅne pəforu: Mura merəᅅ, ᅅkesiya yorᅅun kəcamət, mbiyofo kəcamət, ᅅkesiya yorᅅun kəcamət ya teren tin tin. Yoloᅅne yayəkə yə Abidan wan ka Kideyoni enakerē.

⁶⁶ Dəsək da wəco, wəkiriᅅ ka aka Dan, Ahiyeseᅅ wan ka Amisaday, enamentərne.

⁶⁷ Yoloᅅne nyē y'enakerē: Apəlet ᅅin ᅅᅅe analompse gbeti kilo kin kə kəram masar maas (1.300) mə, kə apət ᅅᅅe analompse gbeti kəram masar camət-merəᅅ (700) mə. Pəsam gbeti mpe o mpe pēncᅅᅅᅅneᅅ kə potubuc pa pəsam gbeti pa nde aᅅgbip ᅅosoku. Ca yayəkə merəᅅ fəp yelare kəmbefe kətət nke ananəktərəne kə moro teta yoloᅅne ya meᅅᅅben mə.

⁶⁸ K'ēᅅkerē sə apət ᅅələma ᅅᅅe analompse kema kəram tasar tin (100) palas ᅅi suray mə,

⁶⁹ tura tin, aᅅkesiya ᅅorkun ᅅin, aᅅkesiya ᅅorkun ᅅa teren tin teta kəloᅅne nke ancəfe MARIKI mə,

⁷⁰ ambiyofo ᅅin teta kəloᅅne ka kiciya,

⁷¹ kə teta kəloᅅne ka kəpaᅅne pəforu: Mura merəᅅ, ᅅkesiya yorᅅun kəcamət, mbiyofo kəcamət, ᅅkesiya yorᅅun kəcamət ya teren tin tin. Yoloᅅne yayəkə yə Ahiyeseᅅ wan ka Amisaday enakerē.

⁷² Dəsək da wəco kə pin, wəkiriᅅ ka aka kusuᅅka ka Aseᅅ, Pakiyel wan ka Okəraᅅ, enamentərne.

⁷³ Yoloᅅne nyē y'enakerē: Apəlet ᅅin ᅅᅅe analompse gbeti kilo kin kə kəram masar maas (1.300) mə, kə apət ᅅᅅe analompse gbeti kəram masar camət-merəᅅ (700) mə. Pəsam gbeti mpe o mpe pēncᅅᅅᅅneᅅ kə potubuc pa pəsam gbeti pa nde aᅅgbip ᅅosoku. Ca yayəkə merəᅅ fəp yelare kəmbefe kətət nke ananəktərəne kə moro teta yoloᅅne ya meᅅᅅben mə.

⁷⁴ K'ēᅅkerē sə apət ᅅələma ᅅᅅe analompse kema kəram tasar tin (100) palas ᅅi suray mə,

⁷⁵ tura tin, aᅅkesiya ᅅorkun ᅅin, aᅅkesiya ᅅorkun ᅅa teren tin, teta kəloᅅne nke ancəfe MARIKI mə,

⁷⁶ ambiyofo ᅅin teta kəloᅅne ka kiciya,

⁷⁷ kə teta kəloᅅne ka kəpaᅅne pəforu: Mura merəᅅ, ᅅkesiya yorᅅun kəcamət, mbiyofo kəcamət, ᅅkesiya yorᅅun kəcamət ya teren tin tin. Yoloᅅne yayəkə yə Pakiyel wan ka Okəraᅅ enakerē.

⁷⁸ Dəsək da wəco kə merəᅅ wəkiriᅅ ka aka kusuᅅka ka Naftali, Ahira wan ka Enan enamentərne.

⁷⁹ Yoloᅅne nyē y'enakerē: Apəlet ᅅin ᅅᅅe analompse gbeti kilo kin kə kəram masar maas (1.300) mə, kə apət ᅅᅅe analompse gbeti kəram masar camət-merəᅅ (700) mə. Pəsam gbeti mpe o mpe pēncᅅᅅᅅneᅅ kə potubuc pa pəsam gbeti pa nde aᅅgbip ᅅosoku. Ca yayəkə merəᅅ fəp yelare kəmbefe kətət nke ananəktərəne kə moro teta yoloᅅne ya meᅅᅅben mə.

⁸⁰ K'ēᅅkerē sə apət ᅅələma ᅅᅅe analompse kema kəram tasar tin (100) palas ᅅi suray mə,

⁸¹ tura tin, aᅅkesiya ᅅorkun ᅅin, aᅅkesiya ᅅorkun ᅅa teren tin, teta kəloᅅne nke ancəfe MARIKI mə,

⁸² ambiyofu ɲin teta kəlonɲe ka kiciya,

⁸³ kə teta kəlonɲe ka kəpaɲne pəforu: Mura mɛrəɲ, ɲkesiya yorkun kəcamət, mbiyofu kəcamət, ɲkesiya yorkun kəcamət ya teren tin tin. Yolonɲe yayəkə yə Ahira wan ka Enan ɛnakɛɛ.

⁸⁴ Yolonɲe yayəkə yə akirinɲ a Yisrayel ɲanasəɲ teta kəpus ka tetek tolonɲe, dəsək nde ambəy pi mə: Pəlet wəco kə mɛrəɲ ya gbeti, səpət wəco kə mɛrəɲ ya gbeti, kə səpət wəco kə mɛrəɲ ya kema.

⁸⁵ Apəlet ɲɲe o ɲɲe kilo kin, kəram masar maas (1.300), apət ɲɲe o ɲɲe kəram masar camət-mɛrəɲ (700), gbeti ba ca yayəkə bəmbəp kilo wəco mɛrəɲ kə maɲkələ (24), pəmə nte antubuc nde dengbir mə.

⁸⁶ Səpət nse wəco kə mɛrəɲ sa kema, apət o apət kəram tassar tin (100), palas ɲi suray. Delel da kema ka səpət saɲse fəp dənabəp kilo kin kəram masar mɛrəɲ (200).

⁸⁷ Yəcəl ɲɲe anakɛɛ teta yolonɲe ɲɲe anacəfɛ MARIKI mə yənabəp: Mura wəco kə mɛrəɲ, ɲkesiya yorkun wəco kə mɛrəɲ, ɲkesiya yorkun ya teren tin tin wəco kə mɛrəɲ kə yolonɲe ya mɛɲgbɛn ma yi, kə mbiyofu wəco kə mɛrəɲ ya kəlonɲe ka kiciya.

⁸⁸ Yəcəl ya kəlonɲe ka kəpaɲne pəforu: Mura wəco mɛrəɲ kə maɲkələ (24), ɲkesiya yorkun wəco camət-tin (60), mbiyofu wəco camət-tin (60), ɲkesiya yorkun ya teren tin tin wəco camət-tin (60). Yayəkə yənayəne yolonɲe ya kəpus ka tetek tolonɲe, nte analip pi kəbəy mə.

⁸⁹ Nte Musa ɛncbɛɛ nde aɲgbancan ɲɛbərəne kəkəlok-loku kə Kanu mə, k'ene dim nde donclok-lokər kə kəyɛfɛ afɛɲk ɲəsəkse kiciya ɲɲe aɲgbəpər kaɲkərə nke kəmentər danapa da MARIKI kə aka Yisrayel mə. Mələkɛ kerub mɛrəɲ daco, k'olok-lokər kə.

8

Kəcəmbər ka pɛdɛtɛ səlamp

¹ Kə MARIKI oloku Musa:

² «Məsom Aruna: Kə mənəcəmbər səlamp-ɛ, pəmar pomot pa səlamp nse camət-mɛrəɲ pəwɛɲki tekirinɲ ta pɛdɛtɛ pa si.»

³ Kə Aruna əyəkə tətəkə, k'omot səlamp k'ɛncəmbər si səcmot tekirinɲ ta pɛdɛtɛ pa si, pəmə təkə MARIKI ɛnasom ti Musa mə.

⁴ Nte t'analompəs pɛdɛtɛ səlamp pəpəkə: Kema kətəmp k'anagbɛɛ pi kəyɛfɛ pɛcəməne pa pi haɲ yowurɛne ya yɛlɛɲk. Analompəs pɛdɛtɛ pa səlamp kəsurɛne təkə MARIKI ɛnamentər Musa mə.

Kəpus ka aLewy

⁵ Kə MARIKI oloku Musa:

⁶ «Mələk aLewy aYisrayel daco, məpus em ɲa.

⁷ Nte tə məɲkəpus em ɲa: Məwəsər ɲa domun nde dəɲkəsəkəs ɲa kiciya mə, ɲafonne dis fəp, ɲayak yamos yaɲan, ɲəsəkəsne.

⁸ Kə tencepər-ɛ, ɲələk tura kə yolonɲe ya mɛɲgbɛn ya pi, it'əyənə kəmbefe kətət nke ənəktərəne kə moro mə, mələk sə tura pa mɛrəɲ teta kəlonɲe ka kiciya.

⁹ Məkekərə aLewy nde aɲgbancan ɲɛbərəne kə Kanu, məlonɲka aka Yisrayel fəp.

¹⁰ Məcəɲɛne aLewy fər ya ina MARIKI kirinɲ, aYisrayel ɲadɛɲ aLewy waca waɲan.

¹¹ Aruna pətubucne kəsəɲ ina MARIKI aLewy aYisrayel daco, təyənə oɲ ɲa ɲayi yəbəc ya ina MARIKI.

¹² ALewy ɲadenɲər waca wanɲan dəsəbomp sa mura, məlonɲe pin teta kiciya, kə pa mərəɲ polonɲe pəcəfə MARIKI teta kəsəkəs ka kiciya ka aLewy.

¹³ Macəmbər aLewy fər ya Aruna kə awut ɔn arkun kirin, mətubucne kəsəɲ ɲa MARIKI.

¹⁴ Məgbey aLewy kə aYisrayel. Ti disre aLewy ɲayəne akemi.

¹⁵ Kə tatəkə tencepər-ε, aLewy ɲader ɲacəme yebəc ya nde aɲɲbancan ɲebəpene kə Kanu. Tatəkə tə məɲkəsəkəs ɲa, mətubucne sə kəsəɲ ɲa ina MARIKI,

¹⁶ bawo ampus im ɲa fəp aka Yisrayel daco. İlek aLewy dəkəcəme da awut acəkə-cəkə da wəYisrayel nwe o nwe əyənə wan wəcəkə-cəkə wəka kere mə.

¹⁷ Bawo awut acəkə-cəkə a Yisrayel fəp akemi ɲə, təyənə wan wəcəkə-cəkə wəka fum, təyənə wəka pəcəl. Dəsək nde inasut awut acəkə-cəkə atəf ɲa Misira mə, d'ınapusne awut acəkə-cəkə a Yisrayel.

¹⁸ K'ilek aLewy dəkəcəme da awut acəkə-cəkə a Yisrayel fəp.

¹⁹ Isəɲ aLewy Aruna kə awut ɔn arkun aYisrayel daco, nte tənɲəɲe ɲacəməne aYisrayel yebəc ya nde d'aɲɲbancan ɲebəpene kə Kanu mə, ɲactubucne sə kəsəkəs aYisrayel kiciya kəɲan. Ti disre aYisrayel ɲafəsətə pələc teta kələtərne kəɲan aɲɲbip ɲəsoku.»

²⁰ Musa, Aruna kə kələɲkanə ka afum a Yisrayel fəp ɲasurene kəyə aLewy təkə MARIKI enasom Musa kəyə ɲa mə.

²¹ Kə aLewy ɲəsəkəsne kə ɲayak yamos yanɲan. Kə Aruna ontubucne kəmentər ɲa MARIKI fər kirin, k'ontubucne sə kəsəkəs ɲa kiciya kəɲan nte tənɲəɲe ɲəsək oɲ mə.

²² Kə tatəkə tencepər-ε, aLewy ɲader ɲacəme yebəc ya nde danɲbancan ɲebəpene kə Kanu Aruna kə awut ɔn arkun fər kirin, pəmə təkə MARIKI enasom Musa teta aLewy mə, tatəkə t'enayənə ɲa.

²³ Kə MARIKI oloku Musa:

²⁴ «Nte təyənə ta aLewy: WəLewy wərkun nwe o nwe əsətə meren kəyefe meren wəco mərəɲ kə kəcəmət (25) han pəcəpər mə, entam kəbəc nde aɲɲbancan ɲebəpene kə Kanu.

²⁵ K'əsətə meren wəco kəcəmət-ε (50), pəsək kəbəc nde aɲɲbancan ɲebəpene kə Kanu.

²⁶ Wəkayı pəcmar awenc aɲa kə akakə ɲande kəcbum yebəc nde aɲɲbancan ɲebəpene kə Kanu-ε, mba ta nkən pəbəc nde aɲɲbancan ɲebəpene kə Kanu. Məyə tatəkə nnə aLewy ɲayı mə, teta yebəc yanɲan nde aɲɲbancan ɲebəpene kə Kanu.»

9

Tataka nte ambocə kəsata ka Kəcəpər mə

¹ Nde tēgbərə ta Sinayi, ɲof ɲəcəkə-cəkə ɲa teren ta mərəɲ kəyefe kəwur ka aka Yisrayel atəf ɲa Misira, kə MARIKI oloku Musa:

² «AYisrayel ɲaboc kəsata ka kəcem-ceməs ka Kəcəpər ka mələkə medif^{ε*} tataka nte amboncə ki mə.

³ Nəde nəcboç kəsata kanɲə tataka ta wəco kə məɲkələ ta ɲof ɲaɲe, kə dec dende kale-ε, nəboç ki pəmə təkə sariyə kə məyə mokur məɲkotərəne ki mə.»

⁴ Kə Musa oloku ti aYisrayel, nte tənɲəɲe ɲaboc kəsata kanɲe mə.

* **9:2** *Kəsata ka Kəcəpər* it'əyənə kəsata nke mələkə mme menadifət awut acəkə-cəkə a Misira, mesak awut a Yisrayel mə. It'aɲwene kəsata kanɲe «kəsata ka Kəcəpər»

⁵ Kə namboc kəsata kanjko tataka ta wəco kə manjkəle ta nɔf nɔcəkə-cəkə dec dečkale, dəndo teɟbərə ta Sinayi. Kə aYisrayel njasurene kəyo təkə MARIKI enasom Musa mə.

⁶ Kə arkun əloma nɔyi aɟe njanatəsək teta kəɟbuɟene kənan wəfi mə, a nɟafotam kəboc kəsata ka Kəcepər dəsək dadəkə. Awa, kə nɟanjko nɟamentərne Musa kə Aruna dəsək dadəkə yati,

⁷ Kə nɟayif Musa: «Teta wəfi təsəɟe su kətəsək, t'ake tə səntotame kəkere MARIKI yoloɟne dəsək da kəsata dandə kə awenc asu aɟa a Yisrayel-ε?»

⁸ Kə Musa oloku nɟa: «Nəcəme nno, nəkar im ikə icəɟkəl moloku mme MARIKI ɟɟkəsom im tetonu mə.»

⁹ Kə MARIKI oloku Musa:

¹⁰ «Məloku aka Yisrayel: Kə wərkun wələma nəna dacə detemp kə detemp donu fəp, ɔntəsək teta wəfi kə pəyone fe ti pəkə marənt mobol-bolu-ε, pəboce MARIKI kəsata ka kəcem-ceməs Kəcepər ka melekə medif.

¹¹ Nɟade nɟaboc kəsata kanjko tataka ta wəco kə manjkəle ta nɔf nɟa mərəɟ, kə dec dendekale-ε, njasome ki cəcom cətəɟɟkəl lebin kə bəpər yodokət.

¹² Ali paka ta pasak han bətbət, ta paporu sə ali kəbent ka poloɟne. Paboc kəsata ka Kəcepər kanjko pəmə təkə sariye səloku mə.

¹³ Kə wərkun əsək, ta ɟɟkə marənt pəfati kəboc kəsata ka kəcem-ceməs ka Kəcepər-ε, aɟwure kə afum ən dacə, bawo əsəɟ fe MARIKI kəpocə kən dəsək nde əmbonc mə. Wərkun wəkəkə əsarə teta kiciya kən.

¹⁴ Kə wəcikərə nwe eyi nu dacə mə omboc kəsata ka Kəcepər ka MARIKI-ε, pəmar pəsurenə təkə sariye kə təkə əsom teta ki mə. Sariye sin sayi sə nəna kə acikara teta kəsata kanjko.»

Kəp kəɟkump dəkiyi dosoku

¹⁵ Dəsək nde əncəmbər dəkiyi dosoku nde aɟwe aɟɟbancan nde walakə nwe wementər danapa da MARIKI kə aka Yisrayel mə, kə kəp kəɟkump di bətbət han dəfəy. Kəyefe ɟɟ dəfəy han bətbət, kə kəp nke kəyi dəkiyi dosoku kəroɟ kəcnot pəmə nenc.

¹⁶ Tatəkə tə tencyi təm fəp: Kəp kəcump di, kə pəmbiyε-ε, pəcnot pəmə nenc.

¹⁷ Təm o təm tə kəp kəyefe aɟɟbancan kəroɟ, aYisrayel nɟancyefe nɟakə nde kəp kəncəme mə, nɟəncəmbər di saɟka.

¹⁸ AYisrayel nɟancyefe kəsom ka MARIKI, nɟəncde kəsom ka MARIKI. Nəncndə kəfo kanjko kəwon ka kəp dəkiyi dosoku kəroɟ fəp.

¹⁹ Kə kəp kəwon dəkiyi dosoku kəroɟ-ε, aYisrayel nɟacəme yeɟəc ya MARIKI, nɟəfəkə.

²⁰ Kə kəp kəyi dəkiyi dosoku kəroɟ matakə mepic-ε, aYisrayel nɟəncndə kəfo kanjko kəsom ka MARIKI, nɟancyefe sə kəkə kəsom ka MARIKI.

²¹ Kə təyone kəp kəyi dəkiyi dosoku kəroɟ kəyefe bətbət han pibi, kə kəyefe di kəroɟ bətbət-ε, aYisrayel nɟənyefe kəfo kanjko. Kə kəp kəyefe dəkiyi dosoku kəroɟ pəwanjərə-ε, aYisrayel nɟəyefe kəfo kanjko.

²² Kə kəp kəyi dəkiyi dosoku kəroɟ mata mərəɟ, nɟof nɟin kə pəyone fe ti teren tin-ε, aYisrayel nɟəncndə, nɟəfəkə. Kə kəp kəyefe dəkiyi dosoku kəroɟ-ε, nɟa sə nɟəyefe kəkə.

²³ Nəncndə kəsom ka MARIKI, nɟancyefe kəkə kəsom ka MARIKI. AYisrayel nɟəncəme yeɟəc ya MARIKI pəmə təkə MARIKI oncsom Musa mə.

1 Kə MARIKI oloku Musa:

2 «Mələmpəs luk mərəŋ ya gbeti bətəmp. Luk yayəkə yə mənde məcwene kəlonkanə ka afum aka Yisrayel, məcsəŋe ŋa sə kəyektı sanjka kəkə.

3 K'afula luk mərəŋ-ε, kəlonkanə ka aYisrayel fəp ŋabəpsen'am dəntəf nde aŋgbancan ŋəbəpene kə Kanu.

4 K'afula aluk ŋin-ε, abe kə akirin a cusunjka ca Yisrayel ŋambəpsen'am kəsək.

5 K'afula ŋi cawon cawon-ε, aŋe ŋanacəmbər sanjka ntende dec dəmpə aŋgbancan ŋəbəpene kə Kanu mə, ŋayefe ŋəkə.

6 K'afula ŋi cawon cawon ta mərəŋ-ε, aŋe ŋande kəca kətət ka aŋgbancan mə ŋayefe ŋəkə. Kəkə nke o nke, aluk ŋaŋfula cawon cawon.

7 Nəfula sə kəbəpsene ka kəlonkanə ka aYisrayel, mba nəfərəs kəfula.

8 Awut arkun a Aruna, alonŋe ŋande ŋacfula luk. Sariye nse sə nəndecəme darəŋ doru o doru dətəmp kə dətəmp.

9 Nde atəf ŋonu, kə nəndekə nəckə dəkəsutene kə aterene anu-ε aŋe ŋaŋwəkərne nu mə, pəmar nəfula luk cawon cawon, MARIKI Kanu konu endecəm-cəmnə tetonu, pəyac nu nno aterene anu ŋayi mə.

10 Mataka monu ma pəbotu mme nəmbəpsene kəboc cəsata kə kəcəme ka yof yonu mə, nəfula luk, nəkere yolonŋe yocəf kə yolonŋe ya kəpaŋne pəforu yonu. Ti disre, təŋyone təcəmcəməs ta Kanu konu tetonu. MARIKI iyəne, Kanu konu.»

Kəyefe Sinayi kəkə ka kələncər ka Mohab

10.11-21.35

Aka Yisrayel ŋalək sə dəpə kəkə

11 Teren ta mərəŋ ta kənde kəŋan teğbərə ta Sinayi, tataka ta wəco mərəŋ ta ŋof ŋa mərəŋ, kə kəp kəyefe dəkiyi dosoku da walakə nwe wementər danapa da MARIKI kə aka Yisrayel mə.

12 Kə aYisrayel ŋayefe kəcəpe teğbərə ta Sinayi kəkə, kə kəp kəŋkə kəcəme teğbərə ta Paran.

13 Kəyefe kəŋan kəkə kəcəkə-cəkə kəŋayi kəŋkə, pəmə təkə MARIKI enasom ti Musa mə.

14 Kə kələr ka sanjka sa aka Yuda dəcəgba ca asutene, ŋayefe kəkə acəkə-cəkə. Nasəŋ wan ka Aminadab enayəne ŋa wəkiriŋ.

15 Kəgba ka asutene a kusunjka ka Isakar, Netaneyel wan ka Cuwar enayəne ŋa wəkiriŋ.

16 Eliyab wan ka Helon enayəne wəkiriŋ ka kəgba ka asutene a kusunjka ka Sabulon.

17 K'ancekəli dəkiyi dosoku. Aka kor ka Kerson kə ka Merari ŋayefe kəkə ŋagbaŋne di.

18 Kə kələr ka sanjka sa aka Ruben, dəcəgba ca asutene ŋayefe kəkə. Elicur wan ka Sedewur enayəne ŋa wəkiriŋ.

19 Kə kəgba ka asutene a kusunjka ka Simeyən ŋayefe kəkə, Selumiyel wan ka Curisaday enayəne ŋa wəkiriŋ.

20 Kə kəgba ka asutene ka kusunjka ka Kad ŋayefe kəkə, Eliyasaf wan ka Dewel enayəne ŋa wəkiriŋ.

21 Kə aka Kehat ŋayefe kəkə, ŋagbaŋne yosumpər-sumpər ya aŋgbip ŋosoku nye ambəce di mə. Kə aLewy akə ŋanuŋkene kədəcaŋər-caŋər dəkiyi dosoku, ŋackər kəder ka aka Kehat.

22 Kə kələr ka sanjka sa Efrayim ŋayefe kəkə dəcəgba ca asutene, Elisama wan ka Amihud enayəne ŋa wəkiriŋ.

²³ Kə kəgba ka asutene a kusunja ka Manase nəyefe kəkə, Kamaliyel wan ka Pedacur enayone nə wəkiriŋ.

²⁴ Kə kəgba ka asutene aka Beŋyamin nəyefe kəkə, Abidan wan ka Kideyoni enayone nə wəkiriŋ.

²⁵ Kə kələr ka sanja sa aka Dan nəyefe kəkə dəcəgba ca asutene, nə nənafak sanja fəp tadarəŋ. Ahiyeseŋ wan ka Amisaday enayone nə wəkiriŋ.

²⁶ Kəgba ka asutene aka kusunja ka Aseŋ nəyefe kəkə, Pakiyel wan ka Okəraŋ enayone nə wəkiriŋ.

²⁷ Kəgba ka asutene aka kusunja ka Naftali nəyefe kəkə, Ahira wan ka Enan enayone nə wəkiriŋ.

²⁸ Tante tə cəgba ca asutene aka Yisrayel cənacek kəkə.

Musa enten wəsole aYisrayel teta marənt

²⁹ Kə Musa oloku Hobab wan ka Rehuwel wəka Madiyaŋ papa ka wəran ka Musa: «Kəfo kə səŋkə nke MARIKI oloku su: «Indesəŋ nu mə.» Məder pako səŋkəyə əm pətət, bawo MARIKI oloku kəyə Yisrayel pətət.»

³⁰ Kə wəkəkə oloku Musa: «İfəkə. Atəf nəm nə'niŋkə nde aŋkom im mə.»

³¹ Kə Musa eltsene kə: «Ta məsak su iltsen'am, kə məncəre sə mofo mme səntam kənde nde dətegbəre mə, məyone wəsole kosu.

³² Kə mənder pakə-e, məna sə məŋsətə pətət pəkə MARIKI oloku kəyone su mə.»

³³ Kə aka Yisrayel nəyefe tərə ta MARIKI kəkə, kə nəŋkət mata maas. Kaŋkəra ka danapa da MARIKI kəyi nə kirin, mata maas kəctene nə dəkəŋesəm.

³⁴ Kəp ka MARIKI kəncyi nə kəron pəwanjəra kə nəndeyefe kəkə-e.

³⁵ Kəyefe nke o nke kaŋkəra kəncyefe kəkə mə, Musa oncloku: «Məyefe MARIKI! Ater əm nəsamsər! Aŋe nənter əm mə, nəyəkse fər yam kirin!»

³⁶ Təm o tēm nte kaŋkəra kəncəmə mə, Musa oncloku: «Məluksərne, MARIKI! Məder nno cəgba ca asodar a Yisrayel aŋe nəncepər wul wul mə!»

11

Kəcəpəsne ka aka Yisrayel

¹ Aka Yisrayel nəcəpəsne pələrəm fər ya MARIKI kirin. Nte ene ti mə, kə pəntele kə. Kə nenc da MARIKI dowur nə dacə, kə dənəcəf sanja kəyefe tənjkubut han pa mərəŋ.

² Kə aka Yisrayel nəŋkule-kule kəwe Musa kədəmar nə. Kə Musa eltsene MARIKI, kə nenc denime.

³ K'awe kəfo kaŋkə tewe ta Tabera, ti təyone «Kətəye», bawo nenc da MARIKI dənacəf afum nə dacə.

⁴ Dəsək dələma sə, afum aləma nənayı aYisrayel dacə səm yebas nə, kə aka Yisrayel yati nəncop kəbok, nəcloku: «An'endesəŋ su səm yəsəm-e?»

⁵ Səncəm-cəmnə lop nye səncsəm kifəli Misira mə, kamkumbus, cəmbasoso, mərkət, ces kə yowurəne ya yi!

⁶ Ndekəl ŋ kəfi kə sənder! Yeri yələma yembas su, mba fər yosu yəfəŋəŋ paka o paka məne yeri ya man gbəcərəm!»

⁷ Awa, man mənawurəne kə məŋgben mefer.

⁸ Aka Yisrayel nəncsamsər kəwetəs ka mi, nəgbifəle mi masar kə pəyone fe ti-e dəkirir. Dəkarərə anccəŋ mi, kə pəyone fe ti-e palompse mi cəcom, mencyi dəkusə pəmə biskit mbə bəyə moro mə.

⁹ Kə kibi kənde kəctufər afum pibi dəsanja-e, man moctuf.

10 Kə Musa ene təkə afum ɲancbokene mə, nwe o nwe nde kor kən, nde dəkəberə d'abal ɲən. Kə pəntele MARIKI pəpəɲ, kə pəntəbət sə Musa.

11 Kə Musa eyif MARIKI: «Ta ake tə mənuɲksəre ina, wəcar kam pələc pelel pampə-ε? Ta ake tə məntəyən'em nənəfər-ε, nte mələk mes ma afum akanje fəp kə məsarəsər im mə?»

12 In'olompəs afum akanje fəp ba? In'okom ɲa nte məlok'im: «Məghəsne ɲa pəmə nte wəkombəra ɲghəsne kənaka mə, haɲ nde atəf ɲəkə mənadərme atem aɲan kəsəɲ ɲa mə?»

13 Deke ɲkələk səm nye indesəɲ afum akanje fəp mə? Bawo ɲambokər im ɲəcloku: «Məsəɲ su səm səsəm!»

14 Ifətam ina sona kəsare mes ma afum akanje fəp. Mes maɲan melelər im, ifətam mi kəsare.

15 Kə təyənə pələc pelel pampə pə məndenuɲksər im-ε, kə təyənə məyən'em nənəfər-ε, iletən'am mədif im oɲ, təsəɲ'em kətənəɲk pələc pampə məyi kəcəmbər im mə.»

16 Kə MARIKI oloku Musa: «Məlonkan'em abeki wəco camət-mərəɲ (70) aka Yisrayel, aɲe məncərəe kəyənə abeki kə atubuc mes a afum mə. Məkere ɲa nno aɲgbancan ɲəbərəne kə Kanu, ɲade ɲacəme nno kə mənə.

17 Indetor di ilok-lokər əm, indebelər əm Amera ɲem ɲepic, iyer ɲa ɲi, nte təɲsəɲe ɲamar əm kəsare mes ma afum akanje mə, təsəɲ'am kətəsəsare mi sona sam.

18 Nte təyənə ta afum mə, məloku ɲa: Nəpusne tetaalna, nəndəsəsəm səm, bawo nəmbokər MARIKI, nəcloku: «An'endesəɲ su səm nye səndəsəm mə? Sənayine pətət Misira!» MARIKI indesəɲ nu səm nəsəm.

19 Nəndəsəm yi, bafə dəsək din, bafə mata mərəɲ, bafə mata kəcəmət, bafə mata wəco, bafə mata wəco mərəɲ,

20 mba ɲof ɲin camcam haɲ səm yayəkə yocwur nu dəloləm, haɲ yeɲbəf nu, bawo nənce MARIKI nwe eyi nu daco, kə nəmbok fər yən kirin ɲəcloku: «Ta ake tə səwurəne Misira-ε?»

21 Kə Musa oloku: «Afum akanje ɲaɲkel im mə ɲambəp arkun wul masar camət-tin (600.000), kə məloku: «Indesəɲ ɲa səm yəsəm ɲof ɲin camcam!»

22 Ali padife afum akanje ɲkesiya, cir, kə cəna cosu, səm ya yi yeɲtəɲne ɲa ba? Andesəɲ ɲa lop ya dəkəba fəp, a yeɲtəɲne ɲa ba?»

23 Kə MARIKI eyif Musa: «Kəca ka MARIKI kəndebumpsəne oɲ ba? Məndənəɲk təkə ilok'əm mə kə təyənə tendeyi kə pəyənə təfədesəyi-ε.»

Kanu kələk dəAmerə ɲən kə kəyerəs abeki aɲe wəco camət-mərəɲ

24 Kə Musa owur, k'oloku afum moloku ma MARIKI. K'olonka abeki a Yisrayel aɲe wəco camət-mərəɲ (70), k'əncəmbər ɲa ɲakel aɲgbancan.

25 Kə MARIKI ontor dəkəp, k'olok-lokər Musa. Kə MARIKI əlek dəMusa Amera ɲəkə ənabər kə mə, k'eyerəs ɲi abeki aɲe wəco camət-mərəɲ (70). Nte Amera ɲɲe ɲendəɲbunje ɲa mə, kə ɲayefe kələk-loku cəsəyibe, mba katin kanəkə ɲbəcərəm kə tənəsətə ɲa.

26 Arkun mərəɲ, pacwe wəkin Eldad, kə wəkə Medad, ɲaɲyi dəsəɲka, kə Amera ɲɲe ɲəɲkə ɲogbunje ɲa, afum ɲə, analəm ɲa abeki a Yisrayel daco, mba ɲanawur fe ɲakə dəndo aɲgbancan ɲosoku dəsək dadəkə, kə ɲayefe kələk-loku cəsəyibe dəndo dəsəɲka.

27 Kə wətemp wələma eyəkə kəkəloku ti Musa: «Eldad kə Medad ɲayi kələk-loku cəsəyibe nde dəsəɲka!»

28 Kə Yosuwe wan ka Nun nwe ənəyənə wəmarsəne ka Musa kəyefe dətəmp dən mə, oloku: «Musa mariki mem, məməne ɲa!»

²⁹ Kə Musa eyif kə: «Kəraca kə mənyən'em ba? Ah, MARIKI pəyerəs afum ən fəp Amera nən, nte tənşəne nyanəne sayibə mə!»

³⁰ Kə Musa olukus nde dəsənka kə abeki aka Yisrayel akanə.

MARIKI eḡgbale aka Yisrayel bakərne

³¹ Kə MARIKI owurə afef nne nənayefe nde dəkəba mə, kə nender nḡgbale aka Yisrayel bakərne nde dəsənka kə cəsək ca si kəkət ka pəwanjəra pin camcam kəsək o kəsək, bemp yənadenşərene dəntəf deŋeci da kururu kəmerəŋ.

³² Dəsək dadəkə fəp, kə pibi fəp kə dəkəkəsək, afum nəcwətəs bakərne. Nwe enapice bemp yewətəs mə, enasətə tən tin pəcepər. Kə nance yi sanjka kəsək han kənəŋkər nte tənşəne yowos mə.

³³ Nte sēm yenasəryi nā dəcusu ta nantacəkəm yi mə, kə pəntele MARIKI nno aka Yisrayel nyanə mə. Kə MARIKI osute nā pucuy pəpəŋ.

³⁴ K'awe kəfo kanjka Kibərot Tawa, ti təyənə «Kufu ka tēbas», bawo dəndo anawup afum akə kəsəm sēm kənabas mə.

³⁵ Kə aka Yisrayel nyanəfe Kibərot Tawa kəkə ka Hacerot, kə nancəmbər di sanjka.

12

Miriyam kə Aruna nāfor Annabi Musa

¹ Awa, Aruna kə Miriyam nāfor Musa teta wəran wəkusi wəkə enalək kənence mə.

² Kə nəloku: «Musa ḡbəcərəm MARIKI olok-lokər ba? Bafə olok-lokər sə sənə?» Kə MARIKI ene ti.

³ Musa fum wənətəpənə banca enayi, enatorə banca pətəs afum a doru fəp.

⁴ Kə MARIKI oloku Musa, Aruna kə Miriyam: «Nəwur maas monu fəp nəkə nde anḡbancan nḡbəpənə kə Kanu. Kə nənəkə maas manjan fəp.»

⁵ Kə MARIKI ontor dəkəp, k'əŋkə pəcəmə nde dəkəbərə da anḡbancan nḡbəpənə, k'ewe Aruna kə Miriyam, kə nancəŋne mərəŋ manjan.

⁶ Kə MARIKI oloku: «Nəcənəkəl moloku mem ilətsənə nu! Kə fum eyi nu dəcə pəyənə sayibə-ə, inməntərne wəkayi dəsək, kə pəyənə fe ti-ə, ilok-lokər kə pibi kəwərəp disre.

⁷ Tenciyanə kə ta wəcar kem Musa fum nwe ilan teta yəbəc yem fəp mə əfə.

⁸ Dim dem yati d'inlək-lokərə kə ḡbasnə, ifəḡbərne kə, eŋnəŋk məyə mem mələma yati mme afum nantənəŋk mə. Ta ake tə nəntənəsənə kəfor Musa wəcar kem-ə?»

⁹ Kə pəntele MARIKI nno nyanə mə, k'olukus.

¹⁰ Kə kəp kəlüksərne sə anḡbancan kəron, kə sen səsumpər Miriyam, k'efere pəmə nte kibi kəntufər paka mə. Kə Aruna eŋkafələ nno Miriyam eyi mə. Sen səsumpər Miriyam dis dən fəp.

¹¹ Kə Aruna oloku Musa: «Mənəŋnə, mariki mem! İletsən'am, ta məsarsər su kiciya nke sənəciya dotəŋkulu disre mə.

¹² İletsən'am, ta pəyi pəmə wan nwe ankom pəfi mə, nwe dis dən dəsəmnə kəsək k'endewur kərə dəkor-ə!»

¹³ Kə Musa oloku MARIKI: «Kanu ilətsən'am mətaməs kə!»

¹⁴ Kə MARIKI oloku Musa: «Təcyənə a kas oyukər kə lin dəkəro-ə, k'eyinə fe malap məməkə han mata camət-mərəŋ ba? Pawurənə kə dəsənka mata camət-mərəŋ, kə tencepər-ə, anljukse kə sə.»

¹⁵ K'awurənə Miriyam dəsənka mata camət-mərəŋ. Aka Yisrayel nyanəfe fe kəkə han k'alukse kə sə dəsənka.

16 Nte tencepər mə, kə aka Yisrayel nəyəfə Hacerot kə nəhko nəndə nde teğbərə ta Paran.

13

Musa osom afum kəkətən yəkyək mes ma Kanan

1 Kə MARIKI oloku Musa:

2 «Məsom afum nəkətənəs mes yəkyək atəf nə Kanan nke isəh aka Yisrayel mə, məyek-yek kusunjka o kusunjka wərkun wəkin nwe əyənə wəkirin afum ən dəcə mə.»

3 Kə Musa osom afum akakə kəyəfə ka teğbərə ta Paran, pəmə təkə MARIKI enasom kə mə, fəp fəhan akirin nə nənayənə aYisrayel dəcə.

4 Mewe manjan mə mme:

Kusunjka ka Ruben: Samuya wan ka Sakur.

5 Kusunjka ka Simeyən: Safat wan ka Hory.

6 Kusunjka ka Yuda: Kaleb wan ka Yefune.

7 Kusunjka ka Isakar: Yikal wan ka Isifu.

8 Kusunjka ka Efrayim: Hose wan ka Nun.

9 Kusunjka ka Benyamin: Palti wan ka Rafu.

10 Kusunjka ka Sabulon: Kadiyel wan ka Sody.

11 Kusunjka ka Manase, wan ka Isifu: Kady wan ka Susy.

12 Kusunjka ka Dan: Amiyel wan ka Kemali.

13 Kusunjka ka Asər: Setur wan ka Mikayel.

14 Kusunjka ka Naftali: Naby wan ka Wofosi.

15 Kusunjka ka Kad: Kewel wan ka Maky.

16 Afum akanə nə Musa enasom kəkəkce atəf. Kə Musa ewe Hose wan ka Nun tewe ta Yosuwe*.

17 Kə Musa osom nə kəkəkəkce mes ma atəf nə Kanan, k'oloku nə: «Nəpərne ta Nəkəf, nəkə nəpə ta dəmərə.

18 Nəkə nəkəkce atəf nte nəyi mə: Afum anə nəyi ni mə, kə təyəne nəyə səkət, kə təyəne nəyə fə səkət-ə, nəcərə, kə təyəne nələ, kə təyəne nələ fə.

19 Nəten sə kəcərə kə təyəne atəf nətət nə kə təyəne atəf nəlec nə-ə, kə təyəne sədare səhan mopoc mopoc mə nəndə kə təyəne sədare səhan samba səhəci s'ankele si-ə.

20 Nəkəkce sə kəcərə kə təyəne antəf nəhan nəntese yəbəf, kə təyəne nəfətese yəbəf-ə, kə təyəne atəf nəhəkə nəyə tək, kə təyəne nəyə fə tək-ə. Nəbanse, nəpimənə yokom ya tək ya atəf nəhəkə, bawo təm ta kəpim ta yokom yəcəkəkəkə ya wən tə.»

21 Kə afum akakə anasom mə nəmpə, kə nəhko nətənəs yəkyək mes ma atəf nə Kanan, kəyəfə teğbərə ta Cin han dare da Rehob, nde dələtərne Lebo Hamat mə.

22 Kə nəmpərne ta Nəkəf, kə nəhko han Heberənə nde afum anəci yuruya ya Anak, Ahiman, Sesay kə Talmay, yənayi mə. Analə dare da Heberənə meren camət-mərən mecepər a padelə dare da Coyan ca Misira.

23 Kə nəhko han nde dəngbəl da Əskəl nde nənəgbinti anğbənəkələ nə wən kə acek nə pokom pa ni mə, kə nəseleyn yi kə afum mərən nəngbanne. Kə nəmpimənə sə yokom ya cəpare kə ya fik.

24 K'awe kəfo kanək dəngbəl da Əskəl, ti təyəne cəHebərə «Acek» teta acek nəhko aka Yisrayel nənapim di mə.

* 13:16 Tewe ta Yosuwe kə tewe ta Hose məntənne kəloku cəHebərə: «MARIKI əyac!»

Kəlukus ka asom, kə ɲander ɲələmər Musa təkə ɲananəjk di mə

²⁵ Nte mata wəco maɲkəle (40) mencepər mə, k'asom ɲalukus kəyefe atəf ɲəkə ɲanakə kətenəs mes yəkyaək mə.

²⁶ ɲandeberə, kə ɲanjə ndena Musa, Aruna kə kəlonkane ka aka Yisrayel fəp aɲe ɲayi Kadəs, nde teɟbərə ta Paran mə. K'asom ɲaloku Musa kə Aruna kə kəlonkane ka aka Yisrayel fəp təkə ɲananəjk mə, kə ɲamentərəne ɲa yokom ya tək ya atəf ɲanjəkə.

²⁷ Kə ɲələm: «Səɲkə nde atəf ɲəkə mənasom su mə. Atəf ɲobonɲu dale k'awop yati ɲə. Yokom ya tək ya di yə yaye!»

²⁸ Mba afum aɲe ɲayi atəf ɲanjəkə mə ɲayo fənəntər, sədare səɲan səmbək, k'anjəkəle si samba. Sənəjkə di yati yuruya ya Anak, afum aɲeci.

²⁹ Aka Amalek ɲandə Nəkəf. AHit, aYebus kə aka Amər ɲandə dəməro, kə aKanaɲ, ɲa ɲandə kəba kəsək kə ɟbər ya kəɲɟbəkə ka Yurden.»

³⁰ Kə Kələb əsəɲe afum kəcaɲk fər ya Musa kirin. K'oloku: «Pakə pabaɲ atəf, aɲkətam ɲa!»

³¹ Mba asom aləma akə ɲanakə kə ɲa mə, ɲaloku Musa: «Afətam kəkəsutene kə afum akaɲe, bawo ɲayo səkət ɲatas su.»

³² Kə ɲayefe kəloku pələc pa atəf ɲanjəkə aka Yisrayel fər kirin. Kə ɲaloku: «Atəf ɲɲe sənanəjkər kəkəkce mes ma di mə, atəf ɲə ɲɲe ɲendif afum aɲe ɲander kəndə di mə. Afum aɲe sənəjk di mə fəp, afum aɲeci ɲə.»

³³ Afum aɲe sənəjk di mə, ɲaɲec təcəmə. Aka yuruya ya Anak yə. K'ayi ɲa kəsək-ə, səɲyi pəmə cəntəɲɟe. Tatəkə yati tə ɲancnəjk su.»

14

Aka Yisrayel ɲafati kəberə Kanaɲ

¹ Kə kəlonkane ka aka Yisrayel fəp ɲayefe kəkule-kule, kə ɲambok piɲi fəp.

² Kə aka Yisrayel ɲancəpər Musa kə Aruna. Kə kəlonkane ka aka Yisrayel ɲaloku: «Kəfi kosu Misira kə pəyəne fe ti, kəfi kosu nno dəteɟbərə kəncepər kəfi kosu aterene asu dəwaca!»

³ Ta ake tə MARIKI eyi kəkəkəre su atəf ɲanjəkə pəkə pəsəɲe padife su sakma-ε? ɲasumpər-sumpər aran kə aka wələ wosu disre, aɲe andələm yofonət yanɲan daco mə! Kəlukus kosu Misira kəncepər fe tatəkə ba?»

⁴ ɲaclokeɲe taɲan: «Pacəmbər wəbe wəkin, palukus Misira!»

⁵ Musa kə Aruna ɲantontnəne MARIKI dəntəf kəlonkane ka aka Yisrayel fəp fər kirin.

⁶ Nte Yosuwe wan ka Nun kə Kələb wan ka Yefune akə ɲanakə kəkəkce mes ma atəf ɲalıp kəne moloku maməkə mə, kə pəntele ɲa haɲ kə ɲawal-wali yamos yanɲan.

⁷ Kə ɲaloku kəlonkane ka afum a Yisrayel fəp: «Atəf ɲanjəkə sənəjkər kəkəkce mes ma di mə, atəf ɲətət ɲə.»

⁸ Kə MARIKI əmbətər su-ε, emberse su atəf ɲanjəkə, pəsəɲ su ɲi. Atəf ɲə ɲɲe ɲombon dale k'awop mə!

⁹ Ta payəjkər MARIKI səbomp, ta panese sə afum a atəf ɲanjəkə katəna k'anjəkətam. ɲayo fe sə katəkər nke kəɲkump ɲa mə. MARIKI eyi kə səna. Ta nənese ɲa!»

¹⁰ Nte kəlonkane ka aka Yisrayel fəp kəloku kəca-cas Yosuwe kə Kələb mə, kə nəro da debeki da MARIKI dontor aka Yisrayel fəp fər kirin nde aɲɟbancan ɲebərəne kə Kanu.

Musa ontola MARIKI kəɲaɲne aka Yisrayel

11 Kə MARIKI oloku Musa: «Ake tɛm tɔ afum akanɛ ɲandesak kəcerəsne mes mem-ɛ? Ake tɛm tɔ ɲandefati kəgbəkər im kəlan-ɛ, ali nte imentər megbəkəre mɛwɛy-wɛy fər yanɲan kirin mə?»

12 Arom ɲ'indesonɲ ɲa, ibanɲər ɲa sɔ ke nke inaloku kəsɔɲ ɲa, mba mənə indeson'am kəyɔne kas ka atɔf ɲɔɔɲ ɲɲe ɲendebək ɲɔyɔ səkət ɲetas aka Yisrayel mə!»

13 Kə Musa oloku MARIKI: «Aka Misira ɲane a səkət sam sɔ mənəpənɛ afum akanɛ atɔf ɲa Misira,

14 kə ɲaloku ti afum aka atɔf ɲanɔkɔ. Kə aka Kananɲ ɲane nte: A mənə MARIKI məyi afum am daco, a mənɲentərne ɲa gbasɲa, a məckət ɲa fər kirin, məcbume ɲa kəp pəwanɲkəra disre, kə pibi disre nenc.

15 Kə mənɲifət afum akanɛ fəp katin-ɛ, afum a tɔf nyɛ ɲane pacloku tetam mə, ɲandeloku:

16 «MARIKI ɔfɔtam kəberse afum akanɛ atɔf ɲɲe enaderəm kəsɔɲ ɲa mə: Ti t'endife ɲa nde dətɛgbərə!»

17 Ndekəl ɔɲ, ilɛtsen'am fənɔntər fa MARIKI fəmentərne debeki dən disre pəmɔ təkɔ məloku ti mə.

18 Pəfɔtɛlɛ MARIKI katəna, k'ɛɲsektərne danapa, ɛɲɲanɲene kiciya kə kəyɛɲkər domp. Mba ɔfɔsəkpərə wəciya wətɔciya, pəsɔɲ kəway ka kiciya yuruya ya wəciya hanɲ dɛtɛmp da maas, dɛtɛmp da mənɲkələ.

19 Mənɲanɲe kiciya ka afum akanɛ ilɛtsen'am teta kəsəktərne danapa kam, pəmɔ nte mənələk kənɲanɲene afum akanɛ kəyɛfɛ Misira hanɲ nnɔ mə.»

20 Kə MARIKI oloku: «ɲanɲene ɲa teta moloku mam.

21 Mba inderəm kəyi kem doru kə nɔrɔ da debeki da MARIKI ndɛ dɛlarɛ doru mə:

22 Afum anɛ ɲananɲk nɔrɔ da debeki dem kə megbəkəre mme inawure Misira kə nde dətɛgbərə mə, mba ɲandəktər im hanɲ wəco kə ɲantɔcənɲəl,

23 nwe ɔ nwe ɲa daco ɔfɔdenɲk atɔf ɲɲe inaderəm kəsɔɲ atem anɲan mə. Ali wəkin akanɛ ɲanc'em mə ɲafɔdenɲk ɲi.

24 Mba bawo amera ɲələma ɲənayi Kalɛb wəcar kem k'elələs təkɔ inasom kə mə ta enesərne-ɛ, indekəbersɛne nkən atɔf ɲanɔkɔ ɔɲkɔ mə, yuruya yən yeban sɔ di.

25 Aka Amalɛk kə aKananɲ dəmɔrɔ daco ɲandɛ. Alna, nəlek dɔpɔ da dətɛgbərə kəkɔ kəca ka kəba ka Cənɲələma.»

MARIKI omboc kiti nnɔ aka Yisrayel ɲayi mə

26 Kə MARIKI eyif Musa kə Aruna:

27 «Kəlɔɲkanɛ ka afum alɛc akanɛ tɛm tere tɔ ɲandesak kəgbəkəl im-ɛ? Ine təkɔ aka Yisrayel ɲanɲgbəkəl im mə!»

28 Moloku ma MARIKI mə mame! Məloku ɲa nte: Inderəm kəyi kem doru, indeyɔ nu tətəɲne ta moloku məkɔ nəloku fər yem kirin mə.

29 Nnɔ tɛgbərə tante tɔ nənɲefi. Nəna fəp fonu anɛ analəm nəsɔtɔ meren wəco mɛrənɲ (20) hanɲ kəcepər ti mə, kə nənɲgbəkəl im mə,

30 nəfɔdeberɛ atɔf ɲɲe inadot kəca iderəm kədəs nu mə. Mɛnɛ Kalɛb wan ka Yefune kə Yosuwe wan ka Nun gbəcərəm ɲandekəberɛ di.

31 Kə awut anu anɛ nəloku: «Aɲkəsak ɲa pafonɲət mə,» inɲkəbersɛ ɲa di, ɲa ɲandekəcərə atɔf ɲanɔkɔ nəna nənce mə.

32 Kə nəna, nnɔ tɛgbərə tante tɔ nənɲefi.

33 Awut anu ɲandeyɔne akɛk yɔcɔl nde dətɛgbərə meren wəco mənɲkələ (40) disre, ɲa ɲandesarɛ kəway ka kiciya ka dɛyamayama donu, hanɲ nəclip kəfis-fis nnɔ dətɛgbərə.

³⁴ Kələm ka mataka məkə nənawon kəkəkce mes ma atəf ɲa Kanan ɲəkyək mə, it'əyənə mata wəco maɲkələ (40), nəndesərə kəciya konu meren wəco maɲkələ (40), dəsək o dəsək teren tin. Ti tendesəɲe nu kəcərə nte kəfatər kem kəyi mə.

³⁵ ɪna MARIKI, ilok-loku. Nəna kəlonkane ka afum aləc kə nəyənə, nətəɲn'em kəron. Awa, indərəm towurənə ta ti t'indeyə nu. Nnə tɛgbərə tantə tə nəndelip fəp, difə nəndefi.»

³⁶ Afum aɲe Musa ɛnasom kəkətənəs mes ɲəkyək atəf ɲa Kanan mə, kəluku kəɲan kə ɲander ɲələm pələc pa atəf ɲaɲəkə, kə təsəɲe kəlonkane ka aka ɲisrayel fəp kətəɲnə Musa kəron.

³⁷ Arkun akakə ɲanaləm pələc pa atəf ɲa Kanan mə, ɲafis-fis MARIKI fər kirin katəna bawo ɛnasute ɲa pucuy.

³⁸ Afum akə ɲanakə kəkəkce mes nde Kanan mə fəp ɲanafi, mənə ɲosuwe wan ka Nun kə Kələb wan ka ɲefunə ɲanacəmə oɲ.

Aka ɲisrayel ɲaɲkət nte MARIKI ɔntəsom ɲa mə

³⁹ Kə Musa oloku mame aka ɲisrayel fəp, k'afum ɲaɲkəkərə kəbal kəron.

⁴⁰ Ali nte MARIKI ɛnatəsom ɲa kəkə mə, kə ɲayefe bətbət suy kəpərne ka ntende dəməɔ, ɲacloku: «Kəpərne kə səndə kəfo nke MARIKI oloku teta ki mə: A sənciya!»

⁴¹ Mba Musa oloku: «Ta ake tə nəɲsake mosom ma MARIKI-ɛ? Tante təfəkət.

⁴² Ta nəpərne! MARIKI eyi fə nu daco. Ta nəsəɲe atərənə anu kəkəsut nu.

⁴³ Aka Amalek kə aKanan ɲayi tekirin tonu, sakma s'andəkədifte nu. Bawo nəɲgbaymə nnə MARIKI eyi mə, əfədeyi nu daco.»

⁴⁴ Kə ɲantaɲ ləɲəs kəpə ka nde dətəɔ kəron. Mba Musa kə kəɲkərə ka danapa da MARIKI kə aka ɲisrayel ɲanayefe fə saɲka disre.

⁴⁵ Awa, aka Amalek kə aKanan aɲe ɲanandə dəndə dəməɔ mə ɲantor. Kə ɲasut aɲisrayel kə ɲambələs ɲa haɲ Horma.

15

ɲopocə nyə ɲəncəmbər ɲolonɲe mə

¹ Kə MARIKI osom Musa:

² «Məloku aka ɲisrayel nte: Kə nəɲkəbərə atəf ɲəkə nəɲkəndə mə, atəf ɲɲe isəɲ nu mə,

³ kə nəndəkə nəccəfə MARIKI ɲolonɲe-ɛ, təyənə pəcəl pəcəl, təyənə kəlonɲe ka kədəɛəm ka kətola tes, kə pəyənə fə ti kəlonɲe ka kəpocə abəkəc ɲosoku pəs, kə pəyənə fə ti ɲolonɲe nyə nəɲkərə MARIKI tɛm ta cəsata conu cəpəɲ mə, ɲəyənə cəna, kə pəyənə fə ti ɲkesiya, cir nte təɲsəɲe nəcsəɲe MARIKI kəne ambənc ɲobotu mə,

⁴ mənə nwe məndeləɲn'em pəcəl mə, pəkərən'em sə kəmbefe kətət kilo kəmaas panəktərənə ki moro liter din kə daco teta kəlonɲe ka məɲgben.

⁵ Pəkərə sə wən liter din kə daco, kə təyənə pəkərə aɲkesiya ɲorkun kədelonɲe polonɲe pəcəfə MARIKI kə pəyənə fə ti-ɛ, kəlonɲe kələma.

⁶ Kə təyənə pəclonɲe aɲkesiya ɲorkun-ɛ, pəkərənə kəmbefe kətət kilo camət-tin pənəktərənə ki moro liter məɛəɲ teta kəlonɲe ka məɲgben,

⁷ pədeɲər sə kəlonɲe ka wən liter məɛəɲ, ambənc ɲa kəlonɲe kəɲkə ɲontore-tore MARIKI abəkəc.

⁸ Kə təyənə məčkərə tura towut teta polonɲe pəcəl, kə pəyənə fə ti kəlonɲe ka kədəɛəm kətola tes, kə pəyənə fə ti kəlonɲe ka kəpəɲnə pəforu nnə MARIKI eyi mə-ɛ,

⁹ pəkereɛe kə wana, polonɛ pa mənɟben pa kəmbefe kətət kilo camət-manɟkəle panəktərəne kə moro liter maas,

¹⁰ pəkereɛe sə kəlonɛ ka wən liter maas. Ambənc ɲa yolonɛ yayəkə ancəfe MARIKI mə ɲontore-tore kə abəkək.

¹¹ Təyɔ tin tatəkə ta aɲyone tura nte o nte, aɲkesiya ɲorkun ɲɛ o ɲɛ, ambiyofə kə aɲkesiya ɲorkun ɲa teren tin ɲɛ o ɲɛ.

¹² Nəntam kəkere yəcəl yələram kə pəyone fe ti-ɛ yəcəl yepic, mba nəcdeɲər ca yayə fəp, pəcəl mpe o mpe nəndekə kəlonɛ mə.

¹³ Tante tə nwe o nwe aɲkom aYisrayel daco mə ɲacəme sariye sanɟe darəɲ kə ɲande kəkere yolonɛ nyə ancəfe MARIKI mə, ambənc ɲa yi ɲotore-tore MARIKI abəkək.

¹⁴ Təyone detemp donu fəp, wəcikəra nwe owon kənde nu daco, kə nwe eyi kəsepərəne tem tepic nu daco mə, fəp fəɲan ɲacəme təyɔ tin tante darəɲ pəmə nəna. Kə ɲande ɲəkere yolonɛ nyə ancəfe ina MARIKI mə, ambənc ɲa yi ɲotore-tor'em abəkək.

¹⁵ Sariye sin sasəkə səndeyone sa aka Yisrayel fəp, kə sa acikəra akə ɲayi nu daco mə. Sariye sa doru o doru sə detemp donu fəp. Kəɟbey kəyi fe wəYisrayel kə wəcikəra daco MARIKI fər kirinɟ.

¹⁶ Sariye sin ɟbon səndeyi, kə dəpə din nno aka Yisrayel ɲayi mə kə nno acikəra aɲe ɲayi nu daco mə.»

Kəlonɛ ka cəcom cəcəkə-cəkə

¹⁷ Kə MARIKI osom Musa:

¹⁸ «Məloku aka Yisrayel: Kə nəndekəberə atəf ɲɛ indekəberse nu mə,

¹⁹ kə nənde kəcsom cəcom ca atəf ɲaɲəkə-ɛ, pəmar nəbele MARIKI cələma.

²⁰ Pəmə təkə ambeli mənɟben nde dəkur, tem ta kəsepər mə, nəbeli kəmbefe kətep kəcnəkət, nəlompse ki kəcom kəlok-lok teta kəlonɛ ka mənɟben monu məcəkə-cəkə pəmə təkə aɲlonɟ'em mənɟben kəsepər mə.

²¹ Nəde nəcsəɲ kəcom kəpəc kəcəkə-cəkə MARIKI, sariye sa detemp kə detemp donu sə.»

Kəlonɛ ka kiciya kətəyefene

²² «Kə təyone kətəyefene disre ta nəɲkətene mosom mame fəp mme MARIKI osom Musa mə,

²³ mes fəp mme MARIKI osom nu, kəkək dəsək nde MARIKI enasom Musa nno nəyi mə, awut anu kə awut-sə anu,

²⁴ kə təyone kətəyefene disre k'ayone tes tatəkə, ta kəlonkane ka aka Yisrayel kəncəre ti-ɛ, kəlonkane kəɲan fəp ɲəkere tura mpe ancəfe MARIKI mə, ambənc ɲa pi ɲontore-tore MARIKI abəkək. Nədeɲər sə kəlonɛ ka mənɟben kə ka wən pəmə təkə sariye səloku ti mə, kə ambiyofə ɲin teta kəlonɛ ka kiciya.

²⁵ Wəlonɛ pətubucne kəsəkəs ka kəlonkane ka afum a Yisrayel kiciya kəɲan, aɲɲaɲne ɲa ki. Bawo kəciya kəɲayi nke ɲanatəyefene mə. Kə ɲaɲkere kəlonɛ nke ancəfe MARIKI mə, ɲaɲkere sə kəlonɛ ka kiciya MARIKI fər kirinɟ teta kiciya kəɲan.

²⁶ Aɲɲaɲne kəlonkane ka afum a Yisrayel kə acikəra akə ɲayi ɲa daco mə, bawo kiciya ka afum fəp kəɲayi nke ɲanatəyefene mə.

²⁷ Kə təyone a fum wəkin eciya kətəyefene disre-ɛ, wəkayi pəkere wir weran wa teren tin teta kəlonɛ ka kiciya.

²⁸ Wəlonɛ pətubucne kəsəkəs wəsəle nwe enciya mə kiciya kəɲ MARIKI fər kirinɟ. Kə wəlonɛ ontubucne kəsəkəs kə kiciya kəɲ-ɛ, aɲɲaɲne kə ki.

²⁹ Nte aɲɔ kəciya disre ta eyefene ti mɔ, sariye sin sɔ nnɔ aka Yisrayel kɔ acikəra aɲe ɲayi nu daco mɔ.

³⁰ Mba kɔ fum wələma wəka Yisrayel kɔ pəyɔne fe ti wəcikəra enciya kəyefene disre-ε, ɔlməs MARIKI, aɲwure wəkakɔ afum ɔn daco.

³¹ Fum wəkakɔ efər-fərəs toloku ta MARIKI, k'ence tosom tɔn, aɲwure wəkakɔ afum ɔn daco pəsare sɔ kiciya kɔn.»

Kalasər sariye sa dəsək nde MARIKI osom kəɲesəm mɔ

³² Nte aka Yisrayel ɲanayi nde dətəgbərə mɔ, k'əɲkɔ pəbəp wərkun wələma pəcwetəs tək simiti dəsək da kəɲesəm nde ampuse MARIKI mɔ.

³³ Afum akɔ ɲanabəp kɔ pəcwetəs tək mɔ, ɲakekərə kɔ nde Musa, Aruna kɔ kəlonkane ka aka Yisrayel fəp fər kirin.

³⁴ Pameɲk fum nwe kəfo nke ɔntɔtam kəmulpe mɔ, bawo antatəɲne fe nte o nte andeyɔ kɔ mɔ.

³⁵ Kɔ MARIKI oloku Musa: «Fum wəkawe mēne padif kɔ, kəlonkane ka aka Yisrayel fəp ɲaca-cas kɔ nde saɲka todoru.»

³⁶ Kəlonkane fəp ɲawurene kɔ saɲka todoru, ɲaca-cas kɔ, ti disre pəfi pəmɔ təkɔ MARIKI osom ti Musa mɔ.

Yewes-wesi ya yamos ya aloɲne tantɔf

³⁷ Kɔ MARIKI osom Musa:

³⁸ «Məloku aka Yisrayel, a dətəmp daɲan fəp ɲade ɲawes-wesi yamos yaɲan tantɔf, ɲacber bənda ya alom ɲa məntambenc.

³⁹ Yewes-wesi ya yamos yonu yɔ. Nəde nəcməmən yi, nəccəm-cəmne mosom ma MARIKI, nte təɲsəɲe nəcəme mi darəɲ mɔ. Ta nəde nəccəm-cəmne mēfan ma bəkək yonu kɔ ma fər yonu, nyε yəɲsəɲe nu kəsak ka kəbət ka Kanu nəcəme canu cəcuru darəɲ mɔ.

⁴⁰ Nənde nəccəm-cəmne mosom mem, nəcəme mi darəɲ. Nəyɔne afum acempi aɲe ampusem mɔ.

⁴¹ MARIKI iyɔne Kanu konu. In'ɛnawurene nu Misira ideyɔne Kanu konu. MARIKI iyɔne Kanu konu.»

16

Kore k'asol ɔn ɲancəme Musa dəbəkək

¹ Kore wan ka Yichar, wansɔ ka Kehat wəka kusunka ka Lewy, kɔ Datan kɔ Abiram awut a Eliyab, kɔ ɔɲ wan ka Pelet aka kusunka ka Ruben,

² ɲancəme Musa dəbəkək, kɔ afum masar mēɔɲ kɔ wəco kəcəmət (250) aka Yisrayel ɲasol kɔ ɲa. Arkun aka mewe məpəɲ ɲɔ ɲanayɔne kəlonkane kəɲkɔ.

³ Kɔ ɲaɲmēpne Musa kɔ Aruna, kɔ ɲalok-lokər ɲa: «Tante tēntəɲne su ɔɲ! Afum a kəlonkane ka Yisrayel fəp, ampuse ɲa MARIKI, kɔ MARIKI eyi ɲa daco. Ta ake tɔ nədotne nnɔ kəlonkane ka MARIKI kəyi mɔ-ε?»

⁴ Nte Musa enane moloku maməkɔ mɔ, kɔ mosumpər kɔ pəpəɲ, k'ɛntəmpene dəntɔf, k'ɛncəpe MARIKI tobu.

⁵ K'oloku Kore kɔ kəlonkane kɔn fəp: «Alna bətbət MARIKI endenasəɲe kəcəre nwe ɔyɔne wəkɔn, nwe encemp, nwe entam kəlotərne kɔ mɔ, ɛɲsak wəkɔ eyək-ye k mɔ pəlotərne nde eyi mɔ.

⁶ Nəyɔ nte, mənə Kore kɔ kəlonkane kam fəp, nəlek map məcəfe suray.

⁷ Alna nəber mi meken kɔ suray fər ya MARIKI kirin. Wərkun nwe MARIKI endeyək-ye k mɔ, nkɔn ampuse kɔ. Nənə nəɲgbəf im, Yuruya ya Lewy!»

⁸ Kɔ Musa oloku Kore: «Nəcənkəl, iletse ne nu awut-sɔ a Lewy!»

⁹ Təntənjne fə nu nte Kanu ka Yisrayel kəyək-yek nu taciņa kəlonkane ka aka Yisrayel daco, kə owoşə nəna kəlotərne, nətəmpər yəbəc yən nde dəkiyi dosoku teta kəlonkane ka Yisrayel mə?

¹⁰ MARIKI owoşə mənə Kore kə awənc əm anja aLewy fəp kəlotərne kə, kə nəjwe sə kəyənə ka alojnə!

¹¹ Ti təsojnə nte mənə kə kəlonkane ka afum fəp nəyerəkər MARIKI səbomp mə! Anə Aruna əyənə-ε, nte nəndecəmə kə dəbəkəc mə?»

¹² Kə Musa osom fum wələma kəkəwe Datan kə Abiram awut a Eliyab. Mba kə njaloku: «Səfəpe!

¹³ Pəntənjne f'am nte məmpənə su kəyefe atəf njəboju dale k'awop mə, mədəfəf su nno dətegbərə? Kə məfan sə kəsəjnə dəbe?»

¹⁴ Ala! Bafə atəf njəboju dale k'awop njə məjkerə su. Məyer fə su dale kə njəbəkəbə ya wən yəyənə yosu! Məcəm-cəmnə a atənəjk njə səyənə ba? Səfati, səfəder!»

¹⁵ Kə pəntələ Musa pəpəj, k'oloku MARIKI: «Ta məban yolojnə yanjan! Paka o paka intabanər fə njə, ali səfale, ali katin intayə fə wəkin tes teləc.»

Kətərəs ka Kore kə acəməne ən

¹⁶ Kə Musa oloku Kore: «Mənə kə kəlonkane kam fəp, nəkə alna MARIKI fər kirinj kə Aruna.

¹⁷ Nwe o nwe pətəmpərəne tap pəber pi suray, pəkə pəmentər pi MARIKI. Ti təjkəsəj map masar mərəj wəco kəcəmət (250). Mənə kə Aruna nənə sə nəkenənə map monu.»

¹⁸ Dəckəsək Kore kə kəlonkane kən njalek nwe o nwe tap tən, kə njamber mi meken, kə njandəjər suray takəronj kə njəjkə dəkəberə da anğbancan njəbərəne kə Kanu, kə Musa kə Aruna.

¹⁹ Kə Kore olojka kəlonkane kən fəp nde dəkəberə da anğbancan njəbərəne kə Kanu, k'ənjəbjər njə nno Musa kə Aruna njayi mə.

Gbəncana babəkə, kə nərə da debeki da MARIKI dowurər kəlonkane ka aka Yisrayel fəp.

²⁰ Kə MARIKI oloku Musa kə Aruna:

²¹ «Nəgbeyne kəlonkane k'afum akanə imələk njə katina!»

²² Mba Musa kə Aruna njəncəp mobu dəntəf kə njantola Kanu njacyif: «O Kanu, mənə nwe məsəj kəjəsəm yeyi wəyənə ya doru fəp mə! Fum wəkin enciy'am, pəndetel'am nno kəlonkane k'afum fəp kəyi mə ba?»

²³ Kə MARIKI oloku Musa:

²⁴ «Mələku kəlonkane ka afum a Yisrayel: Nəbələne cəbal ca Kore, Datan kə Abiram nde njandə mə!»

²⁵ Kə Musa eyefe k'əjkə pəbəp Datan kə Abiram, abeki a Yisrayel njəcəmə kə darəj.

²⁶ Kə Musa oloku kəlonkane ka afum a Yisrayel: «İlətsənə nu nəbələ cəbal ca afum aləc bəkəc akanə, ta nəgbunənə sə daka nde o nde dəyənə danjan mə, ta təsojnə nədefinə teta kiciya kəjan.»

²⁷ Kə aka Yisrayel njəmbələ cəbal ca Kore, Datan kə Abiram.

Datan kə Abiram njawur kə njəcəmə nde dəkəberə da cəbal cəjan kə aran anjan, kə aka wəbə wəjan disre fəp.

²⁸ Kə Musa oloku: «Tantə tendəsəjə nu kəcərə a MARIKI osom im kədəyo mame fəp. Ali tes ifələkərne kəyo inasərka.

²⁹ Kə afum akanə njafi pəmə təkə afum alpəs njəfji mə, ta njəfinə pəwəy-wəy-ε, bafə MARIKI osom im.

³⁰ Mba kə MARIKI əyə tes təwey-wey, kə antəf ηewani kusu ηemer afum akanə kə daka danjan, ηayi wəyeη a ηackə dabiya-ε, tənşəηe nu kəcərə a afum akanə ηafani MARIKI.»

³¹ Musa endelip moloku mən kə antəf ηeηgbere ηa dəntəf.

³² Kə antəf ηewani kusu, kə ηemer Datan, Abiram, afum anjan, asol a Kore fəp kə daka danjan.

³³ Kə ηantor dabiya ηayi wəyeη, ηa kə daka nde dəyənə danjan mə. Kə antəf ηemət ηa, kə ηaməlke kəlonkane ka aka Yisrayel daco.

³⁴ Aka Yisrayel anə ηanayi ηa kəsək mə fəp, ηayekse nte afum anə ηanckule-kule mə, ηacloku: «Ta antəf ηemer su!»

³⁵ Gbancana babəkə kə MARIKI owure nenc, kə dənəcəf arkun masar mərəη kə wəco kəcəmət (250) anə pənətəmar kəcəf suray mə.

17

Map məcəfe suray ma acəmene a Kore

¹ Kə MARIKI osom Musa:

² «Məloku Elasar wan wərkun wəka Aruna wəlonne, a pəliη map nenc daco, pələm meken pəbəle, bawo ampus map maməkə.

³ Map ma arkun anə ηanaciya akə ηafine teta kiciya kəηan mə, nətempəs mi, nətəpəs tetek tolonne. Bawo anamentər mi fər ya MARIKI kirin, tənşəηe kə məyənə mopus, mendeyənə tegbekərə nnə aka Yisrayel ηayi mə.»

⁴ Elasar wəlonne ewetəs map ma kəpər mme akə nenc dənadifte teta kiciya kəηan ηanamentər mə, k'entempəs mi, k'antəpəs mi tetek tolonne.

⁵ Təyənə təcəmcməs ta aka Yisrayel, nte tənşəηe nwe o nwe əntəyənə wəlonne, wərkun nwe o nwe əntəyənə yuruya ya Aruna mə, əfomentərne kəmət ka suray MARIKI fər kirin, ta pədeyi pəmə Kore kə kəlonkane ka acəmene ən, tantə tə MARIKI enasom Musa kəloku.

Aka Yisrayel ηancəpene teta Musa kə Aruna

⁶ Dəckəsək, kə kəlonkane ka aka Yisrayel fəp ηayefe kəcəpene teta Musa kə Aruna, ηacloku: «Nən'əsəηe afum a MARIKI kəfis-fis!»

⁷ Nte aka Yisrayel ηanclənkane teta Musa kə Aruna mə, nte ηanatefərne anğbancan ηebəpene kə Kanu mə, kə kəp kəηkump ηi, kə nərə da debeki MARIKI dowurər ηa.

⁸ Musa kə Aruna ηəηkə nde anğbancan ηebəpene tekirin.

⁹ Kə MARIKI oloku Musa:

¹⁰ «Nəbələnə kəlonkane kəηke, imələk ηa katin!»

Musa kə Aruna ηancəp mobu dəntəf.

¹¹ Kə Musa oloku Aruna: «Mələk tap məber pi meken ma tetek tolonne məber pi suray, məkə katəna nde kəlonkane ka aka Yisrayel ηayi mə, məkə mətubucne kəsəkəs ηa kiciya kəηan. Mətəle mender MARIKI, pələc peyenki poncəp!»

¹² Kə Aruna əlek tap, pəmə təkə Musa ənaloku kə ti mə, k'eyekse alənkane daco. Pələc pənəcəp nnə afum ηayi mə. K'ember suray k'ontubucne kəsəkəs aka Yisrayel kiciya kəηan.

¹³ Aruna pəcəmə afi kə ayi wəyeη daco, kə pələc pesake.

¹⁴ Pələc pəpəkə pənadif afum wul wəco kə maηkəle, masar camət-mərəη (14.700), ta ələm afum akə ηanafi teta Kore disre mə.

¹⁵ Kə Aruna ender nnə Musa eyi mə, nde dəkəbərə da anğbancan ηebəpene kə Kanu, kə pələc pesake.

Kəgbo ka Aruna

¹⁶ Kə MARIKI oloku Musa:

¹⁷ «Məloku aka Yisrayel: Məwər ɲa kusunƙa o kusunƙa kəgbo kin, wəkiriƙin ka kusunƙa o kusunƙa pəsən əm kəgbo kin, ti tɔyənɛ cəgbo wəco kə mɛrən. Məciɛ tewe ta kusunƙa o kusunƙa kəgbo kəɲan kəronj.

¹⁸ Məciɛ tewe ta Aruna kəgbo ka aLewy. Wəkiriƙin ka kusunƙa o kusunƙa endeyo kəgbo kin.

¹⁹ Məboc cəgbo cacəkə nde aɲgbancan ɲɛbəpənɛ disrɛ, nde kanƙərə tekiriƙin nke kəmentər danapa da MARIKI kə aka Yisrayel, nde imbəpənɛ kə nənə mə.

²⁰ Wərkun nwe indeyɛk-yɛk mə, kəgbo kən kəndepən. Ti disrɛ indesənɛ aka Yisrayel kəsak kəcəpənɛ tetonu.»

²¹ Kə Musa osom aka Yisrayel nte: Akiriƙin a cusunƙa fəp ɲasən kə kəgbo kin, wəkiriƙin o wəkiriƙin kəgbo kin ti tənən cəgbo wəco kə mɛrən. Kəgbo ka Aruna kənayi cəgbo cacəkə daco.

²² Kə Musa omboc cəgbo fəp MARIKI fər kiriƙin nde aɲgbancan ɲɛ ɲoyo kanƙərə nke amənƙ walakɛ nwe wementər danapa da MARIKI kə aka Yisrayel mə.

²³ Dəckəsək, nte Musa embɛrɛ nde aɲgbancan ɲosoku disrɛ mə, kəgbo ka Aruna, nke kəyənɛ ka aka kusunƙa ka aLewy mə, kəpon. Kənaɲbuc kə kəsən yelɛƙ, kə kəwure yokom yololu.

²⁴ Kə Musa owure cəgbo fəp MARIKI fər kiriƙin, k'ementər ci aka Yisrayel fəp, kə ɲanənƙ kə nwe o nwe ɛlek kəgbo kən.

²⁵ Kə MARIKI oloku Musa: «Məlukse sɔ kəgbo ka Aruna nde kanƙərə nke kəmentər danapa dem kə aka Yisrayel mə, nte tənənɛ pamənƙ ki di teta tɛgbəkərə ta ayənƙi səbomp. Ti disrɛ mənɲamse ɲa kəcəpənɛ tetem, təsənɛ ɲa sɔ kətəfi.»

²⁶ Kə Musa ɔyɔ təkə MARIKI ɛnasom kə mə, kə teyi tatəkə.

Yɛbəc ya alonɲɛ kə aLewy

²⁷ Kə aka Yisrayel ɲaloku Musa: «Tosu telip, səna səsələ, fəp fosu səsələ!

²⁸ Nwe o nwe ɔɲlətərɛ dəkiyi dosoku da MARIKI mə, ɛnfi! Tante tɔ səndelip kəfis-fis fəp fosu ba?»

18

¹ Kə MARIKI oloku Aruna: «Məna, awut am kə aka kələ kam disrɛ nən'endesare kiciya nke o nke aɲyɔ nnɔ aɲɲip ɲosoku mə. Məna kə awut am nən'endesare kiciya nke nnɔ yɛbəc ya wəlonɲɛ yeyi mə.

² Məsak sɔ awɛnc əm aɲa aLewy, aka kusunƙa ka wisi ɲələtərɛ aɲɲip kə məna. Nədəkə ɲacmar əm, mba məna kə awut am, nən'endəkə nəccəmə aɲgbancan ɲɛ kanƙərə nke kəmentər danapa dem kəyi mə tekiriƙin.

³ Awɛnc əm aɲa aLewy ɲandebum yɛbəc yam kə ya daɲgbancan, mba ɲafode ɲələtərɛ yosumpər-sumpər yopus kə tetek tolonɲɛ. Ti disrɛ nənə kə ɲa nəfəfi.

⁴ Nəndey'əm kəsək ɲacmar əm yɛbəc ya nde aɲgbancan ɲɛbəpənɛ kə Kanu fəp. Ali fum wəcuru ɔlətərɛ nu.

⁵ Kə nənə yɛbəc ya nde deɲɲip yɔ nəndeyi kə ya tetek tolonɲɛ. Ti disrɛ mɛtɛle ma Kanu məfəsəyi nnɔ aka Yisrayel ɲayi mə.

⁶ Ina, ɛlek awɛnc əm aɲa aLewy aka Yisrayel daco: Akemi ɲɔ, k'isən nu ɲa nte tənənɛ ɲacbəc yɛbəc ya nde aɲgbancan ɲɛbəpənɛ kə ina mə.

⁷ Mba məna Aruna kə awut am nəsumpər yɛbəc yonu ya alonɲɛ nde dətetek tolonɲɛ kə ya nde deɲɲip nde kəloto kəkənƙɛ tadarən. Ina Kanu isən nu yɛbəc yayəkə. Kə fum wəcuru ɔlətərɛ kəfo kəpus kanƙə-ɛ, mɛnɛ padif kə.»

Yəsətə ya alohne

⁸ Kə MARIKI oloku Aruna: «İna, isəh əm kətəmpər teta yolohe ne aka Yisrayel nəmpus'em mə fəp. İsəh əm yi məna kə awut am, yendeyəne ya awut am doru o doru.

⁹ Yeri ne yendeyəne ya məna ca yopus daco ne antəcəf mə: Yolohe yanən ya məngbən fəp, yolohe ya kiciya kə yolohe ya kələmpəs ka kiciya ne aka Yisrayel nənde nəker'em mə. Ca yosoku ne ande pacpuse MARIKI mə, yam yə, kə awut am arkun.

¹⁰ Mədi yi pəmə daka dosoku nde ampuse MARIKI mə. Arkun a yuruya ya Aruna fəp nəntam yi kədi. Məde məcleləs sariye sa yeri ne ampuse MARIKI mə.

¹¹ Ne yendeyəne yam: Nənde nəcsətə kəsək ka daka nde aka Yisrayel nənde nəker'em, yolohe ne antubucne kəsəh im mə. İmpocə nu yayəkə doru o doru, məna kə awut am arkun kə awut am aran. Aka kələ kam disre fəp, nwe o nwe əhsək mə, entam kədi yeri yayəkə.

¹² İsəh əm yokom yəcəkə-cəkə ne aka Yisrayel nənde nəkerə MARIKI mə: Yeri yətət ya moro ma olif, ya wən kə ya məngbən fəp.

¹³ Yokom ya tək yəcəkə-cəkə ya dətəf ne nənde nəkerə MARIKI mə, yam yende yecyi. Nwe o nwe əhsək aka kələ kam disre mə, entam yi kədi.

¹⁴ Mpe o mpe pə aka Yisrayel nənde nəcsəh im mə, afətəm kəwurus pi, pam pende pecyi.

¹⁵ Nwe o nwe əyəne wan wəcəkə-cəkə wəka kere afum kə yəcəl daco, nwe ənkerə MARIKI mə, wəkam enyi. Mba wan wəcəkə-cəkə wəka fum kə wəka pəcəl pətəsək ande pacwurus'am nə.

¹⁶ Kəway ka kəwurus nke ande pacwurus'am nə mə kəyəne: Wan wərkun wəka nəf nəh gbeti məncəmbəl kəcamət təcəmbəl mpe o mpe pəyə kəram wəco, pəmə kəway ka gbeti nke kəyi nde ənğbip nəsoku mə.

¹⁷ Mba afəwurus wan wəcəkə-cəkə wəka wana, wəka ənkesiya kə wəka wir, ampuse yi MARIKI, nkən ənlohe yi. Mecir ma yi mə mənde məcwəsəsər tetek tolohe, məccəfe sə MARIKI moro ma yi, ambənc nəhəkə nəntore-tore kə abəkək.

¹⁸ Səm ya yi, yam yə, pəmə kəmpəcpəc nke atubucne kəsəh MARIKI kə alənk nə kəca kətət mə.

¹⁹ İsəh nəna alohe daka nde o nde aka Yisrayel nənde nəbele MARIKI dəyolohe ne ampuse kə mə. Yeri yonu yə yayəkə, məna Aruna, awut am arkun kə aran kə doru o doru. Danapa da mər də səsek məna kə yuruya yam doru o doru.»

²⁰ Kə MARIKI oloku Aruna: «Məfədeyə ke atəf nəhən, məfədesətə tofokəl nə daco. İn'əyəne ke kam kə tofokəl pam aka Yisrayel daco.»

Yəsətə ya aLewy

²¹ Kə MARIKI endənər sə kələku: «İsəh aka kusənka ka aLewy ke, farile fəp Yisrayel disre kəway ka yəbəc yəkə nəmbəc nde ənğbancan nəbəpene kə Kanu mə.

²² Aka Yisrayel nəfəsələtərne ənğbancan nəbəpene kə Kanu, nte tənşəne ta nəsarərne kiciya, nəfi mə.

²³ ALewy nətəmpər yəbəc ya nde ənğbancan nəbəpene kə Kanu, nə nəhsare sə kiciya nke nənciya di mə. Sariye sa doru o doru sə, sa dətəmp kə dətəmp. ALewy nəfəsətə ke aYisrayel daco.

²⁴ İsəh aLewy ke nke kəyəne farile nfe aka Yisrayel nəmbəle MARIKI mə. İt'əşəne nte ilokə tetənən, a nəfəsətə ke aka Yisrayel daco.»

²⁵ Kə MARIKI osom Musa:

26 «Mələku aLewy: Kə nənde nəcsətər aka Yisrayel farilə nfe isəñ nu yəsəto yañan disrə, yəyənə kə konu mə, nəwure pebelər pa MARIKI farilə fa farilə.

27 Ande pachele MARIKI farilə fafəko pəmə nte ambele kə menğben nde dəkur kə wən wofu nwe ambele nu dapampə nde anfcəs wi mə.

28 Tatəko tə nənde nəcyə, nəna sə nəcbele MARIKI farilə dəca fəp nyə aka Yisrayel ɳande ɳacsəñ nu mə, nəna sə nəcsəñ farilə nfe nənde nəcwure teta MARIKI mə Aruna wəloñne.

29 Dəyopocə fəp nyə aɳsəñ nu mə, nəcbele MARIKI popoc pətət pa yi, nəpuse kə pi. Dəca yətət fəp nəcbele popoc popus.

30 Mələku sə aLewy: Kə nəmbelə yi MARIKI-ə, nəmenjkərne yəlpəs. Nəntam kəmenjkərne yi pəmə nte aYisrayel ɳaɳmenjkərne yəlpəs ya menğben, ya wən wofu kə ya moro ma olif mañan. AYisrayel kə aLewy, tin tayi tə.

31 Nəntam yi kədi mofə fəp, nəna kə aka kələ konu disrə: Kəway ka yəbəc yonu kə, yəko nəmbəc nde aɳbancan ɳəbəpənə kə Kanu mə.

32 Tatəko təfəsəñe nu kəsarə kiciya nkə o nkə, kə nənde nəclip kəbeli yətət, ta nəfulus yoloñne yopus ya aka Yisrayel-ə, nəfəfinə ti.»

19

Kəlompəs ka domun nde dəɳsəkəs mə

1 Kə MARIKI oloku Musa kə Aruna:

2 «Nte t'ancic dəsarıyē sa MARIKI nse ɳncəmbər mə: Mələku aka Yisrayel, a ɳaker'am wana weran weyim nwe wəntəyo dolokəp, nwe wentatədəndə kel mə.

3 Nəsəñ wi Elasar wəloñne, pəwurene wi dəsaɳka, pafay wi fər yən kirin. Pasu təbəl mecir maməkə məberə pi disrə.

4 Elasar wəloñne pələk mecir ma wana wawəkə, pəwəsəs mi camət-mərəñ ntende dəkəberə da aɳbancan ɳəbəpənə kə Kanu.

5 Pacəf wana wawəkə fər yən kirin, akata, səm ya wi, mecir kə yedisrə ya aputuk.

6 Wəloñne pələk kətək kəbotu ambənc ka sədər kə yika yobotu ambənc ya hisəp kə tafəc peyim, pələm ca yayəkə dənənc yəcəfənə kə wana wawəkə.

7 Wəloñne pəyakə yamos yən kə dis dən domun, a pədəberə saɳka disrə. Wəloñne əsək fə haɳ dec dəkale.

8 Nwe ɳnacəf wana mə pəyak yamos yən, pəbike domun, əsək fə haɳ dec dəkale.

9 Wərkun wəsoku wəkin pəwet kəbof ka wana wawəkə, pəkə pəboc ki kəfo kəpus saɳka tadarəñ. Pameɳkə ki kəloñkanə ka Yisrayel teta kəlompəs ka domun dəsəkse. Kəloñne ka kiciya kə.

10 Fum nwe ɳɳwet kəbof ka wana kaɳkə mə, pəyak yamos yən, əsək fə haɳ dec dəkale. Sariyē sa doru o doru sə nnə aka Yisrayel kə acikəra aɳɳ ɳande ɳa daco mə.»

Sariyē sa kəsəkəsne

11 Nwe oɳğbuɳəne wəfi mə, əsək fə haɳ mata camət-mərəñ.

12 Tataka ta maas kə ta camət-mərəñ, pəmar pəsəkəsne ne domun nde dəɳsəkəs mə. K'əntəsəkəsne tataka ta maas kə ta camət-mərəñ-ə, əfəsək.

13 Nwe o nwe oɳğbuɳəne wəfi ta əsəkəsne mə, ɳɳyik-yikəs dəkiyi da MARIKI. Aɳwure wəkayi aYisrayel daco, bawo awəs-wəsəsər fə kə domun dəsəkse, əsək fə: Kətəsək kən kəyi kə sə kəroñ.

14 Sariyē sə nse: Kə fum efi abal disrə-ə, nwe o nwe ɳmberə abal ɳaɳəkə disrə, nwe o nwe ɳɳyi di mə, əfəsək haɳ mata camət-mərəñ.

¹⁵ Pəbərə paka mpe o mpe penyi abal njanəkə disre ta anğbəpər pi mə, pəsək fə.

¹⁶ Nwε o nwε oŋgbuɲεnε dəkulum fum nwε andif, kə pəyɔnε fε ti pəfinε defi dekifəli, bεnt ya wəfi kə pəyɔnε fε ti kufu kɔn-ε, əsək fε haɲ mata camət-mεrəɲ.

¹⁷ Pələkε wətəsək, kəbof ka wana weyim nwε ancafε MARIKI teta kiciya mə, pabər ki datanjku, pabər ki kəroɲ domun decempi da dəkəɲgbəkə.

¹⁸ Wərkun wəsoku pələk alε ɲa hisɔp, pəgbət ɲi dərɔmun. K'elip-ε, pəwəsəsər abal, pənanjkanε yosumpər-sumpər kə afum akə ɲayi di mə, nwε oŋgbuɲsərənε bεnt ya wəfi, nwε andif kə pəyɔnε fε ti pəfinε defi dekifəli, kə pəyɔnε fε ti kufu kɔn mə.

¹⁹ Fum wəsoku pəwəsəsər wətəsək tataka ta maas kə ta camət-mεrəɲ, wəkakə əsək tataka ta camət-mεrəɲ. Pəyak yamos yɔn, pəbikε domun, kə dec dεɲkalε-ε, əɲsək.

²⁰ Wərkun wətəsək nwε əntəsəkəsne mə, andewurε kə aka Yisrayel daco, bawo eyik-yikəs kəfo kəpus ka MARIKI. Bawo anawəsəsər fε kə domun dəsəkse, əsək fε.

²¹ Sariyε sa doru o doru sɔ nnə aka Yisrayel ɲayi mə. Nwε εwəsəsər domun dəsəkse dadəkə mə, pəyak yamos yɔn. Nwε oŋgbuɲεnε domun dəsəkse mə, əsək fε haɲ dec dekalε.

²² Mpe o mpe wətəsək oŋgbuɲεnε mə, pəɲyɔnε pətəsək. Nwε oŋgbuɲεnε pi mə, əsək fε haɲ dec dekalε.

20

Domun da Meriba

KWUR 17.1-7

¹ Kə kəlonjkanε ka aka Yisrayel fəp kənder nde tεgbərə ta Cin ɲof ɲɔcəkə-cəkə ɲa teren tatəkə, kə afum ɲande Kadεs. Difɔ Miriyam εnafi, k'awup kə.

² Ntε kəlonjkanε ka aka Yisrayel kənatɔyɔ domun mə, kə ɲalonjkanε teta Musa kə Aruna.

³ Kə afum aka Yisrayel ɲantənər Musa kəyefərənε. ɲacloku: «Ali sənafi nte awεnc asu ɲancfis-fis fər ya MARIKI kirin mə!

⁴ T'ake tɔ nənkerεnε kəlonjkanε ka MARIKI nnə dətεgbərə sədəfis-fis kə yɔcɔl yosu-ε?

⁵ T'ake tɔ nənawurεnε su Misira, kə nənkerε su kəfo kələc kəɲkε-ε? Bafɔ kəfo kə nkε antam kəgbal defet mə, fik fəyi fε, wεn weyi fε, cəpare cəyi fε, ali domun deyɪ fε ndε antam kəmun mə.»

⁶ Musa kə Aruna ɲambələnε afum aka Yisrayel, kə ɲanjko dəkəbərə da anğbancan ɲεbərənε kə Kanu. Kə ɲantεmpɛnε dəntɔf, nɔrɔ da debeki da MARIKI dementərne ɲa.

⁷ Kə MARIKI oloku Musa:

⁸ «Mələk kəgbɔ məlonjka kəlonjkanε ka aka Yisrayel, mənə Musa kə Aruna wεnc əm. Nəlɔk-lɔkər tasar peyɛɲki fər yaɲan kirin, pəsɔɲ domun. Məwurε ɲa domun da tasar peyɛɲki məsɔɲε aka Yisrayel ɲamun kə yɔcɔl yaɲan.»

⁹ Kə Musa εlək kəgbɔ k'Aruna nkε kənayi MARIKI fər kirin mə, pəmɔ təkə εnasom kə ti mə.

¹⁰ Musa kə Aruna ɲalonjka aka Yisrayel tekirin ta tasar peyɛɲki. Kə Musa oloku ɲa: «Nəcəɲkəl, ilɛsɛnε nu, atanj ləɲəs! Səndetam kəwurε nu domun nnə tasar peyɛɲki pampε ba?»

¹¹ Mba Musa eyekti kəca kən k'osute tasar teyɛɲki kəgbɔ kəmεrəɲ. Gbəncana babəkə kə domun dɛlarəm dowur. Kə kəlonjkanε ka aka Yisrayel ɲamun kə yɔcɔl yaɲan.

¹² Mba kə MARIKI oloku Musa kə Aruna: «Bawo nəşətə fə kəlan kəlarəm nnə iyi mə, nəmentər fə decempi dem fər ya aka Yisrayel kirin, nəfədebərsənə afum akanə atəf nne isən nja mə.»

¹³ K'awe abat njanəkə «Meriba» ti təyəne kusu kənan «Kəcəp», kəfo kanəkə kə aka Yisrayel njanctən kəcan MARIKI kəcəp, nwe ənamentər decempi dən nja daco mə.

Wəbe wəka Edəm efati kəce aka Yisrayel nəcəpər

¹⁴ Kəyefə Kadəs, kə Musa osom afum ndena wəbe wəka Edəm: «Nte tə aka Yisrayel, awənc əm anja njaloku: Məncərə mes mocuy mme məmbəp su mə fəp.

¹⁵ Atem asu njanator Misira, kə səwon di kəndə. Mba, kə aka Misira njanərəs su, səna kə atem asu.

¹⁶ Kə sənkulə-kulə nnə MARIKI eyi mə, k'encənəkəl su. K'osom məlekə min, kə mowurə su Misira. Ndekəl oñ səyi Kadəs, dare nde deyim kəsək mə.

¹⁷ Məcə su, iletən'am, səcəpər dare dam. Səfəcəpər nde dalə dam, dalə da nğbənəkəbə ya wən wam, səfəmun domun da cələmp cam. Dəpə din gbon də səndesolnə, səfəgbaymə kəca kətət, səfəgbaymə kəca kəmeriya, han səcəpər kələncər kam.»

¹⁸ Mba kə wəbe wəka Edəm olukse kə nte: «Nəfəcali atəf nne, kə nəcəpər-ə, incən nu kəyefərəne kə dakma dem.»

¹⁹ Kə aka Yisrayel njaloku: «Dəpə din də səndesolnə, kə səmun domun dam, səna kə yəcəl yosu-ə sənsən'əm kəway ka di, təyə fə tes. Kəcəpər gbəcərəm kə səfan ali səfəcəmbərəs.»

²⁰ Mba kə wəbe wəka Edəm olukse nja sə: «Nəfəcəpər nnə!» K'aka Edəm njawur kə afum alarəm ane njanayə fənəntər fəpən mə, kəkəgbintərne aka Yisrayel kəsutənə.

²¹ Kə wəbe wəka Edəm efati kəce aka Yisrayel nəcəpər atəf nən. Ti tənəsənə aka Yisrayel kələk dəpə docuru.

Defi da Aruna

²² Kələnkənə ka aka Yisrayel fəp nəcəfə Kadəs, kə njanəkə nde tərə ta Hor.

²³ Kə MARIKI oloku Musa kə Aruna, nde tərə ta Hor nde kələncər ka Edəm.

²⁴ Kə MARIKI oloku: «Aruna nkən endefi, pəlukus nde atem ən njayi mə, əfəbərə atəf nne isən aka Yisrayel mə, bawo nənacəmə mosom mem dəbəkək nde abat nja Meriba.»

²⁵ Məna, Musa məlek Aruna kə wan kən Elasar məpənə nja tərə ta Hor kəronj.

²⁶ Məwurə Aruna yamos yən yopus, məber yi wan kən Elasar, nnə Aruna endefi pəlukus sə nde atem ən njayi mə.

²⁷ Kə Musa əyə təkə MARIKI ənəsom kə mə. K'empə tərə ta Hor kəronj, fər ya kələnkənə ka aka Yisrayel fəp kirin.

²⁸ Kə Musa owurə Aruna yamos yən, k'ember yi wan kən Elasar. Dəndo Aruna ənafi tərə kəronj, Musa kə Elasar njanor dətərə.

²⁹ Nte kələnkənə ka aka Yisrayel fəp njanacərə a Aruna efi mə, kə kələ ka Yisrayel fəp kəmbək kə mata wəco maas (30).

21

Aka Yisrayel kətam kənan aKananj

¹ Wəbe wəka dare da Arad, wəKananj, nwe ənandə nde Nəkəf mə, ene a aka Yisrayel njayi kəder dəpə da Atarim. K'osut aka Yisrayel k'osumpər-sumpər acar.

² Ti disrε kə aka Yisrayel ηanderme MARIKI, ηacloku: «Kə məmber afum akanε su dəwaca-ε, səηləsər sədare səηan fəp».

³ Kə MARIKI encəηkəl ηa, k'ember aKananη aYisrayel dəwaca. Kə aka Yisrayel ηasut ηa, kə ηaləsər sədare səηan. K'awe kəfo kan̄kə tewε ta Horma, tøyone kusu kəηan «Kələsər».

Bokya məkən

⁴ Kə aka Yisrayel ηayεfε tərɔ ta Hor ηalεk dəpɔ da kəba ka Cəηkəlma, nte təηsəηε ηanəηkər Edəm mə. Nəyi dəpɔ kə bəkεc yelεcε-lεcε ηa.

⁵ Kə aka Yisrayel ηalokər-lokər Kanu kə Musa: «T'ake tə nəwure su Misira a nədedif su nnə dətegbərə? Nnə kəcom kə domun yəntəyi mə, mənε yeri yətəbət yayε.»

⁶ Ti disrε kə MARIKI εηkεrε afum akakə bok ya məkən. Kə yeηaηəs afum kə alarəm ηafis-fis aYisrayel daco.

⁷ Kə afum ηander ηanəηk Musa kə ηaloku: «Sənciya, səlokər-lokər MARIKI kə mənə. Mələtsenε MARIKI, a pəbələnε su bok yayε!» Kə Musa eyi kələtsenε MARIKI teta aka Yisrayel.

⁸ Kə MARIKI oloku Musa: «Məlompəs abok ηa məkən mədət ηi togbu darenc. Nwε o nwε abok ηeηηaη mə k'εηgbətne abok ηaηəkə-ε, ofɔfi.»

⁹ Kə Musa olompəs abok ηa kəpər, k'endət ηi dətogbu darenc. Aηε bok yeηaηaη tēm tatəkə, kə ηaηgbətne ηi mə, ηanafi fε.

Təkət ta aka Yisrayel haη ηakə ηabεrε Piska

¹⁰ Kə aka Yisrayel ηaηkə ηandε Obot.

¹¹ Kə ηayεfε Obot kə ηancəmbər saηka nde Iye Abarim, dəndo tεgbərə mpε pətεfərənε Mohab nde dec dəmpε mə.

¹² Kə ηayεfε di kə ηaηkə ηacəmbər cəbal nde dəηgbəl da Sered kəsək.

¹³ Kə ηayεfε kəfo kan̄kə, kə ηampərne kəca ka kəηgbəkə ka Arnəη nke kəηgbələr nde dətegbərə kə kəndewur atəf ηa aka Amər mə. Kəηgbəkə ka Arnəη kəyone kələncər aka Mohab kə aka Amər daco.

¹⁴ It'alokənε dəbuk ba Cəwan ca MARIKI:

«Dare da Waheb nde Sufa
kə waca wa səηgbəl sa Arnəη fəp,

¹⁵ kə səηgbəl nε səyi kəca ka dare da Ar
sələtərne ntende kələncər ka Mohab.»

¹⁶ Kə ηayεfε dəndo kə ηaηkə Ber, it'əyone kusu kəηan: «Kələmp». Difə MARIKI enaloku Musa: «Mələηka aka Yisrayel, isəη ηa domun.»

¹⁷ Teta kələmp kan̄kə tənəsəηε aka Yisrayel kələηəs telen nte:
Məpənε dəkələmp, Domun! Pakul-kulənε pəbotu!

¹⁸ Kələmp nke abε ηaηkay mə,

nke afum apəη asu ηaηkayε

cəηgbasar ca dəbε mə

kə cəgbə cəηan cəkətse mə!

Kə ηayεfε dətegbərə kə ηaηkə Matana.

¹⁹ Nte aka Yisrayel ηanayεfε Matana mə, kə ηaηkə Naliyel, kə ηayεfε Naliyel kə ηaηkə Bamot.

²⁰ Kə ηayεfε Bamot kə ηaηkə mərə daco mmε meyi atəf ηa Mohab mə, kəca ka takəroη ta tərɔ ta Piska, tərɔ mpε pentilsərne tekiriη ta tεgbərə mə.

Kəsut ka abε Sihəη kə Ɔk

²¹ Kə aka Yisrayel ηasom ndena Sihəη, wəbε wəAmər ηacloku kə:

22 «Səfan kəcali nnə atəf ηam. Səfəgbaymε ntende dale dam, səfəgbaymε ntende ηəbənəkələ ya wən wam, səfəmun domun da cələmp cam. Dəpə din gbon də səndesolne, səfəgbaymε han səcali atəf ηam.»

23 Sihən enawose fε aka Yisrayel kəcepər nde kələncər kən. Kə Sihən olonka afum ən fəp, kə ηawur kəkəsutene kə aka Yisrayel nde dətegbəre. Kə ηander ηəgbintərne ηa Yahas kə ηawəkərne ηa kəsutene.

24 Kə aka Yisrayel ηandifte ηa sakma, kə ηaban atəf ηa Sihən kəyefe kəηəbəkə ka Arnən han ka Yabək, han kəbəp kələncər ka atəf ηa Amən. Belbel b'anabum kələncər ka Amən.

25 Aka Yisrayel ηasumpər sədare sasəkə fəp, kə ηande sədare sa Amər nde, dare da Hesbon, kə madare mme mənəjkər ηa mə.

26 Hesbon dare da Sihən dənayı, kə wəbe wəka Amər osutene kə wəbe wəka Mohab wəkəkə-cəkə, kə wəbe wəka Amər embənər kə atəf ηən fəp han nde kəηəbəkə ka Arnən.

27 It'ənənne aka taruku ηaloku:

«Nəder Hesbon, dare da Sihən! Nəcəmbər di, dəsətə sə fənəntər!

28 Bawo nənə dowur Hesbon,

kə dələsər dare da Sihən,

kə dənəf dare da Ar nde atəf ηa Mohab,

kə canu ca yem ca mofə mēsali nde mərə ma Arnən.

29 Ah! Pəcuy ponu pəmbək, nəna aka Mohab!

Nəsəle, afum aka Kemos!

Sihən wəbe wəka Amər əənne awut anu arkun kəyəkse,

k'əsənne awut anu aran kəyənne acar ən.

30 Sələmər 'Amər cəbəlma: Aləsər Hesbon han Dibən. Kə sələsər Hesbon han Nofa, han kəbəp ka atəf ηa Medeba.»

31 Tante tə aka Yisrayel ηanandə atəf ηa aka Amər.

32 Kə Musa osom atən mēs kəkəcəre dare da Yaser. Ti disre kə aka Yisrayel ηasumpər madare məkəsək, kə ηambələs aka Amər akə ηanayı di mə.

33 Kə aka Yisrayel ηampərne ntende dəpə da Basan. Ək, wəbe wəka Basan kə asədar ən fəp ηawur kəkəsutene kə aka Yisrayel, kə ηayektər ηa kəwan nde Edreyi.

34 Kə MARIKI oloku Musa: Ta mənese kə, imber əm kə dəwaca, nkən, afum ən fəp kə atəf ηən. Məyə kə tefan tam pəmə təkə mənayə Sihən wəbe wəka Amər, nwe enandə Hesbon mə.

35 Kə aka Yisrayel ηasut Ək, afum ən kə awut ən, ali ηanasak fε ayi wəyən, kə ηalək atəf ηəjkəkə kε.

22

Kəcəpε-cepε ka aka Yisrayel aranta ηa Mohab

22-36

Taruku ta Balam: Kəwe ka wəbe Balak

1 Kə aka Yisrayel ηəjkə ηacəme aranta ηowosu ηa Mohab, nde dec dəmpε kəηəbəkə ka Yurden mə, ηatefərne Yeriko.

2 Balak wan ka Cipor enənəjk təkə aka Yisrayel ηanayə aka Amər mə.

3 Aka Mohab ηananese delay da afum akanε, bawo aMohab ηanane təkə Yisrayel ηanayə Amər mə, kə dis dēndēncε ηa fəp.

4 Kə Mohab oloku abeki aka Madiyan: «Nəkəl on kəsəm kə kənay kənke kənder ca nyε yeyi su kəsək mə fəp pəmə nte wana wənəm yəbəf ya dale mə.» Balak wan ka Cipor enayənne wəbe wəka atəf ηa Mohab tēm tətəkə.

⁵ K'osom ndena Balam wan ka Behor, nwe enande Petor ntende kəngbəkə ka Əfərat kəsək mə. K'oloku nte: «Afum aləma ɲawur Misira ɲalare dətəf, ɲande su tekirinj.

⁶ Ndekəl onj məder, iletsen'am məntolan'em afum akanje pələc, bawo ɲayo səkət ɲatas im. Ti disre tələma indetam kəsut ɲa ibeləs ɲa atəf ɲem, bawo incərə nwe məntolane pətət mə, ɲəsətə pətət, kə nwe məntolane pələc mə, wəkayi ɲəsətə pələc.»

⁷ Abeki aMohab kə aMadiyan ɲaɲkə, ɲakenə wəgbal kəsənc yopocə. Kə ɲander ɲabəp Balam kə ɲaloku kə moloku ma Balak.

⁸ Kə Balam oloku ɲa nte: «Nəcepərəne nnə pibi, indeluxe nu toloku nte MARIKI endelok'im mə.»

Kə akirinj aMohab ɲayi ndena Balam.

⁹ Nte təm tələma tencepər mə, kə Kanu kənde kəder Balam, kə kəyif kə: «Afum are ɲayi ndaram-ε?»

¹⁰ Kə Balam oloku Kanu: «Balak wan ka Cipor, wəbe wəka Mohab, nkən osom ɲa kədelok'im:

¹¹ «Afum anje ɲawur Misira mə ɲalas atəf. Ndekəl, məder məntolan'em ɲa pələc. Tələma intam kəsut ɲa haɲ ibeləs ɲa.»»

¹² Kə Kanu kəloku Balam: «Məfəkə kə ɲa. Ta mətolane aka Yisrayel pələc, bawo antolane ɲa pətət.»

¹³ Kə Balam eyefe bətbət k'oloku akirinj a Balak: «Nəkə nde atəf ɲonu, bawo MARIKI ɛfati kəsak im kəkə kə nənə.»

¹⁴ Kə akirinj aMohab ɲander ɲabəp Balak kə ɲaloku kə: «Balam ɛfati kəder kə səna.»

¹⁵ Kə Balak osom sə akirinj akə ɲanala acəkə-cəkə, anje dekirinj danjan denacepər da akakə mə.

¹⁶ Kə ɲander ɲabəp Balak wan ka Cipor, kə ɲaloku kə: «Iletsen'am, ta tes o tes tɛyaməs am kədenəjk im.

¹⁷ Indelas əm pələl, iyən'am təkə məɲlok'im mə. Məder, iletsen'am, mətolan'em afum akanje pələc.»

¹⁸ Mba kə Balam oloku asom a Balak: «Ali Balak pəsəɲ im gbeti kə kema fəp nyə yeyi nde kələ kən mə, ifətam tələm o tələm kəgbaymə tosom ta MARIKI, Kanu kem!

¹⁹ Awa, iletsene nu nəyi nnə pibi pampə, nənə sə, icərə nte MARIKI endelok im sə mə.»

²⁰ Kə Kanu kəwurər Balam pibi disre, k'oloku kə: «Bawo arkun akanje ɲander kəw'am, məkə kə ɲa. Mba məyo təkə indelok'am mə.»

²¹ Kə Balam eyefe bətbət, k'embəkə səfale sən səfet kəronj kə ɲantas kə akirinj aka Mohab.

Səfale sa Balam

²² Kə pəntələ Kanu, bawo Balam ɲaɲkə kə akirinj aMohab. Kə meleke ma MARIKI məncəmə dəpə kədəməne kə kəcepər. Kə Balam ɛmpəsə səfale sən səfet kəronj, ɲanayi kə acar ɲn mərəɲ.

²³ Nte səfale sənəjk meleke ma MARIKI məncəmə dəpə mətəmpər dakma mə, kə səfale sənəgbaymə dəpə, kə sənəkə ta dale. Balam osut si nte tənəɲe səsolne dəpə mə.

²⁴ Kə meleke ma MARIKI məncəmə sə dəpə ɲəbənəkələ ya wən daco, binəkəli beyi kəca kətət kə kəmeriya.

²⁵ Nte səfale sənənəjk meleke ma MARIKI mə, kə sənəbəcərəne kəcək ka Balam damba. K'əngbəkəre sə si kəsut.

²⁶ Kə melekə ma MARIKI mecepər pəbələ, kə mənəkə mecamə kəfo kələma kətəwəkəl nke antətam kəgbaymə kəca kətət kə kəmeriya mə.

²⁷ Nte səfale sənənk melekə ma MARIKI sə mə, kə səfəntərə Balam tantəf. Kə pəntələ Balam k'osutə səfale kəgbə kən.

²⁸ Awa, kə MARIKI ewani səfale kusu, kə səloku Balam: «Cəke c'iyə nte məsut im tamaas mə-ε?»

²⁹ Kə Balam oloku səfale sən: «Məfan'im kəfani dəm! Təcyənə a intəmpər dakma dəkəca-ε, k'indif əm ndəkəl.»

³⁰ Kə səfale səloku Balam: «Bəfo səfale sam s'iyənə nse məmpesə təm fəp hañ məkə mə ba? Tante t'imbət kəyə əm ba?» Kə Balam oloku: «Ala!»

³¹ Kə MARIKI emepi fər ya Balam, k'ənənk melekə ma MARIKI mecamə dəpə, mətəmpər dakma dəkəca. Kə Balam ontontnə, k'encəp suwu kə tobu tən dəntəf.

³² Kə melekə ma MARIKI moloku kə: «Ta ake tə məsutə si kəmaas-ε? Iwur nte tənşənə idemən'am kəkə, bawo inənk marənt məmə mentesə f'am.

³³ Səfale sam sənənk im, kə səngbaym'em kəmaas. Sətəyə tatəkə-ε, kə mən'indif isak si doru.»

³⁴ Kə Balam oloku melekə ma MARIKI: «Inciya. Incərə fə a məy'im kirin dəpə. Mba kə marənt məmə məntəbət əm-ε, ilukus!»

³⁵ Kə melekə ma MARIKI moloku Balam: «Məkə kə arkun akañe. Mba məloku gbəcəəm nte indekələk'əm mə.» Kə Balam nənəkə kə akirin əka Balak.

Kəbərəne ka Balam kə Balak

³⁶ Kə Balak ene a Balam ender. K'owur kəkəfaynə kə hañ dare da Mohab nde dəsənənə kələncər kə Arnən mə.

³⁷ Kə Balak oloku Balam: «Bəfo inaw'am ba? Ak'enasən'am kətəder katəna mədenənk im-ε? Mənacəm-cəmnə ifətəm kəsən əm pələl?»

³⁸ Kə Balam oloku Balak: «Ndekəl ən, nte inder inənk əm mə, intəm kələk'əm nte o nte ifən mə? Toloku nte Kanu kəndəber im dəkusu mə, t'indelok'əm!»

³⁹ Balam kə Balak nənəkə, kə nambərə dare da Kiriyat-Hucot.

⁴⁰ Balak oloñnə cənə kə nkesiya, k'əsən Balam kə akirin ənə nənayı mə.

Balam ontolanə aka Yisrayel pətət

⁴¹ Bətbət, kə Balak ələk Balam k'empənə kə dare da Bamət Bal, nde enctəm kənənk dəlay da aka Yisrayel mə.

23

¹ Kə Balam oloku Balak: «Məcəmbər'em nnə metek moloñnə camət-mərən, məlomp's'em mura camət-mərən kə nkesiya yorğun camət-mərən.»

² Balak ənəyə təkə Balam ənəloku kə mə. Balak kə Balam nənəcəfə MARIKI tetek toloñnə nte o nte kərən tura tin kə ənkesiya nğorğun nən.

³ Kə Balam oloku Balak: «Məcəmə poloñnə pəcəf pəm kəsək, ina ibələ. Tələma MARIKI pədəder kəbər im. Indelok'əm nte endeməntər im mə.» Kə Balam ənəkə nde tərə mpe pəntəyə tək mə.

⁴ Kə Kanu kəwurər Balam, kə Balam oloku Kanu: «İcəmbər metek moloñnə camət-mərən, k'ilonñnə tetek o tetek kərən tura tin kə ənkesiya nğorğun nən.»

⁵ Kə MARIKI ember moloku Balam dəkusu. K'oloku kə: «Məlukus nde Balak eyi mə, məloku kə nte.»

⁶ K'olukus nde Balak eyi mə, nwe enacəmə poloñnə pəcəf pən kəsək kə abe aka Mohab fəp.

⁷ Balam oloku taruku nte:
«Balak əsən'em kəder kəyefə Aram,

wəbɛ wəka Mohab əsəŋ'em kəder nde mərə ma kəca nkɛ dec dəmpɛ mə.
K'olok'im: «Məder mətolanɛ afum a Yakuba pələc!

Ey, məder, məsəŋɛ aka Yisrayel kənesɛ!»

8 Mba cəke c'intam kətolanɛ pələc nwe Kanu nkənsərka əntəsəŋ pələc mə?

Cəke c'indəsəŋɛ afum kənesɛ aŋɛ MARIKI əntəsəŋɛ kənesɛ mə?

9 Nde masar dətelempən iŋnəŋk afum akanɛ,
nde mərə kəronɟ iŋgbətnɛ ɲa:

Afum ɲə, aŋɛ ɲandɛ taciŋa mə,

ɲancərənɛ a ɲanciyənɛ kə tɔf yəkə.

10 An'entam kələm dəlay da aka Yisrayel-ɛ?

Afum aka kor ka Yakuba ɲala pəmə cəs.

Intola kəfi pəmə akə ɲalələs Kanu mə,

ilip pəmə nte aka Yisrayel ɲaŋlip mə.»

11 Kə Balak oloku Balam: «Cəke cə məy'em-ɛ? İsəŋ'am kəder nnə kətolanɛ
atərən'em pələc, mba kə mənə məntolanɛ ɲa pətət.»

12 Balam oloku: «K'indelok-loku-ɛ, pəmar fɛ a ickembərne kələku moloku
mmɛ MARIKI əmbɛr im dəkusu mə ba?»

Balam ontolanɛ aka Yisrayel pətət ta mɛrəŋ

13 Balak oloku kə: «Məder kə ina, ilɛtsɛn'am, kəfo kələma nde məndenəŋk ɲa
mə. Kəsək kin kə məndenəŋk, mba məfənəŋk ɲa fəp. Mətolan'em ɲa pələc!»

14 Kə Balak əŋkəkəɛ Balam haŋ dəkiyi da wəbum, nde telempən pa tərə ta
Piska kəsək. K'encəmbər metek moloŋnɛ camət-mɛrəŋ, k'əncəfɛ MARIKI tetek
o tetek tura tin kə aŋkesiya ɲorkun ɲin.

15 Kə Balam oloku Balak: «Mənə məcəmə nnə, poloŋnɛ pəcəf pam kəsək. Ina,
ikəcəŋkəl MARIKI.»

16 Kə MARIKI ender kədəbərənɛ kə Balam. K'əmbɛr kə toloku tin dəkusu
k'oloku kə: «Məlukuş nde Balak eyi mə, məloku kə nte.»

17 Kə Balam oluksərne nde Balak eyi mə, nwe ɛnacəmə poloŋnɛ pəcəf pən
kəsək mə, ɲayi kə akirin aMohab. Kə Balak eyif kə: «Cəke cə MARIKI oloku-ɛ?»

18 Kə Balam oloku taruku nte:

«Məyɛfɛ, Balak, məcəŋkəl im!

Məsə aləŋəs nte indelok'am mə, wan ka Cipor!»

19 Kanu, bafə wərkun əfə nwe ɛnyemə mə,

bafə fum əfə nwe ɛŋŋaŋnɛ tɛlər mə.

Nte oloku mə, əfədəyɔ ti ba?

Nte oŋloku mə, bafə əŋyɔ ti ba?

20 Ina, iwosɛ kətolanɛ afum akanɛ pətət,

bawo MARIKI əsəŋ ɲa pətət, ifəsəkpər.

21 MARIKI ɛnəŋkɛ fɛ Yakuba pəcuca,

əfənəŋk kətərəs aYisrayel daco.

MARIKI, Kanu kəŋan, eyi kə ɲa.

ɛŋnɛ kəkulɛ-kulɛnɛ pəbotu paŋan pəmə wəbɛ.

22 Nkən Kanu ɛnawurɛnɛ ɲa Misira,

kə səkət nɛ səwurɛnɛ sa wana wa dəkulum mə.

23 Kəgbal kəsənc kəyi fɛ aka Yisrayel daco,

dure deyɛ fɛ nde yuruya ya Yakuba

ɲancərənɛ tɛm tətət mes mmɛ Kanu kəŋyɔ mə fəp.

24 Afum akanɛ ɲaŋyɛfɛ pəmə kusunuŋku kəran,

ɲacəmə pəmə kusunuŋku kərkun,

nkɛ kəntəfəntərə ta kəntalip kəsəm wɛsɛm nwe kəŋşumpər mə,

kəmun mecir ma pedif pa ki.»

²⁵ Kə Balak oloku Balam: «Kə məntəwose kətolanə ɲa pələc-ε, ta mətolanə ɲa pətət iletse'n'am!»

²⁶ Kə Balam oloku kə: «Isəɲ'am ti kəcəre: Pəmar iloku nte o nte MARIKI oɲlok'im mə!»

Balam oltolanə aka Yisrayel tamaas

²⁷ Kə Balak oloku Balam: «Məder, iletse'n'am, ikekər'am sə kəfo kələma. Tələma nəɲkətəɲnə kə Kanu a mətolan'em afum akanə pələc!»

²⁸ Kə Balak eɲkekəre Balam nde telempa pa tərə ta Peyər mpe pentilsərne teɲbərə mə.

²⁹ Kə Balam oloku Balak: «Məcəmbər'em nnə metek moloɲnə camət-merəɲ məlomp's'em mura camət-merəɲ kə ɲkesiya camət-merəɲ.»

³⁰ Kə Balak əyə təkə Balam ənaloku kə mə, k'əncəfe MARIKI tura tin kə aɲkesiya ɲin tetek toloɲnə nte o nte kəroɲ.

24

¹ Nte Balam ənəɲk a pənabət MARIKI kəsəɲ aka Yisrayel pətət mə, əɲkə fe sə pəmə təkə əncyə ti mə kətenəs məyə mən ma dure, k'əɲkəfələ k'entefərne kəca ka dəteɲbərə.

² Kə Balam eyekti fər k'ənəɲk aka Yisrayel ɲande cusuɲka cusuɲka, awa kə amera ɲa Kanu ɲender kə.

³ K'oloku taruku nte:

«Moloku mme mə, ina Balam wan ka Behor iloku, ina wərəkun nwe ɲɲəɲk pəcempi cələɲ mə,

⁴ moloku ma nwe eɲne moloku ma Kanu mə, ma nwe eɲɲəɲk nte Wəka Fənəntər eɲmentər kə mə, moloku ma nwe ontontnə Kanu fər kirin mə, fər yemepi.

⁵ Afum aka Yisrayel, nəna aɲe nəwur dokom da Yakuba mə, cəbal conu nce nəyi mə cəntese yati!

⁶ Cəbal conu cəfəntərə pəmə dəɲgbəl,
pəmə lakə nde deyi kəɲgbəkə kəsək mə,
pəmə sukum nse MARIKI əmbəf mə,
pəmə tək yetes ya sədər nyə yencəmə domun kəsək mə.

⁷ Nde ndoronu domun dompurər dəkələmp deccəməs yəbəf ya dalə.

Wəbe wəYisrayel endetam Akak,
dəbe da Yisrayel dendesətə fənəntər.

⁸ Kanu kənawurene ɲa atəf ɲa Misira,
kə fənəntər fəpəɲ nfe fəwurene fa wana wa dop mə.

ɲəɲmələk afum akə ɲəɲwekərne ɲa mə.
ɲactepi bent ya aterene aɲan, ɲacfute ɲa cəbəlma.

⁹ ɲantontnə, ɲafəntərə pəmə kusunuɲku,
pəmə kusunuɲku kəran, an'entam ki kəyekti-ε?
Aka Yisrayel, fum pəsətə pətət nwe ontolan'am pətət mə,
pəsətə pələc nwe ontolan'am pələc mə!»

¹⁰ Awa, kə pəntele Balak pəpəɲ nnə Balam eyi mə. K'ompol waca teta mətele mən, k'oloku Balam: «Aterene em ɲ'inaw'am kədetolanə pələc, kə məna mətolanə ɲa pətət haɲ kəmaas!

¹¹ Ndəkəl oɲ, məyefe məkə nde ndaram! Inaloku a indelas əm pələl, mba MARIKI əmbəɲər əm pələl papəkə!»

Balam oloku tedeyi tətət ta aka Yisrayel

¹² Kə Balam eyif Balak: «Bafə inaloku asom am nte ba?»

¹³ «Ali təyənə Balak pəsəŋ im gbeti kə kema ka kələ kən disre fəp, ifətam kəgbəkəl tosom ta MARIKI kəyə ka pətət kə pəyənə fə ti-ε pələc. Təkə MARIKI endelok'im mə, t'indeloku.»

¹⁴ Ndekəl oŋ, intas nde afum em ŋayi mə, məder ilok'am kə pəndewon-ε, nte aka Yisrayel ŋandeyə oŋ afum am mə.»

¹⁵ Kə Balam endəŋk toloku nte:

«Moloku ma Balam wan ka Behor,

moloku ma wərkun nwe eŋnəŋk pəcəmipi mə,

¹⁶ moloku ma nwe eŋne moloku ma Kanu mə,

ma nwe encərə meərə ma Wəka darenc mə,

moloku ma ina nwe iŋnəŋk mementər ma Wəka Fənəntər mə,

ma nwe ontontne fər ya Kanu kirin mə, fər yemepi.

¹⁷ Iŋnəŋk təkə tendeder mə, mba bafə kərəsna kə tendeyi,

iŋgbətne ti, mba bafə tekərəsna tə.

Kəs kəyi kəyefe yuruya ya Yakuba daco,

wəka kəŋbasar eyi kəyefe Yisrayel.

Kə kəŋbasar kən ka dəbe, dekəŋk oŋsut ki aMohab,

pələsər yuruya ya Sət fəp, aŋe ŋayənə acepe-cepε aka dətəf mə.

¹⁸ Yisrayel ŋandeyə səkət. Ŋandebaŋ Edəm,

ŋandebaŋər Sehir, aterene ən.

¹⁹ Wəwur ka dokom da Yakuba endetasərne ŋa,

endemələk alpəs akə ŋandecəme dare mə.»

Balam endəŋk kələsər ka aterene aka Yisrayel

²⁰ Kə Balam eŋəŋk aka Amalek k'oloku moloku mme:

«Amalek ŋə akanje aŋe ŋantam fəp mə.

Kə pəndewon-ε, andələsər ŋa few.»

²¹ Kə Balam eŋəŋk sə aKeni, k'oloku:

«Dəkiyi donu d'encəp,

tasar kəroŋ wələ wonu weyi.

²² Mba andemələk nənə aKeni,

təm nte aka Asur ŋandekəkəre nu dacar mə.»

²³ Kə Balam oloku sə:

«Pələc pere! An'endeyi doru tēm nte Kanu kəndeyə ti mə-ε?»

²⁴ Cibil cəndeder kəyefe Sipər,

afum akakə ŋandesut aka Asur, ŋasut sə aka Heber,

mba ayefe Sipər akakə sə ŋatəfərne kəmələk kəŋan!»

²⁵ Kə Balam olukus nde ndərən, kə Balak nkən sə oŋkə kəca kən.

25

Aka Yisrayel ŋancəme mes ma merəŋka darəŋ

¹ Nte aka Yisrayel ŋanandə Sitim mə, dəndo kə ŋayefe kəcfəntərər ayecərə aMohab.

² Kə ayecərə aMohab akakə ŋasəŋe aYisrayel kəcloŋne canu cəŋan, ŋadi yeri ya canu cacəkə, ŋactontnəne ci.

³ Kə aka Yisrayel ŋasektərne teta Bal Peyər, kə pəntəle MARIKI nnə aka Yisrayel ŋayi mə.

⁴ Kə MARIKI oloku Musa: «Mələk abε aka Yisrayel fəp, məyə pagbek ŋa fər ya MARIKI kirin ŋatəfərne dec, nte təŋsəŋe mətəle məpəŋ ma MARIKI molukus Yisrayel darəŋ mə.»

⁵ Kə Musa oloku aboc kiti a Yisrayel: «Nwε o nwε nu daco pədif afum ən daco ako ηasektərne teta Bal Peyor mə!»

⁶ Kə wəYisrayel wələma ender pəmentər awenc anə wəran wəMadiyan wələma, for ya Musa kə kəlonkane ka aka Yisrayel fəp kirin, tenatərne akako ηəcbok nde dəkəberε da anğbancan ηəbərεne kə Kanu.

⁷ Ntε Finehas wan wərkun wəka Elasar wansə ka Aruna wəlonne enəjk kə mə, k'eyεfε kəlonkane ka aka Yisrayel daco k'elek kəngbasar.

⁸ Kə Finehas εncəme kə darəη nde anğbancan disre nde wəkakə enabere kə wəran wəMadiyan nwε mə, k'endif ηa mērəη maηan fəp, k'əsə ηa cor dantof. Gbəncana babəkə, arom nηε ηənayi aka Yisrayel mə, ηεncəme.

⁹ Pəcuy papəkə pənadif afum wul wəco mērəη kə maηkəle (24.000).

¹⁰ Kə MARIKI oloku Musa:

¹¹ «Wəlonne Finehas wan wərkun wəka Elasar wansə ka Aruna wəlonne olukse metele mem nnə aka Yisrayel ηayi mə, bawo enayefərənən'em aka Yisrayel, təsəη'em kətəmələk ηa metele mem ma kəraca disre.

¹² Awa, məloku Finehas a səsek danapa da pəforu kə nkən.

¹³ Danapa da pəforu dən dendeyi, da yuruya yən kə nkən encəpər-ε, əsəηε ηa kədəyənε aloηne a doru o doru, bawo ementər kəraca ka Kanu kən, k'əsəkəs aka Yisrayel kiciya kəηan.»

¹⁴ Tewe ta wəYisrayel nwε anadif kə wəran wəMadiyan nwε mə tenayənε Simri. Wan ka Salu enayi, wəkirin enayənε kələ ka apa kən kusunja ka Simeyən daco.

¹⁵ Tewe ta wəran wəMadiyan wəkə anadif mə, tenayənε Kosbi. Wan wəran ka Cur enayi wəbe wəka cor cəlarəm ca kusunja k'aMadiyan kələma.

¹⁶ Kə MARIKI oloku Musa:

¹⁷ «Nəwəkərne aMadiyan, nədifət ηa,

¹⁸ bawo dəməyə ma Peyor kə ma Kosbi, cəmpənən cə ηanawəkərne nu. Kosbi wəkire kəηan enayi, wan wəran wəka wəbe wəMadiyan wələma. Dəsək da pələc pəpəη pa Peyor d'anadif kə.»

¹⁹ Ntε pəcuy pəpəη pencepər mə, kə MARIKI oloku ηa sə moloku.

26

Kələm ka mērəη ka cusunja ca Yisrayel

¹ Kə MARIKI oloku Musa kə Elasar, wan wərkun wəka wəlonne Aruna:

² «Nələm aka kəlonkane ka Yisrayel fəp, kəyεfε arkun anε ηasətə meren wəco mērəη (20) haη ηacəpər ti, dəwələ kə dəwələ afum fəp anε ηantam kəsutenεne Yisrayel mə.»

³ Dəndo dətegbərε ta Mohab nde kəngbəkə ka Yurdən kəsək nde pəntefərεne kə Yeriko mə, Musa kə Elasar ηaloku aka Yisrayel:

⁴ «Nələm arkun fəp kəyεfε meren wəco mērəη (20) haη pəcəpər ti,» pəmə təkə MARIKI osom ti Musa kə aka Yisrayel anε ηancwur Misira mə.

⁵ Kusunja ka Ruben wan wəcəkə-cəkə ka Yakuba, nkε kor ka yuruya ya Henok, kə ya Palu yowur mə,

⁶ yuruya ya Hecərəη kə ya Karmi.

⁷ ηa ηanayənε aka cor ca Ruben: Anε analəm ηa daco mə, ηanabəp wul wəco maηkəle kə maas, masar camət-mērəη kə wəco maas (43.730).

⁸ Wan ka Palu əyənε Eliyah,

⁹ papa ka Nemuyel, Datan kə Abiram. Datan kə Abiram abeki mērəη aka kəlonkane ka aYisrayel akanε ηanayənəkər Musa kə Aruna səbomp. ηa ηanasole

afum masar mēṛəṅ wəco kəcamət (250) a Kore nte ḡanacəmə MARIKI dəbəkək mə.

¹⁰ Kə antəf ḡəwani kusu kə ḡemer Datan, Abiram kə nkən Kore. Dəsək dadəkə də kəlonkane kən kəfi fəp, nte nenc denacəf afum masar mēṛəṅ kə wəco kəcamət mə (250). Kə təyənə alpəs akə tēgbekərə.

¹¹ Mba awut a Kore ḡanafi fē dəsək dadəkə.

¹² Kusunḡa ka Simeyən dəcor kə dəcor: Yuruya ya Nemuyel, ya Yamin, kə ya Yakin

¹³ kor ka Serah kə ka Sawul.

¹⁴ Cor ca Simeyən cənabəp arkun wul wəco mēṛəṅ kə mēṛəṅ, masar mēṛəṅ (22.200).

¹⁵ Kusunḡa ka Kad, dəcor kə dəcor: Cifyən, Haki kə Suni kə yuruya yaḡan,

¹⁶ Osni kə Eri kə yuruya yaḡan,

¹⁷ Arod kə Areli kə yuruya yaḡan.

¹⁸ Afum aḡe analəm kusunḡa ka Kad dacə mə, ḡanabəp arkun wul wəco maḡkələ, kə masar kəcamət (40.500).

¹⁹ Yuruya ya Yuda: Er kə Onan, mba Er kə Onan ḡanafi atəf ḡa Kanan.

²⁰ Kusunḡa ka Yuda kə kaḡke dəcor kə dəcor: Kor ka Sela, ka Pēṛec kə ka Serah kə yuruya yaḡan.

²¹ Cor ca Pēṛec cə cance: Kor ka Hecərəṅ kə ka Hamul kə yuruya yaḡan.

²² Cor ca Yuda cə cance, afum aḡe analəm ḡa dacə mə ḡanabəp arkun wul wəco camət-mēṛəṅ kə camət-tin, masar kəcamət (76.500).

²³ Yuruya ya Isakar yə yayē dəcor kə dəcor: Kor ka Tola kə ka Puwa kə yuruya yaḡan,

²⁴ kor ka Yasub kə ka Simrən kə yuruya yaḡan.

²⁵ Cor ca Isakar cənayi cacəkə, afum aḡe analəm ḡa dacə mə ḡanabəp arkun wul wəco camət-tin kə maḡkələ, masar maas (64.300).

²⁶ Yuruya ya Sabulon yə yayē dəcor kə dəcor: Kor ka Sered, ka Elon kə ka Yael, kə yuruya yaḡan.

²⁷ Cor ca Sabulon cənayi cacəkə, afum aḡe analəm ḡa dacə mə ḡanabəp arkun wul wəco camət-tin, masar kəcamət (60.500).

²⁸ Yuruya ya Isifu yə yayē dəcor kə dəcor: Kor ka Manase kə ka Efrayim.

²⁹ Yuruya ya Manase yə yayē: Kor ka Makir kə ka Kalad. Makir enakom Kalad, kə yuruya ya Kalad ḡa sə ḡanayənə cor cələma.

³⁰ Cor ca Kalad cə cance: Kor ka Yeser kə ka Helek,

³¹ kor ka Asriyel kə ka Sekem,

³² kor ka Semida kə ka Hefer.

³³ Mba Celofad wan ka Hefer enasətə fē wan wərkun, mēnə awut aran. Mewe ma awut ən aran mə mame: Mala, Noha, Hokəla, Milka kə Tirsə.

³⁴ Cor ca Manase cənayi cacəkə, afum aḡe analəm ḡa dacə mə ḡanabəp arkun wul wəco kəcamət kə mēṛəṅ, masar camət-mēṛəṅ (52.700).

³⁵ Yuruya ya Efrayim yə yayē dəcor kə dəcor: Kor ka Sutela, kor ka Beker kə ka Tahan kə yuruya yaḡan.

³⁶ Kor ka Sutela kə kaḡke: Eran kə yuruya yən.

³⁷ Cor ca Efrayim cə cance, afum aḡe analəm ḡa dacə mə ḡanabəp arkun wul wəco maas kə mēṛəṅ, masar kəcamət (32.500). Yuruya ya Isifu yə yayəkə dəcor kə dəcor.

³⁸ Yuruya ya Benyamin yə yayē dəcor kə dəcor: Kor ka Bela, ka Asbel kə ka Ahiram kə yuruya yaḡan.

³⁹ Kor ka Sufam kə ka Hufam kə yuruya yaḡan.

⁴⁰ Yuruya ya Bela ḡanayənə Ardu kə Naman.

41 Yuruya ya Benyamin yə yayəkə dəcor kə dəcor. Afum anje analəm ɲa daco mə ɲanabəp arkun wul wəco maɲkələ kə kəcamət, masar camət-tin (45.600).

42 Yuruya ya Dan yə yayə dəcor kə dəcor: Kor ka Suham. Cor ca Dan cənayi cacəkə dəcor kə dəcor.

43 Afum anje analəm nde cor ca Suham mə ɲanabəp arkun wul wəco camət-tin kə maɲkələ, masar maɲkələ (64.400).

44 Yuruya ya Aser dəcor kə dəcor: Kor ka Yimna, ka Yiswi kə ka Beriya.

45 Yuruya ya Beriya: Kor ka Heber kə ka Malkiyel kə yuruya yanjan.

46 Tewe ta wan wəran wəka Aser tenayəne Serah.

47 Yuruya ya Aser yenayi yayəkə dəcor kə dəcor: Afum anje analəm ɲa daco mə ɲanabəp arkun wul wəco kəcamət kə maas, masar maɲkələ (53.400).

48 Yuruya ya Naftali dəcor kə dəcor: Kor ka Yacel kə ka Kuni,

49 kor ka Yecer kə ka Silem.

50 Cor ca Naftali cənayi cacəkə dəcor kə dəcor, afum anje analəm ɲa daco mə ɲanabəp arkun wul wəco maɲkələ kə kəcamət, masar maɲkələ (45.400).

51 Afum anje analəm aka Yisrayel daco ɲanabəp afum wul masar camət-tin kə pin, masar camət-merəɲ kə wəco maas (601.730).

Andəɲk kəyer atəf ɲa Kanan

52 Kə MARIKI oloku Musa:

53 «Kəyer ɲa kə ander atəf, ɲəyənə ke kəɲan təkə ɲalanənə afum mə.

54 Afum akə ɲandenəɲkanə kələ mə, məsəɲ ɲa ke nke kənaɲkanə kəbək mə, akə ɲampice afum mə, məsəɲ ɲa ke nke kəmpice mə, andəsəɲ nwe o nwe ke kən təkə alanənə afum anje ələm mə.

55 Mba yampunpuɲ y'andekot kəyer nu atəf, andeyer nu ke dəcusuɲka kə dəcusuɲka.

56 Yampunpuɲ y'andekot kəyer ke akə ɲala kə akə ɲampice mə.»

Kələm ka aLewy tamerəɲ

57 Afum anje ɲ'analəm kusuɲka ka Lewy dəcor kə dəcor: Kor ka Kerson, kor ka Kehat kə ka Merari.

58 Cusuɲka cəncə cəyə cor cəfət cələma: Kor ka Libni, ka Hebərəɲ, ka Mali, ka Musi kə ka Kore. Kehat nkan okom Amram.

59 Tewe ta wəran ka Amram tenayəne Yokebed wan wəran wəka Lewy. Anakom kə nte Lewy enayi Misira mə. Yokebed oɲkomse Amram: Aruna, Musa, kə Miriyam wəkire kəɲan.

60 Awut a Aruna ɲayənə Nadab, Abihu, Elasar, kə Itamar.

61 Nadab kə Abihu ɲa ɲanafi nte ɲanamentərne for ya MARIKI kirin ɲacəfe kə suray nse antəpuse MARIKI mə.

62 ALewy arkun anje analəm aYisrayel daco, anje ɲanayə ɲof ɲin ɲacəpər ti mə, ɲanabəp wul wəco merəɲ kə maas (23.000). Kələm kəɲan kənadəɲərne fə kələm ka aka Yisrayel daco, bawo anasəɲ fə aka Lewy ke aka Yisrayel daco.

Kəcaɲəs ka kələm ka aka Yisrayel

63 Afum anje ɲə Musa kə Elasar wəloɲne ɲanaləm nde aranta ɲowosu ɲa Mohab, dəndo kəɲgbəkə ka Yurden kəsək, nde pəntəfərne kə dare da Yeriko mə.

64 AYisrayel anje daco, ali fum wəkin enayi fə di nte Musa kə Aruna wəloɲne ɲanaləm aka Yisrayel cəkə-cəkə nde dətegbərə ta Sinayi mə.

65 Teta anje ɲanafi mə, MARIKI enaloku: «ɲandefi dətegbərə, ali wəkin əfədeyi doru, mənə Kaleb wan ka Yefune, kə Yosuwe wan ka Nun.»

27

Kə ka awut aran

1 Dəsək dələma, kə awut aran aka Celofad, wan ka Hefer, wansə ka Kalad wəka Makir, aka cusuŋka ka Manase wan ka Isifu, ɲamentərne. Mewe ma awut aran akakə mə mame: Mala, Noha, Hokəla, Milka kə Tirsə.

2 Kə awut aran aŋe ɲaŋkə ɲamentərne fər ya Musa kirin, wəloŋne Elasar, akirin kə kəloŋkane fəp nde dəkəbərə da aŋbancan ɲəbərəne kə Kanu. Kə ɲaloku:

3 «Papa kosu efi nde dətegbərə, enayi fə kəloŋkane ka Kore dacə nke kənafani MARIKI mə: Kiciya kən yati kə efiŋe, esak fə wan wərkun.

4 Kətəyo ka papa kosu wan wərkun kəndesəŋe padelinj tewe tən kor kən disre ba? Awa nəsoŋ su kə awenc a papa kosu dacə.»

5 Kə Musa ementər tetanjan fər ya MARIKI kirin.

6 Kə MARIKI oloku Musa:

7 «Awut aran a Celofad ɲayo kance. Nəsoŋ ɲa antəf kə awenc a kas kəŋjan dacə, ɲa ɲə məndesəŋ kə ka kas kəŋjan.

8 Məloku a Yisrayel: Kə fum wələma efi ta esak wan wərkun-ε, nəsoŋ kə kən wan kən wəran.

9 K'ontəyo wan wəran-ε, nəsoŋ kə kən awenc aŋa arkun.

10 Mba kə wəfi wəkakə ontəyo awenc arkun-ε, nəsoŋ kə kən awenc a kas.

11 Kə kas ontəyo awenc-ε, nəsoŋ kə kən wəkomene kən nwe ɲaŋgbəcene kor kəŋjan disre mə. Nkən pəmar pəsətə ki. Tendeyəne aka Yisrayel sariye, pəmə təkə MARIKI enasom ti Musa mə.»

Yosuwe amentər a pəcənc Musa

12 Kə MARIKI oloku Musa: «Məpə tərə pa Abarim kəroŋ, məməmən atəf ɲɲe isəŋ aka Yisrayel mə.

13 Məndənəŋk ɲi, mba məndefi ta məmbərə di-ε, pəmə təkə təsətə wenc əm Aruna mə,

14 bawo nənayerkər mosom mem səbomp nde tegbərə ta Cin, nte kəloŋkane kəctensər im kəcəp mə: Nənamentər fə decempi dem fər ya Yisrayel kirin.» Nte təyənə ta domun da Meriba* nde Kadəs† nde tegbərə ta Cin mə.

15 Kə Musa oloku MARIKI:

16 «MARIKI, Kanu nke kəntəmpər kəpene kə kətorε kifir ka yeyi wəyey ya doru fəp mə, məcəmbər wəkirinj wərkun kəloŋkane kəŋkə,

17 nwe ende pəsole ɲa kə ɲaŋkə ɲacder sə mə, ta kəloŋkane ka MARIKI kədeyi pəmə yəcəl ɲye yəntəyo wəkək mə.»

18 Kə MARIKI oloku Musa: «Mələk Yosuwe wan ka Nun, wərkun nwe isəŋ amera ɲem mə. Mədenər kə kəca.

19 Məkə məcəmbər kə wəloŋne Elasar kə kəloŋkane fəp kirin, məsoŋ kə mosom fər yaŋjan kirin.

20 Məndesəŋ kə pelel pam pələma, nte təŋsəŋe kəloŋkane ka aka Yisrayel fəp kəcəŋkəl kə mə.

21 Yosuwe ende pəccəme wəloŋne Elasar tekirin. Wəloŋne pəyife kə ina MARIKI masar ma kiti mme məyənə *Yurim* mə. Mosom məməkə mə aka Yisrayel ɲande ɲackəne ɲacderene sə, nkən Yosuwe kə kəloŋkane ka aka Yisrayel fəp.»

22 Kə Musa əyo təkə MARIKI enasom kə mə. K'ələk Yosuwe k'əncəmbər kə wəloŋne Elasar kə kəloŋkane fəp fər kirin.

* 27:14 *Meriba* ti təyənə cəHebərə, «Kəcəp». † 27:14 *Kadəs* ti təyənə kusu kəŋjan «Pəsoku» kə pəyənə fə ti «Pəcempi».

²³ Kə Musa endənər Yosuwe waca, k'əəsəŋ kə mosom, pəmə təkə MARIKI ənaloku ti Musa mə.

28

Sariyə sa kəloŋne

Kəloŋne ka dəsək o dəsək

¹ Kə MARIKI osom Musa:

² «Məloku aka Yisrayel tosom nte: Nəde nəckembərne belbel kəkər'em yoloŋne nyə yəyəne yopocə yem, təm nte ambənc mə, yeri yem, yoloŋne yəcəf nyə ambənc nə yi ŋontore-tor'em abəkəc mə.

³ Mədə məloku nə sə: Yoloŋne yəcəf yə nəndekene MARIKI: Dəsək o dəsək nəde nəccəfe MARIKI ŋkesiya yorğun mərəŋ ya teren tin tin yətəyə dolokəp.

⁴ Mənde məloŋne aŋkesiya ŋorkun ŋəcəkə-cəkə bətbət, kə nə mərəŋ dec dərfəy.

⁵ Teta kəloŋne ka mənğben, məde məckere kilo maas ka kəmbefe kətət mənəktərəne ki liter din kə dacə da moro ma olif mətət.

⁶ Yocəl yoloŋne yayəkə ancəfe MARIKI dəsək o dəsək mə yede yocwurene kə yəkə anacop kəloŋne kə nde tərə ta Sinayi mə. Ambənc nə yi ŋontore-tore MARIKI abəkəc, kəloŋne ka yeri nke ancəfe MARIKI mə kə.

⁷ Aŋkesiya ŋorkun nŋe o nŋe, məloŋər wən liter din kə dacə teta kəloŋne ka wən. Məloŋər wi nde dəkiyi dosoku.

⁸ Dec dərfəy, məloŋne aŋkesiya ŋorkun nə mərəŋ, toloŋne tin tayi pəmə yoloŋne ya mənğben ya bətbət, kə kəloŋne ka wən wa ki. Kəloŋne ka yeri kə nke ancəfe MARIKI mə, ambənc nə ki ŋontore-tore kə abəkəc.»

Kəloŋne ka dəsək da kəŋesəm

⁹ «Simiti, dəsək da kəŋesəm nde ampuse MARIKI mə, nəde nəcloŋne ŋkesiya yorğun mərəŋ ya teren tin tin yətəyə dolokəp. Teta kəloŋne ka mənğben, məkere sə kəmbefe kətət kilo camət-tin panəktərəne ki moro kə kəloŋne ka wən wa ki.

¹⁰ Dəsək o dəsək nəde nəcloŋne MARIKI poloŋne pəcəf bətbət kə dəfəy. Mba dəsək da kəŋesəm nde ampuse kə mə, nəde nəcədənər poloŋne pəcəf papəkə kə wən wa pi.»

Kəloŋne ka tataka təcəkə-cəkə ta ŋof o ŋof

¹¹ Dəsək dəcəkə-cəkə da yof yonu fəp, nəkere MARIKI yoloŋne yəcəf yayə: Mura mərəŋ, aŋkesiya ŋorkun ŋin kə ŋkesiya yorğun camət-mərəŋ ya teren tin tin yətəyə dolokəp.

¹² Nəde nəcədənər sə yoloŋne yayəkə teta kəloŋne ka mənğben: Tura mpe o mpe kəmbefe kətət kilo camət-maŋkəle panəktərəne ki moro kə aŋkesiya ŋorkun nŋe o nŋe kəmbefe kətət kilo camət-tin panəktərəne ki moro,

¹³ aŋkesiya ŋorkun nə teren tin nŋe o nŋe padənər ŋi poloŋne pa mənğben pa kəmbefe kətət kilo kəmaas panəktərəne ki moro. Kəloŋne ka pəcəl mpe ancəfe MARIKI mə pə, ambənc nə poloŋne pəcəf papəkə ŋontore-tore kə abəkəc.

¹⁴ Nədənər sə kəloŋne ka wən: Teta tura mpe o mpe nəkere liter maas, teta aŋkesiya ŋorkun liter mərəŋ, kə teta aŋkesiya ŋorkun nə teren tin nŋe o nŋe liter din kə dacə. Yoloŋne yocəl yəcəf yayə yə pəmar nəde nəcloŋne tataka təcəkə-cəkə ta ŋof ŋofu nə teren fəp.

¹⁵ Nəkere sə MARIKI ambiyofu ŋin teta kəloŋne ka kiciya, nənəcər ŋi yoloŋne yayəkə ancəfe MARIKI dəsək o dəsək mə, kə kəloŋne ka wən wa yi.

Kəlonjə ka kəsata ka Kəcepər ka Mələkə Medif

¹⁶ Njof njocəko-cəko nja teren, tataka ta wəco kə manjəle (14), nəboc kəsata ka kəcem-cəməs ka Kəcepər ka mələkə medif kələləs ka MARIKI.

¹⁷ Tataka ta wəco kə kəcəmət (15) ta njof njəpəko, nəde nəcboce MARIKI kəsata ka Cəcom cətnənjəl lebin. Nəde nəcsəm cəcom cətnənjəl lebin mata camət-məreñ camcam.

¹⁸ Dəsək dəcəko-cəko da tataka toluksər tayi, nəde nəcwe kəlonjəne kəsoku teta kələləs MARIKI. Ta nəbəc dəsək dadəko yəbəc nyə o nyə nəmbət bəc mə!

¹⁹ Nəde nəkerə MARIKI yolonjəne nyə nəndecəfə kə mə teta polonjəne pəcəf: Mura məreñ, anjəsiya njorkun njin kə njəsiya yorkun camət-məreñ ya teren tin tin. Nələk yəcəl yətəyo dolokəp.

²⁰ Pəcəl mpe o mpe, nədenjər pi kəmbefe kətət ka polonjəne pa mənjgben panəktərəne ki kə moro: Tura mpe o mpe kilo camət-manjəle kə anjəsiya njorkun kilo camət-tin,

²¹ anjəsiya njorkun nja teren tin nje o nje kilo kəmaas.

²² Nəkerə ambiyofə njin teta kəlonjəne ka kiciya, nte tənşəne patubucne kəsəkəs nu kiciya konu mə.

²³ Yolonjəne yayəko yə nəde nədenjər sə yolonjəne nyə ancəfə MARIKI bətbət, nyə ancəfə kə dəsək o dəsək mə.

²⁴ Dəsək o dəsək mata camət-məreñ disre nəde nəckerə yolonjəne yayəko, yi yəyənə yolonjəne ya yeri nyə ancəfə MARIKI mə. Ambənc nja yi njotore-tore kə abəkəc. Padenjər yi sə yolonjəne ya dəsək o dəsək nyə ancəfə MARIKI mə, kə kəlonjəne ka wen wa yi.

²⁵ Tataka ta camət-məreñ, kəlonjəne kəsoku kə teta kələləs MARIKI. Ta nəbəc dəsək dadəko yəbəc nyə o nyə nəmbət bəc mə.

Kəlonjə ka kətəl

²⁶ Dəsək nde nəntəl yokom yəcəko-cəko ya antəf njonu mə, nəde nəcker'em yolonjəne ya mənjgben mofu ma yetel yonu. Dəsək da kəsata ka Mataka Moluksər dadəko, nəde nəcwe kəlonjəne kəsoku teta kələləs ina MARIKI. Ta nəbəc dəsək dadəko yəbəc nyə o nyə nəmbət bəc mə.

²⁷ Nəkerə MARIKI yolonjəne nyə ancəfə kə mə: Mura məreñ, anjəsiya njorkun njin kə njəsiya yorkun camət-məreñ ya teren tin tin. Ambənc nja yi njotore-tore MARIKI abəkəc.

²⁸ Pəcəl o pəcəl, nəlonjəne pi kəmbefe kətət nke anəktərəne kə moro mə: Teta tura o tura nədenjər kilo camət-manjəle, teta anjəsiya njorkun nje o nje kilo camət-tin,

²⁹ kə teta anjəsiya njorkun nja teren tin nje o nje kilo kəmaas.

³⁰ Nəlonjəne sə ambiyofə njin teta kətubucne kəsəkəs nu kiciya konu.

³¹ Nədenjər yolonjəne yayəko fəp yolonjəne yəcəf ya dəsək o dəsək kə yolonjəne ya mənjgben nyə andenjər yi mə. Nəde nəckerə yəcəl nyə yəntəyo dolokəp mə, kə yolonjəne ya wen.

29*Kəlonjə ka dəsək da Kəkul-kuləne pəbotu*

¹ Dəsək dəcəko-cəko da njof nja camət-məreñ, nəde nəcwe kəlonjəne kəsoku teta kələləs ina MARIKI. Ta nəbəc dəsək dadəko yəbəc nyə o nyə nəmbət bəc mə. Dəsək nde anjula aluk cawon cawon mə pəbotu pə.

² Nəde nəlonjəne MARIKI yəcəl yəcəf, ambənc nja yolonjəne yayəko njotore-tore kə abəkəc: Tura tin, anjəsiya njorkun njin kə njəsiya yorkun ya teren tin tin camət-məreñ, fəp fa yi ta yəyo dolokəp.

³ Nəkerε sə yoloηne ya mεngben ya yi, kəmbefe kətət nke anəktərəne kə moro mə: Teta tura o tura kəmbefe kilo camət-manjkəle, teta anjkəsiya ηorkun kəmbefe kilo camət-tin,

⁴ teta anjkəsiya ηorkun ηa teren tin nηε o nηε kəmbefe kilo kəmaas.

⁵ Mədənər sə ambiyofo ηin teta kətubucne kəsəkəs nu kiciya konu.

⁶ Padənər yəcəl yoloηne yayəkə kəloηne nke ancəfe MARIKI dəsək o dəsək mə. Padənər sə yi yəcəl yoloηne yəcəf ya dəsək dəcəkə-cəkə da ηof o ηof kə yoloηne ya mεngben kə yoloηne ya wen ya yi. Ambənc ηa yoloηne yəcəf yayəkə fəp ηontore-tore MARIKI abəkək.

Kəloηne ka dəsək da Kətubucne Kəsəkəs ka Kiciya

⁷ Tataka ta wəco ta ηof ηa camət-mεrəη, nəde nəcwe kəloηkane kəsoku, nəsuη ta nəbəc nte o nte dəsək dadəkə.

⁸ Nəkene MARIKI yoloηne yəcəf, ambənc ηa yi ηontore-tore kə abəkək: Tura tin, anjkəsiya ηorkun ηin kə ηkəsiya yorkun camət-mεrəη ya teren tin tin nyε yəntəyə dolokəp mə.

⁹ Yoloηne ya mεngben ya yi yəyənε kəmbefe kətət nke anəktərəne moro mə: Kəmbefe kanjkə kilo camət-manjkəle teta tura tin, kilo camət-tin teta anjkəsiya ηorkun,

¹⁰ kəmbefe kətət kilo kəmaas teta anjkəsiya ηorkun ηa teren tin nηε o nηε.

¹¹ Nəkerε sə ambiyofo teta kəloηne ka kiciya, kədənər ka kəloηne ka kətubucne kəsəkəs ka kiciya, padənər sə yoloηne nyε ancəfe MARIKI dəsək o dəsək mə, yoloηne ya mεngben kə ya wen wa yi.

Kəloηne ka kəsata ka Cəngbe

¹² Tataka ta wəco kə kəcamət ta ηof ηa camət-mεrəη, nəde nəcwe kəloηkane kəsoku teta kələləs ka ina MARIKI. Ta nəbəc dəsək dadəkə yəbəc nyε o nyε nəmbət bəc mə. Nəboce MARIKI kəsata mata camət-mεrəη disre.

¹³ Nəkekəre yəcəl yəcəf, yoloηne nyε ancəfe MARIKI mə, ambənc ηa yoloηne yayəkə ηontore-tore MARIKI abəkək: Mura wəco kə maas, ηkəsiya yorkun mεrəη kə ηkəsiya wəco kə manjkəle ya teren tin tin, yi fəp yəntəyə dolokəp.

¹⁴ Yoloηne ya mεngben ya yi yəyənε kəmbefe kətət nke anəktərəne moro mə: Teta tura o tura nəkerε kəmbefe kilo camət-manjkəle, teta anjkəsiya ηorkun nηε o nηε kəmbefe kilo camət-tin,

¹⁵ ηkəsiya ya teren tin tin wəco kə manjkəle kəmbefe kilo kəmaas teta nηε o nηε,

¹⁶ nəkerε sə ambiyofo teta kəloηne ka kiciya, nədənər sə yoloηne nyε ancəfe MARIKI dəsək o dəsək mə, kə kəloηne ka mεngben kə ka wen wa yi.

¹⁷⁻³⁴ Kəyεfe tataka ta mεrəη haη ta camət-mεrəη ta kəsata, nəcdənər kəloηne nke ancəfe MARIKI dəsək o dəsək mə, nəcloηne yəcəl yəntəyə dolokəp, yoloηne ya mεngben ya kəmbefe kə wen wa yi. Yəcəl nyε yə nənde nəcloηne:

Dəsək da mεrəη: Mura wəco kə mεrəη, ηkəsiya yorkun mεrəη, ηkəsiya wəco kə manjkəle ya teren tin tin, kə ambiyofo ηin.

Dəsək da maas: Mura wəco kə pin, ηkəsiya yorkun mεrəη, ηkəsiya yorkun wəco kə manjkəle ya teren tin tin, kə ambiyofo ηin.

Dəsək da manjkəle: Mura wəco, ηkəsiya yorkun mεrəη, ηkəsiya yorkun wəco kə manjkəle ya teren tin tin, kə ambiyofo ηin.

Dəsək da kəcamət: Mura camət-manjkəle, ηkəsiya yorkun mεrəη, ηkəsiya yorkun wəco kə manjkəle ya teren tin tin, kə ambiyofo ηin.

Dəsək da camət-tin: Mura camət-maas, ηkəsiya yorkun mεrəη, ηkəsiya yorkun wəco kə manjkəle ya teren tin tin, kə ambiyofo ηin.

Dəsək da camət-mərəj: Mura camət-mərəj, ηkesiya yorkun mərəj, ηkesiya yorkun wəco kə manjkəle ya teren tin tin kə ambiyofu ηin.

³⁵ Tataka ta camət-maas ta kəsata, kəlonjkane kəlpəs kə. Ta nəbəc nte o nte nəmbət bəc mə dəsək dadəkə.

³⁶ Nəkekəre yəcəl nye ancəfe MARIKI mə yoləne yəcəf nye ambənc ηa yi ηontore-tore kə abəkəc mə: Tura tin, aηkesiya ηorkun ηin kə ηkesiya yorkun camət-mərəj ya teren tin tin, fəp fa yi ta yəyə dolokəp.

³⁷ Pəcəl o pəcəl, pəmar paləne pi kəmbefe kə wən kətubcəne ka nte sariye səloku nu ti mə.

³⁸ Nəlonne sə ambiyofu teta kəlonne ka kiciya, nədeηər yoləne nye ancəfe MARIKI dəsək o dəsək mə, nədeηər sə kəlonne ka meηgben kə ka wən nwe aηlonne yi mə.

³⁹ Yoləne yayə yə nənde nəckere MARIKI mataka ma kəsata. Nədeηər yi yoləne ya kəderəm, yoləne ya kəpocə abəkəc ηosoku pəs, yoləne nye ancəfe MARIKI mə, ya meηgben, ya wən kə ya kəpaηne pəforu.

30

¹ Kə Musa oloku aka Yisrayel təkə MARIKI enasom kə mə fəp.

Sariye sa kəderəm

² Kə Musa oloku akirin a cusuηka ca Yisrayel: «Nte təkə MARIKI osom:

³ Kə fum enderəm kəkere MARIKI poləne, kə pəyone fe ti pəpaηne tes tələma, pəmar fe pəyi ta elas dim dən-ε, pəyə təkə oloku mə.

⁴ Kə wəyecərə əsarəyi ndena kas, pəderəm kəyone MARIKI tes tələma,

⁵ kə kas encərə kəderəm kanjkə ta oloku tələm o tələm-ε, wan wəran pəmar pələs dim dən, pəyə təkə enaderəm kəyə mə.

⁶ Mba dəsək nde kas encərə ti, pələku a owose fe kəderəm ka wan kən wəran mə, wan wəran nwe entam kəyi ta elas dim dəkə enaderəm mə. MARIKI eηaηne kə kəderəm kən, bawo kas owose fe.

⁷ Kə wəyecərə enderəm, kə pəyone fe ti pəsəη temer kəyə tes tələma ta encem-cemne, tecepər pəde pələ telpəs,

⁸ dəsək nde wos encərə ti ta oloku tələm o tələm-ε, pəmar pələs dim dəkə enaderəm mə.

⁹ Mba dəsək nde wos encərə ti, pələku a owose fe kəderəm ka wəran kən mə-ε, wəran nwe entam kəyi ta elas dim dəkə enaderəm mə. MARIKI eηaηne kə kəderəm kən, bawo wos owose fe.

¹⁰ Kə wəcəbokərə kə pəyone fe ti wəran nwe ηancəne kə wos, təyone enderəm kəyə ka tes-ε, pəmar pələs dim dən.

¹¹ Kə wəran wələ enderəm kə pəyone fe ti pəsəη temer kəyə ka tes tələma,

¹² wos pəcərə kəderəm kanjkə ta oloku tələm o tələm-ε, pəmar pələs dim da kəderəm dəkə enasəη mə.

¹³ Mba kə təyone, dəsək nde wos encərə ti mə, wos pələku a owose fe kəderəm kanjkə-ε, wəran nwe entam kəyi ta əyə təkə enaderəm mə. MARIKI eηaηne wəran nwe, bawo wos owose fe kəderəm kanjkə.

¹⁴ Kəderəm nke o nke kə pəyone fe ti kəsəη temer kəsək tes tələma-ε, wos entam kəwose ti kə pəyone fe ti pəbupəre ti.

¹⁵ Kə wos əntəloku tələm o tələm haη dəkəsək-ε, wos owose tem tatəkə kəderəm kanjkə kə pəyone fe ti kəsəη temer kanjkə. Wos owose ti tem tatəkə teta kəyi kən ta ombupəre dəsək nde encərə ti mə.

¹⁶ Kə təyone pəwon kəbupəre ti-ε, nkən wos əyone wəciya teta nte wəran kən əntəlas dim da kəderəm kən mə.»

¹⁷ Sariyə sənşə sə MARIKI ənasom Musa, nte pəmar teyi wərkun kə wəran kən dacə mə, kə pəyəne fə ti wəyəcərə kə kas dacə kə təyəne pəsərəyi ndena kas-ε.

31

Aka Yisrayel nəwəkərne aka Madiyan

¹ Kə MARIKI oloku Musa:

² «Məluxsə aMadiyan ayək nə aYisrayel. Kə tencepər-ε, mənədfi.»

³ Kə Musa oloku aYisrayel: «Afum nəna dacə nələk yosutnənə, nəko nəwəkərne aMadiyan kəsutənə, nte tənşənə nəluxsə ayək nə MARIKI oloku kəluxsə nə mə.

⁴ Nəyək-yək afum wul win (1.000) kusunja o kusunja ka Yisrayel.»

⁵ K'ayək-yək cusunja ca Yisrayel fəp arkun asutənə wul wəco kə mərəj (12.000).

⁶ Kə Musa ənəkəre arkun akanə wul win (1.000) kusunja o kusunja dəkəsutənə kələkənə Finehas wan ka wəlonjə Elasar, nwe ənətpər yosumpər-sumpər yopus ya anğbip nəsoku kə luk nyə awənə teta kəlonkənə mə.

⁷ Kə nələk yosutnənə kə nəwəkərne aMadiyan pəmə nte MARIKI ənasom ti Musa mə: Kə nəndifət arkun aMadiyan fəp.

⁸ Kə nəndifənə abə aMadiyan anə kəcamət: Ewy, Rekem, Cur, Hur, Reba, kə nəndifənə sə Balam wan ka Behor.

⁹ Kə aka Yisrayel nəsumpər aran kə awut aMadiyan dacar kə nəfənət yəcəl kə daka danjan fəp.

¹⁰ Kə nəncəfət sədare sənan səpən kə madare manjan.

¹¹ Kə nənjəkəre daka da Madiyan fəp, kələk afum hanj yəcəl yanjan nyə nənasumpər mə.

¹² Kə nənjəkəre acar anə nənasumpər dəkəwan kə daka dəko nənalək mə, kə nəmentər yi Musa, wəlonjə Elasar kə kəlonkənə ka aka Yisrayel anə nənəndə ndə təgbərə ta Mohab ndə Yurden kəsək, nətəfərne Yeriko mə.

¹³ Musa, wəlonjə Elasar kə akirin a kəlonkənə ka Yisrayel fəp nəwur kəkəfəynə nə sanja tadarən.

¹⁴ Kə pəntələ Musa nəno akirin a cəgba ca asutənə wul win (1.000), kə ca asutənə tassar tin (100) a dəkəwan anə nənalukus mə.

¹⁵ Kə Musa oloku: «Ta ake tə nəntədifte aran akanə fəp-ε?

¹⁶ Aran akanə, moloku ma Balam disre nəsonjə aka Yisrayel kəcamə MARIKI dəbəkək teta Peyər. Ti tənəsonjə pəcu y pəsətə kəlonkənə ka MARIKI.

¹⁷ Ndəkəl ən nədifət awut arkun aMadiyan kə aran fəp anə arkun nəfəntərər mə.

¹⁸ Mba ayəcərə anə arkun nəntətəfəntərər mə, nəmənjəkərne nə, akonu.

¹⁹ Kə nəna, nwe o nwe endif fum kə pəyəne fə ti pəğbuənə wəfi mə, pəyi nəno sanja tadarən, nəndəsəkəsne kiciya kənan tataka ta maas kə ta camət-mərəj kə acar anu.

²⁰ Nəndəsəkəs sə yamos fəp, ca ya akata, ca nyə anlompse cəfon ca cir mə, kə yosumpər-sumpər nyə alompse tək mə.»

²¹ Kə wəlonjə Elasar oloku asədar anə nənakə dəkəwan mə: «Tantə tə sariyə nse MARIKI osom Musa mə səloku:

²² Kəma, gbəti, kəpər, afəc, yoku kə sumbu,

²³ ca nyə yəntam nənc mə fəp, nəcəf yi, a nədəsəkse yi domun dəsəkse. Nyə yəntətam nənc mə, domun ndə dənşəkəs mə d'andesəkse yi.

24 Nəyak yamos yonu tataka ta camət-mərəj, nəjsək tem tatəko. Kə ten-cəpər-ε, nəntam kəberε dəsənka.»

Teyer ta daka nde nenasəto dəkəwan mə

25 Kə MARIKI oloku Musa:

26 «Məna, wəlojnε Elasar kə akirin a dəcor aka kəlojkanε, nələm daka nde nəsoəto dəkəwan mə, afum kə yəcəl nyε nəsumpər mə fəp.

27 Nəyer daka nde nəsoəto dəkəwan mə asutεnε kə aka kəlojkanε.

28 Yəsəto ya asutεnε daco, nyε yəyənε ya MARIKI. Fum wəkin afum masar kəcəmət (500) daco, wana win cəna masar kəcəmət (500) daco, əjkesiya njin jkesiya masar kəcəmət (500) daco, wir win cir masar kəcəmət (500) daco yəyənε ya MARIKI.

29 Nəsəj wəlojnε Elasar yəsəto yayəkə ambele ina MARIKI mə.

30 Daka dəko ənsəj aka Yisrayel mə, nəwurε fum wəkin afum wəco kəcəmət (50) daco, pəcəl pin wəco kəcəmət (50) daco, kəyεfε cəna, jkesiya, səfale, cir kəbəp ka yəcəl yəlpəs yəkə nəsoj yayəkə aLewy əjε njantəmpər kəbum ka dəkiyi dosoku dem mə.»

31 Musa kə wəlojnε Elasar njayə təkə MARIKI εnasom Musa mə.

32 Yəcəl nyε asutεnε njanafonət dəkəwan mə: Delay da jkesiya kə cir dənabəp wul masar camət-tin, wəco camət-mərəj kə kəcəmət (675.000).

33 Delay da cəna dənabəp wul wəco camət-mərəj kə mərəj (72.000).

34 Delay da səfale dənabəp wul wəco camət-tin kə pin (61.000),

35 kə aran wul wəco maas kə mərəj (32.000) əjε arkun njanatəfəntərε mə.

36 Yəcəl yəfεt nyε y'anasəj asutεnε: Njkesiya kə cir wul masar maas wəco maas kə camət-mərəj, masar kəcəmət (337.500).

37 Yəcəl nyε anabelər ya MARIKI mə yənabəp masar camət-tin, wəco camət-mərəj kə kəcəmət (675).

38 Cəna wul wəco maas kə camət-tin (36.000), k'ambelε MARIKI wəco camət-mərəj kə mərəj (72).

39 Səfale wul wəco maas, masar kəcəmət (30.500), k'ambelε MARIKI wəco camət-tin kə pin (61).

40 Afum wul wəco kə camət-tin (16.000) k'ambelε MARIKI wəco maas kə mərəj (32).

41 Kə Musa əsoj wəlojnε Elasar yəsəto nyε pənamar pasəj MARIKI mə, pəmə təkə MARIKI εnasom ti Musa mə.

42 Yəsəto yəkə pənamar pasəj aYisrayel mə, nyε Musa εnabelər yəsəto ya asutεnε daco mə,

43 jkesiya kə cir yənabəp wul masar maas wəco maas kə camət-mərəj, masar kəcəmət (337.500),

44 cəna cənabəp wul wəco maas kə camət-tin (36.000),

45 səfale sənabəp wul wəco maas, masar kəcəmət (30.500),

46 kə afum njanabəp wul wəco kə camət-tin (16.000).

47 Yəsəto yəkə pənamar pasəj aYisrayel mə, kə Musa owurε pəsəto mpe o mpe daco, pin wəco kəcəmət (50) disrε, k'əsoj aLewy əjε njantəmpər kəbum ka dəkiyi dosoku da MARIKI mə, pəmə təkə MARIKI εnasom ti Musa mə.

Yəsəto ya dəkəwan nyε anapocε Kanu mə

48 Akirin a asutεnε tassar tin (100), akirin a asutεnε wul win (1.000) njander njabəp Musa,

49 kə njaloku kə: «Sələm asutεnε əjε sənasołε mə. Ali wəkin ombut fε su daco.

⁵⁰ Fəp fosu səmpocə-pocə MARIKI ca ya kəma nyə səsoət dəkəwan mə, kəyefə yegbəkne, cəsora, curundə ca tamp, kəbəp yadələhəs kə ca ya kəma yələma, nte tənşəje patubucnə kəsəkəs səna yati kiciya kosu MARIKI fər kirin mə.»

⁵¹ Musa kə wəloñne Elasar nəsətər asutəne kəma, ca fəp yegbəc.

⁵² Delə da kəma fəp nkə akirin a asutəne tassar tin (100), asutəne wul win (1.000) njanasəñ MARIKI mə, dənabəp kilo tassar tin kə wəco camət-mərəñ (170).

⁵³ Asutəne, nja njanameñkərne yəsətə yanjan nyə njanafonət mə.

⁵⁴ Musa kə wəloñne Elasar nambañ kəma nkə akirin a asutəne tassar tin (100) kə asutəne wul win (1.000) njankeɾe nja mə, kə namber yi nde anğbancan njebərəne kə Kanu, nte tənşəje tøyəne təcemcəməs ta MARIKI teta aka Yisrayel mə.

32

Cusunjka maas cəndə kəca nkə dec dəmpə Yurdən mə

¹ Aka kusunjka ka Ruben kə ka Kad njanayə yəcəl yelərəm. Kə njanəñk a antəf nja Yaser kə nja Kalad njentese kəcəl.

² Kə aka cusunjka ca Kad kə Ruben njaner njaloku Musa, wəloñne Elasar kə akirin a kəloñkanə:

³ «Atarot, Dibəñ, Yaser, Nimra, Hesbon, Eleyale, Sebam, Nebo kə Beyəñ,

⁴ sədare nse kəloñkanə ka Yisrayel njasut kəmar ka MARIKI disre mə fəp. Atəf nja nje njentese kəcəl. Səna, acar am, səyo yəcəl.»

⁵ Kə njaloku: «Kə tøyəne məcwosə-ε, Musa məsəñ səna kəyer disre atəf nja nje. Ta məcepərəne su kəñgbəkə ka Yurdən.»

⁶ Kə Musa eyif aka kusunjka ka Kad kə ka Ruben: «Awənc anu nja njanə njackə dəkəwan, nəna nəndə nnə ba?

⁷ Ta ake tə nəfan kəberə aYisrayel abəc kəkə atəf nje MARIKI əsəñ nja mə-ε?

⁸ Tante tə awisi nja njanayə, nte inasom Kadəs Barneya mə, kəkəkəkce atəf nja Kanaj mə.

⁹ Kə njanə nde dəñgbəl da Əskəl, nte njanəkce atəf mə, kə namber aYisrayel abəc kətəberə atəf nje MARIKI eyi kəsəñ nja mə.

¹⁰ Kə pəntələ MARIKI dəsək dadəkə, k'enderəm:

¹¹ «Arkun anje njanəpə kəyefə ka Misira mə, kələk ka meren wəco mərəñ (20) hanj kəcepər ka ti, nfaədenəñk atəf nje inaderəm kəsəñ Abraham, Siyaka kə Yakuba mə, bawo njələləs fə dim dem.

¹² Mənə Kaleb wan ka Yefune wəka kor ka Kenisi kə Yosuwe wan ka Nun, nja njanəñk atəf njanəkə, bawo nja njələləs dim da MARIKI.»

¹³ Kə pəntələ MARIKI nnə aka Yisrayel njañ mə, k'əşəñ nja kənəñkər-nəñkər nnə dətegbərə meren wəco manjələ (40) hanj kə detəmp nde dənayə təkə təntəbət MARIKI mə njalip kəməlke.

¹⁴ Kə nəna, nəlek so dəkəcəmə da awisi nja, pəmə yəpəsər ya kətək nəyənə kəğba ka aciya, nənəcər metələ ma MARIKI nnə aka Yisrayel njañ mə!

¹⁵ Nəna aka cusunjka ca Kad kə Ruben, kə nəntələləs dim da MARIKI-ε, eñsak so afum asu nnə dətegbərə, nəşəñ nja kəməlke.»

¹⁶ Kə aka cusunjka anje njələtərne Musa kə njaloku kə: «Kule ka nkesiya kə cir cosu kə səfanj kələmpəs nnə kə dəkiyi da afum asu aka dəwələ.

¹⁷ Kə səlip-ε, səlek yosutnəne səcəmə aYisrayel tekirin, hanj səkekərə nja mofə manjan mēndə. Aka wələ wosu disre njandəndə sədare nse abum mə, teta afum anje anabanər atəf mə.

¹⁸ Səfəlukuş nnə ndorosu ta aka Yisrayel njasətə nwe o nwe kə kən-ε.

19 Səna səfəkəsətə paka dəke kəjan nde kəngbəkə ka Yurden tadarəñ, bawo səna səstə ke kəca nke dec dempe Yurden mə.»

20 Kə Musa oloku ɲa: «Kə nəyə tatəkə, kə nəlek yosutnəne nəcəme MARIKI tekirin kəkə dəkəwan,

21 nəlek fəp fonu yosutnəne nəcali Yurden MARIKI fər kirin, nəyi di hañ MARIKI fəlip kəbeləs atərene ən-ε,

22 kə nəndelukus tēm nte atəf ɲendeyi kətam ka MARIKI dəntəf mə-ε, awa, tēm tatəkə gbəcərəm, tonu telip nno MARIKI kə aka Yisrayel ɲayi mə. Tēm tatəkə yati atəf ɲaɲe ɲəyənə oɲ ɲonu kəwose ka MARIKI.

23 Mba kə nəntəyə tatəkə-ε, nənciya MARIKI, nəcərə a kiciya konu kəɲlüksərne nu.

24 Nəcəmbər dəkiyi da afum anu aka dəwələ kə kule ka ɲkesiya kə cir conu, nəyə sə təkə towur nu dəcusu mə.»

25 Aka kusunja ka Kad kə ka Ruben ɲaloku Musa: «Acar am ɲə səyənə, Mariki, təkə məloku mə, tə səndeyə.

26 Aran asu kə awut, yəcəl yosu fəp yendeyi sədare sa Kalad.

27 Fəp fosu səndelek yosutnəne səkə dəkəwan kəsom ka MARIKI pəmə təkə məloku ti mə.»

28 Kə Musa osom tetanjan wəloɲne Elasar, Yosuwe wan ka Nun kə akirin a wələ wa cusunja ca Yisrayel.

29 Kə Musa oloku ɲa: «Kə aka cusunja ca Kad kə Ruben ɲancali kəngbəkə ka Yurden kə nəna-ε, kə fəp fañan ɲalek yosutnəne kəkə dəkəwan pəmə təkə MARIKI osom ti mə, kə atəf ɲeyi kətam konu dəntəf-ε, nəsoɲ ɲa atəf ɲa Kalad ke.

30 Mba kə ɲantələk yosutnəne ɲacali kə nəna-ε, ɲasətə ke ka antəf nəna daco nno Kanaɲ.»

31 Aka cusunja ca Kad kə Ruben ɲaloku: «Nte MARIKI oloku su mə, səndeyə ti.

32 Səndelek yosutnəne pəmə təkə MARIKI oloku ti mə, səberə Kanaɲ. Mba səna, nno kəca nke dec dempe Yurden mə sədesətə ke ka antəf.»

33 Kə Musa əsoɲ aka cusunja ca Kad kə Ruben kə kusunja daco ka Manase wan ka Isifu atəf ɲa Sihəɲ wəbe wəka Amor, atəf ɲa Ək wəbe ka Basan, atəf kə sədare sayi, kə antəf ɲəkə ɲeɲkel sədare sasəkə mə fəp.

34 Kə aka kusunja ka Kad ɲancəmbər Dibəɲ, Atarot, Arower,

35 Atarot Sofan, Yaser, Yokboha,

36 Bet Nimra kə Bet Haran sədare sa səkət, kule ka ɲkesiya kə cir cəjan.

37 Kə aka kusunja ka Ruben ɲancəmbər Hesbon, Eleyale, kə Kiriyaɲayim,

38 Nebo kə Bal Meyəɲ, sədare nse anader pasəkrəpər mewe mə, kə Sibima. Kə ɲasəɲ sədare səkə ɲancəmbər mə mewe.

39 Aka kor ka Makir wan ka Manase ɲaɲkə Kalad kə pəyənə di ndaranan. Kə ɲambaɲər di aka Amor akə ɲanandə di mə.

40 Kə Musa əsoɲ atəf ɲa Kalad Makir wan ka Manase kə wəkəkə endə di.

41 Yahir wan ka Manase, əɲkə pələk madare ma aka Amor mələma, k'ewe di madare ma cəbal ma Yahir.

42 Noba nkən sə əɲkə pəwəkərne Kenat kə madare mme məsəɲkəne di mə, k'əsəɲ di tewe tən Noba.

33

1 Mofə mecepe-cepə ma aYisrayel mə mame nte ɲanawur Misira cəgba kə cəgba, Musa kə Aruna ɲasolə ɲa mə.

2 Kə Musa encic mewe ma mofə mme ɲancəmbərəs mə, kəsom ka MARIKI.

3 Kə ɲayefə Ramses ɲof ɲəcəkə-cəkə, tataka ta wəco kə kəcamət ta ɲof ɲəcəkə-cəkə. Dəckəsək da kəcepər ka məlekə medif, kə aYisrayel ɲawur yeɲən fər ya aka Misira fəp kirin.

4 Təm tatəkə tə aka Misira ɲancwup awut aɲan acəkə-cəkə akə ɲanafir ɲa mə. Kə MARIKI ombocər canu ca Misira kiti.

5 Kə aka Yisrayel ɲayefə Ramses kə ɲaɲkə ɲacəmbər sanjka nde Sukət.

6 Kə ɲayefə Sukət kə ɲaɲkə ɲacəmbərəs Etam ɲɲe ɲeyi təgbərə kəsək mə.

7 Kə ɲayefə Etam kə ɲaluksərne kəca ka Pi Hirət nde pəntəfərəne Bal Cefəɲ mə kə ɲaɲkə ɲacəmbərəs Mikədəl.

8 Kə ɲayefə Pi Hirət kə ɲancali kəba ka Cəɲkəlma kə ɲaɲkə dətegbərə. Kə ɲaɲkət mata maas təgbərə ta Etam disre, kə ɲaɲkə ɲande Mara.

9 Kə ɲayefə Mara kə ɲaɲkə Elim. Cələmp wəco kə mərəɲ (12) cənayi Elim kə komp wəco camət-mərəɲ (70) dəndo ɲanacəmbərəs.

10 Kə ɲayefə Elim kə ɲaɲkə ɲacəmbərəs kəba ka Cəɲkəlma kəsək.

11 Kə ɲayefə dəndo kəba ka Cəɲkəlma, kə ɲaɲkə ɲacəmbərəs təgbərə ta Sin.

12 Kə ɲayefə təgbərə ta Sin kə ɲaɲkə ɲacəmbərəs Dofka.

13 Kə ɲayefə Dofka kə ɲaɲkə ɲande Alus.

14 Kə ɲayefə Alus kə ɲaɲkə ɲacəmbərəs Refidim, nde afum ɲanatəsətə domun domun mə.

15 Kə ɲayefə Refidim kə ɲaɲkə ɲacəmbərəs təgbərə ta Sinayi.

16 Kə ɲayefə təgbərə ta Sinayi kə ɲaɲkə ɲacəmbərəs Kibərot Tawa.

17 Kə ɲayefə Kibərot Tawa kə ɲaɲkə ɲacəmbərəs Hacerot.

18 Kə ɲayefə Hacerot kə ɲaɲkə ɲacəmbərəs Ritma.

19 Kə ɲayefə Ritma kə ɲaɲkə ɲacəmbərəs Rimon Pəreç.

20 Kə ɲayefə Rimon Pəreç kə ɲaɲkə ɲacəmbərəs Libna.

21 Kə ɲayefə Libna kə ɲaɲkə ɲacəmbərəs Risa.

22 Kə ɲayefə Risa kə ɲaɲkə ɲacəmbərəs Kelata.

23 Kə ɲayefə Kelata kə ɲaɲkə ɲacəmbərəs nde tərə ta Sefər.

24 Kə ɲayefə tərə ta Sefər kə ɲaɲkə ɲacəmbərəs Harada.

25 Kə ɲayefə Harada kə ɲaɲkə ɲacəmbərəs Makelot.

26 Kə ɲayefə Makelot kə ɲaɲkə ɲacəmbərəs Tahat.

27 Kə ɲayefə Tahat kə ɲaɲkə ɲacəmbərəs Tara.

28 Kə ɲayefə Tara kə ɲaɲkə ɲacəmbərəs Mitka.

29 Kə ɲayefə Mitka kə ɲaɲkə ɲacəmbərəs Hasemona.

30 Kə ɲayefə Hasemona kə ɲaɲkə ɲacəmbərəs Moserot.

31 Kə ɲayefə Moserot kə ɲaɲkə ɲacəmbərəs Bene Yakan.

32 Kə ɲayefə Bene Yakan kə ɲaɲkə ɲacəmbərəs Hor Kidkad.

33 Kə ɲayefə Hor Kidkad kə ɲaɲkə ɲacəmbərəs Yotbata.

34 Kə ɲayefə Yotbata kə ɲaɲkə ɲacəmbərəs Abərona.

35 Kə ɲayefə Abərona kə ɲaɲkə ɲacəmbərəs Eciyən Keber.

36 Kə ɲayefə Eciyən Keber kə ɲaɲkə ɲacəmbərəs təgbərə ta Cin nde Kadəs.

37 Kə ɲayefə Kadəs kə ɲaɲkə ɲacəmbərəs nde tərə ta Hor nde Edəm kəsək.

38 Kə wələnne Aruna empe nde tərə ta Hor kəron kəsom ka MARIKI disre, k'əɲkə pəfi di teren ta wəco mankələ (40) kəwur ka aka Yisrayel Misira, tataka təcəkə-cəkə ta ɲof ɲa kəcamət.

³⁹ Aruna enasətə meren tasar tin wəco mərənj kə maas (123) nte encfi nde tərə ta Hor mə.

⁴⁰ WəKanañ enayi nwe enayəne wəbe wəka dare da Arad, pənde Nəkəf mə. Nkən enane tañ kəder ka aYisrayel.

⁴¹ Kə nəyəfə tərə ta Hor kə nəñkə nəcəmbərəs Calmona.

⁴² Kə nəyəfə Calmona kə nəñkə nəcəmbərəs Punon.

⁴³ Kə nəyəfə Punon kə nəñkə nəcəmbərəs Obot.

⁴⁴ Kə nəyəfə Obot kə nəñkə nəcəmbərəs Iye Abarim, nde kələncər ka Mohab.

⁴⁵ Kə nəyəfə Iyim kə nəñkə nəcəmbərəs Dibəñ Kad.

⁴⁶ Kə nəyəfə Dibəñ Kad kə nəñkə nəcəmbərəs Almon Diblatayim.

⁴⁷ Kə nəyəfə Almon Diblatayim kə nəñkə nəcəmbərəs nde tərə ta Abarim nde pəntefərəne Nebo mə.

⁴⁸ Kə nəyəfə tərə ta Abarim kə nəñkə nəcəmbərəs nde təgbərə ta Mohab, kəñgbəkə ka Yurdən kəsək nde pəntefərəne Yeriko mə.

⁴⁹ Kə nəñkə nənde Yurdən kəsək, kəyəfə Bet Yesimət hañ Abel Sitim nde təgbərə ta Mohab.

Kəsom ka MARIKI teta kəyer ka antəf ɲa Kanañ

⁵⁰ Nde təgbərə ta Mohab, nde kəñgbəkə ka Yurdən kəsək nde pəntefərəne kə Yeriko mə, kə MARIKI oloku Musa:

⁵¹ «Məloku aYisrayel: Kə nəñkəcepər Yurdən kəberə ka atəf ɲa Kanañ-ε,

⁵² nəkə nəbañər afum akə nənde atəf nəñkə mə fəp, nəmələk masar mañan məpat motontnəne, nəmələk mərəñka mañan ma fəc yəgbec, nələsər sə mofə məsali dəməro mme ɲampuse canu cəñan mə.

⁵³ Nəbañ atəf nənde ɲi, isəñ nu atəf nəñkə nte təñsəñe ɲəyənə nu ke mə.

⁵⁴ Nəkət yampunɲun əyər atəf nəñe ɲəyənə ke konu mə, dəcor dəcor. Nəbekənə ntəf təkə nəlanənə mə, akə ɲala mə, nəsəñ ɲa ke ka antəf nke kəmbək mə. Añe ɲampice mə, nəsəñ ɲa ke ka antəf nke kəmpice mə. Cusunka nce o nce ɲabañ da yampunɲun yəñsəñ ɲa mə. Nəbañ ntəf yayəkə yəyənə nu ke ka dəcusɲka.

⁵⁵ Kə nəntəbeləs afum añe nənde atəf nəñkə fəp fər yonu kirin-ε, afum akə nəñsak mə, ɲəndəkətərəs nu pəmə nte paka pəmbərə fum dəfər mə kə pəyənə fə ti bəñk nɲe yəñsə-səs cumunt mə. Nənde ɲactərəs nu sədare nse nənde mə.

⁵⁶ ɲɲə nu təkə inacem-cemne kəyə ɲa mə.»

34

Cələncər ca Kanañ

¹ Kə MARIKI oloku Musa:

² «Məsom aYisrayel nte, məloku ɲa: Kə nəndəkəberə Kanañ-ε, antəf nɲe isəñ nu ke mə, cələncər ca ɲi cə cance:

³ Kəca kətət kə məntefərne nde dec dəmpə mə, antəf ɲonu ɲəñkəcəp təgbərə ta Cin kə atəf ɲa Edəm. Kələncər konu kəñkəcəp kəca kətət ka kəba Kədokət kə məntefərne nde dec dəmpə mə.

⁴ Kəkə kəkafələr ntənde kəca kətət ka dəkərə da Məkələncər, kəsəlne kəca ka Cin, kəkəcəpər kəca kətət ka Kədəs Barneya, kəkə kəcəpər sə Hacar Adar kə Acmon,

⁵ kəkəkafələr sə Acmon hañ kəkə kəsumpər dəñgbəl da Misira a kədewur nde dəkəba.

⁶ Kələncər konu ntənde dec dəñkalə mə, kəkəyənə kəba Kəpəñ.

⁷ Ntənde kəca kəmeriya kə məntefərne nde dec dəmpə mə, kəyəfə nde kəba Kəpəñ, nəci ki hañ nde tərə ta Hor.

⁸ Kəyefe nde tərə ta Hor, nəcic ki kəcepər dəkəbərə da Lebo Hamat ntə tənşəje kəbəp Cedad mə.

⁹ Kələncər kanjə kəkə ta Sifron hanj kəkə kəsumpər Hacar Enan: Kələncər konu ka kəca kəmeriya kə kanjə.

¹⁰ Nəcic kələncər konu ntende dec dəmpə mə, kəyefe Hacar Enan hanj Sefam,
¹¹ kələncər kanjə kətor kəyefe Sefam kəkə Ribla kəca nkə dec dəmpə Ayin mə, kələncər kanjə kətor kəgbuje dobo da kəba ka Kineret ntende dec dəmpə mə.

¹² Kələncər kanjə kətor sə Yurdən, kəkə kəsumpər kəba Kədokət.

Atəf njonu nəjəkə kə cələncər nce cənəjkər ni mə.»

¹³ Kə Musa osom aYisrayel nte: «Atəf nəjəkə nə nəjkəyerəne dəyampunpun, antəf nəje MARIKI əsəy payer cusunja nce camət-mənəkəle kə dacə mə.

¹⁴ Bawo kusunja ka Ruben dəcor kə dəcor, kusunja ka Kad dəcor kə dəcor nəsətə ke kəjan ka antəf, kə kusunja dacə ka Manase sə kəsətə ke kəjan ka antəf.

¹⁵ Cusunja cance mərəj kə kusunja dacə ka Manase nənasətə ke kəjan ka antəf kəca nkə dec dəmpə Yurdən nde pətəfərəne Yeriko mə.»

Mewe ma afum akə nənatəmpər teta kəyer ka antəf nə Kanañ mə

¹⁶ Kə MARIKI oloku Musa:

¹⁷ «Mewe ma afum mə mame, aņe nəjkəyer nu antəf mə. Wəlonje Elasar kə Yosuwe wan ka Nun.

¹⁸ Nədəkə nəlek wəkirin wəkin ka kusunja o kusunja, teta kəyer ka antəf.

¹⁹ Mewe ma afum akaņe mə mame:

Kusunja ka Yuda: Kaləb wan ka Yefue,

²⁰ Kusunja ka Simeyən: Semuwel wan ka Amihud.

²¹ Kusunja ka Benyamin: Elidad wan ka Kislon.

²² Kusunja ka Dan: Buki wan ka Yokəli.

²³ Kusunja ka Isifu, kor ka Manase: Wəkirin Haniyel wan ka Efod.

²⁴ Kusunja ka Efrayim: Kemuyel wan ka Siftan.

²⁵ Kusunja ka Sabulon: Wəkirin Elicafan wan ka Parnak.

²⁶ Kusunja ka Isakar: Paltiyel wan ka Asan.

²⁷ Kusunja ka Aser: Ahihud wan ka Selomi.

²⁸ Kusunja ka Naftali: Pedahel wan ka Amihud.»

²⁹ Afum akaņe nə MARIKI ənasom kəyer ka antəf nə Kanañ aYisrayel.

35

Sədare sa aLewy

¹ Nde tēgbərə ta Mohab, nde Yurdən kəsək, nde pətəfərəne kə Yeriko mə, kə MARIKI oloku Musa:

² «Məsom aYisrayel, nəsən aLewy ke ka antəf dəntəf yanjan disre, sədare nse nəntam kənde mə, nəsən nə sə ntəf nyə yeņkel si mə, yəcəl yanjan yəcətə dəkəsəmət.

³ ALewy nənde sədare sasəkə, ntəf yəkə yeņkel nə mə yəyənə dəkəsəmət da yəcəl yanjan, pətət paņjan kə pa yəcəl yanjan.

⁴ Ntəf yəkə yeņkel sədare səņjan, nyə nəndəsən nə mə, pəmar yəyə dowokulu da mətər masar kəcəmət (500) hanj pənəjkər.

⁵ Teta dəkəsəmət da yəcəl yayəkə nətubuc kəyefe ka damba nde dəņkel dare mə, kəkə ntende dec dəmpə mətər wul win (1.000) kə nde dəņkəle sə mə, mətər wul win (1.000), kəca kətət mətər wul win (1.000) kə kəmeriya mətər wul win (1.000), dare dey i dacə.

⁶ Nəson aLewy sədare səyacne camət-tin nse wədif fum ta eyefene ti, entam kəyekse pəko mə. Nəson ɲa sə sədare wəco maɲkələ kə mɛrəɲ (42).

⁷ Sədare nse pəmar pasəɲ aLewy mə: Sədare wəco maɲkələ kə camət-maas (48) kə cəsək ca si teta dəkəsəmət da yəcəl yaɲan.

⁸ Sədare nse nəndesəɲ aLewy mə, təkə cusuɲka cəɲlanene kəsətə ntəf mə, tə cəndelanene sə kəsəɲ aLewy ntəf. Kusuɲka nke kəɲsətə pəlarəm mə kəsəɲ pəlarəm, nke kəɲsətə pipic mə kəsəɲ pipic.»

Sədare səyacne

⁹ Kə MARIKI oloku Musa:

¹⁰ «Məloku aYisrayel: Kə nəncali Yurden nəcbere Kanaɲ-ε,

¹¹ nəyek-yek sədare nse səndeyəne nu sədare səyacne mə, nte təɲsəɲe nwe endif fum ta eyefene ti, eɲyekse pəko pəyacne mə.

¹² Sədare sasəkə səndeyəne nu səyacne, wəlukse ayek. Ti disre, wədif fum əfəfi ta kəlonkane kəntakiti kə-ε.

¹³ Sədare camət-tin nse nəndesəɲ mə, səndeyəne nu səyacne.

¹⁴ Nəson sədare maas ntende dec dempe Yurden mə, sədare maas nde Kanaɲ: Sədare sasəkə səyəne nu səyacne.

¹⁵ Sədare sasəkə camət-tin səyəne səyacne sa aYisrayel, acikəra ande kə acəpərəne tɛm aɲe ɲayi nu daco mə, nwe o nwe endif fum ta eyefene ti mə, entam kəyekse pəko pəyacne di.

¹⁶ Kə fum eyefene ti, pəsute wenc paka pa afec təsəɲe kə kəfi-ε, wədif fum əfə, mɛne padif wəkəkə.

¹⁷ Kə fum encane wenc tasar təsəɲe kə kəfi-ε, wədif fum əfə. Mɛne padif fum wəkəkə.

¹⁸ Kə fum osute wenc paka pa kətək təsəɲe kə kəfi-ε, wədif fum əfə. Mɛne padif wəkəkə.

¹⁹ Wəlukse ayek ɲa wəfi, əncəkənbəp wədif fum wəkəkə, pədif kə.

²⁰ Kə təyəne fum pəwen wenc kəter disre, kə pəyəne fe ti pəca kə paka pələm təsəɲe wəkəkə kəfi-ε,

²¹ kə pəyəne fe ti pəcan kə aɲkulma kantera disre təsəɲe wəkəyi kəfi-ε, padif wəcan kən aɲkulma, wədif fum əfə. Wəlukse ayek ɲa wəfi əncəkənbəp kə, pədif kə.

²² Mba kə fum ewen wenc kətəyefene disre kə pəyəne fe ti pəca kə paka pələm kətəyefene disre-ε,

²³ kə təyəne pəca kə tasar kətəyefene disre, təsəɲe kə kəfi mba ta ɲanaterene, ta entən kəyəkə kə pələc-ε,

²⁴ kəlonkane kəboc kiti wədif fum kə wəlukse ayek ɲa wəfi daco.

²⁵ Kə kəlonkane kəban wədif fum wəlukse ayek ɲa wəfi dəwaca. Kəlonkane kəlukse wədif fum wəkəkə dare dəkə enayekse pəko pəyacne mə.

Pəyi di haɲ wəlonɲe wəpəɲ nwe enasətə kəbəy ka moro ma dəKanu mə, pəfi.

²⁶ Kə wədif fum owur cələncər ca dare nde enayekse pəyacne mə,

²⁷ təyəne wəlukse ayek ɲa wəfi pəbəp kə cələncər ca dare dəyacne todoru-ε, wəlukse ayek pədif kə-ε, esare fe teta defi dən.

²⁸ Bawo pəmar wədif fum nwe pəyi dare dəyacne disre haɲ wəlonɲe wəpəɲ pəfi. Kə tencepər-ε, wədif fum nwe entam kəlucus nde dare dən dokur.

²⁹ Nəde nəcleləs sariye saɲse detemp kə detemp nno o nno nəndeyi mə.

³⁰ Kə təyəne fum pədif wenc kəyefene disre-ε, padif wədif fum wəkəkə, kə sede alarəm ɲalok-loku-ε, toloku ta sede sin təfəsəɲe padif wədif fum wəkəkə.

³¹ Ta nəde nəcwosə kəpocə kələc teta kəkafəli pələmpu. Ta nənaḡnənə wədif fum nwe pəmar padif mə, mənə padif kə.

³² Ta nədesə nəcwosə kəpocə nənaḡnənə wədif fum pələkus dare dən dokur ta wəloḡnə wəpəḡ entafi-ε.

³³ Ta nəyik-yikəs atəf ḡəkə nəḡyi mə. Bawo k'andif fum-ε, tənḡəḡə atəf kəyik-yik, mecir ma wədif ka fum ḡbəcərəm mə antam kəsəkse ka atəf nḡə andif fum mə.

³⁴ Ta nəde nəcyik-yikəs atəf nḡə nəndendə mə, difə ində nu daco: MARIKI iyəne, ində aka Yisrayel daco.»

36

Aran aḡə ḡələk kə ka kas kəḡan mə, mənə ḡələ kusunḡa kəḡan disre

¹ Kə akirin a kor ka Kalad, wan ka Makir wəka Manase, nwe əyənə wəka kusunḡa ka Isifu mə, ḡander ḡələku fər ya Musa kirin, akirin a cusunḡa kə akirin a cor ca Yisrayel.

² Kə ḡander ḡələku: «Mariki mem, MARIKI osom əm kəsən dəyampunḡun atəf ḡəyənə kə ka aYisrayel. Kə məsətər sə MARIKI kəsən ka kə ka Celofad wənc kosu, awut ən aran.

³ Kə təyənə wəka kusunḡa kələma aYisrayel daco pənəncə kə-ε, pələc pəmpə pəntam kəbər su tēm tatəkə, bawo kə kosu kəndəbelə antəf ḡə kusunḡa kosu, kədənər ka kə ka kusunḡa ka awos aḡə. Ti disre, kə nke yampunḡun yenasən su mə kəmbələ.

⁴ Tedenər ta ti, kə teren ta Kəkul-kulənə Pəbotu * tēmbəp-ε, kə kəḡan ka antəf kəndəbelə dəkə ka kusunḡa kosu kədənərənə ka awos aḡə.»

⁵ Kə Musa osom aYisrayel kəsom ka MARIKI disre, k'oloku: «Aka kusunḡa ka Isifu ḡələku kance.

⁶ Nte tə MARIKI osom awut aran a Celofad: ḡələ nwe ḡənfaḡ pənəncə ḡə mə, mba təcyənə a wərkun wəkayı pəcyənə wəka kusunḡa ka kas kəḡan.

⁷ Təyənə tēm tatəkə, kə ka antəf ḡə Yisrayel kəfəyefə kəkə kədənərənə kə ka kusunḡa kələma. Kusunḡa nke o nke kətəmpər kə ka antəf ḡəḡan.

⁸ Kə təyənə kusunḡa disre wəran ələk kə ka antəf ḡə kas-ε, wəka kusunḡa ka kas pəmar pənəncə kə. Ti disre, kusunḡa o kusunḡa ka Yisrayel kəndətəmpərənə kə ka antəf nke atem aḡan ḡanasətə mə.

⁹ Kə teyi tatəkə-ε, kə ka antəf nke o nke kəfəkə kusunḡa kələma. Kusunḡa ka Yisrayel nke o nke kəntəmpər kə ka antəf ḡə akas aḡə.»

¹⁰ Kə awut aran a Celofad ḡəyətəkə MARIKI ənasom Musa mə.

¹¹ Mala, Tirsə, Hokələ, Milka kə Noha awut aran a Celofad ḡələs-ləs nda awut arkun a akas aḡan afət,

¹² aka yuruya ya Manase wan ka Isifu daco. Kə kə ka antəf ḡəḡan kəyi sə kə kusunḡa kə kor ka apa kəḡan.

¹³ Tosom kə sariyə saḡse sə MARIKI ənaloku Musa kəsom aYisrayel nde tēḡbərə ta Mohab nde Yurdən kəsək, nde pəntəfərənə kə Yeriko mə.

* 36:4 Məməmən ALewy 25.10 kə kəcəpər.

Tawureta Musa, Buk 5: Sariye Səgbəkəre Moloku ma kəsəkəs buk ba Musa ba kəcamət: Sariye Səgbəkəre

Buk ba Sariye Səgbəkəre, buk bəlpəs ba səbuk kəcamət sa Tawureta Musa bə bambə. Səbuk kəcamət sasəkə səyənə səcəkə-cəkə sa kədəm kokur ka Kitabu Kətət ka Kanu. CəHebərə, tewe ta buk babəkə təyənə «Moloku». Ancəm-cəmne a Musa ecicəs buk ba Sariye Səgbəkəre, ambərəne fə moloku mme aloku teta defi dən mə de. Nte tə yecicəs yəcəkə-cəkə ya buk bambə yoncop: «Moloku mame mə Añnabi Musa ɛnaloku aka Yisrayel fəp.» (Srye 1.1) Kədəm Kəfu ka Kibaru Kətət ka Kanu kəloku sə a Musa ecicəs Sariye Səgbəkəre. Tementər ta ti teyi nde buk ba Kədəm Kəfu ka Kibaru Kətət ka Kanu disre. Sənjək tementər ta ti nde buk ba Asom disre, sora 3.22-23. Ti disre, Piyer əgbəkəre moloku ma Sariye Səgbəkəre 18.15-18, k'oloku a moloku ma Musa mə. Ti təyənə, acərə mes njalan a Añnabi Musa ɛnacicəs səbuk kəcamət sa Tawureta: Dəkəcop da doru, Kəwur, Sariye s'aLewy, Kələm kə Sariye Səgbəkəre. Musa ɛnacicəs bi fəp kəyefə meren wul win masar maas (1.300) hanj kəbəp meren wul win masar mankələ (1.400) ta antakom Yesu Krist-ɛ.

Anacicəs Sariye Səgbəkəre pəmə kəsək danapa ka wəbe kə dəbe dələma kətam kən dantəf, pəmə təkə tenayi cəkə-cəkə mə. Tes tetəñne tə nnə Kanu kə aka Yisrayel njayi mə. Kanu kənanawosə kəpocə ka aka Yisrayel pətət kə njawosə kəcəmə sariye sən darəñ-ɛ. Kə aka Yisrayel njafati kəcəmə sariye sa Kanu darəñ-ɛ, antərəs nja. Moloku mə, mme əngbəkəre-gbəkəre dəbuk babəkə mə, mba sora 27-28 səsəkəs ti belbel, sələm kətolanə kətət kə kətolanə pələc nke njantam kəsətə kəcəmə sariye kə kətəcəmə sariye darəñ ka aka Yisrayel mə. Buk babəkə boloku kədəñk ka kəsək danapa kanjə, nte cusunja ca Yisrayel cənayerənə kəcəmə mərə merəñ kəronj, njaclokunə kətolanə pətət kə kətolanə pələc sim səpəñ, kəmentər kəwosə kəñjan danapa da Kanu kə afum ən aka Yisrayel.

Teyer ta buk bambə

- 1-3, Añnabi Musa ələm təkə tenəcəpər nte aka Yisrayel njayi marənt nde dətegbərə mə.
- 4-26, Alokusariye sa danapa nde Kanu kənasek kə aYisrayel mə.
- 27-30, Aka Yisrayel njaloku pəpəñ kətolanə pətət kə kətolanə pələc kəmentər a danapa dəgbasnja də.
- 31-34, Kə Musa oloku moloku melpəs mələma Yosuwe kə cusunja ca Yisrayel fəp, a k'endefi.

Sariye Səgbəkəre

Moloku ma kawandi kəcəkə-cəkə ka Musa

1.1-4.43

¹ Moloku mame mə Añnabi Musa ɛnaloku aka Yisrayel fəp tēm nte njanayi mokuru ma Yurdən, nde teğbəre, nde aranta njowosu nde pəntefərəne kə Suf mə, sədare sa Paran: Tofel, Laban, Hacerot kə Disahab daco.

² Kəkət ka mata wəco kə tin (11) kə, kəyefə ka tərə ta Horeb məsolne ta dəpə da mərə ma Sehir hanj məkə məbərə Kədəs Barneya.

³ Teren ta wəco maŋkəle (40) nte aka Yisrayel ŋanayefe kə ŋawur Misira mə, tataka tacəkə-cəkə ta ŋof ŋa wəco kə pin (11), kə Musa oloku ŋa moloku fəp məkə MARIKI enasom kə nno ŋayi mə.

⁴ Musa oncloku ŋa mi tetəŋne elip kəsut Sihon wəbe ka Amər nwe enande Hesbon mə, kə Ɔk wəbe ka Basan nwe enande Astarot kə Edreyi mə.

⁵ Ntende dec dempe Yurden mə, nde atof ŋa Mohab, kə Musa oncop kəsəksər aka Yisrayel Sariye sa Kanu nse, pəcloku mame:

Kanu kəsom aka Yisrayel kəkə

⁶ «MARIKI Kanu kosu enalok-lokər su nde tərɔ ta Horeb: Kəwon konu kənde nno tərɔ tantɛ kəsək kəntəŋne oŋ.

⁷ Nəyefe nəsumpər sɔ dɔpɔ nəkə nde tərɔ ta aka Amər kə ande aŋan fəp, nda akə ŋandɛ Araba, tərɔ kəron, Sefela, Nekɛf, agbɛp ŋa kəba, haŋ nde atof ŋ'aKanaŋ kə Libaŋ, haŋ nde Ɛfərat kəŋgbəkə kəpən.

⁸ Mənəŋk! Isɔŋ nu atof ŋaŋe! Nəkə nəbaŋ atof ŋɛ MARIKI enaderme atem anu Abraham, Siyaka kə Yakuba kəsəŋ ŋa kə yuruya yaŋan kə ŋa ŋancepər-ɛ.»

Musa encəmbər aboc kiti

⁹ «Tɛm tantɛ ina Musa icloku nu: Ifɔtam kəsare mes monu sona sem.

¹⁰ MARIKI Kanu konu kəsəŋe nu kəla, nəla məkə pəmɔ kənay ka cɔs ca darenc.

¹¹ Intola MARIKI Kanu ka atem anu kəsəŋe nu sɔ kəla wul win (1.000) pəcepər tantɛ, pəpocɛ nu pətət pəmɔ təkə enaloku nu ti mə!

¹² Cəke c'intam kəsare sona sem pəsare pələl pa megbəkələne monu-ɛ?

¹³ Nəyek-yek nu dacɔ afum aŋe ŋancəre kəkətɛne mes, asoku səbomp aŋe alələs cusuŋka conu disre mə, icəmbər ŋa ŋayɔne nu akiriŋ.»

¹⁴ Kə nəlok'im a təkə mənəcɛm-cɛmnɛ kəyɔ mə, a tentese.

¹⁵ K'ilek afum akə ŋanayɔne akiriŋ a cusuŋka conu mə, afum aŋe ŋancəre kəkətɛne mes, aŋe afum fəp ŋələləs belbel mə, k'incəmbər ŋa, kə ŋayɔne akiriŋ anu aka afum wəco wəco, akiriŋ aka afum wəco kəcamət kəcamət (50, 50), akiriŋ aka afum tasar tin tin (100, 100), akiriŋ aka afum wul win win (1.000, 1.000), k'atubuc mes cusuŋka conu disre.

¹⁶ Tɛm tatəkɔ t'inasom abocɛ anu kiti: «Nəcəŋkəl awɛnc anu aŋa, nəbocɛ nwe o nwe kiti pəlompu disre nkɛ pəmar pəbocɛ nkən kə wɛnc, kə pəyɔne fɛ ti, nkən kə wəcikərə dacɔ mə.

¹⁷ Ta nəde nəcɔmən cəro dəŋkiti de! Nəcəŋkəl fum wələl pəmɔ təkə nəncəŋkəl wəfəfər mə. Ta fum o fum pənempse nu fər, bawo Kanu kəyɔ kiti. Kə kiti kələma kəncuca nu-ɛ, nəken'em ki, ina sɔ icəŋkəl.

¹⁸ Tɛm tantɛ, isom nu kəyɔ mes fəp mme pəmar nu kədeyɔ mə.»

Asom afum kəkəməmən atəfyəkək

¹⁹ Kə səyefe tərɔ ta Horeb, sənəkət dɔpɔ da tərɔ ta aka Amər. Səŋkɔ səcali tɛgbəre tɔpɔŋ tɛwey-wey tatəkɔ nənəŋk mə, pəmɔ təkə MARIKI Kanu kosu kənasom su ti mə. Kə sənder səbɛre Kadɛs Barneya.

²⁰ K'iloku nu: «Nəmbəp tərɔ ta aka Amər mpe MARIKI Kanu kosu kəsəŋ su mə.

²¹ Mənəŋk! Fər yam kiriŋ MARIKI Kanu kam kəsəŋ əm atof ŋaŋe. Məpe məkə məbaŋ ŋi pəmɔ təkə MARIKI Kanu ka atem am kənalok'əm ti mə. Ta mənese, ta dis dələl əm!»

²² Kə nənder nəlɔtərn'em fəp kələk'im: «Panuŋkɛne pasom afum, ŋako ŋaməmən atof ŋaŋe yəkək, ŋader ŋalukse su mes mme ŋanəŋk dɔpɔ nde andekət kəpe ka di mə, kə sədare nse pəmar pəbər mə.»

²³ Kò moloku mamàkò màm̀bòt im, k'ìlèk arkun wàcò kò m̀erə̀j (12) nu daco, kusun̄ka o kusun̄ka fum wə̀kin.

²⁴ Kò n̄ayefè n̄asumpər d̀p̀p̀, kò n̄ampè m̀arò kə̀rə̀j han̄ kò n̄anj̀kò n̄abere han̄ kə̀rə̀gbàkò k'Èskəl, kò n̄anj̀gbək̀arè di belbel.

²⁵ Kò n̄ampimene yokom y'antòf n̄anj̀kò yòlòma kò n̄antor n̄akerè su yi. Kò n̄aloku su nte: «Antòf n̄òtòt n̄ò MARIKI Kanu kòsu kəsə̀j su.»

²⁶ M̀ba ǹanawosè fè k̀p̀rè di, kò n̄ayen̄kəsne sə̀bomp ǹnò mosom ma MARIKI Kanu konu meyi m̀.

²⁷ Kò ǹacə̀pene nde cə̀bal conu, ǹacloku: «Nte MARIKI enter su m̀, it'owurene su atòf n̄a Misira, p̀delek su p̀ber aka Amər d̀awaca nte t̀sə̀jə̀ n̄adifət su m̀.

²⁸ Deke s̀ndepè-è? Awenc asu n̄asə̀jə̀ su bək̀ac kələcè-lècè, nte n̄aloku su: «Afum n̄ò, n̄ala n̄atas su kò n̄anj̀c su sò t̀cə̀mè. Sədare s̄ə̀jan s̄ə̀mbek kò s̄ə̀yò sibīnkə̀li han̄ darenc. Sə̀nakò han̄ s̄ə̀nə̀j̄k yuruya ya Anak afum āj̄eci t̀cə̀mè.»

²⁹ Iloku nu: «Ta n̄ə̀yikcè, ta n̄ə̀nese n̄a!

³⁰ MARIKI Kanu konu n̄kè k̄ə̀yi nu kirin̄ kək̀ot m̀, kə̀rə̀kəsutnène nu, p̀əmò t̀kò kə̀nə̀yòne nu fər yonu kirin̄ Misira,

³¹ kò t̀kò kə̀nə̀yòne nu sò nde d̀atə̀gbərə m̀, difò m̀ananə̀j̄k MARIKI Kanu kam kələk ə̀m p̀əmò nte wər̄kun ɛ̀r̄lèk wan kən m̀ kək̀ot konu disrè fə̀p han̄ kò n̄ə̀nder ǹabere kə̀fò kə̀rə̀kè.»

³² Ti disrè ǹanə̀gbək̀ar fè sò MARIKI Kanu konu kə̀lan̄,

³³ nkən n̄wè ə̀nckòt nu fər kirin̄ d̀p̀p̀ t̄em tatòkò p̀ək̀otene nu kə̀fò n̄kè n̄ə̀ntam kə̀cə̀mbər s̄ə̀j̄ka m̀. Kò p̀ə̀mbiyè-è, n̄enc d̀ò MARIKI ɛ̀ncmentərə nu d̀p̀p̀ nde p̀ə̀mar nək̀ot m̀, kò p̀ə̀yò w̄anj̀kə̀ra-è, kə̀p kò ɛ̀ncmentərə nu d̀p̀p̀ nde p̀ə̀mar nək̀ot m̀.

³⁴ MARIKI ɛ̀ne kə̀cə̀pəsne konu. M̄etele m̀ən disrè, k'ènderəm:

³⁵ «Ali fum wə̀kin wə̀ka d̄etemp d̄elèc dandè ə̀fòdenə̀j̄k antòf n̄òbotu n̄j̄e inad̄erəm kəsə̀j̄ atem anu m̀.

³⁶ M̄enè Kaləb sona, wan ka Yefune endekə̀nə̀j̄k di. Indesə̀j̄ kò, nkən kò awut ə̀n, atòf n̄j̄e ɛ̀nakòt m̀, bawo nkən ɛ̀las k̄ə̀yò mes m̀kò MARIKI ɛ̀nafan̄ər kò m̀.»

³⁷ Tetonu t̄enasə̀j̄e nte p̀ə̀ntelene MARIKI ǹnò iyi m̀, k'òlok'im: «M̀ə̀na Musa yati m̀ə̀bərə atòf n̄anj̀kò.

³⁸ Yosuwe wan ka Nun, n̄wè ɛ̀ncəm'am fər kirin̄ m̀, endekə̀bərə atòf n̄anj̀kò. M̄ə̀yən̄kəs kò abək̀ac bawo nkən endekəsə̀j̄ atòf n̄anj̀e aka Yisrayel n̄j̄yòne kè kə̀jan.»

³⁹ Kò MARIKI oloku fə̀p fonu: «Cənaka conu n̄cè ǹə̀naloku: «N̄andeyòne ca n̄yè aterene asu n̄andek̀awetas m̀,» kò awut anu akakò n̄antə̀cərə p̀ə̀tòt kò p̀ələc m̀kò m̀, n̄a n̄andekə̀bərə atòf n̄anj̀kò kò Yosuwe. N̄a n̄ò indekəsə̀j̄ atòf n̄anj̀kò.

⁴⁰ Kò ǹə̀na, n̄ayefè n̄əkafələ n̄asumpər d̀p̀p̀ da d̀atə̀gbərə ntende kə̀ca ka kə̀ba ka Cə̀r̄kòlma.»

⁴¹ Kò ǹə̀na aka Yisrayel n̄ə̀luks'em moloku nte: «Sə̀naciya ǹnò MARIKI eyi m̀. Sə̀ndek̀ə̀pè, s̄əsutene p̀əmò t̀kò MARIKI Kanu kòsu kəsom su ti m̀.» Kò n̄wè o n̄wè ɛ̀lèk yosutnène teta kə̀wan, bawo ǹə̀nacəm-cəmne a p̀ə̀nkə̀fə̀rène nu kə̀ban̄ sədare sa m̀arò kə̀rə̀j̄.

⁴² M̀ba MARIKI olok'im: «Musa m̀aloku n̄a: «Ta n̄ə̀pè, ta n̄əsutene, bawo iyi fè nu daco. Itò aterene anu n̄afòdek̀əsut nu.»

⁴³ K'ìlok-lokər nu, m̀ba ǹə̀nacə̀j̄kəl f'em kò n̄ə̀ntan̄ər kəsom ka MARIKI lə̀r̄əs. Kələkne disrè kò n̄asumpər d̀p̀p̀ k̀p̀rè ka nde d̀ə̀mərò.

⁴⁴ Awa, aka Amor anje njanande dendo mɔrɔ mamɔko mɔ, njantor kadebɔpene ko nana, ko nambelɔs nu pɔmɔ nte cɔme cɔmbelɔs mɔ. Njanasamsɔr nu kɔyefe mɔrɔ ma Sehir hanj Horma.

⁴⁵ Nte nɔyefe dɔkɔwan mɔ, ko nɔnde nɔbokɔr MARIKI, mba MARIKI enene fe nu, owose fe yati kɔsu alɔnjɔs pɔcɔnjɔkɔl kɔbokene konu.

⁴⁶ Ko nɔnde Kadɛs ko nɔwon di hanj.

2

Kɔcali ka tɔfya Edɔm, Mohab k'Amɔj

¹ Ko sɔyefe ko sɔsumpɔr sɔ dɔpɔ kɔko kɔca ka dɔtegbɔre ntende kɔba ka Cɔnjɔkɔlma, pɔmɔ tɔko MARIKI enalok'im ti mɔ. Mataka melarɔm sɔcɔnjɔkɔr-nɔnjɔkɔr dɔndo mɔrɔ ma Sehir.

² Awa! Ko MARIKI olok'im:

³ «Nɔwon kɔnɔnjɔkɔr-nɔnjɔkɔr nnɔ mɔrɔ mame, nɔyefe nɔsumpɔr sɔ dɔpɔ da kɔca kɔmeriya ka ntende dec dempe mɔ.

⁴ Mɔna Musa mɔloku tosom nte aka Yisrayel: «Kɔlɔncɔr ka akomene anu ko nɔnjɔkɔpɔr, yuruya ya Esayu, anje njande mɔrɔ ma Sehir mɔ. Nɔndekɔnese nu, mba nɔkɔmbɔrne belbel.

⁵ Ta nɔdekɔyektɔr njɔ kɔyefɔrene de! Bawo ali kɔfo nke fum entam kɔcɔmbɔr kɔcɔk mɔ ifɔdekɔsɔj nu atɔf njɔnjɔn disre. Inalip kɔsɔj mɔrɔ ma Sehir Esayu, mɔyɔne mɔn.

⁶ Nɔndekɔ nɔcway kɔway dɔm yeri ko domun donu dɔndo.»

⁷ Bawo MARIKI Kanu kam kɔmpoc'am pɔtɔt dɔmosumpɔr ma waca wam fɔp, Kanu kɔnacɔre kɔkɔt kam tegbɔre pɔpɔj pampɛ. Meren wɔco mɔnjɔkɔle (40) mɔ mame MARIKI Kanu kam kɔsol'am, ali paka pombut f'am.»

⁸ Ti tenasɔje sɔcepɔr sɔbɔle akomene asu, awut a Esayu anje njande nde mɔrɔ ma Sehir mɔ. Nte sɔncepɔr njɔ mɔ, ko sɔyay dɔpɔ da Araba, Elat ko Eciyɔj Keber. Ko sɔnjɔ sɔkafɔle ko sɔlek dɔpɔ da tegbɔre ta Mohab.

⁹ Ko MARIKI olok'im: «Ta mɔyektɔr aMohab kɔwan, ta mɔwɛkɔrne njɔ sɔ! Bawo ali kɔfo ifɔsɔj ɔm atɔf njɔnjɔn. Inalip kɔsɔj dare da Ar awut a Lot, dɔyɔne danjan.»

¹⁰ Cɔko-cɔko aka Emy njanande dare da Ar, afum apɔj njanayi, njala, njɔje cɔcɔme pɔmɔ aka Anak.

¹¹ Anclɔm aRefay pɔmɔ aka Anak, mba aMohab, «aka Emy» njɔ njancwe njɔ.

¹² Atɔf njɔ mɔrɔ ma Sehir, cɔko-cɔko aHor njanande njɔ, ko awut a Esayu njander njabanjɔr njɔ njɔ, ko njandifɔt njɔ, ko njande di, pɔmɔ tɔko aka Yisrayel njɔyɔ nde atɔf njɔnjɔn, njɛ MARIKI enasɔj njɔ kɔnde mɔ.

¹³ Ko MARIKI osom njɔ nte: «Ndekɔl ɔj, nɔyefe ɔj nɔcali kɔnjɔbɔko ka Sereɔ.» Ko sɔnjɔ sɔcali ki.

¹⁴ Kɔwon kosu dɔpɔ nte sɔlek kɔkɔt kɔyefe ka Kadɛs Barneya hanj sɔcali kɔnjɔbɔko ka Sereɔ mɔ, kɔnasɔtɔ meren wɔco maas ko camɔt-maas (38), hanj ko danapa da afum asu aka dɔkɔwan fɔp njalip kɔfis-fis su daco, pɔmɔ tɔko MARIKI enaderme njɔ ti mɔ.

¹⁵ Kɔca ka MARIKI kɔnayi njɔ sɔ kɔrɔj teta kɔmɔlɔk kɔnjɔn njɔ su daco hanj njalip kɔfis-fis.

¹⁶ Nte arkun a dɔkɔwan fɔp njafis-fis afum daco mɔ,

¹⁷ ko MARIKI olok'im:

¹⁸ «Mɔko mɔndekɔcali kɔlɔncɔr k'aMohab mɔbere dare da Ar.

19 Tɛm tatɔkɔ, mɛtɛfɔrnɛ oŋ aka Amɔŋ. Ta mɛdekɔyɛktɔr ɲa kɔwan, ta mɛdekɔwɛkɔrnɛ ɲa de, bawo ifɔsɔŋ ɔm ali kɛfo kin dɛndo atɔf ɲ'Amoŋ. Inalip kɔsɔŋ ɲi awut a Lɔt, ɲɔyɔnɛ ɲaŋan.»

20 Atɔf ɲaŋɔkɔ sɔ analɔm ɲi pɛmɔ atɔf ɲa aka Refay, ɲa ɲanandɛ ɲi cɔkɔ-cɔkɔ. Aka Amɔŋ ɲacwɛ afum akakɔ «aSamsumi.»

21 Afum akakɔ apɔŋ ɲanayi, ɲala, ɲaŋɛc sɔ tɛcɛmɛ, pɛmɔ yuruya ya Anak. Kɔ MARIKI ɛmɛlɛk aRefay fɔr ya aka Amɔŋ kirin, kɔ ɲambanɲɔr ɲa atɔf ɲaŋɔkɔ kɔ ɲandɛ.

22 Tatɔkɔ tɔ MARIKI ɛɲayɔnɛ awut a Esayu aŋɛ ɲandɛ nde mɔrɔ ma Sehir mɔ, nɛɛ ɛnamɛlɛk aHor fɔr yaŋan kirin mɔ, kɔ ɲamban atɔf ɲaŋan, kɔ ɲandɛ di han mɔkɔ.

23 Aka Awy aŋɛ ɲanandɛs-ndɛs sɛdare han Kasa mɔ, aKaftɔr aŋɛ ɲanayɛfɛ Kaftɔr mɔ, ɲanader ɲadifɔt ɲa, kɔ ɲandɛ atɔf ɲaŋan.

24 «Awa, nɔyɛfɛ nɛsumpɔr sɔ dɔpɔ nɛcali kɛŋgbɔkɔ ka Arnɔŋ. Mɛmɔmɔn ilɛk Sihɔŋ, wɛbɛ ka Hesbon wɛka aka Amɔr kɔ atɔf ɲɔn, ibɛr ɔm dɔwaca. Tɛm tembɔp, mɛbanɲɔr ɲa atɔf ɲaŋan, mɔyɛktɔr ɲa kɔwan.

25 Kɔyɛfɛ mɔkɔ, kɛbɛr k'inder oŋ afum akanɛ ɲayi kam tantɔf mɔ fɔp anciyan kɔ kɛnɛs'am. Kɔ ɲane paclɔku tetam-ɛ, ɲaŋyikɛ, dis dɛdɛncɛ ɲa fɔr yam kirin.»

Kɛban ka tɔf ɲa dɛbɛ da Sihɔŋ

26 Inasak asom kɔyɛfɛ ka nde tɛgbɔrɛ ta Kedemot, kɔkɔ ka nda Sihɔŋ wɛbɛ ka Hesbon, kɛkɔlɔku kɔ molɔku ma kɛtɔŋnɛ:

27 «Atɔf ɲam ɲ'ifan kɛcali, mba dɔpɔ dem d'indesolnɛ gbɛcɛrɛm, ifɔgbaymɛ kɛca kɛtɔt, ifɔgbaymɛ kɛca kɛmeriya.

28 Pɛsam pɔ indɛkɔ icwayɔr'am yeri yonu nyɛ indɛkɔ icdi mɔ, icwayɔr'am sɔ pɛsam domun nde indɛkɔ icmun mɔ, kɛcɛpɔr gbɛcɛrɛm k'ifan ta incɛmbɛrɛs-ɛ.

29 Itɔ sɛnatɔŋnɛ kɔ awut a Esayu aŋɛ ɲandɛ nde mɔrɔ ma Sehir, k'aMohab aŋɛ ɲandɛ dare d'Ar mɔ. Mɛna sɔ mɛwos'em kɛcɛpɔr atɔf ɲam han kɛŋgbɔkɔ ka Yurdɛn, icali ikɔ nde atɔf ɲɔkɔ MARIKI Kanu kosu kɛsɔŋ su kɛkɔndɛ mɔ.»

30 Mba Sihɔŋ, wɛbɛ ka Hesbon, ɛnawosɛ fɛ kɛcɛ su sɛcɛpɔr nde ndɔrɔn, bawo MARIKI Kanu kam kɛnayanɛkɛs kɔ abɛkɛc kɔ domp, nɛɛ tɔŋsɔŋɛ pɛlɛk kɔ pɛbɛr ɔm dɔwaca mɔ, itɔ teyinɛ mɔkɔ tante.

31 Kɔ MARIKI olok'im: «Mɛmɔmɔn ilɛk oŋ ndɛkɛl Sihɔŋ kɔ atɔf ɲɔn k'imɛr ɔm ɲa dɔwaca. Mɛban oŋ ndɛkɛl atɔf ɲɔn, ɲɔyɔnɛ ɲam.»

32 Kɔ Sihɔŋ owur kɔ afum ɔn fɔp, kɛkɔcɔŋ su kɛsutɛnɛ nde Yahas.

33 Kɔ MARIKI Kanu kosu kɛmbɛr kɔ su dɔwaca, kɔ sɛsut kɔ, nkɔn kɔ awut ɔn, kɔ afum ɔn fɔp.

34 Tɛm tatɔkɔ tɔ sɛnasumpɔr sɛdare sasɔkɔ fɔp kɔ sɛsut afum aŋan han ɲamɛlkɛ, kɔyɛfɛ arkun kɛbɔp ka aran han awut fɔp, ali wɛkin ɛnamulpɔr fɛ su.

35 Mba yɔcɔl kɔ daka gbɛcɛrɛm da sɛdare sasɔkɔ sɛnasumpɔr mɔ, dɔ sɛnafɔŋɔt.

36 Kɔyɛfɛ ka Arower nde agbɔp ɲa kɛŋgbɔkɔ ka Arnɔŋ, kɔ dare dɔkɔ deyi nde kɛŋgbɔkɔ kanɲɔ kɛsɛk mɔ, han kɛbɛrɛ Kalad, ali dare dɛnayi fɛ ndɛ sɛnatarpɛnɛ mɔ. Kɔ MARIKI Kanu kosu kɛlɛk ɲa fɔp kɔ kɛmbɛr ɲa su dɔwaca.

37 Mba sɛnagbuɲɛnɛ fɛ atɔf ɲ'Amoŋ. Sɛnakenɛ afum aŋɛ ɲanandɛ kɛŋgbɔkɔ ka Yabɔk kɛsɛk mɔ fɔp pɛlɛl, kɔ afum akɔ ɲanayi sɛdare sa dɛmɔrɔ mɔ fɔp, kɛlɛkɛnɛ ka sɛdare sɛkɔ MARIKI Kanu kosu kɛnamɔnɛ su kɛgbuɲɛnɛ mɔ.

3

Kəbanj k'atəfja Ɔk, wəbe ka Basan

¹ Kə səyefe səsumpər sə dəpə kəpərne ka Basan. Kə Ɔk wəbe ka Basan owur kədecəŋ su kəsutene nde Edreyi, kə afum ən fəp.

² Kə MARIKI olok'im: «Ta mənese kə! İlek kə, k'imbər əm dəwaca, kə afum ən fəp kə atəf nən. Məyo kə pəmə təkə mənayo Sihəŋ wəbe ka aka Amər, nwe enəndə Hesbon mə.»

³ MARIKI Kanu kosu elek sə Ɔk wəbe ka Basan kə afum ən fəp, k'ember su dəwaca. Kə səsut nja, ali fum enamulpər fe su nja daco.

⁴ Təm tatəkə tə sənəsumpər sədare sasəkə fəp, ali dare din dənayı fe si daco nde sənəsumpər mə. Ɔk enatəmpər dəbe da sədare wəco camət-tin (60) nde Arkəb nja Basan.

⁵ Sədare sasəkə fəp, anakəl si sibiŋkəli səŋeci səyo cumba nce anccəŋ mə. Mba sədare səlarəm sələma sənayı sə nse sənətəyo sibiŋkəli mə.

⁶ Kə səsut afum aka di fəp hanj kə njaməlke, pəmə təkə sənayo Sihəŋ wəbe ka Hesbon mə, kə səndifət nja fəp, kəyefe arkun kəbər ka aran hanj awut.

⁷ Mba kə səfoŋət yəcəl kə daka fəp da sədare sasəkə.

Kəyerene ka atəfja Kalad

⁸ Təm tatəkə tə sənabanər sə abe a aka Amər anje mərəŋ atəf ntende kəca kəŋkə dec dəmpə Yurdən, kəyefe ka nde kəŋgbəkə ka Arnəŋ hanj nde tərə ta Herməŋ.

⁹ Tərə tatəkə tə aSidəŋ njanwe «Siriyoŋ,» aka Amər njanwe pi «Senir.»

¹⁰ Sənaban sədare sa aranta nja Kalad kə Basan fəp, hanj Salka kə Edreyi sədare sa wəbe Ɔk sənayı nde Basan.

¹¹ Ɔk wəbe wəka Basan sənə gboŋ s'enacəme doru əŋ aRefay alpəs daco. Kəfənc kən ka fəc kəsəyoŋi Raba dare dəpəŋ d'Aməŋ. Dobolu da kəfənc kəŋkə dənəyo cururu camət-məŋkəle, kə dowokulu da ki cururu məŋkəle.

¹² Təm tatəkə tə sənaban atəf njanəkə, k'isəŋ nji aRuben kə aKad kəyefe ka atəf nja Arower nde kəŋgbəkə ka Arnəŋ hanj daco da mərə ma Kalad kə sədare sayi.

¹³ K'isəŋ atəf njeŋpəs nja Kalad kə təf fəp ya dəbe da Ɔk nde Basan, aka kusəŋka daco ka Manase, kə njande ntende dec dəmpə Yurdən mə: Sədare sa Arkəb kə Basan fəp, s'ancwe atəf njaRefay.

¹⁴ Kə Yahir wan ka Manase elek sədare nse sənayı kəyefe ka Arkəb mə, hanj kələncər k'aKesur kə aMakat. K'əsəkpər Basan tewe, k'əsəŋ di tewe tən. «Sədare sa cəbal sa Yahir», it'asərəwe di hanj məkə.

¹⁵ K'ilek atəf nja Kalad k'isəŋ nji Makir.

¹⁶ K'ilek kəsək ka antəf nja Kalad kələma, k'isəŋ aRuben kə aKad hanj k'inkə inarne kəŋgbəkə ka Arnəŋ, kəkə ka nde kəŋgbəkə ka Yabək nde aka Aməŋ njanə kələncər mə.

¹⁷ Kələncər ka antəf njeŋ njeŋi ntende dec dəmpə Yurdən mə kə kəŋkə kələkene Araba nəkə nəsəŋene kələncər kə Yurdən mə, kəyefe ka Kineret hanj kəkə ka kəba k'Araba hanj nde kəba Kədəkət, nde pətəmbələr pa tərə ta Piska ntende dec dəmpə mə.

¹⁸ Təm tatəkə t'inasom nu, icloku nte: «MARIKI Kanu konu kələk atəf njanə kə kəsəŋ nu, njanəyənə njonu. Nəna afum anje nəyo səkət mə fəp, nəlek yosutnəne nəcəpər awənc nu anja aka Yisrayel kirinj.

¹⁹ Aran anu k'awut anu kə yəcəl yonu gbəcərəm, yendeyi nno sədare nse isəŋ nu mə. Incərə a yəcəl yonu yela.

²⁰ Nəsəl kə awənc nu anja hanj təm nte MARIKI endesəŋ nja kəŋesəm pəmə nəna mə, hanj nja sə njanəŋ atəf nəkə MARIKI Kanu konu kəsəŋ nja nde kəca ka

mokuru ma Yurden mɔ. Kɔ telip-ε, nɛntam kɛluku sɛrɛ nwe o nwe nde antɔf nɛɛ isɔɲ kɔ mɔ.»

²¹ Tem tatɔkɔ t'inasom Yosuwe, k'iloku kɔ: «Fɔr yam yɛnɔɲk nte MARIKI Kanu konu kɛyɔ abe aɲɛ mɛrɔɲ mɔ, tatɔkɔ tɔ MARIKI endekɔsɔyɔ tɔf nyɛ mɛndekɔcɛpɛr mɔ fɛp.

²² Ta nɛdekɔnɛsɛ ɲa de! Bawo MARIKI Kanu konu yati endekɔ pɛcsutɛnɛnɛ nu.»

Musa ɟɔdekɔbɛrɛ Kanɔɲ

²³ Tem tatɔkɔ t'inalɛtsɛnɛ MARIKI:

²⁴ «MARIKI Wɔbɛ kem, mɛncɔp kɛmentɛr im, ina wɛcar kam, debeki dam, kɔ sɔkɛt sa kɛca kam. Kanu kɛrɛ kɛyi nde darenc kɔ pɔyɔnɛ fɛ ti nɔɔ dɛntɔf nke kɛntam kɛtubucnɛ yɛbɛc yam kɔ mɔyɔ mam mɔpɔɲ mɔ-ε?

²⁵ Ilɛtsɛn'am mɛna Kanu kɛsak im icɛpɛr nɔɔ, iko inɔɲk antɔf ɲobotu nɛɛ ɲɛyi Yurden mokuru mɔ, mɔrɔ mentɛsɛ dɛfɔr mɛɛ kɔ Libaɲ.»

²⁶ Mba kɔ tetonu tɔsɔɲɛ kɔ pɛmpɛrɛnɛ MARIKI nɔɔ iyi mɔ haɲ, k'ɔntɔwɔsɛ kɛcɛɲkɛl im. Kɔ MARIKI olok'im: «Moloku mam mamɔkɔ mɛntɔɲɲ'em kɛnɛ! Ta mɛɟbɔkɛrɛ sɔ kɛlok'im mi de!»

²⁷ Kɔ MARIKI olok'im: «Mɔpɛ tɔrɔ ta Piska nde dɛtelempɛn, mɔyɛkti fɔr mɛɟbɔtɛnɛ antɔf kɛca nke dec dɛɲkɛlɛ, kɔ nde dɛmpɛ mɔ, kɛca kɛtɔt kɔ kɛmeriya, mɛmɔmɔnɛ ɲi fɔr yam mba mɛfɔdecali Yurden yayɛ mɛnɔɲk mɔ.

²⁸ Mba mɛsɔm Yosuwe, mɛsɔɲ kɔ sɔkɛt, mɔyɛɲkɛs kɔ abɛkɛc, bawo nkɔn endekɔyɛnɛ aka Yisrayel kirɲɔ pɛsɔɲɛ ɲa kɛbaɲ atɔf ɲaɲɛ mɔɲkɔɟbɔtɛnɛ mɔ.»

²⁹ Awa, kɔ sɛndɛ ɔɲ dɛndɔ mɔrɔ dacɔ, sɛtɛfɛrɛnɛ kɔ Bet Peyɔr.

4

Kɛkɔtɛnɛ ka sariyɛ sa Kanu

¹ «Ndekɛl ɔɲ, aka Yisrayel, nɛcɛɲkɛl sariyɛ kɔ mɔyɔ mokur mɛɛ indɛtɛksɛ nu kɛcɛmɛ mi darɔɲ mɔ, nte tendɛsɔɲɛ nu kɛyi doru nɛbaɲ atɔf ɲɔkɔ MARIKI Kanu ka atɛm anu kɛsɔɲ nu mɔ.

² Ta nɛdɛɲɔr nte o nte moloku mɛɛ indɛsom nu mɔ, ali tin ta nɛbɛlɛr sɔ mi, mba nɛmɛɲkɛrɛnɛ mosom ma MARIKI Kanu konu pɛmɔ nte indɛsom nu mi mɔ.

³ Fɔr yonu yɛnɔɲk nte MARIKI ɔyɔ Bal Peyɔr mɔ: MARIKI Kanu kam kɛmɛlɛk nu dacɔ fum nwe o nwe ɛnacɛmɛ kanu ka Peyɔr darɔɲ mɔ.

⁴ Mba nɛna aɲɛ nɛsɛktɛrɛnɛ MARIKI Kanu konu mɔ, fɛp fonu nɛsɔrɔyi doru haɲ mɔkɔ.

⁵ Nɛmɔmɔn, inatɛksɛ nu sariyɛ kɔ mɔyɔ mokur pɛmɔ nte MARIKI Kanu kem ɛnasom im mi mɔ, nte tɔɲsɔɲɛ nɛdekɔ nɛcɛmɛ mi darɔɲ nde atɔf nɛɛ nɛndekɔbaɲ, ɲɔyɔnɛ ɲɔnu mɔ.

⁶ Nɛdekɔ nɛmɛɲkɛrɛnɛ mi, nɛcɛmɛ sɔ mi darɔɲ. Ti tendɛkɔmentɛr kɛcɛrɛ kɛkɔtɛnɛ mes konu kɔ kɛsɔk konu sɛbomp fɔr ya afum alpɛs aɲɛ ɲandekɔ ɲacnɛ pɛclɔku sariyɛ sonu saɲsɛ mɔ. ɲandekɔ ɲacloku: «Afum apɔɲ a atɔf ɲaɲɛ ɲancɛrɛ kɛkɔtɛnɛ mes kɔ ɲasɔk sɛbomp!»

⁷ Afum aka atɔf ɲɔpɔɲ ɲɛrɛ ɲayɔ canu ncɛ cɛlɔtɛrɛnɛ ɲa pɛmɔ nte MARIKI Kanu kosu kɛɲlɔtɛrɛnɛ sɛna tɛm o tɛm nte saɲwe kɔ kɛmar su mɔ-ε?

⁸ Afum aka atɔf ɲɔpɔɲ ɲɛrɛ ɲayɔ sariyɛ kɔ mɔyɔ mokur mɛɛ molomp, pɛmɔ sariyɛ nɛɛ iyi kɛbɔcɛr nu mɔkɔ fɔr kirɲɔ mɔ-ε?»

Kɛlok-loku ka Kanu nde tɔrɔ ta Horɛb

9 «Mba mækekəsne belbel, mækembərne sɔ mənəsərka mataka ma kəyi kam doru fəp, ta mədepələrne məyɔ mme mənənəjkə fər yam mə, ta məbələnə abəkac njam. Mətəkse mi awut am kɔ awut-sɔ am.

10 Məcem-cemne dəsək nde mənacəme MARIKI Kanu kam fər kirin nde tərɔ ta Horeb mə, dəsək dadəkɔ kɔ MARIKI olok'im: «Məlɔŋkan'em aka Yisrayel fəp, ifaŋ kəsəne ɲa kəne moloku mem, nte tɔŋsəne ɲatəkəs kənes'em mataka ma kəyi kəŋan doru fəp, nte tɔŋsəne ɲade ɲactəkse sɔ mi awut aŋan mə.»

11 Dəsək dadəkɔ kɔ nəncəme tərɔ dəntɔf. Tərɔ təcmar nenc haŋ nde darenc, mba kubump kənayi, kəp kɔ kibi kəpəŋ.

12 Kɔ MARIKI olok-lokər nu nenc disre, kɔ nəne moloku dənenc, mba nənənəjkə fə ali teyi tən, mēne dim gbəcərəm.

13 K'endəŋkər nu kəsek kən danapa kɔ nəna, danapa nde osom nu kəkətene sɔ moloku mme waco mə, k'encicəs mi dəwalake wa masar mərəŋ.

14 Təm tatakɔ tɔ MARIKI enasom im kətəkse nu sariye kɔ məyɔ mokur, nte tɔŋsəne nəcəme mi darəŋ nde atɔf ɲəkɔ nəjkəbaŋ, ɲoyɔne ɲonu mə.»

Ambeŋne molom

15 «Bawo nənənəjkə fə ali teyi tən dəsək nde MARIKI enalok-lokər nu nenc disre nde tərɔ ta Horeb mə, nəkembərne belbel

16 ta nədetalərne kəlompəs tərəŋka powurəne pa wərkun kɔ pəyɔne fə ti wəran,

17 kɔ pəyɔne fə ti wəsəm wələma nwe weyi antɔf kəron, kɔ pəyɔne fə ti bəmp nyə yeŋfəlar darenc mə,

18 kɔ pəyɔne fə ti yeliŋe-liŋe ya dəntɔf, kɔ pəyɔne fə ti loŋ nyə yeŋi dəkəba mə.

19 Ta məkəŋayekti fər kəməmən dəkəm, mənəjkə dec, ɲof, kɔ cəs nyə yəyɔne kənay ka ca ya dəkəm mə, ta məsakne paliŋəs əm kəctontnəne yi, kəcsaləne yi. Bawo afum aka doru fəp ɲɔ MARIKI Kanu kam əsəŋ ca yayəkɔ.

20 Mba nəna, MARIKI elek nu k'owurəne nu Misira, nde nənayinə dacar nde dənawurəne kɔ aco nŋe ɲəŋsəne afec kəsayne mə, nte tɔŋsəne nəyɔne afum ən a dətım mə. Itɔ teyine məkɔ tante.

21 Mba tetonu tənəsəne pətəle MARIKI nnɔ ina Musa iyi mə. K'enderəm a ifəcəpər Yurden, a ifəberə antɔf ɲobotu ɲəkɔ MARIKI Kanu kam əsəŋ əm kə mə.

22 Awa ina Musa, nnɔ atɔf ɲaŋe ɲ'indeŋi, ifədecəpər de. Mba nəna nənədecəpər, nəkɔ nəbaŋ antɔf ɲobotu ɲaŋəkɔ.

23 Nəkembərne belbel ta nədepələrne danapa da MARIKI Kanu konu nde enasek kɔ nəna mə. Ta nəlompəs tərəŋka powurəne pa paka mpe o mpe, ta məyɔ tes nte MARIKI Kanu kam kəmənə kəyɔ mə.

24 Bawo MARIKI Kanu kam, eyi pəmɔ nenc nde dəncɔf paka mpe o mpe penyi di kirin mə, Kanu kɔ nkə kəyɔ kəraca mə.

25 Kɔ nəndəkəsətɔ awut kɔ awut-sɔ, nəwon atɔf ɲaŋəkɔ, kɔ nəndəkətalərne nəlompəs tərəŋka powurəne pa paka mpe o mpe, nəcyɔ mes mēlec fər ya MARIKI Kanu konu kirin mme məŋsəne kɔ kətəle mə-e,

26 inderəm məkɔ kəm kɔ antɔf daco, yəyɔne su sede: Nəndəkəfis-fis katəna dəndo atɔf ɲaŋəkɔ nəjkəbaŋ ɲoyɔne ɲonu mə, kɔ nəndəkəcali Yurden mə. Kɔ nəyɔ tatakɔ-e, mataka monu məfədekəbələ atɔf ɲaŋəkɔ, padifət nu.

27 MARIKI eŋsəmsər nu afum alpəs aŋe daco, nəpicə afum akɔ MARIKI endekekərə nu daco mə.

28 Dəndo tɔf yayəkɔ, nəndəkɔ nəcsaləne canu nce cəyɔne yəbəc ya waca w'afum mə, pəyɔne kətək, tasar, canu nce cəntənəjkə, ta cəŋne, ta cəndi peri, ta cəŋne sɔ əmbənc mə.

²⁹ Dəndo nāndekətēn MARIKI Kanu kam. Kō mēntēne ki abəkac ɲam fəp kō amera ɲam fəp-ε, māndekənəɲk ki.

³⁰ Pəcuɣ pam disre, kō mes mame fəp mendekəbəp əm-ε, tēm tatəkō māndekəlüksərne MARIKI Kanu kam, məcəɲkəl sō dim dən.

³¹ Bawo MARIKI Kanu kam, Kanu ka nənəfər kō, kəfəkəsak əm, kəfəkəmələk əm, kəfədekəpələr danapa nde enadərme atem am.»

Kəpocə pətət mpe aka Yisrayel ɲasətər MARIKI mō

³² «Kəyefe dəsək nde Kanu kəlompəs afum doru mō, kəyefe tɔɲkubut pa doru kəbəp ka pəkō, tes təpəɲ tencepər doru nte tēmbək pəmō tantē mō ba? Ane tes doru towurēne ta tantē ba?

³³ Afum əloma ɲane kanu kəɲan dim kəclok-loku dənenc, pəmō nte mənə mənə Kanu kam dim, a kō məyi sō doru mō ba?

³⁴ Kō pəyōne fe Kanu kosu-ε, kanu kəre kəkō kəbən afum ən atere ne ɲan dəwaca dāmewakəs, dāmēgbəkəre, dāmōyō mēwey-wey, kəwan disre, dəsəkət sa kəca kən kətenci, kō mes məpəɲ mēwey-wey mme MARIKI enayōne nu atəf ɲa Misira mō fəp, fər yam kirin mō ba?

³⁵ Tenasəkər əm, kəcərə a MARIKI əyōne Kanu. Kəloma kəyi fe mēne nkən.

³⁶ Kəyefe darenc kō kəsəɲ'am kəne ki dim, kəctəks'am. Nnō dəntəf kō kəsəɲ'am kənəɲk nenc dəpəɲ da ki, nde mənane ki dim disre kəclok-lokər əm mō.

³⁷ Kō nkənsərka yati owurēn'am atəf ɲa Misira kō fənəntər fən fəpəɲ, bawo enabətər atem am, itō enayək-yekē yuruya ɲan nte ɲa ɲancepər mō.

³⁸ Kō kəmbanər afum təf aɲe ɲala əm kō ɲambək əm səkət mō, nte tɔɲsəɲe kəbərəs'am yi kəsəɲ əm yi ke yōyōne yam mō, itō teyine məkō tantē.

³⁹ Awa, māndecərə məkō, mədə məmənəkərne sō ti dəkəkac, a MARIKI əyōne Kanu kəyefe darenc nde dəkəm haɲ nnō antəf kəroɲ, kanu kəloma kəyi fe sō, mēne Ki sona gbɔɲ.

⁴⁰ Məmənəkərne sariye sən kō mosom mən pəmō mame iyi kəsom əm məkō mō, nte tɔɲsəɲe mes mam mede mectese, mənə kō awut am kō mənəcəpər-ε, məwon sō doru antəf kəroɲ nɲe MARIKI Kanu kam əsəɲ əm kəndε doru o doru mō.»

Sədare səyacne maas ntende mokuru ma Yurden

⁴¹ Kō Musa eyək-yək sədare maas, mokuru ma Yurden ntende dec dəmpε mō,

⁴² nte tɔɲsəɲe səyōne səyacne sa fum nwe endif wenc ta eyefene ti. Təyōne yati fum nwe enatətər tokur aɲa mō, nte tɔɲsəɲe pətam kəyəkse pəkō sədare saɲse din pəyacne kəlukse ayək mō.

⁴³ Sədare sasəkō sənayōne: Teta afum a Ruben, dare da Bəcər nde aranta ɲa dətεgbəre. Teta afum a Kad, dare da Ramot nde Kalad. Teta afum a Manase, dare da Kolan nde Basan.

Moloku ma kawandi ka mεrəɲ ka Musa

4.44-11.32

⁴⁴ Sariye nse sō Musa enacəmbərə-cəmbərə aka Yisrayel.

⁴⁵ Mosom, sariye kō mōyō mokur mme mō Musa enələmər aka Yisrayel, nte ɲanawur atəf ɲa Misira mō.

⁴⁶ Mokuru ma Yurden mō ɲanayi, nde mərə daco, pətəfərəne di kō Bet Peyər, nde atəf ɲa Sihəɲ wəbe wəka aka Amər, nwe enandε Hesbon, nwe Musa enasut kō aka Yisrayel mō, nte ɲanawur kəyefe atəf ɲa Misira mō.

⁴⁷ K'aka Yisrayel ɲamban atəf ɲən kō ɲa Ək, wəbe wəka Basan. Abe a aka Amər akanε mεrəɲ, nde mokuru ma Yurden ntende dec dəmpε mō ɲanandε.

⁴⁸ Aka Yisrayel ηamban atof ηarjoko kayefe ka Arower nde agber ηa kηngboko ka Arnorj, hanj nde tɔrɔ ta Siyon mpe anwe so Hermonj mɔ,

⁴⁹ Araba fɔp, mokuru ma Yurden ntende dec dempe mɔ, hanj nde kaba ka Araba, nde pɛtambɛlar pa Piska.

5

Mosom waco ma sariye sa MARIKI

KWUR 20.1-17

¹ Ko Musa ewe aka Yisrayel fɔp, k'oloku ηa: «Masu lɛnas, mɛna Yisrayel, sariye ko mɔyɔ mokur mme iyi kɛloku mako mɔ. Nɛtakas mi, nɛmɛnkɛrne kɛcɛme ka mi so darɛj.

² MARIKI Kanu kosu kasek danapa ko sɛna aka Yisrayel nde tɔrɔ ta Horeb.

³ Bafɔ atem asu ηo MARIKI ηanasek danapa dadoko de, mba sɛna anje sɔyi mako doru sacjesam mɔ.

⁴ MARIKI ɛnalok-lokɛr nu dɛtɔrɔ nɛtɛfɛrene pɛyi nɛnc disre.

⁵ Tem tatoko t'ina Musa, inacame nu daco ko MARIKI, nte tɔnsɔnje iclukse nu moloku ma MARIKI mɔ, bawo nancnese nɛnc dadoko. Nɛnapɛ fe tɔrɔ kɛronj. K'oloku:

⁶ In'oyɔne MARIKI Kanu kam, in'owuren'am atof ηa Misira nde kɛlo ka dacar.

⁷ Mɛfɔdeyo canu cɛlɛma fɔr ya ina kirinj.

⁸ Ta mɛlomɔpɛs tɛrɛjka mpe o mpe powurene ko paka mpe peyi dɛkom, dɛntɔf ko dɛkɛba mɔ.

⁹ Ta mɛde mɛctontne ca yayoko fɔr kirinj, ta mɛde mɛcsalene yi so. Bawo ina MARIKI Kanu kam, Kanu k'iyɔne nke kayo kɛraca mɔ, nke kɛjlukse kaway ka kiciya ka kas nno awut ɔn ηayi mɔ, hanj dɛtemp maas hanj dɛtemp manjɛle da ako ηanter im mɔ.

¹⁰ Mba inɛktɛrne danapa da dɛtemp wul win (1.000), da afum anje ηambɔtɛr im ηamɛnkɛrne mosom mem mɔ.

¹¹ Ta mɛbonc tewe ta MARIKI Kanu kam kifali. MARIKI ɔfɔsak ta ɔsɔj kaway ka kiciya, nwe omboncas tewe tɔn kifali mɔ.

¹² Mɛlelɛs simiti dɔsɔk da kɛjesam, dɔyɔn'am dɔsɔk dɔpus pɛmɔ nte MARIKI Kanu kam kɛsom ɛm ti mɔ.

¹³ Mata camɛt-tin tataka toluksɛr disre mɛdekɔ mɛcbɛc, mɛclomɔpɛs yɛbɛc yam fɔp mataka mamoko disre.

¹⁴ Mba tataka ta camɛt-mɛrɛj, dɔsɔk da kɛjesam do nde ampuse MARIKI Kanu kam mɔ. Ali yɛbɛc ta mɛbɛc dɔsɔk dadoko, kayefe mɛna, wan kam wɛrkun ko wɛran, kɛko ka wɛcar kam wɛrkun ko wɛran, kɛbɛp wana wam, sɔfale sam, pɛcɔl pam mpe o mpe, ko wɛcikɛra kam nwe eyi nde ndaram, nte tɔnsɔnje wɛcar kam wɛrkun ko wɛran ηactam kɛjesam dɔsɔk dadoko pɛmɔ mɛna mɔ.

¹⁵ Mɛdekɔ mɛccɛm-cɛmne a mɛnayɔne wɛcar atof ηa Misira, ko MARIKI Kanu kam kɛjko kɛwuren'am di ko sɔkɛf sa kɛca kɛn kɛtenci. Itɔ MARIKI Kanu kam kɛsom ɛm kɛclelɛs dɔsɔk da kɛjesam nde ampuse ko mɔ.

¹⁶ Mɛlelɛs wisi ko wiri, pɛmɔ nte MARIKI Kanu kam osom'am mɔ, nte tɔnsɔnje mataka mam meyi doru mɛbɔl mɔ, mes mam mede mectese so nde antɔf joko MARIKI Kanu kam ɔsɔj ɛm mɔ.

¹⁷ Ta mɛdif fum.

¹⁸ Ta mɛsumpɛr dalako.

¹⁹ Ta mɛkiye.

²⁰ Ta mɛbanje wɛnc ɛm sede sa yem.

21 Ta mɔyɔ fɔr gban-gban nnɔ wɔran ka wɛnc ɔm eyi mɔ. Ta mɔfanj kɛlɔ ka wɛnc ɔm, kɔyɛfɛ dale dɔn, wɔcar kɔn wɔrkun kɔ wɔran, wana wɔn, sɔfale sɔn, ta mɔfanjɛ daka o daka da wɛnc ɔm abɛkɛc njeɛc.»

22 Moloku mamɛ mɔ MARIKI ɛnaloku kɛlɔŋkanɛ konu fɔp nde dɔtɔrɔ, pɔyi nɛnc disrɛ, dɛkɛp kɔ kubump kɛpɔŋ, pɔpɛnɛ dim, ali toloku ɛnadenjɔr fɛ sɔ. K'ɛncic moloku mamɛ walakɛ mɛrɔŋ wa masar kɛrɔŋ k'ɔsɔŋ im wi.

Musa wɛcepɔrɛnɛ ka moloku ma Kanu

23 Ntɛ nɔnɛ dim dadɔkɔ kɔyɛfɛ ka kubump disrɛ mɔ, tɛtɔŋnɛ tɔrɔ fɔp pɛcmar nɛnc, kɔyɛfɛ nɔna, kɛkɔ akirinjɛ a cusunjka conu fɔp, kɛbɛp abeki anu nɛnder nɛlɔtɔrn'em.

24 Kɔ nɔlɔku: «MARIKI Kanu kosu kɛmentɔr su nɔrɔ da debeki dɔn, kɔ sɔnɛ dim dɔn pɔyi nɛnc disrɛ. Dɔsɔk dadɔkɔ sɛnanɔŋk ɔŋ a Kanu kɛntam kɛlɔk-lɔkɔr fum, wɛkayi pɔtam sɔ kɔyi doru.»

25 Mba ndekɛl, ta ake tɔ sɛndefinɛ ti-ɛ? Bawo nɛnc dɔpɔŋ dandɛ dɛndɛcɔf su. Kɔ sɔŋgbɔkɛrɛ sɔ kɛcɛŋkɛl dim da MARIKI Kanu kosu-ɛ, sɔŋfi.

26 Fum wɔrɛ ɛnane pɔmɔ sɔna dim da Kanu ka doru o doru kɛclɔk-lɔku dɛnɛnc wɛkayi pɔyi sɔ doru-ɛ?

27 Musa mɔna mɛlɔtɔrnɛ mɛcɛŋkɛl tɔkɔ MARIKI Kanu kosu ɔŋkɔlɔku mɔ fɔp, mɔna mɛdɛr mɛlɔku su nte o nte MARIKI Kanu kosu kɛlɔk'ɔm mɔ. Sɛndɛcɛŋkɛl ti, sɛcyɔ sɔ ti.»

28 Kɔ MARIKI ɛnɛ moloku mɔkɔ nɔna aka Yisrayel nɛlɔk'im mɔ, kɔ MARIKI olɔk'im: «Inɛ tɔkɔ aka Yisrayel nɛlɔk'ɔm mɔ. Tɔkɔ nɛlɔku mɔ fɔp tentɛsɛ.

29 Tɔcyɔnɛ a nɛndɛyɔ bɛkɛc yayɛ tɛm fɔp nɛcnes'em, nɛmɛŋkɛrnɛ mosom mem fɔp, nte tɔŋsɔŋɛ mɛs mɔŋan mede mectɛsɛ nɛ kɔ awut aŋan doru o doru mɔ.

30 Mɔna Musa, mɛlɔku nɛ: «Nɛlukus nde cɛbal conu.»

31 Mba mɔna Musa, mɔyi nnɔ kɔ ina, idɛlɔk'ɔm tosom fɔp, sariyɛ kɔ mɔyɔ mokur mem mɛmɛ mɛŋkɔtɔksɛ nɛ, nte tɔŋsɔŋɛ nɛcɔmɛ mi darɔŋ nde atɔf nɔkɔ ɛŋkɔsɔŋɛ nɛ kɛbanj nɔyɔnɛ nɛaŋan mɔ.»

32 Ina Musa iclɔku nu a nɛdekɔ nɛmɛŋkɛrnɛ kɛcɔmɛ ka tɔkɔ MARIKI Kanu konu kɛsom nu mɔ darɔŋ. Ta nɛdekɔ nɛcgbaymɛ kɛca kɛtɔt, ta nɛdekɔ nɛcgbaymɛ kɛca kɛmeriya.

33 Nɛsɛrɛnɛ kɛcɔmɛ dɔpɔ dɔkɔ MARIKI Kanu konu kɛsom nu mɔ fɔp darɔŋ, nte tɔŋsɔŋɛ nɛyi doru, pɛdɛ pɛbɔt nu, nɛbɔlsɛ mataka monu nde atɔf nɛaŋɔkɔ nɛŋkɔbanj nɔyɔnɛ nɔnu mɔ.

6

Pɔmar mɛbɔtɔr MARIKI Kanu kam

1 Mosom, sariyɛ kɔ mɔyɔ mokur mɛmɛ, mɛmɛ MARIKI Kanu konu kɛsom a pɔtɔksɛ nu mɔ, nte tɔŋsɔŋɛ nɛdekɔ nɛcɔmɛ mi darɔŋ ntɛndɛ atɔf nɔkɔ nɛyi kɛcɛpɔr kɛkɔbanj nɔyɔnɛ nɔnu mɔ,

2 nte tɔŋsɔŋɛ mɛcnɛsɛ MARIKI Kanu kam, mɛmɛŋkɛrnɛ dɔsɔk o dɔsɔk kiyi kam doru, mɔna kɔ wan kam kɔ wan ka wan kam sariyɛ sɔn fɔp kɔ mosom mɔn mɛmɛ iyi kɛsom ɔm, nte tɔŋsɔŋɛ mataka mam meyi doru mɛbɔl mɔ.

3 Awa mɛcɛŋkɛl mi mɔna Yisrayel, mɛmɛŋkɛrnɛ kɛcɔmɛ ka mi darɔŋ, nte tɔŋsɔŋɛ mɛs mam mede mectɛsɛ, nɛkɔmɔs, nɛla duk pɔmɔ tɔkɔ MARIKI Kanu ka atɛm am kɛnalɔk'ɔm ti, nnɔ atɔf nɛaŋɛ nɔmɔbɔŋ dale k'awop mɔ.

4 Mɛcɛŋkɛl, Yisrayel! MARIKI Kanu kosu, sɔna gbɔŋ s'ɔyɔnɛ MARIKI.

5 Mɛbɔtɔrɛ MARIKI Kanu kam, abɛkɛc nɛam fɔp, afɔkɛl nɛam fɔp, kɔ sɔkɛt sam fɔp.

6 Moloku mamɛ iyi kɛsom ɔm mɔkɔ mɔ, mede mey'ɔm dɛbɛkɛc.

7 Mædekə məgbəkəre ne mi awut am, məcloku mi kə mænde kələ kam disre, kə mænde kəckət, kə mænde kəcfəntəre, kə mænde kəcyefe sə dəkəfənc-ε.

8 Məkotərne mi kəca kam kəron, təyone teğbəkəre dəwaca wam kəron, mey'am dətəbu fər yam daco.

9 Məcicəs mi fərem fa kumba ka kələ kam kə dəcusuŋka ca sədare sam.

Pəmar fe Yisrayel ɲapələr Kanu kəjan

10 Kə MARIKI Kanu kam, endekəbers'am atəf ɲəkə kənaderme atem am Abraham, Siyaka, kə Yakuba kəsəŋ əm mə, sədare səpəŋ, sətət, nse məntəcəmbər mə,

11 mændeberε wələ nwe welare ca cətət fəp ɲe məntəberse mə, mændekef domun dəcələmp nce məntəkay mə, mændedi yokom ya ɲəbəŋkələ ya wen kə tək ya olif ɲe məntəbət mə. Kə mændeke di yeri məne mbəre-ε,

12 məkəmbərne kətəpələr MARIKI, nwe enawuren'am atəf ɲa Misira kələ ka dacar mə.

13 Nkən MARIKI Kanu kam mændeke məcnesε, məcsalene kə, mæderme tewe tən.

14 Ta nədeke nəccəme canu cəcuru darəŋ, canu ca afum aŋe ɲəndekəkəl nu mə de!

15 Bawo MARIKI Kanu kam nwe eyi nu daco mə, Kanu kə nke kəyo kəraca mə, kə məsəŋe pətεle ki nno məyi mə-ε, kəŋmələk əm, kəsəŋe ta anəŋk əm sə antəf ɲəŋe kəron-ε.

16 Ta nədəktər MARIKI Kanu konu, pəmə təkə nənadəktər kə Masa mə.

17 Mba nəməŋkərne mosom ma MARIKI Kanu konu, metəksε, kə sariye sən nse kəsom əm mə.

18 Mædekə məcyo təkə tolomp kə təmbət fər ya MARIKI kirin mə, nte təŋsəŋe mes mam mede mectese, mətam kəban atəf ɲətət ɲe MARIKI enaderme atem am kəsəŋ ɲa mə,

19 teta kəwenəs aterene anu fəp fər yam kirin, pəmə təkə MARIKI enaloku ti mə.

20 Alna kə wan kam endeyif əm-ε: «Cəke cə metəksε, sariye, kə məyo mokur mamε MARIKI Kanu kosu osom su mə moloku-ε?»

21 məlukse wan kam: «Acar a firawona ɲə sənayone atəf ɲa Misira, kə MARIKI owurene su atəf ɲa Misira kəca ka səkət.

22 MARIKI owure fər yosu kirin meğbəkəre, mes məwey-wey məpəŋ kə mocuy nno aka Misira, firawona k'aka kələ kən disre ɲayi mə fəp.

23 K'owurene su di, k'embərsene su atəf ɲe enaderme atem asu kəsəŋ su mə.

24 MARIKI osom su kəcəme sariye saŋse darəŋ fəp, kə kənesε ka nkən MARIKI Kanu kosu, nte təŋsəŋe mes mosu mede mectese su dəsək o dəsək, təsəŋe sə pəsak su səyi doru mə. Itə teyinε məko tante.

25 Nno səyi mə, dolompu də kəməŋkərne kəcəme ka tosom tante fəp darəŋ fər ya MARIKI Kanu kosu kirin pəmə təkə osom su ti mə.»

7

Yisrayel, afum apus aka MARIKI

1 Kə MARIKI Kanu kam endekəberse nu atəf ɲəkə mændekeberε məban ɲi ɲəyone ɲam mə, tetəŋne embeləs fər yam kirin afum a təf yelərəm: AHit, aKirkasi, aka Amər, aKanan, aPerisi, aHiwy, kə aYebus, afum a təf camət-mərəŋ aŋe ɲala, ɲayo sə səkət ɲatas əm mə.

2 Kə MARIKI Kanu kam kəndekəkək ɲa kəber əm dəwaca, məsut ɲa haŋ məmələk ɲa-ε, ta mədekəsek danapa kə ɲa, ta mədekə məcyone ɲa nənəfər de!

³ Ta mædekə nəcneɛneɛne kə afum akakə, ta mædekə mæcsəŋ wan kam wəran wan kəŋan wərkun, ta mæleke sə wan kam wərkun wan kəŋan wəran kəneɛɛ,

⁴ bawo ɲandebəlen'em awut am arkun, akakə ɲacsalene canu cəcuru, təsəŋe pətele MARIKI nnə nəyi mə, kəŋmələk əm katəna.

⁵ Mba nte tə pəmar nədəkə nəcyo ɲa: Nədəkə nəcwuŋ metek moloŋne canu cəcuru cəŋan, nəcwəkəc masar maŋan məcəmbər motontne ma canu cəŋan, nəccep mogbu motontne mme aŋwene tolom «Asera», nəclem dənenc mərəŋka maŋan.

⁶ Bawo afum acempi aŋe ampus mə ɲə nəyone nnə MARIKI Kanu konu kəyi mə. MARIKI Kanu konu kəyek-yek nu nte təŋsəŋe nəyone daka dən da dətım afum fəp dacə antəf ɲaŋe kəroŋ mə.

MARIKI kəyɲe kən danapa

⁷ Təyone fe a nəla nətəs afum alpəs akə nte MARIKI esektərne nu k'eyek-yek nu, bawo nən'epice nətəs afum a doru fəp.

⁸ Teta kəbətər konu kə kəfan kəlas ka təkə enaderme atem anu mə, itə MARIKI enawurene nu atəf ɲa Misira kə kəca ka səkət, k'owurene nu yeŋən kələ ka dacar, kə firawona wəbe ka Misira dəkəca.

⁹ Məcəre oŋ a MARIKI Kanu kam kəyone Kanu, nke antam kəgbəkər kəlan tēm o tēm mə, nke kəŋmɛŋkərne danapa, nke kəŋsektərne di haŋ dətɛmp wul win da afum aŋe ɲambətər kə, ɲamɛŋkərne sə mosom mən mə.

¹⁰ Mba oŋsəŋ kəway ka afum akə ɲanter kə mə, pəmələk ɲa. Ɔfowon kəlukse kəway nnə ater ən ɲayi mə, gbəncana babəkə bə oŋluxe ɲa ki.

¹¹ Awa məmɛŋkərne oŋ tosom, sariye kə məyo məkur mme iyi kəsom əm məkə mə, nte təŋsəŋe məcəme mi darəŋ mə.

¹² Kə nəncəŋkəl məyo məkur mame belbel, nəmɛŋkərne mi, nəcəme mi darəŋ-ε, MARIKI Kanu kam kəŋmɛŋkərne kəsəktərne kən danapa nde enaderme atem am mə.

¹³ MARIKI endebətər əm, pəpoc'am pətət, pəsəŋ'am kəla. Endepocə pətət pokom pa kor kam kə pa antəf ɲam: Mɛŋgben, member kə moro mam, yokom ya cəna cam kə awut a ɲkesiya kə cir cam, dəndo antəf ɲaŋəkə enaderme atem am kəsəŋ əm mə.

¹⁴ Andepoc'am pətət patas afum alpəs a doru dandə fəp. Fum wətəkom əfədeyi ndaram, təyone wəran təyone wərkun, pəcəl pətəkom pəfədesəyi yəcəl yam dacə.

¹⁵ MARIKI endekəbələn'am docu fəp. Ɔfədekəwənər'am arom ɲje o ɲje mənacəre atəf ɲa Misira mə. Ater am fəp ɲ'əŋkə kəwənəre ɲi.

¹⁶ Məndekənim afum akakə fəp aŋe MARIKI Kanu kam kəndekəber əm dəwaca mə. Ta dəfər dam dedekəyone ɲa nənəfər. Ta mædekə mæcsalene canu cəŋan, bawo towul tə tendeyən'am.

MARIKI, wəbum ka afum ən

¹⁷ Kə mændekə məclokune dəbəkəc: «Afum a təf yayə ɲala ɲatas im, cəke c'indetam kəbaŋər ɲa ntəf yaŋan-ε?»,

¹⁸ ta mənese ɲa! Mædekə məcceɛm-cemne tələma təkə MARIKI Kanu kam kənayo firawona kə Misira fəp mə.

¹⁹ Mənanəŋke fər yam mɛwakəs məpəŋ, mɛgbəkəre kə mes mɛwey-wey məpəŋ ma səkət sa kəca kətenci nke MARIKI Kanu kam kənawuren'am atəf ɲa Misira mə. Tatəkə tə MARIKI Kanu kam endekəyən'am afum akakə məŋnese mə fəp!

²⁰ MARIKI Kanu kam endekɔsak deme yati nde dendeƙɔca-cas ɗa haɗ ɗafisfis, ali alpɔs akɔ ɗandekɔgbɔpp'am mɔ.

²¹ Ta maɣikɛ tetanjan, bawo MARIKI Kanu kam nke kɛyi nu daco mɔ kɛyɔne Kanu nke kɛmbek kɔ kɛyɔ weywey.

²² MARIKI Kanu kam endekɔbelɔs afum aka tɔf yayɔkɔ pipic pipic fɔr yam kirinj. Mɔfɔdekɔtam kɔdifɔt ɗa katana, ta sem ya dop yedela fɔr yam kirinj.

²³ MARIKI Kanu kam endekɔlek afum akakɔ kabɛr am dɔwaca, anciyan ɗendekɔber ɗa haɗ padifɔt ɗa.

²⁴ Endekɔlek abe anjan pɔber am dɔwaca, mɔnim mewe manjan antɔf ɗanje kɔronj. Ali fum ɔfɔdekɔtam kɛcɛm'am fɔr kirinj, haɗ mɔlip ɗa kɔdifɔt.

²⁵ Nɔdekɔ nɔclɛm dɔnɛnc mɛrɛɗka manjan mme ɗayɔ canu cɔnjan mɔ. Ta mɔdekɔfanj gbeti, ta mɔfanj kema nke ayesɛ mi mɔ, ta mɔdekɔ mɔclɛk yi, ta tedeyɔn'am towul. Bawo pɔyikyik pɔ mpe MARIKI Kanu kam kɔnter mɔ.

²⁶ Ta mɔdekɔberse pɔyikyik mpe MARIKI enter mɔ ndaram, nte tɔɗsɔɗe ta mɔdekɔyi pɔmɔ pi mɔ. Kɔ mɔyɔ ti-ɛ, pɔmar pasut am haɗ mɔmɔlke kɔ pi.

8

MARIKI ondusum aka Yisrayel nde dɔtegbɔre

¹ Tosom tante iyi kɛsom am mɔkɔ mɔ fɔp, nɔmɛɗkɔrne kɛcɛme ka mi darɔɗ nte tɔɗsɔɗe ɔyi doru, nɔkomɔs, nɔkɔ nɔbanj atɔf ɗɔkɔ MARIKI enadɛrme atem anu kɛsɔɗ nu mɔ.

² Mɔdekɔ mɔccɛm-cɛmne teta dɔpɔ fɔp nde MARIKI Kanu kam ɔɗkɔten'am meren mme wɔcɔ manjɔle (40) disre nde dɔtegbɔre mɔ, nte tɔɗsɔɗe pɔdusum am kɔtɔrɔs disre, pɔwakɔs am, pɔcɔre tɔkɔ tenay'am debɔkɔc mɔ, pɔmɔmɔn kɔ tɔyɔne mɔɗmɛɗkɔrne mɔsom mɔn-ɛ.

³ Kɔ MARIKI ondusum am kɔtɔrɔs disre, k'ɔsɔɗ'am dor kɛyɔ, k'ɔsɔɗ am yeri ya «man» kɔdi, mme mɔnatɔcɔre, mme atem am ɗanatɔcɔre sɔ mɔ, nte tɔsɔɗ'am sɔ kɛcɔre a bafɔ kɛcom gbɔcɔrɔm kɔ fum endi pɔyi doru, mba nte o nte towur MARIKI dɔkusu tɔɗsɔɗe fum kɛyi doru.

⁴ Yamos yam yenamɔce-mɔce f'am, wɛcɔk wam wenakɔf fe meren wɔcɔ manjɔle (40) mme disre.

⁵ Mɔcɔrɛne debɔkɔc a MARIKI Kanu kam kɔndusum am pɔmɔ nte fum ondusum wan kɔn mɔ.

⁶ Mɔmɛɗkɔrne mɔsom ma MARIKI Kanu kam, mɔdekɔ mɔccɛme sɔpɔ sɔn darɔɗ, mɔcnɛsɛ kɔ.

Ta mɔpɔlar MARIKI

⁷ Bawo MARIKI Kanu kam kɛyi kabɛrs'am antɔf ɗobotu: Atɔf ɗa cɔɗgbɔkɔ ɗɔ, nde domun dempe dɔntɔf, kɔ mɔncaca mɛcyekse nde daranta kɔ dɔmɔrɔ mɔ,

⁸ atɔf ɗa dokom da mɛɗgbɛn mɔlɔma, ɗa ɗgbɔɗkɔlɔ ya wen, ɗa dokom da tɔk ya yokom yobotu yɔlɔma, atɔf ɗa mɛsɛ ma cɛme kɔ tɔk ya olif nɗe ɗɔɗsɔɗ moro mɔ,

⁹ atɔf nɗe mɔndekɔ mɔcɔdi ta mɔncɛm-cɛmne kɔdemne, atɔf nɗe daka o daka dɔntɔdekɔbut am mɔ. Antɔf ɗɔtɔt ɗɔ nɗe antam kɔwure fec dɔmasar mɔ, nde mɔndekɔ mɔckay mɔwure kɔpɔr dɔmɔrɔ mɔ.

¹⁰ Kɔ mɔndekɔ mɔcɔdi yeri nɔnɛmbɔre-ɛ, mɔcyif MARIKI Kanu kam barka teta antɔf ɗɔtɔt ɗɔkɔ ɔsɔɗ am mɔ.

¹¹ Mɔkɛmbɔrne ta mɔdekɔpɔlɔrne MARIKI Kanu kam de, haɗ mɔyi ta mɔmɛɗkɔrne mɔsom mɔn, mɔyɔ mokur mɔn kɔ sariye sɔn, nse iyi kɛsom am mɔkɔ mɔ.

¹² Mæke mbærne ta mæpælær MARIKI kɔ mænde kɔ mæcɔdi yeri mænembære, kɔ mænde kɔ cæmbær wɔlɔ wɔtɔt mæberɛ wi disrɛ-ɛ.

¹³ Mæke mbærne ta mæpælær MARIKI kɔ yɔcɔl yam yɔpɔŋ, ŋkesiya yam kɔ cir cam yende kɔ komæs, kɛma kɔ gbeti yɛlar æm, daka nde dɔyɔnɛ dam mɔ fəp delæ-ɛ,

¹⁴ mæke mbærne ta abəkæc ŋam ŋɛpɛ, tɔsɔŋ'am kəpəlærne MARIKI Kanu kam, nke kənawurɛn'am atɔf ŋa Misira nde kəlɔ ka dacar mɔ.

¹⁵ Kɔ kəsɔl'am tɛgbərə tɔpɔŋ kɔ tɛwɛy-wɛy, atɔf ŋa bok ya məkən, ŋa məkəlencər, antɔf ŋɔwosu. Kɔ MARIKI owur'am domun dətasar teyɛŋkərənɛ,

¹⁶ k'ɔsɔŋ'am kədi nde tɛgbərə «man» mme atem am ŋanatɔcərə mɔ, nte tɔŋsɔŋɛ pədusum æm kətɔrəs disrɛ, pəwakəs æm, a pədeyɔn'am oŋ pətɔt mɔ.

¹⁷ Ta mələkune debəkæc: «Səkət sem kɔ fəntɔntər fa waca wem fəsɔŋ'em kəsɔtɔ ka daka delarəm dandɛ!»

¹⁸ Mədəkɔ mæccəm-cəmmɛ MARIKI Kanu kam, bawo ki kəŋsɔŋ'am səkət səsɔtɔnɛ sa daka delarəm dadəkɔ, nte tɔŋsɔŋɛ pəpɛnɛ danapa dəkɔ ɛnadɛrme atem am mɔ. Mənəŋk itɔ teyinɛ məkɔ tantɛ.

¹⁹ Kɔ mæmpælærne MARIKI Kanu kam, kɔ mæcəmɛ canu cəcuru darəŋ, kɔ məsəlɛnɛ ci, mæctontnɛnɛ ci-ɛ, isɔŋ'on məkɔ kəcərə kance disrɛ a nəŋfis-fis de.

²⁰ Ey, nəŋfis-fis pəmə afum aka tɔf nyɛ MARIKI eyi kəmələk fər yonu kirin mɔ, kɔ nəntɔcəŋkəl dim da MARIKI Kanu konu-ɛ.

9

Kanu kəmban tɔf teta bəkæc yɛlɛc

¹ Məcəŋkəl Yisrayel! Kəcali kɔ mænder məkɔ kəŋgbəkɔ ka Yurdɛn, məkəban tɔf yɔpɔŋ nyɛ yɔyɔ səkət yetas æm, sədare səpɔŋ nɛ sibiŋkəli sayi səŋsɔ kɔm mɔ,

² tɔf ya afum apɔŋ ŋajɛc tɛcəmɛ yuruya ya Anak akakɔ mənçərə, aŋɛ mənɛ paclɔku tanjan mɔ: «An'entam kəcəmɛ yuruya ya Anak debəkæc-ɛ?»

³ Məcərə məkɔ a MARIKI Kanu kam kəsɔl'am pəmə nɛnc nde dɔncɔf kulum fər yam kirin mɔ. Nkɔn endekələsər atɛrɛnɛ, nkɔn endekələpəs ŋa fər yam kirin, mænde kəbanjər ŋa atɔf ŋajjan, mədifət ŋa katəna, pəmə təkɔ MARIKI olɔk'am ti mɔ.

⁴ Kɔ MARIKI Kanu kam kəndekəwɛnəs ŋa fər yam kirin-ɛ, ta mədəkɔ mæclɔkune debəkæc: «Teta dolompu dem tɔsɔŋɛ nte MARIKI eyi kəsɔŋ'em kəbanjər atɔf ŋajɛ mɔ!» Mba teta dɛlɛc bəkæc da afum akakɔ dɔsɔŋɛ nte MARIKI eyi kəbanjərə ŋa fər yam kirin tɔf yanjan mɔ.

⁵ Ala, bafɔ teta dosoku dam abəkæc kɔ dolompu dam dɔsɔŋɛ nte mænde banj tɔf yanjan mɔ, mba teta dɛlɛc bəkæc da afum akakɔ dɔ MARIKI Kanu kam eyi kəbanjərə ŋa yi fər yam kirin, kəmentər æm sɔ kəcəmɛ darəŋ ka kədərəm nke ɛnadɛrme atem am Abraham, Siyaka, kɔ Yakuba mɔ.

⁶ Awa məcərə oŋ a bafɔ teta dolompu dam tɔ MARIKI Kanu kam kəyi kəsɔŋ'am antɔf ŋɔbotu ŋajjəkɔ nte tɔŋsɔŋɛ məbanj ŋi mɔ. Bawo fum wətanj ləŋəs məyɔnɛ!

Tɛrəŋka ta tura towut

⁷ Məcəm-cəmmɛ, ta mæpælærne a mænədəktər MARIKI Kanu kam hanj pətɛlɛ kɔ nde dətɛgbərə. Kəyɛfɛ dɔsək nde nəwur atɔf ŋa Misira hanj dəsək nde nəmbɛrɛ nnɔ kəfɔ kanjɛ mɔ, nəncyɛŋkər kəyɛŋkər dəm MARIKI domp.

⁸ Nde tɔrɔ ta Hɔrɛb, nənadəktər MARIKI, kɔ pəntɛlɛ kɔ nnɔ nəyi mɔ hanj k'ɛfanj kəmələk nu.

⁹ Nte inape nde datɔɔ kəkɔban walakɛ wa masar mɔ, walakɛ wa danapa nde MARIKI enasek kɔ nana mɔ, k'iyi dɛndo tɔɔ kɔronj mata wɔco manjkɛle (40), pibi kɔ dan, incdi fɛ yeri, incmun fɛ.

¹⁰ Kɔ MARIKI ɔɔɔj im walakɛ wa masar wawɔkɔ merɔj, nwe nkɔn Kanu enacice kɛca kɔn mɔ, moloku min mayi kɔ mɔkɔ enaloku nu nde tɔɔ kɔronj, pɔyi nɛnc disre dɔsɔk dadɔkɔ analɔjkanɛ mɔ.

¹¹ Dɛkɛlɔpsɛr da mata wɔco manjkɛle (40) dadɔkɔ, kɔ MARIKI ɔɔɔj im walakɛ wa masar merɔj wa danapa.

¹² Awa, kɔ MARIKI olɔk'im: «Mɔyɛfɛ mɔkufɛ kɛtor, bawo afum am anjɛ mɔwurene atɔf ɲa Misira mɔ ɲantalɔrne. ɲanɲbayme katɔna dɔpɔ nde incice ɲa mɔ, ɲalompse ɲasarka tɛrɔjka.»

¹³ Kɔ MARIKI olɔk'im: «Inɔjnkɔ afum akanjɛ, afum atanjɛ lɔjɔs ɲɔ.

¹⁴ Mɔsak im imɔlɔk ɲa, inim ɲa mewe antɔf kɔronj. Indesɔjɛ mɔna Musa kɔyɔne wɔka afum a atɔf ɲɔpɔj anjɛ ɲandeyɔ sɔkɛt, ɲala ɲatas akanjɛ mɔ.»

¹⁵ K'ɲngbɔkɛre sɔ kɛtor kɔyɛfɛ tɔɔ kɔronj, walakɛ wa masar wa danapa nwe merɔj wey'im dɛwaca, tetɔjɛne tɔɔ fɔp pɛcmar nɛnc.

¹⁶ K'inɔjnkɔ nte nanciya MARIKI Kanu konu mɔ, kɔ nalompse nɔnasarka tɛrɔjka ta tura towut, kɔ nɔjɲbayme katɔna dɔpɔ dɔkɔ MARIKI enacice nu mɔ.

¹⁷ K'isumpɛr walakɛ wa masar wawɔkɔ merɔj, k'ɲngbalɛ wi waca wem merɔj, k'iwɔkɛc wi fɔr yonu kirinɲ.

Musa eltsɛne MARIKI teta aka Yisrayel

¹⁸ K'ɲnkɔ itempɛne MARIKI fɔr kirinɲ, pɛmɔ tɔkɔ inayo ti tɔcɔkɔ-cɔkɔ mɔ. Mata wɔco manjkɛle (40), pibi kɔ dan, incdi fɛ yeri, incmun fɛ teta kiciya fɔp kɔjnkɔ nɔnaciya mɔ, bawo nɔnadɛktɛr MARIKI kɔyɔ ka tɔkɔ tɔjɔsɔjɛ kɔ mɛtɛlɛ mɔ.

¹⁹ Bawo inanesɛ mɛtɛlɛ kɔ abɛkɛc ɲa MARIKI kɔpɛ, nte pɔnatɛlɛ kɔ pɔpɔj nno nɔyi mɔ hanj pɔfanj kɛmɔlɔk nu. Mba tante sɔ kɔ MARIKI encɔjnkɔl kɛltsɛne kem.

²⁰ Bel-bel bɔ pɔnatɛlɛ MARIKI nno Aruna eyi mɔ hanj pɔfanj kɛmɔlɔk kɔ, mba k'ilɛtsɛne sɔ teta Aruna dɔsɔk dadɔkɔ.

²¹ K'ilek tura towut tɔtɔkɔ, kiciya kanjnkɔ nɔnaciya mɔ, k'ɲngbal pi dɛnɛnc, k'incatki-catki pi, k'imɔfɛli pi hanj kɔ pɔyɔne kɛbɔf, k'ɲnkɔ igbal kɛbɔf kanjnkɔ dɛndo kɔjɲbɔkɔ kanjnkɔ kɛntɔr kɔyɛfɛ ka nde datɔɔ mɔ.

²² Nde Tabera, nde Masa, kɔ nde Kibɔrot Tawa nɔnagbɔkɛre sɔ kɛdɛktɛr MARIKI hanj pɔtɛlɛ kɔ.

²³ Nte MARIKI enasom nu kɔyɛfɛ Kadɛs Barneya, pɛcloku: «Nɔyɛfɛ nɛkɔ nɔwɛkɔrne nɔbanj atɔf ɲɔkɔ isɔj nu mɔ,» kɔ nɔyɛjkar sɔ mɔsom ma MARIKI Kanu konu sɔbomp, nɔnalɔj fɛ kɔ, nɔnacɔjnkɔl fɛ dim dɔn.

²⁴ Nɔyɛjkar kɔyɛjkar dɛm MARIKI sɔbomp kɔyɛfɛ nte incɔre nu mɔ.

²⁵ Ti tenasɔjɛ k'intempɛne MARIKI fɔr kirinɲ mata wɔco manjkɛle (40), pibi kɔ dan, bawo MARIKI enaloku kɔfanj kɛmɔlɔk nu.

²⁶ K'ilɛtsɛne MARIKI, k'iloku: «MARIKI Wɔbɛ kem, ta mɔmɔlɔk afum am, anjɛ ɲayɔne kɛ kam nke mɔwuruse debeki dam, nke mɔnawurene atɔf ɲa Misira kɛca ka sɔkɛt mɔ!

²⁷ Mɛcɛm-cɛmnɛ Abraham, Siyaka, kɔ Yakuba acar am. Ta mɛcɛpsɛr dɛtanjɛ lɔjɔs, dɛlɛc bɛkɛc kɔ kiciya ka afum akanjɛ,

²⁸ ta tedesɔjɛ afum a atɔf ɲɔkɔ mɔwurene sɔ mɔ, ɲadeloku: «Bawo MARIKI entam fɛ kɛbersɛne ɲa antɔf ɲɔkɔ enadɛrɛm kɛsɔj ɲa mɔ, kɔ pɔyɔne fɛ ti-ɛ, bawo MARIKI enter ɲa, it'owurene ɲa kɛkɔdifɛt nde dɛtɛgbɛre.»

²⁹ Afum am ɲɔ, kɛ kam nke mɔnawurene fɔnɔntɔr fam fɔpɔj kɔ kɛca kam kɛtenci mɔ.»

10

Kəŋarŋe ka Kanu

¹ «Təm tatəko tō MARIKI enalok'im: «Məpat walakε wa masar mērəŋ pəmo wəcəkə-cəkə, məpe tərə kəronŋ nno iyi mō. Məndelompsene sō kanəkəra ka tək.

² Moloku məko mənayi walakε wa masar wəcəkə-cəkə wəkə mənawəkəc mō, m'indicicəs sō walakε wa masar wəkə məndekəkere mō kəronŋ, məber wi kanəkəra disre.»

³ K'ilompəs kanəkəra ka kətək ka kasiya, k'impət walakε wa masar mērəŋ pəmo wəcəkə-cəkə, k'impε nde tərə kəronŋ walakε mērəŋ wey'im dəkəca.

⁴ Kō MARIKI encic moloku məko enacicəs walakε wa masar wəcəkə-cəkə wəkə kəronŋ mō, mosom wəco məko enaloku nu nde tərə kəronŋ pəyi nenc disre, dəsək nde aka Yisrayel ŋanalŋkanε mō, kō MARIKI elek walakε wa masar wawəkō k'ember im dəwaca.

⁵ Nte iluksərne kətor tərō mō, k'imber walakε wa masar wawəkō mērəŋ dəkanəkəra kəŋkō inalompəs mō, kō weyi dənda pəmo təkō MARIKI enasom im ti mō.

⁶ K'aka Yisrayel ŋayεfe Beyerot Bene Yakan kəkō Mosera. Difō Aruna enafi, k'awup kō di. Kō wan kən Elasar elek dəkəcəmε da kas kəyōne wəlonŋne wəpəŋ.

⁷ Kō ŋayεfe dəndo kō ŋaŋkō Kudkoda, kō ŋayεfe dəndo kō ŋaŋkō Yotbata atōf nŋε ŋεla cəŋgbəkō mō.

⁸ Təm tatəko tō MARIKI enagbey aka kusunŋka ka Lewy taciŋa, nte təŋsəŋε ŋacgbəŋne kanəkəra ka danapa da MARIKI, təsəŋε ŋacəmε MARIKI fər kirinŋ, ŋayōne akirinŋ a yeβac yən, ŋactolane pətət sō aka Yisrayel tewe ta nkən MARIKI. Yeβac yayəkō yō ŋayi haŋ məko.

⁹ It'əsəŋε aka kusunŋka ka Lewy kəntəsətō kəfo ka ke awenc aŋa dacō. MARIKI əyōne ke kəŋan pəmo təkō nkən MARIKI Kanu kam enaloku tetən mō.

¹⁰ K'iwon sō dəndo tərə kəronŋ pəmo təcəkə-cəkə, mata wəco mənəkε (40), pibi kō daŋ. Kō MARIKI owosε tante sō kəletsene kem, owosε fe sō kəmələk əm.

¹¹ Kō MARIKI olok'im: «Məyεfe məko məyi aka Yisrayel kirinŋ. Ŋabere ŋabaŋ atōf nŋε inadermε atem aŋan kəsəŋ ŋa mō.»

Sariye sa kəbətər

¹² «Ndekəl oŋ Yisrayel, ake MARIKI Kanu kam kəfanər əm-ε? Nte efan mō a mənese MARIKI Kanu kam, məccəmε səpō sən fəp darəŋ, məbətər kō, məcsalene MARIKI Kanu kam abəkəc ŋam kō amera ŋam fəp,

¹³ məmənŋkərne mosom ma MARIKI kō sariye sən pəmo nte iyi kəsom əm si məko mō, nte təŋsəŋε pətət pam peyi mō.

¹⁴ MARIKI Kanu kam kəyō kəm, kō monkubut ma ki, antōf kō ca cəkō ŋəyō mō fəp.

¹⁵ Atem am gbəcərəm ŋō MARIKI enasektərne te taŋan, ŋa ŋ'ənabətər. Nte ŋancepər mō, nənə yuruya yaŋan, nənə ŋ'eyek-yek afum alpəs aŋε dacō fəp, ite teyinε məko tante.

¹⁶ Awa nəyōne aŋε ampuse MARIKI bəkəc yonu fəp mō, ta nətaŋ sō ləŋəs!

¹⁷ Bawo MARIKI Kanu konu, Kanu ka canu k'əyōne, MARIKI ma mariki, Kanu kəpəŋ, Kanu ka fənəntər, Kanu kəwey-wey, nke kəntəcəmene afum mō, Kanu nke antəkafəli amera kəpocε disre mō,

¹⁸ Kanu nke kəŋyac sariye sa wan wətəyō akombərə kō wəcəbəkəra mō, nke kəmbətər wəcikəra, kəcsəŋ kō yeri kō yamos mō.

¹⁹ Ndekə nəcbətər acikəra, bawo acikəra ŋō nənayōne nde atōf ŋa Misira.

²⁰ MARIKI Kanu kam mändekə məcnesə, nkən mändekə məcsaləne, nkən mändesektərne, tewe tən tə mändekə mädərme.

²¹ Nkən pəmar nəkor-koru, nkən əyənə Kanu kam, nkən əbəc ndaram məyo məpəy kə məwəy-wəy mme fər yam yənanəjk mə.

²² Atem am njanator atəf nja Misira, njaɪ afum wəco camət-məgən (70). Ndekəl oɲ, MARIKI Kanu kam kəsəy'am kəyənə kənay pəmə cəs ca dəkəm.»

11

Kəcəm-cemas ka təkə Kanu kəyənə aka Yisrayel mə

¹ Mədəkə məbətər MARIKI Kanu kam, məde mələləs məmənjkərne mən, məde məmənjkərne dəsək o dəsək məyo mokur mən, sariye sən, kə mosom mən.

² Awa nəcərə məkə a bafə awut anu n'iyi kəlok-lokər akə njanatəcərə, ta njanəjk sə mi mə de, mba nənə n'ijle, nənə anje nənayənə atənjne tes ta kədusum ka MARIKI Kanu konu, ta debeki dən, kə səkət sa kəca kən kətenci mə.

³ Nənayənə sə atənjne tes ta məgbəkərə mən kə məyo mən, mme enayo firawona wəbe wəka Misira kə aka atəf njon fəp Misira daco mə.

⁴ Nənayənə sə atənjne tes nte enayo asodar aka Misira mə, fəles yən, cibil cən ca dəkəwan, nte MARIKI ənəkəl asodar akakə domun da kəba ka Cənkəlma mə, nte njanacəmə nu darəy kəbeləs mə, təkə MARIKI emələk nja han məkə mə.

⁵ Nənayənə sə atənjne məyo mme enayo nde dətegbərə han kə nənder nəbərə nnə kəfo kanke mə,

⁶ təkə MARIKI enayo Datan kə Abiram wan ka Eliyab wansə ka Ruben fər ya aka Yisrayel fəp kirin, nte antəf njanawani kusu kə njeher nja kə aka kələ kəjan disre kələkənə cəbal cəjan han kəbər ca cəjan fəp.

⁷ İnjlok-lokər nu bawo fər yonu yati yə nənanəjke tes təpəy nte o nte MARIKI enayo mə.

⁸ Awa, nədekə nəmənjkərne tosom fəp nte iyi kəsom nu məkə mə, nte təjsəy nədekəsətə səkət səkənə nəban atəf njo kə njendeyənə njonu mə,

⁹ nte təjsəye nədekəbəlse mataka monu atəf nje MARIKI ənədərmə atem anu kəsəy nja kə yuruya yanjan, atəf njanəkə njombəy dale k'awop mə.

Antəfnje MARIKI enjgbəkərə mə

¹⁰ Atəf njo kə mənjəban nje yənə njam mə njeɪ fe pəmə antəf nja Misira nje məyefe mə, nde məngəbal defet məclənsərə di domun wəcək wam pəmə nte fum endelənsər dəkəbəfət-bəfət yeri domun mə.

¹¹ Atəf nje nədecepər kəkəban nje yənə njonu mə, antəf nja mərə kəron kə mərə daco njo, nje njonmun domun da wəcafən mə.

¹² Antəf njo nje yənə nje MARIKI Kanu kam kənjgbəkərə mə, nje kəmbumə fər kəyefe dəkəcəp han dəkələpsər da teren mə.

¹³ Kə nəncənkəl mosom məm pəmə nte iyi mi kəsom nu məkə mə, nəbətər MARIKI Kanu konu, nəcsalənə kə bəkək yonu yosoku pəs, kə mera yonu fəp-ə,

¹⁴ MARIKI oloku: «İndəsəy antəf njonu wəcafən təm nte pəmar pəder mə, kəyefe mələfe han ləjk, təm tatəkə məntəl mənjgben məm, məpim yokom ya wən wam kə yokom ya moro məm.

¹⁵ İnsəy sə yika kəpənə yəcəl yam dale. Yeri yedeyi, məcnəmbərə.»

¹⁶ Nəkəmbərne kəsakne patinjar nu, nəgbaymə nəcsalənə canu cəcuru, nəctontne fər ya ci kirin.

¹⁷ Metele ma MARIKI məmbək nnə nəyi mə, pəgbət kəm, wəcafən əfəsətuf. Antəf nje əfəsətəse yəbəf, nəfəwon kəfis-fis katəna dəndo atəf njetət njanəkə MARIKI əjkəsəy nu mə.

18 Nādekō nāberne dābəkēc kō damera moloku mme iyi kəlōku nu mō. Nāsektārene mi dāwaca pāmō tēgbekāre, mey'am dātōbu fōr yam daco.

19 Nādekō nāctākse mi awut anu nācloku ņa mi kō nāndekōyi wōlō wonu, kō nāndekō nācāt, kō nāndekō nācfāntāre, kō nāndekō nācyēfe.

20 Nādekō nācic mi fārem fa cumba ca wōlō wonu kō dācusuņka ca sādare sonu.

21 Awa mataka monu kō ma awut anu antōf kəronj ņe MARIKI enaderme kəsōj atem anu mō, mendela pāmō dēlay da mataka ma kōm kō antōf.

22 Kō nāmēņkārne tosom tantē iyi kəsom nu mō, kō nācāme sō ti darəj, nābōtār MARIKI Kanu konu, nācāme səpō sōn fəp darəj, nāsektārne kō-ε,

23 MARIKI endekōbanjər fōr yonu kirinj afum akakō fəp tōf yanjan, nāna nākō nābanj tōf ya afum aņe ņala nu kō ņambek sō səkāt ņatas nu mō.

24 Kəfo nke o nke kō nāndekōcāmbər wēcak wonu kəjyōne konu: Kəlāncər konu kāndekōyēfe dātegbāre hanj Libanj, kō kəyēfe ka kəņgbōkō ka Efərat hanj nde kāba ka nde dec dēņkalē mō.

25 Ali fum əfodekosimsər nu. MARIKI Kanu konu endekōsōjē afum aka təf yəwōkō nāndekōbər mō fəp kənese kō ayek-yek, pāmō tōkō enaloku nu ti mō.

26 Mācəņkəl, incāmbər mākō kəpocē pətōt kō kəpocē pələc fōr yonu kirinj:

27 Kəpocē pətōt, kō nāncəņkəl mosom ma MARIKI Kanu konu mme iyi kəsom nu mākō mō-ε.

28 Kō kəpocē pələc, kō nāntācəņkəl mosom ma MARIKI Kanu konu mme iyi kəsom nu mō, nəgbayme dəpō dōkō iyi kəcice nu mākō mō, nācsalēne canu cəcuru nē nāntācəre mō-ε.

29 Kō MARIKI Kanu kam kāndekōbers'am atōf ņōkō mēņkōbanj ņyōne ņam mō-ε, mādekō mācam pətōt nde tōrō ta Karisim kəronj, mācam pələc nde tōrō ta Ebal kəronj.

30 Kəca ka Yurden kō mōrō mamākō meyi ntende dec dēņkalē mō, nde atōf ņ'aKanaņ akō ņayi Araba ņatefārene kō Kilkal, nde tōk yōpəj ya More kəsək.

31 Mācam moloku mamākō dāndo, bawō kəcali kō nānder Yurden, nākōbanj atōf ņōkō MARIKI Kanu konu kəsōj nu mō, nāndekōbanj ņi nānde.

32 Nādekō nāmēņkārne kēcāme ka sariye fəp kō mōyō mokur darəj, mme iyi kēcāmbər fōr yonu kirinj mākō mō.

12 Sariye sa MARIKI

12-26

1 Sariye saņse kō mōyō mokur mme nādekōmēņkārne kēcāme ka mi darəj atōf ņōkō MARIKI Kanu ka atem anu kəsōj əm kəkōbanj mānde mō, dōsək o dōsək kəyi konu doru antōf kəronj.

Dākasalēne Kanu din

2 Nādekō nācləsər few mofō fəp mme afum akakō nāndekōbanjər tōf mō, ņaņsalēne canu cəjan mō, kəyēfe mōrō mēņeci kəronj, kəkō ka mofō mētāmbələr, kəbər kətək nke o nke kəņkumptər dāntōf mō.

3 Nādekō nācwuņ metek moloņne canu cəjan, nācwōkēc masar mājan mēcāmbər motontne, nāccəf mogbu mājan motontne mme aņwene tolom «Asera» mō, nāccəpəs mēņəņka mā canu cəjan, nānim mewe mājan mofō mamākō.

4 Ta nādekō nācyō tatōkō nnō MARIKI Kanu konu kəyi mō.

5 Mba nādekō nācten kō kəfo kəņkō MARIKI Kanu konu kāndekōyēk-yēk kəyōne dākiyi dān cusuņka conu daco mō, pəyi dānda. Difō māndekō mākō.

⁶ Difō nāndekō nāckekāre yōcōl yolonēne pacōf yonu, yolonēne yonu yōlōma, farilē fa yokom yonu, kāfek konu, kəlōnēne ka kāderām kō kətola ka tes, kāpōce ka bākac yonu yosoku pēs, kō kāsōn ka awut acōkō-cōkō a yōcōl yonu: Cāna, cir kō ŋkesiya.

⁷ Difō nāndekō nācdi yeri fōr ya MARIKI Kanu konu kirin, nāna kō aka wōlo wonu disrē fāp nāwolās-wolās kō daka ndē nāndekōtōmpār mō fāp, daka dōko MARIKI Kanu konu kāndekōpōce nu pātōt mō.

⁸ Ta nādekō ōn nācyō mes mame sājyō nnō mōkō mō de, tantē nwe o nwe ōnjo tōkō tentesē kō dāfōr mō,

⁹ bawo nāntabērē fē kārēsna atōf ŋōkō nāŋkōsōtō kājēsām mō, kē nkē MARIKI Kanu kam kājōkōsōn ām mō.

¹⁰ Kō nāndekōcali Yurden, kō nāndekōndē atōf ŋōkō MARIKI Kanu konu kāndekōsōn nu kē mō, k'endekōsōn nu kājēsām, kāyāc nu aterēnē akō ŋāndekōkēl nu mō fāp, kō nāndē atōf ŋāŋōkō pōforu disrē-ē,

¹¹ nde kēfō kājōkō MARIKI Kanu konu endekōyēk-yēk kāyōnē dākiyi dōn mō, difō nāndekō nāckekāre ca yōkō isom nu kākēkēre mō: Yolonēne pacōf yonu, yolonēne yonu yōlōma, farilē fa yokom yonu, kāfek konu, kō yolonēne nyē nāyēk-yēk teta kətolanē pātōt kō kāderām nnō MARIKI eyi mō.

¹² Nāwolās-wolās fōr ya MARIKI Kanu konu kirin kələk ka awut anu arkun, aran, kākō ka acar anu arkun kō aran kābāp ka wāLewy nwe o nwe eyi nde ndaram mō, bawo ōsōtō fē kē kāyer nāna awēnc ānā dācō.

¹³ Mākēmbārne kādekō kəlōnēne pōcōl pōcōf pam mōfo mme māndekō mācnānk mō fāp.

¹⁴ Mba kēfō gbēcārām nkē MARIKI endekōyēk-yēk kusōnka konu kin dācō mō, difō mādekō māclōnēne yōcōl yōcōf, difō māndekō mācyō mes mame iyi kāsōm ām mō fāp.

¹⁵ Tōmōnē f'am kāfay ka pōcōl māsōm sēm tēm o tēm nte mānfan mō, pāmō tōkō MARIKI Kanu kam kāmpōce pātōt nde ndaram dare o dare mō. Pāyōnē fum wāsoku pāyōnē wātōsōk fāp fāntam kāsōm yi, pāmō tōkō ānōsām wēre kō pāyōnē fē ti wōr mō.

¹⁶ Ta nāmūn mecir ma pōcōl pōkō nāndif mō gbēcārām. Məlōn mecir mānōkō dāntōf pāmō domun.

¹⁷ Pāmar fē mādekō mācdi nde ndaram farilē fa mānģben mān, wēn wām, kō moro mān, kākō ka awut acōkō-cōkō a cāna, cir kō ŋkesiya yām, kābāp ka kəlōnēne kam nkē māndetola pātōt kō kāderām mō, hāj kəlōnēne ka kāpōce nkē mānōnē MARIKI abākac ŋosoku pēs mō kō yēfek yām.

¹⁸ Mba nde fōr ya MARIKI Kanu kam gbēcārām pāmar mādekō mācdi yeri yāyōkō, nde kēfō kājōkō endekōyēk-yēk mō, kələk māna hāj wān kam wārkun kō wōran, kākō wācar kam wārkun kō wōran, kābāp kō wāLewy nwe o nwe eyi nde ndaram mō. Māwolās-wolās MARIKI Kanu kam fōr kirin teta daka dōko māndekōsōtō mō fāp.

¹⁹ Kāwōn kam kāyi doru fāp antōf kārōn, mādekō mākēmbārne ta māsak wāLewy.

²⁰ Kō MARIKI Kanu kam kāndekōwākēlās cālāncār cam pāmō tōkō kēnalok'am ti mō, kābas ka kāsōm sēm kāsōn'am kācōpēnē-ē: «Mba, sēm yēmbas im kāsōm», māntam kāsōm sēm pāmō tōkō māfan mō.

²¹ Kō pāyōnē kēfō nkē MARIKI Kanu kam eyēk-yēk kāyōnē dākiyi dōn kāmōl'am-ē, māntam kādif cāna, kō pāyōnē fē ti-ē, cir kō ŋkesiya nyē MARIKI ōsōn ām mō, pāmō tantē iyi ti kāsōm ām mō, māntam kāsōm sēm yāyōkō nde ndaram, tōkō pāmōt ām mō.

²² Məsəm sem yayəkə pəmə təkə mənsəm sem ya were kə pəyənə fə ti-ε, sem ya wər mə. Fum pəsək, əsək fε, εntam yi kəsəm.

²³ Mba məkəmbərne kətəmün mecir ma yi, bawo mecir kiya wəyəη kə. Ta məsəmənə kiya wəyəη kə sem.

²⁴ Ta məmun mi, mələη mi dəntəf pəmə domun.

²⁵ Ta məmun mi, nte tənsənə mes mam mede mectese, mənə kə awut am kə mənə mənçepər-ε, məcyə təkə tentese MARIKI fər kirin mə.

²⁶ Mba daka dam nde məmpus gbəcərəm yəsətə yam daco kəsən MARIKI mə, kə yoloηne yam ya kətola tes kə ya kədəram yə mədekə məckəkəre kəfo kanjə MARIKI εyək-yək mə.

²⁷ Mədəkə məcləηne yəcəl pəcəf yonu, sem kə mecir, nde tetek toloηne kəroη pa MARIKI Kanu kam. Mecir ma yoloηne yam, mədekə məcləη mi tetek toloηne ta MARIKI Kanu kam kəroη, mənə məsəm sem yayəkə.

²⁸ Məmənəkərne məcəηkəl belbel moloku mame iyi kəsəm əm mə, nte tənsənə mes mam mede mectese təm fəp mə, mənə kə awut am kə mənçepər-ε, məηyo təm tatəkə tes nte təmbət kə tentese sə MARIKI Kanu kam mə.

Teyfərəne kə canu ca aKanaη

²⁹ Kə MARIKI Kanu kam endekəmələk fər yam kirin afum akə məndəkəbaηər təf yaηan mə, kə mənə məndəkəlip sə kəbaη təf yayəkə məndε-ε,

³⁰ mədekə məkəmbərne kəsəkne towul tosumpər əm kətubucne kəηan, k'andəkəlip kəmələk ηa fər yam kirin-ε. Məkəmbərne kədəkə kəctenas mes ma canu cəηan məcyifət: «Cəke c'afum akanη ηancsalene canu cəηan-ε? It'ina sə ifaη kəyo.»

³¹ Ta mədekə məcyə tatəkə MARIKI Kanu kam de! Bawo pəyikyik mpe MARIKI enter mə fəp pə ηancyənə canu cəηan, ηanckə haη ηacləmə canu cəηan dənεc awut aηan arkun kə aran.

13

¹ Moloku mame iηsom nu mə fəp, nəməηkərne kəcəmə ka mi darəη. Ta mədəηər, ta məbeli sə tələm o tələm.

Teyfərəne kə aleləs canu cəcuru

² Tələma fum pədewur əm daco, pəyənə sayibε, kə pəyənə fε ti, waliwu wələma, pəclok'əm təgbəkəre kə pəyənə fε ti tes təwey-wey tələma-ε.

³ Kə təgbəkəre təwey-wey təkə ənaloku teder teyi-ε, pəcloku: «Pəcəmə canu cəcuru darəη,» canu nce nəntəcərə mə, «Pasalene ci»,

⁴ ta nəcəηkəl təkə sayibε sasəkə kə pəyənə fε ti waliwu wəkəkə oηloku nu mə! Bawo MARIKI Kanu konu kəyi kəwakəs nu kəcərə kə pəyənə a nəmbətərə kə bəkəc yonu yosoku pεs, kə mera yonu fəp-ε.

⁵ Nədəkə nəcəmə MARIKI Kanu konu darəη, nənese kə, nəməηkərne mosom məη, nəcəηkəl dim dən, nkəη pəmar nəcsalene, nəsektərne kə.

⁶ Sayibε kə pəyənə fε ti waliwu wəkəkə mənε padif kə, bawo əncəηəs afum kəyəηkər MARIKI Kanu konu səbomp, Kanu nke kənaawurənə nu atəf ηa Misira, kə kəwurus əm kələ ka dacar. Wəkəyi efaη kəliηs'əm kəgbaymə dəpə dəkə MARIKI Kanu kam εnasəm əm kəcəmə darəη mə. Məηnim təm tatəkə pələc aka Yisrayel daco.

⁷ Kə wεnc əm wan ka iya wəkam, wan kam wərkun, wan kam wəran, wəran nwe endir'am kəsək mə, kə pəyənə fε ti wanapa kam nwe məmbətər pəmə mənasərka mə, pəwakəs kəliηəs əm kəgbərne disre pəcloku: «Pəkəloηne canu cələma,» canu nce mənə kə awisi aηa ηanatəcərə mə,

⁸ canu cɔ nce afum alɔma aɲe ɲanɔŋkɛr nu mɔ ɲansalɛne mɔ, tɔyɔne afum akakɔ ɲayi nu kəsək, tɔyɔne ɲambɔlɛn'am, kɔyɛfɛ nde doru doncop haɲ nde dɛlɛpsɛr mɔ-ɛ,

⁹ ta mɔwosɛ ti, ta mɛcɛŋkɛl kɔ, ta mɔyɔnɛ kɔ nɔnɔfɔr, ta mɔyay kɔ, ta mɔyac kɔ.

¹⁰ Pɔmar mɛdif wɛkayi. Mɔnuɲkɛnɛ kɛdɛnɔr kɔ kɛca ka kɛsut ka kɛdif, a waca wa afum alpɛs aɲɛ fɛp wedɛbɔp kɔ.

¹¹ Mɔca-cas kɔ, pɛfi, bawo wɛkayi ɛfan kɛlɛɲɔs ɛm pɛbɔlɛn'am MARIKI Kanu kam nkɛ kɛnawurɛn'am atɔf ɲa Misira nde mɔnayi kɛlɔ ka dacar mɔ.

¹² Tɛm tatɔkɔ, aka Yisrayel fɛp ɲandɛnɛ ti, tɔsɔɲɛ ɲa kɛnɛsɛ, ɲafɔsɔgbɔkɛrɛ kɔyɔ tɛs tɛlɛc pɔmɔ tatɔkɔ aka Yisrayel dacɔ.

¹³ Kɔ mɔnɛ paclɔkɛ ti dare din dɔlɔma ndɛ MARIKI Kanu kam ɛnasɔɲ ɛm kɛndɛ mɔ-ɛ:

¹⁴ «Abut mɛra ɲawur afum am dacɔ kɔ ɲalɛɲɔs aka dare daɲan, ɲaclɔku ɲa: «Paɲkɔnsalɛnɛ canu cɔlɔma,» canu nce nɛntɔcɔrɛ mɔ-ɛ,

¹⁵ mɛtɛnɛs kance ka moloku mamɔkɔ belbel, mɔyɛfɛt, mɛkɔkɛ mi belbel. Kɔ pɔyɔnɛ a kance yati kɔ, kɔ pɔyɔnɛ a afum ɲayɔ ti, kɔ pɔyɔnɛ a pɔyɛkyik papɔkɔ MARIKI enter mɔ nɔna dacɔ ayɔ pi-ɛ,

¹⁶ mɔpɔɲɛnɛ aka dare dadɔkɔ mɛdifɛtɛ ɲa dakma. Mɔsut dare dadɔkɔ haɲ ɲamɛlɛk afum di fɛp, kɛlɛkɛnɛ yɔcɔl yaɲan mɛdifɛtɛ yi dakma.

¹⁷ Mɔlɔɲka daka daɲan dofoɲɔt dabanɲa, mɛcɔf dare kɔ daka dofoɲɔt dadɔkɔ fɛp, mɛlasɛrɛ yi few MARIKI Kanu kam. Kɛfo kanɲkɔ kɔɲyɔnɛ tɛm tatɔkɔ tɛpɛsa mɛrɛ antɔsɔtam kɛndɛ mɔ, afɔsɔgbɔkɛrɛ kɛcɛmbar dare dadɔkɔ few.

¹⁸ Ta mɛlɛkɛnɛ pɔyɛkyik mɛrɛ o mɛrɛ MARIKI enter mɔ, pɔmar palɛsɛr haɲ pamɛlɛk mɔ, nɛtɛ tɔɲsɔɲɛ abɛkɛc ɲɔtor MARIKI pɛbɛr mɛtɛlɛ mɔn mɔpɔɲ kumunt mɔ, pɔyɔn'am nɔnɔfɔr, pɛsɔɲ'am kɛkɔmɛs, pɔmɔ tɔkɔ ɛnadɛrɛmɛ ti atɛm am mɔ,

¹⁹ nɛtɛ tɔɲsɔɲɛ mɛcɛŋkɛl dim da MARIKI Kanu kam, mɛmɛɲkɛrɛnɛ mosom fɛp mɛmɛ iyi kɛsɔm ɛm mɔkɔ mɔ, mɛcyɔ sɔ tɔkɔ tolomp fɔr ya MARIKI Kanu kam kirɪɲ mɔ.

14

Kɛmɔnɛ ka mɔyɔ mokur ma afum acuru dɛkɛbal

¹ Awut a MARIKI Kanu konu ɲɔ nɔyɔnɛ, kɔ fum ɛfir nu-ɛ, ta nɛgbɛs-gbɛsɛnɛ tɛtɔn, ta nɛfonnɛ cɛfon ca dɛmɔbu.

² Bawo afum apus ɲɔ nɔyɔnɛ nnɔ MARIKI Kanu konu kɔyi mɔ. Nɛn'ɔ MARIKI Kanu konu ɛyɛk-yɛk nɛtɛ tɔɲsɔɲɛ nɔyɔnɛ afum ɔn aka dɛtim afum a doru dandɛ fɛp dacɔ mɔ.

Sɛm nyɛ awosɛ kɔ nyɛ amɔnɛ fum kɛsɔm mɔ

³ Ta mɛdi pɔyɛkyik mɛrɛ o mɛrɛ MARIKI enter, a k'ɔmɔnɛ mɔ.

⁴ Sɛm nyɛ y'awosɛ nu kɛdɛ kɛcsɔm: Wana, aɲkɛsiya, kɔ wir,

⁵ wɛsɛm nɛwɛ o nɛwɛ wɔɲwurɛnɛ kɔ wɛcɛk mɔ, aɲkɛsiya kɔ wir wa dɛmɔrɔ mɛɲɛci, kɔ dokom da wɛrɛ wɔpɔɲ kɔ wɛfɛt.

⁶ Nɛdɛtam kɛcsɔm sɛm fɛp nyɛ yɛɲgbɛyɛnɛ mɛlɛr mɔ, yɔyɔ mɛlɛr mɛrɛɲ, nyɛ yɛɲnakɛmɛnɛ kɔ yɔntɔyi kɛsɔmɛt pɔmɔ wana-ɛ.

⁷ Mba ta nɛdɛ nɛcsɔm sɛm dacɔ nyɛ yɛɲnakɛmɛnɛ pɔmɔ wana mɔ, kɔ yɔyɔ mɛlɛr mɛrɛɲ mɛgbɛyɛnɛ: Yɔkɔmɛ, tɔrɔp, kɔ dokom da debɛm ndɛ deyɪ dɛmasar mɔ. Sɛm yɔ nyɛ yɔɲsɔm yika mɔ, mba yi yɛɲgbɛyɛnɛ fɛ mɛlɛr mɛrɛɲ. Awa, sɛm yayɔkɔ yɔsɔk fɛ nnɔ nɔyi mɔ.

8 Asop nɛɛ ɲɛɲɛɓɛyɛnɛ mɛlɛr, mba ɲɔfɔnɔkɛmɛnɛ yika pɛmɔ wana, ɲɔsɔk fɛ nnɔ nɛyi mɔ. Ta nɛsɔm sɛm ya sop, ta nɛɓɓuɲɛnɛ yefi ya yi.

9 Sɛm nyɛ yeyi dɛromun mɔ, nyɛ yɔ awosɛ nu kɛdɛ kɛcsɔm: Sɛm nyɛ yɔyɔ yɛɲɛɲnɛnɛ kɔ wokwok mɔ fɛp.

10 Mba ta nɛsɔm mɛɛ o mɛɛ pɔntɔyɔ yɛɲɛɲnɛnɛ kɔ wokwok mɔ, yayɔkɔ yɔsɔk fɛ nnɔ nɛyi mɔ.

11 Nɛdɛ nɛcsɔm bɛmp nyɛ yɔsɔk mɔ fɛp.

12 Mba bɛmp nyɛ yɔ ta nɛdɛ nɛcsɔm yi: Ayɔfɔn, abɛkar kɔ asiksik ɲɛfɛr kɔ ɲa dɔkɛba,

13 tɛɲɛɓɛ pɛbi kɔ pɛyim, aɲkɛlɔkɛlɔ kɔ dokomɛnɛ dayi,

14 bɛmp ya mɛnar kɔ dokomɛnɛ dayi fɛp,

15 otɛris, awump, abɛkar kɔ dokomɛnɛ dayi,

16 awump kɔ dokom da ɲi,

17 antombon, alifɔt, kɔ ancapɛraman,

18 bɛmp ya agbɛɲ ɲa cɛba kɔ dokomɛnɛ dayi, kɔ tempirfin.

19 Yoyokɛ-yokɛ yɛfɛt yɛfɛt nyɛ yɔyɔ banca yɛfɛlɛr fɛp, pɛmar fɛ nɛsɔm yi, yɔsɔk fɛ nnɔ nɛyi mɔ.

20 Mba nɛntam kɛcsɔm yɛfɛlɛr-fɛlɛr fɛp nyɛ yɔsɔk mɔ.

21 Ta nɛdɛ nɛcsɔm wɛsɛm nɛwɛ atɔfay amera mɔ. Mɛdɛkɔ mɛcsɔɲ wi wɛcikɛra nɛwɛ eyi ndɛ ndaram mɔ, nkɔn pɛsɔm wi, kɔ pɛyɔnɛ fɛ ti-ɛ, mɛcɛmsɛr wi wɛcikɛra, bawo fum nɛwɛ ampus mɔ mɛyɔnɛ nnɔ MARIKI Kanu kam kɛyi mɔ. Ta mɛdɛkɔ mɛcpɛcɛ sɛm ya wir mɛsɛ mɔ kɛrɛ ka wi.

Sariye sa farile

22 Mɛdɛkɔ mɛcsɔɲ kɛrɛn o kɛrɛn farile fa yokom ya yɔbɔf nyɛ dalɛ dam dɛndɛkɔ dɔcsɔɲ ɛm mɔ fɛp.

23 Mɛdɛkɔ mɛcɛdi yeri fɔr ya MARIKI Kanu kam kirin, ndɛ kɛfo nkɛ ɛndɛkɔyɛk-yɛk kɛyɔnɛ dɛkiyi dɔn mɔ, kɛyɛfɛ farile fa mɛɲɛɓɛn mam, fa wɛn wam, kɔ fa moro mam, kɛbɛp ka awut acɔkɔ-cɔkɔ a yɔcɔl yam cɛna, cir kɔ ɲkɛsiya yam, nɛtɛ tɔɲsɔɲɛ mɛtɛkɛs kɛnɛsɛ tɛm fɛp MARIKI Kanu kam mɔ.

24 Tɔlɔma dɔpɔ dɔbɔlɛ tɛta kɛsarɛ fi, tɔlɔma kɛfo nkɛ MARIKI Kanu kam kɛyɛk-yɛk kɛyɔnɛ dɛkiyi dɔn mɔ kɛmbɔlɛnɛ ndaram, bawo MARIKI Kanu kam ompoc'am pɛtɔt-ɛ,

25 tɛm tɔtɔkɔ mɛntam kɛsɛkpɛrɛ farile fam pɛsɛm, mɛtɔmpɛr pɛsɛm papɔkɔ dɛkɛca mɛkɔ ndɛ kɛfo kanjɔ nkɔn MARIKI Kanu kam ɛyɛk-yɛk mɔ.

26 Dɛndo kɛfo kanjɔ, mɛntam kɛsɛkpɛrɛ sɔ pɛsɛm papɔkɔ daka o daka ndɛ mɛɲɛfɛɲ mɔ, pɛyɔnɛ cɛna, pɛyɔnɛ cir kɔ ɲkɛsiya, pɛyɔnɛ wɛn, pɛyɔnɛ member mɛɛ o mɛɛ pɛmbɔt ɛm mɔ, mɛdi yi dɛndo MARIKI Kanu kam fɔr kirin, mɛwolɛs-wolɛs, mɛna k'aka kɛlɔ kam disrɛ.

27 Ta mɛsak wɛLewy nɛwɛ o nɛwɛ eyi ndɛ ndaram mɔ, bawo ɔsɔtɔ fɛ kɛ aka Yisrayel daco.

28 Dɛkɛlɛpsɛr da tɛrɛn ta maas nɛtɛ o nɛtɛ, mɛcwurɛ farile fɛp fa yokom ya yɔbɔf yam ya kɛrɛn, mɛcboc yi sɛdare sonu nɛsɛ nɛndɛ mɔ.

29 Mɛcɛrɛ a wɛLewy ɔsɔtɔ fɛ kɛfo kɛ kam daco. Awa, wɛLewy, wɛcikɛra, wɛtɔyɔ kɛrɛ kɔ kas, wɛcɛbɔkɛra, aɲɛ ɲayi dare donu mɔ fɛp, ɲader ɲadi yeri yayɔkɔ haɲ ɲanɛmbɛrɛ, nɛtɛ tɔɲsɔɲɛ MARIKI Kanu kam kɛpoc'am pɛtɔt dɛyɛbɛc ya waca wam fɛp mɔ.

1 Dækələpsər da teren ta camət-mērəḡ nte o nte mæde mæcḡḡḡḡ səbe sam.

2 Nte tō pəmar paḡḡḡḡḡ səbe dækələpsər da teren ta camət-mērəḡ: Nwe o nwe enabər wənc mə, pəmar pəḡḡḡḡḡ. Pəmar fe pəcəḡḡḡ wanapa kən kə pəyḡḡḡ fe ti wənc kəsəḡ ka debe dən, k'andəḡḡḡ kəḡḡḡḡḡ səbe tewe ta MARIKI-ε.

3 Məntam kəcəḡḡḡ wəcəkəra kəluks'am debe, mba məḡḡḡḡḡ səbe sa wənc nse mənəsəḡ kə mə.

4 It'əsəḡḡ ta ancəre wətəyḡ daka nu daco, bawo MARIKI endepoc'am kəpocə pətət nde atəf ḡam nḡḡ MARIKI Kanu kam endekəsəḡ əm kənde, məbəḡ ḡḡyḡḡ'am kə mə.

5 Tes tin ḡḡḡ t'efan, məcəḡḡḡḡḡ belbel dim da MARIKI Kanu kam, məmənḡḡḡḡḡ kəcəme ka mōsom mən darəḡ fəp mme iyi kəsom əm məkə mə.

6 MARIKI Kanu kam endepoc'am pətət pəmḡ təkə olək'am ti mə. Məndekə məbər acikəra a təf yelərəm seke, mba mənə məfəde kə məccəmbər seke kəbə. Məndekətəsərne afum a təf yelərəm, mba ḡafədekətəsərne mənə.

7 Kə wənc əm wələma eyi nde ndaram ta yḡḡ daka-ε, dəndo atəf nḡḡ MARIKI Kanu kam kəsəḡ əm mə, ta mədekəyənḡḡḡ kə fər, ta mədekəmepər wənc əm wətəyḡ daka wəkəkə kəca.

8 Məpərər kə kəca, pəcəmbər'am seke, məbər kə daka pələmpəs mes mme mombut kə mə.

9 Məkəmbərne belbel ta məlokune dəbəkəc məcəm-cəmnne ma kəbut amera, məclokune: «Teren ta camət-mērəḡ tətətərne, kəren kəḡḡḡḡḡ səbe,» ta məcməmənne wənc əm wətəyḡ daka dəfər delec, məyi ta məsəḡ kə daka nde o nde-ε. Kə məyḡ ti-ε, oḡḡḡḡḡ MARIKI teta kəbut amera kam, təyḡḡ'am kiciya.

10 Məsəḡ kə belbel, ta abəkəc ḡam ḡey'im pələc kə məndeyi kəsəḡ kə-ε. Ti təḡḡḡḡḡ MARIKI Kanu kam pəpoc'am pətət dəyebəc yam kə dəmosumpər mam fəp.

11 Atəyḡ daka ḡəndeyi tēm fəp dətəf. Itə isom am tante: Pəmar məpərər kəca wənc əm nwe əntəyḡ daka kə nwe eyi dəpəcucəne pəyi nde ndaram mə.

Təsak ta acar ḡakə yəḡḡḡ

12 Kə wənc əm wələma wəHebərə wərḡḡḡḡḡ kə pəyḡḡḡ fe ti wəran, əncəmsər'n'am kəyḡḡḡ ka wəcar kam-ε, pəbəc'am meren camət-tin. Teren ta camət-mērəḡ, məsək kə pəyi yəḡḡḡ.

13 Kə mədekəsək kə, pəyi yəḡḡḡ-ε, pəmar fe pəkə waca wəsəkər.

14 Məde məpərər kə waca, məpocə kə ḡkesiya kə cir cələma yəcəl yam daco, məwure məḡḡḡḡḡ kə wən wam wələma məpocə kə pəla pəmḡ nte MARIKI Kanu kam ompoc'am pətət pəla mə.

15 Mədekə məccəm-cəmnne a mənayḡḡḡ wəcar atəf ḡa Misira, kə MARIKI Kanu kam owurus əm dacar dadəkə. It'iyi kəsom'am ti məkə tante.

16 Mba kə wəcar kam olək'am: «Ifan fe kəwur nḡḡ kələ kam,» bawo əmbətər əm, mənə kə aka kələ kam, tətəḡḡḡ pəyi ndaram belbel-ε.

17 tēm tətəkə mələk abak, məpifi kə aləḡḡ məbəkər kə kumba. Tēm tətəkə, yḡḡḡḡḡ wəcar kam kəyi kən doru oḡ fəp. Itə məntam sə kəyḡ wəcar kam wəran.

18 Ta pəcuc'am kəsək wəcar kam pəyi yəḡḡḡḡḡ, bawo əmbəc'am meren camət-tin, əsəḡ'am kəsətə kəmērəḡ ka kəway ka wəbəc wələma nwe eyi kəbəc'am mə, MARIKI Kanu kam ompoc'am pətət dəmes məkə məḡḡḡḡḡḡ mə fəp.

Yokom ya yəcəl yam yəcəkə-cəkə

19 Mədekə məcsəḡ yokom yəcəkə-cəkə yorḡḡḡḡḡ ya yəcəl yam fəp MARIKI Kanu kam nye ande packom nḡḡ yəcəl yam daco mə: Cəna, cir kə ḡkesiya. Ta

mædekə məbəce yokom yorkun yəcəkə-cəkə ya cəna cam, ta məgbət-gbətəs sə yowut yorkun yəcəkə-cəkə ya ŋkesiya.

²⁰ Mædekə məcsəm yi teren kə teren, məna kə aka kələ kam disre, MARIKI Kanu kam fər kirin, nde kəfo kəŋkə endekəyek-yek kəyənə dəkiyi dən mə.

²¹ Kə pəyənə pəcəl pam papəkə pəyə dolokəp, pontorə; pətənəŋk, kə pəyənə fə ti, pəyə kəfo kaləma nke kəntətə mə, ta məlonənə pi MARIKI Kanu kam.

²² Məsəm pəcəl posoku papəkə nde ndaram. Fum wəsoku kə wətəsək fəp ŋantam kəsəm pi, pəmə təkə aŋsəm were kə wər mə.

²³ Mecir ma wəsem maməkə mə məntəmün. Məlon mi dəntəf pəmə domun.

16

Kəsata ka Pak

¹ Kə Musa oloku sə, «Mæde məcleləs ŋof ŋa Abib məbocə MARIKI Kanu kam kəsata ka kəcem-cəməs ka Kəcepər ka melekə medif. Bawo ŋof ŋa Abib ŋaŋəkə ŋə MARIKI Kanu kam ənawurən'am atəf ŋa Misira pibi disre.

² Məlonənə kələləs ka MARIKI Kanu kam yəcəl yam daco teta kəsata kəŋkə wana, wir kə pəyənə fə ti aŋkesiya, nde kəfo nke MARIKI endekəyek-yek kəyənə dəkiyi dən mə.

³ Kəsata kəŋkə disre, ta məsəm paka o paka pənəŋkəl lebin, məcsəm mata camət-mərəŋ disre cəcom cətənəŋkəl lebin, cəcom ca pucuy cə, nce cənde kəcem-cəməs əm kəbelkər nke mənawurənə atəf ŋa Misira mə. Təndəsəŋ'am kəcem-cəmne dəsək nde mənawur atəf ŋa Misira mə mataka mam ma doru fəp.

⁴ Nde atəf ŋam disre fəp mata camət-mərəŋ maməkə disre ta lebin nde o nde dəŋyi nde ndaram. Səm yəkə məndekələnə dəfəy da tataka təcəkə-cəkə mə, ta səm yayəkə yedirə haŋ dəkəkək bətbət.

⁵ Məfəde məclənə polənə teta kəsata kəŋkə dare o dare nde MARIKI Kanu kam endəsəŋ əm kənde mə.

⁶ Mba kəfo kin nke MARIKI Kanu kam endekəyek-yek kəyənə dəkiyi dən mə gbəcərəm pəmar mædekə məclənə polənə papəkə, dec dərfəy kə dec dendekele-ε, məsurənə dec dəkə mənawur Misira mə.

⁷ Məkəkəl təsem polənə pam, məsəm pi kəfo nke MARIKI Kanu kam endekəyek-yek mə. Dəkəkək bətbət, məlukus nde cəbal cam.

⁸ Mata camət-tin disre məcsəm cəcom cətənəŋkəl lebin. Tataka ta camət-mərəŋ kələnə kəlpəs ka kəsata kəŋkə kə, teta pələl pa MARIKI Kanu kam, ali təcək məfəsumpər dəsək dadəkə.»

*Kəsata ka Mataka Moluksər**

⁹ «Mələm mataka moluksər camət-mərəŋ, mataka wəco kəcəmət kəyefə tēm nte amber mənəŋbən kətetiya kətəl mə,

¹⁰ a mənəbocə MARIKI Kanu kam kəsata ka Mataka Moluksər. Kəpocə nke mændekə məcsənə abəkək ŋosoku pəs mə, kənde kəctənənə kə kəpocə pətət nke MARIKI Kanu kam ende pəcsəŋ əm mə.

¹¹ Məwoləs-woləs MARIKI Kanu kam fər kirin, nde kəfo kəŋkə nkən MARIKI Kanu kam endekəyek-yek kəyənə dəkiyi dən mə, kəyefə məna, wan kam wərkun kə wəran kəkə ka wəcar kam wərkun kə wəran, kəbər wəLewy nwe endekəyi nde ndaram mə, wəcikərə haŋ wan nwe akombərə ən ŋafi mə kə wəcəbokərə aŋə ŋayi nu daco.

* 16:8 *Kəsata ka Mataka Moluksər*, aŋsəkər tewe ta kəsata kəŋkə «Pantikot»

12 Mædeko mæccem-cemne a mənayone wəcar atəf ɲa Misira, mædeko mæcmɛŋkərne sariye sasəko mæcəme sə si darəŋ.»

Kəsata ka Nygbancan

13 «Kə mædeko mæcboc kəsata ka Cələŋgbe mata camət-mɛrəŋ disre kə məlɪp kəsepər yetel yam kə kəfəcəs wɛn wam-ɛ.

14 Məwoləs-wolas kəsata kaŋkə disre kəyefe mənə, wan kam wərkun kə wəran kəkə wəcar kam wərkun kə wəran, kəbər ka wəLewy kə wəcəkəra haŋ wan nwe akombəra ɛn ɲafi mə, kə wəcəbokəra aŋe ɲayi nde ndaram mə.

15 Mædeko mæcbocə MARIKI Kanu kam kəsata mata camət-mɛrəŋ disre nde kəfo kaŋkə MARIKI endekəyɛk-yɛk mə. Bawo MARIKI Kanu kam endekəpoc'am pətət dəyetel yam kə yəbəc ya waca wam fəp, məyine oŋ pəbotu yati.

16 Kəmaas kəren disre pəmar arkun aka Yisrayel ɲakə ɲamentərne MARIKI Kanu kam fər kirin nde kəfo kaŋkə endekəyɛk-yɛk mə: Tɛm ta kəsata ka Cəcom cətonəŋkəl lebin, ta kəsata ka Mataka Moluksər, ta kəsata ka Cələŋgbe†. Afəmentərne MARIKI fər kirin waca wəsəkər.

17 Nwe o nwe pəsəŋ pəkə ɛntam mə, pətəŋnɛnɛ pa kəpocə pətət nke MARIKI Kanu kam kəsəŋ əm mə.»

Sariye sa kəkətene kiti

18 «Mædeko mæccəmbər aboc kiti kə atubuc mes nde sədare nse MARIKI Kanu kam endekəsəŋ əm mə fəp, dəcusuŋka kə dəcusuŋka. Nædeko ɲacboce aka Yisrayel kiti kance kəlompɪ disre.

19 Ta məkafəli kiti. Ta mæcəmə nwe o nwe, ta məwose sə kəbər kəpocə kəgbərne, bawo kəsəŋe fər ya acərə kəkətene mes kətonəŋk kance, kəsəŋe fum kəgbayme moloku ma alompɪ.

20 Məsəktərne kəcəmə pəlompɪ pa kance darəŋ, nte təŋsəŋ'am kəyi doru, məkə sə məbər atəf ɲɛ MARIKI Kanu kam kəsəŋ əm mə.»

Məyə mme aməne mə

21 «Ta mədof ali togbu pin potontne mpe aŋwenɛ tolom ta Asera mə, ali kətək kin ta mæcəmbər dəndo tetek toloŋne MARIKI Kanu kam kəsək, tetek toloŋne mpe mändelompɛ Kanu kam mə.

22 Məfədekədfə tasar pəcəmbər potontne, MARIKI Kanu kam kənter təyə tatəkə.»

17

1 Kə Musa oloku sə: «Ta məloŋne MARIKI Kanu kam, wana, aŋkesiya kə pəyone fe ti wir nwe wəyə dolokər kə pəyone fe ti kəfo kələma dərɪs nke kəntətɛse mə. Pəyikyik pə mpe MARIKI Kanu kam enter mə.

2 Nte tentam kəyi: Kə dare din dələma nde MARIKI Kanu konu kəsəŋ nu mə, təyone wərkun kə pəyone fe ti wəran pəcyə tes telec fər ya MARIKI Kanu kam kirin, wəkayi eleləs fe danapa da MARIKI kə aka Yisrayel,

3 pəkə pəsalene canu cələma, kə pəyone fe ti pəctontnɛnɛ ci, kə pəyone fe ti pəctontnɛnɛ dec, kə pəyone fe ti ɲof kə pəyone ti ca ca dəkəm fəp, nte intəsom mə,

† 16:16 Mewe ma cəsata mame andeŋər cəsata maas cəpəŋ cacəkə. Pantikot, tewe ta kəsata nke ancobc teren o teren. Amboc kəsata nke nte mata wəco kəcamət kəŋcepər kəyefe dasək nde anacop kətel mə. Andeŋər sə kəsata kaŋkə «kəsata ka Mataka moluksər,» bawo kələm ka mataka moluksər camət-mɛrəŋ kəntəŋne kə mata wəco maŋkələ kə camət-maŋkələ, mata wəco kəcamət k'amboc kəsata dəkəkək-ɛ.

⁴ k'ander palok'am ti, mæne sɔ ti pacloku-ε, mætænəs ti belbel: Toloku tatɔkɔ tɔyɔnε kance-ε? Tes tatɔkɔ teyi-ε? Pɔyikyik papɔkɔ MARIKI enter mɔ pɛnayi aYisrayel daco-ε?

⁵ Kɔ tɔyɔnε kance-ε, mæwurene wærkun kɔ pɔyɔnε fε ti wəran wəkakɔ ɔyɔ tes telec tatɔkɔ mɔ nde cusunja ca dare dam, nəca-cas kɔ hanj wəkayi pæfi.

⁶ Fum nwe pəmar padif mɔ, andif wəkayi kɔ afum mεrɛŋ kɔ pɔyɔnε fε ti, maas ŋayɔnε sede kəloku kance ka tes telec tatɔkɔ ɔyɔ mɔ-ε. Afɔdif kɔ, kɔ sede sin gbəcərɛm səloku kance ka tes telec tatɔkɔ-ε.

⁷ Sede atəŋne a tes tatɔkɔ ŋanunjenε kəca-cas kɔ, a afum fəp ŋadecəme ŋa darəŋ kəca-cas kɔ. Itɔ məŋnim oŋ tɛm tatɔkɔ pələc aka Yisrayel daco.»

Mes mocuca mme ankiti nde kəfo nke MARIKI eyek-yek mɔ

⁸ «Kɔ kiti kəncuc'am kəboc-ε, pɔyɔnε ka defi, kɔ pɔyɔnε fε ti, ka kəgbekəlɛne kɔ pɔyɔnε fε ti kiti ka kəbopə, pɔyɔnε kiti nke o nke anjekəre nde cusunja ca sədare sam kəcuc'am kəboc mɔ, məyεfε məpε kəfo nke MARIKI Kanu kam kəndekɔyek-yek mɔ.

⁹ Məkɔ məyifət təkət tam aloŋne aLewy, kɔ wəboc kiti nwe enyi mata maməkɔ kəboc kiti mɔ, ŋa ŋəgbint'am kiti kanjɔ.

¹⁰ Məyɔ tatɔkɔ agbinti kiti kanjɔ ŋanlok'am mɔ, dəndo kəfo kanjɔ MARIKI eyek-yek mɔ, məmɛŋkərne kəsurenε kəcəme ka tɔkɔ ŋanjkətəks'am mɔ darəŋ.

¹¹ Məkətɛne tətəkəs nte ŋandekətəks'am kɔ kiti kanjɔ ŋanjkələk'am mɔ. Ta məgbayme kəca kəmeriya kɔ pɔyɔnε fε ti kəca kətət ka tegbinti ta kiti kanjɔ ŋanjkələk'am mɔ.

¹² Fum nwe enlekne ta encəŋkəl wəloŋne nwe encəme kirin kəsəlɛne ka MARIKI Kanu kam, kɔ pɔyɔnε fε ti wəboc kiti mɔ, fum wəkakɔ enfi. Itɔ məŋnim pələc Yisrayel.

¹³ Aka Yisrayel fəp ŋandene ti, təsəŋe ŋa kənese, ŋafəsələkne.»

Sariye nse səyɔnε sa wəbe mɔ

¹⁴ «Kɔ məndəkəbɛrε atɔf ŋɛ MARIKI Kanu kam ɔsəŋ əm kənde mɔ, kɔ məkəbanj ŋi ŋɔyɔnε ŋam, mənde ŋi məcloku-ε: «Ifan kəcəmbər wəbe nde atɔf ŋem pəmɔ afum a tɔf nyε yɛŋkɛl im mɔ,»

¹⁵ məntam kəcəmbər wəbe nwe MARIKI Kanu kam, eyek-yek mɔ. Məcəmbər wəbe nwe ɔyɔnε wɛnc əm mɔ, məfətam kəyɔ wəbe wəcikərə, nwe ɔntɔyɔnε wɛnc əm mɔ.

¹⁶ Mba ta wəbe wəkakɔ pəyɔ fələs yelarəm, ta wəbe wəkakɔ pəlukse sɔ aka Yisrayel Misira nte təŋsəŋe pəsətɔ fələs yelarəm mɔ. Bawo MARIKI, oloku nu: «Nəfəsəluskərne dəpɔ dandε.»

¹⁷ Ta wəbe wəkakɔ pəla aran, nte təŋsəŋe ta abəkəc ŋon ŋəgbayme mɔ, ta wəbe wəkakɔ pəyɔ sɔ gbeti kɔ kɛma kələrəm.

¹⁸ Kɔ wəbe wəkakɔ endε nde dəcəm dən da dəbε-ε, pəcəpərəne dəbuk bələma yecicəs ya sariye nse ŋkələk dəbuk mbe aloŋne aLewy ŋantəmpər mɔ.

¹⁹ Pəmar wəbe pəctəmpər oŋ buk babəkɔ, pəckarəŋ bi dəsək o dəsək kəyi kən doru fəp, nte təŋsəŋe pətəkəs kənese MARIKI Kanu kən mɔ, pəmɛŋkərne moloku ma sariye sanse fəp kɔ metəkse pəcəme sɔ mi darəŋ.

²⁰ Ti tendeyaməse kɔ kəcəm-cəmnε dəbəkəc, a encəpər awɛnc ŋa aka Yisrayel, tɛyamse kɔ sɔ kəgbayme ka kəca kəmeriya kɔ pɔyɔnε fε ti kəca kətət ka tosom, nte təŋsəŋe mataka mən məbəl dəbε dən disrε nkən kɔ awut ɔn afum a atɔf ŋa Yisrayel daco mɔ.»

18

Sariye sa kusunjka ka Lewy

¹ Kɔ Musa oloku sɔ kɔlonjkanɛ ka aka Yisrayel: «Ali fum wɛkin wɛka kusunjka ka Lewy alɔɔnɛ daco ɔfɔdesɔtɔ antɔf ɲa kɛ aka Yisrayel. Yolɔɔnɛ nyɛ ande paccɔfɛ MARIKI mɔ yende yɔyɔnɛ ɲa kɛ, yi yendeyɔnɛ alɔɔnɛ yeri.

² ɲafɔdeyɔ kɛ awɛnc aɲa aka Yisrayel daco, MARIKI ɔyɔnɛ kɛ kɔɲan, pɛmɔ tɔkɔ oloku ɲa ti mɔ.

³ Sariye nɛ sɔ alɔɔnɛ aLewy ɲandeyɔ nno aka Yisrayel ɲayi mɔ, kɔ tɔyɔnɛ afum ɲander kɔlonjkanɛ wana, aɲkesiya kɔ pɔyɔnɛ fɛ ti wir-ɛ, pasɔɲ wɔlonjkanɛ kɔbanca, kanca, kɔ aputuk.

⁴ Mɔde mɛcsɔɲ MARIKI yetel yam yɔcɔkɔ-cɔkɔ ya mɛɲgben mam, yɔfɔcɔs yɔcɔkɔ-cɔkɔ ya wɛn wam kɔ ya moro ma olif mam, kɔ yofon yɔcɔkɔ-cɔkɔ ya ɲkesiya nyɛ mɛnde mɛcfon mɔ.

⁵ Bawo kusunjka ka Lewy kɔ, MARIKI Kanu kam kɔyɛk-yɛk cusunjka ca Yisrayel fɛp daco, nte tɔɲsɔɲɛ yuruya yɔn ɲacɛmɛ MARIKI fɔr kirin, ɲayɔnɛ dɔsɔk o dɔsɔk akirin a yɛbɔ yɔn, ɲaclɔɔɲnɛnɛ sɔ aka Yisrayel tewɛ ta nkɔn MARIKI mɔ.

⁶ Kɔ wɔLewy ender dare dam dɔlɔma, pɔyɔnɛ dare ndɛ o ndɛ ɔɲkɔ atɔf ɲa Yisrayel mɔ, ɛntam kɛckɔ nte o nte ɛɲfan mɔ, ndɛ kɛfo nkɛ MARIKI endekɔyɛk-yɛk mɔ.

⁷ Wɛkayi endekɔ pɛccɛmɛ dekirin da kɛsalɛnɛ MARIKI Kanu kɔn pɛmɔ tɔkɔ awɛnc aɲa fɛp ɲancɛmɛ kɛsalɛnɛ MARIKI fɔr kirin mɔ.

⁸ Pɛmar pɛsɔtɔ yeri yɔn, ɲatɔɲnɛnɛ kɔ aLewy akɔ embɔp di mɔ, ta alɔm kɛsɔtɔ kɔn nkɛ ɔɲsɔtɔ kɔwɲa ka daka da akas aɲa disrɛ mɔ.»

Sayibe sa yem kɔ sayibe sa kance

⁹ «Kɔ mɛndekɔbɛrɛ atɔf nɲɛ MARIKI Kanu kam kɛsɔɲ ɛm mɔ, ta mɔdeko mɛctɔkɛs kɔtubucnɛ ka pɔyikyik mɲɛ MARIKI enter pa afum a tɔf yayɔkɔ mɛndekɔbɔp di mɔ.

¹⁰ Ta fum o fum pɔyi aka Yisrayel daco nwɛ ɔɲlonjkanɛ wan kɔn wɛrkun kɔ pɔyɔnɛ fɛ ti wan kɔn wɛran dɛnɛnc mɔ, ta dure deyɔ nu daco, ta wɛka dɔfɔr pɔyi nu daco, ta fum pɔyi nu daco nwɛ ɛɲgbal kɛsɔnc mɔ, nwɛ ɛncɛmɛ deser darɔɲ mɔ,

¹¹ fum nwɛ ɛntirin wɛnc mɔ, fum nwɛ ɔɲkɔ nda afum aɲɛ ɲantontnɛ tɔk dɛntɔf kɔkɔɲbal kɛsɔnc mɔ, fum nwɛ ɔɲlok-lokɔr afi mɔ.

¹² Fum nwɛ o nwɛ endeyɔ mɔyɔ mamɔkɔ mɔ, pɔyikyik pɔyɔnɛ mɲɛ MARIKI enter mɔ. Tɛta pɔyikyik papɔkɔ tɔ MARIKI Kanu kam eyi kɔbanjɔrɛ afum akakɔ fɔr yam kirin.

¹³ Ta pɔyikyik mɲɛ o mɲɛ pɛyi ɛm fɔr ya MARIKI Kanu kam kirin.

¹⁴ Bawo afum aɲɛ mɛɲkɔbanjɔr tɔf mɔ, dure kɔ agbal kɛsɔnc ɲɔ ɲancɔɲkɔl. Mba mɛna, MARIKI Kanu kam kɔwɔsɛ f'am nte o nte towurɛnɛ ta mɔyɔ mamɔkɔ.

¹⁵ MARIKI Kanu kam, endekɛr'am sayibe, pɔwure kɔ awɛnc ɛm aɲa daco nwɛ eyi pɛmɔ ina Musa mɔ. Nɔde nɛcɔɲkɔl kɔ!

¹⁶ Tɔtɔkɔ yati tɔ mɛnatola MARIKI Kanu kam, ndɛ tɔrɔ ta Hɔrɛb, dɔsɔk da kɔlonjkanɛ, nte mɛnaloku: «ɪletsɛn'am ta mɛsɔk im kɔgbɔkɔrɛ sɔ kɔnɛ MARIKI Kanu kem dim, ta mɛsɔk im sɔ kɔnɔɲkɔ nɛnc dɔpɔɲ dandɛ, nte tɔɲsɔɲɛ ta ifi mɔ.»

¹⁷ Kɔ MARIKI olɔk'im: «Tɔkɔ afum akanɛ ɲaloku mɔ, ɲaloku ti belbel.

¹⁸ Indekɛrɛ ɲa sayibe iwure kɔ awɛnc aɲa daco nwɛ eyi pɛmɔ mɛna Musa mɔ. Iber kɔ moloku mem dɔkusu, pɔclɔku ɲa nte o nte ɲsɔm kɔ mɔ.

¹⁹ Kɔ fum wələma eyi nwe ɔntɔcəŋkəl moloku mem mme inde icsom kɔ kəclɔku tewe tem mɔ-ε, in'endebocər kɔ kiti.

²⁰ Mba sayibe nse səndeleknε kəclɔku tewe tem toloku təkɔ intɔsom kɔ mɔ, kɔ pəyɔnε fε ti, pəclɔku dim da canu cəcuru mɔ, mεnε padif sayibe sasəkɔ.»

²¹ Tələma mɔde macyifnε debəkəc: «Cəke cɔ səntam kəcərə a MARIKI oloku toloku tatəkɔ-ε?»

²² Kɔ sayibe səlɔku toloku tewe ta MARIKI ta tende teyi ta ande panəŋk ti-ε, toloku tɔ nte MARIKI ɔntɔloku mɔ. Kələknε kəsɔŋε sayibe sasəkɔ kəlɔku ka toloku tatəkɔ. Ta mənese kɔ!»

19

Sədare səyacnε

¹ Kɔ Musa oloku sɔ: «MARIKI Kanu kam kəndekəmələk afum a tɔf anε endekəsɔŋ əm ntɔf yanjan, mənə məbanj sədare sasəkɔ, məndε si, məndε wələ wanjan.

²⁻³ Kɔ tatəkɔ telip-ε, məyer atɔf ŋəŋəkɔ MARIKI Kanu kam endekəsɔŋ əm kələk ŋəyɔnε ŋam kε mɔ, kəmaas. Məyek-yek sədare maas taciŋa tɔf yayəkɔ disrε. Mələmpəs səpɔ, nte tɔŋsɔŋε wədif fum nwe o nwe pətam kəyεkse pəbərə di pəyacnε mɔ.

⁴ Tes nte tɔ wədif fum ɛntam kəyεkse pəyacnε di, pəyi sɔ doru: K'ɔntɔyεfene kədif ka wəkɔs, pəcərə sɔ a ɛnater fε kɔ tɔkur-əŋa-ε.

⁵ Kɔ tɔyɔnε fum əŋkɔ kɔ wəkɔs dɔp kəkɔyipe, pədɔt tomunt kəkəcɛp kətək, tomunt pokɔŋər wəkin dəkupus pəkɔ pəcɛp wəkɔs wəkakɔ pəfine ti-ε, fum wəkɔ ɛncɛp wəkɔs mɔ, ɛntam kəyεkse pəkɔ pəndε nde sədare sasəkɔ din, nte tɔŋsɔŋε pəyi sɔ doru mɔ,

⁶ tɔsɔŋε wəlukse ayek ŋa kədif, mətεle disrε, pəbələs wəkɔ endif fum mɔ, hanj pəbər kɔ, kɔ pəyɔnε dɔpɔ dɔmbɔl-ε, pəsut kɔ pədif. Mba pəmar fε padif kɔ, bawo ɛyεfene fε kədif ka wəkɔs.

⁷ It'isom'am kəyεk-yek sədare maas taciŋa.

⁸ Kɔ MARIKI Kanu kam endewəkələs cələncər cam pəmɔ təkɔ ɛnadərme ti atem am mɔ, k'endesɔŋ əm atɔf fəp ŋjε ɛnasɔŋ temer kəsɔŋ atem am mɔ-ε,

⁹ nte tɔŋsɔŋε məmɛŋkərne kəcəmε ka tosom ta MARIKI darəŋ nte iyi kəsom əm məkɔ mɔ, məbətər MARIKI Kanu kam, məkət dəsək o dəsək səpɔ sən. Kɔ məyɔ tatəkɔ fəp-ε, mɔde mənɔcər sɔ sədare maas səlɔma, səcəkɔ-cəkɔ sɔŋsε maas.

¹⁰ Ti disrε afədɔlɔŋ mecir ma fum wətɔyεfene kədif ka fum atɔf ŋɔnu dacɔ ŋjε MARIKI Kanu kam endekəsɔŋ əm kε kəndε mɔ, ta teta mecir tedekotərn'am.

¹¹ Mba kɔ tɔyɔnε fum pətər wəkɔs, pəkɔ pəcərə kɔ towul, pəwəkərne kɔ, pətəmp kɔ paka, nwe antəmp paka mɔ pəfi, kɔ wəkayɔ ɛyεkse pəkɔ dare din da sədare sɔŋsε-ε,

¹² abeki a dare dən ŋakɔ ŋasumpər kɔ, ŋakεrε kɔ wəkɔ pəmar pəlukse kɔ ayek ŋa kədif, nte tɔŋsɔŋε pəfi mɔ.

¹³ Ta fɔr yam yɔməmənε kɔ nənɔfɔr, məŋnim tem tatəkɔ atɔf ŋa Yisrayel kədif ka wətələsər tes, məyine pəbotu disrε.»

Kələs ka cələncər

¹⁴ «Ta mədekɔ məccɛpε cələncər ca wəkɔs əm nce abeki ŋanaboc mɔ, kε nke o nke məndekəsɔtɔ nde atɔf ŋəkɔ MARIKI Kanu kam kəsɔŋ əm kəbanj mɔ.»

¹⁵ «Sede sin səmpicə kələku ka toloku ta kəluksə ayək ɲa kiciya, kə pəyənə fe ti ta kələsər nke o nke. Afətam kəboc kiti kanjə ta ane moloku ma sede mɛɛɛɲ, maas-ɛ.

¹⁶ Kə sede sa yem səyemsənə fum wələma kəyənək ka domp-ɛ,

¹⁷ afum mɛɛɛɲ akakə ɲayi kəgbəkələne mə, ɲakə ɲacəmə MARIKI fər kirin, kə aloɲnə kə aboc kiti akə ɲayi kəbəc mata maməkə mə.

¹⁸ Aboc kiti ɲatenəs ti belbel. Kə pəyənə sede sa yem sə fum wəkəkə ɔyənə, kə pəyənə a eyemsənə wɛnc-ɛ,

¹⁹ awa nədeɲər kə təkə enafan a padenər wɛnc mə. Məɲnim pələc tɛm tatəkə aka Yisrayel daco.

²⁰ K'afum alpəs akə ɲanə ti-ɛ, ɲaɲnəsə. Tɛm tatəkə afəsɔy təs tɛləc tatəkə nəna aka Yisrayel daco.

²¹ Ali nənɔfər ta məyənə wəkayi: Kəway ka defi kəyənə defi, kəway ka dɔfər kəyənə dɔfər, ka desək kəyənə desək, ka kəca kəyənə kəca, ka kəkək kəyənə kəkək.»

20

Sariye sələma teta dəkəwan

¹ «Kə mənɔde məckək dəkəwan kə aterənə am, məcnəɲk fələs, cibil ca dəkəwan, kə afum ayɛfərənə ɲala nu-ɛ, ta mənəsə, bawo MARIKI Kanu kam nke kəmpeɲ'am atɔf ɲa Misira mə, eyi kə mənə.

² Kə tɛm tosutənə tɔlətərnə-ɛ, wəloɲnə pələtərnə asutənə anu, pələk-lokər ɲa.

³ Pələku ɲa: «Məcəɲkəl Yisrayel! Kəkə kə nənder məkək dəkəbərənə kəsutənə kə aterənə anu. Ta aboc ɲəbərə nu dəkəkək, ta nənəsə, ta pəyi nu yamayama, ta nəyikcə fər yanjan kirin.

⁴ Bawo MARIKI Kanu konu kəsəl kə nəna, nte tənɔɲnə pəsutənənə nu nno aterənə anu ɲayi mə, pəyac nu sə.»

⁵ Atubuc mes ɲaloku afum nte: «An'ələ kələ kofu k'ɛntatəpus ki-ɛ? Wəkayi pələkus nde kələ kən, ta pədəfi dəkəwan wələma pəkəpus ki.

⁶ An'əbɔf ɲəgbəɲkələ ya wɛn a k'ɛntatəfɔcəs yokom ya wi kərəsnə-ɛ? Wəkayi pələkus nde kələ kən, ta pədəfi nno dəkəwan, wələma pədəkəmun wɛn wawəkək!

⁷ An'ɛfac wəran wəyəcərə a k'ɛntatənənə kə-ɛ? Wəkayi pələkus nde kələ kən, ta pədəfi nno dəkəwan, wələma pədəkənənə kək!»

⁸ Atubuc mes ɲanəcər sə kəyif afum: «An'ənəsə-ɛ? An'aboc ɲɛmbərə-ɛ? Wəkayi pələkus nde kələ kən, ta pədəsənə awɛnc anja bəkək kəsəɲbər pəmə nkən.»

⁹ Kə atubuc mes ɲalip kələku moloku maməkə afum-ɛ, ɲacəmbər oɲ akirin asutənə cəgba cəgba ca afum.

¹⁰ Kə nələtərnə kəwəkərnə dare dələma kəsutənə-ɛ, nənuɲkənə kələku ɲa kətəɲnə.

¹¹ Kə aka dare dadəkə ɲawosə nu moloku ma kətəɲnə, ɲagbite nu cumba-ɛ, afum anjə ɲayi dare dadəkə mə fəp, nəcəmbər ɲa yəbəc yonu. ɲayənə acar anu.

¹² Kə ɲantəwosə nu kətəɲnə, ɲawosə kəsutənə kə nəna-ɛ, nəkəl dare dadəkək.

¹³ MARIKI Kanu konu ɛɲlək dare dadəkək pəbər nu dəwaca, nədifte arkun fəp sakma.

¹⁴ Mba nəntam kəfoɲət aran, awut, yɔcəl kə daka ndə o ndə nəmbər dare dadəkək mə fəp, nəyɔ yɛɲən daka o daka da aterənə anu, bawo MARIKI Kanu konu kəsən ɲu di.

15 Tatòkò tò nàndekò nàcyò sàdare sàkò sàmbòlè nu mò fəp, sàdare sasòkò sàntòyòne nse nàndekònde mò.

16 Mba aka sàdare nse MARIKI Kanu kam endekòsòj nu kè kànde mò, ali paka pin ta nàsak mpe penjèsam mò.

17 Nəsut han nàmàlak aHit, aka Amòr, aKanañ, aPerisi, aHiwy, kò aYebus pəmə tòkò MARIKI Kanu konu kəsom nu ti mò,

18 nte tənşòñe ta ñadəkòtəksè nu pəyikyik mpe MARIKI enter mò fəp. Pəyikyik pə mpe ñajjòne canu cəñan, mpe pəntam kəsòñe nu kəciya nnò MARIKI Kanu konu kəyi mò.

19 Kò nàndekòwon kəkèl dare nde nəfan kəwəkərne, nəbanj di mò-ε, ta nədòt momunt kəcəpəs tək yokom ya kulum kəñan. Iyò nànde nəcđi yokom ya yi, awa, ta nəcəp yi. Kətək fum ofò, nwe entam kəkò dəkəwan mò ba?

20 Mba nəntam kələsər nəcəpəs tək nyè nəncəre a bafò tək yokom yò nyè andi mò. Nəntam kəcəp nəlompse yi yosutnène nyè nàndekòkèl dare dadòkò, nətam di han samba sa di sətəmpène mò.»

21

K'antòcəre wədifka fum-ε

1 Kò Musa oloku sò: «Kò pəyòne antòf nje MARIKI Kanu kam kəsòj əm kànde mò, anjò pabəp fum dəkulum nwe andif ta ancəre wədif kan mò-ε,

2 abeki am kò aboc'am kiti ñakò ñatubuc kəyefe ka dəndo andif fum mò, kəkò ka sàdare sàkò səñkèl di mò.

3 K'ancəre dare dəkò dənəñkanè kəlòtərne fum nwe andif mò-ε, abeki a dare dadòkò ñalèk wana wəran wowut win, nwe wəntatòbəc nde dalè mò,

4 abeki a dare ñakəkəre wana wawòkò nde agbèp ña kəñgbòkò nke kəntòwosər mò, nde antòbifti, nde antògbal defet nde o nde mò. Njatepi wana wəran wawòkò kilim dəndo dəkəñgbòkò.

5 Təm tatòkò alonje anje ñayòne yuruya ya Lewy mò ñalòtərne, bawo MARIKI Kanu kam kəyèk-yèk ña ñayòne akirinj a kəsəlène kən, ñactolane sò afum pətət tewè ta MARIKI. Nja ñò pəmar ñakiti molòku ma kəgbəkəlène kò mes ma kəbopərəne fəp.

6 Abeki a dare dadòkò anje ñanəñkanè kəlòtərne fum nwe andif mò, ñabikène waca wana wəran wawòkò antepi kilim mò kəronj dəndo dəkəñgbòkò.

7 Njaderəm kəcłòku nte: «Waca wosu wolonj fè mecir mme, fər yosu yənəñk fè ti.

8 MARIKI, məsəkəs aka Yisrayel kiciya kəñan, anje mənawurus mò. Ta mədenər afum am aka Yisrayel teta mecir mme ñantòcəre teta mi mò.» Ti disre, MARIKI sòkəs ña kiciya teta mecir mamòkò.

9 Təm tatòkò, məñnim nu dacò pəciya pa mecir mamòkò, kò mənde məcyò tòkò tolomp MARIKI dəfər mò.»

Kənence ka wəran aterene dacò anje nəsumpər mò

10 «Kò məñkò dəkəwan kəsutène kò aterene am, MARIKI Kanu kam pələk ña pəbər əm dəwaca, məsumpər ña mède məbər dəbili-ε,

11 kò mənəñk asumpər dacò akakò wəran wətes, nwe əmbət əm tənəñk mò, məfanj kò kənence-ε,

12 məkəkəre kò nde kəlò kam. Pəfonne domp, pətətəsne sənc,

13 pəwure yamos yòn nyè enaberne a pasumpər kò mò. Pəyi nde kəlò kam pəbòk kere kò kas ñof ñin. Kò tencepər-ε, mənence kò, pəyòne wəran kam.

¹⁴ K'ɛsak kəbət əm mes-ɛ, məsak kə pəkə nno ɛɲfaj mɔ. Məfəsətam kəcamsɛ kə pəsam, məfəsəkafəli kə wəcar kam, bawo mənalip kəsəɲ kə malap kənence kən.»

Sariye sa wan wəcəkə-cəkə

¹⁵ «Kə wərkun ɔyɔ aran mɛrəɲ, pəbətər wəkin pətər wəka mɛrəɲ-ɛ, pəsətər wəkə ɔmbətər kə wəkə enter mɔ awut-ɛ, tɔyɔnɛ a wəran nwe ɔntəbətər mɔ okomɛ kə wan wərkun wəcəkə-cəkə-ɛ,

¹⁶ ɔfətam dəsək ndɛ endeyər awut akakə daka dən mɔ, pəcəmbər wan ka wəran wəkə ɔmbətər mɔ dəkəcəmɛ da wan ka wəran wəkə enter mɔ, bawo wəkakə yati ɛbək.

¹⁷ Pəmar pəwosɛ debeki da wan ka wəran nwe ɔntəbətər mɔ, pəsəɲ kə kəmɛrəɲ ka daka dəkə ɔɲsəɲ awɛnc anja mɔ, bawo wan wəkakə ɔyɔnɛ wan kən wəcəkə-cəkə, nkən pəmar pətəmpər sariye sa wan wəcəkə-cəkə.»

Wan wətəcəɲkəl kədusum

¹⁸ «Kə fum ɔyɔ wan nwe ɔntəcəɲkəl kədusum mɔ, pəyɛɲk domp, ta encəɲkəl dim da kas kə kɛrɛ, ali akakə ɲacnal kə, pəcfati kəcəɲkəl ɲa-ɛ,

¹⁹ kas kə kɛrɛ ɲasumpər kə, ɲakəkərɛ kə fər ya abeki a dare dən, ndɛ kusɲka ka dare dən.

²⁰ ɲaloku abeki a dare dən: «Wan kosu ɔfɔ wəkawɛ, ɔfəcəɲkəl kədusum, k'eyɛɲkər su domp, wəcɛlək kə wəcis ɔfɔ.»

²¹ Arkun a dare dən fəp ɲaca-cas kə pəfi. Məɲnim tɛm tatəkə pələc nno nəyi mɔ, aka Yisrayel fəp ɲaɲne ti, ɲa sɔ ɲanesɛ.»

Kəbel ka fum nwe aɲgbək mɔ

²² «Kə pəyɔnɛ fum enciya teciya nte pəmar padifɛ kə mɔ, tɔyɔnɛ a dəkətək aɲgbək kə kədif-ɛ,

²³ pəmar fɛ kəbel kaɲkə kəcɛpərənɛ di pibi, məwup kə dəsək dadəkə, bawo wəkakə aɲgbək mɔ, fum ɔyɔnɛ nwe Kanu kəsəɲ pələc mɔ, ta məyik-yikəs antɔf ɲɛ MARIKI Kanu konu kəsəɲ nu kəndɛ mɔ.»

22

Kələləs ka daka da wɛnc əm

¹ Kə Musa oloku: «Kə mənəɲk wana wa wɛnc əm, kə pəyɔnɛ fɛ ti aɲkesiya ɲən, kə pəyɔnɛ fɛ ti wir wən yəsələr kə-ɛ, ta məsak yi, məliɲəs yi məkɛrɛ wɛnc əm.

² Kə pəyɔnɛ wɛnc əm wəka pəcəl papəkə ɔmbəl'am, tɔyɔnɛ mənɛrɛ fɛ kə-ɛ, məmɛɲkərɛnɛ pəcəl papəkə ndɛ kələ kam, pɛyi ndaram haɲ tɛm nte endewer əm pəcəl papəkə mɔ. Məlukse kə pi.

³ Tin tayi tɔ pəmar məyɔ sɔfale sən kə yamos yən, məyɔ sɔ tin tayi ca cəkə yəɲsələr wɛnc əm mɔ fəp a mənə məfir yi mɔ, pəmar fɛ məsak yi yəsələ.

⁴ Kə mənəɲk sɔfale sa wɛnc əm kə pəyɔnɛ fɛ ti, wana wən wɛtɛmpɛnɛ dɔpɔ-ɛ, ta məsak wi, məmar kə nəyɛkti wi.»

Sariye sa mes mələma

⁵ «Pəmar fɛ wəran pəbɛrɛnɛ yamos y'arkun, wərkun sɔ ta pəbɛrɛnɛ yamos y'aran, nwe o nwe endeyesnɛ tatəkə mɔ, pəyikyk mɛ MARIKI Kanu kam enter mɔ pəyɔnɛ.

⁶ Kə məɲkə məbər dɔpɔ kələ ka abɛmp, tɔyɔnɛ kətək nkɛ o nkɛ kəron, kə pəyɔnɛ fɛ ti dəntɔf, kələ kaɲkə kəyɔ awut kə pəyɔnɛ fɛ ti mes, abɛmp ɲɛfəntərər awut a ɲi kə pəyɔnɛ fɛ ti mes ya ɲi-ɛ, ta mələk kɛrɛ ka abɛmp ɲaɲəkə kə awut aka ɲi.

7 Məsək kere ka yi pəko, məlek awut gbəcərəm nte tɔɔsɔɔɔ me m mam mede metese, məbɔlse mataka mam sɔ doru mɔ.

8 Kɔ məlɔ kəlɔ kəfu-ε, məcəmbər ki biɔkəli kəroɔ haɔ mənoɔkər. Itɔ tɔntɔdeyɔn'am kəsare teta mecir, kɔ tɔyɔne fum ɛntɛmpene nde kəlɔ kam kəroɔ-ε.

9 Pəmar fe məbɔf ɔgbɔɔkəlɔ ya wen wam daco defet da yɔbɔf yɔlɔma. Ta tedesɔn'am kəpuse MARIKI yetel yam fəp, kələkene yokom ya ɔgbɔɔkəlɔ yam.

10 Ta məkot wana kɔ sɔfale kel kəbifte kin.

11 Ta məberne kəloto kənoɔksəl səberɔ sa cəfon ca aɔkesiya kɔ sa akotan.

12 Mədəkə məcher pəɔpəɔ səbol maɔkələ sa kəloto kam kəkumpene.»

Tes teɔbekəlene ta wəran

13 «Kɔ wərkun ɛnence wəran, pəfəntərər kɔ, telpəs pəter kɔ-ε,

14 wərkun wəkakɔ pədena pəcləsər wəran wəkakɔ tewe, pəcloku: «Inanence wəran wəkawe k'ifəntərər kɔ, mba inabəp kɔ pələsər kəfac.»

15 Tem tatəkɔ wan wəyəcərə kas kɔ kere ɔlək kəloto kəsumpərə kən ɔakekərə ki nde dəkəbəsene d'abeki.

16 Wan wəyəcərə kas pəcloku abeki: «Inasɔɔ wan kem wəran wərkun wəkawe kənence, mba enter kɔ.

17 K'eyefe kələsər kɔ tewe, pəcloku: «Inasumpər kɔ, mba inabəp wan kam pələsər kəfac.» Awa, nənoɔk kəloto nke k'enasumpərə wan kem.» Akombərə a wan wəran ɔpəri kəloto kəɔkɔ fər ya abeki a dare kirin.

18 Abeki a dare ɔasumpər wərkun wəkakɔ ɔtərəs kɔ təkɔ pəmar mɔ,

19 bawo eləsər wan wəyəcərə wəberse kəfac wəYisrayel tewe, abeki ɔawer wərkun wəkakɔ məncəmbəl tasar tin ma gbeti, ɔasɔɔ mi wan wəran kas. Wəran pəyɔne sɔ wəkən, ɔfɔsɔtam kəbeləs kɔ kəyi kən doru fəp.

20 Mba kɔ pəyɔne a nte wərkun oloku mɔ kance kɔ, wan wəyəcərə ɛnaberse fe kəfac-ε,

21 pawurene wan wəyəcərə nwe nde abanɔka ɔa kas. Arkun aka dare dən ɔaca-cas kɔ. Pəfi, bawo ɔyɔ tes telec nte teɔlapəs Yisrayel mɔ, kəfəntərə-fəntərə kɔ arkun pəsəyɔi nde kəlɔ ka kas. Məɔnim pələc tem tatəkɔ aka Yisrayel daco.

22 K'ambəp wərkun ɔfəntərə kɔ wəran nwe anence mɔ, padif mərəɔ maɔan fəp, kəyefe ka wərkun haɔ wəran wəkakɔ ɔfəntərə mɔ. Məɔnim pələc tem tatəkɔ Yisrayel.

23 Kɔ wan wəyəcərə wətətəcərə wərkun, mba wərkun pəwurene tetən kənence, wərkun wəlɔma pəkɔ pəbip kɔ dare disre pəfəntərər-ε,

24 nəwurene mərəɔ maɔan fəp nde kusɔɔka ka dare, nəca-cas ɔa, ɔafi, wəyəcərə teta nte ɛnatəkul-kulene dare disre mɔ, kɔ wərkun, teta nte elapse wəran ka wenc wəfac mɔ. Məɔnim tem tatəkɔ pələc nno aka Yisrayel ɔayi mɔ.

25 Mba kɔ pəyɔne a dəkulum wərkun ɛmbəp wəyəcərə nwe awurene tetən kənence mɔ, pəsumpər kɔ pəfəntərər-ε, wərkun wəkakɔ, sona sən gbɔɔ s'andif kɔ.

26 Ali tes ta payɔ wəyəcərə. Wəyəcərə eləsər fe tes nte pəmar padife kɔ mɔ. Teyi pəmɔ nte wərkun ɔɔgbɔpne wəkɔs wərkun dəkulum a pədif kɔ mɔ.

27 Wəyəcərə nwe wərkun owurene tetən kənence mɔ, nte tɔyɔne a dəkulum ɔambəpene kɔ wərkun nwe mɔ, ali pənəkule-kule, kɔ fum ɛnayi fe nwe ɔkɔyac kɔ wərkun wəkawe mɔ.

28 Kɔ wərkun ɔɔkɔ pəbəp wəyəcərə wətəcərə wərkun nwe antatəwurene tetən kənence mɔ, pəsumpər kɔ pəfəntərər, kɔ tɔyɔne ambəpene ɔa-ε,

²⁹ þamar wærkun wækakó þæsōj wæyecæra kas gheti mēncēmbæl wæco kēcamat, bawo elæsær kó kēfac, þækafæle sō þælek kó þænence, wærkun wækakó ofōsotam kæbælæs wæran nwe kœyi kōn doru fæp.»

23

¹ «Ali fum þamar fē kænence kōncæra kōn. Kó teyi-ε, wærkun wækayi ōjōj kas malap.»

Afum arje amone kəlonjkanē ka alanj mō

² Kó Musa oloku: «Wærkun nwe ampōr-þōru cōkæl, kó þæyōne fē ti pafōn kó akok mō, þamar fē þæberē nde kəlonjkanē ka alanj a MARIKI.

³ Wan nwe antōkom kēfac disre mō, þamar fē þæberē kəlonjkanē ka alanj a MARIKI, ta pawōse kəberē ka yuruya ya wækayi kəlonjkanē ka alanj a MARIKI daco hanj dētēmp wæco.

⁴ WəAmōj kó wəMohab nwe o nwe ŋafōkəberē kəlonjkanē ka alanj a MARIKI, ali dētēmp wæco da awut anjan dēmar fē kəberē kəlonjkanē ka afum teta MARIKI. Itō teyi doru o doru,

⁵ bawo afum akakó ŋanader fē ŋafayne nu ŋapocē nu kēcōm kó domun dōþo nte nānawur atōf ŋa Misira mō. Mba ŋanasōj Balam wan ka Behor wəka dare da Petor nde atōf ŋa Mesopotami kəway, nte tōjōjē wækakó þætolanē nu þælec mō.

⁶ Mba MARIKI Kanu kam, enawōse fē kēcəŋkəl Balam. Kó MARIKI Kanu kam kəŋkafəli kətolanē þælec kəŋkó kətolanē þətət, bawo MARIKI Kanu kam enabōtər əm.

⁷ Ta mətēne ŋa þəforu, ta mətēne ŋa kœyi þətət disre kœyi kam doru fæp.

⁸ WəEdōm fum ofō nwe Kanu kəntōter mō, bawo wēnc əm ofō. WəMisira nwe sō fum ofō nwe Kanu kəntōter mō, bawo mənayi decikəra nde atōf ŋōn.

⁹ Awut anjan dētēmp da maas nde ŋandekom mō dendetam kəberē kəlonjkanē ka alanj a MARIKI.»

Dosoku da sanjka

¹⁰ «Kó mändekó dəkəwan kó aterēne am-ε, məkembərne mes mme meykikəs əm mō fæp.

¹¹ Kó þæyōne a fum eyi nde kəlo kam nwe ōntōsək mō, bawo domun dōwurna kirin kōn pibi disre, wækayi þəwur dəsəŋka, ta þæberē si disre,

¹² dec dōrōfōy þəbikē domun, kó dec dēŋkale-ε, wækayi entam kəluku sō sanjka disre.

¹³ Məde məwure kəfo sanjka sonu tadarəj, nde mändekó mæctam kəyō ka mēfanj mam mələma mō.

¹⁴ Məyō yosutnēne yam daco þekayē, kó məŋkó kəwur afef-ε, məkay abi kó məlip-ε, məkufun nini yam.

¹⁵ Bawo MARIKI Kanu kam endekó þəckōt sanjka sam disre þəcyac əm, þəclek aterēne am þəcbər əm dəwaca, sanjka sam sədəkó səcōsək, nte tōjōjē ta MARIKI þənəŋk nde ndaram nte o nte tōntōtesē kó, tōsōjē kó kəluku əm darəj mō.»

Wəcar wəyekse

¹⁶ «Kó wəcar wələma eyeksər mariki mōn þəkó þəcyacne nde ndaram-ε, ta məlukse kó mariki mōn dē.

¹⁷ Wəcar wækakó þənde nu daco nde kəfo nke enyēk-yēk kənde, dare nde dōmbōt kó nde sədare sam daco mō. Ta mədīr kó.»

Yopocē nyē MARIKI ōntōfanj mō

18 «Ta wəYisrayel nwe o nwe, wəran kə pəyone fe ti wərkun, pəmar fe pəyi yamayama teta kəsali.

19 Məfəkekəre nde kələ ka MARIKI Kanu kam, teta kədəram nke o nke pəsoto pa wəyamayama wəran, kə pəyone fe ti-ε wərkun. Afum akakə mēraŋ fəp pəyikyik mpe MARIKI Kanu kam enter mə, pə ŋayone.»

Kəbər kədeŋəre

20 «Ta məfanər wenc əm kədeŋəre ka daka nde o nde enabər əm mə kəron, pəyone pəsam, pəyone yeri pəyone paka mpe o mpe antam kədeŋər pəkə anabə mə.

21 Mba məntam kəwer wəcikəra nwe eyefe atəf ŋələma mə, kədeŋər'am daka nde mənabər kə mə, mba wenc əm, ta məwer kə, nte təŋsəŋe MARIKI Kanu kam kəpoc'am pətət dəməyō mam fəp, nde atəf ŋəkə məŋkəbərəe ŋəyone ŋam mə.»

Kədəram nno MARIKI eyi mə

22 «Kə mənderəm kəlonne MARIKI Kanu kam-ε, ta məwonene ti kəyō, bawo MARIKI Kanu kam kəndekəyif əm ti, təyən'am oŋ kiciya.

23 Kə məsumpərne kətəderəm tələm o tələm kəyone MARIKI-ε, kiciya kəyi f'am.

24 Mba məmēŋkərne təkə towur kusu kam disre, məyō təkə məloku kəyone abəkək ŋosoku pes MARIKI Kanu kam mə, təkə məloke kusu kam yati mə.»

Sariye səpime yokom yələma

25 «Kə məmbərəe ŋbəŋkələ ya wen wa wenc əm disre-ε, məntam kədi yokom ya wi tefan tam haŋ mənembərəe, mba ta məber wi dəpaka kəkekəre.

26 Kə məntor abəf ŋa məŋgben ma wenc əm-ε, məbaŋse mi kəca, mba ta mətele mi kətetiya.»

24

Wəran nwe ance mə

1 Kə Musa oloku: «Kə wərkun enence wəran, telpəs, ta endesə pəfan wəran nwe-ε, bawo enəŋke wəran pəkət mpe pəntəbət kə mə, pəmar pəcicse wəran wəkakə areka ŋecene kə, pəsəŋ kə ŋi dəkəca, a pədewurēne kə nde kələ kən.

2 Wəran pəwur kələ ka wərkun wəkakə, pəkə, entam sə kəyone wəran ka wərkun wələma.

3 Kə pəyone wərkun wəkakə elek kə sə k'enence mə, efan fe kə sə-ε, pəcicəs areka ŋecene kə sə, pəsəŋ ŋi wəran nwe dəkəca, pəbeləs kə nde kələ kən. Kə təyone wərkun nwe enence kə telpəs mə pəfi-ε,

4 wos wəcəkə-cəkə ofəsətam kələk kə pənence, bawo wəran wəkakə əsək fe sə nno nkən wərkun nwe eyi mə, bawo pəyikyik mpe MARIKI enter mə pə təyone. Pəmar fe məsarsər kiciya atəf ŋŋe MARIKI Kanu kam kəsəŋ əm ke mə.»

Wərkun wətep kənence

5 «Kə wərkun entep kəcnence-ε, pəmar fe pələk kə kəkə ka dəkəwan, ali tes ta pəcəməne kə darəŋ. Pasak kə yeŋən teren tin teta aka kələ kən disre ŋawələs-wələs kə wəran wəkə elek mə.»

Səke

6 «Afələkər fum səke sa yosumpər-sumpər ya dəsək o dəsək, bawo kələkər ka wəkayi teyine doru tō.»

Wəkijə fum

7 «K'asumpər fum nwe eŋkiye wenc wəłoma aYisrayel daco, pəcəmbər kə dacar kə pəyone fe ti pəcaməs kə-ε, pəmar wəkiye fum wəkakə pəfi. Məŋnim tem tatəko pələc aka Yisrayel daco.»

Docu d'akata decalərne

8 «Nəkembərne docu d'akata decalərne pəmə docu da sen, nte tənşəŋe nəmeŋkərne, nəsurene sə kəyō təkə aloŋne aLewy ŋandekə ŋactəkse nu mə. Nəmeŋkərne kəcəme ka təkə isom ŋa mə darəŋ.

9 Nəcem-cəmnə təkə MARIKI Kanu konu enayō Miriyam dəpō, nte nənayəfe atəf ŋa Misira mə.»

Sariye sa seke

10 «Kə məmbər wəkös əm daka nde o nde-ε, ta məberε kələ kən disre kəbanər kə paka pa seke.

11 Məcəme dabanjka, fum nwe enalekər əm debe mə, pəkər'am paka pa seke dādo dabanjka.

12 Kə pəyone a wətəyō daka əfə-ε, ta məcəpərne pibi kə kəloto kən kəkumpene nke encəmbər'am seke mə.

13 Məlukse kə kəloto kən kəkumpene a dec dečkale, nte tənşəŋe pəfəntəre ki mə, pətolan'am pətət. Təŋyən'am dolompu nno MARIKI Kanu kam kəyi mə.»

Paleləs atəyō daka

14 «Ta mətərəs wəbəc kam wətəyō daka kə pəyone fe ti wəyi dəpəcuca, pəyone wenc əm wəkin wəłoma kə pəyone fe ti wəcikəra wəkin wəłoma nwe ender dare din da sadare sam dəkəbəc mə.

15 Məsəŋ wəbəc kam kəway kən a dec dečkale. Bawo əyō fe daka, pəŋwon kə kəsətō ka kəway kən. Kə pəyone fe ti-ε, ombokene nno MARIKI eyi mə tetam, təyən'am kiciya.»

Nwe enciya mə, eŋsare kətərəs

16 «Ta nədif cas teta kiciya ka awut aŋan, ta nədif sə awut teta kiciya ka akas aŋa. Nwe o nwe kiciya kənsərka k'andife kə.»

Sariye nno atəyō daka ŋayi mə

17 «Ta mələcər wan wəcikəra nwe akombəra ən ŋafi mə kiti yem disre, ta məbanər sə wəcəbokəra kəloto kən kəkumpene seke.

18 Məde məccem-cəmnə a mənayone wəcar atəf ŋa Misira, kə MARIKI Kanu kam kəwurur əm di, it'isom'am kəcəme sariye sasəkə darəŋ.

19 Kə məntəl abəf ŋam məpəl acəkər ŋin dəbəf-ε, ta məlüksərne kəkələk ŋi. Acəkər ŋaŋəkə ŋəyone ŋa wəcikəra, ŋa wan nwe akombəra ən ŋafi mə kə ŋa wəcəbokəra, nte tənşəŋe MARIKI Kanu kam kəpoc'am pətət dəyebəc ya waca wam fəp mə.

20 Kə məyikəc kəra ka olif-ε, ta məcəpse kəkəpim yokom nye yəntətəmpene mə, məsak yi yəyone ya wəcikəra, ya wan nwe akombəra ən ŋafi mə kə ya wəcəbokəra.

21 Kə məmpim yokom ya ŋgəbəŋkələ yam-ε, ta məlüksərne kəkəpim yin yin yəkə məmpələs mə, yayəkə yəyone ya wəcikəra, ya wan nwe akombəra ən ŋafi mə kə ya wəcəbokəra.

22 Məde məccem-cəmnə a mənayone wəcar atəf ŋa Misira, it'isom am kəcəme sariye saŋse darəŋ.»

¹ Kɔ Musa oloku sɔ: «Kɔ afum merəŋ ŋayefərəne ŋakɔ dabɛ kəkəkiti-ɛ, pabonc wəkɔ olomp, pabonc wəkɔ enciya mə.

² Kɔ pamar pasut wəciya-ɛ, wəboc kiti pətenci kɔ dantɔf pasut kɔ fɔr ya wəboc kiti kirinj kəŋban-gban kətəŋnɛnɛ ka kiciya kɔn.

³ Ta wəboc kiti pəwosɛ pasut kɔ pəcəpərəŋ kəŋban-gban wəco maŋkələ, k'asut kɔ pəcəpərəŋ tatɔkɔ-ɛ, wenc konu ɛntam kələpəsne fɔr yonu kirinj.»

Wana workun «tura»

⁴ «Ta məsunc wana kusu kɔ wendebɛrɛ dəkur kəkəsɛpər-ɛ.»

Wəcəbokərə wətəkom

⁵ Kɔ Musa oloku: «Kɔ dɛwɛnc aŋa merəŋ ŋandɛ kəfo kin, wəkin pəfi ta esak wan wərkun-ɛ, pamar fɛ fum wəcuru pənɛncɛ wəran kɔn, wenc ka wos wəkɔ efi mə, pamar pələk kɔ pənasər, pələs sɔ sariyɛ səkɔ pamar pəkɛnɛ wəran ka wɛnc wəkɔ efi mə.

⁶ Wan wərkun wəcəkɔ-cəkɔ nwe wəran wəkakɔ endekom mə, pamar pawɛ kɔ tewɛ ta wos wəkɔ ɛnanunjɛnɛ kənɛncɛ kɔ mə, nte tɔŋsɔŋɛ ta tewɛ tən təsələ Yisrayel mə.

⁷ Kɔ wɛnc ka wos ɔntɔfan kələk kɔ pənɛncɛ-ɛ, wəran pəkɔ ndɛ kusurjka ka dare ndɛ abeki ŋayi mə, pəkɔ pəlɔku ŋa: «Wɛnc ka wos im ɛfati kəsɔŋɛ tewɛ ta wɛnc kəcəmɛ Yisrayel, ɛfan fɛ kəkɔt im təkɔ pamar mə.»

⁸ Abeki a dare dɔn ŋawɛ wərkun ŋalok-ləkər kɔ, k'ombupərə sɔ, pələlɔku: «Ifan fɛ kələk kɔ inasər,»

⁹ wəran nwe pələtərɛnɛ kɔ fɔr ya abeki a dare kirinj, pəwure wərkun kɔfta dəkəcək, pəyukər kɔ lin dəkəro. Pələlɔku: «Tantɛ t'anjɔ wərkun nwe ɛnfati kəcəmbər kələ ka wɛnc mə.»

¹⁰ Nte tɔ pamar pade pacwɛ aka kələ kəŋjɔ Yisrayel: «Aka kələ ka nwe awurɛ cɔfta mə.»»

Tosutɛnɛ nte amɔnɛ mə

¹¹ «Kɔ arkun merəŋ ŋandesutɛnɛ, kɔ wəran ka wəkin ɔlətərɛnɛ kəkəbanj wos dəwaca wa wəkɔ eyi kəsut kɔ mə, k'ɛŋkəkərə kəcə pəsumpər wəkɔ eyi kəsut wos mə yokomɛ-ɛ,

¹² məŋbinti wəran wəkakɔ kəcə, ali nɔnɔfɔr ta məyɔnɛ kɔ.»

Dolompɔ kəcəməs disrɛ

¹³ «Ta mətɔmpərɛnɛ alɔba ŋam disrɛ masar ma səkɛl merəŋ: Tasar telɛl kɔ tasar tɛfɛfər.

¹⁴ Ta məyɔ ndɛ kələ kam cəfala cətubcɛ merəŋ: Kəfɛt kɔ kəpəŋ.

¹⁵ Məyɔ tassar ta səkɛl pin mpɛ polomp mə, məyɔ kəfala kətubcɛ kin nkɛ kələmp mə, nte tɔŋsɔŋɛ mataka mam məbəl ndɛ antɔf nɛjɛ MARIKI Kanu kam endəkəsɔŋ əm mə.

¹⁶ Bawo nwe o nwe endəkɔ pəcyɔ mes mətələmp maməkɔ mə, pəyikyik p'ɔyɔnɛ mpɛ MARIKI Kanu kam enter mə.»

Amalɛk, atɛrɛnɛ asu a doru o doru

¹⁷ «Məcɛm-cɛmnɛ nte aka Amalɛk ŋanayɔ nu dɔpɔ nte nənawur Misira mə,

¹⁸ nte ŋanader ŋəgbintərɛnɛ akɔ ŋanayi kəgba ka aka Yisrayel tadarəŋ mə, kɔ ŋayektər ŋa kəsutɛnɛ tətəŋnɛ dis dələl nu ta nəyɔ sɔ səkət-ɛ, bawo ŋananɛsɛ fɛ Kanu.

¹⁹ Kɔ MARIKI Kanu kam endəsɔŋ əm kəŋɛsəm kəbanj əm nno atɛrɛnɛ am aŋɛ ŋəŋkɛl əm mə fəp dəwaca-ɛ, ndɛ atɔf nɛjɛ MARIKI Kanu kam ɔsɔŋ əm kɛ mə, mənim tewɛ ta Amalɛk antɔf kəroŋ. Ta məpələrɛnɛ tosom tatɔkɔ dɛ!»

26

Yokom yɔcɔkɔ-cɔkɔ, kɔ kɔlɔkɛ MARIKI pɛtɔt

¹ Kɔ Musa oloku: «Kɔ mɛndekɔbɛrɛ nde atɔf nɛ MARIKI Kanu kam kɛsɔɲ ɛm mɔ, kɔ mɛndekɔbɛrɛ di mɛndɛ-ɛ,

² mɛdekɔ mɛclɛk yokom yɔcɔkɔ-cɔkɔ ya yɔbɔf yam nɛ mɛndekɔ mɛctɛl nde antɔf nɛ MARIKI Kanu kam ɔɲkɔsɔɲ ɛm mɔ, mɛbɛr yi dɛkɔfala, mɛkɛkɛrɛ nde kɛfo kanɲkɔ MARIKI Kanu kam endekɔyɛk-yɛk kɛyɔnɛ dɛkiyi dɔn mɔ.

³ Mɛkɔ nde wɔlɔɲɛ wɔkɔ eyi kɛbɛc mata mamɔkɔ mɔ, mɔlɔku kɔ: «Iloku mɔkɔ MARIKI Kanu kam fɔr kirinɲ, a imbɛrɛ nnɔ atɔf nɛ MARIKI, ɛnadɛrɛmɛ atem asu kɛsɔɲ su mɔ.»

⁴ Wɔlɔɲɛ pɛbɛɲɛr ɛm kɛfala kanɲkɔ, pɛkɔ pɛcɛmbɛr ki nde tetek toloɲɛ MARIKI Kanu kam kirinɲ.

⁵ Mɛna mɔlɔku MARIKI Kanu kam fɔr kirinɲ: «Wɛtem kem wɔArame wɛcɛpɛ-cɛpɛ ɛnayɔnɛ. K'ontɔr atɔf ɲa Misira kɔ afum apic anɛ ɲanacɛmbɛr kɔ mɔ. Difɔ ende pɛyɔnɛ wɔka atɔf ɲɔpɔɲ ɲa afum alarɛm anɛ ɲanader ɲasɔtɔ sɔkɛt kɔ fɛnɔntɛr mɔ.

⁶ K'aka Misira ɲayɔ su pɛlɛc, kɔ ɲalapɛs su, kɔ ɲanacɛmbɛr su yɛbɛc ya dacar yeyɛɲki.

⁷ Kɔ sɛmbokɛr MARIKI Kanu ka atem asu. Kɔ MARIKI ene su sim, k'ɛnɔɲk kɛtɔrɛs kosu, pɛcɛca posu kɔ yɛbɛc yosu ya dacar yeyɛɲki.

⁸ Kɔ MARIKI ɔwureɛɛ su atɔf ɲa Misira kɔ sɔkɛt sa kɛca kɔn kɛtenci, mɛgbɛkɛrɛ mɛwɛy-wɛy kɔ mɛs mɔpɔɲ mɛmɛ moncwosɛs afum cusu mɔ.

⁹ K'ɛɲkɛrɛ su kɛfo kanɲkɛ, k'ɔsɔɲ su atɔf ɲanɛ ɲɔmbɔɲ dɛlɛ k'awop mɔ.

¹⁰ Ndɛkɔl ɔɲ, ɲɲkɛrɛ yokom yɔcɔkɔ-cɔkɔ ya yɔbɔf ya antɔf nɛ mɛna MARIKI mɛsɔɲ im mɔ.» Mɛbɔc yokom yayɔkɔ MARIKI Kanu kam fɔr kirinɲ, mɛtontnɛnɛ kɔ.

¹¹ Kɔ telip-ɛ, mɛwɔlɛs-wɔlɛs kɔ wɔLewy kɔ wɛcikɛra anɛ ɲayi nu dacɔ mɔ, tɛta pɛtɔt pɛkɔ MARIKI Kanu kam kɛsɔɲ ɛm, mɛna kɔ aka kɛlɔ kam disrɛ mɔ.»

Farile fa teren ta maas

¹² «Teren ta maas nte ɔ nte tɔyɔnɛ ta farilɛ. Kɔ mɛndekɔ mɛclip kɛwure farilɛ fa yɔbɔf yam fɛp-ɛ, mɛsɔɲ fi wɔLewy, wɛcikɛra, wan nwe akombɛra ɔn ɲafi mɔ, kɔ wɛcɛbɔkɛra. ɲadi fi nde sɛdare sam ɲanɛmbɛrɛ.

¹³ Mɔlɔku fɔr ya MARIKI Kanu kam kirinɲ: «Iwureɛɛ nde kɛlɔ kem daka ndɛ ampus mɔ, k'isɔɲ di wɔLewy, wɛcikɛra, wan nwe akombɛra ɔn ɲafi mɔ kɔ wɛcɛbɔkɛra, pɛmɔ tɔkɔ mɛsɔm im ti mɔ. Ali tosɔm tam tin ifati fɛ, ali tin impɛlɛr fɛ.

¹⁴ Ali paka pin indi fɛ ca cɛncɛ dacɔ nte inayi dɛkɛbal mɔ. Ali pin inabeli fɛ nte inatɔsɔk mɔ, ali pin imbeli fɛ isɔɲ tɛta wɛfi, incɛɲkɔl dim da MARIKI Kanu kem, k'isurɛnɛ kɛkɔtɛnɛ belbel tɔkɔ mɛnasom im mɔ.

¹⁵ Mɛmɔmɔn ɔɲ dɛkiyi dam dosoku nde darenɛ, mɛpɔcɛ aka Yisrayel afum am kɔ antɔf nɛ mɛsɔɲ su mɔ pɛtɔt, pɛmɔ tɔkɔ mɛnadɛrɛmɛ ti atem asu mɔ, atɔf ɲanɛ ɲɔmbɔɲ dɛlɛ k'awop mɔ.»

A'Yisrayel afum a MARIKI aka dɛtim

¹⁶ «Mɔkɔ, MARIKI Kanu kam kɛsɔm ɛm kɛcɛmɛ sariye sɔn kɔ mɔyɔ mokur mɔn darɛɲ. Mɛmɛɲkɛrɛnɛ mi, mɛcɛmɛ sɔ mi darɛɲ abɛkɛc ɲosoku pɛs kɔ amɛra ɲam fɛp.

¹⁷ Nɛsɔtɔ mɔkɔ kɛdɛrɛm kanɲkɛ nnɔ MARIKI eyi mɔ: Nkɔn endeyɔnɛ ɔɲ Kanu konu, nte tɔɲsɔɲɛ nɛkɔt sɛpɔ sɔn, nɛmɛɲkɛrɛnɛ sariye sɔn, mɛsɔm mɔn kɔ mɔyɔ mɔn mokur, nɛlɛlɛs sɔ dim dɔn mɔ.

¹⁸ Məkkə MARIKI əsəh'am kəderəm nte təhsəhə məyənə daka dən da dətım afum a doru fəp daco, pəmə təkə olək'am ti mə, məməhəkərne mosom mən fəp,
¹⁹ təsəhə pəcəmbər əm dəkəcəmə dəcəkə-cəkə afum a doru fəp daco anə nkən MARIKI owurə mə. Kəyefə nərə da debeki dam kəkə kəbəkəs kam tewə kəbəp ka delel, məcəpər afum a doru fəp, nəyənə afum acempi anə ampuse MARIKI Kanu konu, pəmə təkə ənalok'am ti mə.»

27

Ancicəs Sariye sa Kanu masar kəronj

¹ Musa kə abeki nəsom aka Yisrayel nte: «Nəməhəkərne mosom fəp nte iyi kəloku nu məkkə mə.»

² Dəsək ndə nəndəkəcali Yurdən, kəbərə ka atəf nje MARIKI Kanu kam kəsəh əm mə, məcəmbər masar məpəhə cos, nəsof mi dos defer.

³ Nəcicəs masar məməkkə kəronj moloku ma Sariye fəp, kə məndəkəcəpər məcərə atəf nje MARIKI Kanu kam kəsəh əm mə, atəf nje həmbəhə dale k'awop mə, pəmə təkə MARIKI Kanu ka atem am ənalok'am ti mə.

⁴ Kə nəndəkəcali Yurdən-ə, nəcəmbər nde tərə ta Ebal masar mme isom nu məkkə kəkəcəmbər mə, məsof mi dos defer.

⁵ Dəndo, məcəmbərə di MARIKI Kanu kam tetek tolojhə ta masar mme afec hətəgbujhə kəpat mə.

⁶ Məcəmbərə tetek tolojhə MARIKI Kanu kam masar mətəpat. Tetek papəkə kəronj pə məndəkə məclojhənə MARIKI Kanu kam yəcəl yəcəf.

⁷ Mədək sə məclojhə kəlojhə ka kəpəjhə pəforu. Difo məndi yeri ya yolojhə yonu ya kəpəjhə pəforu, difo məwoləs-woləs fər ya MARIKI Kanu kam kirin.

⁸ Məcicəs masar məməkkə kəronj moloku ma sariye sarjse fəp, məcic mi pəsək pəs.»

⁹ Musa kə alojhə aLewy həloku aka Yisrayel fəp: «Yisrayel, məcəhək məcəhəkəl! Məkkə nəyənə ojh atəf hə afum aka MARIKI Kanu konu.

¹⁰ Məcəhəkəl dim da MARIKI Kanu kam, məcəmə mosom mən darəh, kə sariye sən pəmə təkə iyi kəsom əm məkkə mə.»

¹¹ Dəsək dadəkə, kə Musa osom aka Yisrayel nte:

¹² «Kə nəndəkəcali Yurdən-ə, aka cusuhka ca Simeyoh, Lewy, Yuda, Isakar, Isifu kə Benyamin hədəkə həcəmə tərə ta Karisim kəronj hələmər aka Yisrayel pətət.

¹³ Kə aka cusuhka ca Ruben, Kadu, Aser, Sabulon, Dan kə Naftali hə hədəkə həcəmə tərə ta Ebal kəronj, hələmər aka Yisrayel pələc.»

Pələc mpe wəco kə mərəh

¹⁴ «Aka Yisrayel fəp fər kirin, aLewy həkule pəpəh:

¹⁵ «MARIKI pəsəh pələc fum nwe ojhəlpəs tərəhka, pəyikyik mpe MARIKI enter mə, yəbəc ya waca wa fum wəcərəh, a pələk tərəhka tatəkə pəkə pəcəmbər pi kəfo kəkumpətər mə!» Afum fəp həkule: «Amina!»

¹⁶ «MARIKI pəsəh pələc fum nwe əhlapəs kas kə kərə mə!» Aka Yisrayel fəp, həkule: «Amina!»

¹⁷ «MARIKI pəsəh pələc fum nwe encepənə togbu pa kələncər ka wənc mə!» Aka Yisrayel fəp, həkule: «Amina!»

¹⁸ «MARIKI pəsəh pələc fum nwe əhsəhə wətənəhək kəgbaymə dəpə mə!» Aka Yisrayel fəp, həkule: «Amina!»

19 «MARIKI pəsəŋ pələc fum nwe eŋləcər wəcəkəra kə pəyənə fə ti wan nwe akombəra əŋ ŋafi mə, kə pəyənə fə ti wəcəbokəra kiti yem disrə mə!» Aka Yisrayel fəp, ŋakule: «Amina!»

20 «MARIKI pəsəŋ pələc fum nwe eŋfəntərər wəran ka kas mə, bawo kə teyi-ε, wərkun wəkayı eŋlapəs kas!» Aka Yisrayel fəp, ŋakule: «Amina!»

21 «MARIKI pəsəŋ pələc fum nwe eŋfəntərər wəsem nwe o nwe mə!» Aka Yisrayel fəp, ŋakule: «Amina!»

22 «MARIKI pəsəŋ pələc fum nwe eŋfəntərər wəkire kən mə, wan ka kas kə pəyənə fə ti-ε, wan ka iya wəkən!» Aka Yisrayel fəp, ŋakule: «Amina!»

23 «MARIKI pəsəŋ pələc fum nwe eŋfəntərər iya wəka wəran kən mə!» Aka Yisrayel fəp, ŋakule: «Amina!»

24 «MARIKI pəsəŋ pələc fum nwe əŋgbəpne pədif wənc mə!» Aka Yisrayel fəp, ŋakule: «Amina!»

25 «MARIKI pəsəŋ pələc fum nwe emban kəpocə kələc, pəsut wətələsər tes haŋ pəfi mə!» Aka Yisrayel fəp ŋakule: «Amina!»

26 «MARIKI pəsəŋ pələc fum nwe əntədeleləs moloku ma Sariye saŋse, pəcəme sə mi darəŋ mə!» Aka Yisrayel fəp, ŋakule: «Amina!»»

28

Kəsəŋ temer ka pətət

1 «Kə mənəcəŋkəl dim da MARIKI Kanu kam, məmeŋkərne kəcəme ka mosom mən darəŋ fəp, pəmə nte iyi kəsom əm mi məkə mə-ε, MARIKI Kanu kam endecəmbər əm takəroŋ ta afum a tɔf ya doru fəp.

2 Kəpocə pətət kaŋke fəp kəndeder əm, kəbər əm, kə mənəcəŋkəl dim da MARIKI Kanu kam-ε.

3 MARIKI endepoc'am pətət dare, pəpoc'am pətət dəkulum.

4 Yokom ya kor kam, yokom ya antɔf ŋam, awut a yɔcəl yam cəna, cir kə ŋkesiya yam endepocə yi pətət.

5 MARIKI endepocə pətət kəfala kam kə pəpocə pam kəcom.

6 Endekə pəpoc'am pətət kə məndekə məcbərə, pəpoc'am pətət kə mendekə məcwur-ε.

7 MARIKI endekəsut aterene əm aŋe ŋandekəcəm'am fər kirin kəsutene mə. Dəpə din də ŋandesolne kəwekərn'am, ŋayəkəsar əm səpə camət-meəŋ.

8 MARIKI endesom a pətət peyi dəcələ cam, kə mes mam mosupər fəp. Endepoc'am pətət nde atɔf ŋe MARIKI Kanu kam endekəsəŋ əm mə.

9 MARIKI endesəŋe nu kəyənə ka afum acempi, pəmə təkə endərme nu ti mə, kə nəndekəmənəkərne mosom ma MARIKI Kanu konu, nəckɔt sə səpə sən-ε.

10 Afum aka doru dandə fəp ŋandenəŋk a nəna aŋwene MARIKI, ŋacnese nu.

11 MARIKI endelas nu pətət, pəsəŋe yokom ya kor konu, yokom ya yɔcəl yonu, yokom ya antɔf yonu kəla, dəndo atɔf ŋaŋəkə MARIKI endərme atem anu kəsəŋ nu mə.

12 MARIKI endekəgbite nu daka dən dətət nde dəyənə donu mə, pəsəŋ antɔf ŋonu wəcəfan tem nte pəmar pətuf mə, pəpocə pətət yebəc ya waca wonu fəp. Nəna nəndekə nəcsəŋ tɔf yelərəm səbe, mba nəna nəfədekə nəcbə.

13 MARIKI, əfədekəsəŋ nu kəyənə kələŋa, mba domp. Takəroŋ tə nəndekə nəcyi, nəfədekə nəcyi tantɔf, kə nənəcəŋkəl mosom ma MARIKI Kanu konu məme iyi kəsom nu məkə mə, nəmeŋkərne mi nəcəme sə mi darəŋ,

14 kə nəntəgbayme kəca kəmeriya ta nəŋgbayme kəca kətət ka moloku məme iyi kəsom nu məkə mə, kə nəntəcəme canu cələma darəŋ nəcsələne ci-ε.»

Kabejne kayo ka palec

15 «Mba ko nantocanjkal dim da MARIKI Kanu konu-ε, ko nantomεnjkarne kacame ka mosom mon fap ko sariye son daraj pamō nte iyi kasom nu mi mako mō-ε, palec pampε fap pendeder nu, pebap nu so:

16 MARIKI endepoce nu palec nde dare, pəpocε nu palec nde dəkulum.

17 Endepocε cəfala conu ko pəpocke kacom ponu palec.

18 Endeko pəpocε palec yokom ya kor konu, yokom ya taf yonu, awut a cəna conu, cir conu ko aka njkesiya yonu fap.

19 Pəpocε nu palec ko nandeko nəcberε, pəpocε nu palec ko nandeko nəcwur-ε.

20 MARIKI endeko pəckεrε nu palec, pəcsut nu ancijan ko pəcuca dāmosumpər monu fap haɲ paləsər nu, haɲ nəməlke katəna teta mōyō monu mēlεc, bawo nəlucus ko daraj.

21 MARIKI endekokotərənε nu arom, haɲ njemələk nu, njelin nu antaf njε njəyōnε njonu mō.

22 MARIKI endekəsutε nu melenki, fiba, kəkəf, kətoder ka wəcafən, yokom ya yobaf yowosərənε dəcəkər, yəsətō sō docu dēlεc, ko kəlonəc. Mes mēlεc maməkō mendecāmε nu daraj haɲ nəfi.

23 Kōm nkε kəyi nu domp kəronj mō kəndeyi nu pəmō kəpər nkε kənyaməs wəcafən kətuf mō, ko antaf njε nəcāmε kəronj mō njəyōnε nu masar.

24 Kəfəl ko kəbof yō MARIKI endeko pəckεrε nu wəcafən antaf njam, pəctufər nu yi kəyεfε dəkōm haɲ məməlke.

25 MARIKI endekəsut nu fər ya aterεnε anu kirin. Dəpō din dō nandeko nəcwəkərne ɲa kəkəsutεnε, mba səpō camət-mεrəɲ sō nandeko nəcyeksər ɲa. Ko afum a taf ya doru fap njandenəɲk mes məkō cusu kəcəsətε nu mō, njandenese cusu cəwos ɲa.

26 Cəbel conu cəndeyōnε yeri ya bεmp ya darenc ko sēm ya dop. Ali fum əfōde pəcyamsər yi.

27 MARIKI endekəsutε nu bεcε ya Misira, pəkəf, amōncō, ko kənjεtnε, docu ndε nantōdetam kətaməs mō.

28 MARIKI endekəsutε nu kətənəɲk, dεyamayama ko dotonkulu.

29 Nənde kacwakəs nne yowon cuk pəmō təkō wətənəɲk εɲwakəs kubump mō, ali mosumpər monu min mōfōde kəcetεsε nu, ande kəcdir nu tēm fap, pacfonət nu tēm o tēm, nəfōde kəcəsətō wəyac.

30 Mənde kəcfac wəran, wərkun wəlōma pəcfantərər ko. Məcəmbər kəbō ta məmbεrε ki-ε. Məbaf njbōɲkəbō ya wən ta məɲpim yokom ya yi-ε.

31 Ande pacfay wana wonu fər yonu kirin, ta nəsəm sēm ya wi-ε. Ande paclek səfale sonu fər yonu kirin, ta alukse nu si-ε. Ande pacsonj cir ko njkesiya yonu aterεnε anu, ali fum əfōdeder kədeyac nu.

32 Awut anu arkun k'awut anu aran njandeyi afum acuru dəwaca dacar. Nəndεgbətnε ti, fər yendeləl nu kəmōmən ɲa dəpō kəkər, mba ali tes nəfōde nəcnam ti disrε.

33 Afum a atof njocuru anjε nantocərə mō, njandesəm yokom ya ntəf yonu ko daka ndε nənde nəcsətō yεbəc yonu disrε mō fap, ande pacdir nu, pactərəs nu tēm fap.

34 Mes maməkō nənde nəcnəɲkε fər yonu mō, mendesəɲε nu dotonkulu.

35 MARIKI, endesutε nu bεcε dəsūwu ko dələɲk njε nantōdetam kətaməs mō, endesut nu kəyεfε nde dəwəcək haɲ nde dərōmp.

36 MARIKI endesəŋe nu kəkət, nəna kə wəbɛ konu nwe nāndecəmbər mə, kəkə ka nde atəf nŋe nəna kə atem anu nāntəcərə mə. Kə nəŋkə dāndo-ɛ, nəŋkəsələnɛ di canu cəcuru ca kətək kə ca tasar.

37 Afum aŋe MARIKI eŋkəkərə nu ndarəŋan mə fəp, cusu cəŋwos ŋa teta mes məkə mənsoṭo nu mə. Ŋayefe kəsələr nu, ŋacfanɛ nu.

38 Nānde kəcgbal defet delarəm nde dale donu, mba kətəl konu kənde kəcpice, bawo cəlanŋkəma cānde kəcsəmə nu yəbɔf.

39 Nānde nəcbəf ŋəbəŋkələ ya wɛn, nəbifti yi dāntəf, mba nəfəde nəcmun wɛn wa yi, nəfəde nəcpim yokom ya yi yati bawo yet yende kəcsəm yi.

40 Nāndeyə tək ya olif nde atəf ŋonu fəp, mba nəfəde nəcsopɛ moro ma yi dərɪs, bawo olif ŋende kəcbəkɛ-bəkɛ ta ŋəntəl-ɛ.

41 Nāndekom awut arkun kə awut aran, mba ŋafədeyənɛ akonu, bawo dacar dɔ ŋandekə.

42 Tək yam kə yokom ya antəf ŋonu fəp, cəcal cāndesəm yi haŋ yelip.

43 Wəcikərə nwe endeyi atəf ŋonu mə, tetən tendepɛ tɛm fəp tetas tam, mba ta mənə toctor kətor dām.

44 Ŋa nānde kəcləkər səbɛ, nəna nəfədeyɔ daka o daka nde nānde kəcbər kə mə. Ŋa ŋandeyənɛ nu domp, nənə nəyənɛ kələŋa.

45 Mes ma kəpocɛ kələc kaŋkə fəp mendedɛr nu, mɛcəmə nu darəŋ, mɛbər nu haŋ məməlkɛ, bawo nəncəŋkəl fɛ dim da MARIKI Kanu konu, nəmɛŋkərne fɛ kəcəmə ka mɔsom mən kə sariyɛ sən darəŋ pəmɔ təkə osom nu si mə.

46 Pələc papəkə fəp pəndeyənɛ nu mɛgbəkərə mɛwɛy-wɛy mɛcɛm-cɛməs nno nəyi kə yuruya yonu yeyi mə doru o doru.»

47 «Kə nāntəsələnɛ MARIKI Kanu konu pəbotu disɛ kə abəkəc ŋotət tɛm nte nənayɔ ca fəp haŋ nəcɛpərər mə-ɛ,

48 nāndɛbəcə atɛrɛnɛ aŋe MARIKI endekərə nu mə dədɔr, domun kəbas, kəpɛŋ kə kəbut ka ca fəp. Pəgbək nu gbekce dəkilim haŋ pəmələk nu.

49 MARIKI endekərə nu kəyefe pəbəlɛ, kəyefe mənŋkubut ma doru afum aŋe ŋandɛgbutələnɛ nu pəmɔ siksik mə, afum aŋe nāntəde nəcne kusu kəŋan mə,

50 atəf ŋa afum ayenŋi bəkəc, aŋe ŋantəde ŋacələs wətem mə, ŋafəde ŋacyənɛ wətɛmp nənəfər.

51 Nāndekə ŋacsəm yokom ya yəcəl yonu, kə yokom ya antəf ŋonu, haŋ nəməlkɛ. Nafədekə ŋacsakərə nu mɛŋgbɛn, ŋafədekə ŋacsakərə nu member, ŋafədekə ŋacsakərə nu moro, ŋafədekə ŋacsakərə nu cənə conu cəwut, ŋafədekə ŋacsakərə nu ŋkesiya yonu yowut kə cir conu cəwut, haŋ ŋasəŋɛ nu kəmələkɛ.

52 Nāndewəkərne sədare sonu fəp kəsut, haŋ samba səpəŋ, səŋeci sasəkə mənəgbəkər kələŋ konu mə fəp, səlip kəwunɛ atəf ŋonu fəp. Nāndekəwəkərne nu kəsut dəsədare sonu fəp, dətəf nyɛ MARIKI Kanu konu kəsəŋ nu mə fəp.

53 Kəkəl ka atɛrɛnɛ anu kəndɛtərəs nu, kələləs nu dis haŋ kəsəŋɛ nu kəcsəm yokom ya cor conu, sɛm ya awut anu arkun kə aran aŋe MARIKI Kanu konu kəsəŋ nu mə.

54 Wərkun nwe kəbət kən amera kəntas konu fəp mə, kəkəkce kən mes kətəs konu nwe eyi nu dacɔ mə, endekə pəcməmənɛ wɛnc dəfər dɛləc, kə wəran nwe endirɛ kə kəsək mə, kə awut ən aŋe ŋancəmə kə mə,

55 pəcnɛsɛ kəpocɛ kə wəkin sɛm ya awut ən nyɛ endɛ kəcsəm mə, bawo ali paka afədesakərə kə kətərəs kə dis kələl kaŋkə disɛ, nke atɛrɛnɛ ən ŋandɛcəmbər nu nde dəkəbɛrɛ da sədare sonu fəp nte ŋackɛl nu mə.

56 Wəran nwe kəbət kən amera kəntas konu fəp mə, wəkəkce mes nwe endeyi nu dacɔ mə, nwe endeyɔ amera pəkəkce haŋ pəcnɛs-ɛsər kədəŋ

kæcæk dæntəf mə, ende kæcməmæne wos nwe endire kə kəsæk mə, wan kən wærkun kə wəran, dəfər dəleç,

⁵⁷ kælekenē kənaka nke entəp kæckom mə kə desəm da wan, bawo kətəyɔ daka o daka disre, ɔŋgbəpne kæcsəm yi teta kətərəs kə kələləs dis kanjə disre nke aterene am ŋandecəmbər nu nde sədare sonu mə.»

⁵⁸ «Kə nəntəmənjkærne kæcəme ka moloku ma sariye saŋse fəp darəŋ, mme acic buk bambē disre mə, kə nəntənese tewe teyek-yekəs kə tewe-yey ta MARIKI Kanu konu-ε,

⁵⁹ MARIKI endesutē nu, nəna kə yuruya yonu rom yəpəŋ yocuca kəliŋ, docu dəpəŋ nde doncuca kətaməs mə.

⁶⁰ MARIKI endekere nu pucuy pa Misira fəp mpe nəcnese mə, pucuy papəkə pokotərne nu.

⁶¹ MARIKI endekere nu docu fəp, kə rom nye antəcic nde buk ba sariye saŋse mə, haŋ nəməlkē.

⁶² Kə nændela pəmɔ cəs ca darenc, afum apic ŋandesak nu daco doru, bawo nəncəŋkəl fε dim da MARIKI Kanu konu.

⁶³ Təkə pəncbət MARIKI kəyɔ nu pətət kə kəsəŋe nu kəla mə, itə pəndesə pəcbət kə kədifət nu, pəcmələk nu, palij nu antəf ŋəŋəkə nəndekəberε kəbaŋ ŋəyənε ŋonu mə.

⁶⁴ MARIKI endesamsər nu afum a doru fəp daco, kəyεfε nde doru doncop mə, haŋ nde dəkələpsər mə. Dəndo, nəŋkəsələne canu cəcuru nce nəna kə atem anu nəntəcəre mə, canu ca kətək kə ca tasar.

⁶⁵ Afum a tɔf yayəkə daco, bəkək yəfədekəfər nu, wεcək wonu wəfədekəsətə kəfo nke wendekə wecnəsəm mə. MARIKI endekə pəcsəŋe nu bəkək kæclecelece, fər yələl nu, dis fəp dēdence nu.

⁶⁶ Kəyi doru konu kəndegbəkse, nəyine kənese kəpəŋ pibi kə dan, nəfədekene kiyi konu doru yati amera,

⁶⁷ nəcloku bətbət: «Pəcyənε a dəfəy gbəcərəm də-ε!» Nəcloku dəfəy: «Pəyənε a bətbət gbəcərəm bə-ε,» teta kənese nke kəndeyi nu dəbəkək mə, kə mes məkə nəndekə nəcnəŋke fər yonu mə.

⁶⁸ MARIKI endekəlukse nu atəf ŋa Misira dəcibil, nəkət sɔ kəfo kanjə inaloku nu: «Nəfəsənjk di» mə. Dəndo nəndekəcaməsne aterene am kəyənε ka acar aŋan kəyεfε arkun haŋ aran. Mba ali fum əfədekəway nu.»

Moloku məlpəs ka Musa

28.69-30.20

⁶⁹ Moloku ma danapa mamε mə MARIKI ɛnasom Musa kəcaŋəs kə aka Yisrayel nde atəf ŋa Mohab, kəberene ka məkə ŋanacəŋəs kə aka Yisrayel nde tərɔ ta Horeb mə.

29

Kəgbəkəre ka danapa da aka Yisrayel kə MARIKI

¹ Kə Musa ewe aka Yisrayel fəp, k'oloku ŋa:

«Nənanəŋk təkə MARIKI ɛnayɔ fər yonu kirij nde atəf ŋa Misira mə, nte ɛnayɔ firawona, amarəs ɔn k'aka atəf ŋən fəp mə,

² məwakəs məpəŋ mme fər yonu yenanəŋk mə, məgbəkəre kə məyɔ məwey-wey məpəŋ.

³ Mba haŋ məkə, MARIKI ɔsəŋ fε nu abəkək nəctam kəcərəε, fər yectam kəcnəŋk, ləŋəs yectam kəcne.

⁴ Meren wəco məŋkələ (40) ickətən'on dətəgbəre. Yamos yonu yenaməcə-məcə fε nu, cəfta conu cənacopər fε nu dəwεcək,

5 nānasām fe cācom, nānamun fe wēn, nānamun fe maṅkōntō, nte tōṅsōṅe nētām kēcāre a in'ōyōne MARIKI Kanu konu mō.

6 Kō nānder nāberē nno kəfo kəṅkē. Sihōṅ wābē ka Hesbon, kō Ōk wābē ka Basan, ṅawur kəkəḡbintərne su kəsutēne, kō səsut ṅa.

7 Kō sələk atōf ṅaṅan kō səsōṅ aRuben, aKadu kō aka kusunḡa daco ka Manase, ṅi ṅōyōne kē kaṅan.

8 Itō pəmar nāmēṅkərne kēcāme ka moloku ma danapa dandē darəṅ, nte tōṅsōṅe nētām mes mme nəṅsumpur mō fəp.»

9 «Nāna aka Yisrayel, nāna ṅō akaṅe nāncāme mākō MARIKI Kanu konu fōr kirinḡ mō. Fəp fonu nāyi dē, kəyēfē abe anu kəkō ka cusunḡa conu kəbəp k'abeki anu han atubuc mes anu, arkun a Yisrayel fəp,

10 aran anu, awut anu, acikəra anu akō ṅayi nu daco dəsəṅka mō, kəyēfē wətēne kam tək, haṅ wəkətse kam domun.

11 Ndəkəl oṅ MARIKI Kanu konu kəsək danapa kō nāna k'efan a pədərme kəsək ka danapa dadəkō mākō,

12 nte tōṅsōṅe pəsōṅ'am kəyēfē mākō kəyōne ka fum kən mō, nkən sō pəyōne Kanu kam, pəmō təkō enadərme ti mō, pəmō təkō enadərme ti atem am Abraham, Siyaka, kō Yakuba mō.

13 Bafō nāna ḡbəcərəm ṅō iyi kəsək danapa dandē kō kədərəm kəṅkē dē,

14 mba kō akō ṅayi su daco mākō fōr ya MARIKI Kanu kosu kirinḡ, kō akō ṅantōyi su daco mākō mō.

15 Nāncərə nānasərka təkō sənandē atōf ṅa Misira, kō təkō sənacal-cali tōf nye nānacəpər mō.

16 Nānanəṅk mērəṅka maṅan mme MARIKI enter mō, mērəṅka ma tək, masar, ḡbeti kō kema mme meyi nde ndaraṅan mō.

17 Ta fum pəyi nu daco pəyōne wərkun, wəran, kusunḡa, kō pəyōne fe ti-e kor, nwe abəkēc ṅōn ṅendelukus mākō MARIKI Kanu konu darəṅ, pəkō pəcsalēne canu ca afum a tōf yayəkō mō. Ta nwe o nwe pəde pəyi nu daco pəmō kəntentəl nke kəṅkom pəkəntəṅne podokət mō.

18 Kō tōyōne fum pəne moloku ma kədərəm mame-ε, ta pəyek-yekəsne dēbəkēc pəcłoku: «Pəforu pendey'im, ali ickōtēne deyenḡi abəkēc dem! Bawo ofōtōma a antōf ṅḡe alonəṅ domun mō ṅofōsōwos.»

19 MARIKI ofōwose kəṅaṅnēne kō. Bawo metele kō kəraca ka MARIKI Kanu konu, kəṅkuncālē nno fum wəkakō eyi mō. Pələc pampē ancicəs dəbuk bambē mō fəp, pəntəpne kō, MARIKI pənim tewe ta fum wəkakō antōf kəronḡ.

20 MARIKI endēḡbey wəkayi cusunḡa ca Yisrayel fəp daco k'endesōṅ kō pələc-ε, kəsōṅ pələc fəp ka danapa nke ancic dəbuk ba sariye bambē disre mō.»

21 «Dētemp nde dender mō, awut anu aṅe ṅandeyēfē nu tadarəṅ mō, kō wəcikəra nwe endeyēfē atōf ṅobol-bolu mō, k'akakō ṅandenəṅk pucuy pa atōf ṅaṅe kō docu nde MARIKI endesute atōf ṅonu mō, ṅandeloku:

22 «Atōf ṅaṅe: Soda, mēr kō nēnc dōcōf ṅi tante. Afōtam ṅi kəbōf, paka o paka pəfōpon ṅi kəronḡ, ali ayika ṅōfōpon ṅi kəronḡ pəmō təkō pəyi Sodom, Komora, Adma kō Cəboyim, sədare nse MARIKI enakafəli pəḡbəp, dāmētele mān mecepərər disre mō.»

23 Afum a tōf fəp ṅandeloku: «Ta ake tō MARIKI ofōyōne tante atōf ṅaṅe-ε? Ta ake tō pəntelēne kō pəpōṅ tante-ε?»

24 Pałkuse ṅa moloku: «Bawo aka Yisrayel ṅafati kēcāme danapa darəṅ dəkō MARIKI Kanu ka atem aṅan ṅanasək kō ṅa, nte enawurēne ṅa atōf ṅa Misira mō.

25 Bawo ṅaṅkō sō ṅacsalēne canu cəcuru, ṅactontnēne ci, canu nce ṅantōcərə mō, nce MARIKI ofōtōwose afum on kəcsalēne mō.

²⁶ Itō p̄antelene MARIKI nnō aka atōf ɲaɲe ɲayi mō, kō k̄awen̄are ɲa k̄away k̄alec n̄ke anacic d̄abuk bab̄akō disre mō f̄ap.

²⁷ MARIKI oɲgbuktu ɲa antōf ɲaɲan metele m̄apōɲ melec kō pucuy p̄eber-bere disre, k'el̄am ɲa atōf ɲocuru. Itō p̄ayine m̄akō tante.»

²⁸ MARIKI Kanu konu k̄ayō mes m̄me m̄aɲgb̄ap̄ne mō. S̄ana kō awut asu, s̄an'ot̄amp̄ar mes m̄me ament̄ar su mō, doru o doru nte t̄aɲs̄oɲe s̄ac̄ame moloku ma Sariye san̄se dar̄aɲ mō.»

30

Aka Yisrayel ɲaluks̄arne sō MARIKI

¹ «Kō moloku mam̄e f̄ap mendeb̄ap̄ am-ε, k̄apoc̄e p̄at̄ot kō k̄apoc̄e p̄alec n̄ke imboc̄ar am f̄ar kirin̄ mō, kō MARIKI Kanu kam endesams̄ar nu afum a tōf ya doru f̄ap dac̄o-ε, m̄ande m̄acc̄em-c̄emne mes mam̄akō,

² kō m̄aluks̄arne sō MARIKI Kanu kam, kō m̄anc̄ɲk̄al sō dim d̄on ab̄ak̄ac ɲam yosoku p̄es kō amera ɲam f̄ap-ε, m̄ana kō awut am p̄amō t̄akō iyi k̄alok'am ti m̄akō mō,

³ MARIKI Kanu kam eɲs̄ak̄p̄ar tetam, p̄aȳon'am n̄on̄of̄ar, p̄al̄oɲka nu sō k̄af̄o kin, MARIKI oɲwurene nu afum akō enasams̄ar nu dac̄o mō.

⁴ Ali t̄aȳone a asams̄ar nu d̄amon̄kubut ma doru, MARIKI Kanu kam eɲlek nu d̄ando p̄al̄oɲka nu nnō o nnō enasams̄ar nu mō.

⁵ MARIKI Kanu kam k̄aɲl̄uks'am sō atōf ɲɲe atem am ɲanabaɲ mō, m̄ana m̄agb̄ok̄are sō ɲi k̄abaɲ ɲaȳone ɲam. MARIKI p̄aȳon'am p̄at̄ot, p̄as̄oɲ'am sō k̄ala m̄atas atem am.

⁶ MARIKI Kanu kam k̄andes̄ok̄as ab̄ak̄ac ɲam, kō ab̄ak̄ac ɲa yuruya yam t̄as̄oɲe nu k̄aȳone ak̄on, nte t̄aɲs̄oɲe m̄ab̄ot̄ar MARIKI Kanu kam ab̄ak̄ac kō amera ɲam f̄ap mō, t̄aɲs̄oɲ'am k̄ayi doru.

⁷ MARIKI Kanu kam, k̄aɲwen̄are aterene am p̄alec p̄ap̄akō f̄ap, akō ɲanatef̄arn'am teta k̄at̄or̄as am mō.

⁸ Kō m̄ana, m̄andeluks̄arne, m̄andec̄aɲk̄al dim da MARIKI, m̄ac̄ame sō m̄osom m̄on f̄ap dar̄aɲ m̄me iyi k̄asom am m̄akō mō.

⁹ MARIKI Kanu kam k̄andelas am p̄at̄ot, p̄ates̄as yeb̄ac ya waca wam f̄ap, k̄aȳefe yokom ya kor kam, yokom ya ȳoc̄ol yam, yokom ya antōf ɲam, p̄andegb̄ok̄are sō k̄ab̄ot̄ MARIKI k̄aȳon'am p̄at̄ot, p̄amō t̄akō p̄enab̄ot̄ kō k̄aȳone ka atem am p̄at̄ot mō,

¹⁰ kō p̄aȳone m̄andec̄aɲk̄al MARIKI Kanu kam, m̄am̄eɲk̄arne mosom m̄on kō sariye s̄on n̄se ancic d̄abuk ba sariye m̄be disre mō, kō m̄andeluks̄arne MARIKI Kanu kam ab̄ak̄ac ɲosoku p̄es kō amera ɲam f̄ap-ε.»

Toloku ta Kanu t̄al̄t̄arne

¹¹ «Bawo tosom tante iyi k̄asom am m̄akō mō, toncuca f̄e k̄ac̄are, toncuca f̄e k̄alel̄as.

¹² Baf̄o darenc̄ k̄ayi, t̄as̄oɲ'am k̄ac̄loku: «An'endep̄ene su d̄ak̄om-ε, p̄akek̄are su, p̄as̄oɲe su k̄ac̄aɲk̄al ki, nte t̄aɲs̄oɲe s̄ac̄ame ki dar̄aɲ mō?»

¹³ Baf̄o ntende k̄aba m̄okuru k̄asom kan̄ke k̄ayi, t̄as̄oɲ'am k̄ac̄loku: «An'endecalene su ntende k̄aba m̄okuru p̄ak̄ok̄ere su, p̄as̄oɲe su k̄ac̄aɲk̄al ki, nte t̄aɲs̄oɲe s̄ac̄ame ki dar̄aɲ mō?»

¹⁴ Toloku tante t̄al̄t̄arn'am, t̄ey'im d̄akusu kō deb̄ak̄ac, nte t̄aɲs̄oɲe m̄ac̄ame ti dar̄aɲ mō.»

N̄aȳek-yek tin: Defi kō k̄ayi doru

¹⁵ «M̄am̄am̄an m̄ana Yisrayel, imboc̄ m̄akō f̄ar yam kirin̄ kiyi doru kō p̄at̄ot, defi kō p̄alec, m̄alek tin.

¹⁶ Nte iyi kəsom əm məkə mə, kəbətər MARIKI Kanu kam kə, məkət səpə sən, məmənkərne məsom mən, sariye sən kə məyə mən moku, nte tənşəne məyi doru, məkoməs, nkən MARIKI Kanu kam kəpoc'am pətət nde atəf nəkə mənkəbənj nşəyənə njam mə.

¹⁷ Mba kə abəkəc njam nşəkafələ, ta məncənkəl MARIKI, kə məsakne palinəs əm məctontnəne canu cəcuru, məcsaləne ci-ε,

¹⁸ iloku nu ti məkə, nənjməlkε, mataka monu məfəbələ antəf nşə mənkəbənj nşəyənə njam, kə mənkəcəpər Yurden-ε.

¹⁹ İlek məkə kəm kə antəf yəyən'em sede nnə nəyi mə. İmbocər əm fər kirinj kiyi doru kə defi, kəpocə pətət kə kəpocə pələc. Məyek-yek kiyi doru nte tənşəne məyi doru mənə kə yuruya yam mə,

²⁰ məcbətər MARIKI Kanu kam, məccənkəl kə, məckotərne kə. Nkən şəyənə kiyi wəyən kam kə kawon kam doru, nte tənşən'am kənde antəf nşə MARIKI Kanu konu ənaderəm kəsən atem anu, Abraham, Siyaka kə Yakuba mə.»

31 Defi da Musa

31-34

Yosuwe şəyənə wəcənc ka Musa

¹ Kə Musa şəkə pələku moloku məmə fəp aka Yisrayel,

² pələku nja: «İsətə məkə meren tasar tin kə wəcə mərənj (120), ifəsətam tes o tes, kə MARIKI oluk'im: «Məfəcali nnə Yurden yayε.»

³ MARIKI Kanu kam yati, endesol'am, pəmələk afum aka təf yayəkə fəp, mənə məkə məbənjər nja ntəf yanən. Yosuwe nkən sə pəsol'am, pəmə təkə MARIKI oloku ti mə.

⁴ MARIKI endekəyə afum akakə pəmə təkə ənayə Sihən kə Ɔk abε a Amor kə atəf njanən, k'εmələk nja mə.

⁵ MARIKI endekələk nja pəbər nu dəwaca, nəyə nja pəmə tosom fəp təkə isom nu mə.

⁶ Nəyə səkət nəbəkne! Ta nənesε ta nəyikcε fər yanən kirinj. MARIKI Kanu kam yati osol'am, əfsək əm, əfsim'am.»

⁷ Kə Musa ewe Yosuwe, k'oloku kə fər ya aka Yisrayel fəp kirinj: «Məyə səkət, məbəkne, bawo mən'endekəbεε atəf nşə MARIKI ənaderəm kəsən atem anən mə, mən'endekəyər nja nji kε.

⁸ MARIKI osol'am. Nkənsərka yati nəndekəsol, əfədesək əm, əfədesim'am. Ta mənesε, ta dis dələl əm.»

Kəkarən ka sariye teren ta camət-mərənj fəp

⁹ Kə Musa encicəs sariye sasəkə, k'əsən si alənne, awut əLewy ənşə nşəyənə ağbənne kənərə kəsələn ka danapa da MARIKI kə aka Yisrayel mə, kə abeki aka Yisrayel fəp.

¹⁰ Kə Musa osom nja nte: «Dəkələpsər da meren camət-mərənj ndε o ndε, təm nte əmbonc kənənne səbe mə, kəsata ka Cələnğbe,

¹¹ kə aka Yisrayel fəp njaneder kədəmentərne MARIKI Kanu kam fər kirinj, ndε kəfo kənəkə endementər mə, məkarənne aka Yisrayel fəp sariye sanşε.

¹² Mələnka afum, arkun, aran kə awut kəbər ka acikərə akə nşəyə sədare sam, nte tənşəne nşəne ti, nşətəkəs kənnesε MARIKI Kanu konu mə, nte tənşəne sə nşəmənəkərne kəcəmə kə moloku ma sariye sanşε fəp darən mə.

¹³ Ti disrε awut anən ənşə nşəntəcərə mi mə, nşəne mi, nja sə nşətəkəs kənnesε MARIKI Kanu konu mataka ma kəyi konu doru fəp mme nəndende antəf nşə nəndəkəbənj nşəyənə nşənə, kə nəndəkəcali Yurden-ε.»

Aka Yisrayel ηandegbayme Kanu

¹⁴ Kɔ MARIKI oloku Musa: «Mata mam mefi mɔlɔtɔrne. Mɔwe Yosuwe nɔkɔ nɔcɔme nde aηgbancan ηebɔpɛne kɔ Kanu, ikɔ idɔs kɔ, isɔη kɔ mosom mem.» Musa kɔ Yosuwe ηaηkɔ ηacɔme nde aηgbancan ηebɔpɛne kɔ Kanu.

¹⁵ Kɔ MARIKI owurɔr ηa dɔndo danηbancan, dɔkɔp, kɔ kɔp kɔηkɔ kɔcɔme dɔkusunηka ka aηgbancan.

¹⁶ Kɔ MARIKI oloku Musa: «Mɔnɔηk, kɔfi kɔ mɔnder. Kɔ defi dam dencepɔr-ε, afum akanηe ηandesak im ηacamsɔrne canu cɔcikɔra, canu ca nde atɔf ηɔkɔ ηaηkɔberɛ mɔ. Nɔndekɔsak im, ηandekɔcopu danapa dem nde sɔnasek kɔ ηa mɔ.

¹⁷ Dɔsɔk dadɔkɔ, pɔndetɛl'em nno ηayi mɔ. Ina sɔ indesime ηa, ibɛr ηa kumunt kem. Andewatɔri-watɔri ηa. Pɔlɛc kɔ pɔcuca pɛlarɔm pɛndebɔp ηa. Nɔaloku: «Bafɔ nte Kanu kosu kɔntɔyi su dacɔ mɔ, tɔ mes mɛlɛc mame mɔηsɔtɔ su ba?»

¹⁸ Kɔ ina, indeber ηa kumunt kem dɔsɔk dadɔkɔ, teta pɔlɛc pɔkɔ ηandeyɔ mɔ fɔp, kɔkafɔlɛ kɔηan ηacsalɛne canu cɔcuru.

¹⁹ Ndekɔl oη nɔcic telen nte. Mɔtɔkse ti aka Yisrayel, mɔber ηa ti dɔcusu, telen tantɛ tedeyɔn'em sede sa pɔlɛc pa aka Yisrayel.

²⁰ Bawo indekɔberse afum akanηe antɔf nηe inadɛrme atem aηan kɔsɔη ηa mɔ, antɔf nηe ηombɔη dalɛ k'awɔp mɔ. Nɔndekɔ ηacdi yeri ηacnɛmbɔrɛ, ηatɔf. Kɔ ηalip-ε, ηakafɔlɛ ηatɛfɔrne oη canu cɔcuru nce ηandekɔ ηacsalɛne, ηacfɔr-fɔrɔs im, ηacɔpu danapa dem nde sɔnasek kɔ ηa mɔ.

²¹ Kɔ pɔlɛc kɔ pucuca pɛlarɔm pɛndebɔp ηa-ε, telen tantɛ tendeyɔne sede kɔmentɔr kance ka mes mɛlɛc maηan, bawo yuruya yanηan ηafɔdepɔlɔr ti. Intakekɔrɛ fɛ ηa atɔf ηɔkɔ inadɛrɔm kɔsɔη ηa mɔ, mba incɔrɛ mɔkɔ tantɛ, nte tɛyi ηa dɔbɔkɔc mɔ.»

²² Dɔsɔk dadɔkɔ dɔ Musa encic telen tantɛ, k'entɔkse ti aka Yisrayel.

²³ Kɔ MARIKI osom Yosuwe wan ka Nun, k'oloku kɔ: «Mɔyɔ sɔkɔt mɔbɔkne, bawo mɔn'ɔηkɔberse aka Yisrayel atɔf nηe inadɛrɔm kɔsɔη ηa mɔ. Ina yati in'endesol'am.»

²⁴ Nte Musa elip kɔcicɔs moloku ma sariye saηse fɔp dɔbuk mɔ,

²⁵ k'osom aLewy aηe ηancgbanηe kɔηkɔra kɔselɛη ka danapa da MARIKI kɔ aka Yisrayel mɔ:

²⁶ «Nɔlɛk buk ba Sariye mbe, nɔbɔc bi kɔηkɔra kɔselɛη ka danapa da MARIKI Kanu konu kɔsɔk. Bi bendeyɔne sede kɔmentɔr kance nno aka Yisrayel ηayi mɔ.

²⁷ Bawo incɔrɛ tɔkɔ nɔntaη lɔηɔs kɔ nɔyɛηkɔsɔbomp mɔ. Kɔ nɔyɛηkɔr MARIKI sɔbomp tɛm nte isɔrɔyi doru-ε, cɔke cɔ nɔndeyi k'indeɛfi-ε!

²⁸ Ndekɔl oη, nɔlɔηkan'em abeki a cusunηka conu fɔp, k'atubuc mes anu. Iloku moloku mame fɔr yanηan kirin, ilek sɔ kɔm kɔ antɔf yɔyɔne nɔna kɔ MARIKI dacɔ sede.

²⁹ Bawo incɔrɛ a k'indeɛfi-ε, nɔndetalɔrne: Nɔndebɔlɛne dɔpɔ dandɛ imentɔr nu mɔ. Tɛm tatɔkɔ pɔlɛc pɛndeder nu, kɔ nɔndegbɛkɔl MARIKI dɔmɔyɔ monu ma dɔwaca, nɔcyɔ mes mɔkɔ mɔntɔtesɛ kɔ mɔ.»

Telen ta Musa

³⁰ Kɔ Musa ɔηkɔ pɔlɔku moloku ma telen tantɛ kɔlɔηkanɛ ka aka Yisrayel fɔp fɔr kirin.

32

¹ «Kɔm, mɔsu alɔηɔs, ilok-loku!

Antɔf, mɔcɔηkɔl moloku ma kusu kem! Nɔyɔn'em sede!

² Kanu kəsənɛ metəkse mem mesamsər pəmɔ nte wəcafən endetufər yəbɔf mɔ,
 Kanu kəsənɛ a toloku tem tɛgbələr pəmɔ kibi,
 pəmɔ təkɔ mewiy-wiy mendenɛ yika yobuk kəronɔ,
 pəmɔ nte məbɛlək mendetufər yəbɔf ya dale mɔ.

³ Kəkor-koru k'inder tewe ta MARIKI.

Nəyek-yekəs debeki da Kanu kosu!

⁴ Nkən eyi pəmɔ asar.

Yɛbəc yən yentesɛ tɛm fəp,

bawo səpɔ sən fəp səlomp.

Kanu kɔ nkɛ kəntəsəkpər mɔ, nkɛ kəntəyɔ pətəlomp mɔ.

Kanu kɔ nkɛ kəntəmpər kance kɔ pələmpu mɔ.

⁵ Mba mənə aka Yisrayel nəntalərne nnɔ MARIKI eyi mɔ, nəyənɛ fɛ sɔ awut ən!
 Pəyikyik paɲan pɔ.

Dɛtɛmp dɛlɛc donutəsne dɔ.

⁶ Nəna afum atonkulu, atəcərə kəkətene mes,

tantɛ tɔ pəmar nəyɔ MARIKI ba?

Bafɔ wisi əyənɛ MARIKI, nwe owur'am doru mɔ ba?

Bafɔ nkən olompəs əm k'ɛlək əm kɔ məyənɛ fum kən ba?

⁷ Nəcem-cəmnɛ mata məkɔ mənacɛpər pəwon mɔ,

Ta nəpələr meren ma dɛtɛmp kɔ dɛtɛmp dəkɔ dɛnacɛpər mɔ,

Məyifət wisi, endekələmər əm ti,

abeki anu ɲandekəlɔku nu ti.

⁸ Nte Kanu nkɛ kəyi ca ya doru fəp kəronɔ kənasənəs afum a tɔf ya doru kɛ,

ntɛ ɛɲgbɛy afum a doru tɔf tɔf mɔ,

k'ombocɛ ɲa cələncər,

təkɔ mələkɛ ma Kanu məlanenɛ mɔ.

⁹ Kɔ MARIKI ɛlək aka Yisrayel ɲayənɛ aka nkən,

yuruya ya Yakuba yənayənɛ kɛ kən.

¹⁰ Nde dətɛgbərə MARIKI ɛnabəp nəna yuruya ya Yakuba,

nde antɔf ɲɛ ɲyɔ yer-yer, mənɛ pukulɛ-kulɛ pa canda pəkɔ yənayi dacɔ mɔ.

Kɔ MARIKI ombum yi, k'ondusum yi,

k'ɛɲgbəkərə yi pəmɔ dɔfər dən.

¹¹ MARIKI eyi nnɔ aka Yisrayel ɲayi mɔ pəmɔ nte asiksik ɲentimi awut a ɲi mɔ,

MARIKI ombum aka Yisrayel pəmɔ nte asiksik ɲombum awut a ɲi mɔ,

ɲemperi banca nte tənɔɲɛ wan ka ɲi pədenɛ yi kəronɔ mɔ,

ɲɛdɛɲɛ wan ka ɲi dəbanca.

¹² MARIKI sona gbɔɲ ɛnasolɛ afum ən,

ali kanu kəcuru kin kənamar fɛ kɔ.

¹³ K'ɛfɛlərənɛ ɲa k'ɔɲkɔ pədəs mofɔ mənɛci tadarəɲ,

ɲacdi yokom ya dale.

Pəcməsərə ɲa məsɛ ma cəmə mme moncwur masar dacɔ mɔ,

kɔ moro ma antɔf ɲa masar,

¹⁴ pəcməsərə ɲa məsɛ medirɛ ma cəna, məsɛ məcaɲki ma ɲkesiya kɔ cir,

kələkənɛ sɛm yobonɔ ya ɲkesiya yowut, ɲkesiya ya Basan kɔ mbiyofɔ.

Məcɔdi yeri yɔtɔt nyɛ ancoɲɛ mɛɲgbɛn mɔtɔt mɔ,

məcmun sɔ wɛn wɔtɔt wa yokom ya ɲgbɔɲkələ yam.

¹⁵ Yesurun endetəf ɔɲ, k'ɛyɛfɛ kəsime Kanu.

Nte Yisrayel ɲanasɔtɔ nte o nte ɲanafan mɔ, kɔ ɲantanɔ ləɲəs!

Daka danɲan dəsɔɲɛ ɲa kətəf, kɔ ɲasak Kanu nkɛ kələmpəs ɲa mɔ,

kɔ ɲance Kanu nke kəyɔne togbu taɲan mpe pəyɔne wəyac kəɲan mɔ.

16 Aka Yisrayel ɲancsɔɲe MARIKI kəyɔ kəraca teta canu cəcuru.

Ŋacdəktəre sɔ MARIKI pəyikyik mpe pəyɔne mɛrəɲka mɔ.

17 Ŋasak kəlɔɲne Kanu, ɲaclɔɲne yɔɲk yeɛc nye yəntəyɔne Kanu mɔ,

canu nce ɲanatɔcəre mɔ,

canu nce cəntɛp kəcder ndekəl mɔ,

nce atem anu ɲanatɔcəre mɔ.

18 Mance Kanu nke kəsɔɲe k'əɲkom əm mɔ,

məmpələrne Kanu nke kəsɔɲ'am kəyi doru mɔ,

nke kəyɔne togbu pətɔt pa kiyi kam wəyɛɲ.

19 Nte MARIKI ɛnəɲk nte awut ɔn ɲaɲfər-fərəs kɔ mɔ,

it'ɔsɔɲe k'əsime ɲa.

20 Kɔ MARIKI oloku: «Indelukus ɲa darəɲ,

imɔmən teləpsər taɲan!

Deɛmp dɛtalərne dɔ,

awut ɲɔ aɲe antɔtam kəgbəkər kəlan ɲɔ.

21 Ŋaɲsɔɲ'em kəyɔ kəraca teta pəkɔ pəntəyɔne Kanu,

ɲasɔɲ'em mɛtele teta mɛrəɲka maɲan mme məntəyɔ dəkəcəme mɔ.

Ina sɔ kəsɔɲe ɲa k'inder kəyɔ kəraca teta atɔf ɲa afum aɲe ɲantəyɔ dəkəcəme mɔ,

teta atɔf ɲa afum atɔɲkulu t'indəsɔɲene ɲa mɛtele.

22 Ey, nɛnc da mɛtele mem demar,

dəncɔf haɲ kɔ dɛbəp aka dabiya,

dəncɔf antɔf kɔ yokom ya ɲi fəp,

nɛnc ndɛ dəncɔf tantɔf ta mɔrɔ mɔ.

23 Indedɛɲsər ɲa pələc,

ɲa ɲ'indelip kələmər cəbəlma cem.

24 Dor dendələs ɲa dis, fiba fəsəm ɲa fəlip,

docu dɔpɔɲ d'indewənəre ɲa.

Sem ya dɔp y'indewənəre ɲa,

kɔ məkən ma yeliɲe-liɲe yeɛc!

25 Kɔ ɲawur doru-ɛ, aterɛne aɲan ɲadife awut aɲan dakma,

kɔ wɔlə waɲan disre-ɛ, aterɛne aɲan ɲade ɲacsɔɲe ɲa kənese kəpɔɲ.

Afum fəp ɲandefi, kəyɛfe wəɛmp kɔ wəyɛcərə,

kənaka kɔ wətem.»

26 K'iloku: «Kifir kin k'indesamsəre ɲa,

indenim kəcem-cemne ka mewe maɲan afum a doru daco!»

27 Mba ifɔwosɛ wəterɛne kəɲan pəfan'im.

Ta aterɛne aɲan, ɲadecem-cemne a ɲa ɲasɔɲe ɲa kəməlke,

ta ɲadeloku: «Waca wosu wəyɔ fənəntər,

bafɔ MARIKI ɔyɔ mame fəp!»

28 Bawo aka Yisrayel, afum ɲɔ aɲe mosumpər maɲan məntələpsər mɔ,

ɲasək fe səbomp.

29 K'aka Yisrayel ɲacərə kəkətene mes-ɛ,

ɲancərə nde mame fəp mɛɲkəkərə ɲa mɔ.

30 «Kɔ pəntəyɔne Kanu togbu paɲan pɛcaməs ɲa-ɛ,

kɔ pəyɔne fe a MARIKI ɔsɔɲ ɲa aterɛne aɲan dəwaca-ɛ, cəke cɔ wəterɛne wəkin

gbɔɲ ɛntam kəbələs aka Yisrayel wul win-ɛ (1.000)?

Cəke cɔ aterɛne aɲan mɛrəɲ, ɲantam kəbələs afum aka Yisrayel wul wəco-ɛ

(10.000)?

31 Kanu togbu pa aka Yisrayel kəyi fə pəmō kanu togbu paŋan, aterene asu yati ŋancəre ti.

32 Aterene anu ŋayi pəmō afum alɛc nde sədare sa Sodom kō Komora mō: Mes maŋan mowurene cek ya yokom ya ŋgbəŋkələ ya wen yayəkō yondokte kō yeŋkəntəŋ mō.

33 Wən wa yi, məkən ma niŋkinaŋka mō, məkən meyeŋki ma aŋkisin mō.

34 Bafō tɛfaŋ tem tante t'ina MARIKI ifəkərne dəbəkəc ba?

Bafō iməŋkərne dəbəkəc tōyō nte indeyō aterene anu mō pəmō nte fum encaŋər yōsōtō yōn kumba mō ba?

35 In'otəmpər ŋ kəlukse ayek kō kəway ka pələc ka aterene anu, tem nte wɛcək waŋan wende wecyikcə mō!

Dəsək da pələc paŋan dələtərne kəbər ŋa, teləpsər taŋan teyi kəbəlkar.»

36 «Ey, MARIKI endeboce afum ɔn kiti kəlompu,

endeyōne amarəs ɔn nənɔfər,

k'endenəŋk təkō səkət saŋan səlip mō,

təm nte wəcar ɔntədeyi, ta wəyi yeŋən eyi pəyac ŋa mō.

37 MARIKI pəyif aterene anu: «Deke canu conu cəyi-e, nce cəbum nu mō,

38 canu nce cəncsəme nu sɛm yobonju ya yolonje mō,

canu nce cəncmunɛ nu wen wa yolonje mō-ɛ?

Canu cacəkō cəyɛfɛ cəyac nu!

Canu cacəkō cəyɛfɛ cəbum nu!»

39 Ndekəl ŋ, nənəŋk ina sona gbəŋ ɔyōne Kanu, kələma kəyi fə sō, kō pəyōne fə ina-ɛ!

In'əŋsəŋe kəyi doru, in'əŋsəŋe kəfi,

In'ombopər, in'əŋsəŋe kətamnɛ,

ali fum ɔfətam kəbaŋər im nwe inšumpər mō.

40 Bawo indot kəca kem darenc k'inderəm, icloku:

«Kanu k'iyōne nke kəyi wəyeŋ, nke kəyi doru o doru mō.

41 K'iwotər dakma dem haŋ kō domot,

išumpər di teta kəboc kiti-ɛ,

inlukse ayek nno aterene em ŋayi mō,

isəŋ sō akō ŋanter im mō kəway ka pələc paŋan.

42 Indecisəse cəbəlma cem mecir ma aterene em,

dakma dem degbint-gbinti dis da aŋe inšumpər mō,

kələkɛne ka domp da akirin a aterene em.

Indelon mecir ma aŋe ambopər kō aŋe ašumpər mō.»

43 O Kəm, nəkul-kulɛne pəbotu Mariki! Nəna canu fəp, nətontne fər ya MARIKI kirin!

bawo eyi kəlukse ayek ŋa awut ɔn,

kəlukse kō Kanu kənder ayek nno aterene ɔn ŋayi mō,

kəsəkəs k'endɛ antɔf ŋən, pəsəkəs afum ɔn kiciya kəŋan.»

44 Musa kō Hose wan ka Nun ŋaŋkō ŋaloku moloku ma telen tante fəp aka Yisrayel fər kirin.

45 Nte Musa elip kəloku moloku ma telen tante aka Yisrayel fəp fər kirin mō,

46 K'oloku ŋa: «Nəbərne moloku mame iloku nu məkō mō dəbəkəc, nəde nəctəkse mi awut anu, nte təŋsəŋe ŋade ŋaməŋkərne kəcəme ka moloku ma sariye saŋse fəp darəŋ mō.

⁴⁷ Bafɔ toloku tefəli tɔ nnɔ nɔyi mɔ, mba kiyi wəyɛŋ konu kɔ! Toloku tante t'endekɔŋɛ nu kəwon doru antɔf nɛ nɛŋkɔban, kɔ nənɛpɛr Yurdɛn-ɛ.»

MARIKI ɛndɔŋk defi da Musa

⁴⁸ Dɔsɔk dadɔkɔ yati dɔ MARIKI oloku Musa:

⁴⁹ «Mɛpɛ nde mɔrɔ ma Abarim, nde atɔf ɲa Mohab. Mɛpɛ tɔrɔ ta Nebo kəron nde pɔntɛfɛrɛnɛ kɔ Yeriko mɔ. Mɛkɔ məmɔmən atɔf ɲa Kanan, nɛɛ impocɛ aka Yisrayel ɲɔyɔnɛ ɲaŋan mɔ.

⁵⁰ Tɔrɔ tatɔkɔ mɛŋkɔpɛ mɔ, difɔ mɛŋkɔfi, mɛkɔ mɛbɛp atem am, pɛmɔ ntɛ Aruna wɛbɛk'am ɛnafi nde tɔrɔ ta Hor, k'ɔŋkɔ pɛbɛp atem ɔn mɔ.

⁵¹ Bawo Aruna kɔ mɛna Musa, nənalelɛs f'em fɔr ya aka Yisrayel kirin teta domun da Meriba, nde Kadɛs, nde tɛgbɛrɛ ta Cin. Nənamentɛr fɛ fɔr ya aka Yisrayel kirin a in'ɔyɔnɛ Kanu kəsoku yati.

⁵² Mɛŋkɔnɛŋk atɔf ɲaŋkɔ fɔr yam kirin, mba mɛfɔdekɔbɛrɛ atɔf ɲaŋkɔ isɔŋ aka Yisrayel mɔ.»

33

Musa ontola Kanu kəpocɛ pətɔt aka Yisrayel

¹ Kəpocɛ pətɔt nke kɔ Musa fum ka Kanu ɛnatolanɛ aka Yisrayel, a pɛɔfi.

² Kɔ Musa oloku:

«Kɔ MARIKI ɛyɛfɛ tɔrɔ ta Sinayi,

k'ɛyɛfɛ aka Yisrayel kəron pɛmɔ ntɛ dec dɛmpɛ atɔf ɲa Sehir mɔ.

Kəyɛfɛ nde tɔrɔ ta Paran, k'omot aka Yisrayel nɔrɔ,

k'ender nnɔ afum ɔn ɲayi mɔ, mɛlɛkɛ mosoku wul wɔcɔ (10.000) mɛkɛl kɔ.

Pətɔmpɛr dɛkɛca sariyɛ sɛmotɛr-motɛr.

³ ɛy, MARIKI ɔmbɔtɛr afum ɔn acempi,

aɲɛ ampus mɔ fɛp ɲayi kɔ dɛkɛca.

Ŋancɛmɛ mɛna MARIKI dɛntɔf,

kɔ ɲawosɛ moloku mam.

⁴ Sariyɛ nɛɛ Musa osom su mɔ,

kəlonkɛnɛ ka Yakuba, afum a Yisrayel ɲayɔ si!

⁵ MARIKI ɛnɔyɔnɛ wɛbɛ ka Yesurun afum ɛm,

tɛm ntɛ abɛ aka Yisrayel ɲanlonkɛnɛ kɔ cusuŋka cəŋan mɔ.»

⁶ Kɔ Musa ontolanɛ cusuŋka ca Yisrayel ntɛ:

«Kanu kəsɔŋɛ a kusuŋka ka Ruben kəyi doru, ta kəlip,

ali tɔyɔnɛ afum ɔn ɲapicɛ!»

⁷ Kɔ Musa oloku teta kusuŋka ka Yuda ntɛ:

«MARIKI, mɛcɛŋkɛl dim da Yuda,

Məlonpɛs aka kusuŋka ka Yuda dacɔ kɔ cusuŋka cəlpɛs ca Yisrayel!

Məsɔŋɛ waca wanɲan wɛyac ɲa.

Mɛna MARIKI mɛyɔnɛ wɛyac kəŋan nnɔ atɛrɛnɛ aŋan ɲayi mɔ!»

⁸ Kɔ Musa oloku teta kusuŋka ka Lewy ntɛ:

«MARIKI, məsɔŋ masar ma kiti mam *Tumim* kɔ *Yurim* amarɛs am aka kusuŋka ka Lewy,

aɲɛ mənawakɛs Masa mɔ, aɲɛ mənɛtɛnsɛr kɛcɔp nde domun da Meriba kəsɛk mɔ.

⁹ Nwɛ ɔŋloku teta kas kɔ kɛrɛ mɔ:

«Ifɔmɔmən ɲa!»

Nwɛ ɔntɔcɛrɛ awɛnc aŋa mɔ,

ta encære awut ɔn mɔ,
bawo ɲamenɲkærne toloku ta mæna MARIKI,
kɔ ɲatɔmpærne sɔ danapa dam.

¹⁰ ɲatæksɛ afum a Yakuba mɔyɔ mokur mam,
ɲatæksɛ aka Yisrayel sariye sam!
ɲasɔɲ'am kæne ambɔnc ɲa suray,
ɲasɔɲ ɔm polonɲe pɔcɔf pɔm nde dɔtetek tolonɲe tam kɔronɲ!

¹¹ Məpocɛ sɔkɔt sa kusunɲa ka Lewy pətɔt, MARIKI,
məpocɛ sɔ mosumpær mɔn pətɔt!

Mətepi məkɔc ma aɲɛ ɲaɲjektər aLewy kəyɛfərəne mɔ,
kɔ akɔ ɲanter ɲa mɔ. Ta ɲatam sɔ kəyɛfɛ!»

¹² Kɔ Musa oloku teta yuruya ya Bɛɲyamin, nte:
«Abɔt aka MARIKI ɲɔ,
ɲayi kubum kɔn dantɔf.
MARIKI ombum ɲa dɔsɔk o dɔsɔk,
eyi ɲa dacɔ tɛm fəp.»

¹³ Kɔ Musa oloku teta kusunɲa ka Isifu nte:
«MARIKI ɔsɔɲ kəpocɛ kətɔt antɔf ɲaɲan,
Kibi ka darenc kənde kəctufər antɔf ɲaɲan,
kɔ domun nde dende kəcpɛ kəyɛfɛ ka dantɔf mɔ.

¹⁴ Dec dɔɲsɔɲɛ yɔbɔf kəronɲ,
ɲɔf o ɲɔf yokom yɔfu yɔɲlɔl.

¹⁵ MARIKI ompocɛ ɲa yokom yɔtɔt ya antɔf ɲa mɔrɔ mokur,
kɔ kəctesɛ yɔbɔf mofo meɲɛci ma tɛm tobol-bolu.

¹⁶ MARIKI pəsɔɲɛ daka da antɔf ɲɔtɔt dadɔkɔ,
kɔ kəmar ka Kanu nke kənalok-lokər Musa dɛrɛntəm mɔ,
daka dadɔkɔ dɛlarɛ kusunɲa ka Isifu,
nkɔn nwe anapus awɛnc aɲa dacɔ mɔ!

¹⁷ Isifu ɔyɔ pələl pəmɔ tura pɔcɔkɔ-cɔkɔ pa yɔcɔl ya cəna.
Lɛn yɔn mɛrɔɲ yɔyɔ fənɔntər pəmɔ lɛn ya wana wa dop,
iy'ɛɲwɛnsɛ afum a doru fəp, haɲ nde doru dɛləpsər mɔ.
Kəlɛn kin, kənaɲ kəpɔɲ ka yuruya ya Efrayim kɔ,
kɔ kəlɛn ka mɛrɔɲ, afum wul wul aka kusunɲa ka Manase kɔ.»

¹⁸ Kɔ Musa oloku teta aka cusunɲa ca Sabulon kɔ Isakar nte:
«Sabulon, kəwur kam delek kəbɔt ɔm,
kɔ mæna Isakar mənɔnɛ pəbotu nde abal ɲam disrɛ!

¹⁹ ɲandewe cusunɲa ca Yisrayel nde tɔrɔ taɲan kəronɲ,
ɲaɲkɔ ɲaɔlonɲɛ di yolonɲɛ nyɛ sariye səlɔku mɔ,
bawo dəkəba ɲandekɔ ɲacwure daka danɲan,
kɔ daka dɔkɔ dɔɲgbɔpne dəkəsənc mɔ.»

²⁰ Kɔ Musa oloku teta yuruya ya Kadu nte:
«Iyek-yekəs MARIKI nwe ɔsɔɲ yuruya ya Kadu antɔf ɲowokəlu mɔ!
ɲa aɲɛ ɲaɲɲinɛ pəmɔ kusunɲaku kəran mɔ,
ɲa aɲɛ ɲaɲwatəri-watəri kəyɛfɛ dəkəkək haɲ dərɔmp mɔ.

²¹ Kusunɲa ka Kadu kəyɛk-yek antɔf ɲɔtɔt ɲa atɔf,
k'ɛmɛɲkærne daka pəmar wəbɛ pəsɔtɔ mɔ.
Nkɔn eyi aka Yisrayel kirinɲ,
k'ɔɲkɔtɛnɛ mɛfaɲ ma MARIKI dolompɔ disrɛ,

k'əŋkətene sariye sən nnə aka Yisrayel ŋayi mə.»

²² Kə Musa oloku teta kusunĵka ka Dan nte:
«Dan kusununĵku kəwut kə,
nke kəŋgbəpərne kəyefe nde atəf ŋa Basan mə.»

²³ Kə Musa oloku teta aka kusunĵka ka Naftali nte:
«Kusunĵka ka Naftali kəne mbəre kəmar kə kəlare kəpocə kətət ka MARIKI.
Naftali, məwəkələs atəf ŋam ntende dec deŋkale, kə ntende kəca kətət ka nde
dec dempe mə!»

²⁴ Kə Musa oloku teta aka kusunĵka ka Aser nte:
«MARIKI pəpocə Aser pətət awut a Yakuba daco!
Pəsətə kəmar ka kəbətər ka awenc aŋa,
delay da moro dəsəŋe Aser pəgbət mi wecək wən!

²⁵ Aser, Kanu kəpoc' am a məyi kumba ka fēc kə kəpər darəŋ.
Kanu kəsəŋ kusunĵka kam səkət kəyi kam doru fəp!

²⁶ Ali kanu kələma kəwurene fe kə Kanu ka nəna Yesurun afum em,
nke kəncal-cali darenk kədemar nu,
nke kəncepərene kəm debeki dən disre mə.

²⁷ Kəyefe kəcop ka doru o doru Kanu kəyənə dəkəyacne donu,
təm fəp eyi yəbəc ya kəbum nu.
Fər yam kirin k'embeləs wəterene kam,
kəcloku: «Mədifət!»

²⁸ Aka Yisrayel nəyi kubum disre,
Yuruya ya Yakuba ŋandə tacinĵa
nde atəf ŋa məŋgbən kə member ma wən,
antəf nŋe kibi kəntufər kəŋyefe darenk mə.

²⁹ Pəmbət nu nəna aka Yisrayel!
Are ŋayi pəmə nəna-ε?
Nəna nəyənə afum aŋe MARIKI εyac mə.
MARIKI əyənə nu aca nŋe ŋeŋyac nu mə,
əyənə dakma nde dəsəŋe nu kətam aterene anu mə.
Aterene anu ŋandeder ŋaletsene nu kəŋaŋne,
mba nəndenas-nas dofum danĵan.»

34

Defi da Musa

¹ Kə Musa empe kəyefe ka Araba nde Mohab kəkə ka tərə ta Nebo, telempən
pə Piska, nde pəntefərene kə Yeriko mə. Kə MARIKI əsəŋe kə kənəŋk atəf ŋaŋəkə
fəp: Kəyefe Kalad haŋ Dan,

² Naftali fəp, atəf ŋa Efrayim kə ŋa Manase, atəf ŋa Yuda fəp haŋ nde kəba
Kəpəŋ ntende dec deŋkale mə,

³ kəbəp ka atəf ŋa Nəkəf, kə aranta ŋa Yurdən kəbəp ka Yeriko dare da komp,
haŋ Cohar.

⁴ Kə MARIKI oloku Musa: «Atəf ŋaŋe ŋ'inaderme atem am Abraham, Siyaka
kə Yakuba, icloku ŋa: «Indəsəŋ atəf ŋaŋe yuruya yam.» Isəŋ'am ŋi kənəŋke fər
yam, mba məfədeberε di.»

⁵ Kɔ Musa wəmarəs ka MARIKI efi dāndo atɔf ŋa Mohab, pəmɔ tɔkɔ MARIKI enasom ti mɔ.

⁶ Kɔ MARIKI owup kɔ mɔrɔ dacɔ, nde atɔf ŋa Mohab, nde pəntefərəne kɔ Bet Peyɔr mɔ. Ali fum encərə fe kufu ka Musa hanj mɔkɔ.

⁷ Musa enasɔtɔ meren tasar tin kɔ wəco mɛrəŋ (120) nte encfi mɔ. Fɔr yɔn yencnəŋk belbel pəyɛŋk sɔ dis.

⁸ K'aka Yisrayel ŋambok Musa mata wəco maas (30), nde Araba ŋa Mohab, ti disre kɔ mataka ma kəbok kɔ kəbal ka Musa melip.

⁹ Yosuwe, wan ka Nun enalare amera ŋa kəcərə kəkɔt, bawo Musa enadenjər kɔ waca. K'aka Yisrayel ŋacəŋkəl kɔ, kɔ ŋancəme moloku mme MARIKI enasom Musa mɔ darəŋ.

¹⁰ Kəyefe tatɔkɔ, ali sayibe səyefe fe sɔ Yisrayel pəmɔ Musa, sayibe nse MARIKI enacərə, ŋaclok-lokərəne gbasŋa kɔ wəkayɔ mɔ.

¹¹ MARIKI enasom kɔ kəkəyɔ megbəkərə mɛwɛy-wɛy atɔf ŋa Misira fɔr ya firawona, abe aka kəɔ kɔn disre kɔ afum a atɔf ŋɔn fəp kirin.

¹² Mes mɔpəŋ kɔ mɛwɛy-wɛy mme Musa enayɔne kəca ka səkət fɔr ya aka Yisrayel fəp kirin mɔ.

Yosuwe Kəberε: Toloku nte Kanu kənaloku Aḡnabi Yosuwe mə

Moloku melarəm teta kətabu kanke, ancicəs taruku ta aka Yisrayel dəcətabu cəlarəm disrε. DəTawureta Musa ancop. Afum apəḡ a Yisrayel, Aḡnabi Abraham, Aḡnabi Siyaka, Aḡnabi Yakuba, kə awut ən wəco kə mεrəḡ (12) fəp faḡan dəkətabu kəcəkə-cəkə ka Tawureta Musa aḡnəḡk pi, mpe aḡwe «Dəkəcop» mə. Dəkələpsər da kətabu kanke dementər su təkə aka Yisrayel ḡanabəp atəf ḡa Misira mə.

Kətabu ka mεrəḡ ka Tawureta Musa nke aḡwe «Kəwur» mə, taruku ta Aḡnabi Musa ə toncop. Kə Kanu kəsəḡe k'aḡkom kə atəf ḡa Misira, nte təḡsəḡe pəwure afum a Yisrayel dacar mə.

Nte aka Yisrayel ḡancali Kəba ka Cəḡkəlma kəmar ka mes mεwεy-wεy mme Kanu kənamentər mə, kə ḡamberε dətεgbərə. Atəf ḡa Kanaḡ ḡə Kanu kənafan kəkəkərə ḡa, nde kənadərme aYisrayel kəsəḡ ḡa mə. Kətabu ka maas ka Tawureta Musa «Buk ba Aloḡne», ka maḡkəle «Kələm», kə ka kəcamət «Sariye sa Mεrəḡ», cətabu cancε fəp caloku teta marənt ma aka Yisrayel nte MARIKI kənawure ḡa dacar nde Misira mə. Kəwon ka afum aka Yisrayel dətεgbərə kənasətə meren wəco maḡkəle a ḡadebəp atəf ḡa Kanaḡ. Kətəlan kəḡan kənasəḡe ḡa kəwon di.

Nte ḡanayefe kəcali kəḡgbəkə ka Yurden, ḡabere atəf ḡa Kanaḡ mə, kə Kanu kəluku aka Yisrayel a Yosuwe pəyone ḡa wəkiriḡ dəkəcəme da Aḡnabi Musa. Kə Aḡnabi Yosuwe encalene ḡa kəḡgbəkə ka Yurden kəmar ka mes mεwεy-wεy ma Kanu, pəmə təkə Musa enacalene ḡa Kəba ka Cəḡkəlma mə.

Nte tatəkə tencepər mə, kə Aḡnabi Yosuwe entefərnenε ḡa atəf ḡa Kanaḡ, ḡakə ḡasutene nte təḡsəḡe ḡasətə təf yayəkə mə. Kanu kənafan kəsəḡ ḡa təf yayəkə teta danapa daḡan kə kəderəm kəḡkə enadərme ḡa kəsəḡ ḡa yi mə. Ti disrε kə Kanu kəmar ḡa kəwan kəḡkə disrε haḡ kə aKanaḡ fəp ḡanese ḡa. Kə cusuḡka nce wəco kə mεrəḡ ca Yisrayel fəp cəsətə sədare. Kə Kanu kəsəḡ ḡa təf yayəkə yəyone ḡa kε.

Taruku tante fəp acic pi kətabu kanke disrε, kəyefe tem nte aka Yisrayel ḡancali kəḡgbəkə ka Yurden mə, haḡ tem nte ḡanatat sədare sa Kanaḡ fəp mə. Ti disrε aḡnəḡk fənəntər fa Kanu bel-bel. Kanu kəmbətər afum ən. Kəderəm nke o nke kənderme ḡa mə, kəḡlas ki fənəntər kə teta danapa daḡan. Tatəkə təḡyone su totubucne tətət. Kə səna səyone sə afum a Kanu-ε, kəḡmare su fənəntər fən tecepərəne tosu doru, pəmə təkə kənadərme su mə. Kanu kəmar su, nte təḡsəḡe pane moloku mame, palan sə mi mə.

Amina

Kanu kəluku Yosuwe a pəberε antəf ḡa kε nde Kanaḡ

¹ Nte defi da Aḡnabi Musa wəcar wəka Mariki dencepər mə, kə Mariki oloku Yosuwe wan ka Nun wəmarəs ka Musa:

² «Wəcar kem Musa efi. Ndekəl oḡ məyefe, məcali kəḡgbəkə ka Yurden kanke, məna kə afum akanε fəp. Nəkə nde atəf nḡe indesəḡ aka Yisrayel mə.

³ Nnə o nnə məncəmbər kəkək mə, isəḡ un di pəmə təkə inaloku ti Musa mə.

⁴ Cələnəcər conu cəndeyefe nde dətεgbərə kə Liban dandε, haḡ nde kəḡgbəkə kəpəḡ ka Əfərat, kəyefe ka atəf ḡa aka Hitit, haḡ nde Kəba Kəpəḡ ntende dec dεḡkale mə.

⁵ Ali fum ɔfɔcɛm'am fɔr kirinj kɛyi kam doru fɔp. Isol'am pɛmɔ tɔkɔ inasole Musa mɔ. Ifɔdesak ɛm, ifɔc'am.

⁶ Mɛyɛnk dis, mɛbɛkne! Bawo mɛn'endekɔtɛnɛ afum a Yisrayel kɛbanj atɔf ɲa kɛ nɲɛ inaderɛm kɛsɔɲ atem anjan mɔ.

⁷ Mɛyɛnk dis gbanj, mɛbɛkne! Mɛgbɛtne mɛkɔt sariye nɛɛ Musa wɛcar kem omboc'am mɔ: Ta mɛgbayme si kɛca kɛtɔt, ta mɛgbayme kɛca kɛmeriya, nte tɔɲsɔɲ'am kɛtam mes fɔp nno o nno mɛɲkɔ mɔ.

⁸ Ta buk ba sariye mbe bɔbɔl'am dɛkusu! Mɛckaranj bi danj kɔ pibi nte tɔɲsɔɲɛ mɛgbɛtne, mɛkɔt tɔkɔ ancic buk bambɛ disre mɔ, itɔ mɛɲsɔlnɛ dɔpɔ dɔtɔt, it'ɔɲsɔɲɛ mɛtam mes fɔp.

⁹ Indɛm f'am: Mɛyɛnk dis, mɛbɛkne ba? Awa, ta mɛnesɛ, ta dis dɔlɔl ɛm, bawo Mariki, Kanu kam kɛsol'am nno o nno mɛɲkɔ mɔ.»

Yosuwe kɛlompɛs kɛn kɛcali ka Yurɔn

¹⁰ Kɔ Yosuwe osom ti akirinj:

¹¹ «Nɛkɔt afan disre fɔp, nɔloku afum nte: «Nɛdemne yeri, bawo mata maas mɛncɛmɛ kɛcali ka Yurɔn yayɛ, nɛkɛbanj atɔf nɲɛ Mariki, Kanu konu kɛsɔɲ un mɔ.»»

¹² Kɔ Yosuwe oloku aRuben, aKadu kɔ aka kusunja dacɔ ka Manase:

¹³ Nɛmɛɲkɛrɛnɛ dɛsɛbomp tɔkɔ Musa wɛcar ka Mariki ɛnasom'un mɔ, pɛcloku: «Mariki, Kanu konu kɛsɔɲ'un kɛɲɛsɛm, kɛsɔɲ un atɔf nɲɛ.»

¹⁴ Aran anu, awut anu, kɔ yɔcɔl yonu yendeyi atɔf nɲɛ Musa ɔsɔɲ un nde Yurɔn kɛsɛk ntende dec dɛmpɛ mɔ. Mba nɛna arkun anjɛ nɛɲyɛfɛrɛnɛ nɛtɔmpɛr yosutnɛnɛ yonu mɔ, nɛn'endekɔnɲɛkɛnɛ kɛcali kɛɲgbɔkɔ. Nɛmar awɛnc un anja,

¹⁵ hanj Mariki pɛsɔɲ awɛnc un anja kɛɲɛsɛm pɛmɔ nɛna, ɲa sɔ ɲasɔtɔ atɔf nɲɛ Mariki, Kanu konu kɛsɔɲ ɲa mɔ. Kɔ telip-ɛ, nɛluksɛrɛnɛ nɛder nɛlek atɔf ɲa kɛ nɲɛ ɲɔyɔnɛ ɲonu mɔ. Musa wɛcar ka Mariki ɔsɔɲ un ɲi Yurɔn kɛca kɛɲkɔ ntende dec dɛmpɛ mɔ.»

¹⁶ Kɔ ɲaloku Yosuwe: «Sɛndeyɔ nte o nte mɛɲsom su mɔ: Sɛndekɔ sɔ nno o nno mɛndekɛkɛrɛ su mɔ.

¹⁷ Sɛndecɛɲkɛl'ɛm pɛmɔ tɔkɔ sɛnacɛɲkɛl Musa mɔ. Tes tin gbɛcɛrɛm tɛbas su: Mariki, Kanu kam kɛsol'am pɛmɔ tɔkɔ kɛnasole Musa mɔ!

¹⁸ Nwɛ o nwɛ endetanɲɛf'ɛm alɛɲɛs, pɛyɛɲkɛr dim dam domp mɔ, andif kɔ. Mɛyɛnk dis gbanj, mɛbɛkne!

2

Yosuwe kɛsom kɛn afum mɛrɛɲ Yeriko

¹ Kɔ Yosuwe wan ka Nun osom afum mɛrɛɲ dim dantɔf kɛyɛfɛ ka Sitim, pɛcloku ɲa: «Nɛkɔ, nɛkɔkɛ antɔf ɲaɲkɔ kɔ dare da Yeriko! Kɔ afum akakɔ ɲaɲkɔ ɲabɛrɛ nde kɛlɔ ka wɛran wɛyamayama, pacwe kɔ Rahab, kɔ ɲancɛpɛrɛnɛ pibi nde ndɔrɔn.

² K'ɛloku wɛbɛ ka Yeriko: «Awa, nɛgbɛtne nte arkun aka Yisrayel ɲanderna nno pibi kɛdefen-feni atɔf ɲosu mɔ!»

³ Kɔ wɛbɛ wɛka Yeriko osom pakɔloku Rahab: «Mɛwureɛnɛ afum akɔ ɲayi nno ndaram mɔ, anjɛ ɲambɛrɛ nde kɛlɔ kam mɔ, bawo kɛfen-feni ka atɔf fɔp kɔ ɲanderɛnɛ.»

⁴ Kɔ wɛran nwɛ ɛɲkɛkɛrɛ arkun anjɛ mɛrɛɲ k'ɔɲkɔ pɛmɛɲk, k'oloku asom a wɛbɛ: «Kance kɔ, arkun anjɛ mɛrɛɲ ɲandersa nno kɛlɔ kem, mba incɛrɛsa fɛ aka nno ɲayɔnɛ mɔ.

⁵ Nendisna tem nte dec deŋkalesa packo kəgbət kumba ka dare dəkusu mɔ, kɔ arkun aŋe ŋawur nno, mba incəre fe nde ŋaŋkɔsa mɔ. Nəbelkər nəcəme ŋa darəŋ, nəŋkəbər ŋa!»

⁶ Nte tenayi mɔ, enapene ŋa nde kələ darenc, k'emēŋk ŋa nde sek ya cəŋkɔlma dacɔ, nce enadet nde kələ darenc mɔ.

⁷ Kɔ afum ŋasumpər dɔpɔ da Yurden kəbələr ŋa haŋ nde dəkətənta. K'aŋgbət kumba ka dare dəkusu nte afum abələr aŋan ŋanawur mɔ.

⁸ Ta acikəra aten mes ŋantadire-ε, kɔ Rahab empe kəkəbər ŋa nde kələ darenc.

⁹ Kɔ wəran nwe oloku arkun aŋe: «Incəre a Mariki əsəŋ un atəf ŋaŋe. Pələc pəkə nəfaŋe su mɔ pəsətɔ su, ayek-yek ŋeŋgbəpərne afum fəp, ŋayi kənes'on.

¹⁰ Bawo səne a Mariki kənaɔwəsər'on domun da Kəba ka Cəŋkɔlma nte nənawur Misira mɔ. Səne sɔ təkɔ nənadif abe a Amər mərəŋ aŋe ŋanayi kəŋgbəkɔ ka Yurden kəsək ntende dec dempe mɔ: Sihəŋ kɔ Oku.

¹¹ Səne ti, itɔ mim mowure su, kɔ nwe o nwe eŋgbir kifir nno nəyi mɔ, bawo Mariki, Kanu konu, kəyənə Kanu ka darenc, kɔ dəntəf.

¹² Ndekəl oŋ, nəderm'em nno Mariki eyi mɔ, a məndelasε afum a kələ kem layidi pəmɔ dəkɔ iyən'on mɔ. Nəsəŋ im paka mpe pendesəŋ em kələŋ a nəntiŋkər f'em mɔ.

¹³ A nəndesak iya kem, papa kem, awenc im aŋa arkun, aran, kɔ afum alpəs aŋe ŋayənə akəŋan mɔ fəp. Nəsak su səmulpər defi, nəfɔdedif su.»

¹⁴ Kɔ arkun aŋe ŋaloku wəran nwe: «Səwosε kəfine tetam, mba ta mədəloku afum təkətene tosu de! Kɔ Mariki kəndesəŋ su atəf-ε, səndebət mera səlasene sɔ layidi nno məyi mɔ.»

¹⁵ K'əsəŋ ŋa kəbənda kɔ ŋantorene ki nde dəwunder, bawo kələ kən kənayi disre kəgbəcene kɔ damba da saŋka sa dare.

¹⁶ Kɔ wəran nwe oloku ŋa: «Nəkɔ ta dəmərə kɔ pəyi fe ti-ε, nəmbəpene kɔ abələr anu. Nəgbəpne dāndo haŋ mata maas, tətəŋne abələr anu ŋalukus, a nənə nədesumpər dɔpɔ donu kəkɔ!»

¹⁷ Kɔ arkun aŋe ŋaloku kɔ: «Nte tendesəŋe su kələs kədəerəm nke məsəŋe su kədəerm'am mɔ:

¹⁸ Awa, məcəŋkəl im! Tem nte səndebere dare mɔ, mēne məkotər tafəc pəyim nde wunder wəkɔ mənatorene su mɔ. Məcəmbəpərne iya wəkam, papa wəkam, awenc'am aŋa arkun aran, afum am fəp nde kələ kam.

¹⁹ Nwe o nwe encali kusəŋka kəŋkɔ a pəwur mɔ, esare teta mecir mən, kɔ səna, səncəre fe! Mba kəŋkɔ pagbuŋene wəkin nu dacɔ nde kələ kam disre-ε, səsarε teta mecir ma wəkayi!

²⁰ Kɔ məloku afum təkətene tosu-ε, tem tatəkɔ səŋsikili tətəŋne tosu kɔ mənə.»

²¹ Kɔ wəran nwe oloku: «Kanu kəsəŋe teyi pəmɔ təkɔ nəloku ti mɔ!» Kɔ wəran nwe esak arkun aŋe kɔ ŋaŋkɔ. Kɔ wəran nwe oŋkot tafəc pəyim nde wunder wən.

²² Kɔ arkun aŋe ŋaŋkɔ ta dəmərə, kɔ ŋaŋgbəpne di mata maas, haŋ kɔ abələr aŋan ŋalukus. Abələr aŋan ŋacten ŋa dɔpɔ, mba ŋananəŋk fe ŋa.

²³ Kɔ afum aŋe mərəŋ ŋande ŋator dəmərə, kɔ ŋancali Yurden. Kɔ ŋaŋkɔ ŋabəp Yosuwe wan ka Nun, kɔ ŋaləmər kɔ təkɔ ŋanasətɔ nde anasom ŋa mɔ.

²⁴ Kɔ ŋaloku Yosuwe: «Pəwurene pəmɔ Mariki əsəŋ su atəf ŋaŋkɔ fəp. Ayek-yek ŋeŋgbəpərne afum fəp, ŋayi kənesε su.»

3

¹ Yosuwe eyefe bətbət suy, nkən kə aka Yisrayel fəp, kə ηayefe Sitim kə ηaηkə haη kəηgbəkə ka Yurden. Dəndo ηayekti saηka, kə ηandire di, ηantacali fe karejna.

² Tataka ta maas, k'akirin ηaηkətene dəsəηka fəp.

³ Kə ηaloku afum nte: «Kə nəndenəηk kaηkəra ka danapa da Mariki, Kanu konu, aloηne aLewy aηe ηagbaηne ki-ε, nəyefe nde nəyi mə, nəcəme ki darəη.

⁴ Mba nəbəlene ki cururu wul merəη, ta nələtərne ki de! Tem tatəkə, nəncəre dəpə dəkə pəmar a nəkə mə, bawo nəntacepər fe dəpə dandε təkəkə-cəkə.»

⁵ Kə Yosuwe oloku afum: «Nəsəkəsne, bawo Mariki kaηyə alna mes məpəη nnə nəyi mə.»

⁶ Kə Yosuwe oloku aloηne: «Nələk kaηkəra kəselen ka danapa da Kanu nke nəgbaηne, nəcepər afum fər kirin.» Kə aloηne ηalek kaηkəra, kə ηancepər afum fər kirin.

⁷ Kə Mariki oloku Yosuwe: «Məkə incop kələləs'am nnə afum aka Yisrayel ηayi mə, nte təηsəηe ηacəre a indesol am, pəmə təkə inasolε Musa mə.

⁸ Kə mənə, məsom aloηne aηe ηagbaηne kaηkəra kəselen ka danapa Kanu mə nte: Kə nəηkəbəp kəηgbəkə ka Yurden-ε, nəcəmbərəs domun disre.»

⁹ Kə Yosuwe oloku aka Yisrayel: «Nəcəηne nnə, nəcəηkəl moloku ma Mariki, Kanu konu!»

¹⁰ Kə Yosuwe oloku: «Nte tə nəndecəre a Kanu Kəpəη kəy'un daco, ki kəηkəbələs nu fər kirin aka Kanaη, aHit, aHiwy, aPerisi, aKirkasa, aka Amər, kə aYebus.

¹¹ Awa nəgbətne nte: Kaηkəra kəselen ka danapa da Mariki ma doru fəp kəndecali kəηgbəkə ka Yurden fər yonu kirin mə.

¹² Ndəkəl oη nəlek afum wəco kə merəη cusuηka ca Yisrayel disre, fum wəkin kusuηka o kusuηka.

¹³ Kə aloηne aηe ηagbaηne kaηkəra kəselen ka danapa da Mariki, Mariki ma doru fəp ηanadegbət wəcək domun da Yurden, kə domun da Yurden deηgbintər, kə səbo səsak kətore domun, kə doηloηkanε tofo tin.»

¹⁴ Nte afum ηanawur dəcəbal kəkəcali kəηgbəkə ka Yurden mə, aloηne agbaηne kaηkəra kəselen ka danapa da Kanu mə ηancepər afum fər kirin.

¹⁵ Nte agbaηne kaηkəra kəselen ηambəp Yurden kə ηaηkətore wəcək dəromun mə, kə Yurden yompurur cəηgbəkə cəkə katela kaηkə fəp

¹⁶ kə domun nde deηyefe dəsəbo mə dencəme, kə doloηkanε kəfo kin pəbolu pəmə aboηən ntende dare da Adam ηηe ηeyi Cartəη kəsək, kə dəkə dontor kəca ka kəba ka Araba, kəba Kədokət, kə səbo sasəkə fəp səncopər domun. Kə afum ηancali kəηgbəkə ηatefərne dare da Yeriko.

¹⁷ Aloηne aηe ηanagbaηne kaηkəra kəselen ka danapa da Marki mə ηacəme antəf ηowosu fər kəroη kəηgbəkə ka Yurden daco. Kə afum a Yisrayel fəp ηalip kəcali kəηgbəkə antəf ηowosu kəroη.

4

Aka Yisrayel ηancəmbər masar pəyəne tenepələ tanan ta kəcali ka Yurden

¹ Nte afum a Yisrayel fəp ηalip kəcali Yurden mə, kə MARIKI kəloku Yosuwe:

² «Məyək-yək atemp wəco kə merəη afum daco, kusuηka o kusuηka fum wəkin.

³ Məloku ηa: «Nəkə nəlek masar wəco kə merəη nde antəf ηowosu fər kəηgbəkə ka Yurden daco, kəfo nke aloηne ηancəme mə. Nələk mi nəkεre nəkə nəboc mi nde kəfo nke nəndenacepərne pibi mə.»

4 Kò Yosuwe ewe afum anje wàcò kò merəŋ anje anayek-yek aka Yisrayel daco mɔ, kusunjka o kusunjka fum wəkin.

5 Kò Yosuwe oloku ŋa: «Nəcepər kanjərə ka danapa da MARIKI Kanu konu fər kirin, nəsolne cər kəkò ka Yurden daco, nwe o nwe pəgbanne tasar tin, kəlɔm ka cusunja ca Yisrayel,

6 nte tɔŋsəŋe tɔyone tenepəle tonu mɔ. Kò awut anu ŋandeyif un dəsək dələma-ε: «Ake masar mamε mɛfanj kəloku su-ε?»

7 nəloku ŋa fɔ domun da Yurden denacopər fər ya kanjərə ka danapa da MARIKI kirin nte kəncali Yurden mɔ, kò kəŋgbəkò ka Yurden kəncopε domun. Masar mamε mende kəccem-ceməs aka Yisrayel doru o doru.»

8 K'aka Yisrayel ŋayɔ təkò Yosuwe enaloku ŋa mɔ. Kò ŋəŋkò ŋələk masar wəcò kò merəŋ nde kəŋgbəkò ka Yurden daco pəmə təkò MARIKI kənaloku ti Yosuwe mɔ, kəlɔm ka cusunja ca aYisrayel. Kò ŋələk masar maməkò kò ŋancalene nde ŋanacəmbər cəbal kəesna mɔ, kò ŋamboc.

9 Kò Yosuwe omboc sɔ masar wəcò kò merəŋ kəŋgbəkò ka Yurden daco, kəfo nke alonje agbanne a kanjərə ka danapa ŋanacəmbər wəcək mɔ. Masar maməkò məsəŋyi di haŋ məkò.

10 Alonje anje ŋanagbanne kanjərə kəselenj mɔ, ŋanacepe fe dəkəcəme danan kəŋgbəkò ka Yurden disre haŋ kò aka Yisrayel ŋalip kəyɔ ka təkò MARIKI kənasom Yosuwe a pəloku ŋa mɔ, kò Yosuwe əyɔ mes fəp pəmə təkò Musa enasom kò ti mɔ. Kò aka Yisrayel ŋambəkər kəcali.

11 Nte afum fəp ŋalip kəcali mɔ, kanjərə ka MARIKI kò alonje akò ŋanagbanne ki mɔ ŋancali sɔ, kò ŋancepər sɔ afum kirin.

12 Kò aka Yisrayel alɔma aka cusunja ca Ruben, Kadu kò kusunja daco ka Manase ŋancepər aka Yisrayel kirin pəmə təkò Musa enaloku ŋa ti mɔ.

13 Antam kəloku fɔ dəsək dadəkò asədar mɛcəp wəcò maŋkəle, atəmpər yosutnene ŋancepər MARIKI kirin, ŋalip kəlompəsne kəkəsutene, nde aranta ŋa Yurden.

14 Dəsək dadəkò, kò MARIKI kəmbəkəs Yosuwe aka Yisrayel fəp daco, kò ŋələləs kò pəmə təkò ŋanələləs Musa kiyi kən doru fəp mɔ.

15 Kò MARIKI kəloku Yosuwe:

16 «Məloku alonje anje ŋagbanne kanjərə nke kəyɔ sariye nse sədermene danapa dosu mɔ, ŋapene ki Yurden.»

17 Kò Yosuwe oloku alonje: «Nəpe Yurden!»

18 Nte alonje agbanne a kanjərə ka danapa da MARIKI ŋanacepe kəŋgbəkò ka Yurden kò ŋandəŋ wəcək dəpəwosu mɔ, kò domun da kəŋgbəkò ka Yurden doncop sɔ kəkət səbɔ sayi pəmə təkò mɛnc ma fraŋsuwa mɛŋyefe mɔ.

19 Kò afum ŋancali Yurden tataka ta wəcò ta ŋof ŋəcəkə-cəkə, kò ŋəŋkò ŋayekti saŋka nde Kilkal, ntende dec dəmpε Yerikò mɔ.

20 Masar wəcò kò merəŋ mme ŋanələk kəŋgbəkò ka Yurden disre mɔ, kò Yosuwe encəmbər mi Kilkal.

21 Kò Yosuwe oloku aka Yisrayel: «Alna kò awut anu ŋandeyif un: «Masar ma ake mɔ mamε-ε?»

22 nəloku ŋa fɔ: «Aka Yisrayel ŋanacali kəŋgbəkò ka Yurden kəwosər domun.»

23 MARIKI Kanu konu kənasosəre nu domun da kəŋgbəkò ka Yurden haŋ kò aka Yisrayel ŋalip kəcali pəmə təkò MARIKI Kanu konu kənayəne su ti Kəba ka Cəŋkəlma haŋ kò səncali ki mɔ.

24 Ti tendesəŋe afum a doru fəp kəcəre a kəca ka MARIKI kəyɔ fənəntər. Təsəŋ'on sɔ kənesε MARIKI Kanu konu kiyi konu doru fəp.»

5

1 Nte abe a Amər fəp anje nɔayi ntende dec deŋkale Yurden mə, kə abe aKanaŋ anje nɔayi agbɛp ɔa Kəba Kəpəŋ mə, ɔane a MARIKI kənaɔwəsəsəre aka Yisrayel kəŋgbəkə ka Yurden haŋ kə ɔnɔcali ki, bəkəc ɔɔfər fe ɔa sɔ, kə ɔanesə aka Yisrayel pəpəŋ.

2 Təm tatəkə kə MARIKI kəloku Yosuwe: «Məpat səfaka sa masar, kə tɛyɛfe dənda-ɛ, məkənc aka Yisrayel.»

3 Kə Yosuwe ɛmpatene səfaka sa masar, k'ɛŋkənc aka Yisrayel nde Tərə ta Cərot.

4 Nte tenasəŋe Yosuwe pəkəncɛ ɔa: Nte afum a Yisrayel ɔnɔcwur Misira mə, arkun abeki fəp, anje ɔnɔctam kəsutene mə anakənc ɔa, mba afum akakə fəp ɔnafi nde dətəgbərə, nte ɔnɔckət mə. Awut arkun anje anakom ɔŋ telpəs mə, ɔnatəkənc, itə Yosuwe ɛnakəncɛ ɔa.

5 Arkun anje ɔnayıyefe Misira mə fəp anakənc ɔa, mba awut arkun anje anakom dətəgbərə dəpə nte ɔnawur Misira ɔnɔckət mə, anakənc fe akakə ali wəkin.

6 Aka Yisrayel ɔnakət meren wəco maŋkale dətəgbərə, haŋ afum akə ɔnatanam kəsutene nte ɔnacyefe Misira mə ɔalip kəfi dəpə, bawo ɔnancəŋkal fe dim da MARIKI. MARIKI kənaderəm kətə-səŋe ɔa kənəŋk antəf nɔe ɔŋgbələr mɛsɛ ma wana kə mɛsɛ ma cəme haŋ moctoŋ, ɔəkə nkən MARIKI kənaderəm kəsəŋ ka atem anjan mə.

7 Awut anjan ɔnabək ɔŋ kə ɔaŋkə ɔnandɛ dəkəndɛ danjan. Kə Yosuwe ɛŋkənc ɔa, bawo anakənc fe ɔa dəpə.

8 Nte alip kəkənc ka afum fəp mə, kə ɔnandɛ dəndo dəsəŋka haŋ kə ɔnantamne.

9 Kə MARIKI kəloku Yosuwe: «Məkə, imbiŋkəli malap monu ma Misira k'imbələn'on.» Itə asərəwene kəfo kaŋkə Kilkal* haŋ məkə.

Kəsata ka Pak pəcəkə-cəkə nde Kanaŋ

10 Kə aka Yisrayel ɔnandɛ Kilkal kə ɔnamboc di kəsata ka Pak tataka ta wəco kə maŋkale ta ɔf, dec dərəfɔy, nde aranta ɔa Yeriko.

11 Dəckəsək da Pak kə ɔnandi yeri ya dətəf, cəcom nɛɛ antənəŋkəl lebin mə, kə mɛŋgben məkəkəl.

12 Kə cəcom nɛɛ ancwe «man» mə cəsak kəwur dəckəsək nde ɔnadi yeri ya dətəf mə. Kərən kaŋkə aka Yisrayel ɔsak kədi man, mba ɔacdi ɔŋ yeri ya atəf ɔa Kanaŋ.

Yosuwe kəbəpəne kən kə wəkiriŋ wəka asodar a MARIKI

13 Dəsək dələma Yosuwe pələtərne Yeriko, k'ɛmpene fər darenc, k'əməməŋ, kə fum owur k'ɛncəme kə fər kiriŋ, pəwure dakma dən dohom pətəmpər. Kə Yosuwe ələtərne kə, k'eyif kə: «Səna ɔŋ məyine ba, ka atərene asu ɔŋ məyine-ɛ?»

14 Kə fum wəkəkə oloku: «Ala, fətə inɔyənɛ wəkiriŋ ka asodar a MARIKI, intɛp kəcder.» Kə Yosuwe ontontnɛne kə, k'ɛncəpe kə tobu dətəf, k'eyif kə: «Cəke cə Mariki endeloku wəcar kən-ɛ?»

15 Kə wəbɛ ka asodar a MARIKI oloku Yosuwe: «Məwure cəfta cam dəwɛcək, bawo kəfo kaŋkə mənɔcəme mə, kəsək.» Kə Yosuwe owure cəfta.

6

Kəbaŋ ka Yeriko

1 Anakaŋkəla dəkəbɛre da Yeriko, pabəŋkər-bəŋkər di teta aka Yisrayel. Fum o fum oncwur fe, fum ɛncbɛre fe.

* 5:9 Kilkal = cəHebaru «kəbiŋkəli.»

² Kò MARIKI kàlòkú Yosuwe: «Ilék Yeriko, wàbè kànjàn kò asòdar anjan ayenji dis, k'imber'am dāwaca.

³ Awa asòdar fəp ñanònkər dare. Ñanònkər dare katin dəsək o dəsək han mata camət-tin.

⁴ Alonje camət-merəñ ñatompər len ya ñkesiya camət-merəñ dāwaca, ñayi kanjərə ka danapa kirin. Mba tataka ta camət-merəñ, nənònkər dare camət-merəñ, tem nte alonje ñacfula len.

⁵ Kò ñandenafula kàlèn ka ankesiya-ε, nəkònane kàlèn dim, afum fəp ñakule-kule sim sa kəwan. Kò damba da dare dentempene di sərka-ε, asòdar am ñabere on tem tatòkò, nwe o nwe nde entefərne mō.»

⁶ Kò Yosuwe wan ka Nun ewe alonje, k'òlòkú ña: «Nàlèk kanjərə ka danapa kəselen, alonje camət-merəñ ñatompər len ya ñkesiya camət-merəñ ñayi alonje atompər a kanjərə kəselen ka danapa da MARIKI kirin.»

⁷ K'òlòkú asòdar: «Nàkò nənònkər dare, akò ñatompər yosutnene mō ñayi kanjərə ka MARIKI kirin.»

⁸ Kò afum ñayo təkò Yosuwe enalòkú ña mō. Alonje camət-merəñ anje ñanatompər len camət-merəñ ya ñkesiya mō ñayi MARIKI kirin, ñancepər kò ñacfula len. Kò kanjərə ka danapa da MARIKI kəcəme ña darəñ.

⁹ Asòdar atompər yosutnene ñayi alonje afula len tekirin, alonje agbanje kanjərə kəselen mō ñacənc afula len, asòdar aloma ñayi kanjərə tadarəñ, ñackət ñacsurene kàlèn dim.

¹⁰ Mba Yosuwe enalòkú afum: «Ta nəkòkule-kule de! Ta nəkəyo pane nu sim de! Ta nwe o nwe pəkòlòkú tolokú han dəsək nde indelòkú nu a nəkule-kule mō! Tem tatòkò nəkule-kule sim sa kəwan.»

¹¹ Kò kanjərə ka MARIKI kənònkər dare katin, kò ñamberε dəsənka, kò ñancepərεne pibi.

¹² Kò Yosuwe eyefe bətbət suy, kò alonje ñalèk sò kanjərə kəselen ka MARIKI.

¹³ Asòdar atompər yosutnene ñanayi kirin, alonje camət-merəñ atompər len ya ñkesiya ñacfula ñacənc ña, alonje atompər kanjərə ka danapa da Kanu ñayi afula len tadarəñ, kò asòdar alpəs ñayi kanjərə tadarəñ.

¹⁴ Kò ñanònkər dare katin tataka ta merəñ, kò ñalukus nde dəsənka. Kò ñayo ti mata camət-tin.

¹⁵ Tataka ta camət-merəñ kò ñayefe pəpanpan kò ñanònkər dare camət-merəñ. Mba dəsək din dadəkò gbəcərəm dò ñananònkər dare camət-merəñ.

¹⁶ Kənònkər ka camət-merəñ kò alonje ñacfula len, kò Yosuwe olòkú afum: «Nəkule-kule sim sa kəwan, bawo MARIKI kəsəñ un dare dandè!

¹⁷ Kələsər k'ander dare dandè kò ca cəkò cəyi de mō fəp. Rahabu wəran wəyamayama sona gbəñ kò afum on anje ñayi nde kələ kən disre mō ño andesak, bawo enawosε kəmənke su afum akò sənəsom yəkəyək kədētənəs mes ma atəf ñanje mō.

¹⁸ Mba nəkembərne kələk paka pin mpε Kanu kənaməne mō, bawo daka fəp nde nənəsətò dəkəwan mō, mēne nəmberεne di daka da Kanu. Kò nəmənəkərne paka pin, nāndesəñ pələc sənka sa Yisrayel.

¹⁹ Kəyefe gbeti, kema, ca ca kəpər fəp fayi, MARIKI kəyo yəsətò ya dəkəwan fəp. Pəmar padeberεne yi daka da MARIKI.»

²⁰ K'afula len ya ñkesiya, nte afum ñane len dim mō, kò ña sò ñawure sim sa kəwan pəpəñ, kò damba da sənka sa dare dentempene di sərka, kò afum ñamberε dare disre. Nwe o nwe pəsolne nde entefərne mō, kò ñamban dare.

²¹ Kò ñandifəte afum kò yəcəl yəkò yənayi dare disre mō fəp sakma sənjan, kəyefe wərkun, wəran, wanfət, wəbeki, wana, ankesiya, səfale.

²² Yosuwe enaloku afum ako merəŋ aŋe ŋanakə kətenəs yokyək mes ma atof ŋaŋəkə mɔ: «Nəkə ndena wəran wəyamayama wəkakə, nəkə nəwurene kə, kə afum ɔn fəp, pəmɔ təkə nənaderme kə mɔ.»

²³ Kə atemp merəŋ aŋe ŋanakə ŋaten mes yokyək nde atof ŋaŋəkə mɔ, ŋaŋkə ŋawurene Rahabu, papa wəkən, iya wəkən, awenc aŋa, kə afum ɔn fəp. Kə ŋawurene afum ɔn fəp aŋe ŋanabəp nde kələ kən mɔ, kə ŋaŋkə ŋadas ŋa tofo tətət saŋka sa Yisrayel tadarəŋ.

²⁴ Kə ŋancɔf dare kə ca cəkə yenayi di mɔ fəp, mēne gbeti, kema, kə ca ca kəpər kə fec, nyē ŋanaberene daka da kələ ka MARIKI mɔ.

²⁵ Yosuwe enadif fe Rahabu wəran wəyamayama kə afum a kələ kən fəp. K'endē aka Yisrayel daco haŋ məkə, bawo nkən enawose kəmenk ka aten mes yokyək, aŋe Yosuwe enasom kəkətenəs mes ma Yeriko mɔ.

²⁶ Tem tatəkə kə Yosuwe enderəm:

«Intolane fum pələc

nwe endeyefe a dare da Yeriko donlompəs mɔ.

Wəkayi pəckənakay kədɔf ka togbu pəkəkə-cəkə,

təyone kəway ka wan kən coco.

K'ɔnckənaber kumba ka dare-ε,

təyone kə kəway ka wan kən wəlpəs.»

²⁷ MARIKI kənasolē Yosuwe, kə tewē tən tēmbək tɔf fəp.

7

Fum wəkin kəyɔ kən pələc kəsəŋ aka Yisrayel fəp pələc

¹ Kə aka Yisrayel ŋaŋlukse kəcəme MARIKI darəŋ nte kənamone ŋa kələk ka daka da dare mɔ. Kə Akanj wan ka Karmi, wan ka Sabidi, wan ka Sera, wəka kusuŋka ka Yuda, eŋkiye ca cələma daka da dare daco, kə pəntele MARIKI nno aka Yisrayel ŋayi mɔ.

² Kə Yosuwe osom afum kəyefe Yeriko kəkə dare da Hay nde pələtərene Bet Awen ntende dec dempe Betel mɔ. K'oloku ŋa: «Nəpe nəkə nətən mes yokyək dətɔf.» Kə afum akakə ŋampə kəkəten mes yokyək Hay.

³ Kə ŋaluksərne nno Yosuwe eyi mɔ, kə ŋaloku kə: «Ta afum fəp ŋape de! Afum məcəp merəŋ, kə pəyi fe ti-ε, afum məcəp maas ŋape, ŋa ŋantam kəsut Hay! Ta nələləs afum dis, bawo ako pəmar a payefərene mɔ, ŋala fe.»

⁴ Kə afum məcəp maas ŋampə kəkəsutene kə aka Hay, mba ŋanatam fe, kə afum akakə ŋaŋkə ŋayeksər aka Hay.

⁵ Kə afum aka Hay ŋandifər ŋa afum wəco maas kə camət-tin. Kə ŋayefe kəbeləs ŋa kəyefe dare dəkusu haŋ Sabarim*, kə ŋasut ŋa pətəmbələr pa tərɔ. Kə afum ŋanesε kəsutene kə dis dərjence ŋa.

⁶ Kə Yosuwe ewal-wali yamos yən, k'efəntərə k'encəpe kaŋkəra ka MARIKI tobu dəntɔf haŋ dəfəy. Kə abeki a Yisrayel ŋaloŋərne sɔ kəbof dəsəbomp.

⁷ Kə Yosuwe oloku: «MARIKI Wəbe kem, ta ake tɔ mənčəŋse afum kəcali ka kəŋgbəkə ka Yurden-ε kədəlek su məber aka Amər dəwaca, kəmələk su kə məfan? Kəyi kosu Yurden ntende dec dempe mɔ kəncəpər su kəder ka nno!

⁸ Məŋaŋenən'em Mariki! Cəke c'ideloku ŋə-ε?: «Yisrayel ŋayeksər aterene aŋan.»

⁹ Kəyefe aka Kanan haŋ afum alpəs aŋe fəp ŋayi dətɔf mɔ, kə ŋandene ti-ε, ŋandebərēne, ŋapaŋne su ŋasut, ŋamələk su doru. Cəke cɔ məndementər ŋə debeki dam-ε?»

¹⁰ Kə MARIKI kələku Yosuwe: «Məyefe, ta ake tɔ mənčəpərene tobu dəntɔf-ε?»

* 7:5 Sabarim = «Kəfo nkε aŋkay masar mɔ»

11 Aka Yisrayel njanciya! Njaləsər temer pəko inasəŋ ɲa mə. Ey, ɲaləkərne ca cələma nye inaloku ɲa kəberene yi daka dem mə. Njanɲiye ɲa yati, kə ɲameɲk ca cələma dəyesarə yaɲan.

12 Ti disre, aka Yisrayel ɲafətam kəsutene kə aterene aɲan. Mene ɲayeksər ɲa, bawo ɲa ɲo pəmar oɲ pamələk. Ifətam kəyi tes tin kə nənə kə nəntəwurene nu daco ca nce inaməne nu kələk mə de!

13 Məyefe, məkə, məloɲka afum. Məloku ɲa: «Nəsəkəsnealna. MARIKI, Kanu ka Yisrayel kəsom im ti kədəlok'un: Ca nce inamən'on mə, yey'un dəwaca.» Aka Yisrayel nəfətam kəyefərne kə aterene anu kə nəntəwure ca cacəkə nu daco-ε.

14 Alna bətbət, nəder nno fər ya Kanu kirin, nəmentərne Ki cusuɲka cusuɲka. Kusuɲka nke Kanu kəncəkər mə kəcəɲne dəcor dəcor. Kor nke kəndecəkər mə kəcəɲne wələ wələ. Kələ nke Kanu kəndecəkər mə afum aɲe ɲadecəɲne akin akin.

15 Nwe o nwe andebonc kətəmpər ka ca nce Kanu kəmənə mə, amber kə dənenc, nkən kə afum a kələ kən fəp. Nkən epətəs danapa da MARIKI bawo nkən əyɔ tes nte təntətesə mə nte təsəɲe aka Yisrayel kələpərne mə.

16 Kə Yosuwe eyefe bətbət suy, k'əncəɲene aka Yisrayel cusuɲka cusuɲka. Kə MARIKI kəncəkər aka kusuɲka ka Yuda.

17 Kə Yosuwe əncəɲene Yuda cor cor, k'əncəkər kor ka Sera. K'əncəɲene kor ka Sera wələ wələ, k'əncəkər kələ ka Sabidi.

18 K'əncəɲene kələ ka Sabidi akin akin, k'əncəkər Akan, wan ka Karmi, wan ka Sabidi, wan ka Sera wəka kusuɲka ka Yuda.

19 Kə Yosuwe oloku Akan: «Wan kem mələləs MARIKI, Kanu ka Yisrayel, məyek-yekəs ki! Məlok'im ma təkə məyɔ mə, ta məmɲkər'im ti de!»

20 Kə Akan oloku Yosuwe: «Ey, kance kə, in'eciya MARIKI, Kanu ka Yisrayel. Iləmər'am nte iyɔ mə:

21 Yosətə yosu disre, inanəɲk duma da Mesopotami, duma dadəkə dentese decepərər, kə gbeti masar mərəɲ, kə ancəmbəl ɲa kema ɲi sona gbəɲ ɲelele kilo daco. Kə ca cacəkə yembas'im, itə inaləke yi. Mba inamət yi dantəf, iməɲk yi nde abal ɲem disre gbeti beyi tantəf.»

22 Kə Yosuwe osom afum, kə ɲayekse kəkəməmən abal ɲa Akan disre, kə ɲaɲkə ɲabəp ca yayəkə fəp gbeti bəfəntərə yi tantəf.

23 Kə ɲalək yi fəp, kə ɲaɲkene Yosuwe kə aka Yisrayel fəp, kə ɲaɲkə ɲaboc yi fər ya MARIKI kirin.

24 Kə Yosuwe elek Akan wan ka Sera, kə gbeti, duma, ancəmbəl ɲa kema, awut ən arkun kə aran, cəna cən, səfale sən, yəcol yən yefet yefet, abal ɲən kə ca cəkə yenayəne yən mə fəp. Kə aka Yisrayel fəp ɲasol kə Yosuwe, kə ɲampene Akan nde mərə daco, nde aɲwe «Aranta ɲa Pələc mə».

25 Kə Yosuwe oloku: «Ta ake tə məyənə su pələc pampre-ε? Məna sə kəyɔ'm kə MARIKI kənder pələc məkə.» Kə aka Yisrayel fəp ɲancacas kə masar haɲ k'efi. Kə ɲancacas afum ən fəp masar, kə ɲancəf ɲa fəp dənenc.

26 K'amboc ɲa kəroɲ tɛpəsə pəpəɲ pa masar, mpe pəsəɔyi haɲ məkə mə, kə abəkək ɲedətor MARIKI. Itə awene kəfo karɲkə tewə ta «Aranta ɲa Pələc» haɲ məkə.

¹ Kò MARIKI kàlòkù Yosuwe: «Ta mánese, ta møyikce! Mələk asodar am fəp, møyefe məkəsutene kò aka Hay. Mənəjk, isəŋ əm wəbe ka Hay, k'imber'am kò dəwaca, nkən kò afum ən, kò dare dən, kò atof ŋən.

² Məŋkəyɔ wəbe ka Hay pəmɔ təkɔ mənəyɔ wəbe ka Yeriko kò dare dən mɔ. Mba dəndɔ taŋ, nəntam kələk yɔcəl kò ca cəlpəs fəp nce nəŋkəsɔtɔ dəndɔ mɔ. Nəgbɔpne dare tadarəŋ, nəwekərne ŋa.»

³ Kò Yosuwe eyefe kò asodar ən fəp kəpe ka Hay. Kò Yosuwe eyek-yek asodar ayeŋki dis məcəp wəcɔ maas, k'òlòkù ŋa kəkɔ Hay pibi.

⁴ K'òlòkù ŋa: «Nəkembərne, nəgbɔpne dare darəŋ haŋ tɛm nte andenalokù a nəwekərne ŋa mɔ. Ta nəbɔle dare pələram de! Nəlompəsne kəsutene!

⁵ Ina kò afum aŋe isolɛ mɔ fəp, sənə səŋkɔlɔtərne dare. Tɛm nte aka Hay ŋandenawur kəkəsɛtər su pəmɔ tɔcəkɔ-cəkɔ mɔ, səŋkɔbənəne kəyeksər ŋa.

⁶ Tɛm tatəkɔ ŋandecəme su darəŋ kəbələs, səŋkekərə ŋa haŋ səwurene ŋa dare, bawo ŋande kəcłokù: «Kəyeksər su kò ŋande sɔ pəmɔ tɔcəkɔ-cəkɔ.» Tɔyɔne fɔ sənə səyi kəyeksər səcder nnɔ nəyi mɔ,

⁷ nəwurər ŋa, nəbaŋ katina dare. MARIKI Kanu konu, kəŋkəber un dare dadəkɔ dəwaca.

⁸ Nəcknənasumpər dare, nəber di nenc. Nəyɔ mes pəmɔ təkɔ MARIKI kàlòkù mɔ. Nəkembərne tatəkɔ ilok'un mɔ.»

⁹ Kò eŋkekərə ŋa, dəkəliŋe dare da Hay. Kò ŋəŋkɔ nəgbɔpne Betel kò Hay daco, kəca nke dec dəŋkalɛ Hay mɔ. Kò Yosuwe encepərəne pibi kəfo kəŋkɔ kò asodar ən.

¹⁰ Dəckɔsək kò Yosuwe eyefe bətbət suy, k'olonka asodar ən, nkən kò abeki aka Yisrayel, kò ŋancepər asodar kirin kəkɔ ka Hay.

¹¹ Asodar akɔ enasolɛ mɔ fəp kò ŋampe, kò ŋalɔtərne nte ŋanadetəfərne dare mɔ, kò ŋancəmbər saŋka nde dec dəŋkalɛ mɔ kəca kətət. Aranta ŋənayi Hay kò asodar daco.

¹² Kò Yosuwe elɛk asodar afum məcəp kəcamət, k'encəmbər ŋa Betel kò Hay daco, ŋaclinje ntende dec dəŋkalɛ mɔ.

¹³ Nte asodar ŋalip kəcəmbər saŋka fəp ntende kəca kəmeriya ka nde dec dəmpɛ dare da Hay mɔ, kò Yosuwe encepər pibi papəkɔ nde d'aranta.

¹⁴ Nte wəbe ka Hay endecərə ti mɔ, kò ŋambəlkar kəyefe kò asodar ən kò afum a dare ŋawur, kəkəbərəne kò aka Yisrayel kasutene nde pətəmbələr pəkɔ pətəfərəne kò Araba mɔ, mba wəbe ka Hay enacərə fe a kəliŋe ŋa kò aka Yisrayel ŋande ntende dare tadarəŋ.

¹⁵ Yosuwe kò aka Yisrayel fəp ŋayel waca Hay fɔr kirin, kò ŋayefe kəyeksər aka Hay, ŋasolne dɔpɔ da nde dətegbərə.

¹⁶ K'alokù aka Hay a ŋabeləs ŋa. Kò ŋambələs Yosuwe kò afum ən haŋ kò ŋambələne dare da Hay.

¹⁷ Ali fum anasak fe Hay kò Betel nwe enatɔ-wur kəkəbələs aka Yisrayel mɔ. Kəbellkər kəbələs aka Yisrayel kənasəŋe ta aŋgbət cumba ca dare-ɛ.

¹⁸ Kò MARIKI kàlòkù Yosuwe: «Mətukər dakma dam dadəkɔ məntəmpər mɔ kəca ka Hay, bawo ilɛk Hay, k'imber'am dəwaca.» Kò Yosuwe ontukər kəŋgbasar kəŋkɔ enatəmpər mɔ Hay.

¹⁹ Kò aliŋe ŋawur katəna katəna nde ŋanəgbəpəsne mɔ, kò ŋayekse kəkɔ dare, kò ŋambərə, kò ŋasumpər dare kò ŋancɔf di katəna katəna.

²⁰ Aka Hay ŋandeluksərne, kò ŋəŋbətne nte: Kinime ka dare kəcpɛ haŋ kəsumpər darenc. Nəsɔtɔ fe sɔ tɛyekse ŋakɔ kəca kətət, kò pəyi fe ti-ɛ, kəca kəmeriya. Asodar aka Yisrayel akɔ ŋanabənəne kəyeksər aka Hay mɔ, ŋəŋkafələ kəkəsutene kò ŋa.

²¹ Nte Yosuwe kɔ asol ɔn aka Yisrayel fɛp ɲanɔŋk fɔ aɲe ɲaɓɓe dare mɔ ɲasumpɛr di, kɔ kinime kɔyi kɔpɛ dare, kɔ ɲanɓafalɔrne aka Hay kɔsutene, kɔ ɲasut ɲa.

²² Akɔ ɲanabaɲ dare ɲancepse aka Hay darɔŋ, kɔ tɔyɔne fɔ aɲkuc-kucene aka Hay, ali wɛkin enatam fɛ kɛmulpɛr aka Yisrayel.

²³ Kɔ ɲasumpɛr wɔbe ka Hay pɔyi wɔyeɲ, kɔ ɲanɓkene kɔ Yosuwe.

²⁴ Nte aka Yisrayel ɲalip kɛdif aka Hay nde dɛtegbɔre mɔ, akakɔ ɲanacɛme aka Yisrayel darɔŋ kɔbelɛs mɔ, k'andife ɲa fɛp sakma. Kɔ aka Yisrayel fɛp ɲander Hay kɔ ɲande ɲadif ɲa fɛp.

²⁵ Dɔsɔk dadɔkɔ anadif afum mɛcɛp wɛcɔ kɔ mɛrɔŋ (12.000), kɔyɛfɛ arkun han ɲaran, fɛp fɔɲan aka Hay.

²⁶ Yosuwe ontore fɛ dakma dadɔkɔ enatukɛr Hay mɔ han kɔ aka Yisrayel ɲalip kɛdifɛt ɲa.

²⁷ Kɔ aka Yisrayel ɲalɛk yɔcɔl yɛfɛt yɛfɛt, kɔ ca cɛlɔma ya dare pɛmɔ tɔkɔ MARIKI kɛnasom ti Yosuwe mɔ.

²⁸ Kɔ Yosuwe ɔncɔf Hay, kɔ tɔyɔne fɔ han mɔkɔ tofo tɛtɛye tɔ, tɔyɔne nde dɛtegbɔre.

²⁹ Kɔ Yosuwe ɛɲgbɛk wɔbe wɔka Hay dɛkɛtɔk han dɔfɔy. Dec dɛndekafɛle, kɔ Yosuwe oloku a patorɛ wɔfi. K'ɲɲkɔ pagbal kɔ nde dare dɛkusu, k'andenɔsɛr kɔ masar mɔpɔŋ kɔron ɲmɛ mɔsɔrɔyi di han mɔkɔ mɔ.

³⁰ Kɔ Yosuwe ɛncɛmbɔre Mariki tetek toloɲne Kanu ka aka Yisrayel nde tɔrɔ ta Ebal.

³¹ Pɛmɔ tɔkɔ Musa wɛcar ka Mariki ɛnasom ti aka Yisrayel mɔ, pɛmɔ tɔkɔ ancic ti nde buk ba sariye sa Musa mɔ: Tetek toloɲne Kanu ta masar mɔtɔpat mɛpɛ afɛc ɲontogbuɲene mɔ, nɔndekɔ nɔkekɔre yɔcɔl yɔcɔfɛ Mariki. ɲalɔɲne di kɔlɔɲne ka pɔforu.

³² Dɛndo aka Yisrayel fɛp fɔr kirin Yosuwe ɔɲgbɔkɔre sɔ kɛcicɛs masar mamɔkɔ kɔron sariye nɛ Musa ɛnacicɛs mɔ.

³³ Aka Yisrayel fɛp, abeki ɲan, akirin ɲan, aboc ɲan kiti, acikɔra kɔ aYisrayel ɲancɛme kɔɲkɔra kɛcɔ kɛtɔt kɔ kɛmeriya. ɲatɛfɛrene kɔ aloɲne aLewy aɲe ɲanagbaɲne kɔɲkɔra kɛsɛɓɓɛ ka danapa da MARIKI kɔ aka Yisrayel mɔ. Afum dacɔ ɲanayi kɛca ka tɔrɔ ta Karisim, kɔ dacɔ ɲanayi kɛca ka tɔrɔ ta Ebal, pɛmɔ tɔkɔ Musa wɛcar ka MARIKI ɛnasom ti, a patolane aka Yisrayel tɔcɔkɔ-cɔkɔ mɔ.

³⁴ Kɔ Yosuwe oloku moloku ma sariye fɛp, kɛtolane pɛtɔt kɔ pɛɓɛc, pɛmɔ tɔkɔ anacic ti dɛbuk ba sariye mɔ.

³⁵ Ali toloku ta Musa tin Yosuwe ɛnasak fɛ nte ɛnatɔ-loku aka Yisrayel fɛp fɔr kirin mɔ, kɛbɛp ɲaran, awut, han acikɔra aɲe ɲanande ɲa dacɔ mɔ.

9

Kɔsek danapa kɔ aka Kabayɔŋ

¹ Nte toloku ta kɛder ka asɔdar aYisrayel tɛmbɛp abe aɲe ɲanande Yurɓɓɛn kɛsɔk ntende dec dɛɲkɛle dɛmɔrɔ kɔ nde pɛtilsɛrne tɔf ya tantɔf mɔ, abe aɲe ɲanades-ndɛs kɛba kɛsɔk mɔ fɛp, han atɔf ɲa Liban kɛsɔk: Aka Hit, aka Amɔr, aKanan, aPerisi, aHiwy, kɔ aYɛbus,

² kɔ ɲamberɛne kɛkɔsutene kɔ Yosuwe kɔ aka Yisrayel.

³ Kɔ aka Kabayɔŋ ɲane sɔ nte Yosuwe ɛnayɔ aka Yeriko kɔ Hay mɔ.

⁴ Kɔ ɲa sɔ ɲanɓkɔ kɛkɔyɔ aka Yisrayel kɔ Yosuwe cɛmpɛrɲɛn. Kɔ ɲalɛk lɔba yeɓɛc, kɔ ɲandenɔr sɔfale sɔɲan kɔ cɛbuntɛle ca member cɛɓɛc cɛfute-fute.

5 Kò ñàṅbèrəsne còfta cələc cələc cəwale-wale, pasətəs ci, ñàbèrəsne suma səwale-wale. Cəcom nce ñanamenḡkərne kəkəsəm mɔ fəp cənaʋos, cəputke.

6 Kò ñàṅkò ñàbəp Yosuwe nde saṅka sa Kilkal kò ñaloku kò kò afum aka Yisrayel: «Atɔf ñòbòle ḡ səyefe. Səfan fə səsek danapa kò nənà.»

7 Mba kò afum aka Yisrayel ṅaloku ḡa: «Anɔ'cərə-e? Tələma səna ḡ nənde dacɔ. Cəke cɔ antam kəsek danapa kò nənà-e?»

8 Kò ṅaloku Yosuwe: «Acar anu ḡ səyone.» Kò Yosuwe eyif ḡa: «Are ḡ nəyone-e? Deke nəyefe-e?»

9 Kò ṅaloku Yosuwe: «Atɔf ḡbol-bolu ḡ acar am ḡayefe, bawo tewe ta MARIKI tɔ səne, Kanu kam, bawo səne kò tewe kò təkɔ enayɔ Misira mɔ fəp,

10 kò təkɔ enayɔ abe a Amɔr mɛrəḡ nde Yurden kasək ntende dec dəmpɛ mɔ: Sihəḡ wəbɛ wəka Hesbon, kò Oku wəbɛ wəka Basan nwe enayi Astarot mɔ.

11 Abeki asu kò afum asu fəp aka dətɔf ṅaloku su: «Nələk yeri yonu ya dɔpɔ, nəkɔ nəfayne ḡa. Nəkɔ nəloku ḡa: «Acar anu ḡ səyone! Ndekəl ɔḡ nəsek danapa kò səna!»

12 Cəcom cosu cance cənaʋone tɛm nte səndenalek ci dɛkɛr kəder tɔmpərne dɔpɔ mɔ, kəyefe dəsək nde səyefe nno ndorosu kəder nno nəyi mɔ. Awa nəgbatne nte: Icɔ cance cəwosərəne kò cəmputke mɔ.

13 Kò cəbuntələ cance sanalek ci cəfu, nəgbatne nte icɔ cance cəmpɔrɛ-pɔrɛ mɔ! Nənəḡk yamos yosu kò còfta cosu, dɔpɔ dobolu dəsəḡe yi kələcɛ.»

14 Kò afum a Yosuwe ḡaməmən ca ya acikəra ta ḡayif ti MARIKI-ɛ.

15 Kò Yosuwe encanəs kətəḡne kò afum aḡe, kò ḡantəḡne pəforu, kò ḡasəḡ ḡa temer ta kasak ḡa ḡayi doru, kò akiriḡ a kəlɔḡkanɛ ka Yisrayel ḡanderme ḡa moloku maməkɔ ḡanatəḡne mɔ.

16 Mata maas disɛ nte ḡalip kəcanəs ka danapa kò ḡa mɔ, kò aka Yisrayel ḡande ḡane a ande aḡan ḡo, afum aḡe ḡanəḡkələne kənde.

17 Kò aka Yisrayel ḡaḡkò nde dare danan, tataka ta maas kò ḡambɛɛ di. Sədare sasəkɔ sanatəḡne Kabayəḡ, Kefira, Beyerot, kò Kiriyat-Yeyarim.

18 Aka Yisrayel ḡanadif fɛ ḡa teta kəderəm kəḡkò akiriḡ a kəlɔḡkanɛ ḡanaderme ḡa tewe ta MARIKI, Kanu ka Yisrayel mɔ. Kò afum a Yisrayel fəp ḡayefe kəbupərə moloku ma akiriḡ aḡan.

19 Mba kò akiriḡ ṅaloku kəlɔḡkanɛ ka aYisrayel fəp: «Sənaderme ḡa MARIKI, Kanu ka Yisrayel. Afəsətam kəgbuḡne ḡa.

20 Nte tɔ andeyɔ ḡa: Andece ḡa ḡayi doru, ta padewerne metele ma MARIKI teta kəderəm nke anaderme ḡa mɔ.

21 ḡayi doru, tɔyɔ fɛ tes! Mba aḡkɔcəmbər ḡa kəkətəs ka domun, kò kəgbɛs ka tək ya kəlɔḡkanɛ ka Yisrayel.» Itɔ akiriḡ a Yisrayel ḡanaloku afum aḡan.

22 Kò Yosuwe ewe aka Kabayəḡ, k'oloku ḡa: «Ta ake tɔ nəyembərə su nəcloku a nəmbələne kò səna-e, a kò pəyone fɔ sənəḡkələne kənde kò nənà-e?»

23 Ndekəl ɔḡ, pələc pəncəm'on darəḡ! Ali wəkin əfoso-wur dacar. Nənà ande kəkətəs domun, nəgbɛs tək ya kəbɔ ka Kanu kem.»

24 Kò aka Kabayəḡ ṅaloku Yosuwe: «Aləmər acar am teta aka Yisrayel tin tin a MARIKI Kanu kam kənasom wəcar kən Musa a kəsəḡ un antɔf ḡaḡe fəp, a nələsər ande a ḡi fəp fɔr yonu kirin. Awa kəder konu kəsəḡe su kənesene səbomp sosu, itɔ səyone fantɛ.

25 Ndekəl ɔḡ, səyi'm dəwaca. Məyɔ su təkɔ tentes'am mɔ, məyɔ su ti pələmpu disɛ.»

26 Itɔ Yosuwe enayɔ ḡa, k'ɛmbaḡər ḡa aka Yisrayel aḡe ḡanatəsɔ-dif ḡa mɔ.

²⁷ Kó Yosuwe encambär ña käyefe dösök dadökó kəgbes tək, kó kəkētəs domun da afum kó da tetek tolonñe ta Mariki. Hañ məkó, awut-só aňan ñasəróbəc yebəc yayókó nde atof ña Yisrayel.

10

Yosuwe kó aYisrayel kətam kəñan abe Amər

¹ Kó Adoni Cedek wəbe wəka Yerusalem ene a Yosuwe emban Hay, k'endif afum aka di fəp, k'oyó aka Hay kó wəbe kəñan pəmó təkó enayo Yeriko kó wəbe kəñan mó. K'ene só aka Kabayonñ ña ñasek danapa kó aka Yisrayel, kó ñayi kəfo kin.

² Kó kənesə kəpəñ kənder ña, bawo Kabayonñ dare döpəñ denayi, pəmó dare da abe. Denabek detas Hay, afum a di ñayenjk dis.

³ Kó Adoni Cedek wəbe wəka Yerusalem osom pakoloku Hoham wəbe wəka Heberonñ, Piram wəbe wəka Yarmut, Yafiya wəbe wəka Lakis, kó Debir wəbe wəka Ekilonñ:

⁴ «Nəder nəmar'im nte təñsəñe itam kəsut Kabayonñ, bawo ñantəñne kəsek danapa kó Yosuwe kó aka Yisrayel.»

⁵ Kó ñamberene abe kəcamət nde atof ña Amər: Wəbe wəka Yerusalem, wəbe wəka Heberonñ, wəbe wəka Yarmut, wəbe wəka Lakis, kó wəbe wəka Ekilonñ. Kó ñampe fəp fañan kó asodar aňan, kó ñaňkó ñacəmbər saňka səñan Kabayonñ kirin kó ñawəkərne ña.

⁶ Kó aka Kabayonñ ñasom pakoloku Yosuwe nde saňka sa Kilkal: «Ta məsak acar am, məperne nno səyi mó katəna! Ta məbañər acar am kəmar kam, bawo abe Amər fəp, aňe ñanandə nde dəmərə mó, ñamberene kədeyefərene kó səna.

⁷ Kó Yosuwe empe Kilkal kó asodar on fəp kó afum on ayeňki dis fəp.

⁸ Kó MARIKI kəloku Yosuwe: «Ta mənesə ña, bawo ilək ña k'imber'am dəwaca. Ali fum kəñan wəkin ofətam kəcəm'am fər kirin.»

⁹ Kó Yosuwe onkət pibi papókó fəp käyefe ka Kilkal, k'onkó pəberər ña.

¹⁰ Kó MARIKI kəsəñe ña käyeksər aka Yisrayel. Kó ñasut ña pəpəñ Kabayonñ, kó ñancəmə kəbeləs ña döpó nde dəmpə Bet Horon mó, kó ñandifət aka Amər hañ sədare sa Aseka kó Makeda.

¹¹ Käyeksər kəñan Yisrayel, nte aka Amər ñanabəp pətəmbələr pa Bet Horon mó, kó MARIKI käyefe kətorər ña cul ya letər yöpəñ hañ Aseka, kó ñafi. Aňe cul ya letər yenadif mó ñanala ñatas akó aka Yisrayel ñanadife sakma səñan mó.

¹² Kó Yosuwe oloku MARIKI dösök nde kənalək aka Amər kəber aka Yisrayel dəwaca mó, k'oloku aka Yisrayel fər kirin:

«Məna Dec, məcəmbərəs Kabayonñ!

Kó məna Nof, məcəmbərəs nde aranta ña Ayalon!»

¹³ Kó dec dəncəmə tofo tin kəm daco kó dəfatı kəkət kəltəs ka dösök din camcam, kó ñof ñi só ñecəmə hañ təm nte aka atof ña Yisrayel ñanalip kəlukse aterene aňan ayeł mó. Ancic fe ti nde Buk ba Wəlompu ba?

¹⁴ Dösök dentayi fe pəmó dösök dadökó, təcókó-cókó telpəs tenayi. MARIKI kənacəñkəl dim da fum, bawo MARIKI Yisrayel ño kəncsutnəne dösök dadökó.

¹⁵ Yosuwe kó aka Yisrayel fəp ñalukus dösök dadökó nde saňka sa Kilkal.

Yosuwe kadifət kən abe kəcamət

¹⁶ Kó abe aňe kəcamət ñayekse kó ñaňkó ñagbəpne dətəgbəkene nde Makeda.

¹⁷ K'əñkó paloku ti Yosuwe: «Abe akó kəcamət ñaňkó ñagbəpne nde təgbəkene ta Makeda.»

18 Kò Yosuwe oloku: «Nəbɪŋkəli masar məpəŋ, nəkə nəsunce mi kusunja ka təgbəkene tatəkə, nəcəmbər di afum ŋacbum.

19 Ta nəsak kəcəme aterene anu darəŋ, nəgbintərne ŋa dəpə, ta nəsak ŋa ŋabere dare danjan de! MARIKI kələk ŋa kəmbər un dəwaca!»

20 Nte Yosuwe kə awut aka Yisrayel ŋalip kəsut ŋa, mba ŋabut kəmələk ŋa fəp mə, mēne afum akin akin akə ŋanayekse-yekse ŋakə sədare sa sanja səkə sənalətərne ŋa mə.

21 Kə afum fəp ŋalukus bəkəc yoforu disre nde sanja sa Makeda, nde Yosuwe enayi mə. Ali fum enayenjk fe abəkəc kələkə ka aka Yisrayel tes tələma.

22 Kə Yosuwe oloku: «Nəfeni dəkəbere da təgbəkene ta tərə tante, nəwurene abe akanje kəcəmət nəker'em ma!»

23 Kə awure kə abe akanje kəcəmət dəndo dətəgbəkene, k'anjene kə: Wəbe wəka Yerusalem, wəbe wəka Heberəŋ, wəbe wəka Yarmut, wəbe wəka Lakis, kə wəbe wəka Ekiləŋ.

24 Nte awurene abe anje k'anjene Yosuwe mə, kə Yosuwe ewe afum aka Yisrayel fəp, k'oloku abe ən aka dəkəwan anje ŋanckə dəkəsutene mə: «Nəcəŋne nəna nəgbəce abe akanje kəcəmət mera wəcək wonu.» Kə afum anje ŋalətərne kə ŋaŋgbəce abe anje kəcəmət mera, wəcək wanjan.

25 Kə Yosuwe oloku: «Ta nənese, ta nəyikce! Nəyenjk dis, nəbəkne, bawo tante to MARIKI kəndekəyə aterene anu fəp anje nəyi kəsutene mə.»

26 Nte tencepər mə, kə Yosuwe osut ŋa, k'endif. K'əŋgbek ŋa tək kəcəmət daren, kə ŋandetsə tək yayəkə daren hanj dəfəy.

27 Dec dərəfəy, kə Yosuwe oloku a padeti ŋa dətək dəndo anagbek ŋa mə. K'anjə pagbal ŋa dəndo ŋanagbərne mə, k'asunce kusunja ka təgbəkene tatəkə masar məpəŋ. Tatəkə to pəsəryi dənda hanj məkə.

Yosuwe kətam kən afum a sədare sələma

28 Kə Yosuwe embanj sə dare da Makeda dəsək din dadəkə, k'osut ŋa k'endife ŋa dakma dən, kələkene wəbe kəŋan. Kə Yosuwe endif aka Makeda fəp, kə yəcəl yanjan yəkə yenayi di mə, ali fum enamulpər fe ŋa. K'əyə wəbe ka Makeda təkə enayə wəbe ka Yeriko mə.

29 Yosuwe kə aka Yisrayel fəp ŋancepər Makeda kə ŋanjə Libana, kə ŋawəkərne aka Libana.

30 Kə MARIKI kələk sə Libana kə wəbe kəŋan kə kəmbər ŋa aka Yisrayel dəwaca. Kə aka Yisrayel ŋandifəte ŋa sakma səŋan, kə afum akə ŋanayi di mə fəp. Ali fum enamulpər fe ŋa, kə ŋayə sə wəbe wəka Libana pəmə təkə ŋanayə wəbe wəka Yeriko mə.

31 Yosuwe kə aka Yisrayel fəp ŋayefe Libana kə ŋanjə Lakis. Kə ŋanjə ŋacəmbər di sanja səŋan for yanjan kirin, kə ŋawəkərne ŋa.

32 Kə MARIKI kələk Lakis kə kəmbər aka Yisrayel dəwaca tataka ta merəŋ nte, kə aka Yisrayel ŋandifəte ŋa sakma səŋan, kə afum akə ŋanayi di mə fəp, pəmə təkə ŋanayə aka Libana mə.

33 Kə Horam wəbe wəka Keser empe kəkəmar aka Lakis. Kə Yosuwe osut kə kə afum ən, ali wəkin enasak fe.

34 Yosuwe kə afum ən ŋancepər Lakis, kə ŋanjə Ekiləŋ. Kə ŋancəmbər di sanja səŋan for yanjan kirin, kə ŋawəkərne ŋa.

35 Kə MARIKI kələk aka Ekiləŋ kə kəmbər aka Yisrayel dəwaca dəsək din dadəkə. Kə ŋandifəte ŋa sakma səŋan, kə afum akə ŋanayi di mə fəp. Kə Yosuwe endif ŋa fəp dəsək din dadəkə, pəmə təkə enayə aka Lakis mə.

³⁶ Yosuwe kɔ aka Yisrayel fɛp ɲayefɛ Ekilɔŋ kɔ ɲaŋkɔ Hebɔrɔŋ, kɔ ɲawɛkɔrɛnɛ ɲa.

³⁷ Kɔ MARIKI kɔlɛk aka Hebɔrɔŋ kɔ kɔmber ɲa dɔwaca. Kɔ ɲandifɛtɛ ɲa sakma sɔŋan kɔbɔp ka wɔbɛ kɔŋan kɔ afum akɔ ɲanayi di mɔ fɛp, pɔmɔ tɔkɔ ɲanayo Ekilɔŋ mɔ. Ali fum ɛnamulpɔr fɛ Yosuwe, k'endif ɲa kɔlɛkɛnɛ afum akɔ ɲanayi di mɔ fɛp.

³⁸ Yosuwe kɔ aka Yisrayel ɲaŋkafɔlɔrɛnɛ aka Debir, kɔ ɲawɛkɔrɛnɛ ɲa.

³⁹ Kɔ MARIKI kɔlɛk Debir kɔ wɔbɛ kɔŋan kɔ kɔmber aka Yisrayel dɔwaca. Kɔ ɲandifɛtɛ ɲa sakma sɔŋan, kɔ ɲandif afum akɔ ɲanayi di mɔ fɛp. Ali fum ɛnamulpɔr fɛ ɲa. Kɔ Yosuwe ɔyɔ aka Debir kɔ wɔbɛ kɔŋan pɔmɔ tɔkɔ ɛnayo Hebɔrɔŋ, Libana kɔ abɛ aŋan mɔ.

⁴⁰ Kɔ Yosuwe osut aka mɔrɔ kɔrɔŋ akakɔ fɛp, atɔf ɲa Nɛkɛf nde kɛca kɛtɔt ka nde dec dɛmpɛ mɔ, pɔtilsɔrɛnɛ di atɔf ɲa tantɔf, kɔ atɔf ɲɲɛ ɲɛyi mɔrɔ kɔ aranta dacɔ mɔ, kɔlɛkɛnɛ ka abɛ aŋan fɛp. Ali fum ɛnasak fɛ. K'endif ca ɲɲɛ yɛncɛsɛm mɔ fɛp, pɔmɔ tɔkɔ MARIKI Kanu ka Yisrayel, kɔnasom kɔ ti mɔ.

⁴¹ Kɔ Yosuwe ɛntam afum kɔyɛfɛ ka Kadɛs-Barneya haŋ Kasa, kɔ kɔyɛfɛ antɔf ɲa Kɔsɛŋ fɛp haŋ Kabayɔŋ.

⁴² Kɔ Yosuwe ɛmbaŋ tɔf yayɔkɔ fɛp, kɔ abɛ a tɔf yayɔkɔ, bawo MARIKI, Kanu aka Yisrayel, kɔncsutnɛnɛ Yisrayel.

⁴³ Yosuwe kɔ aka Yisrayel fɛp ɲalukus nde sanjka sɔŋan nde Kilkal.

11

Yisrayel kɔsutɛnɛ kɔŋan nde Merɔm

¹ Ntɛ toloku tɛmbɔp Yabin wɔbɛ wɔka Hacɔr mɔ, k'osom afum nda abɛ alɔma: Yobab wɔbɛ wɔka Madɔŋ, wɔbɛ ka Simrɔŋ, wɔbɛ ka Aksaf,

² abɛ a kɛca kɛmeriya ka nde dec dɛmpɛ dɛmɔrɔ mɔ, nde Araba, kɛca kɛtɔt ka ntende dec dɛmpɛ Kinarot mɔ, nde pɔtilsɔrɛnɛ pa tɔf ya tantɔf, antɔf ɲa dɛmɔrɔ ɲa Dɔr nde dec dɛŋkɛlɛ mɔ,

³ aka Kanaŋ kɔyɛfɛ nde dec dɛmpɛ mɔ kɔ aka nde dec dɛŋkɛlɛ mɔ, aka Amɔr, aHit, aPerisi, aYebus nde dɛmɔrɔ, kɔ aHiwy nde tɔrɔ ta Hɛrmɔŋ tantɔf nde antɔf ɲa Mispe.

⁴ Kɔ ɲawur fɛp kɔ asɔdar aŋan, kɔ ɲayɔnɛ afum akin ayi, ɲanala pɔmɔ asɛnc ɲɲɛ ɲɛyi nde kɔba kɔsɔk mɔ. Fɛlɛs kɔ cibil ca kɔwan yɛnala.

⁵ Kɔ abɛ akanɛ fɛp ɲalɔŋkanɛ, kɔ ɲander ɲacɔmbɔr sanjka sɔŋan nde domun da Merɔm kɔsɔk, ɲadesutɛnɛ kɔ aka Yisrayel.

⁶ Kɔ MARIKI kɔloku Yosuwe: «Ta mɛnɛsɛ ɲa, bawo dec dandɛ alna indɛsɔŋɛ ɲa kɛfi fɛp fɔr ya aka Yisrayel kirinɲ. Mɛɔcopu bɛnta ya fɛlɛs yanjan, mɛɔf cibil cɔŋan.»

⁷ Yosuwe kɔ asɔdar ɔn ɲantorɔr ɲa katina dɛndo domun da Merɔm, kɔ ɲawɛkɔrɛnɛ ɲa.

⁸ Kɔ MARIKI kɔlɛk ɲa kɔ kɔmber aka Yisrayel dɔwaca. Kɔ ɲasut ɲa kɔ ɲambɛlɛs ɲa haŋ nde Sidɔŋ Sɔpɔŋ, haŋ Misrefɔt-Mayim, haŋ nde aranta ɲa Mispe nde mɔrɔ dacɔ ntende dec dɛmpɛ mɔ. Kɔ ɲandifɛt ɲa, ali fum ɛnamulpɔr fɛ ɲa.

⁹ Kɔ Yosuwe ɔyɔ ɲa pɔmɔ tɔkɔ MARIKI kɔnasom kɔ mɔ: K'oncopu bɛnta ya fɛlɛs yanjan, k'ɔncɔfɛ cibil cɔŋan ca dɛkɔwan nɛnc.

Kɔbaŋ ka dare dɔpɔŋ da Hacɔr

¹⁰ Tɛm tatɔkɔ, ntɛ ɲayi kɔlɛksɔrɛnɛ mɔ, kɔ Yosuwe ɛmbaŋ Hacɔr, k'endifɛ wɔbɛ kɔŋan dakma. Cɔkɔ-cɔkɔ Hacɔr ɲɛnɔyɔnɛ dare dɔpɔŋ da sɔdare nɛsɛ fɛp.

¹¹ Kò ñandifôte ña sakma, kò ñandif afum akò ñanayi di mò fəp. Ali paka peñesəm pin ñanasak fə, kò ñancəf Hacə.

¹² Kò Yosuwe embanj sò sədare sa abe akanje fəp, k'osumpər sò abe anjan, k'endifə ña dakma dən. K'endif ña fəp, pəmò təkò Musa wəcar ka MARIKI enasom kò ti mò.

¹³ Mba aka Yisrayel ñanacəfə fə ali dare din nde deyi nde mərə kəronj mò, mənə dare da Hacə gbəcərəm nde Yosuwe enacəf mò.

¹⁴ Kò aka Yisrayel ñalek daka nde ñanabəp di mò fəp kò yəcəl, mba kò ñandifôte afum fəp sakma səñan hanj kò ñamələk ña. Ali paka ñanasak fə mpe peñesəm mò.

¹⁵ Tosom nte MARIKI kənasom wəcar kən Musa mò, Musa enalukse kəsom kanjə Yosuwe, kò Yosuwe əñkətene kəsom kanjə. Ali tes tin enadencəs fə nte MARIKI kənasom Musa mò.

Yosuwe kəbanj kən ka təf

¹⁶ Kò Yosuwe embanj ntəf yayəkò fəp, kəyefə dəməwə, antəf ña Nəkəf fəp, antəf ña Kosəñ, pətilsərne pa ntəf ya tantəf, Araba, antəf nde mərə ma Yisrayel kò pətilsərne pa antəf ña tantəf ntende dec deñkale mò.

¹⁷ Kəyefə ka tərò mpe pəntəyò tək peyi kəca ka Seyir mò, hanj Bal Kad, nde mərə dacə ma Libanj nde tərò ta Hərməñ tantəf, k'osumpərəne abe anjan fəp, k'endifət ña.

¹⁸ Yosuwe ñanawon kəsutene kò abe akanje.

¹⁹ Ali dare deñayi fə nde deñsek kətəñne kò aka Yisrayel mò, mənə Kabayəñ nke aHiwy ñanande mò. Kò ñambanj sədare səlpəs nse fəp kəsutene disre.

²⁰ Bawo deyenji bəkac danjan nde MARIKI kò tencyefə, nte təñsəñe ñabere aka Yisrayel dəbəkək kəsutene mò, akakò ñadifət ña, ta ñanajəñene ña mò, ñamələk ña pəmò təkò MARIKI kənasom ti Musa mò.

²¹ Kò Yosuwe əñkə sò pəwəkərne aka Anak anje ñanayi nde mərə ma Həbərəñ, Debir, Anaba, nde mərə ma Yuda fəp, kò mərə ma Yisrayel mò. Kò Yosuwe endif afum aka di fəp kələkene sədare səñan.

²² Ali wəka Anak wəkin anasak fə sò nde antəf ña aYisrayel, mənə ñayi sò nde Kasa, nde Kat, kò nde Asdodi.

²³ Kò Yosuwe embanj antəf məlməl pəmò təkò MARIKI kənasom ti Musa mò. Kò Yosuwe əsəñ ntəf ya ke yayəkò aka Yisrayel k'eyer yi cusunja nce wəco kò mərəñ. Kò antəf ñəfər əñ, kò kəwan kəsakə.

12

Abə anje ñə aka Yisrayel ñanatom

¹ Abə anje ñə aka Yisrayel ñanatom, ñabanjər ña ntəf yanjan nde Yurdən kəsək ntende dec dəmpə mò, kəyefə ka nde kəñgbəkò ka Arnəñ hanj nde tərò ta Hərməñ, kò Araba fəp nde dec dəmpə mò:

² Sihəñ wəbe ka aka Amər, nwe enandə Hesbon mò, wəkakò enayəne wəbe wəka antəf kəyefə ka Arower nje ñeyi kəca ka nde kəñgbəkò ka Arnəñ mò, kəyefə ka nde kəñgbəkò dacə, kələkene dare da Kaladu dacə, hanj kəñgbəkò ka Yabək, nde ñayə kələncər kò aka Aməñ mò.

³ Dəbe dən dələkene antəf ña Araba, hanj nde kəba ka Kinarot nde dec dəmpə mò, kəkə ka nde kəba ka Araba, Kəba Kədokət, kəca nke dec dəmpə Bet Yesimət mò, kò kəca kətət ka pətəmbələr pa Piska ntende dec dəmpə mò.

⁴ Antəf ña Oku wəbe wəka Basan, wəRefay wəlpəs wələma enayi wəkakò, nwe enandə Astarot kò Edreyi mò.

⁵ Wəkakɔ enayɔne wəbe kəyefe ka tɔrɔ ta Hermonj kəkɔ ka Salka, kəbəp ka Basan fəp, hanj nde kəlɛncər ka aka Kesur kɔ aka Mahaka, kɔ kəyefe antɔf ɲa Kaladu daco hanj kəlɛncər ka antɔf ɲa Sihonj wəbe wəka Hesbon.

⁶ Musa wəcar ka MARIKI kɔ aka Yisrayel ɲasut ɲa. Kɔ Musa wəcar ka MARIKI əsɔɲ cusunja cacəkɔ Ruben, Kadu, kɔ kusunja daco ka Manase ntɔf yayɔkɔ.

⁷ Abɛ anjɛ ɲɔ Yosuwe kɔ aka Yisrayel ɲanatam nde antɔf ɲa Yurden ntende dec dɛɲkale mɔ, kəyefe ka Bal Kad nde aranta ɲa Libanj nde mɔrɔ daco ntende kəca kəmeriya nke dec dɛmpɛ, hanj tɔrɔ mpɛ pɔntɔyɔ tɔk pɛyi kəca ka Seyir mɔ. Kɔ Yosuwe əsɔɲ ntɔf yayɔkɔ aka Yisrayel, k'eyer yi cusunja cusunja nte,

⁸ nde dəmɔrɔ, nde pətilsərne pa ntɔf ya tantɔf, nde Araba, nde pətəmbəlɛr mpɛ pəyi mɔrɔ kɔ aranta daco, nde dətɛgbərə kɔ Nəkɛf. Nyɛ yɛnayɔne ntɔf ya aHit, aka Amɔr, aKananj, aPerisi, aHiwi kɔ aYebus.

⁹ Abɛ anjɛ aka Yisrayel ɲanatam mɔ, ɲanayɔne aka sədare nse:

Yeriko, Hay nde Betel kəsək,

¹⁰ Yerusalem, Hebərɔɲ,

¹¹ Yarmut, Lakis,

¹² Ekilɔɲ, Keser,

¹³ Debir, Keder,

¹⁴ Horma, Arad,

¹⁵ Libana, Adulam,

¹⁶ Makeda, Betel,

¹⁷ Tapuwa, Hefer,

¹⁸ Afek, Sarɔɲ,

¹⁹ Madɔɲ, Hacɔr,

²⁰ Simrɔɲ-Merɔɲ, Aksaf,

²¹ Tahanak, Mekido

²² Kɛdɛs, Yokonam nde Karmel

²³ Dɔr nde dɔlotərne Nafat Dɔr mɔ, kɔ Koyim nde Kilkal kəsək

²⁴ kɔ Tirsa.

Ti tɛnakɔ abɛ wəco maas kɔ tin.

13

Ntɔf nyɛ yɛncəme kəbanj mɔ

¹ Yosuwe ɛnasikɛr, pəyɔne wətem. Kɔ MARIKI kəlɔku kɔ: «Məsikɛr, məyɔne onj wətem, kɔ ntɔf nyɛ pamar a məbanj mɔ yɛla.

² Ntɔf nyɛ yɛncəme kəbanj: Ntɔf ya aFilisti fəp, kɔ ɲa aka Kesur fəp,

³ kəyefe ka kəɲgbəkɔ ka Sihɔr nke kəɲyɛkse domun Misira tekirinj mɔ, hanj nde kəlɛncər ka Ekəron kəca kəmeriya ka nde dec dɛmpɛ mɔ, nke kəmar kəyɔne ka aka Kananj akɔ abɛ aFilisti anjɛ kəcamət ɲayi ɲa kəronj mɔ: Wəbe wəka Kasa, wəbe wəka Asdodi, wəbe wəka Askalɔɲ, wəbe wəka Kat, kɔ wəbe wəka Ekəron, kələkɛne antɔf ɲa aka Awɪ.

⁴ Kəca kətɔt ka nde dec dɛmpɛ mɔ, antɔf məlməl ɲa aka Kananj, Meyara, mme məyɔne ma aSidɔɲ mɔ, hanj Afek, hanj nde kəlɛncər ka aka Amɔr.

⁵ Ntɔf yɔkɔ yɛncəme kəbanj mɔ yɔyɔne antɔf ɲa Keval, kɔ Libanj məlməl ntende dec dɛmpɛ mɔ, kəyefe Bal Kad nde tɔrɔ ta Hermonj tantɔf hanj kəberɛ ka Hamat.

⁶ Ntɔf ya afum aka dəmɔrɔ fəp kəyefe Libanj hanj Misrefɔt-Mayim yɛncəme kəbanj, aka Sidɔɲ ɲɔ ɲayɔne. Tɔkɔ aka Yisrayel ɲande kəccɔɲəsne mɔ, itɔ indekɔ iclinj ɲa fɔr yaɲan kirinj. Mədə məsɔɲ antɔf ɲanɔkɔ fəp aka Yisrayel, məcyer ɲa

ɲi kusunƙa o kusunƙa ko da endetaɲne ma toɲone ke kaɲan pa mo toko ilok'am ti ma.

⁷ Møyer antof nɲe cusunƙa nce camot-manƙale ko kusunƙa daco ka Manase.»

Køyerene ka antof nɲe ɲeyi Yurden kasak ntende dec dempe ma

⁸ Kusunƙa daco ka Manase, ko cusunƙa ca Ruben ko Kadu ɲanasoto ntɔf ya ke yaɲan Yurden kasak ntende dec dempe ma, pa mo toko Musa wacar ka MARIKI enasɔɲ ɲa di ma.

⁹ Anasɔɲ ɲa antof køyefe ka Arower nde kaɲgboko ka Arnɔɲ kaɓɓɔ ka dare doko deyi aranta nde moɔ daco ma, ko paɲbantakala pa Medeba, haɲ Dibɔɲ,

¹⁰ kaɓɓɔ ka sadare sa Sihɔɲ wabe waka aka Amɔɔ, nwe enayone wabe waka Hesbon ma, haɲ nde kaɲncɔr ka aka Amɔɲ.

¹¹ Ko ɲasoto so antof ɲa Kaladu, ntɔf ya aka Kesur ko aka Mahaka, toɔ ta Hermon, ko Basan, haɲ Salka,

¹² kaɲekene debe da Oku fap nde Basan, nwe enayone wabe waka Astarot ko Edreyi ma, nkɔn so paɲone fum walpas waloma waka aRefay. Ko Musa osut abe akako, k'embaɲɔr ɲa ntɔf yaɲan.

¹³ Mba aka Yisrayel ɲanabaɲɔr fe aka Kesur ko aka Mahaka ntɔf yaɲan, bawo haɲ mako aka Kesur ko aka Mahaka ɲande aka Yisrayel daco.

¹⁴ Kusunƙa ka Lewy gbacɔram k'anatɔɔɲ antof ɲa ke. Daka nde anasake ɲa ma denayone yolɔɲne nye ancɔfe MARIKI Kanu ka Yisrayel, pa mo toko enaloku ɲa ti ma.

¹⁵ Ko Musa ɔɔɲ aka kusunƙa ka Ruben antof nɲe dacor dacor.

¹⁶ ɲa ɲanasoto antof køyefe Arower nde kaɲgboko ka Arnɔɲ ko dare nde deyi moɔ daco, paɲbantakala pa nde Medeba,

¹⁷ kaɲekene Hesbon ko sadare fap nse saɲi nde paɲbantakala pa Dibɔɲ, Bamot Bal, Bet Bal Meyɔɲ,

¹⁸ Yahas, Kedemot, Mefahat,

¹⁹ Kiriyaɲayim, Sibma, Seret-Sahar nde toɔ teɲeci mpe penayi aranta daco ma,

²⁰ Bet Peyɔɔ, paɲambalar pa Piska, ko Bet Yesimot,

²¹ ko sadare sa paɲbantakala, ko debe da Sihɔɲ wabe waka Amɔɔ, nwe enayi aka Hesbon kaɔɲ ma. Musa enasut ɲa, ɲa ko akirin aka Madiyan: Efy, Rekem, Cur, Hur, ko Reba, nde debe da Sihɔɲ ane ɲanande dotɔf ma.

²² Aka Yisrayel ɲanadife afum alɔma sakma saɲan. Wɔgbal kasanc Balam wan ka Beyɔr enayi ɲa daco.

²³ Kaɲncɔr ka antof ɲa aka Ruben ntende dec denƙale ma kaɲayone kaɲgboko ka Yurden. Ke ka aka Ruben kaɲayi kaɲko dacor dacor: Sadare saɔɲ ko sadare safet sa si.

²⁴ Musa enasɔɲ antof aka kusunƙa ka Kadu dacor dacor.

²⁵ ɲa ɲanasoto dare da Yaser, sadare sa Kaladu, ko antof ɲa aka Amɔɲ daco haɲ dare da Arower nde dentefarne dare da Raba ma,

²⁶ ko køyefe ka Hesbon haɲ dare da Ramat-Mispe, ko Betonim, kaɓɓɔ ka dare da Mahanayim haɲ nde kaɲncɔr ka antof ɲa Debir.

²⁷ Ke kaɲan kaɲekene sadare sa Bet Haram nde daranta, Bet Nimra, Sukot ko Cafɔɲ, ko paɲpas pa debe da Sihɔɲ wabe waka Hesbon, kaɲekene antof ɲa Yurden kasak ntende dec dempe ma haɲ dakaɲpasɔr da kaɓa ka Kinarot.*

²⁸ Ke ka aka Kadu kaɲayi kaɲko dacor dacor: Sadare saɔɲ ko sadare safet sa si.

* 13:27 Kaɓa ka Kinarot andenar so tewe ta «Kaɓa ka Kalile»

²⁹ Musa enasɔŋ kusunƙa daco ka aka Manase ntɔf dacor dacor.

³⁰ Na njanasoto ntɔf nyɛ yɛnayanɛ kɛyɛfɛ Mahanayim, Basan malmal, dɛbɛ da Oku wɛbɛ wɛka Basan fɛp kɛlɛkɛnɛ ka sɔdare wɛco camɔt-tin sa cɛbal ca antɔf na Yahir ndɛ Basan,

³¹ antɔf daco na Kaladu, dare da Astarot, kɔ dare da Edreyi, sɔdare sa Oku wɛbɛ wɛka Basan. Anasɔŋ afum daco a Makir wan ka Manase antɔf njanɔkɔ dacor dacor.

³² Ntɔf yayɔkɔ yɔ Musa enasɔŋɛs ndɛ aranta na Mohab, Yurdɛn kɛsɛk ntɛndɛ dec dɛmpɛ mɔ, pɛntɛfɛrɛnɛ kɔ Yeriko.

³³ Musa enasɔŋ fɛ kusunƙa ka Lewy antɔf na kɛ: MARIKI, Kanu ka Yisrayel kɛnayanɛ daka danjan, pɛmɔ tɔkɔ Kanu kɛnaloku na mɔ.

14

Kɛyɛrɛnɛ ka antɔf na Kanan

¹ Ntɔf yayɔkɔ yɔ anasɔŋɛs aka Yisrayel ndɛ antɔf na Kanan. Wɛlɔŋnɛ Elasar, Yosuwe wan ka Nun, kɔ abɛ akirinɔ a cusunƙa njanasɔŋ aka Yisrayel ntɔf ya kɛ.

² K'anƙot yampun-pun kɛyɛr ka ntɔf ya kɛ pɛmɔ tɔkɔ MARIKI kɛnasom Musa kɛyɛr yi, cusunƙa nɛɛ camɔt-manƙɛlɛ kɔ kusunƙa daco ka Manase mɔ.

³ Bawo Musa enasɔŋ antɔf na kɛ cusunƙa cance mɛrɔŋ kɛlɛkɛnɛ ka kusunƙa daco ka Manase ndɛ Yurdɛn kɛsɛk ntɛndɛ dec dɛmpɛ mɔ, mba enasɔŋ fɛ kusunƙa ka Lewy ntɔf ya kɛ aka Yisrayel daco.

⁴ Afum a awut mɛrɔŋ a Isifu njanayi cusunƙa mɛrɔŋ: Manase kɔ Efrayim. Ali kɛfo anasɔŋ fɛ aka kusunƙa ka Lewy, mɛnɛ sɔdare sɛndɛ kɔ cɛsɛk ca si, teta yɔcɔl nyɛ njanasoto mɔ.

⁵ Kɔ aka Yisrayel njanɔ pɛmɔ tɔkɔ MARIKI kɛnasom Musa a pɛyɛr antɔf mɔ.

⁶ Kɔ aka Yuda njanɔtɛrnɛ Yosuwe ndɛ Kilkal. Kɔ Kalebi wan ka Yefune wɛka Kenisi eyif kɔ: «Mɛna mɛncɛrɛ tɔkɔ MARIKI kɛlɔku Musa fum wɛka Kanu te tosu mɔ, ina kɔ mɛna, ndɛ Kadɛs-Barneya.

⁷ Mɛrɛn wɛco manƙɛlɛ m'inayɔ, tɛm ntɛ Musa wɛcar ka MARIKI oncsom'im kɛyɛfɛ ka Kadɛs-Barneya kɛkɛtɛn mes yɔkyɔk dɔtɔf, k'inƙɔ ilɔmɛr kɔ mes mɛmɛ intɔŋnɛ mɔ abɛkɛc nɔsoku pɛs.

⁸ Awɛnc'im anja anjɛ sɛnɛpɛ mɔ, njanasɔŋɛ afum kɛtor bɛkɛc, mba ina inacɛmɛ dim da MARIKI, Kanu kem darɔŋ.

⁹ Dɔsɔk dadɔkɔ dɔ Musa ɛndɛrɛm ntɛ: «Ilan ti fɔ ntɔf yayɛ mɛnakɔtɛnɛ mɔ, mɛnɛ antɔf njan nyɛ yi daco, antɔf njanɔkɔ nɛndɛyɔn'am kɛ, mɛna kɔ awut am doru o doru, bawo mɛncɛŋkɛl dim da MARIKI, Kanu kem.»

¹⁰ Awa mɛgbɛtɛnɛ ntɛ: Nɛkɛl MARIKI kɛsɔŋ em kiyi ka doru, pɛmɔ tɔkɔ kɛnaloku ti mɔ. Tɛnasoto mɛrɛn wɛco manƙɛlɛ kɔ kɛcamɔt ntɛ MARIKI kɛncloku Musa ntɛ mɔ, ntɛ aka Yisrayel njanckɔt dɛtɛgbɛrɛ mɔ. Nɛkɛl ɔŋ, inɛwɛ isɔto mɔkɔ mɛrɛn wɛco camɔt-maas kɔ kɛcamɔt.

¹¹ Isɔrɔtamnɛ pɛmɔ dɔsɔk ndɛ Musa oncsom'im mɔ. Isɔrɔyɔ fɛnɔntɛr fa kɛwan, kɛbɛrɛ kɔ kɛwur pɛmɔ tɛm tatɔkɔ.

¹² Mɛsɔŋ'im ɔŋ antɔf ndɛ dɛmɔrɔ nɛɛ MARIKI kɛnaloku ta ni dɔsɔk dadɔkɔ mɔ. Mɛnɛnɛ dɔsɔk dadɔkɔ a aka Anak nɛndɛ di sɔdare sɛpɔŋ. Kɔ nɛlompɛs si ntɛ tɔsɔŋɛ ta atɛrɛnɛ anjan njanɛm kɛbɛrɛ. Kɔ MARIKI kɛsol em-ɛ, indɛbanjɛr na sɔdare sanjan pɛmɔ tɔkɔ nkɔn MARIKI kɛnalok'im ti mɔ.

¹³ Kɔ Yosuwe ontola Kanu teta Kalebi wan ka Yefune, k'ɔsɔŋ kɔ dare da Hebɔrɔŋ.

¹⁴ Ti tɛnasɔŋɛ Kalebi wan ka Yefune wɛka Kenisi pɛsɔto dɔsɔk dadɔkɔ kɛ ka Hebɔrɔŋ, nɛkɛ kɛsɔrɔyi hanj mɔkɔ bawo Kalebi ɛnacɛmɛ dim da MARIKI Kanu ka Yisrayel darɔŋ.

¹⁵ Tewe ta Hebərōḅ tōcōkō-cōkō tenayōne Kiriyat-Arba. Arba fum wəpōḅ enayi aka Anak daco.

Kəyefe tēm tatōkō kō antōf ḡfōr, kəwan kəyi fē sō.

15

Antōf ḡa kusunḡa ka Yuda

¹ Antōf ḡe kusunḡa ka Yuda ḡasōtō dācor dācor mō ḡenayōne kəyefe ka kəlāncār ka Edōm nde tēgbāre ta Cin nde Nēkef pōḅ dāndo kəca kətōt ka nde dec dēmpre mō.

² Kəlāncār kəḡan kəyefe kəsēr ka Kəba Kədokət nde kəca kətōt, kəbāp dobo da kəba dōkō dentefārene kō Nēkef mō.

³ ḡpōkō pēbāp nde kəca kətōt ka Dəkāpē da Mekəlencār, kəcepār ka Cin, kəpərne ta Kadēs Barneya, kəcepār ḡan ḡecāron, kəpərne ta Adar, kō kəkafālār Karka.

⁴ Ki kəcepār sō ta Asmōḅ, kəkō sō kənarne kəḡḡbōkō ka Misira, kəlāncār kayi kəfutār nde dākəba. Kəlāncār konu kəndeyi kəḡkō nde kəca kətōt ka nde dec dēmpre mō.

⁵ Ntende dec dēmpre mō, kəlāncār kənayōne Kəba Kədokət ḡan nde dobo da kəḡḡbōkō ka Yurdēn. Kəca kəmeriya ka nde dec dēmpre mō, kəlāncār kəncōp kəyefe ka nde temer ta kəba, mpē peyi nde dobo da Yurdēn mō.

⁶ Kəlāncār kəḡan kəpərne kəca ka Bet Hokəla, kəcepār ntende kəca kəmeriya ḡan Bet Araba mō, kō kəpərne ḡan nde Tasar ta Bohan wan ka Ruben.

⁷ Kəyefe di kəlāncār kəḡkō Debir kəcepār ta mōrō daco nde aranta ḡa Akōr, kəkafālār kəca kəmeriya ntende Kilkal, nde pāntefārene kō Kəpē ka Adumim kəca kətōt ka kəḡḡbōkō. Kəcepār domun da En-Semes kəsək, kəkō kəfutār nde En-Rokel.

⁸ Kəlāncār kənapərne kəyefe ka nde aranta ḡa Bēn-Hinōm ḡan pətāmbəlār pa aka Yebus kəca kətōt, nde pəyōne Yerusalem mō, kəpərne ḡan nde telempān pa tōrō mpē peyi aranta ḡa Hinōm kəca nke dec dēḡkale mō, kō dəkəlāpsār da aranta ḡa aka Refay nde mōrō daco ntende kəca kəmeriya.

⁹ Kəyefe ka nde dātelempān, kō kəlāncār kənder kəkafālār nde domun dēncpē mō nde Nēftowa, kō kəsōlne sādare sa tōrō ta Efrōḅ, kō kəḡkafālār sō Bala nde pəyōne Kiriyat-Yeyarim mō.

¹⁰ Nte kəḡkafālār Bala ntende dec dēḡkale mō, kəca ka nde mōrō ma Seyir, kō kəcepār pətāmbəlār pa Tōrō ta Yeyarim ntende kəca kəmeriya, it'ōyōne Kəsālōḅ, kətōr Bet Semes, kō kəcepārene Timna.

¹¹ Kənarne pətāmbəlār pa Ekāron kəca kəmeriya, kəkafālār ntende dec dēḡkale mō nde Sikārōḅ, kəcepārene nde Tōrō ta Bala, kəkō kənarne Yabanel, kō kəcōḡne kəfutār nde dākəba.

¹² Cəlāncār ca ntende dec dēḡkale mō cənayōne Kəba Kəpōḅ kō agbep ḡa ki. Tante tō aka kusunḡa ka Yuda ḡanayō cəlāncār ca antōf ḡanjan dācor dācor.

¹³ K'asōḅ Kalebi wan ka Yefune dare da Kiriyat Arba aka kusunḡa ka Yuda daco, pəmō tōkō MARIKI kənaloku ti Yosuwe mō. Kiriyat-Arba kəyōne Hebərōḅ. Arba enayōne papa wəka aka Anak.

¹⁴ Kō Kalebi embanḡar atōf ḡa aka Anak aḡe maas dāndo: Sesay, Ahiman, kō Talmay, ḡa ḡanayōne afum a Anak.

¹⁵ Kəyefe dāndo kō Kalebi empərne kəkōwēkərne afum a dare da Debir. Debir dō ancwe cōkō-cōkō Kiriyat-Sefer.

¹⁶ Kō Kalebi oloku: «Məna nwe mənḡsut aka Kiriyat-Sefer məbanḡar ḡa di mō, isōḅ'am Aksa wan kem wəran mənence.»

17 Otniyel wan ka Kenas wɛnc ka Kalebi embanjɔr ɲa di. Kɔ Kalebi ɔsɔɲ kɔ wan kɔn wɛran Aksa kɛnɛncɛ.

18 Ntɛ Aksa ender mɔ, k'empɛnɛ wos abɛkɛc kɛkɔwer ka kas Kalebi abɔf. Aksa ɔɲkɔtor safale kɛrɔɲ, kɔ kas Kalebi eyif kɔ: «Ake mɛfan-ɛ?»

19 Kɔ wan wɛran nwe oloku kas fɔ: «Mɛtolan'em, bawo mɛsɔɲ'im antɔf nde kɛca kɛtɔt, mɛpɔc'em sɔ antɔf nde domun dɛncpɛ mɔ.» Kɔ Kalebi ɔsɔɲ kɔ antɔf ɲɔtɔt ɲɲɛ domun dɛncpɛ dɛntɔf nde dɛtɔrɔ kɔ nde daranta mɔ.

20 Ntɔf yayɔkɔ yɔ kusunja ka aka Yuda ɲanasɔtɔ kɛyɛr ka kɛ disrɛ dɛcor dɛcor.

21 Sɛdare nɛ sɛyi dɛkɛlɛpsɛr da antɔf ɲa kusunja ka Yuda mɔ ntende kalɛncɛr ka Edɔm nde Nɛkɛf kɛca kɛtɔt ntende dec dɛmpɛ mɔ. Si sɛnayɔnɛ: Kabɛcel, Eder, Yakur,

22 Kina, Dimona, Adada,

23 Kɛdɛs, Hacɔr, Yitnan,

24 Sif, Telem, Beyalɔt,

25 Hacɔr-Hadata, Keriyɔt-Hɛcɛron nke kɛyɔnɛ Hacɔr mɔ,

26 Amam, Sema, Molada,

27 Hasar-Kada, Hesbon, Bet Palet,

28 Hasar-Suhal, Berseba, Bisiyoteya,

29 Bala, Hiyim, Hɛsɛm,

30 ɛltoladu, Kesil, Horma,

31 Cɛkɛlak, Madamana, Saɲsana,

32 Lebayot, Silhim, Ayin kɔ Rimon. Kɛbɛrɛnɛ ka sɛdare sasɔkɔ fɛp sɛkɔ sɛdare wɛco mɛrɛɲ kɔ camɛt-manjkɛlɛ (29) kɔ sɛdare sɛfɛt sa si.

33 Sɛdare nɛ sɛyi aranta nde pɛntilsɛrnɛ pa antɔf ɲa tantɔf mɔ: ɛstɔl, Corha, Asna,

34 Sanowa, En-Kanim, Tapuwa, Enam,

35 Yarmut, Adulam, Soko, Aseka,

36 Sarayim, Aditayim, kɔ Kɛdera nke aɲwe sɔ Kɛderotayim mɔ. Sɛdare wɛco kɔ manjkɛlɛ (14) kɔ sɛdare sɛfɛt sa si.

37 Cenan, Hadasa, Mikɛdal-Kad

38 Dilhan, Mispɛ, Yokɛtel,

39 Lakis, Bocɛkat, Ekilɔɲ,

40 Kabon, Lahamas, Kitɛlis,

41 Kɛderɔt, Bet Dakɔɲ, Nahama, kɔ Makeda. Si sɛnayɔnɛ sɛdare wɛco kɔ camɛt-tin (16) kɔ sɛdare sɛfɛt sa si.

42 Libana, Hɛtɛr, Asan,

43 Yifta, Asna, Necibi,

44 Keyila, Akɛsibu kɔ Maresa. Si sɛnayɔnɛ sɛdare camɛt-manjkɛlɛ (9) kɔ sɛdare sɛfɛt sa si.

45 Ekɛron, kɔ sɛdare sɛfɛt sa di,

46 kɛyɛfɛ ka Ekɛron sɛdare nɛ sɛyi Asdodi kɛsɛk mɔ fɛp,

47 Asdodi kɔ sɛdare sɛfɛt sa di, Kasa kɔ sɛdare sɛfɛt nɛ sɛyi di kɛsɛk mɔ, haɲ nde kɛɲgbɔkɔ ka Misira, haɲ nde Kɛba Kɛpɔɲ kɔ agbɛp ɲa ki.

48 Nde dɛmɔrɔ: Samir, Yatir, Soko,

49 Dana, Kiriyat-Sana, nde pɛyɔnɛ Debir mɔ,

50 Anaba, Esitemo, Anim,

51 Kosɛɲ, Holon kɔ Kilo. Si sɛyɔnɛ sɛdare wɛco kɔ pin (11) kɔ sɛdare sɛfɛt sa si.

52 Araba, Ruma, ɛsaɲ,

53 Yanum, Bet Tapuwa, Afeka,

⁵⁴ Humeta, Kiriyat-Arba nde pɔyɔnɛ Hebɔrɔŋ mɔ, kɔ Cihɔr. Si sɔyɔnɛ sɔdare camɛt-manɲkɛ (9) kɔ sɔdare sɔfɛt sa si.

⁵⁵ Mahon, Karmel, Sif, Yuta,

⁵⁶ Yisrel, Yɔkdeham, Sanowa,

⁵⁷ Kayin, Kibeya, kɔ Timna. Si sɔyɔnɛ sɔdare wɔcɔ (10) kɔ sɔdare sɔfɛt sa si.

⁵⁸ Halhul, Bet Cur, Kedɔr,

⁵⁹ Maharat, Bet Anot, kɔ Elɛtɔkon. Si sɔnayɔnɛ sɔdare camɛt-tin (6) kɔ sɔdare sɔfɛt sa si.

⁶⁰ Kiriyat Bal nde pɔyɔnɛ Kiriyat-Yeyarim mɔ, kɔ Raba, si sɔnayɔnɛ sɔdare mɛrɔŋ (2) kɔ sɔdare sɔfɛt sa si.

⁶¹ Nde dɛtɛgbɔrɛ: Bet Araba, Midin, Sekaka,

⁶² Nibɛsan, Hir-Mela*, kɔ En-Kedi, si sɔnayɔnɛ sɔdare camɛt-tin (6) kɔ sɔdare sɔfɛt sa si.

⁶³ Aka kusunɲa ka Yuda ŋanatom fɛ kɔbɔnɔr aYebus aŋɛ ŋanandɛ Yerusalem mɔ, kɔ aYebus ŋandɛ kɔ aka kusunɲa ka Yuda nde Yerusalem haŋ mɔkɔ.

16

Antɔf ŋa kɛ ŋa kusunɲa ka Isifu

¹ Ntɔf nyɛ anasɔŋ aka kusunɲa ka Isifu mɔ yɛnayɔnɛ, ntɛ aŋkot yampunɲun mɔ, kɔyɛfɛ ka Yurɔɔn nde Yeriko kɔsɛk kɔca ka ntɛndɛ domun da Yeriko ntɛndɛ dec dɛmpɛ mɔ, kɔcɛpɔr ka dɛtɛgbɔrɛ kɔpɛrɛnɛ ka Yeriko kɔkɔ ka nde dɛmɔrɔ ma Betel.

² Ki kɔcɛpɔr Betel kɔ Lus, kɔkɔ kɔcɛpɔr kɔca ka kɔlɔncɔr ka aka Arki nde Atarot,

³ kɔtor ntɛndɛ dec dɛŋkɛlɛ mɔ, kɔca ka kɔlɔncɔr ka aYafɔlet haŋ nde antɔf ŋa Bet Horon-Tantɔf, haŋ Keser kɔkɔfutɔr nde dɔkɔba.

⁴ Kɛ kaŋkɔ cusunɲa ca Efrayim kɔ Manase awut a Isifu ŋanasɔtɔ.

⁵ Antɔf ŋa aka Efrayim ŋɔ ŋaŋɛ dɔcɔr dɔcɔr: Kɔlɔncɔr kɔ kɛ kɔŋan kɔnayɔnɛ ntɛndɛ dec dɛmpɛ mɔ, Atarot Adar haŋ Bet Horon Takɔrɔŋ.

⁶ Kɔlɔncɔr kɔnabɔp Kɔba Kɔpɔŋ ntɛndɛ dec dɛŋkɛlɛ mɔ, kɔca ka Mikɛmetat ntɛndɛ kɔca kɔmeriya. Kɔkɔfɔlɔr ntɛndɛ dec dɛmpɛ mɔ, kɔca ka Tahanat-Silo, kɔcali ntɛndɛ dec dɛmpɛ mɔ, kɔca ka Yanoha.

⁷ Kɔ kɔyɛfɛ Yanoha, kɔ kɔntɔr Atarot kɔ Nahara, kɔ kaŋkɔ kɔsɛŋkɔlɔr Yeriko, kɔ kaŋkɔ kɔnarnɛ Yurɔɔn.

⁸ Kɔyɛfɛ Tapuwa, kɔ kɔlɔncɔr kaŋkɔ kɔca nkɛ dec dɛŋkɛlɛ mɔ, ntɛndɛ kɔŋgbɔkɔ ka Kana kɔkɔnarnɛ nde dɔkɔba. Kɛ kaŋkɔ kɔ kusunɲa ka Efrayim ŋanasɔtɔ dɔcɔr dɔcɔr,

⁹ kɔlɛkɛnɛ ka sɔdare nɛɛ anacɔmbɔrɛ aka Efrayim nde antɔf ŋa kɛ ka Manase mɔ, kɔlɛkɛnɛ sɔdare sɔfɛt sa si.

¹⁰ Ŋa sɔ ŋanabɔnɔr fɛ aKanaŋ aŋɛ ŋandɛ Keser mɔ, aKanaŋ ŋandɛ afum a Efrayim dacɔ haŋ mɔkɔ, mba ŋayi acar aŋɛ ŋambɔcɛ afum a Efrayim mɔ dacɔ.

17

¹ Anacɔmbɔrɛ sɔ kusunɲa ka Manase coco ca Isifu atɔf ŋa kɛ. Awut a Makir coco ca Manase papa wɔka Kaladu, ŋanasɔtɔ antɔf, bawo fum wɔka kɔwan ɛnayi. Anacɔmbɔrɛ ŋa Kaladu kɔ Basan.

² Anacɔmbɔrɛ sɔ afum a Manase alpɔs antɔf ŋa kɛ dɔcɔr dɔcɔr, kɔlɛkɛnɛ afum a Abiyeser, a Helek, a Asriyel, a Sɛkɛm, a Hefɛr, kɔ afum a Semida. Awut arkun a Manase wan ka Isifu ŋanayi akakɔ dɔcɔr dɔcɔr.

* 15:62 Hir-Mela ti tɔyɔnɛ «Dare da Mɛr.»

³ Celofahad wan ka Hefer, wan ka Kaladu, wan ka Makir, wan ka Manase, enayo fe wan warkun, mene awut aran. Mewe manjan meme: Mahala, Noha, Hokala, Milka, ko Tirsa.

⁴ Ko awut aran ane nanako for ya walongne Elasar, Yosuwe wan ka Nun ko akirin, ko naloku: «MARIKI kanasom Musa a pason so sena ke awenc asu daco.» K'ason ja ke awenc anjan daco pamo toko MARIKI kanaloku ti mo.

⁵ Kanacambare Manase ntof waco, kalekene antof ja Kaladu ko ja Basan nye jeyi Yurden kaca kanjo ntende dec dempe mo,

⁶ bawo awut aran a kusunja ka Manase nanasoto ke awut arkun a kusunja on daco. Ko antof ja Kaladu nyoyone ja awut arkun alpəs a kusunja ka Manase ako.

⁷ Kalancar ka Manase kancko kayefe Aser hanj Mikemetat, nde panteferene ko Sekem, kako kaca ketot ntende antof ja aka En-Tapuwa.

⁸ Atof ja Tapuwa ja Manase nenayi, mba dare da Tapuwa, nde denayi kalancar ka Manase karonj mo, aka kusunja ka Efrayim jo nanapanje di.

⁹ Kalancar kanjo kanctor nde kanjgoko ka Kana. Sadare saloma sa Efrayim senayi sadare sa Manase daco nde kaca ketot ka kanjgoko ntende dec dempe mo. Ntende dec denjale mo, kalancar ka Manase kanfcuter dakaba.

¹⁰ Ito tatoko antof ja kusunja ka Efrayim nenayi kaca ketot ka nde dec dempe mo, k'antof ja Manase jeyi kaca kamariya. Kaba kanayone ja kalancar ka nde dec denjale mo, antof nanjan nembap antof ja Aser ntende kaca kamariya, ko nembap antof ja Yisakar ntende dec dempe mo.

¹¹ Kanacambare kusunja ka Manase sadare nse nde ntof ya Aser ko Yisakar: Bet San, Yibaleham, afum aka Dor , afum aka En-Dor, afum aka Tahanak, ko afum aka Mekido, sadare sa Nafet maas, ko sadare safet safet sa si fap.

¹² Aka Manase nanatam fe kaban ja sadare sasoko, bawo aka Kanan so nafan kaji ka atof nanjo.

¹³ Nte aka Yisrayel ndesoto fanontar mo, ko nancambar aka Kanan yebac nanjan, mba nanatam fe kabanar ja antof malmal.

¹⁴ Ko afum a Isifu naloku Yosuwe nte mo: «Ta ake to mason em tofo tin gbon ke-e? Mancare a afum em njala, bawo ketolane ka MARIKI kasoy'im daraj hanj ndekal.»

¹⁵ Ko Yosuwe oloku ja: «Ko mayo afum alarəm-e, mape nde dakulum, mako macepas kəfo nde ntof ya aPerisi ko aRefay, bawo antof nde mero ma Efrayim jeweken'am.»

¹⁶ Ko aka Isifu naloku: «Antof ja nde mero nye njofotagne su kande. Ta meraj ta ti, cibil ca kewan ca fec cəyi nda aKanan ane nanyi nde aranta ja di mo, ane nanyi aranta ja Bet San ko sadare safet sa di, ko ako nanyi nde aranta ja Yisrel nde mero daco mo.»

¹⁷ Ko Yosuwe oloku aka cusunja ca Isifu, Manase ko Efrayim: «Afum alarəm jo nayone, ko nayo so fanontar. Nəfədeyo kəfo kin gbon,

¹⁸ mba nəjoyo antof ja dəmoro malmal. Ali nte nyoyone kulum mo, nandecəpas ki, ntəf fəp yendeyone yonu. Nəndəbanar aKanan antof nanjan, ali nte njayo cibil ca fec ko njayo so fanontar mo.»

18

Kayer ka ntəf cusunja calpas

¹ Ko aka Yisrayel fəp nalənkane Silo, ko nacambər di anjbanan ja dakəbərəne ko Kanu. Nanaban antof, jeyi onji kənan.

² Mba pəncəme cusuŋka camət-merəŋ ca aka Yisrayel aŋe ŋanato-səto kəresna ke kəŋan mə.

³ Kə Yosuwe oloku aka Yisrayel: «Ake tɛm tɔ nəndesak kədencəs kələk ka ke nke MARIKI, Kanu ka awisi aŋa kəsəŋ'un mə?»

⁴ Nəwure afum maas maas dəcusuŋka dəcusuŋka. Isom ŋa ŋandeyefe ŋakotene antof ŋakəkce ŋapirint ŋi, ŋader ŋasəŋ'im.

⁵ ŋandeyerene antof mopoc camət-merəŋ. Aka Yuda ŋaŋkəyi Nəkɛf, antof ŋaŋan ntende kəca kətət ka nde dec dempe mə, kə aka kusuŋka ka Isifu ŋa ŋayi nde antof ŋaŋan ntende kəca kəmeriya.

⁶ Kə nəna nəkə nəkəkce atof mofɔ camət-merəŋ, nəde nəlok'im ti nno. Kəkot'on k'inder yampuŋ-puŋ fɔr ya MARIKI Kanu kosu kirin.

⁷ Mba aLewy ŋa ŋafəsətə antof ŋa ke nəna daco, bawo ŋa ŋatəmpər teta MARIKI, ti təyone ke kəŋan. Kə Kadu, Ruben kə kusuŋka daco ka Manase ŋanasətə nde Yurden kəsək ntende dec dempe mə ke kəŋan nke Musa wəcar ka MARIKI enasəŋ ŋa mə.»

⁸ Kə afum aŋe ŋayefe, kə ŋaŋkə. Yosuwe enaloku akə enasom kəkəcic megbekare maŋan ma antof mə nte: «Nəkə nənəŋkar antof, nəkəkce nəder nəlok'im, bawo kəkot'on k'inder yampuŋ-puŋ fɔr ya MARIKI kirin teta kəyerene ka antof nde Silo.»

⁹ Kə afum aŋe ŋaŋkə, kə ŋancali antof, kə ŋacic dəbuk təkəkce ta mofɔ mme camət-merəŋ, sədare sədare. Kə ŋaluksərne nno Yosuwe eyi mə, nde saŋka sa Silo.

¹⁰ Kə Yosuwe oŋkotə ŋa yampuŋ-puŋ fɔr ya MARIKI kirin nde Silo, k'eyer antof ŋa Yisrayel afum akanje daco, pəmə təkə anayer mə.

Antof ŋa Benyamin

¹¹ K'aŋkot yampuŋ-puŋ kəyer ka ke ka kusuŋka ka aka Benyamin dəcɔr dəcɔr, ancəmbər ŋa antof nde kusuŋka ka Yuda kə kusuŋka ka Isifu daco.

¹² Kəca kəmeriya ka nde dec dempe mə, kə kələncər kəŋan kəncɔp kəyefe ka Yurden. Kə kəmpərne pətəmbələr pa Yeriko kəca kəmeriya, kə kəmpərne mərə ntende dec deŋkale mə, kəkə kəfutər ntende dətəgbərə ta Bet Awən.

¹³ Kələncər kəŋan kəcɛpər Lus, kə nde pətəmbələr pa Lus, nde pəyone Betel kəca kətət ka ntende dec dempe mə, kə kəntor Atarot Adar, kə kəmpə tərɔ təkə teyi kəca kətət Bet Horon-Tantof mə.

¹⁴ Ntende dec deŋkale mə, kə kələncər kəŋkafələr ntende kəca kətət kəyefe ka tərɔ nte tɛntɛfərɛne kə Bet Horon kəca kətət mə, kə kəŋkə kənarne Kiriyat Bal, nde pəyone Kiriyat-Yeyarim, dare da aka kusuŋka ka Yuda. Tatəkə tə kələncər ka ntende dec deŋkale mə kənafəntərə.

¹⁵ Kələncər ka kəca kətət nde dec dempe mə kəcyefe Kiriyat-Yeyarim, kəkənarne nde domun dencpe mə nde Neftowa.

¹⁶ Kələncər kəŋkə kəctor dəkələpsər da mərə mme mɛntɛfərɛne kə aranta ŋa Ben-Hinəm mə, kəca kəmeriya ka nde dec dempe aranta ŋa aRefay mə. Kəsolne aranta ŋa Hinəm nde mərə daco, pətəmbələr pa aYebus ntende kəca kətət ka nde dec dempe mə, ki kətor haŋ En-Rokel.

¹⁷ Kə kəŋkafələr kəca kəmeriya ka nde dec dempe mə, kəkə kənarne En-Semes, kəcɛpər kəkə kəsumpər Kelilot, nde pəntɛfərɛne kə Kəpə ka Adumim, kəkə kətor nde Tasaŋ ta Bohan wan ka Ruben.

¹⁸ Kəkə kəcɛpər pətəmbələr pa kəca kəmeriya ka tərɔ nde dec dempe mə, nde pəntɛfərɛne kə Araba, kə kəntor nde Araba disre.

¹⁹ Kələncər kəŋkə kəcɛpər nde pətəmbələr pa kəca kəmeriya ka nde dec dempe Bet Hokəla mə, kəkəfutər nde dobo da Kəba Kədokət ntende kəca

kameriya ka nde dec dempe mo, ntende dobo da kengboko ka Yurden koca katot ka nde dec denkalē mo, tatoko to kalancar ka koca katot kanafantare.

²⁰ Ntende dec dempe mo, Yurden yenayone kalancar.

Ke ka aka kusunja ka Benjyamin kanayi kanjo dacor dacor, ko calancar canjan fap.

²¹ Sadare sa kusunja ka Benjyamin sanayi nse dacor dacor: Yeriko, Bet Hokala, Hemek-Kecic,

²² Bet Araba, Cemarayim, Betel,

²³ Awim, Para, Hofra,

²⁴ Kefar-Amoni, Hofni ko Keba, sadare waco ko meraj (12) ko sadare safet sa si.

²⁵ Kabayon, Rama, Beyerot,

²⁶ Mispe, Kefira, Mosa,

²⁷ Rekem, Yirpel, Tarala,

²⁸ Cela, Helef, Yebus yi yayone Yerusalem, Kibeya ko Kiriya, sadare waco ko mankale (14) ko sadare safet sa si. Ke ka aka kusunja ka Benjyamin kanayi kanjo dacor dacor.

19

Antofna kusunja ka Simeyon

¹ Topoc ta meraj mpe anawure mo penayone pa kusunja ka Simeyon dacor dacor. Na nasantoko ke kanjan awut a Yuda daco.

² Ko na nasoto ke nke kayone sadare sa Berseba, Seba, Molada,

³ Hasar-Suhala, Bala, HeseM,

⁴ Eltoladu, Betula, Horma,

⁵ Cikalak, Bet Markabot, Hasar-Susa,

⁶ Bet Lebayot ko Saruhen, sadare waco ko maas (13) ko sadare safet sa si.

⁷ Ayin, Rimon, Heter ko Asan, sadare mankale ko sadare safet sa si,

⁸ kalakene ka sadare safet safet soko sanokar sadare sasoko mo fap, hanj nde Balat-Ber nde payone Ramat-Nekel mo. Ke ka aka kusunja ka Simeyon kanayi kanjo dacor dacor.

⁹ Atof na ke ka kusunja ka Simeyon, ke ka kusunja ka Yuda n'anelar ki, bawo ke kanjan kanabekar na papon, ke kanjan disre anasotone kusunja ka Simeyon ke kanjan.

Antofna Sabulon

¹⁰ Topoc ta maas penayone ke ka kusunja ka Sabulon dacor dacor. Kalancar kanjan kanako hanj Saridi.

¹¹ Kaperne koca nke dec denkalē mo, ko koca ka Marala, koko kagbunene Dabasat, kayefe danda koko nde kengboko ka Yokonam tekirin mo.

¹² Nte kayefe Saridi mo, ko kalancar kanjafale koca nke dec dempe mo ntende kalancar ka Kislot-Tabor, koko kanarne Daberat, ko kaperne Yafiya.

¹³ Ko kayefe danda ko kancepar ntende dec dempe Kat-Hefer, ko Et-Katsin, koko kanarne Rimon, ko kakafalar hanj Neha.

¹⁴ Ko kalancar kanjo kanjo kakafalar ntende koca kameriya ka nde dec dempe Hanaton mo, koko kafuter nde mero daco nde aranta na Yifta-El.

¹⁵ Ke kanjan kalakene Katat, Nahalal, Simron, Yidala, ko Bet Lehem. Nasantoko sadare waco ko meraj (12), ko sadare safet sa si.

¹⁶ Antof na ke na aka Sabulon kanayi kanjo dacor dacor, sadare sapon sasoko ko sadare safet sa si.

Antofna Yisakar

¹⁷ Topoc ta mankæle penayone pa Yisakar, ke ka kusunja ka Yisakar dæcor dæcor.

¹⁸ Kælancær kænjan kənakə hanj Yisrel, Kesulot, Sunem,

¹⁹ Hafarayim, Siyōn, Anaharat,

²⁰ Rabit, Kisiyon, Abec,

²¹ Remet, En-Kanim, En-Hada kə Bet Pacæc.

²² Kælancær kænjan kənjko kəgbunene Tabor, Sahacima, Bet Semes, kəkə kəfutər Yurden, sādare wəco kə camət-tin (16) kə sādare səfet sa si.

²³ Ke ka kusunja ka aka Yisakar kənyai kənjko dæcor dæcor, sādare səpōn sasəkə kə səfet sa si.

Antofna Aser

²⁴ Topoc ta kəcamət mpe penawur mə penayone pa kusunja ka Aser dæcor dæcor.

²⁵ Na njanayə kælancær kəyefe ka Helkat, kəkə Hali, Beten, Aksaf,

²⁶ Alamelek, Hamhadu kə Misal, kəkə kəgbunene tərō ta Karmel kə Sihər-Libnat,

²⁷ Kə kənjko kəkafələr kəca nkē dec dempe mə, nde Bet Dakōn, kəkə sə kəgbunene Sabulon, kə nde aranta na Yifta-El nde mərə dacō ntende kəca kəmeriya ka nde dec dempe Bet Hemek kə Neyel mə, kəkə kənarne Kabul, kəca kəmeriya,

²⁸ Kə kəca ka Ebərōn, Rehobo, Hamon kə Kana, hanj Sidōn dare dərōn.

²⁹ Kə kælancær kənjko kənjko kəkafələr kəca ka Rama hanj nde dare da sanja da Tir, kə kəca ka Hosa, kə kənjko kəfutər nde dəkəba, kəcepərēne ta Akəsibu,

³⁰ kələkene ka Huma, Afek kə Rehobo, sādare wəco mērōn kə mērōn (22) kə sādare səfet sa si.

³¹ Ke ka kusunja ka Aser kənyai kənjko dæcor dæcor, sādare səpōn sasəkə kə səfet sa si.

Antofna Naftali

³² Topoc ta camət-tin penayone ke ka kusunja ka Naftali dæcor dæcor.

³³ Kælancær kænjan kancko kəyefe ka Helef kə kətək kəpōn kənjko kəyi Cananim kəsək mə, kəcepər ta Adami Nəkēb kə Yabanel, hanj Lakum, kə kənjko kəfutər Yurden.

³⁴ Kə kælancær kənjko kənjko kəkafələr ntende dec denjale Asnət-Tabor mə, kə kənjko kənarne Hukak, kə kənjafələr Sabulon kəca kətət ka ntende dec dempe mə, nde Aser kəca nkē dec denjale mə, kə Yuda. Yurden yeyi kælancær kənjko nde dec dempe mə.

³⁵ Sādare sa sanja sasəkə sənayone: Cidim, Cer, Hamat, Rakat, Kineret,

³⁶ Adama, Rama, Hacōr,

³⁷ Kēdes, Edreyi, En-Hacōr,

³⁸ Yiron, Mikadal-El, Horem, Bet Hanat kə Bet Semes, sādare wəco kə camət-manjale (19) kə sādare səfet sa si.

³⁹ Ke ka kusunja ka Naftali kənyai kənjko dæcor dæcor, sādare səpōn kə sādare səfet sa si.

Antofna Dan

⁴⁰ Topoc ta camət-mērōn mpe penawur mə penayone ke ka kusunja ka Dan dæcor dæcor.

⁴¹ Anacəmbəre na Corha, Estəl, Hir-Semes,

⁴² Sahalabin, Ayalon, Yitala,

⁴³ Elon, Timna, Ekəron,

⁴⁴ Elteke, Kibeton, Balat,

⁴⁵ Yehudu, Bene Berak, Kat-Rimon,

⁴⁶ Domun da Yarkon kɔ Rakon, kɔ antɔf ŋɔkɔ ŋentefɔrɛnɛ kɔ Yafa mɔ.

⁴⁷ Nte ke kɔŋan, atɔf ŋaŋan ŋende ŋɔsɔlɛr ŋa mɔ, kɔ awut a Dan ŋaŋkɔ ŋawekɔrɛnɛ aka Lesɛm kɔ ŋandif ŋa. Kɔ ŋamban antɔf ŋaŋɔkɔ, kɔ ŋɔyɔnɛ ŋaŋan, kɔ ŋande di, kɔ ŋawe di Dan, tewɛ ta kas kɔŋan.

⁴⁸ Ke ka kusunɔka ka Dan kɔnɔyɔi kanɔkɔ dɔcor dɔcor, sɔdare sasɔkɔ kɔ sɔdare sɔfɛt sa si.

⁴⁹ Nte aka Yisrayel ŋalip kɔyɛrɛnɛ cɔgbɛ ca antɔf mɔ, kɔ ŋampocɛ Yosuwe wan ka Nun antɔf ŋa ke ŋa dacɔ,

⁵⁰ pɔmɔ tɔkɔ MARIKI kɔnasom ti mɔ. Kɔ ŋasɔŋ kɔ dare dɔkɔ ɛnafan mɔ, Timnat-Sera, nde mɔrɔ ma Efrayim. Yosuwe oluksɛrɛnɛ kɔcɔmbɔr dare dadɔkɔ, k'ɛndɛ.

⁵¹ Antɔf ŋa ke ŋaŋɔkɔ ŋɔ wɔlɔŋnɛ Elasar, Yosuwe wan ka Nun, kɔ abɛ a cusunɔka ca Yisrayel ŋanakot yampun-pun, anacɔmbɔr mopoc fɔr ya MARIKI kirin nde Silo, nde dɔkɔbɛrɛ da aŋgbancan ŋa dɔkɔbɛrɛnɛ kɔ Kanu. Nte tɔ ŋanalip kɔyɛr antɔf.

20

Sɔdare nɛɛ anayɛk-yɛk kɔgbɔpɔnɛ teta ayɛk ŋa mecir mɔ

¹ Kɔ MARIKI kɔlɔku Yosuwe:

² «Mɔlɔku aka Yisrayel: Nɛndɛs-dɛs sɔdare nɛɛ wɔdif fum ta ɛyɛfɛnɛ ti entam kɔyɛnɛ mɔ nɛɛ isom Musa kɔsɔŋ'un mɔ.

³ Nwɛ endif fum ta ɛyɛfɛnɛ ti mɔ, entam kɔyɛkɛ pɔdɛ pɔndɛ di. Nte tɔŋsɔŋɛ wɔkɔyɔi pɔyɛnɛ ta wɔkɔ pɔlukɛ kɔ ayɛk ŋa mecir mɔ.

⁴ Wɔdif ka fum wɔkakɔ entam kɔyɛkɛ pɔkɔ dare din sɔdare sasɔkɔ dacɔ, k'ɔŋkɔ-ɛ, pɔkɔ pɔcɔmɛ dare dɔkusu, pɔlɔku abeki a dare tes tɔkɔ ɛlɔsɛr mɔ. ŋamban kɔ dare dadɔkɔ disrɛ, ŋamentɔr'kɔ kɔfɔ nke ɔŋkɔndɛ ŋa dacɔ mɔ.

⁵ Kɔ wɔlukɛ ayɛk ɛncɛpsɛ kɔ darɔŋ kɔbɛlɔs-ɛ, abeki a dare ŋafɔwɔsɛ kɔsɔŋ kɔ kɔ, bawɔ ɛyɛfɛnɛ fɛ kɔdif ka wɛnc, nwɛ ɛnatɔ-yɔnɛ wɔtɛrɛnɛ kɔn mɔ.

⁶ Pɔyɔi dare dadɔkɔ han tɛm nte aka Yisrayel ŋandekɔ kiti kɔ mɔ, kɔ pɔyɔnɛ fɛ ti-ɛ wɔlɔŋnɛ wɔpɔŋ pɔfi. Tɛm tatɔkɔ, wɔdif fum wɔkɔ ɛyɛkɛ mɔ, entam kɔlukus nde dare dɔn, nde kɔlɔ kɔn, nde dare dɔkɔ ɛnɔyɛkɛ mɔ.»

⁷ Kɔ ŋalɛk sɔdare nɛɛ: Kɛdɛs ka Kalile nde mɔrɔ ma Naftali, Sɛkɛm nde mɔrɔ ma Efrayim, kɔ Kiriyat-Arba nde pɔyɔnɛ Hebɔrɔŋ mɔ, nde mɔrɔ ma Yuda.

⁸ Kɔca kɔŋkɔ ntɛndɛ Yurɔdɛn ntɛndɛ dec dɛmpɛ Yeriko mɔ, kɔ ŋalɛk Bɛcɛr nde dɔtɛgbɔrɛ, pɔgbantɔkɔla mɛpɛ pɔyɔnɛ pa kusunɔka ka Ruben mɔ, Ramot da Kaladu nde kusunɔka ka Kadu disrɛ, kɔ Kolan ka Basan nde kusunɔka ka Manase disrɛ.

⁹ Sɔdare sasɔkɔ sɔ aka Yisrayel ŋanatɔŋnɛ kɔyɔnɛ ka sɔdare nɛɛ, wɔka Yisrayel kɔ pɔyɔnɛ fɛ ti-ɛ, wɔcɔkɔra, kɔ endif fum ta ɛyɛfɛnɛ ti-ɛ, wɔkakɔ entam kɔyɛkɛ pɔdɛ pɔndɛ di ta alukɛ kɔ ayɛk ŋa mecir kɔdif kɔn fum han kɔlɔŋkanɛ ka afum a Yisrayel kɔbɔp ŋabocɛ kɔ kiti.

21

Anacɔmbɔrɛ aLewy sɔdare kɔ culum

¹ Kɔ abɛ a kusunɔka ka aLewy ŋancɔŋnɛ wɔlɔŋnɛ Elasar kɔsɔk, kɔ Yosuwe wan ka Nun, kɔ abeki a dɔcor dɔcor ca cusunɔka ca aka Yisrayel.

² Kɔ ŋalɔku ŋa nte nde Silo antɔf ŋa Kananɔ: «MARIKI kɔsom Musa a kɔsɔŋ su sɔdare a pɔndɛ si, kɔ culum ca si a pɔckɛk ci yɔcɔl yosu.»

³ Kò aka Yisrayel ñasòñ aLewy sèdare sàlòma kò culum ca si kàberene ka ntóf yanjan pəmò tókò MARIKI kənaloku ti mò.

⁴ K'anjokote yampun-pun aka cor ca Kehat. K'awurɛ aLewy afum a wəlonne Aruna sèdare wəco kò maas (13) nde cusunja ca Yuda, Simeyɔñ kò Benyamin, k'asòñ ña si.

⁵ Kò cusunja cəlpəs ca Kehat ñasòtò sèdare wəco (10) nde antóf ña cusunja ca Efrayim, Dan, kò kusunja daco ka Manase.

⁶ K'anjokot yampun-pun, kò afum a Kerson ñasòtò sèdare wəco kò maas (13) nde antóf ña aka cusunja ca Yisakar, Aser, Naftali, kò aka kusunja daco ka Manase nde Basan.

⁷ Kò afum a Merari dəcɔr dəcɔr, ñasòtər sèdare wəco kò mɛrəñ (12) aka cusunja ca Ruben, Kadu, kò Sabulon.

⁸ Kò aka Yisrayel ñanjokot yampun-pun kò ñasòñ aLewy sèdare sasòkò kələkəne culum ca si, pəmò tókò MARIKI kənasom ti Musa mò.

⁹ Nde ntóf ya cusunja ca Yuda kò Simeyɔñ anasòñ sèdare

¹⁰ afum a Aruna, aka kor ka Kehat wan ka Lewy, bawo ña ño yampun-pun yənanunke kəmentər. K'anaboncər ña sèdare sasòkò mewe.

¹¹ Kò aka Yisrayel ñasòñ aka Kehat Kiriya-Arba antóf dəndo dəmɔrɔ da Yuda, kò culum cacakò cənəjkər di mò. Anjwe sò dare dandɛ tewe ta Hebərɔñ. Arba ənayəne papa wəka Anak.

¹² Mba dale da dare dəpəñ kò sèdare səfet sa si k'asòñ Kalebi wan ka Yefune.

¹³ Kò ñasòñ awut a wəlonne Aruna Hebərɔñ, dare da kəgbəpəne nde wədif fum ta eyefene ti entam kəyacne mò, Libana,

¹⁴ Yatir, Esitemo,

¹⁵ Holon, Debir,

¹⁶ Ayin, Yuta kò Bet Səmes, sèdare camət-manjələ (9) ca cusunja ca Simeyɔñ kò Benyamin kələkəne culum ca si.

¹⁷ Nde atóf ña Benyamin kò ñasòtò Kabayɔñ, Keba,

¹⁸ Anatot, kò Halmon. Itò tatòkò sèdare manjələ kò culum ca si.

¹⁹ Aloñne anjə ñanayəne aka kusunja ka Aruna mò ñanasòtò sèdare wəco kò maas (13) kò culum ca si.

²⁰ Cor ca aka Kehat cəlpəs anjə ñanayəne kusunja ka Lewy mò, kò ñasòtò sèdare nde antóf ña kusunja ka Efrayim.

²¹ K'asòñ ña Səkem dare da kəgbəpəne nde mɔrɔ ma Efrayim, Keser,

²² Kibasayim, kò Bet Horon, sèdare manjələ (4) kələkəne culum ca si.

²³ K'asòñ kusunja ka Dan: Elteke, Kibeton,

²⁴ Ayalon, kò Kat-Rimon, sèdare manjələ (4) kələkəne culum ca si.

²⁵ K'asòñ kusunja daco ka Manase: Tahanak kò Kat-Rimon, sèdare mɛrəñ (2) kələkəne culum ca si.

²⁶ Cor ca afum a Kehat alòma cənasòtò sèdare wəco (10) kò culum ca si.

²⁷ K'asòñ afum a Kerson cor ca aLewy daco: Ñasòtər aka kusunja daco ka Manase nde Yurdən kəsək ntende dec dɛmpɛ mò sèdare mɛrəñ (2) kò culum ca si: Kolan nde Basan disrɛ, dare da kəgbəpəne, kò Bɛstara.

²⁸ K'asòñ kusunja ka Yisakar: Kisiyon, Daberat,

²⁹ Yarmut, kò En-Kanim, sèdare manjələ (4) kələkəne culum ca si.

³⁰ K'asòñ kusunja ka Aser: Misal, Abadon,

³¹ Həlkat, kò Rehobo, sèdare manjələ (4) kələkəne culum ca si.

³² K'asòñ kusunja ka Naftali: Kədəs nde Kalile, dare da kəgbəpəne, Hamot-Dər, kò Kartan, sèdare maas (3) kələkəne culum ca si.

³³ Sèdare sa aka Kerson dəcɔr dəcɔr sənəkò sèdare wəco kò maas (13) kò culum ca si.

³⁴ K'asəŋ aLewy alpəs akə ŋanayəne cor ca afum a Merari mə, kə ŋa ŋasətər aka kusunŋka ka Sabulon: Yokonam, Karta,

³⁵ Dimna, kə Nahalal, sədare maŋkələ (4) kələkəne culum ca si.

³⁶ K'asəŋ kusunŋka ka Ruben: Bəcer, Yahas,

³⁷ Kedemot, kə Mefahat, sədare maŋkələ (4) kələkəne culum ca si.

³⁸ K'asəŋ kusunŋka ka Kadu: Ramot nde Kaladu dare da kəgbəpəne, Mahanayim,

³⁹ Hesbon, kə Yaser, sədare maŋkələ (4) kələkəne culum ca si.

⁴⁰ Nte aŋkot yampun-pun mə kə afum a Merari ŋawure dəcor dəcor akə ŋanayəne aka kusunŋka ka Lewy alpəs mə, ŋasətə sədare wəco kə mərəŋ (12).

⁴¹ Sədare sa kusunŋka ka aLewy ntəf ya aka Yisrayel daco sənəkə sədare wəco maŋkələ kə camət-maas (48) kə culum ca si.

⁴² Sədare sasəkə fəp sənayə culum nce cəncnəŋkər si mə, itə sədare səko fəp sənayi.

⁴³ Tatəkə tə MARIKI kənasəŋəs aka Yisrayel atəf məlməl nŋe kənaderme atem aŋan kədəsəŋ ŋa mə, kə ŋambaŋ ŋi kə ŋandə.

⁴⁴ Kə MARIKI kəsəŋ ŋa kəŋesəm, mofə fəp pəforu tun pə ŋanayine, pəmə təkə enaderme ti atem aŋan mə. Ali ater aŋan akin ŋanatam fə kəcəme ŋa fər kirin, kə MARIKI kələk ater aŋan kə kəmbər ŋa dəwaca.

⁴⁵ Moloku matət mme MARIKI kənaloku aka Yisrayel mə, ali tin tenayi fə nte enatə-yəne ŋa mə, kə kəlas mi fəp.

22

Cusunŋka ca Yisrayel nde dec dəmpə Yurdən mə

¹ Kə Yosuwe ewe aRuben, aKadu, kə aka kusunŋka daco ka Manase.

² K'oloku ŋa: «Nəyə təkə Musa wəcar ka MARIKI enalok'un mə fəp, kə nəncəŋkəl sə dim dem, təkə ilok'un mə.

³ Nəsumpər awənc un aŋa kəyefe nte tenayi mə haŋ ndekəl, kə nələləs sə dim nde MARIKI Kanu konu kənalok'un mə.

⁴ Ndekəl oŋ nte MARIKI kəsəŋ awənc un aŋa pəforu mə pəmə təkə enaloku ŋa ti mə, nəlek oŋ səpə sa cəbal conu nde ntəf yəkə yəyənə yonu mə, nyə Musa wəcar ka MARIKI enasəŋ un nde Yurdən kəsək ntende dec dəmpə mə.

⁵ Ta nəgbayme metəkse kə sariye yəkə Musa wəcar ka MARIKI enalok'un mə: Nəbətər MARIKI Kanu konu, nəsolne səpə sən fəp, nəcəme dim dən darəŋ, nələtərne kə, nəbəcə kə bəkəc yosoku pəs doru o doru.»

⁶ Kə Yosuwe ontola Kanu te taŋan, k'oloku ŋa nwe o nwe a pəkə nde abal ŋəŋ, kə ŋaŋkəkəs-kəs nde cəbal cəŋan.

⁷ Musa enasəŋ kusunŋka daco ka Manase kəfo kələma Basan, kə Yosuwe nkən əsəŋ kusunŋka daco kəŋkə kəfo kələma awənc aŋa kəsək nde Yurdən ntende dec dəŋkələ mə. Nte Yosuwe oloku ŋa kəkə ka nde cəbal cəŋan mə, k'ontolanə ŋa,

⁸ k'oloku ŋa: «Nəluku nde cəbal conu kə daka dəpəŋ, kə yocəl yelərəm, kə pəsam, kəma, kəpər, fəc kə yamos yelərəm. Nəyerəne kə awənc un aŋe yəsətə ya aterəne anu.»

Ancəmbər tetek toloŋne Kanu Yurdən kəsək

⁹ Kə kusunŋka ka aka Ruben, aka Kadu, kə aka kusunŋka daco ka Manase ŋaluku, kə ŋasək aka Yisrayel nde Silo antəf ŋa Kanaŋ, kə ŋaŋkə nde antəf ŋa Kaladu, antəf ŋa kə nŋe ŋanasətə mə MARIKI kənasom Musa kədəsəŋ ŋa ŋi.

¹⁰ Nte ŋambere sədare nse səyi Yurdən nde antəf ŋa Kanaŋ mə, kə aRuben, aKadu kə aka kusunŋka daco ka Manase ŋancəmbər tetek toloŋne Kanu Yurdən kəsək, tetek toloŋne Mariki pəpəŋ.

11 K'aka Yisrayel ɲane pacloku: « aRuben, aKadu kɔ aka kusunɲa daco ka Manase ɲancambɔr tetek tolonɲe Kanu pɛtɛfɛrɛnɛ kɔ Kananɲ, nde Yurɔn kəsək kəca ka aka Yisrayel.»

12 Nte ɲane ti mɔ, kɔ aka Yisrayel fɛp ɲalɔɲkanɛ Silo kəkɔsutɛnɛ kɔ ɲa.

13 Kɔ aka Yisrayel ɲasom Pinahas wan ka wɔlonɲɛ Elasar nda aka Ruben, aka Kadu, kɔ afum a kusunɲa daco ka Manase nde antɔf ɲa Kaladu,

14 kɔ ɲaɲkɔ kɔ akirinɲ wəco akin akin aka cusunɲa cacəkɔ dəcɔr dəcɔr. Fɛp faɲan akirinɲ a dəcusunɲa ɲɔ ɲanayɔnɛ afum alarəm aka Yisrayel akakɔ daco.

15 Kɔ afum aɲɛ ɲaɲkɔ nde aRuben, aKadu, kɔ aka kusunɲa daco ka Manase nde antɔf ɲa Kaladu, kɔ ɲaɲkɔ ɲaloku ɲa:

16 «Nte tɔ kɔlonɲkanɛ ka afum a Mariki fɛp ɲaloku: Ake dɛtanɲ ləɲəs dɔ nɔyɔ Kanu ka aka Yisrayel tantɛ-ɛ? Nəlukuɲ məkɔ Mariki darəɲ nte nancambɔr tetek tolonɲɛ Kanu, nɔyɛɲkɛr məkɔ Mariki domp!»

17 Kiciya nke sənayɔ nde Peyɔr mɔ kənayɔnɛ mes mɛlɛc. Haɲ məkɔ antəsəkəsne fɛ. Kiciya kosu kənasəɲɛ kɔlonɲkanɛ ka afum ɔn arom ɲɛlɛc.

18 Kɔ nana nɔyɛɲkɛr məkɔ kəlukuɲ dim da MARIKI darəɲ! Kɔ nɔyɛɲkɛr məkɔ MARIKI domp-ɛ, alna aka Yisrayel fɛp ɲɔ endewurɔr mɛtɛlɛ maməkɔ.

19 Kɔ tɔyɔnɛ atɔf nɲɛ ɲɔyɔnɛ ɲonu mɔ, ɲəsək fɛ-ɛ, nəcɛpɔr ɔɲ atɔf nɲɛ ɲɔyɔnɛ ɲa Mariki mɔ, nde Mariki eyi mɔ, tɛm tatəkɔ nənde su daco, mba ta nɔyɛɲkɛr Mariki səbomp, ta nɔyɛɲkɛr sənə sɔ səbomp kəcərə a nəcambɔr tetek tolonɲɛ pəlɔma mɲɛ pɔntɔyɔnɛ tetek tolonɲɛ pa Mariki, Kanu kosu mɔ.

20 Nte Akanɲ wan ka Sera ɛnalukuɲ kəcəmɛ Kanu darəɲ teta ca cəkɔ MARIKI kənəmɔnɛ kələk mɔ, aka Yisrayel fɛp ɲɔ MARIKI kənawurɔr mɛtɛlɛ mɔn. Nəncərə ti belbel a bafɔ Akanɲ sona ɛnafinɛ kiciya kanɲkɔ.»

21 Kɔ afum a Ruben, Kadu, kɔ aka kusunɲa daco ka Manase ɲaloku abɛ akirinɲ aka cor ca Yisrayel:

22 «Kanu ka canu, MARIKI! Kanu ka canu, MARIKI, Ki kəncərə ti! Aka Yisrayel ɲandɛcərə ti! Kɔ pəyɔnɛ fɔ kətɔ-cəɲkəl kɔ kəyɛɲkɛr domp kɔ-ɛ, ta pəɔyɛc su dəsək dadəkɔ!»

23 Kɔ pəyɔnɛ a səncambɔr tetek tolonɲɛ posu teta kədəgbəkəl Mariki-ɛ, kɔ pəyɔnɛ sənde səclonɲɛ di yolonɲɛ yɔcɔf-ɛ, kɔ pəyɔnɛ fɛ ti yolonɲɛ ya yokom ya yɔbɔf, kɔ pəyɔnɛ a yolonɲɛ ya pəforu-ɛ, awa, Mariki endegbəkərə ti!

24 Bafɔ itɔ teyi! Səlompəs tetek tolonɲɛ Kanu pampɛ bawo sənɛsɛ ta alna awut anu ɲade ɲacyif akosu fɔ: «Ak'eyi nu daco kɔ MARIKI, Kanu ka Yisrayel-ɛ?»

25 MARIKI kəmbɔc kələncər Yurɔn nənə kɔ sənə daco, aRuben, kɔ aKadu, ali tes teyi f'on sɔ daco kɔ MARIKI! Teta awut anu tendesəɲɛ ta awut asu ɲaɲnɛsɛ sɔ MARIKI-ɛ.

26 Itɔ səncəm-cəmɲɛ a: Səmarɛnɛ səcambɔr tetek tolonɲɛ, bafɔ sɔdɛ səclonɲɛ di yɔcəl yɔcɔf kɔ kɔlonɲɛ kələma de,

27 mba ɲeyi su daco kɔ nənə pəmɔ sɛdɛ. ɲeyi sɔ awut asu daco kɔ awut anu ɲaclonɲɛ yolonɲɛ ya yɔcɔf kɔ yolonɲɛ ya pəforu MARIKI fɔr yɔn kirinɲ, nte tɔɲsəɲɛ ta ɲade ɲaloku dəsək dələma a tələm ɔ tələm teyi fɛ awut asu daco kɔ MARIKI!

28 Kɔ səloku: «Kɔ ɲande ɲaloku su tantɛ, kɔ pəyɔ fɛ ti ɲaloku awut asu ti-ɛ, moloku mamɛ mɔ səndelukɛ ɲa: «Nəgbətnɛ teyi ta tetek tolonɲɛ Mariki mɲɛ atem asu ɲanacambɔr mɔ, bafɔ teta kɔlonɲɛ ka yɔcəl yɔcɔf kɔ kɔlonɲɛ ka yokom yɔbɔf yələma tɔ anacambɔrɛ ɲi de, mba ɲɔyɔnɛ sɛdɛ su daco kɔ nənə ɲɛccəm-cəmɲɛs su.»»

²⁹ Səmbələne kəyerəkər Mariki səbomp, tes o tes doru dandə təfəsəne su məko kəlulus kə darəŋ, kəcəmbər kosu tetek toloŋne pəcəl pəcəf kəloŋne yokom yəbəf kə kəloŋne kələma, səfəloŋne kəfo kəcuru ta pəyone nde tetek toloŋne Mariki Kanu kosu nwe eyi tekiriŋ ta kəfo nke asəkəs mə!

³⁰ Nte wəloŋne Pinahas, kə abe akiriŋ a kəloŋkanə kə abeki a cor ca Yisrayel aŋe ŋanayi di ŋane moloku maməkə afum a Ruben, Kadu, kə kusunƙa daco ka Manase ŋanaloku mə, kə moloku maməkə məmbot ŋa.

³¹ Kə Pinahas wan ka wəloŋne Elasar oloku afum a Ruben, Kadu, kə afum a Manase: «Səncəre məkə a MARIKI kəyi su daco, bawo nəntalulus fe kəcəme MARIKI darəŋ, kə nəyac sə aka Yisrayel ta MARIKI kəboc ŋa kiti.»

³² Kə Pinahas wan ka wəloŋne Elasar kə akiriŋ a cor cəŋan ŋalulus kəyefe ndena afum a Ruben kə Kadu nde atəf ŋa Kaladu kəkə nde antəf ŋa Kanan ndena aka Yisrayel aŋe ŋanakə ŋalukse moloku məko ŋanasotər ŋa mə.

³³ Kə moloku maməkə məmbot aka Yisrayel, kə ŋaŋkor-koru Kanu. ŋaloku fe sə kəkəmələk antəf ŋe afum a Ruben kə afum a Kadu ŋanandə mə.

³⁴ Afum a Ruben kə afum a Kadu ŋasəŋ tetek toloŋne Kanu papəkə tewe, ŋacloku: «Təyone su sede a Mariki əyone Kanu.»

23

Moloku melpəs ma Yosuwe

¹ Tem tobolu-bolu tənəcəpər kəyefe ka nte MARIKI kənasəŋ aka Yisrayel kəŋesəm mə, kəbər ŋa aterene aŋan acəsək fəp dəwaca. Yosuwe enasikər oŋ tem tatəkə.

² Kə Yosuwe ewe aka Yisrayel fəp kəyefe abeki, abe afet dəcor dəcor, aboc kiti, kəbər ka abe akiriŋ aŋan, k'oloku ŋa: «Yone oŋ wətem.

³ Kə nənəŋk təkə MARIKI Kanu konu kənayə afum aka təf nye fəp mə te tonu, bawo MARIKI kəsutnən'on.

⁴ Nənəŋk nte iŋkot yampun-pun a k'iyer un təf ya ke konu dəcusunƙa dəcusunƙa mə, təf nye yəncəme kəbaŋ Yurdən ntende dec deŋkale mə, kə təf nye inim haŋ nde Kəba Kəpəŋ mə.

⁵ MARIKI kəndewənəs afum aka təf yayəkə, kə nənde nəclətəs yi-ε, nəndende ntəf yayəkə pəmə təkə nkən MARIKI Kanu konu kənasəŋ un temer ta ti mə.

⁶ Nəwure fənəntər, nəsumpər nəleləs moloku mme acicəs buk ba sariye sa Musa mə, ta nəgbayme kəca kəmeriya, ta nəgbayme kəca kətət,

⁷ ta nədenəŋkələne afum a təf akako ŋayi nu daco mə! Ta nəbonc canu cəŋan, ta nəkorne ci kədəerəm. Ta nəkor-koru ci, ta nətontne ci fər kiriŋ!

⁸ Mba nəsumpər MARIKI Kanu konu pəmə təkə nənalek ti kəyə haŋ məkə mə.

⁹ MARIKI kəmbaŋər təf yəpəŋ aka fənəntər, ali fum entatam fe haŋ məkə kəcəme konu fər kiriŋ.

¹⁰ Nəna fum wəkin gboŋ enčbeləs aterene anu pəcəp pin, bawo MARIKI Kanu konu kəncsutnən'on, pəmə təkə kənalok'un mə.

¹¹ Nəkəmbərne nəbətər MARIKI Kanu konu!

¹² Kə nəlulus MARIKI darəŋ-ε, kə nəcəme afum acuru aŋe ŋayi nu daco mə darəŋ-ε, kə nənəncəne-ε, kə nənəŋkələne-ε,

¹³ nəcəre a MARIKI Kanu konu kəfədecəme sə kəbaŋsər ŋa afum akako təf yaŋan fər yonu kiriŋ, mba afum akako ŋandeyən'on mowul, mənəmp, yala, cəŋban-gban ca cəsək conu, kə gbəc dəfər yonu, haŋ nəlip kəmələkə atəf ŋəbotu ŋaŋe MARIKI Kanu konu kəsəŋ'un mə.

¹⁴ «Awa, nəcəŋkəl im! Məko təm tərbəp kəkə ka nde ca ca doru fəp yendeko mə. Nəcərə ti bəkəc yonu yosoku pəs, a moloku mobotu mmə MARIKI Kanu konu kənalok'un mə, ali tin teyi fə nte əntəyən'on mə, ali tin teyi fə nte əntələs mə.

¹⁵ MARIKI kələs kəyənə ka pətət pəkə ənaloku kəyən'on mə, mba əntam sə kələs ka pələc pəkə eyi kəneps'on mə, pəmələk un antof ɲobotu ɲaɲe əsəɲ'un mə.

¹⁶ Kə nəsak mətəɲnə mosu mmə MARIKI kəndəɲk'on mə-ε, kə nəɲkə nəcləɲnə canu cələma-ε, kə nəɲkə nəctontnə canu cələma fər kirin-ε, abəkəc ɲa MARIKI ɲəmpə nnə ɲəyi mə. Təm tatəkə nəɲməlkə antof ɲobotu ɲaɲe MARIKI kəsəɲ'un mə, nəlip.

24

Aka Yisrayel fəp kədəram kəɲan kəkornə MARIKI

¹ Kə Yosuwe oləɲka cusuɲka ca Yisrayel fəp Səkəm. K'ewenənə sə abeki a Yisrayel, abe aɲan, aboc aɲan kiti, kə akirin aɲan, kə ɲamentərənə nnə Kanu kəyi mə.

² Kə Yosuwe oloku afum fəp: «Nte tə MARIKI Kanu ka Yisrayel kəloku: «Təm tobol-bolu atem anu, Terah papa wəka Abraham kə papa wəka Nahor nde kəɲgbəkə ka Əfərat ntende dec dəmpə mə kə ɲanandə, ɲəkornə canu cələma.

³ K'ilek wətem konu Abraham dəndo kəɲgbəkə ntende dec dəmpə mə, k'inqətənə kə antof ɲa Kanaɲ fəp. K'isəɲə afum ən kələ, k'isəɲ kə Siyaka.

⁴ K'isəɲ Siyaka awut: Yakuba kə Esayu. K'isəɲ Esayu məɾə ma Seyir nte təyənə antof ɲən, kə Yakuba kə awut ən ɲa ɲantor Misira.

⁵ K'isom Musa kə Aruna kadəmar afum anu. K'isut Misira fər yonu kirin a k'indewurenə afum anu di.

⁶ Nte iwure awisi aɲa Misira, kə nəmbəp dəkəba mə. Kə aka Misira ɲancəmə ɲa darəɲ kəbələs ɲaɲ nde Kəba ka Cəɲkəlima, ɲacbələs ɲa dəfələs kəroɲ kə cibil ca kəwan.

⁷ Nte awisi aɲa ɲawes-wes kəmar ka MARIKI mə, kə kəntorə kubump kəpəɲ aka Misira kə nəna dacə. Kə Kanu kəɲgbətəs ɲa dəkəba. Nənətəɲnə məs mmə inəyə Misira mə fər yonu kirin. Kə nəwon kəndə dətəgbərə meren mələram.

⁸ Təm tatəkə t'inakekər'on antof ɲa aka Amər aɲe ɲanandə Yurden kəsək ntende dec dəmpə mə. Kə nəsutənə kə ɲa, mba k'ilek aka Amər k'imber'un ɲa dəwaca. Kə nəmbəɲər ɲa antof ɲaɲan, k'imələk ɲa fər yonu kirin.

⁹ Kə Balak wan wəka Sipər wəbe wəka Mohab ewəkərnə aka Yisrayel. K'osom Balam wan wəka Beyər a pətolan'on pələc,

¹⁰ mba k'ifati kəcəɲkəl kə. Pətət gbəcərəm pə Balam onctolan'on, k'iyac nu fənəntər fən.

¹¹ Kə nəncali kəɲgbəkə ka Yurden, kə nənder Yeriko. Kə aka Yeriko kələkənə aka Amər, aPerisi, aKanaɲ, aHit, aKirkasa, aHiwy, kə aYebus ɲasutənə kə nəna, k'ilek ɲa k'imber'un dəwaca.

¹² K'isom demə nde dənayi nu kirin kə dəmbələs abe a Amər məɾəɲ mə. In'enasəɲ on kətam ɲa. Bafə sakma sonu, bafə mbəncəran yonu yə nənatamə atərənə anu de!

¹³ In'əsəɲ un antof ɲɲe nəntəbəc ɲaɲ nətaka mə, kə nəndə sədare nse nəntəcəmbərə waca wonu mə. Kə nəndi yeri ya dalə nde nəntəbifti mə, nəcdi yokom ya tək nyə nəntəbəf mə.»

¹⁴ Ndəkəl on nənesə MARIKI, nəkornə MARIKI kə bəkəc yosoku pəs! Nəcəmə kə darəɲ təm fəp. Nəcə canu nce atem anu ɲanckornə nde kəɲgbəkə ka Əfərat ntende dec dəmpə kə nde Misira mə. Nəkornə oɲ MARIKI!

15 Kò nàntòwosè òj kàkòrnè MARIKI-è, nàbònc mòkò anò nànde nàckòrnè-è, kò pàyonè canu nce atem anu ñanckòrnè ntende Èfàrat kàca ka ntende dec dèmpè mò, kò pàyonè fè ti-è, canu ca aka Amòr anjè nàyi kànde antòf ñàjan mò. Mba ina kò aka kàlò kem disrè MARIKI kò sànde sàckòrnè!»

16 Kò afum ñalukxè kò: «Sàmbàlènè kàsak MARIKI a sàckòrnè canu cələma! Sàfòtam kàyo tətəkò!»

17 MARIKI kànwurè atem asu kò sàna dacar dàndo antòf ña Misira, Kànyò mègbèkàrè mọpọj nde fòr yosu kirinj. Kàcbum su dọpọ kàcmar su kàcèpər táf ya afum alarəm.

18 MARIKI kànbèlàs afum aka táf yàyòkò fəp, kàlèkènè aka Amòr anjè ñanandè di mò. Sàna sò sàndekòrnè MARIKI, bawo Kanu kosu k'òyonè!»

19 Kò Yosuwe oloku afum: «Nàfòdetam kàckòrnè MARIKI, bawo kàcèmpri kò ayònè! Kanu kò nke kàyo kàraca mò nke kàtọñajñènè kàtanj konu ləjəs, kò kiciya konu mò.

20 Kò nəlukus MARIKI darəj-è, kò nàkòrnè canu cəcuru-è, MARIKI kàndekafələ kətəfərnè nənà. Kàndeləsər on mes, kàndemələk nu, ali nte cəkò-cəkò kàny'on pətət mò.»

21 K'afum ñalukxè Yosuwe nte: «Ala, sàndekòrnè MARIKI!»

22 Kò Yosuwe oloku afum: «Nəwosè kàyonè sedè sa nte nəlòku mò ba? Antəjñè òj a MARIKI kò nànde nàckòrnè!» Kò afum ñaloku: «Atəjñè a ti ñj sàyonè!»

23 Kò Yosuwe oloku: «Awa, nəsak canu cəcuru nce cəyi nu dacò mò, nəcəmè MARIKI Kanu ka Yisrayel darəj kò abəkəc ñosoku pəs!»

24 Kò afum ñaloku Yosuwe: «Sàndekòrnè MARIKI Kanu kosu, Ki kò sàndecəjkal!»

25 Dəsək dadəkò dàndo Sèkəm kò Yosuwe encicəs mes ma danapa nde ñasək mò, k'òlòmər afum a Yisrayel tinj tinj mɛfanj fəp kò sariyè nse Kanu kànbocər kò mò.

26 Kò Yosuwe encicəs moloku mmè dəbuk ba sariyè sa Kanu. K'èlèk tasar tọpọj k'èncəmbər pi kətək tantòf nde anjbančan ña Kanu.

27 Kò Yosuwe oloku afum fəp: «Nəgbətñè pi, tasar pampè peyi su dacò, bawo pi pətəjñè moloku mmè MARIKI kànaloku su mò fəp. Sedè sò pàyonè kò nəlukus Kanu darəj-è.

28 Nte Yosuwe elip kəlòku mò k'èsak afum kəkò, kò fəp fəlukus nde antòf ña kè ñon.

Defi da Yosuwe

29 Nte mes maməkò mencepər mò, Yosuwe wan ka Nun wəcar wəka MARIKI efi. Meren mən menəkò tasar tin kò wəco (110).

30 Anawup kò nde antòf ña kè kòn, nde Timnat-Sera nde mərə ma Efrayim, kàca kàmeriya ka Tərə ta Kahas.

31 Aka Yisrayel ñanckòrnè MARIKI mata ma Yosuwe fəp, haj kò abeki anjè ñanasol kò Yosuwe mò ñalip kəfi. Abeki anjè ñanatəjñè mes fəp mmè MARIKI kànyayònè aka Yisrayel mò.

32 Bənt ya Isifu nyè aka Yisrayel ñanakèrè kàyèfè Misira mò, anawup yi nde Sèkəm nde dale nde Yakuba ənawayər awut a Hamər papa wəka Sèkəm mènəmbəl ma gbətì tasar tin (100). Itò dale dandè dənayònè kè ka kusunjka ka Isifu.

33 Kò Elasar wan wəka Aruna efi, k'awup kò nde Kibeya nde mərə ma Efrayim, antòf ñjè anasəj wan kòn Pinahas mò.

RUT

An'ɔ Rut ɔyɔnɛ-ɛ, kɔ t'ake tɔ pɛmar pakaraŋɛnɛ buk bambɛ-ɛ?

Buk bambɛ, teta taruku ta aran mɛrɛŋ tɔ boloku. Wɛran wɛlɔma kɔ wos ŋanayɛfɛ Yisrayel nde ankom ŋa mɔ. Kɔ ŋaŋkɔ ŋande nde atɔf ŋa Mohab. Kɔ wɛran nwe wos efi kɔ awut ɔn mɛrɛŋ dɛndo ŋanandɛ mɔ. Wɛran nwe wos efi mɔ, kɔ aran mɛrɛŋ aka awut ɔn anɛ ŋafi mɔ, ŋayi ɔŋ sona dɔtɔf kɔtɔyɔ daka disrɛ. Kɔ wɛran nwe wos efi mɔ, ɛncɛm-ɛmɛnɛ kɛlukus nde atɔf nɛ ɛnayɛfɛ mɔ. Wɛran ka wan kɔn nwe ancwe Rut, nwe ɛnabɔtɔr kɔ haŋ mɔ, ɛncɛmɛ kɔ darɛŋ kɛkɔ. Ntɛ ŋambɛrɛ atɔf ŋa Yisrayel nɔnɔfɔr disrɛ mɔ, kɔ Kanu kɛwure pɛwɛy-wɛy mɛrɛ pɛŋmɛntɔr kɛbɔtɔr kɔn atɔyɔ daka mɔ. Kɔ Kanu kɛmar aran akanɛ mɛrɛŋ, kɔ kɛwure ŋa kɔtɔyɔ daka disrɛ nke ŋanayi mɔ, ntɛ tɔŋsɔŋɛ ta ŋayi sɔ sona mɔ.

Taruku tantɛ tentam kɛsɔŋɛ afum a mɔkɔ alarɛm kɛbɛkɛnɛ anɛ ŋancɛm-ɛmɛnɛ a Kanu kɛmpɛlɔrnɛ ŋa mɔ. Kɔ afum ŋawosɛ kɛcɛmɛ Kanu darɛŋ ŋacyɔ mɛfanj mɔn-ɛ, Kanu kɛfɔpɛlɔr ŋa few. Pɛcucanɛ pɛlɔma pɛntam kɛdɛr, mba Kanu kɛntɛŋkɛli pi pɛtɔt. Dɛkɛɔp da taruku tantɛ dɛmɛntɔr nɔnɔfɔr, mba dɛkɛlɛpsɛr da pi, anɛŋk fɔnɔntɔr fa Kanu kɔ kɛbɔtɔr kɔn nke kɛntɔlip mɔ. Kanu kɛmar su kɛcɛrɛ ka tantɛ kɛyi kosu doru fɛp. Amina!

Taruku ta Rut

Pɔlɛcɔr pa afum a Elimɛlɛk

¹ Tɛm ntɛ aboc kiti ŋanatɔmpɛr dɛbɛ da Yisrayel mɔ, kɔ dor dɛndɛ deyi dɔtɔf. Kɔ fum wɛka dare da Bet Lɛhɛm nde atɔf ŋa Yuda, ɛndɛ pɛkɔ nkɔn kɔ wɛran kɔn kɔ awut ɔn arkun mɛrɛŋ, kɛkɔcɛpɛrɛnɛ tɛm nde atɔf ŋa Mohab.

² Tɛwɛ ta fum wɛkakɔ tɛnayɔnɛ Elimɛlɛk, pacwɛ wɛran kɔn Noyemi, kɔ mɛwɛ ma awut ɔn arkun akakɔ mɛrɛŋ mɛnayɔnɛ Malɔŋ kɔ Kilyɔŋ. Fɛp fanjan aka kor ka ɛfɛrat ŋɔ ŋanayɔnɛ, dare da Bet Lɛhɛm nde atɔf ŋa Yuda. Kɔ ŋander atɔf ŋa Mohab kɔ ŋandɛ di.

³ Kɔ Elimɛlɛk wos ka Noyemi ɛndɛ pɛfi dɛndo, kɔ Noyemi eyi di ɔŋ kɔ awut ɔn arkun mɛrɛŋ.

⁴ Kɔ awut akakɔ ŋandɛ ŋanɛncɛ aran aMohab. Wɛran wɛcɔkɔ-cɔkɔ ancwɛ ɔrpa, kɔ wɛka mɛrɛŋ ancwɛ Rut. Kɔ ŋayi di mɛrɛn wɛcɔ.

⁵ Malɔŋ kɔ Kilyɔŋ ŋandɛ ŋafi, kɔ Noyemi ɛndɛ pɛyi ɔŋ, ɔyɔfɛ wɛrkun, ɔyɔfɛ sɔ awut.

Rut kɛcɛmbɔr kɔn Noyemi Bet Lɛhɛm

⁶ Kɔ Noyemi ɛyɛfɛ nkɔn kɔ aran a awut ɔn dalɛ da Mohab, bawo analokɔ kɔ dɛndo dalɛ da Mohab a MARIKI ɛmar afum ɔn aka atɔf ŋa Yuda, k'ɔmpocɛ ŋa yeri.

⁷ Kɔ Noyemi ɛyɛfɛ dalɛ dadɔkɔ ɛnayi mɔ, kɔ aran a awut ɔn mɛrɛŋ, kɔ ŋasumpɛr dɔpɔ kɛlukus ka nde atɔf ŋa Yuda.

⁸ Kɔ Noyemi oloku aran a awut ɔn mɛrɛŋ: «Awa, nɛlukus nwe o nwe nde kɛlɔ ka iya kɔn! MARIKI pɛyɔnɛ nu nɔnɔfɔr, pɛmɔ tɔkɔ nɛnayɔnɛ akɔ ŋafi mɔ nɔnɔfɔr kɔ ina mɔ.

⁹ Intolanɛ nu: MARIKI pɛpocɛ nu nwe o nwe pɛforu nda wɛrkun!» K'ɔncup ŋa, kɔ ŋayɛfɛ kɛbɔk.

10 Kò aran a awut òn ñambupàrè: «Ala! Sən'endekò kò mənà nde afum am ñayi mò.»

11 Kò Noyemi oloku: «Nəlukus aran a awut em! T'ake tò nāndecəpsən'em darəñ-ε? Ifəsətam kəsətò awut añe ñāndetam sò kənence nu mò.

12 Nəlukus nde ndoronu aran a awut em, nəkò! Bawo imbək oñ wərkun kadesənenc'em. Ali icloku isəreğbəkər Kanu amera, ali pibi pampə pò səyi kəfo kin kò wərkun tøyən'em kəkom sò awut arkun-ε,

13 nāndetam kəkar ña ñabək, nāndefatene ti oñ a panence nu ba? Ala, awut em aran! Pələc mpə pəsət'em mò, poncu pətəs pəkò pəsətò nu mò, kəca ka MARIKI kəmbəp im.»

14 Kò ñambok sò. Kò Ōrpa nkən oncup kəncərə kən Noyemi, k'elembərne kò, k'osumpər dərò k'òjkò. Mba Rut nkən owosε fε kəsak kəncərə kən Noyemi pəkò.

15 Kò Noyemi oloku Rut: «Məməmən wəres əm, olukus ndena afum òn kò canu cən. Məyò təkò əyò mò, mənà sò məkò nde ndaram!»

16 Mba kò Rut oloku kò: «Ta məsəñ'em kəsak əm, məsəñ'em kəlukus əm darəñ! Nde mənjkò mò, difò ina sò indekò. Nde māndeyi mò, ina sò difò indekəyi. Afum am, afum em ñò. Kanu kam, Kanu kem kò.

17 Nde māndekəfi mò, difò indekəfi, pawup im di. MARIKI pəyən'em ti, pənəcərən'em nte, kò pəyənε fε defì gbəcərəm dendesəñε su kəgbeyene kò mənà-ε.»

18 Nte Noyemi enəjk Rut εñgbəc kəkò kò nkən mò, k'esak kəloku kò sò teta kəlukus.

19 Kò ñasol mērəñ māñan kəkò hañ kò ñambere dare da Bet Ləhem.

Nte ñambere Bet Ləhem mò, kò pənciyane afum fəp te tañan. Kò aran ñaɲyiftene: «Noyemi əfò wəkawε ba?»

20 Kò Noyemi oloku ña: «Ta nəw'em sò Noyemi «Wəyi dərəbotu», mba nəcw'em oñ Mara, «Wəyi dərəcuy». Bawo Kanu nkε kəntam mes ma doru fəp mò kəsəñ im pəcuy.

21 Nte incyεfε dε kəkò mò, waca wem wənalarε kò MARIKI olukus'em waca wəsəkər. Awa! Nəsak kəw'em Noyemi, bawo MARIKI nwe entam mes fəp mò, εñkafələrn'em, kò kəsəñ'im pəcuy.»

22 Tatəkò tò Noyemi enayεfε dale da Mohab kò Rut wəMohab, wəran ka wan kən. Nte ñambere Bet Ləhem mò, patεp kəccop kətεl ka mənğen mələma mme ambof nde atof ña Yisrayel mò.

2

Rut əjkò dəkəgbətəs atel a Bəs tadarəñ

1 Noyemi enayò wəkomene ka wos wələma. Fum wəka fənəntər enayi, pəyò sò daka. Bəs b'ancwe kò.

2 Kò Rut wəMohab oloku kəncərə kən Noyemi: «Məwos'em ikò nde dale ikò icgbətəs wətεl nwe əjkəwos'em kəyi kò darəñ mò.» Kò Noyemi oloku Rut: «Məkò, wan kem wəran.»

3 Kò Rut əjkò dəkəgbətəs nde dale atel tadarəñ. Kò tøyənε dale nde encgbətəs mò da Bəs dò, Bəs nwe enayənε wəkomene ka Elimelek mò.

4 Pəwon fε kò Bəs emberε kəyεfε ka Bet Ləhem. Kò Bəs eyif atel òn, k'oloku ña: «MARIKI pəsölε nu!» K'atεl ñantolanε kò nte: «Awa! Mənà sò, MARIKI pəpoc'am pətət!»

5 Kò Bəs eyif fum wəkò enayənε wəbe ka atel òn mò: «An'əyò wəyəcərə nwe-ε?»

6 Kò wàbè ka atel ɔn oloku: «Wan wəran wəMohab ɔfɔ, nwe ɲander kò Noyemi, kəyefe ka dale da Mohab mə.»

7 Nte oloku mə: «Nəwos'em icəme atel darəɲ icgbətəs, icwetsɛnɛ sɔ mɛɲgben min min məkɔ mɛntɛmpɛnɛ toka dacɔ mə.» Kəyefe nte ɛnderna nno bətbət a k'ɛncəme mə, haɲ ndəkəl. Pəpic p'ɛɲesəmna nde dəkəl.»

8 Kò Bəs oloku Rut: «Məcəɲkəl im belbel wan kem: Ta məkɔ sɔ dəkəgbətəs tofo tocuru. Ta məbɔlɛ sɔ nno dale dem, ta nəbɔlɛnɛ sɔ abəc em.»

9 Məgbətne belbel nde abəc em ɲantel mə, məcəme aran akɔ ɲaɲgbətəs mə darəɲ. Mənəɲk iloku abəc em, ta ɲagbuɲen'am. Kò domun dendenabas əm-ɛ, məkɔ nde dətɔbɔl, məket domun nde abəc em ɲaɲket mə.»

10 Kò Rut ontontnɛnɛ Bəs haɲ k'ɛfəntərə dantɔf. K'oloku Bəs: «Cəke c'iyə-ɛ, nte məndeyɔn'em mame, ina nwe iyɔnɛ wəcikərə mə?»

11 Kò Bəs oloku kə: «Aləmər im mi tin tin mes mme məyɔ kəncərə kam, kəyefe nte wos əm efi mə, tɔkɔ məsək papa kam, iya kam, k'atɔf ɲam nɲe aɲkom əm mə, məcder nno nda afum aɲe mənətɔcərə tɔcɔkɔ-cɔkɔ mə.»

12 MARIKI pəluku's'am tɔkɔ məyɔ mə! MARIKI pəsəɲ'am ti kəway, nkən Kanu ka Yisrayel nkɛ mənder mənde katəkəp kən dantɔf mə.»

13 Kò Rut oloku: «Məmbaɲ im belbel, mənə wəbɛ kem! Moloku mam məsəɲ'em abəkəc kəfəntərə, kò məɲkɔ məməmən ti-ɛ, ali wəbəc kam wəkin səfətəɲnɛnɛ.»

14 Nte tɛm ta kədi yeri tendebəp mə, kò Bəs oloku Rut: «Məcəɲnɛ mədi yeri nno səyi mə, məbaɲ kəcom, məctɛm ki nno dəmɛnc.» Kò Rut ɔɲkɔ pənde atel kəsək. Kò Bəs ɔsəɲ kò kəcom, k'ɔsəm ki, k'ɛnɛmbərə, k'ɛmɛɲkərnɛ kəlpəs.

15 Kò Rut ɛyefe sɔ kəgbətəs, kò Bəs oloku abəc ɔn: «Nəcə kɔ sɔ pəgbətəs nde dətɔka, ta nəməmənɛnɛ kɔ.»

16 Nəcwak kəcsul-sulu səbomp sa mɛɲgben məlɔma yati nəcgbalɛ kɔ, nte tɔɲsəɲe pəcwɛtəs si mə, ta nəcməmənɛnɛ kɔ, ta nəlɔku kɔ tɔlɔm o tɔlɔm.»

17 Kò Rut ɛɲgbətəs haɲ dɔfɔy, k'ɛsɛpər mɛɲgben məkɔ ɛnagbetəs mə, k'ɔsɔtɔ mɛɲgben ma ɔrs abek ɲin.

18 Kò Rut ɛlɛk mɛɲgben mme k'ɛsərə, k'ɛɲkəkərə mi, k'ɔɲkɔ pəmentər kəncərə kən. K'owurɛ sɔ yeri yɔn yɛlpəs, k'ɔsəɲ kɔ.

19 Kò kəncərə kən ɛyif kɔ: «Deke məɲgbətəs mɛɲgben mme fəp məkɔ-ɛ? Dale d'ana dɔ məmbəcna-ɛ? Kanu kəmar nwe ɛɲkəkəsən'am mə!»

Kò Rut oloku kəncərə kən: «Abɔf ɲa wərkun wəlɔma ɲ'imbəcna, pəcwe kɔ Bəs.»

20 Kò Noyemi oloku wəran ka wan kən: «Inəɲk MARIKI nwe ɔsɔralasɛ sənə ayi doru nɔnɔfɔr, pəmɔ akɔ ɲafi mə. Kanu kəpocɛ wərkun wəkawɛ pətɔt.» Kò Noyemi oloku kɔ sɔ: «Wərkun wəkakɔ, wəkɔmɛnɛ kosu ɔfɔ! ɲa ɲɔ pəmar ɲacəme su dantɔf.»

21 Kò Rut wəMohab oloku sɔ: «Olok'im sɔ, məlɔtərnɛ abəc em haɲ ɲalip kətɛl'em fəp.»

22 Kò Noyemi oloku Rut wəran ka wan kən: «Wan kem pəntesɛ ti tatɔkɔ, nəsumpərənɛ kɔ abəc ɔn, ta mətor dale da nwe o nwe nde aɲkɔtərs'am mə.»

23 Kò Rut ɲasumpərənɛ kɔ abəc a Bəs kəgbətəs haɲ kɔ kətɛl ka mɛɲgben ma ɔrs kɔ cəgbay kəlip* kɔ mɛɲgben ma dəmərə.† ɲasərəyi kəfo kin kɔ kəncərə kən.

* 2:23 Mɛɲgben mowurɛnɛ malɔ, mme aɲwe databo «orge» mə. † 2:23 Malɔ mme aɲwe catabo «blé» mə, mi mə aɲlompse «farine».

3

Rut kəcəpərəne pibi nde węcək wa Bəs tantəf

1 Noyemi kəncərə ka Rut, oloku kə: «Wan kem, ifan kəsəŋ əm wərkun pənənc'am, mənə sə məŋesəm, nte təŋsəŋe pəbət sə mənə mə.»

2 Ndekəl oŋ, Bəs nwe esak əm məcbəc kə abəc ən mə, məlaŋ ti oŋ a fum kosu əfə? Məncərə sə a pibi pa məkə p'anjəfəy nde kur kən meŋben ma ərs maməkə anatele kə mə.

3 Məyefe, məsorə moro, məberne duma məkə dəndo anjəsepərə kə mə! Ta məwurər kə ta entalip kədi yeri kə kəmun de!

4 K'endena pəckə dəkəfəntərə-ε, məŋbekərə da eŋfəntərə mə. Kə məyefe-ε, məkə məfeni kə kəloto nde dəwęcək, məfəntərə. Nkən Bəs yati əŋkələk'əm təkə pəmar a məyə mə.»

5 Kə Rut oloku kəncərə kən: «Ŋkəyə tante mələk'im mə fəp.»

6 Kə Rut əŋkə nde dəkur, k'əyə təkə kəncərə kən ənaloku kə mə fəp.

7 Kə Bəs endi yeri, k'omun, kə pəmbət kə dəris. K'əŋkə pəfəntərə nde kur kələpsər mə. Kə Rut əŋkə pəfeni kə kəloto dəwęcək, k'embere, k'əfəntərə.

8 Pəndeyi cək-cək, kə wərkun nwe oyokərne, endekafələ: K'embəp wəran pəfəntərə kə węcək tantəf!

9 K'eyif: «An'əfə-ε?» Kə Rut oloku kə: «In'əfə, ina Rut, wəcar kam. Məkump wəcar kam dobol da duma dam, bawo wəcəmə kem dəntəf məyənə.»

10 Kə Bəs oloku: «MARIKI pəpoc'am pətət wan kem wəran! Məmentər sə nənfər nəə akomene a kəncərə kam ŋayi mə pətəs dəkə mənamentər təcəkə-cəkə mə. Bawo məncəmə fe atemp darəŋ ŋayə daka, ŋayə fe daka.

11 Ndekəl oŋ wan kem wəran ta mənese, nte o nte tə mələku, injəŋ'am ti, bawo dare fəp dəncərə a wəran wəka dəkəcəmə dərəŋ məyənə.

12 Ndekəl oŋ, kance kə pəmar a icəm'am dəntəf, mba wələma eyi nwe ələtərne dokom kə wos əm pətəs ina mə.

13 Məcəpərəne nəə pibi. Bətbətana, k'əfan kələk kəcəm'am dəntəf-ε, tentese, pəcəm'am dəntəf. Mba k'əntəfan kəcəm'am dəntəf-ε, ina incəm'am dəntəf, kə MARIKI owosə-ε! Məfəntərə hanj dec dəcək.»

14 Kə Rut əfəntərə kə węcək tantəf hanj kə dec dəcək, k'eyefe pəpan-pan, təm nte antətam kəcnepələne mə. Kə Bəs oloku kə: «Ta pəcərə a məndersa nəə dəkur de!»

15 Kə Bəs oloku kə: «Məcipi kəfakəl nke məncəpne mə, məsumpər ki belbel.» Kə Rut osumpər kəfakəl, kə Bəs embere kə meŋben ma ərs tafala camət-tin, k'onuŋkər kə, kə Bəs əŋkə dare.

16 Kə Rut əŋkə ndena kəncərə kən Noyemi. Kə wəkəkə eyif kə: «Cəke cə tencepərna-ε, wan kem wəran?»

Kə Rut ələmər kəncərə kən mes məkə wərkun nwe enayənə kə mə fəp.

17 Kə Rut oloku: «Əsəŋ im ərs kəfala camət-tin, pələoku: «Ta məlukus waca wəsəkər ndena kəncərə kam!»»

18 Kə Noyemi oloku Rut: «Məyi nəə, wan kem wəran, hanj məccərə təkə mes mame mendələpsər mə, bawo wərkun wəkawε, əfəsətam kənde k'əntəlip mes mame məkə-ε!»

4

Bəs ələk ke ka Elimələk

1 Kə Bəs əŋkə dəkəberə da dare daŋan k'əŋkə pənde. Pəwon fe, Elimələk wəkəməne wəkə Bəs ənaloku a wəkəkə enəŋkanə kələtərne kəcəmə ka Rut

dəntəf pətəs kə mə, kə wərkun nwe encepər, kə Bəs ewe kə: «Məcəŋne mæde mænde nnə!» Kə wəkakə ɔncəŋne k'ɔŋkə pənde.

² Kə Bəs ɛlək afum abeki wəco dare disre, k'oloku ŋa: «Nənde nnə!» Kə akako ŋande.

³ Kə Bəs oloku wəkə pənamar a pəcəme Rut dəntəf mə: «Nte Noyemi ɛyefe atəf ŋa Mohab, k'ɛfaŋ kəcəməs tofokəl ta antəf ŋəkə ŋenayəne ŋa wənc kosu Elimələk mə.

⁴ K'incəm-cəmnə kəsəŋ'am ti kəcəre, ilok'am ti: Məsəp məway di fər ya abeki a afum asu kirin kə afum acuru akə ŋandətəŋne ti mə! Kə məfaŋ kəway di-ɛ, məway! Kə məntəsfəŋ di-ɛ, məsəŋ'em ti kəcəre, bawo sariye sa kə kanke, kə mana məyefe day-ɛ, in'ə pəmar icəme.» Kə wərkun nwe oloku Bəs: «İfaŋ kəway dale dadəkə yati.»

⁵ Kə Bəs endəŋər: «Kə məway dale Noyemi dəwaca-ɛ, mənə mənasər sə Rut wəMohab, wəran ka wəfi. Nte təŋsəŋe ta tewe ta wəfi təsələ kə kanke kəroŋ mə.»

⁶ Kə wərkun nwe oloku: «Kə pəyəne tatəkə tə-ɛ, ifətam kəway kə nke ta ideyaməs teta daka dem nde iyə mə. Mələk sariye sem sa kəwurus, bawo ifətam ina wəsərka kəkətene ti.»

⁷ Awa, cəkə-cəkə atəf ŋa Yisrayel, kə afum ŋandecəŋəs kəway kə pəyəne fe ti ŋəsəkpərəne daka dələma-ɛ, wəkin oŋwure kəfta kən pəsəŋ ki wəkə ŋayi kələmpəs mes mə. Təyə tatəkə tenayəne təcəŋse moloku cəkə-cəkə atəf ŋa Yisrayel.

⁸ Kə wərkun nwe pənamar kəway dale nde mə, oloku Bəs: «Bəs, məna məway!» Kə wərkun nwe owure kəfta kən, k'əsəŋ ki Bəs.

⁹ Awa, kə Bəs oloku abeki kə afum fəp: «Teyi məkə fər yonu kirin, a iway Noyemi dəwaca daka nde dənəyəne da Elimələk, da Kilyəŋ haŋ kəbər ka Maləŋ mə fəp.

¹⁰ İwosə sə kənasər Rut wəMohab, wəran ka Maləŋ, nte təŋsəŋe pade pacwene kə kanke wəfi mə, ta pade pələrne tewe ta wəfi awənc aŋa daco dare dande. Nəyəne məkə atəŋne a ti.»

¹¹ Kə afum akə ŋanacəme dəkəbərə da dare kə abeki ŋalukse: «Ey, teyi məkə fər yosu kirin! MARIKI pəsəŋe wəran wəkawe məyi kənasər mə pəyi pəmə Leya kə Rasel, aran aŋe mərəŋ aŋe ŋaŋkom afum aka atəf ŋa Yisrayel mə! Kanu kəsəŋ əm səkət aka kusunja ka ɛfərat daco, məsətə tewe nde Bet Ləhem!

¹² MARIKI pəsəŋ əm kə wəran wəkawe awut alarəm, MARIKI pəsəŋe afum aka kələ kam ŋade ŋayi pəmə awut aka kələ ka Peres, aŋe Tamar ɛnakome Yuda mə!»

¹³ Kə Bəs ɛnence Rut, k'ombocərne kə. Kə MARIKI ɔsəŋe Rut kəbəkəs, k'əŋkom wan wərkun.

¹⁴ Kə aran ŋaloku Noyemi: «Səŋkor-koru MARIKI! Ɔsəŋe məkə k'aŋkom fum nwe endekəkəs əm mə. Kanu kəde kəpocə wansə kam pədəbək tewe Yisrayel.

¹⁵ Endekafəl'am teyi, pəkəkəs əm detembəra dam disre. Bawo wəran ka wan kam nwe ɔmbətər əm mə, okom kə. Wəran ka wan kam nwe encepər əm awut arkun camət-mərəŋ mə.»

¹⁶ Kə Noyemi ɛlək wan k'ɛnekne, nkən Noyemi ɛnadusum wan wəkakə.

¹⁷ K'andə a Noyemi ŋəsəŋ kə tewe, ŋacloku: «Noyemi oŋkom wan!» Kə ŋawe kə Obəd. Nkən ɛnayəne papa wəka Yese, Yese ɛnayəne papa wəka Dawuda.

Mewe ma aтем a Dawuda

¹⁸ Mewe ma awut a Peres məme: Peres okom Hecəron,

¹⁹ Hecəron okom Ram, Ram okom Aminadab,

²⁰ Aminadab okom Nasəŋ, Nasəŋ okom Salməŋ.

- ²¹ Salməŋ okom Bəs, Bəs okom Obəd,
- ²² Obəd okom Yese, Yese okom Dawuda.

Kibaru Kətət ka Yesu nkε Matiye ɛnacicəs mə Matiye Kəsəkəs ka Kibaru Kətət ka Yesu nkε Matiye ɛncicəs mə

Səbuk səcempi manjkəle ələluku moloku mme aŋwe «Kibaru Kətət ka teta Yesu Krist mə». Kəmar ka Amera ɲecempi ɲa Kanu, acəpsə a Yesu darəŋ manjkəle ɲacicəs taruku ta Yesu. ɲa ɲayəne: Matiye, Mark, Luk kə Isan. Mba Matiye kə Isan ɲanayi asom a Yesu aŋe wəco kə mərəŋ daco.

Nte kəpe ka Yesu dəkəm kəncəpər mə, kə Matiye ɛncicəs buk bambə pəcloku mecepərəne fəp ma Yesu antəf ɲaŋe kəron, nte təŋsəŋe afum a doru ɲaccərə a Yesu əyənə Krist, wəyek-yek nwe Kanu kənasom kəder teta kəyac afum doru dandə mə. CəKərek cə Matiye ɛnacicəs buk bambə, mba səna səŋkafəli bi cəBaka nte təŋsəŋe aBaka sə ɲacərə me maməkə mə.

Buk bambə boloku mes məwey-wey mələrəm mme Yesu ɛnayə doru dandə, nte təŋsəŋe afum ɲacərə fənəntər nfe Kanu kənasəŋ kə mə. Yesu ɛnataməs acuy, pəcbeləs yəŋk yeləc. Matiye ɛnafəŋ sə a afum ɲacərə mətəkse ma Yesu. Nte Yesu ɛnctəkse afum mə, ɲanacərə a moloku ma Kanu m'əncloku, pəcloku kance kəsoku pəs. Təlpəs ŋ, defi kə kəfəte ka Yesu afi daco kə kəpe kən kə buk bambə boloku su.

Mame fəp mēŋmar su kəcərə fum nwe Yesu əyənə mə. Kəcərə ka buk bambə kəŋmar su kəcərəne doru kəcərə kəkətəne mes disre, bəmar su sə kəlompəs ka kiyi wəyən ka doru o doru, k'afi-ε. Kanu kəsəŋ su kəcərə ka moloku ma buk bambə! Amina!

Tokotərəne ta Taruku ta Kibaru kətət ka Matiye:

1. Sora 1-4: Matiye oncop Kibaru Kətət kən kələm kəkom ka Yesu Krist kə tocop tən yəbəc nyε Kanu kəsom kə mə.
2. Sora 5-25: Ta mərəŋ, Matiye ɛmentər yəbəc ya Yesu kə mətəkse mən mələrəm.
3. Sora 26-28: Təlpəs, Matiye ələm nte Yesu ɛmbəce Kanu defi dən disre kə kəfəte kən afi daco mə.

Atem a Yesu

Luk 3.23-38

¹ Kəbənda ka dokom da Yesu Krist kə kaŋkε, wansə ka Dawuda, wansə ka Abraham:

² Abraham ɛnakom Siyaka, kə Siyaka ŋkom Yakuba, kə Yakuba ŋkom Yuda kə awənc ŋ,

³ Yuda okom Pəreε kə Serah. Tamar əyənə ɲa kərə. Kə Fares ŋkom Hecərəŋ, kə Hecərəŋ ŋkom Aram.

⁴ Kə Aram ŋkom Aminadab, kə Aminadab ŋkom Nasəŋ kə Nasəŋ ŋkom Salməŋ.

⁵ Salməŋ kə wəran kən Rahab ɲaŋkom Bəs, Bəs kə wəran kən Rut ɲaŋkom Yobed. Kə Yobed ŋkom Yisay,

⁶ kə Yisay ŋkom Dawuda wəbε wəka Yisrayel.

Dawuda ɛnanasər wəran ka Uri, kə ɲaŋkom Sulemani.

⁷ Kə Sulemani ŋkom Roboyam, kə Roboyam ŋkom Abiya, kə Abiya ŋkom Asaf.

⁸ Kə Asaf ŋkom Yosafat, kə Yosafat ŋkom Yoram kə Yoram ŋkom Osiyas.

⁹ Kə Osiyas ŋkom Yotam, kə Yotam ŋkom Akas, kə Akas ŋkom Esekias.

10 Kɔ Esekiyas oŋkom Manase kɔ Manase oŋkom Amos kɔ Amos oŋkom Yosiya.

11 Yosiya oŋkom Yekoniya kɔ awɛnc aŋa tɛm nte anasumpɛr aka Yisrayel pakekɛrɛ ŋa Babilɔŋ mɔ.

12 Nte tatɔkɔ tencepɛr mɔ, kɔ Yekoniya oŋkom Salatiyel kɔ Salatiyel oŋkom Sorobabel.

13 Kɔ Sorobabel oŋkom Abiyud kɔ Abiyud oŋkom Eliyakim, kɔ Eliyakim oŋkom Asor.

14 Kɔ Asor oŋkom Sadok kɔ Sadok oŋkom Akim kɔ Akim oŋkom Eliyud.

15 Kɔ Eliyud oŋkom Elasar kɔ Elasar oŋkom Matan kɔ Matan oŋkom Yakuba.

16 Kɔ Yakuba oŋkom Isifu wos ka Mari wɛkɔ oŋkom Yesu nwe aŋwe Krist, wɛbɛ nwe Kanu kɛyɛk-yɛk mɔ.

17 Awa, detɛmp wɛco kɔ maŋkɛlɛ denacepɛr kɛyɛfɛ Abraham haŋ kɛbɛp Dawuda, detɛmp wɛco kɔ maŋkɛlɛ kɛyɛfɛ Dawuda haŋ kɛbɛp kɛkɛkɛrɛ ka aYisrayel Babilɔŋ, detɛmp wɛco kɔ maŋkɛlɛ kɛyɛfɛ kɛkɛkɛrɛ kɛŋan Babilɔŋ haŋ kɛbɛp Krist.

Kɔkom ka Yesu Krist

18 Tokom nte t'anakom Yesu Krist: Wɛrkun nwe ancwe Isifu mɔ, encfac iya ka Yesu nwe ancwe Mari mɔ. Ta Isifu entagbaŋne Mari-ɛ, kɔ Mari enɛŋkne pɛbɛkɛ fɛnɔntɛr fa Amera Nɛcɛmpi.

19 Isifu wos ka Mari nwe enalomp, ta efaŋ kɛcɛŋ kɔ gbasŋa mɔ, encɛm-cɛmne kɛluxe Mari nda afum ɔn kɛgbɔpne disre.

20 Isifu eyi ti kɛcɛm-cɛmne, gbɛncana babɔkɔ kɔ mɛlɛkɛ ma Mariki mowurɛr kɔ damere, kɔ moloku kɔ: «Isifu wan ka Dawuda, ta mɛnesɛ kɛlɛk Mari mɛnɛncɛ kɔ, bawo wan nwe embekɛs mɔ, bafɔ dɛfum eyɛfɛ, mba dɛAmera Nɛcɛmpi.

21 Wɛran kam Mari endekom wan wɛrkun mɛnde mɛwe kɔ Yesu*, bawo nkɔn endeyac afum ɔn kiciya kɛŋan.»

22 Mamɔkɔ fɛp mɛnayi nte tɔŋsɔŋɛ nte Mariki enalokɛ kusu ka sayibɛ mɔ, meyi:

23 «Mɛcɛŋkɛl, wɛyɛcɛra wɛtɔcɛrɛ wɛrkun endebɛkɛs.

Pɛkom wan wɛrkun

nwe andewe Emaniyel mɔ.»

Itɔ tatɔkɔ: «Kanu kɛyi kɔ sɛna.»

24 Nte Isifu entime mɔ, k'ɔyɔ tɔkɔ mɛlɛkɛ ma Mariki mɛnasom kɔ mɔ. K'ɛlɛk Mari k'ɛnɛncɛ kɔ.

25 Mba ŋanafɛntɛrɛ fɛ kɔ Mari haŋ nte Mari enakom wan wɛrkun, nwe Isifu enasɔŋ tewe ta Yesu mɔ.

2

Acɛrɛ mes ŋander kɛnɛŋk Yesu

1 K'ɛŋkom Yesu dare da Betlɛhem nde atɔf ŋa Yude, tɛm tatɔkɔ tɔ Herodu enayɔnɛ di wɛbɛ. Kɔ acɛrɛ mes aka ntende kɛca nke dec dempɛ mɔ ŋander Yerusalɛm,

2 kɔ ŋayif: «Deke kɛnaka nke kɛndeyɔnɛ wɛbɛ k'aSuyif nwe antɛp kɛckom mɔ, eyi-ɛ? Bawo sɛnɛŋk kɔs kɔn ntende dec dempɛ mɔ, sɛnder kɛdetontnɛncɛ kɔ fɛr kirin.»

3 Nte wɛbɛ Herodu ene toloku tatɔkɔ mɔ, kɔ pɛyi kɔ yamayama, kɔ aka Yerusalɛm fɛp.

* 1:21 Yesu = cɛHebɛrɛ «Wɛyac» 1:23 Esayi 7.14

⁴ Kɔ wɔbɛ Herodu oloŋka aloŋne apɔŋ fɔp kɔ atɔkse sariye s'aSuyif, k'eyif ŋa kɔfo nke andekom Krist, wɔyac nwe Kanu kɔyɛk-yek mɔ.

⁵ Kɔ akakɔ ŋaloku kɔ: «Dare da Betlehem nde atɔf ŋa Yude andekom kɔ, bawo itɔ sayibe sɛncicɛs:

⁶ Kɔ mɔna Betlehem atɔf ŋa Yuda, mɔyɔ dɔkɛcɛmɛ sɔdare sɔpɔŋ sa Yuda daco, bawo dare dam dɔ wɔkirin endewur nwe endekɛkɛs afum em aŋe ŋayɔne aka Yisrayel mɔ.»

⁷ Awa, kɔ Herodu ewe acɛre ɔn mes, k'eyif ŋa yɔkyɔk kɛcɛre yati tem tɔkɔ kɔs kanɔ kɔnamentɔrne mɔ.

⁸ Kɔ Herodu osom afum Betlehem, pɛcloku: «Nɔkɔ nɔtɛnɔs kɛcɛre pɛsoku teta wan wɔkawɛ. Kɔ nɔnɔŋk kɔ-ɛ, nɔder nɔsɔŋ'em ti kɛcɛre, nte tɔŋsɔŋe ina sɔ ikɔ itontnɛne kɔ fɔr kirin mɔ.»

⁹ Nte acɛre mes ŋalip kɛcɔŋkɔl wɔbɛ mɔ, kɔ ŋaŋkɔ. Awa, kɔs nke ŋananɔŋk mɔ, kɔyi ŋa tekirin, nte kɔs kanɔkɔ kɔmbɔp kɔfo nke wan nwe enayi mɔ, kɔ kɛncɛmɛ.

¹⁰ Nte ŋananɔŋk kɔs nke mɔ, kɔ pɔmbɔt ŋa pɔpɔŋ.

¹¹ Kɔ ŋamberɛ kɔlɔ disre, kɔ ŋanɔŋk wan kɔ kɛre Mari, kɔ ŋancɔpe wan suwu dɛntɔf kɔtontnɛne kɔ fɔr kirin. Kɔ ŋasikɔli lɔba ya daka danɔn kɔ ŋampocɛ wan Yesu kɛma, suray sɔtɔt sa kɔlɔl ka kɔtɔk kɔ labunde da mir.

¹² Nte Kanu kɔlok-lokɔ ŋa dɛmere a ta ŋaluksɔrne sɔ nda wɔbɛ Herodu mɔ, kɔ ŋalɛk dɔpɔ dɔlɔma kɔkɔ ka ndaranɔn.

Kɔyɛkse ka Isifu, Mari kɔ wan kɔn Yesu ŋakɔ Misira

¹³ Nte ŋanɔ mɔ, gbɛncana babɔkɔ kɔ mɛlɛkɛ ma Mariki mowurɔr Isifu dɛmere kɔ moloku kɔ: «Mɔyɛfɛ mɔlɛk wan kɔ kɛre, mɔyɛkse mɔkɔ Misira, mɔyi di haŋ tem nte indelok'am kɔlukus mɔ, bawo Herodu endeten wan pɔmɔlɛk kɔ.»

¹⁴ Kɔ Isifu eyɛfɛ pibi disre, k'ɛlɛk wan kɔ kɛre k'ɔŋkɔ Misira,

¹⁵ k'eyi di haŋ kɔ Herodu efi. Mamɔkɔ mɛnayi nte tɔŋsɔŋe mɔkɔ Mariki enaloke kusu ka sayibe mɔ, mɛlare: «Iwe wan kem pɔwur Misira.»

Kɔdifɔt ka awut

¹⁶ Nte Herodu enɔŋk nte acɛre mes ŋantɔŋkɔr kɔ mɔ, kɔ pɔnanɔkanɛ kɔtɛlɛ kɔ, k'osom a padifɔt awut fɔp aŋe ŋanasɔtɔ meren merɔŋ haŋ kɔtor mɔ, aŋe ŋanayi Betlehem kɔ sɔdare nse sɔŋkel di mɔ, enalɛk tɛcɛmɛmɛne tatɔkɔ nte acɛre mes ŋanaloku kɔ tem nte kɔs kɔnawur mɔ.

¹⁷ Awa, tɔkɔ Sayibe Yeremy enaloku mɔ, telare:

¹⁸ «Ane kɔbokɛne nde dare da Rama, kɔbok kɔpɔŋ kɔ kɔkule-kule ka defi.

Rasel eyi kɔbok awut ɔn.

Ɛfaŋ fɛ a paletsɛne patorɛ-torɛ kɔ abɔkɛc, bawo awut ɔn ŋaŋkɔs-kɔs.»

Kɔlukus kɔŋan Yisrayel

¹⁹ Nte wɔbɛ Herodu efi mɔ, gbɛncana babɔkɔ kɔ mɛlɛkɛ ma Mariki mowurɔr Isifu dɛmere atɔf ŋa Misira,

²⁰ kɔ moloku kɔ: «Mɔyɛfɛ mɔlɛk wan kɔ kɛre, mɔlukus atɔf ŋa Yisrayel, bawo akɔ ŋanafanɔ kɔdif ka wan wɔkawɛ mɔ ŋafis-fis.»

²¹ Kɔ Isifu eyɛfɛ, k'ɛlɛk wan kɔ kɛre kɔ ŋalukus Yisrayel.

²² Mba nte enane a Arkelayos asoto kəyone ka wəbe dəkəcəme da kas Herodu mo, ko Isifu enese kəko atof ɲa Yude. Ko meleke molok-lokar ko damera, ko Isifu oɲko atof ɲa Kalile.

²³ K'ɔɲko pəyi dare da Nasaret, enayo ti nte tɔɲsoɲe toloku ta Yecicəs Yosoku nyɛ sayibe ɲanacicəs mo telare: «Andewe ko wəka Nasaret.»

3

Kawandi ka Aɲnabi Saɲ Batis

Mark 1.1-8; Luk 3.1-6

¹ Mata mamako ko Aɲnabi Saɲ Batis owur pəckawandi nde teɓbərə ta atof ɲa Yude:

² «Nəsəkpər bəkəc nəlomp, bawo dəbe da dəkəm dɔlətərne!»

³ Nkɔn sayibe Esayi enaloku teton: «Fum wəko dim don deyi kəwur dətəɓbərə mo ofo:

«Nəlompəs dɔpɔ da Mariki,

Nəlompɛ səpɔ sɔn sa wɛcək!»

⁴ Saɲ nwe, yamos ya cəfon ca yəkəme y'encberne, pəcɓəncne belet ba akata defi. Cəlanɲma ko mɛse ma cəme ca dop ɓbəcərəm yenayone ko yeri.

⁵ Afum aɲe ɲancyefe Yerusalem, ako ɲancyefe atof ɲa Yude fəp mo, ko ako ɲancyefe sɔdare nse səyi kəɲɓɔko ka Yurden kəsək mo fəp ɲancko nde eyi mo,

⁶ ɲacsɔtər ko kəɓbət dərɔmun teta Kanu nde kəɲɓɔko ka Yurden, ɲaccɛɲ kiciya kəɲan afum daco.

⁷ Nte encnəɲk aka dine da aFarisi* ko da aSadisi† ɲacderene kəɓbət dərɔmun teta Kanu mo, k'oloku ɲa: «Nəna aɲe nəyi pəmo ɲkisin mo! An'osɔɲe nu kəcərə ne aɲyeksər kiti ka Kanu nke kəyi kəder mo-ɛ?

⁸ Awa, nəde nəcyo moyo mətət mme meɲmentər a nəsəkpər mera ko nəncəme pəlompɔ darəɲ mo.

⁹ Ta nəcəm-cəmnɛ a Kanu kəndeyac nu bawo nəloku: «Abraham oyoɲe wətem kosu!» Ey, icloku nu, nənəɲk masar mame ba? Kanu kəntam kəkafəli mi moyoɲe awut a Abraham.

¹⁰ Ndekəl oɲ, tomunt pelip kəcəme kəcɛp ka tək han ɲde ntentəl ya yi: Kətək nke o nke kəntokom yokom yotət mo, ancɛp ki, paləm dənenc.

¹¹ Ina, dərɔmun ɲɲɓət nu teta kəmentər a nəsəkpər bəkəc, mba nwe eyi kəder im tadarəɲ mo, dəAmera Nəcempi ɲa Kanu ko nenc ende pəcɓət nu. Wəkako oyo fənəntər pətəs im. Isɔtə fɛ dofum dowurɛ ko cəfta dəwɛcək.

¹² Pəcəme dəkur pətəmpər kərəbe dəwaca pəcɓap, pəɓbɛy meɲɓen mətət mme endemɲkərne dəkɛle mo, mba pəcɔf fonta dənenc nde dəntənimɛ mo.»

Kəɓbət ka Yesu dərɔmun teta Kanu

Mark 1.9-11; Luk 3.21-22; Isaj 1.29-34

¹³ Tɛm tatoko to Yesu enayefe atof ɲa Kalile, k'ender nde kəɲɓɔko ka Yurden kəsək nno Saɲ eyi mo pədesɔtər ko kəɓbət dərɔmun teta Kanu.

¹⁴ Mba ko Saɲ fəɲ kəyamsər ko ti, k'oloku Yesu: «In'o pəmar isɔtər mənə kəɓbət dərɔmun teta Kanu, ko mənə mənder nno iyi mo!»

¹⁵ Ko Yesu olukse ko: «Məwose ti kərəsna. Tatoko to pəmar payo mes fəp mme Kanu kəsom su mo.» Awa, ko Saɲ owose.

3:3 Esayi 40.3 * **3:7** WəFarisi, aFarisi = Kəɓba k'abeki ka dine d'aSuyif aɲe ɲasektərɛne sariye ko moyo mokur ma aSuyif mo tin tin tin. † **3:7** WəSadisi, aSadisi = Kəɓba k'abeki ka dine d'aSuyif kəlɔma, aɲe ɲasektərɛne sariye ko moyo mokur ma aSuyif mo. **3:7** Luk 3.7

16 Yesu enadelip kəsətə kəgbət dəromun teta Kanu, k'empɛ. Gbəncana babəkə kə kəm kəngbite tetən, k'enənk Amera ɲa Kanu ɲoctorər kə pəmə antantoriya.

17 Awa kə dim dontor kəyɛfɛ dəkəm: «Wəkawɛ wan kem nwe imbətər mə ofo, nkən əbət im mes belbel.»

4

Nɔɲk Nɛlɛc ɲɛwakəs kəsəɲɛ Yesu kəciya *Mark 1.13; Luk 4.1-13*

1 Nte tencepər mə, kə Amera ɲa Kanu ɲɛɲkəkərə Yesu nde dətɛgbərə kəkəsak kə Nɔɲk Nɛlɛc ɲɛwakəs kəsəɲɛ kə kəciya.

2 Nte Yesu elip kəsuy mata wəco mankələ (40) pibi kə dan mə, kə dor dɔyɔ kə.

3 Nte Nɔɲk Nɛlɛc ɲɛfan kəsəɲɛ Yesu kəciya mə, kə ɲender ɲoloku kə: «Kə tɔyɔnɛ a Wan ka Kanu məyɔnɛ-ɛ, məloku oɲ masar mamɛ məyɔnɛ cəcom.»

4 Kə Yesu oloku: «Yecicəs Yosoku yoloku: «Bafɔ kəcom gbəcərəm kəɲsəɲɛ fum kəyi doru, mba məloku ma Kanu fəp məɲsəɲɛ fum kəyi doru.»

5 Kə Nɔɲk Nɛlɛc ɲɛɲkəkərə Yesu nde Yerusalem dare dosoku, kə ɲɔɲkə ɲɛcəmbər kə nde dətɛlempən pa kələ kəpəɲ ka Kanu kəroɲ.

6 Kə ɲoloku Yesu: «Kə tɔyɔnɛ a wan ka Kanu məyɔnɛ-ɛ, məyokɛ ma dantəf, bawo dəYecicəs Yosoku ancicəs:

«Kanu kəndesom mələkɛ ɔn, ɲandətəmpər əm dəwaca nte təɲsəɲɛ ta məmpət tasar mə.»

7 Kə Yesu oloku ɲi: «Mba ancicəs dəYecicəs Yosoku sɔ: «Ta məcəɲəs Mariki Kanu kam kəyɔ ka tes tɛwɛy-wɛy tən.»

8 Kə Nɔɲk Nɛlɛc ɲɛɲkəkərə Yesu sɔ tɔw tɛɲɛci kəroɲ, kə ɲementər kə dəbɛ da tɔf ya doru fəp kə dətət da yi.

9 Kə Nɔɲk Nɛlɛc ɲoloku Yesu: «ɲsəɲ əm yayɛ fəp kə məwosɛ kətontnɛn'em fər kirin-ɛ.»

10 Kə Yesu oloku ɲi: «Məbɔlə, məna Sentani! Bawo ancicəs dəYecicəs Yosoku: «Mariki Kanu kam pəmar məctontnɛnɛ fər kirin, nkən gbəcərəm pəmar məcsalɛnɛ.»

11 Kə Nɔɲk Nɛlɛc ɲɛsak Yesu, awa kə mələkɛ mender məbəcə kə.

Yesu oncop yɛbəc yəɲ Kalile

Mark 1.14-15; Luk 4.14-15; Isəɲ 4.1-3,43-46

12 Nte Yesu ene a alɛk Saɲ Batis k'ambɛr dəbili mə, k'owur kəkə atəf ɲa Kalile.

13 Yesu ɛnayı dare da Nasarɛt, k'ende pəcəpɛ dare da Kaparnam nde deyɪ kəba ka Kalile kəsək dəndo tɔf ya Sabulon kə Naftali,

14 nte təɲsəɲɛ təkə Kanu kənalokɛ kusu ka sayibɛ Esayı mə, telarɛ:

15 «Atəf ɲa Sabulon

kə ɲa Naftali dɔpɔ ndɛ dəɲkə ndɛ kəba ka Kalile,

kəɲgbəkə ka Yurdɛn kəsək,

atəf ɲa Kalile ndɛ atəyɔnɛ aSuyif ɲandɛ mə,

16 afum a di aɲɛ ɲanacɛm-cɛmnɛ a Kanu kəmbɛr ɲa kumunt mə,

ɲanəɲk nte Kanu kəɲkafələ kə kəntɛfərnɛ ɲa mə.

Aɲɛ ɲanayı kubump ka kətəgbəkər amera mə,

kə pəwanəkəra pomot ɲa.»

17 Tɛm tatəkə tɔ Yesu ɛnacop kəkawandi: «Nəsəkɔpər bəkəc nəlomp, bawo dəbɛ da dəKəm dəbətərnɛ.»

*Yesu ewe acepsɛ ɔn darəŋ acəkə-cəkə marjkələ
Mark 1.16-20; Luk 5.1-11; Isaŋ 1.35-51*

¹⁸ Ntɛ Yesu ɔnckətəs kəba ka Kalile kəsək mə, k'ɛnəŋk dəwɛnca mɛrəŋ, Siməŋ nwe anwe Piyer mə, kə wɛnc Andərə, ŋacɣbal manta dəkəba, bawo awɛnt ŋə ŋanayɔnɛ.

¹⁹ Kə Yesu oloku ŋa: «Nəder nəceps'em darəŋ, indesəŋɛ nu kəyɔnɛ awɛnt a afum.»

²⁰ Gbəncana babəkə kə ŋasak manta marjan kə ŋancəmə Yesu darəŋ.

²¹ Ntɛ Yesu ɔŋkə pipic mə, kə ɛnəŋk sɔ dəwɛnca mɛrəŋ Sak wan ka Sebede kə wɛnc Isaŋ, aŋɛ ŋanayi sɔ abil ŋanjan disrɛ kə kas kəŋan Sebede, ŋaclompəs-lompəs manta mə. Kə Yesu ewe ŋa.

²² Gbəncana babəkə kə ŋasak abil kə kas kəŋan, kə ŋancəmə Yesu darəŋ.

*Yesu ɛnctəkse pəctaməs sɔ
Mark 1.39; Luk 4.44; Luk 6.17-18*

²³ Yesu ɔnckətəs atɔf ŋa Kalile fəp pəctəkse dəkətola Kanu da aSuyif, pəckawandi Kibaru Kətət ka dəbɛ da dəkəm, pəctamsɛnɛ sɔ docu kə lanjiru fəp ndɛ dɛnayi afum mə.

²⁴ Ti tɛnasəŋɛ tewe tən tɛsamsər atɔf ŋa Siri fəp disrɛ. Packerɛ kə afum fəp akə docu yamayama dɛnasumpər, pəccu ŋa mə: Akə yɔŋk yɛlɛc yɔnctɔrəs, akə docu da kətempɛnɛ dɛnayi, kə akə ŋanayɔ lanjiru mə, Yesu ɛnctaməs ŋa fəp.

²⁵ Kəŋay k'afum alarəm kəncder kəyɛfɛ Kalile, atɔf ŋa Sədare Wəco, dare da Yerusalem, atɔf ŋa Yude, kə sədare sa kəca nkɛ dec dəmpɛ Yurdɛn mə.

5

*Kawandi ka Yesu ndɛ tərɔ kəronŋ
Mark 3.13; Luk 6.12-13*

¹ Ntɛ Yesu ɛnəŋk kəŋay ka afum mə, k'ɛmpɛ tərɔ kəronŋ, k'ɔŋkə pəndɛ, kə acepsɛ ɔn darəŋ ŋander nnɔ eyi mə.

² Kə Yesu ɛlɛk moloku k'ɛyɛfɛ kətəkse ŋa:

*Amera ŋətət ŋɛ ŋəsəŋ fum pəbotu nnɔ Kanu kəyi mə
Luk 6.20-26*

³ «Pəbotu peyi aŋɛ Kanu kəsəŋ pətət kə ŋancərənɛ a ŋancəmə Kanu fər kirin waca wəsəkər mə, bawo dəbɛ da dəkəm, dənjan dɔ!

⁴ Pəbotu peyi aŋɛ Kanu kəsəŋ pətət kə ŋayi kəbok mə, bawo Kanu kəndəkəfɛŋət ŋa mɛncər.

⁵ Pəbotu peyi aŋɛ Kanu kəsəŋ pətət kə ŋandɛncɛ mə, bawo ŋandəkəsətɔ doru fəp, dəyɔnɛ ŋa kɛ!

⁶ Pəbotu peyi aŋɛ Kanu kəsəŋ pətət kə tɛfan ta Kanu tɛmbas ŋa kəŋəŋk pəmə nɛ amera ŋəŋwos fum dor dəyɔ kə mə, bawo ŋandəkənbərə!

⁷ Pəbotu peyi aŋɛ Kanu kəsəŋ pətət kə ŋanɣɔnɛ awɛnc aŋa nənɔfər mə, bawo Kanu kəndəkəyɔnɛ ŋa nənɔfər!

⁸ Pəbotu peyi aŋɛ Kanu kəsəŋ pətət kə ŋasək bəkəc mə, bawo ŋandəkəŋəŋk Kanu!

⁹ Pəbotu peyi aŋɛ Kanu kəsəŋ pətət kə ŋayɔnɛ alompəs a pəforu awɛnc aŋa daco mə,

bawo andəkəwɛ ŋa awut a Kanu!

¹⁰ Pəbotu peyi aŋɛ Kanu kəsəŋ pətət kə antɔrəs ŋa teta kəyi kəŋan tɛfan ta Kanu mə,

ɲa ɲandekəsɔtɔ dɛbɛ da dɔKɔm!

¹¹ Pɛbotu peyi aɲɛ Kanu kəsɔɲ pɛtɔt mɔ k'alɔmɔs nu, pactɔrɔs, k'andele nu moloku mɛlɛc fɔp ma yem teta ina Yesu.

¹² Kɔ tatɔkɔ tembɔp nu-ɛ, nɛwolɔs-wolɔs, nɛyi pɛbotu disrɛ, bawo kaway konu kɛmbɛk nde dɔKɔm. Tante t'anatɔrɔs sayibɛ aɲɛ ɲananɲɛkɛnɛ kɛdɛr a nɔna nɛccɛr mɔ.»

*Nɛyi pɛmɔ mɛr kɔ pɔwanɲkɛra
Mark 9.50; Luk 14.34-35*

¹³ «Nɔna mɛr ma doru mɔ nɔyɔnɛ. Mba kɔ mɛr mɛndɛncɛ-ɛ, afɔtam kɛdɔktɔsɛ mi paka o paka. Mentese fɛ sɔ tɔlɔm o tɔlɔm, mɛnɛ pagbal mi afum ɲanas-nas.

¹⁴ Nɛn'ɔyɔnɛ pɔwanɲkɛra pa doru. Dare nde dɛɲyi tɔrɔ kɛrɔɲ mɔ, afɔtam kɛmɛɲk di.

¹⁵ Afɔmot lamp pagbɔpɔr di kɛfala, mba andɛt di kɛdɛt dɛm pɛdɛtɛ lamp kɛrɔɲ, dɔsɔɲ pɔwanɲkɛra akɔ ɲayi kɛlɔ disrɛ mɔ fɔp.

¹⁶ Tin tayi tɔ pɛmar pomot ponu pɔsɔɲ pɔwanɲkɛra tatɔkɔ afum fɔr kirinɲ, nɛ tɔɲsɔɲɛ ɲananɲk yɛbɔc yonu yɔtɔt, ɲakor-koru Kanu Papa konu nwe eyi nde dɔkɔm mɔ.»

Yesu ɛntɔksɛ sariyɛ nɛ Musa ɛnasɔɲ mɔ

¹⁷ «Ta nɛcɛm-cɛmnɛ a teta Sariyɛ kɔ pɔyɔnɛ fɛ ti mɛtɔksɛ ma sayibɛ fɔp m'inder kɛlinɲ day. Inder fɛ kɛlinɲ mi day, mba kɛsɔkɔs ka mi pɛs k'inderɛnɛ.

¹⁸ Kance, inɲoku nu ti, kɛwon nke o nke ka kɔm kɔ antɔf afɔlinɲ nɛ o nɛ dɔsariyɛ. Afɔlinɲ ali toloku tɛfɛt tin, afɔlinɲ ali tɛgbɛyɔs-gbɛyɔs tin, tatɔkɔ haɲ doru delip.

¹⁹ Mɔna nwe o nwe mɛɲfani tosom tɛfɛt tin mɔ, mɛtɔksɛ sɔ afum kɛfani tosom tatɔkɔ, fum wɛkakɔ endekɔfɛtɛ dɛkɛcɛmɛ nde dɛbɛ da dɔKɔm. Mba kɔ fum elɛlɛs mosom pɛtɔksɛ sɔ afum kɛlɛlɛs mi-ɛ, fum wɛkakɔ endekɔyɔ dɛkɛcɛmɛ dɔpɔɲ nde dɛbɛ da dɔKɔm.

²⁰ Icloku nu, pɛmar nɛcɛmɛ dolompɔ da Kanu darɔɲ nɛtas atɔksɛ sariyɛ s'aSuyif kɔ aFarisi. Kɔ tɔntɔyi-ɛ, nɛfɔbɛrɛ dɛbɛ da dɔKɔm.»

*Kɔtɔksɛ teta mɛtɛlɛ
Mark 11.25; Luk 12.57-59*

²¹ «Nɛnane nɛ analoku atɛm anu mɔ: «Ta mɛdif fum.» Mɔna nwe mɛndif fum mɔ, aɲkɛkɛr'am dɛɲkiti.

²² Mba ina iloku nu: Nwe o nwe pɛntɛlɛ nnɔ wɛnc eyi mɔ, aɲkɛkɛrɛ kɔ dɛɲkiti. Kɔ fum oloku wɛnc «Daku dɔ mɔyɔnɛ»-ɛ, pakekɛrɛ kɔ aboc kiti fɔr kirinɲ. Kɔ fum oloku wɛnc: «Mɛntɔɲkɛlɛ-ɛ,» palɛk kɔ pakɔ palɛm dɛnɛnc da yahanama.

²³ Kɔ mɛndekɔ kɛmɛntɔr pɔloɲɛ pam nde tetɛk toloɲɛ Kanu kɛrɔɲ a mɛcɛm-cɛmnɛ dɛnda, a wɛnc ɛm ɛmɛɲk'am tes tɔlɔma-ɛ,

²⁴ mɛsak pɔloɲɛ pam papɔkɔ tetɛk toloɲɛ Kanu kirinɲ, mɛkɔ kɛrɛsna mɛlompɛsɛnɛ daco kɔ wɛnc ɛm a mɛluksɛrɛnɛ kɛdeloɲɛ.

²⁵ Kɔ nɛsɔl kɔ wɛyɛfɛrɛnɛ kam kɛkɔ dɛɲkiti-ɛ, nɛtɛn kɛtɔɲɛnɛ dɔpɔ, ta wɛyɛfɛrɛnɛ kam pɔkɔbɛr ɛm wɛboc kiti dɛwaca, wɛkakɔ pɔsɔɲ ɛm wɛsɔdar nwe ɔɲkɔbɛr ɛm dɛbili mɔ.

²⁶ Kance, iclok'am, mɛfɔwɔr dɛndo ta mɛlip kɛluksɛ fɛrɛɲk fɛlpɔs nɛ mɛntɔmpɛrɛ kɔ mɔ-ɛ.»

*Kɔtɔksɛ teta kɛsɔmpɔr dalakɔ
MAT 18.8-9; Mark 9.43,47-48*

²⁷ «Nɛnane pacloku: «Ta mɛsɔmpɔr dalakɔ.»

²⁸ Mba ina iloku nu: Nwε o nwε ɔmɔmɔn wɛran han pɛfan kɛfɛntɛrɛr kɔ mɔ-ε, elip kɛsumpɛr dalakɔ kɔ wɛran wɛkakɔ dɛbɛkɛc.

²⁹ Kɔ tɔyɔnɛ dɔfɔr dam da kɛca kɛtɔt dɛndɛsɔŋ'am kɛciya-ε, mɛkakti di mɛlɛm di dɔbɔl'am. Bawo kɛlinj kɛfo kɛlɔma dis dam kɛncɛpɛr kɛyɔ dis dam mɛlmɛl pɛlɛm ɛm yahanama.

³⁰ Kɔ tɔyɔnɛ kɛca kam kɛtɔt kɛndɛsɔŋ'am kɛciya-ε, mɛgbinti ki mɛlɛm ki kɛbɔl'am. Bawo kɛlinj kɛfo kɛlɔma dis dam kɛncɛpɛr kɛyɔ dis dam mɛlmɛl pɛlɛm ɛm yahanama.»

Sariye nɛ sɛncɔmɛ anɛncɛnɛ mɛrɔŋ aŋɛ ŋayi kɛcɛnɛnɛ mɔ

Mat 19.7-9; Mark 10.4-5,10-12; Luk 16.18

³¹ Kɔ Yesu oloku sɔ: «Ancicɛs dɛYecicɛs Yosoku nte: «Kɔ wɛrkun endɛce wɛran-ε, pɛmar pɛcicɛ wɛran wɛkakɔ areka ŋɛcɛnɛ kɔ.»

³² Mba ina icloku nu: Nwε ence wɛran kɔn mɔ, ɔŋsɔŋɛ wɛran wɛkakɔ kɛsumpɛr dalakɔ kɔ wɛrkun wɛlɔma ɛnɛncɛ kɔ-ε, mɛnɛ tɔyɔnɛ a kɛnɛncɛnɛ kɛŋkɔ kɛyi fɛ sariyɛ disrɛ. Mba nwε ɛŋnɛncɛ wɛran nwε wɛrkun wɛlɔma ence mɔ, nkɔn sɔ dalakɔ d'ɔŋsumpɛr.»

Kɛtɔksɛ tɛta kɛdɛrɛm

³³ «Nɛncɛrɛ tɔkɔ anacicɛs atɛm anu dɛYecicɛs Yosoku mɔ: «Ta mɛyi ta mɛyɔ tɔkɔ mɛnɛdɛrɛm kɛyɔ mɔ. Mba mɛyɔ tɔkɔ mɛnɛdɛrɛm Mariki fɔr kirinj kɛyɔ mɔ fɛp.»

³⁴ Mba ina icloku nu, ta nɛdɛrɛmɛ tɔlɔm o tɔlɔm: Ta nɛdɛrɛmɛ kɔm, bawo dɔcɔm da Wɛbɛ Kanu dɔ.

³⁵ Ta nɛdɛrɛmɛ antɔf, bawo antɔf ŋɔyɔnɛ dɛkɛcɛmbɛr dɔn wɛcɛk, ta nɛdɛrɛmɛ sɔ ali Yerusalɛm bawo dare da Kanu Wɛbɛ wɛpɔŋ dɔ.

³⁶ Ta nɛdɛrɛm sɔ domp, bawo mɛfɔtam kɛsɔŋɛ ali kɛfon kam kin kɛfɛrɛ kɔ pɛyɔnɛ fɛ ti kɛbiyɛ.

³⁷ Dɛmɛdɛrɛm monu pɛmar mɛlɔku: «Ey,» kɔ pɛyɔnɛ kance kɔ-ε, mɛlɔku: «Ala,» kɔ pɛyɔnɛ a bafɔ kance kɔ-ε. Nte o nte ambɛrɛnɛ moloku ma kɛdɛrɛm mamɔkɔ mɔ, dɛNɔŋk Njɛlɛc tɛyɛfɛ.»

Kɛtɔksɛ tɛta kɛlukɛ ayɛk

Luk 6.29-30

³⁸ Kɔ Yesu oloku sɔ ŋa: «Nɛnɛ pɛcloku dɛYecicɛs Yosoku: Dɔfɔr d'anɔsɔŋɛ dɔfɔr kɛway, dɛsek d'anɔsɔŋɛ dɛsek kɛway.

³⁹ Mba ina iloku nu ta nɛlukɛ ayɛk nwε ɔŋyɔ nu pɛlɛc mɔ. Kɔ fum efer ɛm kɛca dɛkanca ŋa kɛca kɛtɔt-ε, mɛcɛncɛ kɔ sɔ ŋa mɛrɔŋ ŋkɔ.

⁴⁰ Kɔ fum ɛfanj ɛm kɛkiti tɛta kɛbanjɛr kam duma-ε, mɛsakɛrɛ kɔ sɔ burumus bam.

⁴¹ Kɔ fum ɛntar'am kɛkɔt kilomɛtɛr kin-ε, mɛkɔt kilomɛtɛr mɛrɔŋ kɔ nkɔn.

⁴² Mɛpɔcɛ wɛkɔ ontɔl'am mɔ, ta mɛbɛr kɛmunt nwε ɛŋfanj kɛlɛkɛr ɛm dɛbɛ da paka pɛlɔma mɔ.»

Nɛbɔtɛr atɛrɛnɛ anu

Luk 6.27-28,32-36

⁴³ Kɔ Yesu oloku ŋa sɔ nte: «Nɛnɛ a analoku: «Mɛbɔtɛr wɛnc ɛm, mɛtɛr wɛtɛrɛnɛ kam.»

⁴⁴ Mba ina icloku nu: Nɛbɔtɛr atɛrɛnɛ anu nɛtɔla Kanu pɛtɔt akɔ ŋantɔrɛs nu mɔ.

⁴⁵ Kò nàyo ti-ε, nàntubucenε mào mətət ma Kanu Papa konu nwe eyi nde dəkəm mə, bawo enyektər dec dən ayenki bəkək kə atət, pətufər wəcafən alompu kə atəlomp.

⁴⁶ Kò təyənε nəbətər gbəcərəm akə nambətər nu mə, kəway kərə kə nəsətənε ti-ε? Ali abanəs dut tatəkə tə nənjo pəmə nənə.

⁴⁷ Kò təyənε awenε əm anja gbəcərəm njo mənjiy-ε, pətət pere pə mào-ε mpe pencepər pa akə mə? Ali atəyənε aSuyif, bafə tatəkə tə nənjo pəmə nənə ba?

⁴⁸ Awa, nənə nəlarε dolompu nəcemp pəmə nte Papa konu nwe eyi nde dəkəm elarε dolompu k'encemp mə.»

6

Kətəkse teta kəpocε atəyo daka

¹ Kò Yesu oloku nja sə: «Nəkəmbərne kəcyə mào monu ma dinε afum fər kirin nte tənsojε njaməmən nu mə. Kə teyi-ε, Papa konu nwe eyi nde dəkəm mə əfədesəjε nu ti kəway.

² Nənəfər disrε kə mənđe kəcmar atəyo daka-ε, ta məcam ti afum nəcərə. Abanənε kələmp nənjo ti, nde wələ wa dəkətola Kanu kə dəpə daco, nacten a afum əlma kəyek-yekəs nja. Icloku nu, kance kə: Kəway kəjan məlməl kə njai kəbanj.

³ Mba kə mənđepocε atəyo daka-ε, ta məsojε kəca kəmeriya kəcərə təkə kətət kəyi kəyo mə.

⁴ Nənəfər disrε kə mənđe məcmar fum-ε, məmar kə kəgbəpnε disrε ta wələma pəcərə ti. Papa kam nwe εjnəjk ali nte tənjbəpnε mə, endesəj əm kəway.»

Mətəkse mme antola Kanu mə

⁵ «Kə nənđe kəctola Kanu-ε, ta nəcyə pəmə abanənε kələmp anjε kəcəme dəkətola Kanu kə məgbəkənε ma səpə səpəj kəmbət, nte tənsojε njaməntərne afum mə. Kance, icloku nu, kəway kəjan kə njai kəbanj tatəkə.

⁶ Mba mənə, kə mənđe kəctola Kanu-ε, məberε dukulə, məgbətərne kumba, mətola Papa kəgbəpnε disrε, Papa kam nwe εjnəjk nte tənjbəpnε mə, əjsoj əm kəway.

⁷ Kə mənđetola Kanu-ε, ta məla moloku pəmə atəcərə Kanu, anjε njancem-cemne a kə njalok-loku pəlarəm-ε, tənsojε Kanu pəcəjkəl nja.

⁸ Ta nəctubucnε akakə, bawo Papa konu encərə mes mme nəfanər kə dəsək o dəsək mə, ta nənətola kə-ε.

⁹ Mba nənə, nte tə pəmar nəctola Kanu:
Kas kosu nwe eyi nde dəkəm mə,
məsojε paleləs decempi da tewe tam topus!

¹⁰ Məsəjε a dəbe dam deder.

Məsəjε afum njacəme tefanj tam darəj dəntəf pəmə dəkəm!

¹¹ Məpocε su kəcom kəməkə.

¹² Mənjənne su kiciya kosu,
pəmə nte sənjənne akə njanciyane su mə.

¹³ Ta məsak su səyo mes mme məjsojε su kəciya mə,
mba məbanj su Nəjk Njələc dəwaca. [Bawo mənə mən'əyo dəbe, fənəntər kə kəkorkoru teta meren kə meren disrε.]*

¹⁴ Awa, kə nənənne afum pələc mpe njəyo nu mə-ε, Kas konu nkε kəyi nde dəkəm mə kənjənne nənə sə,

* **6:13** Yecicəs yələma yəyo fe moloku mame.

15 mba kə nəntəŋaŋne afum-ε, Kas konu əfəŋaŋne nəna sə pələc ponu.»

Kətəksε teta kəsuy

16 «Kə məsuy-ε, ta məŋey kəro pəmə abanənε kələmp, ŋa ŋandukut kəro kəmentər a ŋasuy. Kance icloku nu: Kəway kəŋan məlməl kə ŋayi kəbaŋ kaŋka.

17 Mba mənə, kə məsuy-ε, məsopne labundε, məbufərne kəro,

18 nte təŋsəŋε ta məmentər afum a kəsuy kə mənde mə, mba məmentər ti Papa kam Kanu nwe əŋgbəpne, pəcnəŋk nte o nte təŋgbəpne mə. Ɔŋsəŋ əm kəway.»

Daka da dəkəm detas da doru

Luk 11.33-34

19 «Ta nəten kəsətə daka dəlarəm nnə doru dandε, ndε ate kə mərka yeŋləsər fəp, ndε akiye ŋambere dəwələ ŋakiye mə.

20 Mba nəten kəyə daka dəlarəm da dəkəm nde Kanu kəyi mə. Dəndo, ate kə mərka yəfələsər mpε o mpε, akiye ŋafəbere, ŋafəkiye.

21 Bawo kəfo nke daka dam deŋyi mə, difə abəkəc ŋam ŋeŋyi.»

Pəwaŋkəra pa dis

Luk 11.34-36

22 «Dəfər dəyənε lamp da dis. Kə dəfər dam dentese-ε, dis dam fəp doŋmot,

23 mba kə dəfər dam dəlece-ε, dis dam fəp, kubump kə deŋyi. Kə təyənε pəwaŋkəra mpε peyi dis dam mə kəbump kə-ε, kubump kam kəmbek!»

Kanu kə pəsam: Ake mələk-ε?

Luk 16.13

24 «Nwe o nwe əfətam kəbəcə abε mərəŋ. Kə teyi-ε, enter wəkin pəbətər wəkə, kə pəyənε fε ti-ε, pəsektərne wəkin, pəber wəkə kumunt. Nəfətam kəbəcə Kanu kə pəsam tem tin.»

Məgbəkər Kanu kəlaŋ

Luk 12.22-32

25 «It'əsəŋε nte iloku nu: Ta nəcem-cəmne pəlarəm teta tecepərəne tonu doru, paka mpε nəndedi kə pəkə nəndemun mə. Ta nəcem-cəmne sə teta dis doru, pəkə nəndeber di mə, bafə kəyi wəyən kəncepər yeri yedi kə dis dencepər yamos ba?

26 Nəməmən bəmp ya darenc: Yəfəgbal defet, yəfətel, yəfəmenkərne meŋgben dəcele, mba Kas konu nke kəyi dəkəm mə kəŋsəŋ yi yeri. Bafə kəyi wəyən ka nənə kəncepər ka bəmp ya darenc yayəkə dəkəcəme ba?

27 Fum wəre eyi nu dacə nwe məcemcəmne mən məntam kəbələs kiyi kən doru ali kururu katin gbəŋ mə-ε?

28 Ta ake tə nəncəm-cəmne teta yamos-ε? Nəməmən nte yeleşk ya dale yompoŋ mə: Yəfəbəc, yəfədu yamos.

29 Mba icloku nu, ali wəbe Sulemani yati kə daka da debeki dən fəp enasətə fε yamos nyε yeŋatesε pəmə ya pələŋk papəkə pin mə.

30 Yika yeyi məkə dale, alna pəcləm yi dənenc, mba Kanu kəŋsəŋε pəmar yi. Nəntam kəlaŋ tes tin: Pipice ŋ cəke o cəke, Kanu kəndeber nənə apice kəlaŋ yamos pəcepər tatəkə!

31 Ta nəcem-cəmne kəyi konu doru, nəcyifne: Ake səndedi-ε? Ake səndemun-ε? Yamos yere yə səndeberne-ε?

32 Məməkə mə atəcəre Kanu ŋantən tem fəp. Mba Kas konu nke kəyi nde dəkəm mə kəncəre a pəmar nəyə ca yayəkə fəp.

³³ Nənuŋkənə kərəsna kəten dəbe da Kanu† kə pəlompu pən. Kə nəyɔ tətəkə-ε, nkən Kanu endedənəre nu yayəkə fəp.

³⁴ Ta nəcem-cəmne pələram teta tecepərəne doru tonu alna, nəce alna ηecem-cəmne teta ηisərka. Pəcuy pa dəsək o dəsək pəntəŋne dəsək da di.»

7

Ta nəlek dəkəcəme da Kanu dəŋkiti fım

¹ Yesu oloku ηa: «Ta nəkiti ako nte tənŋəŋe ta andesəkiti nəna mə.

² Bawo təkə nəŋkiti ako mə, itə Kanu kəndekəkiti sə nəna! Kə potubce pəkə nəntubce ako mə, ip'andekəsətubce nu.

³ Ake'səŋe nte mənŋbətne ayika ηŋe ηeyi wənc əm dərəfər mə, mba ta mənŋnəŋ təmbəŋk ta kətək pəkə pey'əm dərəfər mə-ε?

⁴ Pəlompu pə ba, kəloku wənc əm: «Wənc im, məwose a ilin əm ayika ηŋe ηey'əm dərəfər mə,» mba mənə məyɔ təmbəŋk ta kətək dərəfər ba?

⁵ Mənə wəbənne kəlomp, məliŋne kərəsna təmbəŋk ta kətək dəfər dam, it'əŋŋəŋ'am kənəŋk belbel ayika ηəkə məfəŋ kəliŋ wənc əm dərəfər mə.

⁶ Ta məsəŋ daka dəkə ampus mə cen, yəntam kəlüksərne yəŋəŋ əm. Ta nələmər sə mətət monu meyənki kəway səp, ta yedenas-nas mi.»

Kə mənən-ε, məŋsətə

Luk 11.9-13

⁷ «Nətola, nəndesətə. Nəten, nəndenəŋk. Nəsut-sut kumba, andegbite nu.

⁸ Bawo nwe o nwe ontola Kanu mə, ompoce kə. Nwe o nwe enten mə, eŋnəŋk. Nwe o nwe oŋsut-sut kumba mə, aŋgbite kə.

⁹ Kas kəre kəyi nu dacə nwe wan kən ontola kə kəcom, nkən pəsəŋ kə tasar mə-ε?

¹⁰ Kə pəyənə fe ti, an'eyi nu dacə nwe wan kən ontola kə alop, nkən pəsəŋ kə abok mə?

¹¹ Kə pəyənə nənə aŋe nəlece mə, nəncərə kəsəŋ awut anu ca yətət-ε, Kas konu nke kəyi nde dəkəm kəndenəŋkəne kəsəŋ aŋe ηantola kə ca yətət yayəkə mə!

¹² Nəyənə afum təkə nəfəŋ a ηayənə nu mə. Tətəkə tə Sariye sa Musa kə Yecicəs ya Sayibe yosom.»

Dəkəberε da nde Kanu kəyi mə dəwəkene

Luk 13.23-24

¹³ «Nəberε dəkəberε nde dəwəkene mə! Dəkəberε nde dentefərne kələsər mə dəwəkəl, dəpə dəkə aŋkə di mə doncuca fe kəkət. Afum aŋe ηəŋkət dəpə dadəkə mə ηala.

¹⁴ Mba dəkəberε nde dentefərne kiya wəyən mə dəwəkene, dəpə nde aŋkə di mə doncuca kəkət, aŋe ηəŋkət di mə ηala fe.»

Sayibe sa yem

Luk 6.43-44

¹⁵ «Nəkəmbərne sayibe sa yem. Nə ηander nu ηakere nu moloku mobotu, mba alec bəkəc ηə aŋe ηawey-wey mə.

¹⁶ Məyɔ marjan məlec mə nənde nəncərəle ηa. Awa, nəcərə sə a afəpim yokom ya wən kə pəyənə fe ti cəyabə dəberŋk!

¹⁷ Yokom yətət yə tək yətət fəp yəŋkom, mba kətək nke kəntətəmne mə, yokom yələc yə kəŋkom.

¹⁸ Kətək kətət kəfəkəkom yokom yələc, kətək kətətəmne kəfəkəkom yokom yətət.

¹⁹ Kətək nke o nke kəntəkəkom yokom yətət mə, ancep ki paləm dənənc.

† 6:33 Yəgbəkəre ya Yecicəs Yosoku yokur yələma yəyɔ fe «da Kanu.»

20 Awa mɔyɔ ma sayibe sa yem akakɔ mɔ nɛnde nɛcnɛpɛle ɲa pɛmɔ nte aɲɲɛpɛle kɛtɔk kɛtɔt kɔ pɔyɔnɛ fɛ ti kɛtɔtamɲɛ yokom ya ki mɔ.»

Ayemɛ acɔmɛ Mariki darɔɲ
Luk 6.46; 13.25-27

21 «Bafɔ nwe o nwe oɲlok'im: «Mariki! Mariki!» ɲandekɔbɛrɛ dɛbɛ da kɔm dɛntɔf, mba nwe gbɛcɛrɛm ɔɲyɔ tɛfɔɲ ta Papa kem nwe eyi nde dɛkɔm mɔ.

22 Dɔsɔk ndɛ Kanu kɛndɛbɔc kiti afum a doru fɛp dacɔ mɔ alarɛm ɲandeloku: «Mariki, Mariki, bafɔ tewe tam tɔ sɛncbɔnc nte sɛncloku mosom mam mɔ, bafɔ tewe tam tɔ sɛncbɛlse yɔɲk yɛlɛc, bafɔ tewe tam tɔ sɛncyɔnɛ mes mewɛy-wɛy ba?»

23 Indelukɛ ɲa dɔsɔk dadɔkɔ: «ɪncɛrɛ fɛ nu ali katin! Nɛbɔl'em day fɛp fonu nɔɲyɔ mes mɛlɛc!»

Wɔlɔ nwe mɛrɔɲ
Luk 6.47-49

24 «Awa nwe o nwe eɲɲen'em moloku mamɛ pɛkɔt sɔ mi mɔ, endeyi pɛmɔ wɛrkun wɛcɛrɛ kɛkɔtɛnɛ mes, nwe ɛncɛmbɛr kɛlɔ kɔn dɛtasar teyɛɲki mɔ.

25 Wɛcafɔn pɛtuf, mɛncaca mɛyɛkse, afɛf ɲowur yɛwɛkɛrɛnɛ kɛlɔ kɔɲkɛ: Kɛfɔwɔɲɛ bawo dɛtasar ɛncɛmbɛr ki gbɲɲ.

26 Nwe o nwe eɲɲen'em moloku mamɛ ta ɔɲkɔt mi mɔ, endeyi pɛmɔ wɛrkun wɛtɔcɛrɛ kɛkɔtɛnɛ mes, nwe ɛncɛmbɛr kɛlɔ kɔn dɛsɛnc mɔ.

27 Wɛcafɔn pɛtuf, mɛncaca mɛyɛkse, afɛf ɲowur yɛwɛkɛrɛnɛ kɛlɔ kɔɲkɛ. Kɛwɔɲɛ, kɛtɛmpɛnɛ ka ki kɛbɛk.»

Yesu kɛtam kɔn mɛs
Mark 1.22; Luk 4.32

28 Nte Yesu elip kɛlok-loku mɔ, kɔ cusu cɛwos kɛnay teta kɛtɔkɛ kɔn,

29 bawo ɛntɔkɛ ɲa pɛmɔ fum nwe ɔntɔmpɛr kɛtam mɔ, kɛtɔkɛ kɔn kɛnacyanɛ kɔ ka atɔkɛ sariyɛ s'aSuyif.

8

Yesu ɛntamɛs wɛcunɛ sen
Mark 1.40-44; Luk 5.12-14

1 Nte Yesu ontɔr kɛyɛfɛ dɛtɔrɔ mɔ, kɔ kɛnay ka afum kɛncɛmɛ kɔ darɔɲ.

2 Awa kɔ wɛcunɛ sen ɛnder pɛtontɲɛnɛ kɔ fɔr kirɲɲ pɛcloku: «Mariki, kɔ mɛfɔɲ ti-ɛ, mɛntam kɛsɔkɛs im.»

3 Kɔ Yesu ɛntɛnc kɛca, k'ɔɲgbɔɲɛnɛ kɔ, k'oloku: «ɪfɔɲ ti, mɛsɔk.» Gbɛncana babɔkɔ kɔ sen sɔn sɛntamɲɛ.

4 Kɔ Yesu oluku kɔ: «Mɛkɛmbɛrɛnɛ kɛloku ti fum, mba mɛkɔ mɛmentɔrɛnɛ wɛloɲɲɛ, pɛmɔmɛn ɛm teta kɛsɔkɛsɛnɛ kam, mɛkɛkɛrɛ poloɲɲɛ pɛmɔ tɔkɔ Musa ɛncɛ ti mɔ. Tendeyɔnɛ afum fɛp kɛcɛrɛ a mɛntamɲɛ.»

Yesu ɛntamɛs wɛbɔcɛ ka wɔbɛ wɔka asɔdar a Rom
Luk 7.1-10; Isɔɲ 4.46-54

5 Nte Yesu ɛmbɛrɛ dare da Kaparnam mɔ, kɔ wɔbɛ k'asɔdar wɔRom ɛnder pɛloku kɔ.

6 Kɔ wɔsɔdar nwe ɛlɛtsɛnɛ Yesu: «Mariki, wɔbɔcɛ kem ɛfɛntɔrɛ nde kɛlɔ kem, ɔfɔtam kɛkɔt, kɔ pɛcuy pɔpɔɲ peyi kɔ.»

7 Kɔ Yesu oluku kɔ: «ɪndɛkɔ ndaram kɛtamɛs kɔ.»

8 Kɔ wɔbɛ k'asɔdar oluku Yesu: «Mariki, isɔtɔ fɛ dofum dɛfayɲɛn'am nde kɛlɔ kem disrɛ, mba mɛloku toloku tin gbɛcɛrɛm, wɔbɔcɛ kem pɛtamɲɛ.

⁹ Bawo ina yati kətam ka abe em k'iyə dəntəf, k'iyə sə asodar anje ŋayi kətam ka ina sə dəntəf mə. K'iloku wəkin: «Məko,» wəkayi ŋkə. K'iloku wəko: «Məder,» wəkayi ender. K'iloku wəcar kem: «Məyo nte-ε,» ŋjə ti.»

¹⁰ Nte Yesu encəŋkəl moloku mən mə, kə teta wəsodar nwe tenciyanε kə, k'oloku akə ŋanacəme kə darəŋ mə: «Iclocu nu kance: Inəŋke fe fum o fum aYisrayel daco kəlanj pəmo kəŋkε!»

¹¹ Iloku nu: Afum alarəm ŋandeder kəyefe kəca nke dec dempe kə nke deŋkale mə, ŋande demesa nde debe da dəkəm dəntəf kə Abraham, Siyaka kə Yakuba.

¹² Mba afum anje pənamar ŋalek ke ka di mə, andeləm ŋa dəkubump. Difo kəbok kə kəŋaŋərəne sek kəndekəyi.»

¹³ Kə Yesu oloku wəsodar wəkakə: «Məlukus nde ndaram, təkə məŋgbəkər kəlanj mə teder əm.» Təm tatəkə yati tə wəbəcə kən enatamnε.

*Yesu entaməs acuy alarəm
Mark 1.29-34; Luk 4.38-41*

¹⁴ Kə Yesu ŋkə nda Piyer, k'ŋkə pənəŋk iya ka wəran ka Piyer pəfəntərə ta entamnε-ε. Fiba fənaij kə.

¹⁵ Kə Yesu ŋjəbunje kə kəca, kə fiba fəsak kə, kə wəran nwe eyefe, k'osumpər kəbəcə Yesu.

¹⁶ Dəfoy dendebəp, k'ankeε Yesu afum alarəm anje yəŋk yelec yəntərəs mə. Kə Yesu embəse moloku mən yəŋk yelec, k'entaməs acuy fəp.

¹⁷ Tatakə tə mes menalare, mme Sayibe Esayi enaloku mə: «Enaliŋ təkə tontərəs su mə, k'esare docu dosu.»

*Anje ŋafəŋ kəcəme Yesu darəŋ mə
Luk 9.57-60*

¹⁸ Nte Yesu enəŋk kənaij kəkəl kə mə, k'osom acεpse ən darəŋ a ŋacali kə nkən ntende mokuru ma kəba kəŋkə.

¹⁹ Kə wətəkse sariye sa aSuyif ələtərne Yesu, k'oloku kə: «Wətəkse, ifəŋ kəyənε wəcepse kam, indecəm'am darəŋ nnə o nnə məndəkə mə.»

²⁰ Kə Yesu oloku kə: «Məsəŋk məyo bi dəkədire kə bəmp yəyo wəlo dəkədire. Mba ina Wan ka Wərkun, iyə fe kəfo nke intam kəboc domp dem mə.»

²¹ Kə fum wələma acεpse ən darəŋ daco oloku kə: «Mariki, məwos'em kərəsna kəkə, ikə iwup papa kem.»

²² Kə Yesu oloku kə: «Məcəps'em darəŋ, məce afi ŋawup afi anjan.»

*Yesu ontore-tore afef
Mark 4.35-41; Luk 8.23-25*

²³ Kə Yesu embekε debil kə acεpse ən darəŋ.

²⁴ Pəwon fe kə afef ŋəpəŋ ŋeyefe kəwur dəkəba. Nte yam yeyi kəgbəpərne abil mə, Yesu pəcdire.

²⁵ Kə acεpse ən darəŋ ŋələtərne, kə ŋantimi kə ŋaclocu: «Mariki, məyac su! Kəfi kə sənder!»

²⁶ Kə Yesu eyif ŋa: «Ta ake tə nəŋnesenε-ε? Nəyo fe kəlanj kəpəŋ!» Kə Yesu eyefe k'əŋgbəŋ-gbəŋər afef kə kəba, kə pəyo yəŋ.

²⁷ Kə cusu cəwos acεpse ən darəŋ, kə ŋaloku: «Ake wərkun əfo wəkawε-ε, nte afef kə domun yencəme tefəŋ tən darəŋ mə?»

*Yesu entaməs arkun merəŋ anje yəŋk yelec yənayi mə
Mark 5.1-20; Luk 8.26-39*

²⁸ Nte Yesu encali mokuru ntende atəf ŋa Kadara mə, kə afum merəŋ ŋawur nde cufu daco, kə ŋander ŋacəme kə fər kirin. Afum akanje yəŋk yelec yənayi ŋa, ŋanayo wəywey, ali fum enctam fe kəcepər dəpə dadəkə.

²⁹ Awa kɔ ɲayefe kəkule-kule: «Wan ka Kanu, ake məfanɔr su-ε? Mənder nno kədətɔrəs su a tɛm tɛcbɔp ba?»

³⁰ Awa, ɲanabolene fe kɔ sɔp yelarəm nye yɔncsɔmət mɔ.

³¹ Kɔ yɔɲk yelec yeletsene Yesu, yocloku: «Kɔ məfan kəbeləs su-ε, məkekərə su dəsɔp yelarəm yaye!»

³² Kɔ Yesu oloku: «Nəkɔ dāndo!» Kɔ yɔɲk yelec yowur afum akanɛ kɔ yɔɲkɔ yɛbɛrɛ dəsɔp. Gbəncana babokɔ kɔ sɔp yayɛ yeyefe tɔrɔ kəron kɔ yontor dəkəba, kɔ yɛɲgbətɛ, kɔ yefis-fis fəp dərɔmun.

³³ Kɔ akɛk a sɔp yayɔkɔ ɲayɛkɛ kəkɔ dare. Kɔ ɲalɔm təkɔ tɛnacɛpər mɔ fəp kɔ təkɔ tɔsɔtɔ afum mɛrɛɲ akakɔ yɔɲk yelec yenayi mɔ.

³⁴ Awa, kɔ aka dare fəp ɲawur kəkənɔɲk Yesu. Ntɛ ɲambɔp kɔ mɔ, kɔ ɲaletɛne Yesu a pəbɔlɛ atɔf ɲanjan.

9

Yesu entaməs wərkun nwe ɛnafi wɛcək mɔ
Mark 2.3-12; Luk 5.18-26

¹ Kɔ Yesu ɛmbɛkɛ debil, k'ɛncali kəba k'ɔɲkɔ dare dɔn.

² Gbəncana babokɔ kɔ afum ɲanɲɛrɛ Yesu wərkun nwe ɛnafi wɛcək pəfəntərə dəpoko mɔ. Ntɛ Yesu ɛncərə a kəlan kəɲan kəmbɛk mɔ, k'oloku wəfi wɛcək: «Wɛnc im, məbəkne! Aɲanɲen'am kiciya kam.»

³ Awa kɔ atəkɛ sariyɛ s'aSuyif alɔma ɲayefe kəcɛm-cɛmnɛ dɛbəkɛc: «Fum wəkawɛ, Kanu k'eyi kəlɔməs!»

⁴ Ntɛ Yesu ɛncərə mɛcɛm-cɛmnɛ maɲan mɔ, k'eyif ɲa: «T'ake tɔ nəncɛm-cɛmnɛnɛ pələc dɛbəkɛc yonu-ε?»

⁵ Mosom mɛrɛɲ mɔ mame: «Aɲanɲen'am kiciya,» kɔ «Məyefe, məkət,» tosom tere tətɔcua kəlɔku-ε?

⁶ Awa, indeyɔ nu tantɛ ntɛ tɔɲsɔɲɛ nəcərə a ina, Wan ka Wərkun, intɔmpər kətam kəɲanɲɛnɛ kiciya nno doru dandɛ.» Kɔ Yesu oloku wəfi wɛcək: «Məyefe məlɛk poko pam məkɔ ndɛ ndaram!»

⁷ Kɔ wərkun nwe eyefe k'ɔɲkɔ ndɔrɔn.

⁸ Ntɛ kənay k'afum kənɔɲk ti mɔ, kɔ cusu cəwos ɲa pəpɔɲ, kɔ ɲanɲkor-koru Kanu nke kəsɔɲ afum kətam kanɲɛ mɔ.

Yesu ewe Matiye
Mark 2.13-17; Luk 5.27-32

⁹ Kɔ Yesu osumpur dɔpɔ kəkɔ, k'ɛnɔɲk wərkun wəlɔma pacwe kɔ Matiye pəndɛ aɲgbancan ɲa abanɲəs dut. Kɔ Yesu oloku kɔ: «Məcəps'em darəɲ!» Kɔ Matiye eyefe k'ɛncɛpsɛ Yesu darəɲ.

¹⁰ Dəsək dəlɔma, Yesu kɔ acɛpsɛ ɔn darəɲ ɲanɲkɔ ɲadi yeri nda Matiye. Awa, k'abanɲəs dut alarəm kɔ aciya ɲander ɲadi yeri kɔ Yesu.

¹¹ Ntɛ aFarisi ɲanɔɲk tətəkɔ mɔ, kɔ ɲayif acɛpsɛ darəɲ a Yesu: «Ta ake tɔ wətəkɛ konu eyi kədinɛ yeri kɔ abanɲəs dut kɔ aciya-ε?»

¹² Kɔ Yesu ɛnɛ ɲa sim, k'oloku: «Pəmar fe atamnɛ ɲafan wətɛn cɔl, mba acuy ɲɔ pəmar a ɲafan kɔ.

¹³ Nəkɔ nətəkəs təkɔ moloku ma Kanu mmɛ mementər mɔ: «Nɔnɔfər d'ifan, bafɔ yolonɲɛ.» Awa, bafɔ alompu ɲ'inder kəwe, mba aciya.»

Yesu kɔ kəsuy
Mark 2.18-22; Luk 5.33-39

14 Kò acepsɛ a Saŋ Batis darəŋ ɲalɔtərne Yesu kò ɲayif kò: «T'ake tɔ acepsɛ am darəŋ ɲantəsunɛ, mba sɛna kò aFarisi sɛcsun pɔlarəm-ɛ?»

15 Kò Yesu eyif ɲa: «Pəmar afum aɲɛ awe kəgbəŋne mə, ɲaməncne kò ɲasɔɔyi kò wəfura ba? Mba dɔsək dendeɓɓ nte andelin wəfura mə. Awa, ɲandesun dɔsək dadəkɔ.

16 Ali fum ɔfɔpərəɛ kəloto kəfu yamos yeməcə-məcə. Kò teyi-ɛ, kəloto kəfu kəŋwali yamos yeməcə-məcə, tɔsɔŋɛ pəwali pa kəloto kəkur pɛbək pɛtas pəwale pɔcəkɔ-cəkɔ.

17 Ali fum ɔfɔbɛr wɛn wofu dətɔlɔba pa akata pokur, kò teyi-ɛ, wɛn wɛɲwɛsəli tɔlɔba, wolɔŋɛ dɛntɔf, tɔlɔba pɛlɛɛ. Mba wɛn wofu, dətɔlɔba tofu t'ambɛr wi. Ti disre, wɛn kò tɔlɔba yɛnyi belbel.»

Yesu entaməs wəran, k'eyekti wəyɛcərə wəfi

Mark 5.21-43; Luk 8.40-56

18 Nte Yesu eyi kəloku ɲa moloku mamɛ mə, kò wəkiriŋ k'aSuyif wəlɔma ender. K'ontontne Yesu fɔr kiriŋ, k'oloku kò: «Wan kem wəran ɛntɛp kəcfi. Mba məkɔ mədenər kò waca, endefɔtɛ.»

19 Kò Yesu eyɛɛ k'ɛncəme wəkiriŋ nwe darəŋ, kò acepsɛ ɔn darəŋ ɲasol kò ɲa.

20 Gbəncana babəkɔ kò wəran wəlɔma nwe docu da kəwur mecir dɛnayi tɛnasɔtɔ mɛren wəcɔ kò mɛrəŋ mə, ender Yesu tadarəŋ, k'ɔŋgbuŋɛne dobol da yamos yɔn.

21 Awa kò wəran nwe olokune dɛbəkɔc: «K'iŋgbuŋɛne gbəcərəm yamos yɔn-ɛ, intamnɛ!»

22 Kò Yesu ɛɲkafɔlɛ, k'ɛnəŋk wəran nwe, k'oloku kò: «Məbəkne, wan kem! Kəlan kam kəntaməs əm.» Gbəncana babəkɔ kò wəran nwe entamnɛ ɔŋ.

23 Nte Yesu ender kəlo ka wəkiriŋ nwe mə, k'ɛnəŋk afula luk ya defi kò kənay ka afum ɲacbok ɲacpɛ ɲactor.

24 Kò Yesu oloku ɲa: «Nəwur nde dabanɲa! Wəyɛcərə wəkawe efi fɛ, kədirɛ k'ɛndɛ.» Kò afum ɲayɛfɛ kəfani Yesu.

25 Nte awurɛne kənay ka afum dabanɲa mə, kò Yesu ɛmbɛrɛ dukulo k'osumpər wəyɛcərə kəca, kò wəkakɔ eyɛfɛ.

26 Kò tes tatəkɔ tɛsamsər dɔtɔf fəp.

Yesu entaməs atɔnəŋk mɛrəŋ

Mat 20.29-34

27 Nte Yesu osumpər dɔpɔ kəkɔ mə, kò atɔnəŋk mɛrəŋ ɲancəme kò darəŋ ɲackulɛ-kulɛ: «Wan ka Dawuda, məyɔnɛ su nɔnɔfɔr!»

28 Kò Yesu ɛmbɛrɛ kəb kəŋkɔ ɛnayi mə disre, k'atɔnəŋk ɲalɔtərne kò, kò Yesu eyif ɲa: «Nəncɛm-cɛmnɛ a intam kətaməs fɔr yonu ba?» Kò atɔnəŋk ɲalukse kò: «Ɛy, Mariki.»

29 Kò Yesu ɔŋgbuŋɛne fɔr yaŋan pəcloku: «Mes mɛcɛpər nɔn nəyi mə, pəmə nte nəlanj mə!»

30 Kò fɔr yaŋan yoluksərne sɔ kənəŋk. Kò Yesu olɔk-ɔkər ɲa pəctiŋ-tiŋ ɲa: «Nəkɛmbərne, ta nwe o nwe pəcərə ti!»

31 Mba nte akakɔ ɲawur mə, kò ɲaloku teta Yesu dɔtɔf fəp.

Yesu entaməs wərkun wətɔlok-ɔku

Luk 11.14-15

32 Akakɔ Yesu ɛnatɛp kəctaməs mə ɲandewur, gbəncana babəkɔ k'əŋkɛrɛ kò wətɔlok-ɔku nwe ɲəŋk ɲɛlɛɛ ɲəncɔtərəs mə.

³³ Kɔ Yesu embeləs ɲɔŋk ɲelɛc ɲaŋɔkɔ, kɔ wətəlɔk-ɔkɔ eyɛfɛ kəlɔk-ɔkɔ. Kɔ cusu cəwos kəɲay ka afum pəpɔŋ, kɔ ɲalɔku: «Səntanəŋk fɛ tes pəmɔ tantɛ atɔf ɲa Yisrayel!»

³⁴ Mba kɔ aFarisi ɲalɔku: «Wəkiriŋ ka yɔŋk yeɛc ɔsɔŋ kɔ fənɔntər fəbɛləsɛ yɔŋk yeɛc.»

Yesu ɔyɔnɛ kəɲay k'afum nənɔfər
Mark 6.6

³⁵ Kɔ Yesu encepər-cepər sədare səpɔŋ kɔ səfɛt sa dətɔf fəp. Pəctəkse mofɔ maŋan ma dəkətɔla Kanu d'aSuyif, pəckawandi Kibaru Kətɔt ka dəbɛ da Kanu, pəctamsɛnɛ sɔ docu kɔ laŋyiru fəp.

³⁶ Ntɛ Yesu ɛnanəŋk kəɲay ka afum mɔ, k'ɔyɔnɛ ɲa nənɔfər. Dis dɔlɔl afum kɔ bəkɛc yeɛcɛ ɲa, ɲanayi dəpəcɛca pəmɔ ɲkesiya nyɛ yɔntɔyɔ wəkɛk mɔ.

³⁷ Awa kɔ Yesu ɔlokɔ aɛpɛsɛ ɔn darəŋ: «Dələ dɛtɛl dəmbɛk, mba atɛl ɲampice.»

³⁸ Nələtsɛnɛ Mariki ma kətɛl pəbɛrɛnɛ sɔ atɛl alɔma aŋɛ ɲandɛtɛlɛ kɔ mɔ.»

10

Asom a Yesu aŋɛ wəcɔ kɔ mɛrəŋ
Mark 3.16-19; Luk 6.14-16

¹ Kɔ Yesu ewe aɛpɛsɛ ɔn darəŋ aŋɛ wəcɔ kɔ mɛrəŋ, k'ɔsɔŋ ɲa fənɔntər fətame kəbɛləs yɔŋk yeɛc, kətaməs ka docu kɔ laŋyiru fəp.

² Mewe ma Asom ɔn wəcɔ kɔ mɛrəŋ mɔ mamɛ: wəcɔkɔ-cɔkɔ Simɔŋ nwe aŋwe Piyer mɔ, kɔ wɛnc Andərə, Sak kɔ wɛnc Isan awut a Sebede,

³ Filip, Bartelemy, Tɔma, Matiye wəbanəs dut, Sak wan ka Alfe, Tade,

⁴ Simɔŋ wəKanan* kɔ Yudas wəka dare da Keriyot nwe ɛnabər Yesu atɛrɛnɛ ɔn dəwaca mɔ.

Kasom ka aɛpɛsɛ Yesu aŋɛ wəcɔ kɔ mɛrəŋ
Mark 6.7-11; Luk 9.2-5; 10.3-12

⁵ Aɛpɛsɛ darəŋ wəcɔ kɔ mɛrəŋ aŋɛ ɲɔ Yesu ɛnasom dətɔf, k'endenjər ɲa sɔ mosom mɛmɛ: «Ta nəkɔ nda atɔyɔnɛ aSuyif, ta nəbɛrɛ dare da aSamari.

⁶ Mba nəkɔ nda aYisrayel aŋɛ ɲayi pəmɔ ɲkesiya yɔsɔlɛ mɔ.

⁷ Kɔ nəyi dɔpɔ-ɛ, nəcdəŋk: «Dɛbɛ da dəkɔm dɔlɔtərɛ!»

⁸ Nətaməs atɔtamnɛ, nətimi aŋi, nətaməs acunɛ sen, nəbɛləs yɔŋk yeɛc. Ampocɛ nu kifəli, nəna sɔ nəpocɛ kifəli.

⁹ Ta nədɛmnɛ kɛma, kɔ pəyɔnɛ fɛ ti gbɛti, ta nəbər pəsam dəyuba.

¹⁰ Ta nətəmpər ləba kəkɔ marənt. Nəkekərə burumus bin bin gbɔŋ. Ta nətəmpərənɛ cɔfta, ta nətəmpərənɛ kəgbɔ. Ti disrɛ pəmar wəbəc pəsɔtɔ yeri yɔn.

¹¹ Kəbɛrɛ nkɛ ɔ nkɛ kɔ nəmbɛrɛ dare dɔpɔŋ kɔ pəyɔnɛ fɛ ti dɛfɛt-ɛ, nətɛn fum wəlɛl nwe ɔŋwosɛ kəmɛŋk nu mɔ. Nəyi nda fum wəkakɔ haŋ dəsək ndɛ nəŋyɛfɛ kəwur dare dadəkɔ nəsumpər dɔpɔ donu kəkɔ mɔ.

¹² Kəlɔ nkɛ nəmbɛrɛ mɔ, nəkulɛ: «Kanu kəsɔŋ nu pəforu!»

¹³ Kɔ aka kəbɔ kəŋkɔ ɲawosɛ kəban ɲu bɛlbɛl-ɛ, kətolanɛ konu kəŋsɔŋ ɲa pəforu! Mba kɔ ɲantəwosɛ kəban ɲu-ɛ, kətolanɛ konu ka pəforu kəŋkɔ kəŋlɔksərɛ nu!

¹⁴ K'afati kəban ɲu waca mɛrəŋ, ta awosɛ kəcəŋkəl moloku monu kəbɔ kəlɔma, kɔ pəyɔnɛ fɛ ti dare dɔlɔma-ɛ, nəyɛfɛ kəfo kəŋkɔ, nəckɔŋ-kɔŋ kəfəl nkɛ wɛcək wonu wɛlɛk mɔ, ti tendeyɔnɛ aka dare dadəkɔ sɛdɛ a ɲanaban fɛ nu.

¹⁵ Iloku nu kance: Dɔsɔk nde Kanu kɔndekiti afum fɔp mɔ, Kanu kɔnayerɔk fɛ abɔkɔc nnɔ afum alec a tɔf ya Sodom kɔ Komora ɔayi mɔ pɔmɔ nte kɔndeyɔnkɔr aka dare dadɔkɔ abɔkɔc mɔ.»

Mɔtɔrɔs mmɛ meyi kɔder mɔ

Mark 13.9-13; Luk 12.11-12; 21.12-19

¹⁶ «Nɛɔɔnkɔl! Isom nu, mba nɔɔnkɔyi pɔmɔ nte ɔkesiya yɔɔyi calma dacɔ mɔ. Awa, nɔkɛmbɔrne pɔmɔ bok, nɔyɔne atɔlɔsɔr mes pɔmɔ ntantoriya.

¹⁷ Nɔkɛmbɔrne afum ɔndekɔkɔkɔkɔre nu aboc kiti fɔr kirinɔ dɔɔnkiti. ɔndekɔsute nu cɔɔgban-gban nde dɔkɔtola Kanu dɔɔɔn.

¹⁸ ɔndekɔkɔkɔkɔre nu nda akirinɔ a sɔdare sɔpɔɔn kɔ abɛ a tɔf fɔr kirinɔ teta ina. Nɔn'endekɔyɔn'em sede fɔr yanɔn kirinɔ kɔ ya atɔyɔne aSuyif.

¹⁹ K'andekɔkɔkɔre nu fɔr ya aboc kiti kirinɔ-ɛ, ta nɔdekɔ nɔccɛm-cɛmmɛ pɔlarɔm nɔcyifnɛ: «Cɔke cɔ sɔɔnkɔlok-loku, kɔ moloku mere mɔ sɔɔnkɔloku-ɛ?» Ey, tem tatɔkɔ, Kanu kɔndekɔsɔɔn nu tɔkɔ pɔmar nɔloku mɔ.

²⁰ Ti disre bafɔ nɔn'endekɔlok-loku, mba Amera ɔa Papa konu Kanu ɔndekɔlok-loke nu.

²¹ Wɛnc endekɔsɔɔn wɛnc padif. Tatɔkɔ tɔ kas kɔndekɔsɔyɔ wan kɔn. Awut ɔndekɔcɔmɛ akombɔra ɔɔn dɛbɔkɔc, ɔsɔɔn ɔa padif.

²² Fɔp fɔndeter nu teta tewɛ tem. Mba nwe endebɔkne ti haɔ mes mamɔkɔ melip mɔ, Kanu kɔndeyac kɔ.

²³ K'andekɔ pɔctɔrɔs nu dare dadɔkɔ-ɛ, nɔcɛpɛ nɔkɔ dare dɔlɔma. Icloku nu kance kɔ: Kɔ Wan ka Wɔrkun endedɛ-ɛ, tendetɔɔnɛ ta nɔntalip kɔkɔt sɔdare sa Yisrayel fɔp-ɛ.

²⁴ Wɔcɛpse darɔɔn ɔfɔbɛk dɔkɔcɔmɛ pɔtas wɔtɔkɛ kɔn. Wɔcar ɔfɔyɔ dɔkɔcɔmɛ dɔpɔɔn pɔtas mariki mɔn.

²⁵ Nte tentese mɔ, pɔmar wɔcɛpse darɔɔn pɔyi pɔmɔ wɔtɔkɛ kɔn, wɔcar pɔyi pɔmɔ mariki mɔn. K'aloku wɔkirinɔ ka kɔlɔ: «Sentani Belsebul bɔ mɔyɔne-ɛ,» alɔmsɛne sɔ aka kɔlɔ kɔn disre haɔ pɔcɛpɔrɔɔr.»

Nwe pɔmar panese mɔ

²⁶ «Ti disre ta nɔnesɛ afum! Nte o nte temɛɔnkne mɔ andenɔɔnk ti, kɔ nte tɔɔgbɔpne mɔ, andecɔre ti.

²⁷ Nte inloku nu kubump mɔ, nɔgbɔkɔre ti kɔloku dɔɔn pɛɔ. Nte imɛɔnkɔs nu dɛlɔɔnɔs mɔ, nɔdɔɔnk ti pɔpɔɔn mofɔ mɛbɔpsɛnɛ.

²⁸ Ta nɔnesɛ afum ɔɔn ɔndif dis gbɔcɔrɔm, ta ɔntam kɔdif kɔyi wɔyɔɔn nke kɔyi nu mɔ. Mba nwe pɔmar nɔnesɛ mɔ, nkɔn ɔyɔne Kanu nke kɔntam kɔdif nu kɔdifɛnɛ sɔ afɔkɔl nde yahanama mɔ.

²⁹ Ali pɔcamɔs gbɔɔn mɛrɔɔn fɔrɛɔnk fin, tɔfɔsɔɔnɛ agbɔɔn ɔɔn ɔɔntɛmpɛnɛ dɔntɔf ta Papa konu ɛncɔre ti-ɛ.

³⁰ Mba nɔna, ali delay da cɔfon ca domp donu Kanu kɔncɔre di fɔp.

³¹ Awa, ta nɔnesɛ! Nnɔ Kanu kɔyi mɔ nɔyɔ dɔkɔcɔmɛ nde dɛmbɛk dɛtas da gbɔɔn yɔyɔkɔ mɔ!»

Mɔna nwe mɔncɔre Yesu mɔ, endekɔcɔr'am fɔr ya Kanu kirinɔ

Luk 12.8-9

³² «Kɔ fum nwe o nwe oloku afum fɔr kirinɔ: «Inɔcɔre Yesu, nkɔn ɔy'em»-ɛ, ina Yesu indekɔwɔsɛ teta fum wɔkɔyi ndena Papa kem nwe eyi nde dɔkɔm mɔ.

³³ Mba kɔ fum oloku afum fɔr kirinɔ: «Inɔcɔre fɛ Yesu, bafɔ nkɔn ɔy'em»-ɛ, ina Yesu sɔ ifɔdekɔcɔre kɔ ndena Papa Papa kem nwe eyi nde dɔkɔm mɔ.»

Bafɔ pɔforu p'ɪŋkerɛ nu, mba kəsutɛnɛ kɔ kəgbɛyɛnɛ

Luk 12.51-53

³⁴ «Ta nəcɛm-cɛmnɛ a pɔforu p'ɪŋkerɛ kəsɔŋ doru, bafɔ pɔforu p'ɪŋkerɛ mba kəsutɛnɛ.

³⁵ Bawo inder kəgbɛy kas kɔ wan kɔn wərkun, wan wəran kɔ kerɛ, wansɔ kɔ kɔncərə kɔn.

³⁶ Afum a kələ kɔn disrɛ yati ŋandeyɔnɛ aterɛnɛ ɔn.

³⁷ Nwɛ ɔmbɔtər kas kɔ kerɛ pətəs ina Yesu mɔ, ɔyɔ fɛ dəkəcɛmɛ kəyɔnɛ wəcɛpsɛ kem darəŋ. Nwɛ ɔmbɔtər wan kɔn wərkun kɔ pəyɔnɛ fɛ ti wan kɔn wəran pətəs ina Yesu mɔ, ɔyɔ fɛ dəkəcɛmɛ kəyɔnɛ wəcɛpsɛ kem darəŋ.

³⁸ Kɔ mənɔ nwɛ məntɔwosɛ kətərəs kɔ kəfi teta kəcɛpsɛ kem darəŋ mɔ, məfɔyɔ dəkəcɛmɛ kəyɔnɛ wəcɛpsɛ kem.

³⁹ Mənɔ nwɛ mändetɛn kəyɔc kiyi kam doru mɔ, kəndesalpər ɔm. Mənɔ nwɛ kiyi kam doru kəŋsalpər ɔm teta ina Yesu mɔ, mändesɔtɔ kɪ.»

Yesu ɛmbaŋ nwɛ o nwɛ ɛmbaŋ acɛpsɛ ɔn darəŋ mɔ

Mark 9.37,41; Luk 9.48; 10.16; Isaŋ 13.20

⁴⁰ Nnɔ o nnɔ nəŋkɔ kədəŋk Kibaru kətɔt pabaŋ nu mɔ, ina Yesu ambaŋ. Fum nwɛ ɛmbaŋ im mɔ, ɛmbaŋ sɔ nwɛ osom im mɔ.

⁴¹ Kɔ fum ɛmbaŋ sayibɛ bawo sayibɛ sɔ-ɛ, wəkayi endesɔtɔ kəway nkɛ aŋsɔŋ sayibɛ mɔ. Kɔ fum ɛmbaŋ fum wəlompɔ teta dolompɔ dɔn-ɛ, kəway ka wəlompɔ k'ɔŋkɔsɔtɔ.

⁴² Iclɔku nu ti kance kɔ: Kɔ fum ɔsɔŋ nwɛ ɛfɛtɛ dəkəcɛmɛ acɛpsɛ ɛm daco domun dɛcaŋk tɔmbəl katin teta kəyɔnɛ kəŋan acɛpsɛ ɛm darəŋ mɔ, ɔfɔdekɔbut kəsɔtɔ kəway kɔn kətɔt.

11

Asom a Aŋnabi Saŋ Batis

Luk 7.18-35

¹ Ntɛ Yesu elip kəsom tosom tatɔkɔ acɛpsɛ ɔn darəŋ wəcɔ kɔ mɛrəŋ mɔ, k'ɔŋkɔ pəctəkɛ pəckawandi sɔdare sɛŋan.

² Ntɛ Aŋnabi Saŋ Batis ɛnayi dɛbili mɔ, k'ɛnɛ paclɔku teta Krist kɔ yɛbɔc nyɛ ɔncyɔ mɔ. Kɔ Saŋ osom acɛpsɛ ɔn darəŋ alɔma nnɔ Krist eyi mɔ,

³ kəkɔyif Yesu: «Mən'ɔyɔnɛ nwɛ eyi kəder kədeyɔc afum a Kanu mɔ, kɔ tɔyɔnɛ fɛ mənɔ-ɛ, ka pəmar səkər sɔ wəlɔma ba?»

⁴ Kɔ Yesu olukɛ ŋa: «Nəkɔ nəlɔku Saŋ tɔkɔ nənɛ kɔ tɔkɔ nənəŋk mɔ:

⁵ Atɔnəŋk ŋanəŋk, atɔtam kəkɔt ŋəŋkɔt, k'asəkəs acunɛ sen, atɔnɛ ŋanɛ, afi ŋafɔtɛ, aŋkawandi Kibaru Kətɔt nnɔ atɔyɔ daka ŋayi mɔ.*

⁶ Pəbɔt nwɛ ɔntɔdesak kəgbɛkər im kələŋ kɔn mɔ!»

⁷ Ntɛ acɛpsɛ a Saŋ darəŋ ŋayɛfɛ kəlɔkus mɔ, kɔ Yesu ɛyɛfɛ kəlɔku kənay ka afum teta Saŋ pəcyif: «Ake nənəkɔ kəmɔmən nde dətɛgbərə-ɛ: Fum nwɛ ɛfanɛ pəmɔ awo nŋɛ afɛf ŋeyikɔc mɔ ba?»

⁸ Anɔ nənəkɔ kəmɔmən: Wərkun wəsəkəp ba? Mba nəcərə a aŋɛ ŋəŋsəkəp belbel mɔ, dəwɔlɔ wa abɛ wɔ ŋayi!

⁹ Mba anɔ nənəkɔ ŋŋ kəmɔmən-ɛ: Sayibɛ ba? Ey, iclɔku nu, Saŋ encɛpər sayibɛ fəp dəkəcɛmɛ.

¹⁰ Tɛtɔn t'ancias nde Yecicəs Yosokɔ disrɛ: «Məcəŋkəl: Indekɛkərə wəsom kem fər yam kirin, pəkəlompɔs'am dɔpɔ.»

11 Kance icloku nu: Afum aṅe aran ṅaṅkom mɔ daco, ali fum oyo fe dakacame pɔtas Saṅ Batis. Mba wɔkɔ efete debe da daKɔm mɔ, oyo dakacame pɔtas kɔ.

12 Kɔyefe dɔsɔk da Saṅ Batis haṅ ndekal, debe da daKɔm kadaktar disre deyi, adaktar a di ṅayi katen kaban di.

13 Bawo sariye sa Musa kɔ Sayibe fɔp ṅanadɔṅk tɔkɔ tendeder mɔ haṅ tem ta Saṅ,

14 kɔ nɔwose kance ka ti-e, Saṅ oyoṅe Aṅnabi Eli nwe pɔnamar kader mɔ.

15 Mɔna nwe mɔṅyo lɔṅas mɔ, mɔne ti!

16 An'indetubucene detemp dandε-ε? Awa, nɔnɔṅk aṅe ṅaṅwurene mɔ: Awut aṅe ṅande kɔfo nke afum ṅambɔpsene mɔ, ṅacwe akɔ mɔ.

17 Nacloku: <Sɔfulane nu luk, kɔ nɔntɔpise! Kɔ sɔleṅse nu melenṅ ma defi, kɔ nɔntɔbok.>

18 Bawo Saṅ ender: Pɔcsuṅ, ta oṅmun wen-e, k'aloku: <Oyo ṅoṅk ṅelεc!>

19 Kɔ ina Wan ka Wɔrkun inder, icdi yeri icmun wen, awa k'aloku: <Wɔcelɔk iyone, wacis, wanapa ka abarṅas dut k'aciya!> Mba k'anɔṅk nte kacare kɔkɔtene mes ka Kanu kɔṅyo mɔ-e, ancare a belbel bɔ kɔyi kɔyo.»

Sadare nse safati kɔgbekar kalan kaṅan Yesu mɔ

Mat 10.15; Luk 10.12-15

20 Kɔ Yesu eyefe kɔnal pɔpɔṅ sadare nse anayo mes mewey-wey mɔlarɔm mɔ, bawo ṅanasɔkpɔr fe bɔkɔc yelec yaṅan:

21 Pɔlec pɔpɔṅ peyi mɔna dare da Korasin! Pɔlec pɔpɔṅ peyi mɔna dare da Betsayida! Bawo tɔcyone a mes mewey-wey mme Kanu kɔnayo nno ndoronu mɔ, m'anayo aka sadare sa Tir kɔ Sidɔṅ-e, kɔ ṅanasɔkpɔr bɔkɔc pɔwon, ṅacame pɔlompu darɔṅ, ṅaberne yamos ya kɔbal, ṅamɔncne!

22 It'ɔsɔṅe nte iloku nu, dɔsɔk nde Kanu kɔndekiti afum fɔp mɔ pɔndeyɔṅkɔr nu pɔtas aka sadare sa Tir kɔ Sidɔṅ.

23 Kɔ nɔna aka Kaparnam, nɔncem-cemne a andepene nu haṅ dakom ba? Ala! Andetore nu dɔntɔf haṅ nde afum aṅi ṅayi mɔ. Bawo mes mewey-wey mme anayo ndoronu mɔ, im'anayo dare da afum alec aSodom-e, kɔ dare dadɔkɔ dɔsɔyoṅi haṅ mɔkɔ!

24 It'ɔsɔṅe, icloku nu: Dɔsɔk nde Kanu kɔndekiti afum fɔp mɔ, pɔndeyɔṅkɔr nu pɔtas aka dare da Sodom.»

Nader nno Yesu eyi mɔ, nandesɔto kaṅesam

Luk 10.21-22

25 Tem tatɔkɔ tɔ Yesu enatola Kanu nte: «Iṅkor-kor'am Papa, Mariki ma dakom kɔ dɔntɔf, bawo mɔmenɔṅkɔr mes mamɔkɔ acare kɔkɔtene mes kɔ asoku sɔbomp, kɔ mɔmentar mi afet dakacame.

26 Ey, Papa, bawo tatɔkɔ tɔ mɔfan ti.

27 Papa kem ɔsɔṅ im mes fɔp, nwe o nwe encare fe Wan mene Papa, nwe o nwe encare fe sɔ Papa kɔ pɔntɔyoṅe Wan-e, kɔ nwe Wan eṅfaṅ kɔmentar kɔ mɔ.

28 Nader nno iyi mɔ, nɔna aṅe nɔntarpenε ye sare yonu mɔ. Inten fe kɔtasarne nu, imbɔt mes. Kaṅesam k'indesɔṅ nu.

29 Nɔlek oṅ nana sɔ ye bɔc nyε ifaṅ a nɔsumpɔr mɔ, nɔcɔṅkɔl metɔkse mem, bawo imbɔt amera, k'indence. Ti disre nandesɔto kaṅesam nɔnasarka.

30 Ey, ye bɔc nyε ifaṅ a nɔsumpɔr mɔ yoncuca fe. Pɔsare mpe isarsar nu mɔ pɔfɔfɔrene.

1 Tem tɔlɔma Yesu pɛccali dale, dɔsɔk da kɛɲesɛm nde ampuse Mariki mɔ denayi. Dor denayo aɛpɛse ɔn darɛɲ, kɔ ɲayefe kɛɲɔsuru sɛbomp sa mɛɲɔbɛn ɲacsɔm.

2 Nte aFarisi ɲanɛɲk ti mɔ, kɔ ɲaloku Yesu: «Mɛnɛɲk! Aɛpɛse am darɛɲ ɲayi kɔyo nte Sariye sɛntɔwɔse dɔsɔk da kɛɲesɛm nde ampuse Mariki mɔ.»

3 Mba kɔ Yesu eyif ɲa: «Nɛɲkarɛɲ fɛ dɔYecicɛs Yosoku tɔkɔ Dawuda kɔ asol ɔn ɲanayo nte dor denayo ɲa mɔ ba?

4 Nte enabɛre kɛlɔ ka Kanu, kɔ ɲasɔm cɛcom nɛe analoɲne Kanu, nɛe Sariye sɛnatɔwɔse nkɔn kɔ asol ɔn kɛsɔm mɛne aloɲne gbɛcɛrɛm mɔ?

5 Kɔ pɛyɔne fɛ ti nɛɲkarɛɲ fɛ sɔ dɛsariye sa Musa, a dɔsɔk da kɛɲesɛm nde ampuse Mariki mɔ, bafɔ aloɲne ɲafɔlelɛs sariye sa kɛɲesɛm dɛkɛlɔ kɛpɔɲ ka Kanu ba? Mba ti disre ɲafɔsare kiciya!

6 Icloku nu ti, paka pɔlɔma peyi nnɔ mpe dɛkɛcɛme da pi dembek detas kɛlɔ kɛpɔɲ ka Kanu mɔ.

7 Kanu kɛnaloku dɔYecicɛs Yosoku: «Nɔnɔfɔr d'ifan, bafɔ yolɔɲne!» Nɛccɛre tatɔkɔ-e, kɔ nɛntɔrɛs fɛ atɔciya.

8 Bawo Wan ka Wɛrkun ɔyɔne mariki ma dɔsɔk da kɛɲesɛm nde ampuse Mariki mɔ.

*Yesu entamɛs wɛrkun nwe kɛca kɔn kɛnadɛmtɛr mɔ
Mark 3.1-6; Luk 6.6-11*

9 Kɔ Yesu ɔɲkɔ nde dɛkɛtola Kanu danɲan dɔlɔma.

10 Awa wɛrkun wɛlɔma enayi dɛndo pɛdɛmtɛr kɛca. Kɔ aFarisi ɲayif Yesu: «Aɲwɔse fum kɛtamɛs dɔsɔk da kɛɲesɛm nde ampuse Mariki mɔ ba?» ɲanayo ti nte tɔɲsɔɲe ɲayɛmsɛne kɔ mɔ.

11 Kɔ Yesu eyif ɲa: «An'eyi nu daco nwe ɔɲyɔ aɲkesiya ɲin gbɔɲ, ɲɛtempɛne debi dɔsɔk da kɛɲesɛm ta empɛne ɲi dɔsɔk din dadɔkɔ-e?»

12 Dɛkɛcɛme da fum dencepɛr da aɲkesiya pɛbɔle! Ti disre, Sariye sɛwɔse kɔyo pɛtɔt simiti dɔsɔk da kɛɲesɛm.»

13 Kɔ Yesu oloku wɛrkun nwe: «Mɛtenci kɛca!» Kɔ wɛrkun nwe entenci kɛca kɔn kɔ kanɲkɔ sɔ kɛntamɛne pɛmɔ kanɲkɔ.

14 Ti tenasɔɲe kɔ aFarisi ɲawur dɛkɛtola Kanu danɲan kɛkɔnɛɲkɛne nte tɔɲsɔɲe ɲatɔɲne tedife ta Yesu mɔ.

Yesu ɔyɔne wɛbɔce nwe Kanu kɔyɛk-yɛk mɔ

15 Nte Yesu encɛre mɛcɛmɛmɛne mɛlec maɲan mɔ, k'eyefe kɛfo kanɲkɔ. Kɔ kanay k'afum kɛncɛme kɔ darɛɲ, k'entamɛs acuy fɛp.

16 Mba Yesu pɛctiɲ-tiɲ ɲa, pɛcmɔne ɲa kɛloku afum nwe ɔyɔne mɔ.

17 Enaloku ti nte tɔɲsɔɲe mes melare, mme sayibe Esayi enaloku mɔ:

18 «Kɔ Kanu kɛloku:
«Mɛnɛɲk, wɛbɔce kem ɔfɔ wɛkawɛ: Nkɔn iyek-yek,
nkɔn imbɔtɛr;

nkɔn, ɔɲsɔɲ im pɛbotu fɛp.

Indɛbɛr kɔ Amɛra ɲem,

pɛde pɛcdɛɲkɛr afum a tɔf ya doru fɛp dolompu dem.

19 ɲafɔdecɔp kɔ fum, ɔfɔdekule-kule.

Afɔdecɛɲkɛl dim dɔn dabanɲka.

20 ɔfɔdetepi awo ɲonutɛ,

ɔfɔdenim lamp depice pomot.

Tante tende pɛcyɔ sɔ han pɛsɔɲe pɛlompu kɛtam.

21 Afum a tɔf fɔp ɲandegbekɔr tewe tɔn amera.»

Yesu oluksɛ moloku ma yem mɔkɔ anabonɛ kɔ mɔ

Mark 3.22-30; Luk 11.14-23

22 K'anƙɛrɛ Yesu fum nwe ɲɔɲk ɲɛlɛ ɲɔnɔtɔrɔs ta eɲɲɔɲk, ta entam sɔ kɔlɔku-
loku mɔ. Kɔ Yesu entamas kɔ, k'ɛnɔɲk k'oloku-loku sɔ.

23 Nte pɔnciyane kɔnay k'afum fɔp mɔ, kɔ ɲaloku: «Bafɔ Wan ka Dawuda ɔfɔ,
nwe Kanu kɔsom kɔdeyɔc afum ɔn mɔ ba?»

24 Nte aFarisi ɲane ti mɔ, kɔ ɲaloku: «Wɔkirinƙ ka yɔɲk yeɛc Sentani Belsebul,
Yesu wɔkawɛ embelse yɔɲk yeɛc!»

25 Nte Yesu encɔrɛ pɛcɛmɛmne paɲan mɔ, k'oloku: «Atɔf o atɔf ɲɲɛ ɲɛɲyerɛne
ɲisarka mɔ, dɔkɔlɛcɛ ɲɔɲkɔ, tɔyɔne dare o dare, kɔlɔ o kɔlɔ disrɛ, ca fɔp nye
yeɲyerɛne yisarka mɔ, yɔfɔtam kɔcɔmɛ.

26 Kɔ Sentani sɔmbelɔs Sentani-ɛ, sɔyerne sisarka. Cɔke cɔ debɛ da si dentam
kɔcɔmɛ gbɲɲ-ɛ?

27 Kɔ tɔyɔne ina Yesu, Belsebul imbelse yɔɲk yeɛc-ɛ, afum anu ɔɲ, an'ɔ
ɲambelse yɔɲk yeɛc-ɛ? Ti tɔsɔɲɛ nte akakɔ yati ɲandeyɔne akiti anu mɔ.

28 Mba kɔ tɔyɔne Amera ɲa Kanu ɲ'ina imbelse yɔɲk yeɛc-ɛ, awa debɛ da
Kanu dender haɲ nɲɔ nɔyi mɔ.

29 Cɔke cɔ fum entam kɔberɛ kɔlɔ ka wɔka sɔkɔt disrɛ, pɔwɛtɔs daka dɔn
fɔp, ta onuɲkɛne pɔsekɔt kɔresna wɔka sɔkɔt wɔkakɔ-ɛ? K'elip kɔsekɔt kɔ-ɛ a
pɔdefɔɲɔt daka da kɔlɔ kɔn.

30 Nwe ɔntɔyi kɔ ina mɔ, enter im, mba nwe ɔntɔlɔɲkan'em mɔ, esamsɔr'em.

31 It'ɔsɔɲɛ nte iloku nu, kiciya kɔ kɔlɔmɔs fɔp andekɔɲaɲneɲɛ yi afum, mba
afɔdekɔɲaɲneɲɛ kɔlɔmɔs ka Amera ɲa Kanu.

32 Mɔna nwe o nwe mɔɲloku pɔlɛc pa Wan ka Wɔrkun mɔ, andekɔɲaɲnen'am
ti, mba nwe o nwe ɔɲloku pɔlɛc pa Amera ɲɛcɛmɲi mɔ, afɔɲaɲneɲɛ kɔ ti kɔyɛfɛ
nɲɔ doru dandɛ haɲ doru ndɛ dendeder mɔ.»

Kɔtɔk kɔ yokom ya ki

Mat 7.16-20; Luk 6.43-45

33 Kɔ Yesu enderɲɔr sɔ moloku mɲɛ: «Kɔ kɔtɔk kɔntesɛ-ɛ, yokom ya ki
yentesɛ. Kɔ kɔtɔk kɔntɔtamɲɛ-ɛ, yokom ya ki yɔfɔtesɛ. Yokom ya kɔtɔk
y'arɲɛpɔlɛ ki.

34 Nɔna ɲkisin! Cɔke cɔ nɔntam kɔcɔrɛ kɔlɔku moloku mɔtɔt ta nɔna nɔntesɛ-
ɛ? Bawo nte tenɲas abɔkɔc mɔ, tɔ kusu kɔɲloku.

35 Fum wɔtɔt, dɔabɔkɔc ɲɔn ɲɔtɔt ɲɲɛk mes mɔtɔt mɔkɔ meyi kɔ mɔ. Fum
wɔlɛc, dɔabɔkɔc ɲɔn ɲɛlɛc ɲɲɛk mes mɛlɛc mɔkɔ meyi kɔ mɔ.

36 Icloku nu ti: Dɔsɔk ndɛ andekiti afum fɔp mɔ, ɲandelɔmɔr Kanu moloku
maɲan mɛlɛc fɔp mɲɛ mɔntɔyɔ dɔkɔcɔmɛ mɔ.

37 Bawo moloku mam mendesɔɲɛ Kanu kɔlɔm ɔm wɔlɔmpu, kɔ pɔyɔne fɛ
ti-ɛ, patɔrɔs ɔm.»

Kɔwer ka tegbekɔrɛ tɛwɛy-wɛy ta dɔKɔm

Mark 8.11-12; Luk 11.29-32

38 Atɔksɛ sariye sa aSuyif kɔ aFarisi ɲaloku Yesu: «Wɔtɔksɛ, sɔfan kɔnɔɲk
tegbekɔrɛ tɛwɛy-wɛy tam tin nte tementɔr a Kanu kɔsom ɔm mɔ.»

39 Kɔ Yesu oloku ɲa: «Dɛtemp dɛlɛc dɔtɔcɔmɛ danapa da Kanu darɔɲ ɲayi
kɔtɛn tegbekɔrɛ tɛwɛy-wɛy nte tementɔr a Kanu kɔsom im mɔ. Afɔsɔmentɔr ɲa
tegbekɔrɛ nte o nte kɔ pɔntɔyɔne ta sayibe Yunusa-ɛ.

⁴⁰ Ey, Yunusa enayi mata maas dan̄ kə pibi kor ka alop ɲəpəŋ disrɛ. Ti tə pəndeyi Wan ka Wərkun sɔ, endeyi mata maas dan̄ kə pibi antəf disrɛ.

⁴¹ Aka Niniwe ɲandeyefɛ dəsək ndɛ Kanu kəndeboc kiti ka afum fəp mə, ɲabonɛ afum a detemp dandɛ kətəsəkprɛr bəkac, bawo kawandi ka Yunusa kənasəŋɛ aka Niniwe kəsəkprɛr bəkac yaŋan yelɛc kə ɲalomp. Awa fum eyi nu dəcɔ nwɛ entas Yunusa dəkəcəmɛ mɔ.

⁴² Wəbera ka atəf ɲɛ ɲeyi Yisrayel kəca kətət mɔ, endetime dəsək da kiti kə detemp dandɛ, pəbonɛ di kətəwosɛ kəcəŋkəl kəcərə kəkətɛnɛ mes kətət, bawo pəbɔlɛ p'enayefɛ kədəcəŋkəl kəcərə kəkətɛnɛ mes kətət ka Sulemani*. Awa fum eyi dɛ nwɛ entas Sulemani dəkəcəmɛ mɔ.»

Kəlukus ka ɲəŋk ɲelɛc

Luk 11.24-26

⁴³ «Ntɛ ɲəŋk ɲelɛc ɲəŋkɔ ɲowur fum nwɛ dərɪs mɔ, ɲɛcyara-yara mofɔ mowosu, ɲɛctɛn dəkəŋɛsəm, mba ɲenasətɔ fɛ.

⁴⁴ Kə ɲolokune: «Iluksərɛnɛ ndɛ kəlɔ kem, nkɛ inawur disrɛ mɔ.» Ntɛ ɲolukus mɔ, kə ɲɛmbəp kəlɔ fos, pafɛŋ ki palompəs ki belbel.

⁴⁵ Kə ɲolukus kəkətɛn yəŋk yelɛc camət-mɛrəŋ ɲyɛ yɛnəŋkanɛ kələcɛ yɛtas ɲi mɔ. Kə yɛmbɛrɛ kəlɔ disrɛ kə yɛndɛ. Ntɛ tɛncɛpər mɔ, kə pələc pənanjkanɛ fum nwɛ pətəs təkɔ pənayi kə tɔcəkɔ-cəkɔ mɔ! Ti tɛndəsətɔ afum a detemp dɛlɛc dəməkɔ dandɛ!»

Iya kə awɛnc a Yesu

Mark 3.31-35; Luk 8.19-21

⁴⁶ Ntɛ Yesu onclɔk-lokər afum mɔ, awa kə kɛrɛ k'awɛnc aŋa ɲacəmɛ dabanjka, ɲacfaŋ kəlɔk-lokər kɔ.

⁴⁷ Kə fum wəlɔma oloku Yesu: «Məcəŋkəl, wiri kə awɛnc əm aŋa ɲancəmɛ ndɛ dabanjka, ɲafan̄ kəlɔk-lokər əm.»

⁴⁸ Mba kə Yesu oloku fum wəkakɔ ɛnalokɔ kə tolokɔ tatəkɔ mɔ: «An'əyɔnɛ iya kem-ɛ? Are ɲayɔnɛ awɛnc im aŋa-ɛ?»

⁴⁹ Kə Yesu entenci kəca ɲnɔ acɛpsɛ ən darəŋ ɲayi mɔ, k'oloku: «Nənəŋk: Iya kem kə awɛnc im aŋa ɲə akanɛ!»

⁵⁰ Nwɛ o nwɛ əŋyɔ tɛfaŋ ta Kanu Papa kem nwɛ eyi ndɛ dəkəm mɔ, wəkakɔ əyɔnɛ wɛnc im, wəkirɛ kə iya kem.»

13

Totubɛnɛ ta wəgbal defet

Mark 4.1-9; Luk 8.4-8

¹ Dəsək dadəkɔ kə Yesu owur dəkəlɔ k'əŋkɔ pəndɛ agbɛp ɲa kəba.

² Kə kənay ka afum alarəm ɲəŋkɔ ɲalɔŋkanɛ kə kəsək, kə təsəŋɛ kə kəbɛkɛ debil k'ɛndɛ. Kə kənay ka afum fəp kəncəmɛ agbɛp ɲa kəba.

³ Kə Yesu olɔk-lokər ɲa pələrəm dəmotubɛnɛ, k'oloku ɲa: «Nəcəŋkəl: Wəbɔf ɛnawur kəkəgbal defet.

⁴ Ntɛ ɛncɛgbal defet mɔ, kə mɛŋgbɛn məlɔma mɛntɛmpɛnɛ dɔpɔ. Kə bɛmp yɛndɛr yəsəm mi.

⁵ Kə mɛŋgbɛn məlɔma mɛntɛmpɛnɛ antəf ɲa masar ndɛ kəbɔf kələrəm kənatəyi mɔ. Ntɛ antəf ɲɛnadəm mɔ, kə mɛŋgbɛn mompɔŋ katəna.

⁶ Mba ntɛ nne yɛnadewonɛ mɔ, kə yəncɔf buma yayəkɔ, kə yowosərənɛ, bawo yɛnayɔ fɛ ncɔnc.

* 12:42 Məməmən 1 Abɛ 10.1-10

⁷ Kò mēngbēn m̀l̀m̀ma m̀nt̀mp̀ǹǹ d̀b̀b̀ǹk, k̀ m̀m̀p̀r̀ǹ, m̀ba k̀ b̀ǹk ỳm̀p̀e k̀ ỳndi mi.

⁸ Kò mēngbēn m̀l̀m̀ma m̀nt̀mp̀ǹǹ ant̀f̀ ǹt̀t̀, k̀ m̀m̀p̀r̀ǹ k̀ m̀l̀p̀s̀ar k̀k̀om ỳk̀om nỳe t̀sar tin (100), ỳk̀ ẁc̀o cam̀t̀-*tin* (60), k̀ ỳl̀m̀a ẁc̀o maas (30).

⁹ M̀ana ǹẁe m̀ǹỳo l̀ǹh̀s m̀o, m̀ǹe ti.»

Ta ake t̀o Yesu enct̀aks̀e d̀motubc̀ǹe-ε?

¹⁰ K̀o ac̀p̀s̀e a Yesu dar̀ǹ ǹander ǹỳif k̀o: «Ta ake t̀o m̀ǹl̀ok-l̀ok̀arē ǹa d̀motubc̀ǹe-ε?»

¹¹ K̀o Yesu oluk̀s̀e ǹa ǹt̀e: «Bawo Kanu k̀s̀oǹe ǹna k̀c̀arē kance k̀gb̀p̀ǹe ka d̀b̀e da d̀K̀m, m̀ba ǹa, as̀ǹ f̀e ǹa ki.

¹² Ti dis̀r̀e, ǹẁe ǹỳo k̀c̀arē ka t̀gb̀p̀ǹe ta d̀b̀e da d̀K̀m m̀o amb̀er̀ǹe k̀o, haǹ p̀alar k̀o, m̀ba ǹẁe ǹt̀ỳo m̀o, andebaǹar k̀o ali p̀k̀o ỳỳ m̀o.

¹³ Ti t̀s̀oǹe ǹt̀e ilok-l̀ok̀arē ǹa d̀motubc̀ǹe m̀o, bawo ǹaǹgb̀t̀ǹe belbel m̀ba ǹaf̀ǹǹk, k̀ ǹanc̀ǹk̀al belbel m̀ba ǹaf̀ǹe, ǹaf̀c̀arē s̀o.

¹⁴ Ǹt̀e Kanu k̀nalok̀e kusu ka sayib̀e Esayi tetaǹan m̀o telar̀e:

«Ǹandewon k̀c̀ǹk̀al m̀ba ǹaf̀d̀ec̀arē few.

Ǹandewon k̀gb̀t̀ǹe m̀ba ǹaf̀deǹǹk few,

¹⁵ bawo s̀abomp sa afum akaǹe s̀af̀tam k̀c̀arē.

Ǹasunc l̀ǹh̀s yaǹan,

k̀o ǹam̀p̀ f̀or

ǹt̀e t̀ǹs̀oǹe ta ǹaǹǹk̀e ỳi,

ta ǹaǹǹe l̀ǹh̀s yaǹan,

ta b̀k̀k̀c̀ yaǹan ỳs̀oǹe ǹa k̀c̀arē,

ǹadəkaf̀alē, ǹaluk̀s̀ar̀ǹe ǹǹo iyi m̀o,

t̀s̀oǹe itam̀s ǹa!»

¹⁶ M̀ba p̀amb̀ot nu, bawo f̀or yonu ỳǹǹǹk k̀o l̀ǹh̀s yonu ỳǹǹe!

¹⁷ Kance, icluku nu: Sayib̀e s̀alarəm k̀o alompu alarəm ǹanafaǹ k̀aǹǹk mam̀e ǹỳi k̀aǹǹk m̀o, m̀ba ǹanaǹǹk f̀e mi. K̀o ǹanafaǹ k̀aǹe mam̀e ǹỳi k̀aǹe m̀o, m̀ba ǹanane f̀e mi.

K̀t̀aks̀e d̀totubc̀ǹe ta ẁb̀b̀f

Mark 4.13-20; Luk 18.11-15

¹⁸ Awa ǹac̀ǹk̀al tedis̀r̀e ta totubc̀ǹe ta ẁgbal defet.

¹⁹ Mēngbēn m̀k̀o m̀natemp̀ǹe d̀p̀o meyi p̀m̀o fum ǹẁe eḡǹe toloku ta d̀b̀e da d̀K̀m ta t̀s̀ok̀ar k̀o m̀o. Ẁl̀eḡ p̀ader p̀alēk t̀k̀o anab̀f ab̀k̀c̀ ǹǹ m̀o. It̀ỳoǹe ǹẁe enas̀t̀o mēngbēn d̀p̀o dac̀o m̀o.

²⁰ Mēngbēn m̀m̀e m̀natemp̀ǹe k̀fo ka masar m̀o meyi p̀m̀o fum ǹẁe onck̀onane Toloku ta Kanu p̀ban ti katana p̀botu dis̀r̀e m̀o,

²¹ m̀ba ẁk̀ayi eyi p̀m̀o p̀b̀f p̀t̀ỳo ǹc̀nc: K̀c̀am̀e k̀n k̀f̀owon, p̀acuca k̀o k̀t̀arəs k̀nck̀onader teta Toloku tat̀k̀o, t̀ǹs̀oǹe k̀o k̀sak ti f̀ew.

²² Mēngbēn m̀m̀e anab̀f d̀b̀ǹk m̀o meyi p̀m̀o fum ǹẁe eḡǹe Toloku ta Kanu, m̀ba m̀ec̀m̀-ḡm̀ǹe m̀elarəm ma doru k̀o k̀t̀en daka, mes mam̀k̀o m̀er̀ǹ medi Toloku tat̀k̀o, t̀s̀oǹe ti k̀t̀ok̀om.

²³ Mēngbēn m̀m̀e m̀natemp̀ǹe ant̀f̀ ǹt̀t̀ m̀o meyi p̀m̀o fum ǹẁe eḡǹe Toloku p̀c̀arē ti, tokom ǹt̀e t̀sar tin (100), t̀k̀o ẁc̀o cam̀t̀-*tin* (60), k̀o t̀l̀m̀a ẁc̀o maas (30).»

Totubc̀ǹe ta defet d̀t̀t̀ k̀o ỳka ỳl̀eḡ

²⁴ K̀o Yesu oluku ǹa s̀o totubc̀ǹe t̀l̀m̀a: «D̀b̀e da d̀K̀m dowur̀ǹe k̀o ẁrkun ǹẁe onb̀f defet d̀t̀t̀ dale d̀n m̀o.

²⁵ Pibi pələma afum ηacdire, kə wəter kən ender pəbəf yika yelec dəbəle, k'əηkə.

²⁶ Nte yəbəf yompon kə yokom mə, mba yika yelec yompon sə.

²⁷ Kə acar a wəka dale ηander ηaloku kə: «Mariki, bəfə mənğben mətət mə mənabəf dale dam ba? Deke yika yelec yeyefe yedepon nno-ε?»

²⁸ Kə mariki oloku ηa: «Wəter kem wələma əyo ti.» Kə acar ηayif kə: «Məfan a səkə səwas yika yelec yayəkə ba?»

²⁹ Kə mariki oloku ηa: «Ala, ηnese kə nəndewas yika-ε, nəndesə kəcgbuktene bəle.

³⁰ Nəce yika yelec yebək kə bəle haη patel, kə tem ta kətel tendebəp-ε, indeloku atel: Nənuηkəne kəresna nəgbuktu yika yelec nəsek yi pacəf, kə nəlip-ε, nəber bəle kələ kem disre.»

Totubcəne ta tənğben tətət pə dəlakə

Mark 4.30-32; Luk 13.18-19

³¹ Kə Yesu oloku ηa totubcəne tin: «Dəbe da dəkəm dowurene tənğben tətət mpe fum elek k'əmbəf pi dale dən mə.

³² Tənğben tatəkə pəfətə pətəs mənğben fəp, mba nte pompon mə, kə pəmbək pətəs yəbəf ya dəlakə fəp, kə pende pəyone kətək, kə təsəηe bemp ya darenc kəder yələ dəwara wa ki.

Totubcəne ta lebin

Luk 13.20-21

³³ Kə Yesu entəkse sə afum totubcəne tələmə, pələluku: «Nte tə dəbe da dəkəm dowurene pəmə lebin nde wəran eηlek pənəktərene di kəmbefe kilo wəco merəη (20) mə. Kə kəmbefe fəp kəmpel!»

Ta ake tə Yesu onclokəne motubcəne-ε?

Mark 4.33-34

³⁴ Məməkə fəp Yesu oncloku mi kənay ka afum dəmotubcəne. Ti disre Yesu oncloku fe nte o nte ta oloku totubcəne ta ti-ε,

³⁵ nte tənşəηe moloku mme sayibe ηanaloku mə melare: «Motubcəne m'indelok-lokəre ηa.

Indedəηk moloku mme mənğbəpne kəyefe dəkəcop da doru mə.»

Yesu oloku tedisre ta totubcəne ta defet dətət kə yika yelec

³⁶ Kə Yesu esak kənay ka afum k'əmbere deker, kə acəpse ən darəη ηander ηaloku kə: «Mələku su tedisre ta yika yelec dale disre.»

³⁷ Kə Yesu oloku ηa: «Nwe əmbəf mənğben mətət mə, Wan ka Wərkun əfə.

³⁸ Dale, doru dandə də. Defet dətət, awut a dəbe da dəkəm ηə. Yika yelec, awut a Nəηk Nəlec ηə.

³⁹ Wəter nwe əmbəf yi mə, əyone Nəηk Nəlec. Kətel kəyone dəkəlip da doru, atel ηayone melekə.

⁴⁰ Pəmə təkə aηgbuktu yika yelec paləm yi dənenc mə, itə pəndeyi dəkəlip da doru.

⁴¹ Wan ka Wərkun endekere melekə mme mendewure dəbe dən disre aηe ηənşəηe akə kəbere kiciya kə akə ηaηyə pələc mə,

⁴² mendeləm aləc dənenc da Yahanama, difə kəbək kəηkəyi kə kəηaηərene sek.

⁴³ Alompu ηandekəmot pəmə dec nde deyi nde dəbe da Papa kəηan mə. Məna nwe mənğyə ləηəs mə, məne ti!»

Totubcəne ta daka dətət dəğbəpne

⁴⁴ Kɔ Yesu endenɔr sɔ totubcɛne nte: «Nte tɔ dɛbe da dɛkɔm dowurene pɛmɔ daka deyenki kɛway nde dɔngbɔpne dale mɔ. Wɛrkun nwe enɔnk di mɔ, pɛgbɔkɛre sɔ di kɛmenk. Pɛlare pɛbotu, pɛkɔ pɛcamɛs daka dɛkɔ ɔyɔ dɛcamɛs mɔ fɛp, pɛder pɛway dale dandɛ.

⁴⁵ Dɛbe da dɛkɔm dowurene sɔ nte: Wɛcamɛs nwe enten tencɛmbɛl pa kɛma mɔ.

⁴⁶ Nte ɔnkɔ pɛnɔnk tencɛmbɛl pa kɛma pɛtɔt mɔ, k'ɔnkɔ pɛcamɛs daka dɛkɔ ɔyɔ mɔ fɛp kɛkɔway tencɛmbɛl pa kɛma pɛpɔkɔ.»

Totubcɛne ta manta

⁴⁷ Kɔ Yesu oloku sɔ totubcɛne nte: «Dɛbe da dɛkɔm dowurene manta mme aɔgbal dɛkɛba mɔ, kɔ mosumpɛr lop dokom fɛp.

⁴⁸ Kɔ mɛlarɛ-ɛ, pɛlin mi nde pɛwosu, pandɛ kɛpit-piti yɔkɔ yentesɛ mɔ, pɛber dɛtanɔku, pagbal yɛlɛc yɔkɔ.

⁴⁹ Itɔ pɛndeyi dɛkɛlip da doru. Mɛlɛkɛ mendekɔ mɛgbey alompu alɛc daco.

⁵⁰ Mendelɛm alɛc dɛnɛnc da Yahanama, difɔ kɛbok kɛnkɔyi kɔ kɛnɔnɔrenɛ sek.»

Totubcɛne ta daka dofu kɔ dokur

⁵¹ Kɔ Yesu eyif acɛpɛ ɔn darɔnj: «Nɛncɛre tedisre ta mamɔkɔ inatɛkɛ nu mɔ ba? Kɔ nɔwosɛ: «ɛy.»

⁵² Kɔ Yesu oloku nɔ: «Ti tɔsɔnjɛ nte atɛkɛ fɛp aɔnjɛ nɔyɔnɛ acɛpɛ darɔnj a dɛbe da dɛkɔm mɔ nɔwurene kɔ wɛkirinj ka kɛlɔ nwe ɔnjwure daka dɔn daco ca yofu kɔ yokur mɔ.»

Aka Nasaret nɔfati kɛgbɛkɛr Yesu kɛlan

Mark 6.1-6; Luk 4.16-30

⁵³ Nte Yesu elip kɛloku totubcɛne tantɛ mɔ, k'ɛyɛfɛ di,

⁵⁴ k'ɔnkɔ dare dɔn Nasaret. Dɛndo, kɔ Yesu ɛyɛfɛ kɛtɛkɛ nde dɛkɛtola Kanu danɔn, nte cusu cɛwos afum mɔ, kɔ nɔyɛfɛ kɛyiftɛnɛ: «Deke Yesu ɔsɔtɔ kɛcɛre kɛkɛtɛnɛ mes kɛtɔt kɛnkɛ kɔ mes mɛwɛy-wɛy mamɛ-ɛ?»

⁵⁵ Bafɔ wan ka kɛmdɛr ɔfɔ ba? Bafɔ kɛrɛ aɔnjɛ Mari kɔ awɛnc aɔnjɛ Sak, Isifu, Simɔnj kɔ Yuda ba?

⁵⁶ Bafɔ akirɛ ɔn nɔyi su daco ba? Deke ɔsɔtɔ mamɛ fɛp-ɛ?»

⁵⁷ Mes mamɔkɔ mɛnɔyamɛ nɔ kɛgbɛkɛr Yesu kɛlan. Awa kɔ Yesu oloku nɔ: «Afɔfati kɛlɛlɛs sayibɛ, mɛnɛ dare dɔn kɔ kɛlɔ kɛn disre.»

⁵⁸ Dɛndo Nasaret, Yesu ɛnɔyɔ fɛ di mes mɛwɛy-wɛy mɛlarɛm, bawo aka di nɔnabut kɛlan.

14

Defi da Aɔnnabi Saɔ Batis

Mark 6.14-29; Luk 9.7-9

¹ Tem tatɔkɔ, Herodu nwe ɛnatɔmpɛr dɛbe da Kalile mɔ, ene pacloku teta Yesu.

² K'oloku afum ɔn aka dɛsɔnjɛ: «Saɔ Batis ɔfɔ! Afum afi daco ɔfɔtɛ, it'ɔsɔnjɛ nte entam kɛyɔnɛ mes mɛwɛy-wɛy mɔ.»

³ Herodu ɛnaloku ti bawo nkɔn ɛnasom afum, nɔsumpɛr Saɔ Batis, nɔkot kɔ, nɔber kɔ dɛbili teta Herodiyad wɛran ka wɛnc Filip.

⁴ Saɔ oncloku Herodu: «Sariye sɛmɔn'am kɛnɛncɛ kɔ.»

⁵ Herodu ɛnafɔnj kɛdif Saɔ, mba ɛncnɛsɛ kɛnɔy ka afum, bawo nɔnacɛm-cɛmne a sayibɛ sɔ Saɔ ɔyɔnɛ.

⁶ Kɛsata ka teren tolukɛr ta kɛkom ka Herodu, kɔ wan wɛran ka Herodiyad empise fɔr ya afum aɔnjɛ nɔnɔtɔnjɛ kɛsata kɛnkɔ mɔ kirinj, kɔ tɛmbɔt Herodu,

⁷ hanj kɔ Herodu enderɛm kəsɔŋ wan ka Herodiyad paka mpɛ o mpɛ enjwer kɔ mɔ.

⁸ Kɛmɛŋkɛs ka iya kɔn Herodiyad, kɔ wɛyɛcɛra oloku: «Məsɔŋ im domp da Sanj Batis depɔlet.»

⁹ Wəbɛ Herodu, kɛmɔncnɛ disrɛ, ɛnafan fɛ kɛbupərə tes tɔkɔ ɛnaderɛm fɔr ya afum akɔ ɛnawɛ kətəŋnɛ kəsata kɔn mɔ, kɔ Herodu osom a pasɔŋ wan ka Herodiyad domp dɔkɔ ɛnawɛr kɔ mɔ.

¹⁰ K'asom kəkəgbinti domp da Sanj Batis nde dɔbili.

¹¹ K'anjkerɛ wɛyɛcɛra ka Herodiyad domp da Sanj Batis depɔlet, k'enjkenɛ di kerɛ.

¹² Kɔ aɛpɛsɛ a Sanj Batis darəŋ ŋander ŋalɛk kɛbɛl kɔn kɔ ŋanjɔ ŋawur. Ntɛ telip mɔ, kɔ ŋanjɔ ŋasɔŋɛ ti kɛcərə Yesu.

Yesu ɔsɔŋ afum wul kɛcamət yeri

Mat 15.32-39; Mark 6.30-44; Luk 9.10-17; Isan 6.1-14

¹³ Ntɛ Yesu ene moloku mamɔkɔ mɔ, k'ɛlɛk abil k'ɔŋkɔ kɛfo kəyer-yer. Mba kɔ kənay ka afum kəndɛ kɛcərə a Yesu ɛyɛfɛ di, kɔ ŋawur sɔdərə sɔŋan, kɔ ŋasolnɛ dɛgbɛp kɔ ŋancɛpɛsɛ kɔ darəŋ.

¹⁴ Ntɛ Yesu ontɔr debil mɔ, k'ɛnəŋk kənay ka afum, k'ɔyɔnɛ ŋa nɔnɔfɔr, k'ɛntaməs acuy anjan.

¹⁵ Ntɛ dɔfɔy dɛmbɔp mɔ, kɔ aɛpɛsɛ a Yesu darəŋ ŋalɔtərɛnɛ ŋaclɔku kɔ: «Kɛfo kanjke kəyɔ yer-yer kɔ dec dɛlɔp. Məsak kənay ka afum akanjɛ ŋakɔ ŋawayəs yeri nde sɔdərə sɔlɔma.»

¹⁶ Mba kɔ Yesu oloku ŋa: «Ali ŋanjɔ fɛ kɛfo, nɔnasərka nəsɔŋ ŋa yeri.»

¹⁷ Kɔ aɛpɛsɛ ɔn darəŋ ŋalɔku kɔ: «Cɛcom kɛcamət kɔ lop mɛrəŋ gbɛcərəm yɔ sɔyɔ nno.»

¹⁸ Kɔ Yesu oloku: «Nəkɛr'em yi nno.»

¹⁹ Kɔ Yesu osom kənay ka afum kəndɛ yika kəron, k'ɛlɛk cɛcom nɛc kɛcamət kɔ lop mɛrəŋ, k'eyɛkti fɔr darenc, k'eyif Kanu barka. K'entepi cɛcom k'ɔsɔŋ ci aɛpɛsɛ ɔn darəŋ a ŋayer ci kənay ka afum.

²⁰ Kɔ fɔp fəsɔm ci kɔ ŋanɛmbərə, k'anjkenɛ Yesu cɛfala wɛcɔ kɔ mɛrəŋ cɛlarɛ cɛcom cɛlpəs.

²¹ Kənay ka afum anjɛ ŋanasɔm cɛcom cacɔkɔ mɔ ŋanabɔp arkun wul kɛcamət (5.000), ta alɔm aran kɔ awut-ɛ.

Yesu ŋɛkɔt kɛba kəron

Mark 6.45-52; Isan 6.16-21

²² Ntɛ tɛncɛpər mɔ, gbəncana babɔkɔ kɔ Yesu ɛntarɛ aɛpɛsɛ ɔn darəŋ kɛbɛrɛ debil, ŋanunjkɛnɛ kɛcali mokuru mɔkɔ, nkɔn pɛcsak kənay ka afum kəkɔ ndaranjan.

²³ Ntɛ elip kəsak ka kənay ka afum kəkɔ ndaranjan mɔ, k'ɛmpɛ tɔrɔ kəron kəkɔtɔla Kanu. Kɔ dɔfɔy dɛmbɔp kɔ di pəyi sona.

²⁴ Tɛnatəŋnɛ abil ŋɔbɔlɛ pəpəŋ pəwosu, yam yɛcfikɛli-fikɛli abil, bawo kəgbɔfnɛ kɔ ŋancndɛ.

²⁵ Dɔsɔka dɛlɔpəs, kɔ Yesu ender nno ŋayi mɔ pɛckɔt kɛba kəron.

²⁶ Ntɛ aɛpɛsɛ ɔn darəŋ ŋanəŋk kɔ pɛckɔt kɛba kəron mɔ, kɔ pəyi ŋa ya-mayama. Kənɛsɛ kəŋan disrɛ kɔ ŋalɔku: «Tubari tɔ,» kɔ ŋanjɔkɛlɛ-kɛlɛ.

²⁷ Mba kɔ Yesu oloku ŋa gbəncana babɔkɔ: «Nəbəkne! In'ɔfɔ, ta nənɛsɛ!»

²⁸ Kɔ Piyɛr oloku kɔ: «Mariki, kɔ tɔyɔnɛ mən'ɔfɔ-ɛ, məsɔm im ikɔt domun kəron ider nde məyi mɔ.»

²⁹ Kɔ Yesu oloku kɔ: «Mɔdɛr.» Kɔ Piyɛr ontɔr debil, k'ɔŋkɔt domun kəron, k'ɔŋkɔ nde Yesu eyi mɔ.

³⁰ Mba nte enanəŋk afef ɲɛbɛk mɔ, k'enesɛ k'ɔŋkule-kule: «Mariki, mɔyac im!»

³¹ Gbəncana babɔkɔ kɔ Yesu ɛntɛnc kɔca k'osumpɔr Piyɛr, k'oloku kɔ: «Məna mampice kəlan, ta ake tɔ mənəsərnɛnɛ-ɛ?»

³² Yesu kɔ Piyɛr ɲambɛrɛ debil, kɔ afef ɲɛsak kəwur.

³³ Acɛpsɛ a Yesu darəŋ aɲɛ ɲanayi debil mɔ ɲantontnɛnɛ kɔ fɔr kirin, kɔ ɲaloku: «Wan ka Kanu yati mɔyɔnɛ!»

Yesu ɛntaməs acuy atɔf ɲa Kenesarɛt

Mark 6.53-56

³⁴ Yesu kɔ acɛpsɛ ɔn darəŋ ɲancali, kɔ ɲambɔp atɔf ɲa Kenesarɛt.

³⁵ Kɔ afum a dare dadɔkɔ ɲanɛpəl Yesu, kɔ ɲandəŋk kəder kɔn sədare səkɔ fɔp, k'əŋkɛrɛ kɔ acuy fɔp.

³⁶ K'alɛtsɛnɛ kɔ pəwosɛ afum ɲagbuɲɛnɛ ali dobol da burumus bɔn. Ako ɲanagbuɲɛnɛ di mɔ fɔp ɲanatamɛnɛ kɛŋ.

15

Mɔyɔ mokur ma atem kɔ mosom ma Kanu

Mark 7.1-13

¹ Afarisi kɔ atəksɛ sariyɛ s'aSuyif ɲander nnɔ Yesu eyi mɔ kəyɛfɛ Yerusalem, kɔ ɲayif kɔ:

² «Ta ake tɔ acɛpsɛ am darəŋ ɲantɔcəmɛnɛ tɔyɔ tokur ta atem darəŋ-ɛ? Bawo ɲafɔsəkəsɛnɛ saliyɛ a ɲacdi yerɛ-ɛ.»

³ Kɔ Yesu eyif ɲa: «Kɔ nənə, ta ake tɔ nəntɔcəmɛnɛ mɛtəksɛ mɛmɛ Kanu kəsom mɔ, kɔ nəncəmɛ mɔyɔ mokur ma atem anu darəŋ-ɛ?»

⁴ Bawo Kanu kəloku: «Mələləs wisi kɔ wiri» k'oloku sɔ: «Nwɛ ɔŋlok-lokər kas pəyɔnɛ fɛ ti kɛrɛ pələc mɔ, pədif wəkayi.»

⁵ Mba nənə nəŋluku a kɔ mələku wisi kɔ pəyɔnɛ fɛ ti wiri: «Paka mɛpɛ pəmarna isəŋ əm kəmar kam mɔ, isəŋ pi Kanu.»

⁶ ali wəkayi ɔyɔnɛ fɛ sɔ kas kɔ pəyɔnɛ fɛ ti kɛrɛ tes təloma. Ti disrɛ, nənime tosom ta Kanu mɔyɔ mokur ma atem anu.

⁷ Nənə abəɲɛnɛ kəlomp, Esayi ɛnaloku belbel tetonu cəsayibɛ:

⁸ «Afum akanɛ dəcusu gbəcəɾəm ɲaŋlələs im, mba bəkəc yanjan yɔmbɔl'em pəpəŋ.

⁹ Kəsali nke ɲantolan'em ɲacloŋn'em mɔ kəyɔ fɛ dəkəcəmɛ, bawo mosom mɛmɛ ɲantəksɛ mɔ, afum ɲapɔr mi, bafɔ Kanu.»

Ca ɲyɛ yəŋsəŋɛ fum kətɔsək mɔ

Mark 7.14-23

¹⁰ Kɔ Yesu ewe kənay ka afum k'oloku ɲa: «Nəcəŋkəl, nəcərə sɔ ti belbel!

¹¹ Bafɔ peri mɛpɛ pɛmbɛrɛ fum dəkusu mɔ pəŋsəŋɛ fum kətɔsək, mba mɛpɛ pəŋwur kɔ dəkusu yati mɔ.»

¹² Kɔ acɛpsɛ ɔn darəŋ ɲander ɲayif kɔ: «Məncərə a toloku tatəkɔ tɛnasəŋɛ aFarisi kəfətɛnɛ?»

¹³ Kɔ Yesu oloku: «Pəbɔf mɛpɛ o mɛpɛ Papa kem nwɛ eyi nde dəkəm ɛnatəbɔf mɔ, andɛgbuktu pi.

¹⁴ Nəcə ɲa: Atənəŋk ɲɔ aɲɛ ɲayi kəkətɛnɛ atənəŋk aloma mɔ. Kɔ wətənəŋk ɛndəkətɛnɛ wətənəŋk-ɛ, mɛrəŋ maŋan fəp ɲantɛmpɛnɛ debi.

¹⁵ Kɔ Piyɛr oloku Yesu: «Məsəksər su tɛdisrɛ ta tɛtəksɛ tatəkɔ.»

¹⁶ Kɔ Yesu eyif ɲa: «Nənə sɔ nəsɔɔyi kətəcərə disrɛ ba?»

17 Nəncərə fe a peri mpə pəmbərə fum dəkusu mə dəkor pənjə a padewure pi nde dəkofi?

18 Mba nte toŋwur dəkusu mə, dəbəkəc tənɣefe, tatəko tənɣəne fum kətəsək.

19 Bawo məcəm-cəmnə melec, kədif fum, kəsumpər dalakə, məkət melec, deke, sede səlec, kəfor, dəbəkəc mes maməkə fəp mənɣefe.

20 Mes maməkə mənɣəne fum kətəsək, mba kədi peri ta məmbikene kəfəsəne fum kətəsək.»

Wəran wəcikəra enɣbekər Yesu kəlan

Mark 7.24-30

21 Kə Yesu eyefe dādo, k'ənjə atəf ŋa Tir kə Sidəŋ.

22 Gbāncana babəkə kə wəran wəKanaŋ nwe enayefe atəf ŋaŋəkə mə, eyefe kəkule-kule: «Məyən'em nənəfor, Mariki, Wan ka Dawuda! Nənjə ŋin ŋelec ŋontəŋkulu-toŋkulu wan kem wəran pəpəŋ.»

23 Ali toloku Yesu enaloku fe kə. Kə acəpse a Yesu darəŋ ŋander ŋaletse ne nənə Yesu: «Məbeləs kə, bawo eyi kəkule-kule su kumunt darəŋ.»

24 Kə Yesu olukse ŋa: «Mba Kanu kəsom im nda aYisrayel gbəcərəm, aŋe ŋayi pəmə ŋkesiya nyə yəsəle mə.»

25 Mba kə wəran nwe ender pətontne ne Yesu fər kirin pəcloku: «Mariki, məde məmar im!»

26 Mba kə Yesu oluku kə: «Pəntese fe kələkər awut kəcom mələme ki cen.»

27 Wəran nwe olukse kə: «Kance kə, Mariki. Mba mecen, yeri nyə yentəpne aməsa dəntəf ya aka mi mə, yə mendi.»

28 Kə Yesu oluku kə: «Wəran, kəlan kam kəmbək! Kanu kəsəne tefan tam teyi.» Gbāncana babəkə bə wan kən wəran enatamne.

Yesu entaməs acuy alarəm

Mark 7.31

29 Kə Yesu eyefe kəfo kanəkə k'osumpər dəpə da agbep ŋa kəba ka Kalile. K'ənjə pəpese tərə kəron k'ende.

30 Kə kənay ka afum alarəm kənder nənə Yesu eyi mə. Kə afum atətam kəkət, atənəjk, bobo, alanjyiru kə acune docu dəlarəm, kə ŋander ŋabocər ŋa Yesu dəntəf, k'entaməs ŋa,

31 kə cusu cəwos kənay ka afum kənəjk bobo ŋaclok-loku, aka lanjyiru ŋaluksəne sə kətamne, atətam kəkət ŋackət, atənəjk ŋacənəjk. Kə ŋanjkor-koru Kanu ka Yisrayel.

Yesu əsəŋ arkun wul manəkə yeri

Mark 8.1-10

32 Kə Yesu ewe acəpse ən darəŋ k'oloku ŋa: «Nənəfor deyi'm teta kənay ka afum kanəkə: Mata maas ŋayi kə ina, ŋayə fe sə paka o paka pedi. Ifan fe kəsak ŋa ŋakəne dor, ŋnese ta dis dəkələl ŋa dəpə.»

33 Kə acəpse ən darəŋ ŋayif kə: «Deke səŋkəsətə nənə kəfo kəyer-yer kanəkə cəcom nce səndenəmbərəse kənay ka afum alarəm akanə mə-ε?»

34 Kə Yesu eyif ŋa: «Cəcom cəke cə nəyə-ε?» Kə acəpse ən darəŋ ŋaloku: «Cəcom camət-mərəŋ kə molop mələmə.»

35 Kə Yesu osom kənay ka afum kənde dəntəf.

36 Kə Yesu elək cəcom nce camət-mərəŋ kə lop, nte elip kəyif Kanu barka mə, k'entepi yi, k'eyefe kəsəŋəs yi acəpse ən darəŋ ŋayerəs kənay ka afum.

37 Kə kənay ka afum kədi yeri nyə kə ŋanəmbərə, k'awetəs cəcom cəlpəs nce cənalare cəfala camət-mərəŋ mə.

³⁸ Arkun anje njanadi yeri yayəkə mə njanabəp afum wul manjkələ (4.000), ta alam aran kə awut-ε.

³⁹ Nte Yesu εsak kənay ka afum kə njalukus nde ndaranjan mə, kə nkən embere debil k'ənkə atəf nja Makadanj.

16

AFarisi kə aSadisi njawer Yesu tēgbəkəre tēwey-wey ta dəkəm

Mark 8.11-13; Luk 12.54-56

¹ AFarisi kə aSadisi njanj kə njabəp Yesu kə njançəpe kə towul dəmoloku, kə njawer kə a pəmentər nja tēgbəkəre tēwey-wey nte tementər a Kanu kəsom kə mə.

² Kə Yesu olukse nja: «Dec dərəfəy kə kəm kəyimbəre-ε, nəloku a pəndenayo wanjkəra.

³ Bətbət kə kəm kənənkəl pəyim kə pəbi-ε, nəloku: «Afef njoənj njenje məkə wur! Kə nənjbətne kəm-ε, nənçəre kəloku təkə kəndenayi mə, mba nənçəre fe kəloku mēgbəkəre ma tēm tosu!

⁴ Dεtəmp dεlεc dətəçəme danapa da Kanu darənj njayi kəten tēgbəkəre tēwey-wey nte tementər a Kanu kəsom im mə, mba afəçəmentər nja tēgbəkəre nte o nte kə pəntəyənε ta Yunusa-ε.» Kə Yesu εsak nja k'ənkə.

Mεtəksε mεlεc m'aFarisi k'aSadisi

Mark 8.14-21

⁵ Nte açəpsε darənj a Yesu njançcali məkuru məkə mə, kə njampələrne kələk çəçəm.

⁶ Kə Yesu oluku nja: «Nəkembərne lebin d'aSadisi kə d'aFarisi!»

⁷ Kə açəpsε ən darənj njayεfe kəgbəkələne tanjan: «Nte səntələk çəçəm mə tojloke ti.»

⁸ Kə Yesu εnçəre mεçəmçəmnε manjan, k'eyif nja: «Ta ake tə nənjiyifεnε-ε, nəna apice kəlanj, nəçloku a nəyə fe çəçəm?»

⁹ Hanj ndəkəl nəntaçəre fe? Nənçəm-çəmnε fe teta çəçəm kəçəmət nçε arkun wul kəçəmət (5.000) njanasəm kə çəfala çəke c'anaker'em çəçəm çəlpəs-ε?

¹⁰ Nənçəm-çəmnε fe sə çəçəm çəmət-mεrənj nçε arkun wul manjkələ (4.000) njanasəm, kə çəfala çəke çə nənəlukəs'em çəçəm çəlpəs-ε?

¹¹ Çəke çə nəntam kətəçəre a bafə teta çəçəm t'iyi kəloku nu-ε? Mba nəkembərne lebin d'aFarisi kə d'aSadisi.»

¹² Itə açəpsε a Yesu darənj njanaçəre oñ a bafə teta lebin da çəçəm t'onçlok-ləkəre nja, mba teta mεtəksε ma aFarisi kə aSadisi.

Yesu əyənε wəyac nwe Kanu kənayek-yek mə

Mark 8.27-30; Luk 9.18-21

¹³ Nte embere sədare sa Sesari sa Filip mə, kə Yesu eyif açəpsε ən darənj: «Nte afum njanjoku mə, an'ə Wan ka Wərkun əyənε-ε?»

¹⁴ Kə açəpsε ən darənj njalukse kə: «Afum aləma njaloku a Anjnabi Sanj Batis, kə aləma a Eli, mba aləma njaloku sə a Yeremy kə pəyənε fe ti-ε, sayibe sələma sə əyənε.»

¹⁵ Kə Yesu eyif nja: «Pεçəmçəmnε ponu, an'iyənε-ε?»

¹⁶ Kə Simənj Piyer oluku: «Məna, Krist məyənε, wan ka Kanu nkε kəyi doru o doru mə.»

¹⁷ Kə Yesu oluku kə: «Pəbət əm, Simənj wan ka Yunusa, bawo bafə afum njanəñ'am ti kəçəre, mba Papa kem nwe eyi nde dəkəm mə!»

¹⁸ Mba ina, iclok'əm, Piyer məyənə, itə tatəkə (tasar), mpɛ indecəmbər kələ ka kəlonkənə ka alan em kəronj mə. Ali defi dəfədetam tələm o tələm nnə peyi mə.

¹⁹ Indesənj əm masapa ma dəbe da dəKəm: Nte o nte mändemənə nnə doru dandə mə, Kanu kəndəkəmənə ti dəKəm. Nte o nte mändewosə nnə doru dandə mə, Kanu kəndəkəwosə ti nde dəKəm.»

²⁰ Kə Yesu əmənə acəpsə ɔn darənj kələoku ti ali fum a Krist ɔyənə, wəyək-yək nwe Kanu kənasom kədəyac afum a doru mə.

Yesu endənjk defi dən kə kəfətə kən

Mark 8.31-9.1; Luk 9.22-27

²¹ Təm tatəkə kə Yesu oncop kələk-lokər acəpsə ɔn gbasnə a mənə pəkə Yerusaləm. Dəndo abeki, alonnə apənj kə atəkse sariyə sa aSuyif nənəkətərəs kə pələram, padif kə, pəfətə afi daco tataka ta maas.

²² Kə Piyer ewe Yesu kəsək k'eyefe kənal kə, pələoku: «Kanu kəyac əm ti, Mariki! Tatəkə təfəbər əm few.»

²³ Mba kə Yesu enkafələ k'olukse Piyer: «Məkafəl'em kumnt darənj, mənə Sentani! Məyamsər'em kəcəpər dəpə nde pəmar icəpər mə. Iw'am tewe ta Sentani bawo məfocəm-cəmnə pəmə Kanu, mba pəmə afum.»

²⁴ Kə Yesu oloku acəpsə ɔn darənj: «Kə fum efənj kəcəps'em darənj-ɛ, wəkayı pəsək kəcəm-cəmnə tefa nkənsərka, pəgbanne kətək kən kəpəmpəl, pəcəm'em darənj.

²⁵ Bawo nwe o nwe enjsep kəyac kiyi kən doru mə, kəndesalpər kə, mba nwe o nwe kiyi kən doru kənsalpər teta ina mə, məndesəta ki.

²⁶ Dəkəcəmə dere də tɔyɔ fum kəsətə kən doru kərkər, kiyi kən doru kəsələ kə-ɛ? Ake fum entam kəsənj kəwursə ka kiyi kən doru-ɛ?

²⁷ Iloku nu ti, bawo Wan ka Wərkun endeder dənərə da debeki da Kas kə mələkə ɔn, endesənj nwe o nwe kəway ka mes mən məyɔ.

²⁸ Kance icloku nu: Aləma nɔyɔ su daco nnə, anjə nantədefi ta nənənjk Wan ka Wərkun pəcder dəbe dən disre mə-ɛ.

17

Kətənkələ ka Yesu

Mark 9.2-13; Luk 9.22-36

¹ Nte mata camət-tin məcəpər mə, kə Yesu elek Piyer, Sak kə wənc Isənj, k'enjekərə nja kəsək tərə teñeci kəronj.

² Kə Yesu ənkə pətənkələ kəro fər yənan kirinj: Kə kəro kən kəncop kəmotər-motər pəmə dec, kə yamos yən pəmə pəwanjara.

³ Gbəncana babəkə kə acəpsə ɔn darənj nənənjk Anjəbi Musa kə Anjəbi Eli nɔwurər Yesu nɔclək-loku.

⁴ Kə Piyer oloku Yesu: «Mariki, pəntese su kəyi nnə! Kə məwosə-ɛ, incəmbər nnə nğbancan maas, njin nja mənə, njin nja Musa kə njin nja Eli.»

⁵ Nte Piyer eyi kələk-loku mə, gbəncana babəkə kə kəp kəmotər-motər kəngbəpərne nja. Awa kə dim dowur dəkəp kanjək docloku: «Wəkawə, wan kem nwe imbətər mə ɔfɔ, nkən əbət im mes belbel. Nəcənkəl kə!»

⁶ Nte acəpsə darənj a Yesu nane moloku maməkə mə, kə nantəmpənə nɔgbəpsə nte kənese kəpənj kəsumpər nja mə.

⁷ Mba kə Yesu ələtərne, k'onğbuñenə nja kəca kən k'oloku: «Nəyefe, ta nənese!»

⁸ Nte nɔyəkəti fər mə, nənənjk fə fum nwe o nwe mənə Yesu sona.

9 Nte njantor datɔrɔ mɔ, kɔ Yesu osom ɲa nte: «Ta nɔlokɔ nwe o nwe nte nɔnɔɲk mɔ haɲ Wan ka Wɔrkun pɛfɔtɛ afi dacɔ.»

10 Kɔ aceɲse darɔɲ a Yesu ɲayif kɔ tolokɔ nte: «Ta ake tɔ atɔkɛ sariye s'aSuyif ɲaɲloke a mɛnɛ Aɲnabi Eli pɔnɔɲkɛnɛ kɔder kɔrɛsna a wɔyɛk-yɛk pɔdeder-ɛ?»

11 Kɔ Yesu olukɛ ɲa: «Kance kɔ, a mɛnɛ Eli pɔnɔɲkɛnɛ pɔder kɔdelompɛs mes fɛp.

12 Mba iclokɔ nu a Eli elip kɔder: ɲanɛpɛl fɛ kɔ, kɔ ɲayɔ kɔ pɛmɔ tɔkɔ ɲafan mɔ. Itɔ ɲandɛtɔrɛs sɔ Wan ka Wɔrkun.»

13 Kɔ aceɲse darɔɲ a Yesu ɲancɔrɛ oɲ a teta Saɲ Batis tɔ Yesu eyi kɔlokɔ.

Yesu ɛntamɛs wan nwe docu da kɛtempɛnɛ denayi mɔ

Mark 9.14-29; Luk 9.37-43

14 Nte Yesu kɔ aceɲse ɔn darɔɲ ɲalɔtɔrne kɔnay ka afum mɔ, kɔ wɔrkun wɔlɔma ender pɛcɔpɛ kɔ suwu fɔr kirɲ,

15 pɛclokɔ: «Mariki, mɔyɔnɛ wan kem nɔnɔfɔr, nwe ɔyɔ docu da kɛtempɛnɛ mɔ, tɔntɔrɛs kɔ belbel. Dɔnɛnc kɔ dɔromun ɛlasnɛ kɛtempɛnɛ.

16 ɲɲkɛnɛ kɔ aceɲse am darɔɲ mba ɲantam fɛ kɔtamɛs kɔ.»

17 Kɔ Yesu oɲkulɔrne: «Nɔna afum a detemp da tɛm tante dekaɲɛ-kafɛlɛ, dɔtɔlan Kanu, ake tɛm t'indɛsɔyi kɔ nɔna-ɛ, icɔmɛ nu dɔntɔf haɲ tɛm tere-ɛ? Nɔkɛr'em kɔ nnɔ.»

18 Kɔ Yesu ɛɲgbɔɲ-gbɔɲɛr ɲɔɲk ɲɛlɛc ɲaɲkɔ, kɔ ɲowur wan wɔrkun nwe, k'ɛntamɛnɛ gbɔncana babɔkɔ.

19 Kɔ aceɲse ɔn darɔɲ ɲander ɲayif Yesu yɔkyɔk: «Ake'sɔɲɛ nte sɔna sɔntɔtam kɔbelɛs ɲi sɔnasɔrka mɔ-ɛ?»

20 Kɔ Yesu olukɔ ɲa: «Bawo kɔlan konu kɔmpicɛ. Kance, iclokɔ nu, kɔ kɔlan konu kɔyi pɛmɔ tɛɲgbɛn tɛfɛt-ɛ, nɔɲlokɔ tɔrɔ tante: «Mɔcɛpɛ nnɔ, mɔkɔ ndɛ,» pɛncɛpɛ di. Tes o tes tɔfɔyi nte nɔntɔtam mɔ.» [

21 *]

Yesu ɲɲgbɔkɔrɛ sɔ kɔsɔɲɛ kɔcɔrɛ defi kɔ kɔfɔtɛ kɔn

Mark 9.30-32; Luk 9.43-45

22 Dɔsɔk dɔlɔma nte aceɲse a Yesu darɔɲ ɲanalɔɲkanɛ Kalile mɔ. Kɔ Yesu olukɔ ɲa: «Andɛlɛk Wan ka Wɔrkun, pɔbɛr kɔ arkun dɔwaca.

23 Akakɔ ɲandedif kɔ, mba tataka ta maas ta defi dɔn pɛfɔtɛ afi dacɔ.» Kɔ aceɲse ɔn darɔɲ ɲamɔncnɛ haɲ kɔ tɔntɔrɛs ɲa dɔbɔkɛc.

Kɔsɔɲ dut da kɔlɔ kɔpɔɲ ka Kanu

24 Nte Yesu kɔ aceɲse ɔn darɔɲ ɲambɛrɛ dare da Kaparnam mɔ, k'abaɲɛs dut da kɔlɔ kɔpɔɲ ka Kanu ɲander ɲayif Piyɛr: «Wɔtɔkɛ konu ɔfɔsɔɲ dut da kɔlɔ kɔpɔɲ ka Kanu ba?»

25 Kɔ Piyɛr owosɛ, «ɛy, ɔɲsɔɲ di.» Tɛm nte Piyɛr ɛncbɛrɛ kɔlɔ disrɛ mɔ, kɔ Yesu ɔnɔɲkɛnɛ kɔlɛk mɔlokɔ, k'eyif: «Simɔɲ, cɔke cɔ mɔncɛm-cɛmnɛ-ɛ? Are ɲɔ pɛmar kɔcɔɲɛ abɛ a doru dandɛ dut da tɛrɛn kɔ dɔkɔ ambaɲɛsɔr arkun tɛm tɔlɔma mɔ: Afum aka tɔf yanɲan, kɔ pɔyɔnɛ fɛ ti acikɔra ba?»

26 Kɔ Piyɛr olukɔ: «Acikɔra ɲɔ pɛmar ɲasɔɲ di.» Kɔ Yesu olukɔ kɔ: «Afum aka dɔtɔf ɲa ɲafɔsɔɲ dut.

27 Mba ta payamsɔr abaɲɛs dut aɲɛ. Itɔ mɔndɛkɔnɛ ndɛ dɔkɔba mɛfɛkɔs, aloɲ ɲɔcɔkɔ-cɔkɔ ɲɔkɔ mɔnkɔsumɲɛr mɔ, mɔmɛpi ɲi kusu. Mɔɲkɔbɔp ɲi disrɛ pɛsam, mɔlɛk pi mɔsɔɲ dut dem kɔ dam.»

* **17:21** Yecicɛs yokur yɔlɔma yɛdɛɲɛr mɔlokɔ mame: «Mba kɔtɔla Kanu kɔ kɔsɔɲ gbɔcɔram kɔ mɔntam kɔbɛlɛs yɔɲk pɛmɔ yaye.»

18

Nwε embek dākacame nde δεβε da dākōm mō

Mark 9.33-37; Luk 9.46-48

¹ Tεm tatōkō kō acepse darəŋ a Yesu ŋander ŋayif kō: «An'ebek dākacame nde δεβε da dākōm-ε?»

² Kō Yesu ewe wanfet, k'encəmbər kō ŋa daco,

³ k'oloku: «Kance, icloku nu: Kō nəntəsəkpər mera nəyi pəmō awut afet-ε, nəfōdekəberε δεβε da dākōm.

⁴ Ti tāsəŋε, nwε o nwε ontore banca pəmō wanfet wəkawε mō, nkən endəkəyōnε nwε embek dākacame nde δεβε da dākōm mō.

⁵ Nwε o nwε embanj wanfet pəmō wəkawε tewε ta ina Yesu mō, ina yati embanj.»

Kəberŋε kəpəŋ

Mark 9.42-48; Luk 17.1-2

⁶ Mba kō fum əsəŋε wanfet kəlonε nwε εŋgbekər im kəlanj mō-ε, pələc papōkō pencepər kəgbek kō tasar təpəŋ dəkilim, paləm kō dəkəba.

⁷ Apayo, pələc pere peyi doru! Mes mme məŋsəŋε afum kəlonε mō mela! Mes maməkō məfəlip, mba pələc peyi nwε əŋsəŋε mes maməkō kəyi mō!

⁸ Kō kəca kam kō pəyōnε fε ti kəcək kam kəndesəŋ'am kəciya-ε, məgbinti ki mələm ki kəbəl'am. Kəberε kiyi kam ka doru o doru məyō kəca kin kō pəyōnε fε ti kəcək kin kəncepər kələm kam yahanama məyō waca mεrəŋ kō wεcək mεrəŋ. Bawo dəndo nenc dəfōnimε di doru o doru.

⁹ Kō təyōnε dəfər dam dendesəŋ'am kəciya-ε, məkakti di mələm dəbəl'am. Kəberε kiyi kam ka doru o doru məyō dəfər din kəncepər kələm kam dənenc da yahanama məyō fər mεrəŋ.

Totubcεnε ta aŋkesiya ŋəsəle nŋε ŋolukus mō

Luk 15.3-7

¹⁰ Ta nədencəs teta fum wəfet nwε o nwε, icloku nu, a mələkε manjan mme meyi nde dākōm mō, mēyji tεm fəp fər ya Kanu Papa kem nwε eyi nde dākōm mō.

¹¹ [*]

¹² Cəke cō nəncem-cəmnε-ε? Kō fum əyō ŋkesiya tasar tin (100), ŋin ŋəsəle-ε, fum nwε əfəsək ŋkesiya yōkō wəcō camət-manjkələ kō camət-manjkələ (99) nde dāmərō kəkətən ŋin ŋəko ŋəsəle mō ba?

¹³ Kance icloku nu: Kō fum εnəŋk aŋkesiya ŋəsəle ŋən ŋin-ε, teta ŋin ŋaŋōkō εnəŋk mō təmbət kō tetas ta yōkō wəcō camət-manjkələ kō camət-manjkələ (99) nŋε yənətəsəle mō.

¹⁴ Tin tayi tō: Kanu Papa konu nwε eyi nde dākōm mō, εfanj fε afəkəl ŋa wəkin ŋəsəle awut akanε daco.

Məyō nte kō wenc əm əyō'm pələc-ε

¹⁵ Kō wenc əm enciyan'am-ε, məkō məbəp kō mεrəŋ monu, mələku kō ti. K'enen'am toloku tatōkō-ε, məntam kō.

¹⁶ Mba k'əntənən'am toloku tatōkō-ε, məkō mətən fum wəkin kō pəyōnε fε ti afum mεrəŋ, nte təŋsəŋε afum mεrəŋ, maas ŋayōnε toloku tatōkō sede mō.

¹⁷ K'εfati sō kəcəŋkəl ŋa-ε, məkō mələku ti aka kəlonkane ka alanj a Yesu, k'εfati sō kəcəŋkəl kəlonkane kanjō-ε, nəsumpər kō pəmō wətəlanj kō wəbanəş dut.

* **18:11** Yəgbəkəre yokur ya Yecicas Yosoku yelaram yendenər moloku mme: «Bawo Wan ka Wərkun ender kadeten kō kəyac anε ŋanasəle mō.»

18 Kance icloku nu, tes nte o nte nandemone doru dande mo, Kanu kandekomone ti nde dakom, tes nte o nte nadowose nno doru dande mo, Kanu kandekowose ti nde dakom.

19 Kance icloku nu so: Ko toyone afum meren jasol kethene disre jatola Kanu mpe o mpe, Papa kem Kanu nwe eyi nde dakom mo onsoyeta ja pi.

20 Bawo nno afum meren, maas jambapsene teta tewe tem mo, inyi ja daco.

Totubcene ta wamaras nwe ejfati kethene mo

21 Ko Piyer ender payif Yesu: «Ko wenc im ender paciyen'em, caka co pamar im inajene ke-e? Han camet-meren ba?»

22 Ko Yesu oloku: «Iloku f'am han camet-meren gbacaram, mba han waco camet-meren yoboc camet-meren (70 yoboc 7).

23 Bawo debe da dakom dowurene nte: Wabe nwe ejfan kesoter amaras on debe don mo.

24 Nte oncop ti kayo mo, k'anjere ko wamaras wakin nwe enatompere ko pasam popyo mo.

25 Nte wamaras enatam kalukse pasam mpe mo, ko wabe kon osom a pacamas ko payone wacar, waran kon ko awut on ko daka dako oyo mo fap, nte tosoyeta pasoyeta debe don mo.

26 Ko wamaras nwe encare wabe kon suwu for kirin, pacloku ko: «Methene, ta mabelkar im, indeluks'am debe dam fap!»

27 Ko wabe kon oyone ko nonofor, k'ethene ke ko pasam papoko, k'esak wamaras kon k'ojko.

28 Nte wamaras nwe owur mo, ko jambapene ko wanapa kon wamaras walama nwe enatompere so nkon debe da tapasam pepic mo. Nkon nwe anatompere tapasam mo, osumper watompere kon pasam duma dakilim, pacloku: «Maluks'em debe dako mantompere'em mo.

29 Ko wanapa kon osumper ko wacak, pacletsene ko: «Methene, ta mabelkar im, indeluks'am debe dam!»

30 Mba ko nwe antompere debe mo efati, k'ethere wanapa kon, k'ojko paber ko dabili, han tem nte endelukse ko pasam pako antompere ko mo.

31 Nte amaras alpas ako janank tako tencder mo, ko kamoncne kopyeta kai ja. Ko janako jalamar wabe kethan mako menaceper mo fap.

32 Ko wabe ewe so wamaras nwe, k'oloku ko: «Mena wamaras walec, inajenen'am debe dako mantompere'em mo fap, bawo manaletsen'em,

33 mba mena mantam fe kayone wanapa kam nonofor, pamo tako ina iyon'am nonofor mo ba?»

34 Metele disre, ko wabe soyeta wamaras walec nwe asodar, jaber ko dabili jactoras ko han paclukse ko debe da pasam fap, mpe enatompere ko mo.

35 Tatoko to Kanu Papa kem nwe eyi nde dakom mo, endekoyo nana daco nwe o nwe ontojanene wenc abakac josoku pes ma.»

19

*Katukse ka Yesu teta kacene ka anecene
Mark 10.1-12*

1 Nte Yesu elip moloku mamoko mo, k'eyefe atof ja Kalile k'ojko atof ja Yude ntende mokuru ma kethgoko ka Yurden.

2 Ko kanay ka afum alarame kancame ko daran, k'entamas di afum.

3 K'aFarisi jander jawakas kacare Yesu towul demoloku, jacyif ko: «Sariye sawose warkun kace waran kon teta tes taloma ba?»

4 Ko Yesu olukse ja: «Nankaran fe Yecicas Yosoku ba? Dakacop da doru ko Kanu kael afum warkun ko waran,

⁵ Kō Kanu kəlōku sō: «Wərkun endesak kas kō kerē pəsektərne wəran kən, ŋakafələ ŋayōne tēsēm tin.»

⁶ Ti disrē, ŋayi fē sō mērəŋ mba tēsēm tin. Ta fum pəgbey təkō Kanu kənabembərēne mō!»

⁷ Kō aFarisi ŋayif Yesu sō: «Awa, ta ake tō Musa osome a mənunjkene māsəŋ wəran kam areka ŋecene kō a mədewurēne kō ndaram-ε?»

⁸ Kō Yesu oloku ŋa: «Teta bəkəc yonu yeyenki tō Musa owosene nu kəcə aran anu. Bafō tatəkō tō tenayi dəkəcop.

⁹ Mba icloku nu: Nwē ence wəran kən pənence wəlōma mō, dalakō dō ŋayi kō wəkakō, mēne tōyōne a kənence kəŋkō kəyi fē sariye disrē.»

¹⁰ Kō acəpse darəŋ a Yesu ŋaloku: «Kō tōyōne tatəkō teyi wərkun kō wəran dacc-ε, kətōnence kəncepər kənence.»

¹¹ Kō Yesu oloku ŋa: «Bafō fəp fəwose tetəkse tatəkō, mēne akō asəŋ ti mō.

¹² Mes mēla mme mənşəŋe wərkun kətōnence mō: Alōma ŋayi aŋkome ŋa ti, alōma ayamsē ŋa kənence teta kədif pokome paŋan, alōma ŋafōnence ŋasərka kəfaŋ kəŋan kəbəcə dēbe da dəkōm. Məna nwe mənşəŋe kəsumpər ti mō, məsumpər ti.»

Yesu ontolane awut pətət

Mark 10.13-16; Luk 18.15-17

¹³ Təm tatəkō tō afum ŋanakere Yesu awut afet nte tənşəŋe pədeŋ ŋa waca, pətōlane ŋa sō Kanu mō. Mba kō acəpse ōn darəŋ ŋaŋgbəŋ-gbəŋər ŋa.

¹⁴ Kō Yesu oloku acəpse ōn darəŋ: «Nəsak awut! Ta nəyamsər ŋa kəder nno iyi mō, bawo afum aŋe ŋayi pəmō awut afet akanje mō ŋayō dēbe da dəkōm.»

¹⁵ Kō Yesu endenəs ŋa waca dəsəbomp, k'ontolane ŋa pətət, k'eyefe k'əŋkō.

Wətemp wəka daka delarəm

Mark 10.17-31; Luk 18.18-30

¹⁶ Gbancana babəkō kō wərkun wəlōma ender pəyif Yesu: «Wətəkse, cəke cō pamar iyō tətət nte tentam kəsəŋ im kiyi wəyən ka doru o doru mō-ε?»

¹⁷ Mba kō Yesu eyif kō: «Ta ake tō məyif'em nte tōyōne tətət mō-ε? Kanu sona gbəŋ əyōne wətət. Kō məfaŋ kəsətər Kanu kiyi wəyən ka doru o doru-ε, mələləs mosom.» Kō wərkun nwe eyif Yesu: «Mosom mere?»

¹⁸ Kō Yesu oloku kō: «Ta mədif fum. Ta məsumpər dalakō. Ta məbaŋe fum sede sa yem. Ta məkiye.

¹⁹ Mələləs wisi kō wiri. Məbətər wenc əm pəmō təkō məmbətərne mō.»

²⁰ Kō wətemp nwe oloku Yesu: «İlələs maməkō fəp, akebut im sō-ε?»

²¹ Kō Yesu oloku kō: «Kō məfaŋ kalare decempi nte tənşəŋe pəsəŋ əm kiyi wəyən ka doru o doru mō-ε, məkō məcaməs daka dəkō məyō mō, māsəŋ pəsam papəkō atəyō daka. Kō məyō ti-ε, məndekəsətō daka delarəm nde dəkōm. Kō məlip-ε, məder məceps'em darəŋ.»

²² Nte wətemp nwe ene moloku maməkō mō, k'olukus dis dēdence kō, bawo enayō daka delarəm.

²³ Awa, kō Yesu oloku acəpse ōn darəŋ: «Kance, icloku nu: Pəncuca wəka daka kəberē dēbe da dəkōm.

²⁴ Icloku nu sō, kəberē ka yəkōme dəabi ŋa tēsembe kəfəfərēne kətəs kəberē ka wəka daka dēbe da dəkōm.»

²⁵ Nte acəpse ōn darəŋ ŋane moloku maməkō mō, kō tōsəŋe ŋa kənaŋkane cusu kəwos. Kō ŋayiftene: «Awa an'entam ōŋ kəfis-ε?»

²⁶ Kō Yesu əmāmən acəpse ōn darəŋ, k'oloku ŋa: «Afum ŋafətam, mba Kanu kəntam mes fəp.»

²⁷ Kò Piyer oloku Yesu: «Məcəŋkəl, səna səsak ca fəp kò səncəm'am darəŋ. Cəkò cə tetosu tendekəyi-ε?»

²⁸ Kò Yesu oloku ŋa: «Kance icloku nu teta nana aŋe nancəps'em darəŋ mɔ: Kò doru dofu dendeder-ε, Wan ka Wərkun endelek dəbe pənde dəcəm da nɔɔ da debeki dən, nana sɔ nandekənde səcəm wəcɔ kò mɛrəŋ sa dəbe, nəckiti cusunja wəcɔ kò mɛrəŋ ca Yisrayel.

²⁹ Nwe o nwe esak wəɔ, awenc aŋa, kas, kere, awut kò pəyɔne fε ti dalε dən tetu tewe tem, endekəsɔtɔ tasar tin ta yayəkɔ esak mɔ, pəsɔtɔ sɔ kiyi wəyən ka doru o doru.

³⁰ Akirin ɔlarəm ŋandekəyɔne adarəŋ, adarəŋ ɔlarəm ŋayɔne akirin.

20

Abəc a nde dəŋgbəŋkələ ya wɛn

¹ «Nte tɔ dəbe da dəkəm dowurɛne wəka abɔf wələma nwe ɛnawur bətbət suy kəkɔtɛn afum aŋe ŋaŋkɔbəcə kò nde ŋgbəŋkələ yɔn ya wɛn mɔ.

² Kò ŋantəŋne kò afum akɔ ɔsɔtɔ kəkɔbəcə kò mɔ, dəsək din pəsam gbələŋ bin, k'ɛŋkɛkɛre ŋa kəbəc nde ŋgbəŋkələ ya wɛn yɔn.

³ Kò wəka abɔf nwe owur walaha, k'ɔŋkɔ pənəŋk afum alɔma ŋayi dare disre ta ŋayi kəyɔ nte o nte-ε.

⁴ K'oloku ŋa: «Nana sɔ nəkɔ nəbəc nde dəŋgbəŋkələ ya wɛn, indekəsəŋ nu kəway nke pəmar mɔ.»

⁵ Kò afum aŋe ŋaŋkɔ ŋabəc. Kò wəka abɔf nwe owur daŋ kəkɔtɛn sɔ abəc alɔma, pəndeyi salifana k'owur sɔ.

⁶ Pəndeyi lahansara, kò wərkun nwe owur, k'ɔŋkɔ pənəŋk arkun alɔma dare disre ta ŋayi kəbəc nte o nte-ε, k'eyif ŋa: «Ta ake tɔ nəyine nɔ tɛbətət han dɔfɔy ta nəmbəc təlɔm o təlɔm-ε?»

⁷ Kò afum aŋe ŋaloku kɔ: «Fum ɔtələk su yɛbəc.» Kò wəka abɔf oloku ŋa: «Nana sɔ nəkɔ nəbəc nde dəŋgbəŋkələ yem.»

⁸ Nte pəndecop kəbiye mɔ, kò wəka abɔf nwe oloku wəkirin ka abəc ɔn: «Məwe abəc, məsəŋ ŋa kəway. Məcɔp aŋe ŋander tɛlpəs mɔ, mələpsər akɔ ŋanunkeɛna mɔ.»

⁹ Akɔ ŋancop yɛbəc lahansara mɔ ŋander, kò ŋasɔtɔ-sɔtɔ nwe o nwe gbələŋ bin bin.

¹⁰ Kò akɔ mariki ɛnanunkeɛne kələk yɛbəc mɔ ŋander ŋaccem-cɛmne kəsɔtɔ pəsam ŋacɛpər akɔ anunkeɛna kəsəŋ kəway mɔ, mba kò ŋa sɔ ŋasɔtɔ nwe o nwe pəsam gbələŋ bin bin.

¹¹ Nte ŋayi kəbaŋ kəway kəŋan mɔ, kò ŋancɔpɛne teta mariki wəka yɛbəc nwe.

¹² Kò ŋaloku: «Akaŋe ŋander tɛlpəs mɔ, dec din gbəŋ dɔ ŋambəc, kò məsəŋ ŋa kəway sətəŋne, səna aŋe sələpe dec kəbəc nne yowon disre mɔ.»

¹³ Kò wəka abɔf oloku wəkin ŋa dacɔ: «Wanapa, iyɔ f'am pələc, bafɔ pəsam gbələŋ bin bɔ sətəŋne ba?»

¹⁴ Məbaŋ pəkɔ pəyɔne pam mɔ, məkɔ. Tante isəŋ əm mɔ, t'indəsəŋ wəkɔ enderna tɛlpəs mɔ.

¹⁵ Pəmar f'em kəyɔ daka dem təkɔ infaŋ mɔ ba? Kəraca kò məyɔ nte iyɔ tes tɔtɔ mɔ ba?»

¹⁶ Ti disre akirin ŋandekəyɔne adarəŋ, adarəŋ ŋayɔne akirin.»

Yesu ɔsəŋe kəcɛre ta maas defi kò kəfɔtε kən afi dacɔ

Mark 10.32-34; Luk 18.31-34

¹⁷ Nte Yesu ɛncpe Yerusalem mɔ, k'ɛlek taciŋa acɛpse ɔn darəŋ aŋe wəcɔ kò mɛrəŋ, k'oloku ŋa dɔɔɔ:

¹⁸ «Nəcənjəkəl im, Yerusaləm ayi kəpə. Anjkələk Wan ka Wərkun, paber kə alonjə apəj, kə atəkse sariye s'aSuyif dəwaca. Akakə njadenər kə sariye sa defi.

¹⁹ Njandebər kə atəyənə aSuyif dewaca nte tənşənje njafani kə, njasut kə, njacan kə dətək yepəmpəl. Tataka ta maas, pəfətə afi daco.»

Totola ta iya ka awut a Sebede

Mark 10.35-45

²⁰ Iya ka awut a Sebede ələtərnə Yesu kə awut ən, k'ontontnə pəctola.

²¹ Kə Yesu eyif kərə kənan: «Cəke cə məfan-ε?» K'olukse kə: «Məsən im temer a awut em mēfənə akanə mənjbətnə mə, wəkin pənd'am kəca kətət, wəkə pənd'am kəca kəmeriya kə mənđeyi dəbē dam disrə-ε.»

²² Kə Yesu oloku: «Nəncərə fə nte nəyi kətola mə. Nəntam kəwosə kətərəs nke ina indəsətə mə ba?» Kə njawosə «Ey, səntam ki kəwosə.»

²³ K'oloku njə: «Awa nənə sə nəndəsətə kətərəs nke indəsətə mə, mba nte təyənə kəndə kəca kem kətət kə kəmeriya mə, bafə in'ənşən ti. Afum akə Papa kem olompse dəkəcəmə dadəkə mə njayə di.»

²⁴ Nte acəpse ən darənə njə wəco njane moloku maməkə mə, kə pəntələ njə nno awənc njə mēfənə njayə mə.

²⁵ Kə Yesu ewe nno eyi mə k'oloku njə: «Nəncərə a akirinə a təf ya doru njantasərnə afum njən k'abeki apəj njənkətənə kətam afum njən kəronj.

²⁶ Ta tatəkə teyi nu daco. Nwə o nwə njəfan kəbək nu daco mə, endeyənə wəmarəs konu.

²⁷ Nwə o nwə njəfan kəcəmə dəkəcəmə dəcəkə-cəkə mə, pəmar pəyənə wəcar konu.

²⁸ Ti disrə Wan ka Wərkun ender fə padəbəcə kə, mba ender kədəbəcə afum pəşən sə kiyi kən wəyənə pəwurur kənay ka afum.»

Yesu entaməs atənəjk mēfənə

Mark 10.46-52; Luk 18.35-43

²⁹ Nte Yesu kə acəpse ən darənə njawur Yeriko mə, kə kənay ka afum alarəm kəncəmə Yesu darənə.

³⁰ Atənəjk mēfənə njanandə dəpə kəsək, kə njane a Yesu eyi kəcəpər, awa kə njənkulə-kulə: «Məyənə su nənfər, Mariki, Wan ka Dawuda!»

³¹ Kə kənay ka afum kəgbənə-gbənə njə a njacanjk, mba njancnanjkanə kənanjkanə dəm kəkulə-kulə: «Məyənə su nənfər, Mariki, Wan ka Dawuda!»

³² Kə Yesu encəmə, k'ewe atənəjk njə pəcyif njə: «Cəke cə nəfan a iyənə nu-ε?»

³³ Kə atənəjk njə njaloku kə: «Mariki, məsənje su fər kəməpə, yənəjk!»

³⁴ Kə nənfər dosumpər Yesu tetənən, k'ənşəbunjenə njə fər. Gbəncana babəkə, kə njaluksərnə sə kənəjk, kə njancəmə nkən Yesu darənə.

21

Yesu embərə dare da Yerusaləm

Mark 11.1-11; Luk 19.28-40; Isay 12.12-19

¹ Nte Yesu kə acəpse ən darənə njanclətərnə Yerusaləm, njəsərəyi Bətfase ntende tərə ta Tək ya Olif mə, k'osom acəpse ən darənə mēfənə,

² pəcloku njə: «Nəkə nde dare dəkə dəyi nu tekirin mə, nənjəkəbər di səfale sərən pakot si, səfət səyi si kəsək. Nəsikəli səfale sasəkə nəkər'em.

³ Kə təyənə fum pəyif nu tes tələmə-ε, nələku kə: «Pəmar Mariki pəyənə si tes tələmə.» Anşakə nu si katəna.»

⁴ Tatəkə tənayi nte tənşənje moloku məkə Sayibə ənələku mə meyi:

⁵ «Nəloku afum aka Siyɔŋ nse səyɔne Yerusalem mɔ:
Məməmən! Wəbe kam endeder nnɔ məyi mɔ!
Elare pəbotu.

Sɔfale səran s'ende kəronj,
sɔfale səfet wan ka weseɛm nwe weŋsare-sare mɔ.»

⁶ Kɔ asepse ɔn darəŋ ŋaŋkɔ kəyɔ təkɔ Yesu ɛnasom ŋa mɔ.

⁷ Kɔ ŋaŋkere sɔfale səran kɔ səfet, nse ŋanadenjəsər suma səŋan mɔ. Kɔ Yesu ɛnde si kəronj.

⁸ Kɔ afum alaram akɔ ŋanayi di mɔ, ŋamper-peri suma səŋan dɔpɔ teta kəyek-yekəs kɔ. Alɔma ŋaccɛp wara wa tək ŋacper-perɛ kɔ wi dɔpɔ.

⁹ Kənay ka afum kəncəkɔ kɔ tekirinj, kɔ akɔ ŋanacəme kɔ darəŋ mɔ ŋackule-kule pəpəŋ: «Hosana, pələl pəyi Wan ka Dawuda! Kanu kəpocɛ pətət nwe ɛnderɛne tewe ta Mariki mɔ! Hosana,* pələl pəyi Kanu mofɔ meŋeci ma dəkɔm!»

¹⁰ Nte Yesu ɛmbɛɛ Yerusalem mɔ, kɔ dare fəp dendikcɛ pacyiftɛne: «Ana wərkun wəkawɛ ɔyɔne-ɛ?»

¹¹ Kɔ kənay ka afum kəlɔku: «Aŋnabi Yesu wəka Nasaret ɔfɔ, dare da atɔf ŋa Kalile.»

Yesu nde kələ kəpəŋ ka Kanu
Mark 11.15-17; Luk 19.45-46

¹² Kɔ Yesu ɛmbɛɛ nde kələ kəpəŋ ka Kanu disɛ. K'ɛmbeləs akɔ ŋanccaməs kɔ akɔ ŋancway dəndɔ kələ kəpəŋ ka Kanu mɔ, pəcɣbal mɛsa ya asəkpər pəsam kɔ səbɛnc sa acaməs ntantoriya.

¹³ Yesu pəcloku ŋa: «Ancic: Pəmar pawe kələ kem «Dəkətola Kanu da afum», mba kɔ nəna nəŋkafəli de tɔɣbəkene ta calbante.»

¹⁴ Awa, atənəŋk kɔ atətam kəkət ŋələtərne Yesu dəndɔ kələ kəpəŋ ka Kanu, k'ɛntaməs ŋa.

¹⁵ Mba kɔ pəntɛle alɔŋne apəŋ kɔ atəkse sariye s'aSuyif kəŋəŋk kəŋan mɛmɛ mocwəsəs cusu mme nkən Yesu ɔncyɔ mɔ, kɔ awut akɔ ŋanckule-kule kələ kəpəŋ ka Kanu disɛ mɔ: «Pələl pəyi Wan ka Dawuda!»

¹⁶ Alɔŋne kɔ atəkse akakɔ ŋayif Yesu: «Məne təkɔ ŋayi kəlɔku mɔ?» Kɔ Yesu oluksɛ ŋa: «Ey, ali katin nəŋkarəŋ fɛ moloku mame: «Məsəŋɛ ali awut kɔ cənaka ŋakor-kor'əm?»»

¹⁷ Kɔ Yesu ɛsak ŋa, k'owur dare disɛ k'ɔŋkɔ dare da Betani nde ɛnacɛpəɛne pibi mɔ.

Yesu ontolanɛ pələc kətək
Mark 11.12-14,20-25

¹⁸ Dɔckəsək bətbət nte Yesu eyi kəlukuɔ dare mɔ, kɔ dor dɔyɔ kɔ.

¹⁹ K'ɛnəŋk kətək ka yokom ya fik dɔpɔ, k'ɔlətərne ki, mba bɔpər ɣbəcəɾəm y'ɛnabəp. K'oloku kətək kanke: «Ta pəkɔm pɛdətərne sɔ mənə!» ɣbəncana babəkɔ kɔ kətək kanke kəwəs.

²⁰ Nte asepse ɔn darəŋ ŋanəŋk ti mɔ, kɔ pənciyane ŋa ŋacyifne: «Cəke cɔ kətək ka fik nke kəntam kəwəs ɣbəncana bambɛ-ɛ?»

²¹ Kɔ Yesu oluku ŋa: «Kance icloku nu: Kɔ nəntəmpər kəlanj ta nənəsərne-ɛ, nəntam kəyɔ nte ayɔ kətək ka fik kanke mɔ. Mba icloku nu sɔ, ali nəlɔku tɔɾɔ tante: «Məyotɛ nnɔ məkɔ mələmne dəkəba», tatəkɔ tenji.

²² Nte o nte nəntola Kanu kəlanj disɛ mɔ, nəŋsɔtɔ ti.»

*Deke kətam ka Yesu kənyəfə-ε ?**Mark 11.27-33; Luk 20.1-8*

²³ Kə Yesu əŋkə nde kələ kəpəŋ ka Kanu. Pəyi kətəkse, alonjə apəŋ kə abeki a dətəf ŋander ŋayif kə: «Kətam kəre kə mənəyənə mame-ε? An'əsəŋ əm kətam kanəkə-ε?»

²⁴ Kə Yesu olukse ŋa: «Ina sə, iyif nu toloku tin gboŋ, kə nəluks'em toloku tatəkə-ε, inloku nu kətam nke inyənə mame mə.»

²⁵ Deke kəgbət dəromun ka Saŋ kənyəfə-ε? Dəkəm, ka dəafum?» Kə afum aŋe ŋayəfə kəgbəkələne ŋacloku: «Kə səlukse: «Dəkəm», eŋyif su: «Ta ake tə nənatəlanjə Saŋ-ε?»

²⁶ Mba kə səlukse: «Dəafum-ε», səŋnese kənyəfə aŋe afum, bawo fəp fənacəre a Saŋ sayibe s'enayənə.»

²⁷ Kə ŋalukse Yesu: «Səncəre fə.» Kə Yesu nkən oloku ŋa sə: «Ina sə, ifəloku nu kətam nke inyənə mame mə.»

Totubcəne ta awut arkun mərəŋ

²⁸ Kə Yesu endenəŋ sə: «Nəcəŋkəl taruku tantə indeloku nu mə. Cəke cə nəncəm-cəmnə teta ti-ε? Wərkun enayi nwe enayo awut arkun mərəŋ. K'oloku Coco cən: «Wan kem, məkə məkə məbəc nde ŋgbəŋkələ ya wən wən.»

²⁹ Kə wan wəkəkə olukse kas: «Ala, ifəkə.» Nte təm təc təcəpər mə, kə abəkəc ŋeŋkafələ wan, k'osumpər dəpə, k'əŋkə dəkəbəcə kas.

³⁰ Kə kas kəŋan oloku sə toloku tin tayi Təŋə. Kə wəkəkə owosəne kas: «Awa Papa, inəkə,» mba enəkə fə di.

³¹ Awa, icyif nu: Awut akanjə mərəŋ, wəre əyə tefəŋ ta kas kəŋan-ε?» Kə ŋalukse: «Coco.» Kə Yesu oloku ŋa: «Kance icloku nu: Abanəs dut kə aran ayi yamayama ŋandəkəgbontu nu kəberə ka dəbe da dəkəm.»

³² Bawo Saŋ Batis enader k'eməntər nu dəpə dolompu da Kanu, kə nəntəlanj kə. Mba awerəs dut kə aran ayi yamayama ŋanalanj kə, ali nte nənanəŋk ti mə, tenasəŋe fə nu kəsəkpər bəkəc a nəlanj kə.»

*Totubcəne ta abəc a ŋgbəŋkələ ya wən aləc**Mark 12.1-12; Luk 20.9-19*

³³ Kə Yesu endenəŋ sə: «Nəcəŋkəl totubcəne tələma: Wəka abəf wələma enabəf ŋgbəŋkələ ya wən. K'əsəne yi saŋka haŋ k'əŋəŋkər, k'əŋkay dəkəfəcəs da wən, k'əncəmbər tetek tobume, k'əsəŋ yəbəc ya abəf ŋa ŋgbəŋkələ ya wən yayəkə afum ələma, ŋatəŋne kə akakə kəcəŋ kə kəway, kə nkən owur k'əŋkə marənt.»

³⁴ Təm ta kəpim ka yokom ya ŋgbəŋkələ tendebəp, kə wəka ŋgbəŋkələ osom acar ən nno abəc ən ŋayi mə kəkəbən təkə pəmar pəsətə mə.

³⁵ Kə abəc a ŋgbəŋkələ ya wən ŋasumpər acar akanjə, kə ŋasut wəkin, kə ŋandif wəka mərəŋ kə ŋanca-case wəka maas masar.

³⁶ Kə wəka ŋgbəkələ osom sə acar ələma, aŋe ŋanala ŋatas acəkə-cəkə mə. Kə abəc aŋe ŋayo akakə təkə ŋanayo afum acəkə-cəkə akə pəcuy pin payi mə.

³⁷ Telpəs əŋ, kə wəka ŋgbəŋkələ osom wan kən yati, pəclokune: «Nte wəkawə əyənə wan kem mə, ŋaŋkələləs kə!»

³⁸ Mba nte abəc ŋanəŋkə wan nwe mə, kə ŋalokene: «Wələk kən ke əfə, wəkawə! Nəder, padif kə, ke kəndeyənə kosu.»

³⁹ K'abəc ŋasumpər wan nwe, kə ŋaŋkəkəre kə saŋka sa ŋgbəŋkələ ya wən tadarəŋ, kə ŋandif kə.

⁴⁰ Awa, kə wəka ŋgbəŋkələ ya wən nwe endeder-ε, cəke c'endeyə abəc akanjə-ε?»

⁴¹ Kɔ ɲalukse Yesu: «Pədifət ayeŋki bəkəc akanɛ, ali nɔnɔfɔr ta pəyɔnɛ ɲa. Pəsɔŋ yɛbɛc ya ɲgbɔŋkələ ya wɛn yayɔkɔ abɛc alɔma aɲɛ ɲande ɲacsɔŋ kɔ yokom ya ɲgbɔŋkələ tɛm ta kəpim ka yi mɔ.» ***

⁴² Kɔ Yesu eyif: «Nəŋkarəŋ fɛ ali katin dəYecicəs Yosoku yayɛ ba?

«Togbu mɛɛ acəmbər kələ ɲanace mɔ
pɛnader pəyɔnɛ ɔŋ togbu pətət pa dacɔ.
DəMariki tɛyɛfɛ,

tes tɔ nte tenciyanɛ su dəfɔr mɔ.»

⁴³ Ti tɔsɔŋɛ nte iloku nu: Kanu kəndebəŋɛr nu akip ɲa dəbɛ dɔn, pəsɔŋ ɲi afum acuru aɲɛ ɲendekomər yokom yɔtət mɔ.

⁴⁴ [Nwɛ ɛntɛmpɛnɛ togbu tatəkɔ kəronɲ mɔ, ɛntɛpɛ. Məna nwɛ pɛntɛmpɛnɛ kəronɲ mɔ, pomputuk əm.]]†

⁴⁵ Nte ɲane totubcɛnɛ tatəkɔ mɔ, alɔŋnɛ apɔŋ kɔ aFarisi ɲancərəɛ a tetəŋan tɔ Yesu eyi kəloku.

⁴⁶ Kɔ ɲantɛn kəsumpər kɔ, mba kɔ ɲanese kəŋay ka afum, bawo ɲanalan a sayibɛ sɔ Yesu ɛnayɔnɛ.

22

Totubcɛnɛ ta yeri ya kəsata ka kəgbəŋɛ

Luk 14.16-24

¹ Kɔ Yesu ɔŋgbɔkərəɛ sɔ kəlɔk-lɔkər afum aɲɛ dəmotubcɛnɛ, k'oloku:

² «Dɛbɛ da dəkɔm dowurɛnɛ nte: Wəbɛ wələma ɛnaya, nwɛ ɛnalompəs yeri yɛlarəm ya kəgbəŋɛ ka wan kən wərkun mɔ,

³ k'osom acar ɔn kəkəwɛ afum aɲɛ anawɛ kədətəŋnɛ kəgbəŋɛ kanɲkɔ mɔ, mba kɔ afum aɲɛ ɲafati kəder.

⁴ K'ɔŋgbɔkərəɛ sɔ kəsom acar alɔma pəcɔlɔku ɲa: «Nəkɔ nəlɔku aɲɛ awɛ mɔ: Awa alip kəlompəs yeri, mura mem kɔ cəna cəbɔŋu cem andifət ci. Yɛbɛc ya kəlompəs yeri fəp yelip. Nəder pawoləs!».

⁵ Mba aɲɛ awɛ kəsata kanɲkɔ mɔ, ɲancɛm-cɛmnɛ fɛ kəkəwɔsɛ kəwɛ kanɲkɔ: Kɔ wəkin ɔŋkɔ dalɛ dɔn, kɔ wəkɔ nkɔn ɔŋkɔ dəyɛbɛc yɔn ya kəcəməs.

⁶ Kɔ alɔma ɲasumpər acar kɔ ɲayɔ ɲa pələc kɔ ɲandif ɲa.

⁷ Kɔ mɛtɛlɛ meyi wəbɛ, k'osom asɔdar ɔn ɲakɔ ɲamələk adifət afum akanɛ ɲacɔf sɔ dare danɲan.

⁸ Kɔ wəbɛ olɔku acar ɔn: «Yɛbɛc ya kəlompəs ka yeri ya kəgbəŋɛ yelip, mba aɲɛ awɛ mɔ, ɲayɔ fɛ deɛl dedinɛ yeri yayɛ.

⁹ Nəkɔ ndɛ səpɔ səkɔ səwur dare mɔ, nəwɛ nwɛ o nwɛ nəmbəp di mɔ, pədətəŋnɛ kəgbəŋɛ kanɲkɛ.»

¹⁰ Kɔ acar ɲalɛk dəpɔ, kɔ ɲalɔŋka afum atət kɔ alɛc aɲɛ ɲanabəp di mɔ fəp, nte tɔŋsɔŋɛ akut ɲɛlarɛ afum aɲɛ awɛ kəgbəŋɛ mɔ tɛp.

¹¹ Kɔ wəbɛ ɛmbɛrɛ pəcɔmɔmən aɲɛ ewɛ mɔ, kənəŋk wərkun wələma nwɛ ɔntəbɛrnɛ yamos ya kəsata mɔ.

¹² K'eyif kɔ: «Wanapa, cəkɛ cɔ məntam kəbɛrɛ nnɔ ta məmbɛrnɛ yamos ya kəsata-ɛ?» Mba wərkun nwɛ ɛnalukse fɛ wəbɛ tolɔku o tolɔku.

¹³ Kɔ wəbɛ olɔku abɛc ɔn: «Nəkɔt kɔ wɛcək kɔ waca, nələm kɔ ndɛ kubump ka dabəŋka disɛ. Difɔ kəbɔk kɔ kəŋəŋɛrɛnɛ sɛk kəndɛkɔyi.»

¹⁴ Kɔ Yesu ɛndɛŋɛr: « Afum alarəm ɲɔ Kanu kəŋwɛ kəbɛrɛ dɛbɛ da dəkɔm, mba apic ɲanayek-yek kəbɛrɛ ka di.»

Dut nde asoy wabe Sesar mo
Mark 12.13-17; Luk 20.20-26

¹⁵ Mata mamako disre k'aFarisi njalonkane, njacten kacape Yesu towul jansumpar ko damoloku.

¹⁶ K'aFarisi njasom accepse anjan daraj aloma ko afum a Herodu. Ko afum akako njanko njaloku Yesu: «Watakse, sancare a manjloku kance, ko mantakse afum dapo da Kanu kance fap disre, kanese ka fum kafayi am, bawo mafomaman dakacame darjan.

¹⁷ Awa maloku su tecem-cemne tam: Sariye sawose su kasonj Sesar wabe waka taf ya Rom dut ba, ka sawose fe su kasonj ko di?»

¹⁸ Mba Yesu nwe enacare mecem-cemne manjan melac mo, olukse ja: «Nana abanene kalomp! Ta ake to njanwakas em-e, ?

¹⁹ Namentar im gbalej mbe ansonje dut mo.» Ko njankefe ko gbalej ba pasam papoko.

²⁰ Ko Yesu eyif ja: «Alulu ko yecic ya ana yeyi gbalej bambi karonj-e?»

²¹ Ko njalukse Yesu: «Ja wabe Sesar ja.» Ko Yesu oloku ja nte: «Nasonj Sesar yoko yoyone yon mo, ko Kanu so yoko yoyone yon mo.»

²² Nte njane moloku mme mo, ko panciyane ja ko njasak Yesu ko njanko.

Ayif Yesu teta kayefe ka afi daco
Mark 12.18-27; Luk 20.27-38

²³ Awa aSadisi njancem-cemne a kayefe defi kayi fe. Dasok din dadako ko aloma ja daco njander njayif Yesu:

²⁴ «Watakse, Musa enaloku: Ko fum efi ta oyo wan, mba pasak wanan-e, pamar wenc ka wafi palek wacabokara wakako panence, pasonj wenc wafi yurya.

²⁵ Macanjkal, awenc camat-meraj aloma njanyi su daco. Ko wacoko-coko enence k'efi, mba nte enatoyo wan mo, k'esakare wenc wanan kon.

²⁶ Tatoko to waka meraj, waka maas hanj waka camat-meraj njanafis-fis so fap, ali wakin enasak fe wan.

²⁷ Nte dewenc aja delip kafis-fis mo, ko wanan fantare so k'efi.

²⁸ Awa, sayif am: Dasok nde afi njandekoyefe defi mo, awenc aja akanje camat-meraj an'endekasoto wanan wakaw-e? Bawo fap fanjan njananence ko!»

²⁹ Ko Yesu olukse ja: «Mecem-cemne monu masok fe, bawo nancare fe Yecicas Yosoku, nancare fe so fanontar fa Kanu.

³⁰ Dasok nde afi njandekoyefe dedefi mo, warkun ofonence, wanan ofolo, afodeko pacnence pamo meleke mme meyi dakom mo.

³¹ Nte toyone ta afum kayefe dedefi mo, nankaranj fe nte Kanu kaneloku nu daYecicas Yosoku mo ba?

³² In'oyone Kanu ka Abraham, ka Siyaka, ko ka Yakuba.» Bafu Kanu ka afi k'oyone, mba ka ayi wayerj.»

³³ Cusu canawos kanay ka afum anje njancanjkal metakse mon mo.

Tosom nte tembek dakacame mo
Mark 12.28-34; Luk 10.25-37

³⁴ Nte aFarisi njane a moloku motot ma Yesu masonje aSadisi kamep cusu mo, ko ja so njalonkane.

³⁵ Wakin ja daco nwe enayone watakse sariye s'aSuyif mo, eyif Yesu toloku nte tansonje pacape ko towul mo pasumpar ko damoloku mon:

³⁶ «Watakse, tosom tere tembek dakacame mosom ma sariye fap daco-e?»

37 Kɔ Yesu olukse kɔ: «Məbətəre Mariki Kanu kam abəkəc ɲam fəp, afəkəl ɲam fəp kɔ mɛcɛmɛmnɛ mam fəp.»

38 Tatəkɔ tɔyɔnɛ tosom tɔpɔɲ tɔcəkɔ-cəkɔ.

39 Tosom ta mɛfəɲ nte towurɛnɛ tɔcəkɔ-cəkɔ mɔ: «Məbətər wɛnc əm pəmə təkɔ məmbətərɛnɛ mɔ.»

40 Sariyɛ sa Musa kɔ mɛtəkɛ ma sayibɛ fəp, mosom maməkɔ mɛfəɲ mɔ mɛɲgbəkərɛ.»

Wəbɛ nwe Kanu kəyɛk-yɛk mɔ ɔyɔnɛ Wan ka Dawuda

Mark 12.35-37; Luk 20.41-44

41 Nte aFariɔ ɲanalɔɲkanɛ mɔ, kɔ Yesu eyif ɲa toloku nte:

42 «Cəke cɔ nəncɛm-cɛmnɛ teta Krist wəbɛ nwe Kanu kəyɛk-yɛk mɔ-ɛ? Wan ka ana ɔfɔ-ɛ?» Kɔ aFariɔ ɲaloku: «Wan ka Dawuda ɔfɔ.»

43 Kɔ Yesu eyif ɲa: «Ak'ɛnasɔɲɛ Dawuda kəwe Krist «Mariki mem»-ɛ? Nte Amera ɲa Kanu yati ɲenasɔɲɛ Dawuda kəlɔku dɔYecicəs Yosoku:

44 «Kɔ Mariki Kanu oloku Mariki mem:

Məder mənd'em nnɔ kəca kem kətət,

ɲaɲ iclip kəboc atɛrɛnɛ am wɛcək wam dəntɔf.

45 Kɔ Dawuda ewe ɔɲ Krist wəbɛ nwe Kanu kəyɛk-yɛk mɔ «Mariki mem»-ɛ, cəkɛ cɔ wəkəkɔ ɛntam sɔ kəyɔnɛ wan ka nkɔn Dawuda-ɛ?»

46 AFariɔ dacɔ, ali wəkin ɛnatam fɛ kəlukse kɔ toloku. Kələk dəsək dadəkɔ, ali fum eyɛɲk fɛ sɔ abəkəc kəyif kɔ toloku.

23

Yesu embɛɲɛ atəkɛ sariyɛ s'aSuyif kɔ aFariɔ

Mark 12.38-40; Luk 20.45-46

1 Kɔ Yesu ɛɲkafələ k'oloku kəɲay ka afum kɔ acɛpɛ sɔn darɔɲ:

2 «Atəkɛ sariyɛ s'aSuyif kɔ aFariɔ, ɲatəmpər kətəkɛ sariyɛ sa Musa.

3 Ti disrɛ nəcyɔ, nəccəmə sɔ mes məkɔ ɲande ɲaclɔku nu mɔ fəp, mba ta nəcyɔ mes məkɔ ɲaɲyɔ mɔ, bawo təkɔ ɲaɲlɔku mɔ, bafɔ ito ɲaɲyɔ.

4 ɲa ɲaɲsarəsər afum yɛsarɛ nyɛ yoncuca kəsarɛ mɔ, mba ɲasərka ɲafɔwosɛ ali tɛlɛr tɔɲan tin kəgbunɛ yɛ.

5 ɲayɔ məyɔ maɲan fəp nte tɔɲsɔɲɛ afum ɲanəɲk ɲa mɔ. Ti disrɛ, ɲambɛksəs sɛbɛ səɲan səkɔ ɲaɲkotnɛ dətɔbu kɔ dəkəca mɔ, ɲawəkələs tegberi suma səɲan cəsək.

6 Pəmbət ɲa kəcndɛ mofɔ mɛmɛ aɲlɛləs ɲa dəkədi yeri dəcəsata mɔ, kɔ səcɔm səkirin sa dəkətɔla Kanu dɔɲan.

7 Pəcbət ɲa sɔ nte aɲyif ɲa pələl mofɔ mɛmɛ ambəpsɛnɛ mɔ, afum ɲacwɛ ɲa «Atəkɛ.»

8 Mba nənə, ta nəwosɛ pawɛ nu «Atəkɛ,» bawo dɛwɛnc aɲa dɔ nəyɔ fəp fonu, Wətəkɛ wəkin gbɔɲ nəyɔ.

9 Ta nəlɛləs nwe ɔ nwe doru dandɛ nəwɛ wəkayɛ «Papa» bawo, wəkin gbɔɲ ɔyɔnɛ Papa konu, Papa mpɛ pɛyɛ ndɛ dəkəm mɔ.

10 Ta nəwosɛ pawɛ nu «abɛ,» bawo wəbɛ wəkin gbɔɲ nəyɔ nwe ɔyɔnɛ Krist mɔ.

11 Nwe embɛk dəkəcəmə nu dacɔ mɔ, pəmar pəyɔnɛ wəbəcɛ konu.

12 Nwe endeyoknɛ mɔ, andɛtorɛ kɔ. Nwe endɛtorɛ banca mɔ, andɛpɛnɛ kɔ.»

Yesu ɛnal atəkɛ sariyɛ s'aSuyif kɔ aFariɔ teta kətəlomp kəɲan

Mark 12.40; Luk 11.39-52; 20.45-47

13 «Pələc peyi nu nəna atəksə sariyə s'aSuyif kə aFarisi, nəna abanənə kələmp, nəngbətər afum kumba ka dəbe da dəkəm, nəna nəfəbərə, nəwosə fə sə akə nıfən kəbərə mə nıbəre.

[
14*]

15 Pələc peyi nəna atəksə sariyə s'aSuyif kə aFarisi, nəna abanənə kələmp! Nəckə marənt kəba kə antəf kəron kəten ka fum wəkin nwe nəmbərsənə dinə donu mə, kə fum wəkəkə elip on kəbərə-ε, nəsonə kə kəyonə wan wəka yahanama pəcepər nəna kəmerən.

16 Pələc peyi nu, nəna atənənk anə nınkətenə afum mə! Nən'entəksə a kə fum endərəm kələ kəron ka Kanu-ε, a təyo fə tələm o tələm. Mba kə təyonə pəderəm kəma ka kələ kəron ka Kanu-ε, tatəkə təyo tes.

17 Atonkulu atənənk! Ca yayəkə mərən pərə pəbek dəkəcəmə-ε, kəma ba, ka kələ kəron ka Kanu nke kəmpus kəma mə?

18 Kə fum oloku nu kəderəm tetek tolonə Kanu-ε, təyo fə tes. Mba kə fum endərəm polonə mpe pəfəntərə tetek tolonə kəron mə-ε, ti təyonə tes.

19 Nəna atənənk! Pərə pəbek dəkəcəmə-ε: polonə ba, ka tetek tolonə mpe pompus pi mə?

20 Awa icloku nu: Məna nwe mənderəm tetek tolonə mə, mənderəm pi kə ca yəkə yeyi pi kəron mə fəp.

21 Məna nwe mənderəm kələ kəron ka Kanu mə, mənderəm ki kə Kanu nke kəyi ki disre mə.

22 Məna nwe mənderəm kəm mə, mənderəm dəcəm da dəbe da Kanu kə Kanu nke kəndə di mə.

23 Pələc peyi nu, nəna atəksə sariyə s'aSuyif kə aFarisi, nəna abanənə kələmp! Nəcsən farile fa məkət, fa malənkan kə fa ces, nəcsak mes məkə melele dəsariyə sa Kanu mə, mes mme mə pəmar nəcyə: Nəmentər dolompu, nənfər kə kəsektərne teta Kanu, mba ta nəcsak kəcyə melpəs məkə.

24 Nəna atənənk anə nınkətenə afum mə! Tococ pə nəyi kəcən-çən, nəcmər yəkəmə!

25 Pələc pəron peyi nu, nəna atəksə sariyə s'aSuyif kə aFarisi, nəna abanənə kələmp! Nən'enyakəs takəron ta apət kə apəlet, mba yelərə yeri nyə nəmbənşər afum deke kə dəcək disre mə.

26 WəFarisi wətənənk! Məsəkəs kərəsna tedisre ta apət, nte tənşənə takəron ta nı tək sə mə.

27 Pələc peyi nu, nəna atəksə sariyə s'aSuyif kə aFarisi, nəna abanənə kələmp! Cufu nce ancem pəfer mə cə nəwurene. Cətesə todoru mba cəlarə bənt ya afum afi kə ca yəkək fəp.

28 Nəna sə todoru nəwurene alompu nno afum nıayi mə, mba tedisre tonu, nəlarə kəbanənə kələmp kə pələc.

29 Pələc peyi nəna, atəksə sariyə s'aSuyif kə aFarisi, nəna abanənə kələmp! Nəna anə nəncəmbər cufu cətət ca sayibə, nəcnəkəs cufu ca alompu mə,

30 nəcloku: «Pəcyənə a sənyi doru tēm ta atem asu-ε, kə sənanənkəl fə nı kələn ka mecir ma sayibə alarəm.

31 Ti disre nəna yati nəwosə sedə sa ti, a nən'əyonə yuruya ya akə nınadifət sayibə mə.

32 Awa, nələpəs təkə atem anu nınacop mə!

* 23:14 Yecias yokur yələma yendenər moloku mame: «Pələc peyi nəna atəksə sariyə s'aSuyif kə aFarisi, nəna abanənə kələmp! Nəbanər wələ wa acəbokəra, kə nəctola sali sabolu nte tənşənə afum nıfətə kəcəm-çəmne a afum atət nəyonə. Teta kəbanənə kələc nke nəndəsətə kiti kəyənki!»

³³ Nəna bok, dokom da nkisin! Cəke cə nəntam kəyeksər kiti ka yahanama-ε?

³⁴ Nəcənkəl: Ti təsəne nte indesom Sayibe, afum acərə kəkətene mes kə atəksə sariye nno nəyi mə. Nəndeko nəcdif aləma nəccəη ηa tək yepəmpəl kəron, nəcsute akə mərəηkən nde wələ wonu wa dəkətəla Kanu, nəcbələs ηa dəsədare kə sədare,

³⁵ nte təηsəne, nəsarə teta mecir ma alompu məkə moloηe kəyefe tēm ta Abəl wəlompu haη kəbəp ka mecir ma Sakary wan ka Barasi, nwε nənadif aηgbip kə tetek toloηne dacə mə.

³⁶ Icloku nu kance: Kəloη ka mecir maməkə fəp dətəmp dandε dendesare ki.»

Yesu ombok teta Yerusalem

Luk 13.34-35

³⁷ «Yerusalem, Yerusalem, mənə nwε məndif sayibe mə, məcca-cas akə Kanu kəηsom nno məyi mə, isep pələrəm kəloηka ka awut am pəmə nte acəkə ηokombəra ηoηloηka awut banca ya ηi dəntəf mə! Mba mənawosε fε ti.

³⁸ Awa nəcənkəl! Andesakərə nu kələ konu kəyə fos.

³⁹ Bawo, icloku nu, nəfəsəηk im haη tēm nte nənde nəcloku: «Kanu kəpocε pətət nwε enderene tewe ta Mariki mə!»

24

Yesu oloku a andeləsər kələ kəpəη ka Kanu

Mark 13.1-37; Luk 21.5-36

¹ Nte Yesu owur nde saηka sa kələ kəpəη ka Kanu pəckə mə, kə acεpse on darəη ηander ηasəne kə kəkəkce təcəmbər ta kələ.

² Mba kə Yesu olukse ηa: «Nəηəηk mame fəp? Icloku nu kance, tasar pəfədedeηse tasar kəroη nno, mpe antədewuη mə.»

Pələc kə kətərəs nkε kəyi kəder mə

Mark 13.5-13; Luk 21.8-19

³ Nte nte Yesu ənandε tərə ta Tək ya Olif mə, kə acεpse on darəη aləma akə ηanasol kə nkən mə, kə ηayifət kə ηəbəkərə: «Mələku su, tēm tere tə kələsər ka kələ kəpəη ka Kanu kəndeder-ε? Tεgbəkərə tere tendementər su a kəder kam nərə da debeki dam disre kə kəlip ka doru kəmbəp-ε?»

⁴ Kə Yesu olukse ηa: «Nəkəmbərne ta nwε o nwε pəsəne nu kəsəle!

⁵ Afum alarəm ηander ηacbaηene kəbəcə tewe tēm, ηacloku: «In'əyone Krist wəsom wəka Kanu!» Nəndetalər kənay ka afum alarəm.

⁶ Nəndene pəcloku teta kəwan nkε kələtərne mə, kə pəyone fε ti pacfor teta ki-ε: Nəkəmbərne ta nənese, mēne mes maməkə meyi, mba təfədeyone kərəsna kəlip ka doru.

⁷ Bawo afum a atəf ηələma ηəndeyefərēne kə afum a atəf ηocuru, dəbe dəyefərēne kə dəbe. Dor kə antəf kəyikce kə yendeyi mofə mələrəm.

⁸ Maməkə fəp mēndeyi pəmə kəcop ka pucuy pa dokombəra.

⁹ Awa, tēm tatəkə t'andelek aləma nu dacə paber pəcuca dəwaca, padif aləma nu dacə. Afum a təf ya doru fəp ηəndeter nu teta tewe tēm.

¹⁰ Tēm tatəkə, acεpse darəη alarəm ηandesak kəgbəkər kəlaη Kanu, ηəndetiηkərəne, ηəndeterēne aηε kə akə.

¹¹ Sayibe sa yem səlarəm səndewur, ηasəne afum alarəm kəsəle.

¹² Pələc pende pəcəmsər kəsəmsər dəm, təsəne kəbətər ka afum alarəm kəfər.

¹³ Mba nwε endebəkne ti haη mes maməkə melip mə, Kanu kəndeyac kə.

14 Andedəŋk Kibaru Kətət ka dəbe da Kanu nde dender mə afum a tɔf ya doru fəp, nte tɔŋsɔŋe aŋe ŋantɔcərə Kanu mə fəp ɲane ti. Awa, tɛm tatəko tendecəpər a doru dedelip.

Pucuy pendebəkər afum alarəm

Mark 13.14-23; Luk 21.20-24

15 Kɔ nændenəŋk pəyikiyik pələsər pəpɔŋ mpe Mariki enter mə, mpe Sayibe Daniyel ɛnaloku ta pi mə, pənde nde kəfo kəsoku-ɛ, pəmar wəkaranj ka buk bambɛ pəcərə tante:

16 Awa tɛm tatəko, aŋe ɲandeyi atɔf ɲa Yude mə, pəmar ɲa ɲayekse ɲapə mərə kəroŋ.

17 Nwɛ tendebəp pəyi dabanjka mə, ta pəberɛ kələ kən disrɛ kəkələk paka,

18 nwɛ tendebəp pəyi dale mə, ta pəlucus nde ndəron kəkələk duma dən.

19 Pucuy pere pə tendeyɔne abekəs, kɔ aŋe ɲande ɲacmɛsər dəsək dadək mə!

20 Nətola Kanu ta kəyekse konu kədəsurene dərɔŋ kɔ pəyɔne fɛ ti-ɛ dəsək da kəŋesəm nde ampuse Mariki mə.

21 Bawo pəcuy pendebək, mpe pɛntatəyi kəyefɛ nte doru doncop mə han ndekəl, fum o fum afəsətərəs pəmɔ tatəko.

22 Mba Kanu pənətəbelər mataka maməkɔ-ɛ, k'ali fum ɔfɔdekəfis. Mba ɛnabelər mataka maməkɔ teta akɔ ɛnayek-yek mə.

23 Awa, kɔ wələma oloku nu: «Məcəŋkəl: Krist eyi nnɔ», kɔ pəyɔne fɛ ti, «Eyi nde-ɛ,» ta nələŋ wəkayi.

24 Bawo abanɛne kəyɔne Krist kɔ sayibe sa yem ɲandewur doru, ɲacyɔ megbəkərə mɛwɛy-wɛy kɔ mes mocuca, nte tɔŋsɔŋe, kɔ tɔyɔne ɲactam-ɛ, ɲatalər akɔ Kanu kənayek-yek mə.

25 Nəcəŋkəl! Iloku nu mes mame ta mɛntabəp-ɛ.

26 K'aloku nu: «Nənəŋk, eyi nde dətɛgbərə-ɛ,» ta ɲayeksərne kəkɔ di. K'aloku nu sɔ: «Nənəŋk, eyi nde dukulɔ dɛfɛt dəkɔ-ɛ,» ta nələŋ ti.

27 Ti disrɛ kəder ka Wan ka Wərkun kəndeyi pəmɔ təkɔ pəmot pəŋsɔŋ pəwanjərə kəyefɛ nde dec dɛmpɛ han nde dɛŋkalɛ mə, tatəko tɔ kəder ka Wan ka Wərkun kəndeyi.

28 Nde kəbel kəndeyi mə, difɔ yɔfən yendebəpsɛnɛ.»

Kəder ka Wan ka Wərkun

Mark 13.24-27; Luk 21.25-28

29 Kɔ Yesu endenɔr sɔ: «Kɔ pucuy pa mata maməkɔ pencepər-ɛ, gbəncana babəkɔ bɔ pəndeyɔ gbərəp, ɲof ɲɔfɔdesəmar, cɔs cəndetɛmpɛne kəyefɛ dəkəm, fənɔntər fa kəm fəndeyikɛ.

30 Tɛm tatəko, tɛgbəkərə ta kəder ka Wan ka Wərkun tendewur dəkəm, afum a tɔf ya doru fəp ɲandekule-kule kənesɛ disrɛ, ɲacnəŋk Wan ka Wərkun pəcder kəp kəroŋ dəfənɔntər kɔ nərə da debeki dən disrɛ.

31 Tɛgbəkərə ta kəfula luk pəpɔŋ itɔ Wan ka Wərkun endesom mɛləkɛ ɔŋ, məkɔ moloŋka afum aŋe ɛyɛk-yɛk moŋkubut maŋkələ ma dəkəm kɔ antɔf mə.»

Tətəkəs ta totubcɛne ta kətək ka fik

Mark 13.28-31; Luk 21.29-33

32 Kɔ Yesu endenɔr sɔ: «Nətəkəs totubcɛne nte kətək ka fik kəmentər mə: Kɔ wara wa ki wɛcəŋk wɛləŋk-ɛ, nəcərə a kətən kəlɔtərne.

33 Nəna sɔ, kɔ nændenəŋk maməkɔ fəp-ɛ, nəcərə a Wan ka Wərkun ɔlətərne yati.

34 Kance icloku nu: Dɛtɛmp dandɛ dɔfɔcəpər ta maməkɔ fəp meyi-ɛ.

35 Kòm kò antòf yendesòlè mba moloku mem mofòdesòlè.»

*Kanu gbàcàram kàcàre tem nte doru dendelip mò
Mark 13.32-37; Luk 17.26-30,34-36*

36 Kò Yesu olòkú sò: «Ntè tǒyòné ta dǒsòk kò tem nte doru dendelip mò, ali fum encàre fè ti, ali melekè kò Wan ña sò ñancàre fè ti, mène Papa sona gbòj.

37 Tòkò tenayi tem ta Nuha mò, itò teta kàder ka Wan ka Wàrkun kàndeyi.

38 Ta mataka ma kutup mǎntabàp-é, afum ñandci yeri ñacmun, ñacnǎcè, ñacsòj sò awut anjan aran kàlò hanj dǒsòk ndé Nuha enabèrè debil mò,

39 ali kàcémcmnne kàfèt kànayi fè ña hanj kò kutup kànder kò kàmàlèk ña fàp. Tàtòkò tò kàder ka Wan ka Wàrkun kàndeyi.

40 Awa, kò arkun mèrèj ñayi dale-é, palèk wàkin, pasak wàka mèrèj.

41 K'aran mèrèj ñayi kàbifàli mǎngbèn-é, palèk wàkin, pasak wàka mèrèj.

42 Nàkembàrne, nàckar kàder kòn tem fàp, bawo nàncàre fè dǒsòk ndé Mariki monu mendeder mò.

43 Nàcàre ti belbel kò tǒyòné wàka kàlò pàcàre tem ta pibi nte wàke endeder dǎjkiye mò, wàka kàlò òfòdirè pàcbum kumba kòn ta wàke pàbèrè kàlò kòn disrè.

44 Ti tendesòjé nàna sò kàcàme nàckar, bawo Wan ka Wàrkun endeder tem nte nàntǒyò kò amera mò.»

*Wàmaràs wàlompú kò wàtòlomp
Luk 12.41-48*

45 Kò Yesu endèjari sò: «Wàmaràs wàsektàrne mariki mǎn pàckòtèné amera kǎyò pàtòt wàre mariki mǎn encàmbàr kǎyòné wàbum ka amaràs alpàs akò, pàcsòj ña yeri tem nte pàmar mò-é?

46 Pàbòt wàmaràs wàkàkò mariki mǎn mender mèbàp kò pàsumpàr yèbàc nyè enasom kò mò!

47 Kance iclòkú nu: Mariki mǎn mendesòjé kò kǎyòné ka wàcàmbàr-càmbàr ka daka dòn fàp.

48 Mba kò wàmaràs olòkunè dèbàkàc: «Mariki mem èntayèfè fè kàder,»

49 k'òncop kàsut anapa òn amaràs, pàcdi yeri pàcmun kò acis,

50 mariki ma wàmaràs wàkàkò endeder dǒsòk ndé òntǒyò kò amera mò, dec ndé òntòcàre mò,

51 pàbelàs wàmaràs wàkàkò, pàtòràs kò pàpòj pàmò tòkò antòràs abàjèné kàlomp mò. Difò kàbok kàndeyi kò kàjajàrèné sek.

25

Totubcèné ta ayecàra wàcò atòcàre arkun

1 Kò Yesu òncàr nte: «Tem tatókò, dèbè da dákòm dèndeyi pàmò ayecàra wàcò atòcàre arkun àjé ñanàlèk sàlamp kàkòbàrèné kò wàgbàjèné mò.

2 Kàcamàt kànayi ña daco àjé anatonjku mò, kàcamàt kàyi ña daco àjé ñancàre kàkòtèné mes mò.

3 Nte atonjku ñanclek sàlamp sàjan mò, ñanàlèkèné fè moro.

4 Mba ayecàra àjé ñanayòné acàrè mes mò, ñalèk sàlamp sàjan kò ñantòmpàrèné sò nwe o nwe moro dàtòkàbò.

5 Nte wàgbàjèné oncwon kàder mò, kò mere mǎyò ayecàra kò ñandirè.

6 Cèkcek càndèbàp, kò dim dowur: «Awa wàgbàjèné ender, nàwur pade pafayné kò!»

7 Kò ayecàra àjé ñantime kò ñayèfè kàlompàs sàlamp sàjan.

8 Kò ayecàra atonjku ñaloku acàrè kàkòtèné mes: «Nàpocè su moro monu, kànime kò sàlamp sosu sàndè!»

⁹ Mba kò acàrɛ kəkòtɛnɛ mes ɲaloku: «Moro mosu mɔfɔtɛɲnɛ su kɛmotɛnɛ kò nàna. Mɛnɛ nəkò nɔway nda akò ɲancaməs moro mɔ!»

¹⁰ Ayecàra atɔɲkulu ɲawur kəkòway moro, kò wəgbanɲɛ ender kumunt kəɲan darəɲ, ayecàra aɲɛ ɲanayi di mɔ ɲambɛrɛ dukulo kò wəgbanɲɛ, k'ancan kumba.

¹¹ Ntɛ pəwɔn pipic mɔ, kò ayecàra atɔɲkulu ɲander kò ɲaloku: «Mariki, mariki, məgbitɛ su!»

¹² Mba kò mariki mɛ mɔlukɛ ɲa: «Kance icloku nu: Incàrɛ fɛ nu!»

¹³ Ta nəpəlɛr, bawo nəncàrɛ fɛ dəsək, nəncàrɛ fɛ sɔ dec ndɛ indeder mɔ.»

Totubcɛnɛ ta amarəs maas

Luk 19.11-27

¹⁴ «Towurɛnɛ pəmɔ ntɛ wərkun ɛɲfan kəkò marənt, pəwɛ acar ɔn pəsɔɲ ɲa daka dɔn kəmɛɲk.

¹⁵ Kò wərkun nwɛ ɔsɔɲ kɛma kilo kəcamət wəcar wəkin, k'ɔsɔɲ wəka mɛrəɲ kilo kəmɛrəɲ, kò wəka maas kilo katin, ntɛ ɔsɔɲ nwɛ o nwɛ təkò ɛntam mɔ, k'ɛyɛfɛ k'ɔɲkò marənt.

¹⁶ Wəcar nwɛ anasɔɲ kəmɛɲk kɛma kilo kəcamət mɔ, ɔɲkò pəckafəli-kafəli waca haɲ k'ɔsɔtɔ sɔ kɛma kilo kəcamət kədəɲərɛ.

¹⁷ Nwɛ anasɔɲ kɛma kilo kəmɛrəɲ kəmɛɲk mɔ, nkɔn sɔ ɔɲkò pəckafəli-kafəli waca haɲ k'ɔsɔtɔ kɛma kədəɲərɛ kilo mɛrəɲ.

¹⁸ Wəcar nwɛ anasɔɲ kɛma kilo kin kəmɛɲk mɔ, ɔɲkò pəkay abi k'ɛmɛɲk pəsam pa mariki mɔn.

¹⁹ Ntɛ pəwɔn mɔ, kò mariki maɲan mender, k'ewɛ acar aɲɛ kədəyif ɲa ntɛ ɲambəc mɔ.

²⁰ Wəcar wəkò anasɔɲ kɛma kilo kəcamət kəmɛɲk mɔ, ender pəloku mariki mɔn: «Mariki, mənəsɔɲ im kəmɛɲk kɛma kilo kəcamət, inɲkafəli-kafəli waca k'isɔtɔ sɔ kilo kəcamət kədəɲər.»

²¹ Kò mariki mɔn moloku kò: «Tentesɛ, wəcar wətət məyɔnɛ nwɛ pəmar palan mɔ! Məlas kəlan teta tes tɛfɛt, awa dəkəcəmɛ dɔpɔɲ d'indəsɔɲ əm kətəmpər. Pəbət əm kò mariki mam.»

²² Wəcar nwɛ anasɔɲ kɛma kilo mɛrəɲ kəmɛɲk mɔ, ender pəloku: «Mariki, mənəsɔɲ im kəmɛɲk kɛma kilo mɛrəɲ, ntɛ inɲkafəli-kafəli waca mɔ, k'isɔtɔ kilo mɛrəɲ kədəɲər ka ki.»

²³ Kò mariki mɔn moloku kò: «Tentesɛ, wəcar wətət məyɔnɛ nwɛ pəmar palan mɔ! Məlas kəlan teta tes tɛfɛt, awa dəkəcəmɛ dɔpɔɲ d'indəsɔɲ əm kətəmpər. Pəbət əm kò mariki mam.»

²⁴ Wəcar wəkò anasɔɲ kəmɛɲk kɛma kilo kin mɔ ender pəloku: «Mariki, incàrɛ a fum wəcua məyɔnɛ: Kəfo kò məntɛl nkɛ mənətəgbal defet mɔ, məcpim yokom nyɛ mənətəbɔf mɔ.

²⁵ Inanɛsɛ, kò təsɔɲ'em kəkòmət kɛma kam dəntɔf: Ikò nkɛ, məbanɲ daka dəkò dɔyɔnɛ dam mɔ.

²⁶ Kò mariki mɔn moloku kò: «Wəcar wələc, wəfan! Məna mənacàrɛ a intel ndɛ intəgbal defet mɔ, icpim yokom nyɛ intəbɔf mɔ?»

²⁷ Pənamar məsɔɲ pəsam pɛm amɛɲk pəsam, kò ntɛ ilukus mɔ, k'imbanɲ pəsam pɛm isɔtɔ sɔ pi kəɔɲ kəntanɲbɛ.»

²⁸ Kò mariki mɛ mɔlukɛ: «Nəbanɲər kò kɛma, nəsɔɲ ki wəkò ɔsɔtɔn'em kɛma kilo wəcɔ mɔ.

²⁹ Bawo, andɛbɛrɛnɛ wəkò ɔyɔ mɔ haɲ pəlɛr kò, mba wətɔyɔ, andɛbanɲər kò ali pəkò ɔyɔ mɔ.

³⁰ Nəbɛləs wəcar wətɔyɔ dəkəcəmɛ dəkubump ka ndɛ dabanɲka. Difɔ kəbok kò kəɲanɲɛnɛ sek kəɲkɔyi.»»

Kəgbey ka alompu kə alec tēm nte doru dendelip mō

³¹ Kə Yesu endenəɾ sɔ: «Kə Wan ka Wərkun endeder nərɔ da debeki dən disre kə melekə fəp-ε, pəndε dɔcəm dən da dεbε.

³² Andelonka afum a tɔf ya doru fəp fər yən kirin. Pəgbey anε kə akə pəmo nte wəkek enɣbey ηkesiya kə cir mō:

³³ Pəcəmbər alompu kəca kətət kə alec kəca kəmeriya pəmo nte wəkek encəmbər ηkesiya kəca kən kətət, kə cir kəca kən kəmeriya mō.

³⁴ Awa, wəbε pəloku akə ηayi kə kəca kətət mō: «Nəder nənə anε Papa kem ompocε pətət mō. Nələk kε, dεbε ndε anacəmbərə nu kəyefε nte doru denacop mō.

³⁵ Bawo dər denasumpər im kə nəsoη im yeri, kə amera ηowos im kə nəsoη im domun, k'iyonε wəcikəra kə nəmban im,

³⁶ inawur dis fos kəfε kəctərəs im kə nəmber im yamos, k'incu kə nəten'em acɔl, k'iyi dəbili kə nənder nənənk im.»

³⁷ Awa, alompu ηalukse kə kəyif: «Mariki, ake tēm tɔ sənanənk əm dər dosumpər əm, kə səsoη əm yeri-ε? Ake tēm tɔ amera ηənawos əm, kə səsoη əm domun-ε?

³⁸ Ake tēm tɔ sənanənk əm məyɔnε wəcikəra, kə səmban əm-ε? Ake tēm tɔ mənayi dis fos kə səsoη əm yamos-ε?

³⁹ Ake tēm tɔ sənanənk əm məccu kə sənten'am acɔl-ε? Ake tēm tɔ mənayi dəbili, kə sənder kədenənk əm-ε?»

⁴⁰ Kə wəbε oloku ηa: «Kance icloku nu: Tēm o tēm tɔ nəyɔ tes tin ta mes mətət maməkɔ nwe efete dəkəcəme awenc im anja fəp dacɔ mō, ina yati nəyɔ ti.»

⁴¹ Kə tatəkɔ telip-ε, wəbε pədeloku akə ηayi kə kəca kəmeriya mō: «Nəbəl'em day, nənə anε Kanu kəsəη pələc mō. Nəkɔ nəberε dənenc ndε dəntənime doru o doru mō, ndε analompse ηənk Nələc kə melekə ma ηi mō.

⁴² Bawo dər denay'em kə nəntəsəη im yeri, kə amera ηowos im kə nəntəsəη im domun.

⁴³ Inayi decikəra kə nəntəban im, inawur dis fos kəfε kəctərəs im, kə nəntəsəη im yamos, inacu k'iyi dəbili kə nəntəkɔ kənənk im.»

⁴⁴ Ņa sɔ ηayif: «Mariki, ake tēm tɔ sənanənk əm dər dɔy'am, kə pəyɔnε fε ti amera ηowos əm, kə pəyɔnε fε ti məyi decikəra, məyi dis fos, məyi ta mantamne, kə pəyɔnε fε ti məyi dəbili ta sənkɔ səmar əm-ε?»

⁴⁵ Wəbε pəlukse ηa: «Kance icloku nu: Nte nənatəyɔnε ti wəkin akə ηafete mō dacɔ, ina nəntəyɔnε ti.»

⁴⁶ Akakɔ ηandebere kəctərəs disre ka Kanu nke kəntəlip doru o doru mō, mba alompu ηandebere kəyi wəyən ka doru o doru.»

26*Abε ηaseke Yesu tənəkəndəm**Mark 14.1-2; Luk 22.1-2*

¹ Nte Yesu elip kəloku moloku mame mō, k'oloku acεpse ɔn darəη:

² «Nəncərə a kə mata mərəη mendecəpər-ε, kəsata ka Kəcəpər ka Mələkə Medif kəyi. Andeber Wan ka Wərkun afum dəwaca nte tənəηε ηacən kə tək yepəmpəl kəroη mō.

³ Aloηne apəη kə abeki aSuyif ηandekələnkanε ndε kələ kəpəη ka wələnne wəpəη nwe anwe Kayif mō,

⁴ ηatəηne kəsumpər Yesu cəpənpən disre ηadif kə.

⁵ Ti disre kə ηalokene: «Ta pasumpər kə kəsata disre ta tedesəηε pidikce pedeyi afum dacɔ.»

Wəran wələma oloŋər domp da Yesu labunde
Mark 14.3-9; Luk 7.36-50; İsaŋ 12.1-8

⁶ Nte Yesu enayi Betani ndena Simoŋ wəcunε sen,

⁷ kə wəran wələma ɔlətərne Yesu. Wəran nwe pətəmpər təkəbə pa alabatər * pələre labunde da nar tər nde deyeŋk kəway mə, Yesu pəyi demesa kə wəran nwe ender pəloŋər kə labunde nde fəp dəromp.

⁸ Kə pəntele acepse a Yesu darəŋ ələma, kə ŋayifne: «Ta ake tə wəran wəkawe ələsəre-ləsəre labunde dandε-ε?»

⁹ Anatam di kəcaməs kəway kəyeŋki, pəsəŋ pəsam papəkə atəyə daka.»

¹⁰ Mba kə Yesu oloku: «Nəce kə! Ta ake tə nəŋnale kə-ε? Təyə tətət t'əyə nno ina iyi mə.

¹¹ Atəyə daka, ŋayi nu dacə tēm fəp. Mba ina, nəfədey'em tēm fəp.

¹² Nte oloŋər im labunde dandε dəris mə, kəbel kem k'eyi kəlompəs a pacwup ki.

¹³ Kance icloku nu: Nno o nno andedəŋk Kibaru Kətət kanke doru dandε kərkər mə, aŋloku sə təyə tətət nte wəran wəkawe əyə mə kəcem-ceməs ka doru.»

Yudas fəŋ kəber Yesu abe a aloŋne apəŋ dəwaca
Mark 14.10-11; Luk 22.3-6

¹⁴ Wəkin acepse a Yesu darəŋ wəco kə mərəŋ dacə, nwe ancwe Yudas wəka dare da Keriyot, əŋkə nde abe a aloŋne ŋayi mə,

¹⁵ kəkəyif ŋa: «Kə təyənε ilək Yesu ibər nu dəwaca-ε, pəsam cəke pə nəndesəŋ im-ε?» Kə abe aŋε ŋələm gbeti gbəleŋ wəco maas (30), kə ŋasəŋ kə.

¹⁶ Kə Yudas eyefe ŋə kətən təyə nte endeberε Yesu abe akakə dəwaca mə.

Yesu kə acepse ən darəŋ ŋaloŋkanε kəboc kəsata
Mark 14.12-21; Luk 22.7-14,21-23; İsaŋ 13.21-30

¹⁷ Dəsək dəcəkə-cəkə da kəsata ka Cəcom Cətəŋəŋkal Lebin, acepse a Yesu darəŋ ŋayif kə: «Deke məfəŋ səkəlomps'am yeri ya kəsata ka Kəcəpər ka Mələke Medif-ε?»

¹⁸ Kə Yesu oloku: «Nəkə nəberε dare ndena fum wələma, nəloku kə: «Wətəksε kosu oloku: Tēm tēm tələtərne, nno ndaram indecepərəne kəsata ka Kəcəpər ka Mələke Medif kə acepse em darəŋ.»

¹⁹ Kə acepse a Yesu darəŋ ŋayə təkə enasom ŋa mə, kə ŋalompəs yeri ya kəsata kan kə.

²⁰ Nte dəfəy dəmbəp mə, Yesu ŋandε demesa kə acepse ən darəŋ aŋε wəco kə mərəŋ.

²¹ ŋayi kədi yeri, kə Yesu oloku: «Kance icloku nu: Wəkin nu dacə, endeber im aterεne em dəwaca.»

²² Kə dis dēndence ŋa kə ŋaməncne, kə ŋayefe kəyifət Yesu: «Mariki, in'əfə ba?»

²³ Kə Yesu oloku: Nwe səmbər waca dap din disre kədi yeri mə endeber im aterεne em dəwaca.

²⁴ Wan ka Wərkun endefi pəmə təkə ancic ti mə. Mba pələc pere peyi wərkun wəkawe endeber Wan ka Wərkun aterεne ən dəwaca mə! Kənatəkom ka wərkun wəkawe kənatam kətesε kə!»

²⁵ Yudas nwe enayi kəyə Yesu cəpənpən mə, eyif Yesu: «Wətəksε, in'əfə ba?» Kə Yesu olukε kə: «Mən'oloku ti.»

Yesu kə acepse ən darəŋ ŋampəŋne kədi yeri telpəs
Mark 14.22-25; Luk 22.15-20; 1Ko 11.23-26

* **26:7** Təkəbə pa alabatər = Təkəbə pə mpe anclompse tasar pefer pəpat mə. Tasar pətət papəkə p'əŋwe «alabatər».

26 Nte njancdi yeri ma, ko Yesu elek kacom, k'eyif Kanu barka, k'entepi ki k'osonjas acepse on darəŋ pəcloku: «Nəbanj nəsom kacom kanje, dis dem da.»

27 K'elek so tɔmbəl ta wən, nte elip kəyif Kanu barka ma, k'osonj ɲa pəcloku: «Nəmun wən wawe fəp,

28 mecir mem ma, mme alonje kəcaŋəs ka danapa da Kanu ko kənay ka afum teta kəŋaŋnənə ka kiciya ma.

29 Kance icloku nu: Ifəsəmun wən haŋ dəsək nde indegbəkəre so kəmun wi ko nənə, nde dəbe da Papa kem ma.»

30 Nte ɲalip kələŋəs meleŋ mokor-kore Kanu ma, Yesu ko acepse on darəŋ ɲawurne ntende kəca ka tərɔ ta Tək ya Olif.

Yesu oloku Piyer a endegbəkəl kəcərə kən

Mark 14.26-31; Luk 22.31-34; Isaŋ 13.37-38

31 Nte Yesu ko acepse on darəŋ ɲambəp tərɔ tatəko ma, k'oloku ɲa: «Nənə akaŋe fəp nəndelukus im darəŋ, bawo Yecicəs Yosoku yoloku: «Indesut wəkək, ɲkesiya yocəl yesamsər.»

32 Mba k'indexətə afi daco-ε, indexəkər nu Kalile.»

33 Ko Piyer oloku ko: «Ali fəp fəlucus əm darəŋ, ina ifəlucus əm darəŋ.»

34 Ko Yesu oloku Piyer: «Kance, iclok'əm, pibi pampε yati, məndegbəkəl kəcər'əm kəmaas a kiciyi kəccam.»

35 Mba Piyer pəcgbəkəl ti: «Ali səcfi ko mənə, ifəgbəkəl a incər'am.» Acepse a Yesu darəŋ akə fəp toloku tin tayi tə ɲancloku.

Yesu ontola Kanu nde Ketsemane

Mark 14.32-42; Luk 22.40-46

36 Ti disre ko Yesu ender ko acepse on darəŋ nde kəfo nke aŋwe Ketsemane† ma, k'oloku acepse on darəŋ: «Nəndə nno, ibəle nu pipic itola Kanu.»

37 Ko Yesu elekənə Piyer ko awut a Sebede mərəŋ, nte dis dəndence Yesu ko abəkək ɲelece-lece ko ma,

38 k'oloku ɲa: «Abəkək ɲənaŋkanə kədenc'em pəmɔ ifi. Nəyi nno, ta padire!»

39 Ko Yesu əmbələne ɲa pipic, k'ontotnə k'embəkər kəcər tobu dantəf, k'ontola nte: «Papa kem, ko tɔyənə məwose ti-ε, məbələn'em tɔmbəl pa kətərəs pampε! Mba bafɔ təkɔ ifaŋ ti ma, mba təkɔ mənə Papa məfaŋ ti ma.»

40 Ko Yesu ender pəbəp acepse on darəŋ ɲacdirə. K'eyif Piyer: «Nəntam fe kətədirə ko ina ali dəc diŋ ba?»

41 Ta nədirə, nətola Kanu nte təŋsəŋe ta nəmbərə kəwakəs nke kəŋsəŋe nu kəyɔ mes məlec mə. Pəmbas mera yonu kəyɔ pətət, mba nəyɔ fe səkət kəyɔ ti.»

42 Ko Yesu əmbələ se ta mərəŋ k'ontola Kanu nte: «Papa kem, ko tɔyənə a tɔmbəl pampε pəfəbələ ta imun pi-ε, awa, tɔfaŋ tam teyi!»

43 Ko Yesu olukus, k'ender pəbəp acepse on darəŋ ɲacɔŋəs, nte fər yənəlɔ ɲa ma.

44 Ko Yesu esak ɲa k'əmbələ se, k'ontola se Kanu ta maas, pəcgbəkəre se moloku min mayi.

45 Ko Yesu oluksərne nno acepse on darəŋ ɲayi ma, k'əŋgbəŋ-gbəŋər ɲa: «Nəndirə se, kəŋesəm ko nəndə! Nəcəŋkəl: Təm tɔmbəp, ambər Wan ka Wərkun aciya dəwaca!

46 Nəyefe, paŋkən! Bawo nwε eyi kəber im afum dəwaca ma, olətərne.»

Kəsumpər ka Yesu

Mark 14.43-50; Luk 22.47-53; Isaŋ 18.2-11

26:31 «Indesut wəkək, ɲkesiya ya yocəl yesamsər.» Sakary 13.7 † 26:36 *Ketsemane* ito tatəko cəArame «Dəkəfəs moro».

47 Yesu pəsərolək-loku, gbəncana babəkə kə Yudas nwe enayi acəpse a Yesu aŋe wəco kə mērəŋ dacə mə, ender pəsölə kənay ka afum alarəm aŋe ŋanətəmpər-təmpər sakma kə tək yosutnənə mə. Alonjə apəŋ kə abeki aSuyif ŋanasom ŋa.

48 Yudas nwe encber Yesu aterənə ɔn dəwaca mə, enasəŋ asodar tēmənə nte: «Nwə iŋkəcup mə, nkən ɔfə wəkakə. Nəsumpər kə.»

49 Gbəncana babəkə kə Yudas ender, k'ələtərnə Yesu, k'ewe kə: «Iyif əm, Wətəksə,» k'oncup kə.

50 Kə Yesu oloku kə: «Wanapa, nte mänder kəyɔ mə, məyɔ ti.» Kə afum akakə ŋancəŋnə kə ŋantəpsər Yesu waca, kə ŋasumpər kə.

51 Gbəncana babəkə kə wəkin asol a Yesu dacə, owurə dakma k'encəp wəcar ka wəlonjə wəpəŋ aləŋəs, k'əŋgbinti ŋi.

52 Kə Yesu oloku kə: «Mələuksə dakma dam doɓom, bawo nwe o nwe endeyəfərənə dakma mə, dakma dendedif kə.

53 Məncəm-cəmnə a ifətam kəwe Papa kem nwe entam kəkər'em mələkə asodar alarəm cəgba wəco kə mērəŋ ca wul kə wul ba?

54 Cəke cə Yecicəs Yosoku yəntam kələre-ε? Bawo yənaloku a tante tə pəmar mes mame medecepər?»

55 Gbəncana babəkə bə Yesu enaloku kənay kəŋkə: «Nəwur kədəsumpər im, nətəmpər-təmpər sakma kə tək yosutnənə pəmə nte iŋyənə kalbante mə. Dəsək o dəsək inder inde nde kələ kəpəŋ ka Kanu ictəksə ta nənder nəsumpər im-ε.

56 Mba mame fəp meyi nte təŋsəŋə Yecicəs ya sayibə yelare mə. Kə acəpse darəŋ ŋasak Yesu kə ŋayəkse.

Yesu eyi nda aboc kiti

Mark 14.53-65; Luk 22.54-55,63-71; Isay 18.12-24

57 Afum aŋe ŋanasumpər Yesu mə ŋaŋkekərə kə ndena wəlonjə wəpəŋ Kayif, dədo atəkse sariyə kə abeki aSuyif ŋanabəpsənə.

58 Piyer enacəmə Yesu darəŋ pəbələ haŋ nde abanjka ŋa kələ ka wəlonjə wəpəŋ. Kə Piyer emberə dəsəŋka k'əŋkə pəndə k'abum a kələ ka wəlonjə Kayif kəsək pəckəkce nte mes ma Yesu mendəkəlip mə.

59 Alonjə apəŋ k'aboc kiti aSuyif fəp ŋancten yem nyə ŋantam kəyemsənə Yesu, nte təŋsəŋə padif kə mə.

60 Mba ŋanasəto fə, ali nte sedə alarəm ŋanader ŋaboncə kə yem mə. Təlpəs kə sedə mērəŋ sänder,

61 nse sənaloku: «Yesu oloku: «Intam kəcekəli kələ kəpəŋ ka Kanu, icəmbər sə ki mata maas disre.»»

62 Kə wəlonjə wəpəŋ eyəfə k'eyif Yesu: «Məfəlukse su tələm o tələm ba? Cəke cə məŋloku teta moloku ma sedə mme akanjə ŋambonc am mə?»

63 Mba kə Yesu encəŋk. Kə wəlonjə wəpəŋ oloku kə: «Tewe ta Kanu nke kəyi mə, məloku su kə təyənə mən'əyənə Krist, Wan ka Kanu-ε.»

64 Kə Yesu olukse kə: «Mən'oloku ti. Mba icloku nu, kəyefə oŋ ndəkəl, nəndenəŋk Wan ka Wərkun pəndə kəca kətət ka Kanu nke kəntam mes fəp mə, pəcder nəɔ da debeki dən disre kəp ka dəkəm kəroŋ.»

65 Kə wəlonjə wəpəŋ ewal-wali yamos yən pəcloku: «Ələməs Kanu! Sedə sərə sə pəmar payif-ε? Nəne təkə ontubcənənə Kanu mə, kələməs ka Kanu kə.

66 Cəke cə nəncəm-cəmnə-ε? Kə ŋalukse moloku: «Mənə padif kə.»

67 Ti disre kə ŋayukər Yesu lin dəkəro, kə ŋantiməs kə ŋkulma, aləma ŋacsut kə waca dəkənca, ŋacloku:

68 «Krist wəyək-yək wəka Kanu, məboncər su ma, nwe osut əm mə!»

Piyer eɲgbekal kaɓarɛ ka Yesu

Mark 14.66-72; Luk 22.56-62; Isaɲ 18.17,25-27

⁶⁹ Piyer pãnde nde dabanɲa, kɔ wacar wayecara wala ma olotarne ko, k'oloku: «Mana wɛkako mãnde mo, nan'enayi ko Yesu waka Kalile.»

⁷⁰ Mba ko Piyer eɲgbekal ti afum fap far kirin, paɓloku: «Ina, incare fe nte mana mafan kaloku mo.»

⁷¹ Nte nkan Piyer oncko dakusunɲa kawur mo, ko waran wala ma enanj ko so, k'oloku afum ako nanayi danda mo: «Wakawe, na nanayi ko Yesu waka Nasaret.»

⁷² Ko Piyer eɲgbekal so tatoko k'enderam: «Incare fe warkun wakawe!»

⁷³ Pawon fe ako nanacame di mo nalotarne Piyer ko nayif ko: «Mana so afum akanɛ na nayi, tolok-oku tam tementar ti.»

⁷⁴ Ko Piyer eyefe kaɓarɛ: «Kanu kataras im ko payone a kayeme k'inde-e! Incare fe fum wakawu nɛnle mo!» Gbanɓana baboko ko kicipi kanɓam.

⁷⁵ Ko Piyer encem-cemne moloku mako Yesu enaloku ko mo: «Mandegbekal katocar'em kamaas a kicipi kaccam.» Ko Piyer owur dabanɲa k'ombok belbel.

27

Anɲekare Yesu ndena Pilat

Mark 15.1; Luk 23.1-2; Isaɲ 18.28-32

¹ Nte batbat bambap mo, alonɓe aron ko abeki aSuyif fap nalonkanɛ ko nantɔnɛ a padif Yesu.

² Nte nalip kakot ko mo, ko nanɲekare ko, ko namber ko Pilat dawaca nwe enayone wakirin waka sadare sa Yude mo.

Defi da Yudas

Asom 1.18-19

³ Nte Yudas nwe enawure Yesu paber ko aterene on dawaca enanj a kadif k'anj ko Yesu mo, ko aboc nembere ko. K'olukse gbeti gbaleɲ waco maas alonɓe aron ko abeki,

⁴ paɓloku: «Inciya, imber wataciya nu dawaca nte tonɓonɛ padif ko mo.» Mba alonɓe aron ko abeki naloku: «Yudas, tatoko tomoman fe sana! Mana tatoko tomoman!»

⁵ Ko Yudas eɲgbal pasam dando kalo kapon ka Kanu, k'eyefe kɔfo kanɲo, k'onjo pagbekne k'efi.

⁶ Ko alonɓe aron nalonka gbaleɲ ba gbeti mbe, ko naloku: «Sariye sawose fe su kabɛ pasam papoko kele ka kalo kapon ka Kanu, bawo kaway ka mecir ko.»

⁷ Nte nanɲekare mo, ko nantɔnɛ kawaye ka gbeti baboko dale da wɛsel, payone di dakawup da acikara.

⁸ Ti tonɓonɛ k'asorowe dakawupene dadoko han mako «Dale da Mecir.»

⁹ Ko tɔyone moloku mme sayibe Yerey enadanj mo, melare: «Nanalek gbeti gbaleɲ waco maas. Gbeti baboko bo aka Yisrayel nanatɔnɛ kasonɛ ko,

¹⁰ ko nasonɛ bi teta dale da wɛsel, pamɔ nte Mariki enasom im ti mo.»*

Yesu encame far kirin ya Pilat kakiti

Mark 15.2-5; Luk 23.2-5,9-10; Isaɲ 18.29-38

¹¹ Ko wabe Pilat eyif Yesu: «Man'oyone wabe ka aSuyif ba?» Ko Yesu olukse ko: «Man'oloku ti.»

¹² Mba ali toloku tin Yesu enaloku fe kalukse moloku ma kayemsene mme alonɓe aron ko abeki nanabonɓe ko mo.

* **27:10** Sakary 11.12-13 ko mamoman so Yerey 18.2-3; 19.1-2; 32.6-15

13 Ti disre, ko wabe Pilat eyif ko so: «Mes meleɔ melarəm mme ɲambonc am mo, mafone mi ba?»

14 Mba ali toloku tin Yesu enalukse fe ko, ti tenawosəs wabe Pilat kusu pəpəŋ.

Wabe Pilat osom a padif Yesu

Mark 15.6-14; Luk 23.13-23; Isaŋ 18.39-40

15 Kəsata ka Kəcepər ka Mələkə Medif, wəkirin ka sədare sa Yude encsake afum yeŋən kəren o kəren tataka ta kəsata kaŋke, fum wəkin ayi dəbili daco nwe kənay ka afum kəncəŋ mo.

16 Tem tatəko wəyi dəbili wəloma enayi nwe tewe tən tenasam dətəf mo, pacwe ko Yesu Barabas.

17 Nte ɲanalɔŋkanə mo, ko Pilat eyif ɲa: «Yesu Barabas ko Yesu nwe aŋwe Krist mo, an'o nəfaŋ isak ko yeŋən-ε?»

18 Pilat enacəre a kəraca kənasəŋe ɲalək Yesu ɲaber ko dəwaca.

19 Tem nte Pilat enandə dəŋkiti mo, ko wəran kən osom pakoloku ko: «Ta təlɔm o təlɔm tey'am daco ko fum wəlɔmpu wəkawə! Bawo pibi pa moko intərɔna belbel icwəp teta fum wəkawə.»

20 Ko alɔŋne apəŋ ko abeki ɲagbiŋər kənay ka afum kəlɔku a pasake ɲa Barabas, padif Yesu.

21 Ko wabe Pilat eyif kənay: «Afum akanə mərəŋ an'o nəfaŋ a pasake nu yeŋən-ε?» Ko ɲalukse ko: «Barabas!»

22 Ko Pilat eyif ɲa so: «Ak'indeyɔne oŋ Yesu nwe aŋwe Krist mo?» Ko fəp fəlɔku: «Məcaŋ ko dətək yeɓəmpəl!»

23 Ko Pilat ɔŋgbəkəre so kəyif ɲa: «Pələc pere p'ɔyɔ-ε?» Mba ko kənay ka afum kənaŋkanə kəkule-kule: «Məcaŋ ko dətək yeɓəmpəl!»

24 Nte Pilat enacəre a əfɔtam tes o tes, ko pidikce pa kənay ka afum pəmbək kəbək dəm, k'ələk domun k'embikene waca fər ya afum kirin, k'oloku: «Isare fe kiciya ka defi da fum wəkawə. Nən'endesare kiciya ka kədif kən!»

25 Ko afum fəp ɲaloku: «Səwosə kəsare teta defi dən, səna ko awut asu!»

26 Ko Pilat esake afum aŋe Barabas, ko Barabas oŋko yeŋən. Nte Pilat elip kasom pasute Yesu tərɔŋkən mo, k'ember ko afum dəwaca a pacan ko dətək yeɓəmpəl.

Asodar ɲafani Yesu

Mark 15.16-20; Luk 23.11; Isaŋ 19.2-3

27 K'asodar a Pilat ɲaŋkəkəre Yesu tedisre ta kələ kən kəpəŋ, ko ɲalɔŋka dɛŋgbəŋk dadəko fəp nde dənəkəl ko mo.

28 K'asodar ɲawure Yesu yamos yən ko ɲamber ko burumus beyim.

29 Ko ɲandune ko aŋgbəŋkələ ɲa bəŋk ɲe ɲanacəp ko dərɔmp mo, ko ɲamber ko kəgbo dəkəca kətət kəyɔne ko kəŋgbasar k'abe, ko ɲancəpe ko suwu ɲacfani ko, ɲalɔku: «ɲyif əm, wabe ka aSuyif!»

30 Ko ɲayukər Yesu lin ko ɲalək kəgbo ɲacsut ko dərɔmp.

31 Nte ɲalip kəfani Yesu mo, ko ɲawure ko burumus boko ɲanabər ko mo, ko ɲamber ko so yamos yən. Ko ɲaŋkəkəre ko kəkəcaŋ ko dətək yeɓəmpəl.

Acanj Yesu dəkətək kəpəmpəl

Mark 15.21-32; Luk 23.26-43; Isaŋ 19.16-24

32 Nte asodar ɲancwur dare mo, ko ɲanəŋk wərkun wəka dare da Siren wəloma nwe ancwe Simɔŋ mo, ko ɲancəmbər ko yeɓac ya kəgbanne tək yeɓəmpəl nyə anakə kəcaŋ Yesu mo.

33 Ko ɲaŋko ɲabəp kəfo nke aŋwe Kolkota mo, ito tatəko «Kəfo ka Kəmbəmbələ.»

34 K'asɔdar ɲasɔŋ Yesu wɛn wɔnɔŋkɛl pɛdɔkɛt, mba nte ɛnatɛm wi temer mɔ, ɛnawosɛ fɛ wi kɛmun.

35 Nte ɲalip kɛcaŋ kɔ dɛtɔk yɛpɛmpɛl mɔ, kɔ ɲaŋkot yampurɲurɲur teta kɛyer yamos yɔn.†

36 Kɔ ɲandɛ ɲacbum kɔ.

37 K'antɛp kɔ domp takɔrɔŋ yecicɛs nyɛ yɛnaloku tes nte tɔsɔŋɛ k'andif kɔ mɔ: «Fum wɛkawe Yesu ɔfɔ, wɛbɛ ka aSuyif.»

38 Anacaŋ sɔ Yesu kɛsɛk dɛtɔk yɛpɛmpɛl tɛm tin kɔ calbante mɛrɛŋ, wɛkin pɛyi kɔ kɛca kɛtɔt, wɛkɔ pɛyi kɔ kɛca kɛmeriya.

39 Afum acepɛr ɲaclɔmɛs kɔ ɲacfɛk kɔ domp.

40 ɲacloku: «Mɛna nwe mɛncɛkɛli kɛlɔ kɛpɔŋ ka Kanu, mɛcɛmbɛr sɔ ki mata maas disɛ mɔ, mɛyacnɛ mɛnasɛrka! Kɔ tɔyɔnɛ a Wan ka Kanu mɛyɔnɛ-ɛ, mɛtɔr ɔŋ dɛtɔk yɛpɛmpɛl yayɛ!»

41 Aloŋɲɛ apɔŋ, atɛksɛ sariyɛ s'aSuyif kɔ abeki sɔ ɲancfani Yesu ɲacloku:

42 «ɛɲayac alɔma, mba ɔfɔtam kɛyacnɛ nkɔnsɛrka! Wɛbɛ ka Yisrayel ɔyɔnɛ: Awa pɛtɔr ɔŋ ma dɛtɔk yɛpɛmpɛl yayɛ, tɔsɔŋɛ sɛgbɛkɛr kɔ kɛlaŋ kosu!

43 ɛŋgbɛkɛr Kanu amera, awa Kanu kɛyac kɔ ɔŋ ma, kɔ tɔyɔnɛ Kanu kɛmbɔtɛr kɔ. Bawo oloku: «Wan ka Kanu iyɔnɛ!»

44 Calbante aŋɛ anacaŋ kɔ Yesu mɔ ɲaclɔmɛs kɔ tin tayi.

Defi da Yesu

Mark 15.33-41; Luk 23.44-49; Isaŋ 19.28-30

45 Pɛndeyi dan kɔ kubump kɛntɔr dɛntɔf fɔp haŋ salifana.

46 Salifana sɛndɛbɛp, kɔ Yesu ɔŋkule-kule: «*Eloyi, Eloyi, lema sabaktani?*» Itɔ tatɔkɔ: «Kanu kem, Kanu kem, ta ake tɔ mɛsak'em-ɛ?»

47 Kɔ afum alɔma akɔ ɲanayi di mɔ, ɲanane kɔ dim. ɲancloku kɛfɔtɔ disɛ a Aŋnabi Eli eyi kɛwe.

48 Kɔ fum wɛkin ɛyɛksɛ kɛkɛlɛk yangba, nyɛ ɛnapuk dɛmɛncɔncɔ mɔ, k'ɛnɛpsɛr yi dɛkɛmɔta k'ɛncɛnc kɔ yi a pɛmun.

49 Mba kɔ akɔ ɲaloku: «Mɛkar ma, pɛmɔmɛn belbel kɔ tɔyɔnɛ Eli ɛnderɛr kɛdeyac kɔ-ɛ.»

50 Kɔ Yesu ɔŋkule sɔ pɛpɔŋ, a k'olukɛ Kanu afɔkɛl ɲɔn.

51 Tɛm tatɔkɔ tɔ kɛlɔtɔ kɛlɛl nke kɛŋkɛŋk tɔksɔ ta kɛlɔ kɛpɔŋ ka Kanu mɔ kɛŋgbɛrɛ daco, kɛyɛfɛ takɔrɔŋ haŋ tantɔf. Kɔ antɔf ɲɛyɛfɛ kɛyikɛɛ pɛpɔŋ kɔ masar mɛŋgbɛrɛ,

52 kɔ cufu cɛŋgbite, kɔ cɛbel ca afum a Kanu alarɛm ɲafɔtɛ afi daco.

53 Kɔ ɲayɛfɛ dɛcufu nte Yesu ɔfɔtɛ afi daco mɔ, kɔ ɲambɛrɛ Yerusalem dare ndɛ ampuse Kanu mɔ, kɔ ɲamentɛrne afum alarɛm.

54 Wɛbɛ k'asɔdar wɛRom kɔ amarene ɔn asɔdar akɔ ɲanayi di ɲacbum kɛbel ka Yesu mɔ, ɲanesɛ pɛpɔŋ nte ɲananɛŋk antɔf kɛyikɛɛ, kɔ tɔkɔ tɛnayi kɛfi ka Yesu mɔ, kɔ ɲaloku: «Wɛkawe, Wan ka Kanu yati ɛnayi!»

55 Aran alarɛm ɲanacɛmɛ pɛbɔlɛ ɲacmɔmɛn, aran aŋɛ ɲanasol kɔ Yesu kɛyɛfɛ Kalilɛ kɛdɛbɛɛ kɔ mɔ.

56 Aran akakɔ daco, Mari wɛka Makdala, Mari iya wɛka Sak kɔ Isifu, kɔ iya ka awut arkun a Sebede.

Antɔrɛ Yesu dɛkufu

Mark 15.42-47; Luk 23.50-56; Isaŋ 19.38-42

57 Nte dɔfɔy dɛmbɛp mɔ, kɔ wɛrkun wɛka daka wɛlɔma ɛnder, wɛka dare da Arimate ɛnayi, pacwe kɔ Isifu. Nkɔn sɔ wɛɛpɛsɛ Yesu darɛŋ wɛlɔma ɛnayi.

† 27:35 Mɛmɔmɛn Yabura 22.18

27:46 Yesu ɛŋgbɛkɛrɛ moloku ma Dawuda Yabura 22.2

⁵⁸ Kò wærkun nwe òhko ndena Pilat k'òhko pətola kò kəbel ka Yesu. Kò Pilat osom a pasəŋ kò ki.

⁵⁹ Kò Isifu ɛlek kəbel ka Yesu, k'ɛnɛpsər ki kasanke ka kəloto kətelər kəfu,

⁶⁰ k'ontore kəbel ka Yesu dəkufu nkɛ anatətore wəfi kərəsna mə, kufu nkɛ nkən Isifu anayok a nkənsərka dətasar mə, k'osunce dəkəberɛ da kufu kanjko tasar təpəŋ, k'òhko.

⁶¹ Awa, Mari wəka Makdala kò Mari nwe ɛnayəne iya ka Sak kò Isifu mə ŋanayi di, ŋande ŋatefərne kufu.

Kəbum ka kufu

⁶² Dɔckəsək da tataka tolompəsneɛne dəsək da kəŋesəm, alonɛne apəŋ k'aFarisi ŋasol kò ŋanjo ndena Pilat,

⁶³ kò ŋaloku: «Mariki, səncem-cemne a wəyeme wəkawe ɛnaloku nte ɛnayi wəyɛŋ mə: «Tataka ta maas ta defi dem, indefote afi daco.»

⁶⁴ Awa, məsom afum ŋacbum kufu kən haŋ tataka ta maas, ta acepse ɔn darəŋ ŋadeder ŋakiye kəbel kən, ŋakafəle kəloku afum: «Nənəŋk, ɔfote afi daco!» Yem yayəkò yendebək sɔ yecəpər yɔcəkɔ-cəkɔ.»

⁶⁵ Kò Pilat oloku ŋa: «Iwosɛ kəsəŋ nu asodar, nəyɔ ŋa ŋabum kufu kanjko pəmə təkò nəfaŋ ti mə.»

⁶⁶ Awa, kò ŋanjo ŋalompəs tobum ta kufu nkɛ, kò ŋasunce ki tasar pəpəŋ, kò ŋancəmbər afum ŋancbum ki.

28

Yesu kəfote kən afi daco

Mark 16.1-10; Luk 24.1-12; Isay 20.1-10

¹ Dɔckəsək da dəsək da kəŋesəm, sandeŋ bətbət, Mari wəka dare da Makdala kò Mari wələma ŋander kəməmən kufu.

² Gbəncana babəkò kò antəf ŋeyikɛ pəpəŋ, bawo melekɛ ma Mariki mənator dantəf kədəbiŋkəli tasar, mende sɔ pi kəron.

³ Melekɛ maməkò mənayi pəmə pəmot pa dəkəm, yamos ya mi yefere pəŋ.

⁴ Kò asodar abum a kufu ŋayikcɛnɛ kənese, ŋaməmpne pəmə nte ŋanfi mə.

⁵ Mba kò melekɛ moloku aran: «Ta nənə nənese, bawo incərə a Yesu wəkò anacəŋ dətək yepəmpəl mə, nəyi kəten.

⁶ Eyi fɛ de, ɔfote afi daco pəmə təkò ɛnaloku ti mə. Nəder nəməmən nno kəfo nkɛ anaboc kò mə.

⁷ Nəkufe nəkəloku acepse ɔn darəŋ a Yesu ɔfote afi daco, awa a nəŋkəbər kò Kalile, difo nəŋkonəŋk kò. Nəcəŋkəl: Tatəkò t'iyona toloku nu.»

⁸ Kò aran aŋe ŋambəle kufu nkɛ katəna kənese kò pəbotu pəpəŋ disre, kò ŋayekɛ kəkəloku ti acepse a Yesu darəŋ.

⁹ Gbəncana babəkò kò Yesu ender aran aŋe tekiriŋ k'eyif ŋa: «Iyif nu!» Kò aran aŋe ŋabətərne kò ŋancəpɛ kò suwu kò ŋasumpər kò wɛcək teta kələlɛs kən.

¹⁰ Kò Yesu oloku ŋa: «Ta nənese, nəkò nəloku awenc im aŋa a ŋakò Kalile, a difo ŋandekənəŋk im.

Abum kufu ŋaləmər abɛ mes mmɛ mənacepər nde dəkufu mə

¹¹ Nte aran aŋe ŋanayi dəpə kəkò mə, awa kò abum a dəkufu aləma ŋambɛrɛ dare kò ŋaləmər alonɛne apəŋ mes məkò mənacepər mə fəp.

¹² Nte ŋaləŋkanɛ kò abeki mə, kò ŋantəŋne kəsəŋ asodar akakò pəsam pələrəm,

¹³ kò ŋasom asodar akakò nte: «Nəde nəloku: «Acepse ɔn darəŋ ŋanderna ŋakiye kò, tetəŋne sədirɛ.»

¹⁴ Kɔ wəkiriŋ ene ti-ε, səŋkɔcərəε kələk-lokər kɔ, nte tərŋsəŋε ta antərəs nu mə.»

¹⁵ Kɔ asɔdar ŋamban pəsam kɔ ŋayɔ təkɔ analokɔ ŋa mə. Kɔ taruku pa yem papəkɔ pəsam aSuyif dacɔ han məkɔ.

Yesu ementərne acεpse ɔn darəŋ

Mark 16.14-18; Luk 24.36-49; İsan 20.19-23; Asom 1.6-8

¹⁶ Kɔ acεpse a Yesu darəŋ anε wəcɔ kɔ pin ŋanəkɔ Kalile, nde tərɔ təkɔ Yesu enaboncər ŋa mə.

¹⁷ Nte ŋanəŋk Yesu mə, kɔ ŋantontnεnε kɔ, mba kɔ aloma ŋa dacɔ ŋanalip fe kələŋ tetɔn.

¹⁸ Kɔ Yesu ɔlətərne ŋa, k'olokɔ: «Kanɔ kəsəŋ im kətam fəp kəyεfe dəKɔm han dəntɔf.

¹⁹ Nəkɔ, nəsəŋε afum a tɔf ya doru fəp kəyɔnε acεpse em darəŋ, nəcgbət ŋa dəromun tewε ta Kas, ta Wan kɔ t'Amɛra Nəcempi,

²⁰ nəctəkse ŋa kələləs mosom məkɔ isom nu mə fəp. Awa kɔ ina iyi nu dacɔ dəsək o dəsək han doru delip.»

MARK

Kɛsɔkɛs ka Kibaru Kɛtɔt teta Yesu nkɛ Mark encicɛs mɔ

Kibaru Kɛtɔt ka Mark buk bin ba Kɛdem Kɛfu bɔ bɔyɔnɛ sɛbuk nɛɛ mɔnjɔkɛ daco nɛɛ saloku tecepɛrɛnɛ doru ta Yesu Krist mɔ. Buk mbɛ o mbɛ sɛbuk saɲɛ mɔnjɔkɛ daco, «Taruku ta Kibaru Kɛtɔt» t'anwe bi. Matiye, Mark, Luk kɔ Isaj ɲanacicɛs sɛbuk saɲɛ defi da Yesu Krist tadarɛɲ. Ancɛm-cɛmnɛ a taruku tante tɔ ananɲkɛnɛ kɛcicɛs meren wɛco camɛt-tin (60) kɛbɛp ka meren wɛco camɛt-mɛrɛɲ (70) nte kɛkom ka Yesu Krist kɛncepɛr mɔ. Acɛrɛ taruku alaram ɲancɛm-cɛmnɛ a dare da Rom anacic buk bambɛ, teta kɛyɛɲkɛs bɛkɛc ya alarɲ a Yesu aka Rom. Mark, nwe anacɛrɛ sɔ tewe ta «Isaj Mark» mɔ, wanapa ka asom a Yesu Pol kɔ Barnabas ɛnaya. Mba kɛpɛ kɔn tewe kɛnacop nte ɛnasak kɛkɛt marɛnt teta kɛsamsɛr tosom ta Yesu mɔ (Asom 13.13). Nte tencepɛr mɔ, Mark ɛnader pɛckɔt marɛnt kɔ Barnabas (Asom 15.37-39). Anacɛrɛ Mark kɛyɔnɛ ka wanapa wɛtɔt ka Piyɛr (1 Piyɛr 5.13). Ali nte kɛyɛ doru ka Yesu kɛnatɔcepɛr fɔr ya Mark kirinɲ mɔ, acɛrɛ taruku ɲancɛm-cɛmnɛ a Mark ɛnamɛɲkɛrɛnɛ moloku ma sede sa Piyɛr mɛmɛ mɔyɔnɛ mogbu ma Taruku ta Mark mɔ. DɛKibaru Kɛtɔt kɛɲkɔ disrɛ, Mark oloku teta acɛpɛsɛ a Yesu darɛɲ kɔ mɛtɛkɛsɛ ma Yesu teta tɛm tɛlpɛs ta doru.

Tokotɛrɛnɛ ta Taruku ta Kibaru Kɛtɔt ka Mark

1. Mark ementɛr buk (1.1-13)
2. Mark oloku tokɔtɛnɛ mes ma Yesu nte ɛnaya Kalile mɔ (1.14-8.21).
3. Kɔ tɛyɛfɛ dɛnda, k'oloku kɛkɔ marɛnt ka Yesu Yerusalem (8.22-10.52).
4. Dɛkɛlpɛsɛr, kɔ Mark encicɛs tecepɛrɛnɛ doru ta Yesu Krist ndɛ Yerusalem kɛlɛkɛnɛ defi kɔ kɛfɔtɛ kɔn afi daco (11.1-16.8).

Taruku ta Aɲnabi Saɲ Batis

- 1 Dɛkɛcop da Kibaru Kɛtɔt teta Yesu Krist* Wan ka Kanu dɔ dandɛ.
- 2 Deyi pɛmɔ nte ancic ti ndɛ buk ba sayibɛ Esayi disrɛ mɔ:
«Indekɛkɛrɛ wɛsom kem fɔr yam kirinɲ pɛkɔlompɛs'am dɔpɔ.
- 3 Fum wɛkɔ dim dɔn deyɛ kɛwɛr ndɛ dɛtɛgbɛrɛ mɔ ɔfɔ:
«Nɛlompɛs dɔpɔ da Mariki,
nɛlompɛ sɛpɔ sɔn sa wɛcɛk!»»
- 4 Itɔ Aɲnabi Saɲ Batis ɛnaderɛnɛ ndɛ dɛtɛgbɛrɛ, pɛckawandi a pagbɛt afum dɛromun teta kɛsɛkpɛr bɛkɛc ɲacɛmɛ pɛlompɛ darɛɲ, nte tɔɲsɔɲɛ Kanu kɛdɛɲɲɛnɛ ɲa kiciya kɛɲan mɔ.
- 5 Afum aka atɔf ɲa Yude kɔ aka Yerusalem fɛp ɲanckɔ ndɛ eyi mɔ, ɲacsɔtɛr kɔ kɛgbɛt dɛromun teta Kanu, ndɛ kɛɲgbɔkɔ ka Yurɛɲ ɲaccɛɲ kiciya kɛɲan afum daco.
- 6 Yamos ya cɛfon ca yɔkɔmɛ yɔ Saɲ ɛncbɛrɛnɛ, pɛcgbɛncɛnɛ bɛlɛt ba akata defi. Calarɲkɛma c'ɔncsɔm kɔ mɛsɛ ma cɛmɛ ca dɛkulum.
- 7 Pɛcdɛɲk: «Fum eyi kɛɛɛr im tadarɛɲ, nwe ɔyɔ fɛnɔntɛr pɛtas im mɔ, isɛtɔ fɛ dofum dɔtulɛnɛ isikɛli cɔfta cɔn.
- 8 Ina, dɛromun ingbɛt nu teta Kanu, mba nkɔn dɛAmɛra Nɛcɛmpɛ ɲa Kanu ɛndɛ pɛcgbɛt nu.»
- 9 Mata mamɔkɔ kɔ Yesu ɛndɛr kɛyɛfɛ Nasarɛt dare da Kalile, k'ɔsɔtɛr Saɲ kɛgbɛt dɛromun teta Kanu ndɛ kɛɲgbɔkɔ ka Yurɛɲ.

* **1:1** Krist = Tewe ta dɛkɛcɛmɛ da nwe Kanu kɛyɛk-yek kɛyɔnɛ ka wɛyɛc ka afum a doru mɔ. **1:2**

10 Yesu endepɛ dɛromun, gbɛncana babɔko k'ɛnɛɲk kɔm kɛɲgbɛrɛ, k'ɛnɛɲk sɔ Amera ɲa Kanu ɲotorɛr kɔ pɛmɔ antantoriya.

11 Kɔ dim dontor kɛyɛfɛ dɛkɔm: «Wan kem mɛyɔnɛ nwe imbɔtɛr mɔ, mɛn'ɔbɔt im mes belbel.»

12 Gbɛncana babɔko kɔ Amera ɲa Kanu ɲɛɲkɛkɛrɛ Yesu nde dɛtɛgbɛrɛ.

13 K'ɛncɛpɛrɛnɛ di mata wɔco mɛɲkɛlɛ (40), Sentani sɛcwakɛs kɛsɔɲɛ kɔ kɛciya. Sɛm ya dɛkulum yɔ ɲanayi, mɛlɛkɛ mɛckɛkɛs kɔ.

Acɛpsɛ darɛɲ a Yesu acɔkɔ-cɔkɔ aɲɛ mɛɲkɛlɛ

14 Ntɛ analip kɛsɔɲ Saɲ kɛbɛr dɛbili mɔ, kɔ Yesu ender Kalile, pɛcdɛɲk Kibaru Kátot ka Kanu,

15 pɛclɔku: «Tɛm tembɛp kɔ dɛbɛ da Kanu dɔlɔtɛrnɛ. Nɛsɛkpɛr bɛkɛc nɛlomp, nɛgbɛkɛr kɛlanj Kibaru Kátot ka Kanu!»

16 Ntɛ Yesu eyi kɛɛpɛr agbɛp ɲa kɛba ka Kalile kɛsɛk mɔ, k'ɛnɛɲk Simɔɲ kɔ Andɛrɛ wɛnc ka Simɔɲ, ɲacgbal manta dɛkɛba, bawo awɛnt ɲɔ ɲanayɔnɛ.

17 Kɔ Yesu oloku ɲa: «Nɛdɛr nɛɛps'ɛm darɛɲ, indɛsɔɲɛ nu kɛyɔnɛ awɛnt a afum.»

18 Gbɛncana babɔko kɔ ɲasak manta maɲan kɔ ɲancɛmɛ Yesu darɛɲ.

19 Ntɛ ɔɲkɔ kirin pɛpic mɔ, k'ɛnɛɲk Sak wan ka Sebede kɔ wɛnc Isan aɲɛ ɲanayi abil ɲaɲan disrɛ ɲaclompɛs-lompɛs manta mɔ.

20 Gbɛncana babɔko k'ɛwɛ sɔ akakɔ mɛrɛɲ nte tɔɲsɔɲɛ ɲayɔnɛ acɛpsɛ ɔn mɔ. Kɔ ɲasak kas kɛɲan Sebede debil kɔ akɔ ɲacbɛc mɔ, kɔ ɲancɛpsɛ Yesu darɛɲ.

Fum nwe ɲɔɲk ɲɛlɛc ɲɛntɔrɛs kɔ mɔ

21 Kɔ ɲambɛrɛ dare da Kaparnam. Ntɛ ɲaɲkɔ dɛkɛtɔla Kanu da aSuyif simiti, dɔsɔk da kɛɲɛsɛm mɔ, kɔ Yesu oncɔp kɛtɛksɛ.

22 Cusu cɛnawos ɲa kɛtɛksɛ kɔn, bawo ɛntɛksɛ pɛmɔ fum nwe ɔntɔmpɛr kɛtam mɔ, ɛntɛksɛ fɛ pɛmɔ atɛksɛ sariyɛ s'aSuyif.

23 Tɛnatɔɲɛ wɛrkun wɛlɔma nwe ɲɔɲk ɲɛlɛc ɲɛnabɛrɛ mɔ pɛyi dɛkɛtɔla Kanu da aSuyif dadɔkɔ disrɛ, pɛckulɛ-kulɛ:

24 «Ta ake tɔ mɛmbɛrɛnɛ mes mosu-ɛ, Yesu wɛka Nasarɛt? Dɛkɛlɛsɛr su mɛnder ba? Sɛncɛrɛ belbel nwe mɛyɔnɛ mɔ: Wɛcɛmpi wɛka Kanu!»

25 Kɔ Yesu ɛɲgbɔɲ-gbɔɲɔr ɲi, pɛclɔku: Mɛmɛp kusu! Mɛwur fum wɛkawɛ dɛris.

26 Kɔ ɲɔɲk ɲɛlɛc ɲowur kɔ dɛris ɲɛcyikɛc kɔ pɛpɔɲ, ɲɔckulɛ-kulɛ sɔ pɛpɔɲ.

27 Kɔ cusu cɛwos afum fɛp, ɲacgbɛkɛlɛnɛ taɲan: «Tɛrɛ tɔ tantɛ-ɛ? Kɛtɛksɛ kɛfu, dɛbɛ dɛrɛ! ɔntɔmpɛr ali dɛbɛ da yɔɲk yɛlɛc, nyɛ yɛɲlɛlɛs mosom mɔn mɔ!»

28 Kɔ debeki da tewɛ tɔn dɛsamsɛr katɔna katɔna mɔmpɔmpɔ ma Kalile fɛp.

Yesu ɛntamɛs acuy alarɛm

29 Ntɛ ɲawur dɛkɛtɔla Kanu da aSuyif mɔ, nkɔn Sak kɔ Isan ɲaɲkɔ ndɛna Simɔɲ kɔ Andɛrɛ.

30 Iya wɛka wɛran ka Simɔɲ ɛnafɛntɛrɛ ta ɛntamɛnɛ-ɛ, fiba fɛnayi kɔ, gbɛncana babɔko k'aloku Yesu tetɔn.

31 K'ɔncɔɲɛ, k'osumpɛr kɔ kɛca k'ɛyɛkti, kɔ fiba fɛsak kɔ, k'ɛyɛrɛs afum yɛri.

32 Ntɛ dɔfɔy dɛndɛr, kɔ dec dɛɲkɛlɛ mɔ, k'ɛɲkɛrɛ kɔ acuy fɛp kɔ aɲɛ yɔɲk yɛlɛc yɔntɔrɛs mɔ.

33 Kɔ afum a dare fɛp ɲalɔɲkanɛ ndɛ kusɔɲka ka dɛkɛlɛ.

34 K'ɛntamɛs acuy alarɛm aɲɛ ɲancɛnɛ docu yamayama mɔ, pɛcbɛlɛs yɔɲk yɛlɛc yɛlarɛm. ɛncsak fɛ yɔɲk yɛlɛc yɔlɔk-loku, bawo yɛncɛrɛ kɔ.

Yesu ɲɛkɛtɛnɛ Kalile

³⁵ Bɔ̄tɔ̄t ta pɔ̄ntayɔ̄ wɔ̄njɔ̄kɔ̄ra-ɛ, k'eyɛfɛ k'owur kɔ̄kɔ̄ ka kɔ̄fo kɔ̄yer-yer kɔ̄lɔ̄ma, k'ɔ̄njɔ̄kɔ̄ pɔ̄cɔ̄mɛ kɔ̄tɔ̄la Kanu.

³⁶ Simɔ̄nj kɔ̄ asol ɔ̄n nɔ̄mbelkɔ̄r kɔ̄tɛn kɔ̄.

³⁷ Ntɛ nɔ̄anɔ̄nj kɔ̄ mɔ̄, kɔ̄ nɔ̄aloku kɔ̄: «Fɔ̄p fɔ̄yi kɔ̄tɛn ɔ̄m.»

³⁸ Kɔ̄ Yesu oloku nɔ̄: «Pɔ̄njɔ̄kɔ̄n kɔ̄fo kɔ̄lɔ̄ma, ndɛ sɔ̄dare nɛsɛ sɔ̄lɔ̄tɔ̄rnɛ mɔ̄, ntɛ tɔ̄njɔ̄njɛ dɔ̄ndɔ̄ sɔ̄ idɔ̄njɔ̄k Kibaru Kɔ̄tɔ̄t mɔ̄, bawo ito iwurɛnɛ.»

³⁹ Kɔ̄ Yesu ɔ̄njɔ̄kɔ̄tɛnɛ atɔ̄f nɔ̄ Kalile fɔ̄p, pɔ̄cɔ̄kawandi Kibaru Kɔ̄tɔ̄t dɔ̄kɔ̄tɔ̄la Kanu d'aSuyif, pɔ̄cɔ̄bɛlsɛnɛ sɔ̄ yɔ̄njɔ̄k yɛlɛc.

Yesu ɛntamɔ̄s wɔ̄cunɛ sen

⁴⁰ Kɔ̄ wɔ̄cunɛ sen wɔ̄lɔ̄ma ender nnɔ̄ Yesu eyi mɔ̄, k'ɛncɔ̄p suwu pɔ̄cɔ̄letsɛnɛ Yesu: «Kɔ̄ mɔ̄fanj ti-ɛ, mɔ̄ntam kɔ̄sɔ̄kɔ̄s im.»

⁴¹ Kɔ̄ Yesu ɔ̄yɔ̄nɛ kɔ̄ nɔ̄nɔ̄fɔ̄r, k'ɛntɛnc kɔ̄ kɔ̄ca, k'ɔ̄njɔ̄gbunɛnɛ kɔ̄, k'oloku: «Ifanj ti, mɔ̄sɔ̄k!»

⁴² Gbɔ̄ncana babɔ̄kɔ̄ kɔ̄ sen sɔ̄sak kɔ̄, k'ɔ̄sɔ̄k.

⁴³ Kɔ̄ Yesu ɛmbɛlɔ̄s kɔ̄ pɔ̄ctɔ̄nj-tɔ̄nj kɔ̄:

⁴⁴ «Ta mɔ̄loku ti fum o fum, mba mɔ̄kɔ̄ mɔ̄mentɔ̄rnɛ wɔ̄lɔ̄njnɛ, mɔ̄kɛnɛ kɔ̄ pɔ̄lɔ̄njnɛ tɛta kɔ̄sɔ̄kɔ̄s kam pɔ̄mɔ̄ tɔ̄kɔ̄ Musa ɛncic ti mɔ̄, tendɛyɔ̄nɛ afum fɔ̄p kɔ̄cɔ̄rɛ a mɔ̄ntamnnɛ.»

⁴⁵ Mba wɔ̄rkun nwɛ, ntɛ nkɔ̄n ɔ̄njɔ̄kɔ̄ mɔ̄, k'eyɛfɛ kɔ̄dɔ̄njɔ̄k ti pɔ̄pɔ̄nj, pɔ̄cɔ̄samsɔ̄rɛnɛ toloku tatɔ̄kɔ̄, kɔ̄ tɔ̄sɔ̄njɛ Yesu kɔ̄tɔ̄tam sɔ̄ kɔ̄bɛrɛ dare. Dare kɔ̄sɔ̄k ɛncyi, mɔ̄fo meyer-yer mɛmɛ afum nɔ̄anɔ̄tɔ̄ kɔ̄cyi mɔ̄, afum nɔ̄ancder kɔ̄ kɔ̄yɛfɛ mɔ̄fo fɔ̄p.

2

Yesu kɔ̄tamɔ̄s kɔ̄n fum wɔ̄tɔ̄tam kɔ̄kɔ̄t

¹ Ntɛ mata mɔ̄lɔ̄ma mɛncɛpɔ̄r mɔ̄, kɔ̄ Yesu ender Kaparnam. K'ane a Yesu eyi dɛkɛr,

² k'afum alarɔ̄m nɔ̄alɔ̄njkanɛ hanj kɔ̄ dɔ̄kɔ̄cɔ̄mɛ delip ali ndɛ dɔ̄kɔ̄sunjka. Yesu pɔ̄ccam nɔ̄a toloku ta Kanu.

³ K'anjkerɛ kɔ̄ wɔ̄fi wɛcɔ̄k nwɛ afum mɔ̄njɔ̄kɔ̄lɛ nɔ̄anagbɔ̄njnɛ mɔ̄.

⁴ Ntɛ agbɔ̄njnɛ ɔ̄n nɔ̄anɔ̄tɔ̄tam kɔ̄kɛkɛrɛ kɔ̄ hanj ndɛ Yesu eyi mɔ̄ tɛta dɛlay da afum, kɔ̄ nɔ̄ampɛsɛ kɔ̄lɔ̄ kɔ̄rɔ̄nj* nɔ̄asurɛnɛ da Yesu ɛnacɔ̄mɛ mɔ̄, kɔ̄ nɔ̄afeni da nɔ̄anɔ̄rɛnɛ yala nyɛ wɔ̄tɔ̄tam kɔ̄kɔ̄t wɔ̄kɔ̄kɔ̄ ɛnafɔ̄ntɔ̄rɛ mɔ̄.

⁵ Ntɛ Yesu ɛnɔ̄njɔ̄k kɔ̄lanj kɔ̄nɔ̄an mɔ̄, k'oloku wɔ̄fi wɛcɔ̄k: «Wɛnc im, anɔ̄anjnɛn'am kiciya kam.»

⁶ Atɔ̄ksɛ sariyɛ s'aSuyif alɔ̄ma anɛ nɔ̄anandɛ di mɔ̄, nɔ̄accɛm-cɛmnnɛ dɛbɔ̄kɔ̄c ntɛ:

⁷ «T'ake tɔ̄njɔ̄lok-lokɛ tantɛ-ɛ? Kɔ̄lɔ̄mɔ̄s k'ɛndɛ Mariki! An'ɛntam kɔ̄nɔ̄anjnɛnɛ kiciya kɔ̄ pɔ̄ntɔ̄yɔ̄nɛ Kanu sona-ɛ?»

⁸ Kɔ̄ Yesu ɛncɔ̄rɛ gbɔ̄ncana babɔ̄kɔ̄ amɛra nɔ̄n disrɛ mɛcɛm-cɛmnnɛ mɛmɛ mɛnɔ̄yi atɔ̄ksɛ sariyɛ akakɔ̄ mɔ̄. Kɔ̄ Yesu eyif nɔ̄: «T'ake tɔ̄ mɛcɛm-cɛmnnɛ mɛmɛ meyinɛ nu-ɛ?»

⁹ Mosom mɛrɛnj mɔ̄ mɛmɛ, tosom tɛrɛ tɔ̄tɔ̄cuca kɔ̄loku wɔ̄fi wɛcɔ̄k-ɛ: «Anɔ̄anjnɛn'am kiciya kam,» kɔ̄ kɔ̄loku: «Mɔ̄yɛfɛ, mɔ̄lɛk pɔ̄ko pam, mɔ̄kɔ̄t?»

¹⁰ Awa, indɛyɔ̄ nu tantɛ, ntɛ tɔ̄njɔ̄njɛ nɔ̄cɔ̄rɛ a ina, Wan ka Wɔ̄rkun, intɔ̄mpɔ̄r kɔ̄tam kɔ̄nɔ̄anjnɛnɛ ka kiciya nnɔ̄ dɔ̄ru dandɛ.» Kɔ̄ Yesu oloku wɔ̄fi wɛcɔ̄k:

¹¹ «Ilok'ɔ̄m: Mɔ̄yɛfɛ, mɔ̄lɛk pɔ̄ko pam, mɔ̄kɔ̄ ndɛ ndaram!»

* **2:4** Dɔ̄ndɔ̄ atɔ̄f nɔ̄a Palestin, anjalkɔ̄n di wɔ̄lɔ̄ darenɛ, ntɛ tɔ̄njɔ̄njɛ afum nɔ̄actam kɔ̄cɛpɛ wɔ̄lɔ̄ kɔ̄rɔ̄nj, nɔ̄acsali mɔ̄.

12 Kó wàrkun nwe eyefe, k'èlek gbàncana babòkò pokò pòn, k'òwur fòr ya afum fàp kirinj, nte towosàs afum cusu mò, kò fàp fàṅkor-kòru Kanu ṅaclòku: «Sàntanàṅk fè towurèné ta tantè!»

Yesu ewe Lewy kàcèpse kò daràṅ

13 Kó Yesu àṅkò sò kàca ka dákàba. Kó afum alarəm ṅander nnò eyi mò, pàctàkse ṅa.

14 Nte eyi kàcèpər mò, k'èṅàṅk Lewy wan ka Alfe, pàndè nde àṅgbancan ṅa abanàs dut. Kó Yesu olòku kò: «Màcèps'em daràṅ,» kò wàkàkò eyefe k'èncèpse kò daràṅ.

15 Nte ṅanadi yeri nda Lewy, kò abanàs dut alarəm kò aciya ṅandè kò Yesu kò acèpse àṅ, bawo afum akakò ṅanacèpse kò daràṅ mò, ṅanala.

16 Nte aFarisi kò atàkse sariye s'aSuyif † ṅanàṅk Yesu pàcdi yeri kò abanàs dut kò aciya mò, kò ṅayif acèpse a Yesu daràṅ: «Ta ake t'èndinè yeri kàfo kin kò abanàs dut kò aciya-è?»

17 Yesu nwe ènane ti mò, olòku ṅa: «Bafò atamne ṅafarṅ wàtèn còl de, mba acuy. Inderèné fè teta kàwe k'alompu, mba teta aciya.»

Yesu kò kusun

18 Dòsàk dólòma, acèpse a Saṅ daràṅ kò aFarisi ṅasun. K'afum alòma ṅander ṅayif Yesu: «T'ake tò acèpse a màna daràṅ ṅantòsun-è, nte acèpse a Saṅ daràṅ kò aFarisi ṅaṅsun mò?»

19 Kó Yesu eyif ṅa: «Afum àṅe awe kàgbàṅne mò ṅantam kàsun ṅasòròyi wàfura kàsàk ba? Təm nte ṅayi wàfura kàsàk mò, ṅafòsun.»

20 Dòsàk dendebəp nde ṅandegbeyèné kò wàfura mò, awa ṅandesun dòsàk dadòkò.»

21 «Ali fum àfàfapàre kəpol ka kəlotò kəfu yamos yemàce-màce, kò pəyòne fè ti-è kəpol ka kəlotò kəfu kàṅkò kəṅṅos-ṅòsu yamos yemàce-màce yayòkò, tòṅṅe yamos yayòkò kəwale pətas kəwale kəcòkò-còkò.»

22 Fum o fum àfòbər wən wofu dətòlòba pa akata pokur, kò məyò ti-è, wən wəṅwəsəli tòlòba, məyi oṅ məsòtò fè wən, məsòtò fè sò tòlòba. Wən wofu, dətòlòba pofu!»

Yesu kò dəsàk da kəṅesəm nde ampuse Mariki mò

23 Dòsàk dólòma da kəṅesəm nde ampuse Mariki mò, Yesu pəccali dale, acèpse àṅ daràṅ ṅasol kò nkòn, kò ṅayefe kəcṅosuru sàbomp sa mēṅgbèn.

24 Kò aFarisi ṅayif Yesu: «Màcəṅkəl! Ta ake tò ṅaṅyòne nte Sariye sàntòwosè kəyò dəsàk da kəṅesəm nde ampuse Mariki mò?»

25 Kó Yesu eyif ṅa: «Ali katin nàkaràṅ fè dəYecicəs Yosoku təkò Dawuda ènayo nte ènayi dəpəcucca, dor dəyò kò, nkòn kò akò ṅanasol mò ba?»

26 Nte Dawuda ènabèrè kəlò ka Kanu disrè tèm ta wàkirinj ka alonṅe Abiyatar mò, pəsəm cəcom nce àncloṅne Kanu, cəcom nce Sariye sənawosè alonṅe gbəcərəm kəsəm mò. Mba Dawuda ènasəm cì, k'òsòṅèné sò cəlòma asol àṅ.»

27 Kó Yesu olòku ṅa: «Kanu kənawurè dəsàk da kəṅesəm nde ampuse kò mò teta kəmar ka afum, mba kənawurè fè afum teta dəsàk da kəṅesəm de!»

28 Ti təyòne Wan ka Wàrkun əyòne mariki ali ma dəsàk da kəṅesəm nde ampuse Mariki mò.»

† 2:16 WàFarisi/aFarisi = Kəgba k'abeki aSuyif àṅe ṅacèpərər ṅasèktèrèné sariye kò məyò mokur ma aSuyif mò.

3

Yesu entaməs wərkun dəsək da kəjesəm nde ampuse Mariki mə

¹ Kə Yesu olukus nde dəkətola Kanu da aSuyif. Dəndo, wərkun wələma enayi di pədəmtər kəca.

² Kə aFarişi* nəjkəkce kə pəyone a Yesu ənkətaməs kə dəsək da kəjesəm nde ampuse Mariki mə-ε, nte təjšəne nəyemsene kə mə.

³ Awa, k'oloku wərkun nwe enadəmtər kəca mə: «Məyefe məcəme nno afum dəcə.»

⁴ Kə Yesu eyif nə: «Cəke cə Sariye səwose dəsək da kəjesəm nde ampuse Mariki mə-ε: Kəyə ka pətət ba, ka pələc? Kəyac fum ba, ka kədif kə?» Mba kə akakə nəcanək.

⁵ Awa, kə Yesu əməmə nə dəcəro fəp fənan dəmetele disre, kə kətəyone kənan nənfər kəntərəs kə dəbəkəc. K'oloku wərkun nwe: «Mətenci kəca!» Kə wərkun nwe entenci ki, kə kəca kən kəntəmne.

⁶ Kə aFarişi nəwur dəkətola Kanu dənan kəkənəjkene kə afum a Herodu nte təjšəne nətəjne tedife ta Yesu mə.

Afum alarəm nənder Yesu

⁷ Kə Yesu ənkə ntende dəkəba kə acəpse ən dərəj. Kə kənay k'afum kəncəme Yesu dərəj, nəje nənayefe təf ya Kalile kə Yude mə,

⁸ aka Yerusaleḡ, aka Idume, aka mokuru ma kəngbəkə ka Yurdeḡ kə akə nəyi Tir kə Sidəj kəsək mə. Kənay k'afum kənje nəncne mes fəp mme Yesu əncyə mə, kə nənder nno eyi mə.

⁹ Kə Yesu oloku acəpse ən dərəj a nəlompsə kə abil nəj, nte təjšəne ta kənay kədəgbəcərəne kə mə.

¹⁰ Bawo entaməs afum alarəm, akə nənayə docu mə fəp nəncməpne kə nte təjšəne nətam kəgbuḡene kə mə.

¹¹ Nte yəjk yelec yəncnəjk Yesu mə, yonctontneḡe kə dəntəf, yockule-kule: «Məna, Wan ka Kanu məyone!»

¹² Mba Yesu pəctiḡ-tiḡ yi, pəcməne yi kəloku afum nwe əyone mə.

Yesu eyek-yek asom ən wəco kə mərəj

¹³ Kə Yesu empe nde tərə kəronj, k'ewe akə enafəj mə, kə akakə nənder nno eyi mə.

¹⁴ K'eyek-yek afum wəco kə mərəj, k'əsəj nə tewe ta «asom», nte təjšəne nəyi kə nkən, pəcsom nə kəkədəjk Kibaru Kətat mə,

¹⁵ k'əsəjəne nə sə dəbe dəbelsene yəjk yelec.

¹⁶ Mewe ma afum wəco kə mərəj nəje enayek-yek mə mame: Siməj nwe Yesu enəsəj tewe ta Piyer mə,

¹⁷ Sak wan ka Sebede, kə Isəj wənc ka Sak nəje enəsəj tewe ta «Bowənerses» mə. Itə tətəkə «Awut a pəkule-kule pa dəwe».

¹⁸ Kə Yesu endənər sə Andəre, Filip, Bartelemy, Matiye, Təma, Sak wan ka Alfe, Tade, Siməj wəKənanj,

¹⁹ kə Yudas wəka dare da Keriyot nwe enader pəber Yesu atərəne ən dəwaca mə.

Afum a Yesu nəfəj kəkəkəre kə dəker

²⁰ Nte tencepər mə, kə Yesu olukus nde enayi decikəra mə, kə afum nəlonkəne sə. Yesu kə acəpse ən dərəj nənatam fe kədi yeri yati.

* **3:2** *WəFarişi/aFarişi* = Kəgba k'abeki aSuyif nəje nəcepərəḡ nəsektərəne sariye kə məyə mokur ma aSuyif mə.

²¹ Nte aka kálo disre a Yesu njane ti má, kó njawur kákósumpær kó, bawo jnanaloku: «Dotoŋkulu deyi kó.»

Yesu enjgbekál yem nye ambonce kó má

²² Atáksé sariyé s'aSuyif anje njanayefe Yerusalem má njaloku: «Yesu oyo Belsebul, wákirinj wáka yóŋk yelec! Nkón oŋsòŋe Yesu kábelás ka yóŋk yelec!»

²³ Kó Yesu ewe njá pæctáksé njá mes pæctubcène mi mólóm: «Cáke cò Sentani sántam kábelás Sentani-é?»

²⁴ Kó atóf njeyerene njisærka-é, atóf njáŋókó njófsótam kácáme.

²⁵ Kó aka kálo kin njayerene tanjan-é, kálo kanjko káfósótam kácáme.

²⁶ Awa, kó Sentani sáyefarne sisærka-é, sáfótam kácáme gbij. Ta si tenlip tem tatáko.

²⁷ Ali fum áfótam káberé kálo ka wáka sókát disre, páfonjót daka don ta onunkené pásekát wáka sókát wákakó-é, a pádefonjót daka da kálo kón.

²⁸ Kance icloku nu ti, andenjanene afum kiciya kó kálómás nke njálómás Mariki má fáp,

²⁹ mba nwe o nwe oŋlómás Améra Nęcempi njá Kanu má, afódekóŋjanene kó, endesare kiciya kanjko doru o doru.»

³⁰ Kó Yesu oloku njá ti, bawo jnanaloku: «Ŋóŋk jleec jneyi kó.»

Iya kó awenc a Yesu

³¹ Iya kó awenc a Yesu njander, njácáme dabanjka, kó njasom páwene njá Yesu.

³² Kánay ka afum kánande kákel kó, k'áloku kó: «Iya kam, awenc am anja arkun kó aran njancáme dabanjka, mán'ó njayi káten.»

³³ Kó Yesu oloku: «Iya kem k'awenc im anja, are njó-é?»

³⁴ K'ónkótene fór kámámán ka akó njanande njákel kó má, k'oloku: «Iya kem k'awenc im anja nj'akanje!»

³⁵ Bawo nwe o nwe endeyó tefanj ta Kanu má, nkón oyoŋe wenc im, wákiré kó iya kem.»

4

Totubcène ta wábof

¹ Kó Yesu oluksærne só káctáksé nde agbep njá kába. Kó kánay ka afum alarém kanjko kálonkane nnó eyi má, kó tósòŋe kó kábeke debil, k'ende. Kó kánay ka afum akakó fáp káncáme agbep njá kába.

² Kó Yesu entáksé njá mes melarém pátubcène mi mólóm, k'oloku njá káctáksé kón disre:

³ «Nácəŋkəl: Kó wábof owur kákogbal defet.

⁴ Nte encgbal defet má, kó menjgben mólóma mentempene dápó, mba kó bemp yender yósóm mi.

⁵ Kó menjgben mólóma mentempene antóf njá masar kəronj nde kəbof kəlarəm kənatóyi má. Nte antóf njənadəm má, kó menjgben mamókó momponj kátəna.

⁶ Mba nte nne yənadəwone má, kó buma yayókó yowosərene, bawo yənyayo fe ncənc.

⁷ Kó menjgben mólóma mentempene dəbənjk, kó bənjk yempə kó yendi mi, kó tənsoŋe menjgben mətát kətəkom.

⁸ Kó menjgben mólóma mentempene antóf njótót kəronj, kó momponj kó mesəŋk, kó meləpsəŋ kəsonj yokom. Kó mólóma moŋkom wəco maas (30), mólóma wəco camət-tin (60) kó mólóma tassar tin (100).»

⁹ Kó Yesu oloku: «Məna nwe mənyó lənjəs yənene má, məne ti!»

Ta ake tó Yesu encťáksé dəmotubcène-é?

¹⁰ Nte ñangbɛyɛne kəsək mə, acəpsɛ a Yesu darəŋ aŋɛ wəco kə mɛrəŋ kə ako ñaŋkɛl kə mə ñayɛfɛ kəyifət kə teta mes mmɛ ɛntəkʂɛ ña pətubcɛnɛ mi mələm mə.

¹¹ K'oloku ña: «Nəna ño Kanu kəsəŋɛ kəcərə kance kəgbəpɛne ka dəbɛ da Kanu, mba ako, motubcɛnɛ gbəcərəm mə ñane,

¹² ti təsəŋɛ nte: «Ñangbətɛnɛ belbel, mba ñafəŋəŋk, təsəŋɛ ñaccəŋkəl belbel, mba ñafəcərə tələm o tələm, pətəyənɛ ti-ɛ, kə ñaluksərɛnɛ Kanu, Kanu kəŋaŋɛnɛ ña!»

Yesu oloku tedisrɛ ta totubcɛnɛ ta wəbəf

¹³ Kə Yesu eyif ña sɔ: «Nəncərə fɛ totubcɛnɛ tantɛ! Awa, cəkɛ cə nəntam kəcərə motubcɛnɛ fəp-ɛ?

¹⁴ Wəbəf, Toloku ta Kanu t'əmbəf.

¹⁵ Afum aŋɛ ñayi dəpɔ daco mə, ñ'ambəfɛ Toloku ta Kanu. Kə ñane ti-ɛ, gbəncana babəkɔ Sentani səder səbanjər ña Toloku Tətət nte anabəf ña mə.

¹⁶ Kə mɛŋgbɛn məkɔ anabəf kəfo ka masar mə, məyənɛ afum aŋɛ ñaŋne Toloku, ñaban ti pəbotu disrɛ,

¹⁷ mba ñafəwosɛ ncənc* kətər ña, pəpic pɔ ñancəmɛ ti darəŋ. Kə pəcuca kə kətərəs kənder teta Toloku tatəkɔ-ɛ, ñasak ti fɛw gbəncana babəkɔ.

¹⁸ Anabəf mələma dəbɛŋk, ña ñayənɛ afum aŋɛ ñaŋne Toloku ta Kanu,

¹⁹ mba pəyɛŋki pa tɛm tatəkɔ, pəbas pa daka kə mes mələma medi toloku tatəkɔ, təsəŋɛ ti kətəkom.

²⁰ Tɛlpəs, anabəf mələma antəf ñətət. Antəf ñətət ñoyənɛ afum aŋɛ ñaŋne toloku ta Kanu, ñaban ti, ñasəŋɛ ti kəkəkom, nte wəco maas (30), təkɔ wəco camət-tin (60), kə tələma tasar tin (100).»

Totubcɛnɛ ta lamp

²¹ Kə Yesu eyif ña sɔ: «Amber lamp dəkəfala kə pəyənɛ fɛ ti kəfənc dəntəf ba? Bafɔ andɛt di kədɛt dəm ba?

²² Bawo nte o nte tɛŋgbəpɛnɛ mə, tendewur dəsək dələma. Nte o nte təyənɛ tɛgbəpɛnɛnɛ mə, mɛnɛ tedewur təyɔ afum wəŋkərə.

²³ Kə fum əyɔ ləŋəs yənɛnɛ-ɛ, pənɛ ti!»

²⁴ Kə Yesu oloku ña sɔ: «Nəkəmbərɛnɛ təkɔ nəŋne mə: Potubcɛ pəkɔ nəntubcɛ ako mə, ip'andekəsətubcɛ nu, padɛŋjərə nu sɔ.

²⁵ Wəkɔ əyɔ pələrəm mə ambɛrɛnɛ kə sɔ, mba wəkɔ əyɔ pɛpic mə, ambanjər kə yati pəkɔ əyɔ mə.»

Totubcɛnɛ ta mɛŋgbɛn mmɛ momponj misərka mə

²⁶ Kə Yesu oloku sɔ: «Dəbɛ da Kanu deyɛ pəmɔ nte wəkun endewur pəcgbal mɛŋgbɛn məbəf dəntəf mə,

²⁷ təyənɛ a endirɛ kə endirɛ fɛ-ɛ, pibi kə dan, mɛŋgbɛn momponj, mɛbɛk ta ɛncərə ti nte o nte-ɛ.

²⁸ Antəf ñəŋsəŋɛ yəbəf kəponj: Antəf ñisərka ñəŋsəŋɛ yəbəf kəponj: Pəcop buma, mɛŋgbɛn mocop kəwurəs dəbuma, mɛlas.

²⁹ Mɛŋgbɛn mənckənaləl, pabɛr mi kətɛtiya, bawo tɛm tɛtɛl ta mi tɛmbəp.»

Totubcɛnɛ ta tɛŋgbɛn tɛfɛt

³⁰ Kə Yesu eyif sɔ: «Ak'andɛtubcɛnɛ dəbɛ da Kanu-ɛ? Totubcɛnɛ tɛrɛ t'andɛlokɛ di-ɛ?

³¹ Dəbɛ da Kanu deyɛ pəmɔ tɛŋgbɛn tɛfɛt mpɛ ambəf pɛfɛtɛ pətəs yəbəf ya dəntəf fəp mə,

³² mba k'ambóf pi-ε, pépé pèbék pètas yóbf fáp ya dèlakó, pòsòh wara wòpòh tòsòhε bèmp ya darenc kèctam kèndε katàkàp ka ki dèntóf.»

³³ Dàmotubcèné mèlarəm Yesu oncloku ña moloku ma Kanu, kábəp ka təkò ñactam kəcərə mɔ.

³⁴ Yesu onclok-lokər fε afum fəp ta pəyónε motubcèné-ε, mba kò ñəhgbeyne-ε, oncloku acépse ɔn darəh tedisre ta mi fəp.

Yesu ontore-tore afef

³⁵ Dòsək dadəkò yati nte pəmbiyε mɔ, kò Yesu oloku acépse ɔn: «Pacali ntende mokuru.»

³⁶ Nte acépse ɔn darəh ñasak kənay ka afum mɔ, Yesu pəyi debil kò ñəhkekərə kò. Cibil cəlɔma cənayi kò kəsək.

³⁷ Kò afef ñəpòh ñeyεfε kəwur, yam yεcbεrε debil hañ kò abil ñefəh kələre domun.

³⁸ Yesu nkən pəfəntərə, pəfakèné pədémət, pəcdire nde abil darəh. Kò acépse ɔn ñantimi kò ñacloku: «Wətəkse, kəfi kò sənder, kò məyi ta məwe ti daka-ε?»

³⁹ Nte entime mɔ, k'əhgbəh-ğbəhər afef, k'oloku kəba: «Məcañk, mətor!» Kò afef ñesak, kò pəyò yeh!

⁴⁰ Kò Yesu eyif ña: «Ta ake tò nəferèné fər tantε-ε? Nəntayò fε kəlah hañ ndekəl ba?»

⁴¹ Kò kənese kəpòh kəsumpər ña, kò ñayifèné añε kò akò: «Ake fum wəkawε yòné-ε, nte afef kò kəba yencəmé tefəh tən darəh mɔ?»

5

Yesu entaməs wərkun nwε yəhjk yelεc yənayi mɔ

¹ Kò Yesu əhək ntende kəba mokuru nde kulum ka Kerasa.

² Nte endewur debil mɔ, kò fum wəlɔma owur cufu dacò, əhək ñelεc ñeyi kò. K'ender pəcəmé kò fər kirin.

³ Fum wəkakò dəndo cufu dacò ənayi, fum o fum enctam fε kəkot kò, ali gbekce.

⁴ Telarəm ɔncyò fεc dəwεcək packotε kò gbekce, mba onccopu gbekce pəctep-tepi fεc, ali fum ənayò fε səkət səcəmbərsε kò.

⁵ Pəyi dəndo cufu dacò kò mərə kəron ñem fəp, pibi kò dan, pəckulε-kulε, pəcbopərne masar.

⁶ K'ənəhjk Yesu pəbəlε, k'ender pəcəpε kò suwu fər kirin,

⁷ k'əhjkulε-kulε pəpòh: «Yesu Wan ka Kanu nke kəyi darenc mɔ, ta ake tò məmbèrèné mes məm-ε? Iletsen'am teta tewe ta Kanu, ta mətərəs im!»

⁸ Bawo Yesu ənaloku kò: «Məwur wərkun wəkawε, məna əhəjk ñelεc.»

⁹ Kò Yesu eyif kò: «Cəke cò añw'am-ε?» K'oloku Yesu, ««Kənay, k'əñw'em, bawo səla.»

¹⁰ K'əhgbəcər kəletsèné Yesu a ta pəsòhε kò kəwur dəkulum.

¹¹ Dəndo tərò kəron səp yelarəm yənayi di yòcsəmət.

¹² Kò yəhjk yelεc yelεtsèné Yesu: «Məkekərə su nde səp yayε yeyi mɔ, nte təhşòhε səbèrε yi disre mɔ.»

¹³ Kò Yesu owosèné yi. Kò yəhjk yelεc yowur dəfum kò yembèrε dəsəp, kò səp yeyεkse kətor dəkəba yeyεfε dətəgə. Dəlay da səp yayəkò dənçbəp wul mərəh (2.000). Kò yəhgbətse, kò yefis-fis dəndo dəkəba.

¹⁴ K'akək a səp añε ñayεkse kò ñasamsərəné toloku tatəkò dare kò sədare səkəsək, kò afum ñander kədəməmən təkò tənəcəpər mɔ.

15 Nte ñander nno Yesu eyi mo, ko ñambəp fum wəko ñoŋk ñeɛc ñoŋctərəs mo, pəsəkəp pənde ko amera ñon fəp, nkən nwe «kənay» kənayi mo. Afum aŋe ñanader kəməmən mo, ñanesə.

16 Afum akə ñananəŋk təkə tenacepər mo, ñaləmər ader təkə tenasotə wəkə yəŋk yeɛc yəŋctərəs mo kə səp.

17 Awa! Ko ñayefe kəletsene Yesu, a pəbəle atof ñaŋan.

18 Nte oŋkə kəberε debil mo, fum nwe yəŋk yeɛc yəŋctərəs mo eletsene Yesu a pəwosε ñayi kə nkən.

19 Yesu enawosεne fe kə ti, mba k'oloku ko: «Məkə ndaram, ndena afum am, mələməŋ ña mes mme Mariki oyon'am mo fəp, nənəfər nde oyon'am mo.»

20 Ko fum nwe yəŋk yeɛc yenayi mo oŋkə pəcop kədəŋk dəSədare Wəco mes mme Yesu enayəne kə mo fəp. Kə tenciyanε afum fəp.

Wan ka Yayirəs ko wəran wəcu

21 Ko Yesu oŋkə nde kəba mokuru, kə afum kənay ñalotkane kə kəsək, nkən pəyi kəba kəsək.

22 Ko wəkiriŋ ka dəkətola Kanu da aSuyif, nwe ancwe Yayirəs mo ender. Nte enəŋk Yesu mo, k'ontontne kə dəntəf, k'osumpər kə wəcək.

23 K'eletsene kə pəlarəm: «Dəkəfi wəyəcərə kem eyi. Məder məderəŋ kə waca, nte təŋsəŋe pətamne pəyi sə doru mo.»

24 Ko Yesu ñaŋkə kə fum nwe. Kə kənay ka afum kəsol kə ña, ñacgbəcərəne kə cəsək fəp.

25 Dəndo, wəran wələma enayi di, docu da kəwur mecir deyi kə tenasotə meren wəco kə mēŋəŋ.

26 Tenatərəs wəran wəkəkə pəlarəm, teta aten cəl aŋe enanəŋk, pəsəŋsε ti daka dəkə enayə mo fəp, mba ali mēten enasotə fe, mēne nte docu dən dencnəŋkane kə mo.

27 Nte wəran nwe ene pacloku teta Yesu mo, k'ender kənay ka afum tadarəŋ, k'oŋgbuŋεne yamos ya Yesu,

28 ɓawo onclokune: «K'iŋgbuŋεne yamos yən-ε, intamne.»

29 Gbəncana babəkə kə docu dən da kəwur mecir dəsakε, k'encərəne dərīs a docu dən dēntamne.

30 Ko Yesu encərə gbəncana babəkə a səkət sələma səwur kə dərīs, k'εŋkafələrne kənay pəcyif: «Ano ogbuŋεne yamos yem-ε?»

31 Ko acεpse ōn darəŋ ñaloku ko: «Mənəŋk nte kənay kəŋgbəcərən'am waca fəp mo, məcyif sə a ano ogbuŋεn'em-ε?»

32 Mba k'εŋkafəli fər kəməmən nwe enagbuŋεne yamos yən mo.

33 Nte enacərə təkə teyi kə mo, kə wəran eyefe kəyikε, k'enesε, k'ender pətεmpεne kə wəcək dəntəf, k'oloku kə kance fəp.

34 Mba ko Yesu oloku ko: «Wan kem, kələŋ kam kəntaməs əm, məkənε abəkək ñoforu, docu dam dēntamn'am.»

35 Yesu enayi kələk-loku nte afum ñanader kəyefe ka ndena wəbε ka dəkətola Kanu da aSuyif mo, ñacloku Yayirəs: «Wan kam wəran efi, ta ake tə mändəsətərse wətəkse-ε?»

36 Mba Yesu enələm fe moloku maŋan nte o nte, k'oloku wəbε ka dəkətola Kanu da aSuyif: «Ta mənese, mələŋ gbəcərəm.»

37 Yesu enawosε fe nwe o nwe pəcəme kə darəŋ, mēne Piyer, Sak kə Isan wenc ka Sak.

38 Ko ñander ndena wəbε ka dəkətola Kanu da aSuyif, dəndo kə Yesu enəŋk təkə afum ñanckafəle-kafəle mo, afum ñacbok, ñackule-kule pəpəŋ.

³⁹ Kó Yesu embere k'eyif ña: «Ta ake to ñəŋkafələne-kafələne, nəcbok tante-e? Wan wəkawe efi fe, kədire k'ende.»

⁴⁰ Kó afum ñayefe kafani Yesu. Mba kó Yesu embeləs ña fəp, k'ewe wəyecəra kas kó kere kó akó enasole mɔ, k'embere nde wəyecəra enayi mɔ.

⁴¹ K'osumpər wan wəran kəca, k'oloku kó: «*Talita kum*», ito tatako: «Wəyecəra, iclok'am, wəyefe!»

⁴² Gbəncana baboko kó wan wəran eyefe, k'oncop kəkot. Wəyecəra wəkako enasoto meren wəco kó merəŋ, kó cusu cəwos ña pəpəŋ.

⁴³ Kó Yesu embenəsne ña, a ta fum o fum pəcəre ti, k'oloku ña kəsəŋ wan yeri.

6

Aka Nasaret ñalanfe Yesu

¹ Nte Yesu eyefe di mɔ, k'əŋkó dare dən Nasaret, kó acepse ɔn ñancame kó darəŋ.

² Nte simiti, dəsək da kəŋesəm dembəp mɔ, k'eyefe kətəkse nde dəkətola Kanu da aSuyif. Kó afum alarəm acəŋkəl aŋe cusu cənanos teta metəkse mɔn mɔ, ñaŋyiftene: «Deke mame meŋyefe kó-e? Kəcəre kəkotene mes kəre kó kaŋke asəŋ kó mɔ? Cəke cə waca wɔn wəŋyɔ mes mēwey-wey mame-e?»

³ Bafó kamder ofó, wan ka Mari, wenc ka Sak, Yoses, Yuda kó Siməŋ ba? Bafó akire ɔn ñayi su de daco ba?» Mes maməkó menasəŋe ña kətəgbəkər kó kəlan.

⁴ Kó Yesu oloku ña: «Afəfati kələləs sayibe, mēne nde ndəŋn, akomene ɔn daco kó aka kələ kən disre.»

⁵ Ali tes tēwey-wey enatam fe kəyɔ di, mēne nte enataməs acuy aloma, pədenər ña waca mɔ.

⁶ Kó pənciyane Yesu, bawo aka di ñanabut kəlan. K'encepər-cəpər sədare səcəsək sa dətəf fəp pəctəkse.

Kəsom ka acepse aŋe wəco kó merəŋ

⁷ Nte ewe acepse ɔn darəŋ wəco kó merəŋ mɔ, kó Yesu eyefe kəsom ña merəŋ merəŋ, pəcəŋ ña fənəntər fətame yəŋk yelec.

⁸ K'endenər ña kəcloku a ta ñatəmpərəne daka o daka teta dəpɔ, mēne kəgbɔ gbəcərəm. K'oloku ña: «Ta nətəmpərəne kəcom, aləba, ta nəgbəncəne pəsam dəfi,

⁹ mba nəberne cəfta cin gbəŋ, ta nəberne səburumus merəŋ.»

¹⁰ Kó Yesu oloku ña sɔ: «Kələ nke nəmbere mɔ, nəyi ki disre haŋ nəyefe kəfo kaŋkɔ.

¹¹ Kó təyɔne kəfo kələma afum ñawose fe kəbaŋ nu, ñawose fe kəcəŋkəl nu, kó nənde kəcyefe di-e, nəkoŋ kəfəl ka wəcək wonu, ti tendeyəne ña sede a ñanabaŋ fe nu.»

¹² Kó acepse ɔn ñaŋkɔ, ñaccam nte təŋsəŋe ñaŋsəkpər bəkəc, ñaŋlomp.

¹³ Kó ñambeləs yəŋk yelec yelərəm, ñacsop acuy alarəm moro, ñactaməs ña.

Defi da Saŋ Batis

¹⁴ Kó Herodu nwe enatəmpər dəbe da Kalile mɔ, ene pacloku teta Yesu, bawo tewe tən tenasam, pacloku: «Saŋ ofó, wəkó encgbət dəromun teta Kanu mɔ, nkɔn ofote afi daco, itəsəŋe nte entam kəyɔne mes mēwey-wey mɔ.»

¹⁵ Aloma ñacloku: «Eli ofó,» aloma ñacloku sɔ: «Sayibe sɔ, nse səwurene sayibe sa tēm tokur aŋa mɔ.»

¹⁶ Mba nte Herodu ene mes maməkó mɔ, k'oloku: «Saŋ nwe inasom k'aŋgbinti domp mɔ, nkɔn ofote afi daco!»

17 Herodu yati enasom afum, ñasumpər Saŋ ñakot kó, ñamber kó dábili teta Herodiyad wəran ka wənc Filip, nwe Herodu enabanər kó pənence mǎ.

18 Saŋ oncloku Herodu: «Sariye sāmǎn'am kənence wəran ka wənc əm.»

19 Herodiyad enater Saŋ pəfan kədif kó, mba enctam fə,

20 bawo Herodu ɔncsəŋ Saŋ pələl, pəcəre sǎ a wərkun wəlompu Saŋ ɔyǔne, pəsok sǎ, Herodu enckekəs kó. Kó Herodu endecəŋkəl Saŋ-ε, pəncyi kó yamayama, mba kəcəŋkəl kən kəncbət kó.

21 Kó dəsək dende dəbəp nde Herodu enaboc kəsata ka teren toluksər ta kəkom kən mǎ, k'ewe asəŋkene ɔn dəbe, abe asodar, k'abeki a Kalile kəkó di yeri.

22 Kó wan ka wəran kən Herodiyad embere k'empise, kó təmbət Herodu kó abe akó ñanayi di mǎ. Kó Herodu oloku wəyecəra: «Məwer im paka mpe o mpe məfan mǎ, isəŋ əm pi.»

23 K'enderme kó toloku nte: «Mpe məŋwer im mǎ, inşəŋ əm pi, ali pɔyǔne dəbe dem kəsək kin.»

24 Kó wan wəran owur k'ɔŋkó pəyif kere: «Ak'inəkower kó-ε?» Kó kere oloku kó: «Domp da Saŋ Batis.»

25 Kó wan wəran embelkər kəluksərne nde wəbe eyi mǎ pəkower kó: «Ifaŋ a məsəŋ im gbəncana bambə depəlet domp da Saŋ Batis.»

26 K'aboc ñembere wəbe Herodu, mba teta kədərəm kən kó akó ñanayi di mǎ, enafaŋ fə kəbupərə kədərəm kən.

27 Kó wəbe osom gbəncana babəkó wəsodar a pəkere kó domp da Saŋ. Kó wəsodar ɔŋkó pəgbinti Saŋ domp dábili.

28 K'añkere domp da Saŋ depəlet. Kó Herodu ɔsəŋ di wəyecəra, kó nkən ɔsəŋ di kere.

29 Nte acəpse a Saŋ Batis ñane ti mǎ, kó ñander ñalək kəbel kən kó ñawup.

Yesu ɔsəŋ afum wul kəcamət yeri

30 Kó asom ñalɔŋkane Yesu kəsək, kó ñaləmər kó tókó ñanayo kó tókó ñanatəkse mǎ fəp.

31 Kó Yesu oloku ña: «Nəder nno kəsək, nno kəfo kəyer-yer, nəŋesəm pəpic.» Bawo afum alarəm ñancder ñaclukus, ñanayo fə tɛm tedi yeri yati.

32 Kó ñambere debil kəkó kəfo kəyer-yer.

33 Kó afum alarəm ñanəŋk ña nte ñanckó mǎ, kó ñanepəl ña. Kó afum a sədare səcəsək ñayekse sǎ kəkəgbintərne ña.

34 Nte Yesu ontor debil mǎ, k'ənəŋk kənay ka afum alarəm, k'ɔyǔne ña nɔnɔfər, bawo ñanayi pəmə ñkesiya nyə yɔntɔyǔ wəkek mǎ, k'eyefe kətəkse ña mes mɛlarəm.

35 Nte dec dəncləpe mǎ, kó acəpse ɔn ñalətərne ñacloku kó: «Kəfo kanke kəyo yer-yer, dec deyi kələp,

36 məloku ña ñakó ñatən yeri, nte tɔŋsəŋe ñakó ñawayene yeri dəmadare məfet məfet, kó sədare səcəsək mǎ.»

37 Mba kó Yesu oloku ña: «Nənasərka nəsəŋ ña yeri.» Kó acəpse ñayif kó: «Nte məfan mǎ səkó səwaye afum akanə fəp yeri pəsəm mpe pəmbəp gbəlen masar mərəŋ mǎ ba?»

38 Kó Yesu eyif ña: «Cəcom cəke cǔ nəyǔ-ε? Nəkó nəmǔmən.» Nte ñanəkó ñamǔmən mǎ, kó ñaloku Yesu: «Cəcom kəcamət kó lop mərəŋ.»

39 Kó Yesu oloku acəpse ɔn ñadəs afum cəgba cəgba yika yobuk kəron.

40 Kó ñandəs afum cəgba ca tasar tin (100) kó cəgba ca wəco kəcamət (50).

41 Kə Yesu elək cəcom nce kəcamət kə lop nyε merəŋ, k'eyekti fər darenc, k'eyif Kanu barka. K'entepi cəcom k'eyefε ci kəsəŋəs acεpse ən, ŋayerəs ci afum. K'eyer sə lop yayəkə afum fəp.

42 Kə fəp fəsəm ci kə ŋanembəre,

43 k'alukse yeri cəcom kə lop yεlpəs cəfala nce wəco kə merəŋ.

44 Arkun aŋe ŋanasəm cəcom cacəkə mə, ŋanabəp arkun wul kəcamət (5.000).

Yesu əŋkət kəba kəronj

45 Nte tencepər mə, gbəncana babəkə kə Yesu entare acεpse ən kəberε debil ŋanujkεne kəcali mokuru məkə, ntende Betsayida, nkən pəcgbəcεne kəloku kənay ka afum kəlukuš ndaraŋan.

46 Nte elembərne ŋa mə, k'əŋkə kətola Kanu nde tərə kəronj.

47 Nte dəfəy dəmbəp mə, abil ŋeyi kəba daco, nkən sona pəyi dəntəf.

48 Kə Yesu enəŋk təkə pənacuca acεpse ən kəŋas mə, bawo afef ŋə ŋancgbofne, pibi pəbəlε k'ender nno ŋayi mə pəckət kəba kəronj kəkəcepər ŋa.

49 Nte acεpse ən ŋanəŋk kə pəckət kəba kəronj mə, kə ŋafətə a tuberi tə, kə ŋaŋkule-kule,

50 bawo fəp fəŋan ŋancnəŋk kə, kə kənese kəyi ŋa. Mba gbəncana babəkə kə Yesu olok-lokar ŋa, pəcloku: «Nəbəkne! In'əfə, ta nənesε!»

51 Kə Yesu embere debil kə afef ŋesak kəwur. Kə cusu cəwos ŋa.

52 Bawo acεpse ən ŋanacəre fe nte o nte teta cəcom, pənasək fe ŋa anə Yesu əfə-ε.

Yesu entaməs acuy nde atəf ŋa Kenesaret

53 Nte ŋalip kəcali kəba kə acεpse ən mə, kə ŋambəp atəf ŋa Kenesaret kə ŋaŋkət di abil.

54 ŋandətor debil k'anepəl Yesu,

55 kə afum a atəf ŋaŋəkə fəp ŋayekse kəder, ŋackere acuy dəşəpoko nno o nno ance a Yesu eyi mə.

56 Nno o nno encberε mə, pəyənε tadare kə pəyənε fe ti dare dəpəŋ, kə pəyənε fe ti dəkulum, anbcoc acuy abanĵa ŋəpəŋ, pəcletsεne Yesu kəwosε acuy ŋagbuŋεne ali dobol da burumus bən. Acuy aŋe o aŋe ŋancgbuŋεne di mə, ŋantamne.

7

Kətəkse nke atem ŋanatəkse mə

1 aFarisi* kə atəkse sariye s'aSuyif aləma aŋe ŋanader kəyefε Yerusalem mə, ŋaləŋkanε nde Yesu eyi mə, ŋakel kə.

2 Kə ŋanəŋk acεpse a Yesu darəŋ akin akin ŋacdi yeri ta waca waŋan wəsək-ε, itə tatəkə ta ŋasumpər saliye-ε.

3 Awa, aFarisi kə aSuyif fəp ŋancdi fe yeri ta ŋambikεne waca ŋasumpər saliye-ε, bawo ŋanacəme məyə mokur maŋan darəŋ.

4 Kə ŋalukuš kəyefε nde abanĵa ŋəpəŋ-ε, ŋancdi fe yeri mēne ŋalip kəsumpər saliye, ŋanacəme sə məyə mokur mēlarəm darəŋ, pəmə tēyakəs ta məmbəl, məndε, kə yεberε domun†.

5 aFarisi kə atəkse sariye s'aSuyif ŋayif Yesu: «Ta ake tə acεpse am ŋandine yeri waca waŋan weyik-yik, ta ŋasəkəsne saliye, ŋacəme təyə tokur ta atem darəŋ-ε?»

* 7:1 WəFarisi/aFarisi = Kəgba k'abeki aSuyif aŋe ŋacepərər ŋasəktərəne sariye kə məyə mokur ma aSuyif mə. † 7:4 Yecicəs yokur yələma yendəŋər «kə səcəm», kə pəyənε fe ti-ε, «kə kəfənc.»

⁶ Kō Yesu oloku ŋa: «Esayi enaloku belbel tetonu cāsaiyibe, nāna aban̄ene kəlomp, pəmō tōkō ancic ti mō: «Afum akan̄e dācusu gbēcārēm ŋan̄lēs im, mba bākēc yan̄an yombōl'em pəpəŋ.

⁷ Kəsali nke ŋanctolan'em ŋaclon̄n'em mō kəyō fē dākēcāme, bawo mosom mme ŋantākse mō, afum ŋapər mi, bafō Kanu.»

⁸ Nəsak mosom ma Kanu, nēcāme mōyō mokur ma afum darəŋ.»

⁹ K'oloku ŋa: «Pəfəfərəne nu kəfən tosom ta Kanu, nēcāme mōyō mokur monu darəŋ.

¹⁰ Bawo Musa enaloku: «Mələlēs wisi kō wiri,» k'oloku sō: «Nwe on̄lok-lokər kas kō pəyōne fē ti kerē pələc mō, pədif wəkayī.»

¹¹ Mba nāna nən̄loku: «Kō fum oloku kas kō pəyōne fē ti kerē-ε, paka pōkō pəmarna isəŋ əm kəmar kam mō, isəŋ pi Kanu,»

¹² ti disre nāna nəwose a ta pəyōne sō kas kō kerē tōlōm o tōlōm.

¹³ Nənime tatōkō toloku ta Kanu mōyō mokur mme nānctākse mō. Nəŋyō mes mēlec mēlarēm mme mowurēne mamōkō mō.»

Mōyō mme mən̄səŋe fum kətōsək mō

¹⁴ Kō Yesu ewe sō kənay ka afum, k'oloku ŋa: «Nēcəŋkəl im belbel, nēcāre sō!

¹⁵ Daka o daka deyi fē todoru ta fum nde demberē kō disre dən̄səŋe kō kətōsək mō. Mba nte ton̄wur dāfum mō tən̄səŋe kō kətōsək.

¹⁶ Nēcəŋkəl belbel, kō tōyōne nəyō ləŋəs nēcne-ε.»

¹⁷ Nte Yesu olukus deker mō, pəbōle kənay ka afum, kō acəpse on̄ ŋayif kō teta totubcēne tatōkō.

¹⁸ K'eyif ŋa: «Nāna sō, nəsəŋyī kətōcāre disre ba? Nāncāre fē a daka o daka nde deŋyefe todoru deberē dāfum mō, dāfōsəŋe kō kətōsək?

¹⁹ Bawo daka dadōkō dāfōberē kō debākēc, mba dākor demberē kō, kō telip-ε pəwure di dākofī.» Ti disre, Yesu enāsōkse alar̄ on̄ yeri fəp.

²⁰ K'oloku sō: «Nte ton̄wur dāfum mō, tən̄səŋe kō kətōsək.

²¹ Bawo debākēc mecēm-cēmne mēlec mon̄wur: Dowon, deke, kədif ka fum,

²² kəsumpər dalakō, dečələk, mecēm-cēmne ma kəyō mes mēlec, cəmpən̄pən, deyamayama, kəraca, kəlōmās ka Mariki, kədot banca kələc doton̄kulu disre.

²³ Mes mēlec mamōkō fəp dāfum mon̄wur, mācsəŋe kō kətōsək.»

Wəran wəcikəra elar̄ Yesu

²⁴ Kō Yesu eyefe dāndo k'əŋkō atof ŋa Tir. K'əŋkō pəberē kəb kəlōma. Enafan̄ fē nwe o nwe pəcāre ti, mba enatam fē kəyī kəgbəpne disre.

²⁵ Wəran wəlōma nwe ŋəŋk ŋələc ŋenatəŋkələ wan kən wəran mō, enane gbəncana babōkō pacloku tetən, kō wəran nwe ender pətəmpene Yesu wēcək dāntof.

²⁶ Wəran wəkakō wəkresi enayi, pakom kō Siriya Fenisiya. K'ontola Yesu a pəbeləs ŋəŋk ŋələc n̄ŋe ŋeyi wan kən mō.

²⁷ Kō Yesu oloku: «Məkar kərəsna awut ŋanembəre, bawo pāntese fē kələkər awut kəcom mələme ki cen.»

²⁸ Mba kō wəran nwe olukse Yesu: «Mariki, mecen amesa dāntof men̄yi mecdi yeri yelpəs ya awut.»

²⁹ Kō Yesu oloku wəran nwe: «Teta toloku tam, məkō, ŋəŋk ŋələc ŋowur wan kam wəran.»

³⁰ Nte wəran nwe embere ndərən mō, k'embəp wan nwe pəfəntərə dəkəfənc. ŋəŋk ŋələc ŋowur kō.

Yesu entaməs wærkun nwe enatə kəcne ta onjlok-loku sə mə

³¹ Kə Yesu eyefe atəf ŋa Tír, k'oluksərne ta Sidəŋ kəca ka kəba ka Kalile, k'encali atəf ŋa Sədare Wəco.

³² K'anjkerε kə wətəne nwe encarpene kəlok-loku mə, k'alətsene kə kədenər kə kəca.

³³ Kə Yesu enjekərə wətəne kəkə kəsək pəbələ kənay ka afum, k'ember kə telər deləŋəs, k'oyuk lin k'osopte kə yi telər dətemer.

³⁴ K'eyeki fər darenc teta kətola Kanu, k'emprene kifir pəpəŋ, k'əncəp kusu kəjan: «*Effata!*», ti təyone «*Məgbite!*»

³⁵ Gbəncana babəkə, kə ləŋəs yən yengbite, kə temer pən pesikələ. K'olok-loku pəcəmpi cəlej.

³⁶ Kə Yesu oloku ŋa kətəloku ti ali fum, mba təkə Yesu əncməne ŋa ti mə, itə ŋancəŋk ti.

³⁷ Cusu cənwos afum pəpəŋ, ŋacloku: «*Mes mme ŋyə mə fəp mentese!* ŋəŋəŋe atəne kəne, pəsəŋe atəlok-loku kəlok-loku!»

8

Yesu əsəŋe afum wul manjələ kənembarε

¹ Mata maməkə, nte kənay ka afum kələma sə kənatəyə yeri yedi mə, k'ewe acəpse ən darəŋ, k'oloku ŋa:

² «*Nənəfər deyi'm teta kənay ka afum kanjke. Mata maas ŋayi kə ina, ŋayə fe sə paka o paka pedi.*

³ K'isəŋe ŋa kəluku nde ndaranjan ta ŋandi peri-ε, iŋnese ta dis dəkələl ŋa dəpə, bawo əlma pəbələ pə ŋayefe.»

⁴ Kə acəpse ən darəŋ ŋayif kə: «*Awa, deke antam kəsətə cəcom nce andenembərse ŋa, nno kəfo kəyer-yer kanjke mə?*»

⁵ Kə Yesu eyif ŋa: «*Cəcom cəke cə nəyə-ε?*» Kə ŋaloku kə: «*Cəcom camət-merəŋ.*»

⁶ Awa, k'oloku kənay a ŋandə dəntəf. Nte elek cəcom nce camət-merəŋ mə, k'eyif Kanu barka, k'entep-tepi ci, k'eyefe kəsəŋəs ci acəpse ən darəŋ nte təŋsəŋe ŋayerəs ci kənay k'afum mə.

⁷ Molop mələma mənayi sə. Nte elip kəyif Kanu barka teta mi mə, k'oloku a payer sə maməkə.

⁸ Kə kənay ka afum kəndi kə kənembarε, k'asətə cəfala camət-merəŋ cəlare cəcom cəlpəs.

⁹ Kənay ka afum kanjəkə kənabəp afum wul manjələ (4.000), nte telip mə, kə Yesu eləmbərne ŋa.

¹⁰ Gbəncana babəkə k'emberε debil kə acəpse ən darəŋ, kə ŋanjəkə sədare sa Dalmanuta.

aFarisi ŋawer Yesu tεgbekərə tεwey-wey

¹¹ Kə aFarisi ŋander, kə ŋancəp kəgbəkələne kə Yesu, nte ŋafan kəsəmpər kə dəmoloku mə, kə ŋawer kə tεgbekərə tεwey-wey tələma nte tementər a Kanu kəsom kə mə.

¹² Kə Yesu ontore kifir pəpəŋ, k'eyif: «*Ta ake tə dətəmp dandε deŋwene tεgbekərə tεwey-wey nte tementər a Kanu kəsom im mə-ε? Kance icloku nu: Afəmentər dətəmp dandε tεgbekərə nte o nte.*»

¹³ Nte elip kəlok-lokər ŋa mə, kə Yesu esak ŋa, k'emberε sə debil kəkə ka mokuru.

Lebin da aFarisi kə da Herodu

14 Acepse a Yesu darəj ɲanapələrne kələk cəcom. Kəcom kin gbəj kə ɲanayo dādo debil.

15 Kə Yesu oloku ɲa tosom nte: «Nəmepi fər, nəkəmbərne lebin da aFarisi kə da Herodu.»

16 Kə acepse ɲayefe kəgbəkələne taɲan, bawo ɲanayo fe cəcom.

17 Kə Yesu encəre tes nte ɲancbocərene kiti mə, k'eyif ɲa: «Ta ake to nəmbocərene kiti nəcloku a ɲəyo fe cəcom-ε? Nəntasəto fe mera haɲ ndəkəl? Nəfəcəre? Nəna nəmbiyε səbomp?»

18 Nəyo fər, mba nəfəɲəjk? Nəyo ləɲəs, mba nəfəne? Nəncəm-cəmnε fe,

19 nte inatep-tepe arkun wul kəcamət (5.000) cəcom kəcamət mə, cəcom cəlpəs cəfala cəke cə nənasəto-ε?» Kə acepse ɲaloku Yesu: «Wəco kə mərəj.»

20 «Nte inatep-tepe afum wul maɲkəle (4.000) cəcom camət-mərəj mə, cəfala cəke cə nənasəto cəcom cəlpəs-ε?» Kə ɲaloku Yesu: «Cəfala camət-mərəj.»

21 Kə Yesu eyif ɲa: «Haɲ ndəkəl nəntacəre fe ba?»

Yesu entaməs wətəɲəjk nde Betsayida

22 Yesu kə acepse ɲn ɲander Betsayida. K'əɲkεre kə wətəɲəjk k'alεtsεne kə, a pədeɲ kə kəca.

23 Kə Yesu osumpər wətəɲəjk wəkakə kəca k'ɲekεre kə dare kəsək. K'oyukər kə lin dəfər, k'endenjər kə waca, pəcyif kə: «Məɲɲəjk paka pələma ba?»

24 Kə wətəɲəjk emepi fər pəcloku: «Iɲɲəjk afum, iɲɲəjk ɲa pəmə tək, mba ɲaɲkət.»

25 Kə Yesu ɲəgbəkəre sə kədeɲ kə waca dəfər, nte wətəɲəjk nwe endegbəkəre kəmepi fər pəpəɲ mə, k'entamne, pəcnəjk pəwanjəra.

26 Kə Yesu elemərne kə, pəkə nde ndəɲn, k'oloku kə: «Ta məberε dare de!»

Piyer oloku a Yesu ɲəɲne wəyεk-yεk

27 Kə Yesu ɲawur kə acepse ɲn darəj ntende dare da Sesari sa Filip. ɲayi dəpə, k'eyefe kəyifət acepse ɲn: «Nte afum ɲaɲloku mə, an'iyəne-ε?»

28 Kə acepse ɲaloku kə: «Aləma ɲaloku a Aɲnabi Saɲ Batis, kə aləma a Eli, kə aləma sə a sayibe sələma.»

29 Kə Yesu eyif ɲa: «Pεcəm-cəmnε ponu, an'iyəne-ε?» Kə Piyer oloku: «Məna, Krist* məyənε.»

30 K'entɲ-tɲ ɲa kətəloku tetən ali fum.

Yesu endəjk defi dən kə kəfəte kən

31 Kə Yesu oncop kətəkε ɲa pəclene: «Mεne patəɲəs Wan ka Wərkun pələram. Abeki, aləɲne apəj, kə atəkε sariyε sa aSuyif ɲandewənəs kə, padif kə, mba pəfəte afi daco kə tataka ta maas tencepər-ε.»

32 Yesu oncloku moloku mamε pəsoku pεs. Kə Piyer ewe Yesu kəsək, k'eyefe kənal kə.

33 Mba Yesu olukus, k'ɲəgbətne acepse ɲn, k'ɲəgbəɲ-gbəɲər Piyer: «Məkafəl'em kumunt darəj, məna Sentani! Iw'am tewe ta Sentani bawo məfəcəm-cəmnε pəmə Kanu, mba pəmə afum.»

34 Kə Yesu ewe kəɲay ka afum kə acepse ɲn darəj, k'oloku ɲa: «Kə fum εfaɲ kəcəps'em darəj-ε, wəkayɲ pəsak kəcəm-cəmnε teta nkənsərka, pəgbəɲne kətək kən kəpəmpəl pəcəm'em darəj.»

35 Bawo nwe o nwe ɲɲεp kəyεc kəyɲ doru kən mə, kəndesalpər kə, mba nwe o nwe kiyi doru kən kəɲsalpər kə teta ina kə Kibaru Kátot mə, endeyac ki.

* 8:29 Krist = «Wəsom ka Kanu» tokule to = «Nwe Kanu kəyεk-yεk kəsom mə teta kəyεc afum a Kanu.»

³⁶ Dækacáme dere dɔ tɔyɔ fum kəsɔtɔ kɔn doru kɔrkɔr, kiyi kɔn doru kəsɔlɔr kɔ-ε?

³⁷ Ake fum entam kəsɔŋ kəwursɛ ka kiyi kɔn doru-ε?

³⁸ Nwɛ o nwɛ elapərn'em kɔ moloku mem dɛtɛmp da aciya kɔ asumpər dalakɔ dandɛ daco mɔ, Wan ka Wɔrkun sɔ endekɔlapərne wəkayi k'endeder nɔrɔ da Kas disrɛ, kɔ mɛlɛkɛ mecempi.»

9

¹ Kɔ Yesu oloku acɛpsɛ ɔn sɔ: «Icɔluku nu kance: Afum alɔma ŋayi nnɔ, aŋɛ nantɔdefi ta ŋantanɔŋk dɛbɛ da Kanu dederɛnɛ fənɔntər-ɛ.»

Kətəŋkɛ ka Yesu

² Ntɛ mata camət-tin mencepər mɔ, kɔ Yesu elɛk Piyɛr, Sak kɔ Isan ƙ'ɛŋkɛkɛrɛ ŋa kəsɔk ndɛ dətɔrɔ tɛŋɛci, kɔ ŋambɔkɛrɛ. Kɔ Yesu ɔŋkɔ pətəŋkɛlɛ fɔr yaŋan kirin.

³ Kɔ yamos yɔn yomot pəfer mɛrɛ fum o fum ɔntɔtam kɛcɛm yi yefɛrɛ pəmɔ tətɔkɔ mɔ.

⁴ Aŋnabi Eli kɔ Aŋnabi Musa ŋawurɛr Piyɛr, Sak kɔ Isan, kɔ ŋanəŋk afum akanɛ mɛrəŋ ŋacɔk-ɔluku kɔ Yesu.

⁵ Kɔ Piyɛr oloku: «Wətəkɛ, pəntesɛ su kəyi nnɔ. Pacəmbər ŋgbancan maas: Ŋin ŋam, ŋin ŋa Aŋnabi Eli kɔ ŋin ŋa Aŋnabi Musa.»

⁶ Piyɛr ɛnacərə fɛ tɔlɔm o tɔlɔm nte ɔŋkɔluku mɔ, bawo kənɛsɛ kənasumpər ŋa pəpəŋ.

⁷ Kɔ kəp kəŋgbəpər ŋa kətəkəp, kɔ dim dowur kəp kəŋkɔ disrɛ: «Wəkawɛ wan kem nwe imbɔtər mɔ ɔfɔ. Nəcəŋkəl kɔ!»

⁸ Gbancana babɔkɔ kɔ ŋamɔmən kəsɔk, ŋanəŋk fɛ sɔ fum mɛnɛ Yesu sona.

⁹ Ntɛ ŋanctor dətɔrɔ mɔ, kɔ Yesu entin-tin ŋa kətɔluku tɔkɔ ŋanəŋk mɔ fum, haŋ Wan ka Wɔrkun pəcfɔtɛ afi daco.

¹⁰ Kɔ acɛpsɛ aŋɛ maas ŋamɛŋkərne tɔluku tətɔkɔ, ŋacyiftɛnɛ taŋan: «Cəke cɔ kəfɔtɛ afi daco» kɔluku-ε?»

¹¹ Kɔ ŋayif Yesu: «Ta ake tɔ atəkɛ sariyɛ s'aSuyif ŋanlɔkɛ a mɛnɛ Aŋnabi Eli pənunɔkɛnɛ kəder kərəsna-ε?»

¹² Kɔ Yesu oloku ŋa: «Eli ender kərəsna kədelompəs mɛs fəp. Ta ake t'ancicɛ a mɛnɛ pətɔrəs Wan ka Wɔrkun pəlarəm, pawɛnəs kɔ-ε?»

¹³ Mba iluku nu a Eli ender, kɔ afum ŋayɔ kɔ tɔkɔ ŋafan mɔ, pəmɔ tɔkɔ Yecicəs Yosoku yoluku tetən mɔ.»

Yesu ɛntaməs wan nwɛ ŋəŋk ŋɛlɛc ŋɛnatoŋkulu mɔ

¹⁴ Ntɛ Yesu, Piyɛr, Sak kɔ Isan ŋander ŋabəp acɛpsɛ alpəs a Yesu darəŋ mɔ, kɔ ŋanəŋk kənay ka afum alarəm kəkɛl ŋa, atəkɛ sariyɛ s'aSuyif ŋacgbɛkɛlɛnɛ kɔ ŋa.

¹⁵ Ntɛ kənay ka afum kəndenəŋk Yesu mɔ, kɔ cusu cəwɔs ŋa, kɔ ŋayɛkəsərne kəɔeyif kɔ.

¹⁶ Kɔ Yesu eyif acɛpsɛ ɔn: «Ake ŋayi kəgbɛkɛlɛnɛ kɔ ŋa-ε?»

¹⁷ Kənay ka afum disrɛ kɔ fum wəlɔma oluksɛ Yesu moloku: «Wətəkɛ, wan kem inɔkɛ'am, nwɛ ɔyɔ ŋəŋk nŋɛ ŋɛŋyamɛ kɔ kɔlɔk-ɔluku mɔ.

¹⁸ Kəfɔ nkɛ o nkɛ ɛncəmɛ ŋɛbɛrɛ kɔ mɔ, difɔ ŋɛŋgbal kɔ dɛntɔf, wan pəwurɛ kəfɔc dəkusu, pəcŋaŋərənɛ sek, pəcyɛŋkərənɛ. Iɛtsɛnɛ acɛpsɛ am darəŋ ŋabelas ŋəŋk ŋɛlɛc ŋaŋɛ, mba ŋantam fɛ.»

¹⁹ Kɔ Yesu eyif ŋa: «Dɛtɛmp dɔtɔlan, ake tɛm t'indəsɔyi kɔ nənə-ε? Icəmɛ nu dɛntɔf haŋ tɛm tɛrɛ-ε? Nəkɛ'em kɔ.»

²⁰ K'anjkerε kó wan nwe. Nte njɔk njεc njendenɔjk Yesu mɔ, kó njeyikεc wan pəpɔj, k'entempene dantɔf pəcbəjkəle, pəcwurε kəfoc dəkusu.

²¹ Kó Yesu eyif wan nwe kas: «Kəyεfe ake tem tɔ tante tenji kɔ-ε?» Kó kas oloku Yesu: «Kəyεfe pəfete.

²² Telarəm njɔk njεc njəje njɛjgbal kó dənenc, tɔloma dəromun nte tɔjɔnje njedif kó mɔ. Mba kó tɔyone məntam tɔloma-ε, məyɔne su nɔnɔfɔr məmar su!»

²³ Kó Yesu oloku kó: «Məloku a kó məntam-ε? Antam kəyɔ mes fəp, kó tɔyone patəmpər kəlan-ε.»

²⁴ Gbəncana babəkó kó wan kas ɔjkule pəpɔj: «!lan! Kəlan kem kəmbut, mba məmar im!»

²⁵ Nte Yesu ɛnəjk kənay ka afum kəcyekse kəder mɔ, k'ɛnjgbəj-gbəjər njɔk njεc pəcloku nj: «Məna njɔk njεc njɔtɔlok-loku, njɔtone, in'ɔjɔsom əm, məwɔr wan wəkawε dərɔs, ta məberε kó sɔ!»

²⁶ Kó njɔk njεc njowur wan wəkawε dərɔs njɔkule-kule pəpɔj, njeyikεc kó pəpɔj. Kó wan eyi pəmɔ efi, kó afum alarəm njaloku a efi.

²⁷ Mba kó Yesu osumpər kó kəca, k'eyeki kó, kó wan ɛncəme.

²⁸ Nte Yesu njalukus daker kó acəpse ɔn mɔ, kó njayεfe kəyifət kó yɔkyɔk: «Ta ake tɔ sənəsərka səntɔnatame kəbɛləs nj-ε?»

²⁹ Kó Yesu oloku nj: «Dokom da yɔjk yelec dandε, kətola Kanu gbəcərəm kəntam kəwɔrε yi dəfum.»

Yesu njgbəkəre sɔ kədəjk defɔ dən kó kəfɔte kən

³⁰ Nte Yesu eyεfe dəndo mɔ, k'encali Kalile, ɛnafanj fe a pacərə ti.

³¹ ɛntəkse acəpse ɔn pəcloku nj: «Dəkəber afum dəwaca Wan ka Wərkun eyi, njandedif kó, pəfete afi daco kó mata maas mencəpər-ε.»

³² Mba toloku tante tənəsəkər fe acəpse ɔn, njacnesε kəyifət kó.

An'εbek dəkəcəme-ε?

³³ Yesu kó acəpse ɔn njɔk Kəpərnəm. Nte njambere daker mɔ, kó Yesu eyεfe kəyifət nj: «Teta ake tɔ nəndenagbəkəlɛnɛnɛ dɔpɔ-ε?»

³⁴ Mba acəpse ɔn njanaloku fe kó tes o tes, bawo njanagbəkəlɛnɛ dɔpɔ, kəcərə ka nwe ɛmbek dəkəcəme mɔ.

³⁵ Ti disre, kó Yesu ɛndε, k'ewe acəpse ɔn njε wəco kó mɛrəj, k'oloku nj: «Kó fum ɛfaj kəyɔne wəcəkɔ-cəkɔ-ε, wəkayi pəyɔne wədərəj ka fəp, pəyɔne sɔ wəmarəs ka fəp.»

³⁶ Kó Yesu ɛlek wanfet, k'ɛnɛkne kó nj daco, k'oloku nj:

³⁷ «Nwe o nwe ɛmbəj wanfet pəmɔ wəkawε tewe tem mɔ, ɛmbəj sɔ inasərka. Nwe o nwe ɛmbəj im mɔ, bafɔ ina gbəcərəm ɛmbəj, mba ɛmbəj sɔ nwe osom im mɔ.»

Nwe ɔntəter su mɔ, ɔmbətər su

³⁸ Kó Isaj oloku kó: «Wətəkse, sənəjk fum wəloma pəcbɛlse yɔjk yelec tewe tam, kó səsɛp kəmɔne kó ti, bawo wəkayi ɛncəme fe su dərəj.»

³⁹ Kó Yesu olukse moloku: «Ta nəmɔne kó ti, bawo ali fum eyi fe nwe ɛntam kəyɔne tewe tem tɛgbəkəre tewe-y-wey pəckəlɔp wəkayi pəloku pəlec pem mɔ.

⁴⁰ Ti disre, nwe ɔntəce su mɔ, wəkayi ɛfaj su.

⁴¹ Nwe o nwe ɔsɔj nu domun təmbəl katin teta kəyɔne konu aka Krist mɔ, kance icloku nu: Wəkayi ɔfɔdekəbut kəsɔtɔ kəway kən kətɔt.»

42 Kə Yesu embenne na nte: «Mba kə fum əsəne wanfet wəkin kəlonje awut akanje daco nwe engebekər im kəlan kən mə-ε, kiti ka wəkayi kəyenjk kətas təkə aηkotərene kə tasar pəpəη dəkilim pələm kə dəkəba mə.

43 Kə kəca kam kəndəsəη'am kəciya-ε, məgbinti ki! Bawo kəberε kiyi kam ka doru o doru məyo kəca kin kəncəpər kələm kam yahanama dənenc nde dəntənimε mə, məyo waca mērəη.

44 *

45 Kə təyənε kəkək kam kənsəη'am kəciya-ε, məgbinti ki. Kəberε kiyi kam ka doru o doru məyo kəkək kin kəncəpər kələm kam yahanama məyo wəkək mērəη.

46 †

47 Kə təyənε dəfər dam dənsəη'am kəciya-ε, məkakti di. Kəberε kam akip ηa dεbe da Kanu dəntəf məyo dəfər din kəncəpər kələm kam yahanama məyo fər mērəη.

48 Dəndo, «yet nyε yəηsəm dis mə yəfəfi, nenc nde dəncəf dis mə dəfənimε.»

49 Bawo nwe o nwe andəkəyək-yəkər kə nenc da kədusum pəmə nte aηyək-yəkər mēr dəperi mə.

50 Mēr paka pətət pə. Mba kə mēr mēndencε-ε, ak'antam kədəktəse sə mi-ε? Nəyi nənasərka pəmə mēr, nəyinε pəforu kə akə.»

10

Yesu kətəkse kən teta kəcenεne ka anεncεne

1 Nte Yesu eyefε dəndo mə, k'əηkə atəf ηa Yude ntende mokuru ma kəηgbəkə ka Yurden. Kə kənay ka afum alarəm kəηkə sə kəlonkanε kə kəsək. Kə Yesu oncop kətəkse ηa, pəmə təkə əncyə ti mə.

2 K'aFarisi ηander bawo ηanafəη kəcəpε kə towul dəmoloku, kə ηayif kə: «Sariye səwosε wərkun kəce wəran kən ba?»

3 Kə Yesu oloku ηa: «Cəke cə Musa εnasom nu-ε?»

4 Kə ηaloku: «Nte Musa εnaloku mə, a məcic areka ηecene wəran a mədewurεne kə.»

5 Kə Yesu oloku ηa: «Teta bəkək yonu yeyenjk tə Musa εnacice tosom tantε.

6 Mba dəkəcop da doru kə Kanu kəsəl ηa wərkun kə wəran.

7 Ti təsəηε nte wərkun ηənsake kas kə kεrε, pəsəktərne wəran kən mə,

8 afum akanje mērəη ηakafəle ηayənε tεsem tin. Ti disre ηayənε fε sə afum mērəη, mba tεsem tin.

9 Ta fum pəgbey təkə Kanu kənabembərəne mə!»

10 Nte ηalukus dεkər mə, kə acεpse əη ηayefε kəyifət kə teta moloku maməkə.

11 Kə Yesu oloku ηa: «Nwe ence wəran kən pəkə pənencε wələma mə, dəkəcəmε da wəsumpər dalakə d'eyinε wəran wəkəkə.

12 Kə wəran ence wos, wərkun wələma pənencε kə-ε, nkən sə dalakə d'eyi.»

Yesu kə awut

13 Afum ηanckεrε Yesu awut afət nte təηsəηε pəcdenər ηa waca teta kətolanε ηa pətət. Mba kə acεpse əη ηaηgbəη-gbəηər ηa.

14 Nte Yesu ənəjk ti mə, kə pəntεle kə, k'oloku ηa: «Nəsak awut ηader nno iyi mə, ta nəyamsər ηa kəder, bawo, afum aηε ηayi pəmə awut afət akanje mə, ηa ηayo dεbe da Kanu.

* **9:44** Yecicəs yəgbəkəre yələma yendenər: «Yahanama, yet nyε yəηsəm dis mə yəfəfi, nenc nde dəncəf dis mə dəfənimε.» † **9:46** Yecicəs yokur yələma yendenər: «Dəndo yet nyε yəsəm dis yəfəfi, dəndo nenc dəfənimε haη dabada.» **9:48** Esayi 66.24 **10:6** Dəkəcop 1.27 **10:8** Dəkəcop 2.24

15 Kance icloku nu: Nwe o nwe ɔntɔfayne dɛbɛ da Kanu pəmɔ wanfet mɔ, ɔfɔdekɔbɛrɛ di disrɛ.»

16 Kɔ Yesu ɛlek awut k'ɔntɔmpɛr, k'ɛyɛfɛ kətɔlanɛ nja pətət, pɛcdeŋ nja waca dəsəbomp.

Yesu kɔ warkun waka daka

17 Ntɛ Yesu osumpɛr dɔpɔ kəkɔ mɔ, kɔ fum wɔlɔma ɛyɛksɛ k'ende pɛcɛpɛ kɔ suwu pɛcyif kɔ: «Wətəksɛ wətət, cəke cɔ pamar im kəyɔ, nte tɔŋsɔŋɛ isɔtɔ kiyi wəyɛŋ ka doru o doru mɔ-ɛ?»

18 Kɔ Yesu ɛyif kɔ: «Ta ake tɔ mawen'em <Wətət-ɛ? Ali fum ɔyɔnɛ fɛ wətət, mɛnɛ Kanu sona gbɔŋ.»

19 Məncɛrɛ mosom ma Kanu: «Ta mədif fum, ta məsumpɛr dalakɔ, ta məkiyɛ, ta məbaŋɛ fum sedɛ sa yem, ta mədir fum, məlɛlɛs wisi kɔ wiri.»»

20 Kɔ fum nwe oloku Yesu: «Wətəksɛ, ilelɛs maməkɔ fɛp kəyɛfɛ isɔrɔfɛtɛ.»

21 Kɔ Yesu ɔmɔmən kɔ, kɔ tetɔn tɔmbɔt kɔ. Kɔ Yesu oloku kɔ: «Tɛs tin gbɔŋ tɔbut ɔm: Məkɔ məcaməs daka ndɛ məyɔ mɔ fɛp, məsɔŋ pəsam papəkɔ atəyɔ daka. Kɔ məyɔ ti-ɛ məndekɔsɔtɔ daka dɛlarəm ndɛ dəkɔm. Kɔ məlip-ɛ, mədɛr məcɛps'em darəŋ.»

22 Kɔ dis dɛndɛncɛ fum nwe kənɛ toloku ta Yesu, k'owur pəmɔncnɛ, bawo ɛnəyɔ daka dɛlarəm.

23 Kɔ Yesu ɔmɔmən acɛpsɛ ɔn k'oloku nja: «Pəncuca aka daka kəbɛrɛ ka akip nja dɛbɛ da Kanu dɔntɔf!»

24 Kɔ pənciyənɛ acɛpsɛ ɔn tɛta moloku maməkɔ. Mba kɔ Yesu ɔŋgbəkɛrɛ sɔ: «Awut em, pəncuca kəbɛrɛ akip nja dɛbɛ da Kanu dɔntɔf!»

25 Pəfəfɛrɛnɛ yokɔmɛ kəbɛrɛ abi nja tɛsɛmbɛ pətəs wəka daka kəbɛrɛ ka akip nja dɛbɛ da Kanu dɔntɔf.»

26 Kɔ toloku tatəkɔ tɛnanɔkanɛ kəwosəs acɛpsɛ ɔn cusu, kɔ ŋayiftɛnɛ: «Awa an'ɛntam ɔŋ kəfis-ɛ?»

27 Kɔ Yesu ɔmɔmən nja, k'oloku: «Afum ŋafɔtam ti, mba Kanu kəntam ti, bawo Kanu kəntam mɛs fɛp.»

28 Kɔ Piyɛr ɛyɛfɛ kəlɔku kɔ: «Səna səsak ca fɛp nte tɔŋsɔŋɛ səncəm'am darəŋ mɔ.»

29 Kɔ Yesu oloku kɔ: «Kance icloku nu: Fum ɛyi fɛ nwe ɛsakɛ tɛta ina kɔ Kibaru Kətət: Kəlɔ, awɛnc, akirɛ, kɛrɛ, kas, awut kɔ pəyɔnɛ fɛ ti antɔf-ɛ,

30 wəkayɛ ɔŋsɔtɔ tɛm tantɛ ayi mɔ tasar tin ta yayəkɔ məsak mɔ fɛp, kəyɛfɛ wɔlɔ, awɛnc, akirɛ, cɛrɛ, awut kɔ ntɔf kətɔrəs disrɛ, pəsɔtɔ sɔ kiyi wəyɛŋ ka doru o doru tɛm tekiriŋ.

31 Akiriŋ alarəm ŋandekɔyɔnɛ adarəŋ, kɔ adarəŋ ŋayɔnɛ akiriŋ.»

Yesu ɛndəŋk sɔ tamaas defi dən kɔ kəfɔtɛ kən

32 Dɔpɔ ŋanayɛ kəpɛ ka Yerusalɛm, kɔ Yesu ɛyi nja kirin, bəkɛc yɛnalɛcɛ-lɛcɛ acɛpsɛ ɔn, afum akɔ ŋanacɔmɛ nja darəŋ mɔ, ŋanɛsɛ. Kɔ Yesu ɛlek sɔ Asom ɔn anɛ wɔcɔ kɔ mɛrəŋ, k'ɛyɛfɛ kəlɔmɛr nja təkɔ tendɛsɔtɔ kɔ mɔ.

33 K'oloku nja: «Nəcəŋkəl im, Yerusalɛm ayi kəpɛ, andekɔlək Wan ka Wərkun pabɛr kɔ alɔŋnɛ apəŋ kɔ atəksɛ sariyɛ s'aSuyif dəwaca. Kɔ ŋandenɔr kɔ sariyɛ sa defi, ŋabɛr kɔ sɔ atəyɔnɛ aSuyif dəwaca,

34 akakɔ ŋafani kɔ, ŋayuksər kɔ lin, ŋasutɛ kɔ tɔrəŋkɔn, ŋadif kɔ. Kɔ mata maas mɛncɛpɛr-ɛ, pəfɔtɛ afi dacɔ.»

Teyif ta Sak kɔ Isan

35 Kó awut a Sebede anje merəŋ Sak kó Isan ɲander ɲaloku Yesu: «Wətəkse, səfan məyɔne su nte səndetol'am mə.»

36 Kó Yesu eyif ɲa: «Cəke cə nəfan a iyɔne nu-ε?»

37 Kó ɲalukse Yesu: «Məwose su wəkin kənd'am kəca kətət kó wəko kəca kam kəmeriya nde nərə da debeki dam.»

38 Kó Yesu oloku ɲa: «Nəncəre fe nte nəyi kətola mə. Nəntam kəwose kətərəs pəmɔ nke ina indesotɔ mə ba? Nəntam kəcəme pucuy fər kirin mpe pender kəbəp im mə ba?»

39 Kó ɲaloku: «Səntam ti.» Kó Yesu oloku ɲa: «Awa, nəna sɔ nəndesotɔ kətərəs nke indesotɔ mə, nəsotɔ sɔ pucuy pəpəŋ mpe pendebəp im mə.»

40 Mba nte tɔyɔne kənd'em kəca kətət kó kəca kəmeriya mə, bafɔ in'ɔŋsɔŋ ki. Afum akɔ aməŋke mofɔ mende maməkɔ mə, ɲa ɲayɔ mi.»

41 Kó pəntɛle acəpse ɔn anje wəco nno Sak kó Isan ɲayi mə.

42 Kó Yesu ewe ɲa, k'oloku: «Nəncəre a akɔ ancəre kətəmpər dəbe nde tɔf yɔlɔma mə, ɲantasərne afum anjan, səkət sɔ akirin a tɔf yayɔkɔ ɲaŋkətene kətam afum anjan kəroŋ.»

43 Mba tatəkɔ teyi fe nno nəna nəyi mə, nte tɔyɔne mə, nwe eɲfan kəbek dəkəcəme nu daco mə, pəmar wəkayi pəyɔne wəbəcə konu,

44 nwe o nwe eɲfan kəyɔne wəkirin nu daco mə, pəmar pəyɔne wəcar ka fəp.

45 Wan ka Wərkun ender fe padəbəcə kɔ, mba ender kədəbəcə afum pəsɔŋ sɔ kiyi kɔn wəyən pəwurus kənay ka afum.»

Yesu entaməs wətəŋɲk

46 Kó ɲander Yeriko. Nte Yesu encyefe Yeriko ɲasol kɔ acəpse ɔn darəŋ kɔ kənay ka afum alarəm mə, kó wətola wətəŋɲk wəlɔma, Bartime wan ka Time pənde dɔpɔ kəsək.

47 Kó Bartime ene a Yesu wəka Nasaret ɔfɔ, k'eyefe kəkule-kule: «Wan ka Dawuda, Yesu, məyɔn'em nənɔfɔr!»

48 K'afum alarəm ɲaŋgbəŋ-gbəŋər kɔ a pəcəŋk, mba pəcəŋkanə kəkule-kule: «Wan ka Dawuda, məyɔn'em nənɔfɔr!»

49 Kó Yesu encəme k'oloku: «Nəwe kɔ.» Kó ɲawe wətəŋɲk ɲacloku kɔ: «Məbəkne, məyefe, ew'am.»

50 Kó wətəŋɲk eləm duma dəkəroŋ, k'oyokne kəyefe, k'ɔŋkɔ nde Yesu eyi mə.

51 Kó Yesu eyif kɔ: «Cəke cə məfan a iyɔn'am-ε?» Kó wətəŋɲk oloku: «Wətəkse, iluksərne sɔ kəŋɲk!»

52 Kó Yesu oloku kɔ: «Məkɔ, kəlan kam kəntaməs əm.» Gbəncana babəkɔ, k'oluksərne sɔ kəŋɲk, k'encəme Yesu darəŋ.

11

Yesu embere Yerusalem

1 Nte Yesu kɔ acəpse ɔn darəŋ ɲalotərne Yerusalem mə, pəsɔɔyi kəca ka Bətfae kó Betani ntende tɔrɔ ta Tək ya Olif kəsək, k'osom acəpse ɔn darəŋ merəŋ,

2 pəcloku ɲa: «Nəkɔ nde dare dandə nəntəfərne mə, kó nəndena kəcberε di-ε, nəŋkəbəp di səfale səfet nse fum o fum entatənde kərəsna kəroŋ mə. Nəsikəli si, nəker'em.

3 Kó tɔyɔne fum pəyif nu: «Ta ake tɔ nəŋyɔne ti-ε?» Nəloku kɔ: «Bawo Mariki efan si. K'elip-ε, ɔŋkɔ ndəkəl lukse si nno.»

4 K'acəpse a Yesu darəŋ anje ɲaŋkɔ, kó ɲambəp səfale səfet nse pakot si dabanja kumba kəsək dɔpɔ, kó ɲasikəli si.

⁵ Afum aləma aŋe ŋanayi dānda mə ŋayif ŋa: «Cəke cə nəyi kəyö-ε? Ta ake to nəŋsikələ səfale sasəkö-ε?»

⁶ Kə ŋaloku təkə Yesu ənaloku ŋa mə, k'akakə ŋawosə ŋa kəsikəli si.

⁷ Kə ŋaŋkene Yesu səfale nse, kə ŋadəŋsər si suma səŋan sakəron, kə Yesu endə si kəron.

⁸ K'afum alarəm ŋamper-perə kə suma səŋan sakəron dəpə, kə aləma ŋamboce kə bat dəpə nyə ŋanacep dəkulum mə.

⁹ Afum akə ŋanəkət kə tekirin, kə akə ŋanacəmə kə darəŋ mə ŋackule-kule:

«Hosana! * Kanu kəpocə pətət nwe enderene tewe ta Mariki mə!

¹⁰ Kanu kəpocə pətət dəbə da kas kosu Dawuda ndə deyi kəder mə!

Hosana pələl peyi Kanu nke kəyi dəkəm mə!»

¹¹ K'emberə Yerusalem nde kələ kəpəŋ ka Kanu. Nte elip kəməmən cəsək cən mə, kə bibi pender, Yesu kə acəpse ən wəco kə mərəŋ ŋawur kə ŋaŋkə Betani.

Yesu ontolanə kətək pələc

¹² Dəckəsək nte ŋacwur Betani mə, dor dənayo Yesu.

¹³ K'ənəŋk pəbələ kətək ka yokom ya fik kəkumtər bəpər, k'əŋkə kəməmən kə pəyone a əŋsətər ki pedi-ε, mba nte əmbəp ki mə, ənənəŋk fə pokom o pokom mənə bəpər, bawo bafə tēm tokom ta fik tenayi.

¹⁴ Kə Yesu oloku kətək: «Ta fum o fum pədi sə yokom ya mənə!» Kə acəpse ən darəŋ ŋane ti.

Yesu nde kələ kəpəŋ ka Kanu

¹⁵ Kə ŋaŋkə Yerusalem. Nte Yesu əmbərə kələ kəpəŋ ka Kanu mə, k'eyefe kəbələs acaməs fəp kə akə ŋancway dāndo kələ kəpəŋ mə. K'əŋgəbaləs məsa ya əsəkrər pəsəm kə səcəm sa acaməs ntantoriya,

¹⁶ ənawosə fə nwe o nwe kəsare-sarə ca pəcepərəne dāndo kələ kəpəŋ disre.

¹⁷ Kə Yesu əntəkse ŋa pələluku: «Bafə Kanu kələluku dəYecicəs: «Andewe kələ kem dəkətəla Kanu da afum a təf ya doru fəp.» Mba nəna nəŋkəfəli ki təgbəkene ta calbante.»

¹⁸ Aləŋne apəŋ kə atəkse sariye s'aSuyif ŋane kə dim, kə ŋanten təkə ŋantam kədif kə mə. ŋancnəse kə, bawo cusu cənawos afum fəp teta mətəkse mən.

¹⁹ Nte dəfəy dəmbəp mə, Yesu kə acəpse ən darəŋ ŋawur dare.

Yesu kə kətək kəwosərəne

²⁰ Bətbət, nte ŋayi kəcepər mə, kə acəpse ən darəŋ ŋanəŋk kətək ka fik kəwosərəne haŋ ntəntəl.

²¹ Kə Piyer encəm-cəmne təkə tenacepər mə, k'oloku Yesu: «Wətəkse, məməmən kətək ka fik nke mənatolanə pələc mə, kəwosərəne.»

²² Kə Yesu oloku ŋa: «Nəgbəkər kələŋ konu Kanu.

²³ Kance icloku nu: Nwe oŋloku tərə tante: «Məyefe nno məkə mələmnə dəkəba,» kə məntənesər-nesər dəbəkəc, mba mələŋ a təkə mələluku mə tənji-ε, aŋyən'am ti.

²⁴ It'əsəŋe nte iloku nu: Nte o nte tə nələluku kətəla Kanu disre mə, nələŋ a nəŋsətə ti, aŋyone nu ti.

²⁵ Kə təyone nəndetəla, pəyone nəməŋke fum mətələ-ε, nəŋaŋnəne kə, nte təŋsəŋe Kas konu nke kəyi nde dəkəm mə, kəŋaŋnəne sə nəna pələc ponu.

²⁶ [†]

* **11:9** Hosana = toloku ta kusu ka Arame tə, it'oloku «O Mariki, məyəc su!» **11:9** Yabura 118.25-26
11:17 Esayi 56.7 **11:17** Yeremy 7.11 † **11:26** Yecicəs yokur yələma yendəŋər moloku mamə: «Mba kə nəna nəntəŋaŋnəne akə-ε, Papa konu nwe eyi nde dəkəm mə əŋaŋaŋnəne sə nəna kəciya konu.»

Deke dɛbɛ da Yesu dɛnyɛfɛ-ɛ?

²⁷ Kó Yesu ñalukus Yerusalem kó aɛpɛsɛ ɔn, nte ñanckot nde kɛlɔ kɛpɔn ka Kanu mɔ, alonɛnɛ apɔn, atáksɛ sariyɛ s'aSuyif kó abeki a dɔtɔf ñander ñabɔp Yesu

²⁸ kádeyif kó: «Kátam kɛre kó mɔnyɔnɛ mame-ɛ? An'ɔsɔn ɔm kátam nke mɔnyɔnɛ mes mame mɔ-ɛ?»

²⁹ Kó Yesu oloku ña: «Teyif tin gbɔn t'indeyif nu, nɛlúks'em ti, ina sɔ iloku nu kátam nke inyɔnɛ mame mɔ.

³⁰ Kɛgbɛt dɛromun ka Saɲ dákɔm kɛncyɛfɛ ba, ka nda afum? Nɛlúks'em toloku.»

³¹ Mba kó ñayɛfɛ kɛgbɛkɛlɛnɛ tanjan: «Kó sɛlúksɛ ndekál a dákɔm kɛgbɛt kɔn kɛnyɛfɛ-ɛ, enyif su: «Ta ake tɔ nɛnatɔlanɛ Saɲ-ɛ?»

³² Kó sɛloku a nda afum kɛncyɛfɛ-ɛ, apayo! Pɔyɔ wɛyɛwɛy dɛnda!» Nɛncnɛsɛ kɛnay ka afum, bawo fɔp fɛnacɛrɛ a Saɲ sayibɛ yati s'ɛnayɔnɛ.

³³ Kó ñalúksɛ Yesu moloku: «Sɛncɛrɛ fɛ.» Kó Yesu nkɔn oloku ña sɔ: «Ina sɔ, ifɔloku nu kátam nke inyɔnɛ mame mɔ.»

12*Totubcɛnɛ ta abɔc ñgbɔɲkɛlɔ ya wɛn alɛc*

¹ Kó Yesu ɛyɛfɛ kɛlɔk-lokar ña dɔtotubcɛnɛ: «Fum wɛlɔma ɛnabɔf ñgbɔɲkɛlɔ ya wɛn. Kó fum nwe ɔsɔnɛ yi saɲka haɲ k'ɔnɔɲkɛr, k'ɛɲkay dɛkɛfɔcɔs da wi, k'ɛncɛmbɛr tetek tobumɛ. Nte elip mɔ, k'ɔsɔn yɛbɔc ya abɔf ña ñgbɔɲkɛlɔ ya wɛn yayɔkɔ afum alɔma, ñatɔɲnɛ kó akakɔ kɛcsɔn kó kɛway, kó nkɔn owur k'ɔɲkɔ marɛnt.

² Nte tɛm tepim tɛmbɔp mɔ, kó fum nwe osom wɛcar nda abɔf a ñgbɔɲkɛlɔ ya wɛn, kɛkɔbaɲ yokom ya wɛn yɔkɔ pɛmar pɛsɔn kó kɛway kɔn mɔ.

³ Kó abɔc a ñgbɔɲkɛlɔ ya wɛn ñasumpɛr kó, kó ñasut, kó ñasak, k'olukus waca wɔsɔkɛr.

⁴ Kó wɛka ñgbɔɲkɛlɔ nwe osom sɔ wɛcar wɛlɔma, kó abɔc a ñgbɔɲkɛlɔ ya wɛn anɛ ñasut sɔ wɛkakɔ domp, kó ñalapɛs kó dɛmɔlɔmɔs.

⁵ Kó mariki mme mɔnyɔbɔkɛrɛ sɔ kɛsɔm wɛlɔma, kó abɔf anɛ ñasumpɛr wɛkakɔ kó ñandif. Abɔc akanɛ ñanasut alarɛm, ñacdif alarɛm.

⁶ Wan kɔn nwe ɔmbɔtɛr mɔ, sona s'ɛnacɛmɛ kó oɲ. K'osom wɛlpɛs wɛkakɔ nnɔ ñayi mɔ, pɛcloku: «Ñanɲkɔlɛlɛs wɛkawɛ, wan kem ɔfɔ!»

⁷ Kó abɔc a ñgbɔɲkɛlɔ ya wɛn anɛ ñalokɛnɛ: «Wɛlɛk kɔn kɛ ɔfɔ, wɛkawɛ! Nɛdɛr, padif kó, kɛ kɛndeyɔnɛ kosu.»

⁸ Kó ñasumpɛr kó, kó ñandif, kó ñanɲgbal kɛbel kɔn saɲka tadarɔn.»

⁹ Kó Yesu eyif ña: «Cɛke cɔ wɛka ñgbɔɲkɛlɔ endeyɔ-ɛ? Wɛka ñgbɔɲkɛlɔ ender pɛdifɔt abɔc akakɔ, pɛlɛk abɔc alɔma, pɛsɔn ña yɛbɔc ya ñgbɔɲkɛlɔ yɔn.

¹⁰ Nɛnakaraɲ fɛ Yecicɔs Yosoku yayɛ ba?: «Togbu mɛpɛ acɛmbɛr kɛlɔ ñanace mɔ, pɛnɛdɛr pɔyɔnɛ oɲ togbu pɔtɔt, pa daco.

¹¹ DɛMariki tɛyɛfɛ, tes tɔ nte tenciyanɛ su dɛfɔr mɔ.»»

¹² Kó akirin aSuyif ñafan kɛsumpɛr Yesu, mba kó ñanɛsɛ kɛnay ka afum. Ñanacɛrɛ a tetanjan tɔ Yesu ɛnalokɛnɛ totubcɛnɛ tatɔkɔ. Kó ñasak Yesu, kó ñanɲkɔ.

Akirin aSuyif ñafan kɛcɛpɛ Yesu towul

¹³ Kó akirin aSuyif ñasom nnɔ Yesu eyi mɔ aFarisi kó afum a Herodu alɔma, nte tɔɲsɔnɛ ñacɛpɛ Yesu towul, ñasumpɛr kó dɛmoloku mɔ.

¹⁴ Kó akakɔ ñander ñaloku kó: «Wɛtáksɛ, sɛncɛrɛ a mɛlomɛp, mɛfɔnɛsɛ kɛlɛsɛr tɛwɛ, mɛfɔkiti fum tɛnɔɲk tɔn, dɔpɔ da Kanu yati dɔ mɛntáksɛ afum dɛkance.

Awa, sariye səwose su kəsəŋ Sesar* wəbe wəka təf ya Rom dut ba, ka ta səseŋ kə di?»

¹⁵ Nte Yesu enacəre ŋa kəyone abanene kəlomp mə, k'olukse ŋa: «Ta ake to nəhwakəs em-ε? Nəker'em gbəleŋ bin ba pəsam, ider iməmən.»

¹⁶ Kə ŋanxere kə gbəleŋ bin. K'eyif ŋa: «Alulu ŋa ana ŋə ŋaŋe kə yecicəs yaye-ε?» Kə afum aŋe ŋaloku: «Ya Sesar wəbe wəka Rom yə.»

¹⁷ Kə Yesu oloku ŋa: «Awa, nəseŋ Sesar pəkə pəyone pən mə, kə Kanu sə pəkə pəyone pən mə.» Kə cusu cəwos ŋa pəpəŋ tetən.

Teyif ta kəfəte afi daco

¹⁸ K'aSadisi† aŋe ŋaloku a fum əfəyefe defi mə, ŋander ŋayif Yesu:

¹⁹ «Wətəkse, nte to Musa enacice su: «Kə fum efi ta əyə wan, mba pəsak wəran-ε, pəmar wənc ka wəfi pələk wəcəbokəra wəkakə pənence, pəsəŋ wənc wəfi yuruya.»

²⁰ Awənc aŋa camət-məreŋ ŋanayi. Kə wəcəkə-cəkə enence, k'efi εsak fə yuruya.

²¹ Kə wəka məreŋ enence, nkən sə k'efi εsak fə yuruya. Itə pənayi wənc wəka maas,

²² ali wəkin awənc aŋa akanə camət-məreŋ enasak fə yuruya. Nte ŋalip kəfis-fis mə, kə wəran sə efi.

²³ Ti disre, kə dəsək dəyefe da afi dendeber, an'endeyə wəran-ε? Bawo afum akanə camət-məreŋ ŋananence kə!»

²⁴ Kə Yesu oloku ŋa: «Nənəŋk it'əsəŋe nte nənciyane mə. Nəncəre fə Yecicəs Yosoku, nəncəre fə sə fənəntər fa Kanu.

²⁵ K'afi ŋandefəte afi daco-ε, ŋafəde ŋacənence, ŋandeyi pəmə melekə mme meyi Kanu kəsək mə.

²⁶ Kəcloku a fum endefəte afi daco, nəŋkarəŋ fə buk ba Musa ba? Nte Kanu kənaloku Musa nde dərəntəm mə: «In'əyone Kanu ka Abraham, Kanu ka Siyaka, Kanu ka Yakuba!»

²⁷ Bafə Kanu ka afi k'əyone, mba ka ayi wəyeŋ. Nəna nəsolne fə kance!»

Tosom təkə telele tetas mosom fəp mə

²⁸ Kə wətəkse sariye s'aSuyif wələma, nwε enane ŋa sim ŋacgbekələne mə, enəŋk a Yesu olok-lokər ŋa belbel, k'ender pəcyif Yesu: «Tosom tere təkəkəmə mosom fəp daco-ε?»

²⁹ Kə Yesu oloku kə: «Tosom tayi təyone: «Məcəŋkəl Yisrayel! Mariki, Kanu kosu sona gbəŋ s'əyone Mariki.

³⁰ Məbətəre Mariki Kanu kam abəkək ŋam fəp, afəkəl ŋam fəp, məcəmcmne mam kə səkət sam fəp.»

³¹ Təcənc ta ti təyone: «Məbətər wənc əm pəmə təkə məmbətərne mə.» Tosom tələma teyi fə nte təkək tetas məmə məreŋ mə.»

³² Kə wətəkse sariye nwε oloku kə: «Tentesε, Wətəkse, məloku ti kance disre: A Mariki sona sən gbəŋ s'əyone Kanu, a wələma eyi fə kə pəntəyone nkən-ε,

³³ məbətər kə abəkək ŋam fəp, kə dosoku domp dam fəp, kə səkət sam fəp, məbətər wənc əm pəmə təkə məmbətərne mə. Mosom məməkə məyə dəkəkəmə metas yəcəl nyε ancəfə Mariki mə kə yolonə yələma fəp.»

* **12:14** Sesar tewe to, nte anaseŋ nwε o nwε ətəmpər dəbe da təf ya Rom mə. † **12:18** ASadisi = kəgba ka afum aSuyif aŋe ŋancəm-cəmne a kəyefe defi kəyi fə, melekə meyi fə, yəŋk kə arkifin yeyi fə mə. Məməmə sə Asom 23.8 **12:26** Kəwur 3.6 **12:30** Sariye 6.4-5 **12:31** ALewy 19.18

34 Nte Yesu enənj k a wətəkse sariye wəkawε oloku təkə pəmar mə, kə Yesu oloku kə: «Məmbəle fe kəberε akip nja dəbe da Kanu dəntəf.» Ali fum enabəkne fe sə kəyifət kə toloku təloma.

Krist kə Dawuda

35 Yesu pəctəkse nde kələ kəpən ka Kanu: «Cəke cə atəkse sariye s'aSuyif nantam kələku a Krist‡ wan ka Dawuda gbəcərəm əfə-ε?»

36 Amera Nəcempi nenasəne nkən Dawuda yati kələku nte: «Mariki Kanu oloku Mariki mem: «Məder mənd'em nnə kəca kem kətət hanj iclip kəboc aterεne am wεcək wam dəntəf.»

37 Nkən Dawuda yati ewe wəsom wəka Kanu «Mariki», cəke cə Mariki entam kəyənε wan ka Dawuda-ε?» Kənay ka afum alarəm kəncənj kəl Yesu pəbotu disre.

Yesu oloku kənay ka afum kəkembərne ka atəkse sariye

38 Yesu oncloku kənay ka afum dəmetəkse mən: «Nəkembərne atəkse sariye s'aSuyif, nambətər kəcacεne suma səpən, pacyif nja kəyif kələl mofo mme ambəpsεne mə,

39 pacsən nja səcəm səkirin sa dəkətola Kanu da aSuyif, pacsən nja dəkənde d'abε mofo medi yeri dəcəsata.

40 Nəcbənsər acəbokəra daka danan, nəcəlsε sali nte tənşənε pagbəkəre nja mə. Andəkəkiti nja kiti kəyənki.»

Kəpocε ka wəcəbokəra wətəyə daka

41 Dəndo kələ kəpən ka Kanu, Yesu pənde pətəfərne kanjərə, pəgbətne nte kənay ka afum kəmbər ki pəsam mə. Aka daka alarəm nəcber ki pəsam pəlarəm.

42 Kə wəcəbokəra wətəyə daka wələma ender pəboc fərejk mərəj nfe fənəpicε dəkəcəme mə.

43 Kə Yesu ewe acεpsε ən darən k'oloku nja: «Kance icloku nu: Wəcəbokəra wətəyə daka wəkawε ompocε pətəs akə fəp anε namboc pəsam kanjərə disre mə.

44 Bawo, pecerne pənan pə akə fəp namboc, mba nkən, kətəyə kən daka disre omboc pəkə yəy gbəcərəm pedi mə.»

13

Yesu oloku a andələsər kələ kəpən ka Kanu

1 Nte Yesu owur kələ kəpən ka Kanu disre mə, kə wəcεpsε kən darən wəkin oloku kə: «Wətəkse, məməmən masar mepat mətət, məməmən wələ wəpən wa kələ kəpən ka Kanu!»

2 Kə Yesu oloku kə: «Məjnənj k wələ wəpən wawε! Tasar pəfədedənse tasar kəronj nnə, mpe antədewuj mə.»

Pələc kə kətərəs

3 Nte Yesu endε nde tərə ta Tək ya Olif pətəfərne kələ kəpən ka Kanu mə, Piyε, Sak, Isən kə Andərə nja yεfe kəyifət kə njabəkəre:

4 «Mələku su ake tēm tə tatəkə tendeyi-ε? Tεgbəkəre tere tendementər kələre ka mes mame mələku mə fəp-ε?»

5 Kə Yesu εyεfe kələku nja: «Nəkembərne ta fum o fum pəsənε nu kəsələ!

6 Afum alarəm njandeder nəcənənε kəbəcə tewe tēm, njacloku nu: «In'əfə, wəsom wəka Kanu!» Njandetalər kənay ka afum alarəm.

⁷ Kó nændene pacloku teta kəwan kó pəyɔnɛ fɛ ti, pacfor teta ki-ɛ, ta nənese! Mɛnɛ mes maməkó meyi, mba tɔfɔdeyɔnɛ kərəsna kəlip ka doru de.

⁸ Bawo afum a atɔf nɔlɔma nandeyɛfərənɛ kó afum a atɔf nɔcuru, dəbɛ deyɛfərənɛ kó dəbɛ. Antɔf kəyikcɛ kó dor yendeyi mofɔ melarəm. Maməkó fəp mɛndeyi pəmɔ kəcop ka pucuy pa dokombəra.

⁹ Nəkembərɛ nənəsərka nte tɛntam kəbəp nu mɔ. Andekəkəre nu dənkiti d'aSuyif, andesut nu dəkətola Kanu da aSuyif delarəm. Nændeloku təkó nəncərə tetem mɔ akirinɔ a sədare səpəŋ kó abɛ a tɔf ɔlɔma fər kirinɔ.

¹⁰ Mɛnɛ padənəkər kərəsna Kibaru Kátot afum a tɔf ya doru fəp.

¹¹ K'andekəkəre nu kəkəbər nɔ dəwaca-ɛ, ta nənese təkó nənkaloku mɔ, mba nəlɔku təkó ankəsəŋ nu gbəncana babəkó mɔ, bawo bafɔ nən'endekəlɔk-lɔku, mba Amɛra Nɛcɛmpɪ nɔ Kanu.

¹² Wɛnc wendekəsəŋ wɛnc padif. Tatəkó tɔ kas kəndekəsɔyɔ wan kən. Awut nandekɔcəme akombəra anɔn dəbəkɔc, nɔsəŋ nɔ padif.

¹³ Fəp fəndeter nu teta tewe tem, mba nwɛ endebəkɛnɛ ti haŋ mes maməkó melip mɔ, Kanu kəndeyac kó.»

Pəyikyik pɛləsər pəpəŋ mɛ Mariki enter mɔ

¹⁴ «Kó nændənək pəyikyik pɛləsər pəpəŋ mɛ Mariki enter mɔ, pɛndɛ nno pəntɔmar pi kəyi mɔ, a afum akó nandeyi Yude mɔ pəmar nɔyɛkɛ nɔpɛ mərə kəroŋ. Pəmar wəkaraŋ ka buk bambɛ pəcərə tante!

¹⁵ Nwɛ enyi dabanɔka mɔ, ta pəbɛrɛ kəlo kən disrɛ kəkələk paka.

¹⁶ Nwɛ enyi dalɛ mɔ, ta pəlɔkus nde ndərən kəkələk duma dən.

¹⁷ Pucuy pɛrɛ pɔ tendeyɔnɛ abekəs, kó anɛ nandɛ nɔcɛmɛsər dəsək dadəkó mɔ!

¹⁸ Nətola Kanu ta pucuy papəkó pɛdɛr dərəŋ.

¹⁹ Bawo mataka maməkó mənɔyɔnɛ mataka ma kətərəs, nke kəntəyɔ kəwurɛnɛ kəyɛfɛ nte Kanu kəlompəs doru mɔ haŋ ndɛkəl, fum o fum afəsətərəs pəmɔ tatəkó.

²⁰ Mba Mariki Kanu pənətəbelər mataka maməkó-ɛ, k'ali fum ɔfɔdekəfis. Mba ɛnabelər mataka maməkó teta anɛ ɛnayɛk-yɛk mɔ.

²¹ Kó fum wəlɔma olɔku nu: «Məməmən: Krist eyi nno,» «Məməmən: Eyi ndɛ,» ta nələn wəkayi.

²² Bawo abanɛnɛ kəyɔnɛ Krist kó sayibɛ sa yem nandewur doru. Nade nɔcyɔ mɛgbəkərə kó mes mɛwɛy-wɛy nte tənɔsəŋ, kó tɔyɔnɛ nɔctam-ɛ, nətalər akó Kanu kənayɛk-yɛk mɔ.

²³ Nəkembərɛnɛ belbel, ilɔku nu mes mame ta mɛntabəp-ɛ!»

Kəder ka Wan ka Wərkun

²⁴ «Mba mataka maməkó, kó pucuy papəkó pɛncɛpər-ɛ, pəndeyɔ gbərəp, nɔf nɔfɔdɛsɔmar,

²⁵ cɔs cəndɛtɛmpɛnɛ kəyɛfɛ dəkəm, fənəntər fa kəm fəndeyikcɛ.

²⁶ Awa, andənək Wan ka Wərkun pəcɛdɛr dəkəp kó fənəntər fəlarəm kó nərə da dəbɛki dən.

²⁷ Endesom mɛlɛkɛ ɔn dəmɔmpəmɔpɔ ma doru fəp kəlɔŋka ka anɛ ɛnayɛk-yɛk mɔ dəmɔŋkubut mənɔkələ ma dəkəm kó antɔf.»

Kətəkɛ nke kətək ka fik kəsəŋ mɔ

²⁸ «Nətəkəs totubcɛnɛ nte kətək ka fik kəmentər mɔ: Kó wara wa ki wɛcənɔk wɛlɛŋk-ɛ, nəcərə a kətən kəlɔtərɛnɛ.

²⁹ Nəna sɔ, kɔ nəndənəŋk mes maməkɔ mecdɛr-ɛ, nəcərə a Wan ka Wərkun ɔlɔtərne yati.

³⁰ Kance icloku nu: Dɛtɛmp dandɛ dɔfɔcɛpər ta mes mamɛ fəp meyi-ɛ.

³¹ Kɔm kɔ antɔf yendesɔlɛ, mba moloku mem mɔfɔdesɔlɛ.»

Fum o fum ɔfɔcərə tɛm ntɛ Mariki endeder mɔ

³² «Ntɛ tɔyɔnɛ ta dɔsɔk, kɔ pɔyɔnɛ fɛ ti, ta tɛm ntɛ doru dendelip mɔ, fum o fum ɛncərə fɛ ti, ali mɛlɛkɛ nmɛ meyi dəkɔm mɔ fəp, ali wan, mɛnɛ Papa sona gbɔŋ ɛcərə ti.

³³ Nəkembərne, ta nədɔŋəs, bawo nəncərə fɛ tɛm ntɛ tendeyi mɔ.

³⁴ Pəndeyi pəmɔ ntɛ wərkun endekɔ marənt, pəsak kəlɔ kɔn, pəsɔŋ acar ɔn nwe o nwe yɛbɛc yɔn, pəsom wəbum kəkembərne kumba.

³⁵ Nəna sɔ nəkembərne, bawo nəncərə fɛ tɛm ntɛ wəka kəlɔ endeder mɔ: Tɛntam kəyɔnɛ dɔfana, cɛkɛcəkana, dɔsɔkana kɔ pɔyɔnɛ fɛ ti-ɛ bətbətana.

³⁶ Ta pəder pəbɛp nu nəcdirɛ.

³⁷ Tantɛ iŋloku nu mɔ, iŋloku ti fəp, nəkembərne!»

14

Abɛ ŋaseke Yesu tɛŋkəndəm

¹ Casata ca Kɛcɛpər ka Mɛlɛkɛ medif kɔ ka Cəcom cətɔnəŋkəl lebin pəmar cəyi kɔ mata mɛrəŋ mencepər-ɛ. Alohne apɔŋ kɔ atəkse sariyɛ s'aSuyif ŋanctɛn kəsumpər Yesu cəpənpən disrɛ, ŋadif kɔ.

² Bawo ŋancloku a ta pasumpər kɔ dɔsɔk da kəsata, ta tedesɔŋɛ pəyamayama pedeyi afum daco.

Wəran osop Yesu labundɛ dərɔmp

³ Ntɛ Yesu ɛnayı Betani mɔ, ndena Simɔŋ wəcunɛ sen, kɔ wəran wəlɔma ɛmbɛrɛ tɛtəŋnɛ ŋacdi yeri. Wəran nwe pətɔmpər təkɔbɔ pa alabatər* pɛlarɛ labundɛ da nar tɛp, labundɛ deyenki kəway. K'osuncu təkɔbɔ mpɛ, k'olonɔsər labundɛ ndɛ fəp Yesu dərɔmp.

⁴ Kɔ pəntɛlɛ afum alɔma, kɔ ŋayifnɛ: «Ta ake tɔ ɛləsərə-ɛləsərə labundɛ dandɛ-ɛ?»

⁵ Anatam di kɛcaməs haŋ pəsam gbəlɛŋ masar maas, pasɔŋ pi atɔyɔ daka.» Kɔ pəntɛlɛ ŋa nnɔ wəran nwe eyi mɔ.

⁶ Mba kɔ Yesu oloku: «Nəcə kɔ! Ta ake tɔ nəcəmɛnɛ kɔ darəŋ-ɛ? Tɔyɔ tɔtɔt t'ɔyɔ nnɔ ina iyi mɔ.

⁷ Atɔyɔ daka, ŋayi nu daco tɛm fəp, nəntam kəyɔnɛ ŋa pətɔt tɛm ntɛ o ntɛ nəŋfaŋ mɔ. Mba ina, nəfɔdɛy'em tɛm fəp.

⁸ ɔyɔ təkɔ ɛntam mɔ. Onuŋkɛnɛ kəsop im labundɛ kəlompəs ka kəbɛl kem a pacwup ki.

⁹ Kance icloku nu: Nnɔ o nnɔ andedəŋk Kibaru Kátot doru dandɛ kɔrkɔr mɔ, aŋloku sɔ tɔyɔ tɔtɔt ta wəran wəkawɛ kəcɛm-cɛməs ka doru.»

Yudas ɛfaŋ kəsɔŋ Yesu abɛ a alohne

¹⁰ Yudas wəka dare da Keriyot, nwe ɛnayı acɛpsɛ a Yesu darəŋ aŋɛ wəcɔ kɔ mɛrəŋ daco mɔ, ɔŋkɔ pəbɛp abɛ a alohne, ntɛ tɔŋsɔŋɛ pəbɛr Yesu ŋa dəwaca mɔ.

¹¹ Ntɛ alohne ŋanɛŋkəl moloku mən mɔ, kɔ pəmbɔt ŋa, kɔ ŋaloku kəsɔŋ kɔ pəsam. Yudas pəctɛn tɔyɔ ntɛ endekɔbɛr Yesu ŋa dəwaca mɔ.

Yesu eyi kədi yeri ya Pak kɔ acɛpsɛ ɔn darəŋ

* **14:3** Təkɔbɔ pa alabatər = Təkɔbɔ mpɛ anclompse tasar pɛfɛr pɛpat. Aŋwɛ tasar pətɔt mpɛ «alabatər».

12 Dɔsɔk dɔcɔkɔ-cɔkɔ da kɔsata ka Cɔcom cɔtɔnɔŋkɔl lebin, dɔsɔk nde an-clɔŋne ŋkesiya ya Kɔcɛpɛr ka Mɛlɛkɛ medif mɔ, kɔ acɛpse a Yesu darɛŋ ŋayif kɔ: «Deke mɛfan sɔkɔlomp's'am yeri ya kɔsata ka Kɔcɛpɛr ka Mɛlɛkɛ medif-ɛ?»

13 Kɔ Yesu osom acɛpse ɔn darɛŋ mɛrɛŋ, k'oloku ŋa: «Nɛkɔ dare, nɛŋkɔnɛŋk wɔrkun pɛsarɛ apampɛ ŋa domun pɛder, kɛdefayne nu. Nɛcɛme kɔ darɛŋ,

14 nde ŋkɔberɛ mɔ, nɛlɔku wɛka kɛlɔ: «Wɛtɔkse oloku: Deke dɛkɔlɔ deyi nde indedi yeri ya kasata ka Kɔcɛpɛr ka Mɛlɛkɛ medif kɔ acɛpse em darɛŋ-ɛ?»

15 Endekɔmentɛr nu dɛkɔlɔ dɔpɔŋ kɛlɔ darenc, palompɛs di belbel ca fɛp yeyi di. Dɛndo nɛŋkɔlompse su yeri ya kɔsata kanjɔ.»

16 Kɔ acɛpse ɔn darɛŋ ŋaŋkɔ, kɔ ŋambɛrɛ dare, kɔ ŋambɛp ca fɛp pɛmɔ tɔkɔ enaloku ŋa ti mɔ. Kɔ ŋalompɛs yeri ya kɔsata kanjɔ.

17 Kɔ dɔfɔy dɛmbɛp, k'ender kɔ acɛpse ɔn wɛcɔ kɔ mɛrɛŋ.

18 Tɛm nte ŋanandɛ dɛmɛsa ŋacdi yeri mɔ, kɔ Yesu oloku: «Kance icloku nu: Wɛkin nu dɛcɔ, nwe eyi kɛdi yeri kɔ ina mɔ, endɛbɛr im aterɛne em dɛwaca.»

19 Kɛmɔncne disre kɔ ŋayɛfɛ kɛyifɔt kɔ: «In'ɔfɔ ba?»

20 Kɔ Yesu oloku ŋa: «Wɛkin nɛna akanjɛ wɛcɔ kɔ mɛrɛŋ dɛcɔ, nwe sɛmbɛr waca dap din disre kɛdi yeri mɔ.

21 Wan ka Wɛrkun endɛfi, pɛmɔ tɔkɔ ancic ti mɔ. Mba pɛlɛc pere peyi wɛrkun wɛkawɛ endɛbɛr Wan ka Wɛrkun aterɛne ɔn dɛwaca mɔ! Kɛnatɔkom ka wɛrkun wɛkawɛ kɛnatam kɛtesɛ kɔ!»

Mariki kɛpɔŋne kan yeri, kɔpus kɔ acɛpse ɔn

22 Nte ŋancdi yeri mɔ, kɔ Yesu ɛlɛk kɛcom, k'eyif Kanu barka, k'entɛpi ki k'ɔsɔŋɔs ŋa pɛcloku: «Nɛbanj, dis dem dɔ.»

23 K'ɛlɛk sɔ tɔmbɛl ta wɛn, nte elip kɛyif Kanu barka mɔ, k'ɔsɔŋɔs ŋa kɔ ŋamun fɛp faŋan.

24 K'oloku ŋa: «Mecir mem mɔ, mmɛ alɔŋ teta kɛcanjɔs danapa da Kanu kɔ kɛnay ka afum mɔ.

25 Kance icloku nu: Ifɔsɔmun wɛn hanj dɔsɔk nde indegbɔkɛrɛ sɔ kɛmun wi, nde dɛbɛ da Kanu mɔ.»

26 Nte ŋalip kɛlɛŋɔs mɛlɛŋ mokor-korɛ Kanu mɔ, kɔ ŋawurnɛ ntɛnde kɛca ka tɔrɔ ta Tɔk ya Olif.

Yesu oloku a Piyɛr endɛce kɛcɛrɛ kɔn

27 Kɔ Yesu oloku ŋa: «Nɛna akanjɛ fɛp nɛndɛlukus im darɛŋ, bawo Yecicɛs Yosoku yoloku: «Indesut wɛkɛk, ŋkesiya yɛsamsɛr.»

28 Mba k'indɛfɔtɛ afi dɛcɔ-ɛ, indekɔkar nu Kalile.»

29 Kɔ Piyɛr oloku kɔ: «Ali fɛp fɛlukus ɔm darɛŋ, ina ifɛlukus ɔm darɛŋ.»

30 Kɔ Yesu oloku kɔ: «Kance iclok'ɔm: Pibi pampɛ yati, mɛndɛgbɛkɛl kɛmaas a mɛncɛrɛ f'em a kicipi kɛccam tamerɛŋ.»

31 Mba Piyɛr pɛcgbɛkɛl ti pɛpɔŋ: «Ali sɛfɛ kɔ mɛna, ifɛgbɛkɛl a incɛr'am.» Acɛpse a Yesu darɛŋ akɔ fɛp toloku tin tayi tɔ ŋancloku.

Yesu ɛsali Ketsemane

32 Kɔ ŋambɛp kɛfɔ nkɛ anjwe Ketsemane mɔ, k'oloku acɛpse ɔn darɛŋ: «Nɛnde nno tɛm nte injɔtɔla Kanu mɔ.»

33 K'ɛlɛk Piyɛr, Sak kɔ Isanj. Kɔ kɛnesɛ kɛpɔŋ kɛncɔp kɛsumpɛr Yesu kɔ abɛkɛc ŋɛlɛcɛ-lɛcɛ kɔ.

34 K'oloku ŋa: «Abɛkɛc ŋɛnanjkanɛ kɛdɛnc'em pɛmɔ ifi. Nɛyi nno, ta nɛdirɛ!»

35 Nte Yesu ɔmbɛlɛnɛ ŋa pɛpɛc mɔ, k'ɛmbɛlkɛr kɛcɛp tobu dɛntɔf, k'ontɔla nte tɔŋsɔŋɛ, kɔ tentam kɛyi-ɛ, tɛm tocouca tatɔkɔ tɔbɔlɛ kɔ.

36 Pæcloku: «Aba, Papa, mæn'etam mes fæp, mæbølen'em tømþæl pa kætøræs pampæ. Ti disræ, bafø tøkø ifañ mæ de, mba nte mæna mæfañ mæ.»

37 Kø Yesu ender pæbæp acæpse øn darøn ñacdiræ. K'eyif Piyer: «Simøn, kædiræ kø mænde ba? Mæntam fæ kætødiræ ali dec din?»

38 Ta nædiræ, nætola Kanu nte tønþønje ta næmberæ kæwakæs disræ mæ. Pæmbas mera yonu kæyø pætøt, mba næyø fæ søkæt kæyø ti.»

39 Kø Yesu ømbøle sø, pæcgbøkære totola Kanu tin tatakø.

40 Kø Yesu olukus, k'ender pæbæp acæpse øn darøn ñacðønjes, nte fæp yænælþ ña mæ, ñanacære fæ toløku nte ñañlukse kø mæ.

41 Kø Yesu øngbøkære sø kæder tamaas k'engbøn-gebønjer ña: «Nændiræ sø, kæþesæm kø nænde! Telip! Næcæñkæl: Tem tembæp, amber Wan ka Wærkun aciya dæwaca.

42 Næyefæ, þañkøn, nwæ eyi kæber im afum dæwaca mæ, øløtærne.»

Asødar ñasumpær Yesu

43 Yesu pæsørløkløku, kø Yudas nwæ enayi acæpse a Yesu anje wæco kø merøn daco mæ, ender pæsøle kænay ka afum anje ñanatømpær-tømpær sakma, kø tøk yosutnæne mæ. Alønne apøn, atækse sariye s'aSuyif kø abeki ñanasom ña.

44 Yudas nwæ encber Yesu ateræne øn dæwaca mæ, enasøn asødar temænæ nte: «Nwæ inþacup mæ, nkøn øfo wækakø. Næsumpær kø, nækekære, nægbekære kø helbel.»

45 Gbæncana babøkø kø Yudas ender, k'øløtærne Yesu, k'ewe kø: «Wætækse,» k'oncup kø.

46 Kø afum akakø ñantæpsær Yesu waca, kø ñasumpær kø.

47 Wækin acæpse øn darøn daco owuræ dakma døn, k'encæp wæcar ka wælønne wæpøn alønjes, k'engbinti ñi.

48 Kø Yesu øløku ña: «Næwur kædesumpær im, nætømpær-tømpær sakma kø tøk yosutnæne pæmø nte inþønne kalbante mæ.

49 Dæsøk ø dæsøk incyi nu daco ictækse nde kælo kæpøn ka Kanu, ta nænder næsumpær im-æ. Mba tatakø tenyi nte tønþønje Yecicæs Yosoku yelare mæ.»

50 Kø asøl øn fæp ñasak Yesu, kø ñayækse.

51 Wætæmp wæløma enacæme Yesu darøn, pægbælærne kælo to gbæcæram. Kø ñasumpær kø,

52 mba wækakø enasalpær ña, k'æsakæræne ña kælo to kæñkø enagbælærne mæ, k'eyækse pæwur fos.

Yesu fæp ya aboc kiti apøn

53 Kø ñañkekære Yesu ndena wælønne wæpøn. Abæ a alønne fæp, abeki kø atækse sariye s'aSuyif ñambæpsæne.

54 Piyer encæme ña darøn, pæcmømæn ti pæbøle, hañ nde kælo kæpøn ka wælønne wæpøn, nde abañka disræ. Pænde kø abum, pæcsaye nænc kæsæk.

55 Alønne apøn k'aboc kiti aSuyif fæp ñanctæn sede nse sænakøbænje ña moløku mækø ñanakøðænje Yesu, nte tønþønje padif kø mæ, mba ñanasøto fæ.

56 Afum alaræm ñancbønæ kø yem, mba yem yayøkø yoncsuræne fæ.

57 Aløma ñaccop kæbønæ kø yem nyæ:

58 «Sæne kø pæcloku: «Indelæsær kælo kæpøn ka Kanu kæñkæ waca wa fum wolompæs mæ, mata maas disræ icæmbær kæløma nke waca wa fum wæntødelompæs mæ.»

59 Ali yem yayøkø yenasuræne fæ kæyønne ka sede.

60 Kø wælønne wæpøn eyefæ afum daco, k'eyif Yesu: «Mæfølukse su tøløm ø tøløm ba? Cæke cø mæñløku teta moløku ma sede mme akanje ñambønæ am mæ?»

⁶¹ Mba kò Yesu encan̄k, olukse fe toloku nte o nte. Kò wəlon̄ne wəpəŋ eyif kò sò: «Mən'əyone Krist, Wan ka Kanu nke an̄kor-koru mō ba?»

⁶² Kò Yesu oloku: «In'ofò. Nəndenəŋk Wan ka Wərkun pəndə kəca kətøt ka Kanu nke kəntam mes fəp mō, pəcder nərə da debeki dən disre dəkəp ka dəkəm.»

⁶³ Kò wəlon̄ne wəpəŋ ewali-wali yamos yan k'eyif: «Sede səre sò pəmar payif-ε?»

⁶⁴ Nəne təkò əlməs Kanu mō. Cəke cə nəncəm-cəmnε-ε?» Kò fəp fəloku a pəmar padif kò.

⁶⁵ Kò afum əloma ŋayefe kəyuksər Yesu lin, ŋackump kò kəro, ŋacsut kò ŋkulma, ŋacloku: «Awa Sayibe, məloku su an'osut əm-ε?» Kò abum ŋambəŋ Yesu kò ŋafərəs kò waca dəkanca.

Piyer ence kəcəre Yesu

⁶⁶ Təm nte Piyer ənayi tantəf nde san̄ka disre mō, kò wəcar wəyecəra wəkin wəka wəlon̄ne wəpəŋ ender.

⁶⁷ Nte ənəŋk Piyer pəcsaye mō, k'əŋgbətnε kò, k'oloku kò: «Məna sò Yesu wəka Nasaret nənayi.»

⁶⁸ Kò Piyer əŋgbekəl ti pəcloku: «Incəre fe, incəre fe nte məna məfan̄ kəloku mō!» K'owur kəkəndε san̄ka tadarəŋ, nde dəkəbεre. Kò kicipi kəncam.†

⁶⁹ Kò wəcar wəran nwe ənəŋk kò, k'əŋgbəkəre sò ti kəloku akò ŋanayi di mō: «Wəloma ofò wəkawε sò.»

⁷⁰ Mba kò Piyer əŋgbekəl sò. Pəwon fe, aŋe ŋanayi di mō, ŋaloku sò Piyer: «Səlan̄ ti, afum akan̄e wəkin məyone, bawo məna sò wəka Kalile məyone.»

⁷¹ Kò Piyer eyefe kəderəm: «Kanu kətərəs im kò pəyone a kəyeme k'indε-ε! Indərəm a incəre fe fum wəkawε nən̄le mō!»

⁷² Gbəncana babəkò kò kicipi kəncam sò tamərəŋ. Kò Piyer encəm-cəmnε toloku təkò Yesu ənaloku kò mō: «Məndegbekəl kəmaas a məncəre f'em a kicipi kəccam tamərəŋ.» Kò Piyer eyefe kəbok.

15

Yesu fəp ya Pilat kirin

¹ Nte bətbət bəmbəp mō, əlon̄ne apəŋ kò abeki, atəkse sariyε kò aboc kiti aSuyif fəp, ŋəlon̄kanε kəkətəŋne nte andeyə Yesu mō. Nte ŋəlip kəkot kò mō, kò ŋambər kò Pilat dəwaca.

² Kò Pilat eyif kò: «Mən'əyone wəbe ka aSuyif ba?» Kò Yesu olukse kò: «Mən'oloku ti.»

³ Əlon̄ne apəŋ ŋanatəmpəre kò meyemsənε melarəm.

⁴ Kò Pilat eyif kò sò: «Məfəloku nte o nte? Məne mame ŋambonc am mō fəp!»

⁵ Mba Yesu ənalukse fe kò sò toloku nte o nte, ti tənawosəs Pilat kusu pəpəŋ.

An̄kiti Yesu kəfi

⁶ Awa kəren o kəren kəsata ka Kəcəpər ka Mələkε Medif, Pilat encsake afum yəŋəŋ wəyi dəbili wəkin nwe ŋəŋfan̄ mō.

⁷ Təm tatəkò fum wəloma ənayi dəbili pacwe kò Barabas nwe anabər dəbili teta kədif fum, nte ŋanayefe kəyən̄kər abε a dətəf səbomp mō.

⁸ Kò kənay ka afum kəmpe, kò ŋayefe kəyifət a pəyone ŋa təkò ambət kəyone ŋa mō.

⁹ Kò Pilat eyif ŋa: «Isakəre nu wəbe wəka aSuyif ba?»

† 14:68 Yəgbəkəre ya yecicas yokur yəloma yəyə fe: «Kò kicipi kəncam.»

10 Bawo Pilat enacəre a kəraca ka alonje apəj kənasəje ɲa kələk Yesu ɲaber kə dəwaca.

11 Mba kə alonje apəj ɲagbinər kənay ka afum, nte tənəje pasake ɲa yeɲən Barabas mə.

12 Kə Pilat əngbəkəre sə: «Cəke cə nəfan a iyə nwe nəje wəbe ka aSuyif mə-ε?»

13 Kə ɲayefe kəkule-kule: «Məcan kə dətək yeɲəmpəl!»

14 Kə Pilat eyif ɲa: «Pələc pere p'əyo-ε?» Mba kə afum ɲanankanε kəkule-kule pəpəj: «Məcan kə dətək yeɲəmpəl!»

15 Kə Pilat encem-cemne kəyo tefan ta kənay ka afum: K'əsake ɲa yeɲən Barabas. Nte elip kəsom pasute Yesu tənəkən mə, k'ember kə afum dəwaca a pacan kə dətək yeɲəmpəl.

Asədar ɲafani Yesu

16 Kə asədar ɲankekəre Yesu nde aban̄ka ɲa kələ kəpəj ka Pilat, kə ɲawe deɲgben̄k dadəkə fəp.

17 K'asədar ɲamber Yesu duma d'abe deyim, kə ɲandenər kə dəromp aɲgbənkələ ɲa bən̄k yodu.

18 Kə ɲayefe kəfani kə ɲacyif: «ɲyif əm, wəbe ka aSuyif.»

19 Kə ɲasute Yesu domp kəgbə, kə ɲayukər kə lin, ɲanut suwu teta kəfani kə.

20 Nte ɲalip kəfani kə mə, kə ɲawure kə duma d'abe deyim kə ɲamber kə yamos yən. Kə ɲankekəre kə kəkəcan̄ kə dətək yeɲəmpəl.

Ancan̄ Yesu dətək yeɲəmpəl

21 Kə asədar ɲawe fum wələma nwe enayefe dale mə, pacwe wəkayi Simən̄ wəka dare da Siren̄, papa ka Aleksandar̄ kə Rifis, kəkəgban̄ne tək yeɲəmpəl nyε anakə kəcan̄ Yesu mə.

22 Kə ɲankekəre Yesu kəfo nke aɲwe Kolkota mə, itə tatəkə «Kəfo ka Kəmbembəle».

23 Kə asədar ɲafan̄ kəsəj Yesu wen̄ wənənkəl acəl ɲje aɲwe «mir» mə, mba Yesu enawose fe wi kəmun.

24 Kə asədar ɲancan̄ Yesu dətək yeɲəmpəl, kə ɲayerene yamos yən, ɲakote ti yampun̄pun̄ nyε nwe o nwe en̄kekəre nde ndəron̄ mə.

25 Walaha wen̄ayi nte ɲanccan̄ Yesu dətək yeɲəmpəl mə.

26 Tecicəs nte tə ɲanac̄i kəmentər ka tes nte tenasəje k'andif kə mə: «Wəbe ka aSuyif.»

27 Kə ɲancan̄ Yesu dətək yeɲəmpəl kə calbante mērən̄, wəkin̄ pəyi kə kəca kətət, wəkə pəyi kə kəca kəmeriya.

28 [*]

29 Acepər ɲacləməs Mariki Yesu, ɲacfek kə domp. ɲacloku: «Məna nwe mən̄cəkəli kələ kəpəj ka Kanu, məcəmbər sə ki mata maas disre mə,

30 məyacne mən̄asərka, mətor dətək yeɲəmpəl yaye!»

31 Alon̄ne apəj kə atəkse sariye s'aSuyif, ɲa sə ɲancfani Yesu ɲacloku: «Enayac ələma, mba əfotam kəyacne nkənsərka!»

32 Krist, wəbe ka Yisrayel pətor oɲ ma dətək yeɲəmpəl, nte tənəje sən̄ənk̄ səlan̄ sə ti mə!» Afum akə anacan̄ kə Yesu mə, ɲancləməs kə sə.

Defi da Yesu

* 15:28 Yecicəs yokur yəkəkə-cəkə yələma yəyo fe moloku mame: «Tətəkə tə tecicəs tenamentərne, nte tenaloku: «K'ancəmbər kə calbante dacə.»» (Məməmən̄ sə Luk 22.37 kə Esayi 53.12.)

³³ Pándeyi dan, dec dosurɛɛ afum dəsəbomp, kə kubump kəntor dəntəf fəp, tənabəle kətenc han salifana.

³⁴ Salifana səndebəp, kə Yesu oŋkule-kule: «*Eloyi, Eloyi, lema sabaktani?*» Itə tatəkə: «Kanu kem, Kanu kem, ta ake tə məsak'em-ɛ?»

³⁵ Afum aləma akə ŋanayi di mə ŋanane kə dim. Ŋancloku kəfotə disre: «Məcəŋkəl, Aŋnabi Eli eyi kəwe tatəkə.»

³⁶ Kə fum wələma eyekse, k'əŋkə pəpuk yaŋgba dəməncəncə, k'ɛnepsər yi dəkəmotə, k'əsəŋ Yesu a pəmun, pəcloku: «Nəkar ma, pəməmən belbel kə təyənə a Eli endeder kədetorɛ kə-ɛ.»

³⁷ Mba kə Yesu owurɛ dim dəpəŋ, k'ɛŋgbɪŋ kifir.

³⁸ Kə kaloto kələl nke kəŋkəŋk təkə ta kələ kəpəŋ ka Kanu mə kəŋgbere daco, kəyefɛ takəroŋ han tantəf.

³⁹ Nte anəŋk Yesu kəgbɪŋ kən kifir mə, kə wəbe k'asodar wəRom nwe enayi di pətəfərne kə mə, oloku: «Fum wəkawɛ, Wan ka Kanu yati enayi.»

⁴⁰ Aran sə ŋanacəme pəbəle ŋacməmən. Aran akanɛ daco: Mari wəka Makdala, Mari iya wəka Sak wəfət kə Yosese, kə wəran wələma nwe ancwe Salome mə.

⁴¹ Aran akakə ŋanacəme Yesu darəŋ, ŋacəbɛɛ kə nte enayi Kalile mə, kə aran alarəm aləma anɛ ŋanape kə nkən Yesu Yerusalem mə.

Ambɛr Yesu dəkufu

⁴² Dəfəy dəmbəp, mba nte pənayənə dəsək da kələmpəsneɛ simiti dəsək da kəŋjesəm mə,

⁴³ wəka Arimate wələma nwe ancwe Isifu mə embəkne, k'əŋkə ndena Pilat kəkətola kə kəbel ka Yesu nte təŋsəŋe pəwup ki mə. Isifu, fum wəpəŋ enayi aboc kiti aSuyif daco, nwe kəder ka dəbe da Kanu kənabas mə.

⁴⁴ Kə pənciyane Pilat kəne a Yesu elip kəfi katəna. Kə Pilat ewe wəbe wəsodar k'eyif kə, kə təyənə a Yesu fina pəwon-ɛ?

⁴⁵ Nte wəbe wəsodar oloku kə təkə tənayi mə, kə Pilat owosɛ Isifu kələk kəbel ka Yesu.

⁴⁶ Kə Isifu ɛway arəfən ŋa kələto kətelər, k'ontorɛ Yesu dətək yepəmpəl, k'ɛnepsər kə ŋi, k'omboc kə dəkufu nke anayək dətasar mə. Nte elip mə, k'embɪŋkəli tasar mpe enasunce dəkəberɛ da kufu kəŋkə mə.

⁴⁷ Mari wəka Makdala kə Mari, iya ka Yosese, ŋacgbəkəre nde kəfo nke anabər kə mə.

16

Yesu kəfətɛ kən afi daco

¹ Nte simiti dəsək da kəŋjesəm dencepər mə, dəkəkəsək sandeŋ, kə Mari wəka dare da Makdala, Mari iya ka Sak, kə wəran wələma Salome ŋaway moro mobotu ambənc, kədesop mi kəbel ka Yesu.

² Tataka ta sandeŋ bətbət suy, kə ŋander nde dəkufu.

³ Ŋacyiftɛnɛ taŋan: «An'oŋkəbɪŋkələ su tasar təkə asunce dəkəberɛ da kufu mə-ɛ?»

⁴ Ŋandeyekti fər, kə ŋanəŋk tasar pəpəŋ papəkə pabɪŋkəli pi.

⁵ Nte ŋancberɛ dəkufu mə, kə ŋanəŋk wətəmp wələma pəndɛ kəca kətət, pəberne duma dobolu defer, kə ŋanesɛ.

⁶ Kə wətəmp nwe oloku ŋa: «Ta nənese. Yesu wəka Nasaret nanten, wəkə anacəŋ dətək yepəmpəl mə. Ɔfətɛ afi daco, eyi fɛ nno! Nənəŋk kəfo nke k'anaboc kə.

7 Mba náko náloku acepse on darəŋ kə Piyer a Yesu eyi nu kirin kəkə Kalile: Difo nəŋkənəŋk kə, pəmə təkə enaloku nu ti mə.»

8 Kə aran aŋe ŋawur dəndo dəkufu kə ŋayəkse, ŋacyikce, cusu cəwos ŋa. Ali tes ŋanaloku fə fum, bawo ŋananese.

Yesu ementərne Mari wəka Makdala

9 [Nte Yesu ofəte defi mə, bətbət ba tataka təcəkə-cəkə ta tataka toluksər, k'owurər kərəsna Mari wəka Makdala, wəkə Yesu enabeləs yəŋk yelec camət-mərəŋ mə.

10 Kə Mari wəka Makdala əŋkə pəloku moloku maməkə akə ŋanakə kə nkən, ŋayi kəbal ka defi da Yesu, ŋacbok mə.

11 Nte afum akanə ŋanane a eyi wəyeŋ, a nkən Mari wəka Makdala enanəŋk kə mə, ŋanalaŋ fə ti.

Yesu ementərne acepse on darəŋ

12 Nte tatəkə tencepər mə, kə Yesu ementərne sə teyi təlma acepse on darəŋ mərəŋ aŋe ŋanckə dəkulum mə.

13 Kə akakə mərəŋ ŋander sə ŋaloku ti acepse a Yesu darəŋ alpəs akə. ŋa sə, ŋanalaŋ fə ŋa.

Yesu ementərne acepse on darəŋ aŋe wəco kə pin

14 Təlḡəs on, kə Yesu ementərne acepse on darəŋ aŋe wəco kə pin, tem nte ŋacdi yerī mə, k'enal ŋa kəbut kəŋan kəlan kə kəyeŋk domp kəŋan, bawo ŋanalaŋ fə akə ŋananəŋk kə nte enafəte afi dacə mə.

15 Kə Yesu oloku ŋa: «Nəkə doru dandə fəp, nəkə nəcam Kibaru Kátot nno afum a doru fəp ŋayi mə.

16 Məna nwe məŋyone wəlan, məsətə kəgbət dəromun teta Kanu mə, aŋyac əm, mba məna nwe məntəlan mə, antərəs əm dəsək da kəkiti.

17 Nənəŋk məgbəkəre mme mendesole aŋe ŋandeyone alaŋ mə: Tewe tem tendesəŋe ŋacbeləs yəŋk yelec. ŋande ŋaccəp cusu nce ŋanatəcəre mə.

18 ŋande ŋacsumḡəre bok waca. Pomun pəkəntəŋ mḡe o mḡe pə ŋamun pəfəyo ŋa tələm o tələm. ŋande ŋacderŋ acyu waca, akakə ŋactamne.»

Yesu olukus Kanu kəsək

19 Mariki Yesu, nte elip kələk-lokər ŋa mə, k'ampene kə dəKəm, k'əŋkə pənde Kanu kəsək.]*

20 Kə acepse a Yesu darəŋ ŋəŋkə mofə fəp kəkəsamsər Kibaru Kátot. Mariki encbəc kə ŋa, pəcsəŋe dəməgbəkəre mme ŋancwure, paclaŋ moloku maməkə.†

* **16:19** Yecicəs yecəpər yokur mərəŋ, kə yələma nye alaŋ mə, yəyo fə moloku məlpəs ma kibaru kəŋke kəyefe sora 9 haŋ 19. Moloku mame dəyecicəs yofu yelpəs meyi. † **16:20** Moloku mme meyi fə Yecicəs Yosoku yokur fəp: «Mba pəpic pə ŋancloku asol a Piyer nte anasom ŋa kaloku mə. Nte tencepər mə, Yesu nkənsərka osom ŋa kəkəkəre kawandi kəpus nke kəntəlip mə kəyefe nde dec dəmpə kəkə ka nde dəŋkale mə, kəyac ka doru o doru nke kəntəlip mə. Amina»

Kibaru Kətət ka Luk

Kəbere ka kəcop moloku ma Luk

- 1 Nte afum alarəm njancop kəlompəs ka mes mme menacepər su daco mə,
 2 pəmō təkō akō njananəjk mi dəkəcop, akō njanasom kəloku ka afum toloku ta Kanu mə.
 3 Kələləs kam, Teyofil, itō pəwuren'em fō pəntese ina sō, nte intən mi belbel kəyefe dəkəcop mə. Awa, isəj'am mi kəcəre dāmecicəs pəmō təkō inatəkəs mi mə,
 4 nte təjəjə məcəre kance ka mes mme antəkəs'am mə.

*Mələke moloku kədəkom ka Anjani Saṅ**

- 5 Təm nte Herodu enayəne wəbe ka atəf ɲa Yude mə, wəlojne ka Kanu wələma enayi pacwe kō Sakary, wəka kəgba ka alonjne nkə ancwene wətem Abiya mə enayəne. Wəran kən pəwur dokom da Aruna, pacwe kō Elisabet.
 6 Mərəj maṅan fəp ɲanalomp fər ya Kanu kirin, ɲacəme sō dəpō kō mosom ma Mariki fəp darəj pəmō təkō pəmar mə.
 7 Mba ɲanayō fə wan, bawo Elisabet enayəne fə wəran wəkombəra, mərəj maṅan fəp ɲanasikər.
 8 Dəsək dələma Sakary pəcbəc yəbəc yən ya kəlojne ka Kanu, bawo kəgba kəjan kənəkō kətəmpər kəlojne kəjkō.
 9 Pəmō təkō alonjne a Kanu ɲanjō ti mə, k'anjbal kōla†, kō kōla kəmentər Sakary dəsək dadəkō kəbere ka dəkəfo kəcempi ka kələ kəpəj pəkəmotə Mariki curay.
 10 Afum alarəm ɲanayi nde dabanjka **ɲaclok-lokər Kanu** tēm tatəkō ancnot curay mə.

- 11 Awa, kō mələke ma Mariki mowurər Sakary, məcəme nde kəca kətət ka tetek nte anjnotə Mariki suray mə.
 12 Nte Sakary enəjk mələke mme mə, kō pəyi kō yamayama, kō kənese kəsumpər kō.

- 13 Mba kō mələke mme moloku kō:

«Ta mənese Sakary,
 bawo Kanu kələk kətola kam:
 Elisabet, wəran kam, endekom'am wan wərkun
 məde məwe kō tewe ta Saṅ‡.

- 14 Wan wəkəkō endesəj'am kəyektī domp pəbət əm sō mes, kəkōm kən kəndesəjə afum alarəm kəsəlsər.

- 15 Bawo fum wəpəj endeyi fər ya Mariki kirin, əfəde pəcmun member, əfəde pəcmun yomunəs nyə yencisəs mə, endelər **Amera** Nəcempi **ɲa Kanu** pəsəwəyi kere dəkōr.

- 16 Endelukse awut a Yisrayel alarəm nnō Mariki, Kanu kəjan kəyi mə.

- 17 Kanu kəndesak Saṅ pəyi Wəbe kirin kəderene amera kō fənəntər ya wədəjk wəka Kanu Eli.

Endekafəli bəkəc ya cas nnō awut ɲayi mə,
 bəkəc ya atanj ləjəs nnō kəsək domp ka alompu kəyi mə,

* **1:4 Saṅ Batis** = «Yaya», itō «Saṅ, wəgəbət afum dəromun teta kəsəkəs bəkəc yaṅan.» † **1:9 K'anjbal kōla** = tatəkō tō ancyek-yek wəlojne alonjne daco nwe pəcmar kəbere kəfo kəcempi kəkəmotə Kanu curay nde kələ kəpəj mə. Kō kōla kəmentər nwe Kanu kəfanj mə. ‡ **1:13 Saṅ** = «Yaya»

pəlompəs afum aŋe ɲandeyi kiyi ka Mariki tɛm fəp mɔ.»

¹⁸ Kɔ Sakary eyif mɛlɛkɛ: «Cəke cɔ indecərəne, a kance kɔ-ɛ? Bawo wətem iyɔne kɔ wəran kem sɔ embɛk.»

¹⁹ Kɔ mɛlɛkɛ məsɔŋɛ kɔ kəcərə, moɔloku kɔ : «Ina ɔyɔne Yibirila nwe ɛncəme Kanu fər kirin mɔ! Asom im kəsom dəm kədəlok-lokər əm, ilok'əm toloku tətət tantɛ.

²⁰ Mba nte məntɔlanj moloku mem mɔ, məfɔdesətam kələk-loku hanj dəsək nde tendeyi mɔ, tɛm nte Kanu kəndefanj mɔ.»

²¹ Nte afum fəp ɲackar Sakary nde dabanjka mɔ, kɔ pənde pəciyanɛ ɲa, bawo oncwon dəndo kəfo kəcempi.

²² Sakary endewur, ɛntam fɛ kələk-lokər ɲa, kɔ afum ɲancərə a Kanu kəsɔŋɛ Sakary kənəŋk tes tɔlɔma dəndo kəfo kəcempi disrɛ. Kɔ Sakary ɔyɔne wətətam kələk-loku, k'ɛyɛfɛ kələk-lokərə ɲa waca.

²³ Nte mataka mən ma yɛbəc mencepər mɔ, k'olukus nde kələ kɔn.

²⁴ Pəwon fɛ, kɔ wəran kən Elisabɛt embɛkəs. K'ɔŋgbɔpne yof kəcəmət, pəloku:

²⁵ «Nte tɔ Mariki ɔyɔn'em, ɛntɛp ɔŋ kədewosɛ kəwur'em malap nnɔ afum ɲayi mɔ.»

Mɛlɛkɛ moloku kədəkom k'Arɲabi Yesu

²⁶ Nte Kəbəkəs ka Elisabɛt kəsɔtɔ yof camət-tin mɔ, kɔ Kanu kəsom mɛlɛkɛ mən Yibirila nde dare dəkɔ aŋwe Nasarɛt mɔ, atɔf ɲa Kalile,

²⁷ ndena wan wəran wətɔcərə wərkun, nwe ancwe Mari mɔ. Isifu wəka dokom da Dawuda ɛncfac kɔ.

²⁸ Kɔ mɛlɛkɛ mɛmbɛrɛ ndena Mari, kɔ moloku: «Pəbət əm, mənə nwe Kanu kəmar kifəli mɔ! Mariki osol'am!»

²⁹ Kɔ toloku tatəkɔ tɔsɔŋɛ kɔ pəyi Mari yamayama. K'eyifnɛ nte kəyif kanjɔ kələku mɔ.

³⁰ Kɔ mɛlɛkɛ moloku kɔ:

«Ta mənɛsɛ Mari, bawo məsɔtɔ kəmar kifəli nkɛ kəyɛfɛ ndena Kanu mɔ.

³¹ Mənəŋk fɛ! Kəbəkəs kɔ mənɛr, məkom wan wərkun, mədɛ məwɛ kɔ tewɛ ta Yesu.

³² Fum wəpɔŋ endeyi, pacwɛ kɔ wan ka Wəbɛ wəka darenc,

Mariki Kanu Kəpɔŋ kəndesɔŋ kɔ kəŋgbasar ^S ka dəbɛ da Dawuda, wətem kɔn.

³³ Nkɔn endekəkərə dəbɛ da doru o doru nnɔ aka dolom da Yakuba * ɲayi mɔ, dəbɛ dən dɔfɔdelip.»

³⁴ Kɔ Mari eyif mɛlɛkɛ: «Cəke cɔ tatəkɔ tentam kəyi-ɛ, bawo incərə fɛ wərkun?»

³⁵ Kɔ mɛlɛkɛ moloku kɔ:

«**Amera** Nəcempi **ɲa Kanu** ɲɛndeder əm, fənɔntər fa Wəbɛ wəka darenc fəkump əm katəkəp kɔn.

Itɔ endesɔŋɛ wan nwe ɛndekom mɔ kəcemp, packulɛ kɔ «Wan ka Kanu.»

³⁶ Mənəŋk fɛ! Elisabɛt wəkomɛnɛ kam, nkɔn sɔ embɛkəs wan wərkun de-tembərə dən disrɛ. Nkɔn nwe anckulɛ kətəkom mɔ, ɲof ɲɔn ɲa camət-tin ɲa kəbəkəs ɲeyi ɲaŋɛ,

³⁷ bawo Kanu kəfɔtarpɛnɛ tes o tes.»

^S **1:32** Kəŋgbasar = «dɔcɔm da dəbɛ», ti tɔyɔne tegbəkərə ta dəbɛ. * **1:33** Aka dolom da Yakuba = «afum aka Yisrayɛl»

38 Kɔ Mari oloku: «Kanu kəyɔn'em tatəkɔ mɛntɛp kɛclɔku mɔ. Wɛcar ka Kanu Kəpɔŋ iyɔnɛ. Intola teyi pəmɔ tantɛ mɛlɔk'im ti mɔ.» Kɔ mɛlɛkɛ mɛyɛfɛ kɔ day kɔ mɔŋkɔ.

Mari kəkɔtəs ndena Elisabet pəkɔnɔŋk kɔ

39 Mata maməkɔ, kɔ Mari ɛyɛfɛ kəkɔ katəna katəna dare da Yuda dɔlɔma, nde atɔf ŋa dɛmɔrɔ.

40 K'ɔŋkɔ pəbɛrɛ kɛlɔ ka Sakary, k'eyif Elisabet.

41 Elisabet endene kəne dɛm kəyif ka Mari, kɔ wan ɛsɛp kɔ dəkɔr. Kɔ **Amera** Nɛcɛmpi **ŋa Kanu** ŋɛlarɛ katin Elisabet,

42 kɔ ŋɔsɔŋɛ Elisabet kəgbɔŋɛ kɛlɔku:

«Kanu kəmpɔc'am pətɔt aran fəp daco,

43 Ak'iyɔnɛ nte iya wəka Wəbɛ kem endeder kəyif im mɔ?

44 Nte ine kəyif kam mɔ, kɔ wan ɛsɛp im dəkɔr pəbotu disrɛ.

45 Pəbɔt nwe ɛnalɔŋ mɔ, bawo nte Kanu Kəpɔŋ kənalɔku kɔ mɔ tendeyi.»

Teleŋ ta Mari tokor-korɛ Kanu

46 Kɔ Mari oloku ɔŋ:

«Ŋkor-koru Kanu Kəpɔŋ kətam kem fəp,
Kanu kəpɔcɛ pətɔt pɔkom pa kor kam!

47 Amera ŋem ŋɛlarɛ pəbotu teta Kanu Kəpɔŋ Wəyɔc kem,

48 bawo owosɛ kəgbal fər nnɔ ina, wəcar kən wəfəfər iyi mɔ.

ɛy, kəyɛfɛ ndɛkəl haŋ tɛm fəp, afum ŋande ŋaclɔk'im a pəmbɔt im,

49 bawo Wəka fənɔntər nwe ɔyɔn'em mes mɔpɔŋ mɔ,
tewe tɔn tɛncɛmp!

50 Kəbɔt ka Kanu amera kəŋyɛfɛ dɛtɛmp kɔ dɛtɛmp
akɔ ŋalɛlɛs ki mɔ.

51 Kəmentər fənɔntər fa kəca kɔn:
kɔ kəsamsər afum akɔ ŋanabɛk bəkɔc mɔ,

52 kɔ kəŋgbal abɛ apɔŋ dɛbɛ danɔŋ
kɔ kəncəmbər afəfər kirinɔ.

53 Kɔ kəsɔŋɛ kənɛmbərə pətɔt aŋɛ dɔr dɛnɔyɔ mɔ,
kɔ kəmbɛlɛs akɔ ŋanayɔ daka mɔ waca wəsɔkər.

54 Kɔ kənder kədɛmar aka Yisrayel, amarəs ɔn:
kəmpələrɛnɛ fɛ kəmentər dobotu amera dɔn

55 a Abraham kɔ yuruya yɔn ta doru o doru
—pəmɔ tɔkɔ ɛnalɔku ti atɛm asu mɔ.»

56 Kɔ Mari ŋayi kɔ Elisabet haŋ yof maas, k'olukus nde ndɔrɔn.

Kəkom ka Anŋabi Saŋ Batis†

57 Kɔ tɛm tɛmbəp nte pənamar Elisabet pəkom mɔ, k'ɔŋkom wan wərkun.

58 Andɛ ɔn kɔ akomɛnɛ ɔn ŋane, a Kanu kəntɔrɛ kɔ pəforu disrɛ, kɔ pəmbɔt
ŋa fəp faŋan.

59 Tataka ta camət-maas ta kəkom kɔn, kɔ ŋander kədəkənc ka wan, kɔ
ŋasɔŋɛnɛ kɔ tewe ta kas Sakary.

60 Mba kɔ kɛrɛ ɛlɛk molokɔ, k'olokɔ: «Ala, Saŋ sɔ andewe kɔ.»

61 Mba afum ŋalokɔ kɔ: «Ali fum eyi fɛ dokom dam nwe aŋwe tewe tantɛ mɔ.»

62 Kɔ afum ŋayɛfɛ kəyifətɛ kas waca, tewe ta wan nte ɛfan pawe kɔ mɔ.

⁶³ Kò Sakary ewe tabam, k'encic: «San sò andewe kò.» Kò pànciyané afum fəp.

⁶⁴ Kò kusu kòn kəmepé katina, kò temer tòn tɛyɛfɛ, k'eyɛfɛ kəkòr-kòru Kanu.

⁶⁵ Kò kənesé kəyi ande ɔn fəp, kò mes maməkò mɛmbanj atof ɲa Yude fəp, pacyifətɛnɛ mi.

⁶⁶ Nwɛ o nwɛ ene pacloku mi, tenyi kò dɛbəkɛ, ɲacyifɛnɛ: «Ake wan wəkakò endeyənɛ ɔɲ-ɛ?» Kò fənəntər fa Kanu Kəpɔɲ fəncəmɛ kò darəɲ.

Telɛɲ ta Sakary tokor-korɛ Kanu

⁶⁷ K'Amɛra Nɛcɛmpi ɲa **Kanu** ɲɛlarɛ Sakary papa ka Sanj, k'eyɛfɛ kədəɲk moloku mɛmɛ Kanu kənasɔɲ kò kəlɔku mɔ, pəcloku:

⁶⁸ «ɲkòr-kòr'am mənə Mariki, Kanu ka aka Yisrayel, bawo kənder kəmar afum ɔn, kò kəmban ɲa.

⁶⁹ Kəwure su wəyac wəpɔɲ, dokom da Dawuda, wəmarəs kòn.

⁷⁰ —Itò Kanu kənalok-lokɛ cusu ca adəɲk ɔn acɛmpi kəyɛfɛ nte pənawon mɔ—

⁷¹ kənasɔɲ su temer kədɛbanj su atɛrɛnɛ asu dəwaca kò kətam ka akò ɲantəfəɲɛ su pətət mɔ.

⁷² Itò kənamentərə amera ɲobotu ɲa ki atem asu,

kò kəncɛm-cɛmnɛ **kəcaɲəs kəcɛmpi kəɲan kəyi tes tin.**

⁷³ Pəmɔ **kəderəm** kəɲkò Kanu kənadermɛ Abraham wətem kosu, itò elase su ki,

⁷⁴ a kò kəndɛbanj su atɛrɛnɛ asu dəwaca-ɛ,

kəndɛsɔɲɛ su tɛm tatəkò pakor-kòru kò bəkəc yoforu disrɛ,

⁷⁵ nte təɲsɔɲɛ pakor-kòru kò decɛmpi kò dolompɔ disrɛ fər yən kirin kiyi kosu doru fəp mɔ.

⁷⁶ Kò mənə wan kem, wədəɲk wəka Wəbɛ wəka darenc ɔ andew'am. Mənə endeyi Mariki kirin, məclompəs səpɔ sɔn.

⁷⁷ Məkò məsɔɲɛ afum ɔn kəcərə a Kanu kənder kədɛyac ɲa, kəɲaɲnɛnɛ ɲa kiciya kəɲan.

⁷⁸ Ey! Teta dɛrɛnc kò dobotu amera da Kanu kosu,

kəmot su pəwanjərə pa darenc, mɲɛ powurɛnɛ kò pəwanjərə pa dec dɛpɛncɛ mɔ.

⁷⁹ Nte təɲsɔɲɛ akò ɲayi kubump kò akò ɲayi katəkəp ka defi dəntəf mɔ, ɲasɔtɔ pəwanjərə,

kəsɔlɛ su sò dɔpɔ da pəforu.»

⁸⁰ Kò wan embək, pəcsɔtɔ fənəntər fa amera. K'eyi dəndo dətɛgbərə han dəsək ndɛ enamentərɛnɛ nno afum aka Yisrayel ɲayi mɔ.

2

Kəkom ka Aɲnabi Yesu (Isa)

Mat 1.18-25

¹ Mata maməkò mɔ, Okustu wəbɛ wəpɔɲ wəka tɔf ya Rom fəp, osom kəlɔm ka afum aɲɛ ɲanayi dɛbɛ dɔn dəntəf mɔ fəp.

² Kəlɔm kəcəkò-cəkò kəɲkò kənayi tɛm nte Okustu ɛnacəmbər Kurenioy, pəyɔnɛ wəbɛ ka atof ɲa Siri mɔ.

³ Kò afum fəp ɲaɲkò kəsɔɲnɛ mewe nwɛ o nwɛ ndɛ dare dɔn dɔpɔɲ ndɛ aɲkom kò mɔ.

⁴ Kò Isifu nkɔn sò ɛmpɛ kəyɛfɛ dare da Nasarɛt atof ɲa Kalile kəkò dare da Dawuda ndɛ aɲwe Betlɛhɛm mɔ, bawo Isifu wəka kəlɔ kò dokom da Dawuda dɔ ɛnayɔnɛ.

⁵ Nte tənəŋə pəsəŋə tewe kə Mari, wəran nwe ɛncfac mə, wəkakə pəbəkəs.

⁶ Njanasəŋəyi di, kə tem ta Mari tokom tɛmbəp,

⁷ k'əŋkom wan kən wəcəkə-cəkə wərkun. K'əfəktər kə dəkəloto, k'əŋkə pəboc kə dətəŋku nte ancbere yəcəl yeri mə, bawo njanasətə fə kəfo dəndo dəkərwəŋse.

Meleke ma Kanu mowurər akek yəcəl

⁸ Atəf njanəŋkə njanayə akek aŋe njanccəpərəne pibi dəkulum kəbum ka yəcəl yanən mə.

⁹ Kə meleke ma Kanu Kəpəŋ mowurər nja, kə **pəmot pa debeki da Kanu Kəpəŋ** pənkel nja. Kə kənese kəpəŋ kəyi nja.

¹⁰ Mba kə meleke moloku nja: «Ta nənese! Bawo toloku tətət tə inder kədəloku nu, nte tendebətəs afum fəp bəkəc mə:

¹¹ Məkə, nde dare da Dawuda disre, aŋkome nu wəyac, nwe əyənə Wəbe, nwe Kanu kəyek-yek mə. *

¹² Nte tendeyənə nu tənəpələ taka ti: Nəŋkəbər kənaka pafəktər ki dəkəloto, kafəntərə dətəŋku nte ambere yəcəl yeri mə.

¹³ Gbəncana babəkə kə kənay ka meleke ma darenccəməpne katina məcəkə-cəkə kəkər-koru ka Kanu, məcloku:

¹⁴ «**Debeki da Kanu** deyɪ darenccə, bəkəc yəfər akə njaɪ dəntəf ak'əmbətər nja mə!»

Akek kəkə kəŋan Bet Lehem

¹⁵ Nte meleke məsak nja kə məmpre darenccə mə, kə akek njalokənə: «Awa, pənəkən haŋ Betlehem, pakə pənəŋk təkə teyi mə, nte Kanu Kəpəŋ kəsəŋe su kəcərə mə.»

¹⁶ Kə akek njambekkər kəkə, kə njanəkə njabər Mari kə Isifu, kənaka kafəntərə tənku pəbere pa yəcəl yeri.

¹⁷ Nte njalip kənəŋk ti mə, kə njaləm təkə analoku nja teta wan kəkə mə.

¹⁸ Akə njanacəŋkəl moloku məkə akek njancləmər nja mə fəp, kə menciyənə nja.

¹⁹ Kə Mari eməŋkərne moloku maməkə fəp, pəccəm-cəmnə mi dəkəkəc.

²⁰ Kə akek njaluksərne sə nde njanayefə mə, naccam **debeki** da Kanu, njanckor-koru Ki teta moloku məkə meleke mənaloku nja, a kə njanəŋk sə mi mə.

Kəwurə ka Aŋnabi Yesu doru

²¹ Nte kəkom ka wan kəsətə mata camət-maas mə, k'əŋkənc kə, k'awe kə Yesu, tewe nte meleke mənaboncər nja, ta antabekəs kə mə.

Kəmentər ka Aŋnabi Yesu nde kəlo kəpəŋ ka Kanu

²² Nte matakə marjan ma kəsəkəsne melip pəmə nte sariyɛ sa Musa səloku ti mə, kə njankekərə kə Yerusalem kəkəmentər kə Wəbe Kanu.

²³ Njanayə məyə məkə ancic buk ba sariyɛ sa Wəbe disre mə: «Awut arkun acəkə-cəkə aŋe aran njankom mə fəp, pəmar pasəŋ nja Wəbe Kanu njayənə acəmpi.»

²⁴ Pəmar sə akombəra a wan wəkakə njaləŋne Kanu «məpay mərəŋ, kə pəyənə fə ti-ɛ, ntantoriya yowut mərəŋ,» pəmə təkə aloku ti sariyɛ sa Wəbe disre mə.

²⁵ Tem tətəkə fum wələma enayi Yerusalem pacwe kə Simeyən. Fum wələmpu enayi pəcəmə dəpə da Kanu darəŋ, pəckar nwe endeyac Yisrayel mə, **Amera Nəcəmpi nja Kanu** njanayi kə kəpəŋ.

²⁶ Amera Nəcəmpi njanəkə njanasəŋe kə kəcərə, a ofəfi ta enəŋk Krist, wəbe nwe Kanu Kəpəŋ kəyek-yek mə.

²⁷ Kə **Amera Nəcəmpi nja Kanu** njanccəŋəs kə, k'əŋkə nde **kəlo kəpəŋ ka Kanu**. Nte akombəra a Yesu njankekərə kə kəkəyənə kə təkə sariyɛ səloku mə,

* **2:11** Wəsom ka Kanu = «Krist» tokule tə = «Nwe Kanu kəyek-yek kəsom mə».

²⁸ kə Siməŋ elek wan dəwaca k'eyif Kanu barka pəcloku:

²⁹ «Wəbε, məntam oŋ kəsak wəcar kam pəfɪne abəkəc ŋoforu pəmə təkə maŋaloku ti mə,

³⁰ bawo fər yem yati yə inəŋke nte məyə kəyac ka afum am mə—

³¹ Nwε məlompəs afum fəp fər kirin mə—

³² endeyəne pəmə pəmot mpε pendesəŋ afum a taf ya doru fəp pəwanjərə it'əŋsəŋε ŋacərə Kanu. Nwε endeyəne pələl pa afum am, aka Yisrayel.»

Siməŋ kəloku ka təkə Kanu kəndeyə mə

³³ Kə pənciyəne akombərə a Yesu nte Siməŋ oncloku teta Yesu mə.

³⁴ Kə Simeyəŋ ontolanε ŋa, k'oloku Mari iya wəka Yesu: «Kanu kəŋkεε wan wəkawε kədəsəŋε aka Yisrayel alarəm kətεmpεnε, pəyεkti sə alarəm. Paka pa Kanu pə mpε pendesəŋε afum kəgbekələne mə.

³⁵ Endeber pəwanjərə bəkəc ya akə ŋayə mεcem-cεmnε məgbəpne mə. Kə māna Mari, pəcuy pendefut'am abəkəc pəmə təkə kəŋgbasar kəŋfutu mə.»

Wədəŋk wəka Kanu wəran Hana

³⁶ Wədəŋk wəran wələma εnayi pacwe kə Hana, wan ka Panuyel, wəka kusunjka ka Aser. Wəran wəsikər εnayi. Ənalə nda wərkun meren camət-merəŋ kəyεfe nte anagbaŋne kə mə.

³⁷ Kə wos ende pəfi, k'eyi oŋ ta əyə wərkun-ε. Hana pəsətə meren 84 k'eyi, ta əmbələ **kələ kəpəŋ ka Kanu**-ε pəcbəc mεfan ma Kanu danj kə pibi **kələk-ləkər Kanu** kə kəsuj disre.

³⁸ Kə nkən əŋkə sə pəbεre di tem tatəkə Siməŋ oncloku teta wan pəckor-koru sə Kanu mə, pəcyif Kanu nəwali, pəcloku teta wan akə ŋanckar Kanu kədəyac Yerusalem mə.

Kəluluk ka Nasaret

³⁹ Nte akombərə a Yesu ŋalip kəyə ka məyə məkə aloku sariyε sa Kanu Kəpəŋ disre mə, kə ŋaluluk nde ndaranjan Kalile, nde dare da Nasaret.

⁴⁰ Awa, wan pəcbek, pəcsətə fənəntər. Pəlarε kəcərə kəkətεne mes, kəmar kifəli ka Kanu kəyi kə kəroŋ.

Aŋnabi Yesu kəkə ka nde Kələ kəpəŋ teren tən ta wəco kə merəŋ

⁴¹ Kəren o kəren, akombərə a Yesu ŋanckə Yerusalem kətəŋne kəsata ka aSuyif ka Kəcepər ka Mələkε Medif.†

⁴² Nte Yesu əsətə meren wəco kə merəŋ mə, kə akombərə ən ŋasolε kə kəkətəŋne kəsata ka Kəcepər ka Mələkε Medif dəndo Yerusalem pəmə təkə ŋancyə ti kəren o kəren mə.

⁴³ Nte mataka ma kəsata melip mə, kə akombərə a Yesu ŋasumpər dəpə kəluluk ndaranjan, mba kə wan Yesu nkən eyi Yerusalem, ta akombərə ən ŋancərə ti-ε.

⁴⁴ Akombərə ən ŋanacem-cεmnε a Yesu ŋasol kə aluluk, kə ŋanjkət tataka tin. Kə ŋantən Yesu akomεnε kə acərəne ŋjan daco.

⁴⁵ Mba ŋananəŋk fε kə. Kə ŋaluksərne sə Yerusalem ŋactən kə.

⁴⁶ Mata maas disre, kə ŋanjkə ŋananəŋk kə nde **kələ kəpəŋ ka Kanu** disre, pənde atəkse daco pəccəŋkəl ŋa, pəcyifət ŋa moloku.

⁴⁷ Aŋε ŋanccəŋkəl kə mə fəp, cusu cənawos ŋa dosoku domp dən, kə moloku mme onclukse ŋa mə.

† **2:41** *Kəsata ka kəcepər* = Kəsata kəpəŋ ka Yisrayel kə, nkε kəncem-cεməs ŋa təkə mələkε mēncdifət awut acəkə-cəkə a Misira a mεcsak akaŋjan mə.

⁴⁸ Nte akombæra ɔn njanɔŋk kɔ mɔ, kɔ pɔnciyane ŋa. Kɔ kere eyif kɔ: «Wan kem, ta ake tɔ mɔyɔne su tante-ε? Papa kam kɔ ina, bækɛc yelɛɛ-leɛɛ su kɛten kam!»

⁴⁹ Kɔ Yesu eyif ŋa: «Ta ake tɔ nɛnten'em-ε? Nɛncɛre fe a mene isumpɛr yebɛc ya Papa kem?»

⁵⁰ Mba akombæra ɔn ŋanacɛre fe tedisre ta toloku tatɔkɔ.

⁵¹ Kɔ Yesu eyefe kɔ ŋasol kɔ akombæra ɔn kɛkɔ ka Nasaret, bawo Yesu enalelɛs ŋa. Kɔ iya kɔn emɛŋkɛrne debækɛc mes mamɔkɔ fɛp.

⁵² Yesu pɛcbereɛne kɛcɛre kɛkɔtene mes kɛtɔt, pɛcnaŋkanɛ kɛbɛk, pɛcsɔtɔ kɛmar kifɛli ka Kanu kɔ afum.

3

Kawandi ka Anŋabi Saŋ

Mat 3.1-12; Mark 1.1-8; Isaŋ 1.19-28

¹ Teren ta wɛcɔ kɔ kɛcamɔt ta wɛbɛ wɛka atɔf ŋa Tiber, tɛm tatɔkɔ sɔ Pɔŋse Pilat pɔyɔne wɛbɛ wɛka atɔf ŋa Yude, Herodu nkɔn pɔyɔne wɛbɛ ka atɔf ŋa Kalile, wɛnc Filip pɔyɔne wɛbɛ wɛka tɔf mɛrɛŋ: nde Iture kɔ atɔf ŋa Tirakoniti. Lisaniyas pɔyɔne wɛbɛ nde atɔf ŋa Abilɛn.

² Tɛm ta aloŋne a Kanu apɔŋ Hana kɔ Kayifa tenayi sɔ. Kɔ toloku ta Kanu tender Saŋ, wan ka Sakary, nde dɛtegbɛre.

³ Kɔ Saŋ ɔŋkɔt sɛdare fɛp nse sɛyi kɛŋgbɔkɔ ka Yurɔɛn kɛsɛk mɔ, pɛckawandi kɛgbɔt afum dɛromun teta kɛsɛkpɛr bækɛc ŋacɛme pɛlompu darɛŋ, nte tɔŋsɔŋe Kanu kɛdɛŋaŋneɛ ŋa kiciya kɛŋan mɔ.

⁴ Pɛmɔ tɔkɔ ancic mi nde buk ba moloku ma sayibe Esayi mɔ:

«Fum wɛkɔ dim dɔn deyi kɛwɔr nde dɛtegbɛre mɔ ɔfɔ:

Nɛlompɛs dɔpɔ da Mariki.

Nɛlompɛ sɛpɔ sɔn sa wɛcɛk!

⁵ Andelas mɔrɔ dacɔ fɛp,

mɔrɔ kɔ pɛŋeci fɛp yendetɔr,

Sɛpɔ sɛnutɛsne fɛp sɛndelomp,

Sɛpɔ sɛcumbul-cumbul fɛp, andeyukur si,

⁶ Afum fɛp ŋandenɔŋk kɛyɛc ka Kanu.»

⁷ Afum alarɛm akɔ ŋancder nkɔn Saŋ pɛdegbɔt ŋa dɛromun teta Kanu mɔ, ŋɔ oncloku ti: «Nɛna aŋe nɛyi pɛmɔ ŋkisin mɔ! An'ɔsɔŋe nu kɛcɛre nte aŋyɛksɛr kiti ka Kanu nke kɛyi kɛder mɔ-ε?»

⁸ Awa nɛde nɛyɔ mɔyɔ matɔt mme mɛŋmentɔr a nɛsɛkpɛr mera kɔ nɛncɛme pɛlompu darɛŋ mɔ. Ta pɛbɔt nu kɛcɛm-cɛmne: «Abraham ɔyɔne wɛtem kosu.» Ey, icloku nu, nɛnɔŋk masar mame ba? Kanu kɛntam kɛkafɛli mi mɔyɔne awut a Abraham.

⁹ Nɛkɛl ɔŋ tomunt pelip kɛcɛme kɛcɛp ka tɔk haŋ nde ntɛntɛl ya yi: Kɛtɔk nkɛ o nke kɛntakom yokom yɔtɔt mɔ, ancɛp ki, palɛm dɛnɛnc.»

¹⁰ Kɔ cɛgba ca afum cɛyefe kɛyifɛt kɔ: «Cɛke cɔ sɛndeyɔ ɔŋ-ε?»

¹¹ K'oloku ŋa: «Mɛna nwe mɛŋyɔ suma mɛrɛŋ mɔ, mɛpɔcɛ wɛkɔ ɔntɔyɔ mɔ, mɛna nwe mɛŋyɔ yeri mɔ, mɛpɔcɛ wɛkɔ ɔntɔyɔ mɔ.»

¹² Kɔ abanɛs dut ŋander a Saŋ pɛgbɔt ŋa dɛromun teta Kanu, ŋacyifɛt kɔ: «Wɛtɛkse, cɛke cɔ pɛmar sɛdeyɔ ɔŋ-ε?»

¹³ K'oloku ŋa: «Ta nɛdɛŋɛr mɛre o mɛre antɔloku nu kɛbaŋ mɔ.»

¹⁴ Kɔ asɔdar ŋayif kɔ sɔ: «A sɛna-a, cɛke cɔ pɛmar sɛyɔ ɔŋ-ε?» K'oloku ŋa: «Ta nɛmentɔr nwe o nwe fɛnɔntɛr, ta nɛdɛŋe sɔ nwe o nwe yem, kɛway konu kɛtɔŋne nu.»

¹⁵ Nte afum fəp ŋanayi kəkər mə, kə ŋaŋyifne dəbəkək kə pəyənə bafə Saŋ əyənə Krist, nwe Kanu kəpəŋ kəyək-yək mə.

¹⁶ Kə Saŋ olukse ŋa: «Ina dəromun iŋgbət nu teta Kanu de, mba wəloma eyi kəder nwe əyə fənəntər pətas im mə, ali bənda ya cəfta cən isətə fe yati dofum isikəli ci. Wəkəkə, **Amera Nəcəmpi ŋa Kanu** disre kə nenc yə ende pəcgbət nu.

¹⁷ Pəcəme dəkur pətəmpər kərəbe dəwaca pəcgbap, pəgbey mənjbən mətət mmə endeməŋkərne dəkələ mə, mba pəcəf fonta dənenc ndə dəntənimə mə.»

¹⁸ Saŋ oncloku sə afum moloku mətət pəcyenkas ŋa sə bəkək belbel.

¹⁹ Mba kə Saŋ ənal wəbe Herodu teta Herodiyad, wəran nwe ənabəŋər wənc k'ənencə mə, kə teta mes məlec məkə Herodu ənayə mə.

²⁰ Kə Herodu ende pənaŋkanə kələsər: k'osumpər Saŋ, k'ember kə dəbili.

Kəsəkəs ka Aŋnabi Yesu

Mat 3.13-17; Mark 1.9-11

²¹ Nte afum ŋasətə kəgbət dəromun teta Kanu mə, kə Yesu nkən sə əsətə kəgbət dəromun. Eyi **kəlok-lokər Kanu**, kə kəm kəŋgbite,

²² kə **Amera Nəcəmpi ŋa Kanu** ŋontorər kə pəmə antantoriya. Kə dim dontor kəyefe dəkəm: «Wan kem məyənə nwe imbətər mə, mən'əbət im mes belbel.»

Akombəra a Aŋnabi Yesu

Mat 1.1-17

²³ Yesu ənasətə meren 30, a pədəcop yəbəc yən. Wan ka Isifu ənayi pəmə tatəkə anacəm-cəmnə ti mə, wəka Heli,

²⁴ wəka Matat, wəka Lewy,

wəka Melki, wəka Yannay, wəka Isifu,

²⁵ wəka Matatiyas, wəka Aməs,

wəka Nahum, wəka Hesəli, wəka Nakay,

²⁶ wəka Mahat, wəka Matatiyas,

wəka Semeyin, wəka Yosək, wəka Yoda,

²⁷ wəka Yohanaŋ, wəka Resa, wəka Sorobabel,

wəka Salatiyel, wəka Neri,

²⁸ wəka Melki, wəka Adi, wəka Kosam,

wəka Elmadam, wəka Er,

²⁹ wəka Yesu, * wəka Eliyəser, wəka Yorim,

wəka Matat, wəka Lewy,

³⁰ wəka Simeyən, wəka Yuda, wəka Isifu,

wəka Yonam, wəka Eliyakim,

³¹ wəka Meleya, wəka Mənnə, wəka Matata,

wəka Natan, wəka Dawuda,

³² wəka Yisay, wəka Yobed, wəka Bəs,

wəka Sala, wəka Nasən,

³³ wəka Aminadab, wəka Admin,

wəka Arni, wəka Hecərən,

wəka Perəc, wəka Yuda,

³⁴ wəka Yakuba, wəka Siyaka, wəka Abraham,

* **3:29** Yesu = ceHebərə «Yosuwe»

waka Terah, waka Nahor,
 35 waka Seruk, waka Rehu, waka Pelek,
 waka Heber, waka Sala,

36 waka Kayinan, waka Arpaksad,
 waka Semy, waka Nuha, waka Lemek,

37 waka Metusela, waka Henok,

waka Yerudu, waka Mahalalel, waka Kenan,†

38 waka Enos, waka Set,
 waka Adama, waka Kanu.

4

*Sentani** kafar kasone Anabi Yesu kaciya

Mat 4.1-11; Mark 1.12-13

1 Ko Yesu ender kayefe Yurden, palare **Amera Njecempi na Kanu**. Ko Amera nenkekare ko nde datεgbare,

2 nde Nɔnk Njεc nenawakεs kasone ko kaciya mata waco mankale (40) disre mo. Ali paka enadi fe mataka mamoko disre, nte mataka mamoko melip mo, ko dor dɔyɔ ko.

3 Ko Nɔnk Njεc ηoloku ko: «Ko tɔyone a Wan ka Kanu mɔyone-ε, maloku on tasar tante tɔyone kεcom.»

4 Ko Yesu oloku sentani: «Anci ti dabuk ba sariye sa Kanu: «Bafɔ kεcom gbεcεram kεnsone fum kayi ka doru.»»

5 Ko sentani sampene ko so tofo teneci karon, tem tepic ko sementar Yesu taf ya doru fεp.

6 Ko sεloku ko: «Indεon am ketam fεp ko da taf yaye fεp, bawo anasone im yi, ina so ictam kasone yi nwe o nwe injan mo.

7 Awa, ko mana mantontnen'em for kirin-ε, yaye fεp yam yo yonɔne.»

8 Ko Yesu oloku sentani: «Anci dεyεcεs yosoku: «Mariki Kanu kam pεmar mεctontnεne for kirin, nkεn gbεcεram pεmar mεcsalεne.»»

9 Ko sentani sεnkekare ko so Yerusalem, ko sεnko sεcεmbar ko nde datelempan pa **kεlo kεpɔn ka Kanu** karon. Ko sεloku Yesu: «Ko pɔyone a Wan ka Kanu mɔyone-ε, mɔyoke on ma nnε dεntof. Bawo dεyεcεs Yosoku ancicεs:

10 «Kanu kandesom meleke on ane nde kεcbum am mo.»

11 K'ancic so: «Nandεmpar am dawaca nte tonsone ta mεmpet tasar mo.»»

12 Ko Yesu oloku Sentani: «Ancicεs dεyεcεs Yosoku: «Ta mεcɔnεs Mariki Kanu kam kayo ka tes tεwey-wey tεn.»»

13 Nte Nɔnk njεc ηelip kawakεs Yesu kaciya mo, ko ηombole ko han tem tεlma.

Anabi Yesu kacop ka yεbεc yon Kalile

Mat 4.12-17; Mark 1.14-15

14 Ko Yesu olukus Kalile ko fanontar fa Amera na Kanu disre, ko tewe tεn tesam dotof fεp.

15 Pεctakε afum nde daketola Kanu danan, ko afum fεp ηanjelas ko.

Kεbelas ka Anabi Yesu nde Nasaret

Mat 13.53-58; Mark 6.1-6

† 3:37 Kenan = ceKresi «Kayinan» * 4: Sentani = ceKresi «diabolos» = «wafor», ito wabe waka yonk yεcε, ηi nɔsone afum kaciya, weter ka Kanu wεcoko-coko ηo oyone. 4:4 Sariye 8.3

16 Kɔ Yesu ender Nasarɛt nde anadusum kɔ mɔ. K'embɛrɛ dɛkɛtola Kanu da aSuyif simiti, dɔsɔk da kɛɲesɛm nde ampuse Mariki mɔ, pɛmɔ tɔkɔ ɔncyɔ ti mɔ. K'ɛyɛfɛ kɛkɔkaranɲ dim dɔpɔɲ,

17 k'asɔɲ kɔ buk ba wɔdɔɲk wɔka Kanu Esayi. K'emperi buk, k'embɔp da ancic:

18 «Amera ɲa Mariki ɲey'im kɛrɔɲ,

bawo Kanu kɔyɛk-yɛk im

nte tɔsɔɲɛ iloku afum atɔyɔ daka toloku tɔtɔt mɔ.

Kanu kɛsɔm im kɛdɛdɔɲk kɔyɔc ka acar aɲɛ asumpɛr dɛkɔwan mɔ.†

Ideloku atɔnɔɲk a ɲandenɔɲk,

kɛdɛkɛkɛrɛ aɲɛ ɲayi kɛtam disrɛ mɔ, bɛkɛc yoforu disrɛ

19 kɛdɛdɔɲk kɛren ka kɛmar nke Kanu kɛndenɔɲɲɛnɛ afum sɔbɛ nse ɲantɔmpɛr mɔ.»

20 Nte Yesu elip kɛkaranɲ mɔ, k'ɛnɛp buk, k'ɔsɔɲ bi wɛmarɛs nwe ɛnatɔmpɛr teta sɔbuk mɔ, k'ɔɲkɔ pɛndɛ. Akɔ ɲanayi dɛkɛtola Kanu da aSuyif disrɛ mɔ fɛp kɔ ɲaɲgbɛtɛnɛ kɔ.

21 Kɔ Yesu ɛyɛfɛ kɛlok-lokɛr ɲa: «Mɔkɔ toloku tecic tɔtɔkɔ ɲɛnɛ mɔ, telarɛ.»

22 Kɔ fɛp fɛmentɔr kɔ nte pɛmbɔt kɔ nnɔ eyi mɔ, kɔ tɔkɔ pɛnciyane ɲa moloku matɔt mmɛ moncwur kɔ dɛkusu mɔ, kɔ ɲaɲyiftɛnɛ: «Bafɔ wan ka Isifu ɔfɔ ba?»

23 Kɔ Yesu oloku ɲa: «Incɛrɛ a ɲɛndelɔk'im capafɔ nce: «Wɛtɛn cɔl, mɛtamɛsɛnɛ mɛnasɛrka!» ɲɛndesɔlok'im: «Sɔnɛ mes mɔkɔ mɛncɛpɛrɛnɛ Kaparnam mɔ fɛp, mɔyɔ sɔ mes min mayi nnɔ aɲkom ɛm mɔ.»»

24 Kɔ Yesu oloku ɲa sɔ: «Kance k'indeloku nu: Ali sayibɛ afɔselɛnɛ belbel nde aɲkom kɔ mɔ.

25 Kance kɔ kanɲɛ indɛsɔloku nu mɔ: Aran aɲɛ awos aɲa ɲanafi Yisrayel mɔ ɲanala tɛm ta Eli, tɛm nte kɔm kɛnagbɛtɛnɛ meren maas yof camɛt-tin mɔ, a kɔ dor dɔpɔɲ dɔsumpɛr atɔf mɔ.

26 Mba kɛnasɔm fɛ Eli nda nwe o nwe, mɛnɛ nda wɛran wɛtɔlɔ wɛlɔma, nde Sarepta nde atɔf ɲa Sidɔɲ.

27 Acunɛ sen alarɛm ɲanayi sɔ Yisrayel tɛm ta sayibɛ Elise. Mba ali wɛkin ɲa dacɔ anasɔkɛs fɛ, mɛnɛ Naman wɛka Siri.»

28 Nte afum akɔ ɲanayi dɛkɛtola Kanu da aSuyif, ɲanane moloku mamɔkɔ mɔ, kɔ mɛtelɛ meyi fɛp faɲan.

29 Kɔ ɲayɛfɛ kɛbɛlɛs kɔ kɛwureɛnɛ dare, kɔ ɲaɲkɛkɛrɛ kɔ nde tɔrɔ tɛɲɛci ta dare da Nasarɛt kɛrɔɲ nde ɲanacɛmbɛr dare danɲan mɔ, kɛkɔwɛn kɔ pɛtɛmpɛnɛ.

30 Kɔ Yesu embɛrɛ-bɛrɛ ɲa dacɔ, k'ɔɲkɔ.

Fum nwe ɲɔɲk ɲɛlɛc ɲɛnakafɛli-kafɛli mɔ

Mark 1.21-28

31 Kɔ Yesu ontɔr dare da Kaparnam atɔf ɲa Kalile. K'ɔɲkɔ pɛctɔkɛsɛ simiti, dɔsɔk da kɛɲesɛm.

32 Cusu cɛnawos ɲa kɛtɔkɛsɛ kɔn, bawo moloku mɔn mɛnayo fɛnɔntɛr.

33 Fum wɛlɔma ɛnayi dɛndo dɛkɛtola Kanu da aSuyif, nwe ɲɔɲk ɲɛlɛc ɲɛnayi mɔ, pɛckulɛ-kulɛ pɛpɔɲ:

34 «Ta ake tɔ mɛmbɛrɛnɛnɛ mes mɔsu-ɛ, Yesu wɛka Nasarɛt? Dɛkɛlɛsɛr su mɛnder ba? Sɛncɛrɛ belbel nwe mɔyɔnɛ mɔ: Wɛcɛmpi wɛka Kanu!»

† 4:18 Kɛdɛdɔɲk kɔyɔc ka acar aɲɛ asumpɛr dɛkɔwan mɔ kɔ pɔyɔnɛ fɛ ti-ɛ, «Kɛdeloku acar kasak kɛɲan ɲayi tɛfan taɲan.» 4:19 Esayi 61.1-2

³⁵ Kɔ Yesu ɛnɔgbɛn-gbɛnɔr ɲi, pɛcloku: «Mɛmɛp kusu! Mɛwɔr fɔm wɛkawɛ dɛris!» Kɔ ɲɔɲk ɲɛlɛc ɲɛnɔgbal fɔm wɛkakɔ dɛntɔf afum dacɔ, kɔ ɲɔwɔr kɔ dɛris, ali pɛlɛc ɲɛnɔyɔ fɛ kɔ.

³⁶ Kɔ cusu cɔwos afum fɛp, kɔ ɲayɛfɛ kɛyifɔtɛnɛ: «Ake toloku tɔ tantɛ-ɛ? Fɛnɔntɛr kɔ kɛtam kɔn k'ɔɲlok-lokɛrɛ yɔɲk yɛlɛc, yɔcbɔlɛ ɲa.»

³⁷ Kɔ tetɔn tɛsam mɛmpɔmpɔ ma dɔtɔf fɛp.

Aɲnabi Yesu kɛtamɛs kɔn acuy alarɛm

Mat 8.14-17; Mark 1.29-34

³⁸ Ntɛ Yesu ɛyɛfɛ dɛndɔ dɛkɛtola Kanu da aSuyif mɔ, k'ɔɲkɔ ndena Simɔɲ. K'ɔɲkɔ pɛbɛp iya wɛka wɛran ka Simɔɲ pɛcyikcɛnɛ fiba fɛpɔɲ, kɔ akakɔ ɲayɛfɛ kɛlɛtsɛnɛ Yesu a pɛmar kɔ.

³⁹ Kɔ Yesu entilsɛrnɛ wɛran nwe k'ɛnɔgbɛn-gbɛnɔr fiba fafɔkɔ, kɔ fiba fɛsak kɔ. Gbɛncana babɔkɔ kɔ wɛran nwe ɛyɛfɛ k'ɛyerɛs afum yeri.

⁴⁰ Ntɛ dec dɛɲkalɛ mɔ, aɲɛ ɲanayɔ acuy aɲɛ ɲancuncɛ docu dɛyamayama mɔ, kɔ ɲaɲkenɛ ɲa Yesu. K'ɛndɛnɔsɛr ɲa waca fɛp, kɔ ɲantamɲɛ.

⁴¹ Kɔ yɔɲk yɛlɛc yolukus afum alarɛm darɛɲ, yockulɛ-kulɛ: «Mɛn'ɔyɔnɛ Wan ka Kanu!» Kɔ Yesu ɛnɔgbɛn-gbɛnɔr yi, ta ɔɲwosɛ a yolok-loku-ɛ, bawɔ yɛnacɛrɛ a nkɔn ɔyɔnɛ Wɔbɛ nwe Kanu kɛyɛk-yɛk mɔ.

Aɲnabi Yesu kɛkawandi kɔn dɛkɛtola Kanu da aSuyif

Mat 4.23; Mark 1.35-39

⁴² Dec dɛndɛsɔk, kɔ Yesu owur k'ɔɲkɔ ndɛ kɛfɔ kɛyer-yer kɛlɔma. Kɔ afum alarɛm ɲawur kɛtɛn kɔ, kɔ ɲaɲkɔ ɲabɛp kɔ dɛndɔ kɛfɔ kanɲkɔ. ɲanafanɲ fɛ kɛsak Yesu pɛkɔ.

⁴³ Mba k'oloku ɲa: «Nɛsak im ikɔdɛɲk sɔ sɛdare sɛlɔma moloku mɔtɔt ma dɛbɛ da Kanu, bawɔ itɔ anasom'em.»

⁴⁴ Kɔ Yesu ɛɲkawandi Kibarɔ Kɛtɔt dɛndɔ dɛkɛtola Kanu da aSuyif ndɛ sɛdare sa Yude.

5

Yesu kɛwɛ acɛpɛ ɔn darɛɲ acɔkɔ-cɔkɔ

Mat 4.18-22; Mark 1.16-20

¹ Dɔsɔk dɔlɔma, Yesu pɛcɛmɛ agbɛp ɲa kɛba ka Kenesaret, afum ɲamɛpɲɛ kɔ ɲaccɛɲkɛl toloku ta Kanu.

² K'ɛnɔɲk dɛndɔ kɛba kɛsɛk cibil mɛrɛɲ, nɛɛ awɛnt ɲanawur disrɛ, ɲacyak manta manɲan mɔ.

³ Kɔ Yesu embɛkɛ abil ɲin disrɛ, ɲɲɛ ɲɛnɔyɔnɛ ɲa Simɔɲ mɔ, k'oloku kɔ a pɛbɔlɛnɛ agbɛp pipic. K'ɛndɛ debil pɛctɛkɛ kɛnɔy kɛɲkɔ kɛnacɛmɛ dɛntɔf mɔ.

⁴ Ntɛ ɛsak kɛlok-loku mɔ, k'oloku Simɔɲ: «Mɛcɔɲnɛ ndɛ pɛntukmɛ mɔ, nɛɲbal manta monu nɛsumpɛr lop.»

⁵ Kɔ Simɔɲ oloku kɔ: «Wɛkiriɲ, pibi pampɛ fɛp sɛcɲbal manta, mba ali paka sɛsɔtɔ fɛ. Mba ntɛ mɛlɔku ti mɔ, kɛɲbal k'inder manta.»

⁶ Ntɛ ɛnɔgbal manta mɔ, k'osumpɛr lop yɛlarɛm hanɲ kɔ manta moncop kɛwɛlɛ.

⁷ Kɔ ɲawɛ anapa aɲan akɔ ɲanayi abil ɲa mɛrɛɲ ɲɔkɔ disrɛ mɔ, kɛdemar ɲa. Kɔ akakɔ ɲander, kɔ ɲalas cibil cacɔkɔ mɛrɛɲ hanɲ cacfanɲ kɛkalɛ.

⁸ Ntɛ ɛnɔɲk tatɔkɔ mɔ, kɔ Simɔɲ Piyer entɛmpɛnɛ Yesu wɛcɛk dɛntɔf, k'oloku: «Wɔbɛ, mɛbɔl'em! Fum wɛciya iyɔnɛ.»

⁹ Kɔ kusu kɛwos kɔ, nkɔn kɔ akɔ ɲanayi mɔ fɛp, teta lop yɔkɔ ɲanasumpɛr mɔ.

¹⁰ Itɔ pɛnɔyɔ sɔ asol a Simɔɲ, Sak kɔ Isanɲ, awut a Sebede. Kɔ Yesu oloku Simɔɲ: «Ta mɛnɛsɛ! Kɛyɛfɛ mɔkɔ, afum ɲɔ mɛndɛ mɛcfɛkɛs ɔɲ.»

11 K'asumpər lop akakə ɲampene cibil deɟber, kə ɲasak ca fəp, kə ɲancəme Yesu darəɲ.

Yesu ɔsəkəs wətətamne

Mat 8.1-4; Mark 1.40-45

12 Dare dələma də Yesu enayi. Kə wərkun wələma nwe sen sənəsumpər dis fəp mə, ender. Nte enəɲk Yesu mə, k'entempene dəntəf, k'encəpe Yesu tobu, k'elətsene kə: «Mariki, kə məfanj ti-ε, məntam kəsəkəs im.»

13 Kə Yesu entene kəca, k'ɔɲɟbuɲene kə, k'oloku: «Ifanj ti, məsək!» Gbancana babəkə kə sen səsak fum wəkəkə.

14 Kə Yesu oloku kə: «Ta məloku ti fum o fum, mba məkə məmentərne wəloɲne. Məkenε kə poloɲne teta kəsəkəs kam pəmə təkə Musa encic ti mə, tendeyone afum fəp kəcəre a məntamne.»

15 Tewe tən tencsam kəsam dəm, afum alarəm ɲaclɔɲkanε kəcəɲkəl kə, kəten ka kətaməs ka docu danjan.

16 Mba kə Yesu owur afum daco, k'ɔɲkə nde dətəɟbərə **dəkəlok-lokər Kanu**.

Yesu kətaməs kən fum nwe enatətam kəkət mə

Mat 9.1-8; Mark 2.1-12

17 Dəsək dələma Yesu pəctəkse. AFarisi kə atəkse a sariye ɲandε. ɲayefe-yefe sədare sa tɔf ya Kalile kə Yude, kə dare da Yerusalem. Kə fənəntər fa Kanu Kəpɔɲ fəyi kə Yesu, nte tɔɲsɔɲe pəctaməs acuy mə.

18 Kə afum ɲander, ɲagbanne fum nwe efi wəcək mə dəpoko, ɲacseɲ kəbere kəkəboc kə fər ya Yesu kirinj.

19 Nte delay da afum dəsɔɲe ɲa kətəsətə dəkəberε mə, kə ɲampese kələ kəroɲ, kə ɲəɲkə ɲafeni kələ darenc kəfo kələma, kə ɲantore wətəkət nwe pəyi dəyala yɔn afum daco, Yesu fər kirinj.

20 Nte Yesu enəɲk kəlanj kəɲan mə, kə Yesu oloku fum nwe: «Wərkun, aɲanɲen'am kiciya kam!»

21 Atəkse sariye kə aFarisi ɲayefe kəcem-cemne, ɲacyifne: «Fum wəre ɔfo wəkawε ɔɲləməs Mariki mə? An'entam kəɲanɲene kiciya, kə pəntɔyone Kanu sona-ε?»

22 Kə Yesu encəre pəcem-cemne paɲan, k'eyif ɲa: «T'ake tə məcem-cemne mame meyiε nu-ε?»

23 Mosom mərəɲ mə mame, tosom tere tətɔcuca kələku: «Aɲanɲen'am kiciya kam,» kə kələku: «Məyefe, məkət-ε?»

24 Awa indeyɔ nu tante nte tɔɲsɔɲe nəcərə a ina, Wan ka Wərkun, intəmpər kətam nɔɔ doru dandε kəɲanɲene ka kiciya: Kə Yesu oloku wəfi wəcək, «Ilok'am: Məyefe! Mələk poko pam, məlukus nde ndaram!»

25 Gbancana babəkə kə wərkun nwe eyefe fər yaɲan kirinj, k'elək poko pən, k'osumpər dəpə kəkə nde ndəɔɲn pəkəkor-koru Kanu.

26 Kə cusu cəwos afum fəp, kə ɲa sɔ ɲayefe kəkəkor-koru Kanu. Kə kənese kəyi ɲa, ɲacloku: «Sənəɲk məkə nte səntatənəɲk mə.»

Yesu kəwe kən Lewy

Mat 9.9-13; Mark 2.13-17

27 Nte tatəkə tencepər mə, kə Yesu owur k'enəɲk wəbanəs dut wələma, nwe ancwe Lewy mə, pəndε nde aɲgbancan ɲa abanəs dut. Kə Yesu oloku kə: «Məcəps'em darəɲ.»

28 Kə Lewy esak mes fəp, k'eyefe k'encəpse Yesu darəɲ.

29 Kə Lewy əɲkə pəbocε Yesu kəsata kəpɔɲ nde ndəɔɲn. Abanəs dut alarəm ɲanayi di, ɲandes-ndes dəmesa kə afum aləma kə Yesu.

30 aFarisi kɔ atəksɛ sariyɛ s'aSuyif ɲacɔpɛnɛ, ɲacyif acɛpɛ a Yesu darɛɲ: «T'ake tɔ nɛndinɛ yeri, nɛcmunəs kɛfo kin kɔ abanɲəs dut kɔ aciya-ɛ?»

31 Mba Yesu oloku ɲa: «Bafɔ atamnɛ ɲafan wɛtɛn cɔl dɛ, mba acuy ɲafan kɔ.

32 Bafɔ alompu ɲɔ inder kɛwɛ, mba aciya, nte tɔɲsɔɲɛ ɲasɛkpɛr bɛkɛc, ɲacɛmɛ pɛlompu darɛɲ.»

Yesu kɔ kɛsun

Mat 9.14-17; Mark 2.18-22

33 Kɔ ɲaloku Yesu: «Acɛpɛ a Sarɲ darɛɲ kɔ aFarisi, ɲanɲsun tɛm fɛp ɲacɔpɛs, mba kɔ aka mɛna ɲandi yeri ɲacmun.»

34 Mba kɔ Yesu eyif ɲa: «Nɛntam kɛsɔɲɛ afum anɛ awɛ kɛgbanɲɛ mɔ kɛsun, ɲasɔɔyi wɛfura kɛsɛk ba?»

35 Dɔsɛk dɛndɛbɛp nɛ ɲandɛgbɛyɛnɛ kɔ wɛfura mɔ, awa ɲandɛsun dɔsɛk dadɔkɔ.»

36 Kɔ Yesu oloku ɲa sɔ capafɔ nɛ: «Ali fum ɔfɔwali kɛpɔl dɛkɛloto kɛfu kɛkɔfapɛrɛ yamos yɛmɛcɛ-mɛcɛ. Bawo tɔɲsɔɲɛ kɛpɔl ka kɛloto kɛfu kanɲkɔ ɛwali mɔ, kɛtamar yamos yɛmɛcɛ-mɛcɛ yayɔkɔ ɛfan kɛlompɛs mɔ.

37 Fum o fum ɔfɔbɛr wɛn wofu dɛtɛlɔba pa akata pokur. Kɔ mɛyɔ ti-ɛ, wɛn wɛɲwɛsɛli tɛlɔba, wɛn wolɔɲɛ. Mɛyi ɔɲ mɛsɔtɔ fɛ tɛlɔba, mɛsɔtɔ fɛ sɔ wɛn.

38 Mɛbɛr wɛn wofu dɛtɛlɔba pofu!

39 Fum o fum omun wɛn wokur ɔfɔsɔfan wofu, bawo oloku: «Wokur wɛntɛɲɛ.»

6

Aɲnabi Yesu kɔ dɔsɛk da kɛɲɛsɛm ndɛ ampuse Mariki mɔ

Mat 12.1-8; Mark 2.23-28

1 Nte Yesu ɛncɛali dalɛ dɔsɛk dɔlɔma da kɛɲɛsɛm ndɛ ampuse Mariki mɔ,* kɔ acɛpɛ ɔn darɛɲ ɲayɛfɛ kɛɲɔsɔru sɛbɔmp sa mɛɲgbɛn ɲacsɔm.

2 Kɔ aFarisi alɔma ɲayif ɲa: «Ta ake tɔ nɛɲyɔnɛ nte Sariyɛ sɛntɔwɔsɛ kɛyɔ dɔsɛk da kɛɲɛsɛm mɔ?»

3 Kɔ Yesu eyif ɲa: «Nɛɲkarɛɲ fɛ Yecicɛs Yosoku disrɛ tɔkɔ Dawuda ɛnayo, nte dor dɛnayo kɔ, nkɔn kɔ akɔ ɲanasol mɔ ba?»

4 —Nte Dawuda ɛnabɛrɛ kɛlɔ kɛpɔɲ ka Kanu mɔ, k'ɛlɛk cɛcom nɛɛ anclɔɲɛ Kanu mɔ, k'ɔsɔm ci, k'ɔmpɔcɛ sɔ asol ɔn akɔ dor dɛnayo mɔ, mba alɔɲɛ gbɛcɛrɛm ɲɔ Sariyɛ sɛnawɔsɛ kɛsɔm ci.»

5 Kɔ Yesu oloku ɲa: «Wan ka Wɛrkun ɔyɔnɛ mariki ma dɔsɛk da kɛɲɛsɛm ndɛ ampuse Mariki mɔ.»

Fum wɛfi kɛca

Mat 12.9-14; Mark 3.1-6

6 Kɔ dɔsɛk dɔlɔma da kɛɲɛsɛm ndɛ ampuse Mariki mɔ dɛndɛbɛp, kɔ Yesu ɔɲkɔ ndɛ dɛkɛtɔla Kanu da aSuyif pɛctɛksɛ afum. Wɛrkun wɛlɔma ɛnayi di pɛdɛmtɛr kɛca kɛtɔt.

7 Atɛksɛ sariyɛ kɔ aFarisi ɲanɲkɔkɛ Yesu belbel, kɔ pɛyɔnɛ a ɔɲkɔtamɛs fum dɔsɛk da kɛɲɛsɛm ndɛ ampuse Mariki mɔ. ɲanayo ti nte tɔɲsɔɲɛ ɲasɔtɔ tɛyɛmsɛnɛ kɔ mɔ.

8 Mba Yesu ɛnacɛrɛ mɛcɛm-cɛmɛnɛ manɲan, k'oloku wɛrkun nwe ɛnadɛmtɛr kɛca mɔ: «Mɛyɛfɛ mɛcɛmɛ nɲɔ afum dacɔ.» Kɔ wɛkakɔ ɛyɛfɛ, k'ɛncɛmɛ.

* 6:1 Simiti, dɔsɛk da kɛɲɛsɛm ndɛ ampuse Mariki mɔ sariyɛ sɛmɔnɛ aHebɛrɛ fɛp kɛbɛc tataka ta camɛt-mɛrɛɲ lokun o lokun. Difɔ aɲwe simiti «simiti, dɔsɛk da kɛɲɛsɛm».

⁹ Kò Yesu eyif ña: «Icyif nu ma: Càke cò Sariye səwosε dəsək da kəñesəm nde ampuse Mariki mɔ-ε? Kəyɔ ka pətət ba, ka pələc? Pataməs fum ba, ka pace kə pəfi?»

¹⁰ Awa, kò Yesu ɔmɔmən ña dəcəro fəp fañan, k'oloku wərkun nwe: «Mətenci kəca!» Kò wərkun nwe entenci ki, kò kəca kən kəntamne.

¹¹ Mba kə pəntele acicəs a sariye kò aFarisi pəpəñ, kò ñayefe kəgbekələne teta pələc mpe ñantam kəyɔ Yesu mɔ.

Yesu kəyεk-yεk Asom ɔn wəco kə merəñ

Mat 10.1-4; Mark 3.13-19

¹² Təm tatəkɔ, kò Yesu empe nde dətəro kəkəsali, k'ɔñkə pəcəpərene pibi fəp kəlok-lokar Kanu.

¹³ Nte dec dəsək mɔ, k'ewe acεpse ɔn darəñ, k'eyek-yek ña dacɔ afum wəco kə merəñ, añe ɛnasəñ tewe ta «asom» mɔ.

¹⁴ K'ewe Siməñ, nwe Yesu ɛnasəñ tewe ta Piyer mɔ, kə wenc Andəre, Sak, Isan kə Filip, Bartelemy,

¹⁵ Matiye, Tɔma, Sak wan ka Alfe, Siməñ wəsimsε teta atɔf,

¹⁶ Yude wan ka Sak, kò Yudas wəka dare da Keriyot nwe ɛnader pələpsər kəber Yesu aterene ɔn dəwaca mɔ.

Yesu pəctaksε pəctaməs

Mat 4.23-25

¹⁷ Kò Yesu ñantor kəyefe dətəro kò ña, k'ɔñkə pəcəme kəfo kətəñne nke acεpse ɔn darəñ alarəm, kò kənay ka afum alarəm: Afum aka Yude fəp, dare da Yerusalem, kò afum aka kəba kəsək nde sədare sa Tir kə Sidəñ.

¹⁸ Afum akanε fəp ñanader kədecəñkal kò, pətaməsene sɔ docu danan. Afum añe yɔñk yələc yɔncərəs mɔ, ñanatamne.

¹⁹ Afum fəp ñacsep kəgbuñene kò, bawo fənəntər fəncwur kò nfe fəncaməs acuy fəp mɔ.

Pətət kə pələc

Mat 5.1-12

²⁰ Kò Yesu ɔmɔmən acεpse ɔn darəñ, k'oloku:

«Pəbət nu nəna atəyɔ daka,

bawo nən'eyi akip ña dεbe da Kanu dəntɔf!

²¹ Pəbət nəna añe dor dəyɔ tante mɔ,

bawo nəndenembərə!

Pəbət nu, nəna añe nəyi kəbok mɔ,

bawo nəndesel!

²² Pəbət nu kò afum ñandeter nu-ε, ñacbeləs nu, ñacləməs nu, ñacləsər nu mewe bawo nəlan dim da «Wan ka Wərkun.»

²³ Nəde nəwoləs kò dəsək dadəkɔ dendeder-ε, nəyok-yokene pəbotu, bawo kəpocε kəpəñ kəñkar nu nde darenc. Tante tɔ atem anan ñancyo adəñk a Kanu.

²⁴ Pələc peyi nu nəna añe nəyɔ daka mɔ!

Bawo nəlip kəsətɔ pənempəsε ponu mpe pənamar nu kədəkəsətɔ mɔ.

²⁵ Pələc peyi nu nəna añe ca fəp yelar mɔ,

bawo dor dendekeyɔ nu!

Pələc peyi nu nəna añe nəyi kəsel mɔ,

bawo nəndekəyi kəbal kò kəbok disre!

²⁶ Pələc peyi nu nəna añe afum fəp ñandeloku pətət ponu mɔ,

tante tɔ atem anan ñancyo kò akò ñancbañene kəyɔne Sayibe sa Kanu mɔ.»

Kəbətər ka añe ñanter nu mɔ

Mat 5.38-48; 7.12

27 «Mba, injloku ti nana anje nancanhkæl im mo: Nəbətər aterene anu, nəyo pətət anje njanter nu mo!

28 Nətolane pətət anje njantolane nu pelɛc mo, nətolane anje njanlɔməs nu mo!

29 Kə fum efer əm kəca dəkanca-ɛ, məcencɛ kə sə akanca nja merəŋ njəkə. Kə fum eləkər əm burumusɛ-ɛ, məce kə sə pələk duma dam.

30 Məpɔcɛ nwe o nwe ontol'am mo, kə fum eləkər əm paka mpe pəyɔne pam mo, ta məwerəs kə pi.

31 Nəyɔne afum təkə nəfan jə njaɔne nu mo.

32 Kə təyɔne nəbətər gbəcərəm akə nambətər nu mo, kəway kərə kə nəngbəkər sə mera-ɛ? Ali aciya nambətər anje nambətər nja mo!

33 Kə pəyɔne a akə njanɔne nu pətət mo gbəcərəm njo mənyɔne pətət-ɛ, kəway kərə kə məntam kəgbəkər amera-ɛ? Ali aciya, bafə tatəkə tə njanɔ pəmə nana ba?

34 Kə pəyɔne a akə nəyo amera kədelukse nu mo gbəcərəm njo nəntam kəbɔr-ɛ, kəway kərə kə nana nəntam kəgbəkər amera-ɛ? Bawo ali aciya sə nambər aciya nte tənɔne nja kədəsətə pətənnene payi mo.

35 Nəbətər ater anu, nəbər nja nəwure kəlukse debe dadəkə amera. Nəndesətə kəpɔcɛ kəpəŋ, nəyɔne sə awut a Wəbe wəka darenc, bawo Kanu kəntesɛ nno apələrne pətət kə ayenki bəkəc njaɔ mo.

36 Nəbətə mera pəmə təkə Papa konu əmbət amera mo.»

Ta nəcin afum əloma

Mat 7.1-5

37 «Ta nəcin fum, afəkəcin nu. Ta nəkiti akə nte tənɔne ta andesəkiti nana mo. Nəjanne akə, andekəjanne nu.

38 Nəpɔcɛ, andekəpɔcɛ nu. Andekəber nde yuba yonu yɔpəŋ ya duma donu pɔtubcɛ pətət, pasumpər, pasəŋk-səŋk, pəlɔŋər. Bawo pɔtubcɛ mpe nəntubcɛ mo, ip'andekəsɔtubcɛ nu kəlukse nu kəway.»

39 Kə Yesu olək-lokər nja capafə: «Wətənjək entam kəkətene wətənjək ba? Kə pəyɔne fɛ ti-ɛ merəŋ manjan fəp mo njanterpene abi disɛ.

40 Ali wəcepse darəŋ wəkin eyi fɛ nwe embək dəkəcəme pətəs wətəksɛ kən mo, mba wəcepse darəŋ nwe entəksɛ belbel mo, eyi pəmə wətəksɛ kən.

41 Ake'səne nte məngbətne ayika nje njeɔ wenc əm dərɔfər mo, mba ta mənjəŋk təmbəŋk ta kətək mpe peyi mənasərka dərɔfər mo-ɛ?

42 Pəlompə pə ba, kəloku wenc əm: «Wenc im məwose a ilin əm ayika nje nje'əm dərɔfər mo,» mba dərɔfər da məna dəyɔ təmbəŋk ta kətək? Məna wəbanene kəlomp! Məlɔne kərəsna təmbəŋk ta kətək dərɔfər dam, it'əŋsəŋ'am kənəŋk belbel ayika njəkə məfan kəlin wenc əm dərɔfər mo.»

Kətək kə yokom ya ki

Mat 7.16-20; 12.33-35

43 «Kətək kətət kəfəkəkom yokom yeɛc, kətək kətətamne kəfəkəkom yokom yətət.

44 Kətək nke o nke kə, yokom ya ki y'ənjepələ ki. Afəpim cəyabɛ† kə wen ‡ dəbɛŋk.

45 Fum wətət nde abəkəc njo nətət ənjək məyɔ mətət, kə fum wələc nde abəkəc njo njeɛc ənjək məyɔ məɛc. Bawo nte o nte kusu kənjloku mo, ti teɔ nde dəbəkəc.»

Wəbə merəŋ

Mat 7.24-27

46 «Ta ake tə nənwen'em «Mariki! Mariki!» ta nənɔ mes məkə injloku mo-ɛ?

† 6:44 Cəyabɛ = CəTabo «figue» ‡ 6:44 Pokom mpe pəŋkom nde Yisrayel, pi pəkə anfcə kəsətə member mme ənjwe «wen» mo.

⁴⁷ Nwε o nwε eder im, p̄ane moloku mem, p̄ək̄ot mi, iment̄ar nu nwe oḡwurene m̄o:

⁴⁸ Owurene fum nwe eyi k̄ac̄amb̄ar k̄al̄o p̄ək̄ay d̄ant̄of han̄ p̄ətukm̄e belbel, p̄ac̄amb̄ar k̄al̄o k̄on tasar teyen̄ki k̄ar̄on̄. Ali w̄ac̄af̄an̄ p̄ətuf p̄alar̄am, m̄anc̄aca meyek̄se, k̄al̄o k̄on k̄af̄otam k̄awuḡe, bawo anac̄amb̄ar ki gb̄in̄.

⁴⁹ Mba nwe o nwε ene moloku mem, ta oḡk̄ot̄ene mi-ε, fum w̄ak̄ak̄o ḡawurene k̄o nwε enc̄amb̄ar k̄al̄o k̄on katina d̄ant̄of, ta eḡk̄ay p̄ətukm̄e p̄ac̄amb̄ar ki tasar k̄ar̄on̄ m̄o. K̄o w̄ac̄af̄an̄ ontuf, m̄anc̄aca meyek̄se-ε, k̄al̄o kan̄k̄o k̄aḡwuḡe katina, k̄al̄ec̄e few!¹»

7

Aḡnabi Yesu k̄atamas̄ k̄on w̄acar ka w̄abe ka as̄odar 100 Mat 8.5-13

¹ Nte Yesu elip k̄alok-lok̄ar afum aḡe ḡanc̄c̄ḡj̄k̄al k̄o m̄o, k'emb̄ere dare da Kaparnam.

² D̄ando k̄afo kan̄k̄o, w̄abe k'as̄odar w̄arom w̄al̄oma enaȳo w̄acar nwe tet̄on tenaȳeḡk̄o k̄o m̄o. W̄acar w̄ak̄ak̄o enatam̄ne fe, p̄ac̄fan̄ k̄afi.

³ Nte w̄abe k'as̄odar nwe ene pacl̄oku teta Yesu m̄o, k'osom abeki aSuyif al̄oma, ḡak̄awene k̄o Yesu p̄adetam̄ase k̄o w̄acar k̄on.

⁴ K̄o abeki akak̄o ḡander ḡab̄ap̄ Yesu k̄o ḡalet̄s̄ene k̄o ḡac̄gb̄ok̄are, ḡac̄loku: «Oyo dofum nde p̄amar m̄aȳone k̄o ti m̄o,

⁵ bawo w̄abe w̄akawe omb̄ot̄ar at̄of ḡosu, nk̄on enac̄amb̄ar d̄ak̄etola Kanu da aSuyif dosu.»

⁶ K̄o Yesu oḡk̄o k̄o ḡa. ḡanabol̄ene fe k̄al̄o ka w̄abe w̄as̄odar, k̄o w̄as̄odar osom anapa on̄ k̄ak̄oloku k̄o: «Mariki, ta m̄at̄ar̄s̄ene, bawo is̄ot̄o fe dofum d̄efaynen'am nde k̄al̄o kem dis̄re.

⁷ It̄'os̄oḡe nte inas̄erka int̄onak̄o nn̄o m̄ayi m̄o. Mba m̄aloku toloku tin, w̄ab̄ace kem entam̄ne.

⁸ Bawo ina w̄akawe yati abe em ḡ'iḡi d̄ant̄of, k'ina s̄o iḡo as̄odar al̄oma aḡe ḡay'im d̄ant̄of m̄o. K'iloku w̄akin: «M̄ak̄o,» w̄ak̄ayi oḡk̄o. K'iloku w̄ako «M̄ader,» w̄ak̄ayi ender. K'iloku w̄acar kem: «M̄ayo nte-ε, oḡyo ti.»

⁹ Nte Yesu ene moloku mam̄ak̄o m̄o, k̄o teta w̄as̄odar nwe tenciyan̄e k̄o. K'eḡk̄af̄ale, k'ent̄ef̄arne k̄anay k'afum ak̄o ḡanac̄ame k̄o dar̄eḡ m̄o, k'oloku: «ic̄loku nu, ali nde Yisrayel inan̄eḡk̄o fe k̄alar̄ p̄am̄o kan̄k̄e!»

¹⁰ K̄o asom a w̄as̄odar nwe, ḡalukus nd̄ar̄on̄. K̄o ḡab̄ap̄ w̄acar nwe enat̄o-tam̄ne m̄o, p̄atam̄ne ken̄.

Yesu os̄oḡe w̄afi k̄af̄ote

¹¹ Nte telip m̄o, k'oḡk̄o dare nde ancwe Nayin m̄o. At̄ak̄as̄ on̄ k̄o afum alar̄am ḡanasol k̄o nk̄on k̄ak̄o.

¹² Nte ḡal̄ot̄arne k̄ab̄ere ka dare m̄o, k̄o ḡamb̄ap̄ene k̄o afum ḡanc̄cek̄are fum w̄afi d̄ak̄awup, mba fum nwe sona gb̄on̄ s̄o k̄ere enakom k̄o, wos p̄afi s̄o. Afum alar̄am a dare dad̄ok̄o ḡanc̄cek̄are w̄afi w̄akak̄o d̄ak̄awup.

¹³ K̄o Yesu en̄eḡk̄o w̄aran nwe, k'aȳone k̄o non̄of̄ar, k'oloku k̄o: «Ta m̄abok!»

¹⁴ K̄o Yesu on̄c̄oḡne k'oḡgb̄uḡene kan̄k̄ara ka w̄afi. Aḡe ḡanat̄omp̄ar k̄o m̄o ḡanc̄ame. K̄o Yesu oloku: «W̄atemp, in'olok'am: M̄aȳefe!»

¹⁵ K̄o w̄afi eyefe k'ende, k'onc̄op̄ k̄alok-loku. K̄o Yesu oluk̄se w̄afi nwe k̄ere.

¹⁶ K̄o f̄ap̄ f̄anese, k̄o ḡayefe **kac̄am debeki** da Kanu, ḡac̄loku: «W̄ad̄eḡk̄o w̄aka Kanu w̄ap̄eḡ eyefe su d̄aco! K̄o Kanu k̄ander k̄amar afum on!»

17 Kò tɔyɔ ta Yesu tatòkò tesam atóf ña Yude fəp, kəbəp ka sədare səkò səŋkəl Yude mɔ.

Asom a Añnabi Sañ

Mat 11.2-19

18 Kò acepse a Añnabi Sañ darəñ ñaŋkò ñaloku kò mes maməkò fəp. Kò Sañ ewe acepse ɔn darəñ daco afum merəñ,

19 k'osom ña kəkoyif Mariki kò pəyɔne nkɔn ɔyɔne nwe eyi kəder kədeyac afum a Kanu mɔ, kò tɔyɔne fɛ nkɔn-ɛ, pəmar pakar sɔ wəlɔma ba?

20 Nte ñambəp Yesu mɔ, kò afum aɲe ñayif kò: «Sañ Batis osom su kədeyif əm: ‹Mən'ɔyɔne nwe eyi kəder mɔ, ka pəmar səkər sɔ wəlɔma ba?›»

21 Afum akakò anasom mɔ ñaŋkò ñabəp Yesu pəctaməs docu da atətamne alaram, lanyiru, aɲe yɔŋk yelec yencəme darəñ mɔ, k'ɔsɔɲe atɔnəŋk alaram kəŋəŋk.

22 Kò Yesu olukse ña: «Nəkò nəloku Sañ təkò nənəŋk kò təkò nəne mɔ: Atɔnəŋk ñanəŋk, atətam kəkət ñaŋkət, k'asəkəs acunɛ sen, atəne ñane, afi ñafɔte, aŋkawandi Kibaru Kətɔt nno atɔyɔ daka ñayi mɔ.

23 Pəbət nwe ɔntədesak kəgbɛkar im kəlaŋ kən * mɔ!»

24 Nte asom a Sañ aɲe ñalukus mɔ, kò Yesu eyefe kəloku kənaɲ ka afum teta Sañ pəcyif: «Ake nənəkò kəməmən nde dətɛgbərə-ɛ: Fum nwe ɛfanɛ pəmɔ awo ñje afef ñeyikəc mɔ ba?

25 Mba anɔ nənəkò oŋ kəməmən di-ɛ, wərkun wəsəkəp belbel ba? Mba nəcərə a asəkəp belbel nde wəlɔ w'abɛ wɔ ñande pətɔt disrɛ.

26 Mba anɔ nənəkò oŋ kəməmən-ɛ, Sayibe ba? Ey, icluku nu, Sañ encepər Sayibe fəp dəkəcəme.

27 Tetɔn t'ancicəs nde Yecicəs Yosoku disrɛ: ‹Indekəkərə wəsom kem fər yam kirin pəkɔlomp's'am dəpɔ.»

28 Kò Yesu oluku: «Icluku nu, aɲe aran ñaŋkom mɔ fəp, ali wəkin eyi fɛ nwe encepər Sañ dəkəcəme mɔ. Mba nwe ɛfɛte nde dəbɛ da Kanu dantaf mɔ, ɔyɔne nwe encepər Sañ dəkəcəme mɔ.

29 Afum aɲe ñanane kò kəlɔk-lɔku mɔ fəp, kəbəp awerəs dut, kò ñawosɛ dolompu da Kanu. Ti disrɛ kò ñawosɛ a Sañ pəgbət ña dərɔmun teta Kanu.

30 Mba aFarisi kò atəkse a sariyɛ ñanawosɛ fɛ nte Kanu kənafanɛ ña mɔ, kò ñafati a Sañ pəgbət ña dərɔmun teta Kanu.

31 An'indetubcɛne afum a dɛtemp dandɛ-ɛ? Anɔ ñawurɛne-ɛ?

32 Aɲe ño ñawurɛne: Ñawurɛne awut aɲe ñande kəfo nkɛ afum fəp ñambəpsɛne mɔ, a ñacwenɛne kəkɔluku:

‹Səfulanɛ nu luk, kò nəntəpise!

Kò səlɛŋsɛ nu mɛləŋ ma defi, kò nəntəbok.»

33 Bawo nte Sañ Batis, nwe encgbət afum dərɔmun ɛnader mɔ, oncsun, ta oŋmun wɛn-ɛ, kò nəloku a ɔyɔ ñəŋk ñɛlec!

34 Kò Wan ka Wərkun ender, pəcdi yeri pəcmun wɛn kò nəloku: ‹Wəcɛlək kò wəcis ɔfo, wanapa ka abanəs dut k'aciya!»

35 Mba awut a kəcərə kəkɔtɛne mes ka Kanu ñawosɛ dolompu da ki.»

Yesu nde kəb ka Siməñ wəFarisi

36 Kò wəFarisi wəlɔma ewe Yesu kəkɔdi yeri kò nkɔn. Kò Yesu ɛmbɛrɛ nde kəb ka wəFarisi wəkakò, k'əŋkò pəndɛ amɛsa kirin.

* 7:23 kəsɔlɛ 7:27 Malaki 3.1

³⁷ Wəran wəciya wələma enayi dare dadəkə, k'ene a Yesu ŋayi kədi yeri nde kələ ka wəFarisi. Wəran wəkakə elek təkəbə pa alabatər pələre labundε,

³⁸ K'əŋkə pəcəme Yesu kumunt darəŋ pəsumpər kə wəcək. K'eyefε kəbok pəcəŋkəsε mēncər mən wəcək wa Yesu, k'efεŋətε wəcək wa Yesu cəfon cən, pəccup wi, pəclonşər wi labundε.

³⁹ Nte wəFarisi nwe enawe Yesu nde ndərən, enəŋk tatakə mə, k'olokune dəbəkək: «Fum wəkawε ŋyənε wədəŋk wəka Kanu-ε, k'encərə wəran nwe ŋŋbunənε kə mə, fum nwe əyənε mə—Wəran wəciya.»

⁴⁰ Kə Yesu elek moloku, k'oloku: «Simən, iyə toloku tələma tolok'am.» Kə Simən oloku kə: «Mələk'im ti, Wətəkε.»

⁴¹ «Wəbəs-bəsər wələma afum mērəŋ ŋanatəmpərə debe: Wəkin nwe pətəmpərə kə gbeti mēncəmbəl masar kəcəmət (500), kə wəka mērəŋ pətəmpərə kə mēncəmbəl 50.

⁴² Mba nte wəbəs-bəsər nwe enəŋk fə aləkər ən səbe ŋayə fε gbeti bolukse kə mə, k'εŋaŋnε mērəŋ maŋan fəp. Akakə mērəŋ anə endenəŋkanε kəbətər kə pətəs wəkə-ε?»

⁴³ Kə Simən oloku kə: «Pəwuren'em, a wəkə enatəmpərə kə gbeti belarəm mə.» Kə Yesu oloku kə: «Gbεs, məloku kance!»

⁴⁴ Kə Yesu enkafəle k'entefərne wəran nwe, k'oloku Simən: «Mənəŋk wəran nwe? Imberena nnə kələ kam mba məsəŋna f'em domun ibikεne wəcək, mba nkən encəŋkəsε wəcək wem mēncər mən, k'efεŋətε wi cəfon cən.

⁴⁵ Məncupna f'em, mba nkən kəyefε nte imberena nnə mə, a k'oncop kəcupəs im wəcək mə, haŋ ndəkəl itə eyi kəyə.

⁴⁶ Məsopna f'em moro dərəmp,† mba wəran wəkawε osop im labundε dəwəcək.

⁴⁷ Itə əsəŋε nte intam kələk'am a, kiciya kəlarəm nke enciya mə, aŋaŋnε kə ki, bawo nkən əmbətər pənəŋkanε. Məna nwe aŋaŋnε pipic mə, pipic pə məmbətər.»

⁴⁸ Kə Yesu oloku wəran nwe: «Aŋaŋnən'am kiciya kam.»

⁴⁹ Afum aŋε ŋanandε amesa kirin kə nkən mə, ŋancop kəclokunε dəbəkək: «An'əfə wəkawε enaŋnε ali kiciya mə?»

⁵⁰ Mba kə Yesu oloku wəran: «Kəlan kam kəyəc əm, məkənε abəkək ŋoforu.»

8

Aran aŋε ŋaŋsol kə Yesu mə

¹ Nte tɛyefε dənda mə, kə Yesu ende pəkət sədare səpəŋ kə səfət sa dətəf fəp, pəkawandi pəcəŋk Kibaru Kətət ka dəbe da Kanu. Ŋasol kə Asom ən wəco kə mērəŋ,

² kəberεne ka aran aləma aŋε enataməs docu da dis kə da yəŋk yelec mə: Mari wəkə ancwε «Wəka Makdala» mə, nwe anabeləs yəŋk yelec camət-mērəŋ mə,

³ Yohanna (wəran ka Cusa, wələmpəs ka mes ma kələ disrε ka Herodu), Susan kə aran alarəm aləma aŋε ŋancwure daka daŋan kəmar ka Yesu kə Asom ən mə.

Capafə ca wəbəf Mat 13.1-9; Mark 4.1-9

⁴ Kə kənay ka afum alarəm ayefε sədare sələma ŋamεpənε kə. Kə Yesu oloku totubcεnε nte:

† 7:46 Aka Yisrayel moro mə ŋancop acikərə aŋan alev

⁵ «Nte wəbəf owur kəkəgbal defet dən mə, eyi kəgbal defet kə mənɣben mələma məntempənə dəpə. Afum ɲacnas-nas mi, kə bəmp yender yəsəm mi.

⁶ Kə mənɣben mələma məntempənə antəf ɲa masar kəron. Nte mompon mə, kə mowos, bawo mənasətə fə pədəm.

⁷ Kə mənɣben mələma məntempənə dəbənɟ, kə bənɟ yompon kə mənɣben maməkə, kə yendi mi.

⁸ Kə mənɣben mələma məntempənə antəf ɲətət kəron. Nte maməkə mompon mə, kə yonkoməs, kə popon mpe o mpe ponkom mənɣben tasar tin (100).» Yesu oncloku toloku tatəkə, pəcgbəɲe: «Məna nwe məɲyɔ ləɲəs yenene mə, mənə ti!»

Ta ake tɔ Yesu oncloke totubcənə-ɛ?

Mat 13.10-17; Mark 4.10-12

⁹ Kə acəpse Yesu darəɲ ɲayif kə nte totubcənə tatəkə toloku mə.

¹⁰ K'olukse ɲa: «Nəna ɲə Kanu kəsəɲe kəcəre kance kəgbəpne ka dəbe dən, mba kə akə dəmotubcənə aloku ɲa ki, ti təsəɲe nte:

«Nəɲgbətne belbel mba ɲafənəɲk, ɲacəɲkəl belbel mba ɲafəcəre.»

Yesu kəloku tedisre ta capafɔ ca wəbəf

¹¹ «Tedisre ta totubcənə tante tēntē: Defet, Toloku ta Kanu tɔ.

¹² Mənɣben mme məntempənə dəpə dacə mə, mi məyənə afum aɲe ɲaɲne mə, Nəɲk Njələc ɲeder ɲelɲɲ ɲa dəbəkəc Toloku ta Kanu təkə enane mə, nte təɲsəɲe payaməsər ɲa kəɲaɲ nke kəntam kəyac ɲa mə.

¹³ Mənɣben mokə meyi kəfo ka masar mə, məyənə afum aɲe ɲancəɲnane Toloku ta Kanu, pəbət ɲa mə. Mba ɲayɔ fə nəcnc,* ɲalaɲ tēm tələma, kə tēm teyənki tender ɲa-ɛ, ɲasak ti few.

¹⁴ Mənɣben mme məntempənə dəbənɟ mə, mi məyənə afum aɲe ɲancəɲkəl Toloku ta Kanu, kə ɲalasərne mes məpəɲ mme mendi toloku tatəkə mə: Məcəm-cəmne mɛlarəm, kəsətə ka daka kə mɛfaɲ mobotu ma doru, məfəsəɲe ti kəkom yokom yololu.

¹⁵ Mənɣben mme meyi antəf ɲətət mə, afum ɲə aɲe ɲancəɲkələ Toloku abəkək ɲətət ɲosoku, ɲaməɲkərne ti, ɲacəme ti darəɲ mə, ɲa ɲaɲsəɲ yokom yətət.»

Totubcənə ta lamp

Mark 4.21-25

¹⁶ «Nwe o nwe əfəmot lamp a pəgbəpər di kəfala, əfəsəbersenə di kəfənc dantəf, mba endet di kədet dəm, nte təɲsəɲe aɲe ɲambərə dəkələ mə, ɲanəɲkne pəwanɟərə.

¹⁷ Paka mpe o mpe pəɲgbəpne mə, andetam pi kənəɲk. Tes nte o nte aɲmənɟ mə, andetam ti kəcəre, towur tɔyɔ afum wanɟərə.

¹⁸ Nəkəmbərne təkə nəncəɲkəl mə, bawo andəkəberenə wəkə əyɔ mə, pabelər wəkə əntəyɔ mə ali pəkə ɲɲgbəkər amera kəyənə pən mə.»

Iya kə awənc a Yesu

Mat 12.46-50; Mark 3.31-35

¹⁹ Kə iya ka Yesu kə awənc ən ɲander ɲabəp kə, mba ɲanctam fə kələtərne kə nte afum ɲala mə.

²⁰ K'əɲkə paloku Yesu: «Iya kam kə awənc əm aɲa ɲancəme nde dabanɟa, məna ɲafaj kənəɲk.»

* 8:13 Kəntəntəl, ntəntəl = «kəcnc», «nəcnc»

21 Kò Yesu oloku: «Iya kem k'awenc im aña, ñayone ane ñancəñkəl toloku ta Kanu ñacəme sò ti darəñ mǎ.»

Yesu kəcəmbəras kən afef ñəpəñ
Mat 8.23-27; Mark 4.35-41

22 Dəsək dələma kò Yesu embəke debil kò acəpse ɔn darəñ. K'oloku ña: «Pacali ntende kəba mokuru.» Kò ñayekti abela kəkò.

23 Ñayi kəcali, kò Yesu endirərne. Kò afef ñəpəñ ñeyefe kəwur dəkəba kò abil ñefañ kəkale, kò ñayi dəpəwey-wey.

24 Kò acəpse ɔn darəñ ñander ñatimi kò, ñackule-kule: «Wətəkse! Wətəkse! Kəfi kò sənder!» Nte entime mǎ, k'eyefe kəgbəñ-gbəñər afef kò yam yəpəñ yəkò yənyəfe mǎ, kò yesak few. Kò pəyɔ yəñ, ali tes ancne fe sò.

25 Kò Yesu eyif ña: «Deke kəlan konu kəyi-ε?» Nte ñanesə a kò cusu cəwos ña mǎ, kò ñayifene ane kò akò: «An'ɔfə wəkawε? Wəkawε ɛñgbəñ-gbəñər ali afef kò yam, yecəme sò tefañ tən darəñ mǎ!»

Yesu kətaməs ka fum nwe yəñk yelec yənacəme darəñ mǎ
Mat 8.28-34; Mark 5.1-20

26 Yesu kò acəpse ɔn ñaṅkò mokuru nde kulum ka Kerasa, nde pəntefərne kò atəf ña Kalile mǎ.

27 Nte Yesu owur debil mǎ, kò fum wələma wəka dare dadəkò ender pəcəme kò fər kirin, nkən yəñk yelec yelərəm yənyai mǎ. Kəyefe nte pənawon mǎ, ɛnɔberne fe duma, ɛnyai fe dəkələ, mēne pəyi nde cufu daco.

28 Nte fum nwe ɛnəñk Yesu mǎ, kò ñəñk ñelec ñosəñe kò kəkule-kule pəpəñ, k'entempene Yesu wəcək dəntəf, k'oloku pəpəñ: «T'ake tǎ məmberene mes mem-ε, Yesu Wan ka Kanu nke kəyi daren mǎ? Iletsen'am ta mətərəs im!»

29 Fum wəkakò ɛnaloku ti bawo Yesu oncloku ñəñk ñelec ñe ñenabere fum wəkakò dərīs pəwon mǎ kəwur. Cəkə-cəkə, anckotərne fum wəkawε gbekce dəwəcək kò afec ñəpəñ, mba onccopu yi, ñəñk ñelec ñesole kò ñekekəre nde dətəgbəre.

30 Kò Yesu eyif kò: «Cəke cǎ aṅw'am-ε?» Kò fum nwe oloku Yesu: «Ina aṅwe kənyay.» K'oloku ti bawo yəñk yelec yelərəm yənacəme kò darəñ.

31 Kò yəñk yelec nyε yeletsene Yesu kəsak yi, ta pəsəñe yi kəwur yəkò dəpəñal-ñal.

32 Awa, ñanabələne fe səp yelərəm nyε yəncsəmət dəndo tərɔ kəron mǎ. Kò yəñk yelec yeletsene Yesu kəce yi yebere dəsəp nyε, kò Yesu owosene yi.

33 Kò yəñk yelec yowur dəfum, kò yəñk yembere dəsəp. Kò səp nyε fəp yontor kəyefe dətərɔ, kò yəñk yotor dəkəba, kò yəñgbətse, kò yefis-fis fəp.

34 Nte akək səp ane ñanəñk ti mǎ, kò ñayekse kò ñaṅkò ñasamsərne toloku tatəkò dare kò aka sədare səkəsək.

35 Kò afum ñander kəməmən təkò tənacəpər di mǎ. Kò ñander nnò Yesu eyi mǎ, kò ñambəp fum wəkò yəñk yelec yənawur dərīs mǎ, pəsəkəp pənde Yesu dəntəf, kò amera ñon fəp, afum ane ñanader kəməmən mǎ ñanesə.

36 Afum akò ñananəñk təkò tənacəpər mǎ, ñaləmər akò ñanader kəməmən təkò anayac kò mǎ.

37 Kò afum a atəf ña Kerasa fəp ñaletsene Yesu a pəyefe ndaranan pəkò, bawo ñananəñkane kənesə. Kò Yesu embere debil, k'olukus.

38 Fum wəkò Yesu ɛnalukse yəñk yelec darəñ mǎ, ɛletsene Yesu a pətam kəce kò pəyi kò dəntəf. Mba kò Yesu ombupəre kò pəcloku:

39 «Məlukus nnò ndaram. Məkò məcloku afum təkò Kanu kəyən'am mǎ fəp.» Kò fum nwe əñk pəloku dare disre fəp mes məkò Yesu ɛnyəone kò mǎ.

*Wan wəran wəka Sayirus, kə wəran wəko enagbuɲɛnɛ yamos ya Yesu mə
Mat 9.18-26; Mark 5.21-43*

⁴⁰ Yesu kəlukus kən, kə afum ɲaɲkə ɲafayne kə, bawo fəp fənckar kə.

⁴¹ Təm tatəko fum wəlwəma enader paɸwe kə Yayirəs, nwe enayɔne wəbe ka dəkətola Kanu da aSuyif mə. Kə Yayirəs ontontne k'osumpər Yesu wɛcək, paɸletsɛne kə kəwose kəder ka kələ kən.

⁴² Bawo enayɔ wan wəran wəkin gboɲ, nwe enasətɔ meren wəco kə mɛrəɲ mə, paɸfi. Nte Yesu eyefe kəkə mə, kə kənay kəmɛpne kə haɲ ɲacyaməsər kə kaɲesəm.

⁴³ Wəran wəlwəma enayi di, pəyɔ docu da kəwur mecir tɛnasətɔ meren wəco kə mɛrəɲ ta pəncəmbərəs-ɛ. Wəran nwe enabɛrse daka dən fəp nno atɛn cəl ɲayi mə, nte tɔɲsoɲɛ pataməs kə mə. Mba ali fum enatam fe kətaməs kə.

⁴⁴ Kə wəran nwe ɔlətərne Yesu tadarəɲ, k'ɔɲgbuɲɛnɛ doɸol da yamos yən. Gbəncana babəkə kə kəwur mecir kaɲkə kənayi kə mə kəsakɛ.

⁴⁵ Kə Yesu eyif: «Anɔ ɔgbuɲɛn'em-ɛ?» Nte afum fəp ɲambupərəfe ti mə, kə Piyɛr oloku: «Wətəkse afum ɲaɲkəl əm waca nwe fəp!»

⁴⁶ Kə Yesu oloku: «Fum wəlwəma ɔɲgbuɲɛn'em, bawo incərə a fənəntər fəloma fəwur im dərɪs.»

⁴⁷ Nte wəran nwe encərə a Yesu encərə a fum ɔɲgbuɲɛnɛ kə mə, k'ender paɸyikɛ, k'entɛmpɛnɛ Yesu wɛcək dəntəf. K'oloku afum fəp fər kirɪɲ tes təkə tɛnasəɲɛ kə kəgbuɲɛnɛ ka duma da Yesu mə, kə təkə docu dən dənətatamne gbəncana babəkə mə.

⁴⁸ Kə Yesu oloku kə: «Wan kem, kəlaɲ kam kəntaməs əm, məkəne abəkək ɲoɸoru.»

⁴⁹ Yesu eyi kələk-loku kaɲkə, kə fum wəlwəma ender kəyefe ka ndena wəbe ka dəkətola Kanu da aSuyif da dare, k'ender pəloku: «Wan kam efi, ali mənətərəs fe sɔ wətəkse kəkə di.»

⁵⁰ Mba Yesu enane fum nwe kəluku ka wəbe wəka dəkətola Kanu da aSuyif defɪ da wan kən, k'oloku wəbe nwe: «Ta mənese! Məlaɲ gbəcərəm, wan kam entamne.»

⁵¹ Nte ɲander dɛkɛr mə, Yesu owose fe fum kəberɛ kə nkən mənɛ Piyɛr, Isan, Sak, wan wəran nwe kas kə kɛrɛ gbəcərəm, ɲə enawose kəberɛ nno wan wəran wəfi nwe eyi mə.

⁵² Kə afum fəp ɲambok ɲacləm paɸcuy paɲan tetən. Kə Yesu oloku: «Ta nəbok! Efi fe, kədirɛ k'endɛ.»

⁵³ Kə afum ɲayefe kəfani Yesu, bawo afum aɲɛ ɲanacərə a wan wəran nwe efi.

⁵⁴ Kə Yesu osumpər wan wəran nwe kəca, k'olokɛ dim dəpəɲ: «Wan kem, məyefe!»

⁵⁵ Kə amera ɲən ɲoluksərne kə dərɪs, gbəncana babəkə k'eyefe, kə Yesu oloku a paɸəɲ kə yeri.

⁵⁶ Kə cusu cəwos akombəra aka wan wəran nwe, kə Yesu oloku ɲa a ta ɲaləmər nwe o nwe nte tencepər mə.

9

*Yesu osom aɸɛpse ɔn darəɲ wəco kə mɛrəɲ
Mat 10.5-15; Mark 6.7-13*

¹ Kə Yesu ewe aɸɛpse ɔn darəɲ aɲɛ wəco kə mɛrəɲ, k'ɔsəɲ ɲa fənəntər fa kətam ka kəbeləs yəɲk yelɛc fəp, kə kətaməs ka docu.

² Kə Yesu osom ɲa kəkəɔɲk dɛbe da Kanu, kə kətaməs ka acuy.

³ K'oloku ɲa: «Ta nətəmpərəne daka o daka teta dəpə, ta nətəmpər togbo, ta nətəmpər tələba, ta nətəmpər tocom, ta nətəmpər pəsam, ta nwe o nwe pətəmpər səburumus mērəŋ.

⁴ Kə nəndəkəbərə kələ nke o nke-ε, nanyi di, difə nəndəkəyefe a nəsumpər dəpə donu kəkə.

⁵ Nnə o nnə afum ɲantəkəwose nu kəyi mə, kə nəndewur dare dadəkə-ε, nəkoŋ-kəŋ wəkək wonu, it'endeyəne sede a ɲanabaŋ fe nu.

⁶ Kə asom aŋe ɲawur ɲackət sədare, ɲacdəŋk toloku tətət ta Kanu, ɲactaməs acuy mofə fəp.

Pəciyanε pa Herodu

Mat 14.1-12; Mark 6.14-29

⁷ Nte Herodu nwe enatəmpər dəbe Kalile ene mes mme menccəpər mə, kə pənciyanε kə, bawo aləma ɲancloku a Saŋ əfə, nkən əfəte afi daco,

⁸ aləma ɲacloku, a Eli eder, aləma ɲacloku, a wədəŋk wəka Kanu wəkəkə-cəkə wələma oluksərne sə kəder.

⁹ Kə Herodu nkən oloku: «Inagbinti Saŋ domp! An'əyənε fum wəkawε aŋloku tetən mə-ε?» Kə Herodu efaŋ kənəŋk kə.

Yesu kəsəŋε ka afum wul kəcāmət (5000) kənembərə

Mat 14.13-21; Mark 6.30-34; Isaŋ 6.1-14

¹⁰ Kə asom ɲander ɲalukse Yesu təkə ɲanayə mə fəp. Kə Yesu elək ɲa kə ɲawurne kəsək, ntende dare da Betsayida.

¹¹ Kə afum ɲancərə kəwur kəŋan kə ɲancəpse ɲa darəŋ. Kə Yesu owose ɲa kəder, k'əŋkə pəcloku ɲa teta dəbe da Kanu, k'entaməs sə aŋe ɲanatətammne mə.

¹² Nte dec dəyefe kəkale mə, kə acəpse ən ɲalətərne kə ɲacloku: «Məyə oŋ məsak afum akanε ɲakə ɲaten dəkədirε kə yeri nde sədare səcsək kə dəmadare məfet məfet mme mēŋkel nnə mə, bawo dətəgbərə ayi wəkawε.»

¹³ Kə Yesu oloku ɲa: «Nənasərka nəsəŋ ɲa yeri.» Kə acəpse ən ɲayif kə: «Cəcom kəcāmət kə lop mērəŋ gbəcərəm yə səyə, məfaŋ oŋ a səkə səwayε kənay kaŋkε yeri ba?»

¹⁴ Mba afum aŋe ɲancəpər arkun wul kəcāmət (5000). Kə Yesu oloku Asom ən: «Nəyə ɲa ɲaləŋkane arkun wəco kəcāmət wəco kəcāmət (50-50).»

¹⁵ Kə asom ən ɲayə təkə Yesu ɲaloku ɲa kəyə mə, kə ɲandəs ɲa fəp.

¹⁶ Kə Yesu elək cəcom nce kəcāmət kə lop nyε mērəŋ, k'eyekti fəɹ darenc, k'eyif Kanu barka. Kə tɛyefe dānda k'entepi cəcom nce a k'endesəŋəs ci acəpse a ɲayerəs kənay kaŋkə.

¹⁷ Kə fəp fəsəm ci kə ɲanembərə. Nte anawətəs yeri yeləpəs nyε mə, yənayə cəfala wəco kə mērəŋ.

Piyer oloku a Yesu əyənε nwe Kanu kəyεk-yεk mə

Mat 16.13-19; Mark 8.27-29

¹⁸ Dəsək dələma Yesu **pəclok-lokər Kanu** taciŋa, acəpse ən darəŋ ɲaləŋkane kə kəsək. Kə Yesu eyif ɲa: «Toloku ta afum, anə iyənε-ε?»

¹⁹ K'acəpse ən darəŋ ɲaloku kə: «Nte aləma ɲaloku mə, a Aŋnabi Saŋ məyənε, k'aləma ɲaloku a Eli məyənε, aləma a sayibε sələma sə məyənε nwe eyefe afi daco mə.»

²⁰ Kə Yesu eyif ɲa sə: «Pεcεmεmmne ponu, an'iyənε-ε?» Kə Piyer oloku Yesu: «Krist wəyεk-yεk wəka Kanu məyənε.»

Yesu kəcām defi dən kə kədəyefe kən afi daco

Mat 16.20-28; Mark 8.30-9.1

²¹ Kə Yesu entin-tin ɲa kəcəŋkε ti, ta ɲaloku ti ali fum.

²² K'ónɔcəɾ a pənamar dis dɔləl Wan ka Wərkun belbel. Abeki, alonɲe apɔŋ kɔ atəksɛ sariye ɲandewenəs kɔ, padif kɔ, pəfɔtɛ afi daco tataka ta maas.

²³ K'oloku afum fəp nte: «Kɔ fum ɛfan kəcɛps'em darəŋ-ɛ, wəkayɪ pəsak kəcɛm-cɛmnɛ teta nkənsərka, pəgbanɲe kətək kən kəpəmpəl dəsək o dəsək, pəcəm'em darəŋ.

²⁴ Bawo, nwe o nwe ɛɲsep kəyac kəyi doru kən mə, kəɲsalpər kɔ, mba nwe o nwe kiyi kən doru kəɲsalpər kɔ tetem mə, endeyac ki.

²⁵ Dəkəcəme dere dɔ tɔyɔ fum kəsɔtɔ kən doru kərkər-ɛ, kɔ pəyɔnɛ a wəkayɪ eyi kəsɔlɛ kɔ pəyɔnɛ fɛ ti wəkayɪ pəcłəsərɲɛ-ɛ?

²⁶ Nwe o nwe ɛlapərɲ'em kɔ moloku mem, Wan ka Wərkun endekɔsɔdəmɲɛ lapərɲɛ mənə wəkayɪ k'endeder nɔrɔ da debeki dən, da Papa, kɔ da mɛləkɛ məcɛmpɪ-ɛ.

²⁷ Icloku nu kance: Afum akin akin ɲayi nɲɔ kəfo kanke aɲɛ ɲantədefi ta ɲantanəŋk kəder ka dɛbɛ da Kanu-ɛ.»

*Piyer; Isan kɔ Sak ɲanəŋk Yesu pəyi pəmotu pa debeki da Kanu disre
Mat 17.1-8; Mark 9.2-8*

²⁸ Nte Yesu oloku moloku maməkɔ mə, kɔ mata camət-maas məcɛpər, k'ɛlək Piyer, Isan kɔ Sak, kɔ ɲampe tɔrɔ kəronɲ **kəkɔtola Kanu**.

²⁹ Yesu eyi kəsali, kɔ kəro kən kəsəkpər, kɔ yamos yən yɛnəŋkanɛ kəferɛ yocmotər-motər.

³⁰ Pəwon fɛ kɔ afum mɛrəŋ ɲayɛfɛ kəlɔk-loku kɔ nkən: Aɲnabi Musa kɔ Aɲnabi Eli ɲanayɪ,

³¹ aɲɛ ancɲəŋk **pəmot pa pələl** pa debeki da Kanu disre mə. ɲacloku Yesu kəkɔ kən nke kəŋkəyi Yerusalem mə.

³² Tɛtəŋɲɛ Piyer k'asol ɔn ɲacdirɛ pəpəŋ. Nte ɲantime mə, kɔ ɲanəŋk Yesu pəmot pa debeki da Kanu disre, kɔ afum mɛrəŋ akɔ ɲanacəme kɔ nkən mə.

³³ Tɛm nte afum akako mɛrəŋ ɲancgbɛyɛnɛ kɔ Yesu mə, kɔ Piyer oloku kɔ: «Wətəkɛ pəntɛsɛ su kiyi ka nɲɔ. Səcəmbər ɲəbancan **ɲɛcɛpɛ-cɛpɛ** maas, ɲin ɲam, ɲin ɲa Musa, kɔ ɲin ɲa Eli.» Piyer ɛnacəɛ fɛ nte oloku mə.

³⁴ Nte oncloku tatəkɔ mə, kɔ kəp kənder kəgbəpərɲɛ ɲa kɔ kənɛsɛ kəsumpər acɛpsɛ a Yesu darəŋ nte ɲananəŋk kəp kanke kəcder kəgbəpərɲɛ ɲa mə.

³⁵ Kɔ dim dowur kəp kanke disre, docloku: «Wəkawɛ ɔyɔnɛ wan kem, nkən iyek-yek: Nəcəŋkəl kɔ!»

³⁶ Nte ane dim dadəkɔ mə, k'anəŋk Yesu pəcəme sona. K'acɛpsɛ a Yesu darəŋ ɲancəŋk ali fum ɛnaloku fɛ sɔ wəkɔs tələma nte ɛnəŋk mə mata maməkɔ.

*Yesu kətaməs ka wan nwe ɲəŋk ɲɛləc ɲɛnatorɲkulu-tɔŋkulu
Mat 17.14-18; Mark 9.14-27*

³⁷ Dɔckəsək nte ɲantɔr kəyɛfɛ dətɔrɔ mə, kɔ afum alarəm ɲander kədəfaynɛ Yesu.

³⁸ Kɔ fum wələma ɔŋkulərɲɛ kənay kanke daco: «Wətəkɛ, iletɛsɛn'am məmɔmən wan kem, bawo wəkin wəkawɛ gbɔŋ iyɔ.

³⁹ ɲəŋk ɲɛləc ɲələma ɲɛmbɛrɛ kɔ, kɔ ɲɔsɔŋɛ kɔ kəkulɛ-kulɛ gbəncana babəkɔ, kɔ ɲeyikəc kɔ pəpəŋ, kɔ ɲɔsɔŋɛ kɔ kəfɔc kəwur kɔ dəkusu, kɔ ɲələləs kɔ dis, pəɲyɛŋk a ɲɛndesək kɔ.

⁴⁰ ɲɛtsɛnɛ acɛpsɛ am darəŋ kəbɛləs ka ɲi, mba ɲantam fɛ ti.»

⁴¹ Kɔ Yesu ɔŋkulərɲɛ: «Nəna afum a dɛtɛmp da tɛm tantɛ dɛkafələ-kafələ, dətɔlanɲ Kanu, ake tɛm t'indəsɔyi kɔ nəna-ɛ? Tɛm cəkɛ tɔ pəmar sɔ icəme nu dəntɔf-ɛ? Məkɛrɛ wan kam nɲɔ.»

⁴² Nte wan wəkakɔ ɔnclɔtərne Yesu mɔ, kɔ nɔŋk nɛŋgbal kɔ dɔntɔf kɔ nɛyikɔ kɔ pəpɔŋ. Mba kɔ Yesu ɛŋgbəŋ-gbəŋɔr nɔŋk nɛlɛc nɔŋɔkɔ, k'ɛntaməs wan wəkakɔ, k'ɔsɔŋ kɔ kas.

⁴³ Kɔ cusu cawos afum fəp kənəŋk ka fənɔntər fəpɔŋ fa Kanu.

Yesu kəgbəkərə kən kəluku defi dən

Mat 17.22-23; Mark 9.30-32

Nte mes maməkɔ Yesu ɔncyɔ mɔ mecciyɛnɛ afum mɔ, k'oloku acɛpsɛ ɔn darəŋ:

⁴⁴ «Nəna nəsu ləŋəs, nəcəŋkəl belbel moloku mame: Kəbɛr k'ander Wan ka Wərkun afum dəwaca.

⁴⁵ Mba acɛpsɛ ɔn darəŋ njanacərə fɛ tedisrɛ ta toloku tatəkɔ oncloku mɔ. Tɛnagbɔpne nja, nte tɔŋsɔŋɛ ta njanərə ti mɔ. Kɔ njanese kəyifət kɔ tedisrɛ ta toloku tatəkɔ.

Anɔ eceper nu fəp-ɛ?

Mat 18.1-5; Mark 9.33-37

⁴⁶ K'acɛpsɛ ɔn darəŋ nɛyɛfɛ kəyifətɛnɛ nte tɔŋsɔŋɛ njanərə nwe enceper nja dəkəcəmɛ mɔ.

⁴⁷ Yesu nwe ɛnacərə mɛcɛm-cɛmne mme meyi nja dəcor mɔ, ɛlɛk wan wəfɛt wəkin, k'ɛncəmbərnɛ kɔ.

⁴⁸ Kɔ Yesu oloku nja: «Nwe o nwe ɛban wanfɛt wəkawɛ kəban kətɔt tetem mɔ, ɛmban sɔ inasərka pətɔt. Nwe o nwe ɛban im, ɛmban sɔ wəkɔ osom im mɔ. Bawo fum wəkɔ ɛncəmbərnɛ dəkəcəmɛ defɛt mɔ, ɔyɔnɛ wəkɔ enceper nu fəp mɔ.»

Nwe ɔntɔc'am mɔ, ɛfan əm

Mark 9.38-40

⁴⁹ Kɔ Isan ɛlɛk moloku k'oloku: «Wətəkse sənənəŋk fum wəlɔma pəcbɛləsɛ yɔŋk yelec tewe tam, kɔ səfan kəmɔnɛ kɔ, bawo wəkayi ɛncəmɛ f'am darəŋ pəmɔ sənə.»

⁵⁰ Kɔ Yesu oloku kɔ: «Ta nəmɔnɛ kɔ ti, bawo fum nwe ɔntɔc'am mɔ, ɛfan əm.»

Dare dəlɔma da Samari kəfati kəban ka Yesu

⁵¹ Nte dɔsək dɛlɛk da Yesu doru dɔnclɔtəs mɔ, k'olokunɛ a mɛnɛ pəkɔ Yerusalɛm gbəs.

⁵² K'osom afum alɔma nɛyɔ kɔ kirin. Kɔ akakɔ nɛyɔ kirin kɔ nɔŋkɔ nɛbəp dare da Samari dəlɔma, nte tɔŋsɔŋɛ nɛlɔmpəsɛnɛnɛ kɔ mɔ.

⁵³ Mba kɔ aka dare dadəkɔ nɛfati kəban kɔ, bawo Yerusalɛm njanckɔ.

⁵⁴ Nte afum aŋɛ njanəŋk ti mɔ, acɛpsɛ a Yesu darəŋ, Isan kɔ Sak nɛlɔku: «Wətəkse, məfan səlɔku nənc dɔtɔr kəyɛfɛ dəkəm dɛləsər nja?»

⁵⁵ Kɔ Yesu ɛŋkafələ k'ɛntɛfərnɛ nja, k'ɛgbəŋ-gbəŋɔr nja.

⁵⁶ Kɔ nɛyɛfɛ kɔ nɔŋkɔ dare dəlɔma.

Aŋɛ nɛfan kəcəmɛ Yesu darəŋ mɔ

Mat 8.19-22

⁵⁷ Nte njanayɔ dɔpɔ kəkɔ mɔ, kɔ fum wəlɔma oloku kɔ: «Indɛcəm'am darəŋ nno o nno mənɛkɔ mɔ.»

⁵⁸ Kɔ Yesu oloku kɔ: «Mɔsəŋk məyɔ bi dəkədɪrɛ kɔ bɛmp yɔyɔ wəlɔ dəkədɪrɛ, mba ina Wan ka Wərkun iyɔ fɛ kəfo nkɛ intam kəbɔc dɔmp dem mɔ.»

⁵⁹ Kɔ Yesu oloku fum wəlɔma: «Məcəm'em darəŋ.» Kɔ fum wəkakɔ oloku kɔ: «Mariki, məwos'em kərəsna ikɔ iwup papa kem.»

⁶⁰ Kɔ Yesu oloku fum wəkakɔ: «Məcə afi nɛwup afi, kɔ mənə, məkɔ mədəŋk dɛbɛ da Kanu.»

⁶¹ Kɔ fum wəlɔma oloku: «Kəcəm'am k'inder darəŋ Wəbɛ, mba məkar iko kərəsna ilembərne aka kələ kem disrɛ.»

⁶² Kɔ Yesu oloku kɔ: «Nwɛ o nwɛ edebifɛ cəna a wəkayi pəcɔmən tadarəŋ mɔ, ɔyɔ fɛ dəkəcəmə akip ŋa dəbɛ da Kanu dəntɔf.»

10

Kəsom ka acɛpsɛ darəŋ 72

Mat 10.7-16

¹ Ntɛ tatokɔ tencepər mɔ, kɔ Wəbɛ eyek-yek sɔ afum 72 alɔma, k'osom ŋa mɛrəŋ mɛrəŋ ŋayi kɔ tekiriŋ kəkɔt ka sədare kɔ mofɔ fəp mɛmɛ pənamar kɔ kəkɔ mɔ.

² K'oloku ŋa: «Dale detel dembek, mba atel ŋampice. Nələtsɛnɛ Mariki ma kətɛl pəberɛnɛ sɔ atel alɔma aŋɛ ŋandɛtɛlɛ kɔ mɔ.

³ Awa! Isom nu nəŋkoyi pəmɔ ntɛ mɛŋkesiya mɛŋyi calma daco mɔ.

⁴ Ta nətəmpərənɛ pəsam pa delek, ta nətəmpərənɛ lɔba, ta nətəmpərənɛ cofta, ta nəyifɛnɛ sɔ kɔ fum o fum dəpɔ.

⁵ Kələ nkɛ o nkɛ nāndekəbɛrɛ mɔ, nəkule kərəsna: «Kanu kəbɛrɛ pəforu kələ kaŋkɛ!»

⁶ Kɔ pəyɔnɛ, fum wəka pəforu eyi kələ kaŋkɔ-ɛ, pəforu ponu pɛŋyi kɔ kəron, kɔ pəyɔnɛ fɛ ti-ɛ, pəforu papəkɔ poluksərne nu.

⁷ Nəyi kələ kaŋkɔ, nədi yeri, nəmun domun da kələ kaŋkɔ, bawo pəmar wəbɛc pəsɔtɔ kəway kən. Ta nəccal-cali wələ de!

⁸ Dare ndɛ o ndɛ nəbɛrɛ a pabaŋ nu mɔ, nədi yeri yəkɔ aŋsəŋ nu mɔ.

⁹ Nətaməs acuy akɔ ŋayi di mɔ, nəloku ŋa: «Dɛbɛ da Kanu dələtərne nu.»

¹⁰ Dare ndɛ o ndɛ nəkɔ ta ambaŋ nu mɔ, nəkɔ ndɛ abanɔka ŋaŋan nəloku:

¹¹ «Səŋkoŋər nu kəfəl ka dare donu ali nkɛ kəsoptɛ su dəwɛcək mɔ, səlukse nu ki, nətam kəcərə a dəbɛ da Kanu dələtərne.»

¹² Icloku nu a dəsək ndɛ Kanu kəndekiti afum fəp, tɔyɔ ntɛ andeyɔ dare dandɛ mɔ, tendeyɛŋk tɛtas ta aka dare da Sodom.»

Sədare nɛ səfati kəlan mɔ

Mat 11.20-24

¹³ «Pələc pəpəŋ peyi mənə dare da Korasin! Pələc pəpəŋ peyi mənə, dare da Betsayida! Bawo kɔ tɔcyɔnɛ a mɛs mɛwɛy-wɛy mɛmɛ Kanu kanayɔ nno ndoronu mɔ, m'anayɔ aka sədare sa Tir kɔ Sidəŋ-ɛ, kɔ ŋanasəkpər bəkɛc pəwon, ŋacəmə pələmpu darəŋ, ŋabərne yamos ya kəbal, ŋandɛ ŋaməncnɛ!

¹⁴ It'endesəŋɛ dəsək ndɛ Kanu kəndekiti afum fəp mɔ, pəndeyɛŋkər nənə pətəs aka sədare sa Tir kɔ Sidəŋ.

¹⁵ Kɔ nənə aka Kaparnam, nəncɛm-cɛmɛnɛ a andɛpɛnɛ nu haŋ dəkəm ba? Ala! Andɛtɔrɛ nu dəntɔf haŋ ndɛ afum afi ŋayi mɔ.

¹⁶ Nwɛ ɛncəŋkəl nu mɔ, ɛncəŋkəl im. Kɔ nwɛ ɛŋwɛnəs nu mɔ, ɛwɛnəs sɔ ina, k'ɛwɛnəs wəkɔ osom im mɔ.»

Kəlukuks ka acɛpsɛ darəŋ 72

¹⁷ Kɔ afum 72 aŋɛ anasom mɔ ŋalukuks pəbotu disrɛ kɔ ŋaloku: «Wəbɛ! Ali yəŋk yɛlɛc fəp yɛnayı su dəntɔf tɛwɛ tam.»

¹⁸ K'oloku ŋa: «Indenanəŋk Sentani kətɛmpɛnɛ kəyɛfɛ darenc pəmɔ təkɔ pəŋmot mɔ.

¹⁹ Nəcəŋkəl: Isəŋ nu kətam kəkɔt ka bok kɔ mekələncər kəron kələkɛnɛ fənəntər fa atɛr anu fəp, daka o daka dəftam kəyamɛ nu ti.

²⁰ Mba ta pəbət nu ntɛ yəŋk yɛlɛc yeyi nu dəntɔf mɔ, mba pəbət nu ntɛ ancic mɛwɛ monu ndɛ darenc, ndɛna Kanu mɔ.»

Pəbotu pa Yesu

Mat 11.25-27; 13.16-17

21 Tənətəhne, **Amera Njecempi** **ŋa Kanu** ŋəsəŋe pənanjane kəbət Yesu, k'oloku: «Injkor-kor'am Papa, Mariki ma dəkəm kə dəntəf, bawo məmənəkər məs maməkə acərə kəkətene məs kə asoku səbomp, kə məmentər mi afət dəkəcəmə. Ey, Papa, bawo tatəkə tə məfanj ti.

22 Icloku nu a Papa kem ember im ca fəp dəwaca. Nwe o nwe encərə fe nwe əyənə Wan mə, kə pəntəyənə Papa-ε. Nwe o nwe encərə fe sə nwe əyənə Papa mə, kə pəntəyənə Wan-ε, kə afum akə Wan ənfəj kəmentər kə mə.»

23 Kə Yesu ənjafələ k'entəfərne acəpse ən darəŋ, k'eyel dim, pəcloku ŋa: «Pəbət aŋe ŋaŋnəjk məkə nəyi kənəjk mə!

24 Bawo sayibe səlarəm kə abe a təf yelarəm ŋanafəj kənəjk məmə nəyi kənəjk mə, mba ŋananəjk fe mi, ŋanafəj kəne məmə nəyi kəne mə, mba ŋanane fe mi.»

Totubcəne ta wəSamari wətət

25 Kə wətəkse sariye s'aSuyif wələma eyefe k'oloku Yesu, nte efəj kəcəpe kə towul dəmoloku mə. K'eyif Yesu: «Wətəkse, cəke cə pəmar im kəyo, isətə kiyi wəyən kə doru o doru-ε?»

26 Kə Yesu eyif kə: «Cəke cə ancic nde buk ba sariye-ε? Cəke cə məŋkarəj bi disre-ε?»

27 Kə fum nwe oloku Yesu: «Pəmar məbətərə Mariki Kanu abəkəc ŋam fəp, afəkəl ŋam fəp, səkət sam fəp, kə məcəm-cəmnə mam fəp. Kə telip-ε, məbətər wənc əm pəmə təkə məmbətərne mə.»

28 Kə Yesu oloku kə: «Məloku ti belbel, məyo tatəkə nte təŋsəŋ'am kəyi wəyən mə.»

29 Mba nte wəbe wəka sariye nwe efəj kəmentər dolompu dən mə, k'eyif Yesu: «An'əyənə wənc im-ε?»

30 Kə Yesu əŋgbəkərə moloku k'oloku: «Fum wələma enayefe Yerusalem pəckə Yeriko. Kə wəfum wəkəkə əŋkə pəberə afum alec dacə, kə afum alec akakə ŋambəŋər kə daka dəkə enatəmpər mə fəp, kə ŋasut kə haŋ pəcbut kəfi, kə ŋasumpər dəpə kə ŋaŋkə.

31 Kə tosurene wəloŋne wələma osolne sə dəpə din dadəkə. Nte wəloŋne nwe enəjk fum wəkə anasut mə, k'encepər dəpə ntende pəbələ kə.

32 Kə wəLewy wələma ender sə kəfo kin kaŋkə, kə wəkəkə sə enəjk fum nwe, kə nkən sə encepər ntende pəbələ kə.

33 Kə wəSamari wələma nwe ənckə marənt mə, ender pəbəp fum wəkawe nte enəjk kə mə, kə nənəfər deyi kə.

34 Kə wəSamari nwe olətərne fum nwe, k'oloŋər runc yən member, k'əmbəy yi moro, k'esektər yi. Kə wəSamari nwe elek fum wəkəkə k'enden kə pəkətene pən kəroŋ, k'ənjəkərə kə karwanse kələma, k'əŋkə pəboc kə di, k'encəmə tetən.

35 Dəckəsək kə wəSamari nwe owure gbələj məerəj ba pəsam, k'əsəŋ bi wəkə karwanse. K'oloku kə: «Məgbəkərə kə, mpe o mpe mendesəŋ kə mə, indeluks'am pi dəkəluku dem.»

36 Kə Yesu əncəpər: «Afum akanə maas dacə anə mənə mənəcəm-cəmnə kəyənə ka wənc ka fum wəkə afum alec ŋanasut mə?»

37 Kə wəbe wəka sariye nwe oloku: «Nwe enamentər kə amera ŋəbotu mə.» Kə Yesu oloku wəbe wəka sariye nwe: «Awa, mənə sə məkə məyo tatəkə.»

Yesu ndena Marta kə Mari

38 Yesu ŋayi dəpə kəkə kə acəpse ən darəŋ, kə ŋambərə dare dələma, kə wəran wələma pacwe kə Marta, embanj kə nde ndəron.

³⁹ Marta enayɔ wɛnc wɛran wɛlɔma nwɛ ancwe Mari mɔ, kɔ wɛnc nwɛ ŋɔkɔ pɛndɛ Wɛbɛ dɛntɔf, pɛccɛŋkɛl moloku mɛn.

⁴⁰ Marta nkɔn pɛsumpɛr yɛbɛc yɛlarɛm. Kɔ Marta ender pɛloku Yesu: «Wɛbɛ tɔfɔtɔrɛs ɛm tantɛ wɛnc im wɛran ende pɛnd'am dɛntɔf pɛsakɛr'em yɛbɛc yayɛ sona mɔ? Mɛloku kɔ pɛdɛ pɛmar im.»

⁴¹ Kɔ Yesu oloku kɔ: «Marta, Marta! Mɛyi kɛcɛm-cɛmnɛ kɔ kɛsimɛ teta mes mɛlarɛm.

⁴² Mba tes tin gbɔŋ tɔyɔ dɛkɛcɛmɛ. Mari ɛlɛk da pɛntɛsɛ mɔ, afɔsɔbanɛr kɔ dɛnda.»

11

Yesu kɔ sali

Mat 6.9-13; 7.7-11

¹ Dɔsɔk dɔlɔma Yesu **pɛclɔk-lokɛr Kanu** kɛfo kɛlɔma. Ntɛ ɛlip mɔ, kɔ wɛcɛpsɛ kɔn darɛŋ wɛlɔma ɛyif kɔ: «Wɛtɛkɛ, mɛtɛkɛ su kɛlɔk-lokɛr Kanu, pɛmɔ tɔkɔ Saŋ ɛnatɛkɛ acɛpsɛ ɔn darɛŋ kɛlɔk-lokɛr Kanu mɔ.»

² Kɔ Yesu oloku ŋa: «Kɔ nɛndɛ nɛctɔla Kanu-ɛ, nɛloku: Kas kosu!

Mɛsɔŋɛ pɛlɛlɛs decɛmpi da tɛwɛ tam topus.

Mɛsɔŋɛ a dɛbɛ dam dɛdɛr!

³ Mɛpɔcɛ su dɔsɔk o dɔsɔk kɛcom kosu.

⁴ Mɛŋɔŋnɛnɛ su kiciya kosu

pɛmɔ ntɛ sɔŋɔŋnɛnɛ nwɛ o nwɛ enciyɛnɛ su mɔ.

Ta mɛsɔk su sɔyɔ mes mɛmɛ mɛŋɔŋnɛnɛ su kɛciya mɔ.»

⁵ Kɔ Yesu oloku ŋa sɔ: «An'ɛntam kɛyɔ wɛkɔs wɛkin nu dacɔ, nwɛ ɛŋyɛfɛ cɛk-cɛk pɛkɔ pɛbɛp wanapa kɔn ndɛ ndɔrɔn pɛclɔku kɔ: «Wanapa mɛbɛr im cɛcom maas,

⁶ bawo wɛbɛt kem wɛlɔma ɛdɛr ndɛ nderem cɛk-cɛk cɛncɛ, mba ali paka iyɔ fɛ mɛpɛ inɔŋ kɔ pɛdi mɔ.»

⁷ Kɔ wanapa kɔn wɛkakɔ, ɛyi dukɛlɔ mɔ oloku kɔ: «Ta mɛtɔrs im! Anɔgbɛt kumba, sɛfɛntɛrɛ kɔ awut ɛm, ifɔtam kɛyɛfɛ isɔŋ ɛm cɛcom,»

⁸ iclɔku nu ti: Ali pɛyɔnɛ a ɔfɔyɛfɛ pɛsɔŋ kɔ ci bawo wanapa kɔn ɔfo, ɛndɛyɛfɛ pɛsɔŋ kɔ daka o daka ndɛ ɛfan mɔ, bawo wanapa kɔn ɛŋgbɛc gbɛs a mɛnɛ pɛsɔŋ kɔ.

⁹ Kɔ ina, ilɔku nu: Nɛtɔla, nɛndɛsɔtɔ. Nɛtɛn, nɛndenɛŋk. Nɛsut-sut kumba, andɛgbitɛ nu.

¹⁰ Bawo nwɛ o nwɛ ontɔla Kanu mɔ, ompɔcɛ kɔ. Nwɛ o nwɛ ɛntɛn mɔ, ɛŋnɛŋk. Nwɛ o nwɛ ɔŋsut-sut kumba mɔ, anɔgbitɛ kɔ.

¹¹ Kas kɛrɛ kɛyi nu dacɔ, nkɛ wan kɔn ontɔla kɔ alop, pɛsɔŋ kɔ abok mɔ?

¹² Kɔ pɛyɔnɛ fɛ ti-ɛ, wan kɔn pɛtɔla kɔ amɛs ŋɛgbɛŋ, nkɔn pɛsɔŋ kɔ tekɛlɛncɛr-ɛ?

¹³ Kɔ pɛyɔnɛ a nɛna anɛ nɛlɛcɛ mɔ, nɛncɛrɛ kɛsɔŋ awut anu ca yɔtɔt-ɛ, Kas kɛndenɛŋkɛnɛ kɛsɔŋ Amɛra Nɛcɛmpi ŋɔn kɛyɛfɛ dɛKɔm anɛ ŋantɔla kɔ ŋi mɔ!»

Yesu kɛlukɛ moloku ma yɛm nyɛ anabɔncɛ kɔ mɔ

Mat 12.22-30; Mark 3.22-27

¹⁴ Dɔsɔk dɔlɔma Yesu pɛcbɛlɛs ŋɔŋk ŋɛlɛc ŋɛ ɛnasɔŋɛ fum wɛlɔma kɛtɔlɔk-loku mɔ. Ntɛ ŋɔŋk ŋɛlɛc ŋɛŋɔkɔ ŋowur kɔ mɔ, kɔ wɛtɔlɔk-loku wɛkakɔ ɛyɛfɛ kɛlɔk-loku, kɔ cusu cɛwɔs kɛnay K'afum fɛp.

¹⁵ Mba kɔ afum alɔma ŋaloku: «Bɛlsɛbul, wɛkirin wɛka yɔŋk yɛlɛc, ɛmbɛlsɛ yɔŋk yɛlɛc.»

¹⁶ Nte aloma njafan kasumpar ko damoloku mo, ko njawer ko a pamentar **tayo tegbekare tewey-wey tin nte tementar a Kanu kasom ko mo.**

¹⁷ Mba nte Yesu enacare pecemcenne panan mo, k'oloku na: «Ataf o ataf nye njeyefarne njisarka mo, njehlapsar kalece. Wolo wa ni wetempene win win.

¹⁸ Awa, ko payone a Sentani sayi kayefarne sisarka-e, cake co debe da si dentam kacame gbin-e? Bawo naloku a Belsebul imbelse yojk yelec.

¹⁹ Ko toyone ina Yesu, Belsebul imbelse yojk yelec-e, afum anu on, an'o nambelse yojk yelec-e? Ti tosonje nte akako yati ndeoyone akiti anu mo.

²⁰ Mba ko toyone a katam ka Kanu k'imbelse yojk yelec-e, awa debe da Kanu dender han nno nanyi mo.

²¹ Ko fum waka sokat ontampar posutnene-e, ombum daka don belbel ta tolom o tolom tenanjki di-e.

²² Mba ko fum walama nwe embek ko fanontar ender pasut ko kayefarene patam ko-e, wakako embanar ko yosutnene yon nye enalan mo, palek daka don fap payeras.

²³ Nwe ontayi ko ina mo, enter im, mba nwe ontolonkan'em mo, esamsar'em.»

Kalukus ka njok njelec

Mat 12.43-45

²⁴ «Nte njok njelec njajoko njowur fum nwe daris mo, njeyara-yara mofomowosu njeten dakanesam, mba njenasoto fe, ko njolokune: «Ilukus nde kalo kem nke inawur disre mo.»

²⁵ Nte njolokus mo, ko njembap kalo kanjo pafen ki, palompas ki belbel.

²⁶ Awa! Ko njok njelec njajoko njajoko, njeten yojk yelec camet-meran nye yenan Kane kalece yetas ni mo, ko yemberere kalo disre ko yende. Nte tencepar mo, ko palec pananj Kane fum nwe patas tako panayi ko tocko-coko mo.»

Patot posoku

²⁷ Yesu eyi kaloku moloku mamako, ko waran walama onjulorne kanay ka afum akako daco: «Pabot kor nke kanabekas am mo, ko mese mme anamesar'am mo!»

²⁸ Mba ko Yesu onkule: «Pabot anje njancanjkal toloku ta Kanu, njamerjkarne ti mo!»

Kawe ka tayo tegbekare toloma nte teyefe nde Kanu kayi mo

Mat 12.38-42

²⁹ Nte kanay ka afum kancmerne Yesu mo, k'eyefe kaloku: «Detemp delec dentese fe. **Tegbekare nte tementar a Kanu kasom im mo** to njayi kawer im, mba ali tin afosomentar na ko payone fe ta Yunusa-e.

³⁰ Bawo tako teta Yunusa tenayone aka Niniwe tayo tegbekare tewey-wey mo, ito teta Wan ka Warkun tendesoyone detemp dante tayo tegbekare tewey-wey.

³¹ Wabera ka ataf nje njeyi Yisrayel kaca katot mo, endetime dasok da kiti ko afum a detemp dande, pabonce na katowose kacanjkal kacare kakotene mes katot, bawo pabole p'enayefe kadecanjkal kacare kakotene mes katot ka Sulemani. Mba fum eyi de nwe entas Sulemani dakacame mo.

³² Afum a Niniwe ndeoyefe dasok nde Kanu kandebockiti ka afum fap mo, njabonce afum a detemp dande katosakpar bakac, bawo kawandi ka Yunusa kanasone aka Niniwe kasakpar bakac yanjan yelec ko njalomp. Fum eyi nu daco nwe entas Yunusa dakacame mo.»

Capafoca lamp da dis

Mat 5.15; 6.22-23

³³ «Fum nwe o nwe ofomot lamp pakanjki di ko payone fe ti-e pamenjki di, mba pafos po ancambor di nte tonsone anje nambere mo njanank pawanjara.

³⁴ Dɔfɔr dam dɔyɔnɛ lamp da dis. Kɔ dɔfɔr dam dentesɛ-ɛ, dis dam fɛp dɔŋmɔtɛ, mba kɔ dɔfɔr dam dɔntɔtesɛ-ɛ, dis dam sɔ kubump kɔ denyi.

³⁵ Mɛkembɔrnɛ ta pɔwanjɛrɛ mɛ pey'am dɔris mɔ pɔyɔn'am kubump.

³⁶ Kɔ dis dam domot ta tofo o tofo teyi nte teyi kubump mɔ, tɛm tatɔkɔ dis dam fɛp demar, pɛmɔ tɔkɔ lamp dɔŋmɔt ɛm kɔ dendemar-ɛ.»

Yesu kɔboncɛ aFarisi kɔ atɔksɛ a sariyɛ kiciya

Mat 23.1-36; Mark 12.38-40

³⁷ Nte Yesu ɛnɔyi kɔlok-loku mɔ, kɔ wɛFarisi wɛlɔma ɛletsɛnɛ kɔ kɔkɔdi yeri dɔsɔk dadɔkɔ nde ndɔrɔn. Kɔ Yesu ɛmbɛrɛ k'ɔŋkɔ pɔndɛ amɛsa kirinj.

³⁸ Kɔ pɔnciyɛnɛ wɛFarisi nwe nte Yesu ɛnatɔsumpɔr saliye * kɔrɛsna a pɔdedi yeri mɔ.

³⁹ Mba kɔ Wɔbɛ oloku kɔ: «Nɔna aFarisi, apɔlet kɔ apɔt takɔrɔŋ yɔ nɔŋsɔkɔs, mba bɛkɛc yonu disrɛ nɔlasɔrnɛ deke dɔris kɔ kɔyɔ mɛs mɛlɛc.

⁴⁰ Nɔna atɔcɔrɛ mɛs, Kanu nke kɔlompɔs tadarɔŋ mɔ, bafɔ ki kɔlompɔs sɔ tedisrɛ ba?†

⁴¹ Nɔpɔcɛ atɔyɔ daka mɛrɛ pɛnyɛ sɔpɔt kɔ dɔpɔlet yonu mɔ, fɛp fa yi fɛndɛsɔk nɔ nɔyi mɔ.

⁴² Mba pɔlɛc peyi nu nɔna aFarisi! Bawo nɔn'ɔŋsɔŋ Kanu farilɛ fa mɛrket kɔ malɔŋkan, mba nɛcsak dolompɔ kɔ kɔbɔtɔr ka Kanu. Mamɔkɔ mɔ pɛmar pacyɔ, mba ta nɔcpɔlɔrnɛ kɔcyɔ mɛlpɔs mɔkɔ de.

⁴³ Pɔlɛcɔr nu nɔna aFarisi, bawo nɔmbɔtɔr pacsɔŋ nu dɔkɔndɛ mofo mɛmɛ aŋlɛlɔs nu mɔ, nde dɔkɔtɔla Kanu da aSuyif kɔ kɔyif kɔlɛl nde ambɔpsɛnɛ mɔ.

⁴⁴ Pɔlɛc peyi nu, bawo nɔyi pɛmɔ cufu nce antɔgbɛkɔrɛ mɔ, packɔt ci kɔrɔŋ ta ancɔrɛ-ɛ.»

⁴⁵ Kɔ fum wɛlɔma atɔksɛ a sariyɛ dacɔ ɛlɛk moloku, k'ɔŋkulɔrnɛ: «Wɔtɔksɛ, kɔ mɔlɔku tatɔkɔ-ɛ, mɔŋsɔnu sɔ sɔna!»

⁴⁶ Kɔ Yesu oloku: «Pɔlɛcɔr sɔ nɔna, atɔksɛ a sariyɛ! Bawo nɔn'ɛŋsarɔsɔr afum yɛsarɛ nyɛ yoncɔca kɔsarɛ mɔ, ta nɔŋwɔsɛ kɔgbɔŋɛnɛnɛ yi ali telɔr tonu-ɛ.»

⁴⁷ «Pɔlɛc peyi nu! Bawo nɔn'ɛncɔmbɔrɛ cufu ca sayibɛ masar mɛcɛm-cɛmɔs, sayibɛ aŋɛ atɛm anu ŋanadifɔt mɔ.

⁴⁸ Kɔmɛntɔr kɔ mɛndɛ tantɛ a mɔna sɔ mɔwɔsɛ mɔyɔ ma atɛm anu mamɔkɔ, bawo ŋa ŋanadifɔt sayibɛ sa Kanu, kɔ nɔna nɔcɔmbɔrɛ cufu cɔŋan!

⁴⁹ It'ɔsɔŋɛ kɔcɔrɛ kɔkɔtɛnɛ mɛs ka Kanu disrɛ, kɔlɔku: «Indekɛnɛ ŋa sayibɛ kɔ asom.» Kɔ ŋandifɔt aŋɛ, kɔ ŋantɔrɔs akɔ.

⁵⁰ It'ɛndɛsɔŋɛ afum a tɛm tantɛ kɔdekɔsarɛ kiciya ka kɔdif ka sayibɛ sɔŋsɛ fɛp, kɔlɛk nte doru doncop mɔ,

⁵¹ kɔyɛfɛ mɛcir ma Abɛl, haŋ kɔbɔp ka ma Sakary, nwe anadif aŋgbip kɔ **tetek toloŋ**ɛnɛ dacɔ mɔ. Ey, iloku nu ti: Andekɔyif ti afum a detɛmp dandɛ.»

⁵² «Pɔlɛc peyi nu, nɔna atɔksɛ sariyɛ! Bawo nɔlɛŋ tasapa pa kɔcɔrɛ. Nɔnasɔrka nɔmbɛrɛ fɛ, nɔyamsɔr sɔ akɔ ŋafɔŋ kɔbɛrɛ mɔ ŋabɛrɛ.»

⁵³ Nte Yesu owur nde kɔlɔ kanjɔ mɔ, kɔ pɔntɛlɛ atɔksɛ sariyɛ kɔ aFarisi nno eyi mɔ. Kɔ ŋayɛfɛ kɔgbɔŋ-gbɔŋɔr kɔ, ŋacyifɔt kɔ mɛs fɛp,

⁵⁴ ŋaccɔpɛ kɔ mowul, nte tɔŋsɔŋɛ ŋanɛnɛ kɔ yɛm dɔmoloku mɔ.

12

Nɔkɛmbɔrnɛ ta nɔbɔŋɛnɛ dofum

Mat 10.26-27

* **11:38** CɔFarisi, kɔ fum ɔŋkɔ kɔdi yeri-ɛ, mɛnɛ pɔgbɔt kɔrɛsna waca dɔromun. † **11:40** Kanu nke kɔlompɔs tadarɔŋ mɔ, bafɔ ki kɔlompɔs sɔ tedisrɛ ba? kɔ pɔyɔnɛ fɛ ti-ɛ, «nwe olompɔs tadarɔŋ mɔ, bafɔ nkɔn olompɔs sɔ tedisrɛ ba?»

¹ Tem tatəkə afum wul wul ɲanalɔŋkanɛ, pəwurene pəmə ɲadenɟsəreɛ, kə Yesu oloku acɛpse ɔn darəŋ kərəsna: «Nəkembərne lebin da aFarisi nde dɔyɔne kəbanɛne dofum mə.

² Tes o tes tɔgbɔpne teyi fɛ nte antədɛceŋ paloku mə, nte o nte tɔŋgbɔpne fɛ nte antədɛcəre mə.

³ It'ɔsɔŋe nte o nte aŋlɔku nu kubump mə, nəgbɔkərə ti kəloku dan pɛŋ, kə nte nəŋmɛŋkəs fum deləŋəs dukulə mə, andedəŋk ti pəpəŋ mofo mɛbəpsɛne.»

Nwe pəmar nənesɛ mə

Mat 10.28-31

⁴ «Icɔloku nu ti, nəna anapa em: Ta nənesɛ aŋe ɲandif dis gbəcərəm, kə tɛyɛfɛ dānda ta ɲantam tɔlɔm o tɔlɔm sɔ mə.

⁵ Indentərɔ nu nwe pəmar nənesɛ mə: Nənesɛ nwe endif pəkafələ sɔ pətam kələm əm yahanama mə. Ey! Icɔloku nu, nkɔn pəmar nənesɛ!

⁶ Bafɔ gbaŋa kəcəmət y'ancaməs fərəŋk mɛrəŋ? Awa! Icɔloku nu a Kanu kəfɔpəl ali ɲin yi dacɔ.

⁷ Ali delay da cəfon ca domp donu Kanu kəncərə di fəp. Ta nənesɛ, nno Kanu kəyi mə nəyɔ dəkəcəme nde dɛmbək dɛtas da gbaŋa yayəkɔ mə!»

Amera Nɛcɛmpi ɲa Kanu ɲendətəkse pəmar acɛpse a Yesu kəloku mə

Mat 10.32-33; 12.32; 10.19-20

⁸ «Icɔloku nu ti: Nwe o nwe owose afum fər kirinɟ a ina Yesu ɔyɔ kə mə, Wan ka Wərkuɲ endesərəmnɛwose nno fər ya mɛləkɛ a Kanu kirinɟ, a wəkɔn fum wəkəkɔ ɔyɔne.

⁹ Mba mənə nwe məndəkəbupərə kəcərə kem afum fər kirinɟ mə, Wan ka Wərkuɲ endəkəsərəmnɛ sime mənə wəkayi mɛləkɛ a Kanu fər kirinɟ.

¹⁰ Nwe o nwe oŋlɔku pələc pa Wan ka Wərkuɲ mə, andekɔŋaŋnɛnɛ wəkayi, mba nwe o nwe ɔlɔməs **Amera Nɛcɛmpi ɲa Kanu** mə, afɔdekɔŋaŋnɛnɛ kə.»

¹¹ «K'ande packekərə nu nde dəkətɔla Kanu da aSuyif, kə pəyɔne fɛ ti nda aboc kiti, kə pəyɔne fɛ ti abɛ-ɛ, ta nəcɛm-cɛmnɛ pələrəm tɛyacnɛ tonu, kə təkɔ nəŋkəloku mə,

¹² bawo **Amera Nɛcɛmpi ɲa Kanu** ɲendəkətəkse nu gbəncana babəkɔ təkɔ pəmar nəndəkəloku mə.»

Capafɔ ca wəka daka wətɔcərə tes

¹³ Kə fum wələma oloku Yesu kənay kanɟ disrɛ: «Wətəkse, məloku wɛnc im a sayerɛnɛ kɛ kosu!»

¹⁴ Kə Yesu oloku fum wəkəkɔ: «An'ɛcəmbər im kəyɔne ka wəboc kiti nu dacɔ, kə pəyɔne fɛ ti, wəyer nu daka donu-ɛ?»

¹⁵ Kə tɛyɛfɛ dānda, kə Yesu oloku ɲa: «Nəkembərne kəbətər ka kəyɔ daka delarəm, bawo bafɔ daka dadəkɔ dətɔmpər tɛcɛpərənɛ ta fum doru, ali wəkayi pəyɔ daka delarəm.»

¹⁶ Kə Yesu oloku ɲa capafɔ cələma: «Fum wəka daka wələma ɛnayɔ ntɔf nye yɛncɛsɛ yɔbɔf mə.

¹⁷ Pəccɛm-cɛmnɛ, pəcyifnɛ: «Cəke cɔ indeyɔ-ɛ? Bawo iyɔ fɛ kəfo nke ɲkɔlɔŋka yetɛl yem fəp mə.»

¹⁸ Kə fum nwe olokunɛ, «Nte tɔ indeyɔ: Kəwəkəkɛ k'ɲŋkɔ cɛlɛ cɛm, isɛl nɛc cəmbək mə, ilɔŋka ci disrɛ malɔ kə ca yem yələma.

¹⁹ Kə tɛyɛfɛ dānda-ɛ, ilokunɛ dɛbəkəkɔ: «Iyɔ daka delarəm dɛmɛŋkərənɛ mɛrɛn mɛlarəm. ɲɛsəm oŋ, idi, imun, iwoləs.»»

²⁰ Mba kə Kanu kəloku kɔ: «Mənə Wətɔŋkulu, Wətɔcərə tes! Pibi pa məkɔ yati pə andewer əm kiyi kam doru. Təkɔ məlɔmpəs mə, anɔ məndəsəkərə ti-ɛ?»»

²¹ Kò Yesu ɔ̀nɔ̀cɛr: «Itɔ̀ pɛyi fum nwɛ endelonka daka dɔ̀n, a ta Kanu kɛ̀njɛ̀njɛ̀k kɛ̀yɔ̀ kɔ̀n daka mɔ̀-ɛ.»

Kɛ̀lan Kanu

Mat 6.25-34

²² Kò Yesu oloku acɛ̀psɛ ɔ̀n darɛ̀j: «It' ɔ̀sɔ̀njɛ nte iloku nu: Ta nɛ̀cɛ̀m-cɛ̀mnɛ pɛ̀larɛ̀m tɛ̀cɛ̀pɛ̀rɛ̀nɛ tonu doru, paka mpɛ nɛ̀ndɛdi mɔ̀. Ta nɛ̀cɛ̀m-cɛ̀mnɛ sɔ̀ tɛta dis donu pɔ̀kɔ̀ nɛ̀ndɛbɛ̀rɛ̀nɛ mɔ̀.

²³ Bawo kɛ̀yi wɛ̀yɛ̀j kɛ̀ncɛ̀pɛ̀r yeri, kɔ̀ dis dɛ̀ncɛ̀pɛ̀r yamos.

²⁴ Nɛ̀kɔ̀kɛ̀ bɛ̀mp yaser: Yɔ̀fɔ̀gbal defet, yɔ̀fɔ̀tɛ̀l, yɔ̀fɔ̀mɛ̀njɛ̀kɛ̀rɛ̀nɛ, yɔ̀yɔ̀ fɛ̀ cɛ̀lɛ̀, mba Kanu kɛ̀njɛ̀njɛ̀ yi yeri. Nɛ̀na nɛ̀ncɛ̀pɛ̀r bɛ̀mp yayɔ̀kɔ̀ dɛ̀kɛ̀cɛ̀mɛ̀!

²⁵ Fum wɛ̀rɛ̀ eyi nu dacɔ̀ nwɛ mɛ̀cɛ̀m-cɛ̀mnɛ mɔ̀n mɛ̀ntam kɛ̀bɔ̀lɛ̀s kiyi kɔ̀n doru ali kururu katin gbɔ̀j mɔ̀-ɛ?

²⁶ Kò pɛ̀yɔ̀nɛ a nɛ̀fɔ̀tam ali tes tɛ̀fɛ̀t-ɛ, ake nɛ̀njɛ̀kɛ̀m-cɛ̀mnɛnɛ tɔ̀kɔ̀ tɛ̀ncɛ̀mɛ mɔ̀?

²⁷ Nɛ̀kɔ̀kɛ̀ nte yɛ̀lɛ̀njɛ̀ ya dalɛ̀ yomponɔ̀ mɔ̀: Yɔ̀fɔ̀bɛ̀c, yɔ̀fɔ̀du yamos, mba icloku nu, ali wɛ̀bɛ̀ Sulemani kɔ̀ daka da debeki dɔ̀n fɛ̀p ɛ̀nasɔ̀tɔ̀ fɛ̀ yamos nyɛ̀ yɛ̀natesɛ̀ pɛ̀mɔ̀ pɛ̀lɛ̀njɛ̀ pɛ̀pɔ̀kɔ̀ pin mɔ̀.

²⁸ Yika yeyi mɔ̀kɔ̀ dalɛ̀,alna pɛ̀clɛ̀m yi dɛ̀nɛ̀nc, mba Kanu kɛ̀njɛ̀njɛ̀ pɛ̀mar yi. Nɛ̀na, apicɛ̀ kɛ̀lan, nɛ̀ntam kɛ̀lan tes tin: Pipicɛ̀ ɔ̀j cɛ̀ke o cɛ̀ke, Kanu kɛ̀ndɛbɛ̀r nɛ̀na apicɛ̀ kɛ̀lan yamos pɛ̀cɛ̀pɛ̀r tatɔ̀kɔ̀.

²⁹ Kò nɛ̀na, ta nɛ̀tɔ̀rɛ̀sɛ̀nɛ kɛ̀cɛ̀m-cɛ̀mnɛ tɛta yeri yɔ̀kɔ̀ nɛ̀ndɛ nɛ̀cdi mɔ̀, ta nɛ̀cɛ̀m-cɛ̀mnɛ tɛta yomunɛ̀s yɔ̀kɔ̀ nɛ̀ndɛ nɛ̀cmunɛ̀s mɔ̀.

³⁰ Bawo mes mamɔ̀kɔ̀ mɔ̀ atɔ̀cɛ̀rɛ̀ Kanu a doru dandɛ njɛ̀ntɛ̀n tɛ̀m fɛ̀p. Mba nɛ̀na, Kas konu kɛ̀ncɛ̀rɛ̀ a pɛ̀mar nɛ̀yɔ̀ ca yayɔ̀kɔ̀.

³¹ Nɛ̀tɛ̀n dɛ̀bɛ̀ da Kanu, nkɔ̀n Kanu endɛ̀dɛ̀njɛ̀rɛ̀ nu ca yayɔ̀kɔ̀.»

Daka kiyi ka darenɛ

Mat 6.19-21

³² «Ta mɛ̀nɛ̀sɛ̀, nɛ̀na acɛ̀ps'ɛ̀m darɛ̀j! Bawo pɛ̀mbɔ̀t Papa konu kɛ̀sɔ̀j nu dɛ̀bɛ̀.

³³ Nɛ̀camɛ̀s daka donu, nɛ̀pɔ̀cɛ̀ kɛ̀way kanjɛ̀kɔ̀ atɔ̀yɔ̀ daka. Nte tɔ̀njɛ̀njɛ̀ nɛ̀mɛ̀njɛ̀kɛ̀rɛ̀nɛ daka daalna ndɛ̀na Kanu mɔ̀. Daka da ndɛ̀na Kanu dɔ̀fɔ̀lip! Dɛ̀ndɔ̀ wɛ̀kɛ̀ eyi fɛ̀ nwɛ njɛ̀lɔ̀tɛ̀rɛ̀nɛ di mɔ̀. Ate njɛ̀yi fɛ̀ njɛ̀ njɛ̀jɛ̀sɔ̀m di mɔ̀.

³⁴ Bawo kɛ̀fɔ̀ nkɛ̀ daka donu dɛ̀njɛ̀yi mɔ̀, difɔ̀ abɛ̀kɛ̀c njɔ̀nu njɛ̀njɛ̀yi.»

Abɛ̀c anjɛ̀ njambun mɔ̀

³⁵ «Nɛ̀gbɛ̀ncɛ̀nɛ sɛ̀bɛ̀lɛ̀t dɛ̀fi, nɛ̀mot sɛ̀lamp sonu, nɛ̀cɛ̀mɛ̀ belbel!

³⁶ Nɛ̀yi pɛ̀mɔ̀ abum anjɛ̀ njɛ̀ndɛkar wɛ̀bɛ̀ kɛ̀njɛ̀n kɛ̀dɛ̀r kɛ̀yɛ̀fɛ̀ dɛ̀njɛ̀bɛ̀njɛ̀nɛ mɔ̀, nte tɔ̀njɛ̀njɛ̀ wɛ̀kɛ̀kɔ̀ ɔ̀ncɛ̀kɔ̀nɛdɛ̀r pɛ̀sɛ̀t-sɛ̀t kumba, njɛ̀ njɛ̀gbɛ̀tɛ̀ kɔ̀ ki katɛ̀na mɔ̀.

³⁷ Pɛ̀bɔ̀t acar akakɔ̀ wɛ̀bɛ̀ kɛ̀njɛ̀n, ɔ̀ncɛ̀kɔ̀nɛdɛ̀r pɛ̀bɛ̀p kɔ̀ pɛ̀ckar kɛ̀gbɛ̀tɛ̀ kɔ̀ mɔ̀. Amina! Icloku nu ti: Endɛ̀gbɛ̀ncɛ̀nɛ bɛ̀lɛ̀t, pɛ̀dɛ̀s acar akakɔ̀ dɛ̀mɛ̀sa kɛ̀kɔ̀di yeri, nkɔ̀n pɛ̀yɛ̀rɛ̀s njɛ̀ yi.

³⁸ Ali pɛ̀yɔ̀nɛ a cɛ̀k-cɛ̀k c'ender, kɔ̀ pɛ̀yɔ̀nɛ fɛ̀ ti-ɛ̀ dɔ̀sɔ̀ka, mba k'ɛ̀mbɛ̀p njɛ̀ ta njɛ̀ndirɛ̀-ɛ, pɛ̀bɔ̀t njɛ̀!»

³⁹ «Nɛ̀cɛ̀rɛ̀nɛ nte belbel a kɔ̀ wɛ̀ka kɛ̀lɔ̀ ɛ̀ncɛ̀rɛ̀ tɛ̀m nte wɛ̀kɛ̀ endɛ̀dɛ̀r mɔ̀-ɛ, ɔ̀fɔ̀sak kɔ̀ pɛ̀bɛ̀rɛ̀ kɛ̀lɔ̀ kɔ̀n disɛ̀.

⁴⁰ Nɛ̀na sɔ̀, nɛ̀cɛ̀mɛ̀ nɛ̀ckar! Bawo Wan ka Wɛ̀rkun endɛ̀dɛ̀r tɛ̀m nte nɛ̀ntɔ̀yɔ̀ kɔ̀ amera mɔ̀.»

Wɛ̀bɛ̀c wɛ̀lompu kɔ̀ wɛ̀bɛ̀c wɛ̀tɔ̀lompu

Mat 24.45-51

⁴¹ Kò Piyɛ̀r eyif Yesu: «Wɛ̀bɛ̀, sɛ̀na gbɛ̀cɛ̀rɛ̀m njɛ̀ mɛ̀njɛ̀loku capɛ̀fɔ̀ cɛ̀ncɛ̀, ka fɛ̀p fɔ̀ mɛ̀njɛ̀loku ci ba?»

42 Kɔ Mariki oloku: «Wɛcɛmbɛr-cɛmbɛr daka wɛrɛ esektɛrnɛ mariki mɔn, pɛckɔtɛnɛ amera kɛyɔ pɛtɔt-ɛ? Nkɔn ɔyɔnɛ nwe mariki ɔŋloku: «Isɔŋ ɔm yɛbɛc nyɛ: Mɛcsɔŋ yeri afum aŋɛ ŋayi kɛbɛc'em mɔ, tɛm ntɛ pɛmar mɔ.»

43 Pɛbɔt wɛmarɛs wɛkakɔ mariki mɔn mender mɛbɛp kɔ pɛsumpɛr yɛbɛc nyɛ ɛnasom kɔ mɔ!

44 Ploku nu ti, kance kɔ: Mariki mɔn mɛndesɔŋɛ kɔ kɛyɔnɛ ka wɛcɛmbɛr-cɛmbɛr ka daka dɔn fɛp!

45 Mba kɔ wɛmarɛs olokunɛ debɛkɛc: «Mariki mem ɛntayɛfɛ fɛ kɛdɛr,» pɛyɛfɛ kɛsut ka amarɛs arkun kɔ aran, pɛcdi yeri, pɛcmun haŋ pɛcis-ɛ,

46 mariki ma wɛmarɛs wɛkakɔ endeder dɔsɔk ndɛ ɔntɔyɔ kɔ amera mɔ, dec ndɛ ɔntɔcɛrɛ mɔ, pɛbɛlɛs wɛmarɛs wɛkakɔ, pɛtɔrɛs kɔ pɛpɔŋ pɛmɔ tɔkɔ antɔrɛs acar atɔnɛnɛ mariki maŋan mɔ.

47 Wɛcar nwe ɛncɛrɛ tɛfaŋ ta mariki mɔn mɔ, ta olompɛsnɛnɛ kɔ mɔ, ta ɔŋyɔ tɔkɔ mariki mɔn ɛfaŋ mɔ, aŋsut wɛcar wɛkakɔ kɛsut kɛpɔŋ.

48 Mba wɛcar nwe ɔntɔcɛrɛ tɛfaŋ ta mariki mɔn mɔ, pɛciya-ciya kɛlompɛs mɔ, wɛcar wɛkakɔ pɛpic pɔ aŋsut kɔ. K'anasaŋ fum pɛlarɛm-ɛ, pɛlarɛm p'anjwer kɔ. K'anasaŋ kɔ kɛmɛŋkɛ pɛlarɛm-ɛ, aŋnaŋkanɛ kɛwer kɔ pɛlarɛm.»

Teta Yesu tɔsɔŋɛ afum kɛgbeyɛnɛ

Mat 10.34-36

49 «Nɛnc d'inder kɛbɛr doru, k'ifanɛ di kɛmar!

50 Pɛmar isɔtɔ kɛgbɛt dɛromun teta Kanu, kɔ kɛŋwon im kɛyi.

51 Nɛncɛm-cɛmnɛ a pɛforu p'injkerɛ kɛsɔŋ doru ba? Ala de, mba icloku nu a kɛgbɛy k'injkerɛ.

52 Kɛyɛfɛ ɔŋ tante aŋɛ o aŋɛ ŋayi kɛcamɔt kɛlɔ disrɛ mɔ, ŋandɛgbeyɛnɛ akɔ ŋayi maas akɔ ŋayi mɛrɔŋ.

53 Kas kɛgbɛy wan kɔn wɛrkun, wan wɛrkun pɛgbɛy kas, kɛrɛ kɛgbɛy wan kɔn wɛran, wan wɛran pɛgbɛy kɛrɛ, kɔncɛra kɛgbɛy wɛran ka wan kɔn, wansɔ pɛgbɛy kɔncɛra.»

Kɛcɛrɛnɛ ka kɔm

Mat 16.2-3

54 Kɔ Yesu oloku sɔ kɛnay ka afum: «Kɔ nɔnɔŋk kɛp kɛgbɛpɛrnɛ ntɛndɛ dec dɛŋkalɛ mɔ, nɔŋkulɛ katina: «Kɛdɛr kɔ wɛcafɛn endeder!» Pɛfɔwon wɛcafɛn pɛdɛr.

55 Mba kɔ nɔnɔŋk afɛf ŋa kɛca kɛtɔt ŋocwur-ɛ, nɛloku: «Kɛwɔnɛ kɔ pɛnder,» tɔkɔ nɛŋloku ti mɔ, itɔ tɛŋyi.

56 Nɔna Abanɛnɛ dofum! Nɛntam kɛcɛrɛ mɛgbɛkɛrɛ ma tɔkɔ antɔf kɔ kɔm yɛnyi mɔ. Ta ake tɔ nɛntɔtam kɛcɛrɛnɛ tɛgbɛkɛrɛ ta tɛm tante nɛyi mɔ-ɛ?»

Mɛtɛn kɛtɔŋnɛ kɔ wɛtɛrɛnɛ kam

Mat 5.25-26

57 «Ta ake tɔ nɛntɔcɛrɛnɛ nɛnasɛrka tɔkɔ pɛmar nɛyɔ mɔ-ɛ?»

58 Kɔ mɔndɛkɔ kɔ wɛyɛfɛrɛnɛ kam dɛŋkiti-ɛ, mawosɛ nɛtɔŋnɛ dɔpɔ kɛrɛsna. Kɔ pɛyɔnɛ fɛ ti-ɛ, ɛŋkɛkɛr'am dabɛ. Wɛbɔc kiti pɛsɔŋ ɔm wɛsɔdar nwe ɔŋkɛbɛr ɔm dɛbili mɔ.

59 Iclɔk'am mɛfɔwur dɛndo ta mɛlip kɛlukɛ tapɛsam pɔkɔ mɛntɔmpɛrɛ kɔ mɔ-ɛ.

¹ Tem tatōkō kō afum alōma ḡanader ḡalōmər Yesu tōkō Pilat enadifət aKalile alōma nte ḡanclōḡne Kanu mō. Itō tatōkō Pilat enanōḡkəl mecir ma afum kəlōḡne kəḡan.

² Kō Yesu oloku ḡa: «Nəncəm-cəmne a k'anadifət aKalile akakō tatōkō-ε, a temētər oḡ a ḡananḡkanε kəciya ḡatas aKalile alpəs akō anatōdif mō ba?

³ Ala! Icloku nu: Mba kō nəntōsəkpər mera nəcəmε pəlōmpu darəḡ-ε,* tatōkō tō nändeləsərne fəp pəmō akakō.

⁴ Kō pəyōne fε ti-ε, afum aḡε wəcō kō camət-maas aḡε kəlō ka Siloye kənwəkərne kədif mō, nəncəm-cəmne a ḡa ḡananḡkanε kəciya ḡatas aka Yerusalem alpəs aḡε ba?

⁵ Ala, icloku nu, mba kō nəntōsəkpər mera nəcəmε pəlōmpu darəḡ-ε, nəna sō fəp nəḡfi pəmō ḡa!»

Capafō ca kətək kəkom nke kənatəyō yokom mō

⁶ Kō Yesu oloku sō capafō nce: «Fum wəlōma enabōf kətək ka fik dale dən dacō. K'ender kəten yokom ya ki, mba k'embəp kətək ka fik nke ta kəḡkom-ε.

⁷ Awa, k'oloku wəbəc kən wəkō oncbumε kō dale mō: «Meren maas mō mame nte inder kəpim yokom ya kətək kəḡke mō, mba ifōsōtō. Awa məcəp ki! Ta ake tō kəndecəmene, kəbanḡ antōf ḡbəcərəm-ε?»

⁸ Kō wəbum ka dale oloku kō: «Mariki, məsak kətək kəkom kəḡke kəren nke ḡbəcərəm pəmōmən sō. Indekay ḡanḡ inəḡkər, iber ma sō ncek-cek-a.

⁹ Kō tatōkō teyi-ε, taloma kəḡkom dok, kō pəyi fε ti-ε, məcəp ki.»

Yesu kətaməs ka wəran wəlōma dəsək da kəḡesəm nde ampuse Mariki mō

¹⁰ Kətəkε kō Yesu encndε dəkətola Kanu da aSuyif dəlōma dəsək da kəḡesəm nde ampuse Mariki mō.

¹¹ Wəran wəlōma enayi dənda nwe ḡḡk ḡelec ḡenasōḡε kətəkōt kəyefε meren wəcō kō camət-maas mō. enanutne, ta entam kətence-ε.

¹² Nte Yesu enəḡk wəran nwe mō, k'ewe kō, k'oloku kō: «Wəran, docu dam dəsak əm.»

¹³ Kō Yesu endenḡ kō kəca. ḡbəncana babəkō kō wəran nwe entence, k'eyefε **kəcam** debeki da Kanu.

¹⁴ Mba kō pəntele wəbe wəka dəkətola Kanu da aSuyif dadəkō, nte Yesu enataməs wəran wəkakō simiti, dəsək da kəḡesəm mō, kō wəbe nwe oloku afum: «Mata camət-tin meyi mme pəmar pəcbəc mō, nəder nəten kətaməsne mata maməkō disre, mba ta nəder dəsək da kəḡesəm da Kanu.»

¹⁵ Kō Yesu oloku kō nte: «Nəna abanēne dofum: Dəsək da kəḡesəm nde ampuse Mariki mō, an'ontōḡbeki wana wən, kō pəyōne fε ti-ε, sōfale sən pəkəkərε kəkōmun-ε?»

¹⁶ A wəran nwe owur dokom da Abraham, a kō Sentani səsumpər səkot kəyefε meren wəcō kō camət-maas mō, pəmar fε pasikəli kō bənda yayəkō dəsək da kəḡesəm ba?»

¹⁷ Yesu kəlōku moloku maməkō, kō tōsōḡε ater oḡ fəp kəlapərne, mba pənabōt kənay fəp, mōyō mōpōḡ maməkō Yesu oncyō mō.

Capafō ca tēḡben tefet

Mat 13.31-32; Mark 4.30-32

¹⁸ Kō Yesu eyif sō: «Ake dεbe da Kanu dowurεne-ε? Ak'indetubcεne di-ε?»

¹⁹ Tēḡben tefet† nte fum elek, pəbōf dale dən disre mō. Tēḡben tatōkō topōḡ, pəyōne kətək kəpōḡ, bəmp yeder yōlō wara wawəkō kəpōḡ mō.»

* **13:3** Nəntubi itō «Nəsəkpərε mōyō mātōt mōyō melec.» † **13:19** Tēḡben tefet = tēḡben tefet ta tək ya dale, nte tompon mō-ε, kətək ka ki kəmbek pətas tək yōlōma ya dale.

*Totubcɛnɛ ta lebin**Mat 13.33*

²⁰ Kɔ Yesu oloku sɔ: «Ak'indetubcɛnɛ dɛbɛ da Kanu-ɛ?»

²¹ **Dɛbɛ da Kanu** dowurɛnɛ pɛmɔ lebin ndɛ wɛran ɛnjɛk pɛnɔktɛrɛnɛ di kɛmbɛfɛ kilo wɛɔ mɛrɛŋ (20) mɔ. Kɔ kɛmbɛfɛ fɛp kɛmpɛ!.»

*Capafɔ ca dɛkɛbɛrɛ dɛwɛkɛnɛ**Mat 7.13-14; 21-23*

²² Ntɛ Yesu ɛncali sɛdare sɛfɛt kɔ sɛpɔŋ kɛkɔ ka Yerusalɛm mɔ, pɛctɛksɛnɛ sɔ afum.

²³ Kɔ fum wɛlɔma ɛyif kɔ: «Wɛtɛksɛ, afum apic ŋɔ Kanu kɛndekɔyɔc ba?» Kɔ Yesu oloku ŋa:

²⁴ «Nɛna sɔ nɛsɛp kɛdɛkɔbɛrɛ dɛkɛbɛrɛ dɛwɛkɛnɛ dadɔkɔ, bawo icloku nu: Afum alarɛm ŋandɛsɛp kɛbɛrɛ ka di, mba ŋafɔdɛkɔtam.»

²⁵ «Kɔ wɛka kɛlɔ endekɔyɛfɛ pɛcaŋ kumba, nɛna aŋɛ nɛŋyi doru mɔ, nɛdɛyɛfɛ kɛsut-sut kumba, nɛcloku: «Mariki mɛgbitɛ su!» Tɛm tatɔkɔ endɛlukɛ nu: «Incɛrɛ fɛ kɛca nkɛ nɛyɛfɛ mɔ!»

²⁶ Tɛm tatɔkɔ tɔ nɛndɛkɔɔp kɛloku: «Sɛnadi yeri, sɛmun kɔ mɛna, mɛctɛksɛ ndɛ sɛpɔ sɛpɔŋ sa dare dosu.»

²⁷ Nkɛn pɛcloku nu, «Incɛrɛ fɛ aka ndɛ nɛyɔnɛ mɔ! Nɛbɔl'em day, fɛp fonu nɛŋyɔ mɛs mɛlɛc!»

²⁸ Difɔ kɛbok kɔ kɛŋaŋɛrɛnɛ sek kɛndekɔyi, kɔ nɛŋkɔnɛŋk Abraham, Siyaka, Yakuba kɔ sayibɛ sa Kanu fɛp dɛbɛ da Kanu disrɛ, palɛm nɛna dabanɛka.

²⁹ Afum ŋandɛdɛr kɛyɛfɛ kɛca nkɛ dɛc dɛmpɛ kɔ nkɛ dɛc dɛŋkɛlɛ mɔ, kɛca kɛtɔt, kɔ kɛmerya, ŋader ŋandɛ dɛmɛsa ndɛ dɛbɛ da Kanu dɛntɔf.

³⁰ Ti disrɛ, adarɛŋ ŋayi aŋɛ ŋandekɔyɔnɛ akirinɛ mɔ, kɔ akirinɛ ŋayi aŋɛ ŋandekɔyɔnɛ adarɛŋ mɔ.»

*Yesu kɔ Yerusalɛm**Mat 23.37-39*

³¹ Tɛm tatɔkɔ, kɔ aFarisi alɔma ŋander ŋaloku kɔ: «Mɛyɛfɛ nnɔ mɔkɔ! bawo Herodu ɛfan kɛdif ɛm.»

³² Kɔ Yesu oloku ŋa: «Nɛkɔ nɛloku ayɔfan ŋaŋɔkɔ: Kɛbɛlɛs yɔŋk yɛlɛc kɔ kɛtamɛs k'iyyinɛ mɔkɔ kɔ alna, a indɛlɔpɛs yɛbɔc yɛm tataka ta maas.

³³ Mba mɛnɛ ikɔt mɔkɔ, alna kɔ dɔsɔkɔ, bawo pɛmar fɛ wɛdɛŋk wɛka Kanu pɛfi kɛfo kɛcuru ta pɛyɔnɛ Yerusalɛm-ɛ.»

³⁴ «Yerusalɛm, Yerusalɛm, mɛna nwɛ mɛndif sayibɛ mɔ, mɛcca-cas aŋɛ Kanu kɛŋsɔm nnɔ mɛyi mɔ, isɛp pɛlarɛm kɛlɔŋka ka awut am pɛmɔ ntɛ acɔkɔ ŋokɔmbɛra ŋɔŋlɔŋka awut banca ya ŋi dɛntɔf mɔ! Mba mɛnawosɛ fɛ ti.

³⁵ Awa nɛcɛŋkɛl! Andɛsakɛrɛ nu kɛlɔ konu kɛyɔ fos. Mba icloku nu: Nɛfɔsɔnɛŋk im, haŋ tɛm tɛbɛp ntɛ nɛndɛloku:

«Kanu kɛpɔcɛ pɛtɔt nwɛ ɛndɛrɛnɛ tɛwɛ ta Mariki mɔ.»»

14*Yesu kɛtamɛs ka wɛɔyɛ wɛlɔma*

¹ Simiti, dɔsɔk da kɛŋɛsɛm dɔlɔma, k'awe Yesu ndɛ kɛlɔ ka wɛbɛ ka aFarisi wɛlɔma kɛkɔdi yeri, kɔ akakɔ ŋaŋkɔkɛc kɔ.

² Kɔ fum wɛlɔma nwɛ docu dɛnakɛfɛs mɔ, pɛcɛmɛ kɔ fɔr kirinɛ.

³ Kɔ Yesu ɛyif atɛksɛ a sariyɛ kɔ aFarisi: «Aŋwosɛ kɛtamɛs ka wɛtɔtamɛnɛ simiti, dɔsɔk da kɛŋɛsɛm ba, ka afɔwosɛ?»

⁴ Kò afum aɲe ɲancanɲk. Awa kò Yesu ongbuɲene wətətamne nwe, kò wəkako entamne, k'ɛsak kò a pəkò.

⁵ Nte tencepər mɔ, kò Yesu eyif ɲa: «An'eyi nu dacɔ nwe wan kɔn, kò pəyɔne fɛ ti wana wɔn wentempene dəkələmp dəsək da kəɲesəm, ta empene wi dəsək dadəkò yati mɔ-ɛ?»

⁶ Kò abe akakò ɲantətam kəlukse kò mɔcɔp.

Nte aɲyek-yɛk dəkənde, kò nte aɲwene fum tes mɔ

⁷ Kò Yesu olok-lokər afum aɲe anawe dəkəsata mɔ, bawo enakəkce nte akakò ancgbutələne dəkənde dɔcəkɔ-cəkò mɔ. K'oloku ɲa:

⁸ «Kò fum ew'am kəkətəɲne kəsata ka kəgbəɲne kɔn-ɛ, ta məkò mənde dəkənde dɔcəkɔ-cəkò, bawo tələma wəka kəsata ewe sɔ fum wələma kəsata kanɲk, nwe encepər mənə mɔ.

⁹ Ta təsəɲe wəkò ewe nu kəsata mɔ, kədələk'am: «Məyefe məsakəre nwe dəkənde dadəkò.» Kələpərne kò məɲkò kəyefe dəkənde dɔcəkɔ-cəkò dadəkò kəkənde dadarəɲ dəkò.

¹⁰ Mba, k'aw'am kəsata-ɛ, məkò mənde dəkənde dadarəɲ, nte təɲsəɲe nwe ew'am kəsata mɔ k'ender pənəɲk əm-ɛ, pələk'am: «Wanapa, məcəɲne kirin.» Awa tɛm tatəkò mənə məlele nno afum aɲe ɲəɲkɔpəɲne amesa kədi yeri mɔ.

¹¹ Nwe o nwe oyokne mɔ, andetore kò. Nwe o nwe ontore banca mɔ, andepene kò.»

¹² Kò Yesu oloku fum nwe enawe kò kəsata mɔ: «Kò məwe afum kədi yeri yerəɲ, kò pəyɔne fɛ ti yɔrɔfɔy-ɛ, ta məwene yi akos'am aɲa, ta məwene yi awenc əm aɲa, ta məwene yi akomene am, ta məwene yi ande am aka daka. Nte təɲsəɲe ta ɲadetam kəlukse ayek ɲa kəwene yeri mɔ.

¹³ Mba kò məndewene afum yeri-ɛ, məwe atəyɔ daka, lanyiru, atorər kò atəɲɲk.

¹⁴ Tɛm tatəkò pəbət əm, bawo ɲayɔ fɛ daka nde ɲəɲkəluku'sam kəway ka pətət papəkò mɔ. Kanu gbəcərəm kəndekətam kəluku'sam kəway kanɲk, nde ayɔ pətət ɲandekəyefe defi mɔ.»

Capafɔ ca yeri ya kəsata

Mat 22.1-10

¹⁵ Nte afum ɲane moloku mame mɔ, kò fum wələma nwe enande demesa mɔ, oloku Yesu: «Pəbət mənə nwe məndekədi yeri nde akip ɲa dəbe da Kanu dəntəf mɔ!»

¹⁶ Kò Yesu oloku fum wəkako: «Fum wələma enaboc kəsata kəpəɲ, k'ewene ki afum alarəm.

¹⁷ Nte tɛm ta kədi yeri yayəkò tendebəp mɔ, k'osom wəcar kɔn kəkəluku afum aɲe ewe kəsata mɔ: «Nəder! Alip kəcəɲ.»

¹⁸ Mba kò kan-kan eyefe kələtsene kò. Kò wəcəkɔ-cəkò oloku kò: «Məɲəɲnen'em, dale d'iway idɔ pəmar ikɔ iməmən. Iletsen'am ta məsumpər'em ti!»

¹⁹ Kò wəka mərəɲ oloku kò: «Iway cəna cəbifti wəcɔ, ic'ifəɲ kəkəwak. Iletsen'am ta məsumpər'em ti!»

²⁰ Kò wəka maas oloku sɔ: «Intəp kəcgbəɲne, itɔ intətam kəkəne!»

²¹ Kò wəcar nwe ender pəlukse mosom maməkò mariki mən, kò pəntele kò, k'oloku wəcar: «Məkò katəna nde mofɔ mərəɲ kò nde səpɔ səpəɲ sa dare! Məwen'em atəyɔ daka, lanyiru, atorər kò atəɲɲk.»

²² Kò wəcar ender pələku kò: «Mariki nte məsom im mɔ telip, mba yeri yəsɔrɔcəme!»

²³ Kò mariki mən oloku kò sò: «Məko səpə sa dəkulum kò dəngbancan, məloku afum ɲabere nte tɔɲsɔɲe kələ kem kələre mə.»

²⁴ Bawo, icloku nu: Arkun akakò inanunɲkene kəwe kəsata kanɲe mə, ali wəkin əfəsədi yeri ya ki.»

Cake cə aɲyi a patam kəyɔne wəcepse ka Yesu darəɲ-e

Mat 10.37-38

²⁵ Kənaɲ kənacəme Yesu darəɲ, kò Yesu eɲkafəle, k'oloku ɲa:

²⁶ «Məna nwe mənəpəs'em darəɲ mə, pəmar mətam kəce wisi kò wiri, kò wəran kam, kò awut am, awenc əm aɲa arkun, akire am kò kiɲi kam doru yati, kò pəyi fɛ ti-e, fum wəkakò əfətam kəyɔne wəcepse kem darəɲ.

²⁷ Məna nwe o nwe məntəwose kətərəs kò kəfi mə, məfətam kəyɔne wəcepse kem darəɲ.

²⁸ Bawo nəna akanɲe daco, məna nwe məɲfaj kəcəmbər kələ mə, məfənde kərəsna mələm daka dəkò məɲkəberse teta kələ kam mə, kò pəyɔne a daka dadəkò dentam kəlip kəcəmbər ka kələ kanɲe-ε.

²⁹ Mba kò nəncop kəcəmbər kələ ta nəlip kəcəmbər ki, nwe o nwe enəɲk ki mə, endesələr nu

³⁰ pəcloku: «Afum akanɲe ɲancop kəcəmbər kələ mba ɲantam fɛ ki kələpəs.»

³¹ Itə pəyi wəbe nwe eɲfaj kəkəsutene kò wəbe wələma mə, mənə pənde pəməmən kò pəyɔne, afum wul wəco (10.000) ɲantam kəsutene kò afum wul wəco mərəɲ (20.000) aka wəbe wəkò ɲanɲkəsutene mə.

³² Kò pəyɔne fɛ ti-e, ɲanɲərəbəlɛne, wəbe wəka afum wul wəco (10.000) pəsom nda wəbe wəka afum wul wəco mərəɲ (20.000) wəkò ɲanɲkəsutene mə, nte pəmar pəkət ta ɲasutene mə.

³³ Awa, məna nwe o nwe məntəce ca yəkò məyɔ mə, məfətam kəyɔne wəcepse kem darəɲ.»

Mɛr mme mɛndɛncɛ mə

Mat 5.13; Mark 9.50

³⁴ «Paka pətət pə mɛr məyɔne, mba kò mɛr mɛndɛncɛ-ε, ak'antam mi kəbətse-ε?

³⁵ Mɛr mɛdɛnc məfətesɛ tɛm tatəkò antəf, məfətesɛ ncək-cək ya yəbɔf, mənə pagbal mi dəyika. Məna nwe məɲyɔ ləɲəs məcne mə, mənə ti!»

15

Capafɔ ca aɲkesiya ɲɛ ɲenasələ, k'anəɲk sɔ ɲi mə

Mat 18.12-14

¹ Abanəs dut kò afum aciɲa ɲalətərne Yesu kəkəcəɲkəl kò.

² AFarisi kò acicəs a sariye ɲaccɔpɛne: «Fum wəkawɛ eɲselɛne aciɲa, pəwose kədi yeri kò ɲa.»

³ Mba kò Yesu oloku ɲa capafɔ ncɛ:

⁴ «Nəna afum akanɲe daco, an'əɲyɔ ɲkesiya tasar tin (100), a ɲin ɲəsəlɛr kò, ta esak yəkò wəco camət-maɲkələ kò camət-maɲkələ (99) datɛgbərə kəkətɛn ɲin ɲəkò ɲəsəlɛr kò mə, haɲ pənəɲk ɲi-ε?

⁵ Kò wəkayɛ əɲkə pənəɲk ɲi-ε, pəgbanɲe ɲi amera ɲobotu disre,

⁶ əncəkənbərə nde ndərən, ewe anapa ən kò ande ən nde ndərən, pəloku ɲa: «Nəwoləs kò ina, bawo inəɲk aɲkesiya ɲem ɲəkò ɲenasələ im mə.»

⁷ Icloku nu: Pəbotu pəɲkəyɛ darenc teta fum wəkin nwe əɲkəsəkpər amera pəcəme dəpə dolompu darəɲ mə, pətəs teta afum wəco camət-maɲkələ kò camət-maɲkələ (99) aɲe pəntəmar kəsəkpər mɛra, bawo ɲalomp mə.»

Capafɔ ca pəsam gbələɲ mɛ pɛnasələ, k'anəɲk sɔ pi mə

⁸ «Kò pəyənə fə ti-ε, wəran wəre ɔŋyɔ pəsam gbəlenj wəco, a gbəlenj bin bəsələr kò ta omot lamp, ta efɛŋ kələ, ta enten pi belbel, hanj pənəŋk pi mɔ?

⁹ Kò wəran nwe ɛnəŋk pəsam gbəlenj mpɛ-ε, ɛŋwə anapa ɔn, kò andɛ ɔn, pəloku ŋa: «Nəwoləs kò ina bawo inəŋk pəsam gbəlenj mpɛ pənasələr im mɔ.»

¹⁰ Iclòku nu, pəbotu peyi mɛlɛkɛ a Kanu daco teta fum wəciya wəkin gbon nwe ɛŋsəkpər amera pəcəme pəlompu darəŋ mɔ.

Capafɔ ca wətemp wəsələ, k'anəŋk kò sɔ mɔ

¹¹ Kò Yesu oloku sɔ: «Fum wələma ɛnayɔ awut arkun mɛrəŋ.

¹² Kò wəkò ɛfɛtɛ mɔ, oloku kas: «Papa məsəŋ im da pəmar idesətɔ kɛ kam mɔ.» Kò kas eyer daka dən awut ɔn akanjɛ mɛrəŋ daco.

¹³ Ntɛ mataka mɛpic mencepər mɔ, kò wan wəfɛt ɛncaməs daka dəkò ɛnasətɔ mɔ fəp. K'osumpər dɔpɔ k'əŋkə pəbələ, atɔf ŋocuru. Nde ɛnakɔ pəyi yamayama pəcləsər-ləsər daka dəkò ɛnayɔ mɔ.

¹⁴ Ntɛ wan nwe elip kədi daka dən mɔ, kò dor dɔpəŋ dɛmbɛrɛ atɔf ŋəŋkɔ ɛnayi mɔ, kò ca yoncɔp kəbut kɔ.

¹⁵ K'əŋkə pəyi nda fum wələma wəka atɔf ŋəŋkɔ, wəkò ɛnasəŋ kò kəkɛk ka sɔp yən mɔ.

¹⁶ Wan nwe pəfanj kədi yeri ya sɔp, mba ali fum ɛnasəŋ fɛ kò yi.

¹⁷ Awa, k'ɛyɛfɛ kəcɛm-cɛmnɛ teyi tən, k'olokunɛ: «Afum cəke ŋayi kəbəc ndena papa kem aŋɛ ŋayɔ cəcom cəlarəm mɔ, a ina icfinɛ nnɔ dor.

¹⁸ Kəyɛfɛ k'inder ikɔ ndena papa kem ikɔ iloku kɔ: Papa inciya Kanu, k'inciya sɔ mənə.

¹⁹ Imbut pələli mpɛ pəmar məsumpər'em pəmɔ wan kam mɔ. Mba məsumpər im ɔŋ pəmɔ wəbəc kam.»

²⁰ Kò wan nwe ɛlɛk dɔpɔ k'olukus ndena kas.»

«Dəsərəbələ, kò kas ɛnəŋk kò, kò nənɔfər dɔpəŋ dosumpər kɔ. Kò kas ɛyɛksɛ kəkəfayənɛ kò, k'ɛnɛpsərne kò dəkilim, k'oncup kɔ.

²¹ Kò wan oloku kɔ: «Papa, inciya Kanu, k'inci'y'am, pəmar fɛ sɔ məsumpər im pəmɔ wan kam.»

²² Mba kò kas kəlòku acar ɔn: «Nəkɛrɛ duma dətɔt nəbɛr kò! Nəbɛr kò kurundɛ dətɛlɛr, nəsəŋ kò cɔfta!

²³ Nəkɛrɛ tana tetifi təkò, nədif pi. Padi yeri, pawoləs!

²⁴ Bawo wan kem wəkawɛ nəŋnəŋk mɔ, ɛnafi, mba olukus sɔ kəder doru! ɛnasələ, mba inəŋk kò sɔ!» Kò ŋayɛfɛ kəwoləs.

²⁵ Tɛnatəŋnɛ Coco pəyi dale. Ntɛ wəkakɔ ender pəlɔtərnɛ kələ kəŋjan mɔ, k'ene təkò aŋfɛr pəcpisɛ mɔ.

²⁶ Kò Coco ewe wəcar wəkin k'eyif kò tes ntɛ teyi kələ kəŋjan mɔ.

²⁷ Kò wəcar oloku Coco: «Wɛnc əm ɛder, mba ntɛ olukus kətammɛ disrɛ mɔ, itɔ papa kam ɛndifɛ tana petifi pəkɔ.»

²⁸ Kò pantele Coco nwe, ta ɛfanj sɔ kəbɛrɛ dɛkɛr-ɛ. Kò kas owur kəkələtsɛnɛ kò.

²⁹ Mba kò wan wəcəkɔ-cəkɔ nwe oloku kas: «Meren mɛlarəm mɔ mamɛ, iy'am darəŋ icbɔc'am pəmɔ wəcar, ali dəsək din ingbɛkəl fɛ mosom mam, mba ali dəsək din sɔ mənə məsəŋ f'em tir idif səwoləs kò anapa em.

³⁰ Mba ntɛ wan kam wəkawɛ ender mɔ, nwe ɔŋkə pələsər-ləsər daka dam kò aran ayamayama mɔ, nkən tanj məndifɛ kò tana petifi pəkɔ!»

³¹ Kò kas kəlòku Coco, «Mənə wan kem, sən'eyi dɛ kò mənə, daka ndɛ o ndɛ iyɔ nnɔ mɔ, dam dɔ!

³² Mba pəmar yati paboc kəsata, pawoləs: Bawo wɛnc əm wəkawɛ məŋnəŋk mɔ, ɛnafi, k'olukus sɔ kəyi doru. ɛnasələ, k'anəŋk kò sɔ.»»

16

Capafɔ ca wɛcɛmbɛr-cɛmbɛr daka

¹ Kɔ Yesu oloku aɛɛpsɛ ɔn darɛŋ: «Fum wɛka daka wɛlɔma ɛnayo wɛcɛmbɛrɛ-cɛmbɛrɛ daka, k'ander payemsɛnɛ kɔ, a ɛŋlɛsɛr-lɛsɛr daka da mariki mɔn.

² Kɔ mariki mɔn mewe kɔ, pɛcloku kɔ: «Cɛke c'ine tetam-ɛ? Mɛsɔŋ'em kɛɛrɛ tɔkɔ mɛncɛmbɛr-cɛmbɛr daka dem mɔ, bawo mɛfɔsɔyɔnɛ wɛcɛmbɛr-cɛmbɛr daka dem.»

³ Kɔ wɛcɛmbɛr-cɛmbɛr daka nwɛ olokunɛ dɛbɛkɛc: «Cɛke c'indeyo-ɛ, bawo wɛka daka nwɛ oloku kɛwɛr'em kɛcɛmbɛr-cɛmbɛr daka dɔn? Iyɔ fɛ fɛnɔntɛr kɛdeyɔnɛ wɛbifti antɔf, ilapɛrnɛ sɔ kɛctola.

⁴ Incɛrɛ ɔŋ nte indeyo, a afum ŋaban im wɛlɔ wanjan disrɛ kɔ wɛkawɛ ɔwur'em kɛcɛmbɛr-cɛmbɛr daka dɔn-ɛ.»

⁵ Kɔ wɛcɛmbɛr-cɛmbɛr daka nwɛ ewe fum wɛcɔkɔ-cɔkɔ wɛkɔ ɛnatɔmpɛrɛ mariki mɔn debe mɔ. K'eyif kɔ: «Cɛke cɔ mɛntɔmpɛrɛ mariki mem debe-ɛ?»

⁶ Kɔ wɛkakɔ oloku kɔ: «Moro ma olif kokos tasar tin (100).» —«Awa, mɛlek areka, mɛndɛ mɛcic: 50.»

⁷ K'eyif sɔ wɛlɔma: «A mɛna-a, cɛke cɔ mɛntɔmpɛr-ɛ?» Kɔ wɛkakɔ oloku: «Malɔ busul tasar tin (100).» —«Awa, mɛndɛ mɛlek areka, mɛcic 80.»

⁸ Kɔ wɛka daka nwɛ ɔŋkor-koru wɛcɛmbɛrɛ-cɛmbɛrɛ kɔn daka wɛtɔlomp nwɛ nte ɔŋkɔt belbel mɔ. Awa, afum a doru ŋancɛrɛ kɛyɔ mes tanjan pɛtas ako ŋayɔnɛ aka pɛwanjɛra mɔ.»

⁹ Kɔ Yesu ɔnɔcɛr: «Icloku nu: Nɛtɛnɛ daka dɔtɔsɔk anapa, itɔ ɔŋsɔŋɛ kɔ dendelip-ɛ, paban nu nde nɛŋkɔyi doru o doru mɔ.

¹⁰ Mɛna nwɛ anlan teta tes tɛfɛt mɔ, antam sɔ kɛlan ɛm teta tes tɔpɔŋ. Mɛna nwɛ mɛntɔlomp teta tes tɛfɛt mɔ, mɛfɔlomp teta tes tɔpɔŋ.

¹¹ Kɔ mɛntɔlomp kɛcɛmbɛr-cɛmbɛr ka daka dɔtɔsɔk ndɛ deyi doru dandɛ mɔ, an'endesɔŋ ɛm kɛcɛmbɛr-cɛmbɛr ka daka dosoku-ɛ?

¹² Kɔ mɛntɔlomp teta daka da fum-ɛ, an'endesɔŋ ɛm ndɛ dɔyɔnɛ dam mɔ-ɛ?

¹³ Ali wɛɛar wɛkin ɔfɔtam kɛbɛcɛ abɛ mɛrɛŋ. Kɔ teyi-ɛ, enter wɛkin pɛbɔtɛr wɛkɔ, kɔ pɛyɔnɛ fɛ ti-ɛ, pɛsɛktɛrnɛ wɛkin, pɛbɛr wɛkɔ kumunt. Nɛfɔtam kɛbɛcɛ Kanu kɔ pɛsam tɛm tin.»

*Moloku mɛnɛŋksɔl ma Yesu**Mat 11.12-13; 5.31-32; Mark 10.11-12*

¹⁴ AFarisi, aŋɛ ŋanabɔtɛr pɛsam mɔ, kɛnɛ ka moloku mamɛ, kɔ ŋayɛfɛ kɛfani Yesu.

¹⁵ Kɔ Yesu oloku ŋa: «Nɛna, nɛncɛmbɛrnɛ afum alompu nno awɛnc nu aŋa ŋayi mɔ, mba Kanu kɛncɛrɛ nu bɛkɛc, bawo nte afum ŋampɛnɛ darenɛ mɔ, ito Kanu nkɔn enɛe.

¹⁶ Tɛm ta Sariyɛ sa Musa kɔ ta sayibɛ tenawon han tɛm ta Sanj. Kɛyɛfɛ ɔŋ tɛm tatɔkɔ, k'ancɔp kɛdɛŋk Kibaru Kɛtɔt ka dɛbɛ da Kanu, nwɛ o nwɛ kɛsimɛsɛ k'ɛndɛ kɛbɛrɛ ka di dɛntɔf.

¹⁷ Mba pɛfɛfɛrɛnɛ kɔm kɔ antɔf kɛsɔlɛ, pɛtas tofo tɛfɛt ta pecic pin* pa sariyɛ kɛtɛmpɛnɛ.

¹⁸ Nwɛ enɛe wɛran kɔn pɛkɔ pɛnɛncɛ wɛlɔma mɔ, dɛkɛcɛmɛ da wɛsumpɛr dalakɔ d'eyi. Nwɛ o nwɛ ɛnɛncɛ wɛran nwɛ wos enɛe mɔ, dɛkɛcɛmɛ da wɛsumpɛr dalakɔ d'eyi.»

Capafɔ ca wɛka daka kɔ Lasar

¹⁹ «Wɛka daka wɛlɔma ɛnayi, pɛcbɛrnɛ yamos yɔtɔt, yeyɛŋki kɛway. Dɔsɔk o dɔsɔk pɛyi pɛtɔt disrɛ, pɛcdi yeri yɔtɔt.

* 16:17 Ito yɔnɛ cɛsoma «sigirɛ»

²⁰ Kəlɔ kən kirinj, fum wətəyɔ daka o daka wələma, nwe ancwe Lasar mə, pəyɔ runc, pəfəntərə kusunja kən.

²¹ Lasar nwe pəfanj kəcburuk yeri nyɛ yentɛmpɛnɛ-ɛmpɛnɛ amɛsa dantɔf ɲa wəka daka nwe mə, pədi. Mba kɔ cen yender yɛcnɛntəs runc yən.

²² Kɔ Lasar efi, kɔ melekɛ mender mɛlek kɔ, kɔ mɛnjɛkəɛ kɔ kəkənɛsəm nde Abraham kəsək. Kɔ wəka daka nwe ender pəfi, k'awup kɔ.

²³ Nde kəfo nkɛ afi ɲanjɔ mə, kɔ wəka daka eyekti fɔr, k'ɛnəɲk pəbɔlə Abraham kɔ Lasar pəcnɛsəm kɔ kəsək.

²⁴ Kɔ wəka daka nwe oɲkulərɛ: «Papa Abraham, məyən'em nənɔfɔr! Məsom Lasar pəgbət telər tən dərɔmun pəder pəcanjɛs im temer, bawo kətərə k'indɛ nnɔ nɛnc dandɛ.»

²⁵ Kɔ Abraham oloku kɔ: «Wan kem, məcɛm-ɛmɲnɛ a mənəsɔtɔ daka dam nte mənayi doru mə, kɔ Lasar nkan ɔsɔtɔ pəcuy kiyi kən doru. Ndekəl oɲ, kənɛsəm k'eyi, mənə məyi sɔ dəmɲnɛ pəcuy.»

²⁶ Kɔ tɛyɛfɛ dənda-ɛ, dobo dɔpəɲ deyɪ su daco kɔ nənə nte tənɲɔɲɛ nwe ɛɲfanj kəcepər pəder nnɔ səyi mə, ta ɛntam-ɛ.»

²⁷ Kɔ wəka daka nwe oloku: «ɪɛtsɛn'am, Papa, məsom Lasar nde kəlɔ ka papa kem.»

²⁸ Bawo, iyɔ di awɛnc ɲa kəcamət, Lasar pəkɔ pəloku ɲa nte tɛyi nnɔ mə, nte tənɲɔɲɛ ta ɲa sɔ ɲadeder nnɔ pəcuy pampɛ pɛyi mə.»

²⁹ Kɔ Abraham oloku: «Ala, awɛnc əm ɲa ɲayɔ Musa kɔ adəɲk a Kanu. ɲacəɲkəl ɲa.»

³⁰ Kɔ wəka daka nwe oloku Abraham: «Ala, Papa, kɔ fum ɛyɛfɛ nnɔ afi ɲayi mə pəkɔ pəlɔk-ɔkər ɲa-ɛ, ɲaɲsəkpər mɛra ɲacəmə pəlompɔ darəɲ.»

³¹ Kɔ Abraham oloku kɔ: «Kɔ ɲantɔcəɲkəl Musa kɔ adəɲk a Kanu-ɛ, ali fum ɛyɛfɛ nnɔ afi daco, ɲafɔkɔcəɲkəl wəkayi.»

17

*Kiciya kɔ kəɲaɲɲɛ ******

Mat 18.6-7; Mark 9.42

¹ Kɔ Yesu oloku acɛpsɛ ɔn darəɲ: «Pəfɔtam kəyi ta mes meyi mɲɛ məsɔɲɛ fum kəlɔɲɛ mə. Mba pələc pɛyi nwe ɔɲsɔɲɛ mi kəyi mə.»

² Pəfəfərənɛ kəkot wəkayi tasar təpəɲ dəkilim pagbal kɔ dəkəba, kɔ pəyɔnɛ wəkayi pəsɔɲɛ wəfəfər wəkin kəlɔɲɛ-ɛ*.

³ Nəkɛmbərɛ belbel!

Kɔ wɛnc'am enciyə-ɛ, məgbəɲ-gbəɲər kɔ. **K'ɛsəkpər amera pəcəmə pəlompɔ darəɲ-ɛ**, mənəɲɲɛnɛ kɔ.

⁴ Kɔ wɛnc'am enciy'am camət-mɛrəɲ dəsək din disrɛ-ɛ, a pəlɔksərɲɛ kəder'am camət-mɛrəɲ pəclɔk'am: «Kəsəkpər k'inder amera few, incəmə pəlompɔ darəɲ-ɛ,» mənəɲɲɛnɛ kɔ.»

⁵ Kɔ asom a Yesu darəɲ ɲaloku Wəbɛ: «Məbɛrɛnɛ su kələɲ!»

⁶ Kɔ Mariki oloku ɲa: «Kɔ nəntəmpər kələɲ nkɛ kəyi pəmɔ tɛɲgbɛn tɛfɛt mə, nəntam kəlɔku kətək nkɛ: Məgbuktɛ nnɔ məkɔ məcəmə nde dəkəba, kətək kanjɔ kəyɔ tɛfanj tonu.»

⁷ «Nənə akanɛ daco, anɔ ɔyɔ wəcar nwe embifti, kɔ pəyɔnɛ fɛ ti wəkayi pəkɛk, a pəkɔnəyɛfɛ dale, pəloku kɔ: «Məder katəna məder mənɛ dɛmɛsa!»

⁸ Nte oɲlɔku kɔ mə: «Mələmpəs'em yeri yem, məbɛrɛnɛ duma məsəɲ im yeri, haɲ ilip kədi yeri imun. K'ilip-ɛ, mənə mədi yeri məmɲn.»

* 17:2 Pəsɔɲɛ fum wəfəfər wəkin kəlɔɲɛ = pəsɔɲɛ fum wəfəfər kəciya

⁹ Waka wacar kaka enyek-yekas ko bawo ayone ko mes mako efan mo ba? Ala!

¹⁰ Tin tayi to ko nana, ko nalip k'oyo mes mako afaner nu mo fap-e, naloku: «Acar gbacaram no sayone. Nte pamar su kayo mo, to sayo.»

Yesu katamas kon acune sen waco

¹¹ Yesu eyi kaka Yerusalem, ko Yesu eyefe kacali atof na Samari ko na Kalile daco.

¹² Eyi kabere tadare toloma, ko afum waco acune sen aloma nander nafayne ko, ko nancame pabole.

¹³ Ko nampene sim nacloku: «Yesu, Mariki, mayone su nonofor!»

¹⁴ Nte Yesu enahk na mo, k'oloku na: «Nako namentarne alohne nde kelo kapon ka Kanu.» Afum ane nayi kaka, ko payone a nasok a ko nandebere di.

¹⁵ Nte wakin enahkne patamne mo, k'oluksarne paccam debeki da Kanu dim dapon.

¹⁶ K'efantare dantof, k'osumpar Yesu wacak, k'eyek-yekas ko.† Fum wakako, waSamari enayi.

¹⁷ Ko Yesu eyif ko: «Baf asokas afum ane waco? Deke alpas ane camat-marhale nayi-e?»

¹⁸ Ali wakin encem-cemne fe kaluksarne **pdecam debeki da Kanu**, mene wacikara wakin wakawe?»

¹⁹ Ko Yesu oloku ko: «Mayefe mako, kalan kam kayac am.»

Kader ka debe da Kanu

Mat 24.23-28,37-41

²⁰ Nte aFarisi nayif Yesu tem nte debe da Kanu dendeder mo, k'oloku na: «**Dbe da Kanu** dofoder pagbatne di fap.

²¹ Afokule di, «Id'ende nno!», «Idoko nde!» Bawo debe da Kanu nana no dey daco.»

²² Nte Yesu elip kaloku na ti mo, k'oloku accepse on daroh: «Dosok dendebap nde nandefan kannahk dosok din da Wan ka Warkun mo, mba nafsannahk di.

²³ Andeloku nu: «Eyi nno!» ko payone fe ti-e «Eyi nde!» Ta nadeko di, ta nadeyeksarne kaka di.

²⁴ Ti disre, dosok nde Wan ka Warkun endeder mo pandeyi pamo nte pamot ponon pawan kara pa darenc kayefe kasok kin han na merah mo.

²⁵ Mba mene patoro papon karesna, afum a tem tante jawenas ko.

²⁶ Toko tenacepar tem ta Nuha mo, tendecapar so dosok da Wan ka Warkun.

²⁷ Afum nancdi yeri, nacmun, arkun ko aran nacnencene han dosok nde Nuha enabere debil mo: Ko kutup kander nke kanamalak afum fap mo.

²⁸ Pandeyi pamo tem ta Lot. Afum nancdi yeri, nacmun, nacway, naccamas, nacbof, nacambar walo.

²⁹ Mba dosok nde Lot owur Sodom mo, nenc ko parbalo yenatuf Sodom ko yemalak ca ya di fap.

³⁰ Ito pandeyi dosok nde andementar Wan ka Warkun mo.»

³¹ «Dosok dadoko nwe enyi dabarka mo, ta pabere dakalo palek ca yon. Fum nwe tembap dale mo, ta palukus nde ndoron.

³² Nacem-cemne woran ka Lot.‡

³³ Mana nwe mandesep kamenk kayi doru kam mo kandesalpär am, ko mana nwe kajsalpär mo, mandesamerhki.

† 17:16 K'eyek-yekas ko = «k'eyif Yesu barka teta katamas kon.»

17:27 Dakapoc 6.9-7.24

17:29

Dakapoc 19.24 ‡ 17:32 Mamoman Dakapoc 19.26

³⁴ Icloku nu: Pibi papəkə, afum merəŋ ɲandefəntərə kəfənc kin, palək wəkin, pasak wəka merəŋ.

³⁵⁻³⁶ Aran merəŋ ɲandeyi kəcə kirir kin, palək wəkin pasak wəka merəŋ. §

³⁷ Kə acəpse ɔn darəŋ ɲayif kə: «Deke tatəkə tendekəyi-ε, Mariki?» Kə Yesu olokse ɲa: «Nde pefi peyi mə, difə yəfən yendebəpsene.»

18

Capafə ca wəran nwe wos efi mə, kə wəboc kiti

¹ Kə Yesu oloku ɲa capafə, kəmentər ɲa a mənə ɲaclok-lokər **Kanu** tem o tem ta dis dələl ɲa.

² K'oloku: «Dare dələma dənayı dəyɔ wəboc kiti nwe enatə kəcnesə Kanu mə, ali fum ta eleləs-ε.»

³ Dare dadəkə dəyɔ sɔ wəran wətələ wələma nwe encder pəcloku kə: «Məboc'em kiti kə wəyefərəne kem dəcə!»

⁴ Kə wəboc kiti nwe efatər kə haŋ, k'ende pəlokune dəbəkəc: «Ali nte intəcərə Kanu, ta ileləs nwe o nwe mə,

⁵ nte wəran nwe wos efi, ələləs im dis mə, ibocə kə kiti kə wəyefərəne kən dəcə, nte tendesəŋe kə kətəgbəkəre-gbəkəre sɔ kəder mə, pədenaŋkanə kələləs im dis.»

⁶ Kə Mariki ɔnəcər: «Nəcəŋkəl nte wəboc kiti wətələmp ɔŋloku mə.

⁷ Kanu nkən əfədekəbocə afum ɔn aŋe kiti ba, aŋe ɲambəkər kə pibi kə dan mə? Endesəŋe ɲa kəwon kəkər ba?

⁸ Icloku nu: Əfədesəŋe ɲa kəwon kəkər, endebocə ɲa kiti katəna katəna. Mba kə Wan ka Wərkun endeder-ε, endebəp kəlanɲ doru ba?»

Capafə ca wəFarisi kə wəwərəs dut

⁹ Kə Yesu oloku sɔ capafə nce afum aləma aŋe ɲanacəm-cəmne kələmp, a ɲacfani akə mə:

¹⁰ «Kə afum merəŋ ɲampə kəkətola Kanu nde **kələ kəpəŋ ka Kanu**, wəkin nwe pəyənə wəFarisi, wəkə pəyənə wəwərəs dut.

¹¹ WəFarisi nwe pəcəmə pəclok-lokər Kanu dəbəkəc nte: «Kanu, iyif əm barka* nte intəyi pəmə afum alpəs akə ɲayənə abanəs ca ya afum mə, ta ɲələmp, ɲacsumpər dalakə, nte intəyi pəmə wəwərəs dut nwe mə.

¹² Kəmerəŋ k'ɲsɔŋ dəsək doluksər disre, icsəŋ sɔ farilə fəp fa yəsətə yem.»

¹³ Wəwərəs dut nwe nkən pəcəmə pəbələ, pəcnesə kəyektı fər darenc yati, mba pəcsut-sutne abəkəc kəcloku: «Kanu mənəŋn'en'em, ina wəcıya!»

¹⁴ Icloku nu: Fum wəkəkə ənalomp nnə Kanu kəyi mə, a k'endelukus nde ndərən. Mba wəFarisi ənalomp fə nnə Kanu kəyi mə. Nwe o nwe ɔŋyokne mə, andetore kə. Nwe o nwe otore banca mə, andepene kə.»

Yesu kətolanə kən awut afət

Mat 19.13-15; Mark 10.13-16

¹⁵ Afum ɲanckere Yesu ali cənaka nte tənəŋe pəcdeŋər ɲa waca teta kətolanə ɲa pətət. Nte acəpse ɔn darəŋ ɲanəŋk ti mə, kə ɲaŋgbəŋ-gbəŋər ɲa.

¹⁶ Mba kə Yesu ɔlətərnene awut pəcloku: «Nəsak awut ɲader nnə iyi mə! Ta ɲayəmsər ɲa kəder, bawo afum aŋe ɲayi pəmə awut afət akanə mə, ɲa ɲayə dəbe da Kanu.

¹⁷ Awa! Kance icloku nu: Nwe o nwe ɔntəfayne dəbe da Kanu pəmə wanfət mə, əfədekəbərə di disre.»

§ **17:35-36** Andəŋər yeyicəs yələma «Arkun merəŋ ɲandeyi dale din dayi, pasumpər wəkin pasak wəkə.»

* **18:11** *Iyif əm barka* = Iyek-yekəs'am

*Warkun waka daka delarəm**Mat 19.16-30; Mark 10.17-31*

¹⁸ Kɔ wəbɛ wəlɔma eyif kɔ: «Wətəkse wətət, cəke cɔ pəmar im kəyɔ, isətɔ kiyi wəyɛŋ ka doru o doru-ε?»

¹⁹ Kɔ Yesu eyif kɔ: «Ta ake tɔ məwen'em ‹Wətət>-ε? Ali fum ɔyɔnɛ fɛ wətət, mɛnɛ Kanu sona gbɔŋ.

²⁰ Məncərəɛ mosom ma Kanu: Ta məsumpər dalakɔ, ta mədif fum, ta məkiyɛ, ta məbanɛ fum sede sa yem, mələləs wisi kɔ wiri.»

²¹ «İlələs maməkɔ fəp kəyɛfɛ isərɔfɛtɛ,» fum wəkakɔ pəclɔku.

²² Ntɛ Yesu ene kɔ dim mə, k'oloku kɔ: «Awa tes tin gbɔŋ tobut əm: Məcaməs daka ndɛ məyɔ mə fəp, məyər pəsam pəpəkɔ atɔyɔ daka, məndəkəsɔtɔ daka delarəm ndɛ dəKɔm. Kɔ məlip-ɛ, mədər məcɛps'em darəŋ.»

²³ Ntɛ fum nwɛ ene moloku ma Yesu mə, kɔ abɔc nɛmbɛrɛ kɔ, bawo ɛnayo daka pəcɛpərɛr.

²⁴ Ntɛ Yesu ɛnəŋk abɔc nɛmbɛrɛ kɔ mə, k'oloku: «Pəncuca aka daka kəbɛrɛ ka akip ŋa dəbɛ da Kanu dəntɔf.

²⁵ Pəfəfərənɛ yəkəmɛ kəbɛrɛ ka abi ŋa tɛsɛmbɛ pətəs wəka daka kəbɛrɛ ka akip ŋa dəbɛ da Kanu dəntɔf.»

²⁶ Aŋɛ ŋancɛŋkəl Yesu mə ŋayif kɔ: «Awa, an'ɛntam ɔŋ kəfis-ε?»

²⁷ Kɔ Yesu oloku ŋa: «Ntɛ tɛntambər afum mə, Kanu kəntam ti.»

²⁸ Kɔ Piyɛr oloku: «Səna sasak yosɔtɔ yosu ntɛ tɔŋsɔŋɛ səncəm'am darəŋ mə.»

²⁹ K'oloku ŋa: «Awa! Kance icloku nu: Fum eyi fɛ, nwɛ ɛŋsak kəlɔ, wəran, awɛnc, akomɛnɛ, kɔ awut tɛta dəbɛ da Kanu,

³⁰ ta wəkayɔ ŋkəsɔtɔ pəla pəcɛpərɛr doru dandɛ, pəsɔtɔ sɔ kiyi wəyɛŋ ka doru o doru tɛm tekiriŋ.»

*Yesu ɛndəŋk tamaas defi dən kɔ kədeyɛfɛ kən afi dacɔ**Mat 20.17-19; Mark 10.32-34*

³¹ Kɔ Yesu ɛlək Asom ɔn wəcɔ kɔ mɛrəŋ, k'oloku ŋa: «Nəcəŋkəl im, Yerusalɛm ayi kəpɛ. Mɛs mɛmɛ sayibɛ a Kanu ŋanacɛs tɛta Wan ka Warkun mə fəp, məndəkɔlarɛ.

³² Bawo andekɔlək kɔ pabɛr atɔyɔnɛ aSuyif dəwaca. Andekɔfani kɔ, andekɔtərəs kɔ, andekɔyüksər kɔ lin,

³³ andekɔsutɛ kɔ tərɔŋkɔn, a pədɛdif kɔ. Tataka ta maas ta defi dən pəfɔtɛ afi dacɔ.»

³⁴ Mba Asom ɔn ŋanane fɛ ti təlɔm o təlɔm. ŋanacərəɛ fɛ ntɛ tatəkɔ tolɔku mə.

*Yesu kətaməs kən wətənəŋk**Mat 20.29-34; Mark 10.46-52*

³⁵ Ntɛ ŋayi kəlɔtərɛnɛ Yeriko mə, tɛtəŋnɛ wətənəŋk wəlɔma pəndɛ dəpɔ kəsək pəctɔla.

³⁶ K'ɛnɛ pəkɔt pa kənay, k'eyif daka ndɛ dender mə.

³⁷ K'aloku kɔ: «Yesu wəka Nasarɛt eyi kəcɛpər!»

³⁸ K'ɔŋkulərɛnɛ: «Yesu wan ka † Dawuda, məyɔn'em nɔnɔfər!»

³⁹ Aŋɛ ŋanasol kɔ Yesu ŋayi kɔ tekiriŋ mə, ŋayɛfɛ kəgbəŋ-gbəŋjər kɔ a pəcəŋk, mba pəcəŋkanɛ kəkule-kulɛ: «Wan ka Dawuda, məyɔn'em nɔnɔfər!»

⁴⁰ Kɔ Yesu ɛncəmɛ, k'osom a pakɛrɛ kɔ fum nwɛ. Ntɛ alɔtərɛnɛnɛ kɔ mə, k'eyif kɔ:

⁴¹ «Cəke cɔ məfan a iyɔn'am-ε?» K'oloku: «Mariki, iluksərɛnɛ sɔ kənəŋk!»

⁴² Kɔ Yesu oloku kɔ: «Məlüksərɛnɛ sɔ kənəŋk! Kələŋ kam kəntaməs əm.»

⁴³ Gbɔncana babɔkɔ kɔ fum nwe oluksarne sɔ kɔnɔŋk, k'eyefe k'encame Yesu darɔŋ **pɔccam debeki** da Kanu. Nte afum fɔp ŋanɔŋk tatɔkɔ mɔ, kɔ ŋayefe kɔkor-koru Kanu.

19

Yesu kɔ Sasey

¹ Nte Yesu embere Yerikɔ mɔ, k'encali dare.

² Awa, kɔ fum wɔlɔma, nwe ancwe Sasey, nwe enayɔne wɔbe ka awerəs dut, pɔyɔ daka delarɔm,

³ pɔcten kɔcɔre fum nwe aŋwe Yesu mɔ, mba enctem fe ti, bawo afum ŋanala, nkɔn pɔbumpsene.

⁴ Kɔ fum nwe encepɔr kirin k'ɔŋkɔ pɔfɔrɔŋk dɔkɔtɔk nte tɔŋsɔŋe kɔ kɔnɔŋk Yesu mɔ, bawo dif'enakɔ kɔcepɔr.

⁵ Nte Yesu embɔp kɔtɔt kanjɔ dɔntɔf mɔ, k'eyekti fɔr k'ɔnɔŋk fum nwe, k'oloku kɔ: «Sasey mɔkufe mɔtor, bawo nde kɔlɔ kam injɔ mɔkɔ iyi.»

⁶ Kɔ Sasey embelkɔr kɔtor, k'emban Yesu pɔbotu disre.

⁷ Nte afum ŋanɔŋk ti mɔ, kɔ ŋayefe kɔcɔrene, ŋacloku: «Ndena fum wɔciya ŋkɔ pɔyi.»

⁸ Mba Sasey nwe enacame mariki fɔr kirin mɔ, oloku: «Mariki, indesɔŋ atɔyɔ daka dacɔ da kɔsɔtɔ kem. Nwe o nwe inananjane kɔbanjɔr pɔlarɔm mɔ, indesɔŋ wɔkayi kɔmanjɔle ka tɔkɔ inabanjɔr kɔ mɔ.»

⁹ Kɔ Yesu oloku kɔ: «Mɔkɔ, Kanu kɔyac aka kɔlɔ kanjɔ, bawo mɔna sɔ wɔka Abraham mɔyɔne!»

¹⁰ Bawo Wan ka Wɔrkun ender kɔdeten kɔ kɔyac ka aŋe ŋanasɔle mɔ.»

Capafɔ ca tencambɔl ma kema *Mat 25.14-30*

¹¹ Afum ŋayi kɔcɔŋkɔl Yesu. Kɔ Yesu ɔncɔr capafɔ cɔlɔma, bawo ŋanalɔterne Yerusalem, afum ŋaccem-cemne a dɔbe da Kanu dɔŋkɔwɔr gbɔncana babɔkɔ.

¹² Kɔ Yesu oloku: «Fum wɔtɔt tokom wɔlɔma, enayefe k'ɔŋkɔ atɔf ŋobol-bolu kɔkɔten dɔbe a pɔdeder.

¹³ Kɔ fum nwe ewe acar ɔn wɔcɔ, k'ɔsɔŋ ŋa nwe o nwe tencambɔl pa kema kɔpɔŋ kin, k'oloku ŋa: «Nɔckafɔle-kafɔle pi waca hanj icder.»

¹⁴ Mba afum aka dare dadɔkɔ ŋanater kɔ, kɔ ŋasom kɔkɔloku nde fum nwe ɔnckɔ kɔten dɔbe mɔ: «Safan fe a fum wɔkawɔ pɔyɔne su wɔbe!»

¹⁵ Kɔ fum nwe ŋkɔ pɔsɔtɔ dɔbe, nte olukus mɔ, k'ewe acar ɔn aŋe wɔcɔ kɔdecɔre nte nwe o nwe ŋkafɔli-kafɔli waca mɔ.

¹⁶ Kɔ wɔcar wɔcɔkɔ-cɔkɔ ender, k'oloku: «Mariki, isɔtɔ wɔcɔ wa kema kɔŋkɔ mɔnasɔŋ im mɔ.»

¹⁷ Kɔ fum nwe oloku: «Tentesɔ, wɔcar wɔtɔt mɔyɔne, bawo mɔlomp teta tes tɔfɔt. Ti tendesɔŋe a isɔŋ am kɔyɔne wɔbe ka sɔdare wɔcɔ.»

¹⁸ Kɔ wɔcar wɔka mɔrɔŋ ender, kɔ wɔkakɔ oloku kɔ: «Mariki, kɔcamɔt ka kɔŋkɔ mɔnasɔŋ im mɔ, k'isɔtɔ kɔdenjɔr ka ki.»

¹⁹ Kɔ fum nwe oloku sɔ wɔkakɔ: «Isɔŋ am sɔdare kɔcamɔt, mɔyɔne wɔbe kɔŋan.»

²⁰ Kɔ wɔlɔma ender pɔloku: «Mariki kema kam kɔŋkɔ, inafɔktɔr ki dɔkɔloto kɔtɔt imɔŋk.»

²¹ Inanes'am, bawo fum wɔcuca mɔyɔne: Mɔŋlek mɔpe mɔntɔbɔc mɔ, mɔpim nde mɔnatɔbɔf mɔ.»

22 Kɔ fum nwe oloku wamaras kɔn: «Moloku mam m'indekit'am, mɛna wɛcar wɛlɛ! Mɛnacɛre a incuca, k'injlek mpe intɔboc mɔ, icpim mpe intɔbɔf mɔ.»

23 Ak'enasɔŋe nte mɛnatɔɔŋ pɛsam pem amɛŋk pɛsam mɔ-ɛ? Kɔ nte ilukus mɔ, k'imbanj pɛsam pem isɔtɔ sɔ pi kɛrɔŋ kɛntanjɛ.»

24 K'oloku afum akɔ ŋanayi di mɔ: «Nɛbanjɛr kɔ kɛma kanjɔ, nɛsɔŋ ki wɛkɔ ɔsɔtɔn'em kilo wɛcɔ mɔ.»

25 Kɔ afum ŋaloku: «Wɛbɛ, wɛkakɔ ɔsɔtɔ wɛcɔ!»

26 Kɔ fum nwe oloku ŋa: «Iclocu nu: Mɛna nwe mɛyɔ mɔ, ambɛrɛnɛ sɔ mɛna wɛkayi. Mba mɛna nwe mɛntɔyɔ mɔ, ambanjɛr ɛm ali pɛkɔ mɛyɔ mɔ.»

27 Tamɛrɛŋ tayi, nɛkɛr'em ater'em anjɛ ŋanatɔfanj a iyɔnɛ ŋa wɛbɛ mɔ, nɛfay ŋa mera fɔr yem kirinj.»

Yesu kɛkɔ kɔn Yerusalem

Mat 21.1-11; Mark 11.1-11; Isaj 12.12-19

28 Nte Yesu elip kɛloku afum moloku mamɔkɔ mɔ, k'ɔsumpɛr dɔpɔ afum kirinj kɛkɔ Yerusalem.

29 Nte Yesu ɔlɔtɛrɛnɛ sɛdare sa Bɛtfase kɔ Betani mɔ, kɛca ka tɔrɔ tɔkɔ anjwe tɔrɔ ta Tɔk ya Olif mɔ, kɔ Yesu osom aɛpɛsɛ ɔn darɛŋ mɛrɛŋ,

30 pɛclocu ŋa: «Nɛkɔ ndɛ dare ndɛ antɛfɛrɛnɛ mɔ, kɔ nɛŋkɔbɛrɛ-ɛ, nɛŋkɔbɛp di sɔfale sɛfɛt pakot si, nɛɛ fum o fum ɛntatɔndɛ mɔ. Nɛsikɛli si, nɛkɛr'em.»

31 Kɔ tɔyɔnɛ fum pɛyif nu: «Ta ake tɔ nɛŋsikɛlɛ si-ɛ?» Nɛloku kɔ: «Bawo Mariki ɛfanj si.»

32 Kɔ afum anjɛ anasom mɔ ŋanjkɔ, kɔ ŋanjkɔ ŋabɛp sɔfale sɛfɛt pakot si pɛmɔ tɔkɔ Yesu ɛnaloku ŋa mɔ.

33 Ŋayi kɛsikɛli sɔfale sɛfɛt, kɔ asɛrka ŋayif ŋa: «Ta ake tɔ nɛŋsikɛlɛ sɔfale sasɔkɔ-ɛ?»

34 Kɔ aɛpɛsɛ ɔn darɛŋ mɛrɛŋ anjɛ ŋaloku aka sɔfale: «Mariki ɛfanj si.»

35 Kɔ afum anjɛ ŋanjkɛnɛ Yesu sɔfale sɛfɛt nɛɛ, kɔ ŋandenjɛsɛr si suma sɛŋan sakɛrɔŋ, kɔ Yesu ɛndɛ si kɛrɔŋ.

36 Tɔkɔ ɔnckɔ kirinj mɔ, itɔ afum ŋancpɛr-pɛrɛ kɔ suma sɛŋan sakɛrɔŋ dɔpɔ.

37 Nte ŋalɔtɛrɛnɛ Yerusalem ndɛ pɛtɛmbɛlɛr pa tɔrɔ ta Tɔk ya Olif mɔ, kɔ pɛmbɔt kɛnay kɛŋkɔ kɛnacɛpɛsɛ kɔ darɛŋ mɔ fɛp. Kɔ ŋayɛfɛ kɛkor-koru Kanu pɛpɔŋ, bawo ŋananɛŋk **mes mɛwɛy-wɛy mmɛ Kanu kɛmmɛntɛr mɔ.**

38 Kɔ ŋaloku:

«Kanu kɛpɔcɛ pɛtɔt wɛbɛ nwe endɛrɛnɛ tewɛ ta Mariki mɔ!

Pɛforu pɛyi dɛKɔm,

kɔ pɛlɛl pɛyi Kanu mofo mɛŋɛci ma dɛKɔm!»

39 AFarisi akin akin akɔ ŋanayi kɛnay kanjɔ dacɔ mɔ, ŋaloku Yesu: «Mariki, mɛloku aɛpɛsɛ am darɛŋ ŋacanjɔ!»

40 Kɔ Yesu oloku ŋa: «Kɔ ŋancanjɔ-kɛ, masar monjkulɛ-kulɛ!»

Yesu kɛbok kɔn tɛta Yerusalem

41 Nte ŋalɔtɛrɛnɛ Yerusalem, a kɔ Yesu ɛnɛŋk dare mɔ, k'ɛyɛfɛ kɛbok tɛta di,

42 k'oloku: «Yerusalem, mɛn'ɛncɛrɛ mɔkɔ tɔkɔ anjɔ pasɔtɔ pɛforu mɔ! Mba ndɛkɛl tatɔkɔ tɛŋgbɔpɛn'am, mɛfɔtam ti kɛnɛŋk.»

43 Bawo dɛsɔk dɛndɛdɛr ndɛ ater am ŋandenjɛkɛr ɛm kandɛ, ŋakɛl ɛm, a ŋadɛgbɛcɛrɛn'am waca fɛp mɔ.

44 Ŋandelɛsɛr ɛm hanj awut am, ali tɛsar tin ŋafɔdɛsakɛr'am mpe pɛndɛdɛnɛsɛ pɔlɔm kɛrɔŋ mɔ, bawo mɛnacɛrɛ fɛ tɛm nte Kanu kɛnɛdɛr kɛmar ɛm mɔ!»

Yesu kabere kón nde kálo káponj ka Kanu
Mat 21.12-17; Mark 11.15-19; Isaj 2.13-22

⁴⁵ Nte Yesu embere nde kálo káponj ka Kanu má, k'eyefe kabelas acamas.

⁴⁶ K'oloku ña: «Däyecias, Kanu káloku: «Kálo kem, dákatola Kanu dá kándeyone,» mba nána ñañkafáli ki tógbakene ta calbante.»

⁴⁷ Dásók ó dásók Yesu enctáksé afum dándo kálo káponj ka Kanu disre. Alonñe apón, atáksé sariye s'aSuyif, kó abeki a dátóf ñacten kádif kó.

⁴⁸ Mba ta ñancáre nte ñanyó, bawo afum fáp ñancáñkál moloku ma Yesu, ta ñafañ kabut ali toloku tón tin káne-e.

20

Deke kátam mes ka Yesu káyefe-é?
Mat 21.27-33; Mark 11.27-33

¹ Dásók dáloma, nte Yesu eyi kátáksé afum nde kálo káponj ka Kanu má, pácloku moloku mátot. Alonñe apón, kó atáksé a sariye s'aSuyif kálekene abeki a dátóf ñambérar kó,

² kó ñaloku Yesu: «Máloku su ma: Kátam káre kó máyone mes mame, kó páyone fé ti-e, máboncár su nwe ósón am kátam kanjko má.»

³ Kó Yesu oloku ña: «Ína só, k'iyif nu k'inder toloku tin. Náluks'em ti:

⁴ Kágbát dáromun ka Sanj dákom káncyefe ba, ka nda afum?»

⁵ Kó ñayefe kágbekélene tarjan, ñacloku: «Kó sálukse ndekál a dákom kágbát kón kánayefe-e, enyif su: «Ta ake tó ñanatólanje Sanj-é?»

⁶ Kó sáloku a nda afum káncyefe-e, aka dátóf fáp ñancacas su, bawo fáp fánacáre a Sanj sayibe s'enayone.»

⁷ Kó ñalukse Yesu: «Sáncáre fé.»

⁸ Kó Yesu oloku ña: «Ína só, ifóloku nu kátam nke inyóne mame má.»

Totubcène ta abác a ñgbóñkáló aláç
Mat 21.33-46; Mark 12.1-12

⁹ Kó Yesu eyefe kálok-lokár afum dátotubcène nte: «Fum éñabóf ñgbóñkáló ya wén, k'ósón yi abác aláma, ñatáñne kó akako kácsón kó káway, kó nkón owur k'ónkó maránt mowonu.

¹⁰ Nte tém tepim tãmbáp má, kó wáka ñgbóñkáló osom wácar nno abác ñayi má, kákóbanj yokom ya wén nyé pámar ñasón kó káway kón má. Mba kó abác a ñgbóñkáló ñasut kó, kó ñasak, k'ólukus waca wósákar.

¹¹ Kó wáka ñgbóñkáló nwe óñgbókáre só kásom wácar wáloma, kó abác akako ñasut só fum nwe, kó ñalápós kó, kó ñasak, nkón só k'ólukus waca wósákar.

¹² Kó wáka ñgbóñkáló osom só wáka maas, kó abác a ñgbóñkáló ñambopár só wákako, kó ñambelás kó.

¹³ Kó wáka ñgbókáló nwe eyifne: «Cáke c'indeyo-é? Wan kem nwe imbótár má indesom. Tólóma ñanjólelós wákako.»

¹⁴ Mba nte abáf a ñgbóñkáló ñanánj wan ka wáka ñgbóñkáló má, kó ñalokéne: «Wálek kón ké ófo, wákawé. Padif kó nte tóñsónje ñgbóñkáló yede yóyone yosu má.»

¹⁵ Kó abác añe ñasumpár wan ka wáka ñgbóñkáló, kó ñawurene kó sanjka tadarán, kó ñandif.»

Kó Yesu eyif acáñkál ón, «Cáke có wáka ñgbóñkáló nwe endeyó ña-é?»

¹⁶ Kó Yesu óncár: «Wáka ñgbóñkáló páder pádifát abác akako fáp, pábanj só ñgbóñkáló yón pásón yebác ya yi abác aláma.» Nte afum ñane moloku mme má, kó ñaloku: «Ta tátóko tetam káyi!»

¹⁷ Kɔ Yesu ɛŋkafɔli kɛro k'ɔmɔmɛn ŋa, k'eyif: «Cɛke cɔ Yecicɛs Yosoku yaye yoloku ŋ-ɛ?»:

«Togbu mpe acɛmbɛr kɛlɔ ŋanace mɔ,
pɛnader pɔyɔnɛ ŋ togbu pɔtɔt, pa dacɔ.»

¹⁸ Nwe o nwe ɛntɛmpɛnɛ pi kɛronj mɔ, ɛntɛpɛ.

Mɛna nwe pɛntɛmpɛnɛ sɔ kɛronj mɔ, pomputuk ɛm.»

Atɛkse a sariye s'aSuyif ŋafɛŋ kɛcɛpɛ Yesu towul

Mat 22.15-22; Mark 12.13-17

¹⁹ Atɛkse a sariye kɔ aloŋnɛ apɔŋ ŋactɛn kɛtɔp Yesu waca tɛm tatɔkɔ, bawo ŋanacɛrɛ a tetanjan t'ɛnalokɛ totubcɛnɛ tatɔkɔ. Mba ŋacnɛsɛ afum akɔ ŋanayi di mɔ.

²⁰ Ntɛ ŋanafɛŋ kɛsumpɛr Yesu dɛmolokɔ mɔ, kɔ ŋasom atɛnɛs mɛs aŋɛ ŋanabaŋnɛ kɛyɔnɛ alompu, ntɛ tɔŋsɔŋɛ ŋatam kɛbɛr kɔ wɛbɛ dɛwaca, nwe ɛnatɔmpɛr kɛtam kɔ fɛnɔntɛr fa dɛbɛ da Rom mɔ.

²¹ Kɔ afum aŋɛ anasom mɔ, ŋancanj Yesu molokɔ: «Wɛtɛkse, sɛncɛrɛ a molokɔ mame mɛŋlokɔ mactɛkse mi afum mɔ mɛsɔk. Mɛfɔkiti fum kɛnɛŋk kɔn, mba dɔpɔ da Kanu yati dɔ mɛntɛkse afum dɛkance.

²² Awa, mɛlokɔ su ma, pɛmar sɛsɔŋ dut dosu Sesar wɛbɛ wɛka tɔf ya Rom ba, ka ta sɛsɔŋ kɔ di?»

²³ Mba kɔ Yesu ɛnɛpɛl towul tanjan, k'olukse ŋa:

²⁴ «Nɛmentɛr im pɛsam gbɔlɛŋ bin. Alulu ŋa ana ŋeyi pɛsam papɔkɔ-ɛ, kɔ tɛwɛ ta wɛkayi?» Kɔ ŋalokɔ, «Sesar wɛbɛ wɛka Rom.»

²⁵ Kɔ Yesu olokɔ ŋa: «Awa, nɛsɔŋ Sesar pɔkɔ pɔyɔnɛ pɔn mɔ, kɔ Kanu sɔ pɔkɔ pɔyɔnɛ pɔn mɔ.»

²⁶ Afum aŋɛ ŋanatam fɛ kɛsumpɛr kɔ dɛmolokɔ kɛnay nke dacɔ. Mba ntɛ molokɔ ma Yesu mɛnaciyanɛ ŋa mɔ, kɔ ŋancanjk.

Kɛyif ka kɛdɛyɛfɛ ka defi afi dacɔ

Mat 22.23-33; Mark 12.18-27

²⁷ Kɔ aSadisi aŋɛ ŋanalokɔ a fum ɔfɛyɛfɛ defi mɔ, ŋander ŋayif Yesu molokɔ mɛmɛ:

²⁸ «Wɛtɛkse, ntɛ tɔ Musa ɛnacice su: «Kɔ fum efi pɛnɛncɛ mba ta ɛsak wan-ɛ, wɛnc ka wɛfi, pɛlɛk wɛcɛbɔkɛra pɛsɔŋ wɛnc wɛfi yuruya.»

²⁹ Awɛnc camɛt-mɛrɛŋ ŋanayi. Kɔ wɛcɔkɔ-cɔkɔ ɛnɛncɛ, k'ɛfi, ɛsak fɛ wan.

³⁰ Kɔ wɛka mɛrɛŋ ɛnasɛr wɛran wɛka wɛnc,

³¹ kɔ tɛyɛfɛ dɛnda kɔ wɛka maas ɛnasɛr kɔ. Tatɔkɔ tɔ tɛnakɔ haŋ kɔ awɛnc aŋa aŋɛ camɛt-mɛrɛŋ fɛp ŋanɛncɛ wɛran nwe, mba nwe o nwe ɛsak fɛ wan.

³² Tɛlpɛs ŋj, kɔ wɛran sɔ efi.

³³ Ti disrɛ, kɔ dɔsɔk dɛyɛfɛ da afi dɛndɛbɛp-ɛ, an'ɛndɛlɛk wɛran wɛkawɛ-ɛ? Bawo afum akanjɛ camɛt-mɛrɛŋ ŋanɛncɛ kɔ!»

³⁴ Kɔ Yesu olokɔ ŋa: «Arkun kɔ aran a doru dande ŋanɛncɛnɛ.

³⁵ Mba aŋɛ andekiti panɛŋk dolompu danjan mɔ, pɛmar ŋafɔtɛ afi dacɔ ŋayi sɔ wɛyɛŋ doru ndɛ dɛndɛr mɔ, ŋafɔdɛ ŋacnɛncɛnɛ.

³⁶ ŋafɔtam sɔ kɛfi, bawo pɔyi ŋa pɛmɔ mɛlɛkɛ, ŋa ŋandɛyɔnɛ awut a Kanu, bawo Kanu kɛyɛkti ŋa dɛdɛfi.

³⁷ Musa olokɔ pɛsɔku pɛs a fi ŋandɛfɔtɛ ntɛ Kanu kɛnalokɔ kɔ ndɛ tɛrɛntɛm mpe pɛncmar mɔ. Dɛndo Musa ewe Mariki: «Kanu ka Abraham, Kanu ka Siyaka, Kanu ka Yakuba.»

³⁸ Kɔ Yesu ɔncɛr, «Bafɔ Kanu ka afi k'ɔyɔnɛ, mba ka ayi wɛyɛŋ, bawo nno Kanu kɛyi mɔ, fɛp fɛŋyi wɛyɛŋ.»

³⁹ Kɔ acicəs a sariye alɔma ɲalɛk moloku, kɔ ɲaloku: «Wətəkse, məloku belbel!»

⁴⁰ Kɔ ɲanesə sɔ kəyif kɔ moloku məlɔma.

Wəyɛk-yɛk wəka Kanu kɔ Dawuda

Mat 22.41-46; Mark 12.35-37

⁴¹ Kɔ Yesu oloku ɲa: «Cəke cɔ antam kəloku a Krist wan ka Dawuda gbəcərəm ɔfɔ-ɛ?»

⁴² Bawo Dawuda nkɔn yati oloku buk ba Yabura Dawuda disre:

«Mariki Kanu ɛnaloku Mariki mem:

Məder mənd'em nnɔ kɛca kem kətɔt,

⁴³ haɲ iclip kəboc aterɛnɛ am wɛcək wam dəntɔf.»

⁴⁴ Kɔ Dawuda ewe wəsom wəka Kanu «Mariki mɔn», cəke cɔ wəkakɔ entam kəyɔnɛ wan kɔn-ɛ?»

Yesu oloku a pakembərne məyɔ ma atəkse sariye

Mat 23.1-36; Mark 12.38-40

⁴⁵ Nte afum ɲayi kəcəɲkəl Yesu mɔ, k'oloku acɛpse ɔn darəɲ:

⁴⁶ «Nəkembərne atəkse sariye s'aSuyif: ɲambɔtər kəcacɛnɛ suma sɛpɔɲ, ɲambɔtər pacyif ɲa kəyif kələl mofɔ mmɛ ambəpsɛnɛ mɔ, ɲambɔtər pacsɔɲ ɲa sɛcɔm səkirin sa dəkətola Kanu da aSuyif, pacsɔɲ ɲa dəkəndɛ d'abɛ mofɔ medi yeri dəcəsata.

⁴⁷ ɲacbaɲsər acəbəkəra daka darɲan, ɲacɔbɔsɛ sali nte tɔɲsɔɲɛ pagbəkəre ɲa mɔ. Andəkɔkiti ɲa kiti kəyɛɲki!»

21

Kəpocɛ ka wəran wətɔyɔ daka nwɛ wos ɛnafi mɔ

Mark 12.41-44

¹ Kɔ Yesu eyekti fɔr, k'ɛnəɲk nte aka daka ɲancber kəpocɛ kəɲan kanjəra ka pəsam ka **kələ kəpɔɲ ka Kanu** mɔ.

² K'ɛnəɲk sɔ wəcəbəkəra wətɔyɔ daka pəcber fərəɲk mɛrəɲ.

³ K'oloku: «Kance icloku nu: Wəcəbəkəra wətɔyɔ daka wəkawɛ ompocɛ pətəs akɔ fəp.

⁴ Bawo afum fəp, pecernɛ paɲan pɔ ɲamber kəpocɛ kəɲan, mba nkɔn, kətɔyɔ kɔn daka disre omboc pəkɔ ɔyɔ gbəcərəm pedi mɔ.»

Yesu oloku a andɛləsər kələ kəpɔɲ ka Kanu

Mat 24.1-2; Mark 13.1-2

⁵ Afum alɔma ɲancloku teta **kələ kəpɔɲ ka Kanu**: «Kəntesɛ k'alompəsɛ ki masar mɛpat mɔtɔt kɔ ca yɔtɔt ya ki nyɛ aɲsɔɲ Kanu kəpocɛ mɔ.» Kɔ Yesu oloku:

⁶ «Dəsək dendeder, mame nəɲgbətne mɔ fəp andewuɲ mi. Tasar pɔfɔdedɛɲsɛ tasar pələma kəroɲ.»

Pələc kɔ kətərəs

Mat 24.14; Mark 13.3-13

⁷ Kɔ ɲayif kɔ: «Wətəkse, ake tɛm tɔ tatəkɔ tendeyi-ɛ? Tɛgbəkəre tere tendemɛnter a mes maməkɔ mɛmbəp-ɛ?»

⁸ Kɔ Yesu oloku ɲa: «Nəkembərne, ta nəsaknɛ patalər nu! Bawo afum alarəm ɲandeder ɲacbaɲɛnɛ kəbəcɛ tewɛ tɛm, ɲacloku nu: «ɪn'ɔfɔ, wəsom wəka Kanu, <Tɛm tɛmbəp!» Mba ta nədɛcəmɛ ɲa darəɲ!»

⁹ Kɔ nændene pacloku teta kəwan, k'afum a dɔtɔf ɲayɛŋkər abɛ aŋan bəkək-ɛ, ta nənɛsɛ. Pəmar maməkɔ monuŋkɛnɛ meder kərəsna, mba bafɔ ndekəl doru dandɛ dendelip.»

¹⁰ K'oloku ɲa sɔ: «Afum a tɔf ɲandeyɛfərənɛ kɔ afum alɔma, dəbɛ deyɛfərənɛ kɔ dəbɛ.

¹¹ Antɔf ɲendeyikcɛ pəpɔŋ mofɔ mɔlɔma, dor kɔ docu dendeyi. Mes mɛwɛy-wɛy mendeyi, kɔ **mɛgbɛkərɛ mɔpɔŋ mmɛ mendeyifɛ nde Kanu kəyi mɔ.**

¹² Mba maməkɔ mendebəp, pasumpər nu, patərəs nu, pasɔŋ nu kəkəkiti dəkətola Kanu da aSuyif a padebər nu dəbili. Andekəkərɛ nu nda abɛ a tɔf kɔ akiriŋ a sədare səpɔŋ alɔma kəkəkiti nu teta tewe tem.

¹³ Tatəkɔ tendemar nu kəlɔku ka təkɔ nəncərə tetem mɔ.

¹⁴ Ta nəcɛm-cɛmnɛ pɔlarəm tɛyacnɛ tonu.

¹⁵ Ina wəkawɛ yati in'endekəsɔŋ nu moloku kɔ kəcərə kəkətɛnɛ mes nkɛ ater anu nwe o nwe ɔntɔdetam kəgbekəl mɔ.

¹⁶ Akomɛnɛ, awɛnc aŋa, anapa, kɔ abɔt anu yati ɲandekɔbɛr nu aterɛnɛ anu dəwaca, andesɔŋɛ alarəm kəfi nu daco.

¹⁷ Fəp fəndeter nu teta tewe tem.

¹⁸ Mba ali kəfon konu ka dərɔmp kin kəfɔdesɔlɛ.

¹⁹ Kɔ nəmbɛrɛnɛ kəsumpər belbel-ɛ, nəndeyacnɛ nəyi doru.»

Yesu ɛndəŋk kədələsər ka Yerusalɛm

Mat 24.15-21; Mark 13.14-19

²⁰ «Kɔ nændənəŋk asɔdar ɲakɛl Yerusalɛm-ɛ, nəcərə tɛm tatəkɔ a kələsər ka di kəlɔtərɛnɛ.

²¹ Tɛm tatəkɔ akɔ ɲayi Yude mɔ, ɲayɛkɛ kəpɛrnɛ ka dəmərə. Akɔ ɲayi Yerusalɛm daco mɔ, ɲawur. Akɔ ɲayi dəkulum mɔ, ta ɲabɛrɛ sɔ dare de.

²² Bawo dəsək dadəkɔ d'andeboc kiti, nte tɔŋsɔŋɛ mes mmɛ anacɛ mɔ fəp meyi.

²³ Pucuy pere pɔ tendeyɔnɛ abɛkəs, kɔ aŋɛ ɲande ɲacmɛsər dəsək dadəkɔ mɔ! Bawo pəyɛŋki pəpɔŋ pendeyi dəsək dadəkɔ dɔtɔf, kɔ mɛtɛlɛ mɔpɔŋ ma Kanu nɔ afum akakɔ ɲayi mɔ.

²⁴ Sakma sɔ andedifətɛ ɲa, tɔf fəp yosumpər-sumpər ɲa yekekərə ɲa pəbɔlɛ. Tɛm tatəkɔ afum acuru ɲabaŋ Yerusalɛm, han tɛm nte asɔŋ ɲa mɔ teclip.»

Kəder ka Wan ka Wərkun

Mat 24.29-31; Mark 13.24-27

²⁵ «Mɔyɔ mɛgbɛkərənɛ mmɛ mɛyɛfɛ nde Kanu kəyi mɔ mendeyi dədəc, dəŋɔf kɔ dəcɔs. Dəntɔf, bəkək yendelɛcɛ-lɛcɛ afum teta pukulɛ-kulɛ pa dəkəba kɔ yam ya ki.

²⁶ Afum ɲandefinɛ kənɛsɛ ka kəcɛm-cɛmnɛ ka təkɔ tendeder dəntɔf mɔ, bawo fənɔntər fa kɔm fəndeyikcɛ.

²⁷ Tɛm tatəkɔ tɔ andənəŋk Wan ka Wərkun kəder kəp kəron, dəfənɔntər fɔlarəm, kɔ dənərə da debeki dən.

²⁸ Kɔ mɔyɔ maməkɔ mendecop kəder-ɛ, nəlomp, nəyɛkti səbomp, bawo kəsɔŋ konu kəway kəlɔtərɛnɛ.»

Kəke cɔ kətək kəkom kənataksɛ-ɛ?

Mat 24.32-35; Mark 13.28-31

²⁹ Kɔ Yesu oloku ɲa totubcɛnɛ tin: «Nənəŋk kətək kəkom* kɔ tək yɛləpəs nyɛ.

³⁰ Nənckɔnanəŋk yi yɛlɛŋk, nəcərə katin a kətən kəlɔtərɛnɛ.

* 21:29 CəTabo «figuier»

³¹ Nəna sə, kə nəndenəjk mes maməkə mecder-ε, nəcərə a dəbε da Kanu dələtərne.

³² Kance icloku nu: Dεtεmp dandε dəfəcəpər ta mes mame fəp meyi-ε.

³³ Kəm kə antəf yendesəle mba moloku mem məfədesəle.»

Ta nədirərne!

³⁴ «Nəkembərne belbel! Ta nəsak bəkəc yonu yetasərne cəsata kə kəcis, kə kəcem-cəmnε ka doru dandε, kə pəyi ti tatək-ε, dəsək dəpəj dadək dendebəpən'am,

³⁵ pəmō nte manta mεjgbəpərne lop mō. Bawo dəsək dadək dendebəpene afum a doru fəp.

³⁶ Ta nədirərne, **nəclok-lokər Kanu** tεm fəp, nte təjsojε nədə nəsoə fənəntər fəmulpene mes məkō mendeder mō fəp, nədekō nəcəme, nəmentərne Wan ka Wərkun, ta nəlapərne.»

³⁷ Dəsək dadək, Yesu pəctəkε afum dəndo **kələ kəpəj ka Kanu**, k'owur kəkəcəpərne pibi nde ajiwe «Təo ta Tək ya Olif» mō.

³⁸ Afum fəp, kə dec dəsək-ε, jəncəkə nde **kələ kəpəj ka Kanu** kəkəcəjkəl kə.

22

Abε kətəjne kəyō ka Yesu pələc

Mat 26.1-5; Mark 14.1-2; Isaj 11.45-53

¹ Kəsata ka Cəcom cətənəjkəl lebin nke ajiwe kəsata ka Kəcəpər ka Mələke medif mō kənalətərne.

² Alojiwe apəj kə atəkε sariyε s'aSuyif jayefε kəten nte jəjyo a jədif Yesu mō, mba jəcnεse afum.

Judas kəwosε kən kəmar abε a aSuyif a jəsumpər Yesu

Mat 26.17-25; Mark 14.10-11

³ Kə Sentani səmbere Yudas, nwe ancwe «Wəka dare da Keriyot» mō, nwe ancləm acəpse a Yesu wəco kə mεrəj daco mō.

⁴ Kə Yudas əjkə jənenene kə abε a alojiwe kə əsoəer ajiwe jəncbum **kələ kəpəj ka Kanu** mō, təkə pəmar pəber Yesu jə dəwaca mō.

⁵ Kə pəmbət jə, kə jəntəjiwe kəsəj kə pəsəm.

⁶ Kə Yudas owosε, k'eyefε əj kəten təyō nte əjyo a pəber Yesu jə dəwaca ta afum jəncərə ti mō.

Yesu kəsəj ka kəlompəs yeri ya kəsata ka Kəcəpər

Mat 26.17-25; Mark 14.12-21; Isaj 13.21-30

⁷ Kə dəsək da kəsata ka Cəcom cətənəjkəl lebin dəmbəp nde pəmar padif ajiwe jəjyo jə Kəcəpər ka Mələke medif mō.

⁸ Kə Yesu osom Piyer kə Isaj, pəcloku jə: «Nəkə nəlompse su yeri ya kəsata ka Kəcəpər ka Mələke Medif*, nte təjsojε səde sədi yi mō.»

⁹ Kə jəyif Yesu: «Deke məfəj a səlompəs yi-ε?»

¹⁰ Kə Yesu oloku jə: «Kə nəndena nəbərə dare disre-ε, nəjkəbərne kə wərkun wələma pəsarε apəmpε jə domun. Nəcəme kə darəj həj nde kələ kəjkə əjkəbərə mō.

¹¹ Nəloku wəka kələ kəjkə: «Wətəkε osom su a səder səyif'am: Deke dəkələ deyī nde indedi yeri ya kəsata ka Kəcəpər ka Mələke Medif kə acəpse em darəj-ε?»

* **22:8** Kəsata ka Kəcəpər ka Mələke Medif CəKresi = Pak

12 Endekomentər nu kəlb darenc, dəkəlb dəpəŋ palompəs di belbel. Dəndo kəfo kaŋkə kə nəŋkəlompəs yeri ya kəsata.

13 Kə asepse ɔn darəŋ ŋaŋkə ŋabəp ca fəp pəmə təkə Yesu ɛnaloku ŋa ti mə, kə ŋalompəs yeri ya kəsata kaŋkə.

Kəyer ka kəcom ka kəsata ka Kəcepər

Mat 26.26-30; Mark 14.22-26

14 Nte tɛm tɛmbəp mə, kə Yesu ɛnde demesa kədi yeri kə Asom ɔn.

15 Kə Yesu oloku: «Pəmbas im kədi yeri ya kəsata ka Kəcepər ka Mələkə Medif yayɛ kə nənə, a idetərə.»

16 Bawo iclok'un, ifəsədi yi, haŋ tɛm nte teta yi tendekələre nde akip ŋa dəbe da Kanu dəntəf mə.»

17 Kə Yesu ɛlek tɔmbəl, k'eyif Kanu barka, k'oloku: «Nələk tɔmbəl tante, nəyerene pedisre pa pi,

18 bawo icloku nu, ifəsəmun wɛn haŋ dəbe da Kanu dedər.»

19 Kə teyefe day, kə Yesu ɛlek kəcom, nte elip kəyif Kanu barka[†] mə, k'entepi ki, k'ɔsəŋəs ŋa pəcloku: «Dis dem dɔ dandɛ, ndɛ asəŋɛ tetonu mə. Nəde nəcyo ti nte təŋsəŋɛ nəccɛm-cɛmn'em mə.»

20 Nte ŋalip kədi yeri mə, k'ɛlek sɔ tɔmbəl ta wɛn, pəcloku: «Mecir mem mme meyi dətɔmbəl tante mə, m'andəloŋɛ tetonu, mi mendecəŋəs danapa dofu da Kanu kə nənə.

21 Ti disre, fum nwe endebər im aterene em dəwaca mə, ɛnde nnə amesa ŋaŋɛ kə ina.

22 Wan ka Wərkun endefi, pəmə təkə ancic ti mə, mba pələc pɛyi fum wəkako endebər kə aterene ɔn dəwaca mə.»

23 Kə asepse a Yesu darəŋ ŋayefe kəyiftene dənda, an'eyi su dacə nwe endebər kə aterene ɔn dəwaca mə?

An'ecəpər nu fəp dəkəkəme-ɛ?

24 Kə kəgbəkələne kəpəŋ kəyefe asepse a Yesu darəŋ dacə, teta kəkəre ka nwe ɛmbək dəkəkəme pəcepər ŋa dacə fəp mə.

25 Kə Yesu oloku ŋa: «Abɛ a tɔf ŋantasərne afum aŋan, aŋɛ ŋaŋkətene kətam nnə ŋayi mə. Abɛ akako ŋacwene «Ayo mes mətət».

26 Bafɔ tin tayi tɔ kə nənə! Mba mənɛ nwe encəpər nu fəp mə, pəyi pəmə nwe ɛfɛtɛ nu dacə fəp mə. Nwe ɔyɔne wəbɛ mə, pəyi pəmə wəmarəs.

27 Bawo, nwe encəpər nu mə ɔyɔne, nwe ɛnde demesa mə ba, ka nwe ɛŋkɛre kə yeri dənda mə? Bafɔ nwe ɛnde demesa mə ɔfɔ? Kə ina, iyi nu dacə, pəmə nwe ɛŋkɛre nu yeri demesa mə.»

28 «Nən'enasiməs kə ina tɛm nte inayi pəcuca disre mə.

29 It'ɔsəŋɛ nte isəŋ nu dəbe pəmə nte papa kem ɛnasəŋ im di mə:

30 Nte təŋsəŋɛ nadi yeri, nəmun amesa ŋem kəroŋ nde akip ŋa dəbe dem dəntəf mə. Nənde səcəm sa dəbe kəroŋ, nəckiti cəsujka wəco kə mɛrəŋ ca Yisrayel.

Nwe ɛndəŋk a Piyer endebəŋɛnɛ kətəkəre kə

Mat 26.31-35; Mark 14.27-31; Isəŋ 13.36-38

31 Kə Yesu oloku Siməŋ Piyer: «Siməŋ, Siməŋ! Məkəmbərne! Sentani səntola kədəs-dəs'un dəsifite pəmə kəcom.

32 Mba intolan'am, nte təŋsəŋɛ ta abəkək ɛkəfəl'am[‡] mə. Kə məndeder'im-ɛ, məyerəkəs bəkək ya awɛnc'am aŋa.»

[†] 22:19 *Kəyif Kanu barka* = «kəkor-koru Kanu» kə pəyɔne fɛ ti-ɛ, «kəyif Kanu nəwali teta kəcom»

[‡] 22:32 *Ta abəkək ɛkəfəl'am*, kə pəyɔne fɛ ti-ɛ, «ta kələŋ kam kəsələ»

33 Kɔ Piyer oloku kɔ: «Mariki, iwose kəkɔ dɛbili, kɔ pəyɔnɛ fɛ ti-ɛ, ifi kɔ mənə.»

34 Mba kɔ Yesu oloku kɔ: «Piyer, iclok'am, mändegbəkəl məkɔ kəcər'em kəmaas a kicipi kəccam.»

Pəsam pa delek, aləba, kɔ dakma

35 Kɔ Yesu eyif ŋa: «Ntɛ incsom nu ta iŋsɔŋ nu pəsam, ta iŋsɔŋ nu aləba ŋɛbɛrɛ yamos, ta iŋsɔŋ nu cɔfta cəbɛrɛnɛ mɔ, paka penayi yi daco mpe nənato-sɔtɔ mɔ ba?» Kɔ acɛpse ɔn darəŋ ŋaloku: «Ala! Ali pin pənayi fɛ.»

36 Kɔ Yesu oloku ŋa: «Ndekəl mes mɛsəkpe! Mənə nwe mənɔyɔ pəsam mɔ, mələkɛnɛ pi. Mənə nwe mənɔyɔ aləba ŋɛbɛrɛ yamos mɔ, mələkɛnɛ ŋi, kɔ mənə nwe məntɔyɔ dakma mɔ, məcamaɛ yamos yam, məway din!

37 Bawo, iclok'un: Mɛnɛ təkɔ ancic mɔ tɛlarɛ nnɔ iyi mɔ: «Analəm kɔ calbante daco.» Ntɛ tɔyɔnɛ temi mɔ, tɔmbɔlɛ fɛ sɔ kəlip.»

38 Kɔ acɛpse ɔn darəŋ ŋaloku kɔ: «Wəbɛ məbanŋ sakma nse mɛrəŋ.» Kɔ Yesu oloku ŋa: «Pəntəŋnɛ tantɛ.»

Yesu kəlɔk-ɔkər Kanu nde tɔrɔ ta Olif

Mat 26.36-46; Mark 14.32-42

39 Pəmɔ təkɔ ɔncyɔ ti mɔ, Yesu endewur k'ɔŋkɔ nde tɔrɔ ta Tək ya Olif. K'acɛpse ɔn ŋancəmɛ kɔ darəŋ.

40 Ntɛ ŋambəp kəfo kəŋkɔ mɔ, k'oloku ŋa: «Nətola Kanu ta nəsaknɛ nəbɛrɛ kəwakəs disrɛ.»

41 K'ɔmbɔlɛnɛ ŋa pəmɔ kələm ka tasar katin, k'ɛncəp suwu, k'ontola Kanu,

42 pəcloku: «Papa kɔ məwosɛ-ɛ, məbɔlɛn'em tɔmbəl pa kətɔrəs pampɛ. Ti disrɛ, ta tɛfan tem teyi, mba tam teyi.»

43 Kɔ mələkɛ mələma mowurər kɔ kəyɛfɛ darenɛ, kədəyɛŋkəs kɔ abəkɛc.

44 K'abəkɛc ŋɛlɛɛ-lɛɛ kɔ, k'ɛyɛfɛ kəlɔk-ɔkər Kanu, k'abəkɛc ŋɛmpɛ kɔ, kɔ kawonɛ kən kəyi pəmɔ nte mocol mɔ mecir mendetɛmpɛnɛ dəntɔf mɔ.

45 Kɔ Yesu ɛsak sɔ kətola Kanu kəŋkɔ ɛnayi mɔ, k'ɔŋkɔ pəbəp acɛpse ɔn darəŋ ŋadirɛnɛ bəkɛc yɛrɛnc.

46 Kɔ Yesu eyif ŋa: «Ta ake tɔ nəndirɛnɛ-ɛ? Nəyɛfɛ, **nətola Kanu** ta nəsaknɛ nəbɛrɛ kəwakəs disrɛ!»

Kəsumpər ka Yesu

Mat 26.47-56; Mark 14.43-50; Isaj 18.3-11

47 Yesu pəsɔrɔlok-oloku, kɔ kənay k'afum kənder, fum wəkɔ ancwɛ Yudas, nwe ɛnayi acɛpse a Yesu darəŋ aŋɛ wəcɔ kɔ mɛrəŋ daco mɔ, pəyi ŋa kirinŋ. K'ɔlɔtərnɛ Yesu kəkɔcup kɔ.

48 Kɔ Yesu oloku kɔ: «Yudas, kəcup kɔ məndelɛkɛ Wan ka Wərkun məbɛr kɔ ater ɔn dəwaca!»

49 Ntɛ asol a Yesu ŋanəŋk tətəkɔ tənəkɔcɛpər mɔ, kɔ ŋayif Yesu: «Wəbɛ, səntam kəsutnɛnɛ sakma sosu ba?»

50 Kɔ fum wəkin acɛpse a Yesu darəŋ daco, ɛncɛp wəcar ka wəlɔŋnɛ wəpɔŋ aləŋəs ŋa kəca kətɔt, k'ɛŋgbinti ŋi.

51 Kɔ Yesu ɛyac ŋa pəcloku: «Nəcə tətəkɔ!» K'ɔŋgbuŋɛnɛ aləŋəs ŋa fum wəkakɔ, k'ɛntamnɛ.

52 Kɔ Yesu ɛŋkafəlɛ k'ɛntɛfərnɛ alɔŋnɛ apɔŋ, abɛ a abum a kəɓ kəpɔŋ ka Kanu kɔ abeki a dɔtɔf aŋɛ ŋanader kəsumpər kɔ mɔ: «Nənder nətɔmpər sakma kɔ tək yosutnɛnɛ, pəmɔ nte nənder kəsumpər kalbante mɔ.

53 Dəsək o dəsək sən'encyi nde **kəɓ kəpɔŋ ka Kanu** kɔ nənə, ali fum ɛnasumpər f'em. Ndekəl ɔŋ, tɛm tonu tɛbəp, kɔ kətam ka kubump.»

Piyer embanne kato-caré Yesu

Mat 26.57-58,69-75; Mark 14.53-54,66-72; Isay 18.12-18,25-27

⁵⁴ Nte ñalip kəsumpər Yesu mə, kə ñankekərə kə nde kələ ka wəloñne wəpəñ. Mba Piyer pəcməmən ti pəbələ.

⁵⁵ K'amot nenc aban̄ka daco k'andē di kəsək. Kə Piyer endē ña daco.

⁵⁶ Nte wəcar wəyecəra wələma enəñk kə pəndē ña daco nenc kirin mə, k'oloku: «Ña ñayina kə fum wəkawē.»

⁵⁷ Kə Piyer en̄gbekəl wəran nwe, pəcloku: «Wəran, incərə fē fum wəkawē!»

⁵⁸ Pəwən fē kə wələma enəñk kə, k'oloku: «Məna sə akın ayi ñə nəyənē.» Kə Piyer oloku wərkun nwe: «Ala! Bafə akın ayi ñə səyənē.»

⁵⁹ Kə dec din dencepər, kə fum wələma en̄gbəc kəloku: «Fum wəkawē oñwureñ kənayi kə Yesu, bawo wəKalile əfə.»

⁶⁰ Kə Piyer oloku: «Məna, ina incərə fē tantē mən̄kerē kəloku mə.» Ñayi kəloku kə kicipi kəncam.

⁶¹ Kə Mariki en̄kafələ k'en̄gbətnē Piyer. Kə Piyer encəm-cəmne toloku təkə Mariki Yesu enaloku kə mə: «Məndegbekəl kətəcar'em kəmaas a kicipi kəcəcam.»

⁶² Kə Piyer owur nde daban̄ka, k'əñkə pəbok belbel.

Kələmās kə kəsut ka Yesu

Mat 26.67-68; Mark 14.65

⁶³ Arkun an̄e ñancbum Yesu mə ñafani kə, ñacsut kə.

⁶⁴ Ñackump kə kəro, a ñacyifət kə nte: «Awa Sayibē, məloku su an'osut əm-ε?»

⁶⁵ Kə ñales-les kə moloku mələməs məlarəm.

Yesu nde aboc kiti apəñ fər kirin

Mat 26.59-66; Mark 14.55-64; Isay 18.19-24

⁶⁶ Nte dec dəsək mə, kə abeki a dətəf, aloñne apəñ, k'atəksē sariyē s'aSuyif ñambəpəsənē. Kə ñankekərə Yesu nde aboc kiti aSuyif ñayi mə.

⁶⁷ Kə ñayif kə: «Kə pəyənē a mən'əyənē Krist-ε, məloku su ti.» Kə Yesu oloku ña: «K'iloku nu ti-ε, nəfəlan̄ ti,

⁶⁸ k'iyif nu sə moloku-ε, nəfəluks'em mi.

⁶⁹ Kəyefē ndəkəl, Wan ka Wərkun pəndē Kanu nke kəntam mes fəp mə kəsək.»

⁷⁰ Kə afum fəp ñamban̄nē: «Mən'əyənē oñ Wan ka Kanu ba?» K'oloku ña: «Nən'oloku ti: Nkən iyənē.»

⁷¹ Kə ñayiftənē: «Sede sərə sə pəmar payif-ε? Səna yati, sən'enenē kə ti dəkus.»

23

Yesu fər ya Pilat kirin

Mat 27.1-2,11-14; Mark 15.1-5; Isay 18.28-38

¹ Kə ñayefē fəp fan̄an, kə ñasolē Yesu kəkəkərə kə nde fər ya Pilat kirin.

² Kə ñayefē kəyemsənē kə, ñacloku: «Wəkawē sən̄kə səbəp pəcgbin̄ər afum kəyən̄kər su səbomp, ñafati kəsəñ wəbē ka doru fəp dut, pəcwənē sə «Wəyək-yek wəka Kanu, wəbē wəka atəf.»

³ Kə Pilat eyif kə: «Mən'əyənē wəbē ka aSuyif ba?» Kə Yesu olukxē kə: «Mən'oloku ti.»

⁴ Kə Pilat oloku wəloñne wəpəñ wəka kələ kəpəñ ka Kanu kə kənay ka afum: «Inəñk fē tələm o tələm nte pəmar pasumpərə wərkun wəkawē mə.»

⁵ Mba kɔ ɲaŋgbɛc gbɛs, kɔlɔku: «Afum ɲɔ ɛŋgbijɛr, pɛctɔksɛ afum atɔf ɲa Yude disrɛ fɛp kɔyɛfɛ atɔf ɲa Kalile ndɛ ɛnacɔp mɔ, haŋ nno.»

Yesu fɔr ya Herodu kirin

⁶ Ntɛ Pilat ɛnɛ tɛta Kalile mɔ, k'eyif kɔ: «Wɔka Kalile mɔyɔnɛ ba?»

⁷ Ntɛ Pilat ɛnɛ a wɔka Kalile ɔfɔ mɔ, k'olɔku a fum wɔkawɛ, Herodu pɛmar pɛkiti kɔ. K'olɔku a pakɛnɛ kɔ Herodu nwɛ ɛnayi mata mamɔkɔ Yerusalem mɔ.

⁸ Ntɛ Herodu ɛnɛŋk Yesu mɔ, kɔ pɛmbɔt kɔ, bawo ɛnctɛn kɛnɛŋk kɔ kɔyɛfɛ ntɛ pɛnawon mɔ, tɛta mɛs mɔkɔ ɛncnɛ paclɔku tɔn mɔ, pɔyɔ amɛra kɛnɛŋk kɔ, pɔyɔ tɔyɔ **tɛgbɛkɛr ntɛ tɛyɛfɛ ndɛ Kanu kɔyi mɔ** fɔr yɔn kirin.

⁹ Kɔ Herodu eyifɔt Yesu mɛs mɛlarɛm, mba Yesu ɛnalukɛ fɛ kɔ ntɛ o ntɛ.

¹⁰ Alɔŋnɛ apɔŋ kɔ atɔksɛ sariyɛ s'aSuyif ɲanayi di, ɲacnaŋkanɛ kɔyɛmsɛnɛ kɔ.

¹¹ Herodu kɔ abum ɔn ɲafani kɔ, kɔ ɲayɔ kɔ pɔlɛc pɔlɛc, kɔ ɲambɛr kɔ duma d'abɛ, kɔ ɲasɔŋ kɔ a pakɛnɛ Pilat.

¹² Dɔsɔk dadɔkɔ yati dɔ Pilat kɔ Herodu ɲanabɔt ɔŋ, ɲanaterɛnɛ cɔkɔ-cɔkɔ.

Antɔŋnɛ kɔdif Yesu

Mat 27.15-26; Mark 15.6-15; Isaj 18.39-19.16

¹³ Kɔ Pilat ewɛ alɔŋnɛ apɔŋ, abɛ a dɔtɔf, kɔ afum.

¹⁴ K'olɔku ɲa: «Nɛŋkɛr'em fum nwɛ a nkɔn ɛŋgbijɛr afum kɔyɛŋk sɔbomp. Mba fɔr yonu kirin iyifɔt kɔ, ali tɛs tin inɛŋk fɛ ntɛ ɔyɔ mɛs mame nɛmbɔncɛ kɔ mɔ, ntɛ pɛmar padifɛ kɔ mɔ.

¹⁵ Herodu sɔ ɛnɛŋk fɛ ali tin, bawo olukɛ su kɔ. Awa! Fum wɔkawɛ ɔyɔ fɛ ntɛ o ntɛ pɛmar padifɛ kɔ mɔ.

¹⁶ Kɔsak kɔ k'inder k'andelip kɛsut kɔ-ɛ.»

¹⁷ Kɔsata ka Kɛcɛpɛr ka Mɛlɛkɛ Medif nkɛ o nkɛ, Pilat ɛncsake afum yɛŋɔn wɔyi dɛbili wɛkin.

¹⁸ Kɔ kɛnay kɛmbaŋɛnɛ fɛp kɔkulɛ-kulɛ: «Mɔdif wɔkawɛ! Mɔsakɛ su Barabas yɛŋɔn!»

¹⁹ Anabɛr Barabas dɛbili tɛta kɔdif fum, ntɛ ɲanayɛfɛ kɔyɛŋkɛr abɛ a dɔtɔf sɔbomp mɔ.

²⁰ Kɔ Pilat nwɛ ɛnafɔŋ kɔsak Yesu mɔ, ɔŋgbɔkɛrɛ sɔ kɔyif ti kɛnay ka afum.

²¹ Mba ɲanckulɛ-kulɛ: «**Mɔcaŋ kɔ dɔtɔk yɛpɔmpɔl!** Mɔcaŋ kɔ!»

²² Kɔ Pilat eyif ɲa sɔ tamaas: «Pɔlɛc pɛrɛ p'ɔyɔ-ɛ? Inɛŋk fɛ ntɛ o ntɛ pɛmar padifɛ kɔ mɔ. Kɔsak kɔ k'inder k'alip kɛsut kɔ-ɛ.»

²³ Kɔ ɲampɛnɛ sim kɔbupɛrɛ a pacɔŋ kɔ dɔtɔk yɛpɔmpɔl. Kɔ sim sɔŋan sɔŋkalɛrnɛ.

²⁴ Kɔ Pilat owosɛ kɔyɔ tɔkɔ ɲanafɔŋ mɔ.

²⁵ Kɔ Pilat ɛsak yɛŋɔn Barabas wɔkɔ ɲanawɛr kɔ mɔ. Barabas nwɛ anabɛr dɛbili tɛta kɔdifɛtɛnɛ, kɔ kɔdif ka fum mɔ. Kɔ Pilat ɛlɛk Yesu, k'ɛmbɛr ɲa dɛwaka ɲayɔ kɔ tɔkɔ ɲanafɔŋ mɔ.

Kɔcaŋ ka Yesu

Mat 27.32-44; Mark 15.21-32; Isaj 19.17-27

²⁶ Ntɛ ɲayi kɔkɛkɛrɛ Yesu mɔ, kɔ ɲambɔpɛnɛ kɔ wɛrkun wɛlɔma pacwɛ kɔ Simɔŋ, wɔka dare da Sirɛn ɛnayi pɔyɛfɛ dalɛ, kɔ ɲaŋgbɔŋsɛr kɔ tɔk yɛpɔmpɔl nyɛ anakɔ kɔcaŋ Yesu mɔ a pɛcɛmɛ kɔ darɔŋ pɔkɛkɛrɛ yi.

²⁷ Kɔ kɛnay ka afum alarɛm kɔ aran ɲancɛmɛ kɔ darɔŋ ɲacsut-sutnɛ bɛkɛc ɲacyɔnɛ kɔ nɔnɔfɔr.

²⁸ Kò Yesu enkafàlè nnò ñayi m̀, k'oloku: «Aran a Yerusalem, ta nàbòkè tetem! Mba nàbòkè te tonu kò ta awut anu!

²⁹ Bawo dásòk dendeder ndè andeloku: «Pàmbòt aran anè ñantòbèkàs m̀, pàmbòt cor nce cèntòkom m̀, kò m̀esè mmè m̀antòm̀esər m̀!»

³⁰ Afum ñandeloku m̀arò dásòk dadàkò: «M̀atemp̀ene su k̀aròñ!» kò mofò m̀eneci, «M̀agb̀ap̀arne su!»

³¹ Bawo k'ayò ti k̀atòk k̀acaǹk-ε, c̀ake c̀ò andeyò k̀awosu-ε?

³² Kò ñasolene sò k̀akek̀are calbante m̀erəñ anè anakòdifene kò Yesu m̀.

³³ Nte ñambere k̀afò k̀alòma nke aṅwe «K̀ambemb̀ale» m̀, kò ñancan kò d̀atòk yep̀amp̀al d̀ando, k̀alekene calbante akakò m̀erəñ, ẁekin p̀ayi kò k̀aca k̀atòt, ẁakò p̀ayi kò k̀aca k̀ameriya.

³⁴ Kò Yesu oloku: «Papa m̀əñaǹene ña, bawo ñancəre fè nte ñayi k̀ayò m̀.» Kò asòdar akanè ñayerene yamos ỳon ñakote ti yampuǹpuǹ.

³⁵ Afum ñacəme, ñacm̀am̀an. Abè ñacfani Yesu, ñacloku: «Bawo eyac akò, p̀ayacne oñ ma nk̀onsərka, kò p̀ayone a Krist oyone, Ẁesom nwe Kanu k̀ayek-ye k̀ m̀-ε!»

³⁶ Kò asòdar sò ñancəñne k̀akofani Yesu, kò ñasəñ kò m̀ancəncò.

³⁷ Ñacloku: «Kò p̀ayone a m̀an'oyone ẁəbe ka aSuyif-ε, m̀ayacne oñ ma, m̀anasərka!»

³⁸ Anacic kò domp takəron: «Ẁakawe oyone ẁəbe ka aSuyif.»

³⁹ Kalbante kin akakò anacan m̀, p̀əclòm̀as Yesu, p̀əcloku: «Bafò m̀an'oyone Krist Ẁəyek-ye k̀ ẁaka Kanu ba? M̀ayacne oñ ma, kò s̀ana!»

⁴⁰ Mba kò kalbante kamerəñ k̀əñkò anacan m̀, k̀əñgbəñ-g̀bəñər kò, k̀əcloku: «Cəpò m̀af̀onese Kanu ba, m̀ana nwe andeyò p̀am̀ s̀ana m̀?»

⁴¹ «Ta s̀ana, kance kò, tante t̀ò p̀amar p̀asəñ su k̀əway ka m̀eləsər mosu. Mba ẁakawe oyofè t̀òlòm̀ o t̀òlòm̀ t̀eləc.»

⁴² K'oloku: «Yesu m̀əde m̀acem-cəmn'em kò m̀andekòberè akip ña d̀ebe dam d̀əntəf-ε.»

⁴³ Kò Yesu oloku kò: «Kance kò, iclok'am: M̀òkò, s̀ən'òkoyi Ariyana kò m̀ana.»

Defi da Yesu

Mat 27.45-56; Mark 15.33-41; Isan 19.28-30

⁴⁴ Dan d̀enabəp, dec dosurəne afum d̀əsəbomp, kò kubump k̀əntor d̀əntəf fəp, t̀enabòle k̀ətenc han salifana.

⁴⁵ Dec d̀ənakale, p̀anabiye. Kò k̀eloto k̀ələl nke k̀əñkəñk̀ t̀òksò ta k̀ələ k̀əpəñ ka Kanu m̀, k̀əñgbere daco.

⁴⁶ Kò Yesu oñkulərne dim d̀əpəñ: «Papa, ilek amera ñem, k'imbər əm d̀əwaca!» Nte elip k̀əloku moloku mamòkò m̀, k'efi.

⁴⁷ Nte ẁəbe k'asòdar ẁəRom enəñk mes mamòkò m̀enacəpər m̀, k'òñkor-koru Kanu p̀əcloku: «Kance kò, fum ẁakawe ẁəlompu yati enayi!»

⁴⁸ Nte kənay ka afum anè ñanader k̀ədetəñne mes mamòkò m̀, ñanəñk nte t̀enacəpər m̀, kò ñalukus ñacsut-sutne bəkəc nònəfər.

⁴⁹ Anè ñanacəre Yesu m̀ fəp, kò aran akò ñanacəmbər kò k̀ayefe Kalile m̀, ñanacəme p̀əbòle, ñacm̀am̀an t̀òkò mes m̀encepər m̀.

Kəber ka Yesu d̀əkufu

Mat 27.57-61; Mark 15.42-47; Isan 19.38-42

⁵⁰ Ẁər̀kun ẁəlòma pacwe kò Isifu. Enayone aboc kiti aSuyif daco, fum wətət, p̀əlomp.

⁵¹ Nkən enawose fè k̀ətəñne k̀esek ka moloku mamòkò, kò m̀oyò ma akò. Ẁəka dare da Arimate enayone, atòf ña Yude, p̀əckar d̀ebe da Kanu.

⁵² K'ɔŋkɔ nde Pilat eyi mɔ, k'ontola kɔ kɔbel ka Yesu.

⁵³ K'ontore kɔ dɔtɔk yɛpɔmpɔl* nde anacan kɔ mɔ, k'ɛnɛpsɛr kɔ kasanke ka kɔloto kɔtelɛr, k'ɔŋkɔ pɛbɔc kɔ nde dɔkufu nkɛ anayɔk dɔtasar mɔ. Kufu kɔnayi nkɛ anatɔwup fum o fum ki disrɛ kɛrɛsna mɔ.

⁵⁴ Yuma yɛnayi, dɔsɔk da kɔlɔmpɔsnɛnɛ simiti, dɔsɔk da kɔŋɛsɛm nde ampuse Mariki mɔ dɛcfan kɛcop.

⁵⁵ Aran aɲɛ ŋanasol kɔ Yesu kɔyɛfɛ Kalile mɔ, ŋander kɔ Isifu, kɔ ŋamɔmɔn kufu disrɛ, kɔ ŋanɔŋk tɔkɔ anabɔc Yesu mɔ.

⁵⁶ Ntɛ ŋalip kɔmɔmɔn kɔ mɔ, kɔ ŋalukus dare, kɔkɔlɔmpɔs moro kɔ labunde da dɛris. Dɔsɔk da kɔŋɛsɛm nde ampuse Mariki mɔ kɔ ŋanɛsɛm pɔmɔ tɔkɔ Kanu kɔsom ti mɔ.

24

Yesu kɔyɛfɛ kɔn afi daco

Mat 28.1-10; Mark 16.1-8; Isaŋ 20.1-10

¹ Tataka ta sandɛŋ bɛtbɛt suy, kɔ aran aɲɛ ŋanɔk sɔ dɔndo dɔkufu, ŋakekɛrɛ moro mobotu ambɔnc mme ŋanalɔmpɔs mɔ.

² Kɔ ŋanɔk ŋabɔp pabɛŋkɛli tasar tɔkɔ anasunce kufu mɔ,

³ kɔ ŋambɛrɛ, mba ŋanabɔp fɛ kɔbel ka Mariki Yesu.

⁴ Ntɛ tes tɔtɔkɔ tenciyanɛ ŋa mɔ, kɔ arkun mɛrɛŋ ŋawurɛr ŋa, ŋabɛrɛnɛ yamos yomɔtɔr-mɔtɔr.

⁵ Kɛnɛsɛ kɔŋan disrɛ, kɔ aran ŋancɔp cɛro fɔp fanan dɛntɔf. Mba kɔ afum aɲɛ mɛrɛŋ ŋayif ŋa: «Ta ake tɔ nɔntɛnɛ wɔtɔfi afi daco-ɛ?»

⁶ Eyi fɛ nnɔ! Ɔfɔtɛ afi daco! Nɛcɛm-cɛmnɛ tɔkɔ ɛnaloku nu ntɛ ɛnayi atɔf ŋa Kalile mɔ.

⁷ Ntɛ oncloku: «Mɛnɛ palɛk Wan ka Wɔrkun pabɛr kɔ aciya dɔwaca, **ŋacan kɔ dɔtɔk yɛpɔmpɔl**, pɔyɛfɛ defi tataka tɔn ta maas.»

⁸ Kɔ ŋancɛm-cɛmnɛ toloku ta Yesu tɔtɔkɔ.

⁹ Kɔ ŋayɛfɛ dɔndo dɔkufu kɔkɔlɔku ti asom a Yesu aɲɛ wɔcɔ kɔ pin, kɔbɔp ka afum alpɛs akɔ.

¹⁰ Mari wɔka Makdala, Yohanna, Mari wɔka Sak kɔ aran alɔma, aɲɛ ŋananɔŋk sɔ mes mamɔkɔ mɔ, ŋaloku sɔ tin tayi asom a Yesu.

¹¹ Mba moloku mamɔkɔ mɛnayi ŋa pɔmɔ ntɛ atɔŋkulu ŋandelok-lokɛr ŋa mɔ, ŋanalanɛ fɛ moloku ma aran akakɔ.

¹² Kɔ Piyɛr ɛyɛfɛ, k'ɛyɛksɛ kɔkɔ nde dɔkufu. Ntɛ ontulnɛ kɔmɔmɔn mɔ, ɛnɔŋk fɛ daka o daka mɛnɛ mopol ma kɔloto mɔkɔ mɛnafɔntɛrɛ dɛntɔf mɔ. K'ɛyɛfɛ k'ɔŋkɔ ndɔrɔn, pɛciyanɛ kɔ tɔkɔ ɛnɔŋk mɔ.

Nde dɔpɔ da Emayus

Mark 16.12-13

¹³ Dɔsɔk din dadɔkɔ, acɛpɛsɛ a Yesu darɛŋ mɛrɛŋ ŋackɔ dare dɔlɔma nde ancwɛ Emayus mɔ, dare dɛnayi, ndɛ dɛnabɔlɛnɛ Yerusalem kɔkɔt ka dɛc mɛrɛŋ mɔ.

¹⁴ Afum akanɛ mɛrɛŋ ŋaclokɛnɛ mes mɔkɔ mɛncɛpɛr mɔ fɔp.

¹⁵ Ŋayi kɔlokɛnɛ mes mamɔkɔ, ŋacgbɛkɛlɛnɛ, kɔ Yesu ɔlɔtɛrɛnɛ ŋa, kɔ ŋasol.

¹⁶ Mba paka pɔlɔma pɛncyamɔs ŋa kɛnɛpɔl kɔ.

¹⁷ Kɔ Yesu eyif ŋa: «Ake moloku mɔ nɔyi tantɛ nɔŋkɔ mɔ?» Kɔ ŋancɛmɛ, kɔ dis dɛndɛncɛ ŋa.

* 23:53 *Dɔtɔk yɛpɔmpɔl* it'ɔyɔnɛ «kɔtɔk ka kɔpandɛn.»

18 Kò wəkin wəkò ancwe Kəleyopas mə, oloku kò: «Məna sona gbəŋ, məna eyi məkò Yerusalem nwe ɔntɔcəre nte tencepər mata mamε mə?»

19 K'eyif ŋa sɔ: «Ake?» Kò akakò ŋaloku kò: «Nte tencepər teta Yesu wəka Nasaret, nwe enayɔne wədəŋk wəka Kanu wəpəŋ mə. enamentər ti dəmɔyɔ kò dəmɔloku, fɔr ya Kanu kirin, kò nnɔ afum ŋayi mə.

20 Alonɛ apəŋ asu, kò abe asu aka dɔtɔf ŋalek kò, kò ŋamber kò afum dəwaca,

k'ancan̄ kò dətək yepəmpəl.*

21 Səncem-cemne fɔ nkɔn enader kəwurəs pəban̄ Yisrayel, mba mamε oŋ fəp, tataka ta maas tɔ tantε, nte mes mamε mencepər mə.

22 Kance kò: A aran alɔma ŋayi su daco, aŋe ŋasɔŋe kò pəciyanε su mə. ŋanun̄kenena kəkò nde dəkufu,

23 nte ŋantɔnanəŋk kəbəl ka Yesu mə, kò ŋander ŋaloku su a meleke mowurərna ŋa, kò moloku a eyi doru.

24 Kò afum alɔma ŋayina su daco, kò ŋaŋkò dəndo dəkufu, kò akakò ŋaŋkò ŋabəp mes pəmɔ təkò aran ŋalokuna su mə, mba nkɔn, ŋa ŋanəŋkna fe kò.»

25 Kò Yesu oloku ŋa: «Nəna afum atəsək səbomp, bəkəc yonu yonwɔn kəlan̄ moloku mmε adəŋk a Kanu ŋanaloku mə!

26 Pənamar dis dəlɔl Krist Wəyək-yək wəka Kanu tantε a pədeberε debeki dɔn dɔn disre?»

27 Kəyefe ka buk ba Musa kəbəp ka yecicəs yecempi ya adəŋk a Kanu alpəs aŋe fəp, kò Yesu alɔmar ŋa təkò Yecicəs Yosoku fəp yoloku tetɔn mə.

28 Nte ŋalətərne tadare təkò ŋanckò mə, kò Yesu ɔyɔ pəmɔ nte eŋfəŋ kəcepər pəkò pəbɔle mə.

29 Mba kò ŋaməne kò kəcepər, ŋaloku: «Məyi nnɔ kò səna, dec defan̄ kəkale, kəbiye kò pənde. Kò Yesu embere kəkoyi di kò ŋa.»

30 ŋande demesa kəkodi yeri, kò Yesu elek kəcom, k'eyif Kanu barka, k'entepi ki k'ɔsəŋ ŋa.

31 Kò fəŋ yan̄an yemere, kò ŋanepəl kò, mba k'ɔsɔle sɔ fəŋ yan̄an kirin.

32 Kò afum aŋe ŋayefe kəlɔkene: «Pəyina fe pəmɔ nte nɛnc denyi su dəcor, nte endenasəkəse su moloku mecic nde dəpɔ mə?»

33 Kò ŋayefe gbəncana babəkò kò ŋalukus Yerusalem, kò ŋaŋkò ŋabəp acəpse darəŋ a Yesu aŋe wəco kò pin ŋaclɔŋkanε kò asol aŋan,

34 ŋaloku: «Kance kò: Wəbe ɔfɔte afi daco, k'əŋkò pəwurər Siməŋ!»

35 Kò afum aŋe merəŋ ŋalɔm sɔ təkò tenacepər dəpɔ mə, kò təkò ŋananepəl kò kətepi kɔn kəcom pəsəŋ ŋa mə.

Yesu kəmentərne kən acəpse ɔn darəŋ

Mat 28.16-20; Mark 16.14-18; Isəŋ 20.19-23; Asom 1.6-8

36 ŋayi kəlɔku moloku maməkò, kò Yesu nkɔnsərka owurər ŋa, k'oloku: «Pəforu peyi nu!»

37 Kò ayek-yek ŋontorər ŋa, kò ŋanese, kò pəyi ŋa pəmɔ nte ŋaŋnəŋk tuberi mə.

38 Mba kò Yesu eyif ŋa: «Ta ake tɔ pəyine nu yamayama tantε-ε, ta ake tɔ nəŋgbəkəlnene dəbəkəc-ε?»

39 Nəməmən ma wəcək wem kò waca wem-a, ina ɔfɔ yati! Nəgbun̄en'em, nəməmən! Tuberi tɔyɔ fe sɛm, tɔyɔ fe bɛnt. Mba ina, iyɔ yayəkò fəp.»

40 Yesu eyi kəlɔku moloku maməkò, k'ementər ŋa waca wən kò wəcək.

41 Mba nte pənanan̄kanε kəbət ŋa haŋ ta ŋantam kəlan̄ mə, kò ŋayi pəciyanε disre. Kò Yesu eyif ŋa: «Nəyɔ paka pəlɔma pedi ba?»

42 Kò acəpse ɔn darəŋ ŋawure alop ŋenəkət ŋin kò ŋasəŋ kò.

* 24:20 *K'ancan̄ kò* = «ampandan kò dəkətək» kò «aŋgbek kò dəkətək»

⁴³ Kɔ Yesu ɛɛk alop ŋaŋɔkɔ k'ɔsəm ŋi fɔr yaŋan kirin.

⁴⁴ Ntɛ elip kəsəm alop nŋɛ mɔ, k'oloku ŋa: «Mes mame m'inclɔk'un ntɛ inayi kɔ nana mɔ. Mɛnɛ mes məkɔ ancic tetem Tawureta Musa, yecicəs yecempi ya adəŋk a Kanu kɔ Yabura Dawuda mɔ fəp meyi.»

⁴⁵ Kɔ Yesu ɔsɔŋɛ ŋa kəsək səbomp ntɛ tɔŋsɔŋɛ ŋacərə Yecic ya Kanu fəp mɔ.

⁴⁶ Kɔ Yesu oloku ŋa: «Ntɛ tɔ ancic dəYecicəs Yosoku, a dis dendelɔl Krist, kɔ tɛyɛfɛ dɛnda-ɛ, pəfɔtɛ afi dacɔ tataka tɔn ta maas.

⁴⁷ Mɛnɛ pacam kəsəkpər mera pacəmɛ pələmpu darəŋ tewe tɔn, kəyɛfɛ ka Yerusalem, ntɛ tɔŋsɔŋɛ paŋaŋnɛnɛ afum a tɔf ya doru fəp kiciya kəŋan mɔ.

⁴⁸ Nən'ɔyɔnɛ sedɛ sa mes mame.

⁴⁹ Kɔ ina, kəkɛɛ nu k'inder daka ndɛ Papa kem ɛnasəŋ temer kəsəŋ nu mɔ. Nəyi nnɔ dare dandɛ haŋ Kanu kəlas nu fənɔntər fa darenc.»

Yesu kəpɛ kən darenc

Mark 16.19-20; Asom 1.9-11

⁵⁰ Kɔ Yesu osolɛ ŋa k'ɛŋkəkərə dare kəsək ntendɛ Betani, ntɛ ŋambəp di mɔ, k'ɛmpɛnɛ waca darenc, k'ontolanɛ ŋa.

⁵¹ Ɛyi kətolanɛ ŋa, k'ɛsak ŋa, k'ampɛnɛ kɔ dəkəm.

⁵² Kɔ ŋancərə kɔ mobu kəsəŋɛ kɔ pələli, kɔ ŋalukus Yerusalem, pəbotu disrɛ.

⁵³ Tem o tem ŋanckɔ oŋ ndɛ **kəɓ kəpəŋ ka Kanu**, ŋackor-koru Kanu.

Yebac ya Asom a Yesu

Asonj asom a Yesu temer ta kader ka Amera Njecempi na Kanu

¹ Wanapa Teyofil,

Inacicas kitabu kem kacoko-coko disre mes mme Yesu enacop kayo ko katakse mo,

² hanj dosok nde anapene ko darenc, nte elip kasom asom on Amera Njecempi na Kanu disre, ane enayek-yek mo.

³ Asom akako na Yesu enamentar kance ka mes melaram nte enayefe pucuy pa defi mo. K'owurar na mata 40 payi wayeji, pacloku na mes ma debe da Kanu.

⁴ Dosok doloma nte nayi kadi yeri ko Yesu mo, k'oloku na: «Ta nabole dare da Yerusalem, mba nakar tes nte Papa enasoj temer kadesonj mo, tako nanane icloku mo:

⁵ Daromun Sanj encgbat afum teta Kanu, mba nana kagbat daromun da Amera Njecempi na Kanu disre ko nandesoto mata mame.»

Kape ka Yesu dakom

⁶ Ako nanalonkane mo ko nayif Yesu: «Wabe, tem tante to mandelompase Yisrayel debe ba?»

⁷ K'oloku na: «Tencame fe nu doro kacare ka tem ko dosok nde Apa Kanu encememne kayo tafan ton katam kon disre mo.

⁸ Mba nandesoto fanontar ko Amera Njecempi na Kanu njededer nu-e, tem tatoko ndeyone atajne ane mes mencepar for yanjan kirin mo nde dare da Yerusalem, ataf na Yude fap ko ataf na Samari kakobap capac ca doru fap.»

⁹ Nte elip kaloku tatoko mo, afum ane nanayi di mo fap nanagbatne Yesu nte anpene ko mo, ko kap kankump ko, nantam fe so kankaj ko.

¹⁰ Nte Asom on nanagbatne kom Yesu pacpe darenc mo hanj k'osole. Gbancana baboko ko meleke meraj memberne yamos yomotar-motar mementarne na,

¹¹ ko moloku: «Afum a Kalile, ta ake to nancamene kamoman kom-e? Yesu, wakako empe dakom for yonu kirin mo, tante nanagbatne ko pacpe mo, t'endesoder.»

Wancanc ka Yudas

¹² K'asom a Yesu nalukus Yerusalem kayefe nde toro tako anje «Toro ta tok ya Olif», mpe pಂತoblene dare mo. Pabol-bolu mpe dine da aSuyif doncwose fum kakot pabap simiti, dosok da kanjesam mo.

¹³ Nte namber dare mo, ko nampre dakalo da karonj nde nancnde mo. Afum ane nanayi di mo: Piyer, Isan, Sak ko Andare, Filip ko Toma, Bartelemy ko Matiyee, Sak wan ka Alfe, Simonj wasimsa teta ataf, ko Yudas wan ka Sak.

¹⁴ Fap fanjan kifo kin ko nancko katola Kanu tem o tem ko aran, kabap ka awenc a Yesu, ko iya kon Mari.

¹⁵ Dosok doloma mata mamoko disre, afum ane nanayi di mo, nancko hanj afum tasar tin ko waco meraj (120). Ko Piyer eyefe awenc on daco, k'oloku:

¹⁶ «Awenc im anja: Panamar yecicas ya dakitabu yelare. Ti disre Amera Njecempi na Kanu nje Dawuda enanunkenne kaloku teta Yudas, nwe enasole ane nanasumpar Yesu mo.

¹⁷ Analom Yudas su daco, sapajne yebac yin yayi.

¹⁸ Nte elip kasotone abof pasam pa kiciya kon mo, k'engbekne, k'entempene tekirin k'ewaline kor ko tosonje sumpa son fap kasamsar dantof.

19 Tes tɔ nte aka Yerusalem fɛp ɲanacɛrɛ mɔ, ti tenasɔɲɛ pawe dale dadɔkɔ ⟨Hakeldama⟩, itɔ tatɔkɔ kusu kɔɲan ⟨Dale da mecir⟩.*

20 Bawo anacic nde Yabura Dawuda disrɛ:

⟨Kɛlɔ kɔn kɛyɔ fos,
ali fum ta pɛyi ki!⟩

K'ɛnacicɔs sɔ:

⟨Wɛlɔma pɛlɛk dɛkɛcɛmɛ dɔn!⟩

21-22 Mɛnɛ pamɔmɔnɛ afum aɲɛ ɲanccɛmbɛr su tɛm nte Yesu ɛncpɛ pɛctor kɔ sɛna mɔ, mɛnɛ wɛkin pɛyi su dacɔ nwe endeyɔnɛ wɛtɔɲɛ mes mɛmɛ mɛnacɛpɛr fɛr yɔn kirin kɛyɛfɛ ka Yesu afi dacɔ, mɛnɛ wɛkayi sɔ pɛyɔnɛ wɛnatɔɲɛ mes fɛp kɛlɛk kɛgbɛt ka Sanj teta Kanu, haɲ dɔsɔk ndɛ Yesu ɛnayɛfɛ su dacɔ mɔ.»

23 Awa kɔ ɲamentɔr afum mɛrɔɲ: Matiyas, kɔ Isifu nwe ancwe Barsabas, pacdenɔr kɔ sɔ tewe ta Yusutu.

24 Kɔ ɲantola Kanu nte: «Wɛbɛ, mɔna nwe mɛncɛrɛ bɛkɛc ya fɛp mɔ, mɛmentɔr su gbasɲa wɛkin nwe mɛlɛk kɛdecɔnc Yudas akanɛ mɛrɔɲ dacɔ mɔ.

25 Tɔsɔɲɛ wɛkayi kɛcɔp su dacɔ yɛbɛc yɔn, pɛlɛk dɛkɛcɛmɛ ndɛ Yudas ɛnasak a k'ɔɲkɔ kɛfo nkɛ kɛmar kɔ mɔ.»

26 Kɔ ɲanƙot yampunɲun † kɔ tosurɛnɛ Matiyas nwe anabɛrɛnɛ Asom aɲɛ wɛcɔ kɔ pin mɔ.

2

Kɛder ka Amera Nɛcɛmpi ɲa Kanu

1 Nte Dɔsɔk da kɛsata ka Tataka ta wɛcɔ kɛcamɛt dɛnabɛp mɔ, alan a Yesu fɛp ɲanalonƙanɛ kɛfo kin.*

2 Gbɛncana babɔkɔ kɔ pukulɛ pɛyɛfɛ dɛkɔm mpɛ pɛnawurɛnɛ pukulɛ pa afɛf ɲɔpɔɲ mɔ, kɔ pɛlas kɛlɔ kɔɲkɔ ɲanandɛ disrɛ mɔ.

3 Kɔ mɛmɛr mowurɔr ɲa mɛmɛ mɛnawurɛnɛ ma nɛnc mɔ. Kɔ mɛyɛrɛsɛnɛ fɛp faɲan, kɔ temɛr tɛntɔpɛnɛ nwe o nwe dɛtɔbu.

4 Kɔ Amera Nɛcɛmpi ɲa Kanu ɲɛndɛr ɲa fɛp, kɔ ɲayɛfɛ kɛcɔp nwe o nwe kusu kɛcuru. Amera Nɛcɛmpi ɲɔncsɔɲɛ ɲa kɛcɔp tatɔkɔ.†

5 Awa tɛm tatɔkɔ aSuyif asumpɛr dinɛ gbɛɲ aɲɛ ɲanayɛfɛ tɔf ya doru fɛp mɔ, ɲanandɛ dare da Yerusalem.

6 Nte ɲane pukulɛ mpɛ mɔ, kɔ ɲayɛksɛ kɛkɔ di. Kɔ pɛnciyɛnɛ acikɛra fɛp nte ɲane afum a Kalilɛ ɲaccɔp nwe o nwe kusu k'acɛkɛra mɔ.

7 Pɛciyanɛ, kɔ kusu kɛwɔs kɔɲkɔ disrɛ, kɔ ɲayifɛnɛ: «Afum akanɛ ɲalok-loku mɔ, bafɔ aka Kalilɛ ɲɔ ba?

8 Ake'sɔɲɛ nte sɛna dacɔ, fum o fum ɛnɛ ɲaccɔp kusu kɔn mɔ?

9 AParto, aMede, aka Elam, aka Mesopotami, aka Yude, aka Kapados, aka Ponto, kɔ aka Asi,

10 aka Firiki, aka Panfili, aka Misira, aka Libi andɛ a atɔf ɲa Siren, aRom,

11 aSuyif kɔ acikɛra aɲɛ ɲanctubucnɛ pɛtɔt pa dinɛ da aSuyif mɔ: Aka Krit, aka Arabi, sɔɲnɛ ɲa ɲacloku cusu cosu mes mɔpɔɲ ma Kanu!⟩

* **1:19** «Kiciya ka Yudas», mɔmɔmɔn Matiyɛ 26.47-53, 27:3-8. **1:20** Yabura 69.26; 109.8 † **1:26** Nte ɲanafɔɲ kɛcɛrɛ tɛfaɲ ta Kanu mɔ, kɔ ɲambɛr ca yowurɛnɛ mɛrɔɲ dɛlɔba. Pin tewe ta Matiyas, pɔkɔ tewe ta Barsabas. Dɛkɛwurɛ da yi, kɔ wɛkin (Matiyas) ɔsɔt. * **2:1** *Kɛsata ka Tataka ta wɛcɔ kɛcamɛt*: Mɔmɔmɔn ALewy 23.15-21, Sariyɛ 16.9-11. Itɔ kɛrɛn o kɛrɛn aSuyif ɲambɔc kasata ka kɛtɛl tatɔkɔ tataka ta wɛcɔ kɛcamɛt (50) kɔ kasata ka Kɛcɛpɛr kɛncɛpɛr-ɛ. † **2:4** Mɔmɔmɔn 1.5.8 (toloku ta kɛsɔɲ temɛr Amɛra Nɛcɛmpi ɲa Kanu.)

12 Kɔ cusu cawos ɲa kɔ pɔyi ɲa yamayama, kɔ ɲayifene tanjan: «Cɔke cɔ tante toloku-ɛ?»

13 Mba kɔ alɔma ɲanɲani ɲa, ɲacloku: «Member mobotu mɔ ɲanembɔre!»

Kɔcam ka Piyer

14 Kɔ Piyer eyefe k'encɔme kɔ asom a Yesu aɲe wɔcɔ kɔ pin, k'empenɛ dim pɔcloku kɔnay nke: «Afum a Yude kɔ nɔna aɲe nandɛ dare da Yerusalem mɔ, nɔsu lɔɲɔs, nɔcɔɲkɔl belbel moloku mem! Nɔcɔre ti:

15 Afum akanɛ ɲancis fe pɔmɔ tɔkɔ nɔcɛmcɛmne ti mɔ, bawo bɔtbɔt b'ayi bambɛ. †

16 Mba tɔkɔ aɲnabi Yowel ɛnaloku mɔ teyi kɔcɛpɔr:

17 «Kɔ Kanu kɔloku mata mɛlpɔs:

«Indesamsɔr Amɛra ɲem nɔɔ afum fɔp ɲayi mɔ.

Awut anu arkun kɔ aran ɲande ɲacdɔɲk cɔsayibɛ-e.

Indesɔɲ awut atɛmp anu kɔnɔɲk ka mɔyɔ mem, indewɛrɔpɔs sɔ afum anu atɛm.»

18 «Ey,» Kanu kɔloku, «Indeyɛs Amɛra ɲɛcɛmpi ɲem acar em arkun kɔ aran, mata mamɔkɔ, ɲandedɔɲk cɔsayibɛ-e.

19 Indementɔr mes mɛwɛy-wɛy melaram dɔkɔm

kɔ mɛgbɛkɔre ma Kanu nɔɔ dɔntɔf: Mecir, nɛnc, kɔ acul ɲa kinimɛ.

20 Dec dendesɔkpe kubump,

kɔ ɲof ɲɛsɔkpe mecir.

Mamɔkɔ mendecepɔr a dɔsɔk da Wɔbɛ dedebɔp,

dɔsɔk dadɔkɔ dembɛk kɔ dentɛsɛ.

21 Nwɛ o nwɛ endekɔrnɛ Mariki mɔ endefis.»

22 Afum aka Yisrayel, nɔcɔɲkɔl moloku mame! : Yesu wɔka Nasaret, fum nwɛ Kanu kɔmentɔre nu debeki dɔn mɔ, dɔmes mɛwɛy-wɛy, dɔmɔpɔɲ, dɔmɛgbɛkɔre pɔmɔ tatɔkɔ nɔncɔre ti mɔ,

23 fum wɔkawɛ anasɔɲ nu kɔdif kɔn pɔmɔ tɔkɔ Kanu kɔnawosɛ ti kɔ kɔsɔɲ tɔkɔtɛnɛ ta ti mɔ. Nɔnim kɔ nɔncɔɲ kɔ dɔtɔk yɛrɔmpɔl kɔmar ka waca wa acikɔra. §

24 Kanu kɔyɛkti kɔ kɔɲgbintɔr kɔ pɔcuy pa defi, bawo defi dɛnatam fe kɔmɛɲkɔrnɛ kɔ.

25 Dawuda ɛnanuɲkɛnɛ kɔloku dɔyɛcicɔs yɛcɛmpi tɛta Yesu:

«Incɔɲk Mariki tɛm fɔp fɔr yɛm kirinɲ,

ifɔyikɛ, bawo ey'im kɔca kɔtɔt.

26 It'ɔsɔɲɛ nte abɔkɔc ɲem ɲeyi dɔkɔsata mɔ, kɔ temer tem tesikɔlɛ dɔrɔpɔtu.

Dis dem yati dendekɔɲɛsɔmɛ kɔgbɛkɔr amɛra.

27 Bawo mɔfɔdekɔsak im dabiya

mɔfɔdekɔsak wɔsɔku kam pɔte.

28 Mɔsɔɲ'em kɔcɔre sɔpɔ sa kɔcɛpɔrɛnɛ doru,

kɔyi kam ina kɔsɔk kɔndekɔlas im pɔbotu.»

29 Awɛnc im aɲa! Nɔwosɛ iloku nu nte kɔlarɲ disrɛ tɛta wɔtem Dawuda: ɛnafi, k'awup kɔ, kɔ kufu kɔn kɔyi su sɔ mɔkɔ dacɔ.

30 Mba nte Dawuda ɛnɔyɔnɛ sayibɛ mɔ, ɛncɔre sɔ a Kanu kɔnadɛrmɛ kɔ a kɔndedɔs wansɔ kɔn wɔlɔma dɔcɔm da dɛbɛ dan kɔrɔɲ.

† 2:15 Bawo bɔtbɔt b'ayi bambɛ = itɔ kusu ka aka Kresi koloku: «Dec maas da dɔsɔk dɔ dandɛ» = 9:00, bɔrbat. 2:21 Yowel 2.28-32 § 2:23 Acikɔra = afum atɔtɔmpɔr sariyɛ, atɔyɔnɛ aSuyif. 2:28 Yabura 16.8-11

³¹ Dawuda enanuɲkenɛ pənəɲk kəyɛfɛ ka Krist dəkufu *, enanuɲk nte tendeder mə k'oloku ti: a anasak fɛ Krist dabiya, dis dən denate fɛ dəkufu.

³² Yesu wəkakɔ, Kanu kəyɛkti kɔ, sənə fəp səyɔnɛ sedɛ aka ti.

³³ Kɔ Kanu kəmpɛnɛ Yesu kəfo kələli, k'endəs kɔ kəca kən kətɔt. Kɔ Yesu əsɔtər nkən apa Kanu Amera Nəcempɪ nɲɛ analoku kədesɔɲ mə, k'eyerəs tatəkɔ nənəɲk kɔ nənɛ mə.

³⁴ Bafɔ Dawuda enapɛ darenc, nkən yati oloku:

«Mariki Kanu oloku Mariki mem: «Mənd'em nno kəca kem kətɔt,

³⁵ haɲ iclip kəboc aterɛnɛ am wɛcək wam dantɔf mənəs-nas ɲa.»

³⁶ Pəmar aka Yisrayel fəp ɲacərə ti belbel: Kanu kənasɔɲɛ Yesu kəyɔnɛ wəbɛ wəyɛk-yɛk kən, Yesu wəkakɔ nəncaɲ dətək yepəmpəl mə.»

³⁷ Nte afum ɲane moloku maməkɔ mə, kɔ mosumpər ɲa, kɔ ɲayif Piyer kɔ asom a Yesu akɔ: «Awɛnc su aɲa, cəke cɔ pəmar səyɔ oɲ-ɛ?»

³⁸ Kɔ Piyer oloku ɲa: «Nəsəkpər mera yonu, nəlomp! Nwɛ o nwɛ pəsɔtɔ kəgbət dərɔmɔn tewɛ ta Yesu Krist disrɛ, nte tɔɲsɔɲɛ pəɲaɲənɛnɛ kiciya ka wəkayi mə, nəndəsɔtɔ sɔ Amera Nəcempɪ ɲa Kanu.

³⁹ Bawo, kəpocɛ nke Kanu kənasɔɲɛ temer mə, konu kɔ, kɔ awut anu kəbəp ka akɔ ɲayi pəbɔlə mə, haɲ kənay ka afum nke Wəbɛ Kanu kosu endewɛ mə.»

⁴⁰ Kɔ Piyer oloku ɲa sɔ moloku mɛlarəm nte tɔɲsɔɲɛ ɲanɛnɛ kɔ mes mɛmɛ mənacɛpər fər yən kirin mə. K'ɛɲgbɪɲər ɲa, pəcloku: «Nəyacnɛ dɛtemp dandɛ dɛɲkafələ-kafələ mə!»

⁴¹ Afum alarəm ɲawosɛ kəgbət dərɔmɔn tɛta Kanu. Dəsək dadəkɔ afum wul maas (3.000) ɲambɛrɛnɛ akɔ ɲananuɲkenɛ kələɲ mə.

⁴² Kɔ ɲancəɲkəl tɛm fəp kɔ belbel mɛtəkɛ ma asom a Yesu, kiyi kəɲan tɛs tin, kəpaɲnɛ kəɲan dap da yeri, † kɔ kətola Kanu.

⁴³ Kɔ kənɛsɛ kəsumpər nwɛ o nwɛ bawo Kanu kəncmentərə mɛs məpɔɲ kɔ mɛs mɛwɛy-wɛy mɛlarəm waca wa asom a Yesu.

⁴⁴ Akɔ ɲanalan mə fəp ɲanayi tɛs tin ɲacyɛrɛnɛ mɛpɛ o mɛpɛ ɲaɲsɔtɔ mə.

⁴⁵ Kɔ ɲancaməs daka dəkɔ ɲanayɔ mə, kɔ ɲayer pəsam papəkɔ ɲacmɔmən təkɔ pəcucanɛ pɛncɛpərənɛ mə.

⁴⁶ Dəsək o dəsək ɲancloɲkanɛ ndɛ kələ kəpɔɲ ka Kanu, ɲacdinɛnɛ yeri kəfo kin ndɛ wələ waɲan, ɲacdinɛ yi mera yobotu kɔ bəkəc yoforu.

⁴⁷ ɲackor-koru Kanu, kɔ mɛs maɲan mambət afum fəp. Kɔ Mariki nkən embɛrɛnɛ dəsək o dəsək kəgbə ka aɲɛ encyac mə.

3

Wəbəc wətəkət ɛntamɛ

¹ Dəsək dələma Piyer kɔ Isan ɲampɛ ndɛ kələ kəpɔɲ ka Kanu dec dərɔfɔy, dec ndɛ antola Kanu mə.

² Tosurɛnɛ pasarɛ wəbəc nwɛ aɲkɔmɛ kətəkət mə. Dəsək o dəsək anckekərə kɔ padəs ndɛ kusɲka ka kələ kəpɔɲ ka Kanu. Dəndo wəbəc nwɛ onctolanɛ daka nənɔfər disrɛ afum aɲɛ ɲancbɛrɛ kələ kəpɔɲ mə. Kusɲka nke ancwɛ «Kusɲka Kətɔt».

³ Nte ɛnəɲk Piyer kɔ Isan aɲɛ ɲancɔ kəbɛrɛ kələ kəpɔɲ mə, k'ɛyɛfɛ kətola akakɔ nənɔfər disrɛ.

⁴ Piyer kɔ Isan ɲaɲgbətɛ kɔ, kɔ Piyer oloku: «Məgbətɛ su!»

⁵ K'ɛɲgbətɛ ɲa pəckar kədesɔtər ɲa paka pələm.

* **2:31** Krist = Wəbɛ nwɛ Kanu kəyɛk-yɛk mə, Wəyɛk-yɛk ka Kanu
Kəpaɲnɛ kəɲan dap da yeri = cəKresɪ «kətɛpɛnɛ kəcom kəyɛrɛnɛ ki mə»

2:35 Yabura 110.1 † **2:42**

⁶ Mba kɔ Piyer oloku on: «Ali pɛsam iyɔ fe, mba mpe iyɔ mɔ, ip'indesɔn'ɔm: Tewe ta Yesu Krist wɛka Nasaret, mɔyefe, makɔt!»

⁷ Gbancana babɔkɔ kɔ nɔsumpɛr kɔ kɛca kɔtɔt kɔ nɔyakti, wɛcɛk kɔ mɔgbɔlkɔc mɔn yɛncɛp.

⁸ Kɛsɔrne katin k'eyefe k'encɛme, k'elek wɛcɛk kɔkɔt. K'osol kɔ nɔ, kɔ nɔmbere kɛlɔ kɔpɔn kɔ Kanu disre, pɛckɔt, pɛcyoke, pɛckor-koru Kanu.

⁹ Kɔ afum fɛp nɔanɔnk fum nwe pɛckɔt, pɛckor-koru Kanu.

¹⁰ Ancnɛpɔl kɔ, nkɔn encndɛ nde kɛlɔ kɔpɔn nde «Kusunjka Kɔtɔt», pɛctolane daka nɔnɔfɔr disre. Kɛnese kɔ pɛciyane kɛmbɛp afum fɛp teta tɔkɔ tɛnabɛp kɔ mɔ.

Moloku ma Piyer nde kɛlɔ kɔpɔn ka Kanu

¹¹ Nte fum nwe enader pɔyi on ta enyefe Piyer kɔ Isan dɛntɔf mɔ, kɛnese disre kɔ afum fɛp nɔyektɛ kɛkɔ nde akɛr nɔje anje «Akɛr nɔ Sulemani», nde Piyer kɔ Isan nɔanyi mɔ.

¹² Nte Piyer enɔnk ti mɔ, k'oloku afum: «Aka Yisrayel! Ake'sɔnje nte tante t'enciyane nu mɔ? T'ake tɔ nɔngbɛtneɛ su pɛmɔ fɛnɔntɛr fosu, kɔ pɔyɔne fe ti-ɛ, dosoku dosu disre dɔsɔnje fum wɛkawɛ kɔkɔt?»

¹³ Bafɔ tatɔkɔ tɔ de! Mba ti disre, Kanu ka atem asu Kanu ka Abraham, Kanu ka Siyaka, kɔ Kanu ka Yakuba kɛnaye-kɛkas wɛmarɛs kɔn Yesu. Mba nkɔn nɔna nɔnalɛk, kɔ nɔsɔn abɛ, nɛce kɔ fɔr ya Pilat kirin, ali nte Pilat enacɛm-cɛmne kɛsak kɔn mɔ.

¹⁴ Nɔna nɔnace nwe ɔyɔne wɛcɛmpi kɔ wɛlɔmpu kɔ nɔloku a pawɔse kɛsake nu wɛdifɔt afum dare disre.

¹⁵ Nɔnadif wɛkirin wɛka doru, mba Kanu kɛnasɔnje kɔ kɛfɔte afi dacɔ. Sɔn'ɔyɔne atɔnje aka ti.

¹⁶ Anasɔn fɛnɔntɛr fum wɛkawɛ nɔngbɛtne kɔ nɔncɛre mɔ. Kɛlan kɔn Yesu gbɛcɛrɛm kɛsɔn fum wɛkawɛ fɛnɔntɛr. Kɛlan kɔn Yesu kɛsɔn kɔ kɛtamne kɛn fɔr ya fɛp fonu kirin.

¹⁷ Nɛkɛl on, awɛnc im anja, incɛre a kɛtɔcɛre konu kɛnasɔnje nu kɛyɔ tatɔkɔ, nɔna kɔ abɛ anu.

¹⁸ Kanu kɛnalas tɔkɔ kɛnanunjkɛne kɛloke cusu ca sayibe ɔn fɛp mɔ: A pɛnamar dis dɔlɔl Krist, wɛyɛk-yɛk kɔn.

¹⁹ Nɛsɛkpɛr bɛkɛc yonu, nɛluksɛrne nte tɔnsɔnje pɛnɔnne kiciya konu mɔ,

²⁰ nte tɔnsɔnje Wɔbɛ Kanu pɛgbɔkɛre sɔ kɛkɛre nu tɛm ta kɛnesɛm, Yesu nwe ananunjkɛne kɛyɛkyɛke nu mɔ.

²¹ Nkɔn kɛm kɛntɔmpɛr han tɛm nte mes mme Kanu kɛnalokɛ tɛm tobol-bolu cusu ca sayibe ɔn sɛcɛmpi mɔ melare.

²² Anɔnabi Musa enaloku: «Wɔbɛ, Kanu konu, endekɛre nu sayibe pɛmɔ ina. Fum wɛkin wɛka awɛnc anu dacɔ endeyi, nɛde nɛcɛnkɛl moloku mamɔkɔ ende pɛcɔloku nu mɔ fɛp.

²³ Nwe o nwe ɔntɔdecɛnkɛl wɛdɔnk wɛkakɔ mɔ, andelɛsɛr kɔ. Endemɛlke afum a Kanu dacɔ.»

²⁴ Sayibe fɛp kɛyefe anɔnabi Samiyel han anje nɔnacɔnc kɔ mɔ, nɔnaloku teta mataka mamɔkɔ, kɔ nɔndɔnk mi.

²⁵ Nɔna, awut a sayibe nɔ nɔyɔne, kɔ nɔyɔne sɔ awut a temer tɔkɔ Kanu kɛnacɔnɛs kɔ atem anu mɔ, kɛcɔloku Abraham: «Afum a doru fɛp nɔndesɔtɔ kɛpɔce kɔtɔt kem teta kɛbɔnda ka dokom dam.»

²⁶ Te tonu tɔ, Kanu kɛnanunjkɛne kɛyɛkti wɛcar kɔn, k'osom kɔ kɛdetolane nu, pɛsɛkpɛr nu nwe o nwe abɛkɛc nɔn nɛlɛc, nɔyɔne kɔ nɔtɔt.»

4

Piyer kɔ Isan fɔr ya aboc kiti aSuyif kirin

¹ Piyer kɔ Isan ɲanayi kɛlok-lokɛr afum tɛm nte alɔɲɛ a kɛlɔ kɛpɔɲ ka Kanu ɲanabɛrɛ kɔ wɛbɛ ka asɔdar anɛ ɲancbum ki mɔ, kɔ aSadisi.

² Pɔnatele ɲa nte ɲanane Piyer kɔ Isan ɲactɔkɛ afum a fɛp fɛndɛfɔtɛ afi daco pɛmɔ nte Yesu ɔfɔtɛ afi daco mɔ.

³ Kɔ ɲasumpɛr Piyer kɔ Isan, kɔ ɲandɛs ɲa pacbum ɲa dɛbili han dɔckɔsɔk, bawo pɛnabiye.

⁴ Afum alarɛm alɔma anɛ ɲanane moloku manan mɔ, ɲanalan, delay danan dɛnabɛp arkun wul kɛcamɛt (5.000).

⁵ Dɔckɔsɔk abɛ anan, abeki apɔɲ a dɔtɔf, kɔ atɔkɛ a yecicɛs ya Aɲnabi Musa ɲambɛpsɛnɛ Yerusalem

⁶ kɔ wɛlɔɲɛ wɛpɔɲ Anas, kɔ Kayifa, Isan, Aleksandɛr, kɔ akɔ ɲanayɔnɛ aka kɛbɛnda ka dokom da alɔɲɛ apɔɲ mɔ.

⁷ Kɔ ɲancɛmbɛr Piyer kɔ Isan fɔr yanjan kirin kɛyifɛt: «Fɛnɔntɛr fɛrɛ, kɔ tewe ta ana tɔ nɔyɔnɛ tantɛ-ɛ?»

⁸ Awa kɔ Amɛra Nɛcɛmpi ɲa Kanu ɲɛlarɛ Piyer, kɔ ɲɔsɔɲɛ kɔ kɛlɔku ɲa: «Abɛ a afum kɔ abeki a dɔtɔf:

⁹ Ayifɛt su mɔkɔ tɛta pɔtɔt mɛɛ ayɔnɛ wɛlanyuru mɔ, kɔ nte antamɛs kɔ mɔ.

¹⁰ Nɛcɛrɛ ti belbel, fɛp fonu kɛbɛp ka aYisrayel: Tewe ta Yesu Krist wɛka Nasarɛt, wɛkɔ nɛnacɛɲ dɛtɔk yɛpɛmpɛl, akɔ Kanu kɛnasɔɲɛ kɔ kɛfɔtɛ afi daco mɔ, tewe tɔn tɔsɔɲɛ nte fum wɛkawɛ ɛncɛmɛ nu daco pɛtamɛnɛ mɔ.

¹¹ Nkɔn Yesu «ɔyɔnɛ togbu mɛɛ nɛna acɛmbɛr kɛlɔ nɛnafani mɔ, mba ɛnayɔnɛ togbu pɔtɔt pa daco.»

¹² Nkɔn gbɛcɛrɛm ɛntam kɛsɔɲ su kɛfis. Kanu kɛnasɔɲ fɛ tewe tɔlɔma ta fum nɔ doru dandɛ nte pɛmar payacɛnɛ mɔ.»

¹³ Nte abeki anɛ ɲanɛɲk Piyer kɔ Isan ɲabɛkɛnɛ mɔ, kɔ pɛnciyɛnɛ ɲa, bawo ɲanacɛrɛ a afum gbɛcɛrɛm ɲanayi anɛ ɲanatɔtɔkɛs mɔ. Kɔ ɲanɛpɛl ɲa daco akɔ ɲanayi kɔ Yesu mɔ.

¹⁴ Mba nte abeki apɔɲ ɲancnɛɲk fum nwe anatamɛs pɛcɛmɛ ɲa fɔr kirin mɔ, ɲanayɔ fɛ tolɔku.

¹⁵ Kɔ aboc kiti aSuyif ɲaloku Piyer kɔ Isan kɛwur ka dɛkɛlɔ ndɛ ancyifɛt ɲa mɔ, kɔ ɲamɛɲksɛnɛ tanjan,

¹⁶ kɔ ɲayifɛnɛ: «Cɛkɛ c'andeyɔ afum akanɛ-ɛ? Bawo tɔsɔkɛr aka Yerusalem fɛp a ɲa ɲasɔɲɛ kɔ tɛgbɛkɛrɛ ta Kanu tantɛ teyi. Afɔtam kɛgbɛkɛl ti.

¹⁷ Mba, nte anɲyɔ a ta tɛsam nɔ afum ɲayi mɔ, pabɛɲɛnɛ ɲa, pamɔnɛ ɲa kɛclɔk-lokɛr nwe o nwe tewe tatɔkɔ.

¹⁸ Kɔ ɲawe ɲa, kɔ ɲambɛɲɛnɛ ɲa kɛtɔlɔku kɔ kɛtɔtɔkɛ afum tewe ta Yesu.

¹⁹ Piyer kɔ Isan ɲayif ɲa: «Pɛmar fɔr ya Kanu kirin palelɛs nɛna patas Kanu Nkɔn ba? Nɛna nɛmamɛn ti belbel,

²⁰ bawo sɛna sɛfɔtam kɛyi ta sɛlɔku tɔkɔ sɛnɛɲk kɔ tɔkɔ sɛnɛ mɔ-ɛ.»

²¹ Kɔ aboc kiti ɲanɲgbɛkɛrɛ sɔ kɛbɛɲɛsɛnɛ ɲa, kɔ ɲasak ɲa. ɲanasɔtɔ fɛ tes nte andɛɲɛ ɲa a pɛtɔrɛrɛ ɲa ti mɔ bawo afum fɛp ɲancɔr-koru Kanu tɛta tɔkɔ tɛnacɛpɛr fɔr yanjan kirin mɔ.

²² Fum nwe ɛnasɔtɔ tɛgbɛkɛrɛ ta kɛtamɛs tatɔkɔ mɔ, ɛnatam kɛsɔtɔ mɛrɛn wɛcɔ manɲkɛle pɛcɛpɛr.

Kɛtɔla ka alan

²³ Nte asak Piyer ko Isanɔ mo, ko ŋanɔko ŋalɔmɔr afum aŋan tɔko alɔŋne apɔŋ ko abeki a dɔtɔf ŋanaloku ŋa mo.

²⁴ Nte ŋane moloku mame mo, kɔtɔŋne disre ko ŋampɛne sim nno Kanu kɔyi mo, ŋaloku: «Wɔbe, mɔna nwe mɔlomɔs kɔm, antɔf, kɔba ko ca yɔko yeyi ki mo fɔp,

²⁵ dɔAmerɔ Ŋecempi ŋo mɔnaloke kusu ka kas kosu Dawuda wɔmarɔs kam: «Akesɔŋe nte mɛtele mɔpɔŋ mencepɔrɔr afum a tɔf mo?

Akesɔŋe nte afum ŋantɔŋne mes mme mɔntɔdelɔpsɔr mo?

²⁶ Abe a doru kɔrkɔr ŋalomɔsne teta kɔyefɔrene,

ko akirinɔ ŋalɔŋkane ko ŋantɔŋne pɔlec nno Wɔbe Kanu ko wɔyɛk-yek kɔn ŋayi mo.»

²⁷ Bawo kance, Herodu ko Pɔŋse Pilat ŋantɔŋne pɔlec dare dandɛ disre atayɔne aSuyif ko aYisrayel nno wɔmarɔs kam wɔcempi Yesu eyi mo, nwe mɔnayek-yek mo.

²⁸ Ŋanayɔ mes fɔp mme mɔnanunɔkene kɔwɔse kɔyɔ mo.

²⁹ Ndekɔl ɔŋ, Wɔbe, mɔgbɛkɔre kɔbenɔsne kɔŋan, mɔsɔŋe acar am kɔbɔkne kɔloku toloku tam kance disre.

³⁰ Mɔtenci kɔca nte tɔsɔŋe kɔtamɔs, mɔgbɛkɔre, ko mes mɛwɛy-wɛy meyi tewe ta wɔcar kam wɔsoku Yesu.

³¹ Nte ŋalip kɔtɔla Kanu mo, ko kɔfo kɔŋko ŋanalɔŋkane mo kɔyikɛ, ko Amerɔ Ŋecempi ŋɔsɔŋe fɔp faŋan kɔloku toloku ta Kanu kɔbɔkne disre.

Alan Yesu ŋawɔse kɔyɛrene daka danɔn

³² Kɔnay nke kɔnalɔŋ mo, ŋasɔtɔ bɔkɔc yin yayi, ko ŋayɔne sɔ akin ayi. Nwe o nwe oncloku fe a nkɔn sona ɔyɔ daka dɔn, mba a fɔp faŋan fɔ ŋanapɔŋne di.

³³ Asom a Yesu ŋanloku tɔko ŋananɔŋk kɔfɔte ka Mariki Yesu afi daco mo. Ko kɔmar ka Kanu kɔyi alan fɔp kɔronɔ.

³⁴ Afum akanɔŋe daco, nwe o nwe abɔkɔc ŋenalɛɛe fe sɔ teta kɔtɔyɔ kɔn daka, bawo aŋe ŋanayɔ dale, ko pɔyɔne fe ti wɔlo mo, ŋanacamɔs yi. Ko ŋanɔkɛre kɔway ka ca yayɔko,

³⁵ ko ŋambɔcɔr ki asom a Yesu dɔntɔf. Kɔway kanɔko k'ancyer nwe o nwe ko tɔko pɔcuca peyi ko mo.

³⁶ Isifu wɔka kor ka Lewy ɛnayi, nwe asom a Yesu ŋancwe Barnabas mo, ito tatɔko kusu kɔŋan «Wɔcɔpɔs bɔkɔc.» Nde dare da Sipɔr anakom ko.

³⁷ Nkɔn ɛnacamɔs antɔf nɔŋe ɛnayɔ mo, k'ɛŋkɛre kɔway kanɔko fɔp k'ender pɔbɔcɔr ki asom a Yesu dɔntɔf.

5

Ananiyas ko Safira

¹ Wɔrkun wɔlɔma ɛnayi pacwe ko Ananiyas, ko wɔran kɔn Safira, ko ŋanacamɔs antɔf ŋanɔn.

² Kɔtɔŋne disre ko wɔran kɔn, k'Ananiyas embelɔr kɔway ka antɔf ŋanɔko k'ɛŋkɛre kɔway kɔlɔpɔs nke k'ɔŋko pɔbɔcɔr ki asom a Yesu dɔntɔf.

³ Ko Piyer eyif ko: «Ananiyas, ake'sɔŋe nte mɔwɔse Sentani sɔsɔŋ am kɔyembɔr Amerɔ Ŋecempi mo? Mɔmbelɔr kɔway ka dale.

⁴ Nte dale dandɛ dɛnayɔne dam mo, ak'ɛnasɔŋe ta mɔmɛŋkɔrne di-ɛ? Ali nte mɔnacamɔs di mo, pɔsam papɔko, bafɔ pam pɛnayi ba? Akesɔŋ'am kɔyɔ tantɛ-ɛ? Bafɔ afum ŋo mɔyembɔr de, mba Kanu!»

⁵ Nte Ananias ene moloku mamokɔ mɔ, k'entempene, k'engbin kifir, k'efi. Kɔ kanese kɔpɔŋ kɔsumpɔr akɔ ŋanane ti mɔ fɔp.

⁶ K'atemp ŋayefe kɔ ŋanepsɔr kɔ arɔfɔn, kɔ ŋaŋkɔ ŋawup.

⁷ Nte dec maas dencepɔr mɔ, kɔ wɔran ka Ananias embere, ta encɔre tɔkɔ tenacepɔr mɔ.

⁸ Kɔ Piyer eyif kɔ: «Mɔlok'im ma kance: Kɔway kanke kɔ nɔncamɔs dale ba?» Kɔ wɔran nwe oloku «Ey, kɔway kanke yati kɔ.»

⁹ Kɔ Piyer oloku kɔ: «Akesɔŋe nte nɔntɔŋne kɔ nɔwak Amera ŋa Wɔbe mɔ-ε? Mɔcɔre a ane ŋawup wos ɔm mɔ, ŋayi nde dɔkusunja, kɔkekɔre kɔ ŋander sɔ mɔna.»

¹⁰ Gbɔncana babɔkɔ k'entempene kɔ wecɔk dɔntɔf, k'engbin kifir. Kɔ atemp ŋambere kɔ ŋambɔp kɔ pɔfi. Kɔ ŋaŋkekɔre kɔ, kɔ ŋaŋkɔ ŋawup wos kɔsɔk.

¹¹ Kɔ kanese kɔpɔŋ kɔsumpɔr kɔlonkanɛ ka alan fɔp kɔ akɔ ŋanane moloku mamokɔ mɔ.

Asom a Yesu ŋanatɔmpɔr mes mewey-wey melarɔm ma Kanu

¹² Asom a Yesu ŋancyɔ megbekɔre kɔ mes mewey-wey melarɔm mme menayi afum dɔcɔ mɔ. Alan fɔp ŋanacɔme kɔfo kin nde aker nɔŋe ancwe «Aker ŋa Sulemani» mɔ.

¹³ Afum alpɔs ŋancnese kɔnɔŋkɔl ŋa, mba ŋancyekyekɔs ŋa.

¹⁴ Kɔnay ka arkun kɔ aran ane ŋanalɔŋ Wɔbe mɔ, ŋancla ɔŋ kɔla dɔm.

¹⁵ Packere atɔtamne sɔpɔ fɔp packere ŋa dɔyala kɔ dɔsɔpoko nte tɔsɔŋe kɔ Piyer ender-ε, andulu ŋɔn gbɔcɔrɔm ŋetam kɔbɔp wɔlɔma mɔ.

¹⁶ Kɔnay ka afum ane ŋanayi sɔdare nse sɔnakel Yerusalem mɔ, ŋancyekse kɔkɔre Yerusalem atɔtamne nde asom a Yesu ŋanayi afum ane yɔŋk yelɛc yenasɔŋ dotonkulu mɔ, fɔp farjan anamɔs ŋa.

Antɔras asom a Yesu teta kɔlan kɔŋan

¹⁷ Wɔlonne wɔpɔŋ kɔ aSadisi ane ŋasol mɔ ŋayefene kɔraca.

¹⁸ Kɔ ŋantɔp asom a Yesu waca kɔ ŋamber ŋa dɔbili.

¹⁹ Pibi papɔkɔ disre kɔ meleke ma Wɔbe Kanu menɔgbiti cumba ca bili babɔkɔ, kɔ mowurene ŋa. Kɔ meleke moloku ŋa:

²⁰ «Nɔkɔ kɔbɔ kɔpɔŋ, nɔloku afum moloku kɔ mes fɔp ma tɔkɔtɔne ta doru dandɛ.»

²¹ Nte ŋane moloku mamokɔ mɔ, kɔ asom a Yesu ŋaŋkɔ bɔtbɔt suy nde kɔbɔ kɔpɔŋ, kɔ ŋancɔp kɔtɔkse di afum.

Kɔ wɔlonne wɔpɔŋ ender kɔ ako enasole mɔ. Kɔ ŋawe aboc kiti alpɔs aSuyif kɔ abeki apɔŋ aka Yisrayel fɔp, kɔ ŋasom a pakɔ pawurene asom a Yesu dɔbili, pakere.

²² Kɔ asɔdar ŋafɔ ŋakɔ afum ane ŋawur ŋambɔp fe ŋa dɔbili, kɔ ŋalukus. Kɔ ŋaŋkɔ ŋaloku ti abe ane ŋanasom ŋa mɔ, ŋaɔloku:

²³ «Sɔŋkɔ sɔbɔp cumba ca bili pacan ci belbel, abum a ci ŋacɔme dɔkɔcɔme danjan, mba sɔnɔgbiti ali fum sɔmbɔp fe bili disre.»

²⁴ Nte ŋane moloku mamokɔ mɔ, kɔ pɔyi wɔbe ka asɔdar a kɔbɔ kɔpɔŋ kɔ alonne apɔŋ yamayama teta afum akanɛ, kɔ ŋayifne cɔke cɔ tes tante tendelɔpɔsɔr-ε?

²⁵ Kɔ fɔm wɔlɔma ende pɔloku ŋa: «Afum ane nɔnabɛr dɔbili mɔ ŋayi nde kɔbɔ kɔpɔŋ, ŋactɔkse afum.»

²⁶ Asɔdar a kɔbɔ kɔpɔŋ kɔ wɔbe kɔŋan ŋaŋkɔ kɔlek asom a Yesu, kɔ ŋaŋkɔre ŋa pɔforu disre, bawo ŋananese afum kɔca-cas ŋa.

²⁷ Nte asodar njankeɛ asom a Yesu mo, ko njancambɔr na for ya aboc kiti aSuyif kirin. Ko wɔlonɛ wɔpɔn eyifat na,

²⁸ K'oloku: «Bafɔ sɛnamɔnɛ nu kɛtakɛ sɔ afum teta tewe tantɛ ba? Nɛlas Yerusalem metakɛ monu! Ko nɛloku gbɛs a mɛnɛ nɛlonɔr su pɛlɛc pa defi da fum wɛkawɛ.»

²⁹ Piyɛr ko asom a Yesu naloku: «Kɛcɛnjɛle Kanu kɛncɛpɔr ka afum!

³⁰ Kanu ka atem asu kɛnasɔnɛ Yesu kɛfɔtɛ dɛdefi, nwɛ nɛnacɔn dɛkɛtɔk yɛpɛmpɛl mo.

³¹ Kanu kɛndɛsɛrnɛ ko kɛsɛk bawo nkɔn ɔyɔnɛ wɛkirin ko wɛyɔc, nte tɔnsɔnɛ pɛsɔn aka Yisrayel kɛsɛkpɔr bɛkɛc njacɛmɛ dɔpɔ da Kanu darɛn, pɔnjɔnɛnɛ na kiciya kɛnjan mo.

³² Sɛna sɛyɔnɛ atɔnɛnɛ a moloku ko mes mamɔko fɔp, sɛna ko Amera Nɛcɛmpɛ nɛnɛ Kanu kɛsɔn ɔnɛ njalɛlɛs ko njawosɛ toloku tɔn mo.»

³³ Pɛnatɛlɛ aboc kiti ɔnɛ njancɛnjɛlɛ na mo haɔ pɛcɛpɔrɔt, ko njafɔn kɛdif na.

³⁴ Mba wɛFarisi wɛlɔma ɛnayi na daco, pacwɛ ko Kamaliyel. Wɛtɛkɛ sariyɛ ɛnayi, nwɛ afum fɔp njanɔtɔr mo. K'eyɛfɛ aboc kiti aSuyif daco, k'oloku a pawurɛnɛ afum akanɛ kɛrɛsna,

³⁵ k'oloku: «Arkun a Yisrayel! Nɛkɛmbɔrnɛ belbel nte nɛndeyɔ afum akanɛ mo.

³⁶ Towon fɛ, Tudas ɛnadot banca, afum masar manɛkɛlɛ (400) njanacɛk ko darɛn. Mba anamɛlɛk ko, afum akɔ ɛnasolɛ mo fɔp k'ambɛlɛs na. Ali wɛkin anasak fɛ.

³⁷ Nte tatɔko tɛncɛpɔr mo, ko Yudas wɛKalilɛ eyɛfɛ tɛm nte anclɔm afum a dɔtɔf mo. K'osolɛ sɔ afum alarɛm. Nkɔn sɔ anamɛlɛk ko, ɔnɛ ɛnasɛp kɛkɛfɛli kɛcɛmɛ ko darɛn mo fɔp, ko njasamɛsar.

³⁸ Nɛkɛlɛ icloku nu, ta nɛcɛpsɔr afum akanɛ, nɛsak na njako. Ko pɛyɔnɛ a mɛfan, ko pɛyɔnɛ fɛ ti mɔyɔ manjan nda fum mɛnjyɛfɛ-ɛ, mɛndɛsolɛ.

³⁹ Mba ko pɛyɔnɛ a nda Kanu mɛnjyɛfɛ-ɛ, nɛfɔdɛtam kɛsolɛnɛ mi dɛ! Nɛkɛmɔrnɛ kɛdɛyɛfɛrɛnɛ ko Kanu dɛ!» Ko njane moloku mamɔko Kamaliyel ɛnasɛp kɛloku na mo.

⁴⁰ Ko njawe asom a Yesu, ko njasut na, ko njamɔnɛ na kɛtɔsɔlok-lokɛ tewe ta Yesu, ko njasak na.

⁴¹ Ko asom a Yesu njawur na aboc kiti aSuyif daco. Ko pɛmbɔt na kɛtɔrɛs kɛnjan teta kɛlɛlɛs ka tewe ta Yesu.

⁴² Dɔsɔk o dɔsɔk pɛyɔnɛ ndɛ kɛlɛ kɛpɔn ka Kanu ko pɛyɔnɛ fɛ ti ndɛ wɔlɔ wanjan, njanasak fɛ kɛctakɛ ko kɛcam moloku mɔtɔt: A Yesu ɔyɔnɛ Krist, wɛbɛ nwɛ Kanu kɛyɛk-yɛk mo.

6

Ayɛk-yɛk arkun camɔt-mɛrɔn kɛmar ka asom a Yesu

¹ Mata mamɔko nte acɛpsɛ a Yesu njanla kɛla dɛm mo, aSuyif acɔp kusu ka Kresi njayɛfɛ kɛcɔpɛsnɛ teta akɔ njancɔp Ebɔrɛ mo. Aran acɔp cɛKresi ɔnɛ awos ɔnan njafi mo njancɔtɔ fɛ yeri pɛmɔ acɔp Ebɔrɛ dɔsɔk o dɔsɔk ko andɛyɛr-ɛ.

² Ko Asom wɛcɔ ko mɛrɔn njawe kɛnɔy ka acɛpsɛ a Yesu kɛnɛnjɛnɛ, ko naloku: «Pɛmar fɛ su kɛsak kɛcam ko kɛtakɛ toloku ta Kanu teta kɛyɛr yeri.

³ Awa awɛnc su ɔna, nɛyɛk-yɛkɛnɛ arkun camɔt-mɛrɔn, ɔnɛ afum njancɛrɛ kɛyɔ mɛra yɔtɔt mo, njalɛrɛ sɔ Amera Nɛcɛmpɛ na Kanu ko kɛcɛrɛ kɛkɔt. Sɛsɔn ayɛk-yɛk anu akakɔ yɛbɛc yayɔko.

⁴ Sɛna sɛsumpɔr belbel kɛtɔla ka Kanu ko yɛbɛc ya kɛcam ko kɛtakɛ toloku ta Kanu tɛm fɔp.»

⁵ Kò moloku mamòkò mòmòbòt afum fəp, kò ñayek-yek Etiyen, fum wəlan Kanu wəpəñ, pəlarɛ Amera Nəcempɪ ña Kanu, kò Filip, kò Pirokər, kò Nikanər, kò Timon, kò Parmenas, kò Nikola, wəka dare da Antiyòk, nwe ɛnayɔnɛ wəcikərə kəbɛrɛ ka dinɛ da aSuyif mɔ.

⁶ Kò ñanjò ñamentər ayek-yek akakò asom a Yesu nte ñalip kətola Kanu mɔ, kò ñanderɪ ña waca kədəs kəñan.

⁷ Moloku ma Kanu mme anctəkse mɔ mənscam kəsam dəm, kò acɛpsɛ a Yesu ñala katəna katəna Yerusalem, kò alonɛ Kanu alarəm ñawosɛ kəlanɪ Yesu.

Kəsumpər ka Etiyen

⁸ Kanu kənamar Etiyen kò kəsəñ kò kətam kəyɔ ka mes mɛwɛy-wɛy kò mɛgbəkərə məpəñ ma Kanu afum dacɔ.

⁹ Afum alɔma aka dəkətola Kanu da aSuyif aɲɛ ancwe ki «kələ ka Awur dacar» mɔ, ñanayinɛ fɛ Etiyen. Ña ñanayɔnɛ afum aka atəf ña Siren, aka dare da Aleksandər kò afum a atəf ña Silisi, kò aka atəf ña Asi. Nte tɔ kò ñambərə kəgbəkəlɛnɛ kò Etiyen.

¹⁰ Mba ñanatam fɛ kəsumpər kò dəmoloku, bawo Amera Nəcempɪ ña Kanu ñenasəñ kò kəlòk-lòkɛ dɛcɛrən.

¹¹ Ti disrɛ, kò afum akakò ñasəñ calbante pəsam aɲɛ ñanaloku nte: «Səna sənɛnɛ kò kəlòməs Musa kò Kanu!»

¹² Kò ñambərəs afum mɛr kəyɛfɛ abeki a dətəf hañ atəkse sariyɛ. Kò ñasumpər Etiyen, kò ñanjəkərə kò fər ya aboc kiti aSuyif kirinɪ.

¹³ Kò ñanjkenɛnɛ sɔ calbante akakò ñanawosɛ kəyemɛ mɔ, ñacloku: «Fum wəkawɛ eyi fɛ nte o nte mɛnɛ kəlòkɛ pələc pa kəfo kəsoku kəñkɛ kò sariyɛ sa Musa.

¹⁴ Sənɛnɛ kò pəcloku a Yesu wəNasaret wəkawɛ endələsər kəfo kəñkɛ, pəsəkpər sɔ mɔyɔ mme Musa ɛnasakɛ su mɔ.»

¹⁵ Aboc kiti aSuyif fəp ñanagbətɛ Etiyen, bawo kəro kən kəncmot pəmɔ ka mɛlɛkɛ.

7

Etiyen nde fər ya aboc kiti kirinɪ

¹ Kò wəlɔnɛ wəpəñ wəka kələ kəpəñ ka Kanu eyif Etiyen: «Itɔ teyi ba?»

² Kò Etiyen oloku: «Awɛnc im aña, Papa kem aña, Nəcəñkəl im! Kanu nke debeki dən doɲmot mɔ kəñawurər Abraham, wətem kosu, nte ɛnayɪ Mesopotami, ta ɛntadeder kəndɛ Haran mɔ.

³ Kò Kanu kəlòkɛ Abraham: «Məwur atəf ñam, dəñkom dam, məkò nde atəf ñɲɛ indəkəmentər əm mɔ.»

⁴ Kò Abraham owur atəf ña Kaldi, k'ɔɲkò pəndɛ dare da Haran. Dəndo, nte defɪ da kas dɛncɛpər mɔ, kò Kanu kəncɛpərənɛ kò atəf ñaɲɛ nəndɛ oɲ ndɛkəl mɔ.

⁵ Kanu kənasəñ fɛ Abraham kɛ atəf ñaɲɛ, ali dəkəcəmbər kəcək, mba kənalɛkɛ kò temer kədəsəñ kò ñi kəbəp kəbənda ka dokom dən kò nkən ɛncɛpər-ɛ, mba tɛm tatòkɔ ta ɛntayɔ wan-ɛ.

⁶ Kò Kanu kəlòkɛ Abraham nte: «Kəbənda ka dokom dam kəndeyi decikərə atəf ñəlɔma. Andəkəcəmbər ña di dacar, patərəs ña meren masar mañkələ (400).

⁷ Mba afum aka atəf ñaɲòkò ñandəkəcəmbər ña dacar mɔ, in'endəkəbocər ña kiti. Kò tɛncɛpər-ɛ, ñandewur ñadəkər-kor im nno kəfo kəñkɛ.»

⁸ Nte tatɔkɔ tencepɛr mɔ, kɔ Kanu kɛncɛnɛs kiyi kɔn tetin kɔ Abraham, ti tɔyɔnɛ kɛmɛɲkɛrɛnɛ ka kɛkɛnc arkun. Ti disre kɔ Abraham oɲkom Siyaka, k'ɛɲkɛnc kɔ tataka tɔn ta camɛt-maas. Itɔ Siyaka ɛnɔyɔ sɔ Yakuba, kɔ Yakuba ɔyɔ sɔ ti awut ɔn arkun wɛcɔ kɔ mɛrɛɲ, aɲɛ ɲayɔnɛ cas ca cusuɲka wɛcɔ kɔ mɛrɛɲ ca Yisrayel mɔ.

⁹ Nte atem asu, awut a Siyaka, ɲanayɔnɛ wɛnc kɔɲan Isifu kɛraca mɔ, kɔ ɲancamɛs kɔ nte tɔɲsɔɲɛ pakekɛrɛ kɔ Misira mɔ. Mba Kanu kɛnɔyi kɔ Isifu,

¹⁰ kɛnɔyɔc kɔ pɛcucɔ fɛp. Kanu kɛncmar Isifu, kɛcsɔɲ kɔ kɛcɛrɛ kɛkɔt nde Firawona wɛbɛ ka Misira fɔr kirin. Firawona ɛnasɔɲ Isifu dekirin da Misira kɔ da kɛlɔ kɔn disre fɛp mɔ.

¹¹ Kɔ dor dɔpɔɲ dende deyɪ Misira fɛp kɔ atɔf ɲa Kanɔɲ. Pɛcucɔ pɛnabɛk, atem asu ɲancsɔtɔ fɛ yeri.

¹² Kɔ Yakuba ende pɛnɛ a cɛɲbay cɔyi Misira, k'osom tɔcɔkɔ-cɔkɔ awut ɔn aɲɛ ɲantɔɲɛ atem asu mɔ.

¹³ Tamɛrɛɲ, kɔ Isifu owurɛrɛnɛ awɛnc ɔn, nte tɔ kɔ Firawona ɔsɔtɔ kɛcɛrɛ oɲ akomɛnɛ a Isifu.

¹⁴ Kɔ Isifu osom awɛnc ɔn a pakɛrɛ kɔ kas Yakuba, kɛlɛkɛnɛ ka afum ɔn fɛp, aɲɛ ɲancbɔp afum wɛcɔ camɛt-mɛrɛɲ kɔ kɛcamat (75) mɔ.

¹⁵ Kɔ Yakuba ontɔr atɔf ɲa Misira. Difɔ ɛnafi, kɔ atem asu alɔma.

¹⁶ K'ɔɲkɛkɛrɛ cɛbɛl cɔɲan Sɛkɛm, k'ɔɲkɔ pawup nde kufu nɛɛ Abraham ɛnawayɛ pɛsam nnɔ kusuɲka ka Hamɔr kɔyi mɔ.

¹⁷ Tɛm nte pɛnamar a Kanu kɛlas temer nte kɛnalɛkɛ Abraham mɔ tɛnalɔtɛrɛnɛ. Kɔ dokombɛra dɛmbɛk, kɔ afum ɲaɲla oɲ kɛla dɛm Misira,

¹⁸ haɲ kɔ wɛbɛ wɛlɔma ender pɛndɛ dɛbɛ da atɔf ɲaɲkɔ nwe ɛnatɔcɛrɛ Isifu mɔ.

¹⁹ Wɛbɛ wɛkakɔ ender pɛcɛmpɛs, pɛctɔrɛs atem asu. K'ende pɛsɔɲɛ ɲa kɛsak cɛnaka cɔɲan, nte tɔɲsɔɲɛ ta akakɔ ɲantam kɔyi doru mɔ.

²⁰ Tɛm tatɔkɔ t'anakom Musa, nwe ɛnabɔt Kanu kɛnɔɲk mɔ. K'antɔmpɛr kɔ yof maas nde kɛlɔ ka kas disre,

²¹ mba nte tɔyɔ tɛnatɔyi mɛnɛ kɛɲbal kɔn mɔ, kɔ wan ka wɛbɛ ka Misira wɛran ɛfir kɔ, k'ɔɲkɔ pɛdusum pɔyɔ kɔ wan.

²² Kɛcɛrɛ kɛkɔt fɛp k'aMisira k'anadusumɛ Musa, k'ɔsɔtɔ fɛnɔntɛr dɛmoloku kɔ dɛmɔyɔ.

²³ Nte Musa ɔsɔtɔ meren wɛcɔ mɔɲkɛlɛ (40) mɔ, k'ende pɛcɛm-cɛmɛnɛ kɛkɔnɔɲk awɛnc aɲa, afum a Yisrayel.

²⁴ Kɔ Musa ɔɲkɔ pɛtɔɲɛ wɛnc wɛkin wɛka Misira paccakɛra, k'ɛncɛmɛnɛ wɛnc wɛkakɔ anctɔrɛs mɔ. K'olukɛ ayek ɲa wɛnc, k'ɛndif wɛMisira.

²⁵ Kɔ Musa ɛncɛm-cɛmɛnɛ a awɛnc aɲa ɲaɲtam kɛcɲbɛkɛrɛ a Kanu kɛntam kɛban ɲa kɔ ɲancɛmɛ kɔ darɛɲ-ɛ, mba ɲanacɛrɛ fɛ ti.

²⁶ Dɔckɔsɔk, kɔ Musa ɔɲkɔ pɛbɔp aYisrayel mɛrɛɲ ɲacsutɛnɛ, k'ɛyɔc ɲa, k'olompɛs ɲa daco. K'ɛyif ɲa: <Ta ake tɔ nɔɲsutnɛnɛ tantɛ-ɛ? Dɛwɛncɔ dɔ nɔyɔ!>

²⁷ Mba wɛkɔ ɛncɛcakɛra wɛnc mɔ, ɛwɛn Musa pɛcyif: <An'ɔsɔɲ ɛm kɔyɔnɛ wɛbɛ kɔ wɛbɔc kiti sɛna daco-ɛ?>

²⁸ Kɛdif im kɔ mɛfan ɔ, pɛmɔ tɔkɔ mɛndifsa wɛMisira mɔ?>

²⁹ Kɔ moloku mamɔkɔ mɔsɔɲɛ Musa kɔyɛkɛ, k'ɔɲkɔ pɛndɛ decikɛra atɔf ɲa Madiyan. Difɔ ɛnakom awut arkun mɛrɛɲ.

³⁰ Nte meren wɛcɔ mɔɲkɛlɛ mencepɛr (40) mɔ, kɔ mɛlɛkɛ mowurɛr Musa nde tɛɲbɛrɛ ta tɔrɔ ta Turisnina dɛmɛmɛr ma nɛnc nde dɛncmar dɛrɛntɛm mɔ.

³¹ Nte Musa enəjk ti mo, ko pənciyane ko kənəjk ka tes tewey-wey tatəko, nte onccəhne kəkəgbəkəre mo, ko dim da Wəbe Kanu dender ko:

³² In'əfo, Kanu ka atem am: Kanu ka Abraham, ka Siyaka ko ka Yakuba! Musa pəcyikce, ta oḡwose sə kəgbətnə di-ε.

³³ Ko Wəbe oloku ko: «Məwure cəfta cam dəwecək, bawo kəfo kanjo mənəmə mo, kəfo kəcempi ko.

³⁴ Inəjk pəcuy pa afum em aḡe ḡayi Misira mo, ine kigbis kəḡan: Kətor k'inder ideyac ḡa. Ndekəl oḡ, məder isom əm Misira.»

³⁵ Musa wəkako ḡanace a ḡaloku: «An'əsəḡ əm kəyənə wəbe ko wəboc kiti səna dacə-ε?» Nkən Kanu kənasom pəyənə wəbe ko wəyac, kəberene ka mələke mme mənawurər ko nde derəntəm mo.

³⁶ Nkən Musa enawurene aYisrayel Misira pəcyo mes məwey-wey ko megbəkəre ma Kanu, nde kəba Kəyim ko nde dətəgbəre, meren mme wəco maḡkəle (40) disre.

³⁷ Nkən Musa wəkako yati enaloku aYisrayel: «Kanu kəndekere nu sayibe pəmo ina, nwe kəndeyek-yek awenc anu dacə mo, pəsom ko nno ḡayi mo.»

³⁸ Nkən Musa, nte afum ḡanaləḡkanə nde dətəgbəre mo, nkən enayənə sə wəcepərene moloku atem asu dacə ko mələke mme monclək-lokər ko nde dətəro ta Turisnina mo. K'əsətə moloku meyi wəyən, nte təḡsəḡe səcəre mi mo.

³⁹ Atem asu ḡanafən fe kəcəḡkəl ko, ko ḡawenəs ko. ḡanacem-cemne dəbəkək kaluksərne Misira.

⁴⁰ Ko atem asu ḡaloku Aruna, «Mələmpəse su merəḡka, mme mendesole su mo, bawo Musa nwe owurene su Misira mo, səcəre fe nte təsətə ko mo.»

⁴¹ Mata maməkə, ko ḡalompəs terəḡka ta tura, ko ḡaləḡne nno terəḡka kirin, ko ḡambocə kəsata yebac ya waca wəḡan.

⁴² Mba ko Kanu kəmbər ḡa kumunt, ko kəsake ḡa kəkər-koru ca ya darenc. It'ancic ti buk ba sayibe disre:

«Nəna aka Yisrayel,
meren wəco maḡkəle (40) mme nəcəpərene dətəgbəre mo, in'o nəncdife sem kələḡne disre ba?

⁴³ Nənakekəre abal ḡa terəḡka ta Mələk ko terəḡka ta kəs ka kanu konu Refən.

Nənapat merəḡka teta kəcəntnəne ka mi fər kirin!
Ti disre kəkəkəre nu k'inder decikəra Babiləḡ tadarəḡ.»

⁴⁴ Atem asu ḡanayo dəndo dətəgbəre aḡbancan ḡa sede nḡe anaməḡk walake wa masar nwe Kanu kənacice Musa mo. Tatəkə tə wələk-lokər ka Musa enaloku ko a pəyo, a ḡowurene ko ḡəkə enanəḡk mo.

⁴⁵ Nte atem asu ḡasətə ḡi mo, ko ḡaḡkekəre nde atəf nḡe Kanu kənabeləs afum fər wəḡan kirin mo. Yosuwe pəyənə ḡa wəkirin. Aḡbancan ḡaḡəkə ḡenayi di ḡaḡ tēm ta Dawuda.

⁴⁶ Ko Dawuda əsətə kəmar ka Kanu, k'ontola sə kəsəḡ ko kəfo nke əḡkəcəmbəre Kanu ka Yakuba dəkəyi mo.

⁴⁷ Mba Sulemani enader pələ kələ kanjo.

⁴⁸ Mene nte Wəbe wəka darenc əntəwose kəyi paka disre mpe kəca ka fum kələmpəs mo, pəmo təkə sayibe səloku ti mo:

⁴⁹ «Wəbe oloku:

«Kəm kəyənə dəcəm dem da dəbe,
ko antəf ḡəyənə dəkəcəmbər dem wəcək.
Ake kələ ko nəyi kəcəmbər em-ε?

Kəfo kərə k'inde icḡesəm-ε?

⁵⁰ Bafɔ kəca kem kəlompəs mamε fəp ba?»

⁵¹ Nəna afum atanj ləḡəs, ayɔ bəkəc pəmɔ bilakoro! Haḡ məkɔ nəna nəyi kəwənəs Amera Nəcempi ḡa Kanu pəmɔ atem anu!

⁵² Sayibε sərə atem anu ḡanatɔtərəs-ε? ḡanadif aḡe ḡananuḡkεnε kədəḡk kəder ka Wəlompu nwe nəna nənasɔḡ oḡ a kɔ andif mɔ.

⁵³ Nəna aḡe nənasɔtɔ sariye sa Musa nse melekε ma Kanu menaloku kɔ mɔ, mba nənakɔtεnε fε si, nəmεḡkərne fε sɔ si.»

Kədifka Etiyen

⁵⁴ Ntε Etiyen onclok-loku mɔ, afum akɔ ḡancne moloku maməkɔ mɔ, pənanəḡkanε kətele ḡa haḡ ḡancḡaḡərənε sek nnɔ eyi mɔ.

⁵⁵ Mba Amera Nəcempi ḡa Kanu ḡencbəc Etiyen dərīs. K'εḡḡətne kəm, k'εḡḡk nərə da debeki da Kanu, Yesu pəcəmε Kanu kəsək.

⁵⁶ K'oloku: «Inəḡk kəm kəḡbite, Wan ka Wərkun pəcəmε Kanu kəsək!»

⁵⁷ Kɔ afum aḡe ḡaḡkule-kule pəpəḡ, kɔ ḡasuncnε ləḡəs, kɔ ḡawetne fəp faḡan kəkɔbəp Etiyen.

⁵⁸ Kɔ ḡambeləs kɔ haḡ kɔ ḡawurεnε kɔ dare, kɔ ḡanca-cas kɔ masar. Atəḡne aka ti ḡanaboc suma saḡan sa kəroḡ wətεmp dəntɔf, nwe ancwe Sol mɔ.

⁵⁹ Ntε ḡancca-cas kɔ mɔ, kɔ Etiyen ontola pəcloku: «Mariki Yesu, məbaḡ amera ḡem.»

⁶⁰ Ntε tɔ kɔ Etiyen εncəp suwu, k'oḡkule-kule: «Wəbε, ta məsarsər ḡa kiciya kaḡkε!» Ntε elip kəloku tatəkɔ mɔ, k'εḡḡbiḡ kifir.

8

1 Sol εnawosε kədif ka Etiyen.

Sol ɔntərəs kəloḡkanε ka alaḡ Yesu

Dəsək dadəkɔ d'anacop kətərəs kəloḡkanε ka alaḡ Yesu dəndo Yerusalem. Kɔ alaḡ fəp faḡan ḡasaməsər nde tɔf ya Yude kɔ Samari, mεnε asom a Yesu.

² Kɔ afum alompu alɔma ḡawup Etiyen, kɔ ḡambok kɔ belbel.

³ Kɔ Sol nkɔn εyεfε kətərəs ka kəloḡkanε ka alaḡ Yesu, pəcberε dəwɔlɔ waḡan, pəcwurεnε ḡa, pəcsumpər arkun kɔ aran, pəcber ḡa dəbili.

Filip kəcəm kən moloku mətɔt atɔf ḡa Samari

⁴ Alaḡ aḡe ḡanasaməsər mɔ, ḡanccam moloku mətɔt mofɔ fəp mme ḡanccepər mɔ.

⁵ Filip nwe εnator dare da Samari mɔ, εnccam teta Krist, nwe Kanu kəyεk-yek kəyɔnε Wəbε mɔ.

⁶ Kəḡay k'afum kətəḡnε disrε ḡanccəḡkəl belbel təkɔ Filip oncloku mɔ, nte ḡancne kɔ ḡacnəḡk sɔ meḡbəkərε ma Kanu mme ɔncyɔ mɔ.

⁷ Yəḡk yelec yonckule-kule kəwur afum alarəm dərīs aka dare dadəkɔ. Anataməs atorər kɔ afum alarəm akɔ ḡanafi wəcək mɔ.

⁸ Kɔ pəbotu pəpəḡ pəmberε dare da Samari.

⁹ Wərkun wəlɔma εḡayi di pacwe kɔ Simḡ. Enawon dare dadəkɔ, pəyɔnε dure, pəcɔḡnε aka Samari cusu kəwos, pəcwεnε sɔ fum wəpəḡ.

¹⁰ Afum fəp kəyεfε wanfεt haḡ wəbeki ḡanaleləs kɔ, ḡacloku: «Fum wəkawε ɔyɔnε fənɔntər fa Kanu, fənɔntər fəkɔ aḡwe (Fəpəḡ) mɔ.»

¹¹ ḡanacəmε kɔ darəḡ, bawo εnawon kəwosəs ḡa cusu teta dureya dən.

¹² Mba ntε ḡanalaḡ moloku ma Filip, nwe εnccam moloku mətɔt ma dεbε da Kanu kɔ tewe ta Yesu Krist mɔ, k'əḡḡbət arkun kɔ aran dərɔmun teta Kanu.

13 Kɔ Simɔŋ nkɔn yati elan moloku ma Filip, k'owose kɔgbɔt dɛromun. K'encɔme Filip dɛntɔf tɛm fɛp. Nte Simɔŋ enɔŋk megbekɛre kɔ mes mewey-wey ma Kanu mme mencyi mɔ, kɔ kusu kɔwos kɔ.

14 Nte asom a Yesu ŋanayi Yerusalem kɔ ŋane a aka Samari ŋawose toloku ta Kanu mɔ, kɔ ŋasom Piyer kɔ Isanŋ kɔkɔ di.

15 Nte Piyer kɔ Isanŋ ŋantor dare da Samari mɔ, kɔ ŋantolane ŋa nte tɔŋsɔŋe ŋasɔtɔ Amera Ŋecempi ŋa Kanu mɔ,

16 bawo hanŋ tɛm tatako Amera Ŋecempi ŋenatorɛr fɛ nwe o nwe kɛresna dɛndo. Mene kɔgbɔt dɛromun gbɛcɛrɛm kɔ ŋanasɔtɔ tewe ta Yesu Krist.

17 Awa Piyer kɔ Isanŋ ŋandenɔr ŋa waca, kɔ ŋasɔtɔ Amera Ŋecempi ŋa Kanu.

18 Nte Simɔŋ enanɔŋk a kɛdenɔr kɛca ka asom a Yesu gbɛcɛrɛm kɛnasɔŋ afum Amera Ŋecempi mɔ, k'ɛŋkɛre ŋa pɛsam pɛcloku:

19 «Nɔsɔŋ im ina sɔ kɔtam! Nwe o nwe indedenɔr waca mɔ, wɛkayi pɛsɔtɔ Amera Ŋecempi ŋa Kanu.»

20 Mba kɔ Piyer oloku kɔ: «Kanu kɛsɔŋe mɛlɛcɛ kɔ pɛsam pam, bawo mɛncɛm-cɛmne kɛsɔtɛne pi kɛpɔcɛ ka Kanu!

21 Mɛna mɛyɔ fɛ daka, mɛyɔ fɛ tofokɛl nnɔ tes tante disre, bawo abɛkɛc ŋam ŋolomp fɛ fɔr ya Kanu kirinŋ.

22 Mɛlɛksarne Wɔbɛ Kanu, mɛlɛtsene kɔ, mɛtola kɔ nte tɔŋsɔŋe pɛŋŋɛn'am mɛcɛm-cɛmne mɛlɛc ma abɛkɛc ŋam mɔ, kɔ Kanu kɔwose ti-ɛ.

23 Bawo inɔŋk a mɛcɛm-cɛmne mɛlɛc ma kɛraca mentam ɛm, kɔ kɛtolomp kɛsɛkɛt ɛm.»

24 Kɔ Simɔŋ oloku kɔ: «Nɛtolan'em Kanu Wɔbɛ, nte tɔŋsɔŋe mame nɔloku mɔ ta tɔlɔm o tɔlɔm tɔsɔf'em.»

25 Piyer kɔ Isanŋ ŋancam nte ŋananɔŋk kɔ tɔko ŋanane teta Yesu mɔ, kɔ ŋalukus Yerusalem, ŋaccam toloku tɔtɔt ta Kanu sɛdare sɛlarɛm sa Samari.

Filip kɔ wɛrkun wɛpɔŋ wɛka atɔf ŋa Ecopi

26 Mɛlɛkɛ ma Wɔbɛ mɔlɔma mender nde Filip eyi mɔ mɔcloku: «Mɛkɔ ntende kɛca kɛtɔt, mɛsolne dɔpɔ deyer-yer nde dɛŋyɛfɛ Yerusalem doctor Kasa mɔ.»

27 Kɔ Filip eyɛfɛ katin, k'entas. Wɛrkun wɛpɔŋ wɛka Ecopi enayi pabane kɔ. Nkɔn enatɔmpɛr kɛcɛmbɛr-cɛmbɛr ka daka da Kandas, wɔbera wɛka atɔf ŋa Ecopi fɛp. Enader Yerusalem kɛdekor-koru Kanu.

28 Kɛlukus k'encndɛ ndɔrɔn pɛnde pɛyɛksene pɔn kɛrɔŋ, pɛckaranŋ pɛpɔŋ buk ba aŋnabi Esayi.

29 Kɔ Amera ŋa Kanu ŋoloku Filip: «Mɛcɔŋne mɛlɔtɛrne pɛyɛksene mɛɛ.»

30 Kɔ Filip eyɛkɛ kɛkɔ dɛndo, k'ene wɛka Ecopi nwe pɛckaranŋ buk ba aŋnabi Esayi. K'eyif kɔ: «Mɛncɛre nte mɛyi kɛkaranŋ mɔ ba?»

31 Kɔ wɛEcopi nwe oloku Filip: «Cɛke c'intam ti kɛcɛre-ɛ, k'intɔyɔ nwe ɛntɛks'em mɔ?» K'oloku Filip a pɛpɛsɛ pɛnde kɔ kɛsak pɛyɛksene pɔn kɛrɔŋ.

32 Moloku ma Buk mɛɛ enckaranŋ mɔ menayɔne mme:

«K'ɛŋkɛkɛre kɔ dɛkɛdif pɛmɔ aŋkɛsiya.

Pɛmɔ aŋkɛsiya ŋowut nŋe ŋɔntɔkule-kule wɛfon wɛka ŋi dɛntɔf mɔ, ɛnawani fɛ kusu.

33 Owosɛ kɛtorɛ kɔn banca, k'ambaŋɛr kɔ kance kɔn.

An'endetam kɛlɔm teta kɛbɔnda ka dokom dɔn-ɛ?

Bawo anim kiyi kɔn doru antɔf ŋaŋe kɛrɔŋ.»

34 Kɔ wɛrkun wɔbanɛ nwe eyifɛ Filip: «lɛtsɛn'am, mɛlɔk'im: Tes ta ana tɔ sayibɛ sɛloku tante-ɛ? Ta nkɔn wɛsɛrka ba, ka fum wɛcuru?»

³⁵ Kɔ Filip elek moloku k'oncop damoloku ma Buk babɔkɔ, k'oloku kɔ toloku tatɔt ta Yesu.

³⁶⁻³⁷ Nte njanasolne dɔpɔ nɔakɔ mɔ, kɔ njanɔkɔ nɔabɔp domun. Kɔ wɔrkun wɔbane oloku: «Domun dɔ dandɛ: Ak'endeyamɔs oŋ kɔgbɔt kem dɔromun teta Kanu-ε?»*

³⁸ Kɔ Filip oloku a pɔcɔmbɔr pɛyɛksɛnɛ, kɔ nɔantor dɔromun. kɔ Filip ɛnɔgbɔt kɔ dɔromun teta Kanu.

³⁹ Nte nɔampɛ dɔromun mɔ, kɔ Amera Nɛcɛmpi nɔ Wɔbɛ Kanu nɛmpɛnɛ Filip. Ti disrɛ, wɔbane wɔka Ecopi nwe ɛnɔnɔk fɛ kɔ sɔ, k'osolnɛ dɔpɔ dɔn abɔkɔc nɔbotu disrɛ.

⁴⁰ Kɔ Filip ɔnɔkɔ pɔnɔnɔkne dare da Asot. K'oloku moloku mɔtɔt ma Kanu sɔdare fɔp nɛ ɛncɛpɔr mɔ, han k'ɔnɔkɔ pɔbɔp dare da Sesari mɔ.

9

Kanu kɔncɔmbɔr Sol dɔpɔ dɔtɔt

22.3-16; 26.9-20

¹ Tem tatɔkɔ Sol pɔcɔnɔsɛnɛ kɔdifɔt acɛpɛ a Mariki darɔn, k'ɔnɔkɔ ndena wɔlonɛnɛ wɔpɔnɔ wɔka kɔlɔ kɔpɔnɔ ka Kanu.

² Kɔ Sol ewer wɔlonɛnɛ wɔpɔnɔ reka teta wɔlɔ wa dɔkɔtola Kanu da aSuyif nde Damas, nte tɔnsɔnɛ k'ɛmbɔp di akin akin-ɛ, pɔyɔnɛ arkun pɔyɔnɛ aran anɛ nɔancɔmɛ dɔpɔ da Yesu darɔn mɔ, pɔtam kɔsumpɔr nɔ pɔkɛkɔrɛ Yerusalem.

³ Dɔpɔ Sol ɛnɔyi pɔclɔtɔrnɛ dare da Damas, gbɔncana babɔkɔ kɔ pɔmot pɛyɛfɛ dɔkɔm, kɔ pɔsɔnɔ pɔwɔnɔkara mɛ pɛnakɛl kɔ mɔ.

⁴ K'ɛntɛmpɛnɛ dɔntɔf. K'ɛnɛ dim ndɛ dɛnɔyif kɔ: «Sol! Sol! T'ake tɔ mɔntɔrɔs ɛm-ε?»

⁵ Kɔ Sol ɛyif kɔ, «Wɔbɛ, mɔna an'ɔfɔ-ε?»

«Ina, Yesu iyɔnɛ, nwe mɔyi kɔtɔrɔs mɔ.

⁶ Mba mɔyɛfɛ, mɔbɛrɛ dare, anɔkɔlɔk'am tɔkɔ pɔmar mɔyɔ mɔ.»

⁷ Kɔ arkun anɛ njanasol kɔ nkɔn Sol mɔ nɔancɔmɛ, ta nɔantam kɔlɔk-ɔlɔk-ɛ kɔnɛsɛ disrɛ, nɔacnɛ dim mba ta nɔanɔnɔkɔ fɔm-ɛ.

⁸ Kɔ Sol ɛyɛfɛ dɔntɔf pɔmɛpi fɔr, mba ta ɛnɔnɔkɔ paka o paka-ɛ. K'asumpɔr kɔ kɔca, k'ambɛrsɛnɛ kɔ dare da Damas.

⁹ K'ɛyi di mata maas ta ɛnɔnɔkɔ-ɛ, ɔfɔdi pɛri, ɔfɔmun.

¹⁰ Dɔndo dare da Damas wɔcɛpɛ wɔka Mariki darɔn wɔlɔma ɛnɔyi di pɔcwe kɔ Ananiyas. Kɔ Wɔbɛ oloku kɔ kɔnɔnɔkɔ disrɛ: «Ananiyas!»

K'owɔsɛ: «Iyi nnɔ, Mariki!»

¹¹ Kɔ Mariki oloku kɔ: «Mɔkɔ dɔpɔ dɔkɔ anɛwe (Dolompu) mɔ, mɔkɔ mɔtɛn ndɛ kɔlɔ ka Yudas fɔm wɔkɔ anɛwe Sol mɔ, wɔka dare da Tarɔs ɔyɔnɛ. Bawo ontola Kanu,

¹² kɔ Kanu kɔnɔmentɔr kɔ kɔnɔnɔkɔ disrɛ fɔm nwe anɛwe Ananiyas mɔ pɔbɛrɔr kɔ. K'ɛndɛnɔr Sol waca, nte tɔnsɔnɛ kɔ sɔ kɔnɔnɔkɔ mɔ.»

¹³ Mba Ananiyas oluksɛ: «Wɔbɛ, inɛnɛ afum alarɔm nɔaclɔm pɔlɛc mɛ fɔm wɔkakɔ ɔyɔ afum am acɛmpi ndɛ Yerusalem mɔ.

¹⁴ Nnɔ kɔfɔ kanɔkɛ yati kɔ alɔnɛnɛ apɔnɔ aSuyif nɔanawurɛ Sol a pɔdɛsumpɔr nwe o nwe ombɔnc tɛwɛ tam mɔ.»

¹⁵ Mba kɔ Wɔbɛ oloku Ananiyas: «Mɔkɔ! Bawo fɔm wɔkakɔ paka pɔ mɛ inayɛk-yɛk kɔkɔtɛnɛ tɛwɛ tem nnɔ abɛ a tɔf ya dɔru kɔ aka Yisrayel fɔr kirin mɔ.

* **8:36-37** Yɛcɔcɔs yɔlɔma anɛnɔr moloku mɔlɔma: «Kɔ Filip oloku: (Kɔ mɔlanɔ abɔkɔc nɔam fɔp-ɛ, sɔntam ti.) Kɔ wɔEcopi wɔbane oloku: (lanɔ a Yesu Krist ɔyɔnɛ Wan ka Kanu.»

16 Ina yati in'endementar Sol pacyuy fap pakɔ pamar padeceperene teta tewe tem mo.»

17 Ko Ananias onko. Nte embap kelo kanko mo, k'emberɛ, k'enderar Sol waca. K'oloku: «Sol Wenc im, Mariki Yesu, nwe enawurur am nde dɔpɔ nde manasolne mader Damas mo, osom im nte tɔnɔn'am so kanɔnk, a malare so Amera Nēcempi na Kanu mo.»

18 Gbancana babako, ko ca yonkonɛ ko dafar pamɔ wokwok, ko far yon yentam so kacnɔnk. Ko Sol eyefe, k'asoto kagbat daromun teta Kanu.

19 Nte elip kadi yeri mo, k'asoto so fanontar.

Sol kacam kan toloku ta Kanu dare da Damas

Ko Sol encepere mataka moloma ko acepse a Mariki Yesu ako nanayi dare da Damas mo.

20 K'eyefe kacam katina dawolo wa daketola Kanu da aSuyif, pacloku a Yesu Wan ka Kanu onɔne.

21 Ko panciyane afum fap anɛ nanɛne polok-loku pa Sol mo, ko nayif: «Bafɔ nkɔn nde Yerusalem encfan kamalak anɛ nanɛnɔnc tewe tante mo ba? Bafɔ kasumpar kanan k'enaderene nno, pakekare na nde alonɛ arɔn nayi mo ba?»

22 Mba Sol pacsoto kasoto dam katam pacsɔnɛ aSuyif anɛ nanayi dare da Damas mo kaciyane, kacmentar a Yesu onɔne Krist, wabe wayek-yek waka Kanu.

23 Nte mataka moloma mencepar mo, aSuyif anɛ nanayi Damas mo nantɔnɛ kanim ka Sol.

24 Ko Sol ende pacare tetɔnɛ taran. ASuyif nancbum dan ko pibi kadewur kon dare nte tɔnɔnɛ natam kanim ko mo.

25 Mba pibi papoko ko acepse a Mariki Yesu darɔn namber ko dakasaksaka, ko nayokene ko damba da sanja sa dare darɔn.

Kayi ka Sol Yerusalem

26 Nte Sol emberɛ Yerusalem mo, k'enɛsep kanonkɔlene acepse a Mariki Yesu darɔn. Mba fap fanɛnɛse ko, ta nalan a nkɔn so onɔne wacepse waka Yesu darɔn-ɛ.

27 Mba ko Barnabas elek ko, ko narɔko nde asom a Yesu nayi mo. Ko Barnabas olomar na nte Sol enanɔnk Mariki dɔpɔ, a ko Yesu olok-lokar ko mo, ko nte tewe ta Yesu kanasɔnɛ ko kabakne kalokk-loku mo.

28 Sol oncko pacder ko na dando Yerusalem paclok-loke kalan disre tewe ta Mariki.

29 Sol paclok-loku, pacgbekɔlene ko afum aKresi, mba, na so, nacten kanim ko.

30 Nte awenc alan nancare ti mo, ko nasɔnɛ Sol kator Sesari, k'elek dɔpɔ k'onko dare da Taras.

31 Kalonkane ka alan Yesu a atof na Yude, atof na Kalile ko atof na Samari, na fap nanayi poforu disre. Alan Yesu nancapaseɛne bakac, nayine kanese ka Wabe Kanu disre. Amera Nēcempi na Kanu nencmaras kalonkane ka alan Yesu, ti disre nancla kala dam.

Katamas ka Eney

32 Piyer nwe enccepar sadare sasoko fap mo, enader pator so ndena afum acempi anɛ nanande dare da Lida mo.

33 K'onko pabap di fum nwe ancwe Eney mo, ta onkot-ɛ, pafantare debik meren camat-maas disre.

34 Ko Piyer oloku ko: «Eney, Yesu Krist entamas am! Mayefe mana wesarka manep abik nam!» Gbancana babako k'eyefe, k'encame.

³⁵ Nte aka Lida kɔ aka Sarɔŋ fɛp ŋanɛŋk kɔ mɔ, kɔ ŋanɛkafɛli mera yanjan nno Mariki eyi mɔ.

Kɛyɛkti ka Tabita defi

³⁶ Wɛran wɛɛpɛsɛ ka Mariki Yesu darɛŋ wɛlɔma ɛnayi dare da Yope, pacwe kɔ Tabita. Kusu kɛŋan disrɛ ancwe kɔ sɔ Dorkas, ti tɔyɔnɛ «were». Wɛran wɛkakɔ ɔncyɔ mes matot mɛlarɛm, kɔ kɛmar.

³⁷ Mata mamɔkɔ disrɛ, k'ɛfɛntɛrɛ docu, k'ɛfi. K'ambikɛ kɛbɛl kɔn, k'ampɛnɛ ki nde dukulɔ da kɛlɔ darenɛ.

³⁸ Nte aɛpɛsɛ a Mariki Yesu darɛŋ ŋane a Piyɛr eyi Lida ndɛ dɔlɔtɛrnɛ dare da Yope mɔ, kɔ ŋasom arkun mɛrɛŋ kɛkɔlɛtsɛnɛ kɔ: «Ta mɛwɔn kɛɛpɛr nde ndorosu.»

³⁹ Kɔ Piyɛr ɛyɛfɛ kɔ ŋanɛkɔ kɔ asom anɛ mɛrɛŋ. Nte ŋambɛrɛ mɔ, k'ampɛnɛ kɔ nde dukulɔ da kɛlɔ darenɛ. K'acɛbɔkɛra fɛp ŋander ŋabɔp kɔ ŋacɔk, ŋacmentɛr kɔ sɔbrumus kɔ yamos nyɛ Dorkas ɛnalompɛs nte ɛnayi kɔ ŋa mɔ.

⁴⁰ Kɔ Piyɛr owurɛnɛ afum fɛp nde doru, k'ɛncɛp suwu, k'ontola Kanu tetɛn. Nte elip mɔ, k'ɛŋkafɛlɛ ndɛ kɛbɛl kɛyi mɔ, k'oloku: «Tabita, mɛyɛfɛ!» Awa kɔ Tabita ɛmɛpi fɔr, nte ɛnɛŋk Piyɛr mɔ, k'ɛyɛfɛ, k'ɛndɛ.

⁴¹ Kɔ Piyɛr ɔsɔŋ kɔ kɛɛa, k'ɛyɛkti kɔ. K'ɛwɛ afum acɛmpi kɔ acɛbɔkɛra, k'ɛmentɛr ŋa Tabita pɛyi wɛyɛŋ.

⁴² Kɔ aka dare da Yope fɛp ŋancɛrɛ ti, kɔ alarɛm ŋancɔp kɛlan Mariki.

⁴³ Kɔ Piyɛr eyi dare da Yope mataka mɛlarɛm, ndɛna Simɔŋ wɛlɔma nwe ɛncɔɛ kata mɔ.

10

Kɛwɛ ka Piyɛr ndɛna Kɔrneli

¹ Wɛrkun wɛlɔma ɛnayi Sesari pacwe kɔ Kɔrneli, pɔyɔnɛ wɛbɛ ka kɛgba ka asɔdar tasar tin (100). Kɛgba kanɛkɔ k'ancwe «Kɛgba Itali.»

² Nkɔn kɔ aka kɛlɔ kɔn disrɛ fɛp ŋancnɛsɛ Kanu, ŋacɛmɛ tɛfan ta ki darɛŋ. Kɔrneli ɔncyɔnɛ afum nɔnɔfɔr, pɛctola Kanu tɛm fɛp.

³ Dɔsɔk dɔlɔma dec dɔrɔfɔy, k'ɛnɛŋk pɛsɔku pɛs kɛnɛŋk disrɛ, mɛlɛkɛ ma Kanu mɔlɔma mɛbɛrɛ ndɛ kɛlɔ kɔn disrɛ, kɔ mɛwɛ kɔ: «Kɔrneli!»

⁴ K'ɛŋgbɛtɛnɛ mi, kɔ kɛnɛsɛ kɛyi kɔ, k'ɛyif mi: «Acɛkɛ Wɛbɛ?»

Kɔ mɛlɛkɛ mamɔkɔ moloku kɔ: «Motola mam kɔ kɛyɔnɛ kam afum nɔnɔfɔr, mes mamɔkɔ fɛp mɛmpɛ ndɛ Kanu fɔr kirin, kɔ kɛncɛm-cɛmɛnɛ mi.

⁵ Mɛsɔm ɔŋ afum dare da Yope ŋakɔwɛn'am fum wɛlɔma nwe anɛwɛ Simɔŋ mɔ, pacɛnɛr kɔ tɛwɛ ta <Piyɛr>.

⁶ Nɛna Simɔŋ wɛlɔma eyi, wɛkakɔ wɛbɛc kata ɔfɔ, kɛlɔ kɔn kɛyi kɛba kɛsɛk.»

⁷ Nte mɛlɛkɛ mamɔkɔ mɛnalok-lokɛr kɔ mɔ mɛnadelukus, kɔ Kɔrneli ɛwɛ amarɛs ɔn mɛrɛŋ kɔ wɛsɔdar wɛɛmɛ mɛfan ma Kanu darɛŋ wɛlɔma anɛ ŋanayi kɔ dɛntɔf mɔ.

⁸ Nte Kɔrneli elip kɛlɔmɛr asɔdar ɔn mes mɔkɔ mɛnacɛpɛr nkɔn kɔ mɛlɛkɛ dacɔ mɔ, k'osom ŋa Yope.

⁹ Dɔckɔsɔk, nte ŋanayi dɔpɔ, a ŋacɔlɔtɛrnɛ dare da Yope mɔ, kɔ Piyɛr ɛmpɛsɛ akɛr ŋa kɛlɔ kɛn kakɛrɔŋ kɛkɔtola Kanu, tɛnatɛŋnɛ danɛ dɛɛbɔp.

¹⁰ Kɔ dor dɔyɔ kɔ, k'ɛfan kɛdi yeri. Tɛm tɔkɔ anayi kɛlompɛsɛ kɔ yeri mɔ, k'ɛnɛŋk tɛs tɔlɔma nte tɛyɛfɛ dɛKanu mɔ.

¹¹ K'ɛnɛŋk kɛm kɛgbite, paka pɔlɔma mɛpɛ pɛnawurɛnɛ kɔ manta mɔpɔŋ mɛnɛ anasumpɛr mɔŋkubut mɔŋkɛlɛ mɔ, mɔntɔr hanɛ kɔ mɛfɛntɛrɛ dɛntɔf.

12 Sem dokom fap yenyai manta mamako disre, kayefe sem ya wecak mankale, yeliŋe-liŋe han kabap bemp ya darenc.

13 Ko dim daloma doloku ko: «Piyer, Mäyefe, mädif, mäsom!»

14 Ko Piyer oloku: «Ala Wäbe! Tolom o tolom tentasöhe f'em kəsom paka mpe sariye səməne mo.»

15 Tameŋan ko dim nde dolok-lokar ko so: «Paka mpe Kanu kəcempəs mo, ta mənə mäyik-yikəs pi.»

16 Ko teyi kəmaas, pəwon fe k'ampene dəkəm manta mamako mənayo sem mo.

17 Ko tedisre ta kənəŋk kanjo teyi Piyer yamayama. Tem tatoko to asom a Kəneli, nte amentər ŋa kəlo ka Siməŋ mo, ko ŋanjo ki nde dəkusunja.

18 Ko ŋawe, ko ŋayif ko pəyone fo kəlo kanjo ko Siməŋ nwe andenar tewe ta «Piyer» mo eyi-ε.

19 Nte Piyer eyi kəcem-cemne tedisre ta kənəŋk kən mo, ko Amera ŋa Kanu ŋoloku ko: «Arkun maas ŋayi nde dabarja ŋacten əm.

20 Mətor, nəsol nəko ko ŋa, ali kənese ta kəy'im, bawo In'osom ŋa.»

21 Ko Piyer ontor k'eyif arkun aŋe: «Ina nənten, ta ake to nənderene nno-ε?»

22 Ko ŋaloku ko: «Kəneli, wäbe wəka asodar tasar tin (100), fum wəlompu pənese Kanu, nwe aSuyif fap ŋancəre dətət dən akə ŋanloku mes mən mətat mo, ndəron Kanu kəsom meleke mosoku, a pəsak su sədew'am pəkəcəŋkəl əm nte pəmar məloku ko mo.»

23 Awa ko Piyer emberse ŋa deker, k'əsəŋ ŋa dəkiyi.

Dəckəsək ko Piyer eyefe, k'əŋko ko ŋa. K'awenc alan a dare da Yope aloma ŋancəmbər ko.

24 Ko ŋambere Sesari dəckəsək, Kəneli pəckar ŋa, k'ewe akomene ən aloma nde ndəron ko anapa ən atət.

25 Kəbere ka Piyer, ko Kəneli əŋko pəfayne ko, k'entempene ko wecak dətət. K'encəpe ko suwu.

26 Mba ko Piyer eyekti ko, k'oloku: «Mäyefe, ina so fum iyone.»

27 ŋayi kəlok-loku ko Kəneli, k'emberse k'embəp afum alarəm ŋaləŋkanε.

28 Ko Piyer oloku ŋa: «Nəncəre a aməne aSuyif kəbət ko acikəra, ko pəyone fe ti-ε, pəberε ndəron. Mba Kanu kəmentər im a pəmar fe a pakule fum o fum a eyik-yik, ko pəyone fe ti-ε, pəmar fe so a pakule fum o fum a əsək fe fər ya Kanu kirin.

29 It'əsəŋe nte məsom a pakəw'em mo, k'inder ali ta incemcemne-ε. Ndekəl iyif əm, T'ake to məwen'em-ε?»

30 Ko Kəneli oloku: «Təsəto mata mankale ictola nno nderem, dəfoy den-debər. K'inəŋk fər yem kirin wərkun wəloma pəberne yamos yomotər-motər.

31 Ko fum wəkakə oloku: «Kəneli, Kanu kəmban kətola kam, k'encemcemne so kəyone kam afum nənəfər.

32 Məsom fum dare da Yope pakəwen'am Siməŋ nwe andenar tewe ta «Piyer» mo, nde kəlo ka Siməŋ, wəbəc kata, nwe kəlo kən kəyi kəba kəsək mo.»

33 K'isom katina fum, ko mənə məsəto abəkəc ŋətət kəder. Ndekəl ŋə səyi fəp fosu Kanu fər kirin, sədecəŋkəl moloku məko Wäbe osom əm kəloku mo.»

Moloku ma Piyer ndena Kəneli

34 Awa ko Piyer elek moloku, k'oloku: «Kance: Incəre ŋə a Kanu kəyi fe kəsək kin.

35 Mba afum fəp dacə mənə nwe məŋnese Kanu, məcəme pəlompu darəŋ mo, Kanu kəmban əm.

³⁶ Kanu kɛnakene aka Yisrayel toloku, pɛcloku ɲa moloku mɔtɔt ma pɔforu mɲɛ Yesu Krist ɛɲkɛɛ afum fɔp mɔ: Nkɔn ɔyɔnɛ Wɔbɛ ka afum fɔp.

³⁷ Nana nancɛɛ tɔkɔ teyi Yude fɔp mɔ, Kalile tɛnacop, nte Saɲ ɛnadɔɲk kɛgbɔt dɛromun mɔ.

³⁸ Kanu kɛnabɔy Yesu wɔka Nasaret Amera Nɛcɛmpi ɲɔn kɔ fɛnɔntɛr. Nnɔ o nnɔ encɛpɛr mɔ, ɔncyɔ pɛtɔt, pɛctamɔs afum fɔp aɲɛ amera ɲɛlɛc ɲɔnctɔrɔs mɔ, bawo Kanu kɛnayi kɔ nkɔn Yesu.

³⁹ Sɔyɔnɛ atɔɲɲɛ a mes fɔp mɲɛ Yesu ɛnayɔ nde atɔf ɲa aSuyif kɔ Yerusalem mɔ. Nkɔn nwe ɲananim, ɲacaj kɔ dɛkɛtɔk mɔ,

⁴⁰ mba Kanu kɛnasɔɲɛ kɔ kɛfɔtɛ dɛdɛfi tataka tɔn ta maas. Kɔ kɛsɔɲ kɔ kɛmentɛrne,

⁴¹ bafɔ nnɔ afum fɔp ɲayi mɔ, mba nnɔ atɔɲɲɛ mes aɲɛ Kanu kɛnanunɲkɛnɛ kɔyɛk-yɛk, kɔ sɛna aɲɛ sɛnadi yeri, sɛmun kɔ nkɔn nte ɛnafɔtɛ afi dacɔ mɔ.

⁴² K'osom su kɛloku afum, sɛmentɛr a nkɔn Yesu, nkɔn ɔ Kanu kɛncɛmbɛr kɔyɔnɛ nwe endeboce afum afi kɔ ayi wɔyɛɲ kiti mɔ.

⁴³ Sayibɛ fɔp sɛnaloku tetɔn: Nwe o nwe ɛgbɛkɛr kɛlaɲ kɔn Yesu mɔ, endesɔtɔ nde Kanu kɛyi mɔ kɛɲajɲɛnɛ ka mes mɔn mɛlɛc teta tɛwe ta Yesu.»

Atɔyɔnɛ aSuyif ɲasɔtɔ Amera Nɛcɛmpi ɲa Kanu

⁴⁴ Moloku mamɔkɔ mɔ Piyɛr ɛnayi kɛloku, nte Amera Nɛcɛmpi ɲa Kanu ɲɛnatorɛr afum akɔ ɲanccɛɲkɛl moloku mɔn mɔ.

⁴⁵ Cusu cɛnawos alaj a Kanu, akɛnc akɔ ɲanader kɔ Piyɛr mɔ, kɛnɔɲk a kɛpɔcɛ ka Amera Nɛcɛmpi kɛnasamɛsɛr kɛbɛp haɲ acikɛra aɲɛ ɲantɔyɔnɛ aSuyif mɔ,

⁴⁶ bawo ɲancnɛ ɲa kɛkɔr-kɔru Kanu cusu c'acikɛra.

Awa kɔ Piyɛr ɔɲgbɔkɛrɛ:

⁴⁷ «Antam kɛfatɛnɛ kɛgbɔt afum dɛromun nnɔ akanɛ ɲasɔtɔ Amera Nɛcɛmpi pɛmɔ sɛna mɔ ba?»

⁴⁸ K'oloku a pagbɔt akakɔ dɛromun tewe ta Yesu Krist. Kɔ ɲalɛtsɛnɛ Piyɛr kɛyi dɛndo mataka mɔlɔma.

11

Piyɛr kɛsɛksɛr alaj a Yerusalem mes mɔkɔ mɛnacepɛr dare da Yope mɔ

¹ Asom a Yesu kɔ awɛnc aɲa alaj aɲɛ ɲanayi atɔf ɲa Yude mɔ ɲane a acikɛra, aɲɛ ɲantɔyɔnɛ aSuyif mɔ, ɲawosɛ toloku ta Kanu.

² Nte Piyɛr ɛnape Yerusalem mɔ, kɔ afum aɲɛ anakɛnc mɔ ɲayɛfɛ kɛnal kɔ,

³ ɲacloku: «Mɛmbɛrɛ ndena afum aɲɛ antɔkɛnc mɔ, kɔ mɛndi yeri kɔ ɲa, bawo aSuyif ɲanamɔnɛ ti!»

⁴ Awa kɔ Piyɛr ɛyɛfɛ kɛlɔmɛr ɲa tin tin tin mes mɔkɔ mɛnacepɛr mɔ:

⁵ «Ina, nde dare da Yope inayi, dɔsɔk dadɔkɔ ictola Kanu kɔ kɛnɔɲk kɛnder im. Ti disrɛ, k'inɔɲk paka pɔlɔma pɔctor powurɛnɛ kɔ manta pasumpɛr pi mɔɲkubut maɲkɛlɛ, kɔ pɔntɔr kɔyɛfɛ dɛkɔm haɲ nnɔ inayi mɔ.

⁶ Nte inagbɔtɛnɛ pi disrɛ mɔ, k'inɔɲk sɛm ya wɛcɛk maɲkɛlɛ, sɛm ya dop, yɛliɲɛ-liɲɛ, kɔ bɛmp ya dɛkɔm.

⁷ K'ine sɔ dim doclokl'im: «Mɔyɛfɛ Piyɛr! Mɛdif, mɛsɔm.»

⁸ K'iloku: «Ala Wɔbɛ! Tɔlɔm o tɔlɔm tɛntasɔɲɛ f'em kɛbɛr paka pɔtɔcɛmp dɛkusu, mɲɛ Kanu kɛmɔnɛ kɛdi mɔ.»

⁹ Kɔ dim nde dɔɲgbɔkɛrɛ sɔ kɔyɛfɛ dɛkɔm: «Paka mɲɛ Kanu kɛncɛmpɛs mɔ, ta mɛna mɔlokɛ pi kɛtɔcɛmp!»

¹⁰ Kɔ teyi kɛmaas, pɔwɔn fɛ kɔ ca nyɛ fɔp yolokus sɔ dɛkɔm.

11 Gbancana babokɔ, kɔ arkun maas anɛ anasom nde nderem kayefe dare da Sesari mɔ, ɲander ɲacame dakusɲka ka kɛlɔ kɛɲkɔ sɛnanyi mɔ.

12 Kɔ Amara Nɛcɛmɛpi ɲolok'im a sɛsɔl sɛkɔ kɔ ɲa, ali inese fe. Kɔ awɛnc asu anɛ alarɛ camat-tin anɛ ɲacɛm'em darɛɲ, kɔ sɛɲkɔ sɛbɛre ndena Kɔrneli.

13 Kɔ Kɔrneli oloku su nte enanɛɲk meɛleke nde ndɔrɔn, kɔ moloku kɔ: «Mɛsom fum dare da Yope pako wen'am Simɔɲ, wɛkɔ andɛnɔr tewe ta «Piɲer» mɔ.

14 Nwɛ endelok'am moloku mmɛ mendeyac ɛm, kɛbɛp aka kɛlɔ kam disre fɛp mɔ.»

15 Iyi kɛlɔk-loku, kɔ Amara Nɛcɛmɛpi ɲa Kanu ɲontorɛr ɲa pɛmɔ nte ɲɛnatorɛr sɛna sɔ dɛkɛɔp mɔ.

16 Awa k'inɛɛm-cɛmɛne toloku ta Mariki nte ɛnaloku: «Dɛromun Sarɛ ɛnagbɛt afum, mba nɛna Amara Nɛcɛmɛpi ɲa Kanu ɲɔ nɛndesɔtɔne kɛgbɛt dɛromun teta Kanu.»

17 Kɔ pɛyɔne a kɛpɔɛ kin kayi kɔ ɲanasɔtɛr Kanu pɛmɔ sɛna anɛ sɛlarɛ Yesu Krist mɔ-ɛ, an'inatam kɛyɔne-ɛ nte ɲɲkɔyamsɛr Kanu mɔ?»

18 Nte ɲane moloku mamɔkɔ mɔ, kɔ bɛkɛc yontor ɲa, kɔ ɲaɲkor-koru Kanu, ɲacloku: «Kanu kɛsɔɲ sɔ acikɛra anɛ ɲantɔyɔne aSuyif mɔ kɛtam kɛsɛkpɛr bɛkɛc, nte tɔɲsɔɲɛ ɲasɔtɔ teceparɛne doru nte Kanu kɛfarɛ mɔ!»

Kɛlɔɲkanɛ ka alarɛ Yesu nde dare da Antiyɔk

19 Nte andif Etiyen mɔ, k'ancɔp kɛtɔrɛs afum alarɛ kɔ tɔsɔɲɛ ɲa kɛsamsɛr. Alɔma ɲanakɔ atɔf ɲa Fenisi, alɔma ɲakɔ Sipɛr, alɔma ɲakɔ harɛ Antiyɔk, ɲanclukse fe nwɛ o nwɛ sɔ toloku ta Kanu mɛne aSuyif gbɛcɛrɛm.

20 Afum akakɔ daco, alɔma ɲanayi, anɛ ɲanader dare da Antiyɔk kɛyefe ka sɔdare sa Sipɛr kɔ Siren mɔ, ɲancɛɔpɛr aKrek, ɲacloku ɲa toloku tɔtɔt ta Mariki Yesu.

21 Kɛca ka Mariki kɛnayi alarɛ akakɔ kɛrɔɲ. Kɔ afum alarɛm ɲayɔne alarɛ, kɔ ɲaɲkafɛli bɛkɛc yanɲan nnɔ Mariki eyi mɔ.

22 Kɔ moloku mamɔkɔ mɛmbɛre kɛlɔɲkanɛ ka alarɛ Yesu ka Yerusalem dɛlarɛs, k'asom Barnabas Antiyɔk.

23 Kɛbɛre kɔn di, nte ɛnadenɛɲk pɛtɔt kɔ pɛbotu mɛpɛ Kanu kɛnayɔne alarɛ a Antiyɔk mɔ, kɔ pɛmbɔt kɔ. K'ɛɲgbɛɲɔr ɲa kɛgbɛkɛr ka Mariki mera yanɲan fɛp kɛlarɛ disre.

24 Barnabas fum wɛtɔt ɛnayi. Kɛlarɛ kɛnayi kɔ dɛbɛkɛc kɔ Amara Nɛcɛmɛpi ɲa Kanu ɲeyi kɔ sɔ darɛɲ. Kɔ afum alarɛm ɲancɛmɛ dɔpɔ da Mariki darɛɲ.

25 Kɔ Barnabas ɔɲkɔ dare da Tarɛs kɛɛk Sol.

26 Nte Barnabas ɛnɛɲk Sol mɔ, k'ɛɲkɛkɛre kɔ Antiyɔk. Teren tin camcam, ɲactɔɲɛne kɛlɔɲkanɛ ka alarɛ, kɔ ɲaɲtɛkse kɛnay ka afum. Dɛndo Antiyɔk, difɔ anacɔp tɔcɔkɔ-cɔkɔ kɛwe acɛpɛ a Mariki Yesu darɛɲ «aka Krist.»*

27 Mata mamɔkɔ, kɔ sayibe sa Kanu sɛlɔma ɲantɔr dare da Antiyɔk kɛyefe Yerusalem.

28 Wɛkin ɛnayi ɲa daco pacwe kɔ Akabus, k'ɛyɛfe, kɔ Amara Nɛcɛmɛpi ɲɔsɔɲɛ kɔ kadɛɲk a dor dɛndeyi doru fɛp. Dor dadɔkɔ dɛnader deyɛ tem nte Kɛlɔd ɛnayɔne wɛbɛ ka tɔf ya Rom fɛp mɔ.

29 Kɔ acɛpɛ a Yesu ɲancɛm-cɛmɛne kɛfɛk teta kɛmar ka awɛnc anɛ alarɛ anɛ ɲanayi atɔf ɲa Yude mɔ, nwɛ o nwɛ kɔ nte ɛnatam kɛfɛk mɔ.

* **11:26 Aka Krist** = caTabo « chrétiens », ito tɔkɔ kusu ka Kresi « kristianos », ito'mentɛr cɛBaka «anɛ ɲawurene Krist mɔ».

³⁰ Itɔ ɲanayɔ: Kɔ ɲasom Barnabas kɔ Sol kɛkenɛ ki abeki aɲɛ ɲanayi kɛlonkane ka alañ a Yude mɔ.

12

Kɔdifka Sak, kɔ kɛber ka Piyer dɔbili

¹ Tɛm tatako tɔ wɔbɛ wɔka atɔf Herodu ɛnatɔpsɛr afum alañ alɔma waca teta kɛtɔrɛs kɛɲan.

² K'endife Sak wɛnc ka Isañ dakma.

³ Ntɛ Herodu ɛnanɛɲk a mɔyɔ mɔn mamɔkɔ mɔncɔt aSuyif mɔ, k'ɛncɛm-cɛmne sɔ kɛtɔp Piyer waca, nte tɔɲsɔɲɛ pɛcaɲɔr kɔ mɔ. Mataka ma kɛsata kɛpɔɲ ka aSuyif mɛnayi: Kɛsata ka cɛcom cɛtɔnɔɲkɛl lebin.

⁴ Ntɛ Herodu osumpɔr Piyer, k'ɛmber kɔ dɔbili mɔ, k'ɔsɔɲ cɛgba maɲkɛle ca asɔdar kɛbum kɔn, kɛgba o kɛgba kɛnayɔ asɔdar maɲkɛle. ɛncɛm-cɛmne kɛbɔcɛr Piyer kiti fɔr ya afum fɔp kirin kɔ kɛsata ka Kɛcɛpɛr ka Mɛlɛkɛ Medif kɛncɛpɛr-ɛ.

⁵ Anchum Piyer dɔbili, mba afum alañ ɲanctolane kɔ bellbel nnɔ Kanu kɛyi mɔ tɛm fɔp.

Kɔwure ka Piyer dɔbili

⁶ Ntɛ dɔsɔk ndɛ Herodu ɛnacɛm-cɛmne kɛbɔcɛr Piyer kiti dɛmbɔp mɔ, pibi papɔkɔ, pakote Piyer gbekce mɛrɛɲ, pɛfɛntɛrɛ pɛcdirɛ asɔdar mɛrɛɲ daco. Nde dɛkumba, asɔdar ɲanacɛmɛ sɔ dɛndɔ ɲacbum bili.

⁷ Gbɛncana babakɔ, kɔ wɔsom wɔka darenc, mɛlɛkɛ ma Wɔbɛ, mender, kɔ pɛmɔt pɔsɔɲ pɛwanɲara bili disrɛ. Kɔ mɛlɛkɛ mɛmɛ mentimi Piyer m'ocsut-sut kɔ kɛsɛk, kɔ moloku kɔ: «Mɔyɛfɛ katɛna!» Kɔ gbekce yɔɲkɔɲɛ kɔ dɔwaca.

⁸ Kɔ mɛlɛkɛ moloku kɔ: «Mɛlɛk yamos yam, mɔbɛrne cɛfta cam!» Kɔ Piyer ɔyɔ mamɔkɔ fɔp. Kɔ mɛlɛkɛ moloku kɔ sɔ: «Mɔbɛrne yi, mɛcɛm'em darɛɲ!»

⁹ Kɔ Piyer ɛncɛmɛ mɛlɛkɛ mɛmɛ darɛɲ. ɛnacɛrɛ fɛ a kɛmar ka mɛlɛkɛ kanɲkɔ a kance kɔ: kɛnɛɲk ka darenc kɔ nkɔn ɛnacɛm-cɛmne.

¹⁰ Ntɛ ɲancɛpɛr abum acɔkɔ-cɔkɔ kɔ aka mɛrɛɲ mɔ, kɔ ɲambɔp kumba ka fɛc nɛ kɛnatɛfɛrne dare mɔ. Kɔ kumba kɛɲgbite kisɛrka fɔr yaɲan kirin, kɔ ɲawur, kɔ ɲasumpɛr dɔpɔ dɔlɔma. Gbɛncana babakɔ, kɔ mɛlɛkɛ mɛsak Piyer.

¹¹ Ntɛ pɛndecɛrɲɛ Piyer mɔ, k'oloku: «Incɛrɛ ɔɲ a Wɔbɛ osomna mɛlɛkɛ mɔn, mede mɛban im waca wa Herodu disrɛ, kɔ pɛlɛc pɔkɔ aSuyif ɲanafan'em mɔ fɔp.»

¹² Ntɛ ɛncɛrɛ ti ɔɲ mɔ, k'ɔɲkɔ ndɛ kɛlɔ ka Mari, iya wɔka Isañ, nwe andɛɲɔr tɛwɛ ta «Mark» mɔ, ndɛ afum alarɛm ɲanalɔɲkane ɲactola Kanu mɔ.

¹³ Ntɛ Piyer osut-sut kumba ka dɛkɔbɛrɛ mɔ, kɔ wɔyɛcɛra wɛlɔma pacwɛ kɔ Rodu, ɔncɔɲɛ kɛkɔcɛɲkɛl.

¹⁴ Kɔ Rodu ɛnɛpɛl dim da Piyer, mba pɛbotu disrɛ ɛɲgbiti fɛ kumba. K'ɛyɛkɛ kɛkɔlɔku afum aɲɛ ɲanayi dɛkɛlɔ mɔ a Piyer ender, k'ɛncɛmɛ dɛkumba.

¹⁵ Kɔ afum ɲaloku Rodu: «Mɛna mɛntamne fɛ!» Mba k'ɛɲgbɛc a tɔkɔ oloku mɔ itɔ teyi. Kɔ ɲaloku: «Mɛlɛkɛ mɔn mɔ!»

¹⁶ Piyer nkɔn pɛcsut-sut kɛsut-sut dɛm kumba. Ntɛ ɲanɲgbiti kumba kɔ ɲanɲk Piyer mɔ, kɔ cusu cɔwos ɲa.

¹⁷ K'olok-lɔkɛrɛ ɲa kɛca a ɲacanɲk, k'ɔlɔmɛr ɲa nte Wɔbɛ owurɛ kɔ dɔbili mɔ. K'oloku: «Nɔlɔku ti Sak kɔ awɛnc asu.» K'owur k'ɔɲkɔ kɛfo kɛlɔma.

¹⁸ Ntɛ dec dɔsɔk mɔ, kɔ pɛyamayama pɔpɔɲ pɛyi asɔdar daco: Akɛsɔtɔ Piyer-ɛ, Deke eyi-ɛ?

19 Kɔ Herodu osom a paten Piyer, mba njananɛnk fe kɔ. K'ombocɛr asɔdar akakɔ njanbum Piyer mɔ kiti, kɔ Herodu oloku a padif na. Nte telip mɔ, kɔ Piyer eyefe atɔf na Yude, k'ontor dare da Sesari kɔkɔcɛpɛrɛne di tem tɔlɔma.

Kɔfi ka wɔbe Herodu

20 Herodu enayi kɔyɛfɛrɛne kɔ aka sɔdare sa Tir kɔ Sidɔn. Mba kɛtɛnne disre aka sɔdare sasɔkɔ nander nɔbɔp Herodu. Nte nasɛp kɛsɔtɛr Bɔlastus nwe enayɔne wɛtɔmpɛr ka mes ma kɔlɔ disre ma wɔbe Herodu mɔ, pɛmar na kɛsɔtɛr Herodu pɛforu, bawo ndɔrɔn tɔf yanjan yɔncsɔtɔ yeri.

21 Nte tataka tanjan tetɛnne tɛmbɔp mɔ, kɔ Herodu emberne yamos yɔn ya dɛbe, pɛnde nde anɔgbancan nɔn pɛclɔk-lokɛr na.

22 Tem nte afum fɔp njanckule-kule, a nɔclɔku: «Bafɔ dim da fum dɔ dande, mba da kanu dɔ!»

23 Gbɛncana babɔkɔ kɔ mɛlɛkɛ ma Wɔbe mosut kɔ, bawo enayek-yekɛs fe Kanu, kɔ yet yoncɔp kɛsɔm kɔ, k'efi.

24 Toloku ta Wɔbe tencsam ɔn kɛsam dɛm tɔckɔ kirinj.

25 Barnabas kɔ Sol nte nɔlip kɔkɔtɛne kɛsɔm kɛnan nde dare da Yerusalem mɔ, kɔ nɔlukus, nɔclɛkɛne Isan, nwe anɔcɛnɔr tewe ta «Mark» mɔ.

13

Ayek-yek Barnabas kɔ Sol kɔkɔtɛne ka moloku ma Kanu

1 Kɔlɔnkane ka alan anɛ njanayi dare da Antiyɔk mɔ, sayibe-e kɔ atɛkse njanayi na dacɔ: Barnabas, Simeyɔn nwe anɔcɛnɔr tewe ta «Wɔbi» mɔ, Lusiyus wɛka Siren, Manahɛn nwe anadusum kɛfɔ kin kɔ Herodu wɔbe wɛka topɔc tin k'ayer atɔf kɛmanɔkɛle-ɛ, kɔ Sol.

2 Dɔsɔk dɔlɔma, alan akakɔ njanckor-koru Kanu, nɔsunɛne sɔ, kɔ Amera Nɛcɛmpi na Kanu nɔloku: «Nɛcɛmbɛr em kɛsɛk Barnabas kɔ Sol, teta yebac yɔkɔ inawene na mɔ.»

3 Nte alan nɔlip kɛsun kɔ kɛtola Kanu mɔ, kɔ nɔanderɔr Barnabas kɔ Sol waca, kɔ nɔsom na.

Kɔyi ka Barnabas kɔ Sol nde Sipɛr

4 Nte Amera Nɛcɛmpi na Kanu nɔsom Barnabas kɔ Sol mɔ, kɔ nɔantor atɔf na Selusi, dɛndo nɔnalek abil kɔ nɔncali kɛkɔ ka mokuru ma Sipɛr.

5 Nte nɔambɛrɛ Salamin mɔ, kɔ nɔncɔp kɛlukse toloku ta Kanu nde dɛkɛtola Kanu da aSuyif. Isan enayi di pɛcmɛr na.

6 Nte nɔncali mokuru han dare da Pafɔs mɔ, kɔ nɔambɔp di fum wɔwɛnkɛ wɔlɔma pɛcwene sayibe, mba ta ɔyɔne si-ɛ. WɔSuyif enayi, pacwe kɔ Bar-Yesu.

7 Wɔwɛnkɛ wɛkakɔ ndena Serkus Polu enayi, nwe enayɔne wɛkirinj wɛka sɔdare sa atɔf nɔnɔkɔ mɔ. Nkɔn Serkus Polu warkun wɛcɛmpi domp enayi. K'ender k'ewe Barnabas kɔ Sol pɛctɛn kɛnenɛ na toloku ta Kanu.

8 Elimas, ito tatɔkɔ «wɔwɛnkɛ» kusu kɛnan, ɛncɔbɛkɛl moloku ma Barnabas kɔ Sol, pɛctɛn kɛkɛfɛli kɛlan ka wɛkirinj Serkus Polu.

9 Mba Sol, nwe ancwe sɔ Pol mɔ, Amera Nɛcɛmpi nɛyi kɔ darɛn, k'ɛnɔbɛtne Elimas.

10 Kɔ Sol oloku kɔ: «Mɛna wɛkakɔ mɛla mowul kɔ yem mɔ, wɛka amera nɛlɛc, wɛter pɛlompu fɔp, mɛfɔsak kɛkɛfɛli-kɛfɛli sɛpɔ sa Wɔbe Kanu nse sɛlompu mɔ ba?»

11 Nɛkɛl kɛca ka Wɔbe kɛy'am kɛrɔn: Wɛtɔnɔnk mɛndeyɔnɛ! Tem tendɛbɔp, mɛndeyi ta mɛnɔnk pɛwanɔkɛra pa dec-ɛ.»

Gbancana babokɔ kɔ fɔr yɔyɔ kɔ pafulu kɔ kubump kɔwɛkɛrne kɔ. K'eyɛfɛ kɔnana-nana pɛctɛn kɛca nke kɛnkɔsumpɛr kɔ kɛsole mɔ.

¹² Nte wɛkirin ka dɔtɔf ɛnɔɔk nte tɛnacɛpɛr mɔ, k'ɔyɔnɛ wɛlan. Mɛtɛksɛ mme ɛnanɛnɛ Barnabas kɔ Sol tɛta Wɔbɛ mɔ mɛnabɔt kɔ dɛbɛkɛc.

Pol kɔ Barnabas dare da Antiyɔk nde Pisiɔi

¹³ Nte Pol kɔ asol ɔn ɔyɛfɛ dare da Pafɔs mɔ, kɔ ɔyɛkti abɛla kɛkɔ ka Perke, nde atɔf ɔɔ Paɔfili. Kɔ Isan Mark ɛɔgbɛy ɔɔ, k'olukus Yerusalem.

¹⁴ Kɔ ɔyɛfɛ Perke ɔɔcɛmɛ dɔpɔ danjan darɔɔn han Antiyɔk, atɔf ɔɔ Pisiɔi. Kɔ ɔɔnkɔ dɛkɔtola Kanu da aSuyif simiti, dɔsɔk da kɔɔɛsɛm, kɔ ɔɔndɛ.

¹⁵ Nte alip kɛkaran Tawurɛta Musa kɔ Sayibɛ mɔ, kɔ abɛ a kɛlɔ ka dɛkɔtola da Kanu ndɛ ɔɔlɔku Barnabas kɔ Pol: «Awɛnc asu ɔɔn, kɔ nɔyɔ tolɔku tɛcɛpɛsɛ abɛkɛc nte nɔɔɔɔn kɔlɔku afum mɔ, nɔlɔku ti.»

¹⁶ Kɔ Pol ɛyɛfɛ, k'ɔndɔt kɛca, k'oloku: «Arkun a Yisrayel, kɔ nɔna alpɛs ɔɔn nɔɔnɛsɛ Kanu mɔ, nɔcɛnkɔl!

¹⁷ Kanu ka afum akanɛ, Kanu ka Yisrayel, kɔnɔyɛk-yɛk atɛm asu, kɔ kɔsɔɔnɛ ɔɔn kɛla tɛm nte ɔɔnɔyɔi dɛcɛkɛra Misira mɔ, kɔ Kanu kin kɔnkɔ kɔwurɛnɛ ɔɔn atɔf ɔɔɔɔkɔ fɔnɔntɛr fa kɛca kɔn.

¹⁸ Kɔ kɛlɛkɛ ɔɔn mɛs mɛlɛc mɔɔɔn ndɛ dɛtɛgbɛrɛ mɛrɛn wɔcɔ mɔɔnkɛlɛ (40).

¹⁹ Nte Kanu kɔnim afum a cusunja camɔt-mɛrɔɔn ndɛ atɔf ɔɔ Kanɔɔn mɔ, kɔ kɔsɔɔn atɔf ɔɔɔkɔ afum ɔɔn nte tɔɔɔɔnɛ ɔɔyɔnɛ ɔɔn kɛ mɔ.

²⁰ Mɛs mamɔkɔ fɔp mɛnawɔn mɛrɛn masar mɔɔnkɛlɛ kɔ wɔcɔ kɛcamɔt (450).

Nte tɔtɔkɔ tɛncɛpɛr mɔ, kɔ Kanu kɔsɔɔn ɔɔn abɔc kiti, ɔɔn ɔɔnɔntɛmpɛr dɛbɛ da aka Yisrayel mɔ han kɛbɛp ka tɛm ta ɔɔnabi Samiyɛl.

²¹ Kɔ tɛyɛfɛ dɔnda kɔ aka Yisrayel ɔɔnɛr Kanu wɔbɛ. Kɔ kɔsɔɔn ɔɔn Sawul wan ka Kis pɔyɔnɛ ɔɔn wɔbɛ mɛrɛn wɔcɔ mɔɔnkɛlɛ (40). Fum wɔka kusunja ka Bɛnyamin ɛnɔyɔi.

²² Nte Kanu kɛfɔn Sawul mɔ, kɔ kɔsɔɔn ɔɔn wɔbɛ Dawuda, nwe Kanu kɔnalokɛ nte mɔ: «Inɔɔk Dawuda wan ka Yisay, fum ɔfɔ nwe sɔwurɛnɛ bɛkɛc mɔ, incɛm-cɛmɛnɛ a ɛndɛyɔ mɛfɔɔn mɛm fɔp.»

²³ Kɛbɔnda ka dokombɛra da nkɔn Dawuda, difɔ Kanu kɔnasɔɔn kɛkom ka Yesu Krist kɛdɛyɔnɛ ka nwe ɛndɛyac afum a Yisrayel, pɔmɔ nte kɔnasɔɔn ti atɛm asu tɛmɛr mɔ.

²⁴ Ta Yesu ɛntader-ɛ, Sanj ɛnacam kɛgbɔt dɛromun, nte tɔɔɔɔnɛ afum a Yisrayel fɔp ɔɔsɛkpɛr bɛkɛc yanjan yetɛfɛrnɛ Kanu mɔ.

²⁵ Nte Sanj ɛnclɔpɛs yɛbɛc nyɛ Kanu kɔnasom kɔ mɔ, ɛncɔyif: «Pɛcɛm-cɛmɛnɛ ponu, an'iyɔnɛ-ɛ? Nwe nɔncɛm-cɛmɛnɛ a nkɔn iyɔnɛ mɔ, bafɔ nkɔn iyɔnɛ dɛ! Mba ɛndɛdɛr tadarɔɔn tɛm nwe pɔntɔmar im yati kɛsikɛli ɔfɔta dɛwɛcɛk mɔ.»

²⁶ Awɛnc im ɔɔn, nɔna awut aka dokom da Abraham, kɔ nɔna akɔ nɔɔnɛsɛ Kanu mɔ, sɔna ɔɔn anakɛrɛ tolɔku nte tɛndɛyac su mɔ.

²⁷ Mba aka Yerusalem kɔ abɛ ɔɔnɔn ɔɔnacɛrɛ fɛ fum nwe Yesu ɛnɔyɔnɛ mɔ. Nɔnɔgbɛkɛrɛ fɛ sɔ molokɔ ma sayibɛ mme anckaranj simiti o simiti dɔsɔk da kɔɔɛsɛm mɔ, mba ɔɔnɔnɛr ɔɔnal molokɔ mamɔkɔ nte ɔɔnɔnɔcɛr Yesu kiti mɔ.

²⁸ Nɔnɔsɔtɔ fɛ nte o nte tɔkɔ pɔnamar a ɔɔnɔfɛ Yesu mɔ, mba kɔ ɔɔntola Pilat kɛdif kɔn.

²⁹ Nte ɔɔnɔlɔp kɔyɔ mɛs fɔp mɔkɔ anacɛc tɛtɔn mɔ, kɔ ɔɔnɔntɛr kɔ dɛtɔk yɛpɔmpɔl, kɔ ɔɔnkɔ ɔɔnɔc kɔ dɛkufu.

³⁰ Mba Kanu kɔnasɔɔnɛ kɔ kɛfɔtɛ afi dɛcɔ.

31 Kɔ Yesu owurɛr mataka mɛlarɛm akɔ ɲanapɛ kɔ nkɔn kɛyɛfɛ Kalile kɛkɔ ka Yerusalem mɔ. Ɗa ɲayɔnɛ oɲ aɲɛ ɲanatɔɲnɛ kɛyɛfɛ ka Yesu afi daco mɔ, ɲa ɲantam sɔ kɛlukɛ ti afum alɔma.

32 Kɔ sɛna toloku tɔtɔt tɔtɔkɔ tɔ sɛloku nu: Temer mpɛ anasɔɲ atem asu mɔ,

33 Kanu kɛlasɛ su ti belbel, sɛna dokomɛnɛ danɲan, kɛyɛkti ka Yesu, pɛmɔ tɔkɔ ancɪ ti Yabura Dawuda ya mɛrɔɲ disrɛ mɔ:

«Wan kem mɔyɔnɛ,
bawo in'okom ɛm kɛyɛfɛ mɛkɔ.»

34 Kanu kɛnaloku a kɛndeyɛkti kɔ afi daco, nɛ tɔɲsɔɲɛ ta oluksɛrnɛ pɛtɛ mɔ. Ti tenasɔɲɛ pɛloku:

«Indɛsɔɲ nu memɛ mosoku mɛmɛ inasɔɲ Dawuda mɔ,
memɛ mɛmɛ mɔyɔnɛ kance mɔ.»

35 Itɔ Kanu kɛlokɛnɛ kɛfo kɛlɔma Yabura Dawuda disrɛ:
«Mɛfɔdesak Wɛsoku wɛkam pɛtɛ dɛkufu.»

36 Dawuda nkɔn ɛnabɛc tɛfan ta Kanu dɛtemp dɔn disrɛ, k'ɛfɛntɛrɛ k'ɛfi, k'awup kɔ ndɛ atem ɔn kɛsɛk, k'ɛntɛ dɛkufu.

37 Mba fum nwe Kanu kɛnasɔɲɛ kɛfɔtɛ afi daco mɔ, nkɔn ɛnatɛ fɛ.

38 Awɛncɪm aɲa, nɛcɛrɛ ti: Tɛta nkɔn Yesu t'ancamɛ nu kɛɲaɲɲnɛnɛ ka kiciya, kiciya nkɛ sariyɛ sa Musa sɛnatɔtam kɛsɛkɛsɛ nu mɔ.

39 Ti disrɛ, nwe o nwe ɛɲgbɛkɛr kɛlanɲ kɔn Yesu mɔ, Kanu kɛndɛsɛkɛs kɔ.

40 Nɛkɛmbɛrnɛ nɛ tɔɲsɔɲɛ mɛs mɛkɔ sayibɛ ɲancɪ mɔ ta mɛbɛp nu:

41 «Nɛmɔmɔn nɛna afum aɲɛ nɛmbɔtɛr kɛfani mɔ!

Nɛyi pɛciyanɛ disrɛ, nɛsɔlɛ!

Bawo ina kɛyɔ k'inder tɛs tɔlɔma kiyi konu doru kanɲkɛ disrɛ,

tɛs nɛ nɛntɔdɛlanɲ kɔ fum oloku nu ti-ɛ.»

42 Nɛ Pol kɔ Barnabas ɲawur dɛkɛtɔla Kanu da aSuyif mɔ, kɔ afum ɲalɛtsɛnɛ ɲa kɛdɛr sɔ simiti dɔsɛk da kɛɲɛsɛm dɔkɔ dɛndɛr mɔ kɛdɛgbɔkɛrɛ moloku min mayi.

43 Nɛ kɛnay kɛsaktɛnɛ mɔ, aSuyif alarɛm kɔ akɔ ɲambɛrɛ dinɛ d'aSuyif mɔ ɲancɛpɛ Pol kɔ Barnabas kɛlok-loku kɛɲan disrɛ. Kɔ akakɔ ɲasɛp kɛcɛpɛs ɲa bɛkɛc tɛta kɛsumpɛr kɛmar ka Kanu.

44 Simiti dɔsɛk da kɛɲɛsɛm ndɛ dɛnacɔnc mɔ, kɔ aka dare fɛp ɲalɔɲkanɛ kɛkɔcɛɲkɛl toloku ta Wɛbɛ.

45 Nɛ aSuyif ɲananɛɲk kɛnay ka afum mɔ, kɔ ɲayɔ kɛraca kɛpɔɲ. Kɔ ɲayɛfɛ kɛgbɛkɛl Pol, ɲaclɔmɛs kɔ.

46 Pol kɔ Barnabas ɲambɛkɛnɛ kɛloku ɲa: «Nɛna yati pɛnamar a pacɔp kɛlukɛs toloku ta Kanu. Mba nɛ nɛnabupɛrɛ ti, kɔ nɛncɛm-cɛmɛnɛ a pɛmar fɛ a nɛsɔtɔ kiyi wɛyɛɲ ka doru o doru mɔ, ndɛkɛl oɲ sɛna sɛndɛkafɛlɛ sɛkɔ ndɛna akɔ ɲantɔyɔnɛ aSuyif mɔ.

47 Bawo Wɛbɛ osom su nɛ:

«Isɔɲ'am kɛyɔnɛ pɛwanɲkɛra pa tɔf,
nɛ tɔsɔɲɛ mɛkɛkɛrɛ kɛyac ka afum

haɲ ndɛ cɛpɛc ca doru fɛp cɛyi mɔ.»

48 Nɛ afum ɲanɛ ti mɔ, kɔ pɛmbɔt atɔyɔnɛ aSuyif dɛbɛkɛc. Kɔ ɲaɲkor-koru toloku ta Wɛbɛ, aɲɛ Kanu kɛnacɛmbɛrɛ kiyi wɛyɛɲ ka doru o doru mɔ, kɔ ɲayɔnɛ alɔɲ.

49 Kɔ toloku ta Wɛbɛ tɛsamɛsɛr dɔtɔf fɛp.

⁵⁰ Mba kɔ aSuyif alɔma njanɔbɔnɔr aran abeki akor-koru Kanu, kɔ abeki a dare, kɔ nancop kɔtɔrɔs Pol kɔ Barnabas teta kɔlanɔ kɔnan kɔ nambelɔs nɔ dare danɔn.

⁵¹ Pol kɔ Barnabas njanɔkɔnɔr nɔ kafɔl ka wɛcɔk wanɔn, kɔ tɔyɔnɛ sede sa kɔfati kɔnan kɔcɔnkɔl toloku ta Kanu, kɔ njanɔkɔ Ikoniyon. *

⁵² Pɔmbɔt acɛpsɛ a Yesu darɔn, kɔ Amera Nɛcempi nɔ Kanu nɛnayi kɔ nɔ.

14

Pol kɔ Barnabas nde dare da Ikoniyon

¹ Dɔndo dare da Ikoniyon, Pol kɔ Barnabas nambɛrɛ dɔkɔtola Kanu da aSuyif. Kɔ nɔloku moloku mɛmɛ mɛnasɔnɛ aSuyif kɔ aKresi alarɛm kɔgbɛkɛr Yesu kɔlanɔ mɔ.

² Mba kɔ aSuyif ayɛnki sɔbomp anɛ nambɛrɔs afum atɔyɔnɛ aSuyif mɛr kɔtɛr ka awɛnc nɔn alanɔ.

³ Ti disrɛ, Pol kɔ Barnabas nambɔlɔsɛ kiyi kɔnan dɔndo dare dadɔkɔ. Kɔ nɔlokɔlɔkɛ kɔgbɛkɛr mɛra wanɔn teta MARIKI. Kɔ MARIKI ɔsɔn nɔ fanɔntɔr fɔyɔnɛ mɛs mɛwɛy-wɛy kɔ mɛgbɛkɛrɛ, pɔcmentɔr sɔ kance ka mɛs mɔkɔ Pol kɔ Barnabas nancam kɔmar kɔn disrɛ.

⁴ Kɔ kɔnay ka afum a dare dadɔkɔ nɔayersɛnɛ. Alɔma nɔnanayinɛ aSuyif, alɔma nɔnɛnɛ asom a Yesu.

⁵ Mba, aSuyif kɔ acikɛra kɔbɔp ka abɛ nɔn nɔnalompɔsɛnɛ kɔkɔtɔrɔs Pol kɔ Barnabas kɔca-cas kɔnan masar hanɔ nɔdif nɔ.

⁶ Ntɛ Pol kɔ Barnabas nɔnɛ ti mɔ, kɔ nɔyɛkɛ kɔkɔyɔacnɛ nde Listɔr kɔ Dɛrbe, sɔdare sa atɔf nɔ Likayoni, kɔ sɔkɔsɔk sayi.

⁷ Dɔndo sɔ nancam toloku tɔtɔt ta Yesu.

Pol kɔ Barnabas nde dare da Listɔr

⁸ Fum wɔlɔma ɛnayi Listɔr pɔyɔnɛ wɔtɔnkulu, wɛcɔk wɔn wɛnafi. Kɔyɛfɛ ntɛ anɔkom kɔ mɔ, ali ɔnckɔt fɛ. ɛnandɛ,

⁹ pɔccɔnkɔl moloku ma Pol. Kɔ Pol ɛnɔbɔtɛnɛ kɔ. Ntɛ ɛnɔnkɔ a wɔtɔnkulu ɔyɔ kɔlanɔ nɛ kɔntam kɔyɔc kɔ mɔ,

¹⁰ kɔ Pol olɔkɛ kɔ dim dɔpɔn: «Mɔyɛfɛ! Mɔcɛmɛ wɛcɔk wam kɔronɔ, mɔlomp!» Kɔ wɔrkun nwe oyoknɛ, k'ɛyɛfɛ k'ɛncɛmɛ kɔkɔt.

¹¹ Kɔ kɔnay ka afum akakɔ nɔanɔnkɔ ntɛ Pol ɔyɔ mɔ, kɔ afum kɔnay nɔmpɛnɛ cɔbɛbɛ nɔcɔloku cɔLikayoni: «Canu cɔntɔnkɔlɛ afum kɔ cɔntɔr nɔnɔ ndorosu!»

¹² Ti tɛnasɔnɛ nɔawe Barnabas «Sus», nɔawe Pol nkɔn «Hɛrmɛs», bawo Pol nkɔn ɛncɛpɛrɛnɛ moloku. *

¹³ Wɔlɔnɔnɛnɛ ka Sus ɛnakɛrɛ mura kɔ yɛnɛkɔs nde dɔkɔbɛrɛ da kɔlɔ ka dɔkɔlɔnɛ ndɛ deyɔ ndɛ dare dɔkusu mɔ. Pɔnabas kɔ kɔlɔnɛ mi, nkɔn kɔ kɔnay ka afum nɔnɔ Pol kɔ Barnabas nɔyɔi mɔ.

¹⁴ Mba ntɛ asom a Yesu Barnabas kɔ Pol nɔnɛ ti mɔ, kɔ nɔawal-wali yamos wanɔn, kɔ nambɛrɛ afum dɔcɔ nɔackulɛ-kulɛ:

¹⁵ «Anapa! Ta ake tɔ nɔyɔnɛ tante-ɛ? Sɔna sɔ, afum nɔ sɔyɔnɛ, palompɔs su tin tayi pɔmɔ nɔna. Sɔloku nu toloku tɔtɔt ntɛ tɔnɔnɔnɛ nɔsak mɛs mɛyamayama

* **13:51** Njanɔkɔnɔr nɔ kɔbɔfka wɛcɔk wanɔn = pɔmɔ tɔkɔ Mariki Yesu ɛnaloku ti acɛpsɛ ɔn darɔn mɔ: a dare o dare dɔkɔ njanɔkɔ a tawɔsɛ kɔcɔnkɔl toloku ta Kanu mɔ, a njanɔkɔnɔr dare dadɔkɔ kɔbɔfka wɛcɔk wanɔn. Ti t'ɛnɔmentɔr a nɔnacɛpɔr dare dadɔkɔ akɔ antɔwɔsɛ kɔcɔnkɔl toloku ta Kanu. * **14:12** Dinɛ da aKresi «Sus» ɛnɔyɔnɛ wɔbɛ ka canu, kɔ «Hɛrmɛs» ɛnɔyɔnɛ wɛcɛpɛrɛnɛ kɔn moloku.

mame mɔ! Nɛkafɛlɛr Kanu fɔr nkɛ kɛyi wɛyɛn mɔ, Kanu nkɛ kɛlompɛs kɔm, antɔf kɔ kɛba, kɔ ca yɔkɔ yeyi ki mɔ fɛp.

¹⁶ Dɛtɛmp dɔkɔ dɛnɛpɛr mɔ, Kanu kɛnawosɛnɛ afum a tɔf ya dɔru fɛp ɛktam kɛcɛmɛ dɔpɔ darɛn dɔkɔ njanfan mɔ.

¹⁷ Ali ntɛ nkɔn Kanu kɛnatɔsak kɛmɛntɛr nu dɔtɔt dɛmɔyɔ mɔn mɔ, bawo kɛncsɔn nu wɛɛafɛn, kɛncsɔnɛ sɔ yɔbɔf yonu kɛkom pɛlarɛm, kɔ kɛncsɔn nu sɔ yeri yɛlarɛm, kɔ kɛncɛs nu sɔ pɛbotu dɛbɛkɛc.»

¹⁸ Ali ntɛ Pol kɔ Barnabas njanaloku moloku mamɔkɔ mɔ, pɛcucɛ pɛnayi njanayamsɛr ka kɛnay kanjɔ kɛlonjɛ cɛna nɛ njanafan kɛlonjɛnɛ njan mɔ.

¹⁹ Kɔ aSuyif alɔma njanɛr kɛyɛfɛ Antiyɔk njan Pisidi kɔ Ikoniyon, kɔ njanɛp hanj kɔ njanɛlɛr kɛnay ka afum akakɔ. Ntɛ tɔ kɔ kɛnay ka afum anjɛ njanɛfɛ kɛca-cas Pol. Tɛlpɛs kɔ njanjɛs kɔ hanj dare kɛsɛk, njanɛm-cɛmnɛ a efi.

²⁰ Mba ntɛ ɛpɛpsɛ a Yesu darɛn njanɛdɛkɛl Pol mɔ, k'ɛyɛfɛ, k'oluksɛrnɛ dare. Dɔckɔsɔk kɔ njanjɔ dare da Dɛrbɛ, nkɔn kɔ Barnabas.

Kɛlukus ka Pol kɔ Barnabas Antiyɔk atɔf njan Siri

²¹ Ntɛ Pol kɔ Barnabas njanbɛp dare da Dɛrbɛ kɔ njanɛm dɛndɔ tolɔku tɔtɔt ta Yesu. Kɔ njanɛtɔ di afum alarɛm anjɛ njanalanj tɛta Yesu mɔ. Ntɛ tɔ kɔ njanɛk dɔpɔ kɛlukus ka Listɛr, Ikoniyon kɔ Antiyɔk njan Pisidi.

²² Kɔ njanɛpɛs ɛpɛpsɛ darɛn bɛkɛc, njanɛgbijnɛr njan kɛyɛnɛ kɛlanj, njanɛlɔku: «Kɔ sɛna, mɛnɛ sɛɛpɛrɛnɛ pɛcuy pɛlarɛm a sɛɛbɛrɛ ndɛ akip njan dɛbɛ da Kanu dɛntɔf.»

²³ Kɔ njanɛk-yɛkɛ njan abeki dɛkɛlonjkanɛ fɛp da alanj. Ntɛ njanip kɛtɔla Kanu kɔ kɛsunj mɔ, Pol kɔ Barnabas njanɛn njan Mariki nwanɛ njanɛgbɛkɛr kɛlanj mɔ kɛbum kɛnjan.

²⁴ Kɔ njanɛpɛr dɔpɔ da atɔf njan Pisidi kɔ njanbɛrɛ atɔf njan Panfilɛ.

²⁵ Ntɛ njanip kɛlɔku tolɔku ta MARIKI dare da Perke mɔ, kɔ njanɛtɔr dare da Atali.

²⁶ Dɛndɔ Atali, difɔ Pol kɔ Barnabas njanɛlɛk abil kɔ njanɛali kɛkɔ Antiyɔk njan Siri, dare ndɛ anatɔlanɛ njan kɛmar ka Kanu tɛta yɛbɛc nyɛ njanalip mɔ.

²⁷ Ntɛ njanbɛrɛ mɔ, kɔ njanɛlonjka alanj a Antiyɔk fɛp, kɔ njanɛm tɔkɔ Kanu kɛnayɔnɛ njan mɔ, kɔ tɔkɔ nkɔn Kanu kɛnasɔnɛ atɔyɔnɛ aSuyif kɛlanj mɔ.

²⁸ Pol kɔ Barnabas njanɛwɔn dɛndɔ dare dadɔkɔ kɔ ɛpɛpsɛ a Mariki Yesu darɛn.

15

Kɛbɛpsɛnɛ ka alanj ndɛ Yerusalɛm

¹ Afum alɔma njanɛyɛfɛ atɔf njan Yude, njanɛtɛkɛ awɛnc anjan alanj ntɛ: Kɔ njanɛtɔyɔ pakɛnc nu pɛmɔ tɔkɔ tɔyɔ tokur ta Musa tolɔku ti mɔ, Kanu kɛfɔdɛwɛsɛ kɛyɛc nu.

² Ntɛ Pol kɔ Barnabas njanɛgbɛkɛlɛnɛ kɔ arkuɛn akakɔ kɛlinjɛnɛ kɛnjan molɔku mɔ, kɔ njanɛtɔnɛ a nkɔn Pol kɔ Barnabas kɛbɛp ka akin akin arkuɛn akakɔ dɛɛc, njanɛ Yerusalɛm kɛkɔnɛnɛ molɔku mamɔkɔ nnɔ asom a Yesu kɔ abeki a kɛlonjkanɛ ka alanj fɔr kirin.

³ Kɔ kɛlonjkanɛ ka alanj a Antiyɔk njanɛn njan daka ndɛ pɛnamar a njanɛ tɛta marɛnt mɔ. Ntɛ njanɛpɛr atɔf njan Fenisi kɔ atɔf njan Samari mɔ, kɔ njanɛlmɛr njan ntɛ atɔyɔnɛ aSuyif njanjɛkɛfɛli bɛkɛc yanjan nnɔ Mariki eyi mɔ, njanɛsɔnɛ awɛnc anjan alanj fɛp pɛbotu.

⁴ Ntɛ njanbɛrɛ Yerusalɛm mɔ, kɔ kɛlonjkanɛ ka alanj, asom a Yesu, kɔ abeki a kɛlonjkanɛ njanbanj njan. Ntɛ tɔ Pol kɔ Barnabas njanɛlmɛr tɔkɔ Kanu kɛnayɔ fɛp kɔ njan mɔ.

⁵ Awa kɔ aFarisi alɔma aɲe ɲanayɔne alañ mɔ ɲayefe kɔ ɲaloku: «Pɔmar pakɔnc atɔyɔne aSuyif, pagbiɲar ɲa sɔ kɔlelɛs sariye sa Musa.»

⁶ Asom a Yesu kɔ abeki a alañ aka Yerusalem ɲanabɔpsene kɔkɔmɔmɔn ka tes tatɔkɔ.

⁷ Nte kɔgbekɛlene kɔwon ɲa daco mɔ, kɔ Piyer eyefe k'oloku: «Arkun, awenc im aɲa, nɔncɔre ti: A pɔwon nte Kanu kɔnayek-yek im nɔna daco kɔcam ka Kibaru Kɔtɔt ka Yesu, nte tɔɲsɔɲe atɔyɔne aSuyif ɲatam kɔne ti kɔ kɔlanj ti mɔ.

⁸ Kanu kɔncɔre bɔkɔc ya afum, Ki yati kɔmentɔr a kɔmbanj atɔyɔne aSuyif, bawo kɔsɔɲ ɲa sɔ Amera Nɛcɛmpi pɔmɔ sɔna.

⁹ Ali kɔgbey kɔfet ɛɲgbey fe su kɔ atɔyɔne aSuyif, bawo kɔlanj k'ɔsɔkɔs ɲa bɔkɔc.

¹⁰ Nɛkɔl ɔɲ, ta ake tɔ nɔfanj kɔdɔkɔtɔre Kanu-e? Nte nɔfanj kɔsarsɔr acɛpse a Yesu tes tocu nte, kɔyefe atem asu hanj sɔna yati sɔntɔtam kɔsare mɔ.

¹¹ Mba sɔlanj a andeyac su kɔmar ka Mariki Yesu disre pɔmɔ ɲa atɔyɔne aSuyif.»

¹² Kɔnay ka afum fɔp ɲanacɔɲk, k'ancɔɲkɔl ɔɲ moloku ma Barnabas kɔ Pol. Kɔ ɲalɔm mes mɛwɛy-wɛy kɔ mɛgbekɔre mme Kanu kɔnasɔɲe ɲa kɔyɔ atɔyɔne aSuyif daco mɔ.

¹³ Nte ɲalip kɔlɔku mɔ, kɔ Sak enderɔr: «Awenc im aɲa! Nɔcɔɲkɔl im!

¹⁴ Simeyɔɲ ɔlɔm tɔcɔkɔ-cɔkɔ nte Kanu kɔnader kɔyek-yek tɔf ya doru fɔp daco, afum aɲe ɲayɔne akɔn mɔ.

¹⁵ Itɔ moloku ma sayibe mosolne kɔ moloku ma Simeyɔɲ pɔmɔ nte ancic ti mɔ:

¹⁶ «Kɔ Mariki oloku: «Kɔ tante tencepɔr-ɛ, indeder sɔ. Indeyeki sɔ abal ɲa Dawuda ɲɲe ɲɛnatɛmpɛne mɔ, indeyeki samba sa abal ɲaɲkɔ, Indecɔmbɔr ɲi sɔ ɲolomp,

¹⁷ nte tɔɲsɔɲe afum alpɔs ɲaten ina Mariki mɔ.

Ɛy, dɔtɔf fɔp nyɛ anakorne tewe tem mɔ.»

Mariki oloku nte, nwe ɔɲyɔ mes mamɔkɔ mɔ

¹⁸ Ɛnasɔɲe mi kɔcɔre kɔyefe nte pɔnawon mɔ.»

¹⁹ It'ɔsɔɲe nte, ina Sak, ɲɲwɔse sɔ a ta patɔrɔs atɔyɔne aSuyif aɲe ɲantɛfɔrne nnɔ Kanu kɔyi mɔ.

²⁰ Mba pacice ɲa a ɲakɛmbɔrne pɔtɔcɛmp mpe pɛyefe nnɔ kɔtola mɛrɔɲka kɔyi mɔ, kɔ dalakɔ, kɔ kɔsɔm ka sem nyɛ antɔfay mɔ, ɲakɛmbɔrne sɔ kɔmun mecir.

²¹ Kɔyefe dɛtemp dɔcɔkɔ-cɔkɔ, Musa ɔyɔ sɔdare fɔp afum aɲe ɲaloku tetɔn mɔ, bawo aɲkarɔɲ Tawureta tɔn simiti o simiti dɔsɔk da kɔɲesɔm nde dɔkɔtola Kanu da aSuyif.»

Areka ɲɔkɔ anakenɛ alañ atɔyɔne aSuyif mɔ

²² Asom a Yesu kɔ abeki kɔbɔp ka kɔlonkane ka alañ Yesu kɔrkɔr ɲande ɲamɔmɔn a pɔmar payek-yek ɲa daco afum alɔma akɔ pɔmar a pasom Antiyɔk mɔ, kɔberɛne ka Pol kɔ Barnabas. Ti disre kɔ ɲayek-yek afum mɛrɔɲ aɲe ɲanatɔmpɔr delel awenc aɲa daco mɔ: Yudas wɔkɔ ancwe sɔ Barsabas mɔ, kɔ Silas.

²³ Kɔ ɲasom ɲa kɔ areka nyɛ:

«Awenc anu, asom a Yesu kɔ abeki kɔ alañ ɲancice nu areka, nɔna awenc su aɲa aka Antiyɔk, aka Siri, aka Silisi aɲe ɲantɔyɔne aSuyif mɔ:

Sɔyif nu!

24 Sæne a afum asu alæma aŋe ŋawur nnò ndorosu mò, ŋantòrəs nu kò ŋampempe nu moloku maŋan, mme sântəsom ŋa mò.

25 Nte sæneneŋe ako sântəŋne ti mò, itò sənəŋk a pantesə səyek-yek afum, səsom ŋa nde nəyi mò, kəberene ka Barnabas kò Pol, aŋe səmbətər mò,

26 afum aŋe ŋancamas kiyi kəŋan doru tewe ta Mariki Yesu Krist mò.

27 Itò səsom Yudas kò Silas ŋakò ŋaloku nu nte teyi areka ŋaŋe disre mò.

28 Pənasas Amera Nəcempi kò sənə sò, a pantesə fe a sənuykər nu mes məkò nantotam kəsare mò, mēne mes məkò memar nu kəsumpər mò:

29 Ta nəsəm sem nye aloŋneŋe mēraŋka mò, nəbolenə mecir kò sem nye antofay mò, nəbolenə sò dalakò. Pəmar nəkembərne mes maməkò fəp. Kanu kəsəŋe a nətammē.»

30 Nte anasak asom aŋe mò, kò ŋawurne kəkò Antiyək. Kò ŋaŋkò ŋalokja di alan, kò ŋasəŋ ŋa areka ŋaŋəkò.

31 K'əŋkarəŋ ŋi kò pəmbət ŋa, bawo areka ŋaŋəkò ŋenacəpəs ŋa bəkək.

32 Yudas kò Silas aŋe ŋanayəne sò sayibe mò ŋancgbiŋər awenc aŋa alan kò ŋacəpəs ŋa sò bəkək dəmoloku melarəm.

33-34 ŋanayi dəndo Antiyək haŋ, kò awenc aŋa alan ŋatolane ŋa marənt moforu, kò afum a Antiyək ŋasak ŋa kəlukuŋ nde asom aŋan ŋayi mò.

35 Mba tēm tatəkò Pol kò Barnabas ŋanayi Antiyək, kəberene kəŋan kò afum alarəm aləma, ŋactəkse, ŋaccam sò toloku tətət ta Mariki.

Pol kò Barnabas ŋaŋgbeyene

36 Nte mataka mələma mencepər mò, kò Pol oloku Barnabas: «Səluksərne səkəŋəŋk awenc su aŋa sədare nse sənadəŋk toloku ta Mariki mò, nte təŋsəŋe səcəre nte ŋayi mò, kò təkò ŋasumpər toloku tatəkò mò.

37 Barnabas nkən encaŋ kəkeneŋe Isan, wəkò aŋwe sò «Mark» mò.

38 Mba Pol nkən enawose fe ti, enacem-cemne a pəmar fe kələkene Mark, bawo dəndo Paŋfili Mark enasak ŋa pəfati kəcəmbər ŋa kəkətene ka yebac yəkò anasom ŋa mò.

39 Kəgbekəlene kəŋan kənayəŋk haŋ kò təsəŋe ŋa kəgbeyene. Nte tò kò Barnabas elek Mark kò ŋambekə debil kò ŋancali kəkò Sipər.

40 Nte Pol enayek-yek Silas mò, awenc aŋa alan ŋantolane kò, ŋactola Mariki a pəbum ŋa kəmar kən disre, kò ŋaŋkò.

41 Kəkò kəŋan, kò ŋancali təf ya Siri kò Silisi, ŋaccəpəs alan aka di bəkək.

16

Timote encəmbər Pol kò Silas

1 Pol enabere dare da Dərbe, k'əŋkò sò Listər. Dəndo wəcepse Yesu darəŋ wələma enayi pacwe kò Timote, kere pəyəne wəSuyif nwe enader pəlan Yesu mò, mba kas pəyəne wəkresi.

2 Awenc aŋa alan aka Listər kò Ikoniyon ŋanatəŋne kəyò kən mes mətət.

3 Kò Pol efaŋ kəkəkəre Timote, k'elek kò k'əŋkənc teta aSuyif ako ŋanayi atəf ŋaŋəkò mò, bawo fəp fənacəre a Timote kas wəkresi enayi.

4 Sədare nse ŋanccepər mò, ŋanlukse moloku mme asom a Yesu kò abeki alan a Yerusalem ŋanasom ŋa kəkətene mò, nte təŋsəŋe alan atəyəne aSuyif ŋacəme mi darəŋ mò.

5 Alonkane alan ŋaccəpəs bəkək kəlan disre, ŋacberene kəla dəsək o dəsək.

Pol enasətò kəŋəŋk kəyefe darenc

6 Nte Amera Nəcempi ŋa Kanu ŋeyamse Pol kò Silas kəlukuŋ toloku tətət ta Kanu atəf ŋa Asi mò, kò ŋancali atəf ŋa Firiki kò atəf ŋa Kalat.

7 Nte ɲalɔtɔrne atɔf ɲa Misi mɔ, kɔ ɲasɛp kɛkɔ atɔf ɲa Bitini, mba Amera ɲa Yesu ɲɛnawosɛne fɛ ɲa ti.

8 Kɔ ɲasolne atɔf ɲa Misi kɔ ɲantor dare da Torowas.

9 Pibi disre kɔ Pol ɔsɔtɔ kɛnɔɲk kɛyɛfɛ ka darenc. Ti disre, wɛka Masedon pɛcɛme kɔ kɛsɛk pɛclɛtsɛne kɔ: «Mɛder Masedon, mɛmar su!»

10 Pol ɛnɛdesɔtɔ kɛnɔɲk kɛɲkɔ, kɔ sɛntɛn katina kɛkɔ ka atɔf ɲa Masedon, sɛbɔc ti a Kanu kɛwe su kɛkɛcam di toloku tɔtɔt ta Yesu.

Ludy kɛlanj kɔn Mariki Yesu

11 Kɔ sɛyɛfɛ Torowas kɔ sɛyɛkti abela kɔ sɛntɛfɛrne kɛkɔ ka Samotiras, dɔkɔsɔk kɔ sɛmbɛre Neyapoli.

12 Kɔ sɛyɛfɛ dɛndɔ, kɔ sɛɲkɔ Filipi, dare dɔpɔɲ da atɔf ɲa Masedon dɔlɔma ndɛ aka Rom alarɛm ɲanandɛ mɔ. Kɔ sɛncɛpɛrɛne mataka mɔlɔma dare dadɔkɔ.

13 Simiti dɔsɔk da kɛɲɛsɛm kɔ sɔwur dare dɛkusu kɛɲgbɔkɔ kɛsɛk, ndɛ sɛnacɛm-cɛmnɛ kɛfo nke sɛntam kɛtola Kanu mɔ. Kɔ sɛndɛ kɛlɔk-lɔkɛr aran aɲɛ ɲanalɔɲkanɛ di mɔ.

14 Wɛran wɛlɔma ɛnayi ɲa daco pacwe kɔ Ludy, pɛccamɔs cɛloto ca karɛ. Pakom kɔ dare da Tiyatir. Wɛkor-koru Kanu ɛnayi. Pɛccɛɲkɛl su, kɔ Mariki ɛɲgbiti kɔ abɛkɛc, nte tɛɲsɔɲɛ kɔ kɛcne belbel moloku mɛmɛ Pol oncloku mɔ.

15 Nte anagbɛt kɔ dɛromun tɛta Kanu mɔ, Ludy kɔ aka kɛlɔ kɔn disre, k'ewe su kɛyi ndɛ ndɔrɔn mataka mɔlɔma, pɛctola: «Kɔ ɲɛncɛm-cɛmnɛ a ilɔɲ Mariki belbel-ɛ, nɛder nnɔ nderem, nɛyi nnɔ kɔ sɛna.» K'ɛlɛtsɛne su kɛyi di.

Kɛcaɲɔr ka Pol kɔ Silas ndɛ bili ba Filipi

16 Dɔsɔk dɔlɔma sɛckɔ dɛkɛtola Kanu da aSuyif, kɔ wɛyɛcɛra wɛcar wɛlɔma ender pɛbɛp su, pɛyɔ ɲɔɲk ɲɛɛ ɲɔɲsɔɲɛ kɔ kɛlɔku nte tender mɔ. Wɛyɛcɛra nwe ɛncsɔtɛne ti nnɔ abɛ ɔn ɲayi mɔ pɛsam pɛlarɛm tɛta kɛlɔku kɔn mes mɛmɛ mender mɔ.

17 Kɔ wɛyɛcɛra nwe ɛncɛpɛse su darɔɲ Pol kɔ sɛna, pɛckule-kule: «Afum akanɛ acar a Kanu nke kɛyi darenc mɔ ɲo! Dɔpɔ da kɛyac dɔ ɲayi kɛmentɔr nu!»

18 Nte wɛyɛcɛra ɔyɔ mes mamɔkɔ mata melarɛm mɔ, kɔ tɔlɔlɔs Pol dis. K'ɛɲkafɛlɛ, k'oloku ɲɔɲk: «Tewe ta Yesu Krist ilok'am, mɛwur wɛyɛcɛra wɛkawɛ dɛris!» Gbɛncana babɔkɔ kɔ ɲɔɲk ɲaɲɔkɔ ɲowur kɔ dɛris.

19 Nte abɛ ɔn ɲanɔɲk a tɔsɔtɔne tanjan pɛsam tɔsɔlɛr ɲa mɔ, kɔ ɲasumpɛr Pol kɔ Silas, kɔ ɲaɲkɛkɛrɛ ɲa ndɛ abanɲa ɲa dare daco abɛ a dare fɔr kirin.

20 Kɔ ɲaɲkɔ ɲamentɔr ɲa abɔc kiti, ɲaclɔku: «Afum akanɛ pɛyamayama pɔ ɲayi kɛbɛrsɛne dare dosu. ASuyif ɲɔ ɲayɔne,

21 aɲɛ ɲayi kɛcam mɔyɔ manjan mɛmɛ pɛntɔmar su kɛwosɛ kɛyɔ ka mi, sɛna aɲɛ sɛyɔne aka Rom mɔ.»

22 Kɔ kanay ka afum ɲayɛfɛ kɔ ɲancɛmɛ ɲa dɛbɛkɛc. Kɔ abɔc kiti a dare dadɔkɔ ɲawure ɲa yamos, k'asute ɲa cɛɲgbɛn-gban.

23 Nte alip kɛsut ɲa pɛlarɛm mɔ, kɔ ɲambɛr ɲa dɛbili, kɔ abɛ ɲalɔku wɛbum bili a pɛkɛmbɛrne ɲa belbel.

24 Nte wɛbum bili ene moloku mamɔkɔ mɔ, k'ɛmbɛr ɲa ndɛ bili mɛɛ ɲantɔtam kɛwur mɔ, k'ɔɲkɔtɛrɛne ɲa wɛcɛk mɛmbɔɲk ma tɔk.

25 Cɛk-cɛk cɛndɛbɛp, Pol kɔ Silas ɲactola Kanu, ɲaclɛɲɔs mɛlɛɲ mokor-kɔrɛ Kanu, kɔ ayi dɛbili ɲaɲne sim sɛɲan.

26 Gbɛncana babɔkɔ kɔ antɔf ɲeyikɛ pɛpɔɲ, kɔ tɔsɔɲɛ kɛlɔ ka bili tantɔf kɛckɛlɛ. Kɔ cumba fɛp cɛɲgbite, kɔ gbɛckɛ fɛp yɔɲkɔɲɛ.

²⁷ Kɔ wɛbum bili entime, k'ɛnɛɲk nte cumba ca bili cɛɲgbite mɔ, k'owure dakma dɔn pɛckɔ kɛdifne, bawo ɛnacɛm-cɛmne a afum aɲɛ amɛɛr dɛbili mɔ ɲayɛkse.

²⁸ Kɔ Pol oɲkule-kule pɛpɔɲ: «Ta mɛyɔne pɛlec, sɛyi nno fɛp fosu!»

²⁹ Kɔ wɛbum bili ewe nɛnc, k'ɛmbɛɛ katana katana, k'ɔɲkɔ pɛtɛmpɛne fɔr ya Pol kɔ Silas kirin, pɛcyikɛ kɛnesɛ disre.

³⁰ K'owurɛne ɲa nde doru k'eyif ɲa: «Abɛ, cɛke cɔ pɛmar iyɔ nte tendeyac im mɔ-ɛ?»

³¹ Pol kɔ Silas ɲaloku kɔ: «Mɛlanɲ Mariki Yesu, andekoyac ɛm, mɛna kɔ aka kɛlɔ kam disre fɛp.»

³² Kɔ ɲaloku kɔ toloku ta Mariki, kɔ afum akɔ ɲanayi nde kɛlɔ kɔn mɔ fɛp.

³³ Pibi papokɔ kɔ wɛbum bili ɛlek ɲa, k'ɛɲkɛkɛɛ ɲa kɛkoyak gbali yanjan. Wɛbum bili kɔ afum ɔn fɛp ɲasɔtɔ gbɛncana babɔkɔ kɛgbɛt dɛromun teta Kanu.

³⁴ K'ɛmpɛne ɲa nde ndɔɔn, k'ɛncɛmbɛr amɛsa, kɔ ɲawolɛs kɔ aka kɛlɔ kɔn disre pɛbotu pɛ kɛlanɲ kɔn Kanu.

³⁵ Nte dec dɔsɔk mɔ, kɔ aboc kiti a dare ɲasom afum aɲan alɔma kɛkɔloku wɛbum bili: «Mɛsak afum akanɛ.»

³⁶ Kɔ wɛbum bili olukɛ moloku mamɔkɔ Pol: «Aboc kiti a dare ɲasom afum nno iyi mɔ, a isak nu. Awa nɛwur nɛkɔne bɛkɛc yoforu.»

³⁷ Mba kɔ Pol oloku ɲa: «Nte ɲalip oɲ kɛsut su fɔr ya afum kirin mɔ, ta aɲkiti su-ɛ, sɛna aɲɛ sɛyɔne aka Rom mɔ, ɲabɛr su dɛbili. Nɛkɛl oɲ yɔkyɔk yɔ ɲandɛfan kɛsak su ba? Tatɔkɔ tɔfɔyi, ɲader ɲasarka ɲasak su!»

³⁸ Kɔ asɔdar ɲaɲkɔ ɲalukɛ moloku mme aboc kiti, kɔ ɲanesɛ nte ɲanane a Pol kɔ Silas aRom ɲɔ ɲayɔne mɔ.

³⁹ Kɔ aboc kiti a dare ɲander ɲalɛtsɛne Pol kɔ Silas kɔɲaɲne, kɔ ɲasak ɲa. ɲacloku a ɲawur dare dande.

⁴⁰ Nte ɲawur dɛbili mɔ, Pol kɔ Silas ɲaɲkɔ ndena Ludy. Kɔ ɲanɛɲk awɛnc aɲa alan, kɔ ɲacɛpɛs ɲa bɛkɛc. Kɔ ɲasumpɛr dɔpɔ, kɔ ɲaɲkɔ.

17

Pol kɔ Silas nde dare da Tesaloni

¹ Nte ɲancepɛr Aɲfipoli kɔ Apoloni mɔ, kɔ ɲambɛɛ dare da Tesaloni, nde aSuyif ɲanayɔ kɛlɔ ka dɛkɛtola Kanu mɔ.

² Kɔ Pol oɲkɔ pɛmɔ tɔkɔ ɔncyɔ mɔ, simiti dɔsɔk da kɛɲesɛm maas ɲacgbɛkɛlɛne dɛycicɛs yecɛmpɛ kɔ ɲa.

³ Pol ɛncmentɛr ɲa pɛsɔk pɛs dɛYecicɛs Yosoku a pɛnamar dis dɔlɔl Krist, a pɛdɛyɛfɛ afi dacɔ. Pol ɔncloku ɲa: «Yesu nwe indɛɲkɛr nu tetɔn mɔ, nkɔn ɔyɔne Krist, wɛbɛ nwe Kanu kɛyɛk-yɛk mɔ.»

⁴ Anasɛp har k'ɛɲkafɛli alɔma ɲa dacɔ kɔ ɲalan ti, kɔ ɲancɛmɛ moloku ma Pol kɔ Silas darɛɲ, kɛbɛp ka akor-koru Kanu aKresi alarɛm, kɛlɛkɛne sɔ aran abeki alɔma.

⁵ Mba kɔ aSuyif aka dare da Tesaloni alɔma ɲayo kɛraca. Kɔ ɲalɔɲka afum alɛc alɔma dɔpɔ dacɔ, kɔ ɲayɛkti pɛyamayama dare disre. Kɔ ɲaɲkɔ ɲamɛpne kɛlɔ ka Yason, ɲactɛn Pol kɔ Silas kɛkɛkɛɛ ɲa kɛnay ka afum fɔr kirin.

⁶ Nte ɲanatɔnɛɲk Pol kɔ Silas mɔ, kɔ ɲalɛɲɛs Yason kɔ awɛnc aɲa alan alɔma fɔr ya abɛ a dare kirin. ɲackule: «Afum akanɛ ɲaɲkafɛli-kafɛli doru dande fɛp mɔ, ɲayi oɲ nno,

⁷ kɔ Yason nkɔn ɛmbaɲ ɲa!» Afum akanɛ fɛp ɲance moloku mme wɛbɛ wɛka tɔf ya Rom fɛp oloku mɔ, ɲacloku a wɛbɛ wɛlɔma eyi, pacwe kɔ Yesu!»

8-9 Ti tenasɔŋɛ nɔayekti pɔyamayama kɛnɔy ka afum dacɔ. Nte abɛ a dare nɔane ti mɔ, kɔ nɔambanɔr Yason kɔ awɛnc aɔa alɔn pɔsam, kɔ nɔasak nɔa.

Pol kɔ Silas nde dare da Bere

10 Pibi papɔkɔ disrɛ kɔ awɛnc aɔa alɔn nɔasak Pol kɔ Silas kɔkɔ dare da Bere. Nte nɔambɛrɛ di mɔ, kɔ nɔanɔkɔ nde dɔkɔtola Kanu da aSuyif.

11 Akakɔ nɔanabɔt mes nɔatas aka Tesaloni, kɔ nɔancɔnɔkɔl toloku ta Kanu belbel pɔbotu disrɛ. Nɔackɔkɛ sɔ Yecicɛs Yosoku belbel dɔsɔk o dɔsɔk kɛcɛrɛ kɔ pɔyɔnɛ a moloku min mayi mɔ kɔ tɔkɔ Pol kɔ Silas nɔanɔloku nɔa dɔkɔtola Kanu mɔ.

12 Kɔ afum alarɛm nɔa dacɔ nɔayɔnɛ alɔn, kɔlɛkɛnɛ aran aKresi aɔe nɔanabɛk dɔkɔcɛmɛ mɔ, kɔ arkun alarɛm.

13 Mba nte aSuyif aka Tesaloni nɔanadɛcɛrɛ a Bere sɔ Pol eyi kɛcam toloku ta Kanu mɔ, kɔ nɔander sɔ dɔndo kɔdeyeki pɔyamayama nɔabɛrɛs kɛnɔy ka afum dacɔ.

14 Kɔ awɛnc aɔa alɔn nɔambɛlkɛr kɔkɛkɛrɛ Pol kɔca ka dɔkɔba, mba Silas kɔ Timote nɔayi dɔndo Bere.

15 Afum aɔe nɔanasolɛ Pol mɔ, nɔanakekɛrɛ kɔ han dare da Aten. Dɔkɔlukus dɔanɔn kɔ Pol osom nɔa nde Silas kɔ Timote nɔayi mɔ, a nɔabelɛr kɔ katɔna katɔna.

Pol nde dare da Aten

16 Nte Pol ɛnckar Silas kɔ Timote nde dare da Aten mɔ, kɔnɔnɔkɔ ka dare dadɔkɔ dɛlarɛ mɛrɔnɔka kɛnacɔ kɔ Pol dɛbɔkɛc.

17 Pol ɛncgbɛkɛlɛnɛ kɔ aSuyif kɔ alɔma akɔ nɔanader kɔkor-koru Kanu nde dɔkɔtola d'aSuyif mɔ, pɔcgbɛkɛlɛnɛ sɔ dɔsɔk o dɔsɔk kɔ afum akɔ nɔancyi nde abanɔka nɔa dare mɔ.

18 Acɛpɛsɛ mɛtɔkɛsɛ ma Epikuru kɔ ma Seno darɔn alɔma nɔander nɔacan kɔ moloku. Alɔma nɔaloku: «Wɔlok-loku ɔfɔ wɔkawɛ! Cɛke c'ɛfan kɔloku tantɛ?» Akɔ nɔaloku: «Wɔkawɛ pɔwɛrɛnɛ pɔmɔ nte endecam teta canu cɛcikɛra mɔ!» Nɔanaloku ti bawo toloku tɔtɔt ta Yesu kɔ kɔyɛfɛ kɔn afi dacɔ kɔ Pol oncloku.

19 Awa kɔ nɔalɛk Pol, kɔ nɔanɔkɛkɛrɛ kɔ tɛpɛsa mɛpɛ ancwɛ Areyopako mɔ kɔrɔn, kɔ nɔayif Pol: «Mɔloku su kɔtɔkɛsɛ kɛfu kanɔkɛ mɔyi kɔloku ta ki mɔ,

20 bawo moloku mame mɔyi kɔloku mɔ, mɔyɔnɛ lɔnɔs yosu mofu. Sɛfan kɛcɛrɛ tɛdisrɛ ta mi.»

21 Awa dɛmɔyɔ ma aka dare da Aten kɔ acikɛra aɔe nɔanayi di mɔ fɔp, nɔancɛpɛrɛnɛ di tɛm tanɔan fɔp kɔcloku, kɔ pɔyɔnɛ fɛ ti-ɛ, nɔaccɔnɔkɔl moloku mofu.

22 Pol pɛcɛmɛ tɛpɛsa ta Areyopako kɔrɔn, k'oloku: «Arkun a dare da Aten, inɔnɔkɔ a afum asumpɛr diɛnɛ belbel nɔ nɔyɔnɛ.

23 Nte indenakɔt dare donu mɔ, k'inɔnɔkɔ mɛrɔnɔka monu, k'inɔkɔkɛ tɛtek toloɔnɛ tonu tɔlɔma pacic ti nte: «Ta kanu nɔkɛ antɔcɛrɛ mɔ.» Awa tes tɔkɔ nɔnɔkor-koru ta nɔancɛrɛ ti mɔ, tɔtɔkɔ yati t'inder kɔloku nu.

24 Kanu nɔkɛ kɔlɔmpɔs doru kɔ daka nde dɔyɔ mɔ fɔp, nkɔn nwe ɔyɔnɛ Wɔbɛ wɔka kɔm kɔ antɔf ɔfɔtam kɔyi kɔlɔ kɔpɔnɔ nɔkɛ alɔmpɔsɛ waca wa fum teta kɔkor-koru kɔn mɔ.

25 Waca wa fum wɔfɔtam kɔmar Kanu kɔyi, pɔmɔ nte kɔnɔfanɔr fum tɔlɔm mɔ. Nkɔn omɔpɔcɛ afum yeyinɛ yanɔan doru, kɔpɛnɛ kifir kɔ kɔtorɛ, kɔbɔp ka ca yɛlɛpɔs nyɛ fɔp.

26 Dɔfum wɔkin Kanu kɔwɛrɛ tɔf ya afum alɔpɔs a doru aɔe fɔp, nte tɔnɔsɔnɛ nɔandɛ antɔf fɔp kɔrɔn mɔ. Kɔ Kanu kɔnanunɔkɛnɛ kɔcic cɔlɔncɛr ca tɔf yayɔkɔ fɔp. Kɔ kɔlɔmpɔs dɛrɔn kɔ kɔtɔn tɛrɛn o tɛrɛn disrɛ.

27 Kanu kɛnɔyɔ ti nte tɔnɔsɔnɛ nɔatɛn kɔ han nɔanɔnɔkɔ kɔ kɔbuma-buma disrɛ mɔ, bawo Kanu kɔmbɔlɛ fɛ nwe o nwe.

28 Nte tɔ nane moloku mame: «Nkɔn ɔsɔŋe su kɔyi doru, nkɔn ɔsɔŋe su kɔcepe, nkɔn ɔsɔŋe su kɔyi tante ayi mɔ.» Itɔ alenŋe anu alɔma ŋaloku:

«Kɔbɔnda ka dokom da Kanu kɔ sɔna sɔ sɔyi.»

29 Kɔ pɔyɔne a kɔbɔnda ka dokom dɔn kɔ sɔna sɔ sɔyi-ɛ, pɔmar fe a pacem-cemne a Kanu kɔwurene kɔ kema, kɔ gbeti, kɔ pɔyɔne fe ti-ɛ, tasar mpe fum encem-cemne k'empate decerɔŋ dɔn mɔ.

30 Kanu kɔnacɛpsɛr fe afum akɔ ŋanayi tem nte anatɔcɛre mes mɔ, mba kɔfan ɔŋ afum a doru fɔp a ŋasɔkɔpɛr bɔkɔc.

31 Kɔ Kanu kɔmbɔnc dɔsɔk nde kɔndekɔbocɛ afum a doru fɔp kiti kɔlompu mɔ. Kanu kɔnayek-yek fum nwe endekɔboc kiti kɔŋkɔ mɔ, kɔnasɔŋe afum fɔp kɔcɔre wɔkayi nte kɔnayekti kɔ afi daco mɔ.»

32 Nte ŋane Pol pɔcɔluku teta kɔyefe ka defi mɔ, kɔ alɔma ŋayefe kɔfani kɔ, mba alɔma ŋaloku: «Sɔndesɔcɔŋkɔl ɔm kɔlɔku ka tatɔkɔ dɔsɔk dɔlɔma.»

33 Kɔ Pol owur ŋa daco, k'ɔŋkɔ.

34 Kɔ afum alɔma ŋasumpɛr moloku mɔn kɔ tɔsɔŋe ŋa kɔyɔne ka alan a Yesu, pɔmɔ Denis wɔka kɔgba ka Areyopako, wɔran wɔlɔma pacwe kɔ Damaris, kɔ afum alɔma.

18

Pol nde dare da Kɔrent

1 Nte tatɔkɔ tencepɛr mɔ, kɔ Pol eyefe dare da Aten k'ɔŋkɔ Kɔrent.

2 K'ɔŋkɔ pɔbɔp di wɔSuyif wɔlɔma pacwe kɔ Akila, nwe anakom dare da Pɔnt mɔ, pɔtɛp kɔcder atɔf ŋa Itali kɔ wɔran kɔn Pirsila, bawo wɔbe Kɔlod ɛnaloku a aSuyif fɔp ŋawur Rom. Kɔ Pol ɔŋkɔ pɔbɔp ŋa.

3 Nte tenasurene ŋapaŋne yebac yin yayi mɔ, kɔ eyi ndaranjan, ŋacɔc, ŋaolompɔs cɔbal.

4 Simiti o simiti dɔsɔk da kɔŋesɔm Pol ɛncgbekɔlene kɔlɔ ka dɔkɔtɔla da aSuyif pɔcɛp dɔmoloku a aSuyif kɔ akresi ŋawose kɔcɔme moloku mɔn darɔŋ.

5 Nte Silas kɔ Timote ŋanator Masedon mɔ, kɔ Pol ɛncɔme ɔŋ gbɔcɔrɔm kɔcam tolɔku tɔtɔt, pɔcsɔŋe aSuyif kɔalan a Yesu ɔyɔne nwe Kanu kɔyɛk-yɛk mɔ.

6 Mba nte aSuyif ŋancgbekɔl kɔ ŋaɔlɔmsɛne kɔ mɔ, k'ɔŋkɔŋ-kɔŋɔr kɔfɔl ka yamos yɔn teta kɔyɛŋk kɔŋan sɔbomp nnɔ eyi mɔ, k'oloku: «Doru donu deyi nu dɔwaca! Kɔ ina, isɔk ti disre. Ndekɔl ɔŋ, nda atɔyɔne aSuyif indekɔ.»

7 Kɔ Pol eyefe di, k'ɔŋkɔ nda Titi Yusutu wɔkor-koru Kanu wɔlɔma, nwe kɔlɔ kɔn kɔnasɔŋkɔrene kɔ dɔkɔtɔla Kanu da aSuyif mɔ.

8 Krispɔs, wɔbe ka kɔlɔ ka dɔkɔtɔla wɔlɔma ɛnalan teta Mariki kɔ aka kɔlɔ kɔn disre fɔp. Kɔ aKɔrent alarɔm aŋe ŋancɔcɔŋkɔl mɔ ŋanayɔne alan, k'ɔŋgbɔt ŋa dɔromun teta Kanu.

9 Pibi disre kɔ Mariki oloku Pol kɔnɔŋk disre: «Ta mɔnesɛ! Mɔlɔk-lɔku, ta mɔcɔŋk de,

10 bawo ina iyi kɔ mɔna! Fum o fum ɔfɔsumpɛr ɔm kɔca kɔyɔ ɔm tes telec, bawo iyɔ afum alarɔm dare dande disre.»

11 Kɔ Pol eyi ŋa daco teren tin kɔ yof camɔt-tin pɔctɔkse ŋa tolɔku ta Kanu.

12 Tem tatɔkɔ tɔ Rom dɛnadɔs Kaliyɔŋ kɔyɔne ka wɔbe nde atɔf ŋa Akaya. Kɔ aSuyif alɔma ŋantɔŋne kɔyɛfɔrene kɔ Pol, kɔ ŋaŋkekɔre kɔ dɔŋkiti.

13 Kɔ ŋaloku: «Fum wɔkawɛ, afum ŋ'ɛfan a ŋakor-koru Kanu ŋacɔme dɔpɔ dɔn darɔŋ, dɔpɔ nde denciyanɛ kɔ nde sariye sɔlɔku mɔ.»

14 Pol eyefe kɔkɔlɔku, mba Kaliyɔŋ oloku aSuyif: «Pɔcyɔne a fum endif, kɔ pɔyɔne fe ti, tes telec tɔpɔŋ tɔlɔma tɔyɔ-ɛ, k'incɔŋkɔl nu, nɔna aSuyif!

¹⁵ Mba nte pɔyɔne a dɛmoloku, dɛmewe, kɔ pɔyɔne fɛ ti, teta sariye sonu nɛna asarka sɔ nɔyi kɛgbekɛlene mɔ, nɛna nɔ tatɔkɔ tɔmɔmɔn. Ina intola fɛ kɔyɔne wɔbɔc kiti kanɔkɔ.»

¹⁶ Kɔ Kaliyɔn embelɛs nɔ dɛndo dɛnɔkiti.

¹⁷ Kɔ aSuyif nɔnɔkɔ nɔasumpɛr Sɔsten wɔbɛ wɔka dɛkɛtola Kanu waca, kɔ nɔayefɛ kɛsut kɔ dɛndo dɛnɔkiti, mba Kaliyɔn ɛnawe fɛ ti ali daka.

Pol olukus Antiyɔk

¹⁸ Kɔ Pol owon dare da Kɔrɛnt mataka mɔlɔma, k'ender pɔlembɛrne awɛnc anɔ alɔn, k'ɛlek abil kɛkɔ atɔf nɔ Siri, nkɔn, Pirsila kɔ Akila. K'ofonne domp nde dare da Sɛnkɛre kɛmentɛr ka kɛlip ka tes nte ɛnadermɛ teta Kanu mɔ.

¹⁹ Nte nɔmbɛrɛ dare da Efesi mɔ, kɔ Pol ɛsak Pirsila kɔ Akila. Kɔ Pol ɔnɔkɔ kɛlo ka dɛkɛtola Kanu da aSuyif kɔ nɔnɔgbekɛlene kɔ nɔ.

²⁰ Kɔ akakɔ nɔantola kɔ kɔyi ka dɛndo dare dɔnɔn kɛrɛsna, mba ɛnawosɛ fɛ.

²¹ K'ɛlembɛrne nɔ pɛcloku: «Indelukus nɔnɔ ndoronu kɔ Kanu kɛwosɛ-ɛ.» K'ɛlek abil dare da Efesi,

²² k'ontor dare da Sesari nde ɛnacɔp mɛrɔnt mɔn mɔ. K'ɛmpɛ kɛrɛsna Yerusalem kɛkɔyif alɔn. Nte elip mɔ, k'ontor dare da Antiyɔk nɔ Siri.

²³ Nte tɛm tɔlɔma tɛncɛpɛr mɔ, kɔ Pol ɔnɔkɔ k'ɛncɛpɛr atɔf nɔ Kalat kɔ Firiki pɛccɛpɛs acɛpsɛ a Yesu bɛkɛc fɛp.

Apolos nde sɔdare sa Efesi kɔ Kɔrɛnt

²⁴ WɔSuyif wɔlɔma ancwɛ Apolos, ɛnader Efesi. Dare da Aleksandɛr* dɔ anakom kɔ, fum wɛcɛrɛ kɛlok-loku ɛnayi, pɛcɛrɛ sɔ Yɛcicɛs Yosoku belbel.

²⁵ Dɔpɔ da Mariki dɔ anatɛksɛ kɔ, kɔ kɛsumpɛr ka mes belbel, kance k'ɔncloke, pɛctɛksɛ teta Yesu, mba mɛnɛ kɛgbɛt dɛromun ka Saɔ nɔgbɛcɛrɛm kɔ ɛnacɛrɛ.

²⁶ K'ɛyɛfɛ kɛlok-loke kɛlɔn disrɛ nde dɛkɛtola Kanu da aSuyif. Nte Pirsila kɔ Akila nɔnɛ kɔ kɛlok-loku mɔ, kɔ nɔalɛk kɔ ndaranɔn, kɔ nɔmbɛrɛnɛ kɔ kɛtɛksɛ kɛcɛrɛ kɛnɔkɔ kɛnabut kɔ teta dɔpɔ da Kanu mɔ.

²⁷ Nte Apolos ɛnacɛm-cɛmnɛ kɛcɛpɛr ka Akaya mɔ, kɔ awɛnc anɔ alɔn nɔnɔgbinɔr kɔ. Kɔ nɔncicɛ acɛpsɛ a Yesu darɔn anɛ nɔyɔi Akaya mɔ areka, nɔcloku nɔ kɛban kɔ belbel. Nte ɛmbɛrɛ mɔ, k'ɛntɛsɛ afum aka di, akɔ kɛmar ka Kanu kɛnasɔnɛ kɔyɔne alɔn mɔ.

²⁸ Bawo fɛnɔntɛr fɔ Apolos ɛncgbɛkɛlɛ aSuyif fɔr ya afum alarɛm kirin pɛsɔnɛ nɔ kɛcɛrɛ dɔYɛcicɛs Yosoku a Yesu ɔyɔne wɔbɛ nwe Kanu kɛnayɛk-yɛk mɔ.

19

Pol nde dare da Efesi

¹ Tɛm nte Apolos ɛnayi Kɔrɛnt mɔ, Pol nwe ɛnacɛpɛr sɔdare sa mɔrɔ mɔ, ontor dare da Efesi. K'ɛmbɛp di acɛpsɛ a Mariki Yesu darɔn alɔma.

² K'ɛyif nɔ: «Nɔnasɔtɔ Amera Nɛcɛmpi nɔ Kanu kɔyɛfɛ nte nɔnɔyɔne alɔn Yesu mɔ ba?»

Kɔ nɔalukɛ Pol: «Sɛntane fɛ yati teta Amera Nɛcɛmpi.»

³ Kɔ Pol ɛyif nɔ sɔ: «Kɔ kɛgbɛt dɛromun kɛrɛ kɔ nɔsɔtɔ-ɛ?»

Kɔ nɔalukɛ Pol: «Kɛgbɛt ka Saɔ.»

⁴ Kɔ Pol oluku: «Kɛgbɛt dɛromun ka Saɔ, kɛsɛkpɛr mɛra yati kɛnayi teta Kanu. Mba Saɔ oncloku afum a nɔalɔn wɔkɔ ɛndɛdɛr nkɔn tadarɔn mɔ, ito tatɔkɔ Yesu.»

* **18:24** Aleksandɛr = dare dɔpɔn nde Misira nde afum alarɛm a doru fɛp nɔnɔkɔ kɛtɛkɛs mes.

⁵ Nte njane moloku mamako mo ko nasoto kagbat daromun tewe ta Mariki Yesu.

⁶ Ko Pol endenar ja waca, ko Amera Njempri njender ja, ko njayefe kacop cusu nce njantocare mo, njadanj sɔ moloku motot mme Kanu kanasom ja kadanj ko mo.

⁷ Arkun akako njancbɔp waco ko meraj.

⁸ Ko Pol embere daketola Kanu da aSuyif, paclok-loke di kabakne disre han yof maas, pacgbekelene, pacsep kasaje afum kacare mes ma debe da Kanu.

⁹ Mba nte ayenki sabomp aloma njanfati kalan mo, njanfani dɔpɔ da Mariki nno kanay kayi mo. Ko Pol ombole ja, k'elekene acerse a Yesu daraj aloma, ko njawenne kasak, ko njanjok-lokarene dɔsɔk o dɔsɔk nde daketakse da Tirano.

¹⁰ Tatoko tenawon meren meraj, ko tasaje aSuyif ko aKresi anje njanayi atɔf ja Asi mo kane toloku ta Mariki.

Awut a Sefa

¹¹ Kanu kancsaje waca wa Pol kayo mes mewey-wey mme menacuca kananj ko mo.

¹² Tenasaje pacbacase acuy caloto, ko pɔyone fe ti-e kapol nke kengbujene Pol mo, ko ayɔ ti-e, docu doncwur wakayi, ko yojk yelec yocwur sɔ wakayi davis.

¹³ Ko aSuyif aloma njankɔs-wɔs mofɔ melarəm, ko njatubucne Pol kabelas ka yojk yelec nno acuy njayi mo, njacloku: «Ilok'am: Mawur wacuy wakawe tewe ta Yesu wako Pol encam mo.»

¹⁴ Walonje wɔpɔj waka aSuyif waloma enayi pacwe ko Sefa. Awut ɔn atemp camat-meraj ja njancyo moyo mamako.

¹⁵ Mba ko njawak kabelas njok jelec-e, ni njoloku ja: «Yesu, incare ko. K'ijnepal sɔ belbel fum nwe Pol ɔyone mo, mba nana, an'o nɔyone-e?»

¹⁶ Ko fum wako njok jelec njenayi mo engbɔpərne ja kayefarene, k'entam ja fɔp k'ombɔpər-bɔpər atemp anje, ko njayekse fɔp fanan dis fos ko nasak kalo.

¹⁷ ASuyif ko aKresi aka dare da Efesi njancare toloku tatoko, ko kanese kayi ja fɔp, ko naleles oj tewe ta Mariki Yesu.

¹⁸ Afum alarəm anje njanawose kalan Yesu mo, njancder njaccej fɔr ya afum fɔp kirinj pɔlec mpe njancyo mo.

¹⁹ Ko afum ako njanayone dure mo, njanckere sabuk sanan sa dure ko njancɔf si fɔr ya afum fɔp kirinj. Kaway ka sabuk sasako kanabɔp mɛncɛmbɔl ma gbeti wul waco kacamat (50.000).

²⁰ Ti disre katam ka Mariki disre ko toloku ta Kanu tesamsar ko tasoto fanontar.

Pɔyamayama dare da Efesi

²¹ Nte tencepar mo ko Pol olompasne kako dare da Yerusalem paccepərne tɔf ja Masedon ko Akaya. K'oloku: «K'ijnkabere Yerusalem-e, mɛne idekɔsɔmɔmɔn Rom.»

²² Ko Pol osom Masedon amar ɔn meraj Timote ko Erasto, mba ko nkɔn Pol eyi mataka maloma atɔf ja Asi.

²³ Tem tatoko to pɔyamayama pɔpɔj penayi Efesi teta dɔpɔ da kalan ka Mariki Yesu.

²⁴ Wagbec waloma enayi di, pacwe ko Demeteri, pactubucne kalompas ka wɔlɔ wa teranjka mpe anwe Artemi mo. Agbec a wɔlɔ wa gbeti wawako njancɔtɔne wi daka delarəm.

²⁵ Ko Demeteri olonka agbec ko ako njancdine yebac yayako mo, k'oloku ja: «Arkun! Nancare ti belbel a yebac yaye y'andine.

²⁶ Mba nənəŋk kɔ nənɛ a nno Efesi kəbəp ka atɔf ŋa Asi Pol pampɛ ɛsɛp kəsɔŋɛ afum alarəm kəlanj hanj pəckafəli ŋa mera kəlɔku a mɛrəŋka mme waca wa fum wolompəs mə, bafɔ canu cɔ.

²⁷ Moloku maməkɔ mentam kəsɔŋɛ yebac yosu kələcɛ. Təsɔŋɛ sɔ teta kəbɔ ka tɛrəŋka Artemi tɔyɔ sɔ abɔc. Afɔde sɔ paclɔku a Artemi tɛrəŋka a kanu kɔ, kanu kəran nke afum fəp ŋajkor-koru nno atɔf ŋa Asi, kɔ doru kɔrkɔr mə.»

²⁸ Ntɛ afum ŋane moloku maməkɔ mə, kɔ mɛtele mencepərəŋ ŋa, kɔ ŋayɛfɛ kəkule-kulɛ: «Artemi kanu ka Efesi kəyɔnɛ kəpɔŋ!»

²⁹ Kɔ pəyamayama papəkɔ posumpər dare fəp, kətəŋnɛ disrɛ kɔ afum ŋambəpsɛnɛ abanjka ŋanjan ŋɔpɔŋ. Kɔ ŋalinjəs asol a Pol Kayus kɔ Aristarko, anj ŋanayɛfɛ Masedon mə, kɔ ŋanjkekərə.

³⁰ Pol ɛnafanj kəkomentərɛnɛ afum fər kirin, mba acɛpsɛ a Yesu darəŋ ŋanawosɛnɛ fɛ kɔ ti.

³¹ Abɛ alɔma a atɔf ŋa Asi, anj ŋanayɔnɛ anapa a Pol mə, ŋanasom afum nno eyi mə ŋacletsɛnɛ kɔ a ta pəkɔ dəndo abanjka ŋanjan ŋɔpɔŋ de!

³² Kɔ pəyamayama pɔncɔp afum dacɔ, anj ŋackul-kulɛnɛ nte, akɔ ŋackul-kulɛnɛ tɔkɔ. Afum alarəm ŋa dacɔ ŋanacərə fɛ nte o nte anabəpsɛnɛnɛ mə.

³³ Kənay kanj kɔ dacɔ kɔ afum alɔma ŋalɔmər Aleksandər, nwe aSuyif alɔma ŋanacɔŋəs kəkɔlok-loku fər ya afum kirin mə. Kɔ Aleksandər ɛfɛk kəca, pəfanj kəlɔk-loku pəyacnɛ.

³⁴ Mba nte ŋanadenɛpəl a Aleksandər wəSuyif ɔyɔnɛ mə, kɔ fəp fəyɛfɛ kəkule-kulɛ hanj dec mɛrəŋ: «Artemi kanu ka Efesi kəyɔnɛ kəpɔŋ!»

³⁵ Kɔ wəbɛ wəlɔma wəka di ɛntam kətɔrɛ-tɔrɛ afum bəkəc pəclɔku: «Arkun a Efesi, an'ɔtɔcərə a dare da Efesi dətɔmpər kəbum ka kəbɔ kəpɔŋ ka kanu kosu Artemi kɔ tɛrəŋka tɔn mpe pɔntɔr kəyɛfɛ darenɛ mə-ɛ?»

³⁶ Fum ɔfɔtam kəgbəkəl tatɔkɔ, pəmar nəndɛ nəcəŋk ta nəbɛlkər kəyɔ nte o nte.

³⁷ Ntɛ təsək mə, afum anj nəŋkɛrɛ mə ŋaləsər fɛ kəbɔ kosu kəpɔŋ, ŋalɔməs fɛ sɔ kanu kosu Artemi.

³⁸ Kɔ Demeteri kɔ awɛnc anj apanjɛn ɔn yebac ŋayɔ kəbɔkɛnɛ teta fum-ɛ, dəkəbɔc kiti deyɔ kɔ abɔc kiti ŋayi, dəndo pəmar ŋakɔ ŋabɔkɛnɛ!

³⁹ Kɔ nəyɔ sɔ tɔbɔkɛnɛ tɔlɔma-ɛ, andekɔlompəs ti pəmɔ tɔkɔ sariyɛ səlɔku ti mə ndɛ abɔc kiti ŋanlɔŋkanɛ mə.

⁴⁰ Nəkɛmbərɛnɛ, bawo antam kəbɔncɛ su kəsɔŋɛ pəyamayama pampɛ kəyi, teta mɛ mame mencepər dɛ məkɔ mə, bawo ali tolɔku səfɔtam kəsɔtɔ kəlɔku nte təsɔŋɛ afum kəbəpsɛnɛ tantɛ mə.» Ntɛ wəbɛ elip kəlɔku tatɔkɔ mə, k'oloku nwe o nwe kəluku ndɛ ndərɔn.

20

Pol ndɛ tɔfya Macedon kɔ Kresi

¹ Ntɛ pəyamayama pɛsak mə, kɔ Pol ɛwɛ acɛpsɛ a Yesu darəŋ, k'ɛncəpəs ŋa bəkəc. Ntɛ elip kələmbərɛnɛ ŋa mə, k'ɔŋkɔ Masedon.

² Ntɛ ɛncɛpər atɔf ŋajɔkɔ mə, k'ɛncəpəs alanj bəkəc dəmolɔku mɛlarəm, k'ɛnder atɔf ŋa Kresi.

³ K'eyi di yof maas. Tɛm nte ɛnadefanj kəyɛkti abɛla kəkɔ ka atɔf ŋa Siri mə, k'asɔŋɛ kɔ kəcərə a aSuyif ŋantəŋnɛ kəyɔ kɔn pələc, k'ɛncɛm-cɛmnɛ kəluku sərɛnɛ sɔ dɔpɔ da atɔf ŋa Masedon.

⁴ Afum anj ŋanacəmbər kɔ mə, ŋanayɔnɛ: Sopateri wan ka Purus wəka Bere, Aristarko kɔ Sekondu aka Tesaloni, Kayus wəka Dərbɛ, Timote, Tikiko, kɔ Tirofimo aka atɔf ŋa Asi.

⁵ Afum akako ñanayi su kirinj kəkō, kō ñanjko ñakar su Torowas.

⁶ Kō sēna nte mataka ma kāsata ka cəcom cətəyo lebin mencepər mə, kō sələk abil dare da Filipi. Mata kəcamət disrē kō səmbəp ña dare da Torowas, nde sənacepərēnē mata camət-mērəñ mə.

Kəcepər kələpəs ka Paul dare da Torowas

⁷ Tataka tōcōkō-cōkō ta tataka toluksər, kō səlonkane kətepi ka kəcom. Pol nwe pənamar kəkō dōckōsək mə eyi kələk-lokər ña, k'əmbəlsē moloku hanj cəkək.

⁸ Səlamp səlarəm sənayi dāndo dukulō da darenc dadəkō sənalonkane mə.

⁹ Wətemp wələma pacwe kō Eyutik enandē binjəli ba wunder kəronj tem tātəkō Pol onclōk-loku mə. Kō mere mēñgbəpərne kō, k'entempərne kəyefē dukulō dakəronj da maas. Anjələk kō, tətəñne efi.

¹⁰ Kō Pol ontər, k'əñkō pəsipnē kō, k'ələk kō dəwaca, k'oloku: «Ta pəyi nu yamayama. Eyi wəyey!»

¹¹ Ntē Pol empe sō mə, k'entepi kəcom kəsəm, k'oncop sō moloku mən hanj dəsōka. Ntē elip mə, k'əñkō.

¹² K'əñkərə wətemp wəkəkō pəyi wəyey, kō təyənē təcəpsē bəkək təpəñ.

Marənt kəyefē Torowas hanj Mileto

¹³ Sēna, sənānujkenē kələk abil kəkō dare da Asōs nde Pol enaloku a səndekələk kō mə, bawo kəroru k'ənafanj kəkō.

¹⁴ Ntē enabəp su Asōs mə, kō sələk kō kəkō ka Mitilen.

¹⁵ Ntē səyefē kəcali dəkəba dāndo mə, kō səmbərē dōckōsək Kiyō. Dōckōsək damerəñ kō sənjbunēnē Samōs, tataka ta maas kō səmbəp Mileto.

¹⁶ Pol enafanj kəcepər dare da Efesi takəronj ta encəmbərəs di-ē, nte tənşəñē ta owon sō Asi mə. Yerusalem encbəkər kəbəp, kō tentam kəyi-ē, a dəsək da kəsata ka tataka ta wəco kəcamət dəcəp.

¹⁷ Tēm nte enayi Mileto mə, k'osom dare da Efesi kəkəwenē kō abeki a kəlonkane ka alanj aka di.

¹⁸ Ntē ñander kəwe kən mə, kō Pol oloku ña nte: «Nəncərə fəp fonu təkō isumpər nu mə, kələk dəsək dōcōkō-cōkō ndē incəmbər kəkək atəf ña Asi mə.

¹⁹ İmbəce Mariki kətore banca disrē, icbok, ictərə, bawo aSuyif ñancfan kəy'em pələc.

²⁰ Tes o tes tentam kətesē nu iloku nu ti fər ya afum kirinj kəkō hanj dəwələ wonu disrē, ali tin imēñkər fē nu.

²¹ K'ingbinər sō aSuyif kō aKresi kəsəkpər bəkək ñakafəle nno Kanu kəyi mə, ñagbekər kəlanj Mariki mosu Yesu.

²² Ndekəl oñ Amēra ña Kanu ñesəkət im, Yerusalem injkō. Incərə fē nte tərəkəbəp im di mə,

²³ mēnē Amēra Nəcempi ña Kanu ñonjlok'im dare o dare nte: A kətərə k'inder, pəber im dəbili.

²⁴ Teta ina, mes ma ina darəñ meyi, tefanj ta ina təyənē kəkətēnē kəsom nke asom im mə, mes mme Mariki Yesu olok'im kəyō mə fəp m'ifanj kəyō, nte təyənē kəmentər sede sa Kibaru Kətət kō kəmar ka Kanu mə.

²⁵ Ndekəl oñ intas, incərə a nəfōsənəñk im, nənə fəp anj inacepər kəcam dəbe da Kanu mə.

²⁶ İlip kələku nu moloku fəp mme Kanu kənasom im kələku nu teta kəyəc konu mə. Kō nəntəyō oñ təkō inatəkəsē nu mə, te mi teyi fē sō ti,

²⁷ bawo iloku nu mēfanj ma Kanu fəp, ali tin imēñkər fē nu.

²⁸ Nækembærne nenasərka kəbər ka alan aje ɲayi pəmo ɣɔcəl nyɛ Amera Ɗecempi ɲa Kanu ɲəsəɲ nu kəkək mə. Nækembærne kəlɔŋkanɛ ka alan a Kanu, mecir mən yati məsɔtəne ɲa.

²⁹ Incərə a k'indekət-ɛ, afum alɛc ɲandetərəs kəlɔŋkanɛ konu pəmo calma cəwey-wey nce cəntəsak ɣɔcəl mə.

³⁰ K'incərə a aləma nənə daco yati ɲandeyefe kəlɔku yem, nte tɔɲsəɲɛ acɛpse alan ɲacəme ɲa darəɲ mə.

³¹ Nəde nækembærne, ta nəpələ a meren mme maas pibi kə dan isak fe kəlɔku nu dəmencər a nækembærne!

³² Ndekəl ɔɲ isəɲ nu Kanu kə toloku ta kəɲaɲne kən. Toloku tatəkə tentam kəcərəs nu bəkək kə kəsəɲ nu ke, nənə aje ɲayəne afum ən mə.

³³ Inafan fe pəsam, inafan fe kema, inafan fe yamos ya fum.

³⁴ Nənə yati nəncərə a waca wem wawe w'imbəce kətən ka yeri yem kə ya afum aje ɲsələ mə.

³⁵ Imentər nu a kə mənɲəc tatəkə-ɛ, mənɛ nəmar atəɣə fənəntər. Məcəm-cəmne moloku ma Mariki Yesu, nkən nwe ɛnaloku: «Kəpocə kəncɛpər kəsətə.»

³⁶ Nte Pol elip kəlɔku moloku maməkə mə, k'encəp suwu kətola Kanu kə ɲa fəp fəɲan.

³⁷ Afum fəp kəbok disre ɲanɛpsərne Pol dəkilim ɲaccup kə,

³⁸ nənəfər dənanaŋkanɛ kəyi ɲa nte Pol ɛnaloku a ɲafəsənəɲk kə mə. Nte telip mə, kə ɲancəmbər kə nde dəkətənta.

21

Pol əɲkə Yerusalem

¹ Nte səmbaɲərne ɲa mə, kə səyeki abela kəkə ka Kəs. Dəckəsək kə səncɛpər sɔ haɲ Rodu, kə səyefe dəndo kə səɲkə dare da Patara.

² Nte səmbəp di abil ɲɲɛ ɲɛncɔcali kəba kəkə ka ntende atəf ɲa Fenisi mə, kə səmbekə ɲi, kə sənəcali.

³ Sənadətəfərne Sipər, kə səsak si kəca kəmeriya, kə səɲkə kəca ka atəf ɲa Siri, kə səɲkə səpə dare da Tir nde pənamar abil ɲotore ca ɣəkə ɲɛnəɣə disre mə.

⁴ Nte sənabəp di acɛpse a Yesu mə, kə səyi di mata camət-mɛrəɲ. Kəcəɲəs ka Amera ɲa Kanu disre kə ɲaɲgbiɲər Pol a ta pəpə Yerusalem.

⁵ Nte kiyi kosu dəndo kənalip mə, kə səɲkə. Kə alan fəp ɲancəmbər su, kəyefe aran kəbəp awut haɲ kə səwur dare disre, kə səɲkə səcəp suwu dəndo dɛgbɛp kətola Kanu.

⁶ Nte sənələmbærne ɲa mə, kə səmbekə debil, kə ɲa ɲalukus ndaraɲan.

⁷ Kə sənə, kələrəs kosu kəkət kə səmbekə dare da Tir kəkə ka dare da Pətolemay. Nde sənəkə səyif awenc asu aɲa alan mə, kə səncɛpərɛne di dəsək din.

⁸ Dəckəsək də sənayefe di kəkə dare da Sesari. Dəndo sənabere kələ ka Filip, wəcam ka toloku tətət, nwe ɛnəɣəne wəkin ka afum camət-mɛrəɲ aje anayək-yək Yerusalem mə. Kə səncɛpərne dəndo mata camət-mɛrəɲ.

⁹ Filip ɛnəɣə awut aran mənɲələ aje ɲanatəcərə arkun mə, aje ɲancdəɲk moloku mme Kanu kəncmar ɲa kəcəm mə.

¹⁰ Nte sənayi di mataka mɛlarəm mə, kə sayibe səlma səntor dare da Sesari kəyefe ka atəf ɲa Yude, pacwe kə Akabus.

¹¹ Nte encder nno sayi mə, k'ɛlek bɛlet ba Pol, k'ɔɲkotne wɛcək kə waca. K'oloku: «Nəcəɲkəl nte Amera Ɗecempi ɲa Kanu ɲoloku mə: Fum nwe əɣə bɛlet

bambe mo, tante to abe aSuyif aloma nandekot ko Yerusalem, naber ko atoyone aSuyif dawaca.»

¹² Nte sone toloku tatako ko afum ako nanayi su kasak mo, ko saletsene Pol ta pape Yerusalem.

¹³ Mba ko Pol olukse su: «Ta ake to namboke, nasoh'em abakac kalece-e? Iwose kakot kem, iwose so kafi kem Yerusalem teta tewe ta Mariki Yesu.»

¹⁴ Nte anasep ko antotam Pol damoloku mo, ko sance ko. Ko santola: «Kanu kasoh'e tefan ta Mariki teyi!»

¹⁵ Nte sanceporene mataka mamako dare da Sesari mo ko salompasne, ko salek doro kape ka Yerusalem.

¹⁶ Ko sasol ko acapse a Yesu aloma ane sanader kayefe ka dare da Sesari mo. Ko nankekare su nda fum walama nwe panamar sayi ndoron mo, pacwe ko Manasoh. Wesiher enayi, enayone wacapse waka Yesu daroh kayefe nte panawon mo.

Pol ndena Sak

¹⁷ Kabere kosu Yerusalem, ko awenc asu anja alan naselene su pabotu disre.

¹⁸ Dockosak ko sasol ko Pol, ko sohko ndena Sak. Ko abeki a kalonkane ka alan a Yerusalem fep hambapsene dando.

¹⁹ Ko Pol efayne ja, k'eyefe kalomar ja tin tin tin mes fep mme Kanu kanamar ko kayo aSuyif daco mo.

²⁰ Nte nalip kacanhkal Pol mo, ko hayek-yekas Kanu. Ko naloku Pol: «Mamoman wenc kosu, afum asu wul walaram hayone alan a Yesu ko nasumparene so Sariye waca meroh.

²¹ Awa aSuyif aloma nacem-cemme kane a katakse kam disre a maloku aSuyif ane hayi afum acuru daco mo a nasak sariye sa Musa: Ta jakanc awut, ta nacame moyo mokur ma aSuyif daroh.

²² Caka c'andeyo-e? Bawo nanhone a mander nno.

²³ Awa moyo tako sandelok'am mo. Sayo nno arkun mankale ane nanasoh Kanu temer mo.

²⁴ Malek ja, nako kelo keroj ka Kanu, masokasne ko ja. Ko mawose-e, malek kawure pasam pa kaway kanan ka kalohne, nte toshoh'e nafonne sabomp mo. Ti disre fep fandetam kacare a mes mako asoh'e ja kacare tetam mo fep moyone fe kance, a mana so yati malelas teta sariye sa Musa.

²⁵ Nte toyone ta atoyone aSuyif ane hayone alan mo, sanohk a pantese kacice ja reka kaboce ja tanc: A ta nasom sem nye alonhene merenka mo, ta namun mecir, ta nasom sem nye antofay mera mo, ta nasumpar dalako.»

²⁶ Dockosak ko Pol elek afum ane, ko nancop kasokasne, k'embele kelo keroj ka Kanu disre, k'ohko pabonc dasok nde kasokasne kanan kandelip mo, ko dasok nde andelonhene nwe o nwe mo.

Kasumpar ka Pol nde kelo keroj ka Kanu disre

²⁷ Dakalapasar da mataka mamako camat-meroh, nte aSuyif aloma ane hayefe atof ja Asi nanohk Pol kelo keroj ka Kanu disre mo, ko nampene bakac ya afum fep, ko nasumpar ko.

²⁸ Njackule-kule: «Arkun a Yisrayel, nader namar su! Wakawe entakse afum fep kifo o kifo tako tontotes afum asu, sariye sosu, ko nno kifo kanke mo! Ali akresi embersene ja nno kelo keroj ka Kanu, k'eyik-yikas kifo kasoku kanke!»

²⁹ Nanabokene nte bawo tooko-coko nananohk Pol ko Tirofimo waka Efesi nasol dare disre, ko nancem-cemme a Pol enabersene ko kelo keroj ka Kanu disre.

³⁰ Kɔ dare malmal deyi yamayama, kɔ afum nɔayefe waca fɛp kɔ nɔasumpɛr Pol, kɔ nalinɔs kɔ kɛwurene abanɔka nɔa kɛlɔ kɛpɔn ka Kanu disre, k'ancanɔs cumba katina.

³¹ Nte nɔanayi kɛsɛp kɛdif kɔ mɔ, k'anɔkɔ paloku wɔbe wɔsɔdar wɔRom a pɔyamayama peyi Yerusalem fɛp.

³² Gbɛncana babɔkɔ kɔ wɔbe wɔsɔdar wɔpɔn nwe elek asɔdar kɔ abe anɔan alɔma kɔ nɔayekse kɛkɔ di. Nte aSuyif nɔanɔnk asɔdar anɛ kɔ abe anɔan mɔ, kɔ nɔasak kɛsut Pol.

³³ Kɔ wɔbe wɔpɔn wɔsɔdar nwe ɔncɔnɛ, k'osumpɛr Pol, k'osom a pakote kɔ gbekce mɛrɛn. K'eyif fum nwe ɔyɔne mɔ, kɔ tɔkɔ ɔyɔ mɔ.

³⁴ Kɛnɔy kanɔkɔ dɔcɔ, alɔma nɔackule nte, akɔ nɔackule tɔkɔ. Nte enader pɔyi ɔn ta enɛ tɔlɔm ɔ tɔlɔm teta pɔyamayama papɔkɔ mɔ, kɔ wɔbe oloku a pakɛkɛre Pol dɛkɛdirɛ da asɔdar.

³⁵ Nte Pol embɔp dɔkusunɔka mɔ, kɔ asɔdar nɔasipne kɔ, bawo nɔananesene kɔ pɔlec pɔkɔ afum nɔanafɔn kɛyɔ kɔ mɔ.

³⁶ Kɛnɔy ka afum kɛnacɛme Pol darɛn, nɔackule: «Pamɔlɔk kɔ!»

Pol kɔyacne kɛn dɛmoloku

³⁷ Tem nte anadɛkɔfɔn kɔ kɛbɛrsene dɛkɛdirɛ da asɔdar mɔ, kɔ Pol eyif wɔbe wɔsɔdar cɛKresi: «Anɔwos'em kɛlɔk'em tes tɔlɔma ba?» Kɔ wɔbe eyif kɔ: «Mɛncɛre kɛcɔp cɛKresi ba?»

³⁸ Bafɔ wɔMisira mɔyɔne, wɔkɔ entɛp kɛcɔnɛ pɔyamayama kɛyi mɔ, makere adifɛt afum wul manɔkɛle (4000) nde dɛtegbɛre ba?»

³⁹ Kɔ Pol oloku: «Awoɔn! Ina, wɔSuyif iyɔne, dare da Tarɛs atɔf nɔa Silisi anɔkom im, fum wɔka dare dɔpɔn de! Intol'am, mɔwɔse ilok-lokɛr afum.»

⁴⁰ Kɔ wɔbe wɔsɔdar owose kɔ ti. Kɔ Pol empɛ k'encɛme dɔkusunɔka, k'efek afum kɛca. Kɔ afum fɛp nɔancanɔk, k'ɔncɔpɛr nɔa cɛEbre, kusu ka aSuyif aka di.

22

¹ «Awenc im anɔa, Abek'em anɔa!» Pol oncloku, «Nɛcɔnkɛl ɔn moloku mmɛ iyɔ mɛyacnɛne mɔ.»

² Nte nɔane pɛccɔpɛr nɔa kusu kɛnɔan cɛEbre mɔ, kɔ pɛnanɔkanɛ kɛyɔ yɛn.

K'oloku:

³ «WɔSuyif iyɔne, pakom im dare da Tarɛs, atɔf nɔa Silisi. Mba nnɔ dare dande d'andusum im nnɔna Kamaliyel nwe afum fɛp nɔancɛre mɔ. Nwe entɛks'em belbel sariye sa anɛn asu mɔ, k'inasumpɛr sɔ teta Kanu belbel kɔ abɛkɛc fɛp, pɛmɔ tantɛ pɔyi nɛna sɔ mɔkɔ mɔ.

⁴ K'inatɔrɛs afum alɔma anɛ nɔancɛme dɔpɔ da Yesu dande darɛn mɔ hanɔ kɔ nafi. K'inɔkot aran kɔ arkun, k'imber nɔa dɛbili.

⁵ Wɔlɔnɛ wɔpɔn kɔ abeki a dɔtɔf fɛp nɔayɔne atɛnɛn aka ti. Inasɔtɛr nɔa reka kɛkene afum em aka Damas, nde inckɔ kɛkɔsumpɛr alanɔ akɔ nɔanayi di mɔ, ikere nɔa fɔr ya abe kirin nde Yerusalem pakɔsut.

Pol ɔlɔm tɛcɛme tɛn dɔpɔ dɔtɔ

⁶ Dɔpɔ inayi iclɔtɛrne Damas, danɔ pɛn, gbɛncana babɔkɔ, kɔ pɛmot pɔpɔn pɛyefe darenc kɔ pɛnɔkel im pɛwanɔkɛra.

⁷ K'intɛmpɛne dɛntɔf, k'ine dim nde donclɔk'im: «Sol, Sol, ta ake tɔ mantɔrs'em-ɛ?»

⁸ K'iyif: «Mariki, mɛna an'ɔfo-ɛ?»

K'olok'im: «Ina, Yesu wɔka Nasaret iyɔne, nwe mɛna mɔyi kɛtɔrɛs mɔ.»

⁹ Afum anɛ sɛnasol mɔ nɔanancanɔk pɛwanɔkɛra papɔkɔ belbel, mba nɔanane fe dim da nwe onclɔk-lokɛr im mɔ.

10 K'iyif kɔ: «Cɛke cɔ pɛmar iyɔ-ɛ, Mariki?»

Kɔ Mariki olok'im: «Mɛyɛfɛ, mɛkɔ dare da Damas, dɛndo aɲkɔlok'am tɔkɔ pɛmar ɛm kɛyɔ mɔ fɛp.

11 Mba nte pɛwanɲɛra pa pɛmot papɔkɔ pɛnasɔɲ'em kɛtɔnɲɛk mɔ, afum akɔ sɛnasol mɔ ɲasumpɛr im kɛca kɔ ɲɲɛkɛkɛr'em haɲ kɔ imberɛ Damas.

12 Mba fum wɛlɔma ɛnayi di pacwe kɔ Ananiyas, pɛcɛme tɛfaɲ ta Kanu darɛɲ pɛmɔ tɔkɔ sariye sɛloku ti mɔ. Nwe aSuyif aɲɛ ɲanande di ɲanacɛrɛ dɔtɔt amera mɔ.

13 Kɔ Ananiyas ender ɲnɔ iyi mɔ, k'ɛncɛm'em kɛsɛk, k'olok'im: «Sol, wɛnc im, mɛluksɛrɛnɛ sɔ kɛnɲɛk.» Gbɛncana babɔkɔ k'inɲɛk ɲkɔn Ananiyas.

14 Kɔ Ananiyas olok'im: «Kanu ka atem asu kɛsɔɲ ɛm kɛcɛrɛ ka tɛfaɲ tɔn, mɛnɲɛk Wɛlompɛ, mɛne sɔ dim dɔn,

15 bawo mɛndekɔyɔnɛ kɔ sede fɔr ya afum fɛp kirinɲ ta nte mɛnɲɛk kɔ nte mɛne sɔ mɔ.

16 Ndekɛl ɔɲ ta ake tɔ mɛyi kɛwɔnɛ-ɛ? Mɛyɛfɛ mɛyɔ pagbɛt ɛm dɛromum teta Kanu, payak kiciya kam kɛwe ka Mariki disrɛ.»

Kasom ka Pol decikɛra

17 Nte ilukus Yerusalem mɔ, ictola nde kɛlɔ kɛpɔɲ ka Kanu, kɔ kɛnɲɛk kɛnder im kɛyɛfɛ darenc.

18 Ti disrɛ, k'inɲɛk Mariki Yesu, nwe ɛnalok'im: «Mɛkufe mɛwɔr Yerusalem, bawo ɲafɔdewosɛ kɛne sede sɛkɔ mɛsumpɛr tetem mɔ.»

19 K'iloku kɔ: «Mariki, ɲancɛrɛ a inckɔ dɛkɛtola Kanu da aSuyif, icsut, icber afum dɛbili aɲɛ ɲanalɲ tetam mɔ.

20 Nte analɔɲ mecir ma sede sam Etiyɛn mɔ, ina wɛkawɛ yati inayi di, kɔ mes maɲɲan mɛmbɔt im. In'ɛnamɛɲkɛ akakɔ ɲanadif kɔ mɔ yati yamos.»

21 Mba kɔ Mariki olok'im: «Mɛkɔ! Pɛbɔle pɔ ina indesom ɛm, nde atɔyɔnɛ aSuyif ɲayi mɔ.»»

Pol kɔ wɛbɛ wɛsɔdar wɛRom

22 Afum ɲanacɛɲkɛl kɔ haɲ tɛm nte ɛnaloku toloku tatɔkɔ mɔ, mba ndekɛl ɔɲ kɔ ɲampɛnɛ sim ɲacloku: «Pamɛlɛk kɔ! Ta pasak fum pɛmɔ wɛkawɛ pɛyi doru.»

23 Kɔ ɲɲɛkɛ-kɛ, kɔ ɲɲɛgbal suma sɛɲɲan kɔ ɲɲɛlɛm kɛbof darenc.

24 Kɔ wɛbɛ wɛsɔdar wɛRom osom asɔdar ɔn a pabɛrsɛnɛ kɔ dɛkɛdirɛ danɲan. K'oloku a pasut Pol nte tɔɲsɔɲɛ pɛloku-loku, pacɛrɛ te tɔkɔ ɔyɔ nte tɔsɔɲɛ afum kɛkulɛ-kulɛ tetɔn mɔ.

25 Nte anakot Pol kɛkɔsut kɔ mɔ, kɔ Pol eyif wɛbɛ wɛsɔdar wɛkɔ ɛnayi di mɔ: «Awos'am kɛsut wɛkom wɛRom nwe antɔkiti mɔ ba?»

26 Nte wɛbɛ wɛsɔdar nwe ene toloku tatɔkɔ mɔ, k'ɔɲkɔ pɛyif wɛbɛ wɛsɔdar wɛpɔɲ, pɛcloku: «Cɛke mɛndeyɔ-ɛ? Wɛkom wɛRom ɔfɔ.»

27 Kɔ wɛbɛ wɛpɔɲ wɛsɔdar wɛRom ender k'eyif kɔ: «Mɛlok'im kance, wɛkom wɛRom mɛyɔnɛ ba?»

Kɔ Pol owosɛ: «ɛy.»

28 Kɔ wɛbɛ wɛpɔɲ wɛsɔdar wɛRom nwe oloku sɔ: «Ina, pɛsam pɛlarɛm p'isɔtɔnɛ kɛyɔnɛ ka wɛRom!»

Kɔ Pol oloku: «Ina, aɲkom em ti kɛkome dɛm.»

29 Gbɛncana babɔkɔ, akɔ pɛnamar ɲasɔɲɛ Pol kɛlok-loku mɔ ɲambɔle, kɔ wɛbɛ wɛsɔdar ɛnesɛ, k'ɛncɛrɛ a wɛkom wɛRom yati ɲkɔn wɛbɛ wɛsɔdar ɔsɔɲɛ k'ɲkɔt.

Pol nde fɔr ya aboc kiti kirin

³⁰ Dɔckɔsɔk wɔbɛ wɔka asɔdar nwe pɔfan kɛcɛre tes tɔkɔ aSuyif akako ɲambɔncɛ Pol mɔ, k'oloku a pasikɛli kɔ, k'oloku sɔ alɔɲne apɔɲ kɔ abɔc kiti aSuyif fɔp kɔlɔɲkanɛ. Kɔ wɔbɛ ɛɲkɛre Pol k'ɛncɔmbɔr kɔ fɔr ɲanjan kirinɲ.

23

Pol kɛyacnɛ kɔn nde fɔr ya abɔc kiti kirinɲ

¹ Pol pɛgbɔtnɛ abɔc kiti aSuyif aɲɛ, k'oloku: «Kɔ ina, awɛnc im aɲa, amera ɲosoku pɛs ɲ'ɲɲkɔtɛnɛ fɔr ya Kanu kirinɲ hanɲ mɔkɔ.»

² Ananiyas wɔlɔɲne wɔpɔɲ oloku akɔ ɲanayi Pol kɛsɛk mɔ a ɲafɛr kɔ kɛca dɛkanca.

³ Kɔ Pol oloku kɔ: «Kanu kɛndesut ɛm, mɔyɔnɛ pɛmɔ damba dete ndɛ ancɛm alom ɲɛfɛr mɔ! Mɛndɛ nnɔ mɛckit im pɛmɔ tɔkɔ sariyɛ sɛlɔku mɔ, mba mɛclɔku a pasut im, tɔkɔ sariyɛ sɛmɔnɛ mɔ!»

⁴ Afum akɔ ɲanayi di mɔ, ɲaloku: «Wɔlɔɲne wɔpɔɲ ka Kanu mɔyi sɔ kɛlɔmɛs ba?»

⁵ Kɔ Pol olukɛ ɲa: «Awɛnc im aɲa, incɛre fɛ a nkɔn ɔyɔnɛ wɔlɔɲne wɔpɔɲ. Itɔ ancic dɔYecicɔs Yosoku disrɛ disrɛ: «Pɛmar fɛ mɛlɔmɛs wɛkirinɲ wɔka afum am.»»

⁶ Ntɛ tɛnayɔnɛ a alɔɲkanɛ ɲanayi kɛsɛk kin aSadisi kɔ kɛɲkɔ aFarisi mɔ. Kɔ Pol ɛyɛfɛ k'ɛmpɛnɛ dim dɛndo abɔc kiti aSuyif ɲancyifɔt kɔ mɔ: «Awɛnc im aɲa! Ina sɔ, wɛFarisi iyɔnɛ, wan ka aFarisi! K'ancɛmbɔr im kɛkiti-ɛ, kɛlanɲ kem a afi ɲandeyɛfɛ defɲ kɛsɔɲɛ ti!»

⁷ Ntɛ Pol oloku moloku mamɔkɔ mɔ, kɔ kɛgbɛkɛlɛnɛ kɛyi aFarisi kɔ aSadisi dɛcɔ, kɔ kɛgbɛyɛnɛ kɛyi.

⁸ Kɔ aSadisi ɲaloku a kɛyɛfɛ defɲ kɛyi fɛ, mɛlɛkɛ meyi fɛ, yɔɲk kɔ arkifin yeyi fɛ. aFarisi kɛca kɛɲan, ɲanalanɲ a mamɔkɔ fɔp meyi doru.

⁹ Kɔ sim sɛmpɛ hanɲ, kɔ atɔkɛ sariyɛ kɛca ka aFarisi ɲayɛfɛ kɔ ɲambupɛre pɛpɔɲ, ɲaloku: «Sɛnɲk fɛ ntɛ ɔ ntɛ tɛlɛc nnɔ fum wɛkawɛ eyi mɔ! Ancɛre fɛ: Tɔlɔma ɲɔɲk, kɔ pɛyɔnɛ fɛ ti-ɛ, mɛlɛkɛ molok-lokɛr kɔ.»

¹⁰ Ntɛ kɛgbɛkɛlɛnɛ kɛncɔɲɲnɛ ɔɲ kɛcɔɲɲnɛ dɛm kirinɲ mɔ, kɔ wɔbɛ wɛsɔdar wɔpɔɲ enɛsɛ a ta ɲawatɛri-watɛri Pol, k'oloku asɔdar a ɲator ɲakɔ ɲalɛk Pol ɲalukɛ kɔ ndɛ asɔdar ɲandirɛ mɔ.

¹¹ Dɔckɔsɔk pibi kɔ Mariki ender Pol kɛnɲk disrɛ, k'oloku: «Mɔbɛkɛnɛ! Tɔkɔ mɛnayɔn'ɛm sɛdɛ fɔr ya abɔc kiti ndɛ Yerusalem mɔ, mɛnɛ mɔkɔ sɔ mɔyɔn'ɛm si Rom.»

Kɛsɛk kɛdif ka Pol

¹² Ntɛ dec dɔsɔk mɔ, k'aSuyif alɔma ɲsɛk kɛdif Pol, kɔ ɲantɔɲnɛ kɛsɔɲɛnɛ temɛr kɛtɔdi yeri, kɛtɔmun hanɲ ɲaclip ti.

¹³ Afum aɲɛ ɲanasek kɛdif Pol kɛɲkɔ mɔ, ɲanckɔ hanɲ ɲacɛpɛr afum wɛcɔ manɲkɛlɛ.

¹⁴ Kɔ ɲanɲkɔ ɲabɔp alɔɲne apɔɲ kɔ abɛki a dɔtɔf kɛkɔlɔku ɲa: «Sɛsɔɲɛnɛ temɛr kɛtɔdi peri ta sɛntalip kɛdif Pol-ɛ.

¹⁵ Nɛna ɔɲ ndɛkɛl kɛbɔp ka abɔc kiti aSuyif, nɛkɔ nɛtɔla wɔbɛ wɛsɔdar pɛkɛrɛ nu Pol pɛmɔ ntɛ nɔɲfan kɛmɔmɛn tɛtɔn bɛlbel mɔ. Sɛna sɛncɛmɛ sɛckar kɛdif kɔn ta ɛntabɔp nu-ɛ.»

¹⁶ Ntɛ wan ka wɛkɪrɛ ka Pol ɛnɛ paclɔku tolɔku ta kɛcɛpɛ kɔ towul pɛdifɛ pɔn mɔ, k'ɔɲkɔ ndɛ asɔdar ɲandirɛ mɔ, k'ɛmbɛrɛ k'oloku ti Pol.

17 Kɔ Pol ewe wəsɔdar wəpɔŋ wəlɔma k'oloku kɔ: «Məsɔle wətɛmp nwe məkenɛ kɔ wəbɛ wəsɔdar wəRom, bawo ɛfan kəsɔŋɛ kɔ kəcərə toloku tɔlɔma.»

18 Kɔ wəsɔdar wəkakɔ ɛlɛk kɔ, kɔ ŋaŋkɔ ndena wəbɛ wəsɔdar wəRom.

K'oloku kɔ: «Kelmani Pol ew'em k'olok'im a iker'am wətɛmp wəkawɛ, a ɛfan kəsɔŋ'am kəcərə toloku tɔlɔm.»

19 Kɔ wəbɛ wəsɔdar wəRom osumpər kɔ kəca kɔ ŋawurnɛ kəsək. K'eyif kɔ: «Ake toloku tɔ məyɔ nte məfan kəlɔk'im mɔ-ɛ?»

20 Kɔ wətɛmp nwe oloku: «ASuyif alɔma ŋantəŋnɛ a ŋawer əm alna Pol mətorɛnɛ ŋa kɔ ndena aboc kiti aSuyif, pəmɔ nte ŋaŋfan kəyifət kɔ ŋaməmən tetɔn belbel mɔ.

21 Mba məsɛp ta ŋatam əm dəmɔloku de! Bawo afum wəco məŋkələ kɔ tɔlɔm ŋa daco ŋayi kəcərə Pol towul pɛdifɛ pɔn. Ŋasɔŋɛnɛ temer kətɔdi yeri, kətəmun ta ŋantanim kɔ-ɛ. Tem tante ŋalip kəlompəsne. Kəwosɛ kam gbəcərəm kɔ ŋayi kəkar.»

22 Kɔ wəbɛ wəsɔdar wəRom ɛmɛŋkəs wətɛmp nwe a ta pəlɔmər sɔ nwe o nwe toloku tatəkɔ oloku kɔ mɔ, k'ɛsak kɔ, k'ɔŋkɔ.

Pol nde fɔr ya wəbɛ Felikəs kirin

23 Kɔ wəbɛ wəsɔdar wəRom ewe asɔdar ɔn apɔŋ mɛrəŋ, k'oloku ŋa: «Nələk asɔdar masar mɛrəŋ (200), ayɛksɛnɛ fələs wəco camət-mɛrəŋ, kɔ atɔmpər mbəncəran masar mɛrəŋ (200), ŋalompəsne kəkɔ ka Sesari pibi-ana.

24 Nəlompəs sɔ fələs, nte tɔŋsɔŋɛ pakenɛ wəbɛ Felikəs Pol pəyi wəyer ŋa mɔ.»

25 Kɔ wəbɛ wəsɔdar wəRom encicɛ Filikəs areka ŋɛ ɛŋaloku nte mɔ:

26 «Ina, Kolodu Lisiyas, incic'am areka ŋaŋɛ mənə wəbɛ kem Felikəs, icyif əm.

27 Wərkun wəkawɛ, aSuyif alɔma ŋalɛk kɔ ŋackɔ kənim. Mba alok'im a wəkom wəRom ɔfɔ, it'ɔsɔŋ em kəder kɔ asɔdar em kəbanər ŋa kɔ.

28 Nte ifan kəcərə tes nte ambonɛ kɔ mɔ, k'intɔrɛnɛ kɔ nde aboc kiti aSuyif ŋayi mɔ.

29 K'inəŋk, k'ambonɛ kɔ tes-ɛ, kəgbəkələnɛ kɔ nke kəŋkotərənɛ sariyɛ sənjan mɔ, mba ali tes ɛləsər fɛ nte pəmar padifɛ kɔ, kɔ pəyɔnɛ fɛ ti-ɛ, pabɛr kɔ dəbili mɔ.

30 Nte alok'im kəsək kədif ka wərkun wəkawɛ ɔŋ mɔ, itɔ ŋŋken'am kɔ katəna. K'ilokɛnɛ abonɛ ɔn tes, ŋakɔ ŋabokɛnɛ tetɔn nnɔ mənə məyi mɔ. Dənda ɔfɔ lɔŋtaŋ.»

31 K'asɔdar ŋayɔ pəmɔ tatəkɔ wəbɛ kəŋan ɛnasom ŋa mɔ. Kɔ ŋalɛk Pol kɔ ŋaŋkəkərə kɔ pibi disrɛ haŋ Antipatiri.

32 Dɔckəsək kɔ asɔdar alɔma ŋaluksərɛnɛ nde ŋandirɛ mɔ, kɔ ŋasak ayɛksɛnɛ fələs ŋakəkərə kɔ.

33 Nte ŋambɛrɛ Sesari mɔ, kɔ ŋasɔŋ areka ŋaŋəkɔ Felikəs wəbɛ ka dɔtɔf, kɔ ŋaməntər kɔ Pol.

34 Nte wəbɛ ka dɔtɔf elip kəkaraŋ areka ŋɛ mɔ, k'eyif Pol wəka atɔf ŋɛrɛ məyɔnɛ-ɛ. Nte ɛnɛ a wəka Silisi ɔyɔnɛ mɔ,

35 kɔ wəbɛ Felikəs oloku: «Indecəŋkəl əm kɔ abonɛ am tes ŋandedɛr-ɛ.» K'osom a pacaŋər Pol nde bili bəkɔ bɛŋayi nde abanɛka ŋa wəbɛ Herodu mɔ.

1 Nte mata kacamət mencepər mə, kə wəloŋne wəpəŋ Ananiyas ontor kə abeki a dətəf aləma kə wəgbəkələne wəkin pacwe kə Tertulu. Kə ŋaŋkə ŋabokəne nno wəbe wəka dətəf eyi mə teta Pol.

2 Kə wəbe ka dətəf osom k'awe Pol, kə Tertulu oncop moloku mən nte: «Wəbe, mən'əsəŋe nte səyine bəkəc yoforu mə. Kəkətəne dəbe kam kətət, kə kəsəkpər ka mes mələma teta atəf ŋəsə ŋaŋe, bawo mənayay ŋi nte tender mə.

3 Wəbe Felikəs wələləs kosu, səŋsətə pətət papəkə tēm fəp kə mofə fəp. Səŋyek-yekəs'am ti.

4 Mba nte intəfaŋ kələkər əm tēm tələrəm mə, it'intolan'am kəcəŋkəl su abəkəc ŋətət disre tēm tepic.

5 Səŋkəkce a fum wəkawe wəberəs afum daco əyone, nkən ŋəsəŋe aSuyif fəp kəgbəkələne doru mofə fəp. Wəkirin wəka kəgba ka afum a Nasaret əyone.

6-7 Ənafan yati kəyik-yikəs kələ kəpəŋ ka Kanu, itə sənəsumpərə kə.

8 Məna Wəbe məntam kəyifət kə, mətən kəcərə kə pəyone a təkə səmbonce kə mə kance kə-ε.»

9 Kə aSuyif aŋe ŋanayi di mə, ŋambaŋe Tertulu, kəcloku: «Itə teyi yati!»

Pol fər ya Felikəs kirin

10 Nte wəbe ka dətəf efək Pol kəca a pələk-loku mə, kə Pol oloku nte: «Wəbe, incərə a meren mələrəm mə məyi atəf ŋaŋe məckiti. Kələŋ kaŋkə disre k'indelokən'am kəyac kem.

11 Təntacepər fə mata wəco kə mərəŋ nte impə dare da Yerusalem kəkəkərkəru Kanu, məntam ti kəyifət.

12 Ambəp f'em kələ kəpəŋ ka Kanu, ambəp f'em dəkətola Kanu da aSuyif, ambəp f'em dare disre səcgbəkələne kə afum, kə pəyone fə ti-ε, icgbiŋər afum kəyefərəne.

13 Nafətam sə kəcmentər əm kance ka tes təkə ŋambonc em mə.

14 Kance intam kəwəse nno fər yam kirin a Kanu ka atem em k'inkor-koru, k'incəme dəpə da Kanu darəŋ nde ŋa ŋancəm-cəmne a yem yə mə. Mba ina ilaŋ nte o nte ancic dəYecicəs Yosoku Tawureta Musa kə Sayibe mə.

15 Ingbəkər teta Kanu tələma amera, nte ŋa abonc'em mes ŋa sə ŋaŋgbəkər mərə mə: It'əyone a Kanu kəndeyeki afi, alompu kə atələmp.

16 It'əsəŋe nte ina sə insep tēm fəp kəkətəne amera ŋətət fər ya Kanu kə afum kirin mə.

17 Nte meren mələrəm mencepər mə, k'inder nno Yerusalem kədəmar afum em, k'ilonje sə Kanu.

18 Kə ŋaŋkə ŋabəp im icsəkəsne kələ kəpəŋ ka Kanu disre, bafə afum ŋaloŋkanə di, bafə pacgbəkələne de.

19 Məne aSuyif a atəf ŋa Asi aləma akə ŋanayi di mə, ŋa ŋə pəmar kəder nno məyi mə ŋacbonc'em mes, kə pəyone a ŋantəmpər em mi-ε.

20 Kə pəyone fə ti-ε, afum aŋaŋe ŋaloku tes tēlec nte aboc kiti aSuyif ŋananəŋk im nte ŋanakit'im mə.

21 Məne pəyone toloku təkə inalokə dim dəpəŋ, icəme ŋa daco mə de: «Teta kədəyefə defi nkə ilaŋ mə, it'ancəmbər'em məkə kiti nno fər yam kirin!»

22 Tənabəp paloku Felikəs belbel mes ma dəpə da Mariki Yesu, k'olukəse kiti dəsək dələma, pələloku: «Kə wəbe wəsədar wəROM Lisiyas endeder-ε, indēməmən tes tonu.»

23 Kə wəbe ka dətəf oloku wəsədar a pəcaŋər kə, mba ta pəkət kə, ta pəmone sə afum ən kəmar kə mes mələma.

Pol fər ya Felikəs kə Durusil kirin

²⁴ Nte mataka maloma mencepær mæ, Felikæs ñasol kô wæran kôn, Durusil, wæSuyif enayi, kô ñander, kô ñasom pakowene ña Pol. Kô ñancæñkæl kô kæloku ka kælarij kôn Yesu Krist.

²⁵ Mba nte Pol enatefærne moloku mæn teta pælompu, teta kæsumpærne, kô kiti nkæ kændeder mæ, kô kænese kæyi Felikæs. K'oloku Pol: «Pæntæñne mæko tantæ. Mæko kæræna. K'indesæto tem-ε, indesow'am.»

²⁶ Felikæs enafõtoma a Pol æñkôsøn kô pæsam. It'oncsomæse tem fæp, pakowene kô Pol ñaloku-loku.

²⁷ Kô ñayi ti disre hanj kô meren meræñ mencepær, k'asækpær Felikæs dæbe, k'andæs Pærsiyus Fæstus. Mba nte Felikæs enafanñ kæbætæs abe aSuyif mera mæ, k'æsak Pol dæbili.

25

Awe Pol fæp ya wæbe wæka tæf ya Rom fæp kirinj

¹ Kædas ka Fæstus dæcom da dæbe tataka ta maas, k'eyefe dare da Sesari kækô ka Yerusalem.

² Alonñe apøn kô afum ael a dætæf aSuyif ñanñkô ñabokene nnô eyi mæ, teta Pol.

³ Kô ñanñbæc ñactola Fæstus kæmar kænjan pakere Pol Yerusalem, mba kô ñalompæs towul mpe ñantam kædife Pol dæpæ mæ.

⁴ Kô Fæstus oloku ña a ancanjær Pol dare da Sesari, a nkôn yati pæmar pækô di mata mamækô.

⁵ K'endenjær, «Afum acære kælok-loku anje ñayi nu dacô mæ, ñasol kô ina, sæko. Kô fum wækawe enalæsær tes-ε, ñakô ñalôm kæbokene kænjan dændo.»

⁶ Fæstus enacæpærne fe mata camæt-maas, kô pæyønne fe ti-ε mata wæco Yerusalem, k'olukus dare da Sesari. Dæckôsæk k'ende dænkiti, k'osom a pakere Pol.

⁷ Nte Pol ender mæ, kô aSuyif anje ñanator Yerusalem mæ ñanñkel kô, kô ñambonçe kô mes mæpøn melaræm, mme ñanatætam kæsækæs mæ.

⁸ Pol oncloku kæyacne kôn: «Ali tes ilæsær fe! Inciya fe sariye sa aSuyif, inciya fe kælo kæpøn ka Kanu, inciya fe Sesar.»

⁹ Fæstus, nwe enafanñ kæbætæs aSuyif mera mæ, eyif Pol: «Mæfanñ kæpe Yerusalem pakækit'am di fæp yem kirinj ba?»

¹⁰ Kô Pol oloku: «Fæp ya dænkiti da Sesar y'incæme kirinj tantæ, difô pæmar pakit'im. Ali tes ilæsære fe aSuyif, pæmæ tatokô mæna yati mæncære ti mæ.

¹¹ Kô pæyønne a inciya, kô pæyønne a iyo nte o nte pæmar padif'em mæ-ε, ifõtola a pananñen'em. Mba kô pæyønne a mes mæme ambonç'em mæyønne fe kance-ε, pæmar fe nwe o nwe pæsøn im ña. Intola ti wæbe wæka tæf ya Rom fæp pækit'im.»

¹² Awa Fæstus, nte ñalip kæmômæn mes mme kô amar æn mæ, k'oloku: «Nte maloku a Sesar mæfanñ a pækit'am mæ, kækô kô mænder Rom pækækit'am.»

Pol fæp ya Akripa kô Bernis kirinj

¹³ Nte mataka mælôm mæncepær mæ, wæbe Akripa kô wækire kôn Bernis ñander dare da Sesari, kædeyif Fæstus.

¹⁴ Nte ñawak di kæwon mæ, kô Fæstus ælomær wæbe nwe teta Pol, pæcloku: «Felikæs enasak fum wæloma dæbili.

¹⁵ Nte inakô Yerusalem mæ, alonñe apøn kô abeki a dætæf aSuyif ñanabokene tetøn, ñactola kædif kôn.

¹⁶ K'iloku ña a aRom ñafôsønñ fum kædif ta wækayi ñantatefærne kô abonçe æn mes-ε, pæyacne moloku mæko ambonçe kô mæ.

17 It'ɔsɔŋɛ nte ɲatɔwon kɛderɛnɛ nnɔ mɔ. Dɔckɔsɔk, k'inde dɛŋkiti, k'isom a pakɛɛ fum wɛkakɔ.

18 Nte aboncɛ ɔn mes ɲander mɔ, ali tes ɲamboncɛ fɛ kɔ nte inafɔtɔnɛ kɔ mɔ.

19 ɲaŋgbɛkɛlɛnɛ kɛgbɛkɛlɛnɛ dɛm teta dinɛ danɲan, kɔ teta Yesu wɛlɔma, nwe efi mɔ, mba kɔ Pol nkɔn oloku a eyi wɛyɛŋ.

20 Kɔ ina, nte intɔcɛɛ nte indeloku teta mes ma dinɛ danɲan mɔ, k'iyif Pol, kɔ pɛyɔnɛ ɔŋwɔsɛ kɛkɔ Yerusalem pakɛkiti kɔ dɛndo-ɛ.

21 Mba Pol ontola nte ɛfanj mɔ: A wɛbɛ kosu wɛlɛl pɛkiti kɔ, it'ɔsɔŋɛ nte iloku a pacanɔr kɔ haŋ ictam kɛkenɛ kɔ Sesar wɛbɛ wɛka tɔf ya Rom fɛp.»

22 Kɔ Akripa oloku Fɛstus: «Ina sɔ, ifaŋ kɛcɛŋkɛl fum wɛkawɛ.» Kɔ Fɛstus oloku: «Alna mɛncɛŋkɛl kɔ.»

23 Dɔckɔsɔk Akripa kɔ wɛkɪɛ kɔn Bernis ɲanderɛnɛ asos ɲayɛsɛ, kɔ ɲambɛɛ nde dukulɔ dɔkɔ aŋkiti mɔ, kɔ abɛ apɔŋ asɔdar aRom, kɔ afum alɛl a dare. Kɔ Fɛstus osom k'aŋkɛɛ Pol.

24 Awa kɔ Fɛstus oloku: «Wɛbɛ Akripa, kɔ nɔna fɛp fonu aŋɛ nɛyi su daco mɔ, nɔnanɲk fum wɛkawɛ, tetɔn tɔ aSuyif alarɛm akanɛ ɲambokɛnɛ nnɔ iyi mɔ. Kɛyɛfɛ Yerusalem haŋ nnɔ, ɲackulɛ-kulɛ a pɛmar fɛ pɛyi doru.

25 Kɔ ina, inɛŋk fɛ nte ɔ nte pɛmar a padifɛ kɔ mɔ. Mba nte nkɔn wɛsɛrka ontola a wɛbɛ kosu wɛlɛl pɛkiti kɔ mɔ, it'incɛm-cɛmɛnɛ kɛdekɛnɛ kɔ Pol wɛkawɛ.

26 Nte intɔyɔ nte ɔ nte tosoku tecicɛ wɛbɛ kosu wɛlɛl teta fum wɛkawɛ mɔ, it'ɲkɛɛnɛ kɔ fɔr yonu kirɪŋ, pɛnanɲkanɛ mɛna wɛbɛ Akripa, nɛyifɛt kɔ nte tɔŋsɔŋɛ isɔtɔ tɔkɔ indicɛ mɔ.

27 Bawo, pɛwuren'em kɛyi samɛnɛ, kɛsɔŋ kelmani packɛkɛɛ Rom ta mɛsɔkɛs kɛcɛc mes mɔkɔ amboncɛ kɔ mɔ-ɛ.»

26

Pol kɛyɛcɛnɛ kɔn nnɔ Akripa eyi mɔ

1 Kɔ Akripa oloku Pol: «Awos'am kɛloku-loku tetam.»

Kɔ Pol ondɔt kɛca kɛlɛk moloku kɛyɛcɛnɛ.

2 «Pɛmbɔt im, Wɛbɛ Akripa, kɛnanɲkɛnɛ mɔkɔ ideyɛcɛnɛ nnɔ mɛyi mɔ mes mɛmɛ aSuyif alɔma ɲamboncɛ em mɔ.

3 Mɛncɛɛɛ bɛlbɛl mes mokur aŋa ma aSuyif kɔ kɛgbɛkɛlɛnɛ ka mi. ɪɛtsɛn'am mɛcɛŋkɛl im bɛlbɛl.

4 aSuyif fɛp ɲancɛɛ nte tɛnɛyɔnɛ tɛyi tɛm kɛyɛfɛ dowut dem mɔ, dɛkɛcɔp nte inayi afum em daco Yerusalem mɔ.

5 ɲancɛɛ'em kɛyɛfɛ nte pɛnawon mɔ, ɲantam sɔ kɛbɔncɛ ti, bawo fɔr yaŋan yati ɲanatɔŋnɛ mes kɔ mɔyɔ ma doru dem fɛp, a cɛFarisi c'inayi, kɛgba ka afum ako ɲananɲkanɛ kɛyɛŋkɛ mes dinɛ dosu mɔ.

6 Mɔkɔ ayi kɛkit'im, bawo ɲgbɛkɛr amera temɛr nte Kanu kɛnasɔŋ atɛm asu mɔ.

7 Cusuŋka cosu nɛɛ wɛcɔ kɔ mɛɛɛŋ cɛŋsali tɛm fɛp, danj kɔ pibi, ɲayɔ amera kɛsɔtɔ ka kɛlɛkɛ temɛr kanjɔ. Wɛbɛ, teta kɛgbɛkɛr amera kanjɔ kɔ aSuyif ɲamboncɛ em mes.

8 Teta ake tɔ nɛntɔfanɛ kɛlanj a Kanu kɛŋsɔŋɛ fum kɛfɔtɛ dɛdɛfi-ɛ?

9 Ina wɛkawɛ yati, inacɛm-cɛmɛnɛ kɛsimɛs kɔ tɛwɛ ta Yesu wɛNasaret sɛpɔ fɛp.

10 It'inayɔ Yerusalem, ina wɛkawɛ yati inabɛr afum acɛmpɪ alarɛm dɛbili kɛtam disɛrɛ nɛɛ abɛ a alɔŋnɛ ɲanasɔŋ im mɔ. Nte ɲancloku kɛdif kɛŋan mɔ, ina sɔ incwɔsɛ ti.

11 Incko dāwōlō wa dākətōla Kanu da aSuyif fəp, ictərəs alaj, incgbəc ɲa kəlōmās tewē ta Yesu. Pæctel'em nnō ɲayi mō, incbelās ɲa han sədare səcuru.»

Pol olom kakafale kən amera

12 «Ti tenasɔɲe dōsək nde indekō dare da Damas mō, kətam kō kəsom ka abe a aloɲne apɔɲ.

13 Daɲ deɕfan kəbəp, Wəbe Akripa, k'inəɲk dādo dəpə pəwan̄kəra mpe pənakel im kō afum akō sənāsol mō. Pəmot mpe pənayefe dākōm mō, pocmot pətās dec.

14 Kō səntempene fəp fosu dāntof, k'ine dim doclok'im cəEbre: «Sol, Sol, ta ake tō məntərəs em-ε? Ta ake tō məmbərə pəmō wana cəɲgbangban ca mariki mam dāntof-ε.»

15 K'iyif: «Mariki, an'ɔfɔ-ε?»

K'oluks'em: «In'ɔfɔ Yesu, nwe mənā məyi kətərəs mō.

16 Mba məyefe məcəme wēcək wam kəroɲ. Məcəre tes nte tōsɔɲ'em kəwurər əm mō: Iyek-yek əm kəyɔne ka wəbəc kem, məyɔne sō wətəɲne mes məkō mənəɲk nnō iyi mō kō məkō indesəwurər əm mō.

17 Indebaɲ əm afum am akaɲe dəwaca kō atəyɔne aSuyif nda aɲe indesom əm mō,

18 kəkomepi ɲa fər. Nte tɔɲsɔɲe ɲawur dəkəbump ɲatefərne pəwan̄kəra, ɲawur kətam ka Sentani ɲayi kətam ka Kanu disre mō. Kō ɲalaj im-ε, ɲandesotō kəɲaɲne ka kiciya kəɲan, ɲasotō dəkəcəme afum daco aɲe ɲayɔne aka Kanu mō.»

Pol oloku yebac yɔn

19 «Ti disre, Wəbe Akripa, iyen̄kər fe kənəɲk nke kəɲyefe darenc mō domp.

20 Mba inacam kərəsna nnō afum aka Damas kō aka Yerusalem, kəbəp ka afum aka atof ɲa Yude fəp han atəyɔne aSuyif. Iloku ɲa kəsəkpər bəkac ɲakafələ nnō Kanu kəyi mō, ɲayɔ məyɔ mətət mme meɲmentər kəsəkpər kəɲan bəkac mō.

21 Tante tenasɔɲe kō aSuyif ɲasumpər im nde kəlō kəpɔɲ ka Kanu disre, ɲacfan kədif im.

22 Mba kəbum ka Kanu kəsɔɲ'em kəyi doru han məkō, iyɔne sede sən nnō awut kō abeki ɲayi mō. Ifoloku nte o nte sayibe kō Musa ɲanatoloku mō,

23 kəcəre a Krist endekekəre pəcuca, k'ɔyɔne wəyefe wəcəkō-cəkō defi-ε, nkən endecam teta pəwan̄kəra nnō aSuyif kō atəyɔne aSuyif ɲayi mō.»

Pol kafan kən kəsɔɲe Akripa kəlan

24 Nte Pol oncloku moloku mən mɛyacəne mō, kō Festus oɲkulərne: «Pol cəpō mətamne fe? Kətəkəs kam kələrəm kəsɔɲ'am kətōtamne.»

25 Kō Pol oloku: «Daka o daka dəyɔ f'em. Intamne keɲ, Wəbe kem wələl, Festus! Moloku ma kance kō molompu m'iyi kəloku.

26 Wəbe encəre maməkō fəp, it'ɲloke mi kəlan disre fər yən kirin̄. Incəre a məcəre mes maməkō fəp, bawo mənəcəpər fər ya afum kirin̄.

27 Wəbe Akripa, məlan̄ sayibe ba? Incəre belbel a məlan̄ ɲa!»

28 Kō Akripa oloku Pol: «Kō məsəp kəberene pəpic-ε, məɲsɔɲ'em kəyɔne wəlan̄ Krist.»

29 Kō Pol oloku: «Təyɔne a ndekəl kō pəyɔne fe ti-ε, tekirin̄, intola kō Kanu kəwosε-ε, kəyefe mənā han akō ɲayi kəcəɲkəl im məkō mō, ɲəyi pəmō ina, mba ta gbekce yayε yeyi ti de.»

30 Awa wəbe ka atof, wəbe ka sədare səlarəm, Bernis, kəbəp ka afum akō ɲanandε kō ɲa mō fəp ɲayefe.

³¹ Nte ɲancwur mɔ ɲaclokene: «Fum wɛkawɛ ɔyɔ fɛ nte o nte pɛmar padifɛ kɔ, kɔ pɔyɔnɛ fɛ ti-ɛ pabɛr kɔ dɛbili mɔ.»

³² Kɔ Akripa nkɔn oloku Fɛstus: «K'antam kɛsak fum wɛkawɛ pɛtɔ-yɔnɛ fɔ ewe wɛbɛ wɛka Rom-ɛ.»

27

Aɲkekɛrɛ Pol Rom

¹ Nte antɔɲne oɲ a sɛbɛkɛ debil kɛkɔ ka atɔf ɲa Itali mɔ, k'asɔɲ Pol kɔ afum alɔma akɔ ɲanayi dɛbili mɔ wɛsɔdar wɛpɔɲ wɛlɔma nwe ancwe Yuliyus mɔ. Wɛbum ka wɛbɛ wɛka Rom ɛnayɔnɛ, k'asom kɔ kɛkɛkɛs ɲa.

² Kɔ sɛmbɛkɛ dɛbil kɔyɛfɛ ka dare da Adaramit kɛkɔ ka cɔgbɛp ca Asi kɔ sɛɲkɔ sɔpɛ. Aristarko wɛMasedon wɛka dare da Tesaloni ɛnayi su daco.

³ Dɔckɔsɔk kɔ sɛmbɛrɛ Sidɔɲ. Yuliyus nwe ɔncyɔ Pol mes mɔtɔt mɔ, owosɛ kɔ kɛkɔ ndena anapa ɔn kɛkɔtɛnɔr ɲa kɛmar kɛlɔma.

⁴ Nte sɔyɛfɛ dɛndo mɔ, kɔ sɛsumpɛr kɛca ka Sipɛr bawo sɛncgbɔfnɛ afɛf.

⁵ Nte sɛncali kɛba nke mɛnc moɲsut tɔf ya Silisi kɔ Panfili mɔ, kɔ sɛɲkɔ sɛtor dare da Mira, atɔf ɲa Lisi.

⁶ Dɛndo kɔ wɛbɛ wɛsɔdar ɔsɔtɔ dɛndo abil nɲɛ ɲanakɔyɛfɛ dare da Aleksandar kɛkɔ ka Itali mɔ, k'ɛmbɛk su ɲi disrɛ.

⁷ Mataka melarɛm disrɛ sɛckɔt mɛtɛn dɛkɛba. Pɛcuca disrɛ pɔ sɛnadɛbɔp Sinidi, mba nte afɛf ɲɛnatɔwosɛ su kɛkɔ pɛbɔlɛ mɔ, kɔ sɛsumpɛr agbɛp ɲa atɔf ɲa Kɛrɛt, kɔ sɛncɛpɛr Salmɔn.

⁸ Kɔ sɛɲgbɔfnɛ dobo dadɔkɔ pɛcuca disrɛ, kɔ sɛɲkɔ sɛbɔp kɛfɔ kanjɔ aɲwɛ «Cɛtɔnta Cɛtɔt,» ta pɛmbɔlɛnɛ di kɔ dare da Laseya-ɛ.

⁹ Nte tɛm tɛlarɛm tɛncɛpɛr, akɔ kɛkɔtɛnɛ abil kɛncyɔ kɛyɔ dɛm wɛywey mɔ, kɔ mata ma kɛsuɲ mɛncɛpɛr-ɛ. Kɔ Pol ɛɲgbiɲɛr ɲa:

¹⁰ «Anapa, inɛɲk a kɛkɔt kosu kanjɛ kɛyɔ wɛywey. Abil kɔ yɛcamɛs yɔkɔ yeyi ɲi disrɛ mɔ yɛndɛlɛɛ, sɛna aɲɛ sɔyi ɲi disrɛ mɔ yati sɛtɔrɔ.»

¹¹ Mba wɛbɛ wɛsɔdar pɔlanj wɛgbɛk abil kɔ wɛka ɲi, ta ewe moloku ma Pol daka-ɛ.

¹² Nte tendɛɲrɛnɛ ti mɔ, kɛtɔnta kɛnatɛsɛ fɛ kɛcɔpɛrɛnɛ dɛrɛɲ. Kɔ ayi a abil ɲaɲɔkɔ disrɛ alarɛm ɲaloku kɔyɛfɛ ka di ɲabɛlar Fenik, kɛtɔnta ka Kɛrɛt nke kɛɲkɛɲkɛnɛ afɛf ɲɛdɛrɛɲ mɔ.

Afɛf ɲɔpɔɲ ɲosut dɛkɛba

¹³ Kɔ afɛf ɲɛpic ɲɛyɛfɛ kɛwur kɛca kɛtɔt, kɔ ɲancɛm-cɛmɛnɛ a ɲantam kɛyɔ tɛfan tanjan. Kɔ ɲayɛkti abɛla ɲanjan kɔ ɲasolɛnɛ dobo da Kɛrɛt, ɲagbɛrɛnɛ di.

¹⁴ Pɛwɔn fɛ kɔ afɛf ɲɔpɔɲ ɲɔkɔ ancwe «ɛrakilɔɲ» mɔ ɲowur kɔyɛfɛ ka mɔrɔ ma dare.

¹⁵ Kɔ afɛf ɲaɲɔkɔ ɲɛyɛfɛ kɛcɛrɛnɛnɛ abil ta antam sɔ kɛcɛmɛ afɛf ɲaɲɔkɔ kirin-ɛ, kɔ sɛsakɛnɛ kɔ ɲɛɲkɛkɛrɛ su ndɛ ɲɛnafan mɔ.

¹⁶ Sɔyi kɛcɛpɛr mokuru mɛfɛt mɔlɔma tantɔf, mɛmɛ ancwe Koda mɔ, kɔ sɛntam pɛcuca disrɛ kɛcɛmbɛrɛs abil.

¹⁷ Nte sɛlinjɛrɛnɛ ɲi mɔ, kɔ aɲɛ ɲayi kɛbɛc abil disrɛ mɔ ɲaɲkɔtɛ ɲi bɛnda yɔkɔ yɛnayɔnɛ yɛmɛɲkɛrɛnɛ mɔ, ɲacnɛsɛ kɛkɔlɔɲɛ agbɛp ɲa atɔf ɲa Siriti, bawo kɛrɛrɛ ka asɛnc kɛnayi di. Kɔ ɲaɲgbal aɲka, mba afɛf ɲosolɛ ɲa.

¹⁸ Nte afɛf ɲɛnanaɲkanɛ kɛyikɛc su mɔ, dɔckɔsɔk kɔ ɲaɲgbalɛs yɛcamɛs yɔlɔma dɛkɛba.

¹⁹ Tataka ta maas, kɔ abɛc a debil ɲasumpɛr gbalanji ba abil dɛwaca kɔ ɲaɲgbal bi dɛkɛba.

20 Mataka melarəm disre dec kə cəs yoncwur fε, afef ηεcbek oη kəbək dəm, telpəs kə səwure mera kəyi sə doru.

21 Njanadi fε yeri kəyefε nte pənawon mə. Itə kə Pol eyefε k'encəme ηa daco, k'oloku: «Anapa, pəcyəne a nənacəηkəl im ta nəyefε Kret nəyeki abela-ε, kə nəmbumnəna pəcyu pampε pəsətə su, kə ca nye yəsələr su mə.

22 Mba ndekəl oη, intola a ancəpəs nu bəkεc, bawo ali fum əfəfi nu daco, mənε abil ηendelece.

23 Itə nno pibi mēleke mələma ma Kanu nke iyəne wəkən kə nke inkor-koru mə, mowurərn'em.

24 Kə molok'im: «Ta mənese, Pol! Mənε məcəme fər ya wəbe ka tɔf ya Rom fəp kirin, tetam tə Kanu kəsake akanε nəyi abil ηaηε disre mə fəp kəyi doru.»

25 Nəcəpəsne bəkεc arkun, bawo ilan təkə Kanu kəlökun'em mə tendeyi.

26 Mba mənε pakəlonε mokuru mələma.»

27 Pibi pa wəco kə mankəle p'anakə pafecərəne su kəba ka Adiriya. Pibi daco kə akətene abil ηancəre a alətərne antɔf ηowosu.

28 Kə ηantore paka pelel pakotər pi kəbənda, kə ηanəηk a putukum pəmbəp mətər wəco maas kə camət-tin. Kə ηancəηne kirin kə ηawak sə, kə ηanəηk a pətukum pəmbəp mətər wəco mērəη kə camət-mērəη.

29 Nte ηanesene abil kəcanərəne masar mə, itə ηanəgbale anka mankəle tadarəη, kə ηande ηackar pəwanəkəra, mba pəcwon ηa.

30 Mba nte abəc a debil ηanafan kəyeksər abil mə, kə ηantore agbanke, ηacloku a ηakə ηəgbal anka tekirin ta abil.

31 Kə Pol oloku wəbe wəsədar kə asədar, «Kə afum akanε ηantəyi debil-ε, nəfətam kəyi doru.»

32 Kə asədar ηancopu bənda ya agbanke, kə ηasak ηi kə ηentempene.

33 Nəyi kəkər dec kəsək, kə Pol ewene fəp fosu kəkədi yeri, k'oloku: «Məko tataka ta wəco kə mankəle nte nəyi kəkər, ta nəndi yeri mə.

34 Intola nu oη kədi yeri, bawo pəmar nədi yi nte təηsəηe nəyacne mə. Ali wəkən nu daco, kəfon kən ka dərəmp kəfəsələr kə!»

35 Nte Pol elip kəlökü tatəkə mə, k'elek kəcom k'eyif Kanu barka fər ya afum fəp kirin, k'entepi ki, k'eyefε ki kəsəm.

36 Kə fəp fəncəp bəkεc kə ηayefε kəsəm cəcom.

37 Sənayi afum masar mērəη wəco camət-mērəη kə camət-tin (276) akə ηanayi abil ηaηəkə disre mə.

38 Nte fəp fənəmbərə mə, kə ηaηəbal malə melpəs dəkəba nte təηsəηe abil ηebərəne kəfoy mə.

Kəlonε ka abil

39 Nte dec dəsək mə, abəc a debil ηananəpəl fε antɔf, mba ηananəηk kərəre, kə ηancəm-cəmne kəcəηəs abil haη ηabəp ki.

40 Kə ηasikəli anka kə yontor dəkəba, kə ηasikəlene sə bənda ya yas nye anəgbekε abil mə. Kə ηayeki abela abil dəkəro, kə afef ηelek ηa, kə ηəncəηəs abil kəca ka dəkerere.

41 Mba kə ηaηkə ηapət kərəre acir mērəη daco, kə kəro ka abil kəmətne desənc, ηəntam fε sə kəcəηne kirin. Kə yam yəpəη yender yosut abil ηaηan kə ηeləsər ηi tadarəη.

42 Kə asədar ηancəm-cəmne kədif kə kelmani-e, ta wələma pəηerəη pəyeksər ηa.

43 Mba wəbe wəsədar nwe enacəm-cəmne kəmar Pol ta efi dəkəba mə, eyamsər asədar kəyo ka tefan tanan, k'oloku akə ηanacəre kəηerəη mə ηanəηkənε kətər dəkəba ηaηerəη nte təηsəηe ηape pəwosu mə.

44 Afum alpæs ako ñandelek cəbam kə cəpom ca abil ñaɲerəŋ ɲabəp ɲa dəndo dəpəwosu. Kə afum fəp ɲampɛ dəpəwosu, ali wəkin tes tɛnasəto fɛ.

28

Pol eyi Malit

1 Nte səmpɛ ta təlɔm o təlɔm təsəto fum mə, k'aloku su a mokuru maməko m'anjwe Malit.

2 Kə afum aka di ɲasumpər su belbel. Kə ɲaɲkekəɛ su kəkəsaye nɛnc ndɛ ɲanacəl teta wəcafən wəkə ɛnacop kətuf kə kəfe mə.

3 Pol ɛnawetəs yancan yəloma nyɛ ɛnayı kəcəl dənɛnc mə, mba teta pəwon, kə dɔf dowur yancan disrɛ kə dɛndɛtərne kə dəkəca.

4 Nte aka atɔf ɲaɲəkə ɲanaɲk dɔf dɛdɛtərne Pol dəkəca mə, kə ɲalokɛnɛ: «Fum wəkawɛ təloma wədif afum əyɔnɛ, bawo ɛntɛp kəccafɛ dəkəba, mba Pəlompɔ powosɛ fɛ nkən kəyi doru.»

5 Mba kə Pol ɛwɛs abok ɲɲɛ dənɛnc, ali ta pəncu kə-ɛ.

6 Afum akakə ɲackar a pəɲkəkəf kə dənda abok ɲɛnadɛtərne mə, kə pəyɔnɛ fɛ ti-ɛ pətɛmpɛnɛ pəfi. Nte ɲaɲkar kə pəwon ta ɲaɲɲaɲk təlɔm o təlɔm təsəto kə mə, kə ɲasəkɔpər tɛcɛm-cɛmɲɛ tɛɲan, kə ɲaloku a kanu kə əyɔnɛ.

7 Kəfo kanjəkə kəsək antɔf ɲɔpɔɲ ɲɛnayı di ɲa fum wəbeki wəpɔɲ wəkə mokuru maməko wəloma, pacwɛ kə Pubiliyu. Nkən ɛnasəɲ su dəkiki dətət mata maas.

8 Papa ka Pubiliyu ɛnafəntərə ta ɛntamɲɛ-ɛ, fiba kə kupur yeyi kə. Kə Pol ɛmbɛrər kə, k'əntola Kanu, pəcɛɲər kə waca, k'ɛntaməs kə.

9 Ti disrɛ kə acu aka mokuru alpæs ako ɲander sɔ, kə ɲa sɔ ɲantamɲɛ.

10 Kə aka dare ɲalɛləs su belbel, nte səndeyɛfɛ kəkə mə, k'asəɲ su ca yəkə pənamar su kəyɔ mə fəp.

Pol kəbəp kən Rom

11 Nte səncɛpərənɛ yof maas mə, kə səsəto abil ɲɲɛ ɲɛyɛfɛ dare da Aleksandər, kə ɲɛncɛpərənɛ dɛrəɲ mokuru ma Malit mə. Abil ɲaɲəkə ɲ'ancwɛ «Diyɔskur.»

12 Nte səmbɛrɛ dare da Sirakus mə, kə səyi di mata maas.

13 Kə səyɛfɛ dəndo, səsɔlnɛ agbɛp kə səɲkə səsumpər dare da Resiyo. Kə afɛf ɲa kəca kətət ɲɛyɛfɛ dɔckəsək, mata mɛrəɲ disrɛ kə səmbəp dare da Pusɔl.

14 Difɔ sənabəp awɛnc su aɲa alaɲ ako ɲanatola su kəyi di mata camət-mɛrəɲ mə. Təkət tantɛ tɔ sənəkət kəbɛrɛ dare da Rom.

15 Awɛnc su aɲa alaɲ a dare da Rom aɲɛ ɲanane tetosu mə, ɲander kəfaynɛ su haɲ ndɛ makit ma Apiyus, kə ndɛ ancwɛ Dəkiki Maas mə. Nte Pol ɛnəɲk ɲa mə, k'eyif Kanu barka, k'ɛmbɛrɛnɛ sɔ kəcəp abəkac.

16 Nte səmbɛrɛ Rom mə, k'awosɛ Pol kəyi taciɲa kə wəsədar wəkə ɔncbum kə mə.

Pol kəcam kən toloku tətət ta Kanu Rom

17 Nte mata maas mɛncɛpər mə, kə Pol ɛwɛ afum alɛl aSuyif aɲɛ ɲanayı Rom mə. Nte ɲambəpsɛnɛ mə, k'oloku ɲa: «Awɛnc im aɲa, ali tes iləsərə fɛ afum asu, ali tes iləsər fɛ ta mes mosu mokur ma atem asu, mba ɲanasumpər im ndɛ Yerusalɛm kə ɲambɛr im aRom dəwaca.

18 Nte ayifət im mə, abɛ akakə ɲanafan kəsak im, bawo ɲananəɲk fɛ nte o nte pəmar padif'em mə.

19 Mba aSuyif ɲawosɛ fɛ. Ti tɛnasəɲ'em kəwɛ kiti ka wəbɛ ka tɔf ya Rom fəp ta ifan kəboncɛ afum em tes-ɛ.

²⁰ Tes tatakò tósòŋe nte ifañ kànàŋke nu, isòŋe nu ti kəcərəe mǎ, bawo teta kəgbəkər amera ka afum a Yisrayel kəsòŋe nte ambər im gbekce yaye mǎ.»

²¹ Kò afum alel a Rom ñaloku kò: «Ali areka ñefet ñin səsòtò fə kəyefə atəf ña Yude tetam. Ali awənc su aña wəkin ender fə pəloku su pələc pam.

²² Mba səfan a sən'am kəlok-loku mǎna yati təkò mǎncəm-cəmne mǎ, bawo sǎncərə a kəgbəkələne kəyi mofò fəp teta kəgba nke məyi mǎ.»

²³ Kò ñamboc tataka, kò nte dəsək dadəkò dembər mǎ alarəm ñander nda Pol kəcəŋkəl kò. Kò Pol ɛncmentər ña pəsoku pəs dəYəcicəs Yosoku disrə mes ma dəbe da Kanu fəp, kəyefə sariyē sa Musa kəbər yecicəs ya Sayibe. Kəyefə bətbət hañ dəfəy kò Pol ɛncsɛp kəsòŋe ña kəlan teta Yesu.

²⁴ K'ɛŋkafəli afum alǎma kəlan təkò oncloku mǎ, mba alǎma ñanaləñ fə ti.

²⁵ Nte afum ñancsakətene kəgbəkələne disrə dǎndo onclok-loku mǎ, kò Pol enderər nte gbəcərəm: «Amera Nəcempɪ ña Kanu ñenəlok-lokər atem anu belbel, dəYəcicəs Yosoku ya aŋnabi Esayi,

²⁶ nte t'ɛnaloku:

«Məkò nno afum akanje ñayi mǎ, mǎloku:

Nəndewon kəcəŋkəl, mba nəfədecərə!

Nəndewon kəgbətne, mba nəfədenəŋkə few,

²⁷ bawo səbomp sa afum akanje səfətam kəcərəe,

ñasunc ləŋəs, kò ñamɛp fər

nte təŋsòŋe ta ñanəŋke yi,

nte təŋsòŋe ta ñanene ləŋəs yaŋan.

Ta bəkəc yaŋan yəsòŋe ña kəcərəe,

ñadəkafəle, ñaluksərne nno iyi mǎ, təsòŋe itaməs ña.»

²⁸⁻²⁹ Nəcərə a kəŋaŋne ka Kanu kəŋke atəyɔne aSuyif ñ'anakerē ki, ña ñandecəŋkəl ki.»

³⁰ Kò Pol eyi kəb kəŋkò ɔncsəŋ kəway mǎ meren merəŋ, difə akò ñancfan kəŋəŋk kò mǎ fəp ñancbər kò.

³¹ Pol pəccam dəbe da Kanu, pəctəkse afum teta Mariki Yesu Krist kəlan fəp disrə, ali tes ta ayamsər kə-ɛ.

Sak An'ɔ Sak ɔyɔnɛ-ɛ, t'ake tɔ pɛmar pakaraŋɛnɛ areka ŋɔn-ɛ?

Areka nɛɛfɛt nɛɛnɛ nɔyɔnɛ yecicas ya moloku ma Kanu, nɛɛnɛ alañ a Krist nambɔtɛr kɛkaraŋ doru dandɛ fɛp mɔ. Wɛnc ka Yesu, Sak, enacicas nɛɛ nte tɔŋsɔnɛ alañ aka Krist nɛɛcɛpɛs bɛkɛc yaraŋ, ali tɔyɔnɛ a nɛɛnɛyɛ dɛpɛcɛca. AKresi nɛɛnɛkɛle «Sak», aHebɛre nɛɛ nɛɛkɛle «Yakuba». Tewe tin tayi tɔ.

Sak enayɔnɛ wɛbɛki wɛlɛl acɔkɔ-cɔkɔ a kɛlɔŋkane ka alañ nɛɛ Yerusalem dacɔ. Dɛndo Yerusalem Sak enayɛ, nte kɛbɛpsɛnɛ kɛpɔŋ ka abeki kɛnacɛpɛr mɔ. K'ɛmar Paul kɔ Barnabas kɛsɔtɔ ka moloku kɔ mɔkɔt mɔtɔt nte nɛɛnɛgbɛkɛlɛnɛ kɔ aSuyif alɔma tɛta kɛkɛnc ka atɔyɔnɛ aSuyif mɔ. Antam kɛnɛŋk mes mamɔkɔ ndɛ buk ba Yɛbɛc ya Asom a Yesu disrɛ, sapitɛr 15.

Nnɔ areka nɛɛnɛ disrɛ, Sak enacɔŋɛs alañ a Yesu nte tɔŋsɔnɛ nɛɛmentɛr kɛlɔŋ kɛnɛn kɛtɔt dɛmɔyɔ mɔtɔt mɔ. Enatɛkɛ alañ tɔkɔ pɛmar nɛɛtam kɛsumpɛr kɛlɔŋ kɛtɔt kɔ dinɛ dosoku ndɛ Kanu kɛmbɔtɛr mɔ.

Sak enaloku alañ a nɛɛkɛmbɛrnɛ kɛbɔtɛr ka mes ma doru, k'ɔlɔm tin tin tin tɔkɔ tɔyɔnɛ kɛbɔtɛr ka Kanu kɔ kɛbɔtɛr ka afum alɔma mɔ.

Itɔ areka nɛɛ Sak nɛɛ nɛɛyɛnɛkɛs alañ bɛkɛc haŋ mata mosu mame ayi mɔ.

Sak

Kɔyif

¹ Ina Sak, wɛcar ka Kanu kɔ Mariki Yesu Krist, incicɛ nu areka nɛɛnɛ nɛna afum a Kanu cusuŋka wɛcɔ kɔ mɛrɛŋ (12) aŋɛ nɛɛsamsɛr doru mɔ, inyif nu!

Kɛlɔŋ kɔ kɛcɛrɛ

² Awɛnc'im aŋa alañ, kɔ nɛncɛpɛrɛnɛ pucɛca pɔlɔm-ɛ, nɛcɛm-cɛmɛnɛ pi pɛbotu disrɛ,

³ bawo nɛncɛrɛ kɔ kɛlɔŋ kɛncɛp kɛwakɛs fɛr kirin-ɛ, kɛŋsɔŋ kɛkar kɛbol-bolu.

⁴ Mba pɛmar kɛkar konu kɛbol-bolu kanɛkɔ kɛtesɛ, kɛlɛpsɛr sɔ, nte tɔsɔnɛ nu kɛbɛk kɛbɛk dɛm ta nte o nte tɔŋbut kɛlɔŋ konu mɔ.

⁵ Mba kɔ afum alɔma nɛɛyɛ nu dacɔ aŋɛ kɛcɛrɛ kɛkɔt kɛmbut mɔ-ɛ, pɛmar nɛɛ nɛɛtɔla ki Kanu, endesɔŋ nɛɛ ki. Bawo Kanu kɛmpocɛ afum fɛp abɛkɛc nɛɛtɔt ta kɛnal'ɛm-ɛ.

⁶ Mba mɛnɛ mɛtola Kanu kɛlɔŋ disrɛ ta kɛlɔŋ kam kɛmbut-ɛ! Bawo mɛna nwe mɛntolanɛ kɛnɛsɛrnɛ disrɛ mɔ, mɛyɛ pɛmɔ yam ya dɛkɛba, nyɛ afɛf nɛɛnyɛkɛtɛ nɛɛwɛn kɛsɛk mɔ.

⁷ Ta fum wɛkakɔ pɛcɛm-cɛmɛnɛ kɛsɔtɛr paka mɛpɛ o mɛpɛ yɔpocɛ yɔn dacɔ,

⁸ bawo fum wɛkakɔ ɔntɔmpɛr fɛ tɔyɔ tin, ɔfɔcɛrɛ dɛpɔ ndɛ o ndɛ ɔŋsumpɛr dɛyɛkɔt yɔn mɔ.

Wɛka daka kɔ wɛtɔyɔ daka

⁹ Pɛmar wɛnc kosu wɛlɔŋ wɛtɔyɔ daka pɛpus, bawo Kanu kɛndɛpɛnɛ kɔ.

¹⁰ Pɛmar wɛka daka pɛpus, bawo Kanu kɛndɛtɔrɛ dɛkɛcɛmɛ dɔn, ɛndɛkɛcɛpɛr pɛmɔ pɛlɛŋk pa dɛkulum.

¹¹ Kɔ dec dɔwur-ɛ, nne yowon yowosɛs yika, yɛlɛŋk ya yi yɛtɛmpɛnɛ, detes da yi dɔsɛlɛ. Itɔ pɛyɛ sɔ wɛka daka, ɔŋsɛlɛ dɛmosumpɛr-sumpɛr mɔn.

Pucɛca kɔ mɛwakɛs

¹² Pəbət fum nwe embər mēwakəs mə! K'ancərəe kə dəkəcəmə dətət-ε, əhkəsətə kəway kətət ka kiyi kən doru nke Mariki enasəñ temer kəsəñ afum añe ɲambətər kə mə.

¹³ Ta nwe o nwe pəwakəs pələc mpe mēfanj mən mēndelinərne kə mēcpene kə abəkəc a pəloku: «Kanu kəwak kəsəñ'em kəciya,» bawo afətam kəsəñe Kanu kəciya, kə nkan Kanu kəfəsəñe fum o fum kəberε kiciya disre.

¹⁴ Mba nwe o nwe mēfanj mən mēlec mēñliñərne kə kəwakəs kəyə tes tēlec, mēcpene kə abəkəc.

¹⁵ Kə mēfanj mēlec mēmbəkəs-ε, mokom kiciya, kiciya kəbəkəs kəkom defi.

¹⁶ Awenc'im aña añe imbətər mə, ta nəwose a pətiñkər un,

¹⁷ bawo kəpocε kətət kə kətəñne nke o nke darenc kəñyefe. Kanu Kas nke kəlopəs yomətər-motər ya darenc mə, otore ki, nkan Kanu nke kəntəsəkpər ali kəmpər ka fər mə.

¹⁸ Bawo tatəkə t'ēnafanj ti k'əñkome su sə tamerəñ toloku ta kance, nte təñsəñe payəne yebanəs yəcəkə-cəkə ya yolompəs yən dacə mə.

Mene fum wətət pəyə məyə mətət!

¹⁹ Nəcərə tantε belbel awenc'im aña: Pəmar nwe o nwe pəcələk kəcəñkəl, ta pəbelkər kəlok-loku, pəcwon kətēle kə,

²⁰ bawo mētele məfəsəñ kəlomp fər ya Kanu kirinj.

²¹ Nəliñne pəyikyik fəp kə mes mēlec fəp mme nəcyə mə, nəbanje waca mērəñ toloku nte anatəp nu. Toloku nte tentam kəyac kəyi konu doru mə.

²² Nəcəmə toloku darəñ, ta nəyəne acəñkəl gbəcərəm añe ɲantiñkərne mə!

²³ Nwe o nwe edecəñkəl toloku ta əñkət ti mə, owurene fum nwe endeməmənne kəro demem mə.

²⁴ K'elip kəməmənne belbel-ε, pəkə, pəpələrne katəna alulu* ɲən təkə ɲeyina mə.

²⁵ Məna nwe məñkəkce sariye sətəñne sətət nse səsikəli afum mə, məsumpər si belbel, bafə məyəne wəcəñkəl ka si gbəcərəm nwe empələr mə de, mba wəcəñkəl nwe encəmə mes məyə mətət ma si darəñ belbel mə. Pəbət fum nwe encəmə si darəñ mə.

²⁶ Kə fum encəm-cəmne kəyəne wəka dine ta eñkəmbərne kəloku-loku-ε, abəkəc ɲən ɲeyi kəmpəs, dine dən dəsək fε.

²⁷ Dine dosoku nde dəntəyə ali tēbelək ta pəbir-bir nde fər ya Kanu Papa kosu kirinj mə dəyəne nte: Nəgbəkəre awut añe akere kə akas aña ɲafi mə, kə aran añe awos aña ɲafi mə dəpucuca pañan. Nəkəmbərne mes mēlec ma doru fəp.

2

Ta nəcəmene fum

¹ Awenc'im aña, kə nəlanj Mariki kosu Yesu Krist nwe debeki dən dəmbək mə-ε, ta nəcəmene afum!

² Kə fum emberε nde kələ ka dəkətola donu Kanu pəberne kurunde ka kəma dətələr pəberne yaməs yətət, wələma wətəyə daka sə pəberε pəberne yaməs yələc-ε,

³ nəñkəfəli fər nno wəberne yaməs yətət eyi mə. Nəloku kə: «Məna, mənde nno dəcəm dətət nde!» Mba nəloku wətəyə daka: «Məna, məcəmə nde», kə pəyənne fε ti-ε, nəloku kə: «Mənde nde dətəgbəkəle pəkə.»

⁴ Kə nəyə tatəkə-ε, bafə nəmbocne tatəkə kiti ba? Pəmar fε nu kəyə ti!

* 1:24 Alulu = «andulu»

5 Nēcəŋkəl awenc'im aŋa aŋe imbətər mō: Kanu kəyək-yək atəyō daka doru dandē nte ŋantam kəbek kəlanj mō, ŋasotō kē ka dēbē da Kanu nke enasəŋ temer kəsəŋ aŋe ŋambətər kō mō.

6 Mba nəna, nəfər-fərəs atəyō daka! Bafō aka daka akakō ŋantərəs un, bafō ŋa ŋaŋkəkərē nu dabē kəkocəŋər nu ba?

7 Bafō ŋa ŋaŋlōməs tewē tətət ta Mariki ba?

8 Kō pəyōnē a nəcəmə sariyē sa abē darəŋ pəmō təkō Yecicās Yosoku yoloku ti mō: «Məbətər wenc əm pəmō təkō məmbətərne mō!» Kō nəyō ti-ε, nəyō belbel.

9 Mba kō nəncəmənē afum-ε, nənciya tēm tatəkō, sariyē səmar kəsumpər un aciya, bawo nələləs fē si.

10 Kō fum encəmə sariyē fəp darəŋ mba pəciya toloku tin gbōŋ ta si-ε, sariyē səmar kəsumpər əm bawo mələləs fē si fəp.

11 Bawo nwe enaloku: «Ta məsumpər dalakō!» mō, enaloku sō: «Ta mədif fum!» Ti disrē, kō məsak kəsumpər dalakō mba mədif fum-ε, pəmar sariyē səsumpər əm, bawo mələləs fē si.

12 Pəmar nəlok-loku kō nəyō pəmō afum aŋe aŋkəkəkitine sariyē nse səsəŋ afum akakō kəsikələ mō.

13 Afōdekəyōnē nənəfər fum nwe əntəyōnē akō nənəfər mō, bawo nənəfər detam kiti.

Kəlanj kō məyō

14 Ake dəkəcəmə dō tatəkō dəyō-ε, awenc'im aŋa, fum kəcloku: «İlanj» mba k'əntō kəcmentər ti dəməyō mətət-ε? Kəlanj kəŋkō kəntam kəyəc kō ba?

15 Kō wenc əm wərkun kō pəyōnē fē ti, wenc əm wəran pəyi ta yōy yamos, ta yōy yeri yōn ya dəsək-ε,

16 mba kō nələmbərne ŋa: «Kanu kəsōlē nu! Kanu kəsəŋ nu yamos yətət! Kanu kəsəŋ nu yeri yelərəm!» ta nəsəŋ ŋa ca yəkō yombut ŋa mō-ε, ake dəkəcəmə dō təyō-ε?

17 Itō kəlanj nke kəntəmentərne dāmes məyō mətət mō kəlanj kəfi kō kəyōnē.

18 Mba fum wələma pəloku: «Məna məyō kəlanj, kō ina iyō mes məyō mətət.» Ina icyif ŋa: «Məmentər'im cəke cō kəlanj kəntam kəyi ta mes məyō mətət meyi-ε. Kō pəyōnē ina-ε, dāmes məyō mətət mem injmentər kəlanj.»

19 Məna məlanj a Kanu kin kō. Məyō ti belbel. Itō yəŋk yeləŋ sō, mba yeyi kəyikcənē kənese.

20 Məntamne fē ba? Məfanj kəcərə, a kəlanj nke kəntəsəl kō mes məyō mətət mō kəyō fē dəkəcəmə ba?

21 Ak'enasəŋe Kanu kələm bembə bosu Abraham wələmpu-ε? Teta mes mən məyō, bawo enasəŋ wan kən Siyaka nde dətetek teta kələŋnēnē kō Kanu.

22 Mənəŋk kəlanj kən kō mes mən məyō mətət menasumpərənē: Dāmes mən məyō mətət, kəlanj kəmentərne a kəmbut fē kō.

23 Tante tō yecicās yenalare, kəcloku: «Abraham enalanj Kanu, kō Kanu kələm kō wələmpu teta kəlanj kən.» K'awe kō wanapa ka Kanu.

24 Nənəŋk ti oŋ, Kanu kəfənəŋk dolompu da fum teta kəlanj kən gbəcərəm, mba kəməmən sō mes mən məyō mətət.

25 Ti tənayi sō teta Rahabu wəran wəyamayama, bafō dāmes mən məyō mətət Kanu kənaləm kō wələmpu, nte wəran nwe enabanj asom aka Yisrayel mō, k'enjkafele k'ementər ŋa dəpō dələma mō ba?

26 Itō pəyi sō dis nde dəntəsəl kō ni mō defi, kəlanj nke kəntəsəl kō mes məyō mətət mō kəfi.

3

Kācambār temer

1 Awenc'im aŋa, ta nəwosε kəla kəyōnε ka atəkse, bawo səna aŋε səntəkse mō, andekəbocε su kiti nkε kəndekəyεŋk kətas ka afum alpəs akō mō.

2 Anciya fəp fosu mōyō melarəm. Kō fum əntō kəcciya dətəkō oŋloku mō, fum wəlompu əfō, nwe entam kəcambār dis dən fəp təkō eŋfaŋ mō.

3 Aŋgbāməs fələs fεc dəcusu nte təŋsəŋε yecəme tefan tosu darəŋ mō, antam kəsolε dis dayi fəp.

4 Nəcem-cemne sō cibil cəpəŋ; Kō afef ŋəpəŋ ŋewen ci-ε, ŋas ŋefεt ŋeŋkafəli ŋi, wəgbək pəkəkəre ŋi nnō o nnō eŋfaŋ mō.

5 Temer sō, paka pefεt pō pəyōnε dəris, mba pentam kəpus kəyōnε ka paka pəkō pəŋsəŋε mes məpəŋ kəyefε mō. Nəcem-cemne nenc dεfεt ndε dentam kəcəf kulum kəpəŋ mō!

6 Temer ta fum sō nenc dō! Paka pələc pō mpe peyi su dəris mō, pi peŋyik-yikas dis dosu fəp. Pi pendikəc nenc da yahanama kəyi kosu doru fəp.

7 Fum entam kəcambār sem ya doru tefan tən: Sem ya dōp fəp, bemp, yeliŋε-liŋε kō sem ya dəkəba. Ayi kəcambār sem ya doru fəp tefan ta fum, k'encambār yi tefan tən.

8 Mba fum əfətam kəcambār temer tefan tən: Paka pələc pō kō peyi kəkafələ-kafələ tem fəp, pələre məkən* tεp mme meŋdif mō.

9 Pi pō səŋkor-kore nwe əyōnε Mariki kō Papa mō, mba sō pi pō səntolanε pələc afum aŋε Kanu kəlompəs ŋawurenε kō nkən mō.

10 Moloku ma kətolanε pətōt kō ma kətolanε pələc kusu kin kaŋkε kō moŋwur. Awenc im aŋa, pəmar fε teyi tatəkō de!

11 Kələmp kin kəfəsəŋ domun dobotu kō dodokət.

12 Awenc im aŋa, akomp ŋeyi ŋε ŋoŋkom məntambenc mō ba? Kō pəyōnε fε ti, alembərə ŋoŋkom comp ba? Kələmp ka domun dodokət kəfətam kəsəŋ domun dobotu.

Kəcərə nkε kəyefε darenc mō

13 Fum eyi nu dacō nwe encem-cemne kəsək domp, pəyō sō kəcərə kəkət mō ba? Pəmar wəkakō pəmentər ti dəmes mən mətōt mōsumpər, pəbōte mi amera kō kəcərə kəkət.

14 Mba kō nəntəmpər bəkəc yelare kəraca kədokət kō amera ŋa kələknε-ε, nəsak kəpusε kəcərə konu mes, nəcyemsenε kance.

15 Kəcərə kəkət kaŋkō bafō darenc kəyefε, mba nnō dəntōf kaŋkō kəyefε dəkəcem-cemne ka fum kō ka yəŋk.

16 Bawo nnō o nnō kəraca kō amera ŋa kələknε ŋeŋyi mō, pəyamayama kō mōyō melec fəp meŋyi di.

17 Mba kəcərə kəkət nkε kəyefε darenc mō, kənuŋkənε kō kəncemp, kō tεyefε dānda kō kəyō pəforu, dərεnc, kəcəŋkəl moloku ma afum, kəla nənəfər kō mōyō mətōt, kəfəyer fum, kəfətensər fum kəbət.

18 Pəmō fum nwe əmbōf meŋgben mətōt dəntōf k'əsōtō yetel yōtōt mō, aten pəforu aŋε ŋambōf pəforu disre mō, ŋandesōtō yetel ya dolompu.

4

Kəbətər ka ca ya doru

* 3:8 Məkən = məkən

1 ¹ Deke kəwan kəlarəm kɔ deke kəgbekələne kəlarəm kənyɛfɛ nu dacɔ-ɛ, kɔ pəntɔyɔnɛ dəmɛfan mɛlɛc mɛ mɛnɔsɔtɛnɛ dis donu fəp disrɛ mɔ?

2 Nəfan ta nəsɔtɔ-ɛ. Nədif fum, kɔ nəyɔnɛ afum kəraca, mba nəfɔtam kəsɔtɔ nte o nte. Nəberɛnɛ kəcɔp kəlarəm kɔ kəwan kəlarəm, mba nəyɔ fɛ, bawo nəntola fɛ Kanu.

3 Nəntola Kanu ta nəsɔtɔ-ɛ, bawo bəkəc yɛlɛc yɔ nəntolanɛ, nte tənɔnɛ nɛtam kəsɔtɔ kələsər-ləsər teta mɛfan monu mɔ.

4 Asumpər dalakɔ! Nəncərə fɛ a kəyɔnɛ wanapa ka doru dandɛ kəyɔnɛ wəterɛnɛ ka Kanu ba? Məna nwe mənɛfan kəyɔnɛ wanapa ka pələc pa doru mɔ, məsɔnɛnɛ kəyɔnɛ ka wəterɛnɛ ka Kanu.

5 Yecicəs Yosoku yolok-loku fɛ samnɛ, kəcloku: «Kanu kəfan han kɔ amera nɛjɛ ənabər su mɔ nɛmbas kɔ.»

6 Mba kəmar ka kəbɔt amera nkɛ ɔsɔn su mɔ kəmbək, itɔ Yecicəs yoloku: «Kanu kəntɛfərɛnɛ alɛknɛ, mba atələknɛ nɔ Kanu kənɔn kəmar ka kəbɔt kən amera.»

7 Itɔ pəmar nəyi Kanu darən, kɔ nəyɛnkər nɔnk nɛlɛc səbomp-ɛ, nɛnyɛksər nu pəbɔlɛ.

8 Nəlɔtərɛ Kanu, ki sɔ kənɔlɔtərɛ nu. Nəsəkəsɛnɛ waca nəna aciya! Məsəkəsɛnɛ abəkəc məna nwe o nwe məntɔtəmpər pɛcɛm-cɛmnɛ pin mɔ!

9 Nənɔnɛ telər kəyi konu pucuca, nəndɛ kəbal ka pi, nəbɔk! Kəsɛl konu kəsəkɔpər kəyɔnɛ nu kəbɔk ka kəbal, pəbotu ponu pəyɔnɛ nu kəmənɛnɛ.

¹⁰ Nətorɛ banca nnɔ Mariki eyi mɔ, k'endɛpɛnɛ nu.

Ta məyɛmsɛnɛ wɛnc əm wəlan

11 Awɛnc'im anɔ, ta nəyɛmsɛnɛnɛ! Nwe nɛyɛmsɛnɛ wɛnc, kɔ pəyɔnɛ fɛ ti-ɛ, pəkiti kɔ mɔ, sariyɛ s'eyi kəyɛmsɛnɛ, sariyɛ s'eyi kəkiti. Kɔ mənɔkiti sariyɛ, ta məyɔnɛ fum nwe ɛncəmɛ si darən mɔ-ɛ, wəbɔc kiti ka si məyɔnɛ.

12 Bawo Kanu sona kəsɔn su sariyɛ, ki kəntam kəbɔc kiti. Kanu sona kəntam kəyɔc, kɔ pəyɔnɛ fɛ ti-ɛ, kəmələk. An'ɔ məna məyɔnɛ ɔn-ɛ, məna nwe mənɔkiti wəndɛ kam mɔ?

Ta mələknɛ

13 Nəcənɔkəl'im, ndɛkəl ɔn nəna anɛ nənɔloku: «Məkɔ kɔ pəyɔnɛ fɛ ti alna dare ndɛ dɔ sənɔk, səkɔcɛpərɛnɛ di tɛrɛn tin, sənɔkɔcaməs, səsɔtɔ pəsam pɛlarəm.»

14 Ta nəncərə təkɔ doru donu dɛnyɔ nu alna mɔ! Doru donu dowurɛnɛ kibi nkɛ kəntuf tɛm tɛpic kəsakɛ sɔ mɔ.

15 Mba nte tɔ pəmar nəloku: «Kɔ Mariki ɛfan ti-ɛ, sənɔyɔ doru, səyɔ nte kɔ pəyɔnɛ fɛ ti-ɛ təkɔ.»

16 Mba nəyɛk-yekəsɛnɛ kɔ nəlom. Kəlom fəp mɛs mɛlɛc mɔ kəyɔnɛ.

17 Kɔ fum ɛncərə təkɔ anɔyɔ pətɔt ta ɔnyɔ pi-ɛ, wəkakɔ ɔyɔ tɛs tɛlɛc.

5

Kəbɛnɛ ka aka daka

1 Nɛkəl ɔn nəcənɔkəl'im, nəna aka daka! Nəbɔk nəsənɛ-sənɛ teta pəcuɔ mɛpɛ pɛndɛbɔp nu mɔ!

2 Daka donu dɛntɛ, yɛt yɔsəm yamos yonu.

3 Kɛma konu kɔ gbɛti bonu yosumpər mərka. Mərka mɛ mənɔkɔyɔnɛ sɛdɛ nɛ səndɛkɔsumpər nu kiti mɔ, mərka məcəm dis donu pəmɔ nɛnc mɔ. Mataka mɛlpəs mame nəwɛtəs daka.

⁴ Nənəŋk! Kəway nke nənagbək abəce anu dale mə, kəŋkule. Kəbokene ka atel anu kəŋkə kəbere Mariki ma asodar a darenc dələŋəs.

⁵ Nənacepərəne doru donu kəsətə daka delarəm disre kə nənacepərər tefan tonu. Bəkəc yonu yenanembəre pəmə nte asəŋəs pəcəl yeri pətəf teta dəsək nde aŋkofay pi mə.

⁶ Nənboc kiti nəsoŋe padif fum wəlompu, nwe əntəgbəkəl nu mə.

Kəkar kə kətola

⁷ Nəŋarŋe nəkar awenc'im aŋa alaŋ, haŋ Mariki pəcder. Nənəŋk təkə wəbifti dale eŋkar yetel yətət ya antəf mə: Encəre a mēne wəcafən ka mələfe kə wəka dərəŋ delpəs pətuf kərəsna.

⁸ Nəna sə, nəŋarŋe nəkar, nəyēŋk bəkəc, bawo kəder ka Mariki kəlotərne.

⁹ Ta nəbokərəne, awenc'im aŋa alaŋ, nte təŋsoŋe ta Mariki eŋkiti nu mə. Wəkiti ələtərne, pəmbəle fe sə pəbere!

¹⁰ Awenc'im aŋa alaŋ, nəcem-cemne sayibe-e aŋe ŋanalok-loke tewe ta Mariki mə. Nətubucne kəkar kəbol-bolu ka aŋe ŋanabər pucuca mə.

¹¹ Nənəŋk təkə səntam kəloku a pəmbət aŋe ŋanabər pucuca mə. Nənane pəcloku kəkar kəbol-bolu ka Yobu, nənəcəre təkə Mariki enayəne kə telpəs mə. Mariki əla nənəfər k'əmbət amera.

¹² Pənəŋkane, awenc'im aŋa, ta nəderme darenc, ta nəderme antəf, ta nəderəm kəderəm nke o nke. Mba dəmederəm monu pəmar məloku: «Ey» kə pəyəne kance kə-e, məloku: «Ala» kə pəyəne a bafə kance kə-e, nte təŋsoŋe ta nantempene kiti dəntəf mə.

¹³ Fum eyi nu dacə nwe eyi pəcuca mə ba? Pəmar pətola Kanu. Fum eyi pəbotu nu dacə ba? Pələŋəs meleŋ ma kəkorkoru Kanu.

¹⁴ Fum wətətamne eyi nu dacə ba? Pəmar fum wəkakə pəwe abeki a kəloŋkane ka alaŋ, ŋatola Kanu tetən, ŋabəy kə moro mepic dərəmp tewe ta Mariki.

¹⁵ Kə fum ontola Kanu kə kəlaŋ-e, kətola kən kəndesəŋe wətətamne kətamne. Mariki eŋyekti kə pəcəmbər, k'enayə mes melec-e, Kanu kənderəŋarŋene kə mi.

¹⁶ Nəcəŋsene kiciya konu, nətolanene, nte təŋsoŋe nətamne mə. Kətola ka fum wəlompu kəyə fənəntər nfe fəntam kəsəkper mes mə.

¹⁷ Eli fum enayi pəmə səna. Pətola pəyēŋki fəp wəcafən kətoder, kə wəcafən əntəf haŋ meren maas kə yof camət-tin.

¹⁸ Kə Eli ontola sə Kanu, kə wəcafən ontuf sə, kə antəf ŋəsəŋ sə yokom.

¹⁹ Awenc'im aŋa, kə wəkin eŋgbayme kance-e, wələma entam kəliŋərne kə pəsolnene kə dəpə da kance.

²⁰ Wəkakə pəcəre nte: Nwe oŋsolnene wəciya dəpə da Kanu mə, endeyac kə defi, pəkufun mes melec melarəm.

1 Isan

An'ɔ Isan ɔyɔnɛ-ɛ, t'ake tɔ pɛmar pakaraŋɛnɛ areka ŋɔn-ɛ?

Areka ŋɔcɔkɔ-cɔkɔ ŋa Isan ŋɔ ŋaŋɛ nɛ anacic meren wɔcɔ camɛt-maas kɔ kɛcamɛt (85) kɛbɛp ka meren wɔcɔ camɛt-manjkɛle kɔ kɛcamɛt (95) nte kɛkom ka Krist kɛnacepɛr mɔ. Isan enamentɛrɛnɛ fɛ kɔyɔnɛ ka wɛcicɛs ka areka ŋaŋɛ, mba sapitɛr sɛcɔkɔ-cɔkɔ sɛmentɛr a fɔr yɔn kirin yɔ kɔyi ka Yesu doru kɔ kɛfɔtɛ kɔn afi dacɔ kɔ mes mamɔkɔ mɛnacepɛr (1.1-3). Tecicɛs ta areka ŋa Isan tɔlɔtɛrɛnɛ kɔwureɛnɛ kɔ tecicɛs nte ambɛp dɛKawandi ka Isan mɔ. Ancɛm-cɛmɛnɛ a Isan enacicɛs Kawandi kɔn kɔ reka nɛyɛ maas dare da Efesi, nde enandɛ mɔ: Areka ŋa Isan ŋɔcɔkɔ-cɔkɔ, ŋa mɛrɛŋ, kɔ ŋa maas.

Isan enacicɛ alɛŋ fɛp tɛm nte kɛlɔŋkanɛ ka alɛŋ kɛnayi dɛpɛuca pa afum alɔma aŋɛ ancwɛ «acɛrɛ» mɔ. Afum akakɔ ŋancɛm-cɛmɛnɛ a Yesu Kanu yati enayɔnɛ, bafɔ fum enayi nwe ɔyɔnɛ dis kɔ mecir pɛyi antɔf kɛrɔŋ mɔ. It'ɔsɔŋɛ Isan kɛcicɛs kɛsɔŋɛ kɛcɛrɛ a fɔr yɔn kirin mes ma kɔyi doru ka Yesu kɛnacepɛr haŋ nkɔnsɛrka pɛcgbuŋɛnɛ Yesu waca wɔn yati (1.1-3). Isan enacic areka ŋaŋɛ nte tɔŋsɔŋɛ pɛlas pɛbotu pɔn mɔ (1 Isan 1.4), pɛsɔŋɛ alɛŋ kɛtɔciya (1 Isan 2.1), pɛbum alɛŋ mɛtɛkɛ ma yem (1 Isan 2.26), pɛyɛŋkɛs alɛŋ bɛkɛc kɛsɔŋɛ ŋa kɛcɛrɛ a ayac ŋa (5.13).

Tokotɛrɛnɛ ta moloku ma areka

1. Isan ementɛr areka ŋɔn, k'oloku tes nte tɔsɔŋɛ k'ancic ŋi mɔ (1.1-4).
2. Isan enasɔksɛr afum nte Kanu kɔyɔnɛ pɛwanjkɛra mɔ, pɛmar pɛcepɛrɛnɛ doru kɔyi dɛpɛwanjkɛra pɛmɔ tɔkɔ Yesu enacepɛrɛnɛ di mɔ (1.5-3.10).
3. Nte tɛncɛmɛ ti darɛŋ mɔ, Isan enacɛm-cɛmɛs tosom nte tɔyɔnɛ ta kɛbɔtɛrɛnɛ mɔ (3.11-5.12).
4. Moloku mɛlpɛs (5.13-21).

Toloku ta kiyi wɛyɛŋ

¹ Tɔkɔ tɛnayi kɛyɛfɛ dɛkɛcɔp, nte sɛnane, nte sɛnanɛŋkɛ fɔr yosu, nte sɛnagbɛkɛrɛ kɔ waca wosu wonjgbuŋsɛrɛnɛ ti mɔ, ti tɔyɔnɛ toloku ta kiyi wɛyɛŋ.

² Awa kiyi wɛyɛŋ kɛmentɛrɛnɛ, kɔ sɛnɛŋk ki, sɛndɛŋk sede sa ki, sɛloku nu kiyi wɛyɛŋ ka doru o doru, nke kɛnayi Kas kɛsɛk akɔ kɛmentɛrɛnɛ su mɔ.

³ Sɛndɛŋkɛr nɛna nte sɛnanɛŋk kɔ sɛnɛ mɔ, nte tɔŋsɔŋɛ nɛna sɔ nɛtɛŋnɛ kɔ sɛna, patɛŋnɛ fɛp fosu kɔ Kas kɔ wan kɔn Yesu Krist mɔ.

⁴ Tatɔkɔ, sɛna, sɛncic ti, nte tɔŋsɔŋɛ pɛbotu posu pɛlarɛ mɔ.

Kanu pɛwanjkɛra pɔ

⁵ Tosom nte sɛnanɛnɛ Krist mɔ, tɔ sɛndɛŋkɛr nu, ti tɔyɔnɛ Kanu pɛwanjkɛra pɔ, kubump nke o nke kɔyi fɛ kɔ.

⁶ Kɔ sɛloku a sɛntɛŋnɛ kɔ nkɔn mba sɛkɔt dɛkubump-ɛ, kɛyɛmɛ kɔ sɛndɛ, sɛyi fɛ kɛcyɔ nte kance kɛloku mɔ.

⁷ Mba kɔ sɛndekɔt pɛwanjkɛra disrɛ, pɛmɔ tɔkɔ nkɔnsɛrka eyi pɛwanjkɛra mɔ-ɛ, sɛyi kɛtɛŋnɛ disrɛ kɔ akɔ ŋayi dɛpɛwanjkɛra mɔ, mecir ma Yesu wan kɔn mɛndɛsɛkɛs su pɛciya fɛp.

⁸ Kɔ sɛloku a sɛyɔ fɛ kiciya-ɛ, kɛtiŋkɛrɛnɛ kɔ sɛndɛ, kance kɔyi fɛ su.

⁹ Kɔ sɛwosɛ kɛcɛŋ kiciya kosu-ɛ, Kanu kɛŋyɔ tɔkɔ kɛnaloku mɔ, kɛlomp, kɛndɛŋaŋnɛnɛ su kiciya kosu, kɛsɔkɛs su pɛtɔlomp fɛp.

¹⁰ Kə səloku a sənciya fε-ε, səsəŋe pəyi pəmə Kanu wəyeme əfə, toloku tən teyi fε su.

2

Krist ender kəmar su

¹ Awut em, incic'on tantε nte təŋsəŋe ta nənciya mə. Mba kə fum enciya-ε, səyə wəmar nwε eyi nde Papa kəsək mə, Yesu Krist, wəlompu.

² Nkən yati əyənε polonŋe mpe pəŋkump kiciya kosu mə, bafə kiciya ka səna gbəcərəm, mba ka aka doru dandε fəp.

³ Kə səmənjkərne mosom ma Kanu-ε, səntam kəcloku a səncərə kə.

⁴ Nwε oŋloku: «Incərə kə» ta wəkayi emənjkərne mosom mən-ε, wəyeme əfə, kance kəyi fε kə.

⁵ Mba nwε emənjkərne toloku tən mə, kance kəyi wəkayi, kəbətər ka Kanu kəmbut fε kə. Nte təŋsəŋe a səncərə a səyi kə nkən:

⁶ Nwε oŋloku kəyi kə Kanu mə, pəmar pəkət pəmə Yesu.

⁷ Nəna aŋε imbətər mə, bafə tosom tofu t'incic'on, mba tosom tokur nte nənasətə kəyεfε dəkəcop mə. Tosom tokur tatəkə təyənε toloku təkə nənane mə.

⁸ Kəca kələma, tosom tofu t'incic'on nte təyənε kance nnə Krist eyi mə kə nnə nəna nəyi mə, bawo kubump kəncəpər kə pəwanjkəra pa kance peyi oŋ kəmar.

⁹ Nwε oŋloku kəyi dəpəwanjkəra mba wəkayi pəter wənc wəlan mə, əsərəyi dəkubump.

¹⁰ Nwε əmbətər wənc wəlan mə eyi dəpəwanjkəra, nnə eyi mə, nte o nte teyi fε nte tempət kə mə.

¹¹ Mba nwε enter wənc wəlan mə, dəkubump eyi kəkət, encərə fε nde eyi kəkə mə, bawo kubump kəsəŋe kə fər kətənəŋk.

Kətəfərne ka doru kə ka ater a Krist

¹² Kəcic'on k'indε awut em,
bawo aŋaŋnən'on kiciya konu teta tewe ta Krist.

¹³ Kəcic'on k'indε, papa aŋa,
bawo nəncərə wəkə enayi kəyεfε dəkəcop mə.

Kəcic'on k'indε, nəna atemp,
bawo nəntam Wələc, Sentani.

¹⁴ Incic'on awut em,
bawo nəncərə Papa Kanu.

Incic'on papa aŋa,
bawo nəncərə wəkə enayi kəyεfε dəkəcop mə.

Incic'on nəna atemp,
bawo nəyə səkət,
kə toloku ta Kanu teyi nu,
kə nəntam Wələc, Sentani.

¹⁵ Ta nəbətər mes ma doru, ta nəbətər sə daka da doru. Kə fum əmbətər mes ma doru-ε, kəbətər ka Papa Kanu kəfəyi kə.

¹⁶ Bawo daka o daka nde deyι doru mə, bafə ndena Papa Kanu dəŋyεfε, mba da doru dandε də. Kəyεfε tefan tələc ta dis kəkə tefan tələc ta fər kəbəp ka kəlan ka kədət banca ka kəsətə ka daka dadəkə, maməkə fəp doru dandε dəyə mi.

¹⁷ Doru dandε dendelip kə mefan mələc ma di, mba məna nwε mənçəme tefan ta Kanu darəŋ mə, məŋyi wəyεŋ doru o doru.

18 Awut em, dec delpæs d'ayi dandæ! Nənanə pacloku a wəter ka Krist endeder. Kance kə: Ater a Krist ŋala ŋj ndəkəl. It'əsəŋe nte səncərəne a dec delpæs dəmbəp mə.

19 Ŋanawur kətəŋne kosu disre, mba bafə akosu ŋanayi. Bawo ŋanayəne akosu-ε, kə ŋanader ŋayi kə səna. Tementərne ali wəkin ŋa dacə enayəne fe wəkosu.

20 Kə nəna, nəsətər Krist Amera Ŋecempi, it'əsəŋe nte fəp fonu nəncərə kance mə.

21 Incic'on, təyəne fe a nəncərə fe kance, mba bawo ali yem yin yeyi fe dəkance nkε nəncərə mə.

22 An'əyəne wəyeme, kə pəyəne fe nwe ence kəloku a Yesu əyəne Krist mə-ε? Awa wəkakə əyəne wəter ka Krist, wəkakə ece Papa Kanu kə Wan.

23 Nwe o nwe ence Wan mə, əyə fe sə Papa Kanu. Nwe owosε pəloku sə teta Wan mə, nkən əyə sə Papa Kanu.

24 Kə nəna, nəmējkarne təkə nənanə kəyefe dəkəcop mə. Kə nəmējkarne təkə nənanə kəyefe dəkəcop mə-ε, nəna sə nəŋyi dəWan kə dəKas.

25 Temer nte Krist enasəŋ su mə, təyəne kiyi wəyən ka doru o doru.

26 Incic'on tantε teta akə ŋantijkar'un mə.

27 Kə nəna, kəbəy ka Amera Ŋecempi ŋəkə nənasətər Krist mə, kəyi nu. Kəder ka fum kədetəks'on kəyə fe dəkəcəme nnə nəyi mə, bawo kəbəy kən kəntəks'on mes fəp. Kəbəy ka Amera Ŋecempi kanə kəyəne kance, kəyə fe yem. Awa! Nəsumpər kəyi dəKrist pəmə təkə kəbəy ka Amera Ŋecempi kənətəks'on mə.

Awut a Kanu

28 Ndekəl ŋj awut em, nəsumpər kəyi dəKrist, nte təŋsəŋe pəyəne tem nte o nte Krist endementərne mə, pətəmpər kəbəkne ta malap mme o mme məsəŋe su kəbəle kə tem ta kəder kən.

29 Kə nəncərə a Krist olomp-ε, nəcərə sə a nwe o nwe ŋkət pəlompu disre mə, dokom da Kanu d'eyefe.

3

1 Nəməmən ma kəbətər kəpəŋ nkε Papa Kanu əsəŋ su mə, kəbətər kanə kəsəŋe pacwe su «awut a Kanu.» Ŋa ŋə səyəne yati! K'afum a doru ŋantəcərə su-ε, təyəne a ŋancərə fe Kanu.

2 Nəna aŋe imbətər mə, ndekəl ŋj awut a Kanu ŋə səyəne. Teyi nte səndeyi mə tementərne fe kərəsna. Mba səncərə a tem o tem nte Krist endementərne mə, səndewurəne kə nkən, bawo səndenəŋk kə pəmə təkə eyi mə.

3 Nwe o nwe ətəmpər kəgbəkər amera kanə, əŋsəkəsne pəmə təkə Krist əsək mə.

4 Nwe o nwe enciya mə, bafə sariye sa Kanu s'encəme darəŋ. Bawo kiciya, kəyənkar ka sariye sasəkə domp kə.

5 Awa! Nəncərə ti, Krist enamentərne kədəliŋ kiciya. Kə nkən, kiciya kəyi fe kə.

6 Nwe o nwe eyi kə Krist mə, əfəciya. Nwe o nwe enciya mə encərə fe kə, ali katin enəŋk fe kə.

7 Awut em, ta fum o fum pətijkar nu! Nwe əŋyə tes tolompu mə, wəlompu əfə, pəmə təkə Krist olomp mə.

8 Nwe enciya mə dəŋəŋk ŋelεc eyefe, bawo ŋəŋk ŋelεc ŋenaciya kəyefe dəkəcop. Kə Wan ka Kanu enamentərne-ε, teta kələsər ka yebəc ya ŋəŋk ŋelεc kənayi.

9 Nwe o nwe enyefe dokom da Kanu mə əfəciya, bawo defet da Kanu, ndε dəyəne toloku tən mə, deyi kə. Wəkayi əfətəm kəciya bawo dəKanu eyefe.

10 Ti tøyöne tenepäle ta ayefe dokom da Kanu kó ayefe dokom da ñònk ñeléc: Nwé o nwé óntóyó pólompú mǎ, bafó dokom da Kanu d'eyefe, tin tayi tó kó nwé óntóbótar wenc wélanj mǎ.

Pabótárené!

11 Tosom tanté tó nánane káyefe dákácop: Pabótárené!

12 Ta payó pǎmǎ Kayén, nwé ényayefe dáWálec, Sentani, k'endif wenc mǎ. T'ake t'énadifé kó-é? Bawo yebác yón yénalomp fé, ya wenc yolomp.

13 Awenc im anja, ta teciyanen'on k'afum a doru ñanter nu-é.

14 Sǎna, sǎncǎre a nde defí deyi mǎ sáyefe, kó sǎnkó nde kiyi wáyeñ káyi mǎ, bawo sǎmbótár awenc asu alanj. Nwé óntóbótar wenc mǎ, eyi nde defí deyi mǎ.

15 Nwé o nwé enter wenc mǎ wádif fum ófó. Nǎncǎre ali wádif fum wákin, kiyi wáyeñ ka doru o doru káyi fé kó.

16 Tanté tǎñsǎñe su kǎcǎre kǎbótár: Krist ósǎñ kiyi wáyeñ kǎn teta sǎna. Sǎna só pǎmar sǎsǎñ kiyi wáyeñ kosu teta awenc asu alanj.

17 Mba kó fum wélmǎ óyó daka da doru, pǎnǎnk wenc wélanj páyi dápǎcúca, mba pǎgbótár wenc wákakó abákác-é, cǎke cǎ kǎbótár ka Kanu káyi wákayi-é?

18 Awut em, ta payó kǎbótár ka dámoloku kó dátemer gbǎcǎrǎm, mba payó kǎbótár nké kǎñmentǎrne dámyó kó dákance mǎ.

Kélanj ka afum Kanu fǎr kirinj

19 Tǎtókó tǎñsǎñe su kǎcǎre a aka kance ñó sáyóne, bákác yosu yófór Kanu fǎr kirinj.

20 Bawo kó bákác yosu yoloku a sǎnciya-é, Kanu kǎmbék kǎtas yi, kó kǎncǎre mes fǎp.

21 Nǎna anje imbótár mǎ, kó bákác yosu yóntóluku su a sǎnciya-é, sáyó kǎbákne nde Kanu káyi mǎ.

22 Nte o nte sǎntola mǎ sǎñsǎtar kó ti, bawo sǎmérikárne mosom mǎn, kó sǎñyó só mes mmé mǎmbót kó mǎ.

23 Tosom tǎn tenté: Págbékár tewe ta wan kǎn Yesu Krist kélanj, pabótárené pǎmǎ tosom tókó énasom su mǎ.

24 Mǎna nwé mǎmérikárne mosom mǎmókó mǎ, máyi dáKanu, pǎmǎ nte Kanu káyi dámana wákayi mǎ. Amera Njécempi ñókó énasǎñ su mǎ, ñǎñsǎñe kǎcǎre a Kanu káyi su.

4

Amera ña Kanu kó ña wáterene kǎn

1 Nǎna anje imbótár mǎ, ta nǎlanj akó ñabáñene káyó Amera mǎ fǎp. Mba náókce yi nte tǎñsǎñe nǎtam kǎcǎre kó páyóne ya dáKanu yó-é, bawo sayibe sa yem sǎlarǎm sǎsǎmsǎr doru.

2 Tanté disre nǎntam kǎcǎre a Amera ña Kanu ñó: Amera ññe o ññe ñóñwose kǎcǎre a Yesu Krist éñader páyóne fum mǎ, ña Kanu ñó.

3 Mba amera ññe o ññe ñóntǎwose kǎloku a Yesu éñader cǎfum mǎ, bafó ña Kanu ñó, ña wáter Krist ñó. Nǎnane pacloku a kǎder kó wáter ka Krist éñde, ndékál óñ eyi doru.

4 Nǎna awut em, aka Kanu ñó náyóne, kó nǎntam sayibe sa yem, bawo nwé eyi nu mǎ, éntas nwé eyi doru mǎ.

5 Ña, aka doru ñó. Ti tǎsǎñe nte moloku máñan máyóne ma doru mǎ, kó doru dencǎñkál ña.

6 Sǎna, aka Kanu ñó sáyóne. Nwé éncǎre Kanu mǎ, éncǎñkál su. Nwé óntáyóne wáká Kanu mǎ ófǎcǎñkál su. Ti tǎsǎñe su kǎcǎre amera ña kance kó amera ña kǎtíñkár.

Kanu, kəbətər kə

⁷ Nəna aŋe imbətər mə, pabətərəne,
bawo kəbətər dokom da Kanu də kəyefe.
Nwe o nwe əbətər, dokom da Kanu d'eyefe,
k'encəre sə Kanu.

⁸ Nwe əntəbətər mə, encəre fe Kanu ali katin,
bawo Kanu, kəbətər kə.

⁹ Tante tə kəbətər ka Kanu kənaməntərne su daco:

Kə Kanu kəsom wan kən sona doru nte tərşəŋe pəmar su səsətər kə kiya wəyən mə.

¹⁰ Kəbətər kaŋkə,

bafə sən'əbətər Kanu,
mba nkən əbətər su.

Kə Kanu kəmbətər su haŋ kə kəsom wan kən,
nwe əyənə polonjə mpe poŋkump kiciya kosu mə.

¹¹ Nəna aŋe imbətər mə, kə Kanu kəmbətər su tante-ε, pəmar səna alaŋ sə fəp pabətərəne.

¹² Ali katin fum o fum eŋgbətne fe Kanu. Kə səmbətərəne-ε, Kanu kəŋyi su daco,
kəbətər kən kəfəbut su.

¹³ Tante tə səntam kəcəre a səyi dəKanu, kə Kanu kəyi dəsəna: Bawo əsəŋ su Amera ŋən.

¹⁴ Kə səna səŋgbətne, kə səyənə sede a Papa osom Wan kədeyənə wəyac ka doru.

¹⁵ Nwe o nwe oŋwose kəloku a Yesu əyənə Wan ka Kanu mə, Kanu kəŋyi kə,
nkən sə pəyi dəKanu.

¹⁶ Kə səna, səncəre kəbətər nke Kanu kəmbətər su mə, kə səŋgbəkər kəbətər kaŋkə kəlaŋ.

Kanu, kəbətər kə. Nwe eŋyi kəbətər disre mə, eyi dəKanu, Kanu kəyi dəwəkayi.

¹⁷ Kə kəbətər kosu kəntəbut-ε, tərşəŋe su kəbəkne dəsək nde Kanu kəŋkiti su mə. Ta ake-ε? Bawo kiya kosu doru kəwurəne kə ka Yesu Krist.

¹⁸ Kənesε kəyi fe kəbətər disre. Kə kəbətər kəntəbut-ε, kəmbələs kənesε. Bawo kənesε kəncəm-εməs a kətərəs kəndeder. Wənesε, kəbətər kəmbut kə.

¹⁹ Kə səna, səmbətər, bawo Kanu kənanuŋkəne kəbətər su.

²⁰ Kə fum oloku: «Imbətər Kanu» mba pəter wənc wəlaŋ-ε, wəyeme əfə,
bawo nwe əntəbətər wənc nwe eŋnəŋk mə, əfətam kəbətər Kanu nke əntənəŋk mə.

²¹ Tosom tante tə Kanu kənasom su: Nwe əmbətər Kanu mə, pəmar pəbətər sə wənc.

5*Kətam kosu ka doru*

¹ Nwe o nwe eiaŋ a Yesu əyənə Krist mə, fum wəkəkə dokom da Kanu d'eyefe.
Nwe o nwe əmbətər wəkombərə mə, əmbətər sə nwe eyefe dokom da wəkayi mə.

² Kə səmbətər Kanu, səcəme sə mosom mən darəŋ-ε, səntam kəcəre a səmbətər awut a Kanu.

³ Bawo kəbətər ka Kanu kəyənə a səmeŋkərne mosom mən. Mosom maməkə məfətərəs,

⁴ bawo nwe o nwe eyefe dokom da Kanu mə, entam doru. Tes nte təsəŋe su kətam doru mə, it'əyənə kəlaŋ kosu.

⁵ An'oyone wətam ka doru-ε, kə pəyone fe nwe elaj a Yesu oyone Wan ka Kanu mə?

⁶ Nkən Yesu Krist nwe enader su kə domun da kəgbət kən dəromun kə mecir ma defi dən mə, bafə domun gbəcərəm d'ənakerε, mba domun kə mecir. Amara ηəsəη sede sasəkə, bawo Amara ηoyone kance.

⁷ Awa ca maas yəsəη sede sa ti:

⁸ Amara, domun kə mecir, ca yayε maas fəp yentəηne ti.

⁹ Kə səwosε sede sa afum-ε, sede sa Kanu səmbək sətəs si. Bawo sede sa Kanu səntəηne kəsəη sede teta Wan kən.

¹⁰ Nwe ηgbəkər kəlaη kən nde Wan ka Kanu eyi mə, oyə sede sasəkə d'nkənsərka. Nwe ɔntolaη Kanu mə, ηgbəkəl kance nkε Kanu kənaloku mə, bawo ηgbəkər fe kəlaη kən dəsede nse Kanu kəsəη teta Wan kən mə.

¹¹ Sede sasəkə səmentər a Kanu kəsəη su kiya wəyēη ka doru o doru. Kiyi wəyēη kaηkə, dəWan kən kəyi.

¹² Nwe oyə Wan mə, oyə sə kiya wəyēη. Nwe ɔntoyə Wan ka Kanu mə, ɔfəyə kiya wəyēη.

Kiyi wəyēη ka doru o doru

¹³ Tatəkə, incic'on ti, nte təηsəηne nu kəcərəε a nəyə kiya wəyēη ka doru o doru mə, nəna aηε nəηgbəkər kəlaη konu nde tewe ta Wan ka Kanu teyi mə.

¹⁴ Kəbaηse nkε səyə nnə tewe ta Wan ka Kanu teyi mə kəyone, kə səntola kə paka mpe o mpe tefaj tən disrε-ε, embaj su.

¹⁵ Kə pəyone a səncərəε a embaj su-ε, mpe o mpe pə səntola kə, səηsətər kə pi.

¹⁶ Kə fum ənəηk wənc wəlaη pəcciya kiciya nkε kəntəsolε kə dədəfi mə, pətolanε kə Kanu, wənc wəkakə ɔηsətə kiya wəyēη. Afum akə ηanciya kiciya nkε kəntəsolε dədəfi mə, η'ijloku taηan. Kiciya kəyi nkε kəsolε dədəfi mə, bafə kiciya kaηkə k'ijloku a patolanε ki de.

¹⁷ Kətəlomp nkε o nkε, kiciya kə. Mba kiciya kəyi nkε kətəsolε dədəfi mə.

¹⁸ Səncərəε a nwe o nwe eyefε dokom da Kanu mə, ɔfəciya. Bawo nwe eyefε dokom da Kanu mə ombum wəkayi, Wələc, Sentani, ɔfəgbuηεne kə.

¹⁹ Səncərəε a aka Kanu ηə səyone, mba aka doru fəp ηayi kətam ka Wələc, Sentani dəntəf.

²⁰ Mba səncərəε sə a Wan ka Kanu enader kədəsəη su kəsək domp, nte təηsəηne səcərəε nwe oyone Kance mə. DəKance ayi, dəkəmar ka Wan kən Yesu Krist. Nkən oyone Kanu ka kance yati kə kiya wəyēη ka doru o doru.

²¹ Awut em, nəkəmbərne mēfəηka.

2 Isanj

An'ò Isanj òyòné-é, t'ake tó pəmar pakaraŋéné areka ñon ña mērəŋ-é?

Isanj wəsom wəka Yesu enacicas areka ñon ña mērəŋ nɲe meren wəco camət-maas kò kəcamət (85) kəbəp ka meren wəco camət-maŋkələ kò kəcamət (95) nte kəkoma ka Yesu Krist kənacəpər mɔ. Isanj enamentərne fə kəyòné ka wəcicəs ka areka ñaŋé, mba encwene nkənsərka «Wəbeki». Moloku ma Areka ña mērəŋ ña Isanj mələtərne kəsurené mme ambəp Kawandi kən mɔ. Tatəkò tə tentam kəyi pəmɔ təkò oloku teta tosom ta Yesu mɔ, a pabətərne aŋe kò akò. Kò nte oloku kəbətər ka Yesu dəmosom mɔ (1.5-6, Isanj 15.9-10). Ancem-cemne a Isanj wəsom wəka Yesu enacicas Kawandi kən kò reka yòn maas tem nte enayi dare da Efesi mɔ. Isanj enacicə kəlonkane ka alaŋ a Yesu nke enawe «Wəran wəyek-yek kò awut ɔn»* mɔ. Təfaŋ ta Isanj nte tenasəŋe kò kəcicəs areka ñaŋe mɔ tenayòné kəyənəkəs kəlonkane ka alaŋ bəkəc pəsəŋe ña kəbumne metəkse ma yem.

Tokotərne ta moloku m'areka

1. Isanj oncop areka pəbɔnc akò ancicé ñi mɔ pəcyifene ña sò (1.1-3).
2. Kò tɛyefé danda-é pəcyenəkəs kəlonkane ka alaŋ a Yesu bəkəc, pəccem-ceməs ña sò tosom təkò tembek mosom fəp mɔ (1.4-6).
3. Kò tencepər-é, Isanj oloku afum kəkəmbərne atinəkər afum aŋe ñander mɔ (1.7-11).
4. Kəlonkane ka alaŋ a Yesu nke eyi mɔ, k'eləpsər kəyif (1.12-13).

Kəyif

¹ Ina, wəbeki, incic areka nɲe kəkò nda wəran nwe Kanu kəyek-yek mɔ† kò awut ɔn aŋe imbətər yati mɔ. Bafò ina sona ɔbətər nu, mba akò ñancərə kance mɔ fəp.

² Imbətər nu teta kance nke kəyi su kò kəndeyi su doru o doru mɔ.

³ Papa Kanu kò Yesu Krist wan ka Papa ñasəŋ su kəmar kifəli, nənəfər kò pəforu dəkance kò dəkəbətər mɔ.

Tosom nte asətər Papa mɔ

⁴ Bel-bel bə pəmbət im kəbəp awut am aləma ñackotene kance, pəmɔ təkò Papa osom su ti mɔ.

⁵ Ndekəl ɔŋ, məna wəran nwe Kanu kəyek-yek mɔ‡, intol'am nte iyi kəcic'am mɔ: Pabətərne! Bafò tosom tofu tə, mba nte sənəsətə kəyefé dəkəcop da kəlaŋ kosu mɔ.

⁶ Kəbətər kəyòné: Pəmar pakət mosom ma Kanu pəmɔ təkò kəloku mi mɔ. Tatəkò tɛyòné tosom nte pəmar nəkət mɔ, pəmɔ təkò nənane ti kəyefé dəkəcop da kəlaŋ konu mɔ.

⁷ Atinəkər afum alarəm ñasamsər doru, ñafati kəwosə kəloku a Yesu Krist kance disre ɔyòné fum. Wətinəkər afum wəkakə wəter ka Krist ɔyòné.

⁸ Nəkəmbərne nənəsərka nte tənəsəŋe ta yokom ya yebəc yonu yəsələr nu mɔ, mba nəsətəne ti kəway kətəŋnəne ka ti.

* : Isanj pətubcne kəlonkane ka alaŋ a Yesu kò «wəran wəyek-yek kò awut ɔn.» † 1:1 Wəran nwe Kanu kəyek-yek mɔ kò awut ɔn = kəlonkane ka alaŋ Yesu ‡ 1:5 Wəran nwe Kanu kəyek-yek mɔ = Kəlonkane ka alaŋ a Yesu.

⁹ Məna nwe o nwe ɔŋkɔ pəbɔle, mba ta məyi kətəksɛ ka Krist mə, məyɔ fe Kanu. Məna nwe mənyɪ kətəksɛ kaŋkɔ disre mə, məyɔ Kas kɔ Wan.

¹⁰ Kɔ fum ender pəy'un dacɔ mba ta ɛŋkɛɛ kətəksɛ kaŋkɔ-ɛ, ta məban kɔ nde ndaram, ta məyɪf kɔ yati.

¹¹ Bawo məna nwe mənyɪf kɔ mə, wəmar kɔn məyɔne dəyɛbɛc yɔn yɛɛc.

Moloku mɛlpəs

¹² Ali nte moloku mɛlar im kəloku nu mə, ifan fe kəloku nu mi d'areka ŋɛcɪcəs. Mba ɪŋgbəkər amera kəkɔnəŋk un, ilok-lokər nu patɛfərəne nte tɔŋsɔŋɛ pəbotu posu pɛlarɛ mə.

¹³ Awut a wəkɪrɛ kam nwe Kanu kəyɛk-yɛk mə§ ŋayɪf nu.

3 Isanj

An'ɔ Isanj ɔyɔnɛ-ɛ, t'ake tɔ pɛmar pakaranɛnɛ areka nɔn nɔa maas-ɛ?

Isanj wɛsom wɛka Yesu enacicɛs areka nɔa maas nɔnɛ. Enacicɛs nɔ meren wɛco camɛt-maas kɔ kɛcamɛt (85) kɛbɔp ka meren wɛco camɛt-manjkɛle kɔ kɛcamɛt (95) nte kɛkom ka Yesu Krist kɛnacepɛr mɔ (85-95). Isanj enamentɛrne fɛ kɛyɔnɛ ka wɛcicɛs ka areka nɔnɛ, mba encwɛnɛ nkɔnsɛrka «Wɛbeki» (1.1). Towurɛnɛ tayi tɔyɔ d'areka nɔa mɛrɛn nɔ Isanj (1.1). Ancɛm-cɛmnɛ a kɛlonkɛnɛ ka alanj a Yesu nɔ Isanj enacicɛse Kawandi kɔn kɔ reka yɔn maas nte enandɛ dare da Efesi mɔ. Wɛlanj wɛlɔma nwe ancwɛ Kayu mɔ, nkɔn Isanj enacicɛse areka nɔnɛ. Pɛclokɛr-lokɛr Kayu d'areka pɛmɔ wanapa kɔn, Isanj pɛsɔm kɔ kɛfaynɛ alanj a Yesu acikɛra anɛ nɔnjkɔt atɔf disrɛ mɔ.

Tokotɛnɛ ta moloku ma areka

1. Isanj ementɛr areka nɔn (1.1).
2. Isanj eyɛnkɛs Kayu abɛkɛc kɛmentɛr dofum nnɔ awɛnc anɔa nɔyɔ mɔ (1.2-8).
3. Kɔ tɛyɛfɛ dɛnda, k'oloku teta afum mɛrɛnɔ: Diyotɛrɛf kɔ Demeteri (1.9-12).
4. Dɛkɛlɛpsɛr k'ɛncanɔ areka nɔn (1.13-14).

Kɛyif

- 1 Ina, wɛbeki, incic areka nɔnɛ kɛkɔ nda mɛna Kayu, nwe imbɔtɛr yati mɔ.
- 2 Mɛna nwe imbɔtɛr mɔ, intola mes mam fɔp mɔckɔt belbel, mɛtamnɛ pɛmɔ nte amera nɔm nɔnjkɔt belbel mɔ.
- 3 Pɛnabɔt im belbel nte awɛnc asu alanj alɔma nɔnader nɔlok'im nte mɔyɔ dɛkancɛ kɔ tɔkɔ mɔnjkɔtɛnɛ sɔ ki mɔ.
- 4 Tes o tes tɛnanjkɛnɛ fɛ kɛbɔt im, mɛnɛ kɛnɛ a awut em nɔyɔ kɛkɔt kance disrɛ.

Kɛyɛnkɛ ka kɛlanj ka Kayu

- 5 Mɛna nwe imbɔtɛr mɔ, mɛmentɛr kɛyɛnkɛ ka kɛlanj kam dɛmɛs mam mɔyɔ fɔp mɛmɛ mɔnɔyɔnɛ awɛnc asu alanj hanj acikɛra mɔ.
- 6 Nɔnatɔnɛnɛ kɛbɔtɛr ka Kanu kam nnɔ kɛlonkɛnɛ k'alanj kɛyɔ mɔ. Mɛmar nɔ nɔsɔtɔ ca nɛɛ pɛmar nɔa kɛyɔ mɛrɛnt mɔnɔn disrɛ mɔ, pɛmɔ tɔkɔ Kanu kɛfan ti mɔ.
- 7 Bawo teta tewɛ ta Krist tɔ nɔawurɛnɛ, ali paka nɔawɛr fɛ atɔlanj.
- 8 Pɛmar sɛna sɔ sɛbanj afum akakɔ nte tɔnɔnɛnɛ pɛpɔnɛnɛ yɛbɛc teta kance.

Diyotɛrɛf kɔ Demeteri

- 9 Incicɛ kɛlonkɛnɛ k'alanj areka nɔlɔma, mba Diyotɛrɛf nwe dekirinɔ dɛmbɔt mɔ, owosɛ fɛ kɛbanj su.
- 10 It'ɔsɔnɛ, k'indɛdɛr-ɛ, indɛsɛksɛr nu mes mɔkɔ nɔyɔ mɔ fɔp, tɔkɔ ɛnyɛmsɛnɛ su mɔ. Tatɔkɔ tɔfɔtɔnɛnɛ kɔ, pɛcfati kɛmɛnk awɛnc alanj acikɛra, pɛcyamsɛr sɔ akɔ nɔnɔfɔn kɛmɛnk nɔa mɔ, pɛcbɛlɛs nɔa kɛlonkɛnɛ ka alanj dɛcɔ.
- 11 Mɛna nwe imbɔtɛr mɔ, ta mɛtubucnɛ pɛlɛc pa fum, mba pɛtɔt. Nwe o nwe nɔyɔ pɛtɔt mɔ, wɛka Kanu mɔyɔnɛ. Nwe nɔyɔ pɛlɛc mɔ, encɛrɛ fɛ Kanu.
- 12 Teta Demeteri, alanj fɔp nɔnatɔnɛnɛ a fum wɛtɔt ɔfɔ. Tɔkɔtɛnɛ tɔn pɛtɔt tɛmentɛr sɔ belbel a fum wɛlɔmpu ɔfɔ. Sɛna sɛndɛnɛr sɔ sɛdɛ sosu tɛtɔn, kɔ mɛncɛrɛ a kɛsumpɛr kosu sɛdɛ kance kɔ yati.

Kɛyif kɛlpɛs

¹³ Iyɔ mes mɛlarəm mecic'am mba ifaŋ fɛ kəloku nu mi d'areka ŋecicəs.

¹⁴ Intola ta pəwɔn sɔ sənəŋkɛnɛ, mba iŋgbəkər amera kəkənəŋk un, ilok-
lokər nu patɛfərənɛ.

¹⁵ Kanu kəsəŋ əm pəforu! Anapa asu ŋayif əm. Iyif anapa, nwɛ o nwɛ kɔ
tewɛ tən.